


---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<http://books.google.com>



. A . B . C . V .



6 . P . L . B . 6 . 9 .



MENTEM ALIT ET EXCOLIT



K.K. HOFBIBLIOTHEK  
ÖSTERR. NATIONALBIBLIOTHEK

---

41.F. 16

41. F. 16.







# C O D E X REGVLARVM

QVAS SANCTI PATRES  
MONACHIS,  
ET VIRGINIBVS

Sanctimonialibus seruandas præscribere;  
COLLECTVS OLIM A S. BENEDICTO

ANIANENSI ABBATE.

LVCAS HOLSTENIVS VATIC. BASIL. CANONICVS  
Et Bibliothecæ Præfectus in tres partes  
digestum, auctumque edidit.



ROMÆ, Excudit Vitalis Mascarthus, MDCLXI.

SUPERIORVM PERMISSV.



**SANCTISSIMO DOMINO  
N O S T R O  
ALEXANDRO VII.  
PONT. OPT. MAX.**

**CODICEM ANTIQVVM  
REGVLARVM MONASTICARVM**

**Ante annos octingentos à S. Benedicto  
Anianensi Abbate**

**C O L L E C T V M  
Et ab ipso**

**F A B I O C H I S I O**  
**Neritinarum tunc Episcopo , & apud Vbicos  
Apostolico Apocrisario, ex veteri Colonienfi  
Manuscripto Codice accuratè**

**DESCRIPTVM, & COLLATVM  
Nunc bono publico Typis**

**E D I T V M,  
Cum humillimo Pedum osculo**

**OFFERT, DAT, DICAT, CONSECRAT,  
Sedis Apostolicæ obsequijs deditissimus  
LVCAS HOLSTENIVS.**







# TYPOGRAPHVS LECTORI.



*LVCAS Holstenius Vir  
Illustrissimus, in quo nuper  
mortuo. Respublica Litera-  
ria iacturam fecit irrepa-  
rabilem, inter alia monu-  
menta Veterum, quæ tene-  
bris eruta luci publicæ plu-  
rima, & optima parabat, hanc Regularum  
collectionem antiquam à Colonienſi descriptam  
Co-*

*Codice meis dudum Typis excudendam cura-  
uerat ; Editionem interim differens , spe eius  
tum collatione nouorum Codicum emendandæ ,  
ac locupletandæ , tum Dissertationibus , & Ani-  
maduersionibus , quarum materiam undique  
corradebat , muniendæ , ornandæque . Sed Deo  
aliter visum : cui placuit Ministrum fidelem ,  
utilissimam indefesso studio Ecclesiæ operam  
navantem , ad laborum (uti meritò speramus)  
euocare præmia , prius quàm is , vel huic , vel  
alijs multis eius generis , & meriti Operibus ,  
quæ patienter elimabat , imposuisset ultimam  
manum . Hinc iam omnes faciliè sentiunt su-  
blatam omnem editionis huius distinendæ cau-  
sam , consumptosque prætextus morarum . Er-  
go me haud parem sentio ferendo amplius con-  
uitio expectationis publicæ , à fide mea repetenti  
opus in commune utilissimum iam pridem apud  
me depositum . Accedit eodem Iudicium su-  
premi editoris ipsius ; quem Amici recor-  
dantur enixè commendasse morientem , ut quam  
primum hic liber emitteretur . Cuius etiam de-  
dications tres trium eius Partium , paucis ver-  
bis , cum per mortis viciniam pluribus non  
posset , ultima quam in terris vidit luce dicta-  
uit ;*

uit; *Easdem* ipsas quarum primam primæ, ac secundæ partibus, secundam parvi tertiæ, tertiam denique Appendici præfixas vides. Præfationem amplam, Notas uberes, eruditum Glossarium, quæ ille destinabat, nec exhibere opis meæ, nec tuæ Humanitatis sit, Lector benigne, flagitare. Verum, ut post subitos incendiorum, aut rapinarum casus, qui desolatas in ædes veniunt Hospites, quantumvis lauti, & splendidis assueti, tamen equi consulunt pro solito argento instrui Samijs mensas, sterni cænacula Tegetibus, pauperiem denique mundam, procul Attalicis, aut Persicis apparatus, placidi renidentesque patiuntur: sic te nunc quidem eam moderationem inducere in animum res exigit, ut possis contemnere opes, ac præterquam nudum ipsum Opus per se ornamentum & pretij secum affert, non aliam à Scitamentis, aut Choragio gratiam sperare; ijs unice contentum, quæ dare possumus; scilicet pro Præfatione, præfationis materiam, prout eam ex Aduersarijs tibi pauca descripsimus: Vice autem Notarum, notulas paucas, quas è schedis eiusdem, & marginibus editorum foliorum ipsius manu subinde

no-

notatis, attento spicilegio sublegimus: denique  
loco ampli & accurati Glossarij, quod ab Edi-  
tore expectabatur, indiculum declaratorium in-  
usitatorum huius Codicis vocabulorum, ad cal-  
cem adiecimus. Vale: Et tua causa conanti-  
bus faue.



MA-

# M A T E R I A

Dissertationis Proœmialis ad Régulas  
Monasticas é schedis posthumis

LVCAE HOLSTENII

C A P V T I.

*Origines Instituti Monachorum, & eorum  
diuersæ species.*



RVSTRA sunt ; qui ve-  
rum & perfectum Mo-  
nachismum Christianismo  
vetustiore faciant. Eius  
in veteri testamento figura  
magis quam forma, præ-  
sagia potius quam exem-  
pla reperiuntur. Anachoresis Eliæ, huius &  
Elisæi discipulorum conuictus, Nazaræorum  
& Recabitarum instituta, tum si quæ occur-  
runt alia eius generis , videri possint quæ-  
dam quasi rudimenta gratiæ Monachos fa-  
cere exordientis. Esseni quoque, quorum.

b

He-

Hebræi meminerunt ; vtū & quos Philo libro proprio describit ( quamquam hos S. Hieronymus fuisse Christianos putat ) multis , vt palam est , differentijs à Monachorum instituto discrepabant . Indicat Metaphrastes initio vitæ S. Pauli Eremitæ , non defuisse primis duobus Ecclesiæ sæculis multos vitæ monasticæ Professores . Sanè vita S. Eudoxiæ Martyris , quæ temporibus Traiani floruit , monasteriorum iam tum institutorum meminit . Verùm vt alia multa Ecclesiastica monumenta illorum temporum , sic memoria distinctior primæuæ illius vitæ regularis Diocletiani flammis , quibus Christiana tabularia conflagrarunt , abolita fuerit ; ex his porro quæ supersunt monumentis ætati Constantini magni vitæ Regularis initia imputanda sunt ; tunc scilicet per Ecclesiæ pacem ea perpetuari sine interpellatione , dilatari sine obstaculo potuit . Auctores porro eius primi Paulus , & Antonius fuere , quorum exemplis duo genera Monachorum informantur , alterum Eremitarum seorsim sine arbitro degentium , Coenobitarum alterum in domo communi conuiuentium , & misceban-

bantur in illis principijs hæc duo genera plerumque ; vt idem ex Eremo in Cœnobium, ac vicissim è vita communi in solitariam, transirent . Quamquam hæc cum multis experimentis esset deprehensa periculosior, cæpit præ illa Cœnobitica celebrari disciplina , præsertim post editam à Pachomio regulam, exceptam dictante Angelo , quam latinè Hieronymus transtulit . Ex hoc tempore duo laudabilia distingui Monachorum genera, cœperunt solitariorum , & communiter uiuentium, quibus alterum submistum est non probum, Sarabaitarum, vt vocabant, qui bini , aut terni passim per vrbes, aut castella proprio arbitratu viuerent .

## C A P V T II.

### *Propagatio Monachismi ex Aegypto in omnes terras .*

**I**nstituta per hunc modum in Ægypto vita monastica auctoribus Paulo , Antonio, Pachornio, in omnes inde se terras salutari propagatione diffudit. Primus Hilarion  
b      2              ex



ex Antonij schola monasticam in Syria disciplinam & exercuit , & docuit . Basilus Magnus monasticam professionem ex Ægypto acceptam in Pontum ; & Asiam minorem intulit . Audeus relegatus monasteria in Gothia fecit . Penetrauit quoque idem institutum in Æthiopiam , Persidem , & Indiam , ex quibus prouincijs turmas Monachorum se Bethlemi suscepisse scribit S. Hieronymus . In Italiam institutum monasticum partim ex Ægypto , partim è Syria transijt . Primum enim Romam adueniens S. Athanasius , cum vitam à se scriptam S. Antonij publicasset , iuuentutem vtriusque sexus plurimam ad eius imitationem inflammauit . At S. Eusebius Vercellensis disciplinam monasticam è Syria petitam in suam Ecclesiam intulit , & Clerum etiam suum sub regulam adegit . Sanctus quoque Isaac Syrus propè Spoletum in loco deserto Monasterium posuit , vt docet S. Gregorius Dialogorum libro tertio cap. decimoquarto . Ex alterutra istarum originum Ægyptia , vel Syria , prodijisse videntur monasteria , quæ multa per Italiam fuisse SS. Ambrosius , Hieronymus , Augustinus , Gregorius alij-

alijque testantur: Abbates quoque & Ascetæ  
infignes Eutychius, Florentius, similesq; multi  
à S. Gregorio memorati ante S. Benedicti  
ætatem: Item Virgines, & Sanctimoniales.  
Non solum autem in Continenti Italiæ, sed  
& in Insulis Dalmatiæ, & maris Etrusci plu-  
rimos fuisse per ea tempora Monachos S. Hie-  
ronymus indicat. In Sicilia quam ingens iam  
olim multitudo Monachorum fuerit, Roc-  
chus Pirrhus testatur in Notitia Abbatiarum  
eius Insulæ, vti & de alijs maioribus Mediter-  
ranei maris Insulis alij, qui de ijs propriè  
scripserunt. E Capraria Insula, vbi greges fuis-  
se Monachorum indicat Rutilius Numati-  
nus, scribens circiter annum Christi 416.  
missi ad S. Augustinum Monachi id institu-  
tum in Aphricam intulerunt: quod ibi rece-  
ptum est, nequicquam Donatistis obstanti-  
bus. Monasteria Carthagine, Tagaste, Hip-  
pone fuisse testatur Paulinus. Caprariense  
postea, & Palmariæ monasteria reformauit  
S. Gregorius Magnus. Sed inter Insulas Mo-  
nachismo claras Lerina in primis celebrata  
est, vbi, Authore Honorato, sancti Senes di-  
uisis cellulis Ægyptios Patres in Gallijs æmu-  
laban-

labantur, vt S. Eucherius tradit. Hinc educ-  
tus ad Episcopatum est S. Honoratus, an-  
no Christi 426. Quod exemplum postea fre-  
quentatum legitur, vt meritò Lerina semina-  
rium Episcoporum diceretur. Quintum in-  
de sæculum Barbarorum irruptionibus Impe-  
rio, & Ecclesiæ funestum, multos publico-  
rum malorum pertæsos ad vitam monasti-  
cam locis secretis colendam perpulit, tutum  
asilum pandens humanarum miseriarum.  
Per Gallias nihilo minus floruisse professio-  
nem monasticam ex historijs Regum primæ  
stirpis, actis sanctorum Hilarij, Martini, alio-  
rumque, tum ex Gregorio Turonensi, alijsq;  
monumentis manifestum est. In Insulas Ocea-  
ni per eadem tempora Monachismus pene-  
trauit authore Patritio Brittone, qui pera-  
gratis Gallia atque Italia, Insulisque Tyrre-  
ni maris, cum in iuuentute Sanctum Marti-  
num vidisset, & Sancto Germano Autissio-  
dorensi præceptore vsus esset, missus postea  
à S. Celestino Papa ad conuertendos Hiber-  
nos anno Christi 431. Monasteria ibi pluri-  
ma instituit, vt ex antiquis monumentis V-  
serus docet. Obijt S. Patritius anno 490.

David

David Menariensis Episcopus nobile monasterium construxit . Monasterij Bancorien-  
sis meminit Beda . S. Columbanus Armacca-  
num , & Tyrrhense monasteria fundavit an-  
no 565. Hęc erant in Hibernia, & Brittannię  
illa parte , quam non occupauerant Anglo-  
faxones : ad quos deinde ipsos monasticum  
institutum simul cum Christiana religione  
penetravit ; magnis & paribus vtriusque in-  
crementis : S. Augustinus Monachus , & mo-  
nasticarum regularum peritus missus deinde  
à S. Gregorio Magno in Angliam , monasti-  
cam ibi disciplinam propagavit , Dorouer-  
nensi præsertim monasterio fundato , vt au-  
ctor est Beda . Apud Nortūmbros , & Septen-  
trionales illius Insulę populos Aidanus vi-  
tam religiosam induxit . Prodierat hic è scho-  
la S. Columbani , & in Lindisfarnensi Insula  
monasterium habuit . Hęc omnia confir-  
mant celebratę in Historijs illarum Gentium  
dissensiones inter vtriusque scholę monaste-  
ria varię , præsertim de Paschate , ac tonsu-  
ra ; & videntur per ea tempora Monachi  
in Ecclesijs Episcopalibus sacras functiones  
obijisse , quod indicat Beda ; vnde Cathedra-  
les

les Ecclesiæ Munster , siue monasteria Anglis dicuntur . De Hispanijs , Germania , Dacia , Pannonia , Sarmatia , cæterisque Regnis , ac Prouincijs dicere sigillatim infinitum sit . Extant Historici cuiusque , qui planè doceant : vbicumque Christi religio viguit , etiam Regulare institutum floruisse . Porro vbiuis Gentium viri Ascesim coluere , fœminæ quoque eos æmulatæ , pro captu sexus perfectioni studuerunt : idque vel cœnobijs , aut cellulis clausæ , vel in domibus proprijs virginitatem Deo sacratam , aut sanctam viduitatem exercentes , sed de his satis .

### C A P V T III.

*Unitas Regularis Instituti vsque ad Sanctum  
Benedictum . Obiter de Patria  
Cassiani .*

**E**X hæcenus dictis de multitudine vbi-  
que colentium vitam monasticam in  
vtroque sexu , facile cuiquam vetera ex præ-  
sentibus æstimanti persuadebitur fuisse pri-  
mis illis temporibus diuersos , & certo chara-  
ctere

stere discriminatos Monachorum ordines, prout postea institutum, præsertim in Mendicantibus, quorum vniuersæ quamuis latè sparsæ familiæ, sub vno peculiari capite certis, & cuique proprijs officijs, ac legibus Deo militant. Valde fallor, si iam tum primis sex septemue Ecclesiæ sæculis iste vsus inualuerat. Certè vestigia mihi quidem non apparent, qui quocumque intueor, vniformem, ybique Monachatus rationem, & facilem, ac promiscuum inuicem transitum, mutuumque commeatum professionum, & coenobiorum cerno. Orientales Monachi quando in Occidentem venerant, cum ibi profitentibus religiosam vitam sine discrimine censebantur: vicissim Occidentales in Oriente; quod cum innumeris exemplis demonstrari possit, vnum tantum hic afferam Cassiani, & Germani Gallorum Monachorum, qui Ægypti monasteria peragrarunt instituti monastici cognoscendi causa, & animo in patriam referendi haustam inde notitiam disciplinæ, in suum, & popularium suorum vsum; vnde satis apparet existimasse ipsos vnum esse in commune omnium ybique Monachorum.

c

mo-

modum, & vsum Religionis profitendæ. Mo-  
uerit fortè quempiam (vt hunc obiter scrupu-  
lum lèctori eximam contraria vulgi opi-  
nionè præoccupato) quòd Cassianum Gal-  
lum dixi. Quid ni verò id ego ipsi de se  
affirmanti crederem? Legimus cap. 1. coll. 24.  
Cassianum cum suo vnanimò Abbate Ger-  
mano falsos esse Abbati Abraamo: *Quia*  
(verba sunt ipsius) *ad repetendam Prouin-*  
*ciam nostram, atque ad reuiscendos parentes,*  
*quotidianis acrius æstibus urgebamur.* Quam  
aliam hic Prouinciam intelligamus, nisi il-  
lam Orienti obuersam Galliæ oram, quæ iam  
tum quasi proprio nomine, quod hodieque  
retinet, Prouincia vocabatur: in quam dein-  
de certò constat rediisse Cassianum, in eaque  
vixisse, consenuisse, obiisse. Addit de paren-  
tibus suis, fuisse illos magna religione, & pie-  
tate præditos; vnde non impedituri puta-  
rentur, ne monasticam ibi vitam coleret;  
tum eosdem copiosos, qui affatim præbituri  
necessariæ essent, & sollicitudinem victus pa-  
randi dempturi. Quæ omnia mirè conue-  
niunt indigenis illarum vberrimarum Regio-  
num, vbi præcipuus tum erat religionis vi-  
gor;

gor; & passim nobilissimi quique Lerinum  
confluebant profitendæ causæ vitæ monasti-  
cæ. Vnde sibi (quod mox subdit) meritò am-  
bo blandiebantur spe verisimili de conuer-  
sione multorum, *qui velut nostro essent* (in-  
quit) *ad viam salutis exemplo & monitis diri-*  
*gendi*. Videant autem qui in solitudines Scy-  
tharum Cassiani patriam summouent, quam  
aptè illi desertorum squallo, & caucaseis ri-  
goribus conueniat quod de sua patria Cas-  
sianus subiicit. *Tum præterea ipsorum loco-*  
*rum situs, in quibus erat à maioribus nostris*  
*auita possessio, ipsarumque amoenitas iucunda*  
*regionum ante oculos pingebatur, quam gratæ*  
*& congruæ solitudinis spatijs tenderentur: ita*  
*ut non solum delectare Monachum possent se-*  
*creta sylvarum, sed etiam magna victus præ-*  
*bere compendia*. Denique dictio ipsa, & stylus,  
quam nō Scythiæ barbariem redoleat palam  
est. Qua etiam ratione refelluntur, qui Athe-  
niensem Cassianum putant. Inde enim po-  
tius Atticam Græcismi proprietatem ducere  
potuisset, quam eum, quem præfert ybique  
latinitatis gallicanæ genuinum succum, ac  
leporem, qualis in Eucherio, in Vincentio



Lirinenſi, in Fauſto, in alijs eius tractus Scri-  
ptoribus paſſim florer. Sed de his plura di-  
cendi locus hic non eſt: Ad vniformitatem in-  
ſtituti monaſtici reuertamur, aduerſus quam  
nihil præſcribit Regularum hoc Codice rela-  
tarum numerus, & diuerſitas. Etenim illæ  
à ſingulis, vt præſens uſus poſcebat, Patri-  
bus ſcriptæ, aliorum ſimilia cupientiam ſtu-  
dijs deſcriptæ in commune proponebantur,  
vt ex his quique pro locorum, & nationum  
differentia, vitam vniformi, quoad præcipua,  
diſciplina temperarent. Primaria ſanè, &  
quaſi fundamentalis Monachorum regula  
Euangelium erat: illa, inquam, Chriſti confi-  
lia, quæ caſtrare ſeipſum propter regnum  
cælorum, quæ abnegare ſe, & crucem tol-  
lere, quæ patrem, & matrem, uxorem,  
agros propter Chriſtum relinquere, quæ ven-  
dere patrimonia, & dare pauperibus, ſicque  
nudos Chriſtum ſequi ſuadebant. Regulæ  
particulares nihil niſi eius primæ, ac vniuer-  
ſalis regulæ applicationes, aut declarationes  
locis & perſonis plerumque aptatæ habe-  
bantur. Quod adeo verum eſt, vt ne ipſe  
quidem Sanctus Benedictus, qui antiquum  
quem

quem reperit in Ecclesia monasticum ordinem suscepit, excoluit, dilatauit, regulam vniuersalem suis vbique omnibus promulgauerit; sed peculiarem dumtaxat Cassinensi cœnobio, cui præerat: quæ inde priuata diligentia descripta, & imitandi studio publicata, adeo non quasi abrogasse priores cæteras est credita, vt S. Benedictus Anianensis huius, quam damus, collectionis auctor, idem aliud opus elucubrauerit nuper à viro doctissimo Hugone Menardo luci publicæ cum eruditis obseruationibus datum, cui Concordiæ Regularum nomen fecit, quo singulorum Benedictinæ Regulæ capitum consensionem cum cæteris omnibus alijs regulis clarè demonstrat. Hæc disputari pluribus debebant: verum metus erat, ne in contentionem res abiret ab hoc aditu tranquilli pacificique operis alienam: certorum quippe hominum, quos abundare in suo sensu facile sinimus, obnixa in contrarium armataque studia noueramus, cum quibus rixari nunc quidem nolumus.

## CAPUT IV.

*De hoc Codice Regularum, eius Appendice,  
& utriusque Compilatore.*

**C**irester annum Christi 820. floruit in Gallijs opinione sanctitatis, atque doctrinae Benedictus Abbas Anianensis, qui ortus è nobilissima Comitum Magalouensium stirpe, ex Aulico gratiofo, & forti milite, Deo ad meliora vocante, primum religiosam vitam suscepit in monasterio S. Sequani; vnde postea in patriam reuersus monasterium Anianense in paterno fundo, tum non procul inde Gellonense in gratiam Guilielmi Comitis instituit. Mox alijs per multis Ludouici Pij Imperatoris voluntate praefuit. Ad extremum aulam sequi coactus, quòd Imperator eius consilij iuari cuperet, erecto prope Aquisgranum, vbi plerumque degebat Imperator, Monasterio Indensi, sanctam ibi vitam sancta morte concludit. Extant eius Acta ab ipsius discipulis conscripta, quæ primus edidit Hugo Menardus; tum Bollandus, & Henschenius de nouo illustrata  
reci-

recitant ad diem vndecimum Februarij. In  
ijs actis ita legitur: *Fecit librum de regulis di-*  
*uersorum Patrum*. Ad quem locum sic ad-  
notat Menardus: *An iste liber adhuc extet,*  
*non mihi compertum est. In testamento S. Gen-*  
*narij Episcopi Asturicensis, inter libros, qui ab*  
*eo dantur Monasterio S. Petri de Montibus,*  
*recensetur liber regularum virorum illustrium,*  
*qui an idem sit cum eo, qui à nostro Benedicto*  
*collectus est, non adeo constat.* Hæc ille, qui si  
vidisset codicem nostrum titulo Benedicti  
Abbatis Anianensis prænotatum, non opi-  
nor, dubitasset, quin hoc opus illud ipsum sit,  
cuius Auctor vitæ eius loco recitato memi-  
nit. Servatur, vt aiunt, apud S. Maximinum  
prope Treueros antiquissimum exemplar hu-  
ius collectionis; vnde Apographum excri-  
ptum custoditum apud Canonicos Regula-  
res domus B. Virginis Coloniz cum vidisset  
ante hos annos circiter viginti Illustrissimus  
tunc Fabius Chisus Episcopus Neritinarum;  
& Nuntius illic Apostolicus, hodie S. D. N.  
Alexander Septimus Pontifex Maximus, de-  
scribendum curauit, & exemplum inde sum-  
ptum nobis benignissime communicauit, nos  
ex

ex eo editionem hanc curauimus . Sed ut  
subinde occurrebant antiqui Codices exhi-  
bentes aliquam ex hisce regulis , edita nostra  
cum ijs conferebamus, diuerfitates adnotaba-  
mus ad marginem : inde notulæ paucæ ad  
calcem operis coniectæ formatæ sunt . Cum  
autem eo studio ferremur conquirendi anti-  
qua monumenta , ex quibus hæc editio lo-  
cupletari posset ; occurrunt ecce nobis in-  
lectissima Bibliotheca Serenissimæ Dominæ  
Christinæ Alexandræ Gothorum, VVanda-  
lorum Suecorumque Reginæ , vetusti duo  
Codices exhibentes parænetica quædam  
opuscula antiquorum Patrum ad instituta  
monachorum vtriusque sexus accommoda-  
ta, quæ cum statim iudicassimus aptissimè  
vtiliterque posse adiungi ad iam editum  
Regularum Codicem : tum ad idem nos  
multo magis illud impulit , quod satis verifi-  
milis coniectura esset , hanc quoque colle-  
ctionem paræneseon ad vitam monasticam,  
eiusdem esse manus, atque ipsam collectio-  
nem Regularum . In hunc videlicet mo-  
dum scribit auctor vitæ S. Benedicti Ania-  
nensis: *Alium nihilominus composuit librum*

ex

*ex sanctorum Doctorum Homilijs*, quadrat  
satis hoc inditium in nostrum hoc opus ex  
Patrum variorum opusculis contextum, qui  
partim Monachos, partim Sanctimoniales  
erudierunt. In quo aptè responder hæc Ap-  
pendix suo operi regulas virorum mulierum-  
que perfectionis studentium digerenti. Scio  
Hugonem Menardum, cum in fine Codicis,  
ex quo Concordiam Regularum edidit, re-  
perisset congesta quædam fragmenta Pa-  
trum ad virtutes & vitia, quæ in Mona-  
chis desiderantur aut cauentur pertinentia,  
opinatum, esse illum ipsum librum con-  
textum ex Sanctorum Doctorum Homilijs,  
quem fuisse à Sancto Benedicto compositum  
auctor eius vitæ refert; sed mihi quidem non  
persuadet, qui non Homilias, aut opuscula  
integra Patrum, sed sententias dumtaxat, &  
testimonia ipso fatente Menardo congesta  
sciam in illam farraginem Codici concor-  
diæ Regularum asutam: nostra autem col-  
lectio integras exhibet adhortationes, aut  
conciones Patrum aptissimè congruentes ad  
argumentum regularum: quare consentaneè  
ijs subijci æquus, opinor, & prudens lector;  
vbi

ubi cognouerit fatebitur . De singulis regulis, vel auctoribus earum nihil hic præfari opus duximus ; præmissimus enim suis locis ad singulas testimonia veterum , quæ notitiam , quanta fere haberi potest , tum ipsarum, tum auctorum legenti suggerent .



*Im-*

*Imprimatur*

Si videbitur **Reuerendissimo Patri Mag. Sacri  
Palatij Apostolici.**

*O. Archiepisc. Patracen. Vicesg.*

\*\*\*\*\*

*Imprimatur*

**Fr. Raimundus Capifuccus Magist. Sac. Pal.  
Apost.**

**CO.**



# C O D I C I S R E G V L A R V M

Pars Prima.

IN QVA SS. PATRVN ORIENTALIVM  
Regulæ ad Monachos

S. ANTONII ABBATIS.

S. ISAÏE ABBATIS.

SS. PATRVN SERAPIONIS. MACARII

PAPHNVTII. ET ALTERIVS MACARII.

SS. PATRVN ALIA

S. MACARII ABBATIS NITRIENSIS

S. PACHOMII ABBATIS TABENNENSIS

EIVSDEM ET THEODORI EPISTOLÆ

S. ORSIESII DOCTRINA MONASTICA

INCERTI REGVLA ORIENTALIS

S. BASILII EPISCOPI CÆSAREENSIS.



**S. A N T O N I I**

**A B B A T I S**

**Regula**

**A D M O N A C H O S.**

# DE S. ANTONIO ABBATE veterum quædam testimonia.

MARTYROL. Rom. a. d. xvi i. Ianuarij.

IN *Thēbaide* S. ANTONII Abbatis, qui multorum monachorum pater, vita & miraculis præclarissimus vixit: cuius gesta S. Athanasius insigni volumine persecutus est.

S. HIERONYMVS de illustr. script. cap. lxxxviii.


ANTONIVS Monachus, cuius vitam Athanasius Alexandrina urbis Episcopus insigni volumine persecutus est, misit Egyptiæ ad diuersa monasteria Apostolici sensus sermonisq; epistolas vii., que in Græcam linguam translata sunt; quarum præcipua est ad Arsenoitas. Floruit Constantino & filiis eius regnantibus. Vixit anno s. cv.

S. ATHANASIVS in vita S. Antonij, cap. xv.  
interprete Euagrio.

Quadam die cum sanctus Antonius a congregatis fratribus rogaretur, ut eis INSTITVTORIA largiretur PRÆCEPTA, cum prophetica fiducia exaltans vocem aiebat: Ad omnem quidem mandatorum disciplinam scripturas posse sufficere. &c.



RE-



REGVLAE AC PRAECEPTA

S. P. N. ANTONII

ad filios suos Monachos,

*petentes hoc ipsam ab eo in monasterio  
Nacalon.*



IN PACE DOMINI.



**D**ICAM Canones siue Regulas, prout lo-  
quetur Dominus per os meum, illis qui  
sefe tradere volunt sub graui hoc iu-  
go, scilicet monachatu. Oportet er-  
go vt audiant hæc præcepta: qui ve-  
ro soluerit aliquid ex eis, *vilis vocabitur*  
*in regno celorum.*

*Matth. 5,  
19.*

I. Ante omnia ora sine intermissione, & gratias Deo age  
pro omnibus, quæ tibi eueniunt.

A 2

Cum

II. Cum autem surrexeris mane singulis diebus, inquire de ægrotis qui apud te sunt. & ieiuna vsque ad Nonam singulis diebus, excepto Sabbato & Dominico die. adueniente vero Nona ne adeas cellam cuiusquam fratrum. Et cum sederis ad comedendum, ora prius, tum comede. Ora & lege perpetuo.

III. Ne loquaris cum iuvene, neque cum puero; & ne conuerferis omnino cum illo: nec ligabis illum monachum, nec assumes in filium, antequam induat habitum, ne reconciliet hostem diabolum, neque cubes super eadem storea cum minore te.

IV. Serua etiam horas orationum, nec prætermittas vllam earum; ne rationem pro illa reddas.

V. Ne obstringas ægrotum ad manducandum; nec retrahas ab illo cibum; ne conturbes animam illius afflictam.

VI. Si venerit ad te aliquis frater post temporis interualum, lætare de illo: gratias enim aget Deo & tibi. Seculari nullo modo commiscearis: nec ostentes teipsum, sicut Pharisæus ille, qui ad ostentationem omnia sua agebat.

VII. Ne appropriare finas ad te mulierem, nec permitas ingredi domicilium tuum; ira enim graditur post illam. Neque reuertaris inuisere confanguineos tuos carnales, nec faciem tuam illis videndam præbeas, nec adeas illos.

VIII. Ne referues tibi plus quam indiges; nec elargiaris plus quam potes: sed eroga eleemosynam infirmis monasterij.

Per-

**IX.** Perfice orationem tuam noctu priusquam adeas Ecclesiam.

**X.** Ne comedas cum aliquo, qui impendat pro te.

**XI.** Si scandalum ortum fuerit de iuvene aliquo, qui hactenus habitum non induerit, ne induat illum: & eijce eum a monasterio. nec loquaris cum puero penitus, ne fiat tibi offendiculum.

**XII.** Si coegerit te necessitas adire civitatem, ne contendas illuc solus.

**XIII.** Ne feras terram tributis subiectam, nec societatem & contractum ineas cum magnatibus.

**XIV.** Ne commoreris in loco, vbi vinum exprimitur: nec comedas carnem omnino.

**XV.** Ne frangas ieiunium, feria quarta & sexta nisi ob gravem morbum.

**XVI.** Ne murmures in opere manuum tuarum: nec improperes alicui vlla de causa.

**XVII.** Si adieris aliquem fratrem, ne diu moreris in domicilio eius.

**XVIII.** Ne loquaris in Ecclesia: nec resideas in exedris monasterij.

**XIX.** Non iurato penitus vel veritatem vel dubium.

Ne

**XX.** Ne petas Ecclesiam, ad quam congregantur homines. Eroga eleemosynam, quantum potes. Ne sepelias mortuum in Ecclesia.

**XXI.** Ne facias conuiuia; nec ad symposium vocatus accedas.

**XXII.** Ad discas quotidie disciplinam a senioribus; nec vllum aggrediaris opus, nisi consulto Patre monasterij.

**XXIII.** Cum abis ad hauriendam aquam, interim dum iter conficis, lege quantum potes.

**XXIV.** Si erogaueris eleemosynam, ne ostentes illam. Si adfueris aliquo in loco, vbi erogatur eleemosyna, comede, & gratias age Deo.

**XXV.** Contristare noctu diuque pro peccato tuo. Esto deuinctus in cuculla tua, & in tunica tua noctu atque die. Accende lampadem tuam oleo oculorum tuorum, nempe lacrimis. Si pietatis actus edideris, ne glorieris. Ne dimittas quemquam, qui quærit Christum. Ne propales cogitationes tuas cunctis hominibus, sed solum ijs, qui possunt saluare animam tuam.

**XXVI.** Si abieris ad messem, ne moreris, sed cito reuere-  
tere ad monasterium.

**XXVII.** Ne induas vestimenta, quibus extollaris. Ne ostentes vocem tuam, nisi in oratione præcepta. Ora in domo tua antequam venias ad Ecclesiam.

**XXVIII.** Mortifica temetipsum quotidie.

Ne

**XXIX.** Ne improperes cuiquam causa dolorum & afflictionum, quas patitur.

**XXX.** Neglorieris, neque rideas omnino. Da operam ut lugeas ob peccatum tuum, sicut luget is penes quem aliquis mortuus est. Fac quantum potes, ut glorificetur Pater tuus, qui est in cælis.

**XXXI.** Corrige filium tuum, nec parcas: damnatio enim illius a te exigitur.

**XXXII.** Ne comedas ad satietatem. nec dormias, nisi parum & moderate; & venient ad te angeli.

**XXXIII.** Cum oraueris, & memor fueris Dei, fac tibi indumenta tua sint alæ, & euolabis super mare igneum.

**XXXIV.** Visita ægrotos & infirmos, & imple mensuras seu vasa eorum aqua.

**XXXV.** Ne pugnes lingua. Ita te præsta, ut benedicant te omnes. Et Dominus Iesus Christus opem nobis affert ad operandum secundum ipsius beneplacitum: cui gloria cum Patre suo & Spiritu suo sancto in seculum. Amen.



QVAE



QVAE SEQUVNTVR HABENTVR IN ALIO EXEMPLARI.

XXXVI. Coge teipsum in opere manuum tuarum, & timor Domini inhabitabit in te.

XXXVII. Si conspexeris fratrem aliquem perpetrante peccatum non ad mortem, ne contempnas & despicias, neque condemnes illum: incides quippe in manum inimicorum tuorum.

XXXVIII. Gaue tibi ne seducatur intellectus tuus, memorando peccata tua priora: ne renouentur in te.

XXXIX. Dilige humilitatem, quæ proteget te a peccato. Ne sis pertinax ad statuendum verbum tuum, ne occupet te malum. Ne reputes te sapientem, & gloriaberis, & incides in manum inimicorum tuorum. Assuescat lingua tua dicere: Ignosce mihi: & consequeris humilitatem.

XL. Cum sederis in cella tua, sollicitus esto de tribus hisce rebus perpetuo: nimirum, de opere manuum tuarum, de meditatione tuorum psalmorum, & de oratione tua.

XLI. Cogita apud teipsum & dicito: vtique non manebo in hoc mundo nisi præsenti hac diè, & non peccabis Deo.

XLII. Ne sis hëlluus ciborum: ne resuscitentur in te priora peccata.

XLIII. Ne tædeat te laboris, & superueniet tibi cito requies. Sicuti parietinæ ruinarum extra ciuitatem fiunt lo-

C113

cus foetoris omnibus, ita anima pigri, qui coepit monachatum, fiet mansio passionibus & foetoribus.

**XLIV.** Coge teipsum, vt ores perpetuo cum lacrimis, vt forte misereatur tui Deus, & exuat te veteri homine.

**XLV.** Perseuera in hisce rebus quas dicam: scilicet, in labore, paupertate, peregrinatione, afflictionibus & quiete, & afferent tibi humilitatem: humilitas vero dimittet omnia peccata. Humilitas autem est, vt homo reputet seipsum peccatorem, & quod nihil boni perpetret coram Deo; & adhæreat quieti, & non æstimet seipsum quicquam; & non sit pertinax ad statuendum verbum suum: vt abscindat concupiscentiam suam, & demittat vultum, ponatque sibi mortem ante oculos, & seruet semetipsum a mendacio, & non loquatur verba ociosa; nec respondeat Superiori; & opprobrium sustineat, & odio habeat desidium, & instet laboribus & moeroribus.

**XLVI.** Curate igitur fratres mei hæc seruare præcepta, ne vita vestra sit sine fructu. Et sollicitus esto semper ad singula verba quæ audis, vt dicas: Ignosce mihi: quia humilitas fugat omnia negocia inimici. Ne reputes teipsum quidquam propter opera tua.

**XLVII.** Sit tristis vultus tuus, nisi aduenerint tibi exteri fratres; tunc gaude cum illis, vt inhabitet in te timor Domini. Si iter feceris cum fratribus, secede ab illis parumper, vt sis in silentio. & dum incedis per viam, ne te conuertas sinistrorsum & dextrorsum; sed meditare psalmos tuos, & ora in mente tua ad Deum quocunque in loco ingrederis; nec præfidenter agas cum incolis illius.

**XLVIII.** In omnibus rebus tuis esto modestus, & ad ea quæ apponentur tibi, extende manum tuam lente: si vero fueris iuuenis, ne extendas manus tuas primus ad cibos: nec ingeras quidquam ciborum in os alterius. Et si cubaueris in aliquo loco, ne tegas te vno eodemque stragulo simul cum alio: & ora multum antequam cubes. Et Dominus noster Iesus Christus opem nobis præstet ad operandum secundum ipsius beneplacitum. Amen.

**EXPLICIT REGVLA S. ANTONII ABBATIS.**



**ISAIÆ ABBATIS**

**Regula**

**AD MONACHOS.**

# DE ISAIA ABBATE veterum testimonia.

RVFFINVS in Vitis Patrum lib. II. cap. x.  
& Palladius lib. VIII. cap. LV.

*ABBAS Syrus aliquando, & ISAIAS, & Paulus occurrerunt sibi  
inuicem ad ripam fluminis. erant autem viri isti iusti, summa  
abstinentiae & totius religionis. Hi pergebant visitare quendam no-  
mine Anuph. &c.*

IBIDEM lib. v. de verbis Seniorum.

*Interrogauit eundem sermonem Abbas ISAIAS. dicit Abbas Pa-  
stor: sicut capsula plena vestibus &c.*

R. BELLARMINVS S. R. E. CARD. de script. Eccl.

*ESAIAS Abbas, qui quo tempore vixerit, inuenire non potui, scripsit  
homilias XXVIII, valde utiles, praesertim monachis ad perfectionem  
tendentibus.*



PRAE-

13

# PRAECEPTA SEV CONSILIA ABBATIS ISAIAE

POSITA TIRONIBVS IN MONACHATV:

*Eius orationes nos custodiant, Amen.*



**R**ATER dilectissime, si iam reliquisti mundum hunc vanum, & Deo te ipsum dedidisti, poenitentiam age de peccatis tuis, & serua propositum quod amplexus es; & ne auscultes cogitationibus tuis, cum animum tuum affligent, & dicent: Nequaquam peccata tua priora tibi condonata sunt; & serua haec praepcepta.

I. Caue ne comedas cum muliere, aut fraternitatem ineas cum puero, aut dormias cum adolescente super eadem flore. Cum exuis vestem tuam, ne aspicias corpus tuum.

II. Si ad potum vini coactus fueris, ne bibas plus quam tres scyphos mediocres: caue ne soluas praepceptum propter amicitiam.

III. Ne per soluas horarias preces negligenter, ne incidas in manus inimicorum tuorum. Da operam quantum potes meditationi psalmorum; quia hoc seruabit te ab immunda vita.

Dilige

IV. Dilige laborem & afflictionem, vt leuentur passionēs tuæ. Ne reputes te ipsum quidquam in vlla re, & vacabis gemitibus pro peccatis tuis.

V. Custodi teipsum a mendacio; quia expellit a te timorem Domini. Ne aperias omnibus tua benefacta, ne rapiat illa inimicus tuus.

VI. Aperi morbos tuos patribus tuis, vt experiaris opem per ipsorum consilium.

VII. Coge te ipsum ad opus manuum tuarum, & habitabit in te timor Domini.

VIII. Ne iudices fratrem tuum cum peccat, nec despicias illum; incidet enim in manus inimicorum tuorum.

IX. Ne sis contentiosus ad statuendum verbum tuum, ne inhabitent in te mala.

X. Dilige humilitatem, & non acquiescas tuo consilio. Affuescat lingua tua dicere: Ignosce mihi, & superueniet tibi humilitas.

XI. Cum federis in cella tua, de tribus sollicitus; esto nempe de assiduitate in oratione, meditatione psalmorum, & opere manuum tuarum.

XII. Cogita apud te: vtique non sum superstes in hoc mundo, nisi hac die, & eripieris a peccato.

XIII. Ne sis helluo, ne renouentur in te. priora peccata tua. Ne pigeat te laboris; & da operam meditationi psalmorum, & adueniet tibi requies a Deo.

Coge

XIV. Coge te ipsum ad fletum in orationibus, & Deus miserebitur tui, & exuet te homine vetere.

XV. Scito, quod labor, & paupertas, & peregrinatio, & afflictio, & silentium afferunt humilitatem; Humilitas autem peccata omnia condonat. Humilitas autem est, ut homo reputet seipsum peccatorem, & iniustum, & ne statuatur verbum suum, & abscindat suam concupiscentiam, & defigat oculos ad terram, & sustineat iniuriam, & laborem, & odio habeat honorem, & requiem, & dicat in omnibus: Ignosce mihi; beneficio autem humilitatis fugantur hostes.

XVI. Perpetuo tristis esto; si verò venerint ad te fratres, exhilareris cum illis, ut inhabitet in te timor Dei.

XVII. Si iter feceris cum fratribus, secede ab illis, ut flere possis; nec te conuertas huc & illuc, sed meditare psalmos tuos, & ora ad Deum in mente tua. Et quemcumque locum ingressus fueris, ne praesidenter agas cum habitatoribus eius. Serua modestiam, & verecundiam in omnibus, & ad ea quae apponuntur coram te, manum non nisi inuitus extendas.

XVIII. Ne cubes cum alio sub eodem stragulo. Ora multum ante cubitum, quamuis defatigatus sis ab itinere.

XIX. Ne permittas ut quisquam ungat oleo corpus tuum, nisi propter grauem morbum.

XX. Cum sederis ad mensam cum fratribus, ne comedas cum delectatione, & extende manum tuam tantum ad ea, quae sunt ante te. Et complicata sint genua tua, nec eleues visum tuum ad alium. Nec bibas aquam auidè, nec cum sonitu.

Si ex-



**XXI.** Si excreandi te vserit necessitas, cum federis inter fratres, surge, & longius proijce ab illis. Ne pandiculeris inter homines, & si acciderit tibi pandiculatio, ne hies ore tuo, & deferet te.

**XXII.** Ne aperias os tuum ad risum, hoc enim indicat tibi deesse timorem Dei.

**XXIII.** Ne concupiscas rem alienam. Si feceris librum, ne exornes illum, hoc quippe affectum tuum ostendit.

**XXIV.** Si peccaueris in aliquo, non pudeat te confiteri illud, neque excuses te mendacio, sed genua flecte, & confitere delictum tuum, & pete veniam, & condonabitur tibi.

**XXV.** Si quis mentitus fuerit apud te, ne irascaris, sed dicito: Ignosce mihi, non reuertar.

**XXVI.** Non pudeat te quærere à tuo magistro.

**XXVII.** Si quis pulsauerit ianuam cellæ tuæ dum sedens incumbis operi tuo, desere opus tuum, & cura eius requiem.

**XXVIII.** Ne loquaris cum quoquam, nec attendas verbis cuiusquam sine vtilitate.

**XXIX.** Si miserit te magister tuus ad iter faciendum, postula ab illo quomodo te regas, & fac iuxtà mandatum eius. Ne transferas verba. Si custodieris oculos tuos, & aures tuas, minimè peccabis lingua tua.

**XXX.** Si habitaueris cum aliquo fratre, esto cum illo vt peregrinus, nec præcipias illi quidquam, nec te superiorem illi

illi facias, nec præfidenter agas cum illo: & si præceperit tibi aliquid quod nolles, abscinde voluntatem tuam, & ne contristes illum, ne abscindatur pax à vobis: & scias quod obediens est maior.

XXXI. Si habitaueris cum fratre aliquo, & dicet tibi: coquito, Dic: quid vis? & si electionem tibi reliquerit, coquito quod tibi venerit ad manus cum timore Dei.

XXXII. Cum è somno surrexeris, ora antequam vllum opus attingas, & meditare prius verba Dei: tunc aggredere impigrè opus.

XXXIII. Hilariter occurre extero, & saluta illum: ne discelsus vester ab inuicem sit cum detrimento: & caue ne statim atque aduenerit ad te, interroges illum inutilia tibi, sed postula ab illo vt oret, & cum sederit, dic illi: Quomodo vales frater mi? & exhibe illi librum aliquem legendum. Si verò est defatigatus ab itinere, permitte illi quiescere, & lava pedes eius. Si autem loquetur verba inania, dic ei cum caritate: Parce mihi frater mi, quia infirmus sum, & non valeo audire hæc. Si autem dissuta fuerint eius vestimenta, consue illa. Si verò infirmus est, & eius vestimenta sunt fordida, lava illa. At si vagus est, & fuerint apud te sancti, ne permittas ingredi ad illos, sed fac ei misericordiam, & dimitte illum. Si est autem pauper, ne tristem illum dimittas, sed da ei quod concesserit tibi Deus.

XXXIV. Si quis frater deposuerit apud te aliquid, ne perscruteris depositum, nisi ipso præsentem.

XXXV. Si quis reliquerit te in cella sua, & egressus fuerit, ne eleues visum ad perspiciendum quid in ea sit, sed dic ei dum egreditur: Da mihi opus aliquod, cui operam  
C nauem,

nauem, donec reuertaris: & quidquid tibi præceperit diligenter perfice.

XXXVI. Ne ores cum pigritia & indiligenter: hac enim ratione pro eo quod Deo placeas, ad iracundiam eum prouocabis: sed sta cum timore & tremore, & ne innitaris muro, nec remittas pedes tuos, vt vno stes, & alium extendas. Obfiste cogitationibus tuis, nec permittas, vt sollicitæ sint de rebus carnalibus, vt sit accepta Deo oratio tua.

XXXVII. Si autem adfueris Missæ, custodi cogitationes tuas, & sensus tuos, & stes coram Deo altissimo cum timore: vt dignus fias, qui sumas corpus Christi & sanguinem eius, & sanes passiones tuas.

XXXVIII. Dum iuuenis es, ne induas vestem bonam, donec peruenias ad senectutem.

XXXIX. Si iter feceris cum maiore te, ne præcedas illum. Si affurrexerit maior te ad alloquendum alios, ne parui ducas illum, & maneat sedens: sed sta cum illo, donec tibi vt resideas præcipiat.

XL. Cum urbem aut oppidum ingressus fueris, ad terram dimitte visum tuum: ne visa abs te sint tibi certaminis causa in cella tua.

XLI. Ne dormias in loco, in quo corde peccare times. Ne comedas cum muliere, nec aspicias illam, neque etiam vestimenta eius, si potes.

XLII. Si iter feceris cum sene, ne permittas vt ille portet quidquam. Si autem fueritis iuuenes, vnusquisque portet partem aliquam. Si verò fuerit modicum, portet illud vnusquisque per

per horam, & præcedat qui portat, & præeat infirmus, vt si lassus fueritis ad capiendam requiem, sedeatis cum illo.

XLIII. Si quem senem interrogaueris de cogitationibus tuis, aperi illas liberè vt se habent ei, quem tua arcana seruaturum confidis: nec rationem habeas illius, qui pro- uerax ætatis est, sed qui doctrina, opere, & spiritali experi- mento pollet, ne referas damnum si augeantur passionis tue.

XLIV. Adnitere vt multum ores noctu, vt illuminetur in- tellectus tuus. Pensita peccata tua, & deprecare Deum pro illis, & ipse parcat tibi.

XLV. Si quis fratrem suum te præsentem iudicare apponat, quamuis iudicatus ex eorum sit numero, qui te iudicant, di- cito illi cum humilitate: parce mihi frater mi, quia pecca- tor & infirmus sum, & obnoxius illis quæ dicis, quare illa audire non possum.

XLVI. Præfer fratres tuos in omnibus, & si quis amicus præstiterit tibi honores, dicito: Propter vos hos mihi præ- stitit honores; neque gustes quidquam absque socijs.

XLVII. Mutuo aliquid a te postulanti, ne deneges.

XLVIII. Ne frequentius corde verses memoriam eorum, quos propter Dei caritatem deseruisti; sed mortis & dam- nationis memento, & quod nullus illorum eo tempore tibi opem ferre poterit.

XLIX. Si dum sederis in cella tua, memineris, quod aliquis tibi malè fecerit, surge statim, & ora pro illo in corde tuo, vt parcat illi Deus; ita enim passio quam eius causa pateris, euanesceat.

*Matth. 5.*

**L.** Si corpus Christi fumere velis, caue ne cordi tuo ira aut odium insit contra quempiam: & si quem aduersus te iratum noueris, pete ab illo prius veniam, quemadmodum præcepit Dominus noster.

**LI.** Si oppugnatus fueris noctu a libidine, caue ne cogitatione repetas species illas interditi, ne delectatione coinquinetur cor tuum: sed prosterne te coram Deo, & ipse miserebitur tui; nouit quippe infirmitatem hominum.

**LII.** Si operam dederis nimio ieiunio, & continuæ orationi, ne fidas, quod hæc te saluabunt; sed confide, quod Deus miserebitur afflictioni corporis tui, & infirmitati tuæ opitulabitur.

**LIII.** Si morbo correptus fueris, ne tædeat te, & deficiat spiritus tuus; sed gratias age Deo, quod de tuo emolumento sit sollicitus.

**LIV.** Dum habitas in cella tua, constitue cibo tuo præfixam mensuram, & statutum tempus, & ne prætereas illud: & da corpori tuo quantum indiget, ut valeat orare, & colere Deum. Si verò oblatus tibi fuerit extrâ cellam tuam delicatus cibus, ne ad satietatem ex illo sumas, ut citò reuerti valeas ad cellam tuam.

**LV.** Si feuerint in te diaboli laborem, quem ferre non valeas, ne acceptes ab eis; quoniam occupant cor hominis quibusdam rebus, quas superare non valet, ut tædio illum afficiant, & deludant. Omnia sanè eorum negotia sunt sine mensura, ac sine ordine.

**LVI.** Comede semel in die, sed non ad satietatem. Præbe corpori tuo quantum indiget, iuxta exigentiam naturæ.

Me-

LXVII. Mediam noctem adinuigilandum orationi decerne, alteram verò medietatem requiei corporis tui. Antequam autem cubitum eas, vigila per duas horas in oratione & laudibus, tum corpori tuo da requiem. Si pigretur corpus tuum, dum ad orationem surgendum est, dicito illi: Visne requiem capere modico hoc tempore, deinde abire ad longum supplicium? Nonne præstat, vt parum hic labores, tum requiescas illic cum sanctis in æternum? Tunc enim statim recedit a te pigritia, & adueniet tibi diuinum auxilium.

LXVIII. Cum monachatus institutum amplexus fueris, mittere seruum tuum, qui si monachatum sequi velit, ne permittas vt habitat tecum.

LXIX. Si abieris ad vendendum opus manuum tuarum, ne disceptes de pretio, vt seculares. Idem quoque præstabis, si quid emas. Inopiam rerum Deo te propinquum facere scias.

LX. Si deposuerit apud te frater quispiam vas, illoque indigeris, ne tangas illud, nisi ipso consulto.

LXI. Si quis frater rogauerit te, vt illi aliquid emas, dum peregrinaris, facito: si autem fratres fuerint tecum, sit in præsentia eorum.

LXII. Si quid tibi mutuo datum fuerit, restitue illud, cum eo fueris vsus: nec detineas illud, donec abs te repetatur: & si quid illius fractum, refarcito. Si quid mutuo alicui dedisti, ne repetas illud, si noueris illum non posse restituere, præsertim si ille tibi opus non fuerit.

LXIII. Si egressus iam a cella tua, postea repetis illam, & inuenies aliquem fratrem iam ibi habitare, quære tibi aliam: & caue ne illum inde expellas, ne contra te irascatur Deus.

At

At si ipse sponte illam relinquere voluerit, iam iustificatus es; si autem acciperit aliquid ex eius suppellectile, ne requiras id ab illo.

LIV. Si volueris egredi ab aliqua cella, caue ne asportes aliquid ex eius suppellectile, sed relinque illam alicui fratri pauperi, & Deus largietur tibi quocumque abieris.

LXV. De nulla re ita latentur diaboli, sicuti latentur de eo, qui cogitationes suas spirituales suum magistrum celat. Ne putes te Patribus similem euasurum, nisi imitatus fueris eorum labores.

LXVI. Serua te ipsum a diuitijs, earumque amore; quoniam corrumpunt fructum monachi.

LXVII. Si pugnas aduersus tentationem aliquam quæ te oppressit; ne desistas, sed prosterne te coram Deo, & dic: Adiua me Domine, quoniam ego infirmus non valeo sustinere hanc pugnam; & ille opitulabitur tibi, si ex recto corde processerit deprecatio tua. Si certaueris, & viceris, ne glories, neque confidas; sed tibi caue, quoniam hostis difficiliorem priore pugnam in te machinabitur.

LXVIII. Si deprecaris Deum, ne dicas: Domine remoue hoc a me, & concede mihi hoc. sed dicito: Domine Deus meus tu scis quid mihi magis conducatur, quocirca adiua me, & ne permittas vt peccem tibi, & peream in peccatis meis, quia sum peccator infirmus, nec tradas me inimicis meis, quoniam confugi ad te: libera me Domine, quia tu es fortitudo mea, & spes mea; & tibi est potentia, & gloria, & beneficentia, & gratiarum actio in æternum. Amen.

EXPLICIT REGVLA ISAIÆ ABBATIS.

SS. PA-

SS. PATRVM

SERAPIONIS, MACARII

PAPHNVTII ET ALTERIVS

M. A. C. A. R. I. I

Regula

AD MONACHOS.



DE S. SERAPIONE CETERISQ.  
HVIVS REGVLAE AVCTORIBVS  
veterum testimonia.

PALLADIVS hist. Lausi. cap. vii.

CUM toto anno in monte Nitrie habitassem apud beatos & sanctos  
Patres, magnum Arsizum, & Purnastum, & Hasionem, & Cro-  
nium, & SERAPIONEM, & multis antiquorum Patrum spi-  
ritualibus narrationibus ab ipsis essem stimulatus, veni in intimam  
solitudinem.

IBIDEM cap. cxvii.

Ingressa est (Melania) in montem Nitrie, sanctos Patres conueniens  
beatum Pambo, & Christi famulum Arsizum, & magnum SERA-  
PIONEM, sanctum quoque PAPHNAVIVM & venerabilem  
Isidorum.

RVFFINVS hist. Eccles. lib. xi. cap. iiii.

Per idem tempus Patres monachorum vita & antiquitatis merito,  
MACARIVS, & Isidorus, aliusque MACARIVS, atque He-  
raclides, & Pambus, Antonij discipuli per Aegyptum, & maxime in  
Nitrie deserti partibus habentur, viri qui consortium vite & actuum  
non cum ceteris mortalibus, sed cum supernis angelis habere credebantur.

IBIDEM cap. viii.

Florebat igitur Aegyptus ea tempestate non solum eruditis in Christiana  
philosophia viris, verum etiam his qui per vastam eremum comma-  
nentes, signa & prodigia Apostolica simplicitate vite & cordis sinceri-  
tate

tate faciebant. Ex quibus interim quos ipsi vidimus, & quorum benedicti manibus meruimus, hi sunt: **MACARIUS** de superiore eremo, alius **MACARIUS** de inferiori, **Isidorus** in Sciti, **Pambus** in cellulis, &c.

**PALLADIUS** hist. Laus. cap. xci.

Cum quodam die conuenisset (cum **Cronio**, & **Iacobo claudio**) etiam **PAPHNUTIVS** cognomento **Cephala**, qui dono cogitationis sacre scriptura veteris nouique testamenti pollebat, & totam illam interpretabatur, cum scripturam non legisset: ea autem erat modestia, ut virtutem prophetica celaret.

**IDEM** cap. xx. Narravit nobis & Dei seruus **PAPHNUTIVS**, preclari huius sancti (**Macarii**) discipulus, quod cum quodam die sederet in aula sanctus **Macarius** &c.

**S. BENEDICTVS** **Anianæ Abbas** hanc ipsam & sequentes duas Regulas aliquoties in **Concordia Regularum** laudat, easque indiscriminatim communi appellatione **REGVLAS PATRV** vocat.

**SMARAGDV**s quoque **Abbas** multa ex iisdem ad **Regulam S. Benedicti** affert, & antiquos monachorum **Patres** earundem auctores citat.



# INCIPIVNT CAPITVLA REGVLAE MONACHORVM VEL DEVM TIMENTIVM

*pro discipulorum eruditione,*

ID EST, SERAPIONIS, MACARII, PAPHNVTH, ET ALTERIVS  
MACARII, ET ALIORVM XXXIV.

- I. *Profasio.*
- II. *Serapion dixit, de prima coniunctione Coenobitarum.*
- III. *Idem ipse, de unanimitate, & iucunditate Patrum.*
- IV. *Qui supra, de Abbate, & quomodo ei obediant monachi.*
- V. *Macarius dixit, qualiter spirituale exercitium ab his qui praesunt patribus teneatur.*
- VI. *Idem ipse, ut in oratione adstantibus nullus sine praecepto patris psalmum imponas.*
- VII. *Idem ipse, quomodo examinentur qui ex seculo conuertuntur.*
- VIII. *Idem ipse, qualiter peregrini hospites suscipiantur.*
- IX. *Paphnusius dixit, qualiter ieiuniorum ordo teneatur.*
- X. *Item ipse, qualiter debent fratres operari.*
- XI. *Item qui supra, qualiter infirmitas vel possibilitas corporum ab eo qui praest patre consideretur.*
- XII. *Item ipse, qualiter officijs se mutuis fratres praeuoniant.*
- XIII. *Alius Macarius dixit, qualiter inter se monasteria pacem firmam obtineant.*
- XIV. *Idemque, qualiter Clerici hospites suscipiendi sunt in monasterio.*
- XV. *Qualiter culpa singulorum emendentur.*
- XVI. *Vt sine personarum acceptione aequaliter iudicetur.*

EXPLICIUNT CAPITVLA.

IN-

**SERAPIONIS, MACARII, PAPHNVTHI.**

ET ALTERIVS MACARII.



**CAP. I. PRAEFATIO.**



ADIENTIBVS nobis in vnum consilio saluber-  
rimo, cum prece Dominum nostrum roga-  
uimus, vt nobis distribueret Spiritum san-  
ctum, qui nos instrueret, qualiter fratrum  
conuersationem, vel Regulam vitæ ordina-  
re possimus.

**CAP. II.** *De prima coniugatione Coenobitarum. Serapion dixit.*

**Q**uoniam *miserericordia Domini plena est terra*, & multorum  
agmina ad vitæ fastigium tendunt, & quia eremi vasti-  
tas, & diuersorum monstrorum terror singillatim habitare  
fratres non permittit, optimum videtur Spiritus sancti præ-  
ceptis obedire. Nec nostra propria verba possunt firma  
perseuerare, nisi firmitas scripturarum, è centesimo trice-  
simo secundo psalmo, nostrum ordinem firmet, quo dicit:  
*Ecce quam bonum & quam iucundum, habitare fratres in unum*. Et  
iterum: *Qui habitare facit unanimes in domo*; firmam iam nunc  
Regulam pietatis per Spiritus sancti ostensionem fratribus  
ordinare prosequamur.

**CAP. III.** *Idem ipse, De unanimitate & iucunditate fratrum.*

**V**olumus ergo fratres vnanimes in domo cum iucunditate habitare, sed qualiter unanimitas ipsa vel iucunditas recto ordine teneatur, Deo adiuuante mandamus.

CAP. IV. *Qui supra, De Abbate, & quomodo ei  
obediant monachi.*

**V**olumus ergo vnum præesse seniore[m] super omnes fratres, nec ab eius consilio vel imperio quenuquam finitrum declinare, sed sicut imperio Domini cum omni lætitia obedire; dicente Apostolo ab Hebræos: *Obedite prepositis vestris, quia ipsi vigilant pro vobis.* Et Dominus dixit: *Nolo sacrificium, sed obedientiam.* Considerandum est quoque ab his, qui se tali opere vnanimes esse cupiunt, quia per obedientiam Abraham placuit Deo, & *amicus Dei appellatus est.* Per obedientiam ipsi Apostoli meruerunt testes Domino in tribus & populis esse. Ipse quoque Dominus noster de supernis ad inferiora descendens ait: *Non veni facere voluntatem meam, sed eius qui me misit.* His ergo tantis virtutibus firmata obedientia magnopere magnoque studio teneatur.

CAP. V. *Macarius dixit, Qualiter spirituale exercitium ab his  
qui præsunt Patribus teneatur.*

**Q**uoniam fratrum insignia virtutum, habitationes quoque, vel obedientia superius conscripta sunt, nunc qualiter spirituale exercitium ab his qui præsunt Patribus teneatur Deo iuvante ostendamus. Debetis qui præestis Patres tales vos exhibere, ut Apostolus ait: *Esote forma credentibus:* hoc est, ut per qualitatem mysticæ pietatis & severitatis, fratrum animos ad cælestia de terrenis erigatis, dicente Apostolo: *Argue, obsecra, increpa, cum omni patientia & doctrina.* Et alio loco inquit: *Quid vultis, in virga veniam ad vos, an in spiritu mansuetudinis?* Decernendum est ab illo qui præest, qualiter circa singulos debeat pietatis affectum monstrare; & qualiter tenere debeat disciplinam, non immemor Domini dicentis: *In qua mensura mensi fueritis, remetietur vobis.*

CAP.

CAP. VI. *Idem ipse , Vt in oratione adstantibus nullus sine praecepto Abbatis psalmum imponat .*

**A**dstantibus ergo ad orationem nullus praesumat sine praecepto qui praestit Patris psalmi laudem emittere . Ordo iste teneatur , vt nullus priorem in monasterio ad standum , vel psallendum ordine praesumat praecedere , dicente Salomone: *Fili primatum concupiscere noli neque accubueris prior in con-* Lec. 14.  
*uiuiis: ne veniat melior te, & dicat tibi, surge, & confusionem patiaris in die illa .* Et iterum dicitur: *Noli altum sapere, sed time .* Quod si Rom. 11.  
 tardas is qui praestit, oportet primum in notitiam eius differre, & secundum eius imperium obedire conuenit fratres .

CAP. VII. *Idem ipse , Quomodo examinentur , qui ex seculo conuertuntur .*

**Q**ualiter verò examinatio erga eos qui de seculo conuertuntur teneri debeat, ostendamus vobis . Amputandæ sunt primò ab huiuscemodi diuitiæ seculi . Et si quis pauper conuerti videatur, habet & ipse diuitias , quas amputare debeat, quas Spiritus sanctus ostendit per Salomonem dicens: *Odit anima mea pauperem superbum, & diuitem mendacem .* Et alio Eccl. 25.  
 loco dicit: *Sicut vulneratum superbum.* Debet ergo is qui praestit Ps. 88.  
 pater, magno studio hanc Regulam tenere; vt si pauper conuertitur, primo exponat sarcinam superbiæ & sic examinatus suscipiatur . Debet ante omnia humiliter imbui, vt quod magnum & Deo acceptum sacrificium est, suam voluntatem non faciat vnusquisque vestrum , fratres ; sed ad omne opus bonum parati estote . Quidquid acciderit , aut iustum quid fuerit, memores esse debetis : *In tribulatione patientes in operibus honesti .* Rom. 12.  
*Nolite vos inuicem ad iracundiam prouocare, sed semper bona sectamini .* Eph. 6.  
 Ii qui tales sunt, cum de seculi huius illecebris liberari voluerint, appropiantes monasterio, hebdomada pro foribus iaceant: nulli cum eis de fratribus iungantur,

tus, & semper dura & laboriosa eis proponantur. Si verò perseverauerint pulsan-  
 tes, eis non negetur ingressus; sed is  
 qui praeest Pater huiusmodi homines introire permittat, &  
 qualiter vitam fratrum, vel Regulam tenere possint, ostendat.  
 Quod si diues est, & habens multas diuitias in seculo, &  
 conuerti voluerit, debet primò Dei voluntatem implere, &  
 consequi praeceptum illud praeceptum, quod adolescenti  
 diuiti dicitur: *Vende omnia bona tua, & da pauperibus, & tolle crucem tuam, & sequere me.* Deinde instruendus est ab eo qui  
 praeest Patre, vt nihil sibi relinquat, nisi crucem Christi, quam tenet, & sequatur Dominum. Crucis verò fastigia, quae tenenda sunt; primo omni obedientia non suam voluntatem facere, sed alterius. Quod si voluerit monasterio partem conferre, nouerit quo ordine siue ipse, siue eius oblatio suscipiatur. Et si voluerit de suis seruis secum in monasterio conducere, nouerit iam non eum seruum habere, sed fratrem; vt in omnibus perfectus inueniatur homo ille.

CAP. VIII. *Idemque, Qualiter peregrini hospites suscipiantur.*

Venientibus eis nullus nisi vnus, cui cura circa hospitale fuerit iniuncta, occurrat, & responsum det venientibus. Orare, vel pacem offerre non liceat vlli, nisi primò videatur ab eo qui praeest Patre; & oratione simul peracta, sequatur ordine suo pacis officium reddere. Nec licebit alicui fratri cum superueniente sermocinari. non sit vlli cura interrogandi, vnde venerit, quid venerit, vel quando ambulaturus sit, nisi soli qui praeest Patri, aut quibus ipse iusserit. Venientibus verò fratribus ad horam refectionis, non licebit peregrino fratri cum fratribus manducare, nisi cum eo qui praeest Patre, vt possit edificari. Nulli licebit cum eo loqui, nec alicuius audiat sermo, nisi diuinus, qui ex pagina proferatur, & eius qui praeest Patris, vel quibus ipse iusserit loqui, vt aliquid de Deo conueniat.

CAP.

CAP. IX. *Qualiter ieiuniorum ordo tenetur. Pater dicit:*

**M**agna & vtilia ad animæ salutem dicta sunt, fratres: nec hoc tacendum est, qualiter ieiunorum ordo tenendus sit. Nec aliud huic firmitati testimonium convenit, dulcissimi fratres, nisi illud quod dicit: *Petrus autem & Ioannes ascen-* Ab. 3.  
*debant in templum circa horam orationis nonam.* Debet ergo iste ordo teneri, fratres, ut nullo die nisi hora nona reficiantur fratres in monasterio, excepta Dominica die & quinquagesima Pentecostes. Die autem Dominica nihil aliud agant, nisi Deo vacent, ne pro aliqua occasione se velint aut alios excusare. Tamen confessor fratres, quod nulla operatio in die illa sancta comperiat, nisi tantum hymnis, & psalmis, & canticis spiritualibus dies illa transigatur.

CAP. X. *Idem ipse. Qualiter fratres debent operari.*

**N**emquē præcipimus. Debent ergo fratres istum ordinem tenere. A prima hora usque ad horam tertiam Deo vacent fratres. a tertia verò usque ad nonam, quidquid iniunctum fuerit a Patre, sine aliqua murmuratione faciant. Meminisse debent hi quibus iniungitur, dictum Apostoli: *Omnia qua facitis, sine murmuratione facite.* Timere debent illud Phil. 2.  
dictum terribile: *Nolite murmurare, sicut quidam eorum mur-* 1. Cor. 10.  
*muraverunt, & ab exterminatore perierunt.* Debet etiam qui præest Pater opus quod faciendum est vni iniungere, ut ceteri eius præcepto, cui iniunctum fuerit, fratres obediant sine querela.

CAP. XI. *Qualiter infirmitas vel possibilitas corporum ab eo qui præest Patre cognoscenda sit.*

**S**i quis ex fratribus pro ieiunio, vel operibus manuum suarum, quæ Apostolus præcipit: *Operantes manibus no-* 1. Cor. 4.  
*stris,*



*fratris, ne quem vestrum grauaremus.* Si is qui talis est fuerit infirmitate obsessus, prouidendum est ab eo qui præest, qualiter ipsa infirmitas sustentetur. Quod si infirmus est animo huiusmodi frater, oportet eum frequentius operari, considerando Apostolum, qualiter corpus suum seruituti redigit. Hoc autem obseruandum est, vt in nullo voluntatem suam, faciat ille.

CAP. XII. *Qualiter officijs mutuis se fratres prauentiant.*

**S**I congregatio multa est, debet is qui præest Pater disponere hebdomadarios, & ordinem officij, quod sibi inuicem succedant ad ministrandum: & decernere debet ille, quomodo debeat esse, qui cellarium fratrum contineat. Debet talis tantummodo eligi, qui possit in omnibus gulæ suę suggestionibus dominari, & euangelico ordine fratribus suis victum gubernare: qui timeat Iudæ sententiam, qui ab initio fur fuit. Studere debet qui huic officio deputatur, vt audiat: *1. Tim. 3.* *Quia qui bene ministrauerit, bonum gradum acquirit: & animæ suæ lucrum facit.* Nosse debent etiam fratres, quia quidquid in monasterio tractatur, siue in vasis, siue in ferramentis, vel cetera omnia, esse sanctificata. Si quis de fratribus aliquid negligenter tractauerit, partem se habere nouerit cum illo rege, qui in vasis domus Dei sanctificatis cum suis bibebat concubinis, & qualem meruit vindictam. Custodienda sunt ista præcepta, & per singulos dies in aures fratrum recitanda sunt, vt non condemnentur in peccatis suis.

CAP. XIII. *Qualiter inter se monasteria pacem firmam obtineant.*  
*alius Macarius dixit:*

*Mat. 18.* **Q**uoniam veritas protestatur, quæ dicit: *In ore duorum, vel trium testium stabit omne verbum;* firmanda ergo est Regula pietatis: nec tacendum est, qualiter inter se monasteria

stera pacem firmam obtineant. Non licebit de alio monasterio, sine voluntate eius qui præest Patris, fratres recipere; sed nec videre oportet, dicente Apostolo: *Quia qui primam fidem irritam fecit, est infideli deterior.* Quod si precatus fuerit ab eo qui præest Patre, ut in alio monasterio ingrediatur, commendetur ab eo ei qui præest, ubi esse desiderat, & sic suscipiatur. Nam sine voluntate qui præesse debet in monasterio Patris, nullatenus alibi recipiatur frater. Quod si præsumpserit talia facere, nouerit se in synodo Episcoporum, aut in conuentu fratrum suorum in audientiam venire: & tunc recedet tamquam iunior suus, donec ab eo cui iniuriam fecit veniam petat; ut non per ipsius vitium alij despiciantur Patres. Ille verò monachus quantos fratres in alio monasterio inuenit, tantos se nouerit habere priores. Nec attendendum est, qui fuit antea; sed probandum est, qualis esse coeperit. Susceptus verò si habere videtur aliquid, siue in rebus, siue in codicibus, ultra ei possidere non licebit, ut possit esse perfectus, quod alibi non potuit. Residentibus verò fratribus, si fuerit aliqua de scripturis collatio, & fuerit ex his talis scitus, non ei licebit aliquid dicere, nisi præceptum ei fuerit a Patre.

**CAP. XIV.** *Idemque, Qualiter Clerici hospites suscipiendi sunt in monasterio.*

**C**um omni reuerentia ut ministri altaris: non licebit nisi ipsis orationem complere, siue ostiarius, siue minister est templi Dei. Quod si aliquo casu lapsus est, & in eo quod dicitur probatur crimine, non liceat ei ante eum qui præest Patrem, vel secundum complere. Nulli permittatur Clerico in monasterio habitare, nisi ei tantummodo quem lapsus peccati ad humilitatem deduxit, & est vulneratus: ut in monasterio humilitatis medicina sanetur. Hæc vobis tenenda sufficiant, fratres, custodienda conueniant, & eritis irreprehensibiles in populo Dei.

E

CAP.

CAP. XV. *Qualiter culpæ singulorum emendentur.*

**N**ec hoc tacendum est, qualiter culpæ singulorum emendentur, pro qualitate culpæ erit excommunicatio. Ergo iste ordo teneatur. Si quis ex fratribus sermonem otiosum emiserit, ne reus sit concilij, præcipimus eum triduo a fratrum congregatione vel colloquio esse alienum, ut nullus cum eo iungatur. Si vero aliquis deprehensus fuerit in risu, vel in scurrilitate sermonis, sicut ait Apostolus, *quæ ad rem non pertinent*; iubemus huiusmodi duarum hebdomadarum spatio in nomine Domini omni flagello humilitatis coerceri, dicente Apostolo: *Si quis frater nominatur iracundus, aut superbus, aut maledicus, hunc notate*. & non odite ut inimicum, sed corripite ut fratrem. Et in alio loco: *Si quis frater fuerit præuentus in aliquo delicto, vos qui spirituales estis, instructo huiusmodi, & corripite fratrem; ita ut per humilitatis frequentiam non reprobus, sed probatus in congregatione perseveret*.

Eph. 5.

1. Cor. 5.

2. Thes. 3.

Gal. 6.

CAP. XVI. *Ut sine personarum acceptione aequaliter iudicetur.*

**H**oc ante omnia præcipimus vobis qui huic officio præestis, ut personæ a vobis non accipiantur, sed æquali affectu omnes diligantur, & per correptionem omnes sanentur. quia æqualitas placet apud Deum, dicente Propheta: *Si vere utique iustitiam loquimini, iuste iudicate filij hominum*. Nec latere vos volumus, quia qui non corripit errantem, noverit se pro eo rationem redditurum. Estote fideles & boni doctores ad omnes: corripite inquietos: suscipite infirmos: patientes estote ad omnes: & quantos fueritis lucrati, pro tantis mercedem accipietis, in nomine Patris & Filij & Spiritus sancti.

Psal. 57.

EXPLICIT REGULA PATRVM ABBATVM XXXVIII.

SE-



SEQVITVR ALIA  
PATRV M REGVLA  
AD MONACHOS.



INCIPIVNT CAPITVLA REGVLAE

A SANCTIS PATRIBVS PROLATAE .

- I. De *unanimitate caritatis* , & de *diligendo ac obtemperando Abbati* .
- II. *Vt non se fabellis vanis destruant* , & *ut in conuentu nisi interrogatus quis loquatur* .
- III. *Vt aduenienti peregrino nihil plus exhibeat quis . quam occursum humilem & pacem* .
- IV. *Vt presente seniore psallendi loquendique non habeat facultatem* .
- V. De *curfu orationis* , & *horis operandi* , ac de *correctione delin-*
- VI. *De his qui ad opus Dei tarde occurrunt* . ( *quentium* .
- VII. *Vt frater qui pro qualibet culpa arguitur patientiam habeat* ; & *ut ad mensam nemo loquatur* .

EXPLICIUNT CAPITVLA.

## INCIPIT PATRVM REGVLÆ

P R A E F A T I O .



VM resideremus in vnum in nomine Domini nostri Iesu Christi, secundum traditionem Patrum sanctorum virorum, visum est nobis conscribere vel Regulam ordinare, quæ in monasterio teneatur ad profectum fratrum; vt neque nos laboremus; neque sanctus Præpositus, qui constitutus est in loco, dubitationem aliquam pati possit: vt omnes vnanimis, sicut scriptum est, & vnum sentientes, inuicem honorantes, ea quæ statuta sunt a Domino iugi obseruatione custodiant.

Phil. 2.

Col. 3.

Ad. 4.

Luc. 10.

I. Ante omnia habentes caritatem, humilitatem, patientiam, mansuetudinem, vel cetera quæ docet sanctus Apostolus; ita vt nemo quidquam suum vindicet, sed sicut scriptum est in actibus Apostolorum, habeant omnia communia. Ille verò qui præpositus est, Dei iudicium, & ordinationem sacerdotis in omnibus timere, diligere, & obaudire debet secundum veritatem: quia si quis illum putat se spernere, Deum spernit: sicut scriptum est: *Qui vos audit, me audit: & qui vos spernit, me spernit: Et qui me spernit, spernit eum qui me misit.* Ita vt sine ipsius voluntate nullus frater quidquam agat, neque accipiat ab aliquo aliquid, neque det, nec vquam prorsus recedat sine verbo.

II. Obseruantes etiam hoc, vt non se inuicem fabulis vanis destruunt, sed vnusquisque opus suum meditetur & custodiat, & cogitationes habeat apud Deum. In conuentu omnium nullus iunior quidquam nisi interrogatus loquatur. Cæterum si quis vult consolationem accipere, vel verbum audire, secretum & opportunum tempus requirat.

Ad-

III. Aduenienti peregrino nihil plus exhibeat quam pacem . reliquum non sit illi cura vnde venerit, pro quo venerit, vel quando ambulaturus sit, nec se iungat ad fabulas cum illo .

IV. Illud quoque obseruandum est, vt præfente seniore quocumque, vel præcedente in ordine psallendi, sequens non habeat facultatem loquendi, vel aliquid præsumendi, nisi tantum is, qui in ordine, vt dictum est, præcedere videtur . Hoc vsque ad imum ante omnia in oratione, seu in opere, siue in responso dando erit seruandum . Si verò simplicior fuerit, vel impeditior sermone, & dederit locum, ita demum sequens loquatur . Omnia tamen in caritate fiant, non per contentionem vel aliquam præsumptionem .

V. Cursus verò orationum vel psalmorum, sicut dudum statutum est, vltra tempus istud meditandi operandique seruabitur . Ita meditationem habeant fratres, vt vsque ad horam secundam legant; si tamen nulla caussa extiterit, qua necesse sit etiam prætermissa meditatione aliquid fieri in commune . Post horam verò secundam vnusquisque ad opus suum paratus sit : & vsque ad horam nonam quidquid iniunctum fuerit, *sine murmurations vel hastations* perficiat, *Phil.* sicut docet sanctus Apostolus . Si quis autem murmurauerit, vel contentiosus extiterit, aut opponens in aliquo contrariam voluntatem præceptis, digne correctus tam diu abstineat, quam diu vel culpæ qualitas poposcerit, vel se poenitendo humiliauerit, atque emendauerit . Correctus autem non audeat vsquam recedere . Si quis verò de fratribus, vel qui in oratorio sunt, vel qui in cellis consistunt, eius errori consenserit, culpabilis erit, atque excommunicatione dignissimus .

Ad

VI. Ad horam verò orationis dato signo si quis non statim prætermisso omni opere quod agit (quia nihil orationi præponendum est) paratus fuerit, foras excludatur confundendus. Operam verò dabunt singuli fratres, vt tempore quo missæ fiunt, siue die, siue nocte, quando diutius ad orationem standum est, non deficiant, vel superfluo foras recedant; quia *Luc. 18.* scriptum est in Euangelio: *oportet autem semper orare, & non deficere.* Et alio loco: *Non impediaris orare semper.* Si quis autem non necessitate, sed magis vitio procedendum putauerit, sciat se cum deprehensus fuerit, culpabilem iudicandum; quia per suam negligentiam & alios in vitium mittit. In vigilijs obseruandum est, quando omnes conueniunt, quicumque grauatur somno, & exit foras, non se fabulis occupet, sed statim redeat ad opus, ad quod conuenitur. In congregatione autem ipsa vbi legitur, aurem semper ad scripturas habeant, & silentium obseruent omnes.

VII. Hoc etiam addendum fuit, vt frater, qui pro qualibet culpa arguitur vel increpatur, patientiam habeat, & non respondeat arguenti; sed humiliet se in omnibus, secundum *1. Pet. 5.* præceptum Domini dicentis: *Quia Deus humilibus dat gratiam, superbis autem resistit.* Et, *qui se humiliat exaltabitur.* *Luc. 14.* Qui verò sapius correptus non se emendauerit, nouissimus in *Mat. 18.* ordine stare iubeatur: sicut Dominus dixit: *fit tibi sicut ethnicus & publicanus.* Ad mensam autem specialiter nullus loquatur, nisi qui præest, vel qui interrogatus fuerit.

EXPLICIT REGVLA.



SF-



SEQUITVR TERTIA  
PATRV M REGVLA  
AD MONACHOS.

INCIPIVNT CAPITVLA REGVLAE  
A SANCTIS PATRIBVS PROLATAE.

- I. De conuersis .
- II. Vt Abbas nihil filii proprium vindicet .
- III. De vestimentis monachorum ..
- IV. Vt nulla mulier ad monasterium vel agrum monachorum ac-
- V. De lectione & operatione monachorum . (cedat .
- VI. De his qui ad opus Dei tarde occurrunt .
- VII. De silentio ad mensam .
- VIII. Vt ad necessaria quarenda bini vel terni mittantur .
- IX. Vt nusquam sine precepto senioris egrediantur .
- X. De his qui de monasterio exire voluerint .
- XI. Vt Abbas cum fratribus reficiat omni tempore ..
- XII. Vt nullus monachus in infirmitate positus parentum studio com-
- XIII. De his qui furtum faciunt . (mendetur .
- XIV. Vt nullus alterius monachum sine permissu Abbatis suscipiat .

EXPLICIUNT CAPITVLA.

IN.



## I N C I P I T R E G V L A .

## C A P V T I .



**C**um in nomine Domini vna cum fratribus nostris conuenissemus, imprimis placuit vt Regula & instituta Patrum per ordinem legerentur: quibus lectis placuit, si de seculo quis in monasterio conuerti voluerit, Regula ei introeunti legatur, & omnes actus monasterij illi patefiant. Quod si omnia apte susceperit, sic digne a fratribus in cellula suscipiatur. tum si aliquam in cellulam voluerit inferre substantiam, in mensa ponatur coram omnibus fratribus, velut Regula continet. Quod si susceptus fuerit, non solum de substantia quam intulit, sed etiam nec de se ipso ab illa iudicabit hora.

II. Abbati vero nulli liceat sibi quidquam proprie vindicare, cum omnia Deo propitio in illius maneat potestate. Si quis vero, quod in Regula iunioribus prohibetur, sibi aliquid ex successionem parentum, seu quolibet donato retinere præsumserit, & non omnia in commune posuerit, a fratribus arguatur. Si in vitio perstiterit, in noticiam Episcopi deferatur. qui si ab Episcopo correptus nec sic emendauerit, deponatur.

III. Vestimenta vero fratribus necessaria ita Abbas omnibus ordinare debet, quæ monachis deceant: non diuersis coloribus tincta, exceptis cucullis quæ comparantur, si fuerint nigrae, vti eas debere censemus.

IV. Familiaritatem omnium mulierum, tam parentum, quam extranearum pro custodienda vita, vel cauendis laqueis diaboli, ab omnibus monasterijs vel culturis monachorum: seu frequentationem monachorum a monasterijs puellarum, sicut Regula docet, prohibere censemus. Neque

que vlla mulier in interius atrium monasterij ingredi audeat. Quod si cum consilio vel voluntate Abbatis monasterium vel cellulas monachorum quædam fuerit ingressa, merito ipse Abbas & nomen Abbatis deponat, & inferiorem se omnibus presbyteris recognoscat. quia talis sancto gregi præponi debet, qui eos immaculatos Deo offerre procuret; non per quaslibet familiaritates diabolo sociare festinet.

V. Matutino dicto fratres lectioni vacent vsque ad horam secundam: si tamen nulla causa extiterit, qua necesse sit etiam prætermittenda lectione aliquid fieri in commune. Post horam secundam vnusquisque ad opus suum paratus sit vsque ad horam nonam: quod iniunctum fuerit, sine murmuratione perficiat.

VI. Ad horam verò orationis dato signo, qui non statim prætermittendo omni opere quod agit (quia nihil orationi præponendum est) paratus fuerit, ab Abbate vel Præposito corripiatur: & nisi prostratus veniam petierit, excommunicetur.

VII. Ad mensam autem specialiter nullus loquatur, nisi qui præest, vel qui interrogatus fuerit.

VIII. Ad necessaria quærenda in cellula, bini egrediantur vel terni fratres: & ita illi, quibus creditur, non qui verborum sitatem aut gulam sectantur.

IX. Siquis vero extra conscientiam Abbatis vel Præpositi, qualemcumque locum egressus, gulæ vel ebrietati se sociauerit; aut si in proximo transmissus, pro sua leuitate vel gula, non statim expedita necessitate ad cellam redierit, cum in id facinus fuerit detectus, vt canones docent, aut triginta diebus a communione separetur, aut virgis cæsus emendetur.

F

Quod

X. Quod si casu quis frater de cellula ex qualibet scandali causa exire voluerit, nihil penitus nisi nugaliſſimo induatur vestimento, & extra communionem infidelis discedat.

XI. Illud quoque statuimus, vt Abbates omni tempore cum fratribus reficiant: quia eo tempore, quo fratres aut pro negligentia arguere, aut spiritali debent sermone imbueri, absque certa necessitate se remouere non debent.

XII. Id etiam pro custodienda fama specialiter statuimus, vt nullus monachus in infirmitate positus relicto monasterio parentum suorum studio commendetur: quia magis eum secularium spectaculorum visu aut auditu pollui censemus, quam ab ægritudine posse purgari.

XIII. Si quis verò monachus furtum fecerit, quod potius sacrilegium dici potest, id censuimus ordinandum; vt iunior virgis cæsus tanti criminis reus nunquam officium clericatus excipiat: si verò iam clericus in id facinus fuerit deprehensus, nominis ipsius dignitate priuetur: cui sufficere potest pro actus sui leuitate, impleta pœnitentiæ satisfactio-  
ne, communio.

XIV. Monachum nisi Abbatis sui aut permissu aut voluntate ad aliud monasterium commigrantem, nullus Abbas aut suscipere, aut retinere præsumat. Quod si ad districtiorem Regulam non pro actus sui leuitate tendentem Abbas suus ipsum ad alterum monasterium transire permiserit, vt inde postea sub aliqua occasione egredi præsumat nulla ratione permittimus. Sanè si quis post hanc diligentissimam sanctionem non obseruare quæ sunt superius comprehensa præsumperit, reum se diuinitatis pariter & fraternitatis iudicio futurum esse cognoscat.

EXPLICIT REGVLA A SS. PATRIBVS PROLATA.

S.MA-

S. M A C A R I I

A L E X A N D R I N I

ABBATIS NITRIENSIS

*Regula*

AD MONACHOS.

# DE S. MACARIO EIVSQ. REGVLA veterum testimonia.

MARTYROLOGIVM Rom. postrid. Kal. Ian.

*In Thebaide commemoratio S. Macarij Alexandrini Abbatis.*

S. HIERONYMVS Epistola XXI.

*Quid ante non plures annos Nitria gestum sit, referemus. Quidam ex fratribus parcius magis quam auarior, centum solidos quos lina tenendo acquisuerat, moriens dereliquit. In initum est inter monachos consilium, (nam in eodem loco circiter quinque millia diuisis cellulis habitabant,) quid facto opus esset. alij pauperibus distribuendos; Macarius vero, & Pambo, & Isidorus & ceteri, quos Patres vocant, sancto in eis loquente Spiritu decreuerunt, infodiendos esse cum eodem, dicentes: Pecunia tua tecum sit in perditionem.*

SOCRATES Hist. Eccl. lib. iv. cap. xvi.

*Macarius Alexandrinus cum cetera quidem omnia Aegypto Macario esset similis, in hoc tamen dispar fuit, quod ijs qui eum conueniebant hilarem & iucundum se praeiuit, & urbanitate quadam faceta adolescentulos ad monasticam viuendi disciplinam allexit.*

SOZOMENVS Hist. Eccl. lib. iii. cap. xii.

*Alter vero Macarius diu post presbyter factus, omnia fere vite ac disciplina seuerioris exercitia expertus est, quorum nonnulla ipse excogitauit, quaedam ab alijs accepta omni perfectiori modo excoluit.*

**VITA S. Posthumij cap. vii. lib. i. de vitis Patrum.**

*Nota facta est sancto Macario, scilicet beati Antonij discipulo, conuersatio Posthumij. Nam idem Macarius ab illustri viro Antonio monachorum fere quinque millia suscepit gubernanda.*

**IONAS Abbas in vita S. Ioannis Reomaensis  
lib. i. cap. vii.**

*Regressus ergo ad presatum locum studuit denuo salubria dogmata sub regulari tenore, quem beatus Macarius Aegyptiorum indidit monachis, ministrare.*

**VITA S. Philiberti Abbatis apud Surium.**

*Legebat studiose Basilij preclaras constitutiones, Macarij Regulam, Benedicti decreta, Columbani instituta sanctissima.*

**S. BENEDICTVS** Anianensis, & **SMARAGDVS** Abbas  
sæpius hanc Macarij regulam citant, & multa inde capita  
ille in Concordiam Regularum, hic in expositionem  
Regulæ S. Benedicti transcribunt.



IN-

INCIPIT REGVLA S. MACARII  
 QVI HABVIT SVB ORDINATIONE SVA  
 QVINQVE MILLIA MONACHORVM.



C A P I T V L V M I.

Marc. 12.



MITES ergo Christi sic taliter suos debent componere gressus, caritatem in se perfectissimam continentes, *Deum ex tota anima diligere, & ex toto corde, & ex tota virtute sua.*

II. Inuicem inter se perfectissimam sectantes obedientiam, pacifici, mites, moderati, non superbi, non iniuriosi, non susurriones, non irrisores, non verbosi, non presumptuosi, non sibi placentes, sed Deo cui militant Christo: non blasphemiam sectantes, nec dicentes quidquam præter quod bonum est: ad obsequium non pigri, ad orationem parati, in humilitate perfecti, in obedientia præcincti, in vigilijs instantes, in ieiunio hilares.

Luc. 14.

III. Nullus se alio iustiore arbitretur: sed vnusquisque omnibus se inferiorem contemnat: *Quia qui se exaltat, humiliabitur: & qui se humiliat, exaltabitur.*

IV. Præceptum senioris vt salutem suscipias: non murmurando vllam operam facias: non responsionem contra præceptum vsurpes.

V. Non te extollas, aut magnifices aliquam vtilem operam fecisse: non in acquirendo aliquid lucri congaudeas, aut in damno contristeris.

Non

VI. Non te familiaritas vlla secularis trahat : sed tota delectatio tua in cellula demoretur . Cellam vt paradisum habeas : fratres tuos spirituales vt æternos confidas habere parentes .

VII. Præpositum monasterij timeas vt dominum , diligas vt parentem . Similiter quoque omnes oportet diligere , fratres , cum quibus etiam te confidis videre gloriam Christi .

VIII. *Non oderis laboriosam operam* : otium quoque ne sectatus fueris . In vigilijs confectus , in opere iusto affectus , ambulans quasi dormitans , lassus ad stratum tuum venias , & cum Christo requiescere te credas . Ecc. 7.

IX. Cursumque monasterij super omnia diligas . Qui verò sæpius orare voluerit , vberiore inueniet misericordiam Christi .

X. Matutinoquè dicto ità meditationem habeant fratres vsque ad horam secundam : si tamen nulla caussa extiterit , qua necesse sit etiam prætermissa meditatione aliquid fieri in commune .

XI. Post horam verò secundam vnusquisquè ad opus suum paratus sit vsque ad horam nonam , vt quidquid iniunctum fuerit , sine murmuratione perficiat , sicut dicit sanctus Apostolus . Phil 2.

XII. Si quis autem murmurauerit , vel contentiosus extiterit , aut referens in aliquo contrariam voluntatem præceptis , dignè correptus secundum arbitrium senioris vel modum culpæ , tam diù abstineat , quam diù vel culpæ qualitas poposcerit , vel se poenitendo humiliauerit , vel emendauerit : ità vt correptus non audeat vsquam recidere .

Si



XIII. Si quis frater, vel qui in oratorio sunt, vel qui per cellulas consistunt, quicumque eius errori consenserit, culpabilis erit.

XIV. Ad horam verò orationis dato signo qui non statim prætermisso omni opere quod agit paratus fuerit, foras excludatur, ut erubescat; quia nihil orationi præponendum est.

XV. Operam Deo dabunt singuli fratres tempore quo Missæ in vigilijs obseruandis fiunt, quando omnes conueniunt, ne deficiant. Quicumque grauetur somno, exeat foras. non se fabulis occupet, sed statim redeat ad opus, quo conuenitur. In congregatione autem ipsa ubi legitur, aures semper ad scripturas habeant, & silentium obseruent.

XVI. Hoc etiam attendendum fuit, ut frater, qui pro qualibet culpa arguitur, vel increpatur, patientiam habeat, & non respondeat arguenti se; sed humiliet se in omnibus; secundum præceptum Domini dicentis: *Quia Deus humilibus dat gratiam, superbis autem resistit.* Et, qui se humiliat, exaltabitur.

XVII. Qui verò sæpius corripitur, & non se emendauerit, nouissimus in ordine stare iubeatur. Qui si nec sic quidem se emendauerit, extraneus habeatur, sicut Dominus dixit: *Sit tibi sicut ethnicus & publicanus.*

XVIII. Ad mensam autem specialiter nullus loquatur, nisi qui præest, vel qui interrogatus fuerit.

XIX. Nullus se in sua peritia, neque in voce exaltet, sed per humilitatem & obedientiam lætetur in Domino.

XX. *Hospitalitatem sectantes* per omnia, & ne auertas oculum, aut inanem dimittas pauperem; ne forte Dominus in  
ho-

hospite aut in paupere ad te veniat, & videat te hæsitantem, & contemnaris: sed omnibus hilarem te ostende, & fideliter age.

XXI. Passus iniuriam taceas. Iniuriam facere non nosse, factam posse tolerare. Non te inania seducant consilia, sed magis te specialiter in Christo confirma. Non tibi æstimes villos proximiores parentes, quam qui tecum sunt in cellula fratres.

XXII. Si ad necessaria requirenda è monasterio bini egrediantur vel terni fratres, tales fiant quibus creditur, qui timorem Dei in se habere videntur, non qui verbositatem aut gulam sectantur.

XXIII. Ergo si quis de seculo ad monasterium conuerti voluerit, Regula ei introeunti legatur, & omnes actus monasterij illi patefiant. Qui si omnia aptè sustinuerit, sic dignè a fratribus suscipiatur in monasterio.

XXIV. Nam si aliquam in cellula voluerit inferre substantiam, in mensa ponatur coram omnibus fratribus, velut Regula continet. Qui si susceptus fuerit, non solum de substantia quam intulit, sed etiam nec de seipso ab illa iudicabit hora. Nam si aliquid prius erogauit pauperibus, aut veniens in cellulam aliquid intulit fratribus, ipsi tamen non est licitum, vt aliquid habeat in sua potestate.

XXV. Et si ex qualibet causa scandali post tertium diem inde exire voluerit, nihil penitus accipiat, nisi in veste qua venit. Quod si casu transierit, nullus heredium eius adire debeat. Quod si impulsare voluerit, Regula ei legatur, & confundatur turpiter, & discedat confusus: quia & illi a quo repetit, fuerat recitata.

G

Ergo

**XXVI.** Ergo ex qualibet causa quis peccauerit frater, ab oratione suspendatur, & ieiunijs distringatur. Quod si coram omnibus fratribus prostratus veniam postulauerit, dimittatur illi.

**XXVII.** Nam si in sua voluerit perseuerare nequitia & superbia, & dicat: hic ego durare non possum, sed accipiam casulam meam, & eam ubi voluerit Dominus; quisquis de fratribus eum hoc dixisse prius audierit, referat Præposito, & Præpositus Abbati. Abbas coram omnibus fratribus resideat, & eum exhiberi iubeat, & virgis purgetur: & oratio fiat, & sic ad communionem recipiatur. Vt si quis sanè non emendatur doctrina, virgis purgetur.

**XXVIII.** Quod si casu quis frater de monasterio exire voluerit, nihil penitus accipiat, nisi in notatissimo vestimento, & extra communionem infidelis discedat. Nam quieti & pacifici excelsum diripiunt regnum, & filij computantur altissimi, & pretiosas splendidasque accipient coronas: filij autem tenebrarum in exteriora ibunt tormenta. *Super quem requiescam, dicit Dominus, nisi super humilem, & quietum, & tremulentum sermones meos?*

*Mat. 5.*  
*Esa. 66.*

**XXIX.** Quarta & sexta feria qui infrangunt ieiunium, Iudeæ estimantur participes, qui Christum tradidit.

**XXX.** Illud etiam attendendum fuit, ut intra monasterium artificium non faciat vllus, nisi ille, cuius fides probata fuerit, qui ad vtilitatem & necessitatem monasterij faciat quod poterit facere.

EXPLICIT REGULA S. MACARII.

EPISTOLA B. MACARII  
DATA AD MONACHOS.

**I**GNORVM copia ingentem excitat flammam; multitudo autem escharum emittit concupiscentiam. Pessima concupiscentia escharum & inobedientia generat mortem. Indigens venter in orationibus vigilantiam præstat, & coronam animæ acquirit; repletus autem, somnum inducit grauissimum. Oculus gulosi conuiuia scrutatur, oculus autem sapientum meditatur continentiam. Formidolosus miles horrescit ad tubam quæ bellum significat, & gulosus si abstinentiam prædicantem audierit, non libenter auscultat. Flamma cum marcescit, elucescit iterum si acceperit lignum; & libido sopita rursus crescit in saturitate. Non miserearis corpori si lassitudine defecerit: equus consentiens indigens corpus, nec ascensorem deiecit vñquam. Concupiscentia gulæ, mater est libidinis. Oleum nutrit lampada lucernæ, & ignem reaccendit confabulatio mulieris. Facies mulieris, sagitta est truculenta; infigit vulnus in animam. Vt venenum fuge confabulationem mulieris, si castus esse volueris: abscondum namque in eis est venenum bestiarum nequissimum. Magis appropinqua igni ardenti, quam mulieri nouellæ. Cum sis iuuenis, fuge impetum libidinis, & confabulationem mulieris. Qui repleuerunt ventrem, & promiserunt castitatem, sibi mentiuntur. Forma pulcritudinis peius quam procella submergit. Species mulieris si semel mentem contriuerit, etiam ipsam mentem contemnere persuadet. Vtenim si paleis remoretur ignis, excitat flammam; sic memoria mulieris permanens succendit concupiscentiam. Vt enim cumulata nauis vndarum ictu obruitur, sic multa possidens monachus non saluabitur: nihil possidens monachus athleta insuperabilis: nihil possidens monachus cursor leuis, velociter ad brauium vocationis peruenit. Auarus

monachus operari negligit: nihil possidens monachus post opus moderatum orationibus & lectionibus vacat. Avarus monachus thesaurizat sibi iram in die ultionis: nihil possidens monachus thesaurizat in coelo, & dabit laudem cum angelis Deo. Gloriatio monachi, patientia in tribulationibus eius. Gloriatio monachi, longanimitas cum caritate. Gloriatio monachi, nullas res præsentis vitæ possidere. Gloriatio monachi, vigiliæ & fletus in orationibus. Gloriatio monachi, mansuetudo & cordis silentium. Gloriatio monachi, quando Dominum ex toto corde dilexerit, & proximum suum tamquam seipsum. Gloriatio monachi, abstinentia escarum, & a multiloquio linguæ. Gloriatio monachi, quando proximum suum sicut seipsum patitur. Gloriatio monachi, quando verba eius operibus consonant. Gloriatio monachi, quando in loco suo permanet, & huc illucque non vagatur. Gloriatio monachi, longanimitas. Sicut lampas in loco tenebroso, sicut sol radians, sic monachus mente sobria, & corde perugili in tempore salutis suæ. Sicut pondus salis deprimit virum infirmum, sic somnus monachum. Sicut spinæ & tribuli agro opimo, sic & cogitationes turpes pessimæ in corde monachi. Sicut tineæ exterminat vestimentum, sic distractiones animam monachi. Noli te dare ad colloquium mulierum, ne fias separatus a regno Dei: & ne velis dicere: loquar cum muliere, & mundus sum. Monachus sapiens suis manibus operatur, & victum sibi quotidianum acquirit, & lucratus est orationes & ieiunia sua. si autem ab alio acceperit victum, quid prodest quod orat & vigilat? sicut mercenarius malus, nudus euadit; quia scriptum est: *melius est dare quam accipere*. Qui legis, intellige in Domino semper.

48. 20.

EXPLICIT EPISTOLA B. MACARII.

S.P.A.

**S. PACHOMII**

**ABBATIS TABENNENSIS**

**Regula**

**AD MONACHOS.**

# DE S. PACHOMIO EIVSQUE REGVLA veterum testimonia.

MARTYROLOG. Rom. prid. Id. Maij.

IN Ægypto S. Pachomij Abbatis, qui plurima in ea regione monasteria erexit, & Regulam monachorum scripsit, quam angelo dictante didicerat.

**GENNADIUS** de Illust. Script. cap. VII.

**PACHYMIVS** monachus, vir tam in dicendo quam in signa faciendo Apostolica gratie, & fundator Ægypti coenobiorum, scripsit Regulam utriusque generi monachorum aptam, quam angelo dictante perceperat.

EX VITA S. Pachomii, cap. II.

PER idem tempus Pachomius quidam, secundum ritum ac traditionem parentum gentilis, apud Thebaidem commanens, diuina gratia gubernante Christianus effectus est.

CAP. VI. Audiuit autem quendam Anachoretam cui nomen erat Palemon, intra eremi secreta Domino seruientem: ad quem confestim cum eo cupiens habitare perrexit, & pulsans ostium cellule eius precabatur ingressum.

CAP. VII. Tunc sanctus Palemon spiritualibus oculis intuens Pachomij fidem tandem patefecit aditum: eumque suscipiens habitu monachi consecrauit.

CAP. XI. Diligebat autem anachoresin plurimum, frequenter expetens solitudinem: & illic diu in oratione persistens Domino supplicabat, ut à tantis se fraudibus eriperet.

CAP. XII. Quodam vero tempore contigit, ut Pachomius procul a cella sua progressus veniret ad quendam vicum cui nomen est Tabennense, in quo tunc nullus penitus habitator existerat. Vbi cum pro more diutius in orationibus perduraret, vox ad eum calitus delata est dicens: Mane hic, o Pachomi; & monasterium construe: venturi sunt namque ad te quamplurimi, tua cupientes institutione proficere: qui-

quibus ducatum præstabis : iuxta Regulam quam monstrauero tibi. Et protenus apparuit Angelus Domini, deferens ei tabulam, in qua erat omnis forma institutionis adscripta, qua docendi forent, quicumque ad eius magisterij studia peruenissent. Quam Regulam Tabernenses hodieque custodiunt eodem cibo semper viuentes & habitu, ipsam quoque disciplinam sollicita circumspectione seruantes. Nam monachi qui ibidem commanent, non solum more, sed & robore corporis & locorum situ præ ceteris longe diuersi sunt : Et necesse est eos diuersam quoque Regulam custodire. Hanc ergo vocem Pachomius mentis sinceritate discernens, quam illi diuina gratia & merita vite contulerant, agnouit ad se celitus delatam, Regulasque valde mirabiles approbauit.

CAP. XV. Inter hæc Pachomius iterum diuinitus admonetur pro Regulis, quibus deberent institui, qui erant per eum Domino credituri : coepitque cum germano suo habitaculum in quo manebant, caparius reddere, & ædificijs ampliare quamplurimis, eorum ut diximus gratia, qui secundo renuntiantes ad seruandum Christo erant sine dubitatione venturi.

CAP. XXI. & XXII. Quodam autem tempore cum Pachomius vigilaret in oratione, apparuit illi Angelus Domini, dicens : Voluntas Domini est, o Pachomi, ut ei pura mentis deferuimus multitudinem congreges monachorum, & iuxta formam que tibi ostensa est, cunctos instituas, ac Deo exhibere contendas. Acceperat enim dudum tabulam, in qua erant hæc adnotata :

Singulis iuxta vires suas edere concedas & bibere : & pro modo vescentium laborare compellas : Et neque comedere modeste, neque ieiunare prohibeas. Validioribus quidem & comedentibus, validiora opera ; leuiora vero infirmioribus & abstinentibus imponas.

Facies autem diuersas cellulas, & ternos per unam cellulam manere constituas. Omnium vero cibus in uno loco paretur, atque consumatur. Induantur autem noctibus lebetones lineos, præcincti lumbos habebantque singuli meloten, id est, caprinam pellem confectam albam, sine qua neque comedant, neque dormiant. Accedentes tamen ad communionem Sacramentorum Christi, & cingulos soluant, & meloten deponant, cucullis vtentes tantummodo.

Hoc



Hoc etiam præceptum erat, ut in ea numerum elementarum & Græcarum litterarum **XXIV.** monachorum turme constituerentur, ita ut singulis turmis imponerentur singularum nomina litterarum, id est, ab **a** & deinceps usque ad **ω.** ut cum interrogaret archimandritam de aliquo in multitudine tanta, facili responsione cognosceret. Verbi gratia, cum diceret, qualiter esset **a**, vel **z**, vel rursus **λ**, vel **ϕ**, vel **σ**, proprio quodam signo nominis littera unicuiusque turme mores exprimeret: simplicioribus & innocentioribus, nomen imponens, difficilioribus autem & tortuosis & competenter accommodans: ita ut pro modo conuersationis & proposito singulis turmis litterarum elementa concinerent, solis spiritualibus hæc ipsa quæ significarent scire valentibus.

Sed & hoc in illa tabella ferebatur adscriptum, ut peregrinus alterius monasterij si veniret habens habitum diuersum, nullus cum eo comederet, excepto eo qui iter agens id obseruare non posset.

Qui vero semel ad hoc intraret monasterium ut ibi iugiter permaneret, per tres annos a studijs sacratioribus arceretur: operaretur tantum opera sua simpliciter, & ita post triennium stadium certaminis introiret.

Cum autem comederent, caput suum cucullis operirent, ne frater fratrem videret manducantem: & ut nullus comedens loqueretur, nec præter mensam suos alibi circumferret aspectus.

Necnon ab angelo, qui cum Pachomio loquebatur, hoc quoque constitutum est, ut diurnæ orationes **XII.** fierent, & vespertina **XII.** & nocturnæ **XII.** Cumque Pachomius diceret, paucas orationes esse, respondit Angelus: has constitui, quas possent infirmiores absque labore perficere: ceterum qui perfecti sunt, hæc lege non indigens. apud se namque in proprijs constituti cellulis orare non desinunt, qui puritate mentis & diuina contemplatione pascuntur.

Cumque hoc dixisset nuntius celestis abcessit: & Pachomius solite Deo gratias referens, de visione certus est redditus, quam trina reuelatione cognouerat: coepitque suscipere cunctos, qui per poenitentiam se Dei miserationibus offerebant.

**CAP. XXIV.** Regulas igitur eis quas acceperat tradidit: scilicet ut haberent moderatum cibum, vilissimum vestitum, somnum etiam com-  
peten-

petentem. Statuitque ut hi qui poterant, monasterij susciperent curam: Et ita in breui multiplicatus est monachorum numerus.

CAP. XXV. Cumque in fide & in opere multi proficerent, & magnus fratrum numerus augetetur, omnes propemodum satagebant emulatores esse virtutis. Constituit igitur ex eis Præpositos, qui sibi ad lucrandas animas, quæ ad eum quotidie confluebant, adiutores existerent. Pluribus enim, sicut dictum est, ad eum venientibus, & multipliciter in opere spiritali crescentibus, magna quedam conuersationis eorum videbatur esse diuersitas. Quibus senex iuxta datam sibi diuinitus Regulam, gratia Christi se per omnia moderante, pro viribus & ingenijs singulorum, mensuras & formas operum custodire censebat: alijs quidem, ut labore manuum victum quærerent; alijs, ut fratrum occuparentur obsequijs, nec iisdem cuncti temporibus vescerentur, sed unusquisque pro labore suo vel studio continentia moderamina retineret.

CAP. XXVIII. Comperit autem germana soror eius institutionem senis præclaram atque sublimem: cupiensque videre eum ad monasterium eius aduenit, &c. Et compuncta diuinitus ad exhortationem saluberrimam mox appulit animum, seque Christo seruire professæ est. Hanc ergo mentem germana sua Pachomius agnoscens Deo gratias egit, qui ei promptam largitus est voluntatem: & protinus religiosioribus imperat fratribus, ut ei procul a se monasterium construant. Quod ubi factum est, & illa secundum timorem Dei vitam duceret, conuenerunt ad eam alie plurimæ, & breui tempore magnæ multitudinis mater effecta est. Pachomius autem descripsit eis Regulas, quibus vtentes iugiter conuersationis suæ momenta dirigerent. exceptis enim melotis, quas femina non habent, omnis institutionis earum forma monachis probabatur consimilis. Vna vero Regula tam virorum quam seminarum hodieque perdurat, nisi quod femina melotis, ut dixi, minime vtuntur.

SOZOMENVS hist. Eccles. l. III. c. XII.

PACHOMIUS præfexit eorum qui Tabennisota vocantur. quibus quidem habitus erat a reliquorum monachorum disciplina in quibus-

H

bus-


busdam rebus discrepans, sed ad virtutem spectans, animumque tum ad rerum terrenarum despicentiam, tum ad celestium indagacionem ita excitans, ut cum è corporis custodia migraret, aditum ad celum haberet perfacilem. Isti ad exemplum Helie Thesbita pellibus se inducebant: ut singuli ex pelle corpori circumiecta, sicut mihi quidem videtur, virtutem Prophete semper in memoriam reuocantes, strenuè contra cupiditates venereas configerent. &c.

Pachomium verò aiunt primum in spelunca vitam monasticam coluisse: eique sanctum angelum visum esse, præcepisseque, ut adolescentes monachos in unum cogeret, atque una cum illis degeret. Nam eum in monastico viuendi genere præclarè exercitatum, ideoque monachorum congregationibus debere præesse, ut multis prodesset: eosque legibus institueret, quas esset ipse daturus. Dedit autem illi tabulam, quam monachi adhuc seruant, in qua erat scriptum, ut singulis concederet facultatem tantum comedendi, bibendi, operandi, ieiunandi, vel secus, quantum natura ferret. His vero qui largius comederent, opera laboriosiora imponeret; faciliora autem his qui corpus ieiunijs & abstinentia castigarent. Præscripsit præterea ut multas adiculas extrueret, & in singulis tres monachi commorarentur. in una tamen domo omnes cibum caperent; vescerentur cum silentio, & ad mensas sederent vultu operto, ita ut nec intueri seipsos mutuo, nec aliud quidquam præter mensam & apposita cibaria videre possent. Ut nullus peregrinus una cum illis manducaret, nisi dumtaxat illac iter faciens exciperetur hospitio. &c.

#### PALLADIUS, CASSIANUS, ET NICEPHORUS

Callistus similia habent. ut taceam S. Benedictum Anianensem & Smaragdum qui hanc Regulam sæpius laudant, & cum Regula S. Benedicti conferunt.





INCIPIT PRAEFATIO  
S. HIERONYMI PRESBYTERI

IN REGVLAM S. PACHOMII.



**Q**UAMVIS acutus gladius & leuigatus, si diu in vagina conditus fuerit, fordescit rubigine, & splendorem pristini decoris amittit. Vnde & ego mœrens super dormitione sanctæ & venerabilis Paulæ, non quò contra præceptum Apostoli facerem, sed quò multorum incisa illius morte refrigeria suspirarem, accepi libros ab homine Dei Siluano presbytero mihi directos, quos ille Alexandria missos susceperat, vt etiam iniungeret transferendos. Aiebat enim, quòd in Thebaidis coenobijs, & in monasterio Metanœæ, quod de Canobo in poenitentiam felici nominis conuersione mutatum est, habitarent plurimi Latinorum, qui ignorarent Aegyptiacum Græcumque sermonem, quo Pachomij, & Theodori, & Orselij præcepta conscripta sunt: qui primi per Thebaidem & Aegyptum coenobiorum fundamenta iecerunt, iuxta præceptum Dei, & Angeli, qui ad eos ob hanc ipsam institutionem missus fuerat.

H 2

Ita-

II. Itaque quia diù tacueram, & dolorem meum silentio deuoraueram, vrgebant autem missi ad me ob hanc ipsam causam Leontius presbyter, & ceteri cum eo fratres, accito notario, vt erant de Aegyptiaca in Græcam linguam versa, nostro sermone dictaui, vt & tantis viris imperantibus, ne dicam rogantibus, obedirem; & bono, vt aiunt, auspicio longum silentium rumperem, reddens me pristinis studijs, & sanctæ feminæ refrigerans animam, quæ monasteriorum semper amore flagrauit, & quod visura erat in cælo, hic in terris meditata est. Venerabilis quoque virgo Christi Eustochium haberet quod sororibus agendum tribueret; nostrique fratres Aegyptiorum, hoc est, Tabennensium monachorum exempla sequerentur: qui habent per singula monasteria Patres, & dispensatores, & hebdomadarios, ac ministros, & singularum domorum Præpositos; ita vt vna domus quadraginta plus minusuè fratres habeat, qui obediant Præposito; sintque pro numero fratrum triginta vel quadraginta domus in vno monasterio, & ternæ vel quaternæ domus in vnam tribum foederentur, vt vel ad opera simul vadant, vel in hebdomadarum ministerio sibi succedant per ordinem.

III. Quicumque autem monasterium primus ingreditur, primus sedet, primus ambulat, primus psalmum dicit, primus in mensa manum extendit; prior in Ecclesia communicat; nec ætas inter eos quæritur, sed professio.

IV. Nihil habent in cellulis præter psalium, & quæ infra scripta sunt, duo lebitonaria (quod Aegyptijs monachis genus vestimenti est sine manicis) & vnum iam attritum ad dormiendum, vel operandum; & amictum lineum, cucullosque duos, & caprinam pelliculam, quam meloten vocant, balteolum lineum, & gallicas, ac bacillum itineris focium.

Aegro-

v. Aegrotantes ministrorum sustentantur obsequijs, & ad omnem copiam præparatis cibis. Sani maiori pollent abstinentia. Bis in hebdomada, quarta & sexta sabbati ab omnibus ieiunatur, excepto tempore Paschæ & Pentecostes. Alijs diebus comedunt qui volunt post meridiem: & in cœna similiter mensa ponitur, propter laborantes, senes, & pueros, ætusque grauissimos. Sunt qui secundo parum comedunt; alij qui prandij, siue cœnæ vno tantum cibo contenti sunt. Nonnulli gustato paululum pane egrediuntur. Omnes pariter comedunt. Qui ad mensam ire noluerit, in cellula sua panem tantum & aquam, ac salem accipit, siue in vno die voluerit, siue post biduum.

vi. Fratres eiusdem artis in vnam domum sub vno Præposito congregantur: verbi gratia, vt qui texunt lina sint pariter; qui mattas, in vnam reputantur familiam: sarcinatores, carpentarij, fullones, gallicarij seorsum a suis Præpositis gubernantur: & per singulas hebdomadas ratiocinia operum suorum ad patrem monasterij referunt.

vii. Omnium monasteriorum princeps vnum habetur caput, qui habitat in monasterio diebus Paschæ, exceptis his qui in monasterio necessarij sunt. ad illum omnes congregantur, vt quinquaginta millia fere hominum passionis dominicæ simul celebrent festiuitatem.


viii. Mense cui vocabulum est Mesore, idest Augusto, instar Iubilei remissionis dies exercentur, & peccata omnibus dimittuntur, reconcilianturque sibi qui aliquam habuerant simultatem: & disponuntur monasteriorum capita, dispensatores, præpositi, ministri, pro vt necessitas postularit.

ix. Aiunt autem Thebæi quod Pachomio, Cornelioque  
& Sy-

& Syro, qui usque hodie ultra centum & decem annos vivere dicitur, Angelus linguæ mysticæ scientiam dedit, ut scriberent sibi & loquerentur per alphabetum speciale, signis quibusdam & symbolis absconditos sensus inuoluens: quas nos epistolas ita ut apud Aegyptios Græcosque leguntur, in nostram linguam vertimus, eadem ut reperimus elementa ponentes. & qua simplicitatem Aegyptij sermonis imitati sumus, interpretationis fides est: ne viros Apostolicos & totos gratiæ spiritalis sermo rhetoricus immutaret. Cetera autem quæ in eorum tractatibus continentur prælibare nolui, ut in suis discantur auctoribus; & de fontibus potius quam de riuulis bibant, quos sanctæ conuersationis studia delectant.

EXPLICIT PRAEFATIO S. HIEROMYMI.





PATRIS NOSTRI PACHOMII  
HOMINIS DEI, QUI FVNDAVIT CONVERSATIONEM  
COENOBIORVM A PRINCIPIO PER MANDATVM DEI,  
HOC EST EXORDIVM PRAECEPTORVM.



CAPITVLVM I.



**V**I rudis in collectam sanctorum ingreditur, & quem per ordinem ianitor ab ostio monasterij introduxerit, & sedere fecerit in conuentu fratrum, non ei licebit sedendi locum vel ordinem commutare, donec eum transferat Totihoc, id est, Praepositus domus suae, ad locum qui ei rite debetur.

**II.** Sedebit autem cum omni decore & mansuetudine; pelliculamque super humerum geret, ex latere & inferiori parte subdens natibus; & vestimentum, id est, tunicam lineam absque manicis, quam Leuitonarium vocant, diligenter adstringens, ita vt genua operiat.

**III.** Cumque audierit vocem tubae ad collectam vocantis, statim egrediatur cellulam suam, de scripturis aliquid meditando vsque ad ostium conuenticuli.

**IV.** Et quando in loco collectae coeperit ambulare, vt ad locum sedendi standique perueniat, ne vel parum damni in monasterio ex alterius veniat negligentia.

**V.** Sin autem nocte signum insonuerit, ne steterit ad focum, quem propter calefacienda corpora & repellendum frigus ex more succenditur: nec otiosus in collecta sedebit, sed



sed funiculos in mattarum stramina manu celeri præparabit; absque infirmitate duntaxat corpusculi, cui cessandi tribuitur venia.

VI. Cumque manum percusserit stans prior in gradu, & de scripturis quidpiam voluens memoriter, vt oratio finiente, nullus confurget tardius, sed omnes pariter leuabunt.

VII. Nemo aspiciat alterum torquentem funiculum vel orantem; sed in suo defixis luminibus opere sit intentus.

VIII. Hæc enim præcepta vitalia nobis a maioribus tradita. Si acciderit vt psallendi tempore vel orandi, aut in medio lectionis aliquis loquatur aut rideat, illico soluat vinculum, & inclinata ceruice manibusque ad inferiora depressis stabit ante altare, & a principe monasterij increpabitur. Hoc idem faciet & in conuentu fratrum, cum ad vescendum pariter conuenerint.

IX. Quando ad collectam tubæ clangor increpauerit per diem, qui ad vnam orationem tardius venerit, superioris increpationis ordine corripietur, & stabit in loco conuiuij.

X. Nocte vero, quoniam corporis infirmitati plus aliquid conceditur, qui post tres orationes venerit, eodem & in collecta & in vescendo ordine corripietur.

XI. Quando in collecta orant fratres, nemo egredietur absque iussione maiorum, nisi interrogauerit, concessumque ei fuerit exire pro naturæ necessitate.

XII. Nullus diuidet iuncos ad texendos funiculos præter eum qui ministrat hebdomade; & si ille iusto opere detentus est, maioris imperium præstolabitur.

De

XIII. De hebdomadarijs vnus domus non eligentur qui stent in gradu, & conuentu omnium de scripturis aliquid replicent: sed omnes iuxta sedendi & standi ordinem memoriter repetent quæ sibi fuerint imperata. E quibus si quis oblitus quid hæsitauerit in dicendo, negligentia & obliuionis correptionem sustinebit.

XIV. In die dominica vel oblationis tempore nullus deerit de hebdomadarijs, sedens in loco Ebiymij, psallentique respondens, ex vna duntaxat domo, quæ in maiori seruit hebdomade. Altera est etiam minor hebdomas, quæ per singulas domos a paucioribus exhibetur.

XV. At si maior est numerus necessarius, de eadem tribu alij vocabuntur a Præposito domus, qui ministrat hebdomade: & absque iussione eius nullus de altera domo eiusdem tribus ad psallendum veniet. & penitus non licebit in alterius hebdomade, & de alia venire domo, nisi forte eiusdem tribus sit.

XVI. Vocatur autem vna tribus, habens tres vel quatuor domos, pro numero & frequentia monasterij: quas nos familias vel populos vnus gentis possimus appellare.

XVII. In die dominica & collecta, in qua offerenda est oblatio, absque Præposito domus, & maioribus monasterij, qui alicuius nominis sunt, nemo psallendi habeat potestatem.

XVIII. Psallente autem quolibet de maioribus, id est, dicente responsorium, si quis defuerit, statim ante altare poenitentia & increpationis ordinem sustinebit.

XIX. De collecta in qua offerenda est oblatio, qui sine præcepto maioris exierit, statim increpabitur.

I

Ma-

XX. Mane per singulas domos finitis orationibus nō statim ad suas cellulas reuertentur : sed conferent inter se quæ Præpositos audierint disputantes , & sic intrabunt cubilia sua .

XXI. Disputatio autem a Præpositis domorum per singulas hebdomadas tertio fiet : & in ipsa disputatione sedentes siue stantes fratres suum ordinem non mutabunt, iuxta domorum ordinem & hominum singulorum .

XXII. Si quis dormitauerit sedens Præposito domus vel monasterij principe disputante, statim surgere compelletur : & tam diu stabit , donec ei iubeatur vt sedeat .

XXIII. Quando signum insonuerit vt conueniant & audiant præcepta maiorum, nullus remanebit : nec succendetur focus antequam disputatio compleatur . Qui vnum ex his præterierit, prædictæ correptioni subiacebit .

XXIV. Qui hebdomadarius est, non habebit potestatem absque præcepto principis monasterij dare cuiquam funiculos, vel aliorum quid vasorum : & nisi ille iusserit, signum dare non poterit, vt ad collectam meridianam, vel ad vespertinam sex orationum congregentur .

XXV. Post orationes matutinas minister hebdomadis, cui hoc opus fuerit iniunctum , interrogabit principem monasterij de singulis rebus, quas necessarias putat ; & quanti exire debeant operari in agrum . Et iuxta illius iussione circumibit singulas domos , & discet quid vnusquisque habeat necessarium . Codicem si ad legendum petierint, accipiant ; & finita hebdomade, propter eos qui succedunt in ministerium, suo restituant loco .

XXVI. Si mattas operabuntur, interrogabit minister ad  
ve-

vesperum Præpositos domorum singularum, quibus iuncorum singulis domibus necessarium sit; & sic infundet iuncos, & mane per ordinem vnicuique tribuet. Et si mane viderit alijs quoque iuncis opus esse, infundet eos, & ad singulas domos perferet tamdiu, donec signum vescendi increpet.

XXVII. Præpositus domus qui implet hebdomadam, & alius qui venturam suscipiet, principesque monasterij habebunt curam videndi quid operis prætermisum sit vel neglectum; & excuti facient mattas quæ super pauimentum in collecta expandi solent, numerabuntque funiculos, quos per singulas hebdomadas torserunt, & eorum summam describent in buxis, & seruabunt vsque ad tempus annuæ congregationis, quando reddenda est ratio, & peccata omnibus dimittuntur.

XXVIII. Dimissa collecta singuli egredientes vsque ad cellulas suas, vel vsque ad vescendi locum, de scripturis aliquid meditabuntur; nullusque habebit opertum caput meditationis tempore.

XXIX. Cum autem ad vescendum venerint, sedebunt per ordinem statutis locis, & operient capita.

XXX. Statimque cum tibi a maiore fuerit imperatum, vt de alia mensa ad aliam transire debeas, in nullo penitus contradices. Nec audeas ante Præpositum domus tuæ manum in mensam extendere: nec circumspicias alios vescentes.

XXXI. Vnusquisque Præpositorum docebit in domo sua, quomodo debeant cum disciplina & mansuetudine comedere. Quod si quis vel locutus fuerit, vel riserit in vescendo, aget pœnitentiam, & in eodem loco protinus increpabitur, stabitque donec alius surgat de vescentibus.

I a

Si

**XXXII.** Si quis ad comedendam tardius venerit, excepto maioris imperio, similiter aget poenitentiam, aut ad domum ieiunus reuertetur.

**XXXIII.** Si aliquid necessarium fuerit in mensa, nemo audebit loqui, sed ministrantibus signum sonitu dabit.

**XXXIV.** Si egressus fueris a cibo, non loquaris in redeundo, donec ad locum tuum peruenias.

**XXXV.** Ministri absque his, quæ in commune fratribus preparata sunt, nihil aliud comedant, nec mutatos cibos sibi audeant præparare.

**XXXVI.** Qui percutit ad vescendum, & congregat fratres, meditetur aliquid in percutiendo.

**XXXVII.** Qui ante fores conuiuij egredientibus erogat fratribus tragematia, in tribuendo meditetur aliquid de scripturis.

**XXXVIII.** Qui suscipit ea quæ dantur, non in cucullo, sed in pelle accipiat; neque gustabit ante de his quæ acceperit, donec ad domum perueniat.

**XXXIX.** Ipse autem, qui cæteris diuidet, suam partem a Præposito accipiet. Quod & ceteri ministri faciant, accipientes ab alio, & nil sibi suo arbitrio vindicantes. Ea quæ acceperint per triduum eis sufficient: & si cui residuum fuerit, reportabit ad Præpositum domus, & ille reponet in cellario, donec misceatur cum alijs, & cunctis fratribus præbeatur.

**XL.** Nemo plus alteri dabit, quam alter acceperit. quod si ob-

si obtenditur infirmitas, Præpositus domus perget ad ministros ægrotantium, & ab his quæ necessaria sunt accipiet.

**XLI.** Si de ipsis ministris aliquis languerit, non habebit licentiam introeundi in coquinam vel cellarium, & sibi aliquid auferendi: sed ceteri ministri, id quod ei necessarium viderint, dabunt: nec permittetur coquere sibi quod desiderauerit, sed Præpositi domorum quæ necessaria viderint ei, ab alijs ministris accipient.

**XLII.** Nullus introeat locum ægrotantium, qui non ægrotat. Qui ægrotauerit, a Præposito domus ducetur in tricliniam ægrotantium: & si opus habuerit palliolo, aut tunica, aut ceteris, quæ ad operiendum, vel ad vescendum necessaria sunt, ipse Præpositus accipiat a ministris, & dabit ægrotantibus. Nec poterit languidus ingredi cellam vescentium, & comedere quæ desiderat, nisi a ministro, qui huic rei præpositus est, duceatur ad vescendum.

**XLIII.** Non ei licebit de his quæ acceperit in loco ægrotantium, ferre ad cellam suam, ne pomum quidem.

**XLIV.** Qui pulmentaria coquunt, ipsi vicissim ministrantibus & vescentibus ministrabunt.

**XLV.** Vinum & liquamen absque loco ægrotantium nullus contingat.

**XLVI.** Si aliquis eorum qui peregrè mittitur, in itinere vel in naui ægrotauerit, & habuerit necessitatem siue desiderium comedendi liquamen de piscibus, vel aliarum rerum, quæ in monasterio comedere consueuerunt, non manducabit cum fratribus ceteris, sed separatim: & dabitur ei a ministris ad omnem abundantiam, ne in vilo frater languidus contristetur.

Aegro-

**XLVII.** Ægrotantē absq; concessione maioris nullus audeat visitare; nec propinquus quidem atque germanus sine imperio Præpositi domus ingrediendi habebunt potestatem.

**XLVIII.** Si vnum ex his ab aliquo fuerit prætermissum, atque neglectum; increpatione solita emendabitur.

**XLIX.** Si quis accesserit ad ostium monasterij volens seculo renunciare, & fratrum adgregari numero, non habebit intrandi libertatem, sed prius nuntiabitur Patri monasterij, & manebit paucis diebus foris ante ianuam, & docebitur orationem Dominicam, ac Psalmos, quantos poterit ediscere: & diligenter sui experimentum dabit, ne fortè mali quidpiam fecerit, & turbatus ad horam timore discesserit, aut sub aliqua potestate sit: & vtrum possit renunciare parentibus suis, & propriam contemnere facultatem. Si enim viderint aptum ad orationem & ad omnia, tunc docebitur & reliquas monasterij disciplinas, quas seruare debeat & facere, quibusque seruire, siue in collecta omnium fratrum, siue in domo cui tradendus est, siue in voscendi ordine: vt instructus, atque perfectus in omni opere bono, fratribus copuletur. Tunc nudabunt eum vestimentis secularibus, & induent habitu monachorum, tradentque ostiario, vt orationis tempore adducat eum in conspectum omnium fratrum: sedebitque in loco, in quo ei præceptum fuerit. Vestimenta autem quæ secum detulerat, accipient qui huic rei præpositi sunt, & inferent in repositorium, & erunt in potestate principis monasterij.

**L.** Nemo manens in monasterio suscipiendi quempiam ad voscendum habeat potestatem, sed mittet eum ad ostium xenodochij, vt suscipiatur ab his qui huic rei præpositi sunt.

**LI.** Quando ad ostium monasterij aliqui venerint, si clerici

ci fuerint aut monachi, maiori honore suscipiantur: lauanturque pedes eorum, iuxta Euangelij præceptum, & deducuntur ad locum xenodochij, præbebuntque omnia quæ apta sunt vsui monachorum. Quod si voluerint orationis tempore atque collectæ venire ad conuentum fratrum, & eiusdem fidei fuerint, ianitor vel minister xenodochij nuntiabit patri monasterij, & sic deducuntur ad orandum. Si homines seculares aut debiles, aut vasa infirmiora, id est, muliercule venerint ad ostium & orandum, suscipient singulos in diuersis locis, iuxta ordinem propositi & sexus sui. præcipuèque feminas maiori honore & diligentia curabunt, cum omni timore Dei, & locum separaturn ab omni virorum vicinia eis tribuent, vt nulla sit occasio blasphemandi. Quod si ad vesperam venerint, abigere eas nefas est: sed accipient, vt diximus, separaturn locum & clausum cum omni disciplina atque cautela: vt grex fratrum liberè suo officio seruiat, & nulli detur offendiculum detrahendi.

LI. Si quis ante ostium steterit monasterij, dicens se velle videre fratrem suum vel propinquum, ianitor nuntiabit patri monasterij, & ille accitum interrogabit Præpositum domus, vtrumnam apud eum sit: & permittente eo accipiet comitem egressionis suæ, cuius fides probata est, & sic mittetur ad fratrem videndum, vel ad proximum. Si fortè ei aliquid attulerit ciborum, quibus in monasterio vesci licitum est, suscipere ipse non poterit, sed vocabit ianitorem, & ille allata accipiet. quæ si talia fuerint, vt eum pane vescenda sint, nihil eorum is cui allata sunt, accipiet, sed cuncta ad loca ægrotantium deferentur. Si vero sint tragemata, vel poma, dabit ei ianitor ex his comedere quæ poterit: & cetera ad cellam languentium deportabit. Ipse autem nihil ex his quæ allata sunt gustare poterit, sed reddet ei qui attulit, siue lapsania, quod genus herbarum est viliorum, siue panes, siue olera præmordica. Hos autem cibos, quos allatos

a pa-



a parentibus vel propinquis diximus tales esse qui comedi cum pane debeant; is cui allati sunt deducetur a Præposito domus ad cellam ægrotantium, & ibi semel tantum ex his comedet: cetera autem erunt in manu ministri ægrotantium. Ipse quoque minister de his comedere non poterit.

LIII. Si fuerit nuntiatum, quòd de propinquis eorum atque cognatis qui in monasterio commorantur, aliquis ægrotet, ianitor primum nuntiabit patri monasterij, & ille accitum interrogabit Præpositum domus. Videbuntque virum, cuius fides & disciplina probata sit, & mittent cum eo, ut visitet ægrotantem, tantumque accipiet viatici, quantum Præpositus domus eius decreuerit.

LIV. Quod si necessitas impulerit, ut foris maneat, & vescatur in paterna siue propinquorum domo, nequaquam hoc faciat; sed manebit vel in Dominico, vel in monasterio eiusdem fidei. Et si eis affines vel cognati præparauerint cibos & apposuerint, non accipient omnino, nec vescentur nisi his quæ in monasterio comedere consueuerunt, non gustabunt liquamen, nec vinum bibent, nec aliud quidpiam, quorum edendi consuetudinem non habent. Si a parentibus quidpiam acceperint, tantum comedent quantum in via sufficiat; cetera quæ remanserint dabunt Præposito domus suæ, & ille deportabit ea in cellam languentium.

LV. Si propinquus alicuius aut consanguineus mortuus fuerit, prosequendi funus non habebit licentiam, nisi Pater monasterij præceperit.

LVI. Nullus solus foras mittatur ad aliquod negotium, nisi iuncto ei altero.

LVII. Quando autem reuersi fuerint in monasterium, si  
vi-

viderint ante ostium quærentem aliquem suorum affinium de his, qui in monasterio commorantur, non audebunt ire ad eum, & nuntiare vel vocare. Et omninò quidquid foris gesserint, & audierint, in monasterio narrare non poterunt.

**LVIII.** Si signum datum fuerit vt egrediantur ad opus, Præpositus antecedit eos; & nullus in monasterio remanebit, nisi is cui Pater præceperit. Et hi qui pergunt, non interrogabunt quo vadant.

**LIX.** Cumque vniuersæ domus in vnum fuerint congregatæ, prioris domus Præpositus omnes antecedit, & pergunt iuxta ordinem domorum & hominum singulorum. Nec loquuntur mutuo, sed vnusquisque de scripturis aliquid meditabitur. Si forte eis aliquis occurrerit, & voluerit cum aliquo eorum loqui, ianitor monasterij, qui huic operi delegatus fuerit, occurret, & respondebit ei, eoque vtentur nuntio. Si ianitor coram non fuerit, Præpositus domus vel alius cui hoc fuerit iniunctum, occurrentibus respondebit.

**LX.** Operantes nihil loquuntur seculare, sed aut meditantur ea quæ scripta sunt, aut certe filebunt.

**LXI.** Nemo palliolum lineum tollet secum vadens ad operandum, nisi forte concessione maioris: ipsoque palliolo in monasterio ambulans post collectam nullus vtetur.

**LXII.** Operans non sedebit sine maioris imperio.

**LXIII.** Ductores fratrum in itinere, si necessarium habuerint aliquem mittere, sine Præpositi iussione non poterunt. Quod si ipse qui ductor est cogeretur necessitate ire ad aliquem locum, officium suum ei qui post se est in ordine delegabit.

K

Missi

LXIV. *Missi fratres, vel foris constituti, si absque monasterio vefcentur, hebdomadarius qui eos sequitur dabit cibos, absque coctione pulmenti. & ipse aquam circumferet & iuxta vitrum: nullusque surgendi, vel hauriendi, vel bibendi habebit potestatem.*

LXV. *Quando reuertuntur in monasterium, nemo ex ordine remanebit.*

LXVI. *Cum ad domos suas peruenerunt, ferramenta quibus opus fecerunt, & gallicas tradent ei qui secundus est post Præpositum domus: & ille inferet ea vespere in cellulam separatam, ibique concludet. Omnia autem ferramenta hebdomade completa reportabuntur in vnâ domum: & rursus qui succedunt hebdomade singulis domibus nouerint quid distribuant.*

LXVII. *Leuitonarium, & quicquid in veste est monachorum, nemo lauet in die dominica, præter nautas & pistrinarios.*

LXVIII. *Nec vadant ad lauandum nisi omnibus vnum signum insonuerit: sequenturque Præpositum suum, & lauantur taciti cum disciplina.*

LXIX. *Nemo lauet retractis in altum vestibus plus quam statutum est. cumque lauerint omnes pariter reuertentur. Si quis remanserit eo tempore quo ibitur ad lauandum, vel in præfenti non fuerit, commonebit Præpositum suum, & ille mittet cum eo alterum: & sic loto vestimento reuertentur domum.*

LXX. *Vesperis sicca leuitonaria tollent, & dabunt secundo, idest ei qui post Præpositum est, & ille reponet ea in cellula.*  
Quod

LXXI. Quod si sicca non fuerint, altera die expandentur ad solem, donec siccentur: nec dimittentur in ardore solis plus quam in horam tertiam. cumque collecta fuerint leuiter mollientur.

LXXII. Nec tenebunt ea singuli apud se, sed dabunt ut reponantur in cellam usque ad sabbatum.

LXXIII. Nullus de horto tollat olera, nisi ab hortulano acceperit.

LXXIV. Palmarum folia ex quibus texuntur sportæ, nemo suo iure tollet, absque eo cui palmæ creditæ sunt.

LXXV. Nullus vuas aut spicas adhuc immaturas comedere audeat præter ordinem disciplinæ: & omnino de omnibus quæ in agro sunt, vel in pomarijs, nemo comedat separatim, antequam cunctis fratribus pariter exhibeantur.

LXXVI. Qui coquet, antequam fratres comedant, non gustabit.

LXXVII. Qui super palmas est non comedet de fructibus earum, nisi prius fratres comederint.

LXXVIII. Si iussi fuerint palmarum fructus colligere, præpositus colligentium dabit in eodem loco singulis ad vehendum modica: & cum ad monasterium venerint, inter ceteros fratres partes suas accipient. Si autem inuenerint sub arboribus pomacecidisse, comedere non audebunt, sed reperta in transitu iuxta radices arborum collocabunt. Ipse quoque qui ceteris colligentibus distribuit, gustare non poterit, sed portabit ad dispensatorem, qui cum ceteris dederit fratribus, & ipsi tribuat partem suam.

K 2

Nul-

**LXXIX.** Nullus in cellula sua reponat aliquid ad vescendum, absque his quæ a dispensatore acceperit.

**LXXX.** De paruulis autem panibus qui dantur domorum Præpositis, vt his eos distribuunt, qui nolunt in commune vesci cum ceteris, & quasi maiori abstinentiæ se dedicant, ita obseruare debebunt, vt nulli dent iuxta gratiam, ne proficiscenti quidem peregre. Nec ponantur in medium: sed quando comedere volunt, cum disciplina dabuntur in cellulis, & cum his nihil aliud comedent, nisi salem tantum. Præter monasterij autem coquinam nullus coquendi cibos potestatem habeat. Et si quando foris vadant, hoc est in agros ad operandum, accipiant olera sale acetoque condita, & in longos vsus æstatis tempore præparata.

**LXXXI.** Nemo in domo & in cellula sua habeat præter ea quæ in commune monasterij lege præcepta sunt: non tunicam laneam, non pallium, non pellem intonsis arietum lanis molliorem; non paucos nummos, non puluillum quidem ad caput, aut aliud variæ supellectilis: exceptis his, quæ a Patre monasterij per domorum Præpositos diuidentur, idest, armatura sua, leuitonarijs duobus, & vno attrito ex vsu; sabano longiore, quod collo humerisque circumdat; pellicula quæ pendet ex latere, gallicis & cucullis duobus, zona & bacello. Præter hæc quicquid inueneris, absque contradictione auferes.

**LXXXII.** Nullus habeat separatim mordacem pauulam ad euellendas spinas, si forte calcauerit, absque Præposito domus & secundo: pendeatque in fenestra in qua codices collocantur.

**LXXXIII.** Si quis de altera domo transfertur in alteram, exceptis his quæ supra diximus, secum transferre nihil poterit.  
Nul-

**LXXXIV.** Nullus neque exeundi in agrum, neque ambulandi in monasterio, neque extra murum monasterij foras habeat facultatem, nisi interrogauerit Præpositum, & ille concefferit.

**LXXXV.** Cauendum ne quis de domo in alteram domum verba transferat, nec de monasterio in monasterium, nec de monasterio in agrum, nec de agro in monasterium.

**LXXXVI.** Si quis ambulauerit in via, vel nauigauerit, aut operatus fuerit foris, non loquatur in monasterio quæ ibi geri viderit.

**LXXXVII.** Nemo dormiens supponat nisi reclinem fellula suam, quæ ei fuerit mancipata. Nec in cella, nec in domatibus, in quibus vitandorum æstuum causa nocte requiescunt, nec in agris cum ad dormiendum se collocauerint alteri non loquatur, postquam obdormierit. Si post somnum noctu euigilauerit; oret; si sitire cœperit, ieiunij autem instat dies; bibere non audebit.

**LXXXVIII.** Præter psithium, idest mattam, in loco cellulæ ad dormiendum nihil aliud omnino subternet.

**LXXXIX.** Cellulam alterius, nisi prius ad ostium percusserit, introire illicitum est.

**XC.** Ad cibum non pergent nisi generali sonitu conuocentur. nec ambulabunt in monasterio priusquam commune signum intonuerit.

**XCI.** Absque cucullo & pellicula nemo ambulet in monasterio, nec pergat ad collectam, nec ad vescendum.

Ve-

**XCH.** Vespere ad vnguendas & molliendas ab opere manus oleo absque altero ire non poterit. Totum autem corpus nemo vnguet, nisi causa infirmitatis: nec lauabitur aqua nudo corpore, nisi languor perspicuus sit.

**XCIII.** Nullus lauare alterum poterit aut vngere, nisi ei fuerit imperatum.

**XCIV.** Nemo alteri loquatur in tenebris: nullus in psithio cum altero dormiat: manum alterius nemo teneat: sed siue steterit, siue ambulauerit, siue sederit, vno cubito distet ab altero.

**XCV.** Spinam de pede alterius excepto domus Præposito, & secundo, & alio cui iussu fuerit, nemo audebit euellere.

**XCVI.** Nullus attondeat caput absque maioris arbitrio.

**XCVII.** Mutare de his quæ a Præposito acceperit cum altero non audebit: nec accipiet melius, & dabit deterius: aut è contrario dans melius, & deterius accipiens. Et in vestimento & in habitu suo nihil noui præter ceteros causa decoris inueniet.

**XCVIII.** Omnes pæles ligatæ erunt, & pendebunt ex humeris.

**XCIX.** Cuculli singulorum habebunt & monasterij signa & domus.

**C.** Nemo vadens ad collectam aut ad vespendum dimittat codicem non ligatum. Codices qui in fenestra, idest intrinsecus parietis reponuntur ad vespertinum, erunt sub manu secundi: qui numerabit eos, & ex more concludet.

Nul-

- CI. Nullus vadat ad collectam vel ad vesendum habens galliculas in pedibus, vel palliolo lineo inuitatus siue in monasterio, siue in agro.
- CII. Qui vestimentum suum plus quam usque ad meridiem, quando fratres conuocantur ad cibum, in sole esse permiserit, negligentiae increpabitur.
- CIII. Et si vnum de his quae supradicta sunt contempnerit, correptione simili corrigetur.
- CIV. Galliculas, & si quid aliud iungendum est vel componendum, absque eo cui hoc ministerium delegatur a Praeposito domus, facere nullus audebit.
- CV. Si quis fratrum laesus fuerit aut percussus, & tamen lectulo non discumbet, sed deambulat inualidus, & aliquare indigebit, vestimento videlicet, vel palliolo, & ceteris utensilibus, Praepositus domus eius vadet ad eos, quibus fratrum vestimenta commisit, & accipiet. Cumque sanus fuerit, reportabit absque vlla mora.
- CVI. Nemo ab altero accipiet quidpiam, nisi Praepositus iusserit.
- CVII. Clausa cella nullus dormiat, nec habebit cubiculum quod claudi possit: nisi forte aetati alicuius vel infirmitati Pater monasterij concesserit.
- CVIII. In villam nullus vadat nisi missus, exceptis armentariis, & bubulcis, & agricolis.
- CIX. Sub nudum dorsum asini duo pariter non sedebunt, nec super tegmine plaustrum.

Si



**CX.** Si alino sedens venerit aliquis, excepta infirmitate, defiliet ante fores monasterij, & sic alinum præcedens funiculo ducet ad manum.

**CXI.** Ad tabernulas diuerfarum artium soli pergent Præpositi, vt accipiant quod necessarium est.

**CXII.** Ipsi quoque ante meridiem, quando fratres ad vescendum vocantur, ire non poterunt; nisi forte quis incumbat necessitas: & consilio Patris monasterij mittet hebdomadarius, vt deferat quod necesse est. Et omnino absque iussione maioris in alteram cellam nullus audebit introire.

**CXIII.** Commendatum etiam aliquid a germano fratre nullus accipiet.

**CXIV.** Nihil in cella sua absq; Præpositi iussione quispiam condet, nec poma quidem vilissima, & cetera huiusmodi.

**CXV.** Si Præpositus domus alterius quoquam profectus fuerit, alius Præpositus dux erit eiusdem gentis, & tribus geret curam proficiscentis, & eius vtetur potestatibus, ac sollicitè omnia faciet: doctrinamque duorum ieiuniorum ita diuidet, vt vnam in sua domo, alteram in proficiscentis exerceat.

**CXVI.** Quando farinam conspergunt aqua, & malsam subigunt, nemo loquatur alteri. Mane quoque quando tabulis ad furnum vel ad clibanos deportant panes, simile habebunt silentium: & tantum de psalmis & de scripturis aliquid decantabunt, donec opus impleatur. Si quid necessarium habuerint, non loquentur: sed signum dabunt his qui possunt afferre quibus indigent.

Quan-

**CXVII.** Quando ad miscendam farinam vocati fuerint, nullus resideat in loco panes coquentium: exceptis his qui coctioni sufficient, & quibus iussu est, nemo residebit.

**CXVIII.** In nauibus quoque similis disciplina est. Nemo autem a terra soluet funiculum absque iussione Patris, ne lembum quidem.

**CXIX.** In loco sentinae & interiore parte navis ceteris fratribus super transtra & tabulata quiescentibus, nullus dormiat. & seculares homines dormire secum in naui nemo patietur. Vasa infirmiora cum ceteris eis non nauigabunt: nisi forte Pater monasterij præceperit.

**CXX.** Nullus in domo sua audebit focum facere, nisi in commune omnibus succendatur.

**CXXI.** Qui una oratione de sex orationibus vespertinis tardius venerit, vel qui mussitauerit & locutus fuerit ad alterum, vel subriserit in reliquis orationibus constituto ordine, aget poenitentiam.

**CXXII.** Quando domi sedebunt non eis liceat loqui aliquid seculare; sed si quid Præpositus de scripturis docuerit, vicissim inter se reminent, & referant quæ quis audierit, vel quæ memoriter teneant.

**CXXIII.** Nemo quidquam operis faciet, nec scyphos plenos aqua circumferet, nec funiculum quidem torquebit, nisi Præpositus iusserit.

**CXXIV.** Nemo iuncos infusos in aqua sibi tollet ad operandum, nisi magister hebdomadis ei dederit.

L

Qui

**CXXV.** Qui vas fictile fregerit, & iuncos tertio infuderit, aget poenitentiam vespere in sex orationibus.

**CXXVI.** Post sex orationes quando ad dormiendum omnes separantur, nulli licebit ~~excepta causa necessitatis~~ egredi cubiculum suum.

**CXXVII.** Si frater dormierit, omnis eum fraternitas prosequatur. Nemo permaneat absque maioris imperio, nec psallat nisi ei iussum fuerit: nec post alterum psalmum iungat alterum sine Præpositi voluntate.

**CXXVIII.** Duo simul tempore luctus non psallant, nec pallio circumdabuntur lineo. Nec quisquam erit qui psallenti non respondeat, sed iungetur & gradu, & voce consona.

**CXXIX.** Qui est infirmus in funere habebit ministrum, qui eum sustentet, & omnino ad quemcunque locum missi fuerint fratres, de hebdomadarijs habebunt eos qui ægrotantibus seruiant, si forte in itinere vel in agro languor obreperit.

**CXXX.** Nemo ante Præpositum & ducem suum ambulet: nullus remaneat ab ordine suo.

**CXXXI.** Si quis aliquid perdiderit, ante altare publice corripietur. Si vero de proprijs vesticulis fuerit quod perditum est, tribus hebdomadis non accipiet, & in quarta acta poenitentia dabitur ei quod amiserit.

**CXXXII.** Qui inuenerit aliquid, per tres dies ante collectam fratrum suspendet, & tollat qui cognouerit.

**CXXXIII.** Cunctis increpationibus atque doctrinis, quarum

rum scripta est & constituta, correptio Præpositi sufficit: si quid autem noui fuerit in delicto, referet ad principem monasterij.

**CXXXIV.** Lotum in domo nullus faciat absque eo; & omne quod nouum est illius sententia disponetur.

**CXXXV.** Omnis correptio ita fiat, vt distincti sint qui corripiantur, stentq; in maiori collecta, & in vescendi loco.

**CXXXVI.** Qui absque commonitione fratrum recesserit, & postea acta poenitentia venerit, non erit in ordine suo absque maioris imperio.

**CXXXVII.** Præpositus domus & dispensator si vna nocte absque fratribus dormierit, & postea acta poenitudine ad conuentum venerit fratrum, non ei permittetur vt introeat domum, aut stet in ordine suo, absq; maioris imperio.

**CXXXVIII.** Omne quod in conuentu fratrum audierunt disputatum, necessitate cogentur vt inter se replicent, ieiuniorum maxime tēpore, quando a suis docentur præpositis.

**CXXXIX.** Qui rudis monasterium fuerit ingressus, docebitur prius quæ debeat obseruare: & cum doctus ad vniuersa consenserit, dabunt ei viginti psalmos & duas Epistolas Apostoli, aut alterius scripturæ partem. Et si literas ignorauerit, hora prima, & tertia, & sexta vadet ad eum qui docere potest: & qui ei fuerit delegatus, stabit ante illum, & discet studioissime, cum omni gratiarum actione.

**CXL.** Postea vero scribentur ei elementa, syllabæ, verba ac nomina; & etiam nolens legere compelletur. & omnino nullus erit in monasterio, qui non discat literas, & de

scripturis aliquid teneat : qui minimum vsque ad nouum testamentum & psalterium .

CXLI. Ad collectam , & ad psallendum & orandum nullus sibi occupationes inueniat , quibus se dicat occupatum quasi ire non possit .

CXLII. Et si in naui fuerit , & in monasterio , & in agro , & in itinere , & in quolibet ministerio , orandi & psallendi tempora non prætermittat .

P R A E C E P T A E T I N S T I T V T A  
PATRIS NOSTRI PACHOMII HOMINIS DEI QUI  
FVNDAVIT AB EXORDIO SANCTAE VITAE COMMVNIONEM ,  
*Quomodo collecta fieri debeat , & fratres congregandi sint ad audien-  
dum sermonem Dei , iuxta praecepta maiorum , & doctrinam san-  
ctorum scripturarum , ut liberentur de errore anima , & glorificent  
Deum in luce viuentium : & sciant quomodo oporteat in domo Dei  
conuersari sine ruina & scandalo , ut non inebrientur aliqua passio-  
ne , sed stent in mensura veritatis , & traditionibus Apostolorum &  
Prophetarum ; & solemnitatum ordinem teneant , imitantes conuersa-  
tionem eorum in domo Dei , & ieiunia atque orationes ex more  
complementes . Qui enim bene ministrant , sequuntur  
regulam scripturarum .*

CXLIII. Hoc est ergo ministerium quod Ecclesiae ministri exercere debebunt . Congregent fratres orationis tempore , & omnia faciant , quae rite complenda sunt , & nullam detractioni occasionem tribuant , nec sinant ambulare quempiam contrarium disciplinae .

CXLIV. Si codicem postulauerint , deferant eis .

Si

CXLV. Si quis deforis venerit vespere, & nō occurrerit accipere opus quod altera die facturus est, mane ei tribuatur.

CXLVI. Si defecerit opus quod habebat in manibus, referat ad maioris scientiam, & quod ille præceperit faciat.

CXLVII. Qui minister est habeat studium, ne quid operis pereat in monasterio in vlla omnino arte, quæ exercetur a fratribus. Quod si perierit, & negligentia fuerit dissipatum, increpabitur a Patre minister operum singulorum; & ipse rursus increpabit alium, qui opus perdiderit: duntaxat iuxta voluntatem & sententiam principis, absque quo nullus increpandi fratrem habebit potestatem.

CXLVIII. Si vestimentum ad solem expansum tertius inuenerit, dominus pro eo increpabitur, & aget poenitentiam publicam in collecta. Pellicula & galliculæ, & cingulum, & si quid aliud perierit, qui perdiderit increpabitur.

CXLIX. Si quis tulerit rem non suam, portet supra humeros eius, & aget poenitentiam publice in collecta, stabitque in vescendi loco.

CL. Si inuentus fuerit vnus è fratribus aliquid per contentionem agens, vel contradicens maioris imperio, increpabitur iuxta mensuram peccati sui.

CLI. Qui mentitur, aut qui odio quemquam habere fuerit deprehensus, aut inobediens, aut plus ioco quam honestum est deditus, aut otiosus, aut dure respondens, aut habens consuetudinem fratribus detrahendi, vel his qui foris sunt, & omnino quicquid contra regulam scripturarum est & monasterij disciplinam; audiet Pater monasterij, & vindicabit iuxta mensuram opusque peccati.

Præ-

CLII. Præpositus domus culpæ & increpationi subiacebit, si ante tres dies non nuntiauerit Patri, siue in via, siue in agro, siue in monasterio quid perierit: agetque publice poenitentiam iuxta ordinem constitutum. Et si homo fugerit, & ante tres horas non nuntiauerit Patri, reus erit perditionis eius: nisi tamen eum rursus inuenerit.

CLIII. Hæc est ultio in eum qui fratrem de domo perdidit, tribus diebus aget publicam poenitentiam. quod si eadem hora nuntiauerit Patri in qua fugit, reus non erit.

CLIV. Peccatum si in domo sua Præpositus viderit, & non statim increpauerit delinquentem, nec nuntiauerit Patri monasterij, ipse increpationis ordini subiacebit.

CLV. Per domos singulas vespere sex orationes psalmosque complebunt, iuxta ordinem maioris collectæ, quæ a cunctis fratribus in commune celebratur.

CLVI. Per singulas hebdomadas binæ disputationes, idest catecheses, a Præposito complebuntur.

CLVII. Nullus in domo quippiam faciet, nisi quod Præpositus iusserit.

CLVIII. Si omnes fratres qui in vna domo sunt viderint Præpositum nimium negligentem, aut dure increpantem, fratres, & mensuram monasterij excedentem, referent ad Patrem, & ab eo increpabitur. Ipse autem Præpositus nihil faciet, nisi quod Pater iusserit; maxime in re noua. Nam quæ ex more descendit seruabit regulas monasterij.

CLIX. Præpositus non inebrietur: non fideat in humilioribus locis iuxta vasa monasterij. ne rumpat vincula, quæ  
Deus

Deus in cælo condidit, ut obseruentur in terris. Ne lugeat in die festo Domini Salvatoris. Dominetur carni suæ iuxta mensuram sanctorum. Non inueniatur in excelsis cubilibus imitans morem gentilium. Non sit duplicis fidei. Non sequatur cordis sui cogitationes, sed legem Dei. Non resistat sublimioribus tumentis animo potestatibus. Non fremit, neque hirriat super humiliores. Non transferat terminos. Non sit fraudaleptus, neque in cogitationibus verset dolos. Ne negligat peccatum animæ suæ. Ne vincatur carnis luxuria. Non ambulet negligenter. Non cito loquatur verbum otiosum. Non ponat scandalum ante pedes cæci. Non doceat voluptatem animam suam. Non resoluatur risu stultorum ac ioco. Non rapiatur cor eius ab his qui inepta loquuntur & dulcia. Non vincatur muneribus. Non paruulorum sermonem ducat. Ne affligatur in tribulatione. Ne timeat mortem, sed Deum. Ne præuaricator sit propter imminentiorem timorem. Non relinquat verum suum propter modicos cibos. Non nutet ac fluctuet in operibus suis. Non mutet sententiam, sed firmi sit solidique decreti, iusteque cuncta considerans, iudicans in veritate, absque appetitu gloriæ. manifestus Deo & hominibus, & a fraude procul. Ne ignoret conuersationem sanctorum, nec ad eorum scientiam cæcus existat. Nulli noceat per superbiam: nec sequatur concupiscentias oculorum suorum. Non eum superent incentiua vitiorum. Veritatem nunquam prætereat. Oderit iniustitiam: secundum personam nunquam iudicet pro muneribus, nec condemnet animam innocentem per superbiam. Non rideat inter pueros. Non deserat veritatem timore superatus. Non comedat panem de fraudulentia. Non desideret alienam terram. Non opprimat animam propter aliorum spolia. Non despiciat eos qui indigent misericordia. Ne falsum dicat testimonium seductus lucro. Ne mentiatur propter superbiam. Ne contendat contra veritatem ob tumorem animi.

Ne.



Ne deferat iustitiam propter lassitudinem. Ne perdat animam suam propter verecundiam. Ne respiciat dapes lautioris mensæ. Ne pulchra vestimenta desideret. Ne se negligat, ut semper dijudicet cogitationes suas. Ne inebrietur vino; sed humilitatem habeat iunctam veritati. Quando iudicat, sequatur præcepta maiorum & legem Dei, quæ in toto orbe prædicata est. Si quidquam de his præterierit, reddetur ei mensura iuxta quam mensus est, & recipiet secundum opera sua. quia moechatus est in ligna sua & lapides: & propter fulgorem auri, & splendorem argenti dimisit iudicium, & desiderio temporalis lucri laqueis se induit ethnicorum. Et veniat ei contritio Heli & ramorum eius; maledictio David, quam imprecatus est Doech: signum quo denotatus est Cain: sepultura asini, de qua loquitur Hieremias: perditio qua peccatores terræ hiatus absorbit: & interitus Chananæorum, & contritio hydriæ ad fontem: & arenarum comminutio in litteribus & saxis, quæ fluctibus verberantur; & fractio virgæ gloriøsæ de Isaia, ut sit quasi cæcus manu palrans parietem. Hæc omnia ei evenient, quia non servavit veritatem in iudicio, & iniqua egit in omnibus quæ ei credita sunt.

1er. 3.

1. Reg. 4.

Psal. 51.

Gen. 4.

1er. 22.

Nam. 16.

Ecol. 12.

Isai. 5.

Os 19.

## EIVSDEM PATRIS NOSTRI PACHOMII PRÆCEPTA ATQVE IUDICIA.

ROM. 13. CLX. *Plenitudo legis caritas, scientibus tempus quia iam inflet hora, ut de somno consurgamus, Et vicinior sit salus quam eo tempore quo credidimus. Nox præcessit, dies appropinquavit: depouamus opera tenebrarum; quæ sunt contentiones, detractio- nes, odia, & tumentis animi superbia. Qui facilis est ad de- trahendum, dicitque quod non est, si in hoc peccato fuerit deprehensus, monebunt eum secundo: & si audire con- templerit, separabitur extra conuentum fratrum septem die-*

diebus: & panem tantum cum aqua accipiet, donec polliceatur atque confirmet, se ab hoc vitio recessurum: & sic dimittetur ei.

CLXI. Iracundus & furiosus si frequenter irascitur sine causa & propter rem inanem & vacuam, per sex vices commonebitur. in septima facient eum consurgere de ordine sessionis suæ, & inter ultimos collocabitur: docebuntque eum, ut ab hac mentis perturbatione mundetur. cumque tres dignos testimonio testes, qui pro eo polliceantur nequaquam simile quid esse facturum, adduxerit, recipiet sessionem suam. Alioquin si permanferit in vitio, moretur inter ultimos perduto priore loco.

CLXII. Qui falsum cupit probare contra alterum, ut opprimat innocentem, tertio commonebitur: & postea reus erit iniquitatis, siue de prioribus sit, siue de inferioribus.

CLXIII. Qui habet pessimam consuetudinem, ut fratres suos sermone sollicitet, & peruertat animas simpliciorum, tertio commonebitur. si contempserit, & obstinato animo in duritia perseverauerit, separabunt eum extra monasterium, & verberabitur ante fores: dabuntque ei ad vescendum foris panem & aquam, donec mundetur a fordibus.

CLXIV. Qui habet consuetudinem murmurandi, & quasi graui opere se opprimi queritur, docebunt eum quinquies quod sine causa murmuret, & ostendent perspicuam veritatem. Si & post hoc inobediens fuerit, & est perfectæ ætatis, ita eum habebunt ut vnum de ægrotantibus, & ponetur in loco infirmorum: ibique aletur otiosus, donec redeat ad veritatem. Sin autem iusta est illius querela, & a maiore inique opprimatur: qui eum scandalizauerit, eidem sententiæ subiacebit.

M

Si

**CLXV.** Si inobediens quis fuerit, aut contentiosus, aut contradictor, aut mendax, & est perfrictæ frontis, decies commonebitur, vt desistat a vitijs. si audire noluerit, monasterij legibus increpabitur. At si per alterius culpam ad hæc vitia deuoluitur, & hoc fuerit comprobatum: ille qui caussa extitit, reus erit ultionis.

**CLXVI.** Si deprehensus fuerit aliquis è fratribus libenter cum pueris ridere & ludere, & habere amicitias ætatis infirmæ, tertio commonebitur, vt recedat ab eorum necessitudine, & memor sit honestatis & timoris Dei. si non cessauerit, corripietur vt dignus est correptione seuerissima.

**CLXVII.** Qui contemnunt præcepta maiorum & Regulas monasterij, quæ Dei præcepto constitutæ sunt, & parui pendunt seniorum consilia, corripientur iuxta ordinem constitutum, donec corrigantur.

**CLXVIII.** Qui iudex est omnium peccatorum, & peruersitate mentis vel negligentia reliquerit veritatem, viginti viri sancti & timentes Deum, siue decem, & vsque ad quinque, de quibus omnes dent testimonium, sedebunt & iudicabunt eum, & regradabunt in vltimum gradum, donec corrigatur.

**CLXIX.** Qui conturbat fratrum animos, & facilis ad loquendum est, lites serens ac iurgia, decies commonebitur. Et si non fuerit emendatus, corripietur ordine monasterij, donec corrigatur.

**CLXX.** Qui viderit de maioribus & præpositis fratrem suum in tribulatione, & noluerit causam tribulationis inquirere, eumque contempserit, quæretur caussa a supradi-  
ctis iudicibus inter fratrem atque Præpositum. & si depre-  
hen-

hendatur negligentia Præpositi vel superbia coangustatum fratrem, & iudicasse eum non secundum veritatem, sed secundum personam, regradabitur de solio suo, donec corrigatur, & ab iniustitiæ sordibus emundetur: quia non consideravit veritatem, sed personas, & seruiuit prauitati animi sui, & non Dei iudicio.

CLXXI. Si quis promiserit se obseruare Regulas monasterij, & facere coeperit, easque dimiserit; postea autem reuersus egerit poenitentiam, obtendens infirmitatem corporculi, per quam non possit implere quod dixerat, faciant eum inter languentes commorari, & pascetur inter otiosos, donec acta poenitentia impleat quod promissit.

CLXXII. Pueri si in domo fuerint dediti lusibus & otio, & correpti non possint emendari, debet Præpositus usque ad dies triginta ipse eos monere & corripere. Si viderit in prauitate persistere, & non renuntiauerit Patri, & aliquod peccatum in eis fuerit deprehensum, ipse pro eis culpæ subiacebit, iuxta quod peccatum fuerit inuentum.

CLXXIII. Omnes saltem pueri qui non timent confundi pro peccato, & per imprudentiam iudicium Dei non cogitant, & correpti verbo non emendauerint, verberentur quamdiu disciplinam accipiant & timorem.

CLXXIV. Qui iniuste iudicauerit, iuste ab alijs condemnabitur.

CLXXV. Si vnus, è fratribus vel duo vel tres scandalizati ab aliquo recefferint de domo, & postea venerint, ventilabitur inter eos & scandalizantem ante iudicium; & si reus inuentus fuerit, monasterij Regulis emendabitur.

M 2 Qui

**CLXXVI.** Qui consentit peccantibus, & defendit alium delinquentem, maledictus erit apud Deum & homines, & corripietur increpatione seuerissima. Quod si per ignorantiam deceptus est, & non ita putauit, vt verum est, ignoscetur ei. Et omnis qui peccat per ignorantiam, facile accipiet veniam: qui autem sciens peccauerit, sustinebit increpationem iuxta mensuram operis sui.

---

**PRAECEPTA AC LEGES PATRIS NOSTRI  
PACHOMII DE SEX ORATIONIBVS VESPERTINIS,  
ET DE COLLECTA QVAE PER SINGVLAS DOMOS  
FIT SEX ORATIONVM.**

**CLXXVII.** Viginti quinque orgyas Praepositus domus ac secundus debebunt de palmarum folijs texere, vt ad exemplum eorum operentur & ceteri. Quod si non fuerint in praesenti, qui loco eorum praefuerit, huic operi atque mensurae studium commodabit.

**CLXXVIII.** Postquam acciti fuerint veniant ad collectam, & antequam vocentur cellula nullus exhibit. Si qui haec praeepta contempserint, increpationi solitae subiacent.

**CLXXIX.** Ne plus operis fratres compellantur facere, sed moderatus labor omnes ad operandum prouocet. Sitque inter eos pax & concordia, & libenter maioribus subiiciantur, sedentes, ambulantes, ac stantes in ordine suo, & inuicem de humilitate certantes.

**CLXXX.** Si quid peccatum fuerit, Patres monasteriorum emendare poterunt, & constituere quod sequi debeant.

Præ-

**CLXXXI.** *Præpositus autem domus, & qui secundus ab eo est, hoc tantum habebit iuris, ut compellat fratres in collecta domus, siue in collecta maiore, hoc est omnium fratrum, subiacere poenitentiae.*

**CLXXXII.** *Quod si Præpositus petegre fuerit, qui secundus est locum eius obtinebit, tam in poenitentia fratris recipienda, quam in quocunque alio eorum quæ in domo necessaria sunt.*

**CLXXXIII.** *Si quis absque conscientia duorum ierit ad alteram domum, vel alterius domus fratrem, codicem legendum mutuum postulare, vel quodlibet aliud, & in hoc inuentus fuerit, monasterij ordine increpabitur.*

**CLXXXIV.** *Qui vult sine macula & absque contemptu in domo cui deputatus est esse, omnia quæ præcepta sunt coram Deo obseruare debet.*

**CLXXXV.** *Quicquid necessarium est in monasterio siue in agro, si Præpositus domus occupatus est, secundus impleat.*

**CLXXXVI.** *Sex orationes facere vespertinas, iuxta exemplum maioris collectæ, in qua omnes fratres pariter congregantur, summæ delectationis est, & ita facile fiunt, ut nullum onus habeant, & ex onere nascatur tædium.*

**CLXXXVII.** *Si quis de foris venerit, & æstu laborauerit, alijque fratres orationem celebrabunt, si ire non potest, non cogetur.*

**CLXXXVIII.** *Quando Præpositi domorum fratres de conuersatione sanctæ vitæ docebunt, absque grauissima necessitate nullus aberit.*

Maio-

**GLXXXIX.** Maiores qui cum fratribus mittuntur foras, quamdiu ibi fuerint, habebunt ius Præpositorum, & eorum cuncta regentur arbitrio: docebuntque fratres per constitutos dies. Et si forsitan aliquid inter eos ortum fuerit similitatis, audient ipsi maiores, & dijudicabunt causam, & dignam culpa increpabunt: ut ad imperium eorum statim pacem pleno corde consocient.

**CXC.** Si quis ex fratribus contra Præpositum domus sue habuerit tristitiam, aut ipse Præpositus contra fratrem aliquam querimoniam, probate fratres conuersationis & fidei eos audire debebunt, & dijudicabunt inter eos. Si tamen absens est Pater monasterij, vel aliquo profectus, primum quidem expectabunt eum: si autem diutius foris viderint commorari, tunc audient inter Præpositum & fratrem, ne diu suspensio iudicio tristitia maior oriatur. Et ille qui Præpositus est, & ille qui subiectus, & hi qui audiunt, iuxta timorem Dei cuncta faciant, & non dent in illo occasionem discordiæ.

**CXCI.** Igitur qui animo vno esse concupiscunt, & viuere mente communi disposuerunt, consilij maiorum inferuiant: quod ex consilij processerit Patrum, id faciant.

**CXCII.** *De vestibus.* Si quis ab his quæ præcepta sunt amplius habuerit, absque commonitione maioris deferet ad custodem cellæ: & introeundi, vel postulandi ea non habebit potestatem: sed erunt sub Præpositi, & eius qui secundus est arbitrio.

**CXCIII.** *De puellarum disciplina.* Nemo ad eas vadat visitandas; &c. Hoc caput alio loco inter Regulas Virginum posuimus, pag. 151. fide nostri codicis M.S. qui inter S. Pachomij præcepta non agnoscit.

Qui-

CXCIV. Quicumque de his mandatis aliquid preterierit, absque ulla dubitatione negligentia & contemptus agat poenitentiam, ut possidere valeamus regna celorum.

EXPLICIT REGULA S. PACHOMII.

INCIPIUNT MONITA S. PACHOMII.



Monora Deum & valebis. Memor esto gemitus, quos perpeffi sunt sancti. Efficiamur vnanimes, permanentes in quo vocati sumus; pro omnibus curam gerentes, ut hanc quam arripuimus vitam perficere valeamus, & cursum institutionis nostrae Deo placitum perficere mereamur; ut ne similes inueniamur, qui in vanis & caducis rebus haerantur. ne quando mens nostra recti itineris lineam derelinquens in peccatum corruat, & spe aeterna fraudetur. Intellectu namque est optimum, cognoscere voluntatem Dei. Omnium enim superior efficitur homo, qui obediit veritati. Omnium enim malorum peius est, legi Dei resistere, & acquiescere propriae voluntati. Qui enim suam perficit voluntatem, a diuina cognitione fraudabitur: nec poterit perficiendo propriam voluntatem viam sanctorum incedere; & in nouissimo interitum & planctum inueniet. Nunc igitur tempus placendi Domino: quia salus in tempore tribulationis acquiritur. Ne ergo tantummodo credulitatem, fidei in tempore laetitiae teneamus, & in tempore tribulationis ab eadem recedamus. Scriptum est enim: *Si voveris* *Eccl. 9.* *votum Domino, ne moram feceris reddere illud.* & in tribulatione ne deficias; sed patiens esto, & obsecra Dominum. Immobiles enim fidei plenitudo tribuetur a Deo, quam per Spiritum sanctum acquisierunt Prophetae. in qua  
& Apo-



& Apostoli confirmati sunt, qui propter fidem diuersas tribulationes persecutionum excipientes ad promissa præmia peruenerunt. Hoc ergo scientes ne circumferamur, errorum seductione decepti; sed potius firmi & immobiles maneamus, vt cogitationum peruagationes, quæ velut aquæ efferuescunt, diuinæ legis assidua memoria refrenemus. per quam carnalis concupiscentiæ legem destruentes, omne quod Deo placitum est exquirere valeamus: & custodiamur illæsi a curis secularibus, omnique elatione; quæ est insania pessima, peior omnium malorum. Dominum semper præ oculis habentes reminiscamur passionem crucis eius ac mortis, per quem redempti ac viuificati sumus. Odiamus ergo mundum, & omnia quæ in eo sunt. odiamus etiam omnem requiem corporalem. Abrenuntiemus huic vitæ, vt Deo viuere valeamus.

Memores ergo sumus, carissimi, professionis nostræ, quemadmodum Deo polliciti sumus deseruire: Hoc ipsum enim exquiritur a nobis in die iudicij. Esuriamus, sitiamus, nuditatem perferamus; vigilemus, & in psalmis atque orationibus positi ex intimo corde ingemiscentes lacrimas effundamus; nosmetipsos cauta discussione probantes, si vel in aliquo digni Deo pro eius immensa clementia inueniri mereamur. Tribulationis angustiam non refugiamus, vt consolationis dominicæ requiem consequamur; & immortalis vitæ ac sempiternæ requiem percipere mereamur. Amen.

EXPLICIUNT MONITA S. PACHOMII.





SANCTORVM PATRV  
**PACHOMII ET THEODORI**  
 EPISTOLAE ET VERBA MYSTICA.



DE IISDEM EPISTOLIS  
 veterum testimonia.

GENNADIUS Massil. de illust. Eccles.  
 Script. cap. VII.

**PACHOMIVS** monachus, vir tam in docendo quam signa faciendo Apostolica gratia, & fundator Aegypti coenobiorum, scripsit Regulam &c. Scripsit & ad collegas praepositurae suae Epistolas, in quibus alphabetum mysticis lectum sacramentis, velut humane consuetudinis excedens intelligentiam clausit: solis credo eorum gratiae vel meritis manifestatum. Vnam ad Abbatem Syrum. vnam ad Abbatem Cornelium. Ad omnium monasteriorum Praepositos, ut in unum antiquius monasterium, quod lingua Aegyptiaca Baïm vocatur, congregati Pasche diem velut aeterna lege celebrent, Epistolam vnam. Similiter & ad diem remissionis, quae mense Augusto agitur, ut in unum Praepositi congregarentur, Epistolam vnam. & ad fratres qui foras monasterium missi fuerant operari, Epistolam vnam.

N

IDEM

**THEODORVS** Presbyter, successor gratie & prepositura supradicti Abbatis Pachomij, scripsit ad alia monasteria Epistolas sanctarum scripturarum sermone digestas: in quibus tamen frequentiter statueret magistri & institutoris sui Pachomij, & doctrine eius ac vite proponit exempla, quæ illi ut doceret angelo administrante discerere: simul & hortatur permanendum in proposito cordis & studij, & redire in concordiam & unitatem eos, qui post Abbatis obitum discessione facta, a coetu semetipsos absciderant unitatis. Sunt autem huius exhortationis Epistole tres.

**S. CYRILLVS** Alexand. episc. ad Concil. Carthagin.  
apud Aeg. Bucherium de Doctrina temporum.

Indicabo vobis quod Pachomius monachus insignis, factis Apostolica gratia egregius, fundatorque Aegypti coenobiorum edidit ad monasterium, quod lingua Aegyptiorum vocatur Baum, litteras quas Angelo discipulo perceperat, ut non errorem incurrerent in solemnitate Paschalis ratione.

**BEDA** Hbro de Argument. Luce.

Legimus in Epistolis Græcorum, quod post passionem Apostolorum sanctus Pachomius Abbas in Aegypto cum monachis suis in oratione Domino rogauit, ut ostenderet ei quomodo Pascha deberet celebrare: & misit Dominus per angelum suum ad prefatum sanctum Pachomium Cyclum recommendationem. Sic legitur in Epistola quam beatus Cyrillus ad Leonem Papam scripsit: Indicabo vobis &c.



## EPISTOLA PATRIS NOSTRI PACHOMII

*ad sanctum virum Cornelium, qui Pater fuit monasterij Mochan-  
seos: in qua loquitur iuxta linguam que ambobus ab Angelo tradita  
est. & cuius nos sonum audiuimus, ceterum vires Et sensum intel-  
ligere non possumus.*

**D**eus sapiens, Deus absque ullis occasionibus bonus, I.  
Deus sine omni querela, dedit requiem spiritui tuo:  
& tu da requiem animæ tuæ, ut lætetur Sion in diebus  
natiuitatis suæ. Fac opus Iotæ, quod vocatum est Y in  
diebus antiquis: & pone Delta ante oculos, ut bene sit  
animæ tuæ. Ro tetendit manum suam ut parueniret ad te:  
quod est Iota: hoc est sepulcrum cubiculi tui. Cane tu Ω,  
ne forte Ω tibi canat seculum impudentissimum. Lætetur  
tecum, ne tu cum seculo gaudeas procacissimo. Memento  
Heta: ne obliuiscaris Kalendarum, quæ sunt dies paupertatis  
& cubilis tui. Tolle tibi Iota, quod præcipuum est ex eis:  
Non enim erat Labda in Heta: & ideo nutritus es hæc  
pannis. Reuertere ad Kalendar, quæ sunt Xi. de Y paraue-  
runt plaustra tabernaculi Principes tribuum, & obtulerunt  
ea lætantes, cunctaque dona cum omni gaudio. Et tu ut sa-  
piens cognosce capillum capitis tui in via, ut veniat gratia  
super his, quæ sunt dies innocentie tuæ. Nunquid non  
Kalenda sunt Tau? Heta est pascha, in his omnibus ne  
obliuiscaris Simma, quod vocatur quidem Simma, sed habet  
communione cum Ro. donauit illi partem suam, ut fiat  
dies in Ω. Literæ huius epistolæ scriptæ sunt Delta, & Iota.  
Saluta caput & pedes, & manus, & oculos, & reliqua spi-  
ritus tui, quæ sunt Alfa.

## EPISTOLA PATRIS NOSTRI PACHOMII

*ad Patrem monasterij Syrum, qui & ipse gratiam cum Pachomio  
& Cornelio angelica lingua acceperat.*

- II. **M**emento quæ scripserim tibi Y, in epistola propter Tau scriptum, & recordare, & scribe Ni, propter Simma, quod scriptum est. Nunquid Xi non est Y, quod in Kappa conuertitur? In his omnibus recordare, & scribe. N & Iota, vt Alfa pulchrè scribatur in gratiam excelsorum. Nunquid Moe non est Y & Kappa: Kappa non est Tau? Aperis os tuum, & leua faciem tuam, vt oculi tui videant, & possis legere quæ scripta sunt. Attende diligenter, & caue ne scribas Delta super Phi, & inueterescant dies tui, & aquæ tuæ imminuantur. Memento, & scribe Theta & Ro, vt Ro scribatur bene.

## EPISTOLA PATRIS NOSTRI PACHOMII

*ad Patrem monasterij Cornelium, quod vocatur Mochanseo.*

- III. **H**onora Dominum, & confortaberis. Memento gemitus sanctorum: Simma & Phi fiat, domus tua iuxta annos tuos fit disposita, iuxta exempla sanctorum, non in cibus temporalibus, neque in vlla similitudine eorum quæ videntur in celo siue in terra. Habetote Ω, vt possitis occurrere Deo in die visitationis, liberati ab increpatione Marthæ. Para domum tuam secundum terminos eius. Obserua Theta, ne reus sis increpationis eius, cui dictum est: *Luc. 16. Redde rationem dispensationis tuæ: vel illius qui comedit & bibit cum ebrijs, quando noluit fodere, nec dare conseruis cibaria in tempore suo. Ideo reddiderunt ei, quia oblitus est legis Dei, & infirmos visitare contempsit. Et idcirco fluctuare coepit, & indigere pane: imitans homines confidentissimos & arrogantes, qui noluerunt domum Hi. Homo cognosce quæ dicuntur, quia bellum Domini in manibus eorum*

eorum est, & creditum est eis, vt regerent carnem suam, & stare facerent: si forte possent effugere increpationem Danielis, & ruinam Esau, & duritiam Moab, & defectionem, Ismaelis, & illecebras saturitatis ac ventris, quia sapuerunt ea quæ super terram sunt. Abundantia autem hominis sapientia eius est. O homo trade disciplinae coaptum, ne multiplices mortuos in contemptu & negligentia tua, propter errorem cordis tui. O homo ne visibilia despicias. Mercenarius non est pastor. in tenebris vulpes comedunt. Tene gladium gloriæ tuæ. cognosce loricam iustitiæ, & ne contemnas habitaculum sapientiæ. Fac tibi sacculos, qui non inueterescant: vt possis ad foramen aspidum mittere manum. Ne inebrieris vino, ex quo ruinæ sunt plurimæ: & ambulant nudi super terram. Cogita quod lex data sit de muliere menstruata, vt extra castra projiciatur: viæ enim eius strati sunt spinis. Paupertas humiliat virum, & perstillat domus vbi otiosæ sunt manus. Ne infirmeris ad plagas lignorum, Tau & Ro. Ventris insania peior est omnibus malis. Error oculorum imminuit prudentiam sapientum. Deficit sapiens propter concupiscentiam carnis in carne, quod sanguis sanguini misceatur. Omnes qui estis cooperatores Dei, ne perdati gloriâ vestram. Scito ante omnia quod si fueris in Alfa, Deus consentiet tibi. Cum autem Deo confenferis, in quo cursus tuus est, gaudere non poteris in omni re vana: cuius si curam gesseris, prudentia tua vertetur in stultitiam. Qui ebrius est, ebrium non potest adiuvare. Qui errat quomodo erranti monstrabit viam? qui voluerit ductore eonti, vix illi. Cæcus enim cæcum ducet in foveam. Sapientia apud sanctos est, & in illis Dei voluntas reperitur: non in his quibus repugnat Deus, & qui dicunt, Deus in nobis est; gaudium eorum convertetur in luctum. Non enim cognouerunt mysterium Dei: neque inuenerunt viam feruorum, vt operentur in ea. Flagellati sunt, & non doluerunt: seducti sunt, & non intellexerunt.

In

In his omnibus, o homo Dei, reuertere in excelsum; quod  
 Exo. 20. est scientia sapientię. Scriptum est, *non concupisces*. &  
 rursum, *non inebriaberis*. Desiderium non est vnius rei.  
 Laudatur peccator in operibus manuum suarum. Dictum  
 Esai. 66. est & alijs: *qualem domum edificabitis mihi?* qui quadraginta  
 annis audierunt sermonem Dei, & non ei obtulerunt victi-  
 mas, nec annis septuaginta ieiunauerunt illi. Cor enim  
 eorum erat post idola: nec voluerunt Deo vacare dicenti:  
 Psal. 45. *Vacate & videte quoniam ego sum Deus*. & vsque in hanc diem  
 Psal. 4. non vacant Deo. Dicitur tibi homo, *quare diligitis vanitatem?*  
 An cor vestrum aggrauatum est? Cain operabatur terram,  
 vt offerret victimas Deo, & condidit ciuitatem; sed non  
 iuxta scientiam, quę placet Deo, fecit hæc omnia. Noë &  
 omnis domus eius in arca de mundi est seruata naufragio.  
 Abraham diues fuit: Isaac reliquit benedictionem Iacob.  
 Ipseque Iacob intellexit, quem amare deberet, & benedi-  
 ctionem eius legis instar habuerunt. Ioseph adiutor fuit  
 generis sui, quia peccatum fugit, & detestatus est volupta-  
 tem, ostenditque posteris quod visitaturus eos esset Deus,  
 & aperuit mysteria futurorum, memoriam relinquens sa-  
 pientię suę. Surrexit postea Moyses, qui seculi vicit ille-  
 cebras, diuitias pro nihilo habuit, Aegyptiorum sapientiam  
 stultam esse monstrauit. Idcirco Iesus ministrabat ei, qui  
 intellexit doctrinam eorum, & habuit socium Caleb. Ho-  
 mines stulti non intellexerunt hæc: & idcirco lumen tene-  
 bras esse dixerunt. Deus dedit iustificationes suas, vt am-  
 bularet populus in eis: & in his omnibus non inuenerunt  
 cor suum, nec conuersati sunt in mandatis Dei: sed vaca-  
 bant desiderijs suis, & non operibus Dei. O homo, vsque  
 Psal. 43. quo non audis dicentem tibi: *Vacate, & videte quia ego sum  
 Deus*: sed vnusquisque sequitur cogitationes animę suę?  
 Num visitastis infirmos? quare moriemini? cur ad laqueum  
 curritis? Hæc sunt enim præcepta vitalia, quę acceperunt  
 sancti, vt versarentur in eis, vt nihil aliud cogitarent, vt fa-  
 cerent

cerent opera digna immortalitate. Volatilia celi non seminant nec metunt, & Deus dedit eis, ut raperent ex universis fructibus, & gratuito viuerent. Homo iniquus & pessimus, qui res alienas desiderat, imitator est auium pessimorum: rapit & comedit non sua. Hos vitare debemus, & intelligere parabolas, & non esse raptores & iniqui: sed imitari maiores nostros, qui placuerunt Domino, & increpauerunt Adam, quia comedit ad peruersionem Eux. Quia antequam comederent, nomina cunctis rebus imposuit, & nunc quoque suis vocabulis appellantur. Postquam autem comedit erectus est de paradiso, & operatus est terram, genuitque Cain & Abel, qui creuerunt, & operati sunt iuxta voluntatem suam. Opus Abel placuit Deo magis quam Cain: quia quae erant electa & primaria offerebat Deo; e contrario Cain si quid deterius fuit, hoc obtulit Deo. Qui in exemplum humani generis praecesserunt. Omnes enim qui electa offerunt Deo, similes sunt Abel: qui deteriora, Cain operibus comparantur: & eius qui irrisit patrem suum, & nuditatem eius fratribus nuntiavit: & alius qui edificauit turrim in campo Sennar, oblitus misericordiam Dei, a quo in arca seruatus est, & liberatus a diluuiis, & a quo benedicti sunt patres eius. Qui favore quodam socios hortabantur, dicentes: Venite, dolemus lapides, ac cedamus sycomoros & cedros, & faciamus nobis turrim, non considerantes ultionem turris Chalanar, quomodo Domini fecit linguas eorum, volentium aedificare turrim superbie ad celum usque tendentem, & orientalem plagam relinquentiam: quia oblitus sunt legem Dei, quam in corde susceperunt. Nunc igitur provide & intellige ultionem turris: quae quamuis excelsa sit, ad celum usque peruenire non poterat. Et lapis super lapidem non relinquetur in templo, in quo contra Christum Phariseorum est congregata impietas. Scriptum est: *Non praeteribit generatio eorum, donec.* Luc. 21. *hec omnia fiant.* Nunc tempus est, ut operemur Domino, quia



- quia salus nostra in tempore est angustiae, si potuerimus eius calcare vestigia, & dicere semper: *Magnificetur Dominus, qui diligunt salutare eius*. Et iterum: *Ego autem sperabo in te semper*. Non enim est fides quæ tantum tempore gaudij est, & deficit in tempore tribulationis. Scriptum est: *Quæ egredientur ex ore tuo obserua vt facias*. Et rursus: *Si uoueris Domino, ne moreris reddere: ne forte requirat Dominus a te; & sit tibi in peccatum*. Quare si dixeris: *Ego autem sperabo in te semper; & in hoc spononderis, imple opere, vt in tribulatione quoque salutem merearis a Domino*. Recordare quod scriptum est:
- Prou. 3. Ne deficias, & custodi consilium meum & cogitationem, vt uiuat anima tua*. Qui enim custodit mandatum legis, seruat animam suam. Scriptum est: *Operuit nos umbra mortis, & non sumus obliti nominis Dei nostri*. Si expandimus manus nostras ad Deum alium: *Psal. 17. Et iterum: Occupauerunt me laquei mortis, pericula inferni inuenerunt me. Tribulationem & dolorem inueni. In omnibus his non est conuersum retrorsum cor nostrum, sed nomen Domini inuocauit*.
- Psal. 3. Dicit & alius credens corde firmissimo: Non timebo nullius populi circumdantis me*. Et hoc dicit, quia habebat fiduciam in Deo. Fili, ne deficias, suscita amicum tuum pro quo fidem fecisti, sciens quod omnes gentes vt surculi ex igne, & sicut stipulæ leues, quæ huc atque illuc aura celeri deferuntur, & sicut puluis qui raptatur turbine. Scito quod scriptum fit tibi, ne cum videris equum & ascensorem, & infinitam multitudinem, timeas animo, sed memento Domini Dei tui qui dedit tibi fortitudinem, vt in prælio vinceret; qui omnes
- 1 Tim. 2. homines vult saluari, & venire ad scientiam veritatis*. Si audisti
- Ier. 23. vocem Dei loquentis, Celum & terram ego impleo, non timebis, sed dices: Dominus noster in celo sursum, & super terram, deorsum. ne audias: modice fidei quare dubitasti?* Et tu rursus
- Psal. 123. respondebis: Nisi quia Dominus erat in nobis, cum consurgerent homines in nos, forte viuos deglutissent nos*. Sæpe enim ab adolescentia tua pugnauerunt contra te: & tu portasti iugum fidei a pueritia tua. Nec percussum est dorsum tuum oneribus

ribus Aegyptijs, nec seruierunt manus tuæ in cophino. quia circumcisionem amasti spiritalem: quæ occasionem dedit salutis animæ tuæ. Breuiter audis: Grande periculum est hominis dum mustum est, ne efferueat.

## EPISTOLA PATRIS NOSTRI PACHOMII

*ad Syrum Patrem monasterij Chnum, & Ioannem Præpositum  
domus eiusdem monasterij.*

**T**ransiuimus per te, & non potuimus præ nimia festinatione diuinum tecum conferre sermonem: ideo nunc per epistolam loquimur. Omni virtute contende vt impleas consuetudinem monasterij, & facias quæ præcepta sunt: ne correptioni futuri temporis præpareris, seruerisque in peccatorum vinculis condemnandus, & offerendus Deo propter negligentiam, non solum tuam, sed & fratrum qui tecum sunt, & cooperantur tibi: scientium, quod ea quæ nobis dedit, illis fidelissime tradiderimus. Memineris & ministerij laborisque sanctorum, & amici tui, qui cognouerunt voluntatem Dei: vt & ipsi fiant coheredes eiusdem repromissionis, & habeant immortalem fidem a Deo, quæ creata est per spiritum Prophetarum, & ab Apostolis roborata. Qui sustinuerunt pro ea omnes angustias & persecutiones. Crediderunt enim repromissioni eius, & idcirco fragrantiam boni odoris sibi parauerunt. Consideremus ergo eos, quos Deus dominatione donauit, si forte eis seruire mereamur, & eorum adhærere doctrinæ, relicta omni superbia & peccato: fortissimè resistentes Asa, quod absque timore operatur in corporibus. *Absorpta est enim mors in victoria.* Et quomodo rursus infirmi sumus in hoc tempore? scientes quod statura sit Ecclesia & dirigenda in bonum, sicut & prædixit tibi. Nosti quod non gloriatur securis sine eo qui præcidit in ea: & quæ doceant nos scripturæ habere responsum mortis: quam si deuora-  
ueri-

1. Cor. 15

2. Cor. 1.

O

uerimus, saluamus animam nostram. Non est timendus interitus in loco peregrinationis nostræ: sed pugnandum, quomodo pacem cum his qui Dei iustificationes custodiunt, habere possimus. Hæta, si lucreris omnem mundum, & habeas contra Deum inimicitias, quæ est vtilitas? Decet igitur vt quæ dicuntur nobis aliquando intelligamus: scientes quia mundus prætereat, & desideria eius. Vigilate & videte quomodo ambuletis. Nouimus quod ineruditus occurrat mors. Et non intelligite tempora, in quibus est error & seductio. Considera horas atque momenta, & mensium spatia, quorum cursu humana vita deuoluitur: & eorum numero scitur, quanto tempore vnusquisque vixerit: vt possint colligere vires suas, & implere ex his horrea, & sementem futuris messibus præparare: & vt culturæ studia tempore messionis inueniant: & coram Deo & omnibus possideant necessaria, mortis timore superato, & transeunte mundo non celebrent festos dies in veteribus vestimentis. Ciuitates destructæ sunt & repletæ alienis, qui haud pij sunt inire consilium sapiens. Fluxit in deserto aqua, & exultauerunt iumenta ac volatilia. Sapiens & continens homo non vngetur vnguento quod demolitæ sunt muscæ morientes, & quod compositum est filijs agri. Ideo vigilare debemus, & omni sollicitudine futuris lapidibus providere: vt non confundamur in tempore, quando venerint tempora refrigerij; & ne inueniamur subditi seruituti, sed vt simus noua conspersio: scientes quod pulchritudo nobiscum sit. Loquitur & alibi sermo diuinus: *Numquid comedam carnes taurorum, aut sanguinem hircorum bibam?* Quamobrem non circumferamur omni vento doctrinæ: quia venit tempus vt sancti regnum accipiant. Expandit Sion manus suas, non est qui consoletur eam. Iuuenes infirmati sunt in plagis lignorum: dispergentes aquas itineris sui. *Myrmicoleon perijt, eo quia non haberet escam.* Qui cum fure partitur, odit animam suam. Profanas & nouas doctrinas deui-

*Psal. 49.*

*Iob. 4.*

deuita. Aduena sicut indigena sit inter vos. Occidit in gra- 25al. 77.  
 dine vineas eorum, & sycomoros eorum in pruina. Acceptabilis  
 regis minister intelligens. Mel inuenisti, comede quod  
 sufficit, ne forte satiatus euomas id. Memento iudicij, &  
 misericordiæ, ac fidei. iudicij, per quod regiones habitabi-  
 les fiunt: misericordiæ, per quam glorificatur Deus: fidei,  
 quæ fundamentum est mortuorum atque viuorum: vt per  
 hoc spem possidere valeamus. Pugna atque contende, &  
 qui tecum sunt fratres, quia scripsi vobis in figuris & in pa-  
 rabolis, vt quæeratis ea sapienter, sequentes sanctorum vesti-  
 gia: nec incurratis in iudicium Dei, docti sermonibus eius.  
 Hyems præsentis seculi nos ambulare non prohibeat: sed  
 incessabiliter iustitiam Dei semper operemur, recordantes  
 illius testimonij: *Donec pertranseat hyems, & pluuia abeat ac re-* Cm. 2.  
*cedat sibi.* Deus adiutor nostri sit in pace, quæ mensuram,  
 non habet largitatis, quæ sit in domibus nostris, donec ve-  
 spertinum tempus pertranseat. Hæc omnia scripsi vobis,  
 vt nunc laborantes requiem in futurum habere possitis.

## EPISTOLA PATRIS NOSTRI PACHOMII

*ad vniuersa monasteria: vt cuncti fratres congregentur in mona-*  
*sterium maius quod vocatur Baum, in diebus Pasche, & sit omnium*  
*vna solemnitas.*

**C**ram vestræ prudentiæ congregandæ subire debetis:  
 vt sit aperta ianua vestra antequam exeatis è secu-  
 lo. Pauper cum vescitur, iuxta mensuram suæ paupertatis  
 vescitur. Dixi vobis, vt noueritis horas ac tempora pueri-  
 tiæ vestræ, vt non sitis solliciti de domo, quæ præparata est  
 vestra venatio. Et vos quando venitis ad nos, habetote so-  
 licitudinem lectuli infirmantium, vt sternatis illum: & non  
 indigeatis pane. Si quando inuenire valeatis culcitram,  
 siue puluillum ad caput, vt languidi requiescant: vt moni-  
 mentum quod nobis scriptum est, impleatur: *Si quis autem* 1.Tim. 5.  
 O 2 suo-

suorum, & maximè domesticorum curam non habet, deterior infidelis  
 est. Gith virga excutitur, & cyminum comeditur cum pane.  
 Isa. 37. Si attrectastis capillum capitis vestri, & inuenistis vngu-  
 tum barbæ vestræ, quod descendit vsque ad fimbriam vesti-  
 mentorum vestrorum, implere poteritis omnia quæ scripta  
 sunt vobis. Legimus alibi: Ne deficient oculi vestri: ala-  
 crior est enim merces operibus tuis. Ideo fluant oculi vestri  
 aqua, & defluant lacrimæ diebus ac noctibus, nec deficient.  
 Volo vos esse similes eorum qui ignorauerunt dexteram  
 suam & sinistram. Vigilate, & tendite arcus vestros. Te-  
 tenderunt enim aduersarij arcum rem amaram. Recordamini  
 quod sancti aperiant ostium suum omni transeunti. Præ-  
 cipitur nobis vt intremus cubiculum nostrum, & clauda-  
 mus ostium, nec omni vento circumferamur. Vnde dili-  
 gentius oportet attendere ne in bonitatis tempore absor-  
 beamur: sed vt imitemur ea tempora quæ fuerunt ante  
 diluuium, quando vnusquisque iustorum placuit Deo cum  
 omni domo ac liberis suis, & nullum peccatum inuentum  
 est in eis. Postea vero crescente iniquitate, & omni terra  
 carnis vitij adhærente, offenderunt Deum, & in condem-  
 natione eorum solus Noë cum domo ac liberis diluui-  
 inundante seruatus est, & periclitante mundo tenuit iusti-  
 tiæ gubernacula, nec vlla peccatorum tempestate superatus  
 est. Et qui eum deriserat, & fratribus suis nuntiauerat nudi-  
 tatem eius, maledictus est cum semine suo: & impletum est  
 eo tempore illud quod scriptum est: *Qui inhonorat iustum pec-*  
*cat.* Et rursum: *Maledictus qui maledicit patri & matri:* sicut  
 Esau contemnebat parentes suos. Vnde scriptum est de  
 eo: *Ne quis fornicator aut profanus, sicut Esau.* Rebeccæque  
 studio factum est vt non consequeretur benedictionem, nec  
 stolam primogeniti acciperet, offensis parentibus suis: qui  
 reddentes ei vicem, & ad æmulationem boni operis super-  
 biam illius prouocantes, induerunt vestimentis eius Iacob.  
 Non enim merebatur eorum vti vestibus, quos superbus ac  
 rigi-

rigidus negligebat. Et idcirco non diuiferunt substantiam suam filijs eius: sed cuncta dederunt Iacob, qui innocenter habitabat domum, & eorum obtemperabat imperijs. Loquitur & Salomon de Esau: *Filius inobediens in perditione.* Et Moyses pari sensu, *Maledictus, inquit, homo qui maledicit patri vel matri.* Rursumque Salomon: *Filio doloſo nihil erit boni.* Perdidit ergo benedictionem, & paterna hereditate priuatus est. Quid loquar de Adam, qui ab initio humani generis in formam inobedientiæ contemptusque præceſſit? Datus est enim ei dominatus in omnes beſtias terræ: ſicut & primogenito iuſſa ſunt dari duplicia omnia. Poſtquam vero contempſit imperium Dei, non ſolum perdidit dominationem; ſed & eiectus eſt de loco, quem ad habitationem acceperat: in ſimilitudinem hominis fornicantis, qui de Eccleſia eiicitur, & a quo auferitur gloria ſua. Omnia quæ ille perpeſſus eſt, ſuſtinebunt hi qui Dei iuſſa contemnunt: & ambulantes in ſuperbia ſentient illud quod ſcriptum eſt: *Dirixit, & deuorauit eos terra.* Nos vero iuſti viri imitemur exemplum, qui ſapienter ſuam ſeruauit domum, & gigantum percuffa ſuperbia, humilitate ſeruatus eſt. Nec miram ſi ipſe & liberi, atque vxores eorum, de cuncto humano genere reſeruati ſunt: cum etiã iumenta & volatilia euaserint mortem, & obedientia liberati ſint. Columbam emiſit de arca Noe, quæ mittentis parens voluntati iuit & reuerſa eſt: & condemnauit obedientia ſua homines contemptores; eo quod auis audierit iuſtum, & homines non audierint Deum. Omnes quoque beſtiæ, & cuncta animantia, per obedientiam liberata ſunt. Et quia talia erant, propterea de illis obtulit victimas Deo. Quæ hiſtoriæ nos docet, quæ ſcilicet in Dei offerantur ſacrificia; & ſi obediētes ad illius fuerint iuſſionem, eruantur de laqueis diaboli, & eius bonis perſeuerantur; non ſecundum opera iuſtitia ſua, ſed ſecundum *miſericordiam eius*, quæ ex omnes appropinquauimus. Quæ *uentura* ſcientes nobis inuicem caritate iungamus.

Exo. 21.

Pro. 14.

Num. 16.

ga-

gamur, vt effugere possimus imminentem sententiam Dei. Noli ad iracundiam aliquam prouocari, ne forte moriatur, & relinquare ligatus, omnisq; eius tristitia in tuam animam conferatur, & effundat iram suam super te Deus, quia & tu effudisti furorem tuum super fratrem tuum. Non obliuiscamini mandatorum Dei, ne dicatur de vobis: *Verterunt ad me dorsa sua, & non faciem, & in tempore afflictionis sua dicent, surge & saluos nos fac.* Et ipse respondebit: Arguam delicias eorum, & non eos faciam peruenire ad pascha, ad quod conuocantur. Laboremus, inuicem onera nostra portantes, sicut & Christus portauit infirmitates nostras in suo corpore, & non defecit. Si magister noster est Christus, simus eius imitatores, & illius portemus iniurias: ne in futuro tempore a nostris fratribus, qui tribulationes passi sunt, separemur. Sicut & alij passi sunt, qui noluerunt virtutibus vacare, sed vitijs. Noster autem iudex & testis est Deus, de celo cuncta prospectans, & in die visitationis secundum opera singulis redditurus. Omniaque sancti eius sequantur vestigia, quorum & nos debemus audire praecepta. Locutus sum vobis per infirmitatem meam.

## EPISTOLA PATRIS NOSTRI PACHOMII

ad Syrum Patrem monasterij, quod vocatur Chnum, & Ioannem  
*Præpositum in eodem monasterio vnius domus.*

**V**olo vos intelligere literas quas scripsistis mihi, & quas ego rescripsi vobis, & quomodo oporteat omnia spiritualis alfabeti elementa cognoscere. Scribite Moe super Heta & Theta, & scribite Zeta super Xi: & Moe & Labda & Iota. Quando legentes has litteras compleueritis, scribite vobis vt intelligatis mysteria literarum. Ne scribatis Moe super Xi & Heta & Hi: sed vt magis scribatis Zeta super Xi, & Moe super Heta & Theta. Susceptis literis vestris statim rescripsi, & ad mystica ego quoque sacrata respondi. Animaduerti

uerti enim terminos esse epistolæ vestræ Heta & Theta : &  
 idcirco etiam ego in eundem sensum verbaq; consensi : ne  
 impar viderer vestræ negligentiae, & aliquid ex nobis damni  
 sustineretis . Scripsi ergo vobis Simma Phi : rescribite Chi .  
 Itaque nunc in diebus istis non scribimus Theta Moe . Et ne  
 dixeritis , possumus scribere N, Heta, Phi, Labda, OYYOYY,  
 Labda, Iota, Labda . ecce scripsi vobis & Xi totum atque per-  
 fectum in gyro . Et vos scribitis Xi & Phi , vt possitis scri-  
 bere Simma Moe . Ecce Theta scriptum est antehac . Suffi-  
 ciat vobis curam habere Kappa & Tau . Si tamen exituri  
 estis, scripsimus vobis Hi propter laborem vestrum, vt om-  
 nem adhibeatis sollicitudinem antequam profisciscamini .  
 Nam & nos eandem curam habemus quam & vos : neque  
 scripsimus Kappa & Tau . Scripsi vobis nomine : vnde &  
 vos quando videritis scriptum Kappa & Tau, rescribite  
 Zeta . Quando videritis Simma & Phi, rescribite Moe .  
 Quando videritis Labda Iota Labda, rescribite Xi . quando  
 videritis YOYY Kappa, Ro : quia inuenimus scriptum : nos  
 autem scripsimus Simma, Phi : habete curam . Hoc enim  
 scribitur in diebus istis Ro, solliciti estote : quæ literæ vocan-  
 tur Aegyptiacè Orez & Thei . Scriptum inuenimus enim,  
 quæque vocantur Aegyptiace literæ Bei & Thei . Habete  
 ergo curam Hi, & scribite Alfa : quia dedi vobis illud pro Hi .  
 Scribite quoque Simma, quia scriptum est Tau & Delta ,  
 vt ad nos peruenire valeatis . Cauete ne obliuiscamini scri-  
 bere Psi super Kappa, quia scriptum est prius, & Ro ante il-  
 lud scriptum est : & ne forte dicatis Theta scriptum esse &  
 partem Xi . Ideo totum scribimus Beta , ne diceretis quod  
 Gamma sit scriptum . In omni epistola quam scripsi vobis,  
 de vestra sessione continetur & de resurrectione, & de vm-  
 bra antemuralis , quæ est extra murum . Odor sapientiæ  
 vestræ ad nos vsque peruenit, & compulit hæc vobis scribe-  
 re . Et vos vt sapientes intelligite quæ scripserim vobis : &  
 exhibite vos quales meus sermo describere elegit .

EPI-



## EPISTOLA PATRIS NOSTRI PACHOMII

*ad uniuersa monasteria, ut congregentur omnes monasteriorum  
Principes & domorum Præpositi in monasterium quod vocatur  
Baum, vicesimo die mensis qui apud Aegyptios appellatur Mesore,  
ut rite omnium peccatorum atque operum remissio compleatur.*

**T**empus in proximo est, ut in vnum conueniatis iuxta morem pristinum, iuxta antiquam consuetudinem, ut remissio omnium rerum rite celebretur, ut cognoscatis inuicem; ut dimittant singuli, iuxta præceptum Euangelij, debita fratribus suis, & tristitias ac similitates: & si quid est iurgij a choro sanctorum abigatur: ut liberent corda sua timore Dei, & fugato mendacio dominetur veritas, ut cessantibus bellis pacis tranquillitas redeat; & in ea ambulare possitis coram Deo & hominibus: ut omnes æqualiter diligatis: ut seruiatis Deo atque concordia, & non concupiscentijs varijs, & errori oculorum vestrorum: & tumentis scientiæ fraudulentijs, carnisque vitijs. E quibus oriuntur schismata, & contemptus legis Dei, contentio, malæ cogitationes, quæ igne iracundiæ bullientes quandoque erumpunt foras, & despumant in corporis voluptatibus. Idcirco scripta est lex Dei, ut lex corporum & iura soluantur: & erubescant qui in eorum ambulant concupiscentijs; tandemque redeant ad Deum, & spretis temporalibus æterna perquirant: præparati sanctorum hereditati qui contemplerunt præsentem vitam pro vita futuri seculi: pro malitia sperantes benignitatem, pro tumultu atque discordijs pacem & concordiam, pro adoptione carnis, famulatum Dei. Ut ea quærant, quæ placent illius voluntati; carnis incentiua superantes. Scriptum est enim: Si dimiseritis hominibus peccata eorum, dimittet & vobis Pater vester qui in celis est delicta vestra. Et rursum: Dimittant singuli fratribus ex corde suo. Et iterum: Dimittite, & dimittetur vobis. Et deinde: Benefacite his qui oderunt vos. Et alibi: Ne vincaris in malo:

Mat. 6.

Mat. 18.

Luc. 6.

Mat. 5.

*malo : sed vince in bono malum. Et illud : Ne dicas, vindica me de inimico meo. Et alibi : Non reddentes malum pro malo. Et iterum : Providentes bona coram omnibus hominibus. Et illud : Non vosmetipsos vindicantes carissimi. Nec non & alibi : Estote inuicem benigni, operantes bonum ad omnes. Et iterum : Diligite inimicos vestros : benefacite his qui oderunt vos, orate pro his qui vos persequuntur. Consideremus ergo fratres carissimi quantis testimonijs homo fidelis concluditur a Deo ne peccet : si tamen voluerit audire legem eius, & inclinare aurem suam præceptis illius, aperire oculos, dirigere cor, ut possit implere quod dicitur. Multi enim sunt qui desiderant quidem bona, & Deum quærunt cum lacrimis, & diebus ac noctibus ingemiscunt; sed decepti oculorum concupiscentijs, & carnis titillationibus superati, dormierunt in gemitu & dolore cordis, quod non potuerunt dominari carni suæ; & æstuantium cogitationum incentiua comprimere; pro firmis & perpetuis inania breuique sectantes. Qui desiderant legem, & opere Dei destruunt voluntatem : vera iudicant, & vincuntur mendacijs. Ideo ingemiscunt, iuxta eloquia Prophetarum, & perpetuo terrore fluctuant, donec deficiant, & tabescant in vijs suis, & dormiant in doloribus. Qui autem vere iusti sunt, & habent in se pacem, perfruuntur gaudio sempiterno.*

Luc. 18.

1. Pet. 3.

Rom. 12.

Eph. 4.

Luc. 6.

EPISTOLA PATRIS NOSTRI PACHOMII  
ad fratres qui tondebant in deserto capras, de quarum filiis  
texuntur cilicia.

**D**EUS quærit diligentes se : sicut inuenit Israël, quasi vnam in deserto, & quasi ficus primitiuas, sic inuentus est & Iacob in Mesopotamia, cum erraret quasi vna in solitudine, & Ioseph in Aegypto sicut ficus primitiua : quem inter omnes fratres suos cognouit Deus, & dedit ei principatum post multas angustias. Quem debemus imitari, quia

VIII.

P

vicit

vicit carnem suam, prostravitque peccatum, & oculorum calcauit insidias. Non est secutus saturitatem ventris, vt seruaret animam suam sanctam Deo, vt fieret templum Spiritus sancti, & captiuitatem libertate mutaret. Non obliuiscetur Deus timentium se, & facientium iustitiam eius. Vnde & ille adolescens, atque in lubrico ætatis positus, quem carnis blandimenta non vicerunt, vicit vincula & carceres, & in loco angustiae placuit Deo. Et nos ergo confidamus, quod Deus nobiscum sit in solitudine, & recordatio eius semper in corde sit nostro. Seruemusque sanctam carnem & animam in deserto, sicut & Ioseph in captiuitate seruauit, vt meminerit nostri Deus, & sit nobiscum vsque ad finem.

VERBA PER LITERAS PATRIS NOSTRI  
*Pachomij, in lingua abscondita, de his quæ futura sunt.*

- IX. A. Ω. Secula efferbuerunt in malo, quod est Delta. BY fructus completus est in labijs, quod est Tau. IX Deus obliuisci fecit me paupertatis in domo mea, de capite montium vsque ad verticem eorum, quod est PO. ΑΦ propter dormitationem viduæ, & gloriam pauperis, quod est OY. EY Audierunt montes lætitiā terræ, quod est ΞΕΙ. Terra abscondita est absque precio, quod est N. NC planæ erunt super oculis vsque ad vesperam I. EP putasne respicient super puteum, quod est H. IY Biberunt absconditum in lætitiā, quod est Iota. PO factum est spolia terræ sine sanguine. NAΞ facta sunt profundī abyssi in luctu cordis, quod est ΞΕ. HN Fugerunt absconditi sine timore, quod est O A Ω. Qui nouit si reuertatur & agat pœnitentiam Deus. TBΨ Latentur celi, & exultet terta. ΘΙΧ. Dan expectat salutare Dei O A Φ. de Nazareth potest aliquid boni esse BI BY? Benedictus Deus escam dedit timentibus se, Ω K Z T. Fructus oris mei dulcis factus est in labijs meis INC.

**INC.** Dominus dat mihi linguam disciplinæ **AΘP.** Non moriar, sed viuam, & narrabo opera Domini. **ΙΩ.** Qui ingreditur per me, saluus erit. **TKO** quæritur iudicium Domini ad populum eius Damascus. **OΛZ** quia misertus est Deus Israël, & humiles populi sui consolatus est. **MN** Sicut aqua frigida animæ sitienti, sic nuntius bonus de terra longinqua **ΘPNINZOPIH.**

# VERBA QVAE LOCVTVS EST PATER NOSTER

*Pachomius in visione, erudiens fratres in monasterio Mochanfi de his quæ eis euentura essent: Et illo dicente Et loquente in Spiritu excepta sunt a fratribus, quæ vel facturi essent principes monasteriorum vel passuri.*

**ANNAMMAABNIPIZZOIGIΘ PHCΩTΥTTX  
ΥAONMΠΦXΓΘIAΥBIMETAZAPET.**

**M**onasteriorum princeps operati sunt iniquitatem in X. sportellis suis: gladius perditionis ipsorum sub axillis eorum, qui est ortus: insidiantur apud ianuas inferni. Abundantia terræ & bona quæ largitus est Deus filijs hominum, dixerunt: venite, & scrutemur vias nostras, & videamus si inueniamus fermentum, & mittamus illud in massam farinae, quæ non possit eleuari, neque in altum consurgere, sed deficiat fame. Parauerunt laqueos pedibus suis, & arcum manibus, & securim humero portauerunt: veneruntque ad hominem qui habebat ferram, & dixit eis: Ite, & ligna præcidite. Et dixerunt ei: Nequaquam; sed scrutamur vias nostras, & inuenimus fermentum, vt mittamus illud in massam, quæ non eleuatur, neque in altum potest consurgere, sed defecit fame. Vocauit ergo homo amicos suos, & excoriauerunt pedes eorum, summitatesque manuum, hoc est, digitos; & defluerunt in terram. Venerunt autem,

P 2 pulli

pulli coruorum, & detulerunt eos, fecerunt ibi nidum, & corui genuerunt in locis eorum, ac per eos inhabitata est terra.

# INCIPIUNT VERBA PATRIS NOSTRI PACHOMII

*lingua abscondita, de his quae futura sunt.*

- XI.** **V**erax est in omnibus Deus, qui dicit P N, omnes torrentes vadunt in mare K. Dominus respexit de celo. A. Non est ultra sapientia in te. M A N Y T Placet Domino in his qui timent Dominum. C Θ O M Exurge vt quid dormitas Domine? Θ sapientum oculi in capite eorum. arrabon est patientia pauperis. H Θ A M Lætitia iustorum facere iudicium. N filius sapiens facit iudicium. Φ Y dolor stulti est deficere disciplinam. T aufer vestimentum eius, præterierit enim iniuriosus Y Φ, & alijs faciet contumeliam. C N. Thesaurus desiderabilis requiescit in ore sapientis. K M vsque quo respicis contemptores, & tacebis? T M A. Defecerunt oculi mei in salutare tuum. C Θ cor sapiens intelligit parabolam. T vidimus quod Sion spoliauerit se gloriam quam habuit ab initio: idcirco non incanduit C. Inter literas N Y non scribatis Z, sed magis ex superfluo scribite A O A. A I A scio quod scribas ex temetipso. In his omnibus memento A, festina vt scribas I. & dicas quod ipsius sit hucusque E. scriptum est I N Ω X. ipse scripsit Ξ. & si scriptum est similiter & K, rursum expansum habeto Θ. tibi necessarium est numerare, & sic iterum scribito A & Chi. Pone Ω ante oculos tuos, vt bene sit animæ tuæ. Memento C, quod reuerfum sit in Kalendas, quod est Z Θ O O Y. Memento & scribe Z propter K, quod est scriptum, non quo ego tibi nunc dicam, sed quo confidam, quod hanc diem audieris. P rursum tendit manum suam ad nos in diebus istis. Ante oculos tuos cor nostrum dolet pro C, quia vere est C. & sunt obliti Kalendarum.

darum. Quod autem scripsistis ACHI, & alius ante nos fecit hoc idem, & dixit: Ecce mitto vos sicut oves in medio luporum. Audiuius rursus de EINΩ, quod duæ sunt molentes simul; vna assumatur, & altera relinquatur.

# INPICIT EPISTOLA PATRIS NOSTRI THEODORI

*ad omnia monasteria de Pascha.*

**A**ppropinquauit solemnitas azymorum: in qua Pascha celebrandum est, de quo & Moyses exeunti populo de terra Aegypti præcepit dicens: *Comedite illud cum omni festinatione.* Iosias quoque Rex iustus diligentissimè celebrauit Pascha in diebus suis, & studium eius hucusque narratur. XII. Exa. 12. 4. Reg. 23. 1. Cor. 5. Super quo & Apostolus loquitur: *Pascha nostram immolatus est Christus.* Itaque in eo festa celebremus, sicut præceptum est nobis. Accingite lumbos vestros, & calciatis pedes calcementis Euangelicis, habentes baculos in manibus, & lucernas ardentes; vt possimus comedere Pascha cum festinatione, & ascendamus in Hierusalem ante sex dies Paschæ, sanctificantes nosmetipsos, vt sanctum diem in sanctitate celebremus, absque malitia & nequitia, in sanctimonia & veritate, quæ præcepit nobis & Apostolus, & Pater noster a quo cœnobiorum vita fundata est, vt pariter congregemur in pace, iuxta terminos quos præterire nefas est: vt nullus nostrum absque dispositione maiorum in monasterijs remanere desideret; vt conuenientes absque præcepto maiorum non veniant. Nos quoque qui videmur Præpositi esse fratribus, & conuersationis eorum ostendere regulas, absque necessitate graui non eos patiamur residere domi: nec pro nostra occasione Paschalis frequentia deferatur; vt inueniamur euacuare præcepta Patris nostri, sed vt contritis ea quæ scripta sunt ab eo, normam veritatis putemus: & glorificetur Deus, qui posuit sicut oves familias. Videant recti, & lætentur: & omnes iniquitas obturet cor suum.

Vt

**V**t omnes nos senatus filiorum Israël, & cum eis secundi veniamus ad Pascha, & nullus è nobis reliquus inueniatur, qui non impleat terminos Patris nostri, & dispensatores monasteriorum & domorum Præpositi, & omnis ordo fratrem, vniuersaque membra in vnum corpus coëant; vt suscitent templum Dei. Congregemur autem in pace atque concordia: vt fines sanctorum & Patris nostri regulas impleamus. Sed & cathecumini qui sunt in monasterijs, & expectant terribilem remissionem peccatorum, & gratiam spiritualis mysterij, audiant per vos quod flere debeant & lugere antiqua peccata, & præparare se sanctificationi animarum & corporum: vt possint sustinere sanguinem & corpus Domini Saluatoris: de quo etiam cogitasse terroris est. Cætera autem quæ facere debeatis optimè nostis, nec necesse est per Epistolam commonere: vt præparetis vos in tempore constituto, quod Pater noster disposuit. Nos & omnes fratres qui nobiscum sunt vos impendio salutamus, & vniuersam fraternitatem quæ in vestris est monasterijs.

EXPLICIUNT EPISTOLAE ET VERBA MYSTICA  
SS. PACHOMII ET THEODORI.



S. OR-

**S. O R S I E S I I**

**ABBATIS TABENNENSIS**

**Doctrina**

**DE INSTITVTIONE MONACHORVM.**



**DE S. ORSIESIO EIVSQ. REGVLA  
SIVE DOCTRINA MONASTICA  
veterum testimonia.**



**AVCTOR** vitæ S. Pachomij cap. LIII.

**PETRONIVS** paucis diebus totam fraternitatem gubernans & hic in pace defunctus est, relinquens post se virum iustum & acceptum Deo **ORSESIVM** nomine.


**GENNADIVS**. Massil. ill. script. cap. IX.

**ORSIESIS** Monachus, amborum, idest Pachomij & Theodori collega, vir in sanctis Scripturis ad perfectum instructus, composuit librum diuino conditum sale, totiusque monastica discipline instrumentis constructum: & ut simpliciter dicam, totum penè in eo vetus & nouum Testamentum compendiosis dissertationibus, iuxta Monachorum duntaxat necessitatem, inuenitur expositum: quem tamen vice testamenti prope diem obitus suis fratribus obtulit.

**S. BENEDICTVS** Anianæ Abbas sæpius hanc Orsiesij doctrinam laudat in Concordia Regularum.



IN-




I N C I P I T

# DOCTRINA ATQVE TRACTATVS PATRIS NOSTRI ORSIESII.



C A P V T P R I M V M.



**V**DI Israël mandata vitæ; auribus percipe, & intellige prudentiam. *Quid est Bar. 3.*  
*Israël quod in terra inimicorum es? inueterasti in terra aliena: commaculatus es cum mortuis: comparatus es cum his, qui in inferno sunt, & dereliquisti fontem sapientie. Per viam Dei si ambulasses, forsitan habitaueris in pace. Disce ergo, ait, ubi est prudentia tua,*

*ubi est fortitudo gloriæ atque virtutis, ubi est intelligentia, ubi est lux oculorum, & pax. Quis inuenit locum eius, & quis ingressus est ad thesauros illius? Hæc loquebatur Baruch propter eos qui in terram Babylonis & inimicorum suorum ducti sunt in captiuitatem, quia noluerunt Prophetarum suscipere mandata, & obliti sunt legis Dei, quæ data est per Moysen. Idcirco induxit Deus super eos poenas atque supplicia, & captiuitatis subdidit iugo: erudiens ergo eos vt suos, & quasi pater filios emendans, nolensque perire correctos, sed saluare cupiens per poenitentiam.*

¶

Vnde

II. Vnde & nos Apostolicorum debemus meminisse verborum, qui ait: *Si naturalibus ramis non pepercit, nec nobis parcat.* & Dei præcepta complere negligimus? *Hæc omnia in figuris contingebant illis: scripta sunt autem ad correptionem nostram, in quæ fines seculorum deuenerunt.* Et illi quidem de vrbe Iudæ translati sunt ad urbem Chaldæorum, in terris mutantes loca: nos autem si Deus viderit negligentes, in futuro seculo amitemus ciuitatem nostram; & lætitiā deferentes, trademur poenarum captiuitati, perdemusque gaudium sempiternum, quod patres nostri & fratres labore instabili repererunt,

III. Igitur non nos vincat obliuio, nec patientiam Dei existimemus ignorantiam, qui idcirco sustentat & differt, vt ad meliora conuersi, cruciatibus non tradamur. Quando peccamus, non putemus Deum consentire nostris peccatis, quis nos statim vindicat: sed illud cogitemus, quod cito exeuntes de seculo separabimur in futuro à Patribus & fratribus nostris, qui locum victoriæ possident. Quem & nos habebimus, si illorum voluerimus calcare vestigia, & illud attendere, quod Apostolus Paulus hic quoque sanctos a peccatoribus separat, & tradit delinquentes *in interitum carnis, vt spiritus saluus fiat.* Beatus homo qui timet Dominum, & quem corripit, vt emendetur; & legem suam docet eum, vt ambulet in mandatis eius omnibus diebus vitæ suæ; qui non murmurat pro peccato suo,

III. Itaque & nos scrutemur vias nostras, & gressus proprios diiudicemus: reuertamurque ad Dominum, & leuemus cum manibus nostris corda nostra in excelsum, & in celum: vt in die iudicij adiutor noster sit, & non confundamur cum loquimur inimicis nostris in porta, sed magis digni simus illud audire: *Aperite portas, vt ingrediatur populus, qui custodit iustitiam & veritatem.* Cui veritas cordi est, & qui

qui possidet pacem, dicere potest, quia in te speramus Domine in æternum. Recordemur Domini, & Hierusalem ascendat super cor nostrum. Nè obliuiscamur illius hominis de quo scriptum est: *Benedictus homo qui confidit in Domino, cuius est spes in eo, erit quasi lignum fructiferum iuxta aquas, & ad humorem mittit radices suas: non timebit cum affus aduenerit, habebitque frondentes ramos, & in tempore siccitatis virebit, poma sollicita germinans. Graue cor in omnibus, & homo est, & quis cognoscit eum? Ego Dominus seruans corda & renes, ut reddam unicuique secundum vias suas.* Ier. 17.

V. Meminerimus nostri, nec contempta delicta quæ fecimus: & singula mandata Patris nostri, & eorum qui nos docuerunt, corde sollicito pertractemus: non solum credentes in Christo, sed & pro ipso patientes, & scientes illud mysterium de quo dicitur: *Spiritus vultus nostri Christus Dominus.* Et alibi: *Lucerna pedibus meis lex tua, & lumen semitis meis.* Et iterum: *Eloquium Domini viuitificauit me.* &, *Lex Domini immaculata, conuertens animas. Mandatum Domini lucidum, illuminans oculos.* Et Apostolus, *Lex inquit, sancta, & mandatum sanctum, & iustum, & bonum.* Quæ omnia intelligentes, digni erimus audire: *Cum ceciderit iustus non allidetur, quia Dominus sustentat manum illius, Et iterum: Septies cadet iustus, & resurget.* Thron 4.  
Psal. 118.  
Rom. 7.  
Psal. 36.  
1. Pet. 3.

VI. Nunc ergo fratres, Deo agente patienter, & nos ad poenitentiam prouocante de graui somno euigilemus, quia aduersarius noster *quasi leo rugiens circuit querens quem deuoret,* 1. Pet. 5. cui acriter resistendum est, & sciendum eadem etiam certamina nostris euenisse maioribus. Non deficiamus laborantes, iacientesque virtutum semina, ut in futuro gaudia metere possimus, audiamusque Paulum docentem: Tu autem qui seruasti doctrinam, eruditionem, studium, patientiam, persecutionem: & sanctorum exempla sectantes permaneamus in eo, quod cepimus, habentes principem &

Q 2 per-

perfectorem Iesum. Intelligamus comam capitis nostri in  
*Psal. 123.* via, ut sit vnguentum in barba nostra, ut ad oram perueniat  
 vestimenti, ut possimus implere vniuersa quæ scripta sunt.

VII. Qua propter ò duces & præpositi monasteriorum,  
 ac domorum, quibus crediti sunt homines, & apud quos  
 inueniuntur T, siue I, siue E, siue A. ut in commune dicam,  
 quibus crediti sunt homines, singuli cum turmis suis expe-  
 ctent Saluatoris aduentum, ut conspectui illius ornatum,  
 armis exercitum præparent. Nè refrigeretis eos in carna-  
 libus, & spiritalia non tribuatis alimenta. Aut rursus  
 doceatis spiritalia, & in carnalibus affligatis, in escis vide-  
 licet atque vestitu. Sed & spiritalis & carnales cibos pa-  
 riter tribuite, & nullam detis eis occasionem negligentiae.  
 Aut quæ est ista iustitia, ut fratres labore affligamus, & ipsi  
 otio vacemus? aut eis iugum imponamus, quod ipsi ferre  
*Matth. 7.* non possumus. Legimus in Euangelio: *Qua mensura mensi-  
 fueritis remetietur vobis.* Vnde & laborem & refrigeria cum  
 ipsis habeamus communia, nec discipulos seruos putemus,  
 & illorum tribulatio sit nostra lætitia: nè Euangelicus nos  
*Matth. 23.* cum Phariseis corripiat: *Va vobis legis peritis, qui ligatis one-  
 ra importabiles, & imponitis ea super humeros hominum, & ipsi nè  
 digito quidem audetis attingere.*

VIII. Sunt aliqui attendentes semetipsos, ut viuentes iux-  
 ta mandatum Dei sibi loquuntur, & dicunt: Quid mihi  
 est cum alijs? Ego verò ut seruiam Deo, & mandata eius  
 impleam, non ad me pertinet quid alij faciant. Hoc Eze-  
*Ezec. 34.* chiel corripit dicens: *O pastores Israel, nunquid semetipsos pa-  
 scunt pastores? nonne oues pascunt? Ecce lac comedistis, & lanis  
 operimini. quod pingue est immolastis: & quod infirmum non confor-  
 tastis: quod fractum est non ligastis: quod errabat non reduxistis: quod  
 perierat non quaesistis: quod forte erat fecistis labore deficere, & di-  
 spersistis oues meas, eo quod non haberent pastores. Propterea ipse  
 Do-*

**Dominus veniet cum senioribus & principibus suis, & complebitur illud in nobis; Exaētores vestri depradantur vos, & qui repetunt, errare vos faciunt. Quin magis audire debemus: Beata terra, cuius rex filius: ingenui & principes tui in tempore comedunt in fortitudine, & non confundentur.** Esa. 3.  
Ezech. 10.

**IX.** Ideo o homo vsque ad vnam animam, quæ tibi credita est, monere non cesses & docere quæ sancta sunt, & teipsum bonorum operum præbere exemplum, & cauere quammaximè, ne alterum ames, & alterum oderis; sed & cunctis exhibeas æqualitatem; nè forte quem tu diligis, Deus oderit; & quem tu oderis, Deus diligit. Nulli erranti pro amicitia consentias, & alterum premas, & alterum subleues, & pereat labor tuus. Sedentes in locis humilioribus, in quibus Pater noster præcipit penitus non sedendum, caueant Præpositi domorum, nè forsitan quilibet vnus ex fratribus Præposito iniuriam fecerit, & iratus ille discernat, ac dicat: Quid causæ habeo ad hominem contemptorem? Faciat quod vult, ad me non non pertinet; nec eum moneo, nec errantem corrigo, siue saluetur, siue pereat, ad me non pertinet. O homo quid hæc loqueris? intellige quo furore supereris, & odium occupauit cor tuum, vt magis tuo vitio quam suo peccato frater pereat; cui debes ignoscere, & eum suscipere poenitentem: vt possis illud euangelicum dicere: *Dimitte nobis debita nostra, sicut & nos dimittimus debitoribus nostris.* Si ergo vis vt Deus peccata tua tibi dimittat, & tu dimitte fratri tuo, quidquid illud est quod in te peccauit; memor illius præcepti: *Nè oderis fratrem tuum in corde tuo.* Et Salomonis monentis: *Suscita ciuem tuum pro quo spondesti.* Et iterum: *Ne cesses erudire paruulum, si enim virga percusseris eum, non morietur.* Moysen quoque ausculta dicentem; *Correptione corripies proximum tuum, ne habeas peccatum pro eo.* Ne eueniat rursus illud Salomonis: *Qui non pradicis filio, vt se custodiat à perditionibus, velociter dissoluetur.* Matt. 6.  
Luc. 11.  
Prov. 6.  
Prov. 23  
Leuit. 19.  
Pro. 19.

Om-

- X.** Omnes quibus fratrum cura commissâ est, parent se aduentui Saluatoris, & formidoloso tribunali eius. Si enim pro se ipso reddere rationem plenum est discriminis ac timoris, & quanto magis pro alterius culpa subire cruciatum, & incidere in manus Dei viuentis? Nec possumus obtendere ignorantiam, cum scriptum sit: *Omne factum Deus adducat in iudicio, in omnibus que neglecta sunt, siue bonum, siue malum.* Et in Apostolo legimus: *Omnes nos oportet manifestari ante tribunal Christi, ut unusquisque recipiat pro eo quod operatus est, siue bonum, siue malum.* Elaias quoque diem constitutam significat, in qua iudicaturus sit Deus orbem terræ in iustitia, dicens: *Ecce dies Domini insaniabilis venit furoris & ira, ut ponat orbem terra in deserto, & perdat peccatores de eo.* Scimus quia omnia quæ in lege scripta sunt, & prophetarum nobis vaticinia prædixerunt, sanctus quoque Pater noster erudiuit, nos esse retinendos, & reddituros rationem de singulis, quare non fecerimus ea, aut negligentius fecerimus. Loquitur enim cui traditum est à Patre omne iudicium, & veritas erudit veritatem: *Non putetis quia ego accuso vos ad Patrem. est qui vos accuset Moyses, in quo vos speratis. Si enim crederetis Moysi, crederetis & mihi: de me enim ille scripsit.*
- Eccel. 12.*  
*2. Cor. 5.*  
*Isa. 3.*  
*Ioan. 4.*

- XI.** Ex quibus omnibus discimus, quod oporteat nos stare ante tribunal Christi, & de singulis non solum operibus, sed & cogitationibus iudicari: & post rationem vitæ nostræ, etiam pro alijs qui nobis crediti sint reddituros esse similiter rationem. Et hoc non solum de Præpositis domorum audiendum est, sed & de monasteriorum principibus, & de singulis fratribus, qui reputantur in plebem: quia omnes inuicem debent sua onera portare, ut adimpleant legem Christi, & audiant Apostolum scribentem ad Timotheum: *O Timothee depositum custodi, deuotans profanas vocum nouitates, & professionem falsi nominis scientie.* Et nos habemus depositum à Deo traditum, conuersatione fratrum, pro
- Gal. 6.*  
*1. Tim. 4.*

pro quibus laborantes & expectamus futura præmia: ne forsitan dicatur & nobis: *Dimitte populum istum, ut abeat.* Exod. 5. Et traditiones Patris nostri deferentibus ingeratur: *Qui habent legem non agnoverunt me, pastores egerunt impie in me.* Lev. 2. Vnde alios corripit dicens: *Ego dedi hereditatem meam in manus tuas, tu autem non dedisti ullam misericordiam: senes aggravasti iugo.* Esa. 47. Quod & nos non solum audire, verum etiam intelligere, necesse est: Qui enim ignorat ignorabitur. Et in alio loco scriptum est: *Quia tu scientiam meam repulisti, & ego repellam te, ne sacerdotio fungaris mihi.* Ose. 4.

XII. Itaque fratres carissimi, qui coenobiorum vitam & præcepta sectamini; stete in arrepto semel proposito, & implete opus Dei: ut Pater, qui primus instituit coenobia, gaudens pro nobis loquatur ad Dominum: sicut tradidi eis, sic vivunt. Quod idem & Apostolus adhuc in corpore constitutus loquebatur: *Laudate autem vos, quod in omnibus meminitis mei, & sicut tradidi vobis traditiones meas custodistis.* 1. Cor. 11

XIII. Et vos ergo monasteriorum principes, estote solliciti, & adhibite omnem curam pro fratribus cum timore & iustitia Dei: nec abutamini potestate in supplicia, sed exemplum præbete vos eunctis & subdito gregi: sicut & Dominus noster in omnibus exemplum se perbuit, qui posuit quasi oves familias: ut misereamini gregi vobis credito, & memineritis Apostolica sententia, in qua ait: *Nihil subtrahitis, ut non annuntietis vobis omnem voluntatem Dei.* Et iterum: *Non cessavi deprecando unumquemque vestrum, & docendo vos publice.* Videte quanta viscere, & quanta misericordia fuerint in homine Dei, qui non solum sollicitus est pro omnibus Ecclesijs, sed sanguet cum languentibus, & omnium sustinet passiones. Caveamus, ne per nostram negligentiam aliquis scandalizetur, & corruat, & obliuiscamur verbum Domini Salvatoris, qui in Evangelio loquitur: *Pa-*  
ter



*Ioan. 17.* *ter quos dedisti mihi, non perdidisti ex eis quemquam.* Nullam animam contemnamus, nè quisque per nostram duritiem pereat. Si enim aliquis propter nos fuerit mortuus, anima nostra pro illius anima tenebitur in reatu. Quod quidem & Pater noster indefinenter nobis solebat inculcare, & monebat, nè illud eloquium impleretur in nobis: *Singuli opprimunt proximum suum: Et iterum: Si inuicem mordetis & devoratis, videte ne adinvicem consumamini.* Ex quo apparet, quod qui alterius servat animam, custos animæ suæ sit.

XIII. Sed & vos qui secundi estis monasterij, primos vos exhibete virtutibus, ne quis vitio vestro pereat. Nè incuratis in illud opprobrium in quod incurrit ille, qui comedit & bibit cum ebrijs, & non dedit in tempore suo conferuis cibaria: *Et veniet Dominus in die qua non sperat, & in hora qua nescit, ut diuidat eum, & ponat partem eius cum hypocritis, ubi fletus & stridor est dentium.* Ne quos apprehendat è vobis similis condemnatio, sed cum tempora venerint refrigerij mereamur audire: *Euge serue bone & fidelis, quia super modicum fuisti fidelis, supra multa te constituam, intra in gaudium Domini tui,*

XV. Vos quoque Præpositi domorum singularum, parati estote ad respondendum omnibus, qui à vobis exigunt rationem super ea fide, quæ in vobis est. Monete eos qui inordinati sunt, consolamini pusillanimes; sustinete infirmos; patienter agite ad omnes, & audite Apostolum monentem: *Et vos patres nolite ad iram prouocare filios vestros, sed entrite illos in disciplina, & admonitione Domini.* & scitote, quia *cui plus datum est, plus quæretur ab eo; & cui plus creditum est, amplius exigetur.* Nec tantum ea consideretis, quæ vobis prosint, sed illa quæ proximis, & impleatur in vobis scriptura dicens: *Quia vos sequimini unusquisque utilitatem domus suæ; idcirco continebit celum rorem suum, & terra non dabit fructus suos,*

suos, quoniam ingratiastis contra me sermones vestros. Dicitur & MAT. 23.  
alibi: *Quia non fecistis uni ex minimis meis, nec mihi fecistis.*

XVI. Sæpius dicam, & eadem repetam; Cauete ne alios diligatis, alios oderitis: nè hunc sustentetis, & illum negligatis, & cassus inueniatur labor vester, & omnis sudor pereat: & quando exieritis de corpore, & de mundi huius turbine liberati, portum vos putaueritis quietis intrare, tunc inueniatis iniustitiæ naufragia, & in qua mensura, mensi estis, remetiatur vobis ab eo, qui personas in iudicio non accipit. Si quid mortale, aut aliquid turpitudinis ob negligentiam Præpositorum in domibus commissum fuerit, post illorum propria supplicia, Præpositus quoque reus tenebitur criminis: quod nobis semper sanctæ memoriæ Pater noster solebat ingerere.

XVII. Quamobrem cum omni cautione & solitudine singuli commissum sibi gregem custodiant, & imitentur pastores de Euangelio, ad quos non dormientes, sed vigilantes venit Angelus Dei, & Saluatoris eis annunciauit aduentum. Qui & ipse loquitur: *Pastor bonus animam suam ponit pro ouibus suis: qui autem mercenarius est, & non est pastor, cuius non sunt oues, videt lupum venientem, & dimittit gregem, & fugit, & lupus rapit eum, atque deuastat: quia mercenarius est, & non ad eum pertinet de ouibus.* De bonis autem pastoribus Lucæ scribit historia: *Erant autem pastores obseruantes, & custodientes vigilas noctis super gregem suum, & Angelus Domini venit ad eos, & gloria Dei circumfulsit eos, & timuerunt timore magno, dixitque eis Angelus: Nolite timere, ecce enim euangelizo vobis gaudium magnum, quod erit omni populo: quia est hodie vobis natus Saluator, qui est Christus Dominus in ciuitate David. Et huius rei signum erit vobis, inuenietis infantem pannis inuolutum, & positum in præsepi.* Num illi soli eo tempore pascebant oues, & per desertum sequebantur gregem? Sed quia soli erant solliciti,  
R & na-

LUC. 2.

IOH. 12.

LUC. 2.

- & naturalem nocturnum somnum insidiantium luporum timor superabat, idcirco primi audire meruerunt quod in vicino sit: at Hierosolyma dormiens ignorabat. Vnde
- Psal. 170.* & Dauid dicit: *Ecce non dormiet qui custodit Israel.* Itaque & vos cum tremore & timore vigilate operantes vestram salutem, & scientes, quod vniuersitatis Dominus, per quem omnis caro receptura est quicquid operata est, post resurrectionem solis Apostolis apparuit, & dixit Apostolorum principi Petro: *Simon Ioannis diligis me plus his?* Respondit ei: *Domine tu scis quia ego diligo te.* Dicit ei Iesus: *Pasce agnos meos.* Dicit ei rursum secundo: *Simon Ioannis diligis me?* Respondit ei: *etiam Domine tu scis quia diligam te.* dicit ei: *Pasce oues meas.* Tercio præcepit vt pasceret oues: & in illo omnibus nobis hoc iniunxit officium, vt diligenter pascamus oues Domini, & in die visitationis eius pro labore ac custodia recipiamus quæ nobis in Euangelio promisit, dicens:
- Ioan. 12.* *Pater volo vt ubi sum ego, & isti sint mecum.* Et iterum: *Vbi ego sum, ibi & minister meus erit.* Respiciamus ad promissa, & ad præmia creduli, facilius omnem perferamus laborem, ambulantes sicut ambulauit ipse Dominus, qui promissor est præmiorum.

XVIII. Vos quoque qui secundi estis singularum domorum, humilitatem sectamini & modestiam, & singula præcepta maiorum vitæ communis normam putate, vt in illis conseruandis vestras seruetis animas, & similes sitis ei qui

*Psal. 118.* ait: *Anima mea in manibus meis semper.* Filius glorificet patrem, & lætamini fructibus vestris: quia absque operibus & fructibus nullus Domini societate lætabitur: vt cum habueritis fructum in Domino, ipso herede & coherede potiamini.

XIX. Sed & vos omnes fratres, qui subiecti estis per

*Luc. 11.* ordinem liberæ seruitutis, *habete accinctos lumbos vestros, &*  
an-

ardentes lucernas in manibus, sicut servorum, qui expectant Dominum suum quando reuertatur de nuptijs, ut cum venerit, & pulsauerit, statim aperiant ei. Beati serui, quos veniens Dominus inuenierit vigilantes. Sic & vobis fiet, si longus labor lassitudinem non operetur in vobis: vocabimini ad celeste conuiuium, & Angeli ministrabunt vobis. Hæ sunt repromissiones custodientium mandata Dei, & ista præmia futurorum. Gaudete in Domino; rursum dico, gaudete. Subiecti patribus cum omni obedientia: sine murmurationibus, & cogitationibus varijs, simplicitatem animæ ad bona opera perferentes, ut pleni virtutibus & timore Dei, digni efficiamini adoptione Dei. Arripite scutum fidei, in quo possitis omnes sagittas diaboli ardentes restringere, & gladium Spiritus, quod est verbum Dei. Estote prudentes sicut serpentes, & simplices sicut columba. Audite Paulum loquentem: Filij obedite parentibus, & possidete salutem animarum vestrarum, per eos qui vobis præpositi sunt. Et in alio quoque loco scriptum est: Acquiscite principibus vestris & subiiciimini, quia ipsi vigilant pro animabus vestris, rationem reddentes pro vobis. Et semper illud timete, quod idem Apostolus loquitur: Templum Dei estis, & Spiritus Domini habitat in vobis. Si quis autem templum Dei violauerit, disperdet illum Deus. Et iterum: Nolite contristare Spiritum sanctum Dei, in quo signati estis in diem redemptionis in seculum. Phil. 4.  
Eph. 6.  
Mat. 10.  
Col. 3.  
1. Cor. 3.  
Eph. 4.  
Ibid.

XX. Seruate pudicitiam corporis vestri, ut sitis hortus conclusus, fons signatus. Qui enim natus ex Deo non peccat, quoniam semen illius in eo permanet. Idem Ioannes loquitur: Scribo vobis inuenes, quoniam fortes estis, & sermo Dei in vobis permanet, & vicistis malignam. Cum & vos viceritis inimicum, Deo vobis præbente auxilium, tunc & ipse dicet: Eruam eos de inferno, & redimam eos de morte. Vbi est mors contentio tua, vbi est mors stimulus tuus? Si vero mortem deuorabimus, superabimus eam, & dicetur nobis: Mors eis nequaquam dominabitur: quoniam mors, qua peccato mortui semel sumus, in-

- nobis mortua est, & vita qua in Christo viuimus, semper viuimus. Qui enim in carne moritur iustificabitur à peccato. Nequaquam vltra viuamus in desiderijs hominum, sed reliquam vitam in voluntate Dei expleamus. Qui timetis Dominum armate vos castitate, vt audire mereamini: *Vos autem non estis in carne, sed in Spiritu*. Et scitote quod perfectis perfecta tribuantur, & inanibus reddantur inania, iuxta sermonem Euangelicum: *Qui habet dabitur ei, & abundabit: qui autem non habet, & quod videbatur habere auferetur ab eo*. Imitemur virgines sapientes, quæ cum sponso thalamum ingredi meruerunt, quæ habebant in vasis suis & lampadibus oleum bonorum operum. Porro stultæ virgines clausam thalami ianuam reppererunt, quia ante nuptias parare sibi oleum noluerunt. *Hæc in figura contingebant illis; scripta sunt enim ad correctionem nostram, vt euitemus vetera, & seruemus præcepta sapientis, qui ait: Fili mi, si sapiens fuerit cor tuum, lætificabis cor meum, & commemorabunt labia mea sermones tuos, si tamen recti fuerint*. Et iterum: *Non emuletur cor tuum peccatores, sed in timore Dei esto tota die; & Dei cultum obserua iugiter*.

XXI. Vigilemus attentius, & sciamus, quod magnam nobis Deus præstiterit gratiam per Patrem nostrum Pachomium, vt renuntiaremus seculo; & omnem sollicitudinem mundi, & curas rerum sæcularium pro nihilo poneremus. Quæ nobis occasio relicta est, vt habeamus quidquam proprium à funiculo vsque ad corrigiam calceamenti; cum habeamus Præpositos, qui pro nobis cum timore & tremore solliciti sunt tam in cibo, & vestitu, & corpusculi languore, si forte obuenerit, vt in nullo timeamus, & per occasionem carnis animæ emolumenta perdeamus? Liberi sumus, iugum de ceruicibus nostris mundanæ seruitutis abiecimus; cur rursus volumus reuerti ad vomitum nostrum, & aliquid habere vnde solliciti simus, & quod per-

perdere metuamus? Ad quos vsus superfluum pallio-  
lum, aut epulæ lautiores, aut melior lectus; cum omnia  
in commune sint præparata, & nihil cruce Christi durius  
sit? iuxta quam viuentes patres nostri ædificauerunt nos  
super fundamentum Apostolorum & Prophetarum, 2pe. 2.  
& Euangeliorum disciplinam, quæ angulari continetur la-  
pide Domino Iesu Christo: quem sequentes de mortifera  
altitudine ad vitalem descendimus humilitatem, diuitias  
paupertate mutantes, & delicias simplici cibo.

XXII. Nolite, obsecro vos, obliuisci semel arrepti pro-  
positi, & traditiones Patris nostri scalas putemus ad celo-  
rum regna tendentes. Nè desideretis quæ ante calcastis.  
Sufficit nobis habere quod homini satis est, duo leuitonaria,  
& alium attritum, & palliolum lineum, duos cucullos,  
zonam lineam, gallicas, pellem, & virgam. Cui ministe-  
rium aliquod & dispensatio est credita monasterij, & si ex  
ea lucrum faciat, scelus putetur, & sacrilegium quidquam  
ex ea contingere, & in propriam vertere requiem, quasi  
despiciens eos qui non habent, & felici paupertate sunt  
diuites: vt non solum ipse perierit, sed & cæteros prouo-  
cet ad pereundum. Et illi quidem qui incuruauerunt cer-  
uicem suam, & cum omni humilitate & afflictione lugen-  
tes atque plangentes in præsentiarum placuerunt Deo, cum  
de corpusculo isto exierint, ducentur, & accumbent cum  
sanctis Patribus Abraham, Isaac, & Iacob, Prophetis, & Apo-  
stolis, & consolatione digna fruuntur, sicut & Lazarus fructus  
est in sinu Abraham. Qui autem vixerunt in coenobio, & de  
communi in suos aliquid auerterent vsus, væ eis, cum de  
corpore exierint dicetur illis: *Mementote quia recepistis bona in* Luc. 16.  
*vita vestra; fratribus laborantibus, & ieiunijs, & continentia*  
*& incessabili labore sudantibus.* Idcirco videte eos in gau-  
dio, atque lætitia, qui reliquerunt præsentem vitam, vt fu-  
turam consequerentur: vos autem in squalore ac tormen-  
tis,

2sa 65. **is, & miseria constitutos, quia nolulistis Euangelicum audire sermonem, & Esaie contempnistis verba dicentis: Ecce qui seruiunt mihi comedent, vos autem esurietis. Ecce qui seruiunt mihi bibent, vos autem sitietis. Ecce qui seruiunt mihi exultabunt, & vos clamabitis propter dolorem cordis vestri, & ob contritionem spiritus eiulabitis. Audistis omnes beatitudines scripturarum, & nolulistis suscipere disciplinam.**

**XXIII.** Ideo fratres æquales simus, a minimo vsque ad maximum, tam diues quam pauper, concordia & humilitate perfecti, ut de vobis quoque possit dici: *Qui multum, non abundauit; qui parum, non indiguit.* Ne quis suis prouideat dilitijs, cernens fratrem in paupertate, & angustia constitutum, & dicatur ei illud propheticum: *Nonne Deus vnus creauit vos? Nonne pater vnus omnium vestrum? Quare dereliquistis vnusquisque fratrem suum, ut abominabile facerent testamentum patrum vestrorum? Derelictus est Iuda, sed abominatio facta est in Israel.* Qua propter iuxta illud quod Dominus atque  
 1. Cor. 8. **Saluator præcepit Apostolis dicens: Mandatum nouum do vobis, ut diligatis inuicem, sicut & ego dilexi vos: & in hoc sciēni, quod verē discipuli mei estis; nos inuicem amare debemus, & ostendere quod verē simus famuli Domini nostri Iesu Christi, & filij Pachomij, & discipuli cœnobiorum.**

**XXIII.** Si Præpositus domus aliquem corripuerit ex fratribus qui sibi subiecti sunt, erudiens eum in timore Dei, & cupiens ab errore corrigere, & alius voluerit pro eo loqui, & eum defendere, subuertens cor illius; qui hoc facit, peccat in suam animam: quia subuertit eum qui corrigi poterat, & confurgentem deijcit in terram, atque ad meliora tendentem mala persuasionē decepit, errans ipse, & alios errare faciens. Huic illud aptabitur congruentur: *Va qui potum dat proximo suo subuersionem turbidam, & inebrians eum: Va qui errare facit cecum in via: qui scandalizat quempiam de his, qui*

Abac. 2.

Deut. 27.

Mat. 18.

qui credunt Deo : expedit ei , ut appendatur ei mola asinaria super col- lum eius , & precipitetur in mare . Quia subuertit , ut dixi- mus , subleuantem se , & obedientem transtulit ad super- biam , & eum qui in dulcedine caritatis poterat ambulare , conuertit in amaritudinem : & subiectum legibus monaste- rij , malis confilijs deprauauit , fecitque odisse eum , & con- tristari contra illum , qui eum docebat Domini disciplinam , lites serens inter fratres atque discordias , & non timens il- lud , quod scriptum est : *Tu quis es , qui iudicas alienum seruum ?* Rom. 14. *Suo domino fiat , aut cadit . Sclabit autem , potens est autem dominus rursum statuere illum .* Considera quid dixerit : *Potens est au- tem Dominus statuere illum .* Non ille potens est , qui verba Domini præterit.

XXV. Unde fratres magnopere deuitemus alicuius men- tem subuerrere contra doctorem & monitorem suum : & meminerimus scripturæ dicentis : *Libera cor tuum a malitia ,* Ier. 4. *et saluaeris .* Nec pro obedientia superbiam & contumaciam in cordibus nostris inuicem seminemus . Qui enim timet Dominum suum , si viderit fratrem suum errare & labi , ma- gis debet monstrare quæ sancta sunt , & rectum iter offen- dere , ut cum omni castitate & tremore Dei incedens , illam Salomonis exequatur sententiam : *Libera eos , qui ducuntur* Prov. 23. *ad mortem , & redimere de interfec-tione non cesses .* Nec dicas , nescio hunc . Scito quoniam Deus corda omnium nouit . Et Iudas in epistola loquitur sua : *Et hos quidem de igne rapien- tes ,* Ind. 1. *& odio habentes commaculatam tunicam .* Caueamus huius- cemodi vestimentum , & induamur potius armaturam Dei , ut Eph. 6. *possimus resistere contra insidias diaboli .* Non est enim nobis pugna contra carnem & sanguinem , sed aduersus potestates & principatus , aduersus rectores tenebrarum harum , aduersus spiritalia nequitia in celestibus .

XXVI. Hoc quoque maxime prouidendum est , ne quis  
in



in alteram domum & in alterius cellulam commendet aliquid, & contra monasterij faciat disciplinam. Qui talis est, non est in numero fratrum, sed mercenarius & adueniens: nec Pascha Domini inter sanctos debet comedere; quia factus est lapis scandali in monasterio, & de eo posset dici:

- 1er. 20. Lapidem de via mea projice.* Si enim leuitonaria nostra quando lauamus sicca non fuerint, vsque ad vesperam non habemus potestatem apud nos tenere, damusque Præposito, cui crediti sumus, vel ei cui creditum est cellarium, vt deferat ad eum locum, vbi vestimenta pariter omnium reseruantur, & manè nobis dantur vt expandamus illa ad solem, & cum sicca fuerint non apud nos tenemus, sed damus in commune seruanda, iuxta præcepta maiorum; quanto magis ea, quæ proprie visus es possidere, si alteri commenda-ueris, aut in tua volueris esse potestate, peccas in monasterij disciplinam, & non intelligis Paulum tibi loquentem:
- Gal. 5. Vos autem in libertatem vocati estis, tantum ne libertate in occasionem carnis abutamini, sed caritate seruite inuicem:* Et iterum: *Phil. 4. Dominus iuxta est, nolite esse solliciti, sed estote in oratione intenti & deprecationibus.* Sciat quoque ille qui ab alio suscepit commendatum, & rem se arbitratur facere piam, vt fratrem refrigeret, quod peccet contra animam suam, subuertens regulam monasterij. O stulte anima tua commissa est Præposito tuo, & qui animam tuam corpusque custodit, indignus habebitur vt peritura conseruet? Amemus iustitiam, vt iustificemur. Legimus enim: *Misericordia occurrit his, qui faciunt veritatem.*

- XXVII. Hoc quoque obseruandum est, ne quis stulta cogitatione decēptus, imò diaboli laqueis irretitus, dicat in corde suo: Quando morior, tunc donō fratribus quod habuero. O stultissime hominum vbi hoc scriptum inuenisti? Nonne omnes Sancti seruientes Deo statim omnem seculi sarcinam deposuerunt? Nonne in actibus Apostolorum

lorum, omnia quæ habebant ad pedes Apostolorum defer-  
 rebant? Aut quomodo poteris mortuus iustitiæ induere  
 vestimentum, qui illud viuus habere non meruisti? Qua-  
 re oblitus es illud, quod scriptum est: *Quod seminauerit ho-*  
*mo, hoc & metet.* Et, *Vnusquisque recipiet iuxta quod egit.*  
 Et, *Reddet unicuique iuxta opera sua.* Et iterum: *Ego Dominus*  
*scrutans corda & probans renes, ut reddam unicuique iuxta vias*  
*suas, & iuxta fructum adinventionum eius?* Quare nondum verfa-  
 ris in vita, & in hoc corpusculo constitutus non audis  
 Dauid loquentem: *Thesaurizat, & ignorat cui congregat ea.*  
 & sermonem Euangelicum, auarum corripientem: *Stulte*  
*hac nocte animam expetent a te: quæ autem preparasti, cuius erunt?*  
 Et iterum: *In illa die peribunt omnes cogitationes eorum.* Stulte  
 quare non vis audire Dominum cohortantem: *Vade, &*  
*vende omnia quæ habes & da pauperibus, & tolle crucem tuam, &*  
*veni, & sequere me?* Quod adolescens audiens conuersus est  
 retro, non enim erat rectum cor ipsius, & ideo non potuit  
 grauem diuitiarum sarcinam deponere. Habebat quidem  
 voluntatem, ut scriptura testatur, perfectæ vitæ, & splen-  
 dore virtutum trahebatur ad laudem; sed retrahebant eum  
 currentem diuitiæ: nec poterat Saluatoris audire doctri-  
 nam, quia adhuc de mundi delitijs cogitabat. Vnde & Sal-  
 uator loquitur: *Difficile est eos qui habent diuitias intrare in re-*  
*gna celorum.* Et iterum: *Nemo potest duobus dominis seruire:*  
*aut enim vnum odio habebit, & alterum diligit; aut vni est obediens,*  
*& contemnet alterum.* Non potestis Deo seruire, & Mammonæ.  
 Pharisei autem cum essent auari, hæc audiebant & irride-  
 bant: quorum incredulitatem deuitemus, nec irrideamus  
 eos qui nos prouocant. Renuntiemus mundo, ut perfecti  
 perfectum sequamur thesaurum. Quorum animam possi-  
 det auaritia, his videtur pro Christo stulta paupertas. *Quæ-*  
*stus est magnus pietas cum sufficientia.* Nihil eum intulimus in hunc  
 mundum, nec auferre quid possumus: habentes enim victum & ve-  
 situm, his contenti simus. *Qui autem uolunt diuites fieri, incidunt in*

Gal. 6.

Eph. 6.

Rom. 2.

Psalm. 61.

Psalm. 38.

Psalm. 145.

Luc. 12.

Mat. 19.

Mat. 19.

Luc. 6.

1. Tim. 6.

*temptationem & laqueum, in concupiscentias multas, quæ sunt stulta & noxia, & demergunt homines in interitum & perditionem. Radix enim omnium malorum cupiditas.*

- XXVIII.** Vsq̃ue hodie Helias Israelem corripit dicens :
- 3 Reg. 18** *Quousque claudicatis pede ? Si Deus est, ite & sequimini eum. Et nobis loquitur : Si mandata sunt Dei, quæ per Patrem nostrum tradidit nobis, & quæ sequentes possumus peruenire ad regna cælorum, toto eadem desiderio compleamus : si autem sequimur cogitationes nostras, & ad aliud tendit animus, cur non errorem simpliciter confitemur, & ostendimus, nos esse quod videri erubescimus ? Ne forte dicatur & nobis : Quare polluistis locum meum sanctum ? Et,*
- Exec. 22.** *Eijciam eos è domo mea. Siquidem conciliabula monachorum vere Dei domus est, & sanctorum vinea, sicut scriptum legimus : Vineam factam est Salomoni in loco, qui vocatur Beelamon, dedit eam custodibus, unusquisque affert pro fructibus eius mille argenteos. Vineam meam in conspectu meo est, mille Salomoni, & ducenti his qui custodiunt fructum eius. Ne igitur polluentes eam projiciamur, sicut in Euangelio legimus eiectiones esse de templo qui vendebant in eo oves & boues : numularios quoque ingrediens Dominus atque Saluator, & faciens sibi flagellum de funiculis, eiecit è templo, & fundens æra mensasque vendentium, & his qui vendebant columbas ait : Auferite hæc omnia, & nolite facere domum Patris mei domum negotiationis. Scriptum est enim : Domus mea domus orationis vocabitur cunctis gentibus : vos autem fecistis eam speluncam latronum. Et alibi : Propter vos nomen meum blasphematur in gentibus.*
- Os. 9.**
- Cant. 8.**
- Luc. 19.**
- Marc. 11.**
- Esai. 56.**
- 1er. 7.**

- XXVIII.** Obsecro vos fratres ne de nobis quoque dicatur : Alius quidem esurit, alius autem ebrius est : an domos non habetis ut bibatis, & comedatis ? nisi forte Ecclesiam Dei contemnitis, & confunditis eos qui non habent. Ad quos dicitur : Si quis esurit domi comedat, ut non in iudicium conueniatis. Non sit do-
- 1. Cor. 11**

domus nostra vocis alienæ, nè illud nobis congruentur aptetur: *Opera Aegypti non abstulerunt a se.* Et iterum: *In præceptis meis non ambulauerunt, & sabbata mea contaminauerunt; propterea cum clamauerint ad me, ego non exaudiam eos.* Non permaneamus in cordis duritia, & ad iracundiam prouocemus Deum, & fiat inimicus noster, & dicat: *Ego autem dabo eis præcepta non bona, & iustificationes in quibus non uiuant; quia comederunt fructum mendacij, & adorauerunt opera manuum suarum & repleta est terra eorum a principio augurio, vt terra alienigenarum.*

Exec. 10.

Ibid.

XXX. Ne postquam renuntiauerimus seculo, & coeperimus vexillum crucis sequi, iterum ad posteriora conuersi, quæramus refrigerium temporale, imitantes Ephraim dicentem: *Diues factus sum, & inueni refrigerium mihi; ne audiamus illud quod & ille meruit audire: Omnes labores illius non inueniuntur præ iniquitatibus, in quibus peccauit.* Et ne illud impleatur in nobis: *Coepistis spiritu, & nunc carne consummami- ni: tanta passi estis sine causa?* Et ille contra nos sermo dicatur: *Lex periit a sacerdote, & consilium a senioribus; & manus populi dissolutæ sunt, senes de porta quæuerunt, electi a psalmis suis cessauerunt.* Rursumque dicatur: *Propter vos nomen blasphematur ingentibus: & contemptis institutionibus Patris nostri subrepat obliuio, mediatoremque Dei atque sanctorum nostro vitio negligamus.*

Ose. 12.

Gal. 3.

Eze. 7.

Rom. 2.

XXXI. Quis enim fructus, aut quod signum præceptorum Dei inueniatur in nobis, aut in quo professionem impleamus arreptam? Nonne omnia dimisimus, & avaritiæ subiaceamus, & dicitur nobis: *unde bella, & pugna?* nonne ex avaritia? Nam quia vnusquisque quærit utilitatem suam, non proximi; vsque hodie viuens Ezechiel prophetaliter sermone nos corripit dicens: *Negotiationes erant in te. Filius in- honorat patrem, & pater exprobrat filio.* Quid in die iudicij re-

Iac. 4.

Eze. 27.

Mich. 7.

spondebimus, aut quid in nouissimo tempore pro defensione nostra poterimus obtendere? Hæc omnia facta sunt nobis, quia Sacerdotes plauserunt manibus, & populus dilexit similiter. Quia sicut populus, sic sacerdos. Propterea reddam ei, inquit, secundum vias suas, & cogitationes illius restituam ei.

XXXII. Non de omnibus vobis hæc loquor, sed de his qui maiorum præcepta contemnunt: multoque melius erat illis ignorare viam iustitiæ, quam scientes reuerti ab eo, quod traditum est illis, sancto mandato. De huiusmodi hominibus moerens Hieremias scribit: Defecerunt in lacrimis oculi mei, conturbatus est venter meus, effusa est in terra gloria mea, super contritione filie populi mei; quia defecit paruulus & lactens in plateis ciuitatis. Matribus suis dixerunt: ubi est triticum & vinum? cum deficerent quasi vulnerati in plateis urbis, cum funderent animas suas in sinu matrum suarum. Scimus quod non in fortitudine equi velit Deus, neque in semoribus viri sibi complacere.

XXXIII. Et idcirco reuertamur ad Dominum Deum nostrum, ut quando orauerimus exaudiat nos, qui quotidie hortatur ut vacemus, & cognoscamus eum. Et atibi loquitur: Reuertimini ad me, & ego reuertar ad vos. Et iterum: Reuertimini ad me filij recedentes, & ego dominabor vestri. Ezechiel similiter contestatur ac dicit: Quare moriemini domus Israel? Nolo mortem peccatoris, tantum ut reuertatur de via mala sua, & viuat. Et clementissimus, ac totius bonitatis caput clamat in Euangelio ad nos Dominus atque testatur: Venite ad me omnes qui laboratis & onerati estis, & ego reficiam vos: Tollite iugum meum super vos, & discite a me quia mitis sum, & humilis corde, & inuentetis requiem animabus vestris. Consideremus quod bonitas Dei ad poenitentiam nos prouocet, & sancti viri cohortantur ad salutem. Non induremus corda nostra, neque thesaurizemus iram nobis in die iræ & reuelationis.

uelationis iusti iudicij Dei, qui reddet vnique iuxta opera sua : sed ex toto corde reuertamur ad Dominum , & secundum Moyſi verba memorantis : *Si reuertaris ad Dominum* Deu. 30.  
*ex toto corde tuo , mundabit cor tuum , & cor feminis tui .*

XXXIII. Laboremus ſicut boni milites Chriſti, & obſeruemus illud quod ſcriptum eſt : *Nemo militans Deo implicatur ſe negotijs ſecularibus , ut ei cui militat placeat .* Si autem quis & in agone contendat, non coronatur niſi legitime certauerit. Laborantem agricolam oportet primum de fructibus eius participare . Scriptum eſt omnes populi ibunt vnusquique in viam ſuam . *Nos autem in nomine Domini Dei noſtri magnificabimur ; Ipsi impediti ſunt & ceciderunt ; nos autem ſurreximus & erecti ſumus .* 2.Tim 2.  
Pſal. 19.

XXXV. *Qui ambulat in die non impingit , qui autem in nocte graditur impingit , quia lumen non eſt in eo .* Nos autem , ſicut dixit Apoſtolus , non ſumus filij prauaricationis in perditionem , ſed fidei in acquisitionem anime . Et alibi, Omnes, inquit, filij lucis eſtis , & filij Dei . Non ſumus filij noctis, neque tenebrarum . Si ergo ſumus filij lucis, debemus ſcire quæ lucis ſunt, & facere fructus luminis in omni opere bono : quod enim manifeſtatur , lux eſt . Si in toto corde reuertamur ad Dominum , & in præceptis ſanctorum illius & Patris noſtri ſimplici corde conuerſamur , abundabimus in omni opere bono . Quod ſi ſuperemur carnis voluptatibus, in die quaſi in media nocte parietem palpabimus , & non inueniemus viam ciuitatis & habitaculi noſtri , de quo dicitur : *Eſurientium & ſitientium anima deſicit ;* quia contempſerunt legem ſibi a Deo traditam, & vocem Prophetarum non audierunt : & idcirco non potuerunt ad promiſſam requiem peruenire . 1aa. 17.  
Heb. 10.  
1. Theſ. 3  
Pſal. 106.

XXXVI. Vigilemus & attenti ſimus : ſi enim naturalibus  
non

- ROM. 11.** non pepercit, nec nobis pareet. Non de cunctis sed de negligentibus loquor, quibus iure aptabitur illa deploratio: *Va eis qui recesserunt a me! Manifesti sunt quia impiè egerunt in me, quia dereliquerunt me fontem aquæ vivæ, & foderunt sibi contritos lacus, qui non possunt aquam continere. Et quia non audierunt iudices eius, audiant dicentem Deum: Constitui super vos speculatores. Audite vocem tubæ: & dixerunt: Non audiemus. Unde ista incredulitas? nonne ex eo, quia alienos cognoverunt, & non aduersati sunt? Loquitur & alibi Spiritus sanctus per Prophetam: Ego enim sum Deus Dominus tuus, qui formavi celum, & creavi terram: cuius manus condiderunt omnem celi militiam, & non ostendit ea tibi, ut ambulares post illam.*
- DEUT. 4.** Quod quidem & per Moysen præcepit, dicens: *Non cum suspexeris celum, & videris solem & lunam ac stellas, & omne ornamentum celi, errore celi deceptus adores ea. Ego sum Deus qui eduxi te de terra Aegypti, & Deum extra me nescis, & qui saluos posset facere non est præter me. Ego sum qui te paui in solitudine in terra inhabili. & impleti sunt saturitate, & eleuata sunt corda eorum. Idcirco obliti sunt mei, & ego tradam eos dispersioni in gentibus cunctis.*
- IER. 9.**

**XXXVII.** Quæ audientes quasi de somno expergiscamur, & præbeamus nos dignos Domini seruituti, ut miseretur, & dicat nobis: inuocate me, & ego exaudiam vos. Ipse enim ait: *Qui disperfit Israel, congregauit eum. Et alibi: Non faciam, inquit, iuxta iram furoris mei, nec sic relinquam ut deleam Ephraim. Et iterum: non in aeternum puniam vos, nec semper irascar vobis. Spiritus enim a me egreditur, & omne quod spirat ego feci. Et in eodem loco iungit, ac dicit: Dedi eis consolationem veram, pacem super pacem his, qui erant prope & longe; dixitque Dominus, sanabo eos. Cuius ut plene misericordiam cognoscamus, Hieremiæ sermone docet, dicens: Si eleuatum fuerit celum in sublime, & si humiliatum pauimentum terræ deorsum, ego non reprobo gentem Israel pro omnibus quæ fecerunt.*

Cum.

XXXVIII. Cumque tanta clementia sit Saluatoris Domini, & nos prouocet ad salutem, conuertamus corda nostra ad eum: *Quia iam hora est ut de somno euigilemus: nox præcessit, dies autem appropinquauit: deponamus ergo opera tenebrarum, & induamur arma lucis.* Filioli mei primum ex toto corde diligamus Deum, deinde nosmetipsos amemus mutuo, memores præceptorum Dei Saluatoris in quibus ait: *Pacem meam do vobis, pacem meam relinquo vobis: Non sicut mundus dat pacem, ego do vobis. In his enim duobus mandatis tota lex pendet, & Propheta.* Rom. 13.  
Ioan. 14.

XXXVIII. Si quis in domo monasterij sub Præposito manens, nulla re indigens quam in monasterio habere permixtum est, & habet patrem, fratremque & amicum carissimum, nihil ab eis penitus accipiat, non tunicam, non palliolum, non aliam quamlibet rem. Si autem comprobatum fuerit quod minus habeat de his quæ præcepta sunt, culpa omnis atque correctio ad Præpositum conuertetur.

XL. Vos igitur qui estis Principes monasteriorum, si quod aliqua re videritis indigere, & esse in angustia constitutos, nolite eos negligere; scientes vos reddituros rationem pro omni rege, super quem vos Spiritus sanctus constituit in Episcopum, & regere Ecclesiam Dei, quam acquisiuit proprio sanguine. Propterea nos qui fortiores sumus, debemus infirmitates inuoluntarii portare, & non nobismet ipsis placere, sed proximo in bono ad edificationem. Nam & Christus non sibi placuit, sed sicut scriptum est: *Opprobria exprobrantium tibi ceciderunt super me.* Et iterum: *Non quero, inquit, quod mihi expedit, sed quod omnibus, ut salui fiant.* Act. 10.  
Rom. 15.  
Psal. 68.  
1. Cor. 10

XII. Si autem Dominus ac Saluator noster ita præcipit, & sancti ita conuersati sunt, patres quoque nostri ita nos docuerunt, conseruamus a somno, & quæ sunt nobis præcepta faciamus. Quaecunque enim scripta sunt ad nostram Rom. 19.  
eru-



*traditionem scripta sunt, ut per patientiam & consolationem scripturarum spem habeamus . & nullus nostrum causa sit erroris alieni, nec æmulemur eos , qui prospere agunt in vita sua . Cum enim omnia necessaria carni fuerint consecuti , morientes nihil secum asportabunt . Filij seculi huius habent in hoc seculo fiduciam, quoniam de mundo sunt, & mundus amat quod suum est . Qui autem filij Dei sunt , illius sermonis Euangelici recordantur ;*

*Ioan. 15.* *Si mundus vos odit, scitote quod me primum oderit . Et iterum : Qui voluerit esse amicus huius mundi, inimicus fiet Deo . Et rursus : Tribulationem habebitis : sed*

*Mat. 5.* *confidite , ego vici mundum . Et iterum : Beati qui lugent , quoniam ipsi consolabuntur . Beati qui esuriunt & sitiunt iustitiam, quoniam ipsi saturabuntur . Beati qui persecutionem patiuntur propter iustitiam , quoniam ipsorum est regnum celorum . De filijs autem noctis quid è contrario dicitur ? Nonne illud ?*

*Luc. 6.* *Va vobis divites , quoniam recepistis consolationem vestram . Va vobis qui saturati estis nunc , quia esurietis . Va vobis qui nunc ridetis , quia lugebitis , ac flebitis .*

**XLII.** *Quamobrem mundi amicitias deuitemus , ut illud mereamur audire : Ad vesperum demorabitur fletus , & ad matutinum letitia . Audiuit Dominus , & misertus est mei . Scidisti faccum meum , & accinxisti me letitia . Quis enim sanctorum non in lucta ac tristitia per mundi huius transiuit viam ?*

*Ier. 15.* *Hieremias , Non sedi, inquit , cum consilio ludentium , sed tremebam a facie manus tue . Solus sedebam , quoniam amaritudine repletus sum .*

*Psal. 34.* *Dauid quoque scribit ; Quasi lugens ac moerens , sic humiliabar . Quorum nos vestigijs insistentes intelligimus , quod salus nostra in tempore tribulationis sit, & Prophetæ pollicitatio impleatur dicentis : Non relinquuntur qui in angustia sunt usque ad tempus . Si ergo habet tempus tribulatio & angustia , & non erit sempiterna , seminemus in lacrimis , ut metamus in gaudio , non deficientes ; quod nouerimus Dominum de tentatione liberare cultores suos .*

Do-

**XLII.** Dominus pater noster est : Dominus iudex noster est : Dominus princeps, Dominus rex noster : Dominus ipse nos saluabit : cuius præcepta si neglexerimus, permanebimus in angustia . Ipse enim dicit : *Qui sequuntur me possidebunt terram, & hereditabunt montem sanctum meum* : quem & nos possidebimus si impleamus legem eius , & audiamus illud quod dicitur : *Mundas facite in conspectu eius vias vestras* . Et iterum : *Tollite offendicula de via populi mei* . Et alibi : *Eijcite de consilio pestilentem , & egredietur cum eo contentio* . Qui iustum dicit iniustum , & iniustum iudicat iustum , vterque in conspectu Dei immundus est . Caueamus nè dicatur & de nobis : *Filij alienati sunt ei* . Et illud : *Filia Sion eleuata sunt, & ambulauerunt in excelsa collo, & in superbia oculorum, trahentes pedibus tunicas , & pedibus simul ludentes* . & in correptione nostra rursum prophetalis sermo concordet, dicens : *Quomodo facta est meretrix ciuitas fidelis Sion , plena iudicio, in qua iustitia dormit ? nunc autem latrones* . Et, *Populus intelligens commiscebatur meretrici* . Tu ergo Israel nè ignoraberis . Si vero diuina meditemur, poterimus illud dicere, quod & Dauid : *Exultabo super eloquia tua, sicut qui inuenit spolia multa* . Et : *Quam dulcia gutturi meo eloquia tua, super mel & fauam ori meo* . Cantabiles mihi erant iustificationes tue in loco peregrinationis mee . Et in alio loco : *Non proposui ante oculos meos rem iniquam : facientes iniquitatem odio habui* . Et non adhesit mihi cor prauum, declinantes a me malignos non agnoscebam : detrahentem in absconso proximo suo, hunc persequebar : superbo oculo & insatiabili corde cum hoc simul non edebam . Oculi mei super fideles terra , vt facerem eos sedere mecum .

Esa. 57.

Matt. 5.

1er. 50.

Psal. 17.

Esa. 3.

Esa. 1.

Ose. 4.

Psal. 118

Psal. 110.

Esa. 32.

**XLIII.** Quorum omnium nos imitemur opera , vt sit in diebus nostris pax & iustitia , & non nobis illud eueniat quod alibi legimus : *Super terra populi mei spina & foenum confurgent* . Sed magis innouemus nobis noualia , & non seminemus super spinas . Cumque custodierimus quæ man-

T

data

- data sunt nobis, manifesti erimus quod diligamus Deum, sicut testatur & in alio loco scriptura diuina: *Qui audit mandata mea & seruat ea, ille est qui diligit me: qui autem diligit me, diligetur a Patre meo, & ego diligam eum, & veniemus ego & Pater meus, & mansionem apud eum faciemus, & ostendam ei me ipsum.*
- Ioan. 14.* Et, *Vos amici mei estis, si feceritis que precipio vobis. Tollamus nobiscum multos sermones, & conuertamur ad Dominum Deum nostrum, & dicamus ei: Potes dimittere peccata, ut accipiamus bona, & reddamus ei fructum labiorum nostrorum, & delectetur in nobis anima nostra.*
- Os. 14.*

*Os. 14.* XLV. Atque vtinam pœniteat nos erroris & negligentiae, & conuersi ad priora dicamus: *Astur non saluabit nos, super equos non ascendemus; nec iam dicemus: Dij nostri opera manuum nostrarum. Deus qui in te est miserebitur pupilli, sanabo habitacula eorum. Rursumque dicet de nobis: Diligam eos manifeste, & auertam iram meam ab eis. Ero quasi ros; Israel florebit ut lilium, & mittet radices suas quasi Libanus. Ibunt rami eius, & erit quasi olivæ fructifera, & odor eius ut thuris. Reuertentur & sedebunt unusquisque in tabernaculis suis, & viuent, & confirmabuntur frumento: florebit sicut vinea memoria eorum, sicut odor thuris Ephraim. Quid ei & Idolis? Ego humiliabo eum, & confortabo eum. Ego ut iuniperus condensa; ex me fructus eius inuentus est. Quis sapiens, & intelligit hæc; aut intelligens, & cognescit ista? Atque vtinam & nos ex eo fructum afferre valeamus, sine quo nihil boni operis fieri potest.*

*Ps. 138.* XLVI. Reuertamur ad Dominum, ut de nobis quoque possit dicere: *Peccatorum & iniquitatis eorum memor amplius non ero. Non relinquamus legem Dei, quam Pater noster ab eo accipiens nobis tradidit, neque parui eius mandata pernegamus; ne & super nos planctus ille dicatur: Quomodo oblitum est aurum, & immutatum argentum bonum: effusi sunt lacus sancti in omni viarum principio? nec post plurimos labores*

res Patris nostri, quos pro salute nostra suscepit, seipsum exemplum virtutis tribuens, & glorians de nobis, & apud sanctos loquens: Isti filij mei sunt, & populus meus filij mei, & non denegabunt: & post huiusmodi testimonium non perdamus fiduciam bonæ conscientiae, spoliati vestibus quibus nos induit: & introducti ab eo in stadium, ut legitime certemus, non superemur ab inimicis nostris. Et postquam venerimus ad illud tempus quo egrediamur de corpore, ne inimici efficiamur Patris nostri, thesauris seruientes: ut qui ieiunijs & afflictione corporis debuimus acquirere animæ libertatem, carni & delitijs, & pulchrioribus vestimentis, stratisque mollioribus nos dedicemus; non solum ipsi pereuntes, sed & alios qui proficere potuerunt exemplo nostro ducentes ad ruinam, de quibus scriptum est: *Non accepistis spiritum seruitutis in timorem, sed fortitudinis, & charitatis, & pudicitiae. Et, Cibus nos non commendat Deo. Neque enim si comederimus, abundabimus: nec si non comederimus indigebimus. Non est enim regnum Dei cibus & potus, sed iustitia, gaudium, & pax in Spiritu sancto. Qui in hoc seruit Christo, placet Deo, probatus est omnibus. Esaias quoque dicit: Qui expectant Dominum immutabunt virtutem, assument pennas ut aquila; current, & laborabunt; gradientur, & non esurient. Idcirco eleuabit signum in gentes, & congregabit profugos Israel. Cito velociter venient: non esurient, neque dormitabunt. Non dormient, nec soluent zonas de lumbis suis, neque rumpentur in calceamentis eorum corrigia. Quorum iacula acuta sunt, & intenti arcus: pedes equorum, ut petra fortissima: rota curruum quasi tempestas; impetum facient ut leones, & aderunt ut catuli leonum.*

Rom. 8.

1. Cor. 8.

Rom. 14.

Esa. 40.

ibid. 5.

XLVII. Et nos igitur Sanctorum imitatores simus, nec obliuiscamur institutionis, qua nos erudiuit Pater noster dum adhuc esset in corpore. Ne extinguamus lucernam ardentem quam posuit super capita nostra. Ad cuius lumen huius seculi incedentes, meminerimus quod per stu-

dium illius Deus nos in propriam familiam receperit, peregrinis hospitium tribuens, in maris turbinibus constitutis portum ostendens, panem in fame, umbram in æstu, vestimentum in nuditate; imperitos præceptis spiritalibus erudiuit; vitij servientes castitate circumdedit; procul positos sibi iunxit. Ne post illius dormitionem obliuiscamur tantæ bonitatis, & beneficiorum immortalium, vertentes furorem in iudicium, & fructum iustitiæ in amaritudinem, & loquatur contra nos: *Indicate inter me & vineam meam. Expectanti ut faceret fructum, & fecit iniquitatem, & non iustitiam, sed clamorem: & veniat super nos illa maledictio, quam prophetalis sermo ille prosequitur, & quam omni studio fugere ac vitare debemus, sequentes conuersationem eorum, qui nos in Domino præcesserunt patrum pariter ac fratrum: qui renuntiantes seculo, & inoffenso ad Dominum pergentes gradu, nunc eius hereditate potiuntur: quam vereor ne perdamus nostra desidia, & illud nobis propheticum aptetur, quod dictum est in Ephraim: Oleum in Ægyptum mercatur. Mixti sunt in gentibus, & didicerunt opera eorum. Ne postquam vocati sumus in libertatem, sicut scriptum est: Tollam vos unum de populo, & duos de familia, & inducam vos in Sion, & dabo vobis pastores secundum cor meum, qui pascant vos cum disciplina; resoluantur vincula caritatis, & dicatur de nobis: Filius glorificat patrem, & seruit dominum suum. Si pater ego sum, ubi est gloria mea? Si Dominus, ubi est timor meus?*

XLVIII. Idcirco vnusquisque nostrum clamet ad Dominum: *Muri Sion deducant sicut torrentes lacrimas die ac nocte. Ne des requiem tibi, neque taceat pupilla oculi tui. Surge, & lauda in nocte, in principio vigiliarum tuarum: effunde sicut aquam cor tuum in conspectu Domini. Leua ad illum manus tuas pro animabus paruulorum tuorum, qui defecerunt in capite vniuersorum gressuum. Ne illud contra nos dicatur: Luxit, & corruptus est orbis.*  
Lu-

*Luxerunt excelsi terra, & terra impiè egit propter habitatores suos: dereliquerunt enim legem, & immutauerunt præcepta mea testamentum æternum. Idcirco maledictio deuorabit terram, quia peccauerunt habitatores eius, & dereliquerunt homines pauci: Ne & nostrum vinum lugeat & vinea, & ingemiscant qui prius toto animo lætabantur, dicaturque de nobis: In domo insaniam confinxerunt, corrupti sunt sicut dies collis. Aut illud: Captio ex vobis est. Et, Dixistis enim, fecistis testamentum cum inferno, & cum morte pactum. Quæ verba vitantes, credimus magis, quod in tempore suo Orietur stella ex Iacob, & exurget homo de Israel, qui percutiet principes Moab, & filios Seth. Vt non sit in domo Israel stimulus furoris, & spina doloris. Quia facta est Domino pars eius Iacob, funiculus hereditatis eius Israel. Et alibi loquitur Ieremias: Si cessauerit in conspectu meo lex ista, gens etiam Israël cessare poterit. Et rursus: Dabo laborem eorum iustis, & testamentum æternum ponam cum ipsis, & sciatur in gentibus semen eorum, ac nepotes. Omnis qui viderit eos cognoscet quia isti sunt semen a Domino benedictum, & gaudio perfruentur Domini.*

Esa. 28.

Num. 24

Exec. 28.

Deut. 32.

Jer. 31.

Esa. 61.

**XLIX.** Et nos ergo scrutemur vias nostras, & gressus dijudicemus, & sequamur odorem scientiæ; abscondentes semper verba eius in cordibus nostris, vt simus immaculati in via, & in lege Domini ambulemus. Non nos terreat fragilitas corporis, & longi temporis labor. Patres vestri ubi sunt, & propheta? vt scriptum est, nunquid in æternum viuunt? Verba autem mea & legitime mea suscipite, qua ego precipio in Spiritu meo seruis meis Prophetis, qui fuerunt cum patribus vestris. Sentiamus ineffabilem clementiam Dei nostri, qui vsque hodie ad poenitentiam nos hortatur, dicens: Numquid qui cadet non resurget? aut qui auersatur non reuertetur? Quare auersatus est populus meus auersione impudenti, & obtinuerunt in voluptatibus suis, & noluerunt reuerti? Si reuersi fuerimus ad eum, ædificabit nos Spiritu suo,

Zach. 1.

Jer. 8.

*Psalm. 146.* suo, iuxta illud quod scriptum est: *Aedificans Hierusalem Dominus, dispersiones Israelis congregabit.*

*L.* Quod autem nostri coetus & communio ex Deo sit, qua nos inuicem copulamur, Apostolus nos docuit dicens: *Heb. 13.* Bonorum operum communionis obliuisci nolite, talibus enim victimis placetur Deo. In actibus Apostolorum quoque *Act. 4.* idem legimus: Multitudinis autem credentium erat cor unum & anima una, & nullus suum quid dicebat, sed erant eis uniuersa communia. Et virtute magna dabant Apostoli testimonium resurrectionis Domini Iesu. Et Psalmista in eadem verba consensit, *Psalm. 133.* dicens: Ecce quam bonum, & quam incundum, habitare fratres in unum. Et nos in Coenobijs commorantes, & nobis mutua caritate sociati, demus studium, vt quomodo sanctorum patrum in hac vita meruimus consortium, ita in futuro quoque participes eorum simus; scientes quod crux vitae nostrae doctrinaeque principium sit, & oporteat nos cum Christo pati, & nosse quod absque tribulationibus & angustijs nullus victoriam consequatur. *Iac. 1.* Beatus vir qui suffert tentationem, quia cum probatus fuerit, coronam vitae accipiet. *Rom. 8.* Et iterum: Laborauit in saeculum, & vinet in aeternum. Si tamen compatimur, & & glorificemur. Aestimo, inquit, quod non sunt condignae passionibus huius temporis ad futuram gloriam, quae reuelabitur in nobis: Et alibi scriptum est: Existimaui vt cognoscerem, *Psalm. 72.* hoc labor est in conspectu meo. Et iterum: Ego laboraui sequens te, & diem hominum non consideravi. Et alio loco: Multa tribulationes iustorum, & ex omnibus his liberabit eos Dominus. Et Dominus noster loquitur in Euangelio: *Mat. 10.* Qui perseuerauerit usque in finem, hic saluus erit. Et alibi: Hic est liber mandatorum, & lex scripta in saeculum. *Mat. 23.* Omnes qui obseruauerint eam uiuent; qui autem dereliquerint, morientur. Reuertere Iacob, & apprehende eum: ambula in splendore luminis eius, & non des alteri gloriam tuam, & ea quae conducunt tibi, genti alienae. Beati sumus Israel, quia placita Deo nostro nota sunt nobis. *Bar. 4.* Confide popule meus

meus memorialem Israel. Et iterum Esaias loquitur: *Latere* Isa. 66.  
*Israel, & festum agite diem omnes qui diligitis eum. Gaudete qui con-*  
*fiditis in eo, ut sugatis, & impleamini ex uberibus consolationis eius.*

LI. Habeamus curam legendarum & discendarum scri-  
 pturarum, & in earum semper meditatione versemur, scien-  
 tes scriptum: *Ex fructu oris sui vir saturabitur, & merces labo-* Pro 13.  
*rum eius reddetur.* Hæc sunt quæ nos ducunt ad æternam vi-  
 tam, quæ nobis tradidit Pater noster, & iugiter meditan-  
 da præcepit: ut impleatur illud in nobis quod scriptum est:  
*Erunt hæc verba, quæ ego præcipio tibi hodie, in corde tuo, & in ani-* Deu 11.  
*ma tua: docebis ea filios tuos, & loqueris in eis sedens in domo, &*  
*ambulans in via, & accubans, atque confurgens. Scribe ea pro signo,*  
*in manu tua, & erunt immobilia ante oculos tuos. Scribes quoque ea*  
*in postibus domuum tuarum, & in liminibus, ut discatis timere Domi-*  
*num cunctis diebus quibus viuitis. Salomon quoque idipsum* Prov. 3.  
*significans dicit: Scribe ea in latitudine cordis tui.*

LII. Considerate quantis testimonijs ad meditationem  
 sacrarum scripturarum nos sermo Domini cohortetur, ut  
 quæ ore voluimus, corde possideamus. *Bonum est homini* Tbre. 3.  
*cum leuauerit iugum ab adolescentia sua. Sedebit solitarius & tacebit,*  
*quoniam leuabit super se iugum, dabit percutienti se maxillam, satu-*  
*rabitur opprobrijs, quoniam non semper abiiciet Dominus. Et alibi*  
*scriptum est: Recordatus sum misericordiæ infantia tue. Et ite-*  
*rum: Latere iuuenis in adolescentia tua, & exultet cor tuum in die-* Eccl. 11.  
*bus iuuentutis tue, & ambula in vijs cordis tui absque macula, & in*  
*conspectu oculorum tuorum, & scito quoniam in omnibus his adducat*  
*te Dominus in iudicio. Aufer furorcm a corde tuo, & malitiam a*  
*carne tua, quoniam adolescentia & stultitia uanitas est. Et,* Ibid. 12.  
*Memento creatoris tui in diebus adolescentia tue, donec veniant dies pesti-*  
*mi, & occupent arini, in quibus dices: Non est mihi in eis voluntas:*  
*donec obtenebrescat sol, & luna, & luna, & stelle, & conuertan-*  
*tur nubes post pluiam. In die qua mouebuntur custodes domus, &*  
*sub-*



subuertentur viri virtutis, & cessent molentes, quia pauca facta sunt: & obscurabuntur quae vident in foraminibus, & claudent vias in foro in infirmitate vocis molentis. Et exurgent ad vocem passeris, & humiliabuntur omnes filij cantici. Et quidem ab alto aspicient, & piores in via, & floreat amygdalum, & ingraesetur locusta, & scindatur capparitis. Quoniam abiit homo in domum seculi sui, & gyrauerunt in foro qui plangunt, quoadusque euertatur funiculus argenti, & conteratur monile auri, & confringatur hydria ad fontem, & impediatur rota super lacum, & conuertatur puluis in terram, sicut fuit, & spiritus reuertatur ad Dominum, qui dedit eum. In

*Ioan. 21.* Euangelio quoque scriptum est: Pueri nunquid habetis pulmentum? Mittite in dexteram partem nauis, & inuenietis. Et iterum; Omnis puer ac iuenculus, qui nescit hodie bonum ac malum

*Exod. 34.* ipsi intrabunt in terram bonam. Ac rursus: Omne masculinum quod aperit vuluam sanctum vocabitur. Et in Euangelio: Puer autem ibat, & crescebat, & proficiebat apud Deum & apud homines.

*Luc. 2.* Iesus quoque minister Moyse iuuenis erat, & non egrediebatur de tabernaculo Dei. Et de Dauid scriptum legimus:

*1. Reg. 16* puer flauī coloris, elegantibus oculis. Timotheus quoque adhuc puer & adolescens sacris litteris eruditus est, vt ad fidem Domini saluatoris illarum semita perueniret. Et de Daniele

*Dan. 10.* quia eruditus erat, scriptum legimus, quod vir desideriorum appellatus sit. Ioseph quoque erat dilectissimus patri suo, quoniam eius imperijs seruiebat, & decem ac septem adhuc natus annos praecepta illius legem vitae suae arbitrabatur.

*Eph. 4.* LIII. Et haec cuncta replicaui, vt Sanctorum vitas considerantes, non circumferamur omni vento doctrinae, sed laboremus, & eorum conuersationem nostrae vitae propositum habeamus exemplum, vt simus populus Dei peculiaris. Nec contristemus Spiritum sanctum, in quo signati sumus in die redemptionis; ne illum extinguamus in nobis: & prophetias non contemnamus; ne forsitan volenti Spiritui sancto habitare in nobis non demus locum. Nullum alium

alium timeamus præter Deum, qui ultor & iudex est operum singulorum, & cum sancto sanctus est, & cum viro innocente innocens; & dicit: *Ego amantes me diligo, & qui me querens inuenient gaudium.* Et alibi loquitur: *Si ambulaueritis contra me peruersi, ego ambulabo contra vos peruersus.*

Psal. 17.

Prov. 8.

Leu. 26.

LIII. Non irascamur inuicem: etiamsi ira nos vicerit, non peccemus irati, solis occubitus pœnitentia præoccupantes. Meminerimus esse præceptum, quoties peccanti in nos ignoscere debemus, & munus nostrum relinquere ante altare; quod nequaquam suscipitur, si non fuerit reconciliatione placabile: ut possimus dicere: *Dimitte nobis debita nostra, sicut & nos dimittimus debitoribus nostris.* Et Apostolus præcepit: *Si quis habet aduersus aliquem querimoniam, sicut & Christus donauit nobis, sic facite.* Simus discipuli mansuetudinis sanctorum omnium, & præcipue David, de quo scriptum est: *Memento Domine David, & omnis mansuetudinis eius.* Et Moyse, de quo legitur, quod fuerit mansuetus super omnem terram. Et Dominus in Euangelio de mansuetis ac mitibus loquitur: *Beati mansueti & mites corde, quoniam ipsi possidebunt terram.* Magnæ sapientiæ est, mansuetudinem possidere, & audire: *Sapiens esto fili, ut lateatur cor meum.* Et iterum: *Imitatores estote Dei, filij carissimi.* Et, *Estote perfecti, sicut & pater vester qui in calis est, perfectus est.* Et alibi: *Sancti estote, quoniam ego sanctus sum, dicit Dominus.*

Psal. 4.

Eph. 4.

Matt. 18.

Ibid. 3.

Luc. 11.

Col. 3.

Psal. 131.

Num. 12.

Matt. 5.

Prov. 10.

Eph. 5.

Matt. 5.

Leu. 19.

LV. Quæ legentes testimonia, seminemus nobis iustitiam, ut metamus fructum vitæ. Illuminemus lucem scientiæ, quia tempus est, ut cognoscamus Deum, donec veniat fructus iustitiæ nobis. Ecce nunc tempus acceptabile, & dies salutis. Et verè, secundum quod scriptum est, *Plenitudo legis est dilectio.* Ioanne in hæc eadem concinente: *Hoc præceptum accepimus a Patre, ut diligatis ad inuicem.* Et, *Qui diligit Deum, diligit & fratrem suum.* Et, *Non sicut Cain, qui ex maligno erat,*

2. Cor. 6.

Rom. 13.

Ioan. 13.

1. Ioan. 4.

1. Ioan. 3.

V

ccci-

occidit fratrem suum. Et quare occidit? quia opera eius maligna erant: fratris autem eius bona. Non admirerur, fratres, si oderit nos mundus: nos scimus quia transiimus de morte ad vitam, eo quod diligamus fratres. Ergo diligamus nos mutuo.

- LVI. Loquar aliud ad vos audentius, filij carissimi. Ex quo credidit mihi Deus conuersationis vestrae & sanctae conuersationis gregem, non cessauit lacrimis mone-  
re, & docere singulos, ut placeatis Deo; nec subtraxi ali-  
quid, quod vobis utile sentiebam, ut non dicerem. Et nunc  
Ad. 10. commendo vos Deo, & verbo gratiae eius, qui potest vos edificare, &  
dare vobis hereditatem cum sanctis. Vigilate, omni studio cu-  
raque contendite ne obliuiscamini propositi vestri: sed im-  
2. Tim. 4. plete quod vos scitis esse pollicitos. Ego enim iam delibor, &  
tempus resolutionis meae adest: qui certamen bonum ex parte certavi,  
cursum consummaui, fidem seruaui. De cetero reposita est mihi corona  
iustitiae, quam reddet mihi Dominus in illa die iustus iudex: non so-  
lum mihi, sed & omnibus qui dilexerunt iustitiam eius, & omnia  
Eccl. 12. Patris mandata fecerunt. Finis verbi: omnia audi, Deum time,  
& mandata eius custodi: quoniam omnis homo: uniuersum opus  
Deus adducet in iudicium, siue bonum,  
siue malum sit.

EXPLICIT DOCTRINA S. ORSIESII.



RE-

**REGVLA ORIENTALIS**

**EX PARVM ORIENTALIVM**

**Regulis collecta**

**A VIGILIO DIACONO.**

# DE REGVLA ORIENTALI veterum testimonia.



GENNADIVS Massil. script. Eccl. cap. LI.

*VIGILIVS Diaconus composuit ex traditione Patrum, monachorum Regulam, quæ in coenobio ad profectum fratrum in conuentu legitur, breuiato & aperto sermone, totius monastica professionis in se tenentem disciplinam.*

S. BENEDICTVS Anianæ Abbas Concordiæ Regularum multa ORIENTALIS, siue ORIENTALIVM Regula capita inserit.


SMARAGDVVS quoque Abbas in expositione Regulæ S. Benedicti, Cap. XXVIII. Regulam Orientalem; Capite autem XXXI. Regulam Patrum Orientalium appellat.

ANNALES TREVIRENSES in Apologia monasterij  
S. Maximini Pat. 2. cap. 1. Et apud Christoph. Brouerum  
lib. VII. Annal. Treuir.

ERECTA fuit ibidem religio Christiana monachica sub Regula  
Orientalium monachorum.



IN-



I N C I P I T  
R E G V L A O R I E N T A L I S



C A P I T V L V M P R I M V M.



**V**T neque seniores in regendis fratribus inaniter laborent, neque disciplina iuniorum vacillet, quæ Abbatis conuersatione stabilita firma sit, oportet Abbatem irreprehensibilem esse, seuerum, patientem, ieiunum, pium, humilem: vt doctoris & Patris locum impleat, seipsum formam præbens bonorum operum. Ad cuius ordinationem omnes fratres respiciant; nihil sine consilio & auctoritate ipsius facientes. Qui sustinens monasterij necessitates de omnibus quæ in monasterio sunt libere iudicabit; nullius personam accipiens, nec vlli gratiam præstans; sed vnumquemque secundum merita cotidiane conuersationis in veritate iudicans, admoneat, hortetur, castiget, condemnet. vel suscipiat, si ita vtile videtur, venientes ad monasterium: vel eiiciat, si ita necessitas fuerit, male habitantes.

In

**II.** In monasterio Seniores sint duo, ad quos vel præsentæ Abbate vel absente omnium fratrum disciplina & omnis cura monasterij pertineat: dantes sibi vices per dies, & diuidentes inter se pondus ac necessitatem monasterij; ex quibus vnus tempore suo præsens in monasterio semper erit, ad præstandum Abbati solatium, vel obsequium aduenientibus fratribus; & ad procedendum vbi necessitas communis exegerit, atque diligentiam circa omnia quæ ad quotidianam custodiam & conuersationem monasterij pertinent adhibendam: vt quæcunque ad obsequium vsunque monasterij facienda sunt, sine negligentia & querela faciant. Alius cum fratribus erit, tempore suo exiturus cum ipsis ad omnia opera & omnem necessitatem, prouidens ne quid contra disciplinam faciant. Qui considerans omnes actus singulorum, si quæ contra rationem facta viderit, vel per se emendet, vel Abbati indicet.

**III.** Ille vero qui secundum ordinem disciplinæ ordinatione Abbatis ex consilio & voluntate omnium fratrum, fratribus Præpositus est, omnem ad se curam de disciplina fratrum; & diligentiam monasterij reuocabit: habens potestatem Abbate absente faciendi omnia quæ Abbas præsens facit. Ille autem patientiam, mansuetudinem, humilitatem, caritatem, æquitatem, sine personarum acceptione seruabit; ita agens, vt nec Abbati tædium generet, nec fratres intemperantia illius laborent. Hæc obseruabit senior monasterij qui fratribus Præpositus est, referens ad Abbatem omnia, vel præcipue illa, quæ per se non valuerit explicare.

**IIII.** Commendatum aliquod etiam a germano fratre nullus accipiat: nihil in cella sua absque Præpositi iussione quispian habeat, nec poma quidem vilissima, & cetera huiusmodi.

Ope-

V. Operantes vero fratres nihil loquantur seculare : sed aut meditentur ea quæ sancta sunt, aut certe filebunt .

VI. Qui autem coquinat , ante quam fratres reficiant non gustabit quidquam .

VII. Nemo in cella aut in domo sua habeat quidquam , præter ea, quæ in communi monasterij lege præcepta sunt .

VIII. Cumque ad dormiendum se collocauerint , alter alteri non loquatur . Cellam alterius , nisi prius ad ostium percutiat , introire non audeat .

IX. Mutare de his quæ a Præposito acceperit cum altero non audebit . Nec accipiat melius , & dabit deterius : aut e contrario dans melius & deterius accipiens . Nemo ab altero accipiat quidpiam , nisi Præpositus iusserit .

X. ~~Celosa~~ cella nullus dormiat : nec habeat cubiculum quod claudi possit : nisi forte ætati alicuius vel infirmitati Pater monasterij concesserit .

XI. Nemo a terra soluat funiculum absque iussione Patris . Qui in monasterio fratrum inuenerit quidpiam , suspendat , ut tollat qui cognouerit .

XII. Ad collectam & ad psallendum nullus sibi occasionem inueniat , quibus se dicat occupatum quasi ire non possit . Et si in monasterio , vel in agro , aut in itinere , aut in quolibet ministerio fuerit , orandi & psallendi tempus non prætermittat .

XIII. Qui minister est habeat studium ne quid operis percat in monasterio . In qualicunque omnino arte quæ exercetur



cetur a fratribus, si quid perierit, & per negligentiam fuerit dissipatum, increpetur a Patre minister operum: & ipse iterum increpet alium, qui opus perdiderit: dumtaxat iuxta voluntatem & præscientiam principis, absque quo nullus increpandi fratrem habebit potestatem.

XIV. Si inuentus fuerit vnus e fratribus aliquid per contentionem agens, vel contradicens maioris imperio, increpabitur iuxta mensuram peccati sui.

XV. Qui mentitur, aut odio quemquam habere fuerit deprehensus, aut inobediens, aut plus ioco quam honestum, est deditus, aut otiosus, aut dure respondens, aut habens consuetudinem fratribus detrahendi, vel his qui foris sunt: & omnino quidquid contra regulam scripturarum est & monasterij disciplinam, & audierit Pater monasterij, vindicabit iuxta mensuram opusque peccati.

XVI. Si omnes fratres viderint Præpositum nimium negligentem, aut dure increpantem fratres, & mensuram monasterij excedentem, referant hoc Patri, & ab eo increpetur. Ipse autem Præpositus nihil faciat, nisi quod Pater iusserit: maxime in re noua. Quæ ex more descendit, seruabit regulam monasterij.

XVII. Præpositus vero non inebrietur, nec sedeat in humilioribus locis. Ne rumpat vincula quæ Deus in celo condidit, ut obseruentur in terris. Ne lugeat in die festo Domini Saluatoris: dominetur carni suæ, iuxta mensuram sanctorum. Non inueniatur in excelsis cubilibus, imitans morem gentilium. Non sit duplicis fidei. Non sequatur cordis sui cogitationes, sed legem Dei. Non resistat sublimioribus tumentis animo potestatibus. Ne fremat, nec hirriat iratus super humiliores: nec transferat terminos

Re-

**Regula.** Non sit fraudulentus, neque in cogitationibus ver-  
set dolos : nec negligat peccatum animæ suæ : nec vincatur  
carnis luxuria . Non ambulet negligenter . Non loquatur  
verbum otiosum . Non ponat scandalum ante pedes co-  
ci . Non doceat voluntatem animam suam . Non resolu-  
tur risu stultorum in ac ioco . Non capiatur cor eius ab his  
qui inepta loquuntur & dulcia . Non vincatur muneribus :  
non paruulorum sermone ducatur . Non deficiat in tribu-  
latione . Non mortem timeat, sed Deum : non prævarica-  
tor sit propter imminensem timorem . Non relinquat ve-  
rum lumen propter modicos cibos . Non nutet ac fluctuet  
in operibus suis . Non mutet sententiam, sed firmus sit  
solidique decreti : iustus, cuncta considerans ; iudicans in  
veritate absque appetitu gloriæ ; manifestus Deo & homi-  
bus, & a fraude procul . Nec ignoret conuersationem suo-  
rum, nec ad eorum scientiam cæcus existat . Nulli noceat  
per superbiam ; nec sequatur concupiscentias oculorum .  
Veritatem nunquam prætereat : oderit iniustitiam . Secun-  
dum personam nunquam iudicet pro muneribus, nec con-  
demnet animam innocentem per superbiam . Non rideat  
inter pueros : non deferat veritatem timore superatus . Non  
despiciat eos qui indigent misericordia . Non deferat iusti-  
tiam propter lassitudinem : ne perdat animam suam propter  
verecundiam : ne respiciat dapes lautoris mensæ : nec pul-  
chra vestimenta desideret : nec se negligat, sed semper dijudi-  
cet cogitationes suas . Non inebrietur vino : sed humilitati  
iunctam habeat veritatem . Quando iudicat, sequatur præce-  
pta maiorum & legem Dei, quæ in toto orbe prædicata est .

**XVIII.** Si deprehensus fuerit aliquis e fratribus libenter  
cum pueris ridere & ludere, & habere amicitias ætatis in-  
firma, tertio commoneatur, vt recedat ab eorum necessi-  
tudine, & memor sit honestatis, & timoris Dei : si non ces-  
sauerit, corripatur vt dignus est correptione seuerissima .

X

Qui

XIX. Qui contempnunt præcepta maiorum, & regulas monasterij quæ Dei præcepto constitutæ sunt, & parui pendunt seniorum consilia, corripiantur iuxta ordinem constitutum, donec corrigantur.

XX. Maiores qui cum fratribus mittuntur foras, quamdiu ibi fuerint, habebunt ius Præpositorum, & eorum cuncta regentur arbitrio. Docebunt fratres per constitutos dies; & si forte inter eos ortum fuerit aliquid simultatis, audient ipsi maiores, & dijudicabunt causam, & dignum culpa increpabunt; ut ad imperium eorum statim pacem pleno corde consocient.

XXI. Si quis frater contra Præpositum suum habuerit tristitiam, aut ipse Præpositus contra fratrem aliquam querimoniam, probatæ fratres conuersationis & fidei eos audire debent, & dijudicabunt inter eos. Si tamen absens est Pater monasterij, vel alicubi profectus, primum quidem expectabunt eum: sin autem diutius vident foris demorari, tunc audient inter Præpositum & fratrem; ne diu suspenso iudicio tristitia maior oriatur; ut & ille qui Præpositus est, & ille qui subiectus est, & illi qui audiunt, iuxta timorem Dei cuncta faciant, & non dent in vilo occasionem discordiæ.

XXII. Nullus mittatur foras ad aliquod negotium solus. Missi vero non singuli, sed bini vel terni ambulent: ut dum se inuicem custodiunt & consolantur, & seniores eorum, de honesta eorum conuersatione securi sint, & illi non periclitentur. Obseruantes tamen hoc, ut non se inuicem fabulis inanibus destruunt, neque negligentia dent locum destructionis sed vnusquisque in actu suo attentus sit, prout tempus fuerit.

Quan-

XXIII. Quando autem reuersi fuerint in monasterium, si ante ostium viderint aliquem quærentem suorum affinium, de his qui in monasterio commorantur, non valebunt ire ad eum, & nuntiare, vel euocare. Et omnino quidquid foris gesserint, in monasterio narrare non præsumant.

XXIV. Omnibus erit potestas legendi vsque ad horam tertiam: si tamen nulla causa extiterit, qua necesse sit etiam aliquid fieri. Post horam vero tertiam si quæ statuta sunt, sicut scriptum est, per superbiam, vel negligentiam, vel desidiam intercedentem non custodierit, sciat se cum in hoc errore deprehensus fuerit, culpabilem iudicandum: quia per suum errorem & alios in vitium mittit.

XXV. Cellararij vero cura sit, vt abstinentiam & sobrietatem studens illata in monasterio ad sumptus fratrum diligenter & fideliter seruet: nihil suscipiens, nec quidquam tradens sine auctoritate vel seniorum consilio. Qui etiam omnia utensilia, quæ in monasterio sunt, id est, vestem, vas, ferramentum, & quicquid vsibus cotidianis necessarium est, custodiat: & vnamquamque rem proferens, cum fuerit necessarium, ab eo iterum ad reponendum, cui vtendo consignauerit, recepturus. Ad victum vero fratrum proferat ac tradat septimanarijs: ad condiendos cibos det necessaria secundum cotidianæ expensæ consuetudinem, neque profuse neque auare: ne vitio ipsius vel monasterij substantia grauetur, vel fratres patiantur iniuriam. Sed & necessitatem infirmorum fratrum ac laborem considerans, nihil ægotantium desiderijs neget ex his quæ habucrit, quantum illis necesse fuerit. Aduenientibus diuersis fratribus escas parabit. Hæc erit cura custodis cellarij, recurrens semper ad seniorum consilium, & requirens de omnibus, vel præcipue de his, quæ proprio suo intellectu non potuerit adimplere.

XXVI. Ostiarij cura sit, vt omnes aduenientes intra ianuas recipiat; dans eis responsum honestum cum humilitate & reuerentia, ac statim nuntians vel Abbati, vel senioribus, quis venerit, & quid petierit. Nec vllus extraneorum patiatur iniuriam: neque habeat cum aliquo de fratribus necessitatem ac facultatem loquendi, absque conscientia Abbatis, vel seniorum præsentia. Si quid vero cuicunque de fratribus missum mandatumque fuerit, nihil ad ipsum perueniat priusquam Abbati vel senioribus indicetur. Ante omnia Ostiarius monasterij hæc obseruabit, ne quemquam de fratribus foris ianuam exire permittat.

XXVII. Si quis accesserit ad ostium volens seculo renuntiare, & fratrum aggregari numero, non habeat libertatem intrandi: sed prius nuntietur Patri monasterij, & manebit paucis diebus foris ante ianuam, ac docebitur orationem, Dominicam, & psalmos, quantos potuerit discere; & diligenter sui experimentum dabit, ne forte mali quidpiam fecerit, vt turbatus ad horam timore discesserit, aut sub aliqua potestate sit & vtrum possit renuntiare parentibus suis, & propriam contemnere facultatem. Si eum viderint aptum ad omnia, tunc docebitur & reliquas monasterij disciplinas; quæ facere debeat, quibusque seruire, siue in collecta omnium fratrum, siue in domo cui tradendus est, siue in vescendi ordine: vt instructus atque perfectus in omni opere bono fratribus copuletur. Hæc obseruabit custos ianuæ, referens omnia, sicut superius scriptum est, & annuntians senioribus.

XXVIII. Septimanarij ad cibos parandos, vel ad luminaria concinnanda, vel ad nitores faciendos, & quæ ad obsequium vsusque monasterij pertinent, semper parati sint. Hos nulla alia necessitas occupet, sed in hoc studium impendant, vt rem susceptam vtiliter & diligenter impleant. Et si quid for-

forte nesciunt de his quæ agere debent, sine dissimulatione seniores suos semper interrogent.

XXIX. Hi itaque quibus disciplina, vel utilitas, vel opinio, vel obsequium monasterij creditur, officia sibi iniuncta fideliter custodiant & impleant. Hos enim errare non decet, qui ad omnes errores emendandos præpositi sunt. Qui si vel superbia, vel negligentia, vel desidia aliqua ex his prætermiserint, quæ in Regula continentur; per ipsosque destructio esse coeperit, per quos debet ædificatio crescere, omnibus condemnationibus, quas Regula continet, subiacebunt.

XXX. Inter omnes fratres hoc obseruabitur, vt obediētes senioribus suis, & deferentes sibi inuicem, habeant patientiam, moderationem, humilitatem, caritatem, pacem sine figmento & mendacio, & maledictione, & verbositate, & iurandi consuetudine: ita vt nemo suum quicquid vindicet, neque vllus aliquid peculiariter vsurpet; sed habeant omnia communia.

XXXI. Sine seniorum verbo & auctoritate nullus fratrum quidquam agat: neque accipiat aliquid, neque det; neque vsquam prorsus procedat.

XXXII. Cum vero inuenta fuerit culpa, ille qui culpabilis inuenitur, corripiatur ab Abbate secretius. Quod si non sufficit ad emendationem, corripiatur a paucis senioribus. Quod si nec sic emendauerit, excommunicetur; & non manducet quidquam. Cui si nec hoc quidem profuerit, in quolibet loco fuerit, postremus inter omnes in psallendi ordine ponatur. Quod si in prauitate perseverat, etiam psallendi ei facultas auferatur. Quem si vel hæc confusio non commouerit, abstineatur a conuentu fratrum; ita vt nec mensæ, nec Missæ intersit, neque cum eo vllus frater de iu-

junioribus colloquatur. Abstinebitur autem tam diu, quam diu vel qualitas culpæ poposcerit, secundum Abbatis ac seniorum arbitrium: vel se ex corde pro culpa poenitens humiliauerit, & veniam erroris sui omnibus præsentibus petierit. Quod si in fratrem peccauit, etiam ab eo fratre veniam petat, cui iniuriam fecit.

XXXIII. Si quis errori eius consenserit, & secundum duritiam illius magis consilium dederit, vt se tardius humiliet, sciat se cum in hoc errore fuerit deprehensus, simili modo culpabilem iudicandum.

XXXIV. Hoc etiam addendum fuit, vt frater qui pro qualibet culpa arguitur vel increpatur, patientiam habeat, & non respondeat arguenti se: sed humiliet se in omnibus, & emendet.

XXXV. Si vero fuerit aliquis tam durus, & tam alienus a timore Domini, vt tot castigationibus & tot remissionibus non emendet, projiciatur de monasterio, & velut extraneus habeatur: ne vicio ipsius alij periclitentur.

XXXVI. Quod si aliquis locutus fuerit, vel riserit in vescendo, increpetur, & agat poenitentiam.

XXXVII. Si quis ad manducandum tardius venerit absque maioris imperio, similiter agat poenitentiam, aut ad cellam suam ieiunus reuertatur.

XXXVIII. Si aliquid necessarium fuerit in mensa, nemo audebit loqui, sed ministrantibus signum soni dabit. Ministri vero absque his quæ in commune fratribus præparata sunt, nihil aliud comedant, nec mutatos cibos: sibi audeant præparare.

Ne-

**XXXIX.** Nemo plus alteri dabit quam alter accepit: quod si obtenditur infirmitas, Præpositus domus perget ad ministros ægrotantium, & ab his quæ necessaria sunt accipiet.

**XXXX.** Quando ad ostium monasterij aliqui venerint, si clerici fuerint aut monachi, maiori honore suscipientur: lauabuntque pedes eorum, iuxta Euangelij præceptum, & præbebunt eis omnia quæ apta sunt vsui monachorum.

**XXXXI.** Si quis quod ostium monasterij venerit, dicens velle se videre fratrem suum vel propinquum, ianitor nuntiabit Abbati, & permittente eo accipiet comitem, cuius fides probata est: & sic mittetur ad fratrem videndum vel proximum.

**XXXII.** Si propinquus alicuius mortuus fuerit, prosequendi funus non habebit licentiam, nisi Pater monasterij præceperit.

**XXXIII.** Nullus de horto tollat olera, nisi ab hortulano acceperit.

**XXXIV.** Nemo alteri loquatur in tenebris: nullus inpsiatho cum altero dormiat: manum alterius nemo teneat: sed siue steterit, siue ambulauerit, siue sederit, vno cubito distet ab altero.

**XXXV.** Si quis tulerit rem non suam, ponetur super humeros eius: & sic agat poenitentiam publice in collecta.

**XXXVI.** Si Præpositus iniuste iudicauerit, iniustitiæ ab alijs condemnabitur.

Qui



**XXXVII.** Qui consentit peccatis, & defendit alium delinquentem, maledictus erit apud Deum & homines, & corripietur increpatione severissima.

**EXPLICIT REGULA ORIENTALIS.**



**S. BASILII**  
**CAESAREAE CAPPADOCIAE**  
**EPISCOPI**  
**Regula**  
**AD MONACHOS.**



# DE S. BASILIO EIVSQ. REGVLA veterum testimonia.



S. GREGORIVS Nazian. Orat. xx. in S. Basilium.

*Quis magis quam ille aut virginitatem coluit, aut carni leges imposuit; idque non suo tantum exemplo, sed etiam opera alijs impensa? Cuius sunt virginum coenobia, & scripta comprehensa REGVLARVM STATVTA; quibus & sensus omnes castigabat, & membra omnia componebat, & veram virginitatem seruare admonebat.*

GREGORIVS Presb. Orat. de S. Gregor. Naz.

*HIC porro commemorantes (Gregorius & Basilus) & mutua extimulatione virtutem augebant, & VITAE MONASTICAE LEGES pijs Deoque deuotis hominibus atque a mundi societate disunctis ferebant, Lycurgi legibus placidiores, Solonis grauiiores, Minois aquiores. Immo vero ut de his viris sublimius aliquid dicam, Moysem imitantur, nubeque obtekti, atque ut a tumultuaria & turbulenta hac vita procul se remouerent, in montem secedentes, legislatoris officio fungebantur.*

S. HIERONYMVS script. Eccl. cap. cxvi.

*BASILIVS Casarea Cappadociae, quae prius Mazaca vocabatur, Episcopus egregius contra Eunomium elaborauit libros, & de Spiritu sancto volumen, & ASCETICVM, & breues variosque tractatus.*

RVFFINVS Hist. Eccl. lib. ii. c. ix.

*BASILIVS Ponti vrbes & rura circumiens, desideris gentis illius animos, & parum de spe futura sollicitos stimulare verbis, & predicatione succendere, callumque ab his longae negligentiae coepit abolere, subegitque abiectis inanium rerum & secularium curis, suimet notitiam recipere, in vnum coire, monasteria construere, psalmis & hym-*

*nis*



nis & orationibus docuit vacare; pauperum curam gerere, eisque habitacula honesta, & quae ad victum necessaria sunt praebere, virgines instituere, pudicam castamque vitam omnibus pene desiderabilem facere. Ita brevi permutata est totius provinciae facies, ut in arido & squalenti campo videretur seges foecunda, ac lata vinea surrexisse.

Et mox. Extant quoque utriusque ingenij monumenta magnifica, tractatuum, quos ex tempore in Ecclesijs declamabant: ex quibus nos denas ferme singulorum oratiunculas transfudimus in Latium; **BASILII** praeterea **INSTITUTA MONACHORVM**: optantes si poterimus, & Dei fauor adiuverit, eorum plura transferre.

**SOZOMENVS** Hist. Eccl. l. III. c. XIII.

**APVD** Armenios, Paphlagones & Ponti incolas **Eustathius** Ecclesiae **Sebastiae** in Armenia antistes primus vitam monasticam eiusque exercitium accuratum coepisse dicitur, ita ut librum de Institutis monachorum, qui **Basilij Cappadocis** nomine inscribitur, ab hoc conscriptum nonnulli affirmant.

Ita & **Nicephorus Callist.** l. IX. c. XVI. & l. XIII. c. XXIX.

**PHOTIVS** P. CP. Bibliot. cod. CXCI.

**LEGI** **S. BASILII** Episcopi **Casarea Cappadociae** **Ascetica** ut vocant duobus libris comprehensa. Utile sane opus si quod aliud cuius pietatis studioso & aeterna bona consecranti; maxime vero his qui in coenobio religiosa vitae exercitio incumbunt. Continet autem variarum, quaestionum ex sacris literis quae ad mores componendos faciant, succinctas cum explanatione solutiones. Idem Cod. CXLIV.

**LEGI** eiusdem **S. BASILII** **Ascetica**, hoc est, monasticae vitae praecipua; ex quarum praescripto qui vixerit, regno caelesti potietur.

**THEODORVS** Studita Orat. in **S. Platonem**.

Primum dedit operam, ut studiose magni & diuini **BASILII** Constitutiones legeret, ex quibus sui temporis consuetudinem a monastica constitutione alienam esse didicit.

S. BENEDICTVS Regulæ c. LXXIII.

COLLATIONES Patrum, & instituta & Vite eorum; sed & REGVLÆ SANCTI PATRIS NOSTRI BASILII, quid aliud sunt, nisi bene viuentium & obedientium monachorum exempla, & instrumenta virtutum?

GREGORIUS Tur. hist. Franc. l. x. c. xxix.

AREDIVS ex familia propria tonsuratos instituit monachos, Coenobiumque fundauit, in quo non modo Cassiani, verum etiam BASILII, & reliquorum Abbatum, qui monasterialem vitam instituerunt, celebrantur Regula.


VITA S. Eugendi Abbat. cap. xiv.

PROVT memoria, Christo inspirante suggeritur, abrenuntiantium exordia primitus intimamus. Sic namque quod non omnino illa, quæ sanctus ac precipuus BASILIUS, Cappadociæ urbis antistes, vel ea quæ sanctorum Lirinensium Patres, sanctus quoque Pachomius Syrorum priscus Abbas, siue illa quæ recentior venerabilis edidit Cassianus, fastidiosa presumptione calcemus: sed ea quotidie lectitantes &c.

VITA S. Philiberti Abbatis.

Legebat studiose BASILII præclaras constitutiones, Macarij Regulam, Benedicti decreta, Columbani instituta sanctissima.

IUSTINIANVS quoque Imp. epistola ad Menam P. CP. contra Origenem, locum affert S. Basilij, ἐκ τῆς κανονικῆς ἀντιβιβλίας, siue ex libro eius Regularum: quo etiam frequentissime vtuntur S. Benedictus Anianensis & Smaragdus vetusti Regulæ Benedictinæ expostores.



INCIPIT PRAEFATIO  
 RVFFINI PRESBYTERI  
 AQVILEIENSIS  
 IN REGVLAM S. BASILII  
 AD VRSEIVM ABBATEM.



ATIS libenter, carissime frater Vrsei, aduentantes de partibus Orientis, & desiderantes iam fratrum consueta consortia, monasterium tuum ingressi sumus; quod superpositum angusto arenosi tramitis dorso hinc atque hinc passui & incerti maris vnda circumluit: rara tantummodo latentes locos eminus arguit pinus, ex qua & Pineti clarum nomen seculo dedit. Eo tamen maxime delectati sumus, quod non, vt aliquibus mos est, vel de locis, vel de opibus Orientis solícite percontatus es; sed quænam ibi seruorum Dei haberetur obseruatio, quæ animi virtus, quæ instituta seruarentur in monasterijs, requisisti. Ad hæc

hæc ego ne quid tibi minus digne, non dico quam geritur, sed quam geri debet, exponerem, SANCTI BASILII Cappadociæ Episcopi, viri fide & operibus, & omni sanctitate satis clari INSTITUTA MONACHORVM. quæ interrogantibus se monachis velut sancti cuiusdam iuris responsa statuit, protuli. Cuius cum definitiones ac sententias mirareris, magnopere poposcisti, vt hoc opus in Latinum verterem; pollicens mihi, quod per vniuersa occiduae partis monasteria, & hæc sancti & spiritualis viri sancta & spiritualia innotescerent instituta, omnis ille seruorum Dei profectus, qui ex huiuscemodi institutionibus nasceretur, mihi quoque ex eorum vel meritis, vel orationibus, aliquid gratiæ vel mercedis afferret. Exhibui ergo vt potui ministerium meum: Imple & tu, & omnes qui legitis & obseruatis gratiam, vt & agentes & orantes sic, quemadmodum instituta hæc continent, mei quoque memores sitis. Tui sane sit officij etiam alijs monasterijs exemplaria præbere: vt secundum instar Cappadociæ, omnia monasteria eisdem, & non diuersis vel institutis vel obseruationibus viuant.


EXPLICIT PRAEFATIO RVFFINI.



IN-



INCIPIT REGULA  
S. BASILII EPISCOPI  
CAPPADOCIAE AD MONACHOS.



**H**UMANVM genus diligens Deus, & docens  
hominem scientiam, his quidem quibus do- *Psal 93.*  
cendi contulit gratiam, præcepit per Apo-  
stolum, permanere in doctrina: his vero qui *2 Tim 3.*  
ædificari diuinis institutionibus indigent,  
per Moysen protestatur, dicens: *Interroga Deus 32.*  
*patrem tuum, & annuntiabit tibi: presbyteros tuos, & dicent tibi.*  
Propter quod necesse est, nos quidem quibus ministerium  
verbi creditum est, in omni tempore paratos esse & prom-  
ptos ad instructionem perfectionemque animarum: & que-  
dam quidem in communi Ecclesiæ auditorio simul omni-  
bus de præceptis Domini contestari: quædam vero secre-  
tius perfectioribus quibusque differere, & inquiringibus  
manifestare, atque interrogare volentibus de fide & veritate  
Euangelij Domini nostri Iesu Christi, & de conuersatione  
perfecta, copiam nostri sermonis facultatemque præbere:  
qua possit ex his perfectus effici & consummatus homo  
Dei. Vobis autem conuenit nullum tempus vacuum præ-  
terire, quo minus ad ea quæ communiter cum omni Eccle-  
sia discitis, etiam secretius de eminentioribus & perfectio-  
ribus



ribus inquiratis : vt omne æuum vitæ vestræ in inquirendo de melioribus , & percontando de vtilioribus transigatis . Quoniam ergo & in hoc nos congregauit Deus , vt paululum quid a molestijs segregati turbarum silentij agamus & quietis ; neque in aliud opus animum demus , neque residuum temporis somno rursus & remissioni corporeæ mancipemus ; sed in inquisitione & sollicitudine meliorum noctis hoc quod superest spatium exigamus , adimplentes illud quod dictum est per beatum Dauid : *Beatus qui in lege Domini meditabitur die ac nocte* . Si quid ergo vnusquisque vestrum deesse sibi ad scientiam putat , ad communem id proferat inquisitionem . Facilius enim pluribus simul conferentibus , si quid difficile vel obiectum videtur esse , clarescet , Deo sine dubio inueniendi gratiam quærentibus largiente . Sicut ergo nobis necessitas imminet , & secundum illud Apostoli , *Vt mihi erit , si non euangelizem* : ita etiam vobis , si ab interrogatione & inquisitione cessetis , vel si remissiores ac resolutiones ad ea implenda quæ recta inuenta fuerint , existatis , simile discrimen impendit . Propterea enim & Dominus dixit : quia *sermo quem locutus sum vobis , ille iudicabit vos in nouissimo die* . Et iterum : *Seruus qui ignorauit voluntatem domini sui , & non fecit digna , plagis vapulabit paucis : qui autem cognouerit , & fecerit contra voluntatem domini , vapulabit plurimis* . Oremus ergo misericordiam Domini , vt & nobis verbi inculpabile tribuat ministerium ; & vobis fructuosum doctrinæ concedat euentum . Tanquam ergo scientes quia stabunt ante faciem vestram verba hæc ante tribunal Christi : *Arguam enim te , inquit , & statuam ea ante faciem tuam* : ita & intendite animum vigilanter ad hæc quæ dicuntur , & ad opus dignum quæ audistis , festinanter adducite : *Quia nescimus qua die , vel qua hora Dominus noster veniet* .



## PRIMA INTERROGATIO FRATRVM.

**Q**uoniam dedit nobis sermo tuus potestatem ut interrogemus, primo omnium doceri quasumus, si ordo aliquis est & consequentia in mandatis Dei: ut aliud quidem sit primum, & aliud secundum, & sic per ordinem cetera: an omnia mandata ita sibi inuicem cohæreant, & sint aequalia, ut unde voluerit quis possit initium sumere, tanquam in modum circuli vel corona.

**R E S P O N S I O.** Interrogatio vestra antiqua est, & olim proposita in Euangelio in eo, cum accedens ad Dominum quidam legis doctor ait: *Magister, quod est mandatum primum in lege?* Et Dominus respondit: *Diliges dominum Deum tuum ex toto corde tuo, & ex tota anima tua, & ex totis viribus tuis; hoc est primum & maximum mandatum. Secundum vero simile huic: Diliges proximum tuum sicut teipsum.* Ipse ergo Dominus ordinem mandatis imposuit: primum dicens & magnum esse mandatum, Deum ex toto corde & ex tota mente diligere: secundum vero ordine & consequentia, & quod illi esset simile per virtutem, imo quod illud expleret, & quod penderet ex primo: diligere proximum sicut seipsum. Sed & de alijs similiter in sanctis scripturis inuenies: & seruatur, ut ego arbitror, in omnibus mandatis ordo quidam & consequentia præceptorum.

## SECUNDA INTERROGATIO.

Quoniam igitur de caritate Dei primum ais esse mandatum, inde nobis primum omnium differe. Nam quia oportet diligere adiunximus: quomodo tamen hoc possit impleri, desideramus addiscere.

**R E S P O N S I O.** Optimum sumistis sermonis exordium, & proposito nostro valde conueniens. Deo itaque iuuantе, nos quod dicitis, faciemus. Sciendum ante omnia est, quod mandatum istud vnum quidem videtur esse: sed omnium in se mandatorum virtutem complectitur & constringit, ipso Domino dicente: *Quia in his duobus mandatis* Mat. 22.

Z vni-

*uniuersa lex pendet & propheta*. Nec tamen nos per singula discutere aggredimur ordinem mandatorum; alioquin videbimur totum opus introducere in partes: sed quantum ad propositum sufficit, & præsens ratio postulat, inquiramus: illud ante omnia designantes, quod omnium mandatorum quæ a Deo accepimus, virtutes in nobismetipsis insitas gerimus. Quo scilicet neque difficultas in nobis sit, tanquam nouum aliquid & alienum a nobis expetatur: neque rursus elationis dari nobis aliqua videatur occasio, si putemus nos plus aliquid offerre Deo, quam ab ipso in natura nostræ creationis accepimus. Quoniam quidem ea quæ nobis a Deo insita sunt, si recte & competenter moueamus in opus, hoc est secundum virtutem viuere. Si vero naturæ beneficia corrumpamus, hoc est in malitiam vergere. Est ergo mali ista definitio, non recte uti motibus animi a Deo nobis insitis. Et rursus virtutis ista definitio, recte uti, id est secundum mandatum Dei, & secundum conscientiam, animi motibus a Deo insitis. Cum ergo hæc ita se habeant, idem hoc inueniemus etiam de caritate constare. Mandatum accepimus diligere Deum. Dilectionis virtutem in ipsa statim prima conditione a Deo anima sibi insitam gerit: in quo nequaquam extrinsecus testimonio indigemus: vnusquisque enim in semetipso & ex semetipso horum quæ dicimus sumit indicia. Omnis homo desiderat omne quod bonum est, & affectu quodam naturali constringimur ad omne quod bonum putamus. Sed & erga consanguineos & carnis proximos nullo docente in amore constringimur: his quoque quorum affectum & beneficia accepimus, omni affectu & officijs copulamur. Et quid aliud tam bonum habetur quam Deus? Immo quid aliud bonum, nisi solus Deus? Qui decor? qui splendor? quæ pulchritudo, quam naturaliter diligere prouocamur, vsquam talis qualis in Deo est, & esse credenda est? Quæ vsquam talis gratia? quæ amoris flamma, quæ & animæ secreta & interiora

ra succendat, sicut amor Dei inflammare debet mentis ar-  
 cana? præcipue si sit ab omni pollutione purgata: si sit  
 munda anima, & quæ vero affectu dicat: *Quoniam vulnerata caritate ego sum.* Ineffabilem prorsus ego sentio amorem Dei,  
 & qui sentiri magis quam dici possit. Inenarrabilis quæ-  
 dam lux est: etiam si fulgura, si coruscum adhibeat, vel com-  
 paret sermo, non patietur, non recipiet auditus. Si luciferi  
 fulgores, si lunæ splendores, si ipsum solis lumen assumas, ad  
 comparisonem gloriæ illius obscura sunt omnia, & multo  
 tetiora, quam si cæca nox & obscuritate profundæ caligi-  
 nismersa limpidissimo meridiani solis lumini compare-  
 tur. Decor iste corporeis oculis non videtur: anima sola  
 & mente conspicitur. Qui decor si cuius forte sanctorum  
 mentem animamque perstrinxerit, flagrantissimum in eis  
 amoris sui stimulum defigit. Propterea denique velut amo-  
 ris cuiusdam ignibus tabescens, & præsentem vitam per-  
 horrescens, dicebat aliquis ex eis: *Quando veniam, & appa- rebo ante faciem Dei?* Et iterum dicebat istius ardoris ignibus  
 flagrans: *Sitiuit anima mea ad Deum vivum.* Et insatiabili-  
 ter ardens eius desiderio orabat, ut *videret voluntatem Domi- ni, & protegeretur in templo sancto eius.* Ita ergo naturaliter &  
 concupiscimus quæ bona sunt, & amamus. Nihil autem, ut  
 diximus, tam summum bonum est, quam Deus: & ideo de-  
 bito quodam exsoluimus hanc quam ab eo accepimus cari-  
 tatem. Quæ utique si denegetur, & non exsoluatur, iræ nos  
 inexcusabiliter obnoxios facit. Et quid dico iræ obno-  
 xios? Quæ enim poterit esse maior ira, quæ ultio grauior,  
 quam hoc ipsum si accidat nobis, alienos effici nos a ca-  
 ritate Dei? Quod si parentibus inest naturalis affectus  
 erga eos quos genuerunt; & non solum hoc in hominibus,  
 verum etiam in mutis animalibus inuenitur: videte ne in-  
 ueniamur vel pecudibus hebetiores, vel beluis feris imma-  
 niores, si nullo erga genitorem constringamur affectu.  
 Quem etiam si quantus & qualis sit scire non possumus, ex

Z 2

hoc

hoc tamen solo quod ex ipso sumus, venerari & diligere parentis debemus affectu, atque indefinenter erga eius memoriam pendere; sicut erga genitrices suas faciunt parvuli. Sed multo amplius multoque promptius; quanto & immensorum nos beneficiorum eius obnoxios scimus. Quod ipsum nobis commune esse puto etiam cum ceteris animalibus: meminerunt namque etiam illa, si quid eis quis contulerit bonum. Si mihi non creditis, audite Prophetam dicentem: *Cognovit bos possessorem suum, & asinus praesepeium Domini sui*. Absit autem de nobis dici ea quæ sequuntur: *Quia Israël me non cognovit, & populus meus me non intellexit*. Quod si etiam eos qui beneficij aliquid nobis contulerunt nullo docente diligimus, & omni studio quantum fieri potest referre gratias nitimur; quomodo sufficiemus gratiam referre beneficijs Dei, quæ tanta sunt, ut effugiant numerum; & talia, ut sufficiat vnum aliquod ex omnibus per totam vitam nostram efficere nos obnoxios largitori? Nam omitto cetera omnia, quæ quidem & ipsa magna sunt & præclara, verum a maioribus & melioribus, velut stellæ quædam splendidioribus solis radijs, obteguntur: quoniam quidem nec tempus nobis est amplius dilatare sermonem, ut possimus etiam de minimis diuina erga nos enumerare beneficia. Sileamus igitur quotidianos solis ortus, & vnius lampadis fulgore illuminatum vniuersum mundum. Sileamus lunæ circuitus, aëris permutationes vicissitudinesque; imbres ex nubibus, flumina fontesque de terra; latitudines atque altitudines maris: vniuersitatem terræ, ac natiuitates eorum animantium quæ in aquis gignuntur, & quæ coalescunt vel oriuntur in terris, nostris ministerijs vel vñibus deputata. Hæc ergo omnia, & cetera innumerabilia prætermitto: hoc solum, quod ne volenti quidem præterire possibile est, silere non possumus: & quamuis reticere gratiam non sit possibile, multo tamen impossibilius est, ut dignum est & ut competit, proloqui: hoc inquam  
 quan-

quantum est, quod scientiam sui donauit homini Deus, & rationale animal esse fecit in terris; & ineffabilis paradisi obuti voluptate ac decore concessit; quemque serpentis arte deceptum, & in peccatum lapsum, ac per peccatum in mortem deuolutum, nequaquam despexit; sed legem in adiutorium dedit, præfecit angelos, destinauit prophetas; conatus malitiæ comminationum seueritate compescuit; bonorum desideria munificentissimis repromissionibus prouocauit, & finem vtriusque viæ nostræ in multis imaginibus præsignauit. Verum cum post hæc omnia in malis nostris incredulitatibus duraremus, non est auersus, nec dereliquit nos pij Domini bonitas: neque cum beneficijs eius essemus ingrati, auertere potuimus & excludere misericordiam eius a nobis: sed reuocamur a morte, & iterum viuificamur per Dominum nostrum Iesum Christum, *Qui cum in forma Dei esset, non rapinam arbitratus est esse se aequalem Deo: sed semetipsum exinaniuit, formam serui accipiens. Infirmi- tates nostras accepit, & agritudines nostras portauit, & pro nobis vulneratus est, ut liuore illius sanaremur. Et a maledicto nos redemit, factus pro nobis maledictum.* Et morte turpissima condemnatus est, ut nos reuocaret ad vitam. Nec sufficit ei viuificare nos mortuos, sed & diuinitatis suæ participium tribuit, & munus æternitatis indulget; & supra omne quod vel petere vel intelligere possumus, credentibus vel diligentibus se præparat, *quod oculus non vidit, nec auris audiuit, nec in cor hominis ascendit.* Quid ergo retribuemus Domino pro omnibus quæ retribuit nobis? Verum ille tam benignus & clemens est, ut ne retributionem quidem reposcat; sed sufficit ei, ut pro his omnibus quæ largitus est, diligatur. Quis ergo ita irremediabiliter ingratus est, ut propter tanta & talia beneficia non diligat largitorem?

Et de caritate quidem Dei ista sufficiant: propositum namque est, ut superius diximus, non omnia dicere, impossibile enim est; sed breuiter & succincte commemorare

Phil. 2.

1 Sai. 13.

Gal 3.

Sap. 2.

1 Cor. 2.

Psalm. 115.

rare ea, quæ amorem Dei inferere animæ & fuscitare  
 sufficiant. Consequens iam nunc est, etiam de eo man-  
 dato, quod ordine & virtute secundum diximus, expli-  
 care. Et quidem quoniam lex eas virtutes, quæ animæ a  
 creatore insitæ sunt, elimet & excolat, iam superius dixi-  
 mus. Quia ergo præcipimur diligere proximos sicut nos  
 ipsos, videamus etiam si inest nobis virtus & facultas ad hu-  
 ius quoq; mandati expletionem. Et quis ignorat quoniam  
 humanum animal & communicabile homo est, & non  
 agreste aliquod ac ferum? Nihil enim tam proprium est na-  
 turæ nostræ, quam alterum alterius indigere, & requirere  
 inuicem, ac diligere quod requiritur. Quia ergo Dominus  
 harum in nobis virtutum semina seminavit, sine dubio ho-  
 rum etiam fructum requiret; & testimonium nostræ erga se  
 dilectionis dilectionem accipiet proximorum. *In hoc enim,*  
*inquit, scient omnes quia mei discipuli estis, si inuicem diligatis.* Et  
 ita in omnibus ista mandata coniungit, vt etiam misericor-  
 diæ opera quæ in proximo fiunt, transferat in semetipsum.  
*Matt. 23. Esuriui enim, inquit, & dedistis manducare mihi.* Et reliqua quæ  
 in proximo gesta sunt, se dicit esse perpeßum, cum adiecit:  
*Quamdiu fecistis uni ex minimis istis fratribus meis, mihi fecistis.*  
 Ergo per primum completur & secundum; per secundum  
 vero ascenditur & reditur ad primum: vt qui diligit Domi-  
 num, sine dubio diligit & proximum. Ait enim Dominus:  
*Joan. 14. Qui diligit me, mandata mea custodit. Hoc est autem mandatum*  
*& 15. meum, inquit, vt inuicem diligatis.* Ita & qui diligit proximum,  
 explet in Deo caritatem: quia ipse in se recipit, quicquid  
 confertur in proximum. Et quidem in his qui initia habent  
 ad timorem Domini, & ad primos aditus religionis acce-  
 dunt, prima institutio est vtilior per timorem; secundum sen-  
 tentiam sapientissimi Salomonis, dicentis: *Initium sapientia*  
*Psalm. 110. timor Domini.* Idipsum etiam in psalmis legitur. Vos vero  
 fratres, qui iam paruuli in Christo esse desistis, nec vl-  
 tra lacte indigetis, cibos solidos ex dogmatum firmitate  
 per-

perquirite, ad nutriendum & pascendum interiorem hominem; quo per eminentiora quæque mandata perveniat ad perfectum, & in omni quæ in Christo est veritate confirmetur. Observandum sane est, ne forte copiosioris gratiæ pondus causa nobis grauioris condemnationis existat, si ingrati inueniamur in muneribus largitoris. Illud autem ante omnia considerandum est, quia neque aliud ullum mandatum, neque hoc quod de caritate Dei & proximi præcipitur, implere quis poterit, si per varias & diuersas occupationes animus aberret. Sed neque artificium ullum, vel ullius industriæ disciplinam possibile est adipisci eos, qui frequenter ex alijs ad alia transferuntur. Omni ergo custodia oportet nos seruare cor nostrum, ne forte desiderium Dei mala desideria & sordide cogitationes depellant nostris animis ac detrudant: sed e contrario assidua recordatione & memoria Dei, formam quodammodo ac figuram eius animæ nostræ signaculis singuli insigamus, quæ nullis queat perturbationibus aboleri. Sic enim & desiderium in nobis diuinæ caritatis accenditur, dum frequens eius memoria mentem atque animum illustrat: & ad opus mandatorum Dei erigimur ac suscitamur. Et ex ipsis rursum caritatis operibus vel conseruatur Dei in nobis caritas, vel augetur. Et hoc puto ostendere volentem Dominum dicere, aliquando quidem: *Si diligitis me, mandata mea seruare.* aliquando autem: *Si facitis quæ ego dico vobis, permanetis in caritate mea: sicut & ego seruaui mandata Patris mei, & maneo in caritate eius.* Ex quibus edocet nos, prospectum operis nostri debere ex sua voluntate pendere: vt tanquam speculum quoddam ipsum habentes, & semper ad ipsum respicientes, opus nostrum fixo ad ipsum cordis oculo dirigamus. Sicut enim artificia quæ in hac vita sunt, prospectum quendam animi gerunt, & ita secundum hoc quod animo conceperint, etiam in opere vtuntur manuum ministerio: sic & in hoc nostro opere, vnus manet nobis iste prospectus, atque

Prou. 4.

Ioan. 14.



que vnus terminus fixus est, quo Deo placere debeamus. Secundum hunc ergo prospectum opus dirigamus mandatorum. Impossibile namque est aliter constare posse operis nostri formam, nisi voluntas eius qui iniunxit opus, semper in memoria habeatur: vt eius voluntate seruata, & labore operis ac diligentia competentur expleta, semper iungamur Deo, dum semper eius memores sumus. Sicut enim verbi causa faber securem faciens aut falcem, meminit semper eius qui opus iniunxit; & retinet in corde suo, cuius magnitudinis, vel qualitatis, vel formæ iniunxerit fieri securem; & in illud semper intendens, quod sibi meminit a domino operis iniunctum, ad hoc dirigit manuum ministerium, vt forma operis cum eius qui iniunxit animo ac voluntate conueniat. Si autem obliuiscatur, quid vel quale sit, quod sibi fuerat imperatum, sine dubio aliud aliquid quam iniunctum fuerat, faciet. Ita etiam Christianus omnem conatum & omne studium in actibus suis adhibere debet, vt secundum voluntatem Dei, qui opus iniunxit, suum quoque dirigat opus; vt actus sui ornentur, & possit eius qui præcepit voluntatem implere. Tunc etiam illud complere potest quod scriptum est: *Sine man. lucetis; sine bibatis, sine aliud quid faciatis, omnia ad gloriam Dei facite.* Si vero declinet quis a regula, & corrumpat obseruantiam mandati, ex hoc ipso arguitur, si quis sit immemor Dei. Plurimum autem prodest ad conseruandam memoriam Dei, etiam secretius & remotius habitare. Nam permixtim viuere cum his, qui negligentius agunt circa timorem Dei, & contemptum habent mandatorum eius, plurimum nocet: sicut & Salomonis sermo testatur, dicens: *Cum homine iracundo ne habitaueritis, ne forte discatis vias eius, & accipiat laqueum anime vestre.* Et iterum quod dicit: *Exite de medio eorum, & separamini ab eis, dicit Dominus,* ad hoc ipsum respicit. Igitur neque per oculos, neque per aures recipiamus illecebras ad peccandum, & paulatim longo vsu inhæreamus consuetudini  
 pes-

1. Cor. 10

Prov. 22.

Isai. 52.

pessimæ. Et **rursûm** vt possimus orationi vacare, oportet primo **secretius** habitare. Hoc enim modo & præcedentes consuetudines excidemus, in quibus **contra** mandatum **Dei** agebamus. Non enim paruus labor est, vt se aliquis a priore non bona consuetudine reflectat æ reuocet: quoniam quidem mos longo tempore confirmatus vim quodammodo naturæ obtinet. Oportet ergo nos primo omnium abnegare nos ipsos, & tollere crucem Christi, & sic eum sequi. Abnegamus autem nos hoc modo, si per omnia præteritæ consuetudinis oblit, voluntates proprias abnegemus: & ita non solum ab hominibus non recte agentibus, verum etiam a nostris ipsis inordinatis & incompofitis moribus secedamus. Alioqui vt in eadem quis consuetudine atque in priore conuersatione permanens, emendare se possit & corrigere, difficillimum est; immo vt verius dicam, penitus impossibile. Sed ad hoc ipsum, vt tollat quis crucem suam & sequatur Christum, plurimum impedit societas & permixtio eorum, qui vitam dissimilem ducunt. Nam paratum esse ad mortem pro Christo, & mortificare membra quæ sunt super terram, & pro nomine Christi libenter ferre omne discrimen, hoc est tollere crucem suam. Ad quod grande videmus impedimentum posse nobis oboriri ab his, qui dissimiles sunt vel vita vel moribus. Et ad cetera alia quæ multa sunt, accedit etiam hoc, vt respiciens anima ad multitudinem nequiter viuentium, primo quidem occupetur & impediatur, ne suorum malorum capiat intellectum, & possit vel purgare per pœnitentiam, quæ deliquit, vel causas culpæ reseccare emendatione vitiorum. In comparatione etenim pessimorum aliquid se iam magni perfecisse æstimat. Tum deinde impedimentis & perturbationibus atque occupationibus, quas communis hominum vita habere solet, prætermittis, illud quod maius est & pretiosius omnium, memoriam Dei non potest

Mat. 16.

Colof. 3.

testi custodire: qua depulsa ab animis & exclusa, non solum omni lætitia & gaudio caret diuino, & delectationis Domini sustinet detrimenta, sed & dulcedinem non sentit diuini eloquij, vt dicat: *Quam dulcis faucibus meis eloquia tua Domine, super mel & facinum ori meo*: sed & in neglectum & obliuionem peruenit iudiciorum Dei, & in contemptus consuetudinem decedit: quo maius malum, & pernitiosius pati nihil potest.

### III. INTERROGATIO.

*Quia ostendit nobis sermo tuus, periculosum esse cum his qui mandata contemnunt, vitam ducere; nunc discere cupimus, si oporteat eum, qui ab huiusmodi consortijs discesserit, remotum esse & solum: an vero cum fratribus eiusdem propositi & eiusdem animæ vitam suam sociare.*

RESPONSIO. In multis utile esse video, vitam communem ducere cum his, qui eiusdem voluntatis sunt atque propositi. Primo, quia etiam ad vsus corporales victusque ministerium vnusquisque nostrum solus sibi non sufficit: & vero ideo pro his quæ ad ministerium vitæ nostræ necessaria sunt, inuicem opera nostra egemus. Sicut enim **1. Cor. 13** pes hominis in alio quidem suis viribus vtitur, in alio vero indiget alienis, & sine adiumento ceterorum membrorum nec explere suum opus, nec sufficere suis viribus potest; ita etiam vita solitaria mihi pati videtur; cum neque quod ei inest, utile esse, neque quod deest ab aliquo possit acquiri. Præter hoc autem nec ratio quidem caritatis vnumquemque permittit quod suum est quærere, dicente **1. Cor. 13** Apostolo: *Caritas non querit qua sua sunt*. Deinde, sed nec culpas quidem suas vnusquisque ac vitia facile dignoscit, cum qui arguat nemo est: & facile huiusmodi homini accidere potest illud quod scriptum est: *Vae soli; quia si ceciderit, nemo est alius qui erigat eum*. Sed & mandata a pluribus quidem facilius adimplentur: ab vno vero dum  
vnum

nam videtur impleri, aliud impeditur. Ut puta, quomodo quis solus visitabit infirmum? aut quomodo suscipiet peregrinum? Si vero omnes corpus sumus Christi, singuli autem alterutrum membra, per consonantiam velut in vnus corporis compagem in Spiritu sancto aptari & coniungi debemus adinuicem. Quod si vnusquisque nostrum solitariam eligat vitam, scilicet non tali aliqua causa vel ratione quæ Deo sit placita, vel quod ad communem ceterorum pertineat dispensationem, sed propriæ voluntati & passioni satisfaciens; quomodo possumus discissi & diuisi adimplere, & integram assignare membrorum ad se inuicem consonantiam? Iste enim talis neque cum gaudentibus gaudet, neque cum flentibus flet; quoniam quidem separatus ac diuisus a ceteris nec cognoscere quidem necessitates poterit proximorum. Tum deinde nec sufficere potest vnus ad suscipienda omnia dona Spiritus sancti; quia secundum vnus cuiusque mensuram fidei & donorum spiritualium distributio celebratur: vt id quod per partes vnicuique distributum est, rursus tanquam membra ad ædificationem vnus corporis coeat & conspiret.

Rom. 12.

Rom. 12.

Alij enim datur sermo sapientiæ, alij sermo scientiæ, alij fides, alij prophætia, alij gratia sanctorum, & cetera: quæ singula vtique non tam pro se vnusquisque, quam pro alijs suscipit ab Spiritu sancto. Et ideo necesse est vnus cuiusque gratiam, quam susceperit a Spiritu Dei, & in commune prodesse. Accidit ergo, vt is qui remotus viuit & separatus, vnam quamcunque suscipiet gratiam, & hanc ipsam inutilem faciat, dum nihil per eam operatur; sed defodit eam in semetipso. Quod cuius & quanti sit periculi, nostis omnes qui legitis Euangelium. Si autem ceteris communicat gratiam, & ipse perfruitur propriè ea ipsa quam suscepit; & multiplicatur in eo, dum communicatur & cæteris; & ipse nihilominus fruitur gratia reliquorum. Habet autem & alia quamplurima bona communis vita ista sanctorum, quæ

1. Cor. 12.

Mat. 25.

non est nunc possibile omnia dinumerare . Interim, vt diximus, ad conseruanda sancti Spiritus dona commodior est multorum societas, quam si degamus in solitudine . Sed & aduersus insidias inimici, quæ extrinsecus inferuntur, multo cautior est & vtilior societas plurimorum : vt facilius susci-

1. Cor. 11  
tetur e somno, si quis fortè obdormierit somnum illum, qui ducit ad mortem . Sed & delinquenti delictum suum facilius apparebit , cum a pluribus vel arguitur, vel notatur :

2. Cor. 2.  
secundum quod & Apostolus dicit : *Sufficit ei qui eiusmodi est, oburgatio hæc quæ fit a pluribus* . Sed & in oratione non paruum emolumentum a pluribus nascitur, cum consensu & vniuersitate orantibus ; vt ex multorum personis , per gratiam quæ in nobis est, Deo gratiæ referantur . Sed interdum & periculo proxima est vita solitaria . Primo quidem illi periculo subiaceret , quod certe grauissimum est , in quo ipse sibi placet , & neminem habens qui possit opus ipsius probare , videbitur sibi ad summam perfectionem venisse . Tum deinde sine vlllo exercitio degens, neque quid sibi vitij abundet, neque quid virtutis desit, agnoscit . Neque discretionem habere poterit in operum qualitate , pro eo quod operandi materia omnis exclusa sit . In quo enim humilitatem suam probabit, neminem habens cui humilem se præbere debeat ? In quo misericordiam demonstrabit , totius consortij & societatis alienus ? Ad patientiam vero quomodo seipsum exercebit, nullum habens qui videatur eius voluntatibus obuiare ? Si quis autem dicat , sufficere sibi doctrinam scripturæ , & Apostolica præcepta , ad emendationem morum , vitamque formandam ; simile mihi aliquid facere videtur his, qui semper fabrile artificium discunt, nunquam tamen fabrifaciunt opus : vel his qui in instructorum arte semper docentur, nunquam tamen ædificandæ domus operam dabunt . Ecce enim & Dominus non æstimauit sufficere sibi solam verbi doctrinam , sed & opere ipso voluit nobis tradere humilitatis exempla ,

cum

cum præcinctus linteo lauit pedes discipulorum suorum. Ioan. 12.  
 Tu ergo cuius pedes lauabis? quem curabis officijs? cuius inferior aut vltimus eris, cum solus viuas? Sed & illud quod dicitur: *Bonum & iucundum, habitare fratres in vnum.* Psal. 132  
 quod vnguento pontificali in barbam de capite descendentis sanctus Spiritus comparauit, quomodo in solitaria habitatione complebitur? Stadium namque est quoddam, ex Apostolico præcepto, ad emendationem morum vitamque formandam, in quo per virtutis exercitium proficitur; in quo meditatio diuinorum mandatorum effulget amplius & clarescit, hæc communis inter se vnanimorum fratrum habitatio: habens in se illam similitudinem & exemplum, quod in actibus Apostolorum refert de sanctis scriptura diuina, dicens: *Quia omnes credentes erant in vnum, & habebant omnia communia.* Act. 4.

### IIII. INTERROGATIO.

*Oportet primum renuntiare omnibus, & ita venire ad hanc vitam vel conuersationem, quæ secundum Deum est?*

RESPONSIO. Domino & Salvatore nostro Iesu Christo dicente: *Si quis venit ad me, abneget semetipsum, & tollat crucem suam, & sequatur me: Et iterum: Qui non renuntiauerit omnibus quæ possidet, non potest meus esse discipulus.* Qui ad hoc venit, vt Dominum sequatur, etiam seipsum neget, & tollat crucem suam. Certum est autem quia iam & ante diabolo renuntiauit, & operibus eius. Quod tamen non ab his qui in profectu sunt vitæ, vel qui iam ad perfectionem tendunt, sed ab his qui prima statim confessione inittantur, fieri solet. In hoc autem renuntiat, sicut superius diximus, etiam ipse sibi homo; idest, si priori consuetudini suæ vel vitæ renuntiet, aut etiam moribus suis, vel distractionibus seculi huius; sed & consanguinitati corporali; illi maxime, quæ impedire eius propositum potest: & parentes quidem eos, qui se in Christo Iesu per Euangelium

Mat. 16.

Luc. 24.

12

lium genuerunt, magis putabit; fratres autem eos, qui eundem adoptionis Spiritum susceperunt: possessiones vero omnes simul a se ducit alienas. Et ut breuiter dicam, hic cui pro Christo mundus omnis crucifixus est, & ipse mundo, quomodo potest seruus effici cogitationum & sollicitudinum mundi; cum Dominus iubeat etiam animam ipsam abnegandam esse pro se? Perfecta itaque est abnegatio in eo, ut passionibus penitus careat, dum adhuc in corpore est. Sed hæc incipit agere ab his primo quæ extrinsecus sunt: id est, a possessionibus, vel inani gloria; & si quæ sunt alia similia; ut ab his primum efficiatur alienus.

*Mar. 1.* Et hoc est quod nos docuerunt Apostoli Iacobus, & Ioannes; qui reliquerunt patrem suum Zebedæum, & nauem ipsam in qua erant. Sed & Matthæus relinquens vectigal, & surgens, ac sequens Dominum; qui non solum lucra, reliquerat vectigalium, sed & periculum contempserat; quod utique poterat euenire a principibus seculi, pro eo quod vectigalium rationes imperfectas atque incompositas reliquisset. Ita autem cupiditate sequendi Dominum ductus est, ut nullum prorsus huius vitæ respectum vel cogitationem sibi met seruauerit. Quod autem neque ad affectus parentum, si aduersantur dominicis præceptis, neque ad ullam aliquam humanam delectationem oporteat aliquem respicere, & per hoc ab eo quod proposuit impediri,

*Luc. 14.* Dominus edocet, dicens: *Si quis ergo venerit ad me, & non odit patrem suum & matrem suam, & uxorem & filios, & fratres & sorores, insuper & animam suam, non potest meus esse discipulus.* Quod est simile illi quod dixit, ut denegat quis seipsum.

## V. INTERROGATIO.

*Si oportet eum qui seruis Dei sociari vult, relinquere indifferenter propinquos suos portionem facultatum suarum?*

*Luc. 18.* **R E S P O N S I O.** Domino dicente: *Vende omnia bona tua, & da pauperibus, & habebis thesaurum in celis, & veni, sequere me.* Et ite-

iterum : *Vendite omnia quæ habetis, & date elemosynam* : arbitror Luc. 12.  
quidem, quod is qui accedit ad Dei seruitium, non debeat  
contemnere, & ut libet relinquere ea quæ sibi compe-  
tunt; sed tentet omnia, si fieri potest, cum summa di-  
ligentia assumpta, tanquam ea quæ iam Domino sacrata  
sunt, quantum fieri potest rationabiliter dispensare : sciens  
quia non est absque periculo, in opere Dei agere negli- Ter. 48.  
genter. Si vero propinqui eius vel parentes contra fidem  
veniant, debet rursus meminisse Domini dicentis : *Quia* Mat. 19.  
*non est qui reliquerit domum, aut fratres, aut patrem, aut matrem,*  
*aut uxorem, aut filios, aut agros propter me, & propter Euan-*  
*gelium, qui non accipias centuplum in presenti tempore, & in futuro*  
*seculo vitam æternam.* Veruntamen oportet eum his, qui sibi  
quæ sua sunt denegant & resistunt, & desidem faciunt, pro-  
testari, & denuntiare, quia sacrilegij crimen incurrunt, se-  
cundum mandatum Domini, dicentis : *Quod si peccat in te* Mat. 18.  
*frater tuus, vade, & argue eum, & reliqua.* Iudicio vero ex-  
periri de his apud iudices seculi, abnuat religionis auctori-  
tas, per id quod dixit Apostolus : *Audet aliquis vestram, ne-* I. Cor. 6.  
*gotium habens aduersus alium, iudicari apud iniustos, & non apud*  
*sanctos?* Et rursus : *Quia iam quidem omnino delictum est in vo-*  
*bis, quia iudicia habetis inter vos.*

## VI INTERROGATIO.

*Si oportet omnes qui veniunt ad nos suscipere, aut cum probatione?  
& qualis ista debet esse probatio?*

RESPONSIO. Cum Dei clementia omnes vocet, per il-  
lam prædicationem qua dicit: *Venite ad me omnes, qui laboratis,* Mat. 11.  
*& onerati estis, & ego reficiam vos* : non est absque discrimine  
abijcere quempiam venientem ad nos. Veruntamen ne-  
que immundis, ut aiunt, pedibus indulgendum est intro-  
ire quempiam in sanctam doctrinam : sed sicut Dominus  
noster Iesus Christus iuuenem illum, qui ad se venerat, in-  
terrogauit de priore vita sua; & cum audisset quia recte  
tran-



transacta esset, quod deerat ei præcepit adimplere, & ita demum iussit eum sequi se: ita etiam nos oportet inquire de præterita vita & conuersatione; ne forte simulata, quis mente & fallaci animo accedat ad nos. Quod ita demum dignoscitur, si facile omnem laborem corporis qui iniungitur ferat, & ad castigationem vitæ pronus inclinatur: vel si etiam delictum aliquod suum, cum interrogatus fuerit, nequaquam pronuntiare confunditur, & medelam delicti quæ adhibita fuerit, gratanter assumit: & si ad omnem humilitatem absque vlla verecundia inclinatur, ac vilioribus & abiectioribus artificijs, si ita ratio poposcerit, tradi se non accipiat aspernanter. Cum ergo ex his singulis documentis fuerit comprobatus, quia firma mente, & stabili consilio, ac prompto animo sit, tunc suscipi eum decet. Prius autem quam corpori fraternitatis inferatur, oportet ei iniungi quædam laboriosa opera, & quæ videantur opprobrio haberi a secularibus: & obseruari oportet, si libenter hæc & libere ac fiducialiter expleat, nec confusionem eorum grauiter ferat: vel etiam si in labore impiger inueniatur & promptus.

## VII INTERROGATIO.

*Ex qua ætate oportet nosmetipsos offerre Deo: vel virginitatis professionem quando oportet firmam ac stabilem iudicari?*

**RESPONSIO.** Dicente Domino: *Sinite infantes venire ad me*: Et Apostolo Paulo collaudante eum, qui ab infantia sacras litteras didicisset: & rursus præcipiente, educari filios in doctrina & correptione Domini; omne tempus a prima ætate opportunum quidem esse ducimus ad suscipiendum timorem & eruditionem Domini: firma tamen tunc erit professio virginitatis, ex quo adulta iam ætas esse cœperit, & ea quæ solet nuptijs apta deputari ac perfecta. Oportet tamen infantes, voluntate & consensu parentum, immo ab ipsis parentibus oblatos, sub testimonio plu-

plurimorum suscipi; ut omnis occasio maledicti gratia excludatur hominum pessimorum. Adhiberi autem eis oportet summam diligentiam, quo possint ad omne virtutis exercitium probabiliter institui, tam in verbo, quam in intellectu & opere. Quicquid in tenero quis & paruo inseruerit, firmitus & tenacius in posterum conseruabit. Iniungenda est ergo infantium cura his, qui ante omnia in virtute patientiæ documenta sui probabiliter præbuerunt: qui possint pro merito delicti & ætatis singulis quibusque etiam correptionis adhibere mensuram: & qui seruent eos primo omnium a sermonibus otiosis, & ab iracundia, atque ab incitamenti gulæ, & a cunctis indecentibus atque inordinatis moribus. Si vero cum ætatis augmento nullus in eis deprehenditur profectus industriæ: sed vaga mens, & animus cassus ac tumens etiam post instituta probabilia infructuosus permanserit: huiusmodi *abijci oportet*; & maxime cum iuuenilis feruor rudem laceffit ætatem. Eorum vero qui ætate iam robusta accedunt ad seruitium Dei, oportet inquirere, ut diximus, qualitatem vitæ præteritæ, & sufficere etiam hoc ipsum, si satis instanter hoc expetunt, & si verum & ardens desiderium est eorum erga opus Dei. Huiusmodi vero fieri documenta ab his oportet, qui valde prudenter de his discutere potuerint & probare. Cum autem fuerint suscepti, si forte propositum suum transgressi fuerint, nec videri eos oportet amplius, tanquam eos qui in Deum deliquerunt; quo teste confessionis suæ pactum transgressi sunt. *Et si peccauerit, inquit, homo in hominem; orabunt pro ipso ad Dominum: Si autem in Deum peccauerit, quis orabit pro eo?* 1. Reg. 2.

## VIII INTERROGATIO.

*Si oportet eum qui se pia ac religiosa vita dedit, etiam continentiam obseruare?*

RESPONSIO. Quia in omnibus necessaria sit contin-

Bb

nen-

- Gal. 5. nentia, manifestum est, primo omnium ex eo quod Paulus inter fructus Spiritus sancti etiam continentiam nominat. Tum deinde etiam immaculatum ministerium per hanc  
 2. Cor. 6. seruari posse designat, cum dicit: *In laboribus, in vigilijs, in*  
 2. Cor. 11. *ieiunijs, in castitate.* Et iterum alibi: *In labore & fatigatione,*  
 1. Cor. 9. *in vigilijs multis, in fame & siti, in ieiunijs frequenter.* Et iterum:  
 Ibid. *Omnis qui in agone contendit ab omnibus continens est.* Et rursus: *Macero corpus meum, & seruituti subijcio:* quod utique non aliter quam per continentiam videtur impleri. Et iuuentutis tumor, ac feruor ætatis velut freno quodam restringi & reprimi per solam continentiam potest. *Non enim expediunt stulto deliciae,* secundum Salomonem. Et *carnis,* inquit, Apostolus, *curam ne feceritis in concupiscentijs.* Et iterum: *Vidua quæ in delicijs est, viuens mortua est.* Sed exemplum illud diuitis in delicijs viuentis necessariam nobis ostendit esse continentiam; ne forte & nos audiamus quod audiuit & diues: *Quia consecutus es bona in vita tua.* Quomodo autem incontinentia periculosa sit, etiam Apostolus docet, cum eam proprie illis adscribit, quos recedere a Domino dicit: ait enim: *In nouissimis diebus instabunt tempora periculosa: erunt enim homines seipsos amantes.* & cum plura malitiæ genera enumerasset, ad vltimum posuit: *commensores, incontinentes, immites.* Sed & Esau malorum suorum quasi fomitem quandam habuit incontinentiam; qui pro vno cibo vendidit primitiua sua. Sed & prima illa præuaricatio non aliunde homini nisi per incontinentiam accidit. Omnis vero sanctorum vita, atque ipsius Domini in carne positi præsentia, quæ nobis alia, nisi continentia proponit exempla? Moyse quidem, dum continuato quadraginta dierum ieiunio adstitisset indefectus, dicitur a Deo meruisse legis auxilium humano generi deferre. Helias quoque visione Dei tunc dicitur dignus effectus, cum & ipse simili spatio temporum a cibo se continuasse perscribitur. Sed & Danielis, & trium puerorum meritum apud Deum, quo de

de omnibus inimicis suis, & de ipso tyranno triumphum  
 ceperunt, non aliunde nisi per continentiam venit. Ioa-  
 nis autem omnis vita continentia fuit. Ab hac etiam Do-  
 minus manifestationis suae initia prima patefecit. Conti-  
 nentiam autem dicimus, non quo a cibo positus abstin-  
 dum sit; hoc est enim vitam violenter dissolvere; sed eam  
 qua vitae usus non superfluous, sed necessarius constat;  
 cum refugimus quod suave est; explemus ea, quae sola  
 corporis necessitas poscit. Et ut breviter dicam, omnia  
 quae per passibilem concupiscentiam requiruntur, ab his  
 abstinere, virtus est continentiae. Et ideo ergo non so-  
 lum in esu cibi & in libidine continentiae virtus agnosci-  
 tur; sed cum ab omnibus, in quibus delectamur quidem  
 carnae, sed in anima laedimur, abstinemus. Verus ergo  
 continens nec gloriam humanam desiderat; sed a vitijs se  
 continet, & ab ira, & a tristitia, & ab omnibus, quae oc-  
 cupatas tenere consueverunt inexcultas animas & incau-  
 tas. Pene autem in omnibus mandatis Dei hoc inveni-  
 mus, quod vnum alteri cohaeret, & separatum aliud ab  
 alio compleri impossibile est. Id tamen praecipue in  
 hac ipsa continentia deprehenditur; quoniam quidem  
 humilis ille iudicatur, qui se a superbia continet; & il-  
 le renunciat omnibus facultatibus suis, & secundum  
 Evangelium vendit omnia sua, & pauperibus diuidit, qui  
 sine dubio continet se a pecuniae desiderio. Sed & man-  
 suetus ille erit, qui iram continet, & cohibet furorem.  
 Quid vero iam vagos oculi visus, & auris auditus, & lin-  
 guae intemperantiam aliud quam continentia moderatur  
 & cohibet? Sed & intemperatos risus continentia coër-  
 cet: sicut incontinentiae signum est, inordinatis & in-  
 compositis motibus agere in risu: cum utique subriden-  
 do tantummodò laetitiam mentis oporteat indicari; in-  
 decorum autem sit, crepitantem cum sonitu eleuare ri-  
 sum: quod certum est per incontinentiam mentis accide-

Matt. 3.

Mat. 4.

resolueret etiam inuidis; quæ res gravitatem & constantiam animi emollire ac resolvere solet. Unde & Salomon: *Risum*, inquit, *dixi amentiam*. Et: *Sicut vox spinarum sub olla, ita risus stultorum*. Et iterum: *Stultus in risu exaltat vocem suam*: *vir autem sapiens vix tacite ridebit*. Ostendit autem & Dominus in semetipso necessarias quidem carnis se habuisse passiones, id est, quæ virtutis testimonium ferrent: velut laborem & fletum ac tristitiam: nullam autem inuenitur etiam risu usus, quantum ad historiam pertinet Evangelij. Sed & deslere magis inuenitur eos qui ridet, dicens: *Næ vobis, qui nunc ridetis; quia flebitis*. Nec sane seducere nos debet similitudo nominis risus. Mos namque est scripturæ, interdum lætitiæ animæ, & affectum quendam lætiores risum nominare. Sicut ibi Sara, *Risum*, inquit, *mibi fecit Deus*. Et iterum: *Beati qui flent nunc, quia ridebunt*. Et in Iob quoque dictum est: *Os autem veracium replebitur risu*. Hæc enim omnia nomina pro gaudiis animæ accipiuntur. Qui ergo liber est ab omni passione, & nihil per incitamenta libidinum gerit: sed continenter & sobrie adversus omne quod potest lædere, nititur, hic perfecte continens dicitur: qui & sine dubio per hoc alienus inuenitur ab omni genere peccati. Libido namque est totius mali muscipula: & per hanc omnes decipiuntur ad peccatum: per quam qui non resolvitur, neque inclinatur ab ea, omne ex se peccati pessimum germen excidit.

## IX INTERROGATIO.

*Quæ est mensura continentia?*

**RESPONSIO.** Quantum spectat ad vitia vel passiones, penitus abstinere, nec unquam superari: quantum autem ad cibos, prout usus deposcit, vel ætas, vel labor, vel robur corporis, vel incommoditas eius, ita etiam modus & qualitas temperabitur cibi. Neque enim possibile

bile est omnes fratres vnum ordinem vel modum ac regulam in cibis custodire. Hi vero qui sani sunt, possunt omnes eadem mensuram tenere in abstinence. Immutari vero oportet per singulos, in quibus causa aliqua diuersitatis existit, prouidentia ac prouisione eorum, quibus dispensandi hæc cura commissa est. Neque enim per singula sermonem complecti possumus; sed ea tantummodo comprehendimus, quæ ad communem vel generalem pertinent institutionem. Solatia vero incommodorum in cibis, videlicet eorum qui iam fessi sunt ex opere continentia, siue ex alijs quibullibet laboribus, quos pro religione pertulerunt, ij qui præsumunt, secundum quod res & ratio deposcit, adhibebunt. Neque ergo tempus reficiendi omnibus idem statui potest, neque modus cibi, neque qualitas; sed prospectus iste sit omnibus vnus, vt non vsque ad satietatem persistamus in edendo. Repleri enim ventrem, & grauari ex cibo, valde inutile est etiam corpori ad omne opus. Tum deinde quia & grauatur in somnum, & quia etiam lædi ex his facile potest. Sed nec suauia quæque in fine ciborum sectanda sunt; sed sufficit vsum explere viuendi, refutata luxuria. Si enim libidini seruiamus, nihil aliud est, quam Deum facere ventrem nostrum. Quoniam quidem corpus humanum semper exolefcit & defluit, idcirco & repleri indicet, & reformari: propter quod & naturale est cibi desiderium, id quod secundum rectam rationem vsus ipse ad reparationem deposcit eorum quæ exinanita fuerint & absumpta, tam aridi, quam etiam humidi alimenti. Si quid ergo illud est, quod potest vel breuius vel facilius explere hanc necessitatem corporis in cibis, id potius eligendum est. Sed & Dominus hoc, vt opinor, ostendit, cum esurientes refecit in deserto: quia cum utique posset maiore miraculo copiosiores eis cibos parare, nihil horum fecit, sed simplicem eis exhibuit victum: &

Ioan. 6.

se-

secundum Ioannem, quinque panes hordaceos, & pisciculos duos apponit: de poru vero nec mentio quidem vlla fuit. Ex quo illud sine dubio designatur, quod omnibus sufficiens esse possit aquæ vsus & pernecessarius: nisi forte aliquis per infirmitatem corporis lædi ex hoc videatur: cui sine dubio, secundum consilium Apostoli Pauli ad Timotheum scribentis, cauendum est quod est noxium. Sed & quæcunque manifestam inferunt noxam corpori, deuitanda sunt. Absurdum enim videtur, propter substantiam corporis cibos sumere, & rursus per ipsos cibos corpori inferre perniciem, & illud inutile reddere ad ministerium mandatorum. Oportet tamen omnimodo illis vti cibis, qui & facilius & vilius comparantur: vt ne occasione abstinentiæ inueniamus pretiosiora quæque & difficiliora sectari; dum suauitate condimentorum viles natura cibos in suauem & delicatum saporem extollere conamur. Sed si quid est, quod id vnaquaque prouincia facilius & vilius comparatur, & quod in vsu hominum communiter habetur, hoc ad vsus nostros oportet assumi; & ea tantummodo requiri, quæ ad vitam pernecessaria sunt; id est, oleum, & alia huiusmodi; vel si qua etiam ad infirmantium solamen adhibentur.

### X INTERROGATIO.

*Quomodo oportet obseruare nos circa cathedras & accubitus, cum tempus poposcerit?*

RESPONSIO. Quoniam præceptum Domini habemus, quod nos in omnibus instruit ad humilitatem, in quo etiam de hoc pronuntiat, vt cum ad conuiuium eamus: discumbenti locum nouissimum requiramus, & non occupemus locum priorem; illud nos scire oportet, quia vbi omnes eodem prospectu ac proposito conuenimus, maxime si in multis & in maioribus humilitatis nostræ do-

documenta iam dedimus, cupere quidem præuenire vnumquemque inferiorem locum, secundum mandatum Domini, condecens est. Sed rursus, si res ad contenti- nem veniat de hoc, & vnus alium detrudere velut de lo- co inferiori conetur, valde est improbabile. Causa enim ex hoc perturbationis & inquietudinis nascitur, si inci- piat nemo alteri cedere; & si pro hoc certamina moue- antur, simile erit tanquam si de primatibus contendatur. Propter quod oportet etiam in hoc considerantius perui- dere, vel quid vnicuique nostrum competat; vel certe indulgere ei, cui cura commissa est, & in ceteris, & in re- cumbendo ordinem custodire, & obtemperare ei: vt im- pleatur in nobis illud quod dictum est: *Omnia vestra ho-* 1. Cor. 14  
*nesce & secundum ordinem fiant.*

## XI INTERROGATIO.

*Quis est dignus vel decens habitus Christiani?*

**R E S P O N S I O.** Quoniam sermo in superioribus hu- militatem necessariam docuit; ita vt qui vult religiose ac pie viuere, in omnibus & simplicitatem & vilitatem requirat; id est, ea quæ paruo sumptu acquiruntur: id obseruandum puto in corporalibus vñibus, per quod occa- siones nobis maiorum occupationum minime fiant. Hoc ergo etiam in obseruatione indumentorum custodiendum puto. Si enim studium nobis habendum est, omnium esse minimos & omnium nouissimos; certum est, quia & indumentis omnium nos nouissimos deputare debe- mus. Nam si hi, qui gloriam sibi ex indumentorum splen- dore conquirunt, satis agunt quomodo pretiosis & ma- gnificis vestibus videantur induti; ita consequens est, eum, qui de vltimis & nouissimis, id est, per nimiam humilitatem placere studet, eligere debere hoc, in quo omnium & vltimus & nouissimus appareat: sicut ille e contrario, id est, de summis & pretiosis videri clarior & no-



& nobilior gestit. Si enim in publica cœna arguuntur  
 1. Cor. 11 Corinthij, quod per suam abundantiam confundant eos  
 qui non habent; certum est, quia & in hoc simplici &  
 communi omnium indumento, quod ad communem  
 habitum vel usum pertinet, si alter altero differat habi-  
 tus, vel pretiosior inueniatur, ex ipsa comparatione  
 confundimus non habentes. SuffICIENTER quoque Apo-  
 stolus huiuscemodi vsibus breui sermone regulam posuit,  
 1. Tim. 6. dicens: *Habentes autem victum & vestitum, his contenti simus.*  
 Ostendens, indumento solo quo contegamur indigere  
 nos, & non varietate aliqua vestis, & ornamento eius ac  
 decore iactari. Quæ vtique postmodum introducta sunt,  
 humanæ vitæ artificijs, & luxuriæ ingenio conquisita. Sed  
 & primus ille indumenti vsus hæc eadem indicat; cum di-  
 Gen. 3. citur Deus fecisse primis hominibus pellicias tunicas. Suf-  
 ficiebat enim ad confusionem contegendam huiuscemo-  
 di indumenti vsus. Verum quoniam nobis prospectus  
 est, indumentis etiam calefieri & foueri; necessarium vi-  
 detur vt ad vtrumque vsus ipse temperetur; quo & ope-  
 riri nuditas videatur, & vel vis frigoris, vel omne quod  
 extrinsecus lædit, arceri. Sed quoniam in his ipsis alia  
 quidem sunt meliora, alia inferiora; consequens est ea  
 eligere, quæ nobis vsum exhibeant longiorem: ita tamen  
 vt in nullo lædatur regula voluntariæ paupertatis: id est,  
 ne alia quidem nobis sint vestimenta ad procedendum  
 præparata, & alia ad vsum domesticum; & rursus alia  
 in aliud tempus, vel in nocte alia & in die: sed oportet  
 vnum illud ipsum tale esse indumentum, quod nobis suf-  
 ficere possit ad omnia: vt & in die honestum videatur in-  
 dumentum, & in nocte expleat necessitatem. Ex hoc  
 enim fiet, vt & habitus noster communis & similis atque  
 vnus formæ sit omnium; & Christianum etiam visio ip-  
 sa designet. Ea enim quæ vno prospectu ac proposito  
 geruntur, similia, immo eadem esse omnibus debent.  
 Vti-

Vtile autem est, etiam ex ipsa proprietate vestitus & habitus intelligi vnumquemque, & professionem eius agnoscere in ea vita, qua secundum Deum viuit: vt sciat sibi etiam actus consimiles esse debere, & ad eos, qui nos vident secundum habitum nostrum, æquales etiam in actibus apparere debere. Non enim similiter turpe est in quolibet alio, si inhoneste quid agat, sicut in his, qui vitam sobriam, etiam ipso habitu profitentur. Si enim quis videat de trivio aliquem hominem cedentem alium, aut vapulantem, publice, vel turpiter proclamantem, aut in tabernis aliisque locis vitam cum dedecore agentem, nec obseruabit quidem facile huiuscemodi hominem, vel notabit: sciens eum consequenter hæc ad reliquam vitam suam gerere. Si vero eum, qui gloriosam vitam proficitur, videat quis vel parum aliquid contra quam condecet agere, obseruant omnes, & increpant, & ad religionis opprobrium, ducunt. Itaque velut pædagogus quidam est infirmioribus habitus iste religiosior; vt etiam inuitos eos ab opere inhonesto indecentique custodiat. Denique & Apostolus episcopum ordinatum esse designat: quæ res ad habitum magis reuocatur. Sed & de mulieribus dicit, in habitu ordinatas eas esse debere. Ordinatus autem habitus Christiani dicitur is, qui secundum propositum ac professionem eius aptus intelligitur. Sicut enim proprium est aliquid militi in habitu vestimenti, & alius est habitus senatoris, ex quo præcipue intelligitur, vel iste qui senator est, vel ille qui miles est; ita etiam Christianus habere aliquid proprium etiam ex ordinatione indumenti ipsius debet. Sed & de calceamentis eadem ratio obseruabitur; vt quod simplicius est & paratius, & aptum proposito, & vsibus sufficiens, id assumatur. Zone quoque vsus ostendunt necessarium esse etiam qui præcesserunt nos sancti. Nam Ioannes zona pellicea constringere lumbos suos dicitur, & Helias antea: tanquam enim proprius

1. Tim. 3.

Mat. 3.

Cc

ha-

3. Reg. 1. habitus quidam ipsius designatur, cum dicitur: *Vir hirsutus, & Zonam pelliceam habens circa lumbos suos*. Sed & Petrus zona vsus ostenditur, sicut ex verbis angeli, quæ ad eum dicta sunt, recognoscimus: *Accinge te*, inquit, *& calcea te caligas tuas*. Sed & beatus Paulus zona vsus ostenditur per
- Act. 21. Agabi prophetiam, dicentis: *Virum eum cuius est Zona hæc, ita alligabunt in Hierusalem*. Sed & Iob audit a Domino:
- Iob. 38. *Accinge sicut vir lumbos tuos*. Virtutis namque cuiusdam & prompti ad opera animi signum videtur esse vsus cinguli. Sed & discipulis Domini zonæ vsus fuisse videtur ex more, quibus prohibebantur, ne pecuniam haberent in zonis suis. Reuera enim necessarium videtur, eum qui manuum opere uti in aliquo debet, succinctum esse, & in omnibus præparatum, ac sine villo impedimento inueniri, ad omne boni operis ministerium. Vnde & cingulo indiget, ut vel colligata circa corpus sit tunica; ex qua magis confoueri possit, si vndique constrictus sit; vel non impediri ad omnem rem quam agere parat. De numero autem indumentorum nihil possumus dicere, cum manifesta definitione præscriptum sit, in quo dicit: *Qui habet duas tunicas, det non habenti vnã*. Ex quo sine dubio plures habere illicitum est. Quibus ergo habere duas tunicas non licet, his quomodo aliquid de diuersitate indumentorum præcipi potest?
- Luc. 3.

## XII INTERROGATIO.

*Si licet alicui ex proprio sensu dicere, quod sibi videtur bonum, absque testimonio scripturarum?*

- RESPONSIO. Domino nostro Iesu Christo dicente de Spiritu sancto: *Non enim loquetur a se, sed quæcunque audiet, hæc loquetur*. De seipso autem: *Non potest filius a se facere quidquam*. Et iterum: *Ego a me ipso non sum locutus, sed qui me misit Pater, ipse mihi dedit mandatum quid dicam, aut quid loquar; & scio quia mandatum eius vita æterna est. Quæ ergo*
- Ioh. 16  
Ioh. 5.  
Ioh. 12.

ergo loquor, *sicut dixit mihi Pater, ita loquor*: quis potest in tantum temeritatis progredi, ut audeat a se quidquam vel loqui, vel cogitare? Immo vero sciendum est, quia omnes duce itineris indigemus Spiritu sancto; ut ipse nos in viam dirigat veritatis, & in cogitatione, & in verbis, & in actibus. Cæcus est enim, & in tenebris degit omnis, qui est absque sole iustitiæ, qui est Dominus noster Iesus Christus; cuius mandatis, velut radijs quibusdam, illuminamur. *Mandatum enim, inquit, Domini lucidum est, illuminans* Psal. 18. *oculos*. Quia ergo in omnibus negotijs, quæ inter nos versantur, vel verbis, quædam quidem per mandatum Dei in diuinis scripturis distinguuntur, quædam vero reticentur; de his quidem quæ scripta sunt, nulla prorsus licentia permittitur cuiquam, vel admittere quod prohibitum est, vel omittere, quod præceptum est: cum ipse Dominus ita præceperit, dicens: *Et custodi verbum hoc, quod ego* Deut. 4. *tibi mando hodie: non adicies ad illud, neque auferes ab eo*. Sed & terribilis quædam expectatio est iudicij, & ignis zelus, qui consumpturus est aduersarios, & eos qui ausi sunt tale aliquid operari. De his vero quæ scriptura reticuit, regulam nobis Apostolus posuit euidenter dicens: *Omnia* 1. Cor. 6. *licent, sed non omnia expediunt; omnia licent, sed non omnia ædificant*. *Nemo quod suum est querat, sed quod alterius*. Itaque omnimodo non quæ nobis licita sunt, sed quæ ædificant proximos, agere debemus; & non nobis placere, sed proximis ad ædificationem. Scriptum est enim: *Subiecti invicem in timore Christi*. Sed & rursus Dominus ait: *Si quis vult in vobis* Ephes. 5. *maior esse, fiat omnium nouissimus, & omnium seruus*. Quod utique qui implere vult, sine dubio proprias sibi amputat voluntates, secundum imitationem ipsius Domini dicentis: *Descendi de celo, non ut faciam voluntatem meam, sed voluntatem* Ioan. 6. *eius qui me misit Patris*. Et iterum præcepit Dominus: *Si* Mat. 5. *quis angariam erit mille passus, vade cum illo alia duo*.

## XIII INTERROGATIO.

*Si oportet omnibus vel quibuscunque obedire ?*

RESPONSIO. Horum quidem qui imperant differentia vel diuersitas non debet impedire obedientium propositum : quia neque Moyſes intemperans extitit cognato ſuo Iethro, cum vtilia moneret & iuſta. Commonitionum ſane non parua eſt diuerſitas : aliæ namque contrariæ videntur eſſe mandatis Dei, aliæ vero interrumpere mandatum, vel contaminare illud videntur, aliæ vero ad explendum id atque ædificandum veniunt. Neceſſarium, ergo eſt, meminiffe Apoſtolici præcepti dicentis : *Prophe-  
tias nolite ſpernere : omnia probate, quod bonum eſt retinete : ab  
1. Theſſ. 5 omni ſpecie mala abſtinete vos.* Et iterum : *Cogitationes purgan-  
tes, vel deſtruentes omnem altitudinem extollentem ſe aduerſus ſcien-  
tiam Dei, & captiuantes omnem intellectum, ad obediendum Chri-  
ſto.* Si quid ergo eſt, quod conueniat cum mandato Dei, & animæ expediat, & hoc nobis ab aliquo fuerit imperatum, velut voluntatem Dei prompte & libenter debemus accipere, & explere quod dictum eſt. *Obtemperantes  
in vicem in caritate Chriſti.* Sin autem contrarium aliquid mandatis Dei, vel quod ea corrumpere videatur aut contaminare, facere iubemur ab aliquo, tempus eſt nos dicere : *Obtemperare oportet Deo magis, quam hominibus.* Et rurſum meminiffe Domini dicentis de ouibus ſuis : *Alieni au-  
tem vocem non ſequuntur, ſed fugiunt ab eo : quoniam neſciunt alie-  
norum vocem.* Sed & ſancti Apoſtoli memores eſſe debemus, qui ad noſtram cautelam auſus eſt, ne angelis quidem parcere, dicens : *Etiamſi angelus de calo euangelizauerit,  
vobis, præterquam quod euangelizamus vobis anathema ſit.* Ex quo edocemur, vt etiamſi valde nobis carus ſit aliquis, etiamſi magnificus habeatur, & in admiratione ſit poſitus, qui prohibet nos facere quod a Domino præceptum eſt ; vel rurſum imperat, quod Dominus prohibuit, execrabilis debet eſſe, qui eiufmodi eſt, omnibus qui diligunt Dominum.

IN-

## XIIII INTERROGATIO.

*Quali affectu debet seruire, qui seruit Deo?**Et iste ipse affectus quid est?*

RESPONSIO. Affectum bonum vel animum illum esse arbitror ego, cum desiderium vehemens & inexplabile atque immobile inest nobis placendi Deo. Impletur autem iste affectus per theoriam, idest, scientiam, per quam intueri & perspicere possumus magnificentiam gloriæ Dei, & per cogitationes pias & puras, & per memoriam bonorum, quæ nobis a Deo collata sunt; ex quorum recordatione venit animæ dilectio Domini Dei sui, ut eum diligat ex toto corde suo, & ex tota anima sua, & ex tota mente sua, secundum illum qui dicebat: *Sicut* Psal. 41.  
*cervus desiderat ad fontes aquarum, ita desiderat anima mea ad te Deus.* Cum tali affectu ergo seruire oportet Domino, adimplentes illud quod ab Apostolo dictum est: *Quis nos se-* Rom. 8.  
*parabit a caritate Christi? Tribulatio? an angustia? an periculum? an gladius? & reliqua?*

## XV INTERROGATIO.

*Quid sentire de se debet is qui præst, in quibus præcipit, vel imperat?*

RESPONSIO. Apud Deum quidem, sicut minister 1. Cor. 4.  
 Christi & dispensator mysteriorum Dei; rimens ne præter voluntatem Dei, vel præter quod in sacris scripturis euidenter præcipitur, vel dicat aliquid, vel imperet; & inueniatur tanquam falsus testis Dei, aut sacrilegus, vel introducens aliquid alienum a doctrina Domini, vel certe subrelinquens & præteriens aliquid eorum quæ Deo placita sunt. Ad fratres autem esse debet, tanquam si nutrix foueat paruulos suos: paratus autem, secundum voluntatem Domini, & secundum quod unicuique expedit, communicare cum eis non solum Euangelium Dei, sed etiam animam suam; memor præcepti Dei ac Domini nostri dicentis:

- IOAN. 13. tis: Mandatum novum do vobis, ut diligatis vos invicem, sicut  
 IOAN. 15. ego dilexi vos. Maiorem hac caritatem nemo habet, quam ut ponat  
 animam suam pro amicis suis.

## XVI INTERROGATIO.

*Peccantem quomodo corripiamus, vel emendabimus?*

- RESPONSIO. Sicut præceptum est a Domino, di-  
 MAT. 18. cente: Si peccaverit in te frater tuus, vade argue eum inter te  
 & ipsum. Si audierit te, lucratus es fratrem tuum. Si vero  
 non te audierit, assume tecum alium unum, vel duos: ut in ore  
 duorum vel trium testium stet omne verbum. Quod si etiam ipsos  
 non audierit, dic Ecclesie: si autem nec Ecclesiam audierit, sit tibi  
 sicut gentilis & publicanus. Si forte increpatio hæc, quæ a  
 pluribus fit, eveniat ei in salutem: & sicut dixit Apo-  
 2 Tim. 4. stolus: Argue, increpa, consolare in omni patientia & doctrina.  
 2 Thes. 3. Et rursus: Si quis non obaudiet verbo nostro per epistolam, hunc  
 notate, ut non commisceamini cum eo. sine dubio ad mensam.

## XVII INTERROGATIO.

*Si quis autem in parvis delictis affligere voluerit fratres, dicens: quia  
 debetis poenitere per singula: ne forte & ipse immisericors videatur,  
 & dissolvere caritatem?*

- RESPONSIO. Cum affirmaverit Dominus: Quid iota  
 MAT. 5. unum, vel apex unus non transiet a lege, usquequo omnia fiant.  
 MAT. 12. Et rursus definierit: Quia de omni sermone otioso, quemcumque  
 locuti fuerint homines, reddent pro eo rationem in die iudicii: ni-  
 ECL. 19. hil oportet contemni tanquam parvum. Qui enim spernit  
 minima, paulatim defluit. Sed & quomodo quis audebit bre-  
 ue dicere aut parvum delictum, cum Apostolus dicat,  
 ROM. 2. manifesteque definiat: Quia per pravaricationem legis Deus  
 I. COR. 15. exhonoratur? Sed & aculeus mortis peccatum esse dicitur. Et non  
 dixit, tale vel tale peccatum, sed omne peccatum. Magis  
 ergo immisericors est, qui intermittit & negligit, quam  
 ille qui arguit: sicut is qui in morsu serpentis permittit  
 deli-

delitescere venenum, quam ille qui educit & attrahit. Sed & caritatem destruit ille, qui, secundum quod scriptum est; *parcens baculo, odit filium suum: qui autem diligit, diligenter corripit.* Prov. 12.

## XVIII INTERROGATIO.

*Quomodo quis debet poenitere in unoquoque delicto?*

RESPONSIO. Affectum illum in se recipiens, quem gerebat ille, qui dicit: *Iniquitatem odio habui, & abominatus sum.* Sed & ea quæ scripta sunt in sexto psalmo, atque in alijs quamplurimis: vel ea, quæ Apostolus dixit ad eos, qui secundum Deum contristati sunt: *Quantam operatus est vobis, inquit, sollicitudinem? sed excusationem, sed indignationem, sed timorem, sed emulationem, sed vindictam.* Psal. 118  
*In omnibus exhibuistis vos castos esse negotio.* Sed & ex his ipsis, in quibus delinquit, agens multa contraria, sicut & Zachæus fecit. 2. Cor. 7  
Luc. 19.

## XIX INTERROGATIO.

*Qui sunt fructus digni poenitentia?*

RESPONSIO. Opera quæ contraria sunt peccato, isti sunt fructus iustitiæ: quos debet afferre ille, qui vult, secundum quod scriptum est, in omni opere bono fructificare. Col. 1.

## XX INTERROGATIO.

*Qui se verbo dicit poenitere, peccatum autem suum non emendat, quid est?*

RESPONSIO. De isto scriptum est: *Si te rogauerit inimicus tuus magna voce, non acquiescas ei: septem enim nequitie sunt in anima eius.* Et alibi: *Sicut canis reuertens ad vomitum suum odibilis fit, ita homo, qui per malitiam suam reuertitur ad peccatum suum.* Prov. 26.  
Ibid.



## XXI INTERROGATIO.

*Qui vult confiteri peccata sua, si omnibus debet confiteri, siue quibuslibet, aut certis quibusque?*

**R E S P O N S I O.** Clementia Dei erga eos qui deliquerunt, manifesta est; secundum quod scriptum est: *Quia* Exo. 38. *non vult mortem peccatoris, sed magis ut conuertatur, & uiuat.* Quia ergo & conuersionis modus aptus esse, & conuertentis se a peccato fructus dignus ostendi debet per poenitentiam, secundum quod scriptum est: *Facite fructus dignos poenitentiae:* ne forte secundum comminationem illam eueniat his, qui non poenitent, quod scriptum est: *Omnis arbor, quæ non facit fructum bonum, excidetur, & in ignem mittetur:* necessarium videtur his, quibus dispensatio mysteriorum Dei commissa est, confitenda esse peccata. Sic enim & hi qui antiquitus poenitebant, inueniuntur apud sanctos confessi esse peccata sua. Scriptum est enim in Mat. 3. *Euangelio, quia Ioanni Baptistæ confitebantur peccata* Að. 3. *sua; & in actibus Apostolorum, Apostolis a quibus baptizabantur.*

## XXII INTERROGATIO.

*Qui penituerunt pro aliquo peccato, & rursus in hoc ipsum peccatum inciderunt, quid faciunt?*

**R E S P O N S I O.** Qui semel delinquit, & iterum in idem peccatum incurrit, indicare de se videtur hoc primum, quod ab illo peccato priori non fuerit expurgatus: ex quo, velut à radice quadam pessima, eadem quæ antea pullularunt. Sicut enim quis ramos arborum excidens, si radicem relinquat, ubi radix permaneat fixa, virgulta denuo eiusdem seminis germinabunt: ita etiam peccatum. Quoniam non omnes qui delinquant, ex ipsis peccatis initium sumunt; sed ex alijs interdum delicti occasio nascitur. Necessarium ergo ei est, qui vult omnino se purgare a peccato, primas ipsas causas culpæ succidere.

Ver-

Verbi gratia : si ex contentione, vel ex inuidia fuerit, non a se sumit exordium; sed radicem habet ex arrogantia & cupiditate gloriæ humanæ venientem. Dum enim gloriam quærit vnusquisque ab hominibus, aut contentionibus studet, aut recte agentibus inuidet: huic scilicet, per quem videtur ipse minus in laude vel in admiratione haberi. Si quis ergo semel notatus fuerit inuidiæ vel contentionis vitio, & rursus in hoc ipsum inciderit, sciat se primam illam causam, de qua superius diximus, ex qua inuidia vel contentio nascitur, in interioribus medullis habere reconditam. Oportet ergo eum & per contraria atque aduersa curari: id est, per humilitatis exercitium. Exercitia vero humilitatis sunt, si se vilioribus officijs subdat, & ministerijs indignioribus tradat. Ita namque arrogantia & humanæ gloriæ vitium curari poterit, vt consuetudine humilitatis affectus, ultra iam non incidat in arrogantia & vanæ gloriæ delictum. Sed & in singulis huiusmodi vitij cura similis adhibeatur.

## XXIII INTERROGATIO.

*Quali affectu, vel quali sensu oportet increpare eum qui increpat?*

RESPONSIO. Ad Deum quidem tali mente esse debet, qualem indicat beatus Dauid, dicens: *Vidi non seruantes pactum, & tabescebam; quoniam eloquia tua non custodierunt.* Ad eos autem quos increpat, hunc debet affectum seruare, quem pater & medicus erga ægrotantem filium seruat: & tunc maxime, cum qualitas curæ tristior videtur & grauior.

## XXIIII INTERROGATIO.

*Quali affectu debet quis suscipere correptionem?*

RESPONSIO. Sicut æger filius patris & medici de vita sua solliciti: qui etiam si aliquid asperum offerat vel  
D d ama-

animum ad curandum filium: Sic viro filius, quod nec  
peron in aliquo negligere potest de salute filii, nec medi-  
cus falli.

### XXV. INTERROGATIO.

*Qui misatur adversus eum qui se increpat, quid est?*

**R E S P O N S I O.** Neque periculum peccati agnovit iste,  
maxime ad Deum: neque lucrum poenitentiae: nec cre-  
didit illi, qui dixit: *Quis quis diligit, diligenter carnit. Sed*  
*Eccl. 10.* *& seipsum alterum facit ab illa utilitate dicentis: Corri-*  
*Psal. 140.* *piat me in super in misericordia, & increpabit me. Sed & ad la-*  
*sionem eorum iste talis permanet inter fratres: re-*  
*solvit enim, & impedit animas eorum, qui possunt pro-*  
*ficere.*

### XXVI. INTERROGATIO.

*Quale iudicium est debet de his, qui peccantes defendunt?*

**R E S P O N S I O.** Ut nihil videtur, gravius ab illo quod  
*Mat. 18.* dixit Dominus: *Quia expedit illi, ut suspendatur mola asinaria*  
*ad collum eius, & precipitetur in mare, quam ut scandalizet unum*  
*ex minimis istius.* Non enim iam corruptionem ad emenda-  
tionem, sed defensionem ad confirmandum peccatum  
suum suscipit: qui delinquit, sed & alios ad simile pro-  
vocat malum. Ita ut conveniat ei, qui peccantes defen-  
*Luc. 3.* dit, illud quod dictum est: *Quia si non ostenderit fructus*  
*dignos poenitentiae, excidentur, & in ignem mittentur.* Vel rur-  
*Mat. 18.* sum quod a Domino dictum est: *Quia si oculus tuus dexte-*  
*ter scandalizat te, erue eum, & projice abs te. Expedit enim*  
*tibi, ut pereat unum membrorum tuorum, & non amne corpus*  
*tuum mittatur in gehennam.*

### XXVII. INTERROGATIO.

*Poenitentiam ex corde quomodo oportet suscipi?*

**R E S P O N S I O.** Sicut Dominus ostendit, cum dicit:  
*Quia*

*Quia commendavit amicos & vicinos, dicens: Congratulamini mihi, quia inveni ovem meam, quam perdidideram.*

### XXVIII INTERROGATIO.

*Ergo tuum quipro peccato non poenitet, qualiter se debemus?*

**RESPONSIO.** Sicut Dominus præcipit, dicens: *Sic tibi sicut gentilis & publicanus.* Et sicut Apostolus docuit, dicens: *Subtrahite vos ab omni fratre inquiete tribuente, & non secundum traditionem, quam tradidimus vobis.*

### XXIX INTERROGATIO.

*Si debet habere aliquid proprium, qui inter fratres est?*

**RESPONSIO.** Huic contrarium est illud testimonium, quod in actibus Apostolorum de illis, qui credebant primitus, scriptum est. Ibi enim ita dicitur: *Quis autem quidquam ex bonis suis proprium dicebat esse: sed erant illis omnia communia.* Si quis vero proprium sibi esse dicit aliquid, sine dubio alienum se facit ab electis Dei, & a caritate Domini: qui docuit verbo, & opere complevit, & animam suam posuit pro amicis suis. Si ergo ipse animam suam pro amicis dedit, quomodo nos etiam ea quæ extra animam sunt, propria vindicamus? AB. 4. ION. 15.

### XXX INTERROGATIO.

*Si quis dicat: Quia neque accipio a fratribus, neque do: sed contentus sum meis proprijs: quid de hoc observare debemus?*

**RESPONSIO.** Si non acquiescat doctrinæ Domini, dicentis: *Diligite invicem, sicut & ego dilexi vos; acquiescat Apostolo dicenti: Auserte malum ex vobis ipsis: ne forte accidat, ut modicum fermentum totam massam corrumpat.* ION. 15. 1. Cor. 5.

### XXXI INTERROGATIO.

*Si debet quis a carnalibus propinquis nocipere aliquid?*

**RESPONSIO.** Propinquis quidem reddere quæ sunt  
Dd 2 sunt,

sunt, his qui ad seruitium Dei accedunt, necessarium est; & nihil subtrahere, vt non crimen sacrilegij incurrant. Veruntamen hæc prærogari in conspectu eorum ad quos visa sunt pertinere, non expedit: ne & illis ipsi occasione præstet elationis ac superbiæ; & alijs fratribus eiusdem propositi pauperioribus tristitiam generet. Ita vt accidat illud, in quo Corinthij increpantur ab Apostolo, *1. Cor. 12* dicente: *Quia confunditis non habentes*. Et ideo his qui per loca singula ecclesijs præsunt, si sunt fideles & prudentes dispensatores, ipsis offerri debent, secundum imitationem eorum, qui in actibus Apostolorum id fecisse perscribuntur, de quibus dicitur: *Quia afferentes pretia prediorum suorum ponebant ante pedes Apostolorum*. Certe quoniam non est omnium huiusmodi dispensationes explere fideliter, illis offerri conuenit, qui apud omnes in hoc officio probati habentur. Veruntamen etiam de his probabit ille qui præest, per quem debeant dispensari.

*Ab. 3.*

## XXXII INTERROGATIO.

*Quomodo videre debemus eos, qui nobis vel familiares, vel consanguinei fuerunt & proximi?*

*Luc. 8.* **RESPONSIO.** Sicut Dominus ostendit, tunc cum ei nunciauerunt: *Quia mater tua & fratres tui foris stant, volentes te videre*: ad quos cum increpatione respondit, dicens: *Qua est mater mea? & qui sunt fratres mei? Qui enim fecerit voluntatem Patris mei qui in calis est, isle meus frater, & soror, & mater est.*

## XXXIII INTERROGATIO.

*Quod si deprecantur nos, volentes ut eamus cum ipsis ad domos eorum, si oporteat nos acquiescere?*

**RESPONSIO.** Si quidem pro ædificatione fidei aliquis ire potest, si probauerit ille qui præest, mittatur. Si vero propter humanam aliquam gratiam, audiat Domini-

minum dicentem ad illum, qui ei dixit: *Magister, permitte mihi primum ire, & renunciare his qui in domo sunt. Quia, nemo mittens mantum suum in aratrum, & retro respiciens, apertus est regno calorum. Quod si pro renunciando hoc dictum est volenti ire ut renunciaret, quid dicemus de ceteris?* Luc. 9.

### XXXIIII INTERROGATIO.

*Vnde ergo vagatur mens nostra, & cogitationes diuersæ ascendunt in corde nostro? & quomodo possumus hoc emendare?*

**R E S P O N S I O.** Vagatur quidem mens interdum etiam otio, cum non occupatur in necessaria sollicitudine; sed in remissione posita & securitate, non credit præsentem esse Deum, scrutantem corda & renes. Si enim hoc crederet, faceret quod superius dictum est: *Providebam Dominum in conspectu meo semper; quia a dextris est mihi, ne commouear.* Qui enim hoc agit, vel horum similia, neque vagabitur unquam, neque habebit otium vanis cogitationibus indulgere; vel aliquid cogitare, quod non ad ædificationem fidei pertineat, & ad aliquam animæ utilitatem spectet. Quanto magis nihil audebit, quod aduersum sit Deo, & non ei placeat, cogitare? Psal. 7.  
Psal. 15.

### XXXV INTERROGATIO.

*Vnde & nocturna phantasia inhonesta & turpes accidunt nobis?*

**R E S P O N S I O.** Veniunt quidem hæc maxime ex diurnis animæ motibus & actibus, indignis & incongruis. Si enim vacet in iudicijs Dei, & expurgetur anima per meditationem legis diuinæ, & studium verbi Dei; ibique indefinentem curam gerat, semper requirens & scrutans, quid sit quod placeat Deo, talia etiam habebit somnia.

### XXXVI INTERROGATIO.

*Quali affectu debemus infirmis fratribus ministrare?*

**R E S P O N S I O.** Sicut ipsi Domino offerentes obsequium,

*Mat. 23.* quum, qui dixit: *Quia tuum fecisti unum ex minimis istis fratribus meis, mihi fecisti.* Expedi autem ad conservandum humanitatemmodi affectum in obsequijs, ut & hi qui obsequia a nobis suscipiunt, tales sint, quibus merito deferri obsequium debeat. Et ideo oportet eos qui præsunt, curam gerere, ne hi quibus ministratur tales sint, qui carni indulgeant & veniri: Sed potius in amore Dei & Christi eius probabiles inveniuntur, & per patientiam suam ac vitae meritum fratrum mereantur obsequia: ut habeantur ad gloriam Christi, & opprobrium diaboli: sicut fuit & sanctus Iob.

### XXXVII INTERROGATIO.

*Cum quali humilitate debet quis suscipere a fratribus obsequium?*

*Ioan. 13.* **R E S P O N S I O.** Sicut servus a domino, & sicut ostendit Petrus Apostolus, cum ei Dominus ministraret. In quo simul etiam periculum eorum, qui nolunt recipere obsequia fratrum, docemur.

### XXXVIII INTERROGATIO.

*Qualem debemus habere caritatem ad invicem?*

*Ioan. 5.* **R E S P O N S I O.** Qualem Dominus ostendit & docuit, dicens: *Diligite invicem, sicut & ego dilexi vos.* Maiorem autem caritatem nemo habet, quam ut quis animam suam ponat pro amicis suis. Si autem & animam poni oportet, quanto magis in alijs votum & studium debet ostendi? Sine dubio non secundum humanas voluntates, sed secundum illum prospectum, in quo est commune omnium propositum placendi Deo.

### XXXIX INTERROGATIO.

*Quomodo poterit quis implere caritatem circa proximum suum?*

*Ioan. 3.* **R E S P O N S I O.** Primo quidem metueas iudicium prævaricantis mandatum Domini: quia ipse dixit: *Qui non cre-*

credidit filio, non habet inquit salutem. sed in Deo vivit. super omnia.  
 Tum deinde velut cupiens ad æternam vitam pervenire  
 quia mandatum eius vita æterna est. Primum autem & ma- Mat. 22.  
 gnus mandatum est: diligere Dominum Deum tuum. & de toto corde  
 tuo, & ex tota mente tua, & de tota anima tua. Secundum vero  
 simile illi: diligere proximum tuum sicut te ipsum. Et si quis desi-  
 derat similis effici Domino dicenti: Mandatum novum do vo- Joan. 13.  
 bis, ut diligatis invicem, sicut & ego dilexi vos. Sed & ex com-  
 muni sensu sentire hoc possumus: quia si beneficium con-  
 sequamur a fratre, in eo quod diligimus a fratre, debito-  
 res ei efficiamur, ut eum merito diligamus; quod etiam  
 inter gentiles observari solet, sicut Dominus in Evangelio  
 dicit: Si diligitis eos, qui vos diligunt, quæ vobis est gratia? quia & Luc. 6.  
 peccatores & gentiles, diligentes se diligunt. Si autem in aliquo vel  
 laedit nos, vel adversatur, quis, hunc non solum propter  
 mandatum, sed & propter hoc ipsum, quia plus nobis præ-  
 stet in quo laedit, diligere debemus. Siquidem credimus  
 Domino dicenti: Beati estis cum exprobrabunt vos, & persequen- Mat. 5.  
 tur, & dicent omne malum adversum vos, mentientes propter me.  
 Gaudete & exultate, quoniam menses vestra, multa est in calice.

## XL INTERROGATIO.

*Visque ad quæ verba otiosus sermo indicabitur?*

**RESPONSIO.** Generaliter omnis sermo, qui non  
 proficit ad aliquam gratiam fidei Christi, otiosus est: &  
 tantum est periculum huiusmodi sermonis, ut etiam si  
 bonum esse videatur quod dicitur, & ad ædificationem  
 fidei tamen non pertineat; non in sermonis bonitate ille  
 qui locutus est, periculum effugiat: sed in eo, quod non  
 proficit ad ædificationem sermo prolatus, contristat Spi-  
 ritum sanctum Dei. Hoc enim manifeste demonstrat Apo-  
 stolus, dicens: Omnis sermo malus de ore vestro non procedat: Eph. 4.  
 sed si quis bonus ad ædificationem fidei, ut det gratiam audientibus.  
 Et super hæc adiecit: Nolite contristare Spiritum sanctum Dei,  
 in quo



*in quo signati estis, in die redemptionis. Quo utique gravius malum nullum esse poterit.*

### XLI INTERROGATIO.

*Quis est maledicus, id est, Ἀδιδόξος?*

**R E S P O N S I O.** Omnis sermo, qui ob hoc profertur, ut infamet aliquem, vel derogat, vel male commendet, maledicus est; etiamsi videatur non esse iniuriosus. Et hoc manifestum est ex sententia Euangelij, cum dicit de Iudæis:

1040.9. *Quia maledixerunt eum, dicentes: Tu sis discipulus eius.*

### XLII INTERROGATIO.

*Quid est detractio, vel derogatio?*

**R E S P O N S I O.** Duas opinor esse causas, in quibus licet alicui dicere & retractare aliena mala. Si quando consilium habere necesse est cum cæteris, qui in hoc ipsum videntur assumi, quomodo corrigatur is qui peccauit, vel mali aliquid egit. Et rursum, si quando necesse est præueniri aliquem & commoneri, ne forte incurrat in consortium alicuius mali, dum eum putat esse bonum. Quia

2. Thef. 3. Apostolus dicit: *Nolite commisceri cum huiusmodi.* Item in

Pro. 22. Salomone: *Noli manere cum homine iracundo; ne forte vias eius discas, & sumas laqueum anime tue.* Quod & ipsum Apostolum fecisse inuenimus, per hoc quod scribit ad Timotheum,

2. Tim. 4. dicens: *Alexander ararius multa mala mihi ostendit; quem tu quoque deuita. Valde enim restitit nostris sermonibus.* Præter huiusmodi autem necessitates, quicumque dicit aliquid aduersus alium, ut vel derogat ei, vel obtrechet, istud est detrahere: etiamsi vera esse videantur quæ dicit.

### XLIII INTERROGATIO.

*Qui detrahit fratri, aut audit detrahentem, & patitur, quid dignus est?*

**R E S P O N S I O.** Excommunicari debet. *Detrahentem,*  
in-

inquit, *occulte adversus proximum suum; hunc prosequabar?* Et alibi dictum est: *Noli libenter audire detrahentem: ne forte eradiceris.* Prov. 20.

## XLIII INTERROGATIO.

*Quod si de eo qui preest quis detraxerit, quomodo eum observabimus?*

RESPONSIO. Et in hoc manifestum est iudicium iracundiæ Dei, quæ facta est super Mariam, cum detraxit de Moyse, & peccatum eius nec ipso quidem Moyse orante inultum esse Deus permisit. Num. 12.

## XLV INTERROGATIO.

*Si quis acerbiori sermone, vel insolentiori voce respondeat; & admonitus dicat; quia nihil mali habeat in corde; si oportet excusari?*

RESPONSIO. Non omnes animæ passionibus manifestæ sunt omnibus, nec ipsis quidem qui patiuntur eas. Sicut enim sapientioribus medicis signa quædam dantur absconsa & occulta ex corporum motibus, quæ ipsos qui patiuntur effugiunt & latent; ita etiam in anima sunt quædam vitia, etiam si non sentit ille qui peccat. Sed credere oportet Domino, dicenti: *Quia malus homo de malo thesaurum cordis sui profert mala.* Mat. 13. Et ideo non potest fieri, ut malus de corde malo bonum proferat sermonem; nec bonus de bono corde malum proferat verbum. Sed interdum quidem potest esse mali cordis bonitas simulata; bonum autem cor, malum non potest simulare. Dicit enim Apostolus: *Quia providemus bona, non solum coram Deo, sed etiam coram hominibus.* Rom. 12.

## XLVI INTERROGATIO.

*Quomodo possit aliquis non irasci?*

RESPONSIO. Si Deum omnia credat inspicere, & Dominum præsentem semper intueatur: quoniam quidem neque is qui iudici suo subiectus est, ausus est in oculis iu-

Et di-

dicis sui aliquid suæ indignationis ostendere: id est, cum non ipse sibi alios putat esse subiectos, sed se præparat ad alterius obedientiam: hoc est enim omnes ducere superiores sibi. Si enim non ad suos usus, vel ad suam utilitatem obedire sibi querit eos, qui obediunt: scire debet, quoniam sermo Domini unumquemque docet alijs obsequi, vel ministrare. Ob quod, etiam si videt aliquem mandatum Domini præterire, non ita erga eum moveatur, sed miseratione & compassione, secundum eum qui dicit: *Quis infirmatur, & ego non infirmor.*

#### XLVII INTERROGATIO.

*Quis est mansuetus?*  
**R E S P O N S I O.** Qui non transfertur iudicijs suis, quibus statuit vel studet Deo placere.

#### XLVIII INTERROGATIO.

*Quomodo quis non vincatur in voluptate, & libidine ciborum?*  
**R E S P O N S I O.** Si statuat expotendum esse, non id quod delectatur, sed id quod expedit, & quod usui, non voluptati, sufficiet.

#### XLIX INTERROGATIO.

*Quomodo excidemus visum mali desiderij?*  
**R E S P O N S I O.** Desiderio meliore: firmagis igitur & accendimur ad amorem Dei, secundum illum qui dicit: *Elegantur Domini igitur eum.* Et: *Inclita Domini bona in iustitia in semetipsa: desiderabilia super aurum & lapidem pretiosum nimis multum, & dulciora super mel & sauum.* Semper enim desiderium meliorum, si in opere sit & in re, & possideat totos animos nostros, atque eorum quæ desideramus perfrui contendamus, contemnere nos facit & despiciere inferiora: sicut docuerunt nos omnes sancti: quanto magis ea quæ mala sunt & turpia?

IN-

## L. INTERROGATIO.

*Quæ est tristitia secundum Deum, & quæ est secundum seculum?*

RESPONSIO. Secundum Deum est tristitia, cum pro <sup>2 Cor. 7.</sup> mandati negligentia vel prævaricatione tristamur, secundum quod scriptum est: *Tristitia tenuit me pro peccatoribus dereliquentibus legem tuam.* <sup>psal. 118.</sup> Seculi autem tristitia est, cum ob aliquid de rebus humanis, vel quæ ad seculum pertinent, contristamur.

## LI. INTERROGATIO.

*Quæ sunt in Domino gaudia: vel quid facientes gaudere debemus?*

RESPONSIO. Si qua secundum mandatum Domini gerimus, vel in gloria Dei agimus, hoc est in Domino gaudium: vel cum pro nomine Domini aliquid patimur & gaudemus: vel alijs recte agentibus congratulamur.

## LII. INTERROGATIO.

*Quomodo lugere debemus, ut beatitudinem consolationis consequi mereamur?*

RESPONSIO. Cum illa interrogatione, in qua exposuimus, quæ est secundum Deum tristitia, etiam ista interrogatio continetur: id est, si pro peccatis lugemus, vel si eos deflemus, qui per prævaricationem legis Deum inhonorant: vel propter eos, qui periclitantur in peccato. *Quia anima quæ* <sup>Exo. 18.</sup> *peccauerit, ipsa morietur: secundum illum qui dixit: Et lugam* <sup>2. Cor. 12</sup> *multos ex his qui ante peccauerunt, & non egerunt poenitentiam.*

## LIII. INTERROGATIO.

*Si ex toto ridere non licet?*

RESPONSIO. Cum Dominus eos qui nunc rident <sup>Luc. 6.</sup> condemnet, manifestum est, quia nunquam tempus est risus fidei animæ: & maxime cum plurimi sint, qui per prævaricationem legis Deum non honorent, & in peccatis  
Ee 2 suis

fuis moriantur: pro quibus triftari indefinenter conuenit & lugere.

#### LIIII INTERROGATIO.

*Quæ est follicitudo feularis ?*

RESPONSIO. Omnis follicitudo animi, etiamfi nihil habere videatur illicitum, tamen fi non ad religionem pertineat & ad virtutem, feularis eft.

#### LV INTERROGATIO.

*Vnde accidit nobis importune dormire ? & quomodo hoc possumus abijcere ?*

RESPONSIO. Euenit quidem importune dormire, cum languidior eft anima erga Deum, & memoriam Dei; & cum iudiciorum eius eam incefſit obliuio. Abijcere autem id possumus, cum dignam de eo affumpferimus cogitationem, & ad voluntatem eius extendimus defideria noſtra; ſecundum illum qui dixit: *Si dederò ſomnum oculis meis, & palpebris meis dormitationem, & requiem temporibus meis; uſque quo inueniam locum Domino, & tabernaculum Deo Iacob.*

*Pſal. 138.*

#### LVI INTERROGATIO.

*Quomodo quis ad gloriam Dei facit omnia ?*

RESPONSIO. Cum omnia propter Deum, vel ex mandato Dei facimus, & in nullo ſectamur hominum laudes, & in omnibus meminimus Domini dicentis: *Luceat lux veſtra coram hominibus, ut videant opera veſtra bona, & glorificent Patrem veſtrum, qui in calis reſt.*

*Mat. 5.*

#### LVII INTERROGATIO.

*Quomodo manducat quis & bibit in gloriam Dei ?*

RESPONSIO. Si in memoria ſemper habeat eum, a quo paſcitur, Deum: & ſi non ſolum anima, verum etiam corpore per ſingula conteſtetur, ſe ei gratias agere, & non ſecurum  
man-

manducare : sed quasi operarium Dei ab ipso refici, ad hoc, ut ad laborem, vel expletionem sufficiat mandatorum.

### LVIII INTERROGATIO.

*Quomodo faciat dextera, qua non cognoscat sinistra?*

RESPONSIO. Cum intenta mente, & fixo desiderio placendi Deo, agimus opera Dei, & omni sollicitudine constringimur, ne decidamus a via recta, & ab opere legitimo; tunc nullius prorsus extrinsecus, neque membri nostri alicuius percipimus cogitationem, nisi solius Dei, & eius operis quod explemus. Tanquam si artifex faciens vas aliquod, indefinenter & eius meminit, qui opus iniunxit; & vas quod versat in manibus, si recte & fabre veniat, intuetur.

### LIX INTERROGATIO.

*Quomodo apparebit is, qui hominibus vult placere?*

RESPONSIO. Cum præsentibus quidem ijs, qui laudare possunt, agit aliquid operis boni: nullo autem tali præsente, vel etiam ijs qui vituperare possunt, adstantibus, segnis & pigrior est in opere. Si enim Domino placere vellet, semper utique & in omni loco idem esset, atque eadem gereret: adimplens illud quod dictum est: *Per arma iustitiæ, a dextris & a sinistris, per gloriam, & ignobilitatem; per infamiam, & bonam famam; ut seductores, & veraces.* 2. Cor. 6.

### LX INTERROGATIO.

*Quomodo quis effugiet vitium hominibus placendi, vel captandi laudem ab hominibus?*

RESPONSIO. Si certus sit de præsentia Dei, & fixam habeat sollicitudinem Deo placendi; & multo desiderio teneatur earum beatitudinum, quæ a Domino repromissæ sunt. Non enim oportet sub præsentia Dei placere conseruis, ad iniuriam Domini, & ad sui perniciem; non Domino sed conseruorum nutibus intuentem.

IN-

## LXI INTERROGATIO.

*Quomodo intelligitur superbus? vel quomodo curatur?*

**R E S P O N S I O.** Intelligitur quidem ex eo, quoniam ea quæ eminentiora sunt quærit. Curatur autem, si credat sententiæ eius, qui dixit: *Deus superbis resistit*. Illud sane sciendum est, quod quomodo quis timeat damnationem superbiæ, impossibile est curari hoc vitium, nisi abstrahat se, & secedat ab omnibus occasionibus elationis: sicut impossibile est extingui linguæ alicuius vel gentis loquelam, vel artificium aliquod, nisi quis omni genere se penitus abstrahat, non solum ab agendo, vel loquendo, vel mouendo; sed etiam audiendo eos, qui loquuntur; vel videndo eos, qui agunt id, quod obliuisci cupit. Et hoc obseruandum est de omnibus vitijs.

## LXII INTERROGATIO.

*Quid est humilitas? & quomodo eandem implere possumus?*

**R E S P O N S I O.** Humilitas quidem est hæc, vt omnes *Phil. 2.* homines æstimemus superiores nobis, secundum definitionem Apostoli. Implere autem id possumus, si memores *Mat. 11.* fuerimus Domini dicentis: *Discite a me, quia mansuetus sum, & humilis corde*; quod in multis sæpe & ostendit & docuit. Et *Luc. 18.* credere debemus promittenti: *Quia qui se humiliauerit, exaltabitur*. Deinde, vt indefinenter & absque vlla cessatione in omnibus actibus, & in omni negotio humiliores ceteris inueniri studeamus, & in hoc exercitium nostrum ponamus. Vix enim sic poterimus pristinæ a nobis arrogantiae abolere memoriam, & affectum humilitatis assumere; sicut etiam in artificijs fieri solet. Idemque modus erit etiam in ceteris virtutibus obtinendis, quæ ex mandato Domini nostri Iesu Christi veniunt.

## LXIII INTERROGATIO.

*Si oportet honorem querere?*

**R E S P O N S I O.** Reddete quidem, cui honorem, honorem edocti sumus; requirere autem honorem prohibiti, Rom. 13.  
 Dominus dicente: *Quomodo potestis credere, gloriam quærentes ab-* Ioan. 5.  
*inui cem: & gloriam quæ est ab uno Deo, non queritis?* Itaque re-  
 quirere ab hominibus gloriam vel honorem, indicium est  
 infidelitatis, & alienos non esse a pietate Dei: maxime  
 cum & Apostolus dicat, *Si adhuc hominibus placere vellem,* Gal. 1.  
*Christi seruus non essem.* Si ergo hi, qui ab hominibus gloriam  
 vel honorem sibi oblatum suscipiunt, ita condemnantur: hi  
 qui nec oblatum quidem requirunt, quali iudicio digni sunt?

## LXIII INTERROGATIO.

*Quomodo inuicem obaudire debemus?*

**R E S P O N S I O.** Sicut serui dominis, secundum quod  
 præcipit Dominus: *Quia qui vult in vobis esse magnus, fiat om-* Mat. 20.  
*nium nonissimus, & omnium seruus.* Quibus addidit, *ut magis*  
*nos inclinet ad humilitatem: Sicut filius hominis non venit mi-*  
*nistrari, sed ministrare.* Sed & illud quod ab Apostolo dictum  
 est: *Per caritatem spiritus seruite inuicem.* Gal. 5.

## LXV INTERROGATIO.

*Usque ad quem modum obaudire oportet eum, qui placendi Deo*  
*implere regulam cupit?*

**R E S P O N S I O.** Apostolus ostendit, proponens nobis  
 obedientiam Domini: *Qui factus est, inquit, obediens usque* Phil. 2.  
*ad mortem, mortem autem crucis.* Et prædixit: *Hoc sentite in vo-*  
*bis, quod & in Christo Iesu.*

## LXVI INTERROGATIO.

*Qui piger est erga mandatum, quomodo potest inuicem*  
*& vigilans effici?*

**R E S P O N S I O.** Si certus sit, præsentiam Domini Dei  
 ubi-



Pro. 20. ubique esse, & omnia intueri: & comminationem illam, quæ aduersus pigrum prolata est, ante oculos habeat, & spem multæ retributionis Dei, qui repromisit per Paulum Apostolum dicens: *Quia unusquisque propriam mercedem accipiet secundum suum laborem*: & si qua similia in scripturis sanctis inueniuntur, quæ de labore patientiæ & operum solitudine ad Dei gloriam referuntur.

1. Cor. 3

## LXVII INTERROGATIO.

*Si quis non contentus est, quotidie sibi aliquid iniungi de his, quæ pro mandato Dei incidunt; sed artificium vult discere; quali vitio egrotat? aut si oportet ei acquiescere?*

RESPONSIO. Iste talis & præsumptor est, & sibi placens, & infidelis, qui non timet sententiam Domini dicentis. *Estote parati, quia hora qua non putatis, filius hominis veniet*. Si enim quotidie expectat quis Dominum, sollicitus est & trepidus, quomodo præsentem diem non transeat otiosus, & nihil amplius quærit. Si autem imperatur ei artificium discere, obedienciæ suæ habeat lucrum, & in hoc placeat Deo & non in eo quod sibi placet, assumat iudicium.

Luc. 12.

## LXVIII INTERROGATIO.

*Si quis industrius sit & promptus ad implenda mandata; agat autem, non quod ei iniungitur, sed quod ipse vult; quam mercedem habebit?*

RESPONSIO. Merces eius illa ipsa est, quod sibi placet. Cum autem Apostolus dicat: *Unusquisque vestrum proximo suo placeat in bono ad edificationem*. Et ut amplius inclinaret & constringeret audientes, addidit dicens: *Quia ipse Christus non sibi placuit*: scire debet unusquisque periculum suum esse in eo, quod vult sibi placere: simul enim inobediens inuenitur.

Rom. 15.

## LXIX INTERROGATIO.

*Si licet alicui excusare opus quod ei iniungitur,  
& aliud querere?*

**R E S P O N S I O.** Cum definitum sit, mensuram obedientiæ usque ad mortem esse, qui deuitat hoc quod ei iniungitur, & aliud quærit, primo omnium inobedientiæ reus est, & manifeste ostenditur, quia nondum negauit semetipsum. Deinde multorum malorum caussa efficitur tam sibi, quam etiam ceteris: quia aditum contradictionis pluribus aperit, & se ipsum ad contradicendum insuecit: & cum non possint singuli discernere quod melius est & eligere, potest fieri, si talis est licentia, vt aliquid quod deterius est eligat. Tum deinde etiam suspicionem dabit fratribus, quod passione aliqua, vel ad opus illud quod eligit, astringatur: vel certe erga eos, cum quibus necesse est operari. Itaque omni modo non obedire, multorum malorum caussa est & radix. Si autem ratio est aliqua, qua sibi recte excusare videatur opus illud quod excusat, exponat hanc ipsam causam huic qui præest, & relinquat eius iudicio: vt ipse probet, si excusatione dignum est quod allegat.

## LXX INTERROGATIO.

*Si iniunctum fuerit aliquid fratri, & contradixerit: postea autem sua sponte obedierit, quid est?*

**R E S P O N S I O.** In eo quod contradixit, quasi non obtemperans iudicandus est, & velut ceteros ad simile concilians malum. In quo sciat se illi sententiæ obnoxium, quæ dixit: *Contradições suscitât omnis malus: Dominus autem angelum immisericordem immittet ei.* Cum autem certus sit, quia non homini obtemperat, sed Domino dicenti: *Quia qui audit vos, me audit: & qui spernit vos, me spernit:* si compunctus est recordatione mandati, prius satisfaciat: & ita, si permittitur, quod iniunctum est impleat.

Ff

IN-

## LXXI INTERROGATIO.

*Si autem obediens quis murmure?*

**Phil. 2.** **R E S P O N S I O.** Apostolo dicente : Omnia facite sine ~~murmuratione~~ & ~~hastationibus~~ ; alienus sit a fratrum unitate qui murmurat , & opus eius abijciatur . Manifestum enim est , ille qui talis est , quia infidelitate agrotat , & certam salutis spei fiduciam non gerit .

## LXXII INTERROGATIO.

*Si frater fratrem contristauerit , quomodo debet emendari?*

**2. Cor. 7.** **R E S P O N S I O.** Si quidem contristauerit , sicut Apostolus dicit : Contristati enim estis , ~~ita in nullo detrimentum pateremini ex nobis~~ ; non ille qui contristauit emendari debet , sed ille qui contristatus est ; & indicia eius tristitiæ , quæ secundum Deum est , debet ostendere . Si vero indifferenter contristauit , id est , non secundum Deum , memor sit is , qui contristauit , Apostoli dicentis : **Rom. 14.** *Si autem propter escam frater tuus contristatur , iam non secundum caritatem ambulas .* Et cum cognouerit tale delictum esse suum , impleat illud quod a Domino dictum est : **Mat. 5.** *Si offeras munus tuum ad altare , & recordatus fueris ibi , quia frater tuus habet aliquid aduersus te ; relinque ibi munus tuum ante altare , & va de prius reconciliari fratri tuo ; & tunc veniens offeres munus tuum .*

## LXXIII INTERROGATIO.

*Quid si non acquiescat ut satisfaciatur , quid agendum est?*

**Mat. 18.** **R E S P O N S I O.** Implere debemus in eo illud , quod a Domino dictum est de eo qui peccauit , & non egit poenitentiam , cum dixit : *Si autem ecclesiam non audierit , sis tibi sicut gentilis & publicanus .*

IN-

## LXXIV INTERROGATIO.

*Quid si satisfaciente eo qui contristauit, noluerit reconciliari  
is qui contristatus est?*

RESPONSIO. Manifesta est de hoc Domini sententia, quæ refertur in illa parabola de seruo, qui rogatus est a seruo suo, & noluit patienter agere: *Et videntes, inquit, Mas. 18. serui renunciauerunt Domino suo.* Iratus autem Dominus reuocauit omnem gratiam quam concesserat debiti, & tradidit eum tortoribus, vsquequo redderet omne debitum.

## LXXV INTERROGATIO.

*Quomodo quis debet habere eum, qui ad orationem  
suscitat fratres?*

RESPONSIO. Si quis cognoscit damnum, quod de somno patitur, cum neque sui ipsius sensum habet; & intelligit quantum sit lucrum vigiliarum, & præcipue cum vigilatur ad glorificandum Deum in orationibus; ita debet habere eum, qui ad hoc se inuitat, & suscitatur dormientem, tanquam eum, per quem diuina lucra & cælestia dona consequitur; siue is ad orationem, siue ad aliud quodcunque mandatum Dei inuitat & prouocat.

## LXXVI INTERROGATIO.

*Quod si contristatur ille qui excitatur, aut etiam si erascitur,  
quid dignus est?*

RESPONSIO. Interim excommunicari debet, & non manducare; si forte compunctus agnoscat, quantis & qualibus bonis semetipsum insipienter defraudet, & ita conuersus recipiat gratiam; eius in se affectum fumens, qui dixit: *Memor fui Dei, & delectatus sum.* Quod si permanerit in stultitia, non intelligens gratiam, abscidatur tanquam putrefactum membrum a corpore. Scriptum est enim: *Quia Mas. 5. expedit ut pereat unum membrorum tuorum, & non omne corpus tuum mittatur in gehennam.* Psal. 76.

Ff 2

IN-

## LXXVII INTERROGATIO.

*Quid est, Nolite iudicare, ut non iudicemini : nolite condemnare, ut non condemnemini ?*

- R E S P O N S I O.** Cum Dominus aliquando dicat : *Nolite iudicare, ut non iudicemini :* aliquando vero : *Iustum iudicium iudicate :* non utique omni modo prohibet iudicandi facultatem : sed differentiam iudicij nosse nos docet , ut sciamus in quibus oporteat nos iudicare, & in quibus non . De hoc autem manifeste nobis Apostolus tradidit, dicens de his
- MAT. 7.** *caussis, quæ in vnus cuiusque arbitrio esse debent : Tu autem quare iudicas fratrem tuum ?* Et iterum : *Non ergo inuicem iudicemus .* In his vero actibus, qui aperte Deo non placent, notat eos qui non iudicant, & ipse suam sententiam
- IOAN. 9.** *prodit per hæc quæ dicit : Ego quidem sicut absens corpore , præfens autem spiritu , iam iudicavi tanquam præfens eum , qui hæc operatus est, in nomine Domini nostri Iesu Christi , congregatis vobis & meo spiritu , cum virtute Domini nostri Iesu Christi ; tradere huiusmodi hominem sathana in interitum carnis, ut spiritus saluus fiat in die Domini nostri Iesu Christi .* Si quid itaque in nostra potestate vel arbitrio positum & incertum est, non oportet de his iudicare fratrem, secundum hoc quod Aposto-
- ROM. 14.** *lus dicit, tanquam de his quæ ignorantur : Itaque nolite ante tempus quid iudicare, usquequo veniat Dominus, qui illustrabit occulta tenebrarum , & manifestabit consilia cordium .* Dei autem iudicia vindicare omnimodo necessarium est : ne forte & nos simili ira absorbeamur, si quid sciamus erga peccantes, & fileamus . Nisi forte quis eadem faciens, fiduciam non habeat arguendi, neque auctoritatem iudicandi fratrem,
- 1. COR. 13.** *Domino dicente : Eijce primum trabem de oculo tuo , & tunc videbis eijcere festucam de oculo fratris tui .*

IN-

## LXXVIII INTERROGATIO.

*Quomodo intelligitur quis, si zelo Dei moueatur aduersus peccantem fratrem, aut a propria iracundia?*

**R E S P O N S I O.** Si ad omne peccatum fratris patitur illud, quod scriptum est: *Consumpsit me zelus domus tua*, quoniam *obliti sunt verborum tuorum inimici mei*. Manifestus est enim & in hoc Dei zelus. Veruntamen etiam in his oportet prudenter omnia dispensari. Si ergo hunc affectum, etiam antea non habuit in animo suo, motus suos sciat magis ex passione, quam ex Deo descendere; & in nullo posse officium pietatis implere. Psal. 68.

## LXXIX INTERROGATIO.

*Dicunt quidam, quia impossibile est non irasci hominem.*

**R E S P O N S I O.** Sicut nec possibile est militi in conspectu sui regis irasci. Sed nec sic quidem habebit rationem hoc quod dicitur. Humanus enim vultus eiusdem formæ hominis ad hominem propter vnitatem naturæ, ubi cum sola sit dignitatis eminentia, tamen prohibet passionem; quanto magis Deus, quem certi sumus etiam cordi nostro præsentem, & omnes motus nostros inspicere? Cuius manifestum est quanta sit eminentia, etiam hoc ipso, quod scrutatur corda & renes, & videt motus animæ.

## LXXX INTERROGATIO.

*Si oportet ire quocumque, non commonito eo qui præest?*

**R E S P O N S I O.** Cum Dominus dicat: *Non enim veni ut a me faciam quidquam, sed ab illo, qui me misit*: quanto magis unusquisque nostrum sibi permittere nihil debet? Qui enim sua auctoritate aliquid agit, manifestissimæ superbix morbo detinetur, & subiectus est illi sententiæ, quæ dicit: *Quod in hominibus superbum est, abominatio est in conspectu Dei*. Sed in omnibus sua sponte vel auctoritate aliquid agere, culpabile est. Ioh. 5.  
Luc. 14.

IN-

## LXXXI INTERROGATIO.

*Si omnino volens litteras discere, vel lectioni vacare, indulgendum est?*

**R E S P O N S I O.** Apostolo dicente: *Ut non quæ vultis, ea faciatis: in omni negotio sua voluntate permittere vnumquemque agere, perniciosum est: sed oportet illud suscipere, quod ab his qui præsumunt iniungitur, etiamsi contra voluntatem sit eius, cui iniungitur: secundum Domini exemplum, dicentis: Pater, non mea voluntas, sed tua fiat.*

## LXXXII INTERROGATIO.

*Si licet unicuique vitare opus, quod grauius videtur?*

**R E S P O N S I O.** Qui fideliter & pure Deum diligit, & certus est de retributione Domini, nec sufficere sibi putat ea quæ iniunguntur: sed semper augmenta operis quærit, & maiora quam iniunguntur desiderat & exoptat, etiamsi supra vires videatur esse quod facit. Nec aliquando securus est, tanquam opere expleto: sed e contrario sollicitus est & anxius, tanquam qui nihil dignum præceptis euangelicis egerit: memor illius dominici sermonis dicentis: *Cum autem feceritis omnia quacunque præcipio vobis, tunc dicitis: Serui viles sumus: quod debuimus facere, fecimus. Sed & imitabimur Apostolum: cui cum mundus esset crucifixus, & ipse mundo, non erubescit dicere: Quia ego meipsum nondum aestimo apprehendere: vnam autem, ea quidem quæ retro sunt obliuiscens, ad ea autem, quæ ante me sunt, me extendens, secundum propositum sequor ad palmam supernæ vocationis Dei in Christo Iesu: Et qui cum haberet potestatem, ut Euangelium annuncians de Euangelio viueret: Magis in labore & fatione, inquit, nocte ac die operans vixi. Non quia non habemus potestatem: sed ut nos formam daremus vobis, ad imitandum nos: Quæ cum ita sint, quis ita stultus est vel infidelis, ut putet se maioribus quam debet oneribus prægruari, cum in hoc quod mensura poscit, nondum possit implere?*

IN-

## LXXIII INTERROGATIO.

*Quomodo quis promptus fiat etiam ad pericula propter mandatum Domini?*

**RESPONSIO.** Primo quidem, ut consideret quis; & *Phil. 2.*  
ipse Dominus obedivit Patri pro nobis usque ad mortem;  
& certus sit, quia mandatum Domini vita aeterna est, sicut *Iohan. 12.*  
scriptum est. Tunc deinde etiam, ut credat Domino di-  
centi: *Quia quicumque voluerit animam suam salvam facere, per- Iohan. 12.*  
det eam: qui autem perdidit animam suam propter me, & propter  
Evangelium, salvam faciet eam.

## LXXXIII INTERROGATIO.

*Cum qualis affectu obedire oportet ei, qui nos ad opus mandati cohortatur?*

**RESPONSIO.** Ea affectu, quo esuriens parvulus ma-  
trici obedit ad ubera imitanti: vel quo affectu omnis ho-  
mo suscipit ab aliquo ea, quae ad vitam pertinent, immo &  
si quid amplius: pro eo, quod multo est pretiosior futura  
vita, quam praesens: sicut & Dominus dixit: *Quia manda- Iohan. 12.*  
ta mea vita aeterna sunt. Sicut ergo praesens vita constat in ci-  
bo panis, ita aeterna vita constat in opere mandati: sicut ip-  
se Dominus iterum dicit: *Meus cibus est, ut faciam voluntatem Iohan. 4.*  
meam, qui me misit, Patris.

## LXXXV INTERROGATIO.

*Quali anima debet esse quis pro hoc ipso, quod dignus habitus est  
in opere Dei inveniri?*

**RESPONSIO.** Eo quod erat ille qui dicebat: *Quis ego 2. Reg. 7.*  
sum Domine? aut qua est domus patris mei? quoniam dilexisti me?  
Explens per singula id, quod scriptum est: *Gratias agentes Col. 1.*  
Deo Patri, qui idoneos nos fecit in partem sortis sanctorum in lumine;  
qui & liberauit nos de potestate tenebrarum, & transfudit in regnum  
filii claritatis suae.

IN-



## LXXXVI INTERROGATIO.

*Quomodo debent hi, qui processerunt in labore operis Dei, instruere  
vel instituere eos, qui nuper accedunt?*

**R E S P O N S I O.** Si quidem corpore adhuc vegeti sunt, per hoc quod impigre ad cuncta habilitatis officia semetip-  
 1. Cor. 13 *Caritas patiens est; & benigna est. non zelatur, non agit perperam, non inflatur, non dehonestatur, non querit quæ sua sunt, non irritatur, non cogitat malum, non gaudet super iniquitate, congaudet autem veritati: omnia suffert, omnia sperat, omnia patitur: caritas nunquam excidit. Hæc enim omnia etiam in infirmo corpore impleri possibile est.*

## LXXXVII INTERROGATIO.

*Si dicat quis: Volo apud vos parum aliquid temporis facere, ut  
proficiam ex vobis: si oportet eum suscipi?*

**R E S P O N S I O.** Domino pronunciante: *Quia venientem ad me non eijciam foras: & Apostolo nihilominus dicente:*  
 Gal. 2. *Propter subintroductos autem falsos fratres, qui subintroierunt explorare libertatem nostram, quam habemus in Christo Iesu: quibus nec ad horum cessamus subiectioni: ut veritas Euangelij permaneat apud vos: concedi quidem ei conuenit ingressum, propter incertos exitus rerum. Interdum enim potest fieri, ut per tempus proficiat, & delectetur sanctitate vitæ, & permaneat in coeptis: sicut & frequenter factum scimus. Sed & ut manifesta fiat veritas institutionum nostrarum, de quibus fortassis homines aliter opinantur. Oportet tamen circa eum cautius agi, & diligentius: ut siue in veritate permaneat, vel proficiat: siue institutionum nostrarum libertas explo-*  
 retur,

retur, probabilis inueniatur & pura. Ita namque & nos Deo placebimus; & ille, aut proficiet, si verax est; aut si simulator est, erubescet.

## LXXXVIII INTERROGATIO.

*Si quis supra vires vult abstinere, ita etiam, ut in opere mandatorum impediatur per nimietatem abstinentie; si oportet ei concedi?*

RESPONSIO. Interrogatio vestra non mihi videtur competenter adhibita. Non enim continentiam in cibis solum esse diximus: nam hæc ab Apostolo Paulo etiam culpabilis inuenitur, si non cum fide & ratione fiat, cum dicit: *Abstinentes se a cibis, quos Deus creauit.* Sed illam diximus esse perfectam continentiam, qua se quis a prioribus suis voluptatibus continet. Quantum autem habeat periculi, qui voluntatem propriam vult facere, & non Domini, certum est ex his, quæ Apostolus dicit: *Facientes voluntatem carnis & cogitationum, eramus natura filij iræ, sicut & ceteri.* 1. Tim. 4. Eph. 2.

## LXXXIX INTERROGATIO.

*Qui satis ieiunat, & in refectioe non potest communem cibum cum omnibus sumere; quid magis eligere debet, ieiunare cum fratribus, & cum ipsis reficere; aut propter maiora ieiunia alios cibos requirere?*

RESPONSIO. Ieiunij mensura non debet ex vnus-cuiusque voluntate pendere, sed ex iussu & institutione eorum, qui communiter Deo seruiunt: sicut & illorum in omnibus vnanimitas & consonantia refertur, qui in actibus Apostolorum, cor & animam vnā habuisse signantur. Si quis ergo rationabiliter & fideliter ieiunat, etiam virtutem, ut sustinere possit, a Domino consequitur: *Fidelis enim est, qui repromissit.* Act. 4. Heb. 10.

## XC INTERROGATIO.

Gg

Quo-

*Quomodo oportet ieiunare, cum necessarium ieiunium iniungitur: si aliquando aliquid quod religio deposcit, explendum est: tanquam ex necessitate, an voluntarie?*

Mat. 5.

**R E S P O N S I O.** Domino dicente: *Beati qui esuriunt & sitiunt iustitiam: omne quod ad religionem pertinet, nisi ex proposito & deuotione fiat, periculum generat. Debet ergo ieiunio sociari deuotio. Quia autem necessarium sit ieiunium in talibus quibusque causis, & maxime cum desideramus aliquid impetrare a Domino, etiam sanctus Apostolus docet, qui inter ceteras suas virtutes addidit etiam hoc, dicens: Quia in ieiunijs frequenter.*

2. Cor. 12

### XCI INTERROGATIO.

*Quia non vult ipsis cibis vesci, ex quibus fratres reficiuntur, sed alios requirit, si recte facit?*

Mat. 6.

**R E S P O N S I O.** Specialiter hoc ipsum, quærere cibum, est contra mandatum Domini, dicentis: *Nolite quærere quid manducetis, vel quid bibatis.* Et vt nos magis attentos faceret ad ea quæ dicebat, addidit: *Hæc enim gentes inquirunt. Sane debet sollicitudo eius esse qui præest, vt impleat illud quod scriptum est: Diuidebatur autem unicuique secundum id quod opus erat.*

Ab. 4.

### XCII INTERROGATIO.

*Qui dicit: quia lædit me hoc, & contristatur, si ei alius cibus non fuerit datus, qualis est?*

2. Mac. 6.

**R E S P O N S I O.** Apparet quia hic non est fixus in spe illa, quam Eleazarus habuit, nec de caritate eius, qui præest, & sollicitudinem tam sui quam omnium gerit, certus est. Veruntamen absolute neque de his quæ lædunt, neque de his quæ prosunt, permittitur unicuique iudicio suo vel voluntate aliquid agere; sed eius qui præest iudicio committendum est, vt unicuique, pro vt res vel necessitas expetit, consulat: primo omnium in his, quæ animæ prosunt;

sunt; tunc deinde secundo loco etiam, ut in corporalibus  
vsiibus secundum Dei voluntatem moderetur.

## XCIII INTERROGATIO.

*Si vero etiam quis murmure propter escam, quæ erga eum  
sententia seruabitur?*

RESPONSIO. Ea quæ circa illos, qui murmuraue-  
runt in deserto. Dicit cum Apostolus: *Ne murmuraueritis*, 1. Cor. 10  
*sicut quidam eorum murmurauerunt, & perierunt ab exterminatore.*

## XCIII INTERROGATIO.

*Si oportet eum qui plus laborat, requirere plus aliquid a consuetudine?*

RESPONSIO. Si propter retributionem Dei labo-  
rem suscipit, non hic requirere debet laboris sui merce-  
dem vel requiem, sed pro his ad promissa Domini festina-  
re: sciens, quia sicut pro laboribus mercedes parauit Do-  
minus, ita etiam pro angustijs consolationes. Veruntamen  
hi qui præsumunt, obseruabunt regulam illam, quæ dicit:  
*Diuidebatur unicuique prout opus eras.* Debent enim vnum. ad. 4.  
quemque præuenire, ut secundum laborem etiam solatia  
refectionis inueniat.

## XCV INTERROGATIO.

*Quali affectu oportet accipere vel vestimentum, vel calceamentum,  
qualecunque fuerit?*

RESPONSIO. Siquidem breue aut grande est, ad men-  
suram statux suæ hoc iudicare debet, sed cum omni vere-  
cundia & mansuetudine. Si vero pro abiectiori & viliori  
mouetur, aut quia non est nouum, meminerit mandati Do-  
mini, dicentis: *Quia dignus est*, non quicumque, sed operarius Luc. 10.  
*mercede sua.* Discutiat seipsum, si digne operatus est opera  
Dei, & adimpleuerit omnia, quæcunque præcepta sunt; &  
tunc non aliud requirer, sed de eo ipso quod ei datur, ad-  
huc erit sollicitus, quia super suum meritum accipit. Hoc

Gg 2                      enim

enim quod de esca dictum est, etiam de omni re, quæ ad  
usus corporis pertinet, eadem forma seruari potest.

### XCVI INTERROGATIO.

*Si quis iratus fuerit, nolens accipere aliquid eorum, quæ ad usum  
præbentur ?*

**R E S P O N S I O.** Iste talis dignus est, etiam ut si quærat  
non accipiat, usquequo probet is qui præest: & cum vi-  
derit vitium animi curatum, tunc etiam quod corporis usi-  
bus necessarium fuerit, præbebit.

### XCVII INTERROGATIO.

*Si necesse est omnes conuenire ad horam prandij, eum qui remanet,  
& post venit, quomodo transigimus ?*

**R E S P O N S I O.** Si quidem necessitate vel loci vel ope-  
ris remansit a communi ordine, qui præest probabit, &  
ignoscet. Si vero cum posset, non satis egit occurrere,  
fateatur culpam negligentiae suæ, & maneat sine cibo,  
usque ad illam horam, qua conuenitur ad cibum in po-  
sterum diem.

### XCVIII INTERROGATIO.

*Pauperes venientes ad ostium & petentes, quomodo dimitemus ?  
Et si debet unusquisque porrigere panem, vel quodcunque aliud ;  
aut oportet hoc ad eum qui præest, pertinere ?*

Mat. 15.

**R E S P O N S I O.** Cum Dominus dixerit: *Non est bonum  
tollere panem filiorum, & mittere canibus: sed & canes manducare  
de micis, quæ cadunt de mensa puerorum, libenter accipiunt:* is cui  
dispensatio iniuncta est, cum consideratione debet hoc fa-  
cere. Si quis autem præter illius voluntatem facere hoc  
præsumit, tanquam inquietus & indisciplinatus confunda-  
tur, usquequo discat loci sui ordinem custodire; secun-  
dum quod Apostolus dixit: *Vnusquisque in quo vocatus est,  
in eo permaneat.*

1. Cor. 7.

IN-

## XCIX INTERROGATIO.

*Si licet unicuique veterem suam tunicam aut calceamentum dare  
cui voluerit, misericordia causa propter mandatum?*

RESPONSIO. Dare aliquid mandati gratia, non est omnium, sed eorum quibus istud officium creditum est. Sic ergo ad quem pertinet dispensatio, siue nouum, siue vetus vestimentum ipse det, cui dari debet; & ipse suscipiat, a quo suscipi debet.

## C INTERROGATIO.

*Si frater iunior fuerit iussus docere aliquem seniore secundum  
aetatem, quomodo debet agere cum illo?*

RESPONSIO. Tanquam ministerium exhibens ad implendum mandatum Domini, cum omni reuerentia; timens illam sententiam, quæ dicit: *Maledictus qui facit opera* 1er. 48. *Dei negligenter*: Obseruet autem, ne elatus in iudicium incidat diaboli.

## CI INTERROGATIO.

*Si debent peregrini intrare usque ad illa loca ubi fratres operantur:  
vel etiam si alij de eodem monasterio debent relictis suis locis  
intrare ad alios?*

RESPONSIO. Præter illum cui creditum est requirere operantes, id est, ad quem opus pertinet & dispensatio, si quis inuentus fuerit hoc faciens, tanquam interturbans disciplinam & ordinem fratrum, a communi conuentu excludatur, & omnino etiam a licitis progressibus inhibeatur; & sedens in vno loco, in quo iudicauerit is qui præest, apto ad correptionem & vindictam, nusquam prius permittatur abscedere: sed vrgeatur in opus, multo plus quam consuetudo est; & quotidie exigatur, usquequo discat implere hoc, quod Apostolus dixit: *Vnusquisque in qua vocatio-* 1. Cor. 7. *ne vocatus est, in ea permaneat.*

IN-

## R E G V L A

## CII INTERROGATIO.

*Si oportet eos qui nouerunt artificia, suscipere ab aliquo opus absque conscientia vel iussione eius, qui praeest, & operum sollicitudinem gerit?*

R E S P O N S I O. Furti reus erit eiusmodi, vel similis eis, qui furibus concurrunt.

## CIII INTERROGATIO.

*Quomodo debent hi qui operantur, curam gerere ferramentorum, vel utensilium eorum, de quibus operantur?*

R E S P O N S I O. Primum quidem sicut vasis Dei, vel his quæ iam Deo consecrata sunt, uti debent. Deinde tanquam qui non possint sine ipsis deuotionis & studij sui emolumenta consequi.

## CIIII INTERROGATIO.

*Quid si per negligentiam pereat aliquid ex his, aut per contemptum dissipetur?*

R E S P O N S I O. Is quidem qui contemnit, velut sacrilegus iudicandus est; & qui perdidit per negligentiam, & ipse simile crimen incurrit: pro eo, quod omnia quæ ad usus seruorum Dei deputata sunt, Deo sine dubio consecrata sunt.

## CV INTERROGATIO.

*Quid si a seipso commodare voluerit alicui, aut accipere ab alio?*

R E S P O N S I O. Tanquam insolens & temerarius habendus est. Hæc enim eorum qui præsunt, & curam dispensationis gerunt, officia propria sunt.

## CVI INTERROGATIO.

*Quid si necessitas poscat, ut is qui praeest, requirat ab aliquo eorum vas vel ferramentum, & contradixerit?*

R E S P O N S I O. Qui seipsum & membra sua tradidit in alte-

alterius potestatem propter mandatum Domini, quomodo licebit ei de vtensilibus contradicere; huic præcipue, cui cura commissa est?

## CVII INTERROGATIO.

*Si is qui circa cellarium, vel coquinam, vel alia huiusmodi opera occupatus est, non occurrat adesse ordini psallentium vel ad orationem, nihil damni patitur in anima?*

RESPONSIO. Vnusquisque in opere suo obseruare debet propriam regulam, sicut membrum in corpore: & damnum habebit, si neglexerit in eo, quod iniunctum est ei; & de communi fratrum vtilitate negligens amplius periclitabitur. Et ideo tota mente & deuotione complere debet id, quod scriptum est: *Cantantes & psallentes in cordibus vestris Domino.* Si enim corporaliter non occurrat adesse cum ceteris ad orationis locum, in quocunque loco inuentus fuerit, quod deuotionis est expleat. Oportet tamen obseruare, ne forte possit quis implere in tempore suo quod complendum est, & occurrere: sed dum loqui vult, occasiones necit tanquam in ministerij opere occupatus. Quod qui facit, & offendiculum ceteris præstat, & ipse negligentis crimen incurrit.

## CVIII INTERROGATIO.

*Quomodo obtinebit quis, vt in oratione sensus eius non vagetur?*

RESPONSIO. Si certus sit assistere se ante oculos Dei. Si enim quis iudicem suum videns vel principem, & loquens cum eo, non sibi credit licitum esse vagari oculis, & aliorum aspicere, dum ipse loquitur; quanto magis qui accedit ad Dominum, nusquam debet mouere oculum cordis, sed intentus esse in eum, qui scrutatur renes & corda? vt impleat illud quod scriptum est: *Leuantes sanctas manus sine ira & disceptatione.*

IN-



## CIX. INTERROGATIO.

*Si possibile est obtinere hominem, ut in omni tempore & loco non  
vagetur mens sua? vel quomodo id fieri potest?*

RESPONSIO. Quia possibile est, ostendit ille qui di-  
xit: *Oculi mei semper ad Dominum.* Et iterum: *Prouid:bam*  
*Psalm. 34. Dominum in conspectu meo semper; quia a dextris est mihi ut non*  
*Psalm. 15. commouear.* Quomodo autem possibile sit, prædiximus; id  
est, si non demus animæ nostræ otium, sed in omni tempo-  
re de Deo, & de operibus ac de beneficijs eius, & de do-  
nis cogitemus: & hæc cum confessione, & gratiarum  
actione semper voluamus in mente, sicut scriptum est:  
*Psalm. 46. Psallite sapienter.*

## CX. INTERROGATIO.

*Et quid est, psallite sapienter?*

RESPONSIO. Quod est in omnibus cibis, gustu  
vnumquemque dinoscere cuius saporis sit, hoc est & in  
*Iob. 34. verbis sanctæ scripturæ prudentiæ sensus.* Fauces enim,  
inquit, *escas gustabunt, sensus autem verba discernit.* Si quis er-  
go ita animam suam intendant in singula verba psalmorum,  
sicut gustus intentus est ad discretionem saporis ciborum,  
iste est qui compleat hoc quod dicitur: *Psallite sapienter.*

## CXI. INTERROGATIO.

*Qua mensura debet temperare potestatem dispensationis sue is,  
cui cellarij cura commissa est?*

RESPONSIO. Erga eum quidem qui ei credidit hu-  
iuscemodi dispensationem, meminisse debet Domini di-  
*Ioan. 5. centis: Non possum ego a me ipso facere quicquam.* Ad ceteros  
vero solícite scire debet, quid unusquisque opus habeat,  
*Act. 4. ut compleat illud quod scriptum est: Diuidebatur autem*  
*unicuique prout opus erat.* Eadem autem ratio obseruari de-  
bet ab omnibus, quibuscunque aliqua ministerij vel dispen-  
sationis solícitudo commissa est.

IN-

## CXII INTERROGATIO.

*Que sententia obseruabitur erga dispensantem, si aliquid secundum personæ acceptionem, vel per contentionem faciat?*

**R E S P O N S I O.** Apostolo præcipiente, aliquando quidem: *Ne quid facias secundum fauorem, vel in alteram partem* 1. Tim. 5.  
declinando. Aliquando autem dicente: *Quia si quis videtur* 1. Cor. 11  
*contentiosus esse, nos talem consuetudinem non habemus, neque Ec-*  
*clesia Dei.* Si quis hoc facit, notetur, vsquequo corrigatur. Veruntamen oportet cum summa diligentia & probatione discutere & considerare, ad quam partem vnusquisque aptus sit vel oportunus: & ei iniungi quodcunque illud operis est vel officij; vt neque illi qui iniungunt ex hoc ipso condemnentur, quod non aptum alicui officium iniunxerint, & inueniantur mali dispensatores esse siue animarum, siue mandatorum Dei: neque illi ipsi quibus iniungitur, occasionem peccati ex hoc habere videantur.

## CXIII INTERROGATIO.

*Si autem neglexerit dare fratri quod opus est?*

**R E S P O N S I O.** Manifesta est de hoc sententia, ex ipsius Domini verbis, dicentis: *Discedite a me maledicti in ignem æternum, qui preparatus est diabolo & angelis eius. Esuriui enim, & non dedistis mihi manducare: sitiui, & non dedistis mihi bibere, & ea quæ sequuntur. Quia maledictus omnis, qui facit opera Do-* Mat. 25.  
*mini negligenter.* 1. Cor. 48.

## CXIIII INTERROGATIO.

*In profectibus mandatorum Dei vna est mensura omnium? An alius amplius, alius minus debet aliquid?*

**R E S P O N S I O.** Quia non sit vna mensura in omnibus, sed quia alij plus creditur, & alij minus, manifestum est ex ipsius Domini verbis, nunc quidem dicentis: *Aliud semen* Luc. 8.  
*cecidit super terram bonam: & hic est, qui audit verba mea & intelligit, & fructum affert; aliud centesimum, aliud sexagesimum,*  
H b aliud

*Mat. 25.* aliud vera trigesimum. Hoc idem autem etiam in his, qui dispensandam pecuniam susceperunt, inuenitur; cum dicitur; alij quidem data esse quinque talenta, alij duo alij unum.

### CXV INTERROGATIO.

*Si oportet aequaliter haberi eos qui plus proficiunt,  
& eos qui minus?*

*Luc. 7.* **R E S P O N S I O.** Illud obseruandum est in hoc, quod de remissione peccatorum Dominus statuit, dicens: *Remissa sunt ei peccata multa, quoniam dilexit multum.* Cui autem parum remittitur, parum diligit. Et iterum, quod de presbyteris *1. Tim. 5.* Apostolus statuit, dicens: *Qui bene praesunt presbyteri, duplici honore honorentur, maxime qui laborans in verbo & doctrina.* Hoc in omnibus huiusmodi causis obseruandum puto.

### CXVI INTERROGATIO.

*Quid si contristatur is qui minus honoratur, cum praeferrí sibi viderit eum, qui in timore Domini praecedit, quomodo eum habebimus?*

*Mat. 20.* **R E S P O N S I O.** Is qui talis est, certum est quia malignitatis vitio non caret, secundum Euangelij parabolam, in qua dicit Dominus ad eos qui contristati sunt, quia *Mat. 20.* *aequaliter cum ipsis honorati sunt alij: An, inquit, oculus tuus malus est, quia bonus sum?* Et manifesta est Domini sententia de his talibus, quae dicit per Prophetam: *Psal. 14.* *Ad nihilum deductus est in conspectu eius malignus; timentes autem Dominum magnificat.*

### CXVII INTERROGATIO.

*Anima post multa peccata & multas vite miseras, cum quali timore & qualibus lacrimis debet recedere a peccatis? & cum quali spe & affectu accedere ad Dominum debet?*

**R E S P O N S I O.** Primo quidem odisse debet illa priorem suam vitam notabilem, & ipsam memoriam eius perhor-

horrescere atque execrari. Scriptum est enim: *Iniquitatem* Psal. 118  
*odio habui & abominatus sum; legem autem tuam dilexi.* Deinde  
 ut maiorem timorem habeat, maximo utatur ignis æterni  
 metu & poenæ perpetuæ. Sed & lacrymarum tempus agno-  
 scat per poenitentiam, sicut Dauid docuit in sexto psalmo,  
 purgationem peccatorum fieri posse vbertate lacrima-  
 rum in sanguine Christi, per potentiam misericordiæ eius,  
 & per multitudinem miserationum Dei, qui dixit: *Quia si* Isa. 1.  
*fuerint peccata vestra sicut phoenicium, ut niuem dealbabo: si autem*  
*fuerint sicut coccus, ut lanam candidam efficiam.* Et post hæc re-  
 cepta virtute & facultate placendi Deo, dicit: *Conuertisti* Psal. 29.  
*placitum meum in gaudium; conscidisti saccum meum, & præcinxisti*  
*me lætitia, ut psallam te gloria mea.* Et ita accedens ad Dominum  
 psallat & dicat: *Exaltabo te Domine, quoniam suscepisti me; &* Ibid.  
*non delectasti inimicos meos super me.*

## CXVIII INTERROGATIO.

*Quoniam scriptum est: Redemptio animæ viri propriæ diuitiæ eius:*  
*nobis quibus non accidit dispargere pro animæ redemptione diuitias,*  
*quid faciemus?*

RESPONSIO. Siquidem voluimus, & non potuimus,  
 memores simus responsionis Domini ad Petrum, qui cum de  
 hac re esset sollicitus, & diceret: *Ecce nos dimisimus omnia, &* Mat. 19.  
*secuti sumus te: quid ergo erit nobis?* Respondit ei dicens: *Omnia*  
*qui reliquerit domum, aut fratres, aut sorores, aut patrem, aut ma-*  
*trē, aut uxorem, aut filios, aut agros propter me, & propter Evan-*  
*gelium, centuplum accipiet, & vitam æternam consequetur:* Quod  
 si per negligentiam accidit cuiquam omisisse diuitias, vel  
 nunc adhibeat propensius studium, ut ex opere manuum  
 largiens, neglectum resarciat pensum. Quod si ne nunc  
 quidem vel tempus nobis superest, vel virtus ad huiusce-  
 modi ministerium, consolatur nos Apostolus dicens: *Non* 2. Cor. 13.  
*quæro quæ vestra sint, sed vos.*

## CXIX INTERROGATIO.

**Luc. 12.** *Si quis audiens sermonem Domini, dicentis : Quia seruus qui cognouit voluntatem Domini sui, & non fecit secundum voluntatem eius, vapulabit multum : qui vero non cognouit, & non facit digna, plagis vapulabit paucis ; negligat & dissimulet scire voluntatem Domini, si habet aliquid excusationis ?*

**R E S P O N S I O.** Manifestus est, qui huiusmodi est, quia simulat ignorantiam, nec vlllo genere effugiet peccati sententiam. **Ioan. 15.** *Si enim non venissem, inquit Dominus, & locutus eis fuisset, peccatum non haberent : nunc vero excusationem non habent pro peccato suo.* Sic ergo sancta scriptura omnibus, & vbique voluntatem Dei denuntiat, vt non inter eos qui ignorant iste talis iudicetur, sed cum illis magis, de quibus scriptum **Psalm. 117.** *est : Quia sicut aspides surde obturantes aures suas, ne exaudiant vocem incantantium, & curentur medicamento, quod componitur a sapiente.* Veruntamen is qui præest, & verbi Dei ministerium exhibet, si neglexerit annuntiare vnicuique, & intimare **Ezech. 33.** *de singulis, velut homicida iudicabitur animarum, secundum scripturas.*

## CXX INTERROGATIO.

*Si is, qui facit voluntatem alicuius, etiam particeps eius est vel socius ?*

**R E S P O N S I O.** Si credimus Domino dicenti : **Ioan. 8.** *Quia qui facit peccatum, seruus est peccati : Et iterum : Vos ex patre diabolo estis, & desideria patris vestri facere vultis : Scimus, quia non solum socium & participem, sed dominum sibi ac principem ascribit eum, cuius opus facit.* Testatur autem de his & Apostolus, dicens : **Rom. 6.** *An nescitis, quia cui exhibuistis vos seruos ad obediendum, serui estis eius cui obedistis ; siue peccati in mortem, siue obedientie ad iustitiam ?*

## CXXI INTERROGATIO.

*Si is qui consentit alterius peccato, etiam ipse peccati reus est ?*

**R E S P O N S I O.** Hæc sententia est manifesta ex verbis  
Do-

Domini, quibus ait ad Pilatum dicens: *Qui tradidit me tibi, maior peccatum habet.* Manifestum namque est ex hoc, quia & Pilatus acquiescens his, qui tradiderunt Dominum, peccatum habeat; licet minus quam illi. Ostenditur autem hoc etiam in eo, quod Adam acquieuit Euxæ, vel consensit, quæ acquieuerat serpenti. Nullus enim ex ipsis aut innocens iudicatus est, aut impunitus abscessit. Sed & ipsa Dei indignatio, quæ aduersus eos habita est, hoc ipsum indicat. Cum enim Adam pro excusatione sua obijcisset: *Quia mulier quam dedisti mihi, ipsa mihi dedit, & manducaui.* Quia audisti, inquit Deus, *vocem mulieris tuæ, & manducaſti de ligno, de quo præceperam tibi, ne de eo manducares, maledicta terra erit in operibus tuis.*

## CXXII INTERROGATIO.

*Si oportet peccantibus fratribus filere & acquiescere?*

**R E S P O N S I O.** Quia non oportet, manifestum est ex ipsius Domini præceptis, quibus in veteri quidem testamento dicit: *Argue proximum tuum, & non assumes ex eo peccatum.* In Evangelio autem dicit: *Si peccauerit in te frater tuus, vade, & argue eum inter te & ipsum solum. Si audierit te, lucratus es fratrem tuum. Si vero non audierit te, assume adhuc tecum alium unum, aut duos; ut in ore duorum vel trium testium stet omne verbum. Si autem & ipsos non audierit, dic Ecclesiæ. Si vero nec Ecclesiam audierit, sit tibi sicut gentilis & publicanus.* Quantum autem sit crimen huius peccati, dinoscitur primum quidem ex sententia Domini, quæ dicit: *Qui incredulus filio fuerit, non habebit vitam æternam; sed ira Dei manet in eo.* Tunc deinde ex historijs, quæ vel in veteri, vel in nouo testamento referuntur. Nam Achor ille cum furatus esset regulam auream, super omnem populum facta est ira Dei. Et quidem populus peccatum, quod commiserat, ignorabat usquequo manifestatum est, & pertulit cum omni domo suam horrendum illum ac famosissimum interitum. Sed & Heli sacerdos, & quidem cum non siluisset peccantibus filiis,

- filij, qui erant filij pestilentiae, immo frequenter monens  
 1. Reg. 2. & castigans dixit: *Nolite filij: non bona ego audio de vobis, & cetera: qui cum peccatum argueret, & de Dei iudicio commoneret; tamen quoniam non vindicauit, neque digno zelo Dei aduersus eos motus est; in tantum iracundiam Dei prouocauit, vt etiam vniuersus populus pariter cum filijs suis extingueretur, & arca testamenti ab alienigenis raperetur: & ipse insuper omnibus subuersis miseranda morte corrueret. Quod si vel in populum ignorantem, de vnus peccato; vel in patrem, qui corripuerat & commonuerat filios pro peccato, tanta Dei iracundia incensa est; quid sperandum est de his, qui cognoscunt aliorum delicta, & reticent, nec qualemcunque adhibent correctionem? Quos vtique conueniret obseruare illud, quod*
2. Cor. 15 Apostolus ad Corinthios dicit: *Quare non potius luctum habuistis, vt tolleretur e medio vestrum, qui hoc opus fecit? & reliqua.* Vel illud: *Ecce enim hoc ipsum secundum Deum contristari, quantam operatum est in vobis sollicitudinem, sed excusationem, sed indignationem, sed timorem, sed desiderium, sed emulationem, sed vindictam?* Vnde & metuere debent, ne forte etiam nunc similem veteribus interitum sumant hi, qui similiter negligunt. Immo & tanto grauius, quanto spernere legem Christi perniciosius est, quam legem Moysis. Et his competit illud aptari, quod dixit: *Septies vindicatum est de Cain: de Lamech vero septuagies septies.*
2. Cor. 7. Gen. 2.

## CXXIII INTERROGATIO.

*Cur aliquoties anima, etiamsi non satis agat, sponte tamen quodam genere incidit ei dolor quidam cordis, & compunctio timoris Dei: aliquoties autem tanta securitas & negligentia animam tenet, vt etiamsi cogat se homo, non possit dolorem aliquem vel compunctionem cordis assumere?*

**R E S P O N S I O.** Huiusmodi quidem compunctio ex Dei dono venit, ad prouocandum desiderium; vt degustans ani-

anima dulcedinem huiusmodi compunctionis vel doloris, prouocetur & incitetur ad imitandum similem gratiam. Ostenditur enim, quia si datur etiam non satis agentibus, quanto magis dabitur & his, qui desiderant, & laborant semper esse in compunctione timoris Dei? & ut sint inexcusabiles, qui per negligentiam istam gratiam perdunt. Quod vero aliquoties compellimus nosmetipsos, & non possumus obtinere, indicatur ex hoc, quod in alio tempore multum negleximus. Non enim possibile est, ut is qui neque meditationibus, neque institutionibus diuinis seipsum iugiter exercuit, subito veniat ad orationem, & continuo obtineat, quod requirit. Sed ostenditur per hoc, huiusmodi animam alijs vitijs vel passionibus prægrauari, quorum dominatione ad ea quæ vult habere, non permittitur libertate uti: secundum illud quod & Apostolus tractat, dicens: *Quoniam ego carnalis sum, venundatus sub peccato. Non enim quod volo ago; sed quod odi, hoc facio. Et rursum: Nunc autem iam non ego operor illud, sed quod habitat in me peccat.* Quod & ipsum permittit Deus nobis pro nostra utilitate provenire: ut per hæc ipsa, quæ contra voluntatem anima patitur, corrigatur aliquando, & conuertatur ad eum, qui repleat in bonis desiderium eius, & releuet eam ab oneribus suis: & cognoscat tandem semetipsam, ac resipiscat: & intelligat, quod in laqueis diaboli capta detinetur. In quos sua quidem sponte incidit: sed iam quasi captiua, non quæ vult agit: sed quod odit, illud facit. Sed si conuertatur ad Dominum, qui liberet eam de corpore mortis huius, statim inueniet misericordiam: si integre & ex toto corde poeniteat.

## CX XIII INTERROGATIO.

*Quomodo quis dignus efficiatur, particeps fieri Spiritus sancti?*

RESPONSIO. Dominus noster Iesus Christus docuit nos, dicens: *Si diligitis me, mandata mea seruati; & ego rogabo.* 10m. 14.

Pa-



*Patrem meum, & alium paraclitum dabit vobis, Spiritum veritatis, quem hic mundus non potest accipere. Donec ergo non seruiamus mandata Domini; nec sumus tales, ut ipse de nobis testimonium ferat, dicens: Quia vos non estis de hoc mundo; Spiritus sancti participium habere non possumus.*

## CXXV INTERROGATIO.

*Qui sunt pauperes spiritu?*

**R E S P O N S I O.** Domino dicente, aliquando quidem:

- Ioan. 6. Quia verba, quae ego locutus sum vobis, spiritus & vita est. Ali-*  
*Ioan. 16. quando autem: Quia Spiritus sanctus vos docebit omnia, & com-*  
*monebit vos, quae dixi vobis. Non enim loquetur a se, sed omnia quae*  
*audiet, hac loquetur. Isti sunt pauperes spiritu, qui non alia,*  
*aliqua causa pauperes sunt, nisi propter doctrinam Do-*  
*Mat. 19. mini, dicentis: Vade, vende omnia quae habes, & da pauperibus.*  
*Si autem etiam quis quacunq; ex causa impositam sibi*  
*paupertatem secundum voluntatem Domini dispenset, &*  
*Luc. 6. ferat, sicut ille Lazarus, etiam iste a beatitudine non erit alie-*  
*Mat. 6. nus, Domino praecipiente: Nolite esse solliciti quid manducetis,*  
*vel quid bibatis, vel quid induamini.*

## CXXVI INTERROGATIO.

*Vsque ad quem modum est observatio mandati? vel quomodo*  
*adimpleri potest?*

**R E S P O N S I O.** Mandati quidem observatio est vsque ad mortem; quia & Dominus obediens est factus vsque ad mortem: adimpleri autem potest per hoc, quod habet unusquisque desiderium & amorem Dei. Dominus enim cum exclusisset sollicitudinem seculi, coniungit statim promissionis spem, dicens: *Scit enim pater vester, quibus opus habetis, antequam petatis. Sed & Apostolus dicit: Quia nos ipsi in nobis ipsis responsum mortis habemus, ut non simus fidentes in nobis, sed in Deo, qui suscitatur mortuos. Secundum propositum ergo nostrum, & animae praeparationem, quotidie morimur.*  
volun-

*Luc. 12.*

*2. Cor. 1.*

voluntate autem Dei reservamur. Propter quod & Apostolus cum omni fiducia dicebat: *Vt morientes, & ecce vivimus.* 1 Cor. 6. Iuat autem huiusmodi propositum etiam circa mandata Dei, ardentior animus & desiderium insatiabile: quo qui constringitur, non habebit otium nec tempus occupari erga corporales usus vel actus.

## CXXVII INTERROGATIO.

*Si ergo neque sollicitudinem habere oportet de necessarijs vsibus ad vitam; & aliud est praeceptum Domini dicentis: Operamini cibum, qui non perit: superfluum est manibus operari?* Ioan. 6.

RESPONSIO. Ipse Dominus in alio loco praeceptum suum explanavit. Nam ibi quidem dixit, non oportere requiri aliquid ad vitam, cum dicit: *Nolite quarere quid manducetis, aut quid bibatis: hæc enim omnia gentes huius mundi requirunt: & addidit: Quærite autem regnum Dei, & iustitiam eius.* Mat. 6. Et quomodo oporteat quari, indicavit: cum enim dixisset: *Nolite operari cibum qui perit: addidit: Sed eum qui permanet in vitam æternam.* Ioan. 6. Et quid hoc esset ipse in alio loco ostendit, dicens: *Meus cibus est, ut faciam voluntatem eius, qui misit me, Patris.* Ioan. 4. Voluntas autem Patris est, esurientibus cibum dare, sitientibus potum; nudos operire, & cetera huiusmodi. Tum deinde necessarium est & Apostolum imitari, dicentem: *Omnia ostendi vobis, quia oportet nos laborantes suscipere infirmos.* Act. 20. Et cum iterum doceat: *Magis autem laboret unusquisque, manibus suis operans quod bonum est, ut possit impertire necessitatem patientibus.* Ep. 4. Cum ergo hæc ita nobis vel Dominus in Euangelio, vel Apostolus tradat, manifestum est, quia pro nobis ipsis solliciti quidem esse non debemus, neque laborare; sed propter mandatum Domini, & propter necessitatem proximorum solliciti esse debemus, & operari attentius: & maxime quia Dominus in seipsum recipit ea, quæ in servos eius fecerimus; & regnum cælorum pro huiusmodi promittit obsequijs.

## CXXVIII INTERROGATIO.

*Si quis in corde suo cogitat de cibis, tunc deinde notet seipsum & arguatur: si & hic quasi cogitans de talibus iudicandus sit?*

**RESPONSIO.** Siquidem non id temporis est, quo naturaliter requirere cibos famis necessitate commonemur, manifestum est, id esse vagæ mentis indicium, & animæ erga præsentia affectum gerentis, & erga voluntatem Dei delictis & remissæ: proximam tamen habet Dei misericordiam, & pro hoc ipso, quod seipsum arguit & notauit, nota criminis exoluitur; si tamen seruet de cetero cogitationum lapsus, memor Dominici sermonis, quo ait: *Ecce sanus factus es, iam noli peccare, ne quid tibi deterius fiat.* Si autem id temporis sit, quo naturaliter de cibis appetendis commonemur; mens autem in melioribus occupata, inferiora spernit & despicit, non recordatio ciborum notabilis, sed contemptus laudabilis inuenitur.

## CXXVIII INTERROGATIO.

*Si licet nocturnam tunicam habere alteram, vel cilicinam, vel aliam quamlibet?*

**RESPONSIO.** Cilicij quidem usus habet proprium tempus. non enim propter usum corporis, sed propter afflictionem eius inuentum est huiuscemodi indumentum, & pro humilitate animæ. Cum autem duas tunicas habere prohibeat sermo diuinus, quomodo potest hoc suscipi, nisi ad eos usus, quos superius diximus?

## CXXIX INTERROGATIO.

*Si licet ei qui ministrat, maiore voce, id est, cum clamore loqui?*

**RESPONSIO.** Vocis mensuram definit audiendi modus. Si ergo breuior fuerit & compressior vox, quam res poscit, prope est ut murmur potius vel susurratio videatur, quam sermo. Si vero maior sit quam res requirit, cum possit audire ille cui loquitur, iam non erit vox, sed clamor quod

quod est notabile: nisi forte grauior sit auditus eius cui loquimur, & necessitas nos cogat ad clamandum. Propter ea & de Domino scriptum est: *Quia Iesus clamabat dicens: Ioan. 12. Si quis credit in me, non credit in me, sed in eum qui me misit.* Clamare enim dicitur pro his, quorum interior auditus surdus & obturatus erat.

## CXXXI INTERROGATIO.

*Si quis die suo, quo ministrat in coquina, laborauerit supra vires, ita ut impediatur, & non possit etiam reliquis diebus exercere opus suum, si oportet imperari ei huiusmodi officium?*

RESPONSIO. Iam supra diximus, quia is cui iniuncta est operum cura, & qui præest, considerantius obseruare debet vniuscuiusque vel vires vel possibilitatem; & prout quis aptus est, ita etiam opus iniungere: ne audiat ipse & id quod scriptum est: *Qui fingit laborem in præcepto. Ille Psal. 93. tamen cui iniungitur, contradicere non debet; quia obedientia vsque ad mortem seruari definita est.*

## CXXXII INTERROGATIO.

*Et ille cui lana credita est, quomodo debet habere hanc curam; & quomodo obseruare eas, quæ operantur?*

RESPONSIO. Lanam quidem, tanquam opus Dei sibi commissum: sorores autem, ut absque vlla contentione, vel personarum acceptione vnicuique sorori opus apte & competenter iniungat.

## CXXXIII INTERROGATIO.

*Si quis condemnatus est, ut eulogiam non accipiat, & dicit: Quia si non accepero eulogiam, non manduco: si debemus audire eum?*

RESPONSIO. Si quidem tanti modi est culpa, pro qua condemnatus est, ut dignum sit etiam cibo eum vetari, probet ille qui præest. Si autem a sola benedictione aliquis absens est, & indulgetur ei cibus; condemnatus autem &

Ii 2 inno-

inobediens est, etiam in hoc contentiosi notam suscipere debet, & cognoscere, quia per hoc non curat culpam, sed multiplicat delictum.

### CXXXIII INTERROGATIO.

*Quali timore, fide, vel affectu percipere debemus corporis  
& sanguinis Christi gratiam?*

- R E S P O N S I O.** Timorem quidem docet nos Aposto-  
 1. Cor. 11 lus, dicens: *Qui manducat & bibit indigne, iudicium sibi mandu-*  
 cat & bibit. Fidem vero docet nos sermo Domini, dicens:  
 Mat. 26. *Hoc est corpus meum, quod pro multis datur: hoc facite in meam*  
 Ioan. 1. *commemorationem.* Et sermo Ioannis dicentis: *Quia verbum*  
*caro factum est, & habitauit in nobis, & vidimus gloriam eius, glo-*  
*riam quasi unigeniti a patre, plenum gratia & veritatis.* Sed &  
 Phil. 2. Apostolus scribens: *Qui cum in forma Dei esset, non rapinam*  
*arbitratus est esse se aequalem Deo; sed semetipsum exinaniuit, for-*  
*mam seruus accipiens, in similitudine hominum factus, & habitu re-*  
*pertus ut homo, humiliavit semetipsum, factus obediens usque ad mor-*  
*tem, mortem autem crucis.* Cum ergo anima fidem habet his  
 dictis, & considerat magnificentiam gloriæ eius, & admira-  
 tur nimietatem humilitatis, quomodo tantus & talis obe-  
 diens fuit Patri usque ad mortem pro vita nostra; puto quia  
 prouocari possit ad affectum & dilectionem, & ipsius Dei  
 Patris, qui unico filio non perpercit, sed pro nobis omni-  
 bus tradidit eum: & ad amorem unigeniti eius eo amplius  
 prouocabitur, qui eum videat mortem turpissimam pro no-  
 stra redemptione tolerasse. Sicut & Apostolus de eo dice-  
 bat: *Quia caritas Christi constringet nos, iudicantes hoc quod si unus*  
 2. Cor. 9. *pro omnibus mortuus est, ergo omnes mortui sunt, & pro omnibus*  
*mortuus est; ut qui uiuit, iam non sibi uiuat, sed ei qui pro ipsis mor-*  
*tuus est, & resurrexit.* Talem ergo affectum vel fidem præpa-  
 rare debet in animo suo is, qui de pane & calice percipit.

## CXXXV. INTERROGATIO.

*Quis est bonus thesaurus, & quis est malus?*

RESPONSIO. Prudentia quidem & sensus qui in Christo est, & virtus animi, quæ ad Dei gloriam pertinet, thesaurus bonus est. Prudentia autem & sensus malitiæ, & in his sapere, quæ Deus fieri non vult, thesaurus est malus: ex quibus proferuntur, secundum Dei vocem, suo quoque tempore utrique fructus vel boni vel mali, in operibus & verbis. Luc. 6.

## CXXXVI. INTERROGATIO.

*Si bonum est penitus tacere?*

RESPONSIO. Silentium & taciturnitas tunc bonum est, cum vel ad personas vel ad tempus aptatur, sicut a sacra scriptura edocemur, quæ dicit, aliquando quidem: *Quia qui intelligit, in illo tempore tacebit; quia tempus malum est.* Amos. 5. Aliquando autem: *Posui ori meo custodiam, dum confisteret peccator aduersum me. Obmutui & humiliatus sum, & filii a bonis.* Psalm. 38. Et alibi: *Quod si alij sedenti reuelatum fuerit, prior taceat.* 1. Cor. 14 Et iterum: *Mulier, in Ecclesijs taceant.* Sed & alio tempore his, qui incommensurabilem linguam habent, dicitur: *Omnis sermo malus de ore tuo non procedat: sed si quis bonus ad edificationem fidei.* Eph. 4. Necēssaria vero est taciturnitas, usquequo vitia si qua illa sunt linguæ, vel sermonum temeritas relecetur, & discat oportune & in tempore utiliter loqui: ut sicut scriptum est: *Sermo eorum sale conditus sit, ut det gratiam audientibus.* Col. 3.

## CXXXVII. INTERROGATIO.

*Si oportet tempore orationum vel psalmorum loqui aliquem in domo?*

RESPONSIO. Præter eos qui ministerij sollicitudinem gerunt, vel eos, quibus disciplinæ cura commissa est vel dispensationis operum; qui & ipsi tamen considerantius agere debent, ut quantum necessitas exigit, hoc solum loquantur, & hoc ipsum cum quiete & honestate, ne inturbent,

bent, aut offendiculum faciant: ceteris cunctis silentium habere conuenit. Si enim prophetis in ecclesia docentibus  
 1. Cor. 14. Apostolus dicit: *Quia si alij sedenti reuelatum fuerit, prior taceat:* quanto magis in tempore psalmorum vel orationum tacere & silentium agere cunctis conuenit; nisi quem forte, vt superius diximus, communis prouidentiae causa aliquid proloqui cogit.

## CXXXVIII INTERROGATIO.

*Quomodo possumus timere iudicia Dei?*

R E S P O N S I O. Naturaliter expectatio omnis mali timorem incutit. Ita namque bestias etiam timemus & principes; scientes imminere ex eis aliquid, quod ad vitae exitium pertinet. Si ergo credamus, quia veræ sunt comminationes futuri iudicij Dei, & recordemur terribile illud futuri examinis tribunal, timebimus iudicia Dei.

## CXXXVIII INTERROGATIO.

*Quomodo lata est porta, & spatiosa via, quæ ducit ad mortem?*

Mat. 7.

R E S P O N S I O. Dominus pro multa sua clementia & nominibus & verbis his vtitur, quibus possit nobis in notitiam adducere dogmata veritatis. Sicut ego ij qui ambulat in via, si a recto itinere declinent, quod certis lineis & manifesto calle concluditur, spatia multa & vaga incedunt; ita ergo & is, qui excefferit de via, quæ ducit ad regnum cælorum, multam latitudinem incurrit erroris, per quam ad perditionem peruenitur.

## CXL INTERROGATIO.

*Quomodo angusta porta, & arcta via est, quæ ducit ad vitam?*

R E S P O N S I O. Et hic similiter angustum & arctum hoc indicat, quia via hæc, id est vita nostra, angustatur & coarctatur in tribulationibus. Constringimur enim ex vtraque parte nos qui iter agimus, ne prorsus in aliud aliquod declinemus.

nemus. Periculum enim est, in vtramlibet partem declinare: sicut in exigui pontis transitu, vbi ex vtraque parte eum, qui forte declinauerit, conciti vnda fluminis rapit & aufert. Propterea ergo scriptum est: *Ne declinaueris in dextram neque in sinistram.* Et Dauid ait: *Iuxta semitam scandalum posuerunt mihi.* Nm. 20. Psal. 139.

## CXLI INTERROGATIO.

*Auaritia vsque ad quem modum definitur?*

RESPONSIO. Cum transgressus quis fuerit modum legis statutum. Quod designatur, secundum vetus quidem testamentum, in eo, si quis plus se diligit; vel plus in pecunia vel necessarijs de se sit sollicitus, quam de proximo. Scriptum est enim: *Diliges proximum tuum sicut te ipsum.* Secundum Evangelium vero, si quis plus sollicitus sit quam de presenti die, sui videlicet caussa vel corporis; iste sine dubio audiet: *Stulte, hac nocte repetent abs te animam tuam; & quae praeparasti, cuius erunt?* Quibus addidit Dominus dicens: *Ita erit & in qui sibi thesaurizat, & non est in Domino diues.* Lec. 19. Luc. 12.

## CXLII INTERROGATIO.

*Quid est, perperam agere?*

RESPONSIO. Quicquid non propter vsus necessarios, sed vel ornatus caussa vel decoris alicuius fit, hoc est perperam agere.

## CXLIII INTERROGATIO.

*Quis est, qui ab Apostolo dicitur, habitus ordinatus?*

RESPONSIO. Is qui secundum propositum vnus cuiusque honestus est vsus, vel secundum locum, vel secundum tempus, vel secundum personam. Non idem vsus esse potest in tempore hiemis, & in tempore aestatis: neque idem habitus est operantis & quiescentis; nec militis idem est & priuati; neque viri idem qui mulieris.

IN-



## CXLIII INTERROGATIO.

*Si quis pretiosas vestes abijciat, ipsa autem indumenta viliora quibus utitur, vel calceamenta, ita composita utatur, ut studiat decorem inde aliquem capere: si peccat, aut vitio aliquo id facere putandus est?*

RESPONSIO. Qui vult per decorem habitus placere hominibus, manifestum est eum huius ipsius vitij ægritudine laborare, id est, hominibus placendi; & certum est mentem eius a Deo longius euagari. Sed & hoc ipsum est vitium, perperam agere, cum indumentis vel calceamentis, non vsus causa utitur, sed decoris.

## CXLV INTERROGATIO.

*Qui est Raca?*

MAK. 5. 22. RESPONSIO. Prouincialis, id est, gentilis illius sermo est velut conuitij lenioris, quod domesticis & his, quorum fiduciam quis gerit, dici solet.

## CXLVI INTERROGATIO.

Gal. 6. *Quid est quod dicit Apostolus: Non efficiamur inanis gloriæ cupidi. Et iterum: Non ad oculum seruientes, quasi hominibus placentes: quis est inanis gloriæ cupidus, & quis est hominibus placens?*

RESPONSIO. Puto quod inanis gloriæ cupidus est, qui propter solam gloriam seculi, id est, propter eos, qui vident & audiunt de se aliquid, quod vel laudari possit, vel admirari, facit aliquid vel dicit. Hominibus autem placens ille est, qui voluntate alicuius hominis, ut placeat ei, facit aliquid vel dicit; etiam si indignum sit & iniuriosum hoc ipsum quod facit.

## CXLVII INTERROGATIO.

*Quid est inquinamentum carnis, & inquinamentum spiritus? Et quomodo ab his emundari possumus? Et quæ est sanctificatio: & quomodo possumus eam obtinere?*

2. Cor. 7. RESPONSIO. Inquinamentum carnis est, commisceri cum

cum his qui illicita & nefanda committunt. Spiritus autem inquinamentum est, cum indifferenter habemus commisceri eis, qui de fide impie sentiunt. Emundamur autem ab his, cum implemus illud quod Apostolus dicit: *Cum eiusmodi nec cibum sumere: & quæcunque his similia statuit.* Vel certe cum illud patimur in corde nostro, quod ait David: *Tristitia tenuit me a peccatoribus derelinquentibus legem tuam.* Vel cum ostenderimus talem nostram tristitiam, qualem Corinthij ostenderunt, cum obiurgati sunt a Paulo; cum erga eum qui peccauerat, indiscrete egerunt, cum dicit: *In omnibus exhibuistis vos castos esse negotio.* Sanctificatio autem est, adhærere Deo ex integro, & sine aliqua intermissione in omni tempore sollicitum esse, & studium gerere placendi ei. Quoniam quidem neque pollutum aliquid in donis Dei offerri potest, vel sanctificari; neque rursus quod semel oblatum est Deo & sanctificatum, ad communem humani ministerij vsum adduci potest; alioquin & sacrilegum erit & impium.

## CXLVIII INTERROGATIO.

*Quis est mundus corde?*

RESPONSIO. Qui seipsum non reprehendit; quia vel præuaricatus sit mandatum Dei, vel contempserit, vel neglexerit.

## CXLIX INTERROGATIO.

*Quomodo potest aliquis odium habere aduersus peccatum?*

RESPONSIO. Si semper ex ijs, quæ tristem & infausum finem habent, odium nascitur hominibus aduersus eos, qui causa sibi huiusmodi negotij extiterunt. Si quis ergo certus sit, quantorum & qualium malorum causa nobis sunt peccata, sponte & sine vlla comminatione ex intimo affectu odium ei aduersus ea nascitur; sicut ostendit ille qui dicebat: *Iniquitatem odio habui & abominatus sum.*

*Psal. 118*

Kk

IN-

## CL INTERROGATIO.

*Quomodo potest aliquis ex animo & ex affectu facere mandata Domini?*

RESPONSIO. Naturaliter delectamur his, quæ bona sunt & profunt. Si ergo credimus de his, quæ promissa sunt, ex eo ipso quod speramus, inseritur animæ nostræ affectus & desiderium, ad explenda ea, quibus id consequi possimus, quod desideramus. Si quis ergo odio habuerit & execratus fuerit iniquitatem, & emundauerit se ab omni peccato: ex quo, sicut corpus a languore delectationem non habet cibi, ita & anima a peccati morbo non habet desiderium erga mandata Dei. Si recordetur, quia mandatum Dei vita æterna est, & omnibus, qui custodiunt illud, permanet adimpletio promissorum, potest per hæc nasci animæ affectus ille, de quo Dauid dixit: *Iudicia Dei vera, iustificata in semetipsa, & desiderabilia supra aurum & lapidem pretiosum nimis; & dulciora supra mel & saccharum. Nam & seruus tuus custodit ea; in custodiendo illa retributio multa.*

## CLI INTERROGATIO.

*Quæ est mensura in caritate Dei?*

RESPONSIO. Vt supra vires semper quis extendat animam suam ad voluntatem Dei, prospiciens & desiderans ea, quæ ad gloriam Dei pertinent.

## CLII INTERROGATIO.

*Quomodo quis obtineat, ut possit in se habere caritatem Dei?*

RESPONSIO. Si grati & fideles existamus erga beneficia eius: quod etiam in mutis animalibus fieri videmus. Nam & canes interdum diligunt eos, qui sibi cibum præbent. Sed & Esaias propheta hoc docet, cum arguit ingratam gentem, & dicit in persona Domini: *Filios genui, & exaltaui: ipsi autem me spreuerunt. Agnouit bos possessorem suum, & asinus præsepium Domini sui: Israel vero me non cognouit, & popu-*

*populus meus me non intellexit*. Sicut enim boui & asino, pro eo beneficio quo pascitur, dilectio spontanea nascitur erga pastorem; ita etiam nos, si gratanter & fideliter beneficia Dei suscipiamus, sine dubio diligimus beneficiorum præbitorem Deum; & absque vlla doctrina, naturali quodam instinctu, in eius concitatur affectum, si tamen sanitas animæ præsto sit.

## CLIII INTERROGATIO.

*Quæ sunt indicia, esse in nobis caritatem Dei?*

RESPONSIO. Quæ Dominus docuit, dicens: *Si diligitis me, mandata mea seruare.* Ioan. 14.

## CLIV INTERROGATIO.

*Quid est, seipsum diligere? vel quomodo vitium suum cognoscit, qui seipsum diligit?*

RESPONSIO. Multa abusive dicuntur, sicut & illud: *Qui amat animam suam, perdet eam: & qui odit animam suam in hoc mundo, in vitam æternam seruabit eam.* Ioan. 12. Philautus ergo græcedicitur, qui seipsum diligit. Intelligi autem potest is, qui talis est, hoc modo: si ea quæ facit, pro semetipso facit; etiam si videantur secundum mandatum Dei esse, quæ facit. Qui enim pro sua requie patitur aliquid deesse necessitati vel vñibus fratris, siue eorum quæ ad animam necessaria sunt, siue quæ ad corpus, manifeste Philautus, id est, seipsum diligensprehenditur: cuius vitij finis, interitus est.

## CLV INTERROGATIO.

*Quomodo apparet qui diligit fratrem secundum mandatum Domini; & quomodo arguitur qui non diligit?*

RESPONSIO. Caritatis duo ista præcipua signa sunt, cum contristamur & grauer ferimus in ijs, in quibus læditur ille quem diligimus: & cum vel satis agimus, vt non fiant; vel gaudemus, si prouenerint aliqua, in quibus vtilitas

Kk 2 vel

- Mat. 5.* vel profectus est eius qui diligitur. Beatus ergo est, qui luge-  
get super eum qui delinquit, cuius videt vitæ imminere  
periculum: & gaudet pro eo qui proficit, & lucrum suum  
deputat profectum proximi sui. Contestatur autem hocip-  
sum Apostolus Paulus, dicens: *Si patitur unum membrum*,  
*1. Cor. 12.* *compatiuntur omnia membra*: quod utique secundum rationem  
caritatis Christi dicebat: *& si glorificatur unum membrum*,  
*congaudent omnia membra*. Qui autem talem non habet affe-  
ctum erga fratrem, certum est, quod non secundum carita-  
tem Dei diligit proximum suum. Qui autem non diligit,  
*1. Tim. 3.* in eo arguitur, quod Ioannes ait: *Qui non diligit, manet in mor-*  
*te*. Et iterum: *Qui habuerit substantiam huius mundi, & viderit*  
*ibid.* *fratrem suum necessitatem pati, & clauferit viscera sua ab eo, quomodo*  
*caritas Dei manet in illo?*

## CLVI INTERROGATIO.

*Qui sunt inimici, quos diligere iubemur? & quomodo diligimus ini-*  
*micos nostros; præstantes eis beneficia tantammodo, aut etiam affectum*  
*eis exhibentes? & si hoc possibile est fieri?*

- R E S P O N S I O.** Inimici proprium est, lædere & infidia-  
ri: & ideo omnis qui quomodocunque lædit aliquem, ini-  
micus dicitur: maxime autem hi qui peccant. Isti enim,  
quod in se est, lædunt diuersis modis, & insidiantur vel his  
qui vident, vel his qui simul viuunt. Et quoniam ex corpo-  
re & anima constat homo, secundum animam quidem dili-  
gamus, arguentes, & commonentes, & omni modo ad con-  
uersionem eos prouocantes. Secundum corpus vero  
præstemus eis beneficia & misericordiam: & si indigent,  
victum: quoniam nemo dubitat, quin caritas in affectu sit.  
Quod autem possibile sit, docuit Dominus, per caritatem  
*Phil. 2.* Dei Patris, & per suam obedientiam vsque ad mortem:  
quam utique pro inimicis adhuc & impijs nobis sustinuit,  
*Rom 5.* sicut & Apostolus testatur, dicens: *Commendat autem Deus*  
*suam caritatem in nobis, quia cum adhuc peccatores essemus, Christus*  
*pro*

*pro nobis mortuus est. Sed & nos ad hoc ipsum cohortatur, dicens: Estate ergo imitatores Dei, sicut filij carissimi; & ambulate in dilectione, sicut & Christus dilexit nos, & semetipsum tradidit pro nobis hostiam & oblationem Deo. Nunquam autem præciperet hoc iustus & clemens Dominus, nisi utique etiam possibilitatem nobis donasset. Inesse enim hoc naturæ nostræ ostenditur, cum etiam bestiis vel animalibus erga eos, qui sibi beneficij aliquid præstiterunt, inest naturalis affectus. Quis autem tantum beneficij amicis præstat, quantum inimicus? cum nobis causa beatitudinis efficiatur illius, de qua dicit Dominus: Beati estis cum persequentur vos & exprobrabunt, & dicent omne malum aduersus vos, mentientes propter me; gaudete & exultate, quia merces vestra multa est in calis.*

Eph. 5.

Mat. 9.

## CLVII INTERROGATIO.

*Quid est quod dicit Apostolus: Irascimini, & nolite peccare: Et sol non occidat super iracundiam vestram: cum in alijs dixerit: Omnis amaritudo, vel ira, vel indignatio auferatur a vobis?*

Psal. 4.

Eph. 4.

**RESPONSIO.** Arbitror in hoc loco Apostolum secundum imitationem Domini hæc locutum: sicut enim in Euangelio Dominus dicebat: Audistis quia dictum est antiquis illud vel illud; & ipse addebat dicens: Ego autem dico vobis hoc vel hoc: Ita etiam Apostolus, cum prius meminisset antiquitatis, per hoc quod dicitur: Irascimini & nolite peccare: paulo post addidit quod ex se erat, & quod nobis conueniret, dicens: Omnis amaritudo, & ira, & indignatio, & clamor auferatur a vobis.

Mat. 5.

Eph. 4.

## CLVIII INTERROGATIO.

*Quid est, Date locum iræ?*

Rom. 12.

**RESPONSIO.** Non resistere malo, secundum quod scriptum est: sed & ei qui te percusserit in dexteram maxillam, præbere & alteram, & implere ea omnia quæ sequuntur: vel illud: Cum persecuti vos fuerint in una ciuitate, fugite in alteram.

Mat. 5.

Mat. 10.

IN-

## CLVIII INTERROGATIO.

*Quæ est differentia amaritudinis, & furoris, & iræ, & clamoris, & irritationis ?*

**R E S P O N S I O.** Furoris quidem & iræ differentiam puto in animo constare & motu : quia qui irascitur, intra animum suum adhuc vitium voluit ; sicut ex hoc ipso iudicatur, quod dicit : *Irascimini, & nolite peccare.* Qui vero furit, amplius aliquid per motum gerit. *Furor enim*, inquit, *eis secundum similitudinem serpentis.* Vehementius vero furorem concitare, irritatio nominatur. Amaritudo autem illa est, cum malitia in corde etiam arte quadam componitur & armatur. Clamor quoque est, cum quis ira vel furore permotus, per vocis indignationes, aut in blasphemiam aut in maledictionem rapitur.

## CLX INTERROGATIO.

*Quis est, qui à Domino beatificatur pacificus ?*

**R E S P O N S I O.** Qui Christi adiutor est, secundum quod *2. Cor. 5.* dicit Apostolus : *Pro Christo legatione fungimur, tanquam Deo exhortante per nos, obsecramus pro Christo, reconciliamini Deo.* Et *Rom 5.* iterum : *Iustificati ex fide pacem habeamus ad Deum.* Illa enim *10. 14.* alia pax repudiata est a Christo, dicente : *Pacem meam do vobis, non sicut hic mundus dat, etiam ego do vobis.*

## CLXI INTERROGATIO.

*Quomodo conuertere quis potest, & fieri sicut infans ?*

**R E S P O N S I O.** Ipsa lectio Euangelij docet nos omnem causam ; in qua hoc ostenditur, uti ne arrogantiam, requiramus vel elationem : sed æqualitatem naturæ cognoscamus ; & exæquemus nos eis, qui videntur inferiores. Hoc enim est proprie infantium, æquales esse his, quibus non nobilitate sed ætate iunguntur ; donec processu temporis & monitorum nequitia, elationis inficiantur venenis.

IN-

## CLXII INTERROGATIO.

*Quid est, prudentem esse sicut serpentem, & simplicem sicut columbam?*

**R E S P O N S I O.** Prudens quidem ut serpens est, qui cum Mat. 10. circumspēcte & considerate quæ sint possibilia, & quæ honesta vel utilia peruidens, doctrinam suam dispensat, & aptat ea arte, qua suaderi auditores ad obedientiam possint. Simplex autem ut columba est, qui nec in cor prorsus recipit cogitationem vlciscendi in eos, qui lædunt; sed permanet in benefaciendo, secundum quod Apostolus dicit: *Vos autem nolite deficere benefacientes.* Dominus ad præ- 2 Thes. 3. dicationem mittens discipulos, hæc eis præcipiebat: ubi sine dubio opus erat sapientia, ad suadendum eis qui docebantur; & patientia aduersus eos, qui infidiabantur. Ut sicut ibi serpens per prudentiam intellexit, quam personam Gen. 3. ad persuadendum aggredi deberet; eam scilicet, quæ fragilior videbatur ad persuadendum; quo eam a Deo abstractam peccato fociaret: ita & nos personam, & mores, & tempus considerare & eligere debemus, & omnimodo ita ordinare sermones nostros in iudicio, ut possimus abstrahere homines a peccato, & sociare Deo.

## CLXIII INTERROGATIO.

*Quomodo debemus suscipere regnum Dei sicut infans?*

**R E S P O N S I O.** Si tales fuerimus ad doctrinam Domini, qualis est infans in discendo: qui neque contradicit doctoribus, neque rationes & verba componit, aduersus eos resistens; sed fideliter suscipit quod docetur, & cum metu obtemperat & acquiescit.

## CLXIV INTERROGATIO.

*Domino dicente: Qui se exaltat, humiliabitur. & Apostolo precipiente: Nolite superbum sapere. Et alibi: Arrogantes, superbi, inflati.* Luc. 18. Rom. 11.  
*Et iterum: Caritas non inflatur: quis est elatus? & quis est iactans* 2 Tim. 3  
*vel arrogans? quis vero superbus? & quis inflatus vel tumens?* 1 Cor. 13

**R E -**



**R E S P O N S I O .** Elatus est, qui seipsum effert pro his, quæ forte recte vel prospere gesta sunt, & pro hoc magnus sibi videtur & elatus; secundum illum Pharisæum, qui & ipse inflatus dici potest. Sicut & Apostolus Corinthios arguit, quibus dicit: *Et vos inflati estis*. Iactans autem vel arrogans est ille, qui non acquiescit his, quæ a prioribus vel maioribus statuta sunt, pro utilitate communi; nec acquiescit verbis Apostoli dicentis: *Vt eadem sentiat, & unum sapiat*: sed propriam quandam viam iustitiæ ac sanctitatis inquirat. Superbus est, qui etiam nihil vsquam in se virtutis ac rectorum gestorum habens, elatus est & erectus, & videri vult se plus esse quam est. Similis autem esse huic potest etiam is, qui inflatus dicitur vel tumens; secundum hoc quod Apostolus dicit: *Sed inflatus est, nihil sciens*.

## CLXV INTERROGATIO.

*Quid est, Caritas non dehonestatur?*

**R E S P O N S I O .** Sicut quis dicat, de statu honestatis suæ non deducitur. Est enim propria quædam honestas caritatis, & habitus eius atque ornatus: ille sine dubio, quem per singulas caritatis virtutes enunciauit Apostolus: quæ singulæ honestates quædam eius sunt & ornatus.

## CLXVI INTERROGATIO.

**1. Reg. 2.** Scriptura dicente: *Nolite gloriari neque loqui alta. & Apostolo confidente: Quia quæ loquor; non secundum Deum loquor; sed sicut in insipientia, in hac substantia gloriandi. Et rursum: Factus sum insipiens gloriando. Et iterum ipso dicente: Quia qui gloriatur, in Domino glorietur: quæ est gloriatio in Domino? & quæ est culpabilis gloriatio?*

**R E S P O N S I O .** Apostoli quidem manifestum est propositum, quod aduersus vitia loquebatur. Non enim ut seipsum commendaret, hæc dicebat; sed ut quorundam insolentiam & arrogantiam retunderet. Gloriatio ergo in Domino est, cum quis ea quæ recte gerit, non sibi, sed Domino

mino ascribit, dicens: *Omnia possum, sed in eo qui me confortat* Phil. 4.  
*Christus*. Culpabilis autem gloriatio est, & duplici ratione  
 dinoscitur: vel secundum hoc quod dicit: *Quoniam lauda-* Psal. 9.  
*tur peccator in desiderijs anime sue*. Et: *Quid gloriaris in malitia, qui* Psal. 51.  
*potens es in iniquitate?* Vel secundum illud, cum faciunt ali-  
 quid boni operis; *ut videantur ab hominibus*: & per hoc ip-  
 sum, quod volunt laudari, gloriantur in his quæ fecerunt.  
 Sed huiuscemodi homines etiam sacrilegi designantur, cum  
 gratiam, quæ a Deo donata est, propriam faciunt; & glo-  
 riam quæ debetur Deo, in semetipsos conuertere conantur.

## CLXVII INTERROGATIO.

*Qualem intellectum, vel prudentiam a Deo petere debemus?*  
*vel quomodo eam possumus promereri?*

RESPONSIO. Intellectus quidem quis sit, ab ipso Do-  
 mino per Prophetam didicimus, dicentem: *Non gloriatur* Ier. 9.  
*fortis in fortitudine sua; neque gloriatur diues in diuitijs suis; sed in*  
*hoc gloriatur, qui gloriatur, in intelligendo & cognoscendo Dominum.*  
 Et iterum per Apostolum sic dicit: *Sed intelligentes, quæ sit* Eph. 5.  
*voluntas Domini*. Qui rursus ait: *Prudentia carnis mors est;* Rom. 8.  
*prudentia autem spiritus, vita est & pax*. Possumus autem hoc  
 modo promereri, si faciamus illud quod scriptum est: *Va-* Psal. 45.  
*cate & cognoscite, quoniam ego Dominus sum*: & si credimus  
 omne verbum Dei verum esse: *Si enim, inquit, non credideri-* Esai. 7.  
*tis, neque intelligetis*.

## CLXVIII INTERROGATIO.

*Si Dominus dat sapientiam, & a facie eius scientia & intellectus est;* Prov. 11.  
*Et si alij quidem per Spiritum datur sermo sapientissime, alij sermo* 1. Cor. 12.  
*scientia; quomodo increpat Dominus discipulos suos dicens: Quia* Mat. 15.  
*ad huc & vos insensati estis, & non intelligitis?* & Apostolus culpatur Gal. 3.  
*Galatas insensatos?*

RESPONSIO. Si quis scit bonitatem Domini, volen- 1. Tim. 2.  
 tis omnes homines saluos fieri, & in agnitionem verbi veri-

Ll

tatis

tatis venire; & studium Spiritus sancti didicit, qui vnicuique diuidit gratiam Dei; iste cognoscit tarditatem intellectus non ex culpa eius descendere, qui dona distribuit; sed eorum, qui desidia & infidelitate sua id suscipere non merentur. Et ideo recte culpatur insipiens vel insensatus, qui velut sole orto claudit oculos suos, ne videat, sed in tenebris ambulet.

## CLXIX INTERROGATIO.

*Si ab aliquo quid beneficii consequimur, quomodo poterimus & Domino digne & integre gratias agere, & ei qui beneficium praestitit?  
Quali mensura uti debeamus in utroque?*

RESPONSIO. Si Deum auctorem & consummatorum omnium bonorum esse credamus; eum vero per quem boni aliquid consecuti sumus, ut ministrum Dei gratiae & muneris agnoscamus.

## CLXX INTERROGATIO.

*Quid est dignum vel sanctum, quod Græci Θεον dicant?  
& quid est iustum?*

RESPONSIO. Θεον quidem, id est, sanctum vel dignum esse arbitror hoc, quod decet, & debetur ab inferioribus deferri superioribus, secundum hanc ipsam rationem, qua eminentiores videntur. Iustum autem hoc, quod operis pro merito vnicuique tribuitur. Et in illo quidem alio, optimorum quorumque indicatur obsequium: in hoc vero, tam boni quam mali retributio designatur.

## CLXXI INTERROGATIO.

Mat. 7.

*Quomodo dat quis sanctum canibus, & mittit margaritas ante porcos?  
aut quomodo accidit illud quod additur: Ne forte conculcent eas pedibus,  
& conuersi disrumpan't vos?*

Rom. 2.

RESPONSIO. Manifeste nobis tradidit Apostolus exitis, quæ aduersus Iudeos dicit: *Quia qui in lege gloriaris per-*  
pra-

*præuariationem legis Dei in bonas. Iniuriam ergo hanc quam per præuariationem legis verbo Dei inferre dicuntur hi, de quibus sermo est, prohibet hic & abdicat Dominus. Et quia euenit, ut etiam infideles & non credentes, cum vident nos præuariari mandata, contemptum habeant religionis & doctrinæ Domini; & ex ipsis his arguunt nos, quæ scripta sunt in lege nostra; & velut rumpant nos, & afficiant exprobrantes & confundentes, tanquam legis propriæ transgressores.*

## CLXXII INTERROGATIO.

*Quomodo Dominus aliquando quidem prohibet portari sacculum vel peram in via: aliquando autem dicebat: Sed nunc qui habet sacculum, tollat similiter & peram: & qui non habet gladium, vendat vestimentum suum, & emat gladium?* Luc. 10.  
Luc. 22.

**R E S P O N S I O.** Hoc explanat ipse Dominus dicens: *Quia oportet adhuc compleri in me quod dictum est; quia cum iniquis deputatus est.* Denique posteaquam completa est prophetia, de gladio ait ad Petrum: *Conuertere gladium in locum suum. Omnes enim qui gladium accipiunt, in gladio peribunt.* Ita ut non videatur præceptum esse, quod dicitur: *Nunc qui habet sacculum, tollat similiter & peram: Et qui non habet gladium, vendat vestimentum suum, & emat gladium:* sed prophetia prædicentis Domini, quia futurum erat, ut Apostoli obliti gratiæ Domini & legis eius, assumerent gladium. Quod autem videtur quasi imperatiuo modo dici propositio hæc verbi futura, in scripturis prophetis satis frequenter inuenitur: sicut est & illud: *Fiant filij eius orphani, & diabolus stet a dextris eius.* Psal. 108. & multa alia similia.

## CLXXIII INTERROGATIO.

*Quid est, Panem substantium da nobis hodie: quod in oratione dicere iubemur?*

**R E S P O N S I O.** Cum operantes manibus memores si-  
LI 2                      mus

- Luc. 12.* mus Domini dicentis : *Nolite solliciti esse animæ vestrae, quid manducetis, aut quid bibatis . Et Apostoli præcipientis : Operamini, ut habeatis unde præstare possitis necessitatem patienti . id est, cum non ad proprios usus , sed pro mandato Domini operamur :*
- Luc. 10.* *Quoniam dignus est operarius mercede sua : tunc substantium panem , id est, qui vitam quotidianam substantiæ nostræ conferat, a Deo poscimus, & non a nobis ipsis præsumimus; sed ut necessitati, in quantum sufficit, satisfiat, & agnoscamus eum, qui sufficientiam præstat .*

## CLXXIV INTERROGATIO.

*Si omni volenti accedere ad sorores , oportet indulgere : an certis quibusque & personis , & temporibus ? vel quomodo videnda sunt sorores ?*

- R E S P O N S I O . De his superius diximus iam sufficienter, quia nec ad virum vir accedere utcunque & sine causa ex arbitrio suo vel potestate debet, sed cum omni observatione, probante eo qui præest; id est, ut vel prosit quis ei quem videt, vel proficiat ex eo . Quanto magis erga mulieres id observare convenit maiore cautela ? Si quis ergo
- Mat. 12.* *meminerit Domini dicentis : Quia de omni sermone otioso reddes rationem in die iudicii; timebit in omni negotio hanc sententiam . Acquiescendum est enim & sancto Apostolo*
- 1. Cor. 14* *dicenti : Siue manducetis, siue bibatis, siue aliud quid faciatis, omnia in gloriam Dei facite . Et iterum : Omnia ad ædificationem fiant . Nihil ergo vel otiose vel inutiliter agendum est : sed certus quis, & certo tempore, & certo in loco, & certis personis vel apparere, vel loqui debet : ut excludatur omnis nefanda suspicio, & servemus sine offensione esse apud omnes, & ad ædificationem fidei unicuique apparere . Certe solum ad solam accedere, nulla religionis ratio permittit . Melius est enim duo quam unus; simul enim & fidelius & tutius res geritur .*
- Ecc. 4.* *Vae enim uni; quia si ceciderit, non est alius qui erigat eum .*

IN-

## CLXXV INTERROGATIO.

*Si quis habet aliquod vitium, quod corrigere non potest; & frequenter notatus in peius proficit; si eum expedit intermitteri?*

RESPONSIO. Et de hoc alibi iam diximus, quia oportet peccantes corripere patienter, secundum eum quem Mat. 18. supra ostendimus modum a Domino positum. Quod si non sufficit ei ad emendationem, sicut illi Corinthio obisurgatio hæc quæ fit a pluribus; sicut gentilis de reliquo & publicanus haberi debet, qui eiusmodi est. Quia ei parcere, quem Dominus condemnauit, nulli tutum est, maxime cum Dominus dicat: *Quia expedit unicuique ut vultum oculorum, aut unam manum, vel unum pedem perdat; & ita intret in regnum.* Mat. 18. quam dum parcit vni ex his membris, totum corpus mittatur in gehennam ignis, ubi est fletus & stridor dentium. Sed & Apostolus de his ipsis testatur, dicens: *Quia modicum fermentum totam massam corrumpit.* Gal. 5.

## CLXXVI INTERROGATIO.

*Si quis contristetur, quia ei non permittitur facere illud, quod non potest apte & recte facere, si debemus ei permittere?*

RESPONSIO. Et de his iam dictum est in multis, quia propria voluntate nulli quidquam facere permittendum est, sed iudicio & probatione, vel multorum, vel eorum qui præsumunt. Qui autem non obtemperat his, sententiam præsumptoris & contradicentis excipiat.

## CLXXVII INTERROGATIO.

*Quomodo debent fortiores fratres infirmitates infirmorum portare?*

RESPONSIO. Portare, est tollere & curare, secundum quod scriptum est: *Ipse infirmitates nostras tulit, & aegritudines nostras portauit.* Esa. 53. Non quia in semetipso suscepit infirmitates, sed quia abstulit eas ab his, in quibus erant, & curauit eos. Ita ergo & hic poenitentia interueniente curabuntur infirmiores, ex constantia & integritate fortiorum: qui dicuntur

cun-

cuntur portare, id est, exportare & auferre infirmitates eorum, qui inualidi sunt.

### CLXXVIII INTERROGATIO.

*Gal. 3.* Quid est: Inuicem onera vestra portare? & quam legem Christi adimplebitis hoc facientes?

*Luc. 9.* **R E S P O N S I O.** Idem est, quod in superioribus explanauimus. Grauiam enim sunt onera peccati, quæ trahunt animam in profundum inferni: quæ a nobis inuicem auferimus & portamus, id est, exportamus, ad conuersionem prouocantes eos qui peccant. Portare autem pro auferre & exportare, consuetudo est etiam rita prouincialium dici, sicut & ego sæpe audisse me memini. Legem autem Christi replere, illius qui dixit: *Non ueni uocare iustos, sed peccatores in poenitentiam.*

### CLXXIX INTERROGATIO.

*Domino docente nos, orandum esse, ut ne intremus in tentationem; si oportet orare ne accideant nobis dolores corporales: vel si inciderimus in eos, quomodo oportet ferre?*

*Mat. 26.* **R E S P O N S I O.** Non discreuit tentationum qualitatem, sed generaliter præcepit orandum esse, ne intremus in tentationem. Si vero inciderimus, ut det nobis exitum euadendi; & ut sustinere possimus, a Domino posci oportet, ut possimus implere quod est dictum: *Quia qui permanserit in finem, hic saluus erit.*

### CLXXX INTERROGATIO.

*Mat. 5.* Quis est aduersarius noster? & quomodo ei consentire debemus in uia?

*Mat. 5.* **R E S P O N S I O.** Hic specialiter Dominus eum, qui auferre quid a nobis conatur, aduersarium nominauit. Consentimus autem ei, si seruemus præceptum Domini dicentis: *Si quis autem uoluerit tecum in iudicio contendere, & auferre tunicam*

*nicam tuam, distinde ei et pallium. Quod & in omnibus fideliter observari oportet.*

## CLXXXI INTERROGATIO.

*Si bonum est, statueret ad certum tempus, verbi causa, abstinere se a tali vel tali cibo sine potu?*

RESPONSIO. Domino dicente: *Non ut faciam voluntatem meam, sed voluntatem eius qui me misit: omnis huiusmodi definitio incongrua est. Quod sciens David, dicebat; Iuravi, & statui custodire iudicia iustitiae tuae: & non meae voluntatis. Et iterum Dominus: Non mea voluntas, sed tua fiat.* Ioan. 6. Psal. 118. Luc. 22.

## CLXXXII INTERROGATIO.

*Si quis voluntate peccaverit, condemnatur? an etiam ille, qui per ignorantiam extra veritatem aliquid fuerit locutus?*

RESPONSIO. Iudicium Dei etiam in his, qui per ignorantiam peccant, manifestum est, cum dicit: *Quia qui nescit, & non fecerit, digna plagis vapulabit paucis.* Vbique tamen digne gesta poenitentia veniam spem praesumat. Luc. 12.

## CLXXXIII INTERROGATIO.

*Si quis cogitauerit tantum facere aliquid, & non fecerit, si & ipse mendax iudicandus est?*

RESPONSIO. Si secundum mandatum est, quod cogitavit facere, non ut mendax, sed ut contemptor a Domino condemnatur.

## CLXXXIV INTERROGATIO.

*Si quis praeventus fuerit, ut definat aliquid agere eorum quae non placeant Deo: quid oportet magis irritum revocare, quod male fuerat definitum: an timore eo, ne mendax sit, implere peccatum?*

RESPONSIO. Cum dicat Apostolus: *Non quod ex nobis* 1. Cor. 3. *bis ipsis idonei sumus cogitare aliquid, quasi ex nobis. Et Dominus nihilominus: Quia non possum ego a meipso facere quicquam.* Ioan. 5. Et



*Ioan. 14.* Et rursum: Verba quæ ego loquor vobis, a me ipso non loquor. Et  
*Ioan. 6.* in alio quoque loco: Descendi de celo, non ut faciam voluntatem meam, sed voluntatem eius qui me misit Patris: poenitentiam debet agere primò, qui ita aliquis te in heredem definit; quodcunque illud fuerit quod definitum est. Quia ne ipsa quidem bona propria auctoritate & definitione facere oportet: multo autem magis ea, quæ non placent Deo, statuere non licet. Quia autem oportet & in irritum reuocare, quæcunque ex præsumptione contra mandatum Domini statuantur, manifeste ostenditur in Apostolo Petro; qui temere quidem statuerat, & dixerat: Non lauabis pedes meos in æternum. Audiens autem a Domino definitam sententiam: Quia si non lauero te, non habebis partem mecum: statim mutauit definitionem suam, & ait: Domine, non tantum pedes, sed & manus, & caput.

## CLXXXV. INTERROGATIO.

Si is, cui commissæ est dispensatio eorum quæ Domino offeruntur, necessitatem habet implere quod dicit mandatum: Omni petenti te da: & eum quis vult abs te mutuum sumere, non auertas.

*Luc. 6.* R E S P O N S I O. Hoc quod dictum est: Omni petenti te da:  
*Mat. 5.* Et, volentem mutuari abs te, non auertas: quasi tentationis habet locum, sicut ex consequentibus demonstratur. Propter malos enim præceptum est, non principaliter, sed quasi quod in necessitate fieri debeat. Principale enim præceptum Domini est: Vende omnia tua bona, & da pauperibus. Et  
*Luc. 12.* iterum: Vendite bona vestra, & date eleemosynam. Quod ergo alijs delegatum est vel deputatum, in alios transferre, non  
*Mat. 15.* est absque discrimine, Domino dicente: Quia non sum misus, nisi ad oves perditas domus Israel. Et quia non est bonum tollere panem filiorum, & mittere canibus: sed & abs te ipso iudicare debes, quod iustum est.

IN-

## CLXXXVI INTERROGATIO.

*Quod si frater nihil habens proprium, petatur ab aliquo hoc ipsum quo vestitus est, quid debet facere, maxime si nudus sit ille qui petit?*

**R E S P O N S I O.** Siue nudus, siue malus, id est, siue veram necessitatem patiatur, siue fallit, vel si quid aliud est, semel dictum est, quia dare vel accipere non est omnium, sed illius solius, cui commissum est istud officium. Qui utique cum omni providentia & cautela huiusmodi dispensationem debet implere, ut possit unusquisque in quo vocatus est, permanere.

## CLXXXVII INTERROGATIO.

*Quomodo potest quis sine caritate tantam fidem habere, ut montes transferat, aut substantiam suam pauperibus diuidat? & corpus suum tradere ut ardeat?*

1. Cor. 13

**R E S P O N S I O.** Si memores simus Domini dicentis: *Faciant enim omnia, ut videantur ab hominibus.* Sed & illud, quod respondit illis dicentibus: *Domine, nonne in tuo nomine demonia eiecimus? & in tuo nomine virtutes multas fecimus?* cum ait ad eos: *Nescio vos unde sitis.* non quia mentiti sunt, sed quia Dei gratia abusi sunt ad proprias voluntates: quod utique alienum est a caritate Dei. Si ergo horum meminimus, facile quae dicta sunt aduertimus. Quia autem gratiam Dei vel donum accipiant etiam indigni, non est nouum aut mirum. Deus enim in tempore hoc benignitatis & patientiae suae, etiam solem suum coram facit super bonos & malos. Interdum autem etiam ad profectum eorum, qui adhuc infideles sunt, ut gloria eius multiplicetur, secundum quod & Apostolus dicit: *Quia quidam per inuidiam & contensionem, quidam autem propter bonam voluntatem Christum annuntiant:* & addidit dicens: *Verumtamen omni modo sua occasione, siue veritate Christus annuntietur, in hoc ego gaudeo.*

Mat. 23.  
Mat. 7.

Mat. 5.

Phil. 1.

## CLXXXVII INTERROGATIO.

*Quis est qui abscondere dicitur talentum, & propterea condemnatur?*

**R E S P O N S I O.** Qui quancunque gratiam Dei detinet, & assumit in suis vitiis, & non ad aliorum utilitatem, iste, tanquam occultati talenti crimine condemnatur.

## CLXXXIX INTERROGATIO.

*Quid est immunditia, & quid est impudicitia?*

**R E S P O N S I O.** Immunditiam quidem lex ostendit. Hoc enim nomine usa est super his, qui iniuri per naturalem necessitatem patiebantur ea, quæ homines pari consueverunt. Impudicitia vero mihi videatur esse, cum quis naturalem libidinis motum impudentius & inuerecundius concitat & irritat.

## CXC INTERROGATIO.

*Quid est proprium furoris? & quid est proprium indignationis iustæ? & quomodo aliquoties quasi ab indignatione incipientes inveniuntur decidere in furorē?*

**R E S P O N S I O.** Furoris quidem proprium est, concitatio animæ mala meditantis aduersus eum, qui se concitat & irritat. Indignationis vero iustæ proprium est, peccantem corripere eo affectu vel proposito, quo auertimur a peccatis: & quod displicet nobis, quod non recte gestum est. Quod autem interdum a bono incipiens anima decidit in malum, nihil mirum est. Multa enim inuenies huiusmodi, propter quod meminit oportet sacre scripture dicentis: *Iuxta semitam scandalum posuerunt mihi.* Et iterum: *Nisi enim quis legitime certauerit, non coronabitur.* Et ideo in omnibus obseruanda est rerum mensura, & tempus, & ordo: quia ex aliqua horum causa accidit, ut id quod videtur bonum, inueniatur malum.

*Psal. 138*

*2. Tim. 2.*

## CXC. INTERROGATIO.

*Ex quibus fructibus probari debet is, qui ex affectu arguit fratrem peccantem?*

**R E S P O N S I O.** Primo omnium ex eo quod præcipuum est, si cum misericordia redarguit, & est in eo illud quod dixit Apostolus: *Quia si patitur unum membrum, compatiuntur omnia membra.* Vel illud: *Quis scandalizatur, & ego non uror?* Tum deinde, si in omni peccato similiter affligitur & contristatur, & erga omnes qui peccant, vel si in se delinquat aliquis, vel in alium, similiter contristatur & luget. Et si arguens obseruat illam regulam, quam Dominus posuit, id est, ut inter semetipsum solum, vel alio vno vel duobus adhibitis. Super omnia autem, si obseruat quod dixit Apostolus: *cum omni patientia.*

1. Cor. 12.

Mat. 18.  
2. Tim. 3.

## CXCII. INTERROGATIO.

*Si oportet eos, qui ingrediuntur ad fratres, statim artificia discere?*

**R E S P O N S I O.** Qui præsumunt, probent; ut quem sociari voluerint corpori congregationis, artibus erudiant diuersis, secundum modum & qualitatem propriæ ætatis & conditionis, Ut verbi gratia: si ad meditanda vel agenda spiritualia minus inueniatur idoneus, alterius negotij sollicitetur occupationibus, ne torpentem otio atque vacantem satanas, expositum quodammodo suis telis occupet. Dicit enim Apostolus: *Qui non laborat, non manducet.* Et Salomon: *Otiostas inimicis suis est anima.*

2. Thim. 3.

## CXCIII. INTERROGATIO.

*Si quis non desiderio corrigendi fratres arguat eum qui delinquit, sed sui vitij explendi gratia; quomodo oportet hunc corrigi, si post multam communicationem in eisdem permanet?*

**R E S P O N S I O.** Iste velut suis commodis prospiciens, & primatus desiderans, notetur; & emendationis ei modus ex institutionum disciplinis intimetur. Quod si per-

manferit in obſtinatione, manifeſta eſt ſententia eorum, qui non poenitent pro delicto .

### CXCIV INTERROGATIO.

*Qualibus correptionibus uti oportet inter fratres, ad emendationem eorum qui delinquant ?*

**R E S P O N S I O.** Hoc ſit in iudicio poſitum eorum, qui præſunt, vel quanto tempore, vel quali modo corripi debeant : quia & ætas, & eruditio multam haberi facit differentiam poenitentiae .

### CXCV INTERROGATIO.

*Si in omni peccato, ſive ſecundum cogitationes, ſive ſecundum verbum, ſive ſecundum actum, ſatanam in cauſſa eſſe conuenit dici ?*

**R E S P O N S I O.** Generaliter arbitror, quod ſatanas ipſe per ſeipſum cauſſa peccati exiſtere nulli poteſt : ſed motibus animæ noſtræ, ſive naturalibus, ſive etiam ex vitio conceptis abutitur ad voluntatem malitiæ ſuæ ; & de noſtris nos motibus, ſi forte non vigilemus, trahit in hoc quod ipſi gratum eſt, id eſt, in peccatum . Naturalibus ergo motibus noſtris abutitur : ſicut illud quod in Domino facere conatus eſt, cum eum ſenſiſſet eſurire, ait ad eum : *Si filius es Dei, dic ut lapides iſti panes fiant.* Motibus autem ex vitio conquiſitis abutitur, ſicut fecit in Iuda : quem quoniam cupidum vidit & avaritiæ morbo ægrotantem, ab uſu hoc vitio eius, uſque ad proditionis eum, ob triginta argenteorum lucrum, pertraxit ruinam . Quia autem mala ex nobis ipſis oriuntur, manifeſte oſtendit Dominus dicens : *Quia de corde procedunt cogitationes mala,* & reliqua . Hoc autem accidit iſs, qui per negligentiam inculta & ſqualentia naturalium in ſe bonorum ſemina derelinquunt : dicente Salomone : *Quia ſicut agricultura, ita vir inſipiens ; & ſicut vinea, ita homo cui deſt prudentia : & ſi relinquant eam, fiet deſerta, & aſcendent in ea ſpinae, & eris derelicta.* Huic ergo animæ, quæ ex huiusmodi negligent-

gentia squaluerit, & in desertum venerit, consequens est suscipere illam sententiam, quæ dicit: *Spinae & tribuli orientur in te*: & pati illud quod scriptum est: *Expectaui ut faceret uas; fecit autem spinas*. de qua dixerat: *Plantaui vineam Soreth*. Et tunc merito dicetur ad eam illud, quod per Ieremiam prædictum est a Domino, dicente: *Ego te plantaui vineam fructiferam, totam veracem: quomodo conuersa es in amaritudinem vinea aliena?*

Gen. 3.  
Isa. 5.

Ier. 2.

## CXCVI INTERROGATIO.

*Si quis relinquens fiscalia debita, intret ad fratres, & parentes eius ipso exigantur, & tribulentur: si non affert hoc culpam aliquam, vel his qui eum susceperunt, vel illi ipsi qui ita egerit?*

RESPONSIO. Dominus noster Iesus Christus his qui interrogauerunt se: *Si licet dari censum Cæsari, aut non*; ait: *Offendite mihi denarium, cuius habet imaginem & subscriptionem?* Cum autem dixissent quia Cæsaris; Respondit dicens: *Reddite ergo quæ Cæsaris sunt, Cæsari; & quæ Dei sunt, Deo*. Ex hoc ergo manifeste docemur, quia hi obnoxij sunt tributis Cæsaris, apud quos inuenitur Cæsaris census & imago. Si quid ergo tale etiam iste veniens ad fratres secum detulit, obnoxius est ad exoluendum debitum. Si vero omnibus derelictis in manibus propinquorum abscessit; nullus vel ipsi, vel fratribus scrupulus debet existere.

Matt. 22.

## CXCVII INTERROGATIO.

*Si oportet cum qui præst, extra eam quæ sororibus præst, loqui aliquid, quod ad adificationem fidei pertineat, virginibus?*

RESPONSIO. Et quomodo seruabitur præceptum illud Apostoli dicentis: *Omnia vestra benefite & secundum ordinem fiant?*

1. Cor. 14.

## CXCVIII INTERROGATIO.

*Si conuenit cum qui præst, cum ea quæ sororibus præst frequenter loqui; & maxime, si aliqui de fratribus pro hoc leduntur?*

RE-

1. Cor. 10

**R E S P O N S I O.** Apostolo dicente: *Ut quid enim libertas mea iudicatur ab alia conscientia? bonum est imitari eum dicentem:*

2. Cor. 9.

*Quia non sum usus potestate mea, ne offendiculum aliquod darem Euangelio Christi. Et quantum fieri potest, & rarius videnda sunt, & breuior est sermocinatio instituenda.*

## CXCIX INTERROGATIO.

*Si oportet, cum aliqua soror confitetur quodcunque delictum suum, presbytero, etiam matrem monasterij adesse?*

**R E S P O N S I O.** Honestius mihi videtur esse & religiosius, ut per seniore matrem presbyter, si quid illud sibi videtur, statuatur; & modum, vel tempus poenitentiae imponat ad emendationem eius; quæ corrigi desiderat a peccato. Non est enim honestatis, ut arbitror, aut ordinis, ut aliquis sine testimonio matris illius quæ præest, vel cum paucis vel cum pluribus statuatur aliquid, vel loquatur.

## CC INTERROGATIO.

*Si oportet gesta turpia vel obscæna consuetudinem iniunctius pronuntiare omnibus, aut certis quibusque, & quibus illis?*

**R E S P O N S I O.** Confessio peccatorum hanc habet rationem, quam habet vulnus aliquod corporis vel passio, quæ medico demonstranda est. Sicut ergo non omnibus quis vitia vel vulnera corporis suis reuelat, nec quibuslibet, sed his tantummodo, qui summæ peritiæ testimonium habent, & curæ ac medelæ disciplinam; ita & confessio peccatorum fieri debet apud eos tantummodo, qui curare hæc prævalent ac emendare, secundum quod scriptum est: *Vos qui fortiores estis, infirmitates infirmorum portate: hoc est, exportate & auferre per curationem.*

Gal. 6.

## CCI INTERROGATIO.

*Si ignorante matre seniore presbyter aliquid fieri præcipiat sororibus, recte videbitur indignari senior mater, cum ipsa nesciat?*

RE-

**R E S P O N S I O.** Et valde : alioquin ianitori præcipit frustra vt vigilet : si alius in domo vult quod libet disponere. Sic & Aaron cum absente & ignorante Moyse in populo quippiam præsumit, conflato idolo, tam super se, quam super reliquum populum inducit graue peccatum. Ab hoc idolatriæ reatu Paulus Corinthijs prouisum esse voluit, quibus pro corrigendo eo, qui patris vxorem violaue- rat, licet corpore absens scribit: *Congregatis vobis & meo spiri- tu, cum virtute Domini nostri Iesu Christi.* Timotheo etiã quam- uis præposito omnibus, de vtendo modico vino præcipit. Quædam ordinantur a diuersis personis, disponente seniore, qui habere possunt congregationem : quædam vero nulla- tenus, nisi præsentente seniore, & præcipue in conuentu foro- rum. Siquidem discipuli, qui etiam potentia virtutis Dei multa signa operabantur, a quodam spiritum immundum eijcere non possunt, nisi prius magister hunc ad se allatum reddidit sanum. Ne vero persona potens disponere per se quid præsumat in congregatione, absque eo ad quem cura pertinet animatum, hinc colligitur: quoniam rarius sanita- tes contulit Dominus à maiore persona rogatus, vt reguli filio, & seruo centurionis; quam forte his, qui liberi ab im- perio alieno suo viuebant arbitrio: vt docet mulier illa pec- catrix, quæ per se currit ad medicum salutis.

Exo. 32.

1. Cor. 3.

Mat. 17.

## CCLII INTERROGATIO.

*Si potest impedire propositum sancti hominis satanas, quia scriptum est: Ego quidam Paulus semel & bis venire volui ad vos & impediuit nos satanas?*

1. Thes. 2

**R E S P O N S I O.** Eorum quæ in Domino geruntur, quæ- dam quidem solo proposito & iudicio animæ efficiuntur, quædam etiam per corpus adimplentur; id est, vel labore, vel patientia corporis. Quæcunque ergo in animæ propo- sito consistunt, hæc impedire nullo modo potest satanas: ea vero quæ etiam ministerio corporis adimplentur, fre- quen-



- quenter, permissu tamen Dei, impediri possunt, ad probationem eius qui impeditur: ut appareat, si a bono proposito nequaquam per huiusmodi impedimenta mutatur. Sicut hi qui super petram seminati dicuntur; quod ad præsens quidem audientes verbum cum gaudio susceperunt, facta autem tribulatione vel persecutione, continuo recesserunt. Vel certe si permanserint in bonis, maioribus præmijs digni sunt, quasi qui in certamine vicerint: sicut & ipse Apostolus, cum frequenter proposuisset Romam proficisci, & prohibitum se esse fatetur, tamen non cessavit a proposito, usquequo quod proposuerat expleret. Sed per patientiam sustinuit, sicut sanctus Iob, qui tanta a diabolo passus est, cogente se loqui aliquid impium aduersus Deum, & in nullo penitus, nec in sermone quidem regulam pietatis excessit, quominus ea sentiret de Deo quæ pia erant. Sicut scriptum est de eo: *Quia in his omnibus nihil peccauit Iob labijs suis in conspectu Domini; nec dedit insipientiam Deo.*
- Lec. 8.
- Rom. 1.
- Iob. 1.

## CCIII INTERROGATIO.

*Quomodo fit aliquis in presenti seculo stultus?*

- RESPONSIO. Si timeat sententiam Domini dicentis: *Vae qui prudentes sunt apud seipsos, & in conspectu suo sapientes.*
- Isa. 57.
- Et imitetur cum qui dixit: *Sicut iumentum factus sum apud te.*
- Psalm. 72.
- Et omnem arrogantiam prudentiæ abijciens, non prius credat sensibus suis inesse aliquid boni, quam mandato Domini illuminetur; ut intelligat, quid est quod placeat Deo, siue in opere, siue in verbo, siue in cogitatione; secundum quod & Apostolus dixit: *Confidentiam autem talem habemus in Christo ad Deum: non quia a nobis ipsis idonei sumus cogitare aliquid, quasi ex nobis; sed sufficientia nostra ex Deo est.*
2. Cor. 3.

EXPLICIT REGVLA S. BASILII EPISCOPI.

# ERRATA PRIMÆ PARTIS.

<i>Pag.lin. errata</i>	<i>correcta.</i>	<i>Pag.lin. errata</i>	<i>correcta.</i>
18 6. ab Hebr.	ad Heb.	149 27 legitime	legitima
18 quis	qui	155 2 PARVM	PATRVN
31 3 ieiunorum.	ieiuniorum	161 24 lautoris	lautoris
24 querela.	querela	164 19 potestate ; sic	potestate sit ;
33 2 fratres	fratres	165 15 quicquid	quicquam
20 fuerit	fuerit	167 9 ostium	ad ostium
35 2 protenus	protinus	189 30 dilectionib.	delectationib.
36 7 vnicuiusque	vniciuiusque	192 18 fiduciliter	fiducialiter
64 5 oratio	oratione	195 18 autem	autem
68 1 comedendam	comedendum	197 3 eadem	eandem
69 13 sunt	sunt	198 11 pernicem	perniciem
24 13. sanctorum.	sanctarum	208 9 quo	quod
87 11 scandalum.	scandalum	215 10 diligimus	diligimur
109 14 hominis	hominis	226 25 agandum	agendum
111 VI. exhibere	exhibere	230 21 vtilis	inutiles
145 15 princeps	principes	231 27 patris	patris
117 12 nostram	nostrum	235 17 dicit cum	dicit enim
30 contritis	contriti	17 laborem	laborem
32 omnes	omnis	236 16 sine cibo	sine cibo
118 4 fratrem	fratrum	240 6 dominom	dominum
123 18 conuertens.	conuertens	245 32 suam	sua
127 13 coenobia	coenobia	247 11 iugiter	iugiter
19 adhibete	adhibete	255 6 mibi	mihi
22 perbuit	præbuit	17 est	est
128 4 indefinenter	indefinenter	257 2 commisceri	commisceri
129 16 singuli	singuli	258 3 dele autem	
132 30 perdamus.	perdamus	260 19 infidari	infidari
134 12 delicijs	delicijs	261 15 irascimi	irascimini
7 dele autem		265 27 sapientie	sapientie
139 1 congruentur	congruenter	272 19 quis vult	qui vult
142 2 dereliquerunt	dereliquerunt	275 26 inimicia	inimica

21777 2200 1 07 007

**CODICIS**  
**REGVLARVM**  
**PARS SECVNDA.**

2111000

LEVEL IV C

ACTIVOL 2011

# C O D I C I S R E G V L A R V M

Pars Secunda.

IN QVA SS. PATRVM OCCIDENTALIVM  
Regulæ ad Monachos

S. BENEDICTI ABBATIS CASINENSIS  
CONSENSORIA MONACHORVM INCERTI  
SS. PAVLI, ET STEPHANI ABBATVM  
S. CÆSARII ARELATENSIS  
S. AVRELIANI ARELATENSIS  
S. FERREOLI VCETIENSIS  
S. COLVMBANI ABBATIS  
MONASTERII TARNATENSIS  
S. ISIDORI HISPALENSIS  
S. FRVCTVOSI BRACARENSIS  
EIVSDEM REGVLA COMMVNIS  
CVIVSDAM PATRIS  
REGVLA MAGISTRI  
GRIMLAICI REGVLA SOLITARIORVM.

# THE HISTORY OF THE CITY OF BOSTON

FROM THE FIRST SETTLEMENT  
TO THE PRESENT TIME  
BY  
JOHN H. COLEMAN

VOLUME I  
FROM THE FIRST SETTLEMENT  
TO THE YEAR 1700  
PUBLISHED BY  
J. B. LEECH, 100 NASSAU ST. N. Y.  
1889

**S. BENEDICTI**  
**ABBATIS CASINENSIS**  
**Regula**  
**MONACHORVM.**

a



## DE S. BENEDICTI REGULA veterum aliquot testimonia.

S. GREGORIUS M. PP. Dial. l. i i. c. xxxvi.

**BENEDICTVS** vir Dei inter tot miracula, quibus in mundo claruit, doctrina quoque verbo non mediocriter fulsit. Nam scripsit monachorum Regulam, discretionem precipuam, sermone luculentam. Cuius si quis subtilius mores vitamque cognoscere, potest in eadem institutione Regula, omnes magisterij illius actus inuenire: quia sanctus vir nullo modo potuit aliter docere quam vixit.

HONORIUS Augustodun. script. Eccl. l. i i i. c. xxx.

**BENEDICTVS** Abbas monasterij Casini, scripsit Regulam monachorum, per totum mundum promulgatam; qui omnium iustorum spiritus plenus scribitur.

SIGEBERTVS Gemblac. script. Eccl. c. xxxi.

**BENEDICTVS** Casinensis, pater monachorum, Nursia Italiae provincia ortus, spretis literarum studiis eremiticam vitam expetiuit, & prouectus ad summum culmen monasticae perfectionis, secundum quam vixit, scripsit Regulam monachorum, sermone luculentam, discretionem precipuam. Simplicius discipulus eius, latens magistri opus publicauit.

PETRVS Diac. de viris illust. Casin. c. v.

**SIMPLICIUS** sanctissimi **BENEDICTI** discipulus, ac post eum tertius in Casino Abbas effectus, Regulam quam suus magister condiderat, publice legendam omnibus monachis tradidit.

PAVLVS Diaconus de gestis Longobard. l. vi. cap. xl.

**HVIC** venerando viro Petronaci insequenti tempore sacerdotum precipuus & Deo dilectus pontifex Zacharias plura adiutoria contulit, libros scilicet sanctae scripturae, insuper & Regulam, quam beatus pater **Benedictus** suis sanctis manibus conscripsit, paterna pietate concessit.

CON-

**CONCILIVM Germanicum incertum, confirmatum a**  
 Concilio Leptinense ad an. DCCXLIII. Can. VII.

**DECREVIMVS** ut monachi & ancille Dei monasteriales iuxta Regulam S. Benedicti coenobia vel xenodochia sua ordinare, gubernare, vivere studeant : & vitam propriam degere secundum predicti patris ordinationem non negligant .

**CONCILIVM Leptinense Can. I.**

**ABBATES** & monachi receperunt Regulam sancti patris Benedicti ad restaurandam normam regularis vite .

**BREVIS Capitul. Caroli M. to. I I. conc. Gall. c. XII.**

**QUAERENDVM** qua Regula monachi vixissent in Gallia, priusquam Regula S. Benedicti in ea tradita fuisset : cum legamus S. Martinum & monachum fuisse, & sub se monachos habuisse, qui multo ante S. Benedictum fuit .

**CONCIL. Remense II. Can. IX.**

**LECTA** est Regula S. Benedicti, ut ad memoriam reduceretur Abbatibus minus scientibus, qualiter & se & suos secundum eandem Regulam custodire valerent atque gubernare .

**CONCILIVM Duziacense II. cap. VII.**

**BEATVS** gratia & nomine Benedictus sancto Spiritu inspiratus consona sacris scripturis, & aliorum orthodoxorum patrum predicationibus in Regula sua dicit .

**S. BERNARDVS** de praecepto & dispen. cap. III.

**REGVLÆ** sanctorum Basilij, Augustini, BENEDICTI, nec non authentici canones, & si qua sunt alia Ecclesiastica instituta digna auctoritatis, quoniam a sanctis tradita sunt, sancita stabiliiter perseverant; nec omnino cuius subiectorum ea aliquo modo variare, vel mutare conceditur .


# **SIMPLICIUS ABBAS CASINENSIS**

**IN REGVLAM S. BENEDICTI.**


**Q**VI LEVI IUGO CHRISTI COLLA SVBMITTERE CVPIST  
REGVLAE SPONTE DA MENTEM, DVLCIA VT CAPIAS MELLA;  
HIC TESTAMENTI VETERIS NOVIQVE MANDATA,  
HIC ORDO DIVINVS, HICQVE CASTISSIMA VITA.  
HOC BENEDICTVS PATER CONSTITVIT SACRVN VOLVMEN,  
SVISQVE MANDAVIT HAEC SERVANDA ALVMNIS.  
SIMPLICIUS FAMVLVS CHRISTIQVE MINISTER  
MAGISTRI LATENS OPVS PROPAGAVIT IN OMNES:  
VNA TAMEN MERCES VTRISQVE MANET IN AEVVM.



**INCI-**



INCIPIT PROLOGVS  
REGVLAE S. BENEDICTI  
ABBATIS.



**B**ENCVLTA o fili praecepta magistri, & inclina aurem cordis tui; & admonitionem pij patris libenter excipe, & efficaciter comple: vt ad eum per obedientiae laborem redeas, a quo per inobedientiae desidiam recesseras.

Ad te ergo nunc meus sermo dirigitur, quisquis abrenunciens proprijs voluntatibus, Domino Christo vero regi militaturus, obedientiae fortissima atque praeclara arma sumis. In primis, vt quicquid agendum inchoas bonum, ab eo perfici instantissima oratione deposcas: vt qui nos iam in filiorum dignatus est numero computare, non debeat aliquando de malis actibus nostris contristari. Ita enim ei omni tempore de bonis suis in nobis parendum est, vt non solum iratus pater suos non aliquando filios exhaeret; sed nec, vt metuendus dominus, irritatus malis nostris, vt nequissimos seruos perpetuam tradat ad poenam, qui eum sequi noluerint ad gloriam.

Exurgamus ergo tandem aliquando, excitante nos scriptura ac dicente: *Hora est iam nos de somno surgere: & aper-* Rom. 13.  
tis oculis nostris ad deificum lumen, attonitis auribus audia-

diamus , diuina quotidie clamans quid nos admoneat vox ,  
*Psal. 94.* dicens : *Hodie si vocem eius audieritis, nolite obdurare corda vestra.*  
*Apo. 2.* Et iterum : *Qui habet aures audiendi audias, quid Spiritus dicat*  
*Psal. 33.* *Ecclesijs.* Et quid dicit ? *Venite filij, audite me ; timorem Domi-*  
*Ioan. 12.* *ni docebo vos.* Currit, dum lumen vitæ habetis , ne tenebræ mortis  
 vos comprehendant . Et quærens Dominus in multitudine  
 populi , cui hæc clamat , operarium suum , iterum dicit :  
*Psal. 33.* *Quis est homo , qui vult vitam , & cupit videre dies bonos ?* Quod  
 si tu audiens , respondeas : Ego . dicit tibi Deus : Si vis ha-  
 bere veram & perpetuam vitam , *prohibe linguam tuam a ma-*  
*Esa. 58.* *lo , & labia tua ne loquantur dolum : diuertere a malo , & fac bonum :*  
*& 69.* *inquire pacem , & sequere eam .* Et cum hæc feceritis , oculi mei  
 super vos , & aures meæ ad preces vestras . *Et antequam me*  
*inuocetis, dicam : Ecce adsum .* Quid dulcius nobis hac voce  
 Domini inuitantis nos , fratres carissimi ? Ecce pietate sua  
 demonstrat nobis Dominus viam vitæ .

Succinctis ergo fide vel obseruantia bonorum actuum  
*Eph. 6.* lumbis nostris per ducatum Euangelij pergamus itinera  
 eius ; vt mereamur eum , qui nos vocauit in regnum suum ,  
 videre . In cuius regni tabernaculo si volumus habitare ,  
 nisi illuc bonis actibus curritur , minime peruenitur . Sed  
*Psal. 14.* interrogemus cum Propheta Dominum , dicentes ei : *Do-*  
*mine, quis habitabit in tabernaculo tuo , aut quis requiescet in monte*  
*sancto tuo ?* Post hanc interrogationem , fratres , audiamus  
 Dominum respondentem , & ostendentem nobis viam ip-  
*ibid.* sius tabernaculi , dicentem : *Qui ingreditur sine macula , &*  
*operatur iustitiam ; qui loquitur veritatem in corde suo ; qui non egit*  
*dolum in lingua sua ; qui non fecit proximo suo malum ; qui oppro-*  
*brium non accepit aduersus proximum suum .* Qui malignum  
 diabolum aliqua suadentem sibi cum ipsa suasionem sua a  
 conspectibus cordis sui respuens , deduxit ad nihilum , &  
*Psal. 136.* paruulos cogitatus eius tenuit , & allisit ad Christum . Qui  
 timentes Dominum de bona obseruantia sua non se red-  
 dunt elatos ; sed ipsa in se bona , non a se posse , sed a Do-  
 mino

mino facti existimantes, operantem in se Dominum magnificant, illud cum Propheta dicentes: *Non nobis, Domine, Ps. 113. non nobis, sed nomini tuo dabitur.* Sicut nec Paulus Apostolus de predicatione sua sibi aliquid imputavit, dicens: *Gratia Dei sumus id, quod sumus.* Et iterum ipse dicit: *Qui gloriatur, 1. Cor. 13. 1. Cor. 13. 2. Cor. 13. Matt. 7. in Domino gloriatur.* Vnde & Dominus in Evangelio ait: *Qui audit verba mea hæc, & facit ea, similabo eum viro sapienti, qui edificavit domum suam supra petram: venerunt flumina, flauerunt venti, & impeerunt in domum illam, & non cecidit: quia fundata erat supra petram.* Hæc complens Dominus, expectat quotidie his suis sanctis monitis factis nos respondere debere. Ideo nobis propter emendationem malorum huius vitæ dies ad inducias relaxantur, dicente Apostolo: *An- Rom 2. nescis, quia patientia Dei ad poenitentiam te adducit?* Nam pius Dominus dicit: *Nolo mortem peccatoris, sed ut convertatur, & Ex. 32. vivat.* Cum ergo interrogassemus Dominum, fratres, de habitatore tabernaculi eius, audiimus habitandi præceptum: sed si compleamus habitatoris officium, erimus heredes regni celorum. Ergo præparanda sunt corda & corpora nostra sanctæ præceptorum obedientiæ militanda: & quod minus habet in nos natura possibile, rogemus Dominum, ut gratiæ suæ iubeat nobis adiutorium ministrare. Et si fugientes gehennæ poenas ad vitam volumus pervenire perpetuam, dum adhuc vacat, & in hoc corpore sumus, & hæc omnia per hanc lucis vitam vacat implere, currendum & agendum est modo, quod in perpetuum nobis expedit.

Constituendum est ergo a nobis Dominici scholæ servitij: in qua institutione nihil asperum, nihil grave nos constituturos speramus. Sed & si quid paululum restrictius, distante æquitatis ratione, propter emendationem vitiorum, vel conservationem caritatis processerit, non illico pauore perterritus refugias viam salutis, quæ non est nisi angustio initio incipienda: processu vero conversationis & si- Matt. 7. dei,

ps. 118. dei, dilatato corde, inenarrabili dilectionis dulcedine cur-  
ritur via mandatorum Dei : vt ab ipsius nunquam magi-  
sterio discedentes, in eius doctrina vsque ad mortem in-  
I. Cor. 1. monasterio perseuerantes, passionibus Christi per patien-  
tiam participemur : vt & regni eius mereamur esse confor-  
tes. Amen.

## EXPLICIT PROLOGVS.

## INCIPIUNT CAPITVLA

## REGVLAE S. BENEDICTI ABBATIS.

- I. De generibus, vel vita monachorum.
- II. Qualis debeat esse Abbas.
- III. De adhibendis ad consilium fratribus.
- IV. Quae sunt instrumenta bonorum operum.
- V. De obedientia.
- VI. De taciturnitate.
- VII. De humilitate.
- VIII. De officijs diuinis in noctibus.
- IX. Quanti psalmi dicendi sunt nocturnis horis.
- X. Qualiter aestatis tempore agatur nocturna laus.
- XI. Qualiter diebus Dominicis vigiliae agantur.
- XII. Quomodo matutinorum solemnitas agatur.
- XIII. Priuatis diebus qualiter matutini agantur.
- XIV. In natalitijs sanctorum qualiter agantur vigiliae.
- XV. Alleluia quibus temporibus dicatur.
- XVI. Qualiter diuina opera per diem agantur.
- XVII. Quot psalmi per easdem horas canendi sunt.
- XVIII. Quo ordine ipsi psalmi dicendi sint.
- XIX. De disciplina psallendi.
- XX. De reuerentia orationis.

De

- XXI. De decanis monasterij.  
 XXII. Quomodo dormiant monachi.  
 XXIII. De excommunicatione culpatorum.  
 XXIV. Qualis debeat esse modus excommunicationis.  
 XXV. De grauioribus culpis.  
 XXVI. De ijs, qui sine iussione Abbatis iunguntur excommunicatis.  
 XXVII. Qualiter debeat Abbas sollicitus esse circa excommunicatos.  
 XXVIII. De ijs, qui sepius correpti non emendauerint.  
 XXIX. Si debeant iterum recipi fratres exeuntes de monasterio.  
 XXX. De pueris minori etate qualiter corripiantur.  
 XXXI. De cellerario monasterij qualis debeat esse.  
 XXXII. De ferramentis, & rebus monasterij.  
 XXXIII. Si quid debeant monachi proprium habere.  
 XXXIV. Si omnes equaliter debeant necessaria accipere.  
 XXXV. De septimanarijs coquina.  
 XXXVI. De infirmis fratribus.  
 XXXVII. De senibus, vel infantibus.  
 XXXVIII. De hebdomadario lectore.  
 XXXIX. De mensura ciborum.  
 XL. De mensura potus.  
 XLI. Quibus horis oporteat reficere fratres.  
 XLII. Vt post completorium nemo loquatur.  
 XLIII. De ijs, qui ad opus Dei, vel ad mensam tarde occurrunt.  
 XLIV. De ijs, qui excommunicantur, quomodo satisfaciant.  
 XLV. De ijs, qui falluntur in oratorio.  
 XLVI. De ijs, qui in alijs quibuslibet rebus delinquant.  
 XLVII. De significanda hora operis Dei.  
 XLVIII. De opere manuum quotidiano.  
 XLIX. De Quadragesime obseruatione.  
 L. De fratribus qui longe ab oratorio laborant, aut in via sunt.  
 LI. De fratribus, qui non satis longe profisciscuntur.  
 LII. De oratorio monasterij.  
 LIII. De hospitibus suscipiendis.  
 LIV. Si debeat monachus litteras, vel aliquid suscipere.

b

De



- LV. De vestiarijs, & calciarijs fratrum.
- LVI. De mensa Abbatis.
- LVII. De artificibus monasterij.
- LVIII. De disciplina suscipiendorum fratrum.
- LIX. De filijs nobilium, vel pauperum, qui offeruntur.
- LX. De sacerdotibus, qui voluerint in monasterio habitare.
- LXI. De monachis peregrinis qualiter suscipiantur.
- LXII. De sacerdotibus monasterij.
- LXIII. De ordine congregationis.
- LXIV. De ordinando Abbate.
- LXV. De Praeposito monasterij.
- LXVI. De ostiario monasterij.
- LXVII. De fratribus in via directis.
- LXVIII. Si fratri impossibilia iniungantur.
- LXIX. Vt in monasterio non presumat alter alium defendere.
- LXX. Vt non presumat quisquam alium cadere, aut excommunicare.
- LXXI. Vt obedientes sint sibi inuicem fratres.
- LXXII. De zelo bono, quem debent habere monachi.
- LXXIII. De eo, quod non omnis observatio iustitia in hac sit Regula constituta.

EXPLICIUNT CAPITULA.



INCI-



# INCIPIT REGULA S. BENEDICTI ABBATIS.



## CAP. I. *De generibus vel vita monachorum.*

**M**ONACHORVM quatuor esse genera manifestum est. Primum, Cœnobitarum: hoc est, monasteriale, militans sub Regula, vel Abbate. Deinde, secundum genus est Anachoretarum, id est, Eremitarum; horum, qui non conuersionis seruire nouitio, sed monasterij probatione diuturna didicerunt contra diabolum multorum solatio iam docti pugnare: & bene instructi fraterna ex acie ad singularem pugnam Eremitarum, sectari iam sine consolatione alterius, sola manu vel brachio contra vitia carnis, vel cogitationum, Deo auxiliante, pugnare sufficiunt. Tertium vero monachorum terribilissimum genus est Sarabaitarum, qui nulla regula approbati, vel experientia magistra, sicut aurum fornacis: sed in plumbi natura molli; adhuc operibus seruantes seculo fidem, mentiri Deo per consuram nesciunt. Qui bini, aut terni, aut certe singuli sine pastore, non Do-

b 2                      mini-

minicis, sed suis inclusi ouilibus, pro lege eis est desideriorum voluptas: cum quicquid putauerint, vel elegerint, hoc dicunt sanctum; & quod noluerint, hoc putant non licere. Quartum vero genus est monachorum, quod nominatur gyrouagum; qui tota vita sua per diuersas prouincias ternis aut quaternis diebus per diuersorum cellas hospitantur, semper vagi, & nunquam stabiles, & proprijs voluptatibus, & gulæ illecebris seruientes, & per omnia deteriores Sarabaitis: de quorum omnium miserrima conuersatione melius est silere, quam loqui. His ergo omiſſis, ad Coenobitarum fortissimum genus disponendum, adiuuante Domino, veniamus.

CAP. II. *Qualis debeat Abbas esse.*

**A**BBAS, qui præesse dignus est monasterio, semper meminere debet, quod dicitur, & nomen maioris factis implere. Christi enim agere vices in monasterio creditur, quando ipſius vocatur pronomine, dicente Apostolo:

Rom. 8. *Accepistis Spiritum adoptionis filiorum, in quo clamamus, Abba pater.* Ideoque Abbas nihil extra præceptum Domini (quod abſit) debet docere aut conſtituere, vel iubere: sed iussio eius vel doctrina fermentum diuinæ iustitiæ in discipulorum mentibus conspergatur. Memor semper Abbas, quia doctrinæ suæ, vel discipulorum obedientiæ, vtrarumque rerum in tremendo iudicio Dei facienda erit discussio. Sciatque Abbas culpæ pastoris incumbere, quicquid in ouibus paterfamilias vtilitatis minus potuerit inuenire. Tantundem iterum erit liber, vt si inquieto vel inobedienti gregi pastoris fuerit omnis diligentia attributa, & morbidis earum actibus vniuersa fuerit cura exhibita, pastor earum in iudicio Domini absolutus, dicat cum Propheta Domino:

Psal. 39. *Iustitiam tuam non abscondi in corde meo: veritatem tuam, & salutare tuum dixi: ipsi autem contemnentes spreuerunt me.*

Et

Et tunc demum inobedientibus curæ suæ ouibus poena sit eis præualens ipsa mors.

Ergo cum aliquis suscipit nomen Abbatis, duplici debet doctrina suis præesse discipulis; id est, omnia bona & sancta factis amplius quam verbis ostendat: ut capacibus discipulis mandata Domini verbis proponat; duris vero corde & simplicioribus, factis suis diuina præcepta demonstret. Omnia vero, quæ discipulis docuerit esse contraria, in suis factis indicet non agenda: ne alijs prædicans, ipse *1. Cor. 9.* reprobis inueniatur. Ne quando illi dicat Deus peccanti: *Quare tu enarras iustitias meas, & assumis testamentum meum per os tuum? Tu verd odisti disciplinam, & præiecisti sermones meos post te.* Et qui in fratris tui oculo festucam videbas, in tuo trahem non vidisti? Non ab eo persona in monasterio discernatur: non vnus plus ametur quam alius, nisi quem in bonis actibus, aut obedientia inuenerit meliorem. Non conuertenti ex seruitio præponatur ingenuus; nisi alia rationalis causa existat. Quod si ita iustitia dictante Abbati visum fuerit, & de cuiuslibet ordine id faciat; sin alias, propria teneant loca: quia siue seruus, siue liber, omnes in Christo vnum sumus; & sub vno Domino æqualem seruitutis militiam baiulamus: quia non est apud Deum personarum acceptio. Solummodo in hac parte apud ipsum discernimur, si meliores ab alijs in operibus bonis, & humiles inueniamur. Ergo æqualis sit ab eo omnibus caritas; vna præbeatur omnibus, secundum merita, disciplina.

In doctrina sua namque Abbas Apostolicam debet illam semper formam seruare, in qua dicit: *Argue, obsecra, increpa;* id est, miscens temporibus tempora, terroribus blandimenta, durum magistri, pium patris ostendat affectum: id est, indisciplinatos & inquietos debet durius arguere; obediētes autem & mites & patientes, ut in melius proficiant, obsecrare. Negligentes & contemnentes ut increpet & corripiat, admonemus. Neque dissimulet peccata

cata delinquentium; sed mox ut coeperint oriri, radicatus ea, ut præualeat, amputet: memor periculi Heli sacerdotis de Silo. Et honestiores quidem atque intelligibiles animos prima vel secunda admonitione verbis corripiat: improbos autem & duros, ac superbos, vel inobedientes verberum vel corporis castigatione, in ipso initio peccati coerceat: sciens scriptum: *Stultus verbis non corrigitur*. Et iterum: *Percutere filium tuum virga, & liberabis animam eius à morte*.

*Pron. 18.*

*Ibid. 23.*

Meminere debet semper Abbas, quod est: meminere, quod dicitur; & scire, quia cui plus committitur, plus ab eo exigitur: sciatque quam difficilem & arduam rem suscepit, regere animas, & multorum feruire moribus. Et alium quidem blandimentis, alium vero increpationibus, alium suasionibus: & secundum vniuscuiusque qualitatem vel intelligentiam, ita se omnibus conformet & aptet, ut non solum detrimenta gregis sibi commissi non patiatur: verum in augmentatione boni gregis gaudeat. Ante omnia ne dissimulans aut paruipendens salutem animarum sibi commissarum, plus gerat sollicitudinem de rebus transitorijs & terrenis, atque caducis; sed semper cogitet, quia animas suscepit regendas, de quibus & rationem redditurus est. Et ne cauletur de minori forte substantia, meminerit scriptum: *Primum querite regnum Dei, & iustitiam eius, & hæc omnia adiicientur vobis*. Et iterum: *Nihil deest timentibus eam*. Sciatque, quia qui suscipit animas regendas, præparet se ad rationem reddendam. Et quantum sub cura sua fratrum se habere scierit numerum, agnoscat pro certo; quia in die iudicii ipsarum omnium animarum est redditurus Domino rationem, sine dubio addita & suæ animæ: & ita timens semper futuram discussionem pastoris de creditis ouibus, cum de alienis ratiocinijs cauet, redditur de suis sollicitus: & cum de admonitionibus suis emendationem alijs subministrat, ipse quoque efficitur a vitijs emendatus.

*Matth. 6,*

*Psa. 34.*

CAP.

CAP. III. *De adhibendis ad consilium fratribus.*

**Q**uotiens aliqua præcipua agenda sunt in monasterio, conuocet Abbas omnem congregationem, & dicat ipse, unde agitur: & audiens consilium fratrum, tractet apud se, & quod vtilius iudicauerit, faciat. Ideo autem omnes ad consilium vocari diximus: quia sæpe iuniori Dominus reuelat, quod melius est. Sic autem dent fratres consilium, cum omni humilitatis subiectione: & non præsumant procaciter defendere, quod eis visum fuerit: sed magis in Abbatis pendeat arbitrio: vt quod salubrius esse iudicauerit, ei cuncti obediant. Sed sicut discipulis conuenit obedire magistro, ita & ipsum prouide & iuste concedet cuncta disponere. In omnibus igitur omnes magistrum sequantur Regulam, neque ab ea temere declinetur a quoquam.

Nullus in monasterio proprii sequatur cordis voluntatem: neque præsumat quisquam cum Abbate suo proterue intus aut foris monasterium contendere. quod si præsumpserit, regulari disciplinæ subiaceat. Ipse tamen Abbas cum timore Dei & obseruatione Regulæ omnia faciat: sciens se procul dubio de omnibus iudicijs suis æquissimo iudici Deo rationem redditurum. Si qua vero minora agenda sunt in monasterij vtilitatibus, seniorum tantum vtatur consilio: sicut scriptum est: *Omnia fac cum consilio, & post factum.* Eccl. 31. *non poenitebis.*

CAP. IV. *Quæ sunt instrumenta bonorum operum.*

- I. **I**n primis, Dominum Deum diligere ex toto corde,  
tota anima, tota virtute. *Deut. 6. Mar. 12.*
  - II. Deinde proximum tanquam seipsum. *Luc. 10. Leuit. 19.*
  - III. Deinde non occidere. *Exo. 20. Matt. 5.*
  - IV. Non adulterari. *Ibid.*
  - V. Non facere furtum. *Ibid.*
- Non

- VI. Non concupiscere . *Exo.20. Dan.5.*  
 VII. Non falsum testimonium dicere . *Ibid.*  
 VIII. Honorare omnes homines . *1.Petr.2.*  
 IX. Et quod sibi quis fieri non vult, alij ne faciat . *Tob.4.*  
 X. Abnegare semetipsū sibi, vt sequatur Christum. *Luc. 9.*  
 XI. Corpus castigare . *1.Cor.9.*  
 XII. Delicias non amplecti . *1.Tim.5. 2.Petr.2.*  
 XIII. Ieiunium amare . *Ioël.1. Dan.1.*  
 XIV. Pauperes recreare . *Tob.4.*  
 XV. Nudum vestire . *Esaie 58.*  
 XVI. Infirmum visitare . *Matt.25.*  
 XVII. Mortuum sepelire . *Tob.1.2.*  
 XVIII. In tribulatione subuenire . *Eccl.6.*  
 XIX. Dolentem consolari . *Eccl.7.*  
 XX. A seculi actibus se facere alienum . *2.Tim.2. Iac.1.*  
 XXI. Nihil amorī Christi præponere . *Matt.10.*  
 XXII. Iram non perficere . *Matt.5.*  
 XXIII. Iracundiæ tempus non reseruare . *Ephes.4.*  
 XXIV. Dolum in corde non tenere . *Prou.12.*  
 XXV. Pacem falsam non dare . *Psal.27. Rom.12.*  
 XXVI. Caritatem non derelinquere . *1.Pet.4.*  
 XXVII. Non iurare, ne forte periuret . *Matt.5.*  
 XXVIII. Veritatem ex corde & ore proferre . *Psal.14.*  
 XXIX. Malum pro malo non reddere . *1.Theff.5.*  
 XXX. Iniuriam non facere, sed & factam patienter  
     sufferre . *1.Cor.6.*  
 XXXI. Inimicos diligere . *Matt.5. Luc.6.*  
 XXXII. Maledicentes se non remaledicere, sed *Rom.12.*  
     magis benedicere . *1.Pet.3.*  
 XXXIII. Persecutionem pro iustitia sustinere . *Matt.5.*  
 XXXIV. Non esse superbum . *Tob.4.*  
 XXXV. Non vinolentum . *1.Tim.3.*  
 XXXVI. Non multum edacem . *Eccl.37.*  
 XXXVII. Non somnolentum . *Prou.20.*  
     Non

- XXXVIII. Non pigrum. *Prou. 24. Rom. 12.*  
 XXXIX. Non murmuriosum. *1. Cor. 10.*  
 XL. Non detractorem. *Prou. 24.*  
 XLI. Spem suam Deo committere. *Psal. 36.*  
 XLII. Bonum aliquod in se cum viderit, Deo  
 applicet, non sibi. *Iacob. 1.*  
 XLIII. Malum vero semper a se factum sciat,  
 & sibi reputet. *Ose 13.*  
 XLIV. Diem iudicii timere. *Iob 31.*  
 XLV. Gehennam expauescere. *Luc. 12.*  
 XLVI. Vitam æternam omni concupiscentia  
 spiritali desiderare. *Psal. 83. Phil. 1.*  
 XLVII. Mortē quotidie ante oculos suspectā habere. *Mat. 24.*  
 XLVIII. Actus vitæ suæ omni hora custodire. *Deut. 4.*  
 XLIX. In omni loco Deū se respicere pro certo scire. *Prou. 5.*  
 L. Cogitationes malas cordi suo aduenientes mox  
 ad Christum allidere; & seniori spiritali  
 patefacere. *Psal. 136. Eccl. 8.*  
 LI. Os suum a malo vel prauo eloquio custodire. *Psal. 33.*  
 LII. Multum loqui non amare. *Prou. 10. Matt. 12.*  
 LIII. Verba vana, aut risui apta non loqui. *2. Tim. 2.*  
 LIV. Risum multum aut excussum non amare. *Eccl. 21.*  
 LV. Lectiones sanctas libenter audire. *Luc. 11.*  
 LVI. Orationi frequenter incumbere. *Luc. 18.*  
 LVII. Mala sua præterita cum lacrimis vel gemitu  
 quotidie in oratione Deo confiteri: de  
 ipsis malis de cetero emendare. *Psal. 6.*  
 LVIII. Desideria carnis non perficere. *Gal. 5.*  
 LIX. Voluntatem propriam odire. *Heb. 13.*  
 LX. Præceptis Abbatis in omnibus obedire, etiamsi  
 ipse aliter, quod absit, agat: memores illud  
 Dominicum præceptum: *Quæ dicunt, facite:*  
*quæ autem faciunt, facere nolite.* *Matt. 23.*  
 LXI. Non velle dici sanctum, antequam sit: sed prius  
 esse,



esse, quod verius dicatur.

*Matt. 6.*

LXII. Præcepta Dei factis quotidie adimplere. *Eccl. 6.*

LXIII. Castitatem amare. *1. Tim. 5.*

LXIV. Nullum odire. *Leuit. 19.*

LXV. Zelum non habere; inuidiam non exercere. *Gal. 5.*

XXVI. Contentionem non amare. *2. Tim. 2.*

LXVII. Elationem fugere. *Psal. 130.*

LXVIII. Seniores venerari. *Leuit. 19.*

LXIX. Iuniores diligere in Christi amore. *1. Tim. 5.*

LXX. Pro inimicis orare. *Matt. 5.*

LXXI. Cum discordante ante solis occasum in pacem  
redire. *Ephes. 4.*

LXXII. Et de Dei misericordia nunquam desperare. *Eze. 18.*

Ecce hæc sunt instrumenta artis spiritalis, quæ cum fuerint a nobis die noctuque incessabiliter adimpleta, & in die iudicii reassignata, illa merces nobis a Domino recompensabitur, quam ipse promisit, quod *oculus non vidit, nec auris audiuit, nec in cor hominis ascendit, quæ preparauit Deus his, qui diligunt eum.* Officina vero, ubi hæc omnia diligenter operemur, claustra sunt monasterij, & stabilitas in congregatione.

#### CAP. V. De Obedientia.

Primus humilitatis gradus est obedientia sine mora. Hæc conuenit ijs, qui nihil sibi a Christo carius aliquid existimant, propter seruitium sanctum, quod professi sunt, seu propter metum gehennæ, vel gloriam vitæ æternæ; mox ut aliquid imperatum a maiore fuerit, ac si diuinitus imperetur, moram pati nesciunt in faciendo: de quibus Dominus *Psal. 17.* dicit: *Obediunt auris obedivit mihi.* Et item dicit doctoribus: *Matt. 10.* *Qui vos audit, me audit:* Ergo hi tales relinquentes statim quæ sua sunt, & voluntatem propriam deferentes, mox exoccupatis manibus, & quod agebant imperfectum relin-

quentes, vicino obedientiæ pede iubentis vocem factis sequuntur; & veluti vno momento prædicta magistri iussio, & perfecta discipuli opera, in velocitate timoris Dei, ambæ res communiter citius explicantur, quibus ad vitam æternam gradiendi amor incumbit. Ideo angustam viam arripiunt: vnde Dominus dicit: *Angusta via est, quæ ducit ad vitam*; vt non suo arbitrio viuentes, vel desiderijs suis & voluptatibus obedientes, sed ambulantes alieno iudicio & imperio, in coenobijs degentes, Abbatem sibi præesse desiderant. Sine dubio hi tales illam Domini imitantur sententiam, qua dicit: *Non veni facere voluntatem meam, sed eius qui misit me.* Séd hæc ipsa obedientia tunc acceptabilis erit Deo, & dulcis hominibus; si quod iubetur, non trepide, non tarde, non tepide, aut cum murmure, vel cum responso nolentis efficiatur: quia obedientia quæ maioribus præberetur, Deo exhibetur. Ipse enim dixit: *Qui vos audit, me audit.* Et cum bono animo a discipulis præberi oportet: quia *hilarem datorem diligit Deus*. Nam cum malo animo si obedit discipulus, & non solum ore, sed etiam in corde si murmurauerit; etiamsi impleat iussionem, tamen acceptum iam non erit Deo, qui cor respicit murmurantis. Et pro tali facto nullam consequitur gratiam: imo poenam murmurantium incurrit, si non cum satisfactione emendauerit.

Matt. 7.

Ioh. 9.

Matt. 10.

Cor. 29.

Ecc. 35.

## CAP. VI. De Taciturnitate.

**F**ACIAMUS, quod ait Propheta: *Dixi, custodiam vias meas, vt non delinquam in lingua mea: posui ori meo custodiam: obmutui, & humiliatus sum, & filii à bonis.* Hic ostendit Propheta, si a bonis eloquijs interdum propter taciturnitatem debet tacere, quanto magis a malis verbis propter poenam peccati debet cessare? Ergo quamuis de bonis & sanctis, & ædificationum eloquijs, perfectis discipulis, propter taciturnitatis grauitatem, rara loquendi concedatur licentia; quia

Ps. 38.

*Prov. 10.* scriptum est: *In multiloquio non effugies peccatum.* Et alibi:  
*Ibid. 14.* *Mors & vita in manibus linguae.* Nam loqui & docere magistrum condecet; tacere & audire discipulo conuenit. Et ideo si qua requirenda sunt a Priore, cum omni humilitate & subiectione reuerentiæ requirantur. Scurrilitates vero, vel verba otiosa & risum mouentia, æterna clausura in omnibus locis damnamus; & ad talia eloquia discipulum aperire os non permittimus.

### CAP. VII. *De Humilitate.*

*Luc. 14.* **C**lamat nobis scriptura diuina, fratres, dicens: *Omnis qui se exultat, humiliabitur; & qui se humiliat, exaltabitur.* Cum hæc ergo dicit, ostendit nobis omnem exaltationem genus esse superbiæ: quod se cauere Propheta indicat, dicens: *Ps. 138.* *Domine, non est exaltatum cor meum, neque elati sunt oculi mei, neque ambulauit in magnis, neque in mirabilibus super me.* Sed quid? Si non humiliter sentiebam, sed exaltaui animam meam, sicut ablaetatus super matre sua, ita retribues in animam meam. Vnde, fratres, si summæ humilitatis volumus culmen attingere, & ad exaltationem illam cælestem, ad quam per præsentis vitæ humilitatem ascenditur, volumus velociter peruenire; actibus nostris ascendentibus scala illa erigenda est, quæ in somno Iacob apparuit; per quam ei descendentes & ascendentes Angeli monstrabantur. Non aliud sine dubio descensus ille & ascensus a nobis intelligitur, nisi exaltatione descendere, & humilitate ascendere. Scala vero ipsa erecta, nostra est vita in seculo, quæ humiliato corde a Domino erigitur ad cælum. Latera enim eiusdem scalæ, dicimus nostrum esse corpus & animam: in quibus lateribus diuerfos gradus humilitatis, vel disciplinæ, euocatio diuina ascendendos inseruit.

**P**rimus itaque humilitatis gradus est, si timorem Dei sibi ante oculos semper ponens, obliuionem omnino fugiat,

giat, & semper sit memor omnium, quæ præcepit Deus, qualiter contemnentes Deum gehenna de peccatis incendat: & vitam æternam, quæ timentibus Deum præparata est, animo suo semper euoluat: & custodiens se omni hora a peccatis & vitijs, id est, cogitationum, linguæ, manuum, pedum, voluntatis propriæ; sed & desideria carnis amputare festinet. Estimet se homo de cælis a Deo semper respici omni hora, & facta sua in omni loco ab aspectu diuinitatis videri, & ab Angelis omni hora renuntiari. Demonstrat nobis hoc Propheta, cum in cogitationibus nostris ita Deum semper præsentem ostendit, dicens: *Scrutans corda & renes Deus*. Et item: *Dominus novit cogitationes hominum*. Et item dicit: *Intellexisti cogitationes meas de longe*. Et, quia cogitatio hominis confitebitur tibi. Nam vt sollicitus sit circa cogitationes suas peruerfas, dicat semper utilis frater in corde suo: *Tunc ero immaculatus coram eo, si obseruauero me ab iniquitate mea*. Voluntatem vero propriam ita facere prohibemur, cum dicit nobis scriptura: *Et à voluntatibus tuis auertere*. Et item rogamus Deum in oratione, vt fiat illius voluntas in nobis.

*Psal. 7.*  
*Psal. 93.*  
*Pf. 138.*  
*Psal. 75.*  
*Psal. 17.*  
*Ecc. 28.*  
*Matt. 6.*

Docemur ergo merito nostram non facere voluntatem, cum cauemus illud, quod dicit scriptura: *Sunt viæ, quæ videntur hominibus rectæ, quarum finis vsque ad profundum inferni demergit*. Et cum item pauemus illud, quod de negligentibus dictum est: *Corrupti sunt, & abominabiles facti sunt in voluntatibus suis*. In desiderijs vero carnis ita nobis Deum credamus semper esse præsentem, cum dicit Propheta Domino: *Ante te est omne desiderium meum*. Cauendum est ideo malum desiderium, quia mors secus introitum delectationis posita est. Vnde scriptura præcipit dicens: *Post concupiscentias tuas non eas*. Ergo si oculi Domini speculantur bonos & malos, & Dominus de cælo semper respicit super filios hominum, vt videat, si est intelligens, aut requirens Deum; & si ab Angelis nobis deputatis quotidie die noctuque Domino factorum, nostro.

*Pron. 16.*  
*Psal. 52.*  
*Psal. 30.*  
*Ecc. 8.*  
*Psal. 52.*  
*Isa. 33.*

*Psal. 92.* nostrorum opera nunciantur : cauendum est ergo omni hora, fratres, sicut in psalmo dicit Propheta : ne nos declinantes in malum, & inutiles factos aliqua hora aspiciat Deus, & parcendo nobis in hoc tempore, quia pius est, & expectat nos conuerti in melius, ne dicat nobis in futuro :

*Psal. 49.* *Hac fecisti, & tacui.*

*Ioan. 6.* Secundus humilitatis gradus est, si propriam quis non amans voluntatem, desideria sua non delectetur implere ; sed vocem illam Domini factis imitetur dicentis : *Non veni facere voluntatem meam, sed eius qui misit me.* Item dicit scriptura : *Voluptas habet pœnam, & necessitas parit coronam.*

*Phil. 2.* Tertius humilitatis gradus est, vt quis pro Dei amore omni obedientia se subdat maiori ; imitans Dominum, de quo dicit Apostolus : *Factus obediens usque ad mortem.*

*Mat. 10.* Quartus humilitatis gradus est, si in ipsa obedientia duris & contrarijs rebus, vel etiam quibuslibet irrogatis iniurijs, tacita conscientia patientiam amplectatur, & sustinens non lassescat, vel discedat, dicente scriptura : *Qui perseverauerit usque in finem, hic saluus erit.* Item : *Confortetur cor tuum, & sustine Dominum.* Et ostendens, fidelem pro Domino vniuersa etiam contraria sustinere debere, dicit ex persona sufferentium : *Propter te morte afficimur tota die, aestimati sumus vt oves occisionis.* Et securi de spe retributionis diuinæ,

*Rom. 8.* subsequuntur gaudentes, & dicentes : *Sed in his omnibus superamus propter eum, qui dilexit nos.* Et item alio loco scriptura : *Probasti nos Deus, igne nos examinasti, sicut examinatur argentum ; iuduxisti nos in laqueum, posuisti tribulationes in dorso nostro.*

*Psal. 65.* Et vt ostendat sub Priore debere nos esse, subsequitur dicens : *Imposuisti homines super capita nostra.* Sed & præceptum Domini in aduersis & iniurijs per patientiam adimplentes, percussi in maxilla præbent & aliam ; auferenti tunicam, dimittunt & pallium ; angariati milliario, vadunt & duo : cum Paulo Apostolo falsos fratres & persecutiones sustinent, & maledicentes se benedicunt.

Quin-

**Q**uintus humilitatis gradus est, si omnes cogitationes malas cordi suo aduenientes, vel mala a se absconſe commiſſa, per humilem confeſſionem Abbati non celauerit ſuo. Hortans nos de hac re ſcriptura dicens: *Reuola Domino viam tuam, & ſpera in eo.* Et item dicit: *Conſitemini Domino, quoniam bonus; quoniam in ſeculum miſericordia eius.* Et item Propheta: *Delictum meum cognitum tibi feci, & iniuſtitias meas non operui. Dixi, pronuntiabo aduerſum me iniuſtitias meas Domino, & tu remiſiſti impietatem cordis mei.* Pſal. 10.  
Pſ. 105.  
Pſal. 31.

**S**extus humilitatis gradus est, ſi omni vilitate vel extremitate contentus ſit monachus, & ad omnia, quæ ſibi iniunguntur, velut operarium malum ſe iudicet & indignum, dicens ſibi cum Propheta: *Ad nihilum reductus ſum, & nesciui: ut iumentum factus ſum apud te; & ego ſemper tecum.* Pſal. 72.

**S**eptimus humilitatis gradus est, ſi omnibus ſe inferiorem & viliorẽ, non ſolum ſua lingua pronunciet, ſed etiam intimo cordis credat affectu; humilians ſe, & dicens cum Propheta: *Ego autem ſum vermis, & non homo; opprobrium hominum, & abiectionis plebis. Enaltatus ſum, & humiliatus, & conſuſus.* Pſal. 11.  
Pſal. 87.  
Et item: *Beneuolentia mihi, quod humiliasti me, ut diſcam mandata tua.* Pſ. 118.

**O**ctauus humilitatis gradus est, ſi nihil agat monachus, niſi quod communis monaſterij Regula, vel maiorum cohortantur exempla.

**N**onus humilitatis gradus est, ſi linguam ad loquendum prohibeat monachus, & taciturnitatem habens uſque ad interrogationem non loquatur, monſtrante ſcriptura, quia *in multiloquio non effugietur peccatum:* & quia *vir linguoſus non dirigetur ſuper terram.* Pro. 10.  
Pſ. 139.

**D**ecimus humilitatis gradus est, ſi non ſit facilis ac promptus in riſu; quia ſcriptum est: *Stultus in riſu exaltat uentrem ſuum.* Eccl. 21.

**V**ndecimus humilitatis gradus est, ſi cum loquitur monachus, leuiter, & ſine riſu, humiliter, & cum grauitate, vel

## R E G V L A

24

*Ecc. 10.* vel pauca verba & rationabilia loquatur, & non sit clamor in voce, sicut scriptum est: *Sapiens verbis innotescit paucis*.

**D**odecimus humilitatis gradus est, si non solum corde monachus, sed etiam ipso corpore humilitatem videtur se semper indicet; id est, in opere Dei, in oratorio, in monasterio, in horto, in via, in agro, vel vbiunque sedens, ambulans, vel stans, inclinato sit semper capite, defixis in terram aspectibus, reum se omni hora de peccatis suis existimans, iam se tremendo iudicio Dei representari existimet: dicens sibi in corde semper illud, quod publicanus ille Euangelicus fixis in terram oculis dixit: *Domine non sum dignus ego peccator levare oculos meos ad calum.*  
*Luc. 12.* Et item cum Propheta: *Incurvatus sum, & humiliatus sum usquequaque.*  
*Ps. 118.*

Ergo his omnibus humilitatis gradibus ascensis, monachus mox ad caritatem Dei perueniet illam, quæ perfecta foras mittit timorem; per quam vniuersa, quæ prius non sine formidine obseruabat, absque vlllo labore, velut naturaliter ex consuetudine incipiet custodire, non iam timore gehennæ, sed amore Christi, & consuetudine ipsa bona, & delectatione virtutum: quæ Dominus iam in operarium suum mundum a vitijs & peccatis Spiritu sancto dignabitur demonstrare.

### CAP. VIII. De Officijs diuinis in noctibus.

**H**remis tempore, id est, a kalendis Nouembribus vsque ad Pascha, iuxta considerationem rationis, octaua hora noctis surgendum est, vt modice amplius de media nocte pausetur, & iam digesti surgant. Quod vero restat post vigilijs, a fratribus, qui Psalterij vel lectionum aliquid indigent, meditationi inseruiatur. A Pascha autem vsque ad supradictas kalendas Nouembres, sic temperetur hora vigiliarum agenda, parvissimo interuallo, quo fratres ad necessaria

aria naturæ exeant, custodito; mox matutini, qui incipiente luce agendi sunt, subsequantur.

CAP. IX. *Quanti psalmi dicendi sunt nocturnis horis.*

**H**ymnis tempore superscripto in primis dicatur versus, *Deus in adiutorium meum intende; Domine ad adiuuandum me festina*, & Gloria: deinde tertio dicendum est, *Domine labia mea aperies, & os meum annuntiabit laudem tuam*; cui subiungendus est tertius psalmus, & Gloria. Post hunc, psalmus nonagesimus quartus cum antiphona, aut certe decantandus. Inde sequatur Ambrosianum: deinde sex psalmi cum antiphonis. Quibus dictis, dicto versu, benedicat Abbas: & sedentibus omnibus in scamnis, legantur vicissim, a fratribus in codice super analogium tres lectiones, inter quas tria responsoria cantentur. Duo responsoria sine Gloria dicantur: post tertiam vero lectionem qui cantat, dicat Gloria; quam dum incipit cantor dicere, mox omnes de sedilibus surgant, ob honorem & reuerentiam sanctissimæ Trinitatis. Codices autem legantur in vigilijs diuinæ auctoritatis, tam veteris testamenti, quam noui. Sed & expositiones earum, quæ a nominatis, & orthodoxis, catholicisque Patribus factæ sunt. Post has vero tres lectiones cum responsorijs suis, sequantur reliqui sex psalmi cum alleluia cantandi. Post hos lectio Apostoli sequatur, ex corde recitanda: & versus, & supplicatio litaniarum; id est, Kyrie eleison. Et sic finiantur vigiliæ nocturnæ.

CAP. X. *Qualiter æstatis tempore agatur nocturna laus.*

**A** Pascha autem usque ad kalendas Nouembres, omnis, ut supra dictum est, psalmodiæ quantitas teneatur: excepto quod lectiones in codice, propter breuitatem nocturni, minime legantur; sed pro ipsis tribus lectionibus,  
d                      vna



vna de veteri testamento memoriter dicatur : quam breue responforium subsequatur ; & reliqua omnia , vt supra dictum est , impleantur : id est , vt nunquam minus a duodecim psalmodum quantitate ad vigilias nocturnas dicatur : exceptis tertio , & nonagesimo quarto psalmo .

CAP. XI. *Qualiter diebus Dominicis vigilie agantur .*

**D**ominico die temporius surgatur ad vigilias : in quibus vigilijs teneatur mensura ; id est , modulatis , vt supra disposuimus , sex psalmis & versu , residentibus cunctis dispositis & per ordinem in subsellijs , legantur in codice , vt supra diximus , quatuor lectiones cum responforijs suis : vbi tantum in quarto responforio dicatur a cantante , Gloria : quam dum incipit , mox omnes cum reuerentia surgant . Post quas lectiones sequantur ex ordine alij sex psalmi cum antiphonis , sicut anteriores , & versus . Post quos iterum legantur alie quatuor lectiones cum responforijs suis , ordine quo supra . Post quas dicantur tria cantica de Prophetis , quae instituerit Abbas : quae cantica cum alleluia psallantur . Dicto etiam versu , & benedicente Abbate , legantur alie quatuor lectiones de nouo testamento , ordine quo supra . Post quartum autem responforium , incipiat Abbas hymnum : *Te Deum laudamus* . Quo dicto , legat Abbas lectionem de Euangelio , cum honore & tremore stantibus omnibus . Qua perlecta , respondeant omnes , *Amen* . Et subsequatur mox Abbas hymnum : *Te decet laus* : & data benedictione incipiant matutinos . Qui ordo vigiliarum omni tempore tam aestatis quam hyemis , aequaliter in die Dominico teneatur : nisi forte , quod absit , tardius surgant , aliquid de lectionibus breuiandum est , aut responforijs : quod tamen omnino caueatur ne proueniat . Quod si contigerit , digne inde satisfaciatur Deo in oratorio , per cuius euenerit neglectum .

CAP.

CAP. XII. *Quando matutinorum solemnitas agatur.*

**I**N matutinis Dominico die in primis dicatur sexagesimus sextus psalmus sine antiphona in directum. Post quem dicatur quinquagesimus cum alleluia. Post quem dicatur centesimus septimus decimus, & sexagesimus secundus. Inde benedictiones, & laudes, lectio de Apocalypsi una ex corde, & responsum, & Ambrosianum, & versus, & canticum de Euangelio, litanie, & completum est.

CAP. XIII. *Priuatim diebus qualiter agantur matutini.*

**D**iebus autem priuatim matutinorum solemnitas ita agatur; id est, ut sexagesimus sextus psalmus dicatur sine antiphona, subtrahendo modice sicut die Dominico: ut omnes occurrant ad quinquagesimum, qui cum antiphona dicatur. Post quem alij duo psalmi dicantur secundum consuetudinem; id est, secunda feria, quintus, & trigessimus quintus. Tertia feria, quadragesimus secundus, & quinquagesimus sextus. Quarta feria sexagesimus tertius, & sexagesimus quartus. Quinta feria octogessimus septimus, & octogessimus nonus. Sexta feria, septuagesimus quintus, & nonagesimus primus. Sabbato autem centesimus quadragesimus secundus, & canticum Deuteronomij, quod diuidatur in duas glorias. Nam ceteris diebus canticum vnumquodque die suo ex Prophetis, sicut psallit Ecclesia Romana, dicatur. Post hæc sequantur laudes: deinde lectio una Apostoli memoriter recitando; responsum, Ambrosianum, versus, canticum de Euangelio, litanie, & completum est. Plane agenda matutina, vel vespertina, non transeant aliquando, nisi in ultimo per ordinem oratio Dominica omnibus audientibus dicatur a Priore; propter scandalorum spinas, quæ oriri solent; ut conuenti per ipsius orationis sponsonem, qua dicunt: *Dimitte nobis, sicut & nos*

d 2

dimit-

*dimittimus debitoribus nostris : purgent se ab huiusmodi vitio . Ceteris vero agendis vltima pars eius orationis dicatur , vt ab omnibus respondeatur : Sed libera nos a malo .*

**CAP. XIV.** *In natalitijs Sanctorum qualiter agantur vigilia .*

**I**N Sanctorum vero festiuitatibus , vel omnibus solemnitatibus , sicut diximus Dominico die agendum , ita agatur ; excepto quod psalmi , aut antiphonæ , vel lectiones ad ipsum diem pertinentes dicantur . Modus autem supra scriptus teneatur .

**CAP. XV.** *Alleluia quibus temporibus dicatur .*

**A** Sancto Pascha vsque ad Pentecosten sine intermissione dicatur Alleluia , tam in psalmis , quam in responsorijs . A Pentecoste vsque ad caput Quadragesimæ , omnibus noctibus cum sex posterioribus psalmis tantum ad nocturnos dicatur . Omni vero Dominica extra Quadragesimam , cantica , matutini , prima , tertia , sexta , nonaque cum alleluia dicantur . Vespera vero cum antiphonis . Responsoria vero nunquam dicantur cum alleluia , nisi a Pascha vsque ad Pentecosten .

**CAP. XVI.** *Qualiter diuina opera per diem agantur .*

**Pf. 118.** **V**T ait Propheta : *Septies in die laudem dixi tibi* . Qui septenarius sacratus numerus a nobis sic implebitur , si Matutini , Primæ , Tertiæ , Sextæ , Nonæ , Vesperæ , Completorii que tempore , nostræ seruitutis officia persoluamus . Quia de his diurnis horis dixit : *Septies in die laudem dixi tibi* . Nam de nocturnis vigilijs idem ipse Propheta ait : *Media nocte surgebam ad confitendum tibi* . Ergo his temporibus referamus laudes Creatori nostro super iudicia iustitiæ suæ : id est , Matutinis ,

*ibid.*

tinis, Prima, Tertia, Sexta, Nona, Vespera, Completorio : & nocte surgamus ad confitendum ei .

CAP. XVII. *Quot psalmi per easdem horas canendi sunt .*

**I**am de Nocturnis, vel Matutinis digessimus ordinem psalmodiæ : nunc de sequentibus horis videamus . Prima hora dicantur psalmi tres singillatim , & non sub vna gloria . Hymnus eiusdem horæ post versum , *Deus in adiutorium meum intende* , antequam psalmi incipiantur . Post expletionem vero trium psalmorum, recitetur lectio vna, versus, & Kyrie eleison : & Missæ sunt . Tertia vero, Sexta, & Nona eodem ordine celebretur : id est, versus, hymni earumdem horarum, terni psalmi, lectio, & versus, Kyrie eleison : & Missæ sunt . Si maior congregatio fuerit, cum antiphonis : si vero minor, in directum psallantur . Vespertina autem synaxis quatuor psalmis cum antiphonis terminetur : post quos psalmos lectio recitanda est, inde responsum, Ambrosianum, versus, canticum de Euangelio, litaniæ, & oratio Dominica : & fiant Missæ . Completorium autem, trium psalmorum dictione terminetur : qui psalmi directanei sine antiphona dicendi sunt . Post quos hymnus eiusdem horæ, lectio vna, versus, Kyrie eleison, & benedictiones : & Missæ fiant .

CAP. XVIII. *Quo ordine ipsi psalmi dicendi sunt .*

**I**n primis dicatur versus : *Deus in adiutorium meum intende ; Domine ad adiuuandum me festina* : & Gloria . Inde hymnus cuiusque horæ . Deinde prima hora Dominica, dicenda sunt quatuor capitula psalmi centesimi octau decimi . Reliquis vero horis, id est, Tertia, Sexta, & Nona, terna capitula supradicti psalmi centesimi octau decimi dicantur . Ad primam autem secundæ feriæ dicantur tres psalmi, id est,

pri-

primus, secundus, & sextus. Et ita per singulos dies ad Primam usque ad Dominicam dicantur per ordinem terni psalmi, usque ad nonum decimum psalmum; ita sane, ut nonus psalmus, & septimus decimus partiantur in binas glorias; & sic fiat, ut ad vigilias Dominicas semper a vigesimo incipiatur. Ad Tertiam vero, Sextam, & Nonam secundae feriae novem capitula, quae residua sunt de centesimo octavo decimo psalmo, ipsa terna capitula per easdem horas dicantur. Expono ergo psalmo centesimo octavo decimo duobus diebus, id est, Dominico, & secunda feria; tertia feria iam ad Tertiam, Sextam, & Nonam psallantur terni psalmi a centesimo nono decimo, usque ad centesimum vigesimum septimum; id est, psalmi novem. Quique psalmi semper usque ad Dominicam per easdem horas iterum repetantur: hymnorum nihilominus, lectionum, vel versuum dispositione uniformi cunctis diebus servata; & ita scilicet, ut semper Dominica a centesimo octavo decimo incipiatur.

Vespera autem quotidie quatuor psalmorum modulatione canatur. Qui psalmi incipiantur a centesimo nono usque ad centesimum quadragessimum septimum; exceptis ijs, qui in diversis horis ex eis sequestrantur; id est, a centesimo septimo decimo usque ad centesimum vigesimum septimum, & centesimum trigessimum tertium, & centesimum quadragessimum secundum. Reliqui omnes in Vespera dicendi sunt. Et quia minus veniunt tres psalmi, ideo diuidendi sunt, qui in numero supradicto fortiores inveniuntur: id est, centesimus trigessimus octauus, & centesimus quadragessimus tertius, & centesimus quadragessimus quartus. Centesimus vero sextus decimus, quia parvus est, cum centesimo quinto decimo coniungatur. Digesto ergo ordine psalmorum vespertinorum, reliqua, id est, lectiones, responsoria, hymni, versus, vel cantica, sicut supra taxauimus, impleantur. Ad Completorium vero quotidie  
ijdem

ijdem psalmi repetantur: id est, quartus, nonagesimus, & centesimus trigessimus tertius.

Disposito ordine psalmodie diurnae, reliqui omnes psalmi, qui supersunt, aequaliter dividantur in septem nocturnas vigiliis, partiendo scilicet, qui inter eos proximiores sunt psalmi, & duodecim per vnamquamque constituantur noctem. Hoc praecipue commoneantes, vti cui forte haec distributio psalmorum displicuerit, ordinet, si melius aliter iudicauerit: dum omnimodis attendatur, vt omni hebdomada psalterium ex integro numero centum quinquaginta psalmorum psallatur: & Dominico die semper a capite repetatur ad vigiliis. quia nimis inertes deuotionis suae seruicium ostendunt monachi, qui minus a psalterio, cum canticis consuetudinarijs, per septimanæ circulum psallunt: cum legamus sanctos Patres nostros vno die hoc strenue implexisse, quod nos tepidi vtrinam septimana integra persoluamus!

#### CAP. XIX. De disciplina psallendi.

**V**bi que credimus diuinam esse praesentiam, & oculos Domini in omni loco speculari bonos & malos: maxime tamen hoc sine aliqua dubitatione credamus, cum ad opus diuinum assistimus. Ideo semper memores simus, quod ait Propheta: *Seruite Domino in timore*. Et iterum: *Psallite sapienter*. Et: *In conspectu angelorum psallam tibi*. Ergo consideremus, qualiter oporteat nos in conspectu diuinitatis & angelorum esse: & sic stemus ad psallendum, vt mens nostra concordet voci nostrae.

#### CAP. XX. De reuerentia orationis.

**S**i, cum hominibus potentibus volumus aliqua suggere, non praesumimus, nisi cum humilitate & reuerentia, quan-

quanto magis Domino Deo vniuersorum cum omni humilitate & puritatis deuotione supplicandum est? Et non in multiloquio, sed in paritate cordis, & compunctione lacrimarum nos exaudiri sciamus. Et ideo breuis debet esse & pura oratio; nisi forte ex affectu inspirationis diuinæ gratiæ protendatur. In conuentu tamen omnino breuietur oratio, & facto signo a Priore, omnes pariter surgant.

CAP. XXI. *De Decanis monasterij.*

**S**i maior fuerit congregatio, eligantur de ipsis fratres boni testimonij, & sanctæ conuersationis, & constituentur Decani: qui sollicitudinem gerant super Decanias suas in omnibus secundum mandata Dei, & præcepta Abbatis sui. Qui Decani tales eligantur, in quibus securus Abbas partiatur onera sua, & non eligantur per ordinem, sed secundum vitæ meritum, & sapientiæ doctrinam. Quique Decani, si ex eis aliqua forte quis inflatus superbia repertus fuerit reprehensibilis, correptus semel & iterum, atque tertio, si emendare noluerit, deijciatur; & alter in loco eius, qui dignus sit, subrogetur. Et de Præposito eadem constituimus.

CAP. XXII. *Quando dormiant monachi.*

**S**inguli per singula lecta dormiant. Lectisternia pro modo conuersationis secundum dispensationem Abbatis sui accipiant. Si potest fieri, omnes in vno loco dormiant; sin autem multitudo non finit, deni aut viceni cum senioribus, qui super eos solliciti sint, pausent. Candela iugiter in eadem cella ardeat usque mane. Vestiti dormiant, & cincti cingulis aut funibus, & cultellos ad latus suum non habeant, dum dormiunt; ne forte per somnum vulnerentur dormientes: & vt parati sint monachi semper, & facto signo

signo absque mora surgentes festinent inuicem se praeuenire ad opus Dei, cum omni tamen grauitate & modestia. Adolescentiores fratres iuxta se non habeant lecta, sed permixti cum senioribus: surgentes vero ad opus Dei inuicem se moderate cohortentur, propter somnolentorum excusationes.

CAP. XXIII. *De excommunicatione culpatum.*

**S**i quis frater contumax, aut inobediens, aut superbus, aut murmurans, vel in alio contrarius existens sanctae Regulæ, & præceptis seniorum suorum contemptor repertus fuerit, hic secundum Domini nostri præceptum admonetur semel & secundo secrete a senioribus suis. Si non emendauerit, obiurgetur publice coram omnibus. Si vero neque sic correxerit, si intelligit qualis poena sit, excommunicationi subiaceat. Sin autem improbus est, vindictæ corporali subdatur. Mat. 18.

CAP. XXIV. *Qualis debeat esse modus excommunicationis.*

**S**ecundum modum culpæ, excommunicationis vel disciplinæ mensura debet extendi; qui culparum modus in Abbatis pendeat iudicio. Si quis tamen frater in leuioribus culpis inuenitur, a mensæ participatione priuetur. Priuati autem a mensæ consortio ista erit ratio, vt in Oratorio psalmum aut antiphonam non imponat, neque lectionem recitet vsque ad satisfactionem. Refectionem autem cibi post fratrum refectionem solus accipiat, mensura, vel hora, qua præniderit Abbas ei competere: vt si verbi gratia fratres reficiunt sexta hora, ille frater nona: si fratres nona, ille vespertina, vsque dum satisfactione congrua veniam consequatur.



CAP. XXV. *De grauioribus culpis.*

**I**s autem frater, qui grauioris culpæ noxa tenetur, suspendatur a mensa simul & ab oratorio. Nullus ei fratrium in vilo iungatur consortio, neque in colloquio. Solus sit ad opus sibi iniunctum, persistens in poenitentiae luctu; sciens illam terribilem Apostoli sententiam dicentis:

1. Cor. 5. *Traditum huiusmodi hominem faciant in interitum carnis, ut spiritus saluus sit in die Domini.* Cibi autem refectionem solus percipiat, mensura, vel hora, qua præuiderit ei Abbas competere. Nec a quoquam benedicatur transeunte, nec cibus, qui ei datur.

CAP. XXVI. *De ijs, qui sine iussione Abbatis iunguntur excommunicatis.*

**S**i quis frater præsumpserit sine iussione Abbatis fratri excommunicato quolibet modo se iungere, aut loqui cum eo, vel mandatum ei dirigere, similem sortiatur excommunicationis vindictam.

CAP. XXVII. *Qualiter debeat Abbas sollicitus esse circa excommunicatos.*

**O**mni sollicitudine curam gerat Abbas circa delinquentes fratres; quia non est opus sanis medicis, sed male habentibus. Et ideo uti debet omni modo, ut sapiens medicus: immittere synpæctas, id est, seniores sapientes fratres, qui quasi secrete consolentur fratrem fluctuantem, & prouocent ad humilitatis satisfactionem; & consolentur eum, ne abundantiori tristitia absorbeatur; sed sicut ait Apostolus:

Cor. 2. 2. *Confirmetur in eo caritas, & oretur pro eo ab omnibus.* Magnopere enim debet sollicitudinem gerere Abbas & omni sagacitate & industria curare, ne aliquam de ouibus sibi creditis per-

perdat. Nouerit enim se infirmarum curam suscepisse animarum, non super sanas tyrannidem: & metuat Prophetæ comminationem, per quem dicit Deus: *Quod crassum uidebatis, assimebatis; & quod debile erat praeiiciebatis.* Et pastoris Ezr. 34.  
boni pium imitetur exemplum, qui relictis nonaginta nouem ouibus in montibus, abiit unam ouem, quæ errauerat, Luc. 16.  
querere; cuius infirmitati in tantum compassus est, ut eam in sacris humeris suis dignaretur imponere, & sic reportare ad gregem.

**CAP. XXVIII.** *De ijs, qui sepius corrupti non emendauerunt.*

**S**i quis frater frequenter correptus pro qualibet culpa, si etiam excommunicatus non emendauerit, acrior ei accedat correptio; id est, ut verberum vindicta in eum procedat. Quod si nec ita correxerit, aut forte, quod absit, in superbiam elatus, etiam defendere voluerit opera sua; tunc Abbas faciat, quod sapiens medicus. Si exhibuit fomenta, si unguenta adhortationum, si medicamina scripturarum diuinarum, si ad ultimum uisionem excommunicationis, vel plagarum virgas, etiam si uiderit nihil suam praualescere industriam; adhibeat etiam, quod maius est, suam & omnium fratrum pro eo orationem; ut Dominus, qui omnis potens est, operetur salutem circa infirmum fratrem. Quod si nec isto modo sanatus fuerit, tunc iam utatur Abbas ferro abscissionis, ut ait Apostolus: *Auferte malum in uobis:* 1. Cor. 5.  
Et iterum: *Infidelis si discit, discat;* ne una ovis morbida 2. Cor. 7.  
omnem gregem contamineat.

**CAP. XXIX.** *Si debeant iterum recipi fratres exiuntes de monasterio.*

**F**rater, qui proprio uitio egreditur de monasterio, si reuertere uoluerit, spondeat prius omnem emendationem:  
e 2 vitij,

vitij, pro quo egressus est, & sic in ultimo gradu recipiatur, ut ex hoc eius humilitas comprobetur. Quod si denuo exierit, usque tertio ita recipiatur: iam postea sciens omnem sibi reuersionis aditum denegari.

CAP. XXX. *De pueris minori aetate, qualiter corripiantur.*

**O**mnis aetas vel intellectus proprias debet habere mensuras. Ideoque quotiens pueri vel adolescentiores aetate, aut qui minus intelligere possunt quanta poena sit excommunicationis, hi tales, dum delinquant, aut ieiunijs nimijs affligantur, aut acris verberibus coerceantur, ut sanentur.

CAP. XXXI. *De Cellerario monasterij, qualis debeat esse.*

**C**ellerarius monasterij eligatur de congregatione sapiens, maturus moribus, sobrius, non multum edax, non elatus, non turbulentus, non iniuriosus, non tardus, non prodigus, sed timens Deum: qui omni congregationi sit sicut pater. Curam gerat de omnibus: sine iussione Abbatis nihil faciat. Quae iubentur, custodiat: fratres non contristet. Si quis frater ab eo forte aliqua irrationabiliter postulat, non spernendo eum contristet; sed rationabiliter cum humilitate male petenti deneget. Animam suam custodiat, memor semper illud Apostolicum: *Quia qui bene ministraverit, gradum bonum sibi acquirit.* Infirmorum, infantium, hospitum, pauperumque cum omni solitudine curam gerat: sciens sine dubio, quia pro his omnibus in die iudicij rationem redditurus est.

Omnia vasa monasterij, cunctamque substantiam, ac si altaris vasa sacrata, conspiciat. Nihil ducat negligendum, neque auaritia studeat, neque prodigus sit, & extirpator sub-

substantiæ monasterij: sed omnia mensurate faciat, & secundum iussione[m] Abbatis sui. Humilitatem ante omnia habeat; & cui substantia non est, quæ tribuatur, sermo responsionis porrigatur bonus, quia scriptum est: *Sermo bonus super datum optimum*. Omnia quæ ei iniunxerit Abbas, ipse habeat sub cura sua; a quibus eum prohibuerit, non præsumat. Fratribus constitutam annonam sine aliquo typo, vel mora offerat, ut non scandalizentur: memor diuini eloquij, quid mereatur, qui scandalizauerit vnum de pusillis. Si congregatio maior fuerit, solatia ei dentur, a quibus adiutus & ipse æquo animo impleat officium sibi commissum. Horis competentibus dentur quæ danda sunt, & petantur quæ petenda sunt: ut nemo perturbetur, neque contristetur in domo Dei. Ecc. 12.  
Mat. 18.

CAP. XXXII. *De ferramentis, vel rebus monasterij.*

Substantia monasterij in ferramentis, vel vestibus, seu quibuslibet rebus, prouideat Abbas fratres, de quorum vita & moribus securus sit, & eis singula, ut utile iudicauerit, consignet custodienda atque recolligenda. Ex quibus Abbas breue teneat: ut dum sibi in ipsa assignata fratres vicibus succedunt, sciat quid dat, aut quid recipit. Si quis autem sordide aut negligenter res monasterij tractauerit, corripiatur: si non emendauerit, disciplinæ regulari subiaceat.

CAP. XXXIII. *Si quid debeant monachi proprium habere.*

Præcipue hoc vitium peculiare radicitus amputandum. Est de monasterio; ne quis præsumat aliquid dare aut accipere sine iussione Abbatis, neque aliquid habere proprium, nullam omnino rem, neque codicem, neque tabulas, neque graphium, sed nihil omnino: quippe quibus nec

cor-

corpora sua, nec voluntates licet habere in propria potestate. Omnia vero necessaria a patre sperare monasterij: nec quicquam liceat habere, quod Abbas non dederit, aut permiserit. Omniaque omnibus sint communia, ut scriptum est: nec quisquam suum esse aliquid dicat, aut presumat. Quod si quisquam hoc nequissimo vitio deprehensus fuerit, delectari, admonetur semel & iterum: si non emendauerit, correptioni subiaceat.

AN. 4.

CAP. XXXIV. *Si omnes aqualiter debeant necessaria accipere.*

AN. 4.

Sicut scriptum est: *Dividebatur singulis, prout cuique opus erat.* Vbi non dicimus, quod personarum, quod absit, acceptio sit; sed infirmitatum consideratio. Vbi qui minus indiget, agat Deo gratias, & non contristetur; qui vero plus indiget, humilietur pro infirmitate, & non extollatur pro misericordia; & ita omnia membra erunt in pace. Ante omnia ne murmuracionis malum pro qualicunque causa, in aliquo qualicunque verbo vel significatione appareat. Quod si deprehensus fuerit, districtiori disciplinæ subdatur.

CAP. XXXV. *De Septimanarijs coquina.*

Fratres sibi inuicem seruiant, ut nullus excusetur a coquina officio; nisi aut ægitudine, aut in causa grauis utilitatis quis occupatus fuerit: quia exinde maior merces & caritas acquiritur. Imbecilibus autem procurentur solatia, ut non cum tristitia hoc faciant; sed habeant omnes solatia secundum modum congregationis, aut positionem loci. Si maior fuerit congregatio, Cellerarius excusetur a coquina, vel si qui, ut diximus, maioribus utilitatibus occupantur: ceteri sibi sub caritate inuicem seruiant. Egressurus de septimana sabbato munditias faciat. Lintea cum quibus sibi fratres manus ac pedes tergunt,

gunt, latet. Pedes vero tam ipse, qui egreditur, quam ille qui intraturus est, omnibus lauent. Vasa ministerij sui munda & sana Cellerario reconfignet. Qui Cellerarius item intranti confignet, ut sciat quid dat, aut quid recipit.

Septimanarij autem ante vnam horam refectionis accipiant super statutam annonam singulos biberes, & panem; ut hora refectionis sine murmuratione, & graui labore seruiant fratribus suis. In diebus tamen solemnibus usque ad missas sustineant. Intrantes autem & exeuntes hebdomadarij in oratorio, mox matutinis finitis Dominica omnium genibus prostruantur, postulantes pro se orari. Egrediens autem de septimana dicat hunc versum: *Benedictus es Domine Deus, qui adiuuisti me, & consolatus es me.* Quo dicto tertio, accepta benedictione refectionis, sublequatur ingrediens, & dicat: *Deus in adiutorium meum intende, Domine ad adiuuandum me festina.* Et hoc idem tertio repetatur ab omnibus, & accepta benedictione ingrediatur.

Ps. 118.

Psal. 83.

#### CAP. XXXVI. De infirmis fratribus.

Infirmorum cura ante omnia, & super omnia adhibenda. Est: ut sicut reuera Christo, ita eis seruiatur: quia ipse dixit: *Infirmus fui, & visitastis me.* Et: *Quod fecistis uni de his minimis meis, mihi fecistis.* Sed & ipsi infirmi considerent in honorem Dei sibi serui: & non superfluitate sua contristent fratres suos seruientes sibi. Qui tamen patienter portandi sunt: quia de talibus copiosius merces acquiritur. Ergo cura maxima sit Abbati, ne aliquam negligentiam patiantur. Quibus fratribus infirmis sit cella super se deputata, & seruitor timens Deum, & diligens, ac sollicitus.

Balnearum usus infirmis, quoties expedit, offeratur. Sanis autem, & maxime iuuenibus, tardius concedatur. Sed & carniū esus infirmis omnino debilibus pro reparatione concedatur. At ubi meliorati fuerint, a carnibus more solito

lito omnes abstineant . Curam autem maximam habeat Abbas ne a cellerarijs, aut seruatoribus negligantur infirmi : quia ad ipsum respicit , quicquid a discipulis delinquitur .

CAP. XXXVII. *De senibus, vel infantibus .*

**L**icet ipsa natura humana trahatur ad misericordiam in his ætatibus , senum videlicet & infantum ; tamen & Regulæ auctoritas ei prospiciat . Consideretur semper in eis imbecillitas , & nullatenus eis districtio Regulæ teneatur in alimentis : sed sit in eis pia consideratio , & præueniant horas canonicas .

CAP. XXXVIII. *De hebdomadario lectore .*

**M**ensis fratrum edentium lectio deesse non debet : nec fortuito casu qui arripuerit codicem, legere audeat ibi sed lecturus tota hebdomada , Dominica ingrediatur . Qui ingrediens post missas & communionem , petat ab omnibus pro se orari, vt auertat ab ipso Deus spiritum elationis . Et dicatur hic versus in oratorio tertio ab omnibus , ipso tamen incipiente : *Domine labia mea aperies, & os meum annuntiabit laudem tuam .* Et sic accepta benedictione , ingrediatur ad legendum : & summum fiat silentium ad mensam, vt nullius mussitatio, vel vox , nisi solius legentis, ibi audiatur . Quæ vero necessaria sunt comedentibus & bibentibus , sic sibi vicissim ministrent fratres , vt nullus indigeat petere aliquid . Si quid tamen opus fuerit, sonitu cuiuscunque signi potius petatur, quam voce . Nec præsumat ibi aliquis de ipsa lectione , aut aliunde quidquam requirere , ne detur occasio : nisi forte Prior voluerit pro ædificatione aliquid breuiter dicere . Frater autem hebdomadarius accipiat mixtum priusquam incipiat legere , propter communionem sanctam , & ne forte graue sit ei ieiunium sustinere . Postea  
autem

*Psal. 50.*

autem cum coquina hebdomadarijs, & seruatoribus reficiat. Fratres autem non per ordinem legant, aut cantent; sed qui ædificent audientes.

CAP. XXXIX. *De mensura ciborum.*

Sufficere credimus ad refectionem quotidianam, tam Sextæ, quam Nonæ, omnibus mensis cocta duo pulmentaria, propter diuersorum infirmitates; ut forte, qui ex vno non potuerit edere, ex alio reficiatur. Ergo duo pulmentaria cocta fratribus omnibus sufficiant; & si fuerint inde poma, aut nascentia leguminum, addatur & tertium. Panis libra vna propensa sufficiat in die, siue vna sit resectio, siue prandij, & coenæ. Quod si coenaturi sunt, de eadem libra, tertia pars a Cellerario feruetur, reddenda coenaturis. Quod si labor forte factus fuerit maior, in arbitrio & potestate Abbatis erit, si expediat aliquid augere, remota præ omnibus crapula, & ut nunquam surripiat monacho indigeries. Quia nihil sic contrarium est omni Christiano, quomodo crapula, sicut ait Dominus noster: *Videte ne grauentur* Luc. 21. *corda vestra in crapula.* Pueris vero minori ætate non eadem feruetur quantitas, sed minor quam maioribus, seruata in omnibus parcitate. Carnium vero quadrupedum ab omnibus abstinenceat comestio, præter omnino debiles & ægrotos.

CAP. XL. *De mensura potus.*

Vnusquisque proprium habet donum ex Deo; alius sic, alius vero sic. 1. Cor. 12. Et ideo cum aliqua scrupulositate a nobis mensura vitæ aliorum constituitur; tamen infirmorum contuentes imbecillitatem, credimus heminam vini per singulos sufficere per diem. Quibus autem donat Deus tolerantiam abstinentiæ, propriam se habituros mercedem sciant. Quod si aut loci necessitas, vel labor, aut ardor æstatis amplius possit.



poscerit, in arbitrio Prioris consistat : considerans in omnibus, ne surrepat satietas, aut ebrietas. Licet legamus, vinum omnino monachorum non esse : sed quia nostris temporibus id monachis persuaderi non potest, saltem vel hoc consentiamus, ut non usque ad satietatem bibamus, sed  
*Ecd. 15.* parcius : quia vinum apostatare facit etiam sapientes. Vbi autem necessitas loci exposcit, ut nec superscripta mensura inueniri possit, sed multo minus, aut ex toto nihil : benedicant Deum, qui ibi habitant, & non murmurent. Hoc omnino admonentes, ut absque murmurationibus sint.

CAP. XLI. *Quibus horis oporteat reficere fratres.*

**A** sancto Pascha usque ad Pentecosten ad Sextam reficiant fratres, & ad seram coenent. A Pentecoste autem tota æstate, si labores agrorum non habent monachi, aut nimietas æstatis non perturbat, quarta & sexta feria ieiunent usque ad Nonam : reliquis vero diebus ad Sextam prandeant. Quæ prandij Sexta, si opera in agris habuerint, aut æstatis feruor nimius fuerit, continuanda erit & in Abbatis sit providentia. Et sic omnia temperet atque disponat, qualiter & animæ saluentur, & quod faciunt fratres, absque iusta murmuratione faciant. Ab idibus autem Septembris, usque ad caput quadragesimæ ad Nonam semper reficiant. In quadragesima vero usque ad Pascha, ad vesperam reficiant. Ipsa tamen vespera sic agatur, ut lumine lucernæ non indigeant reficientes ; sed luce adhuc diei omnia consummentur. Sed & omni tempore, siue coenæ, siue refectionis hora sic temperetur, ut cum luce fiant omnia.

CAP. XLII. *Ut post completorium nemo loquatur.*

**O**mnino tempore silentio debent studere monachi, maxime tamen nocturnis horis. Et ideo omni tempore, siue  
 iei-

ieiunij, siue prandij, si tempus fuerit prandij, mox vt surrexerint a cena, sedent omnes in vnum: & legat vnus collationes vel vitas Patrum, aut certe aliud quod ædificet audientes: non autem Heptaticum, aut Regum: quia infirmis intellectibus non erit vtile illa hora hanc scripturam audire: alijs vero horis legantur. Si autem ieiunij dies fuerit, dicta vespera, paruo intervallo mox accedant ad lectionem collationum, vt diximus: & lectis quatuor aut quinque folijs, vel quantum hora permittit, omnibus in vnum occurrentibus, per hanc moram lectionis. Si quis forte in assignato sibi commissio fuerit occupatus, occurrat. Omnes ergo in vnum positi compleant: & exiuntes a completorijs, nulla sit licentia denuo cuiquam loqui aliquid. Quod si inuentus fuerit quisquam prauaricare hanc taciturnitatis regulam, grati vindictæ subiaceat: excepto si necessitas hospitum superuenerit, aut forte Abbas alicui aliquid iusserit. Quod tamen & ipsum cum summa grauitate & moderatione honestissime fiat.

CAP. XLIII. *De ijs, qui ad opus Dei, vel ad mensam tarde occurrunt.*

**A**d horam diuini officij, mox vt auditum fuerit signum, relictis omnibus, quælibet fuerint in manibus, summa cum festinatione curratur: cum grauitate tamen, vt non scurrilitas inueniat fomittem. Ergo nihil operi Dei præponatur. Quod si quis in nocturnis vigilijs post gloriam psalmi nonagesimi quarti, quem propter hoc omnino subtrahendo & morose volumus dici, occurrerit: non stet in ordine suo in choro, sed vltimus omnium stet, aut in loco quem talibus negligentibus seorsam constituerit Abbas: vt videatur ab ipso, vel ab omnibus, vsque dum completo opere Dei, satisfactione publica poeniteat. Ideo autem eos in vltimo, aut seorsum iudicauimus debere stare: vt visi

ab omnibus, vel pro ipsa verecundia sua emendentur. Nam si foris oratorio remaneant, erit forte talis, qui se aut recolo-  
cet & dormiat, aut certe sedeat sibi foris, vel fabulis vacet,  
& detur occasio maligno. Sed ingrediatur intus: vt nec  
totum perdat, & de reliquo emendetur. Diurnis autem  
horis, qui ad opus Dei, post versum & gloriam primi psal-  
mi, qui post versum dicitur, non occurrerit; lege qua supra  
diximus, in vltimo stet, nec præsumat sociari choro psallen-  
tium, vsque ad satisfactionem: nisi forte Abbas licentiam de-  
derit permissione sua: ita tamen, vt satisfaciatur reus ex hoc.

Ad mensam autem, qui ante versum non occurrerit, vt  
simul omnes dicant versum & orent, & sub vno omnes ac-  
cedant ad mensam: qui per negligentiam suam, aut vitium  
non occurrerit, vsque ad secundam vicem pro hoc corri-  
piatur. Si denuo non emendauerit, non permittatur ad  
mensæ communis participationem: sed sequestratus a con-  
sortio omnium reficiat solus, sublata ei portione sua de vi-  
no, vsque ad satisfactionem & emendationem. Similiter  
autem patiatur, qui etiam ad illum versum non fuerit præ-  
sens, qui post cibum dicitur. Et ne quis præsumat ante sta-  
tutam horam, vel postea quidquam cibi vel potus sumere.  
Sed & si cui offertur aliquid a Priore, & accipere renuerit:  
hora, qua desiderauerit, hoc quod prius recusauit, aut aliud  
omnino nihil percipiat, vsque ad emendationem congruam.

CAP. XLIV. *De ijs qui excommunicantur, quomodo  
satisfaciant.*

**Q**ui pro grauioribus culpis ab oratorio & a mensa ex-  
communicatur, hora qua opus Dei in oratorio cele-  
bratur, ante fores oratorij prostratus iaceat, nihil dicens,  
nisi tantum posito in terra capite stratus pronus omnium  
de oratorio exeuntium pedibus se projiciat. Et hoc tam diu  
faciat, vsque dum Abbas iudicauerit satisfactum esse. Qui  
dum

dum iussus ab Abbate venerit, voluat se ipse Abbatis, deinde omnium vestigijs, ut orent pro ipso. Et tunc si iusserit Abbas, recipiatur in choro, vel in ordine, quo Abbas decreuerit: ita sane, ut psalmum, & lectionem, vel aliud quid non presumat in oratorio imponere, nisi iterum Abbas iubeat. Et omnibus horis, dum completur opus Dei, proiciat se in terra in loco, in quo stat: & sic satisfaciat, usque dum ei iubeat iterum Abbas, ut quiescat iam ab hac satisfactione. Qui vero pro leuibus culpis excommunicantur tantum a mensa, in oratorio satisfaciant usque ad iussionem Abbatis: & tam diu hoc perficiant, usque dum benedicat, & dicat, sufficit.

CAP. XLV. *De ijs, qui falluntur in oratorio.*

**S**i quis dum pronunciat psalmum, responsum, antiphonam, vel lectionem, & sefellerit; nisi satisfactionem ibi coram omnibus humiliatus fuerit, maiori vindictæ subiaceat; quippe qui noluit humilitate corrigere, quod negligentia deliquit. Infantes autem pro tali culpa vapulent.

CAP. XLVI. *De ijs, qui in alijs quibuslibet rebus delinquant.*

**S**i quis dum in labore quouis, in coquina, in cellario, in ministerio, in pistrino, in horto, in arte aliqua dum laborat, vel in quocumque loco aliquid deliquerit, aut fregerit quidpiam aut perdiderit, vel aliud quid excefferit ubi ubi, & non veniens continuo ante Abbatem, vel congregationem, ipse ultro satisfecerit, & prodiderit delictum suum; dum per alium cognitum fuerit, maiori subiaceat emendationi. Si animæ vero peccati causa fuerit latens, tantum Abbati, aut spiritualibus senioribus patefaciat, qui sciant curare sua & aliena vulnera, non detegere & publicare.

CAP.

CAP. XLVII. *De significanda hora operis Dei.*

**N**untianda hora operis Dei die noctuque sit cura Abbatis aut ipse nuntiare, aut tali sollicito fratri iniungat hanc curam, ut omnia horis competentibus compleantur. Psalmos autem, vel antiphonas post Abbatem ordine suo, quibus iussu fuerit, imponant. Cantare autem aut legere non presumat, nisi qui potest ipsum officium implere, ut edificentur audientes. Quod cum humilitate, & gravitate, & tremore fiat, & cui iusserit Abbas.

CAP. XLVIII. *De opere manuum quotidiano.*

**O**ciositas inimica est animæ: & ideo certis temporibus occupari debent fratres in labore manuum, certis iterum horis in lectione diuina. Ideoque hac dispositione credimus utraque tempora ordinari; id est, ut a Pascha usque ad kalendas Octobres, mane exeuntes a prima usque ad horam pene quartam laborent, quod necessarium fuerit. Ab hora autem quarta usque ad horam quasi sextam lectioni vacent. Post sextam autem surgentes a mensa pausent in lectis suis, cum omni silentio: aut forte, qui voluerit legere, sibi sic legat, ut alium non inquietet: & agatur nona temperius, mediante octaua hora: & iterum quod faciendum est, operentur usque ad vesperam. Si autem necessitas loci, aut paupertas exegerit, ut ad fruges colligendas per se occupentur, non contristentur: quia tunc vere monachi sunt, si labore manuum suarum viuunt, sicut & Patres nostri, & Apostoli: omnia tamen mensurate fiant propter pusillanimes.

A kalendis autem Octobribus usque ad eundem quadragesimæ, usque in horam secundam plenam, lectioni vacent. Hora secunda agatur Tertia: & usque ad nonam omnes in opus suum laborent, quod eis iniungitur. Facto autem pri-

primo signo ~~non~~ horæ, disjungant ab opere singuli, & sint parati, dum secundum signum pulsauerit. Post refectionem autem vacent lectionibus suis, aut psalmis.

In quadragesimæ vero diebus a mane vsque ad tertiam plenam lectioni vacent: & vsque ad decimam horam plenam operentur quod eis iniungitur. In quibus diebus quadragesimæ, accipiant omnes singulos codices de bibliotheca, quos per ordinem ex integro legant. Qui codices in caput quadragesimæ dandi sunt. Ante omnia sane deputentur vnus aut duo seniores, qui circumueant monasterium horis, quibus vacant fratres lectioni: & videant, ne forte inueniatur frater accidiosus, qui vacet otio aut fabulis, & non sit intentus lectioni: & non solum sibi inutilis sit, sed etiam alios extollat. Hic talis si, quod absit, repertus fuerit, corripiatur semel & secundo: si non emendauerit, correctioni regulari subiaceat taliter, vt ceteri timeant. Neque frater ad fratrem iungatur horis incompetentibus. Dominico item die lectioni vacent omnes: exceptis his, qui varijs officijs deputati sunt. Si quis vero ita negligens & desidiosus fuerit, vt non velit, aut non possit meditari, aut legere; iniungatur ei opus, quod faciat, vt non vacet. Fratribus infirmis, aut delicatis talis opera aut ars iniungatur, vt nec otiosi sint, nec violentia laboris opprimantur, vt effugentur: quorum imbecillitas ab Abbate considerata est.

#### CAP. XLIX. *De Quadragesima obseruatione.*

**L**icet omni tempore vita monachi quadragesimæ debeat obseruationem habere, tamen quia paucorum est ista virtus, ideo suademus istis diebus quadragesimæ omni puritate vitam suam custodire, omnes pariter negligencias aliorum temporum his diebus sanctis diluere. Quod tunc digne fit, si ab omnibus vitijs temperemus, orationi cum

cum fletibus, lectioni, & compunctioni cordis, atque ab-  
 stinentiæ operam demus. Ergo his diebus augeamus nobis  
 aliquid ad solitum pensum seruitutis nostræ, orationes pe-  
 culiæres, ciborum & potus abstinentiam, vt vnusquisque  
 super mensuram sibi indictam aliquid propria voluntate  
 cum gaudio sancti Spiritus offerat Deo: id est, subtrahat  
 corpori suo de cibo, de potu, de somno, de loquacitate,  
 de scurrilitate, & cum spiritalis desiderij gaudio sanctum  
 Pascha expectet. Hoc ipsum tamen quod vnusquisque of-  
 fert, Abbati suo suggerat, & cum eius fiat oratione & vo-  
 luntate: quia quod sine permissione Patris spiritalis fit, præ-  
 sumptioni deputabitur & vanæ gloriæ, non mercedi. Ergo  
 cum voluntate Abbatis omnia agenda sunt.

CAP. L. *De fratribus, qui longe ab oratorio laborant,  
 aut in via sunt.*

**F**ratres, qui omnino longe sunt in labore, & non possunt  
 hora competenti occurrere ad oratorium, & Abbas  
 hoc perpendit, quia ita est, agant ibidem opus Dei, vbi ope-  
 rantur, cum tremore diuino flectentes genua. Similiter qui  
 in itinere directi sunt, non eos prætereant horæ constitutæ:  
 sed, vt possunt, agant sibi, & seruitutis pensum non negligant  
 reddere.

CAP. LI. *De fratribus, qui non longe satis proficiuntur.*

**F**rater, qui pro quouis responso dirigitur, & ea die spera-  
 tur reuerti ad monasterium, non præsumat foris man-  
 ducare, etiamsi omnino rogetur a quouis: nisi forte ei ab  
 Abbate suo præcipiatur. Quod si aliter fecerit, excom-  
 municetur.

CAP.

CAP. LII. *De Oratorio monasterij.*

**O**ratorium hoc sit, quod dicitur : nec ibi quicquam aliud geratur, aut condatur. Expleto opere Dei omnes cum summo silentio exeant, & agatur reuerentia Deo ; vt frater, qui forte sibi peculiariter vult orare, non impediatur alterius improbitate. Sed si alter vult sibi forte secretius orare, simpliciter intret & oret : non in clamorosa voce, sed in lacrimis, & intentione cordis. Ergo qui simile opus non facit, non permittatur expleto opere Dei remorari in oratorio, sicut dictum est; ne alius impedimentum patiatur.

CAP. LIII. *De Hospitibus suscipiendis.*

**O**mnes superuenientes hospites tanquam Christus suscipiantur ; quia ipse dicturus est : *Hospes fui, & suscepistis me.* Mat. 25. Et omnibus congruus honor exhibeatur ; maxime tamen domesticis fidei, & peregrinis. Vt ergo nunciatus fuerit hospes, occurratur ei a Priore, vel a fratribus, cum omni officio caritatis : & primitus orent pariter, & sic sibi socientur in pace : quod pacis osculum non prius offeratur, nisi oratione præmissa, propter illusiones diabolicas. In ipsa autem salutatione omnis exhibeatur humilitas. Omnibus venientibus, siue discedentibus hospitibus, inclinato capite, vel prostrato omni corpore in terra, Christus in eis adoretur, qui & suscipitur.

Suscepti autem hospites ducantur ad orationem : & postea sedeant cum eis Prior, aut cui iusserit ipse. Legatur coram hospite lex diuina, vt ædificetur : & post hæc omnis ei exhibeatur humanitas. Ieiunium a Priore frangatur propter hospitem ; nisi forte præcipuus sit ille dies ieiunij, qui non possit violari. Fratres autem consuetudines ieiuniorum prosequantur. Aquam in manibus Abbas hospitibus det ; pedes hospitibus omnibus tam Abbas, quam cuncta



*psal.* 47. congregatio lauet: quibus lotis, hunc versum dicant: *Suscipimus Deus misericordiam tuam in medio templi tui.* Pauperum autem & peregrinorum maxime susceptio omni cura solite exhibetur: quia in ipsis magis Christus suscipitur. Nam diuitum terror ipse sibi exigit honorem.

Coquina Abbatis & hospitum per se sit, vt incertis horis superuenientes hospites, qui nunquam desunt monasterio, non inquietent fratres. In qua coquina ad annum ingrediantur duo fratres, qui ipsum officium bene impleant: quibus, vt indigent, solatia administrentur; vt absque murmuratione seruiant. Et iterum, quando occupationem minorem habent, exeant, vbi eis imperatur, in opera. Et non solum in ipsis, sed & in omnibus officijs monasterij ista sit consideratio, vt quando indigent, solatia accommodentur eis: & iterum quando vacant, obediant imperanti. Item & cellam hospitum habeat assignatam frater, cuius animam timor Dei possideat: vbi sint lectisternia sufficienter, & domus Dei a sapientibus sapienter administretur. Hospitibus autem, cui non præcipitur, nullatenus societur, neque colloquatur: sed si obuiauerit, aut viderit, salutatis humiliter, vt dictum est, & petita benedictione, pertranseat dicens, sibi non licere colloqui cum hospite.

CAP. LIV. *Si debet monachus litteras, vel aliquid suscipere.*

**N**vllatenus liceat monacho nec a parentibus suis, nec a quoquam hominum, nec sibi inuicem litteras, eulogias, vel quælibet munuscula accipere, aut dare sine præcepto Abbatis. Quod si etiam a parentibus suis ei quidquam directum fuerit, non præsumat suscipere illud, nisi prius indicatum fuerit Abbati: quod si iusserit suscipi, in Abbatis sit potestate, cui illud iubeat dari. Et non contristetur frater, cui forte directum fuerat; vt non detur occasio diabolo. Qui autem aliter præsumperit, disciplinæ regulari subiaceat.

CAP.

CAP. LV. *De Vestiaris & calciariis fratrum.*

**V**estimenta fratribus secundum locorum qualitatem ubi habitant, vel aerum temperiem dentur: quia in frigidis regionibus amplius indiget; in calidis vero minus. Hæc ergo consideratio penes Abbatem est. Nos autem mediocribus locis sufficere credimus monachis per singulos cucullam, & tunicam: cucullam in hieme villosam, in æstate puram, aut vetustam, & scapulare propter opera. Indumenta pedum, pedules & caligas. De quarum rerum omnium colore aut grossitudine non causentur monachi: sed quales inueniri possunt in prouincia, qua degunt, aut quod vilius comparari possit,

Abbas autem de mensura prouideat, ut non sint curta ipsa vestimenta utentibus, sed mensurata. Accipientes noua, vetera semper reddant in præsentem, reponenda in vestiario, propter pauperes. Sufficit enim monacho duas tunicas, & duas cucullas habere propter noctes, & propter lauare ipsas res. Iam quod superfluum est amputari debet. Et pedules, & quodcumque est vetus reddant, dum accipiunt nouum. Femoralia ij, qui diriguntur in viam, de vestiario accipiant; qui reuertentes lota ibi restituant. Et cucullæ & tunicæ sint aliquanto a solito, quas habent, modice meliores; quas exeuntes in viam accipiant de vestiario, & reuertentes restituant.

Stramenta autem lectorum sufficiant matta, sagum, læna, & capitale. Quæ tamen lecta frequenter ab Abbate scrutanda sunt; propter opus peculiare, ne inueniatur. Et si cui inuentum fuerit, quod ab Abbate non accepit, grauissimæ disciplinæ subiaceat. Et ut hoc vitium peculiare radicitus amputetur, dentur ab Abbate omnia, quæ sunt necessaria; id est, cuculla, tunica, pedules, caligæ, brace, cultellus, graphium, acus, mappula, tabula: ut omnis auferatur necessitatis excusatio. A quo tamen Abbate sem-

**AB. 4.** per consideretur illa sententia actuum Apostolorum : *Quia dabatur singulis, prout cuique opus erat.* Ita ergo & Abbas consideret infirmitates indigentium, & non malam voluntatem invidentium. In omnibus tamen iudicijs suis Dei retributionem cogitet.

CAP. LVI. *De mensa Abbatis.*

**M**ensa Abbatis cum hospitibus & peregrinis sit semper. Quotiens tamen minus sunt hospites, quos vult de fratribus vocare in ipsius sit potestate. Seniores autem vnum aut duos semper cum fratribus dimittendos procuret propter disciplinam.

CAP. LVII. *De artificibus monasterij.*

**A**rtifices si sunt in monasterio, cum omni humilitate faciant ipsas artes; si permiserit Abbas. Quod si aliquis ex eis extollitur pro scientia artis suæ, eo quod videatur aliquid conferre monasterio; hic talis euellatur ab ipsa arte, & denuo per eam non transeat, nisi forte humiliato ei iterum Abbas iubeat. Si quid vero ex operibus artificum venundandum est, videant ipsi, per quorum manus transigenda sunt, ne aliquam fraudem monasterio facere præsumant. Memorentur semper Ananiæ & Saphiræ: ne forte mortem, quam illi in corpore pertulerunt, hanc isti, vel omnes, qui aliquam fraudem de rebus monasterij fecerint, in anima patiantur. In ipsis autem pretijs non surripiat avaritiæ malum; sed semper aliquantulum vilius detur, quam ab alijs secularibus dari potest: ut in omnibus glorificetur Deus.

CAP.

CAP. LVIII. *De disciplina suscipiendorum fratrum.*

**N**ouiter veniens quis ad conuersionem, non ei facilis tribuatur ingressus; sed sicut ait. Apostolus: *Probate spiritus, si ex Deo sunt.* Ergo si veniens perseuerauerit pulsans, & illatas sibi iniurias & difficultatem ingressus, post quatuor aut quinque dies visus fuerit patienter portare, & persistere petitioni suæ; annuatur ei ingressus, & sit in cella hospitum paucis diebus. Postea sit in cella nouitiorum, ubi meditetur, & manducet, & dormiat. Et senior ei talis deputetur, qui aptus sit ad lucrandas animas: qui super eum omnino curiose intendat, & sollicitus sit, si reuera Deum quærit, si sollicitus est ad opus Dei, ad obedientiam, ad opprobria. Prædicentur ei omnia dura & aspera, per quæ itur ad Deum. Si promiserit de stabilitatis suæ perseuerantia, post duorum mensium circulum legatur ei hæc Regula per ordinem, & dicatur ei: Ecce lex, sub qua militare vis: si potes obseruare, ingredi; si vero non potes, liber discede. Si adhuc steterit, tunc ducatur in supradictam cellam nouitiorum, & iterum probetur in omni patientia. Et post sex mensium circuitum legatur ei Regula; ut sciat ad quod ingreditur. Et si adhuc stat, post quatuor menses iterum relegatur ei eadem Regula. Et si habita secum deliberatione promiserit se omnia custodire, & cuncta sibi imperata seruare, tunc suscipiatur in congregatione, sciens se iam sub lege Regulæ constitutum; quod ei ex illa die non liceat egredi de monasterio, nec collum excutere de sub iugo Regulæ, quam sub tam morosa deliberatione licuit aut excusare, aut suscipere.

Suscipiendus autem in oratorio coram omnibus promittat de stabilitate sua, & conuersione morum suorum, & obedientia, coram Deo & sanctis eius: ut si aliquando aliter fecerit, ab eo se damnandum sciat, quem irridet. De qua promissione sua faciat petitionem ad nomen Sanctorum, quo-

quorum reliquiae ibi sunt, & Abbatis praesentis. Quam petitionem manu sua scribat, aut certe si non scit literas, alter ab eo rogatus scribat. Et ille nouitius signum faciat, & manu sua eam super altare ponat. Quam dum posuerit, incipiat ipse nouitius mox hunc versum: *Suscipe me Domine, secundum eloquium tuum, & vitam; & non confundas me ab expectatione mea.* Quem versum omnis congregatio tertio respondet, adiungentes: *Gloria Patri, &c.* Tunc ille frater nouitius prosternatur singulorum pedibus, ut orent pro eo; & iam ex illa die in congregatione reputetur. Res si quas habet, aut erogat prius pauperibus, aut facta solemniter donatione, conferat monasterio, nihil sibi reseruans ex omnibus: quippe qui ex illo die nec proprii corporis potestatem se habiturum sciat. Mox ergo in oratorio exuatur rebus proprijs, quibus vestitus est, & induatur rebus monasterij. Illa autem vestimenta, quibus exutus est, reponantur in vestiario conseruanda: ut si aliquando suadente diabolo consenserit, ut egrediatur de monasterio, quod absit, tunc exutus rebus monasterij proijciatur. Illam tamen petitionem, quam desuper altare Abbas tulit, non recipiat; sed in monasterio reseruetur.

CAP. LIX. *De filiis nobilium vel pauperum, qui offeruntur.*

**S**I quis forte de nobilibus offert filium suum Deo in monasterio, si ipse puer minori aetate est, parentes eius faciant petitionem, quam supra diximus. Et cum oblatione ipsam petitionem, & manum pueri inuoluant in palla altaris, & sic eum offerant. De rebus autem suis, aut in praesenti petitione promittant sub iureiurando, quia nunquam per se, nunquam per suspectam personam, nec quolibet modo ei aliquando aliquid dent, aut tribuant occasionem habendi. Vel certe si hoc facere noluerint, & aliquid offerre volunt in eleemosynam monasterio pro mercede sua; faciant

ciant ex rebus, quas dare volunt monasterio, donationem, reſeruato ſibi, ſi ita voluerint, uſu fructuario. Atque ita omnia obſtruantur, vt nulla ſuſpicio remaneat puero, per quam deceptus perire poſſit, quod abſit; quod experimento didicimus. Similiter autem & pauperiores faciant. Qui vero ex toto nihil habent, ſimpliciter petitionem faciant, & cum oblatione offerant filium ſuum coram teſtibus.

CAP. LX. *De ſacerdotibus, qui voluerint in monaſterio habitare.*

**S**I quis de ordine ſacerdotum in monaſterio ſe ſuſcipi rogauerit, non quidem ei citius aſſentiat. Tamen ſi omnino perſtiterit in hac ſupplicatione, ſciat ſe omnem Regulæ diſciplinam ſeruaturum. Nec aliquid ei relaxabitur, vt ſit, ſicut ſcriptum eſt: *Amice ad quid veniſti?* Concedatur ei tamen poſt Abbatem ſtare, & benedicere, aut Miſſas tenere, ſi tamen iuſſerit ei Abbas: ſin alias, nullatenus aliqua præſumat, ſciens ſe diſciplinæ regulari ſubditum, & magis humilitatis exempla omnibus det. Et ſi forte ordinationis, aut alicuius rei cauſa fuerit in monaſterio, illum locum attendat, quando ingreſſus eſt in monaſterium, non illum, qui ei pro reuerentia ſacerdotij conceſſus eſt. Clericorum autem ſi quis eodem deſiderio monaſterio ſociari voluerit, loco mediocri collocetur. Et ipſe tamen ſi promittit de obſervatione Regulæ, vel propria ſtabilitate. Matt. 26.

CAP. LXI. *De monachis peregrinis, qualiter ſuſcipiantur.*

**S**I quis monachus peregrinus de longinquis prouincijs ſuperuenerit, ſi pro hospite voluerit habitare in monaſterio, & contentus eſt conſuetudine loci, quam inuenerit, & non forte ſuperfluitate ſua perturbat monaſterium, ſed ſimpliciter contentus eſt quod inuenerit: ſuſcipiatur quanto  
temo

tempore cupit. Si qua sane rationabiliter, & cum humilitate caritatis reprehendit, aut ostendit; tractet Abbas prudenter; ne forte pro hoc ipso eum Dominus direxerit. Si vero postea voluerit stabilitatem suam firmare, non reuatur talis voluntas; & maxime, quia tempore hospitalitatis potuit eius vita dignosci. Quod si superfluous, aut vitiosus inuentus fuerit tempore hospitalitatis, non solum non debet sociari corpori monasterij; verum etiam dicatur ei honeste, vt discedat, ne eius miseria etiam alij vitientur. Quod si non fuerit talis, qui mereatur proijci; non solum si petierit, suscipiatur congregationi sociandus; verum etiam suadeatur vt stet: vt eius exemplo alij erudiantur: quia in omni loco vni Domino seruitur, & vni regi militatur. Quem si etiam talem esse perspexerit Abbas, liceat eum in superiori aliquantulum constituere loco. Non solum autem monachum, sed etiam de superscriptis gradibus sacerdotum, vel clericorum, stabilire potest Abbas in maiori, quam ingreditur loco; si eius talem perspexerit esse vitam. Caueat autem Abbas, ne aliquando de alio noto monasterio monachum ad habitandum suscipiat, sine consensu Abbatis eius, aut litteris commendatitijs; quia scriptum est:

*Mat. 7. Quod tibi non vis fieri, alteri ne feceris.*

CAP. LXII. *De sacerdotibus monasterij.*

**S**I quis Abbas sibi presbyterum vel diaconum ordinare petierit, de suis eligat, qui dignus sit sacerdotio fungi. Ordinatus autem caueat elationem; aut superbiam: nec quidquam præsumat, nisi quod ei ab Abbate præcipitur; sciens se multo magis disciplinæ regulari subditum: nec occasione sacerdotij obliuiscatur Regulæ obedientiam, & disciplinam; sed magis ac magis in Deum proficiat. Locum vero illum semper attendat, quo ingressus est monasterio, præter officium altaris: & si forte electio congregatio-

gationis, & voluntas Abbatis, pro vitæ merito eum promouere voluerit. Qui tamen Regulam a Decanis vel Præpositis constitutam sibi seruandam sciat; quod si aliter præsumpserit, non vt sacerdos, sed vt rebellis iudicetur. Et sæpe admonitus, si non correxerit, etiam Episcopus adhibeatur in testimonium. Quod si nec sic emendauerit, clarescentibus culpis proijciatur de monasterio: si tamen talis fuerit eius contumacia, vt subdi aut obedire Regulæ nolit.

CAP. LXIII. *De ordine congregationis.*

**O**rdines suos in monasterio ita conseruent, vt conuersionis tempus, & vitæ meritum discernit, vtque Abbas constituerit. Qui Abbas non conturbet gregem sibi commissum, nec quasi libera vtens potestate iniuste disponat aliquid; sed cogitet semper, quia de omnibus iudicijs & operibus suis redditurus est Deo rationem. Ergo secundum ordines, quos constituerit, vel quos habuerint ipsi fratres, sic accedant ad pacem, ad communionem, ad psalmum imponendum, in choro standum. Et in omnibus omnino locis ætas non discernat ordines, nec præiudicet; quia Samuel & Daniel pueri presbyteros iudicauerunt. Ergo exceptis, quos, vt diximus, altiori consilio Abbas prætulerit, vel degradauerit certis ex causis, reliqui omnes, vt conuertuntur, ita sint: vt verbi gratia, qui secunda diei hora venerit in monasterio, iuniorem se nouerit illo esse, qui prima hora diei venit, cuiuslibet ætatis, aut dignitatis sit.

1. Reg. 7.

Dan. 13.

Pueris vero per omnia ab omnibus disciplina teneatur. Iuniores igitur priores suos honorent; priores minores suos diligant. In ipsa autem appellatione nominum nulli liceat alium puro appellare nomine; sed priores iuniores suos fratres nominent: iuniores autem priores suos Nonnos vocent; quod intelligitur paterna reuerentia. Abbas autem, quia vices Christi creditur agere, Dominus & Abbas

h

voce-



vocetur: non sua assumptione, sed honore & amore Christi. Ipse autem cogitet, & sic se exhibeat, vt dignus sit tali honore. Vbicumque autem sibi obuiant fratres, iunior a priore benedictionem petat. Transeunte maiore, minor surgat, & det ei locum sedendi: nec præsumat iunior confedere, nisi ei præcipiat senior suus: vt fiat, quod scriptum est: *Honore inuicem præuenientes*. Pueri parui, vel adoluscentes in Oratorio, vel ad mensam cum disciplina ordines suos consequantur: foris autem, vel vbi vbi custodiam habeant & disciplinam, vsque dum ad intelligibilem ætatem perueniant.

Rom. 12.

#### CAP. LXIV. De ordinando Abbate.

**I**N Abbatis ordinatione illa semper consideretur ratio, vt hic constituatur, quem sibi omnis concors congregatio, secundum timorem Dei, siue etiam pars, quamuis parua, congregationis, saniori consilio elegerit. Vitæ autem merito, & sapientiæ doctrina eligatur, qui ordinandus est: etiam si vltimus fuerit in ordine congregationis. Quod si etiam omnis congregatio vitijs suis (quod quidem absit) consentientem personam pari consilio elegerit, & vitia ipsa aliquatenus in notitiam Episcopi, ad cuius diocesim pertinet locus ipse, vel Abbatibus, aut Christianis vicinis claruerint: prohibeant prauorum præualere consensum, & domui Dei dignum constituent dispensatorem: scientes pro hoc se recepturos mercedem bonam, si illud caste, & zelo Dei faciant: sicut è diuerso peccatum incursum, si negligant.

Ordinatus autem Abbas cogitet semper quale onus suscepit, & cui redditurus est rationem villicationis suæ: sciatque sibi oportere prodesse magis, quam præesse. Oportet ergo eum esse doctum lege diuina: vt sciat & sit vnde proferat noua & vetera: castum, sobrium, misericordem,

dem, & semper superexaltet misericordiam iudicio, ut idem ipse consequatur. Oderit vitia, diligat fratres. In ipsa autem correptione prudenter agat, & ne quid nimis: ne dum nimis eradere cupit æruginem, frangatur vas: suamque fragilitatem semper suspectus sit, memineritque calamum quassatum non conterendum. In quibus non dicimus, ut permittat nutriri vitia; sed prudenter, & cum caritate ea amputet, ut viderit cuique expedire, sicut iam diximus; & studeat plus amari, quam timeri. Non sit turbulentus & anxius; non sit nimis & obstinatus; non sit zelotypus, & nimis suspiciosus; quia nunquam requiescet. In ipsis imperijs suis sit prouidus & consideratus: siue secundum Deum, siue secundum seculum sint. Opera quæ iniungit, discernat, & temperet, cogitans discretionem S. Iacob dicentis: *Si greges meos plus in ambulando fecero laborare, morientur cuncti una die.* Gen. 33. Hæc ergo aliaque testimonia discretionis matris virtutum sumens, sic omnia temperet, ut sit, quod & fortes cupiant, & infirmi non refugiant. Et præcipue ut præsentem Regulam in omnibus conseruet: ut dum bene ministrauerit, audiat a Domino, quod seruus bonus, qui erogauit triticum conseruis suis in tempore suo: *Amen dico vobis* Matt. 24. *ait, super omnia bona sua constituet eum.*

## CAP. LXV. De Præposito monasterij.

Sæpius quidem contingit, ut per ordinationem Præpositi scandala grania in monasterijs oriantur, dum sint aliqui maligno spiritu superbiæ inflati, qui æstimantes se secundos esse Abbates, assumentes sibi tyrannidem, scandala nutriunt, & dissensiones in congregatione faciunt; & maxime in illis locis, vbi ab eodem sacerdote, vel ab eisdem Abbatibus, qui Abbatem ordinant, ab ipsis etiam & Præpositus ordinatur. Quod quam sit absurdum facile aduertitur; quia ab ipso initio ordinationis, materia ei datur superbiendi, dum ei

h 2      sug-

frangeretur a cogitationibus suis, exutum eum esse a potestate Abbatis sui, quia ab ipsis est ordinatus, a quibus & Abbas. Hinc suscitantur inuidiæ, rixæ, detractioes, æmulationes, dissensiones, exordinationes. Et dum contraria sibi inuicem Abbas Præpositusque sentiunt, & ipsorum necesse est sub hac dissensione animas periclitari: & ij, qui sub ipsis sunt, dum adulantur partibus, eunt in perditionem. Cuius periculi malum, illos respicit in capite, qui talibus in ordinatione se fecerunt auctores.

Ideoque nos præuidemus expedire propter pacis caritatisque custodiam, in Abbatis pendere arbitrio ordinationem monasterij sui. Et, si potest fieri, per Decanos ordinetur, vt antea disposuimus, omnis utilitas monasterij, prout Abbas disposuerit; vt dum pluribus committitur, vnus non superbiat. Quod si aut locus expetit, aut congregatio petierit rationabiliter cum humilitate, & Abbas iudicauerit expedire, quemcumque elegerit Abbas cum consilio fratrum mentium Deum, ordinet ipse sibi Præpositum. Qui tamen Præpositus illa agat cum reuerentia, quæ ab Abbate suo ei iniuncta fuerint, nihil contra Abbatis voluntatem, aut ordinationem faciens, quia quantum prælatus est ceteris, tantum eum oportet sollicitius obseruare præcepta Regulæ. Qui Præpositus, si repertus fuerit vitiosus, aut elatione deceptus superbire; aut contemptor sanctæ Regulæ fuerit comprobatus; admoneatur verbis vsque quater: si non emendauerit, adhibeatur ei correptio disciplinæ regularis. Quod si neque sic correxerit, tunc deiciatur de ordine Præposituræ; & alius, qui dignus est, in loco eius subrogetur. Quod si & postea in congregatione quietus & obediens non fuerit, etiam de monasterio expellatur. Cogitet tamen Abbas, se de omnibus iudicijs suis Deo redditurum rationem; ne forte inuidiæ aut zeli flamma urat animam.

CAP. LXVI. *De Ostiario monasterij.*

**A**d portam monasterij ponatur senex sapiens, qui sciat accipere responsum, & reddere: & cuius maturitas eum non sinat vagari. Qui portarius cellam debet habere iuxta portam, ut venientes semper præsentem inueniant, a quo responsum accipiant. Et mox ut aliquis pulsauerit, aut pauper clamauerit, Deo gratias; respondeat, aut Benedicat; & cum omni mansuetudine timoris Dei reddat responsum festinanter cum seruire caritatis. Qui portarius, si indiget solatio, iuniorem fratrem accipiat. Monasterium autem, si fieri potest, ita debet construi, ut omnia necessaria; id est, aqua, molendinum, hortus, pistrinum, vel artes diuersæ intra monasterium exerceantur: ut non sit necessitas monachis vagandi foras; quia omnino non expedit animabus eorum. Hanc autem Regulam sæpius volumus in congregatione legi, ne quis fratrum de ignorantia se excuset.

CAP. LXVII. *De fratribus in via directis.*

**D**irigendi fratres in via omnium fratrum vel Abbatis orationi se commendent: & semper ad orationem ultimam operis Dei commemoratio omnium absentium fiat. Reuertentes autem de via fratres, ipso die quo redeunt, per omnes canonicas horas, dum expletur opus Dei, prostrati solò oratorij, ab omnibus petant orationem propter excessus; ne quid forte subriperit in via visus, aut auditus malæ rei, aut otiosi sermonis. Nec præsumat quisquam alijs referre quæcumque foris monasterium viderit, aut audierit: quia plurima destructio est. Quod si quis præsumperit, vindictæ regulari subiaceat. Similiter & qui præsumperit claustra monasterij egredi, vel quocumque ire, vel quidpiam, quamuis paruum, sine Abbatis iussione facere.

CAP.

CAP. LXVIII. *Si fratri impossibilia iniungantur.*

**S**I cui fratri aliqua forte graua aut impossibilia iniungantur, suscipiat quidem iubentis imperium cum omni mansuetudine & obedientia. Quod si omnino virium suarum mensuram viderit pondus excedere, impossibilitatis suæ causas ei, qui sibi præest, patienter & opportune suggerat, non superbiendo, aut resistendo, vel contradicendo. Quod si post suggestionem suam in sua sententia Prioris imperium perdurauerit, sciat iunior ita sibi expedire, & ex caritate confidens de adiutorio Dei obediat.

CAP. LXIX. *Vt in monasterio non præsumat alter alium defendere.*

**P**ræcauendum est, ne quauis occasione præsumat alter alium defendere monachum in monasterio, aut quasi tueri; etiamsi qualibet consanguinitatis propinquitate iungantur. Nec quolibet modo id a monachis præsumatur: quia exinde grauissima occasio scandalorum oriri potest. Quod si quis hæc transgressus fuerit, acrius coërceatur.

CAP. LXX. *Vt non præsumat quisquam alium cadere, aut excommunicare.*

**V**T vitetur in monasterio omnis præsumptionis occasio, constituimus, vt nulli liceat quemquam fratrum suorum excommunicare aut cedere, nisi cui potestas ab Abbate data fuerit. Peccantes autem coram omnibus arguantur, vt ceteri metum habeant. Infantibus vero vsque ad quintumdecimum annum ætatis disciplinæ diligentia adhibeatur, & custodia sit ab omnibus. Sed & hoc cum omni mensura & ratione. Nam in fortiori ætate, qui præsumperit aliquatenus sine præcepto Abbatis, vel in iplis infantibus

tibus sine discretionē exarferit, disciplinæ Regulari subiacet : quia scriptum est : *Quod tibi non vis fieri, alij ne feceris.* MATI. 7.

CAP. LXXI. *Vt obedientes sint sibi inuicem fratres.*

**O**bedientiæ bonum non solum Abbati exhibendum est ab omnibus, sed etiam sibi inuicem ita obediant fratres : scientes per hanc obedientiæ viam se ituros ad Deum. Præmissio ergo Abbatis, aut Præpositorum, qui ab eo constituantur, imperio, cui non permittimus priuata imperia præponi, de cetero omnes iuniores Prioribus suis omni caritate & sollicitudine obediant. Quod si quis contentiosus reperitur, corripiatur. Si quis autem frater pro quauis minima causa ab Abbate, vel a quocumque Priore suo corripitur quolibet modo, vel si leuiter senserit animum Prioris cuiuscumque contra se iratum vel commotum, quamuis modice, mox sine mora tamdiu prostratus in terra ante pedes eius iaceat satisfaciens, vsque dum benedictione sanetur illa commotio. Quod si quis contempserit facere, aut corporali vindictæ subiaceat : aut si contumax fuerit, de monasterio expellatur.

CAP. LXXII. *De zelo bono quem debent monachi habere.*

**S**icut est zelus amaritudinis malus, qui separat a Deo, & ducit ad infernum : ita est zelus bonus, qui separat a vitijs, & ducit ad Deum & ad vitam æternam. Hunc ergo zelum feruentissimo amore exerceant monachi : id est, vt honore se inuicem præueniant, infirmitates suas, siue corporum siue morum, patientissime tolerant : obedientiam sibi certatim impendant. Nullus quod sibi vtile iudicat sequatur, sed quod magis alij : caritatem fraternitatis casto impendant amore : Deum timeant : Abbatem suum sincera & humi-

humili caritate diligant; Christo omnino nihil præponant; qui nos pariter ad vitam æternam perducant.


CAP. LXXIII. *Deo eo, quod non omnis iustitia observatio in hac sit Regula constituta.*

**R**egulam autem hanc descripsimus, ut eam observantes in monasterijs aliquatenus, vel honestatem morum, aut initium conuersationis nos demonstremus habere. Ceterum ad perfectionem conuersationis qui festinant, sunt doctrinæ sanctorum Patrum, quarum observatio perducit hominem ad celsitudinem perfectionis. Quæ enim pagina, aut quis sermo diuinæ auctoritatis veteris ac noui testamenti non est rectissima norma vitæ humanæ? Aut quis liber sanctorum catholicorum Patrum hoc non resonat, ut recto cursu perueniamus ad creatorem nostrum? Necnon & Collationes Patrum, & instituta, & vita eorum, sed & Regula sancti Patris nostri Basilij, quid aliud sunt, nisi bene viuentium & obedientium monachorum exempla, & instrumenta virtutum? Nobis autem desidijs, & male viuentibus, atque negligentibus rubor confusionis est. Quisquis ergo ad patriam cælestem festinas, hanc minimam inchoationis Regulam descriptam adiuuante Christo perface; & tunc demum ad maiora, quæ supra commemorauimus, doctrinæ virtutumque culmina, Deo protegente, peruenies. Facientibus hæc regna patebunt æterna. Amen.

EXPLICIT REGULA S. BENEDICTI ABBATIS.



INCI-



I N C I P I T

# CONSENSORIA MONACHORVM.



C A P V T P R I M V M.



OMMVNI definitione decreuimus apud nos, quod nunquam postmodum ab vilo poterit infringi.

Residentibus nobis in monasterio in nomine domini nostri Iesu Christi omnibus placuit, secundum Apostolicam traditionem, vnum sentire, & communiter possidere; sicut scriptum est: *Vnum sentientes in Domino.* Et nemo quicquam proprium vendit: sed sicut scriptum est in actibus Apostolorum: *Habentes omnia communia, & nemo quicquam suum esse dicebat.* quod & nobis scriptum est. In Domino ergo iure obseruationis & legis nos teneamus, & in eo vsque in finem permaneamus: quoniam scriptum est: *Qui permanserit vsque in finem, hic saluus erit.* Mat. 10.

II. Si quis autem venire desiderat ad congregationem fratrum, qui in vnum esse videntur, non ignorans Euangelij dictum, quo dixit: *Vendat omnia sua, erogat egenis & pauperibus.* Et iterum: *Abneget semetipsum sibi, & tollat crucem suam, & sequatur Christum.* Et ne tractet in corde suo de victu, aut vestimento, & ceteris, quæ necessaria sunt corpori; ipso Mat. 19. Luc. 9.

Do-



*Mat. 6.* Domino in Euangelio præmonente & dicente : Nolite cogitare dicentes ; quid edetis , aut quid vestiemini ? hac enim gentes cogitant . Scit enim pater vester , quia horum omnium indigetis . Querite regnum Dei & iustitiam eius , & hac omnia apponentur vobis .

III. Veruntamen antequam statuatur esse in monasterio, probet propositum fratrum atque exemplum , & ipse probetur in omni conuersatione ab illo , qui Prior est, & ceteris consentientibus : propter illud quod propheta docet & admonet, dicens : *Amicum noli cito comprobare.*

IV. Sed si contigerit vt aliquis ex qualibet causa necessitatis a monasterio fuerit abstractus, ne vel mente concipiat , secum aliquid ferre de his omnibus , quæ in monasterio fuerint : siue etiam quæ secum aliquando attulerat ; siue ea quæ cum fratribus acquisierit : quia scriptum est : *Vir mutabilis in lingua incidet in mala.* Et iterum , vt nullum omnino de fratribus secum prouocet : ne magis destructor quam ædificator monasterij iudicetur ; propter illud quod scriptum est : *Qui non est mecum , contra me est : & qui mecum non congregat , dispergit.* Et quicumque prouocatus ab aliquo de monasterio voluerit abscedere , aut redarguat prouocantem , aut indicet Abbati ; cui vtique de his quæ in commune decreuimus nihil est subtrahendum : quia scriptum est : *Ecc. 6.* *Pacifici sint tibi multi ; sed unus ex mille sit tibi consiliarius .*

V. Iugiter hæc quæ scripta sunt , cum summa diligentia obseruanda sunt ab Abbate usque ad omnes fratres . Aut si quis ab aliquo doctrinam audierit , præterquam in monasterio consecutus est ab eo , cui se credidit , hanc aut non suscipiat , aut eam non subtrahat doctori : quia scriptum est : *Eph. 5.* *Omne quod manifestatur lux est .* Si enim bona fuerint , collaudanda sunt ; si vero praua , reprobanda .

De

VI. De his autem fratribus, qui in vnitae consistunt, si quis subito aduersus alterum altercatus fuerit, semel, sed secundum Euangelium, ei liceat exorare. Si autem noluerit se emendare, ille cui iniuria irrogata est, cum post primam, vel secundam correptionem non reuocauerit contumacem, denunciet & illud Abbati: ne per taciturnitatem & ille & frater suus periclitentur; sicut propheta ait: *Qui oc-* Pro. 26.  
*cultat inimicitiam, instruit dolum.*

VII. Si vero, vt fieri solet, incurfio repentina fuperuenerit aut hoftilitas; vt impoffibile fit fratribus in vnum fugam petere, propter infectationem inimicorum, & postmodum Deo fauente euaserint, & potuerint peruenire, vbi Abbatem esse cognouerint, velut filij ad patrem festinare debent. Nec vlllo modo poterunt separari, quos diuina caritas sociauit: quia cautum est: *Perfecta dilectio foras mittit timorem.* 1. Jo. 4.

VIII. Si quis autem, quod superius diximus, causa necessitatis detineat id, quod a monasterio secum portauerit, necesse habebit vbi Abbas suus est, illud perferre: quia non poterit proprie retinere quod per pactum ad omnes pertinet, & Deo vtique est consecratum. Sed si cogitauerit de his aliquid retinere, contradictor Apostoli esse videtur, qui ait: *Nemini quicquam debeat, nisi vt inuicem vos diligatis.* Rom. 13.

VIII. Omnia ergo quæ in isto libro continentur, omnes fratres obseruent, atque subscribant, quia vnum in Domino esse desiderant. Verum propter illos ista sunt cauta, qui in omnibus stabiles esse noscuntur.

FINIT CONSENSORIA MONACHORVM.

## LECTORI.

CONSENSORIAE monachorum, quam sacre antiquitatis mango-  
 nes haftenus pro Regula S. Augustini venditarunt, aliud veteris Re-  
 gula fragmentum subiungo, quod itidem sub Augustiniano nomine  
 delitescit, a quo doctissimi gravissimique viri iure merito id iampr-  
 dem abiudicarunt. Nam Augustinum nonnisi unam Regulam, eam-  
 que virginibus scripsisse certum est, quam nos infra suo loco exhibe-  
 mus. Tertiam vero illam, de Vita eremitica ad sororem, longius ab  
 Augustini ævo stiloque abesse res ipsa indicat, Et nos B. Aëlredi. Rie-  
 uallensis in Anglia Abbatis esse certo scimus: qui circa annum Christi  
 M. C. L. vixit. Fors fuit, ut huius quoque fragmenti auctor vel  
 etas certioribus indicijs innotescat.

# SEQUITUR ALIA REGULA INCERTI AVCTORIS.

## CAPVT PRIMVM.

**A**nte omnia, fratres carissimi, diligatur Deus; deinde proximus: quia ista præcepta principaliter nobis sunt data. Qualiter autem oporteat nos orare vel psallere, describimus: id est, in matutinis dicantur psalmi III, LXII, VI, & LXXXVIII, cum debitis antiphonis, versibus & responsorijs. Ad primam & tertiam dicantur sui psalmi, antiphonæ duæ, lectiones duæ. Simili modo ad sextam & nonam dicantur sui psalmi, cum debitis responsorijs & antiphonis. Hoc idem in vespers & completorio seruetur. Ad lucernarium autem psalmus vnus, responsum vnum, antiphonæ tres, lectiones tres. Et tempore opportuno post lucernarium, omnibus sedentibus, legantur lectiones. Nocturnæ autem orationes mense Nouembri, Decembri, Ianuario & Februario, antiphonæ duodecim, psalmi sex, lectiones tres: Martio, Aprili, Septembri, Octobri, antiphonæ decem, psalmi quinque, lectiones tres: Maio, Iunio, Iulio & Augusto, antiphonæ octo, psalmi quatuor, lectiones duæ.

*Dent. 6.  
Mat. 18.*

**II.** Operentur a mane vsque sextam, & a sexta vsque ad nonam vacent lectioni: & ad nonam reddent codices. Et postquam refecerint, siue in horto, siue vbicunque necesse fuerit, faciant opus vsque ad horam lucernarij. Nemo sibi aliquid vendicet proprium, siue in vestimento, siue in quacunque re. Apostolica enim vita optamus viuere. Nemo cum murmure aliquid faciat, vt non simili iudicio murmuratorum pereat. Fideliter obediant: patrem suum post Deum hono-

*Mat. 2.  
6. 4.*

**honorent: Præposito suo deferant, sicut decet sanctos. Sedentes ad mensam taceant, audientes lectionem: si autem aliquid opus fuerit, Præpositus eorum sollicitus sit. Sabbato & Dominica, sicut consuetudo est, qui volunt, vinum accipiant.**

**III. Si opus fuerit ad aliquam necessitatem mitti, duo eant. Nemo extra monasterium sine præcepto manducet, neque bibat: non enim hoc ad disciplinam pertinet monasterij. Si opera monasterij mittantur fratres vendere, sollicitè caueant, ne quid faciant contra præceptum; scientes, quoniam exacerbant Dominum in sanctis suis. Si aliquid emant ad necessitatem monasterij, sollicitè & fideliter, ut serui Dei, agant.**

**IV. Otiosum verbum apud illos non sit. Mane ad opera sua sedeant: post orationem tertiæ eant ad opera sua: non stantes fabulas contexant, nisi forte aliquid sit pro vtilitate animæ: sedentes ad opera, taceant: nisi forte necessitas operum exegerit, ut loquatur quis.**

**V. Si quis autem non omni virtute, adiuuante misericordia Dei, hæc conatus fuerit implere, sed contumaci animo despexerit: semel atque iterum commonitus, si non emendauerit, sciat se subiacerè disciplinæ monasterij, sicut oportet. Si autem talis fuerit ætas ipsius, etiam vapulabit. Hæc in nomine Christi fideliter & pie obseruantes, & vos proficietis, & nobis non parua lætitia erit de vestra salute. Hæc sunt, quæ ut obseruetis præcepimus in monasterio constituti.**

**EXPLICIT REGULA INCERTI.**

**SS. PAV-**

**SS. PAVLI ET STEPHANI**

**A B B A T V M**

**Regula**

**A D M O N A C H O S .**

**DE SS. PAVLI ET STEPHANI**  
**ABBATVM REGVLA**  
**veterum testimonia.**



**S. BENEDICTVS** Anianæ Abbas in concordia Regula-  
rum sæpissime affert testimonia, *Ex Regula Pauli & Stephani.*  
*sue vt pag. 388. & 619. Ex Regula sanctorum Pauli & Stephani.*  
*quæ etiam solus Stephani, & sancti Stephani nomine ali-*  
*quando citat.*

**SMARAGDVS** Abbas in expositione Regulæ  
**S. Benedicti cap. xxiii.**

*De hoc capitulo* **PAVLVS ET STEPHANVS ABBATES**  
*ita scripserunt: Siquis alterum &c. vt cap. xxxvi.*



INCI-

# INCIPIVNT CAPITVLA

## PRO QVIBVS SVNT FRATRES AMMONENDI.

PAVLI ET STEPHANI.

- I. *Primum de timore Dei & caritate mutua puri cordis, & unanimitate habenda.*
- II. *Quales circa iuvenes esse debent seniores.*
- III. *Qualiter circa seniores se iuvenes debeant exhibere.*
- IV. *Vt ab opere Dei nullus nisi permissus discedat.*
- V. *Vt initium versus in choro incipiat ab uno.*
- VI. *Vt iugiter pronuncietur per choras.*
- VII. *De modo psallendi, & seniorum arbitrio.*
- VIII. *Vt cantantes non dormitent.*
- IX. *Vt cantantium & orantium nullus vel tenuiter fabulis occupetur.*
- X. *Vt dicta Prima nullus se in lecto recubites.*
- XI. *Vt meridiano tempore unusquisque in suo lecto dormiat mediante tempore definito.*
- XII. *Vt opus diuinum cum disciplina in operatione decantent.*
- XIII. *Vt qua hora communicandum est, omnes qui intra cellam sunt vnani, studeant esse presentes.*
- XIV. *Vt decantentur qua iussa sunt cantari.*
- XV. *De his qui psalmos discunt, vt dictatoribus delegati obseruent.*
- XVI. *Vt accepta a minoribus ex more reddantur ad mensam.*
- XVII. *Vt nullus supra statutum modum in cibo vel potu presumat.*
- XVIII. *Vt reficientes cum quiete audiant qua leguntur.*
- XIX. *Vt ad mensam nullus sibi peculiariter aliquid comedendum procuret.*
- XX. *Vt nullus se a mensa deputata migret in aliam.*
- XXI. *Vt calix superfundens non misceatur.*
- XXII. *De vicibus ministrorum.*

k

Si de




- XXIII. Si de ordine iuniorum quisquā a ministerio fuerit segregatus.  
 XXIV. Vt nullus de assignato presumat alterius.  
 XXV. Vt hi quibus custodia commissa est, deuota caritate deseruiant, nec ipsi econtra improbe contristentur.  
 XXVI. Vt in cellario & artificum officinis nullus importune non iussus audeat intrare.  
 XXVII. Vt de rebus alterius nullus sibi ad utendum presumat, nec inter se liceat commutare.  
 XXVIII. De vestimentis & lectualibus seruandis.  
 XXIX. Nisi de usu Prioris nullus consuret.  
 XXX. De eo quod alio perdente alter frater inuenerit.  
 XXXI. De his qui qualemunque artem discere voluerint.  
 XXXII. Vt in pistrino, vel ad omne opus terrenum unusquisque prompto occurrat.  
 XXXIII. De labore preteriti temporis, & quod nec his qui negligentes sunt quidquam de necessarijs subtractum sit.  
 XXXIV. Ad orationem vt consueta amittatur pigritia.  
 XXXV. De ferramentorum in operatione custodia.  
 XXXVI. Vt peccantem nullus tegat.  
 XXXVII. Ab immoderato ioco & risu abstinendum.  
 XXXVIII. Vt alijs litigantibus non se commisceat alter.  
 XXXIX. Vt nullis causis extraneis quisquam se inferat.  
 XL. Vt contra rusticorum prauos excessus nullus humana virtute se audeat vindicare.  
 XLI. Quod & Patrum regula legantur assidue.

EXPLICIT VNT CAPITULA.



INCI-



INCIPIT REGULA  
PAVLI ET STEPHANI  
ABBATVM.



CAPVT PRIMVM.



**P**RIMIS ergo hortamur, vt timorem  
Dei & mutuam caritatem & vnani-  
mitatem omnes in bonis studijs ha-  
beamus.

II. Seniores iunioribus affectum  
paternum impendant ; & cum im-  
perandi necessarium fuerit, non tu-  
menti animositate & clamoris vocibus, sed fiducialiter tran-  
quilla simplicitate, & auctoritate bonæ vitæ ad peragen-  
dam communem vtilitatem quæ fuerint opportuna in-  
iungant.

III. Iuniores senioribus sincera subiectione obediant, nec  
tumenti ceruice in quocunque respondeant, aut fastidienti  
animo & negligente aure imperantibus obedire detrectent;  
sed vnanimiter & concorditer tam in spiritali opere, quam  
in terreno labore omnes fidei intentione occurrant.

k 2

Nulli

IV. Nulli liceat absque Prioris permisso ab opere Dei discedere, sed quem causa manifesta compulerit, oratione a Priore sperata & concessa discedat. Nec bini aut terni, sed singillatim exeuntes orationem sperent: ita ut qui sani sunt, protinus reuertantur; qui vero infirmi, ex permisso redeant ad cubile.

V. Initium versuum psallentium in choro priores qui in eis stant, incipiant: aut si eis aduersatur infirmitas, hi incipiant quibus iusserit Pater. Quibus incipientibus mox omnes, si potest fieri, in prima aut secunda syllaba pariter unanimiter, & vno ore subiungant: ut non sit dissonantia cantantium, quæ maxime ab inordinato initio, & quodammodo contentiosa varietate solet accidere.

VI. Iuniores & maxime qui adhuc psalmos discere meditantur, per choros ex ordine, & sine negligentia dicent: ita ut ab eo loco, a quo adhuc minores ignorant, hi iuniores qui iam psalterium finierunt, per ordinem sibi in dictando succedant; ut omni tempore pronunciandi usus non desit.

VII. Psallendi quoque modus, si possibile est, omni tempore cum temperamento nobis tenendus est: ut nec nimium protracte, nec supra modum correpte; sed ut dictum est, temperata semper modulatione dicatur. Seruato tamen; ut secundum voluntatem & arbitrium Prioris, cui semper considerandi & perpendendi tempus, horam, causam per omnia imminet, siue protrahi, siue accelerare iusto considerationis iudicio iusserit, ad eius nutum, siue etiam eleuatius, siue humiliter voluerit, consona tamen quasi ex vno ore voce dicatur. Nec quisquam præsumat absque Prioris permisso, vel elata vocis extollentia, quæ sæpius inflationis iactantiam & arrogantiam elationis minus cautis generat, aut turbulenta festinatione temperamenti modum excedere,

dere, vel mutare. Nec Prior concessam considerationis licentiam in usu absque certa necessitate audeat usurpare: sciens se Domino redditurum rationem, qui dixit: *Psallite* *Psal. 46.* *sapienter.*

VIII. Somnus, cum opus Dei dicitur, cum Dei adiutorio omnino a nobis fugandus est: timentes illud prophetæ: *Maledictus qui facit opus Dei negligenter.* Et illud: *Dormierunt* *1er. 48.* *somnum suum, & nihil insenerunt omnes viri divitiarum in mani-* *Psal. 75.* *bis suis.*

IX. Nulli liceat tempore, quo opus Dei canitur, qualibet occasione sermonem contra alium fratrem proferre, nisi seniori tantum; cui sine dubio solent causæ cuiuscunque rei aut ordinandæ, aut corrigendæ nonnunquam emergere.

X. Mane dicta Prima nullus se in lecto recubitet: excepto die Dominico, aut festis diebus, in quibus vigiliarum labore & præteriti diei solito amplius fatigati paululum post Primam, qui ex vobis voluerint, membra ponant in lectulis. Quod non omni tempore id ipsum, sed tantum æstivis mensibus liceat: reliquo vero omni tempore per singulos dies mox unusquisque post Primam, dum acceptæ minoribus emendantur, calciet se, & paratus sit ad signum, quod per sonum tabulæ fieri solet: quatenus omnes sine tarditate, ad agnoscendum imminentis diei futurum opus, in locum conveniant deputatum.

XI. Aestatis tempore nulli liceat meridiæ præter in suo lectulo dormire, nisi forte iubente Priore ad nubila pro custodia aræ extra suum lectulum dormiat. In campo vero, quando messis colligitur, si meridiæ dormire licuerit, non divisi, sed in vno loco, aut duobus locis dormiant. Quia non est incognitum, quantum mali ex hac occasione diabolus fece-

fecerit. Tempora vero in quibus, si vacauerit, meridiæ dormiendum nobis est, a die Iduum Maiarum, vsque in diem Iduum Septembrium obseruemus.

XII. Opus Dei, quod per diem in quocunque loco operantes fratres per horas constitutas dicunt, cum disciplina, & timore Dei consona voce dicatur: non prout unusquisque operis exultatione aut occupatione voluerit obrute. Nec præsumendo iunior ante seniore[m] profiliat, & immatura festinatione procedat: & diuinum opus, quod cum timore agendum est, per inordinatam audaciam insipienter, & non sapienter psallatur. Tali enim consuetudine iam infectæ mentes & fauces aliquorum fratrum, ad consonantiam intra oratorium nisi cum magno commotionis freno non queunt retineri. Vt ergo hoc usurpationis vitium abijciatis a vobis, caritatis simplicitate hortamur: talium enim Deus omnium exauditor est: *Ipse misit angelum suum, & tulit me de vultu patris mei.*

Psal. 151.  
in xia 70.

XIII. In hora, qua sanctum corpus & sanguinem Domini communicaturi sumus, præsentēs esse festinemus ad dicendum: *Libera nos a malo:* præter quos certa causa, cum notitia senioris, non sinit esse præsentēs. Omnimodo cauendum est, ne sanctum corpus & sanguinem indigne ad iudicium sumamus.

XIV. Nullus præsumat responsoria vel antiphonas, quæ solent aliqui composito sono, pro suo libitu, & non ex canonica scriptura assumpta canere, in congregatione ista vel meditari vel dicere. Nec ab adueniente hospite sine iussu Prioris quidquam talium rerum aliquis audeat meditari: ne peregrinis varietatum doctrinis, & quodammodo deliramentorum suauitatibus irretiti, simplicitatis & veritatis maturitatem fastidiant: & per cantilenæ sonos leuitatis

tis & orationis compedibus illigati, aut de congregatione auolare diabolo suadente festinent; aut intra monasterium inflati quasi singulari scientia cunctos despiciant. Oportet autem nos vnā & simplicem Apostolicam, & patrum nostrorum imitari doctrinam, & gratia stabiliri; cor morisque subdere disciplinæ, & ea cantare debemus, quæ, sicut beatus Augustinus dicit, ita scripta sunt, vt cantentur: quæ autem non ita scripta sunt, non cantemus. Nec alio modo, quam quo ipse Dominus iussit per prophetas & Apostolos suos manifestari ea hominibus, debent a nobis in laude ipsius dici: ne quæ cantanda sunt, in modum profæ & quasi in lectionem mutemus; aut quæ ita scripta sunt, vt in ordine lectionum vtamur, in tropis & cantilenæ arte nostræ præsumptione vertamus. Si enim sacrificium Deo confessionis & laudis offerre debemus, quomodo ipse præcepit sibi offerre; a nobis Dominus magis obedientiæ, quam victimarum sacrificium quærit; nec cantilenæ artificiorum studio, quantum obseruantia mandatorum, & cordis mundicia delectatur.

XV. His qui literas vel psalmos discunt, illis obseruent ad excipiendum, quibus fuerint deputati: qui pro eis aut de negligentia arguendi sunt, aut in eorum eruditione & studio approbandi. Si autem discedens dictator per se deputare neglexerit, ad Patrem reuertatur is qui excipit, vt ipse deputet pro absente, qui ei dictare debeat. Dum absens reuertetur, ad suum redeat dictatorem.

XVI. Acceptæ in hora refectionis omni tempore ab his, qui eas quotidie de psalmis accipiunt, reddantur ad mensam primam fratrum ex more. Qui meditari neglexerit, & non reddiderit, nec manducet vsque ad horam refectionis venturi diei.

Nulli

**XVII.** Nulli liceat supra statutam consuetudinem, siue in potu, siue in cibo præsumere, nisi Prioris permissu : cui ordinandi & considerandi facultas est : ita vt si graui operatione fatigatis fratribus supra consuetudinem oportet quicquam adiungi, annuente & permittente priore, & non quolibet præsumente, hoc ipsum fieri liceat.

*Num. II.  
Psal. 77.*

**XVIII.** Reficientes cum gratiarum actione & timore Dei lectiones audiamus. Non cum contentione, & murmuratione, & indignatione, & clamoris vocibus, & strepitu pedum, & sono vasorum donum Dei; sed cum caritate & quiete, & dulcissimo disciplinæ fræno sumamus : metuentes Israëlitarum exempla carnalium, quibus manducantibus ad saturitatem angelorum panem, & coturnicum carnes, vsque ad nauseam ore repleto murmurantibus ira Dei ad exterminandum dirigitur.

**XIX.** Nulli fratrum liceat vel pomum, vel quodcunque olerum ad condimentum, vel aliud aliquid ad vsus suos quasi peculiari apparatu in mensam ad manducandum deferre : ne paruissima occasione aut rancor inter fratres de iniustitia, aut horrendus aditus peculiaris aperiatur studij : sed quæcunque harum rerum donante Deo a quolibet inuenta fuerint, cellarario fideliter contradantur, vt ipso distribuente vel per menses singulos, vel prout cuique opus fuerit, ministrentur.

**XX.** Nullus præsumere audeat de ea mensa, in qua comedere scriptus est, transire ad aliam; nec liceat cuiquam alterum ad se de alia mensa venientem ad manducandum suscipere : sed vnusquisq; in mensa deputata comedat : ita vt si in mensa maior pars fratrum absens fuerit, residui vsque ad tres in numero ad suam sedeant. Infra autem hunc numerum remanentes in alia mensa comedant, secundum ordinem deputatum.

Nulli

XXI. Nulli liceat pincernarum calicem sic implere, vt transfundatur. Sed nec cuiquam liceat, vt si ei ab infrunito ministro transfundens oblatus fuerit, accipere: sed cum moderatione implere debet, & competenter: dicente Apostolo: *Omnia vestra honeste, & secundum ordinem fiant.*

1. Cor. 14.

XXII. In omnibus obsequijs & ministerijs, in quibus fratres iuniores sibi vicissim succedunt, vnusquisq; bona voluntate susceptam hebdomadam vicis suæ in quolibet ministerio hilariter absq; murmuratione cum gratia Dei impleat. Quod si ita contingat, vt is qui suscepit quodlibet obsequium, in alia utilitate, vel itinere, aut necessitate infirmitatis occupetur; vicē eius, qui in loco post ipsum in ordine esse videtur, adimpleat. & si defuerit, tertius, siue quartus & quintus ab eo præsens & vacans inuentus fuerit, eius obsequiū repræsenteret: vt ordo ministerij dispositus, quod caritatis & deuotionis amore exhibetur, mutuo conseruatus nullo modo perturbetur.

XXIII. Si in ipso iuniorum ordine, qui sibi in ministerijs singulis per vices succedunt, talis forsitan persona in ordine misceatur, qui iudicio senioris debeat a vice ministerij remoueri, nullus eum audeat prouocare; nec ei per iocum, stimulum suspicionis & confusionis impingat.

XXIV. Nulli liceat de cellario quicquam, vel de quacunque artificum officina, vel ferramentum, vel quamcunque rem, quæ singulis fratribus ad custodiendum assignata est, præsumere pro suo arbitrio: nisi forte aut tanta causa absentiae aut infirmitatis eius, cui qualibet parte cura commissa est, coarctauerit, vt iubente Abbate, aut certe ipso permittente, cui assignatum est, ab alio contingatur.

XXV. Hi quoque, quibus in singulis rebus custodia commissa est, conuenienti deuotione & carissima humilitate;

I

quæ



quæ necessaria sunt, sine mora & fastidio iubente seniore ministrant: nec per superbam inflationem differendo, occasiones faciant querelarum: per quas murmuratio contra eorum laborem, qui nobis in assignatis rebus caritate deferuiunt, non debet excitari.

XXVI. Nulli liceat tam in cellario, quam in singulis officinis artificum improba & importuna absque senioris iussu audacia introire: quia & communem utilitatem valde impedit hæc præsumptio, & ipsis artificibus rancorem animorum ex superflua importunitate impingit.

XXVII. Nulli liceat vel vestimentum, vel calciamentum, aut tabulas, vel cuiuscunque rei parvissimæ tam nouum, quam vetus quicquam, quod alij fratri datum fuerit, praua præsumptione contingere ad vtendum. Nec inter se fratribus liceat, vt id quod de communi quisquam acceperit, nisi permissu Prioris cum alio fratre, quasi peculiari amore mutare: ne hac occasione nascatur amor illicitus. Sed vnusquisque, quod ei caritatis distributione datur, hoc libens & bona voluntate accipiat, & ad vtendum delectetur habere.

XXVIII. Vestimenta vel lectualia nullus sibi lauare audeat, absque oratione & permissu Prioris.

XXIX. Nullus fratrum audeat tonsorari sine oratione Abbatidis: nec alia tonsura quisquam, nisi nobis solita, tonsorari affectet: exceptis infirmis, quos dictante medico pro humore contrario pressius forsitan expedit tonsorari.

XXX. Si quis inuenerit, quodcunque illud est, quod alter frater perdidit, vel intra cellam, vel foris: non apud se vno die, vel si possibile est vna hora retineat: sed in loco deputato quod inuenerit ponat: & qui perdidit in eo loco requirat: vt non patiat errorē & laborem qui perdidit querendi per singulos.

Nulli

XXXI. Nulli liceat ad discendam qualemcunque artem absque oratione senioris, vel cui ab eo ordinandi & disponendi concessa est potestas, suo ausu præsumere; nisi hi tantum qui in singulis artibus Prioris iudicio suo ordine cum orationis gratia deputantur. Sed neque ad meditandas literas, vel psalmos, aut lectiones quisquam ex sua quasi potestate præsumat; & præbendum spiritali bono superbiæ malum, & dissolutæ voluntatis arbitrium, & peculiare studium operetur. Sed si quis per bonam voluntatem qualemcunque artem terrenam, vel in spiritalibus rebus super id quod a nobis quotidie traditur, discere concupiscit, carissima humilitate sibi cōcedendum a Priore expectet. Et si ei concessum fuerit, accepta oratione sic quod cupit incipiat. Cui & si denegatum fuerit, quia forte ei non expedit, gaudens, & nō tristis permaneat. Sed nec cuiquam liceat absque Prioris notitia & iussione alij literas vel qualemlibet artem occulte & quasi furtim ostendere. Quod si quis præsumerit, geminæ culpæ, hoc est, & furti & superbiæ sine dubio subiacebit.

XXXII. Magnopere autem ab omnibus est cauendum, ne aut in pistrino, aut in quacunque manuum operatione, aliquis fratrum pigre, & non inter primos occurrat.

XXXIII. Nam adhortatio laborandi, quæ hætenus cū tanto téperamento a nobis caritati vestræ insinuata est, ab illa Apostolica beati Pauli instantia tantum est debilitata & remissa, quantum est & differentia personarum. Cum ille nobis iubeat hætenus manibus laborare; ut habeamus unde tribuere possimus necessitatem patienti: nos diximus, ut vel quod nobis sufficiat laboremus. Ille dicit, seipsum in fame & siti, in frigore & nuditate nocte & die suis manibus laborasse, ut sibi & qui cum eo erant, necessaria non deessent: nos econtra duplicia habentes in nostris vñibus vestimenta & calciamenta, & quotidiani victus de domo Dei ad saturitatem plenissimum

Eph. 4.

2. Cor. 11.

1. Thes. 2.

2. Thes. 3.

num apparatus, hortamur vt otium non ametis, sed per sincerum vnanimittatis consensum vnusquisque vt praualet, sic laboret. Ille praecepit: *Qui non laborat, non manducet*; nos fragilitatem nostram in vobis pensantes, nulli vestrum, qui haecenus subdola & lubrica voluntate laborare fideliter distulistis, de necessarijs rebus a fidelium fratrum ordine quicquam subtraximus: patienter haecenus tolerantes, vt non vinceremur a malo, sed vinceremus malum in bono.

XXXIV. Hoc scientes, fratres, quia otiosus corpore monachus mente a sordidis cogitationibus nunquam esse poterit otiosus, dicente Salomone: *In desiderijs est omnis otiosus*. Et iterum: *Multa mala excogitat otiositas*. Abieeto ergo a se, qui hucusque talis fuit, hoc vitio promptus ad omne opus accurrat: quia scriptum est: *Non oderis laboriosa opera, & rusticationem ab altissimo creatam*. vt donante Domino de proprijs laboribus, & rebus quotidianis & necessarijs abundemus; & his quos amor spiritalis ad visitandos nos inuitat, possimus conuenienti mediocritate occurrere: aut quos grauis vrget necessitas, debito ministerio valeamus de proprio labore seruire. quia Dominum redemptorem nostrum, *Beatius esse dare, quam accipere*, certum est praecepisse.

XXXV. Euntes in quaecunque opus, ferramenta necessaria is qui inter ipsos vadit prior a custode ferramentorum, mane adnumerata suscipiat, & vni de minoribus, ex his qui cum eo ituri sunt, quem ad hoc idoneum viderit, custodienda assignet: quo opere completo ab ipso solícite ipse recipiat, & custodi contradat; vt nihil depereat obliuione solita & negligentia plurimorum.

XXXVI. Si quis alterum in quacunque parte viderit illicitum quicquam vel sermone vel opere facientem, & Priori distulerit publicare, cognoscat se esse nutritorem peccati, & per

& per omnia æqualem peccanti. Et quia & animæ suæ, & illi est, quem tegit, durissimus inimicus, ex hoc apud Deum, qui mala odit, & apud cunctam fraternitatem execrabilis & infidelis habebitur: quia per abundantiam malitiæ noluit prodere, ut corrigere potuisset, errantem; & odio disciplinæ dilexit malitiam, & *adstitit omni viæ non bonæ.* *Psal. 35.*

XXXVII. Propterea cauenda est omnibus nobis ioci & risus immoderata luxuria; per quam plerumque amarissima inter fratres nascuntur scandala. Nec debet ex hac re occasio discordiæ prouenire: per quam etsi non nasceretur litigium; cauendus tamen nobis erat ad ædificationem sermo non pertinens. Et scientes quia & de otioso sermone ratio Domino est reddenda. Nam risum supra modum quis nesciat indisciplinationis & leuitatis esse ianuam; per quam perniciosos cibos miseræ animæ diabolus subtiliter subministrat?

XXXVIII. Si vnus prouocatus ab altero contra vetitum, respondens ad contentionem causam perduxerit, nullus se in eorum contentione, id est, in aliena causa permisceat: ne inter fratres quasi diuersarum partium studia litigantium nutriantur: nisi forte is senior, qui inter eos discordiam mitigando pacis verba cum moderatione & disciplina & sincera fide interserat.

XXXIX. Nullus præsumat in qualibuscunque causis alienis, siue parentum, siue carnalium, vel qualibuscunque mundanis occasionibus se miscere præter iussionem Prioris: quem plerumque pauperum & oppressorum lacrimæ permouent, ut aut apud iudices, aut apud quos necessarium fuerit, præcator accedat. Nec amplius quam iubetur vel sermonem audeat directus præsumere. Scriptum est enim, *ut nullus militans Deo implicet se negotiis secularibus; ut illi placeat,* *2. Tim. 2.*  
*qui se probauit.* Et si necessaria, hoc est monasterij negotia, quæ nobis

nobis valde onerosa sunt, fugere cupimus & vitare: quanto magis aliena & quæ extra monasterij utilitatem sunt, abhor-  
rere debemus & fugere?

XL. Nullus vestrum contra rusticorū rabiem & prauos excessus, quos plerumq; contra nos diabolo armante exercent, propria se audeat virtute, aut brachio humano repugnante defendere: cū noster defensor solus Deus sit, & patrocinium beatorum Apostolorum atque omnium sanctorum Dei.

XLI. Regulæ quoque Patrum ideo nobis assidue leguntur, vt eorum sanctis exhortationibus interiorē accōmodantes auditum, & disciplinæ concipiamus amorem dulcissimum, & Domino per omnia adiuuante vitæ ipsorum exempla sequamur. Propter quod festinandum nobis est, vt a nostris mentibus tepor excludatur inolitus. Nam & hæc quæ vobis per singula præsentī loquimur scriptura, non in fugillatione sanctorum & beatissimorum Patrum Regulæ ausu temerario ad vos proferenda præsumpsimus; sed ea tantum specialiter ex eorum constitutionibus vobis literis ingerenda curauimus. Plenitudo autem sanctæ conuersationis, & spiritalis vitæ perfecta doctrina in eorum sanctorum Patrum Regulis nobis quotidie recitatur, quorum & probata vita diuino munere & docendi est attributa auctoritas.

XLII. Deus autem omnipotens, qui pacis auctor est, qui  
*psal. 67.* solus potest facere vnanimis habitare in domo, aptet vos omnes ad faciendam voluntatem suam: faciens in nobis quod placeat coram se per Iesum Christum dominum nostrum; & huius adhortationis & commonitionis semen, in vestro corde per gratiam sancti Spiritus plantet, & foueat, & ad maturam bonorum operum perfectionem perducatur, Amen: & nobis remissionem peccatorum condonans in æterna requie cum sua pace custodiat. Amen.

EXPLICIT REGVLA SS. PAVLI ET STEPHANI.

S. CAF.

SECRET

SECRET

ST. JOHN'S, N. B. - The weekly market prices, on January 3, 1914, are as follows:

17-00000 10-1-1971

S. CAESARIL

# ARELATENSIS EPISCOPI

## Regular

# AD MONACHOS

DECLASSIFICATION AUTHORITY DERIVED FROM:

1987-1988

1. The first is the fact that the United States has a long and proud history of supporting human rights. This is a tradition that we must continue to uphold. We must stand up for the rights of all people, regardless of their race, religion, or political beliefs. We must not allow our principles to be compromised by the pressures of the world.

# DE S. CAESARIO EIVSQ. REGVLA veterum testimonia.

GENNADIUS de script. Eccles. cap. LXXXVI.

*CAESARIUS Arelatensis urbis Episcopus, vir sanctitate & virtute  
celeber, scripsit egregia & grata valde, & monachis necessaria opuscula.  
Floruit Anastasio rempublicam gubernante.*

CYPRIANVS lib. I. de vita S. Cæsarij cap. IV.

*Cæsarius primum diaconus, deinde presbyter ordinatur: nec unquam  
tamen canonicam monachi modulationem, nunquam Lerinensium  
fratrum instituta reliquit. ordinis & officio clericus; humilitate, cari-  
tate, obedientia, cruce monachus permanet.*

*Ibid. cap. V. Defuncto in suburbana ciuitatis insula Abbate, ab Epi-  
scopo Eonio eo Cæsarius mittitur, ut monasterium rectore destitutum,  
ipse in eadem reuerentia auctoritate succedens, monastica disciplina in-  
formaret. Itaque in suburbano monasterio libens eam complectitur  
vitæ rationem, quam etiam intra urbem quotidianis semper studijs  
contulisset, & perpetuis optasset votis. Ipsum vero monasterium ita  
quotidiana instantia & diuinis informauit officijs, ut hodieque Deo  
propitio illic videre licet.*

FLORIANVS Epist. V. ad Nicetium Episc.

Tomo I. script. Franc. pag. 851.


*SED & corona vestra socium beatæ memoriæ dominum Cæsarium,  
Arelatensem Episcopum; qui vixit inter barbaros pius, inter bella pa-  
catus, pater orphanorum, pastor egregium: qui tanti census effusione nil  
perdidit, catholica regulam disciplina dictis factisque demonstrans.*

INCI-

INCIPIT REGVLA A SANCTO TETRADIO PRES-  
BYTERO, NEPOTE BEATAE MEMORIAE S. CAESARII EPISCOPI  
ARELATENSIS ABBATI, MEA PARVA PERSONA ROGANTE,  
TRANSMISSA. QVAM A SVO SVIRAMEMORATO DOMINO  
CAESARIO DIXIT IPSE DICTATAM; QVAM DVM ESSET  
SACERDOS IPSE PER DIVERSA MONASTERIA TRANSMITIT.

INCIPIT IN CHRISTI NOMINE REGVLA  
QVALIS DEBEAT ESSE IN MONASTERIO  
VBI ABBAS EST, QVICVNQVE FVERIT.

CAPITVLVM I.



PRIMIS si quis ad conuerſionem vene-  
rit, ea conditione excipiat, vt vſque ad  
mortem ſuam ibi perſeueret. Veſtimenta  
vero laica non ei mutantur, niſi antea de  
facultate ſua chartas venditionis faciat,  
ſicut Dominus praecepit, dicens: *Si vis* Matt. 19.  
*perfectus eſſe, vade, vende omnia qua habes, da*  
*pauperibus, & veni, ſequere me.* Certe ſi non

vult vendere, donationis chartas aut parentibus, aut mo-  
naſterio faciat, dummodo liber ſit: & nihil habeat proprium.  
Si vero pater eius aut mater viuât, & non habet poteſta-  
tem faciendi; quando illi migrauerint cogatur facere. Quæ-  
cunque ſecum exhibuit Abbati tradat; nihil ſibi reſeruet:  
& ſi aliquis de propinquis aliquid traſmiſerit, offerat Abba-  
ti. Si ipſi eſt neceſſarium ipſo iubente habeat: ſi illi neceſſe  
non eſt, in commune redactum, cui opus eſt tribuatur.

II. Sint vobis omnia communia.

III. Cellam peculiarem, aut armariolum, vel quamlibet  
clauſuram nullus habeat: in vna ſchola omnes maneant.

IV. Non iurent: quia Dominus dixit: *Nolite iurare omni-* Matt. 5.  
*no; ſed ſit ſermo veſter, eſt, eſt; non, non.*

m

Men-



Sap. 1.  
Psal. 5.

V. Mentiri qui inuentus fuerit , disciplinam legitimam accipiat : quia *os quod mentitur , occidit animam* : Et, *perdes eos qui loquuntur mendacium* .

1. Cor. 6.

VI. Non maledicant : quia scriptum est : *Neque maledici regnum Dei possidebunt* .

VII. Operam non quam vnusquisque voluerit , sed quæ eis ordinata fuerit , faciant .

VIII. Dum psallimus, nullus loqui præsumat .

Matth. 4.

IX. Ad mensam dum manducant , nullus loquatur ; sed vnus legat quemcumque librum : vt sicut corpus reficitur cibo , ita anima reficiatur Dei verbo . sicut dicit Dominus : *Non autem solo pane viuit homo , sed ex omni verbo Dei* . Qualis est terra sine pluuiâ , & caro sine cibo , talis est anima si non reficiatur Dei verbo .

X. Filium de baptismo nullus excipiat .

XI. Mulieres in monasterio nunquam ingrediantur . Qui in remoto loco est , signo tacto , ad omne opus Dei nullus tardius veniat . Si tardius venerit , statim de ferula in manus accipiat . Arguente Abbate , aut Præposito , aut quolibet seniore , respondere penitus non præsumat .

2. Tim. 2.

Eph. 4.

XII. Lites inter vos non habeatis : sic enim dicit Apostolus : *Seruum Domini non oportet litigare , sed mansuetum esse* . Certe si exceßerit , vt est humana fragilitas , vt se sermonibus duris excitulent , *sol non occidat super iracundiam vestram* .

XIII. Sed nec vllus præsumat iratum culpâre ; sed qui se sciunt secisse quod non debuerunt , inuicem sibi veniam petant , implentes illud Dei mandatum vbi dicit : *Dimittite , & di-*

*Et dimittetur vobis . Si vos non dimiseritis , nec pater vester celestis* Matt. 6.  
*dimittet vobis peccata vestra . Ira viri iustitiam Dei non operatur .* Iac. 1.  
*Si offers munus tuum ad altare , Et recordatus fueris , quia frater tuus* Matt. 5.  
*habet aduersum te , vade prius reconciliari fratri tuo : Et tunc veniens*  
*offeret munus tuum . Certus esto quia dum iratus es contra*  
*alium , oratio tua non recipitur : nec irato licet communi-*  
*care . Et ideo implete quod Dominus dicit : Pacem meam do* Ioan. 14.  
*vobis , pacem meam dimitto vobis . In hoc cognoscent omnes homines* Ibid. 13.  
*quod mei discipuli estis , si vos inuicem diligitis . Dixit amplius Ioan-*  
*nes : Qui odit fratrem suum , in tenebris est , Et in tenebris ambulat .* 1. Io. 3.  
*Qui odit fratrem suum homicida est . Caritas Deus est , qui manet in*  
*caritate Deus in eo manet . Et qui inimicos iubemur diligere ,*  
*& bene eis facere , qua fronte fratres odimus ?*

XIV. Omni tempore vsque ad tertiam legant : post tertiam vnusquisque sibi opera iniuncta faciat .

XV. Nullus occulte aliquid accipiat . præcipue epistolas sine scientia Abbatis nullus accipiat , nec transmittat .

XVI. Victum & vestimenta Abbas ministret . Quia sicut sancitum , vt nihil proprium habeant ; ita iustum est , vt omnes quæ necessaria fuerint a sancto Abbate accipiant .

XVII. Infirmi tractentur , vt citius conualescant .

XVIII. Omne ministerium cum bona voluntate facite : vt impleatis illud : *Voluntarie sacrificabo tibi* : quia satis alta merces erit illius , qui voluntarie ; quam illius qui inuitus facit , quod iubetur . Psalm. 53.

XIX. *Contendite intrare per angustam portam , quia arcta & la-* Luc. 13  
*boriosa est via , qua ducit ad vitam ; lata & spatiosa , qua ducit ad*  
*mortem . Vos vero sicut certamen habituri eratis , si in pu-*  

m 2
gna

gna contra gentem aliquam ambulassetis, vt non ibi mortem faceretis; tanto magis in isto spiritali certamine pugna-  
te, vt non vos aduersarij animæ percutiant. Quanta vitia  
habueritis, tantos habebitis aduersarios: & ideo certate  
sicut milites Christi, vt cum ipso regnetis in cælis, qui dixit:  
*Matt. 19. Si quis tulerit crucem suam, & secutus me fuerit; si quis reliquerit pa-*  
*trē, matrem, uxorem, filios & facultates; centuplum accipiet, &*  
*vitam æternam possidebit.* Hoc certamen habete inter vos,  
 qui alterum vincat per humilitatem, per caritatem; qui sit  
 minor; qui sit in opus Dei vigilantior, qui patientiam ha-  
 beat maiorem; qui sit tacitus, mitis, blandus, compun-  
 ctus: vt lætetur Deus & angeli eius de vestra sancta con-  
 uersatione, & confundatur diabolus hostis antiquus: qui  
 semper cogit miserum hominem contra Dei facere volun-  
 tatem, ne sit ibi, vnde ille pro sua præsumptione iactatus  
 est: *Sic currite vt apprehendatis, & possitis dicere: Viam man-*  
*datorum tuorum cucurri. Videte fratres, quomodo caute ambuletis;*  
*non quasi insipientes: redimētes tempus, quoniam dies mali sunt.*  
*Propterea nolite fieri imprudentes; sed intelligentes, quæ sit voluntas*  
*Dei. Et nolite inebriari vino, in quo est luxuria: sed implemini*  
*Spiritu sancto, loquentes vobismetipsis in psalmis, & hymnis, & can-*  
*ticiis spiritualibus, cantantes & psallentes in cordibus vestris Patri &*  
*Deo: subiecti inuicem in timore Christi.*

1. Cor. 9.  
Ps. 118.  
Eph. 5.

XX. Vigiliis, a mense Octobri vsque ad Pascha, duos no-  
cturnos faciant, & tres missas. Ab vna missa legat frater fo-  
lia tria, & orate: legat alia tria, & leuet se.

XXI. Dicite antiphonam, responforium, & aliam an-  
tiphonam: Antiphonas ipsas de ordine Psalterij. Post hoc  
dicant matutinos, directaneum: *Exaltabo te Deus meus &*  
*rex meus.* Deinde in ordine totus matutinaris in antipho-  
nas dicatur. Omni Dominica sex missas facite. prima mis-  
sa semper resurrectio legatur: dum resurrectio legitur, nul-  
 lus

lus sedeat. Perfectis missis dicite matutinos, directaneos:  
*Exaltabo te Deus meus & rex meus. Deinde, Confitemini. Inde,*  
*Cantemus Domino. Lauda anima mea Dominum. Benedictionem.*  
*Laudate Dominum de celis. Te Deum laudamus. Gloria in excelsis*  
*Deo: & capitellum. Omni Dominica sic dicatur.*

XXII. A sancto Pascha vsque ad mensem Septembrem, quarta & sexta tantum ieiunandum. A mense Septembre vsque ad Domini natale, quotidie ieiunandum. Iterum ante duas hebdomadas ante quadragesimam, quotidie ieiunandum; excepta Dominica, in qua non licet penitus ieiunare, propter resurrectionem Domini. Si quis die Dominico ieiunauerit, peccat. A Domini natale vsque ante duas hebdomadas de quadragesima, secunda, quarta, & sexta: inde postea vsque Pascha, omni die ieiunandum, absque die Dominica. Qui Dominica ieiunat peccat. Missus vero in ieiunio tres, in prandio vero & in coena duo tantum præparentur: in prandio binas biberes, & in coena accipiant, & in ieiunio ternas. Ad lectum suum nullus præsumat habere quod manducetur aut bibatur.

XXIII. Qui pro aliqua culpa excommunicatus fuerit, in vna cella recludatur, & cum vno seniore ibi legat, donec iubeatur ad veniam venire.

XXIV. Pullos & carnes nunquam sani accipiant: infirmis quicquid necesse fuerit ministretur.

XXV. Omni sabbatho, & omni Dominica, vel diebus festis duodecim psalmi, tres antiphonæ, tres lectiones; vna de prophetijs, alia de Apostolo, & tertia de Euangelio dicantur.

XXVI. Hæc licet minus idonei bellatores arma vobis spiritualia contra ignitas diaboli providemus.

Gau-

**G**Audete, & exultate in Domino venerabiles filij, & gratias illi iugiter vberes agite, qui vos de tenebrosa seculi huius conuersione ad portum quietis & religionis attrahere & prouocare dignatus est. Cogitate iugiter vnde existis, & vbi peruenire meruistis. Reliquistis fideliter mundi tenebras, & lucem Christi feliciter videre coepistis. Contemistis libidinis incendium, & ad castitatis refrigerium peruenistis: respuistis gulam, & abstinentiam elegistis: repudiastis auaritiam atque luxuriam, & caritatem vel misericordiam tenuistis. Et quamuis vobis vsque ad exitum vitæ non deerit pugna, tamen Deo donante securi sumus de vestra victoria. Sed rogo vos, venerabiles filij, vt quantum estis securi de præteritis, tantum sitis solliciti de futuris. Omnia enim crimina vel peccata cito ad nos reuertuntur, si non quotidie bonis operibus expugnantur. Audite Apostolum

1. Pet. 5. Petrum dicentem: *Sobrii estote, & vigilate, quia aduersarius vester diabolus, tanquam leo rugiens, aliquid deuorare querens, circuit. Quamdiu in hoc corpore viuimus, die noctuque Christo adiutore vel duce, contra diabolum repugnemus. Sunt enim aliqui, quod peius est, negligentes & tepidi, qui de solo Christianitatis vocabulo gloriantur, & putant quod illis sufficiat vestem mutasse, & religionis tantum habitum suscepisse; nescientes illud propheticum: Fili accedens ad seruitutem Dei, sta in iustitia & timore, & prepara animam tuam ad tentationem: nec sententiam Psalmistæ considerantes: Propter verba labiorum tuorum, ego custodiui vias duras. Et illud quod Apostolus dixit: Per multas tribulationes oportet nos intrare in regnum cælorum. Vestes enim seculares deponere, & religiosas adsumere, vnus horæ momento possumus: mores vero bonos iugiter retinere, vel contra male-dulces voluptates seculi huius, quamdiu viuimus, Christo adiutore, laborare debemus. Quia non qui inceperit, sed qui perseuerauerit vsque ad finem, hic saluus erit.*

EXPLICIT REGVLA S. CAESARII.

S. AV-

**S. AVRELIANI**  
**ARELATENSIS EPISCOPI**  
**Regula**  
**AD MONACHOS.**

## DE S. AVRELIANO EIVSQ. REG. veterum testimonia.

S. GREGORIUS M. lib. VII. epist. CXVII. Ind. II.  
ad Virgilium Arelat. Episcopum.

*Gloriosæ memoriæ Childebertus Francorum rex catholica religionis amore succensus intra muros Arelatensis ciuitatis monasterium viro- rum, ut scripto reperimus, pro sua mercede constituens, quædam ibidem pro habitantium sustentatione concessit. Cuius ne voluntas unquam duceretur in irritum, & ea quæ pro quiete monachorum disposita fue- runt, turbarentur; quæque contulit in iure eiusdem monasterij, epistolis suis Apostolica petijt auctoritate firmari. Vnde quia effectum & re- gia voluntas & res valde desiderata poscebat, à prædecessore nostro Vi- gilio Romane Sedis antistite ad prædecessorem vestrum Aurelium (leg. Aurelium) scripta transmissa sunt.*

EGBERTVS Archiepisc. Eborac. in excerpt. de iure  
sacerd. cap. LXXIX. in concil. Britan.

AVRELIANVS Episcopus dicit: Carnes in cibo monachi  
nunquam fumant: pulli vero &c. ut cap. LI.

S. BENEDICTVS Anianæ Abbas in concordia regularum  
capp. VI. VII. XXIII. XXXI. XLII. ex Regula sancti Aureliani  
Episcopi ad monachos testimonia adducit.

SMARAGDVS quoque in expositione Regulæ S. Benedicti  
eiusdem auctoritate & testimonijs vtitur: quamuis fere  
semper Aurelium non Aurelium vocet.



INCI-

# INCIPIUNT CAPITVLA REGVLAE

S. AVRELIANI EPISCOPI.

- I. *Si quis ad conuersionem venerit, Regula ei in saluatorio la-  
gatur.*
- II. *Vt usque ad mortem suam de monasterio non egrediatur.*
- III. *Vestimenta religiosa non accipiat, nisi chartas de facultate  
sua cui voluerit faciat.*
- IV. *Vt qui in monasterio consuratur, de capillis illius in confessio-  
ne mittatur: & nihil sibi referuet quod non in potestatem  
Abbatis tradat.*
- V. *Nihil occulte accipiendum, sed si quid transmissum fuerit, &  
si illi cui transmittitur necesse non fuerit, in commune  
reductum cui est necessarium tribuatur.*
- VI. *Epistolas nec dandas nec accipiendas sine scientia aut permisso  
Abbatis.*
- VII. *Nullus circa lectum suum quod manducari aut bibi possit  
reponat.*
- VIII. *Nullus cellam aut armariolum peculiare habeat.*
- IX. *Non iurandum omnino.*
- X. *Non maledicendum.*
- XI. *Non mentiendum.*
- XII. *Iracundiam penitus non tenendam.*
- XIII. *Frater in fratrem manum non mittat.*
- XIV. *Laici in monasterium vel basilicam non ingrediantur, nisi  
tantum in saluatorium.*
- XV. *Mulieres penitus nunquam nec in saluatorio videndas.*
- XVI. *Nulli monachorum liceat ad salutandum exire, nisi cum  
Præposito, aut quolibet seniore.*
- XVII. *In monasterio non minore ætate excipiantur nisi ab annis de-  
cem aut duodecim.*
- XVIII. *Seruus non excipiat: libertus tamen si est, & Abbati vi-  
sum fuerit, excipiat.*

n

Vt




- XIX.** *Ut nec ipsis promissoriis liceat in monasterium introire, nisi pro his utilitatibus, quas in hac Regula statuimus.*
- XX.** *Infantes de baptismo non excipiendos.*
- XXI.** *Qui in actu ponuntur, desuper in Evangelio claves accipiant.*
- XXII.** *In omni ministerio vicibus sibi succedant, absque Abbate, & satis senibus, & paruulis infantibus.*
- XXIII.** *Nulla opera pro suo libito eligant facienda; sed quod ab Abbate vel Præposito imperatum fuerit.*
- XXIV.** *Cum operantur manibus meditatio sancta de corde non cesset.*
- XXV.** *Sint vobis omnia communia, & nullus suum proprium dicere aut vindicare presumat.*
- XXVI.** *Vestimenta alio colore non induantur nisi laia & lactina, & nigra natua.*
- XXVII.** *Lectuaria secularia non utenda, & de ornatu monasterij.*
- XXVIII.** *Post matutinas ad somnum reverti non liceat.*
- XXIX.** *In vigilijs studendum ut nemo dormiat; sed manibus aliquid operentur.*
- XXX.** *Signo tacta nullus tardius veniat.*
- XXXI.** *Dum psallitur nemo loquatur, nec operetur manibus.*
- XXXII.** *Literas omnes monachi discant.*
- XXXIII.** *Omnes diuisis maneant lectulis.*
- XXXIV.** *Sanctus Abbas in congregatione maneat.*
- XXXV.** *Nulli liceat soli cum solo loqui: quod si inuenti fuerint, grauiissima districtione feriantur.*
- XXXVI.** *Cum eo qui excommunicatus fuerit nemo loqui presumat.*
- XXXVII.** *Ut obediendum sit Præpositis.*
- XXXVIII.** *Si quis pro qualibet culpa corrigitur aut castigatur, arguenti respondere non presumat.*
- XXXIX.** *Lites non habeatis ullas.*
- XI.** *Superbis, inobedientibus, & iracundiam protrahentibus nunquam parcendum.*
- XLI.** *Pro qualibet culpa legitimus numerus non excedatur.*
- XLII.** *Quomodo paternum affectum qui præsent circa omnes habeant.*

San-

- XLIII. *Sancto Abbati non liceat de facultatibus monasterij vendere aut donare : nec aliquid contra Regula instituta agere.*
- XLIV. *Quod super fuerit usibus monasterij, per prouisorum pauperibus erogetur.*
- XLV. *Honorem nullus accipiat, nisi qui Deo propitio sacerdotio dignus fuerit eligi, ipse solus egrediatur.*
- XLVII. *Vt minoris etatis chartas facere compellantur, quando etate probati fuerint.*
- XLVIII. *Conuiuium nulli alij preparandum nisi aduenientibus peregrinis & seruis Dei.*
- XLIX. *Sedentes ad mensam taceant.*
- L. *Sanctus Abbas extra congregationem non reficiat.*
- LI. *Carnes in cibo nunquam sumantur.*
- LII. *Pulli & reliqua altilia infirmis tantum ministrentur, pisces vero certis festiuitatibus.*
- LIII. *Extra mensam communem nihil cibi potusue gustare liceat, nisi infirmis & infantibus.*
- LIV. *Qualiter infirmis obtemperandum sit.*
- LV. *Vt sanctus Abbas quicquid necesse fuerit cum sufficientia praebeat.*
- LVI. *Vt sancta congregatio omnia qua instituta habet, implere contendat.*

EXPLICIUNT CAPITVLA.





INCIPIT PROOEMIUM  
 REGVLAE S. AVRELIANI  
 EPISCOPI.

*Sanctis & in Christo venerandis fratribus in monasterio, quod Deo  
 miserante ac iubente Rege Childeberto fecimus, constitutis*  
 AVRELIANVS EPISCOPVS.



*Pf. 128.  
 Gal. 6.*

VIA Deo inspirante, qui nos præuenit inef-  
 fabili misericordia sua, visum nobis est, vt  
 repudiatis seculi voluptatibus, ac tempora-  
 libus gaudijs contemptis simul vel spretis,  
 eligeretis sanctissimæ vitæ nitorem, & vir-  
 ginitatis ac castitatis gratiam complecten-  
 tes, amorem Dei tota viscerum & cordis auiditate sectan-  
 tes, configere timore dominico carnes vestras, & dicere il-  
 lud: *Iuravi & statui custodire iudicia iustitiæ tuæ*. Et, *mihi mun-  
 dus crucifixus est, & ego mundo*, disposuimus iubente Domi-  
 no, atque operante in nobis velle & perficere, vt monaste-  
 rium vobis pro profectu animarum vestrarum construere-  
 mus, sicut & fecimus. Et ideo Regulam vobis ac discipli-  
 nam instituiamus, quæ vos ad viam perfectionis recte face-  
 ret gradiri, & ad regna cælorum feliciter peruenire.

EXPLICIT PROOEMIUM.



1071


1072

INCI-

I N C I P I T  
I N S T I T V T I O S A N C T A E R E G V L A E



C A P I T V L V M I.



O C iubente Deo inprimis statuimus tenendum, vt si quis ad conuersionem venerit, Regula ei in salutorio legatur; & si professus fuerit se omnia impleturum, tunc excipiatur.

II. Exceptus vero vsque ad mortem suam nec præsumat, nec permittatur de monasterio egredi: propter illud Propheticum: *Vnam petij a Domino, hanc requiram, vt inhabitent in domo Domini* Psal. 26, *omnibus diebus vite mea.*

III. Vestimenta vero religiosa non accipiet, nisi de omni facultate sua, siue grandi siue parua, chartas donationis aut venditionis cui voluerit faciat: propter Domini mandatum, vbi dicit: *Si vis perfectus esse, vende omnia qua habes.* Et, *si quis non reliquerit omnia qua possidet, non potest esse meus discipulus.* Marc. 19, Luc. 14.

IV. Si quis laicus tonsurandus est, de capillis illius in confessionem mittatur, vt ei in testimonio sit. Quod si tonsuratus, aut in habitu religioso venerit, non excipiatur, nisi vt superius diximus, chartas de eo quod proprium in seculo habuerat, faciat: vt nihil sibi reseruet, quod non a se alienet: & id quod secum exhibuerit, omnia in potestatem tradat Abbatis, timens exemplum Ananiæ & Saphiræ, qui partem obtulerunt, partem sibi infideliter reseruauerunt. Act. 5.

Nihil

V. Nihil occulte accipiat: sed si quis propinquus aut amicus aliquid in vestimento, aut in auro, vel aliud quodcunque dederit aut transmiserit, in potestate sit Abbatis: & si illi cui transmittitur necesse fuerit, tribuatur; sin vero ille nihil indiget, in commune redactum cui necessarium est tribuatur.

VI. Epistolas præcipue nec dandas nec accipiendas sine scientia aut permissu Abbatis.

VII. Nullus circa lectum suum, quod manducare aut bibere possit, reponere præsumat; sed omnes in communi cellario recondant: & si inæqualitas exegerit, iubente seniore quod necesse fuerit non ei negetur.

VIII. Nulli liceat cellam aut armariolum, aut aliquid huiusmodi quod peculiarius claudi possit, habere.

*Matth. 5.*  
*Ecc. 23.* IX. Non iuretis: quia Dominus dixit: *Nolite iurare. Et alia scriptura: Vir multum iurans implebitur iniquitate, & non discedet de domo illius plaga.*

*1. Cor. 6.* X. Non maledicatis: quia scriptum est: *Neque maledici regnum Dei possidebunt.*

*Sap. 1.*  
*Psal. 5.* XI. Mentiri omnino non liceat; quia *os quod mentitur occidit animam.* & illud: *Perdes eos qui loquuntur mendacium.*

*Matth. 5.* XII. Iracundiam nullus vsque in aliam diem protrahere præsumat. quod si, vt habet humana fragilitas, sermo durior inter fratres ortus fuerit, inuicem sibi veniam petere, & debita relaxare debebunt, propter Domini mandatum, vbi dicit: *Si recordatus fueris, quia frater tuus habet aliquid aduersus te, relinque munus tuum ante altare, & vade prius reconciliari fratri*  
1110 :

tuo : & tunc veniens offeres munus tuum . Et, si non dimiseritis hominibus peccata eorum, nec Pater vester celestis dimittet vobis peccata vestra . Item : Si septies in die peccauerit in te, & conuersus dixerit : poenitet me ; dimitte illi . Et, non dico tibi usque septies, sed usque septuagies septies . Et alia scriptura : Ira enim viri iustitiam Dei non operatur . Et Apostolus : Sol non occidat super iracundiam vestram . Quod si, quod Deus auertat, diabolo instigante ita fuerit quis furore repletus, vt ista mandata pertinaci corde contemnat, & vnus de illis qui discordantes sunt prænuerit alium, veniam ei petens ; si ille cui petit non dimiserit, legitimam disciplinam accipiat, vt ad caritatem se corrigat . Quod si se ambo despexerint, ambo pariter a communione, vel a cibo suspendantur, donec inuicem sibi reconcilientur .

Mat. 6.

Luc. 17.

Mat. 18.

Iac. 1.

Eph. 4.

XIII. Frater in fratrem si ausus fuerit manum mittere, legitimam disciplinam accipiat .

XIV. Nullus laicus, siue nobilis siue ignobilis, in basilicam siue monasterium introire permittatur : sed si quis pro deuotione aut parentela occurrere voluerit, in salutatorium monasterij occurrat .

XV. Mulieres vero, nec religiosæ nec seculares, nullæ omnino, nec Abbatis nec cuiuscunque monachi mater, aut quælibet propinqua aut nota ad salutandum, aut ad orationem ingredi permittatur : Domini & magistri sequentes exemplum, cum dixit : Et quæ est mater mea, & fratres mei ? Et illud : Si quis non reliquerit patrem aut matrem, non potest meus esse discipulus . Et alia scriptura : Qui dixerunt patri & matri, non nouimus vos, hi custodierunt precepta tua Domine .

Mat. 12.

Luc. 14.

XVI. Ipsi vero laicis viris, quibus permissum dedimus occurrendi, nullum vnquã monachorũ sine Abbate aut Præposito, vel certe alio quocunque seniore, cui Abbas præceperit, videant aut loquantur, nec vnquam altiore voce loquantur.

Mino-

XVII. Minori ætate in monasterio non excipiantur, nisi ab annis decem aut duodecim, qui & nutriri non egeant, & cauere nouerint culpas.

XVIII. Seruus non excipiat: libertus tamen, si fuerit adhuc adolescenti ætate, & cum epistolis patroni sui venerit, in Abbatis sit arbitrio si excipi debeat.

XIX. Prouisores vero monasterij si in habitu laico fuerint, nec ipsi permittantur intrare: nisi pro his vtilitatibus, quas in hac regula statuimus, cum marcionibus aut carpentarijs, si aliquid necesse est fieri aut reparari, aut certa aliqua ratione Abbati facienda, introeant. De cetero nullam licentiam aut libertatem habeant introeundi.

XX. Nullus infantem de baptismo excipiat.

XXI. Quibus claues de cellario, cannaua, horreo, possicio, & oratorio tradendæ sunt, probatæ sint personæ: & de super altari vel Euangelio eas accipient: scientes se Deo reddituros rationem de ministerio sibi credito.

XXII. In omni ministerio, siue in ordine psallendi, aut legendi, vel operandi, vicibus sibi succedant, absque sancto Abbate, & nimis senibus, & perparuulis infantibus, aut certe ita infirmis, vt surgere omnino non possint, non compellantur facere, pro eo quod non præualent.

XXIII. Artificium vero discendum, aut quælibet opera facienda non pro suo libito eligant; sed in arbitrio Abbatis erit, quod vtile prospexerit imperandum.

XXIV. Per totum diem cum manibus operantur, meditatio sancta de corde non cesset, propter illud Apostoli: *Psal-*  
*mis,*

Col. 3.

*nis, hymnis, canticis spiritualibus cantantes & psallentes in cordibus vestris Domino.*

XXV. Nullus præsumat quicquam suum dicere, aut suum proprium vindicare; sed secundum actus Apostolorum, sint vobis omnia communia; sit vobis anima vna & cor vnum in Domino.

XXVI. Vestimenta alio colore non induatis nisi laia, lactina, & nigra nativa.

XXVII. Lectuaria secularia de coloribus facta in usu non habeatis. Pallæ holosericæ ad altaria de auro aut de gemmis ornatae a vobis nunquam comparentur. Si aliquis de fidelibus pro voto suo obtulerit, & Abbati visum fuerit, aut necessitas exegerit, vendendi faciant usum.

XXVIII. Post matutinas orationes ad somnum reuerti non liceat: sed completis matutinis statim dicatur prima, deinde usque ad horam tertiam omnes lectioni vacent.

XXIX. Ad vigilias dum lectio legitur, aut de sparta aut de eanape aut aliud huiusmodi manibus operamini, ut non somnus obrepit. Si vero Dominicus aut festi sunt dies, cui somnus venerit, alijs sedentibus iubeatur stare, ut possit a somni marcorem repellere; ne in opere Dei aut tepidus inueniatur, aut negligens.

XXX. Signo tacto omne opus prætermittatur, & sicut apes prudentissimæ ad aluearium, ita veloci festinatione properare contendite. Si quis tardius venerit, distractioni subiaceat.

XXXI. Dum psallitur, studeant sanctæ animæ vestræ non

o

vaga-



vagari animo; verum etiam nec operari aut loqui præsumant. Sed *psallite sapienter*: sicut dixit Propheta: *Psallam & intelligam*. Et illud: *Psallam spiritu, psallam & mente*. Metuentes illud: *Maledictus homo qui facit opus Domini negligenter..*

*Psal. 46.  
Ps. 100.  
1. Cor. 14.  
Ier. 48.*

XXXII. Literas omnes discant.

XXXIII. Omnes diuisis maneant lectulis.

XXXIV. Sanctus Abbas extra congregationē non maneat.

XXXV. Hoc specialius coram Deo monemus custodiri, ut nulli liceat cum alio secretius loqui, aut sedere; præcipue vespertinis & nocturnis horis. Si secreta inuenti fuerint, tanquam si crimen admiserint, seuerissime distringantur: absque illis, qui probati sunt ætate & sanctitate.

XXXVI. Nulli liceat loqui cum illo qui fuerit excommunicatus, præter illum quem ei sanctus Abbas custodem dederit.

*Heb. 13.* XXXVII. Obedite præpositis vestris, & subiaceite illis: ipsi enim peruiigilant pro animabus vestris rationem reddentes Deo.

XXXVIII. Si quis pro qualibet culpa, aut transgressione Regulæ increpatur, aut disciplinam accipit, arguenti respondere non præsumat. quia peccatum quod hic distringitur, in æterna examinatione non punitur. Et sic debetis animæ curam excipere, quomodo æger curam medici: tenentes illud sanctæ scripturæ: *Qui abiicit disciplinam infelix est*. Et illud: *Ego in flagella paratus sum*.

*Prov. 15.  
Psal. 37.*

XXXIX. Lites nullas habeatis, obediētes præcepto Apostoli, ubi dicit: *Seruum Domini non oportet litigare, sed mansuetum esse*.

*2. Tim. 2.*

XL. Superbis vero, inobedientibus, & iracundiam protrahentibus nunquam parcendum, donec corrigantur.

Pro

XLI. Pro qualibet culpa si necesse fuerit flagelli accipere disciplinam, nunquam legitimus excedatur numerus, id est, triginta & nouem.

XLII. Et quamlibet iusta disciplina teneatur, tamen secundum illud: *Bonitatem & disciplinam*, paternum affectum sanctus Abbas circa omnes teneat, secundum Apostolum: *tanquam si nutrix foueat paruulos suos*. Et, *omnibus omnia factus sum, ut omnes lucrificarem*. ps. 118.  
1. Thes. 2.  
1. Cor. 9

XLIII. Sancto Abbati non liceat aliquid de facultatibus monasterij donare aut vendere; nec aliquid contra Regulæ instituta agere. Quod si facere tentauerit, sancto consilio & vno consensu fratrum ex nostro permissio non ei acquiescat; & hoc fieri nulla ratione permittite; quia causam se ante Deum nouerit esse dicturum.

XLIV. Si quid vero superfuerit expensis aut vñibus fratrum, in auro, aut in vestibus, vel cellario, sanctus Abbas per manus prouisoris, aut per quamlibet fidelem personam pauperibus, peregrinis, aut captiuis faciat dispensari.

XLV. Vestimenta etiam cum noua accipiunt, vetera Abbati refundant, incipientibus aut pauperibus eroganda.

XLVI. Nullus honorem presbyterij aut diaconatus accipiat, præter Abbas si voluerit ordinari presbyterum, & vnum diaconem, & subdiaconem, quos ipse voluerit, & quando voluerit, ordinandi habeat potestatem. Si vero Deo propitio ita proficeretis, ut aliquis ex vobis ad episcopatum expetatur, ipse solus egrediatur.

XLVII. Qui vero minoris ætatis sunt, aut viuis parentibus in monasterium ingrediuntur, chartas tunc facere compellantur,

lantur, quando ætate probati fuerint, aut res parentum in potestate habuerint.

XLVIII. Conuiuium nulli, nec Episcopis, nec Abbatibus, nec prouisoribus, nec ulli religioso aut laico parenti aut propinquo de hac ciuitate in monasterio fiat. Sed si quis, ut affolet, Abbas, aut peregrini monachi prætereuntes aduenerint, & monasterio occurrere voluerint, sit in potestate sancti Abbatis, si eos voluerit ad refectionem inuitare. Quia indefinenter sanctam caritatem vestram orationi & lectioni insistere, & soli Deo vacare volumus: ideo vos ab hac præparatione aut inquietudine liberos esse præcipimus.

XLIX. Sedentes ad mensam taceant, & lectio quotidie omni tempore dum cibus sumitur, legatur: ut vterque homo, & exterior cibo, & interior verbo Dei reficiatur. Quia scriptum est: *Non in pane solo uiuit homo, sed in omni verbo Dei.*

L. Sanctus Abbas, nisi inæqualitate faciente, extra congregationem non reficiet.

LI. Carnes in cibo nusquam fumantur. Pulli vero vel cuncta altilia in congregatione non ministrentur: infirmis tantum prouideantur, & accipere liceat. Pisces vero certis festiuitatibus, aut quando sanctus Abbas indulgentiam facere voluerit, tunc procurentur.

LII. Extra mensam communem nec quicquam cibi potusve gustare liceat, absque infirmis, & illis ætatibus, quæ adhuc perennutrirî indigent.

LIII. Infirmis vero ita obtemperandum est, ut si sancto Abbati iustum visum fuerit, etiam cellariolum suum in commune, & coquinam sequestratam habeant: & cura illis vel studium impendatur, donec conualescant.

Et

LIV. Et quia Deo propitio digna & sufficiens vobis facultas collata est, quæ sufficere monasterio vestro possit, coram Deo & angelis eius te sancte frater Abba, & te venerabilis quicumque fueris Præpositus, ammoneo, & contestor, ut sanctæ congregationi, quæ Deo inspirante & iubente secundum instituta quæ fecimus regulariter viuit, omnia quæ eis sunt necessaria in vestitu & victu cum sufficientia tribuatis. Quam rem si neglexeritis, & illi coeperint aliquid necessitate compellente murmurare, aut indigere, causam vos ante tribunal Christi noueritis mecum esse dicturos.

LV. Et vos sancta congregatio, per profectum vestrum, & per Deum omnipotentem coniuro, ut omnia quæ in hac Regula pro remedio animæ nostræ, & pro animarum vestrarum salute constituimus, integra & illibata custodiat. Et ne per obliuionem aliquid negligatis, semel ea in triginta diebus relegite; id est, in kalendis.

EXPLICIT.

ORDINEM etiam quo psallere debeat, in hoc libello iudicauimus inferendum.

In primo die Paschæ ad tertiam ter kyrie eleison, psalmi duodecim: id est, quatuor fratres binos psalmos & alleluaticum tertium dicant. perdictis psalmis kyrie eleison & antiphonas sex, lectiones tres: vna de actibus Apostolorum, alia de Apocalypsi, tertia de Euangelio. hymnus *Iam surgit hora tertia*, & capitellum; deinde kyrie eleison. Sic in omni opere Dei tertia vice kyrie eleison dicite, antequam incipiat: & psalmis perdictis & capitello perdicto. Ad sextam idem numerus psalmorum, antiphona vna, hymnus: *Iam sexta sensim voluitur*. lectio Euangelij, & capitellum. Ad nonam ipse ordo teneatur: hymnus: *Ter hora trina voluitur*. Ad lucernarium directaneus paruulus; id est, *Regna terre can-* Psal. 67.  
*tate Deo, psallite Domino*. Alia die: *Laudate pueri Dominum*. antiphona tria, hymnus: *Hic est dies verus Dei*, & capitellum; quem

Ps. 103.

quem hymnum toto pascha ad matutinos & ad lucernarium dicite. Ad duodecimam inprimis directaneus paruulus: *Sol cognouit occasum suum*. Sex fratres binos psalmos cum suis alleluaticis dicant, antiphona tria, lectiones duas, vnam de Apostolo, aliam de Euangelio. Ad nocturnos Paschales ipso numero omnia dicite, sicut in duodecima designauimus. Ad matutinos inprimis directaneum: *Exaltabo te Deus meus & rex meus*. Inde, *Iudica me Deus*: & *Deus Deus meus ad te de luce vigilo*, cum alleluia. Deinde, *Confitemini Domino*, cum alleluia. inde *Cantemus Domino*, & ipsum sic. postea *Lauda anima mea Dominum*. *Laudate Dominum quoniam bonus est psalmus*. *Lauda Ierusalem Dominum*. totos tres cum alleluia, deinde benedictio dicenda est. Post benedictionem, *Laudate Dominum de celis*. *Cantate Domino canticum nouum*. *Laudate Dominum in sanctis eius*: cum alleluia. *Magnifica anima mea Dominum*, aut cum antiphona, aut cum alleluia: hymnum, *Gloria in excelsis Deo*: & capitellum. Et complete matutinos ipso ordine toto Pascha. Sic omni die Dominico, & omnibus maioribus festiuitatibus, in quibus ab opere vacabitis. Quotidianis vero diebus ad nocturnos inprimis directaneus dicatur: *Miserere mei Deus secundum magnam misericordiam tuam*: deinde psalmi decem & octo. Antiphona tria paruula, lectiones Apostoli aut Prophetarum duæ, & capitellum. Completis nocturnis dicite matutinos. In æstate, id est, post Pascha vsque kalendas Octobris ipse ordo erit. Sexta feria vero post nocturnos duæ missæ fiant in æstate, in hyeme tres. Nam Dominica omni tempore & in æstate & in hyeme post nocturnos sex missæ fiant. Si vero euenerit vt tardius ad vigilias surgatur, quantum Abbati visum fuerit, tantum legatur. Quando signum fecerit, qui legit sine mora consurgat, vt canonicus missarum numerus possit impleri. A kalendis vero Octobris alij nocturni addendi sunt. ad primos dicendum est: *Miserere mei Deus secundum magnam misericordiam tuam*. ad secundos: *Mise-*

*Miserere mei Deus, miserere mei*, directaneus dicendus est, psalmi decem & octo: lectiones duæ de Prophetis, aut de Salomone. Hymnus ad primos nocturnos: *Rex aeternæ Domine*. Ad secundos: *Magna & mirabilia*. Post dictos, quia noctes crescunt, quotidie ad librum facite missas tres. Vnus frater legat paginas aut tres aut quatuor, quomodo mensura fuerit libri. si minute scriptus, aut maiori forma, ternas paginas: si minor, quatuor: & fiat oratio. iterum legat tantum, fiat alia oratio. tertio legat idem tantum, & surgite. dicite antiphonam de psalmis in ordine, postea responsum, deinde antiphonam. Iterum legat alius frater: & sic impletis tribus missis dicite matutinos canonicos: id est, primo canticum in antiphona, deinde directaneum: *Iudica me Deus. Deus Deus meus ad te de luce vigilo. Lauda anima mea Dominum. Laudate Dominum quoniam bonus est psalmus. Lauda Ierusalem Dominum*. Inde, *Laudate Dominum de celis. Cantate Domino canticum novum. Laudate Dominum in sanctis eius*. in antiphona dicite hymnum. *Splendor paternæ gloriæ*. alia die, *Aeternæ lucis conditor*, & capitellum, & kyrie eleison duodecim vicibus. Omnibus diebus quotidianis ita impleatur. Post matutinos ad primam duodecim psalmi dicantur: hymnus, *Fulgentis auctor etheris*: lectiones duæ, una de veteri, alia de nouo testamento, & capitellum. Post hæc omnes lectioni vacent vsque ad horam tertiam. de reliquo vero diei spatium faciant opera sua, secundum illud quod Dominus dixit: *Pater meus usquemodo operatur, & ego operor*. Et illud Apostoli: *Operantes manibus nostris*. Et, *Qui non operatur non manducet*. Quia scriptum est: *Via otiosorum strata sunt spinis*. Et, *seruum inutilem projicite in tenebras exteriores*. Quotidianis igitur diebus ad tertiam duodecim psalmos dicite, antiphonam, hymnum: *Iam surgit hora tertia*. lectionem & capitellum, *Fiat Domine*. Ad sextam sit ipse numerus psalmodum, antiphona, hymnus: *Iam sexta sensim voluitur*, lectio & capitellum. Ad nonam ipso ordine dicendum: hymnus

vero,

Joan. 9.  
1. Thes. 4.  
2. Thes. 3.  
Prov. 19.  
Matt. 25.

vero, *Ter hora trina voluitur*. Ad lucernarium omni tempore & festis & quotidianis diebus, inprimis directaneus, postea antiphonæ duæ: tertia semper cum alleluia dicatur. hymnus vna die: *Deus qui certis legibus*. alia die: *Deus creator omnium*, & capitellum. Ad duodecimam psalmos decem & octo, antiphonam, & hymnum, lectionem, & capitellum. Quando repausaturi estis, in schola in qua manetis, Completa dicatur: inprimis directaneus, psalmus nonagesimus dicatur, deinde capitella consuetudinaria.

In natale Domini & in Epiphania tertia hora surgite: dicite vnum nocturnum, & facite sex missas de Esaia Propheta: iterum dicite secundum nocturnum, & legantur aliæ sex de Euangelio. In Epiphania ita: in primo vnum nocturnum, deinde de Daniele propheta facite illas sex missas, & nocturnos: & ita de Euangelio sex matutinos eo ordine, sicut in Pascha scripsimus, aut Dominicis diebus. In Martyrum festiuitatibus tres aut quatuor missæ fiant. primam missam de Euangelio legite, reliquas de passionibus Martyrum. Omni sexta feria post duodecimam sex missæ ad librum legantur: & post nocturnos tres. Omni sabbato ad matutinos, *Cantemus Domino*: &, *Te Deum laudamus*. Ad tertiam tres lectiones: vna de Prophetis, alia de Apostolo, tertia de Euangelio dicantur. Omni dominica post nocturnos cum prima missa legitur, id est, resurrectio, nullus sedere præsumat, sed omnes stent. Alia dominica alia resurrectio, & sic in ordine totæ quatuor resurrectiones per singulas dominicas legantur. Post tertiam vero, *Pater noster*, dicite: & psallendo omnes cōmunicent. Sic & in festiuitatibus facite. Missæ vero quando sancto Abbati visum fuerit tunc fiant.

Quando aliquis defunctus fuerit, vsque media nocte eum pauci fratres in oratorio peruigilent, & missas faciant. Post mediam noctem qui vigilauerunt quiescant, & iterum alij vigilent. Et ponite hoc in notitiam sancto Episcopo, vt eum iubeat ad locum vbi ponendus est, deportari. Sin vero præ-

ro prestare despexerit, de quacunque ecclesia clericos rogato, qui eum deducant; & date illis eulogias.

ORDINEM etiam contiuij huic Regulæ inseruimus.

Gibaria cotidie ad refectionem tria, ad prandium duo, ad coenam duo. Bibere ad refectionem, id est, in æstate, merum, & tres caldellos; ad prandium tres tantum: ad coenam in æstate mensibus Iunio, Iulio, & Augusto ternas; reliquis diebus ad coenam binas bibant. In festiuitatibus vero, & quando Abbas indulgentias voluerit facere, & cibaria, quantum ipse voluerit, & recentes addantur. Quotidie vero olera caleo & oleo semper condiantur. Biberes binas ad prandium, binas ad coenam accipiant; si ieiunauerint, ternas. Ieiunium vero a kalendis Septembris vsque kalendas Octobris secunda, quarta, & sexta feria ieiunandum est. A kalendis Nouembribus vsque Domini natale cotidie ieiunandum est, absque sabbato & dominica. ab Epiphania vero vsque Pascha quotidie ieiunandum est, absque maioribus festiuitatibus, sabbato, & dominica. Post pascha vero vsque Pentecosten, sexta feria tantum ieiunandum est. Post Pentecosten, mense Iunio, Iulio, & Augusto, in potestate Abbatis sit de ieiunio aut prandio; sicut viderit possibilitatem fratrum, ita studeat temperare. EXPLICIT.

AVRELIANVS PECCATOR REGVLAM HANC  
IN CHRISTI NOMINE INSTITVI.

---

IN CHRISTI NOMINE fundatum est monasterium virorum  
I Dei in ciuitate Arelatensi a sancto Aureliano Episcopo,  
iubente sanctæ memoriæ Childeberto rege Francorum,  
quinto decimo kalendas Decembris, indictione vndecima:

p

anno



\* VII. anno \* quinto post consulatum Basilij iunioris V.C. & basilica ibidem in honore sanctorum Apostolorum & martyrum: habetque ibidem reliquias positas: id est, de cruce Domini nostri Iesu Christi, beatæ Mariæ genitricis Domini nostri Iesu Christi, Ioannis baptistæ & præcursoris Domini nostri Iesu Christi, Stephani, Petri, Pauli, Ioannis, Iacobi, Andreæ, Philippi, Thomæ, Bartholomæi, Matthæi, Iacobi, Simonis, Iudæ, Matthiæ, Genesij, Symphoriani, Baudilij, Victoris, Hilarij Episcopi & confessoris, Martini Episcopi & confessoris, Cæsarij Episcopi.

( *Ex diptychis eiusdem monasterij.* )

Simulque precantes oramus etiam Domine pro animabus famulorum tuorum, patrum atque institutorum quondam nostrorum, Aureliani, Petri, Florentini, Redempti, Constantini, Himeri, Hilarini, Ianuarini, Reparati, Childeberti, Vultrogotæ, vel omnium fratrum nostrorum, quos de hoc loco ad te vocare dignatus es. Cunctorumque etiâ huius loci memores fidelium, pariterque parentum nostrorum, atque seruientium huius loci: & pro animabus omnium fidelium famulorum tuorum vel famularum ac peregrinorum in pace Ecclesiæ defunctorum: ut eis tu Domine Deus noster peccatorum tribuas veniam, & requiem largiaris æternam: meritis & intercessionibus sanctorum tuorum, Mariæ genitricis Domini nostri Iesu Christi, Ioannis baptistæ & præcursoris Domini nostri Iesu Christi, Stephani, Petri, Pauli, Ioannis, Iacobi, Andreæ, Philippi, Thomæ, Bartholomæi, Matthæi, Iacobi, Simonis, Iudæ, Matthiæ, Genesij, Symphoriani, Baudilij, Victoris, Hilarij Episcopi & confessoris, Martini Episcopi & confessoris, Cæsarij Episcopi, hæc propitius præstare & exaudire digneris: qui viuis & regnas in vnitæte Spiritus sancti Deus, in secula seculorum, A M E N.



S. FER-

**S. FERREOLI**  
**VCETIENSIS EPISCOPI**  
**Regula**  
**AD MONACHOS.**

DE S. FERREOLO EPISCOPO  
EIVSQVE REGULA  
veterum testimonia.



GREGORIUS Turon. hist. Franc. l. VI. c. VII.

EO TEMPORE FERREOLVS *Veniens* Episcopus, magnæ vir sanctitatis obiit, plenus sapientia & intellecta: qui libros aliquos epistolarum, quasi Sidonium secutus, composuit.

S. BENEDICTVS Anianæ Abbas hanc quoque S. Ferreoli Episcopi Regulam sæpius laudat, & maximam eius partem in Concordiam Regularum transtulit.

SMARAGDVS etiam multa ex ea adfert ad expositionem Regulæ S. Benedicti.

IOAN. TRITHEMIVS lib. de proprietate  
monachorum cap. v.

DENIQUE in Regula cœnobij sancti FERREOLI Episcopi & martyris decimo capitulo sic scribitur: Illud etiam statui debere prospeximus &c.



INCI-

## INCIPIUNT CAPITULA REGVLAE

S. FERRIOLI EPISCOPI.




- I. De obedientia .
- II. De continentia, quanta seruetur.
- III. De caritate .
- IV. Ne ulla mulier in monasterium ingrediatur.
- V. De eo, qui monachus vult esse, qualiter recipiatur.
- VI. Vt nullus monachus vel clericus alienus retinendus recipiatur.
- VII. De inuimurratione siue detractone monachi.
- VIII. De superbia vel elatione vitanda .
- IX. De inuidia.
- X. De eo ne aliquid proprium sibi monachi vindicent .
- XI. Vt nullus monachus literas ignoret .
- XII. Vt psalmi cunctis diebus in ordine psallantur .
- XIII. De vigiliis .
- XIV. De vestimentis monachorum .
- XV. Vt in monasterio nullus baptizetur .
- XVI. Vt cellam separatim prater Abbatem nullus habeat .
- XVII. Vt Prepositum vel forgerium monachi sub Abbatis potestate habeant .
- XVIII. De passionibus martirum que inueniri possunt, ut tempore suo desidia non impediunt legantur .
- XIX. Vt in manibus monachi frequens sit lectio .
- XX. De vagis seu fugitiuis monachis .
- XXI. Vs frater fratri manus non iniiciat .
- XXII. Vt a conu. tio atque a maledicto monachus abstineat .
- XXIII. Vt iurare monachus & desinat, & desistat .
- XXIV. Vt turpiloquium monachus omnino fugiat .

Vt

- XXV. *Vt quotidie usque ad tertiam monachi legant .*  
 XXVI. *Vt ante tertiam nullus ex monachis manducet aut bibat .*  
 XXVII. *Vt monachus quotidie operis aliquid faciat .*  
 XXVIII. *Vt monachus parce loquatur .*  
 XXIX. *Vt Abbas absque voluntate sua nihil operis faciat .*  
 XXX. *Vt monachis sub tunica linea vti non liceat .*  
 XXXI. *Vt vestimenta monachorum odores non habeant exquisitos .*  
 XXXII. *Vt monachi lecta singulariter habeant .*  
 XXXIII. *Vt monachus non venetur .*  
 XXXIV. *Vt monachus nec pama tangere absque ordinatione præsumat .*  
 XXXV. *Vt Abbas manumittere mancipium monasterij non præsumat .*  
 XXXVI. *De eo, qualiter Abbas conuersari debeat .*  
 XXXVII. *Quibus temporibus Abbas coquina obseruet, similiter & de lauandis pedibus .*  
 XXXVIII. *Castigatio monachorum de multis excessibus .*

EXPLICIUNT CAPITVLA.



INCI-



# INCIPIT PRAEFATIO REGVLAE

S. FERRIOLI EPISCOPI.



*Domino sancto & ceterorum comparatione sanctissimo, ac socio  
Apostolorum, Christi que discipulo, Lucretio Papa  
FERRIOLVS EPISCOPVS.*



ORTATVS quondam operante Deo in vna  
deuotione accensus, in qua seruorum Dei  
habitaculum ipsa sibi diuinitas collocaret,  
ipse terra obtuli aliam terram conferens.  
Quod deputo sanctae congregationi, hoc  
mei donari saluti credo: vt in vnum more  
apum religiosorum turba collecta, dum pro meis plene  
peccatis orationum suarum flores offerant, quam dulcia  
in intercessione mella conficient. Et quoniam necesse fuit  
nouo huic populo velut iugum nouae legis imponi; non  
quo eorum colla deprimerem, sed vt mentium ceruices po-  
tius inclinarem; Regulam quae ab eis pro lege seruetur, li-  
centia a vobis tam petita quam accepta, conscripsimus. In  
qua si quid seueritate durum, si quid remissione mollissi-  
mum iudicio scientiae adiudicaueritis, censuram manus ve-  
strae pagina melius in quo diligetur placitura recipiet. Vt  
hoc multo magis gloriae detur, quod digna inuenta est regu-  
la, quam per vos correxistis, fugiendo a facie verecundiae.

Si

Si verb, vt credo, iudicium amoris operam veram infligere dignetur correctione literæ, quicquid demum ineptum lectio incastigata protulerit, liberum a culpa erit erroris, cum libellum vestræ me constat subdidisse censuræ. Mihi tamen orandum est, vt in primis Deo, deinde vobis illud placeat quod scripsimus, & illis quibus hæc seruanda mandamus. Vt in nomine Domini Iesu Christi obedientes in omnibus diuinis præceptis, æterna ab eis præmia, & gloria sine fine, bonæ tamen vitæ emptæ pretio vindicetur, præstante Domino ac Deo nostro Iesu Christo, qui cum Patre & Spiritu sancto viuit, dominatur, & regnat in secula seculorum. Amen.

## EXPLICIT PRAEFATIO.

INCIPIT REGVLA MONASTERII  
FERRIOLACENSIS.



REGVLAE principium de his quæ obseruanda monachis Ferriolacensis monasterij statui institutor, orans, vt adiuuante Domino hi filij, quos fide Domino genui, hæc totam animi & sancta intentione seruantes, optimo perfectoque vitæ cursu celo, vt scriptum est, vim faciant, & mansiones præparent dignis se habitatoribus præparatas. Sicque fiat, vt sequendo agnum quocunque ierit, ad hoc præsentia contemnant, vt futura diripiant.

## CAPITVLVM I. De obedientia.

**P**rimum vt monachus, quem proprie manet multas in se virtutes ædificare, obedientiæ in se collocet fundamentum: vt impliceat illa quæ B. Apostolus nos admonet obseruanda, quando præcepit dicens: *Obedite præpositis vestris, & subiaceat eis: ipsi enim peruigilant quasi rationem pro animabus vestris reddituri, vt cum gaudio hoc faciant, & non gementes: hoc enim expedit vobis.* Heb. 13.

## CAP. II. De reuerentia, quanta seruatur.

**V**t Abbati omnimodis reuerentia a cunctis amore seruetur: vt & amor ostendat concordiam, & timor nouerit disciplinam. Recte enim timetur vt dominus, & amatur vt pater, cui sanctæ congregationis grege commissio animarum proprie cura mandatur: quem sollicitudo commissæ quotidie per illud iter, quod est ineuitabile morituris, aut trahit ad poenam, aut perducit ad gloriam: dicente scriptura: *Cui plus commendatur, utique plus ab eo exigitur.* Luc. 12. Similiter etiam aperiente nobis Euangelio per similitudinem parabolæ veritatem, vbi legitur quinque seruo talenta Dominus tradidisse: & quia superlucratus alia quinque, a Domino meretur audire: *Euge serue bone & fidelis, quia super pauca fuisti fidelis mihi, super multa te constituam: intra in gaudium Domini tui.* Mat. 25.

## CAP. III. De caritate.

**T**ertio in loco propter ipsum etiam sacratum numerum trinitatis, matrem omnium virtutum inferendam putauimus caritatem: quam Apostolus tali ante omnes virtutes laude prosequitur: *Caritas non agit perperam: caritas nunquam excidit:* Et iterum: *Caritas cooperit multitudinem peccatorum.* 1. Cor. 13. 1. Pet. 4.

Huic ergo præcepto monachis conuenit inhærere, ita vt

q

multi



1. Cor. 12. multi secundum beatū Apostolum vnum corpus efficiantur in Christo: & impleatur in illis quod lectio actuum Apostolorum quasi omnibus exemplo præmissa, specialiter tamen religiosorum oculis anteposit: *Erat illis cor vnum, & anima una*. Et illud in libro psalmorum: *Deus qui habitare facis unanimes in domo*. Cauendum est ergo per omnia monachos, ne aliquid simultatis aut odij vel corde gerat, vel opere proferat, vel ira victus ostendat: propter illud quod dicit Apostolus: *Ira enim viri iustitiam Dei non operatur*. Et illud sapientissimi Salomonis: *Ira in ventre requiescit stulti*. Nec non & illud Apostoli: *Omnis amaritudo, & ira, & indignatio, & clamor, & blasphemia tollatur a vobis cum omni malitia*.
- 1ac. 2.  
Ecc. 7.  
Eph. 4.

CAP. IV. *Ne ulla mulier in monasterium ingrediatur.*

**I**llud namque statuendum opportune credimus, vt nulla penitus mulier ad monasterium, etiamsi pro dilectione expetere videatur, accedat. Similiter eam etiam religiosæ feminis vel puellis, ne qua forte excusatio minus intelligentibus relinquatur, accedendi licentiam amputamus: quia non potest habitatio in longum esse secunda, inimico proximo, vel hoste vicino. præsertim cum in dubium veniat, quis hoste publico & secreta pugna vincatur: ubi iam nihil aliud quam aut vincere sit aut perire. Sed longe a monasterio, quemlibet fratrum euident causa colloquium cum feminis dumtaxat honestis habere compulerit, sciente vel permittente Abbate, & adhibitis testibus, id est, iunctis secum duobus ex fratribus, accipiant licentiam colloquendi: ita tamen vt Abbas causam de qua collocutio extiterit, non ignoret.

CAP. V. *De eo, qui monachus esse vult, qualiter recipiatur.*

**S**i quis veniat religionem expetens monasterium intraturus, nisi elapso prius anni circulo: vel certe, si Abbati visum

sum fuerit aliquantulum temperare, antequam sex menses dierum numero cōpleantur, monachorum contubernio non iungatur: vt in tanto spatio ignorantibus qualis sit futurus ostendat: & diuturna obseruatione clarere possit, si quid secū crudelitatis attulerit. At vero quando prius ad monasterium venit, & recipi se in numero postulat monachorum, interrogetur, vtrum liber sit: nec Abbati prima cum satisfecerit, subsecuta responsio adijciat: si nulla præter deuotionis causam compulsa monasterium duxerit expectandum. Post hoc monasterij Regula Abbatis ei iussione legatur: vt in posterum, nihil nouum vel inusitatum, aut si discessurus prætereat: aut si mansurus, agnoscat. Vicinam tunc monasterio cellulam, dum pernoctatum tempus obseruat, accipiat, victumque quotidianum a monasterio, si inter reliquos operetur, expectet: lectioni ante omnia & orationi dans operam, vt dignetur eum ille omnipotens scrutator animæ cognitorque secretæ familiæ suæ mentis sacre congregationis adnumerare, & fiat, sicut scriptum est, *vnus grex, & vnus pastor.*

Ican. 10.

CAP. VI. *Ut nullus monachus vel clericus alienus retinendus recipiatur.*

**M**onachum omnino siue clericum alterius loci vel monasterij recipi sub qualibet causa nolumus, interdici-  
mus, prohibemus: prospicientes talia studio caritatis, ne nouum aliquod forte scandalum surgentes inducant. Dicit enim scriptura: *Quicquid tibi non vni, alio non feceris.* Hinc enim plerumque non tantum inter Abbates, sed etiam inter monasteria lites insanabiles oriantur; dum vnus nititur defendere quem suscepit, alter reuocare, quem perdidit: & ad extremum, nisi reddatur illi petitori petitus, & isti restauratio recepti placuerit iniuriam acceptam, quam potest, fit, vt non secundum beatum Apostolum, vincant in bono ma-  
lum, sed vsique mali vincantur vno malo. Attamen nec

Tob. 4.

Rom. 12.

illud prættereundum censuimus, ut si forte alterius loci, ut supra dixi, monachus siue clericus scripta Abbatis vel Episcopi sui deferat, in quibus manifeste probetur, non propter vitia cauendus, sed propter caritatem Dei missus, ipse tantam socius fieri congregationis obtineat. Si tamen credi villo modo potest, bono suo quemque velle exspoliari, & alium sua nuditate vestiri.

CAP. VII. *De murmuratione siue detractiōe monachiorum*

**V**T nullius in congregatione murmur seu detractio, quod familiarissimum habent monachi, contra Abbatem aut quemlibet alium de fratribus audiat: ne ira Dei, quæ sæpe ob hanc culpam miserabilem populum condemnauit, in perditionem similiter murmurantium turbæ excitetur: & terram repromissionis, quam nos recte accipimus locum futuræ beatitudinis, perdat murmuratio propria, quæ debetur sponse diuina. Sic enim damnandos huius vitij sectatores psalmus adnunciat: *Detrahentem aduersus proximum suum occulte, hunc persequabar*. Et iterum arguens Apostolus dicit: *Sufurrōnes, detractōres, Deo odibiles*. Et iterum: *Hi sunt murmuratores querulosi, secundum desideria sua ambulantes: & es illorum loquitur superbiam*.

*Pf. 100.*

*Rom. 1.*

*Iuda. 1.*

CAP. VIII. *De superbia vel elatione vitanda*

**V**T elatio superbiaque monachis omnino vitentur, ac iactantia cadat sui, propter Deum sublimitas deponatur. Abiectio & humilitas grandis altitudo est. Alias vero quid erit reliquisse seculum, si a se eius non absciderit vanitatem? Quid solitariam elegisse vitam, si intrinsecus tumeat corde? Quid humile inest profectus in capite, si cito a se hæc mala non reijciat, qui vult inuenire quo cadat, cauens terribile illud scripturæ diuinæ: *Deus superbis resistit, humili-*

*1. Pet. 5.*

humilibus autem dat gratiam. Et illud: *superbo scuto, & insatiabili corde, cum hoc simul non edebam.* Et illud Apostoli non obliuiosus auditor, qui dicit: *Hoc scitote, quia in nouissimis diebus instabunt tempora periculosa: & erunt homines seipsos amantes, cupidi, elati, superbi, blasphemæ, & reliqua quæ sequuntur.* Ps. 100.  
2. Tim. 3.

## CAP. IX. De inuidia.

Inuidiam, quod est maximum vitium, ante omnia monachus foribus mentis excludat, nec patiat virginitatem animi occulto liuore corrumpi: ne in mente sua bonum semen sparsum enecet adulterina permixtio. Sed stet semper quasi fortis in acie, repugnans scuto caritatis armis inuidiæ: & inde maxime superet inuidum, quia non superatur inuidia: non ignorans scripturam, quæ dicit: *Inuidia diaboli mors intravit in orbem terrarum.* Imitantur autem eum qui sunt ex parte eius. Sap. 2.

## CAP. X. De eo, ne aliquid proprii sibi monachus vindicet.

Illud etiam statui debere prospeximus, ut nullus monachorum aliquid sibi proprium absque societate fratrum audeat vindicare; ita ut etiam in his quæ sua sunt, nihil amplius credat sibi iuris esse quam ceteris. Quia cum se ipsum alterius subdidit potestati, omnia secum in alienam potestatem transmisit. Quicquid ergo secum rerum detulerit, expetito consortio monachorum, ac ubi corpori congregationis membrum factus adhæserit, statim cognoscat omnia in communionem transisse, & hoc tantum iudicet proprium, quicquid cum fratribus possederit indivisum. Nam & lectio actuum Apostolorum tempore surgentis Ecclesiæ taliter fideles Christi vixisse commemorat: Nihilus, inquit, ex bonis suis dicebat aliquid suum esse; sed erant illis omnia communia. Act. 4. 34

CAP.

**CAP. XI.** *Ut nullus monachus literas ignoret.*

**O**mnis qui nomen vult monachi vindicare, literas ei ignorare non liceat. Quin etiam psalmos totos memoriter teneat: neque se quacunque excusatione defendat, quo minus sancto hoc studio capiatur. Similiter etiam his, qui pastores pecorum, ut est moris, de congregatione mittentur, curae erit vacare psalmis ut ceteri: ne in id quod maius est minores inueniantur, & in confusionem sui illud eis aptetur exemplum: *Animalis autem homo non percipit ea quae sunt Spiritus Dei.*

**CAP. XII.** *Ut psalmi cunctis diebus in ordine psallantur.*

**U**t omni tempore psalmi usque ad finem psalterij in ordine decantentur: sibi tamen secretius propter propriam mercedem, excepto publico psallendi cursu Dominico, quantum per singulos dies Deo tamen scienter laudes offerat: occulta ruminatione. Similiter etiam conuenient oratione subiuncta noctibus psalmodum frequentia vigilare, ut impleatur illud: *In die clamari, & nocte coram se.* Et illud: *In lege eius meditabitur die ac nocte.*

*Psal. 87.*

*Psal. 1.*

**CAP. XIII.** *De vigilijs.*

**Q**uotiescunque vigilia nocturna propter exorandum Deum, aut deuotione petitur, aut festiuitate debetur: nullus monachorum, praeter aegritudinem certam aut necessitatem, si praesens fuerit absens esse praesumat. Ne interiori tadio grauius laborare consuescens viuente carne spiritalis anima moriatur: sed potius promissi illius cupidus quod  
*re similes & inuenire contendat, qui dixit: Diligam eos qui diligunt me: & qui mane vigilat ad me inuenient me.* Et in psalmo etiam continetur: *Tunc querebant eum, & conuertebantur, &*

*Psalm. 83.*

*Psal. 77.*

ante

ante lucem veniebant ad eum. Nam ut quotidie ad matutinas omnes omnino surgant, si non censetur superfluum, commonemus: ad nocturnas vero cunctis diebus ita omnes celeriter pariterque consurgant, ut cunctis simul concurrentibus nullus inveniatur venisse posterior. At vero qui contrarius huic deprehenditur statuto, tot diebus solus ieiunet, quot horis cum fratribus vigilare non voluit.

CAP. XIV. *De vestimentis monachorum.*

Vestimenta super sufficientia monachus non requirat: qui non amplius, quam quod ad quotidianum usum Abbas necessarium viderit, consequatur. dicente Domino ad discipulos: *Neque duas tunicas habeatis.* Luc. 7. quas duas tunicas intelligere debemus non numero, si propter hyemem necessarii esse videntur, sed supra usum si reservate fuerint, computari. Super ergo si quid fuerit, putabitur alienum: dum quicquid possessor avarus includit, magis vitur arca, quam dominus. quod ut visetur, maximus nobis beatus Apostolus testis affert, qui dicit: *Habentes vestem et vestimentum his contenti sumus.* 1. Tim. 6. Nam qui velint divites fieri, incidunt in tentationem & laqueum diaboli, & desideria multa, & inutilia, & nociva, quae mergunt homines in interitum & perditionem. Radix omnium malorum est cupiditas: quam appetentes, transfugerunt a fide, & inseruerunt se doloribus multis. Tu autem, o homo Dei, hac fuge: sectare vero iustitiam, pietatem, fidem, caritatem, patientiam, mansuetudinem. Certa bonum certamen fidei: apprehende vitam æternam, in qua vocatus es. & confessus bonam confessionem coram multis testibus. Precipio tibi coram Deo, qui vivificat omnia, & Christo Iesu, qui testimonium reddidit sub Pontio Pilato bonam confessionem, ut servas mandatum sine macula irreprehensibile, usque in adventum Domini nostri Iesu Christi. Studete ergo fratres ut quod ad unum hominem, id est, ad Timotheum, scribitur, ab una congregatione servetur.

CAP.

CAP. XV. *Vt in monasterio nullus baptizetur.*

**B**aptizari in monasterio paruulos tractauimus necessarium non esse, sicut in reliquis monasterijs obseruatur: neque monacho vilo loco de lauacro sancto filios cuiuslibet excipere: ne parentibus illius, vt fieri solet, illicita paulatim, vel turpi familiaritate iungatur. Quod si quis presumerit, vt transgressor Regulæ corrigatur.

CAP. XVI. *Vt cellam separatim præter Abbatem nullus habeat.*

**C**ellam singularem, præter Abbatem, neque ad manendum, neque ad alium quemcunque usum, vili habere liceat monachorum. Artifices tamen ad operandum tantum habeant, hi nihilominus, quibus Abbatis ordinatione conceditur: nam totam congregationem mansio & domus vna concludat. Illos vero quos corporea fragilitas debilitat, cognita sibi infirmitate languor obsederit, dum vigorem pristinum corporis integritate sumunt, deputata intra monasterium & non nisi congrua mansione a congregatione interim separentur: vt celerius salutem conferat ipsaque sit a congregatione remotio.

CAP. XVII. *Vt Præpositum vel formarium monachi sub Abbatis potestate habeant.*

**S**ub Abbate personam strenuam, & disciplinam valde amantem, qui dignam curam Præpositi nomenque suscipiat, decreuimus pro solatio Abbatis institui: vt honor illi minus sit onerosus, dum labore diuiso a duobus quotidiana sollicitudo suscipitur. Et ideo æquum erit, vt cum iussione Abbatis ei veneratio & obedientia exhibeatur. Nam & post ipsum, quem supra diximus Præpositum, qui in bonis sit forma, statuimus regularem formate formarium:

vt

vt facilius adiutorio isto subiuncto Abbas , cui nomen pater est , vberes fructus metat de perfectione dulcium filiorum : ambo tamen sub potestate Abbatis cum reliquis atque inter reliquos se esse cognoscant .

CAP. XVIII. *De passionibus martyrum que inueniri possunt , vt tempore suo desidia non impediende legantur .*

**G**esta martyrum , id est , passiones sanctorum fidelium , quædam compaginata studio & sermone digesta sunt , tempore quo nobis diem migrationis eorum anni meta cursus sui legibus repræsentat , recenseri in oratorio audientibus cunctis omnino decernimus : vt non otiose prætereat dies , atque vt reliquis similis habeatur : quem sicut tunc illustrauit constantia martyris , ita nunc commendet memoria passionis .

CAP. XIX. *Vt in manibus monachi frequens sit lectio .*

**P**ropter pigras mentes quorumpiam excitandas , quibus sæpe generat lectio diuina fastidium , ita vt magis otio eligant occupari , quam de scripturis sanctis salutem bibere , vt spiritualiter inardescant , addi omnino placuit , vt vnusquisque monachus , siue intra monasterium seu foris aliquid operis faciat , a lectione diuina ne vnâ quidem die se patiatur transire ieiunum . Sed cum cessauerit manus ab opere , colatur anima lectione : audientibus cunctis monita beati Pauli ad Timotheum discipulum , dicentis : *Attende* <sup>1. Tim. 4.</sup> *lectioni , exhortationi , doctrina .* Et iterum : *Omnis scriptura diuinitus inspirata utilis est ad docendum , ad arguendum , ad corrigendum , ad erudiendum in iustitia : vt perfectus sit homo Dei , ad omne opus bonum paratus .* <sup>2. Thes. 3.</sup>



CAP. XX. *De vagis siue fugitiuis monachis.*

**V**agari per loca monachum sicut non decet, ita non conuenit; ne in quocunque vitio captus seculi delectatione elabetur, vt redeat ad vomitum suum; dum recidiua animi voluntate mundi vetus contemptor, nouus quidam amator assurgens, a via salutis distortus exorbitet. Quapropter id definiuimus obseruandum, vt præter illos, qui pro vtilitate monasterij ab Abbate huc illucque habere iubentur excursus, nullus egredi monasterium loco alio moraturus absque voluntate Abbatis pro qualibet re vel necessitate præsumat. ne ad eum respiciat, quod Apostolus de adolescentioribus viduis scribens dicit: *Simul autem & otiose discunt circumire domus; non solum otiose, sed etiam verbose & curiose, loquentes quæ non oportet.* Et ideo qui prætermissa sententia aliqua contrarietate discesserit, in tantum vt eius inueniatur fuisse transgressor; spatio illo temporis quo monasterio defuit computato, duplici dierum numero ieiunet, & condemnatione mulctetur; cibi modum, vino quotidie abnegato, qualem Abbas imposuerit, habiturus. Fugitiuum vero monachum deferentem disciplinam & perdentem se, velut contemptorem placuit reuocare.

i. Tim. 5.

CAP. XXI. *Vt frater fratri manus non iniiciat.*

**V**t monachus in monachum ira inflammatus, quod est turpissimum, manus iniicere non præsumat, præter illos ad quos pertinet correctionis vel nosse modum, vel tenere iudicium; ne vno peccante ceteris præsumendi crescat audacia, & ita disciplinæ ordine confuso, iuruptaque lege viuendi, ipsius sacrae religionis per singulos iura perdantur. Quapropter quisquis taliter incōtinens manibus inuenitur, itaut nesciat ab illicitis temperare; manus illæ, quas erexit in proximum, per longum tempus nō solum ieiunio, sed etiam ope

operis assiduitate lassentur; vt deinceps ad Deum leuentur in oratione, non cum furore extendantur in fratrem. Dandam tamen veniam decernimus, iuxta vt Abbas moderari voluerit, postulanti: si poenitentia præmissa etiam dum deprecatur reatus sui, faciem lacrimarum effusione rigauerit.

CAP. XXII. *Vt a conuitio atque maledicto monachi abstineant.*

**V**T conuitium siue maledictum ex ore monachi non procedat; neque lingua impatientiæ excitatione soluta effrænatum quid ministrat ostijs labiorum, sed commotus ira, vt est humanitatis, dicat: *Pone Domine custodiam ori meo,* Ps. 140. & *ostium circumstantia labijs meis.* Adiungat & illud: *Dixi custodiam vias meas, vt non delinquam in lingua mea:* habens illud Apostoli ante oculos suos: *Quia neque maledici regnum Dei possidebunt.* 1. Cor. 6. Si quis ergo in his indomitus mente proruperit, triginta diebus ab omnium fratrum colloquio habeatur alienus: donec cognoscens se tantummodo in congregatione solitudinem incurrisse, veniam eligat postulare.

CAP. XXIII. *Vt iurare monachus & desinat & desistat.*

**V**T iurandi consuetudo ad integrum, si fieri potest, de monachorum interlocutione tollatur: vt etsi secundum humanam fragilitatem minus forsitan possunt mendacij cauere peccatum, possint saltem damnandum vitare periculum. Quos rogo simul atque commoneo, vt studeant in usum habere verba sacra, ne vnquam sint necessaria sacramenta. Quemadmodum enim huius vitij debeant omnes vitare flagitium, beato Apostolo monente didicimus. ait enim: *Nolite iurare neque per calum, neque per terram, neque aliud quodcunque iuramentum.* Luc. 5. *Sit autem verbum vestrum, est est, non non: vt non sub iudicio decidatis.* Et illud similiter scripturæ diuinæ: *Vir multum iurans repletur iniquitate, & non discedet.* Eccl. 23.

de domo illius plaga. His namque magnis atque euidentissimis documentis etiam lectio Euangelij, quæ est maxima plenitudo, similiter attestatur, dicente Domino ad discipulos :  
*Matt. 5. Audistis quia dictum est antiquis : non periurabis ; reddes autem Domino iuramenta tua . Ego autem dico vobis , non iurare omnino , neque per cælum , quia thronus Dei est : neque per terram , quia scabellum est pedum eius : neque per Hierosolymam , quia ciuitas est magni regis : neque per caput tuum iuraueris , quia non potes vnum capillum album facere aut nigrum . Sit autem sermo vester , est est , non non . quod autem his abundantius est , a malo est . Sufficiat ergo nos propria inferenda monita exemplis docuisse vitanda .*

CAP. XXIV. *Vt monachus raro rideat.*

Conueniens etiam hoc credo monachis, vt risu, etsi non assidue, frequenter tamen abstineant. Vnde si exemplum legens fratrum quisque requiret, hoc solum ei sufficiat, quia Dominum nostrum Iesum Christum, Euangelio teste, fleuisse legimus, risisse nescimus; tristatum fletibus, risibus non solum. Attamen ne quispiam dicat, nullum nos præter hoc habere testimonium lectionis, Salomonem dicentem audiat : *Risus dolore miscebitur ; & extrema gaudij luctus occupat . Et iterum : Melior est ira risu : quia per tristitiam vultus corrigitur animus delinquentis . Cor sapientis , ubi tristitia est : & cor stultorum , ubi letitia . Et iterum : Stultus in risu exultat vocem suam : vir autem sapiens vix tacite subridebit .* Quicumque ergo ille in congregatione constitutus, vt assolet, aut mente iuuenis aut ætate risibus non parcat, ioca non fugerit, quid aliud nisi publicanum commutat ex monacho? qui in ciuitatibus amplius populosis hanc sibi tantum operam deputant, vacare iocis, plausibus, & cachinnis. Specialiter tamen hoc cunctos moneo, seruandum mando atque constituo, vt quotiescunque lectio animabus Deo deditis opportuna in Ecclesia vel in refectorio, aut quolibet in loco publi-

publice recitatur, nullus risu aut moueatur aut moneat. Similiter etiam eo tempore fabulas fugiendas esse cognoscant. Quod si quis non custodierit præsentis denuntiatione commo- nitus, triduanum eum ieiunij mulctatio castiget. Quod triduum neminem volumus sub vno adimplere ieiunio, ne in aliquo discretionis careat disciplina: sed tria ieiunia vesper- tina iubemus quotidie refectione distingui. Hoc etiam de reliquis ieiunijs, quibus regulæ culpabiles corriguntur, statuimus obseruari: ita tamen si in reo quolibet monacho Abbas superbiam duritiamque non viderit.

CAP. XXV. *Vt turpiloquium monachus omnino fugiat.*

**T**urpiloquium amore pudicitiae sit monacho turpe pro-  
ferre, vitando verba luxuriae, quæ ut mentem excitant,  
ita corpus inflammant. Ait enim beatus Apostolus: *Depo- Col. 3.*  
nite malitiam, blasphemiam, turpem sermonem de ore vestro. Inter-  
rogo ego fratres, quid ille minus facit ad altero, cuius com-  
municat lingua peccato? Quid luxuriae minus exercuit, qui  
os castum sermonis corruptione foedatur? Et ut hanc spur-  
citiam cunctis etiam cauere metus damnationis imponat,  
statuimus huius culpæ reum communionem domini-  
cam, vel osculum fratrum sex anni mensibus non habere.

CAP. XXVI. *Vt quotidie usque ad tertiam monachi legant.*

**V**t usque ad horam diei tertiam in omni tempore lectio-  
ni monachus tam senior quam extremus vacare procu-  
ret; & sic demum in reliqua parte diei deputati operis cura  
succedat; præter ægrotos tantum, quibus imponi hoc su-  
pra propriam voluntatem, vel potius virtutem, communis  
infirmetas non permittit. Nam & hi, quibus fructuum  
colligendorum tempore ab Abbate fuerit imperatum, ut  
matutinis horis operis aliquid vel laboris exercent, hac lege  
non

non tenebuntur : neque haic definitioni patabuntur extitisse contrarij, cum imperata sibi utilitatis causa compleuerint. Etenim moris est agricolis, vt vix reddito adhuc mane arida frumenta non nisi deciduo madida facta rore succidant, vt latam minus segetem facilius feruoribus insectoribus eripiant, dum in exordio diei blandi aeris temperamenta custodiant. Saepe enim ex industria factum scio, vt dubia adhuc luce, priusquam, vt dicere possumus, orbe solis ardor ebiberit redactam in manipulos segetem, ignei iubaris flammis cum fructibus messera eius euaserit. Hoc ergo si etiam a monachis, qui operi insistant, vt superius diximus, fuerit obseruatum, non erunt pronuntiandi pro compendio operis regulæ transgressores.

CAP. XXVII. *Vt ante tertiam nullus monachus manducet, aut bibet.*

**V**T ne quis de monachis, præter infirmos, antequam hora diei tertia compleatur, quamuis superuenientis cuiuslibet proximi vel amici gulæ potius exquisita occasio fulciatur, manducare vel bibere aut rogans præsumat, aut rogatus; illo dumtaxat tempore quo ieiunia solita remissione soluuntur. Post hanc vero horam deliberationem, comedendi vsque ad sextam, si vel amicus eius vel stomachus permittit, extendat. Sed in hac refectione vnum vel duos fratres socios sibi; & quærat & faciat, vt dum videtur, ista communicatione atque humanitate sit publicus, non appareat furtius subpositus.

CAP. XXVIII. *Vt monachus quotidie operis aliquid faciat.*

**M**onachum, absque certis solemnitatibus, vel manifesta ægitudine, diem sine operatione transigentem a conuiuio decernimus excludendum, iubente beato Apostolo :  
qui

*qui non laborat, non manducet.* Secuturas tamen excusationes inutilium prævidemus, & propterea modum ponimus otiosis. Dicturus est enim vnus ex talibus; ego non possum operari, quia amisso robore iuuentutis sum ad omnia senex inualidus. alius; neque ego possum, quia sum infirmitate iam fractus: dicturus est etiam tertius, si potuerit inueniri; non possum etiam ego, quia laborum me assiduitas contriuit, itinerum longitudo quassauit, fortitudinem mihi abstulit sollicitudo commissa, virtutem meam actio expoliavit imposita. Sed his quasi contrarius sermo rationis occurrat, reuincens eos, & dicens: Vt quis non valet insistere operi, det promptius operam lectioni: quicumque agrum non excolit, Deum dupliciter colat: & inter reliqua etiam hanc quærat artem, vt paginam pingat digito, qui terram non præscribit aratro. Nullus ergo, si quo minus opera faciat, putet causam iustæ excusationis afferre: quia qui, vt supra diximus, agriculturam exercere non valet, legere, scribere, quod est præcipuum opus, piscium etiam providere capturam, rete texere, calceamenta fratribus præparare, vel reliqua, quæ similia sunt, facere atque implere potest. Quisquis ergo ex his omnibus non elegerit, quo occupetur opere, famem cum improprio sustinere contentus sit.

CAP. XXIX. *Vt monachus parce loquatur.*

**V**t loquendi temperantiam monachus in omni colloquutione teneat: propter quod dicit scriptura: *In multiloquio* Prov. 10. *non effugias peccatum.* Et iterum in Euangelio: *Noli multum* Matth. 6. *loqui, sicut ethnici.* Habetur etiam in psalmo: *Vir linguosus* Ps. 139. *non dirigetur super terram.* Et ideo quisquis ille frater, sint pauci sermones tui. Nec hoc tantum, sed etiam taciturnitatem tibi præsentia Abbatis vel etiam alterius senioris imponat: ita vt nisi interrogatus ab eo vel iussus silentium interrumpere non præsumas, obediens scripturæ quæ dicit:

*Prius.*

*Ecc. 11. Prinsquam audias, ne respondeas & in medio seniorum noli te iniicere: Quod etiam in conuiuio apertissime pronunciamus esse seruandum.*

*CAP. XXX. Ut Abbas absque voluntate sua nihil operis faciat.*

**U**T Abbas si non operetur ut ceteri, nemo audeat reprehendere: quia lectioni eum magis vacare conuenit, qua quotidie ceteros doceat, qua commissos eruditos reddat, qua cunctos sancta semper ammonitione componat. Studere tamen eum oportet, ut quoties codex manibus non tenetur, secundum vires suas reddat se in qualibet fratrum operatione communem: ut etsi otiosum quicumque dicere non audet, fastidiosum tacendo non murmuret.

*CAP. XXXI. Ut monachis sub tunica linea uti non liceat.*

**U**T monachus quamlibet delicati corporis linea ad nuda corporis non utatur: quia incongruum est, ut carnem, quæ semper vitio nature superbit, mollibus foueat indumentis, & ei quasi minus valide blandiatur; quæ quotidie in expugnationem animæ nouus quidam præliator ac fortissimus commouetur. Etenim toties reparat vires contra animam bellatura, quoties aliquid velut rebellè mancipium remissionis acceperit. De hoc namque certamine beatus Apostolus dicit: *Caro concupiscit aduersus spiritum*. Et iterum: *Video aliam legem in membris meis repugnantem legi mentis meæ; & captiuum me ducentem in lege peccati, quæ est in membris meis*. Et iterum: *Datus est mihi stimulus carnis meæ, angelus satanæ qui me colaphizet, propter quod tibi Dominum rogaui ut discederet a me, & dixit mihi: sufficit tibi gratia mea: nam virtus in infirmitate perficitur*. Et iterum: *Si secundum carnem vixeritis, moriemini; Si autem spiritu facta carnis mortificetis, viuētis*. Quicumque ergo vitam illam diligit, carnem conterat morituram; & in tantum eam

*Gal. 5.*

*Rom. 7.*

*2. Cor. 12.*

*Rom. 8.*

eam quotidiano luctamine arduis quibusdam vinculis disciplinæ, velut impiger semper debellator afficiet, vt aduersum animam de modica quidem remissione confligat; secutus Apostoli magisterium vel exemplum, ita dicentis: *Casti-* 1. Cor. 9.  
*go corpus meum, & in seruitutem redigo; ne forte cum alijs predica-*  
*uero, ipse reprobis efficiar.*

CAP. XXXII. *Vt vestimenta monachorum odores non habeant,*  
*exquisitos.*

**V**estimentorum fragrantiam, vel nimium propter elationem nitorem monachus studeat non habere: sed sequens melius Apostolum dicentem: *Bonus odor sumus Iesu* 2. Cor. 2.  
*Christi;* colorem etiam in his album, vel nimis rufum, per quem sæpe species corporis ad perniciem suam videntibus commendatur, vitet, ac habere non ambiat: ne & iactantiæ suæ secum testimonium ferat; & quod absit, dum corpus vestimentis cito consumendis adornare temporaliter elaborat, de animæ, si qua æterna esse poterant, ornamenti non curet, Etenim ista facientes taliter scriptura diuina castigat: *In amictu vestimentorum ne glories, & in die gloria noli* Eccl. 11.  
*extolli.* De calceamentis vero reliquorum vos tenere statuimus consuetudinem monachorum. Sed & hoc curandum est, vt pes ita sit ligamenti temperatius vinculatus, vt non iactantiæ signo multos attrictus habeat, sed sanctius vinculo laxiori follescat: vt in omnibus simplicitas sanctitatis socia commendet Deo, quem eius amore possessum, probatum seculi viderit contemptorem.

CAP. XXXIII. *Vt monachi lecta singulariter habeant.*

**V**t duo quamlibet proximi vel amici, propter secretam, orationem, quæ melius ad Dominum nullo teste dirigitur, vt animo, & vno lecto non teneantur: vt maiorem licentiam



tiam orandi credat sibi mens compuncta concessam, dum neminem vigiliæ suæ aut testem pertimescat, aut iudicem. Vigilando ergo, orando, atque psallendo curet vnusquisque minimam noctis somno cedere portionem; vt non decipiatur ab inimico, qui est liber a socio: quia omnino non potest cubile proprium nisi vigilans vindicare. Imitandum etiam videtur quod propheta nobis sub quadam admonitione decantat: *Lauabo per singulas noctes lectum meum, lacrimis stratum meum rigabo.* Et iterum: *In noctibus extollite manus vestras in sancta, & benedicite Domino.* Et illud: *Memor fui in nocte nominis tui Domine, & custodiri legem tuam.* Hoc ergo vt deuotus quisque vacatione concessa vtilius possit implere, strati sui, vt supra diximus, erit solus ipse possessor, habens secum meliori commutatione pro dormitorio fratrem Dominum vigilantem.

*Psal. 6.*

*Ps. 133.*

*Ps. 118.*

#### CAP. XXXIV. *Vt monachus non venetur.*

**I**nter ceteras mundi delectationes nouerit sibi monachus venationem exercere prohibitum; nec habendum cum feris periculosum sine vtilitate certamen: cum scire potius debeat, vitia pro bestiis esse mactanda. Et ideo non eum consuetudo loci, vicinitas opportunitasque siluarum, peruius etiam vel facilis ascensus montis, concaua vallium, secreta nemorum, densa terrarum tam infructuosi laboris opus subire sollicitent. Oportet enim vt memor Apostolicæ sententiæ damna religioni non inferat, ita monentis, vt vnusquisq; in qua vocatione vocatus est, in ea permaneat apud Deum. Bonum ergo vitæ suæ cursum cursibus vanis perire iudicet, & se damnosum caueat; ne postponens monachum, ferarum & ipse captione capiatur, & secularibus desideriis irritus, venator agrestium bestiarum aduersarij fiat & ipse venatio. Sed soli Deo vacandum congaudeat, quem expetit; illi seruiendum iugiter, quem elegit: sciens quod taliter præcepto

*Eph. 4.*

cepto Euangelico conuenimur: *Dominum Deum tuum adora-* Matt. 4.  
*bit, & illi soli seruias.* Et alibi: *Vnam petij a Domino, hanc requiram,* Psalm. 26.  
*vt inhabitem in domo Domini omnibus diebus vite mee.* Studebit ergo prætermis-  
 sis omnibus, qualiter ipsi omni seruitio placeat  
 iugiter, vt faciat illum regni sui participem, quem totum  
 suum videt esse cultorem. Attamen nec illud putauimus  
 omittendum, vt si forsitan feræ, quæ sunt violentiores, quæ-  
 renti proprio labore victum insidientur in fructibus, eas pro  
 damnis, tantum fructuum vindicandis, canum sæuitia oppor-  
 tune deterreat: quas potius effugare quam persequi delectet-  
 ur; vt non venationis, sed fructuum magis amator appareat.

CAP. XXXV. *Vt monachus nec pomum tangere absque  
 ordinatione presumat.*

**Q**uicumque monachus cuiuslibet generis pomum inordi-  
 natus hærens adhuc arbori suæ tantum edacitatis cau-  
 sa decerpserit, vel si in terra collapsum, seu reliquorum fru-  
 ctuum, vt assolet, primitias ausus fuerit gulæ incontinen-  
 tia violare, veluti Adæ primo homini similis, simili quoque  
 castigata edacitate ieiunio digne pœniteat; quasi ad vicem  
 paradisi conuiuio putetur indignus. Et nisi prius omnium  
 fratrum remissione consequatur veniam, venire non permit-  
 tatur ad mensam; quia iustum est, vt cunctorum indulgen-  
 tiam postulet, qui omnibus quod erat commune subtrahit.  
 Cunctis ergo studendum est, vt omne quod in escam con-  
 stat hominis deputatum, si alicui ex fratribus accipere vel  
 etiam inuenire contigerit, priusquam aut mensæ inferat,  
 aut cellarario tradat, omni fide conseruet intactum; vitans  
 ne communem omnibus cibum gustu sibi ipse furetur; &  
 cum nullus illi comes adhæreat, ad perdendam tamen inno-  
 centiam, vel ad exercendam prædam sit illi gula pro socio.  
 Quapropter erit congregationi semper vna proprietas,  
 ita vt cuncta omnia, & omnia sint cunctorum.

CAP. XXXVI. *Vt Abbas manumittere mancipium monasterij non præsumat.*

**M**ancipium monasterij liberum facere Abbas absque consensu omnium monachorum licentiam non habebit : nisi vt tradat cunctis fratribus in præsentis eius meriti vel ætatis de propria facultate vicarium . quia non potest multorum seruus vnus ad ingenuitatem remissione transire ; nec libertus fieri , quem omnes vnanimiter non absoluunt . cum manifestum sit , illum tot dominos habere , quot monachos .

CAP. XXXVII. *De eo, qualiter Abbas conuersari debet .*

**V**t Abbatem cunctis quibus præest monachis strenuitas quidem , sed mansuetudo , & potius vita commendet : ita vt magis sanctum illum timeant , quam seuerum : & plus in eo metuant quod meritis est primus , quam quod honore primarius . Habeat enim in correctione modum , & in familiaritate temperamentum : eritque in cunctis ita moribus dispensatus , vt blandimento vocet , terrore castiget , faciens se ab omnibus , eo quod vitia oderit , plus amari . Tota enim eius conuersatio erit quasi positum fundamentum , vt in eo superædificetur quisquis imitatione illius optat bonis Deo meritis proximare . Nullus ab ipso erit potestate , sed ratione damnandus : nec tamen quisquam illi ita familiaris , vt ceteris plus præsumat ; neque ita offensus , vt ad veniam expleta contritione non redeat . Conuenerit namque illi omnes timere , qui timetur ab omnibus , totoque studio atque industria providere , ne aliquis ex his quos regendos propria cura suscepit , aduerso quolibet casu discedat ex numero . Et ideo plurimis medicamentis necesse est illum monachorum subuenire languoribus , & ægritudinibus mentium remedium curæ spiritalis inferre ; hoc est , si superbum viderit , iugi exhortatione porrigat humilitatis potionem ; si iracun-

cundum, patientiæ illi offerat vnguentum; si mendacium, sectantem, veritatis ministret antidotum, beati in hoc ipsum Apostoli monitis excitatus, qui dicit: *Attende tibi, & doctrina insta in illis: hoc enim faciens, & teipsum saluum facies, & eos qui te audiunt.* Et iterum ad Timotheum: *Formam habes sanorum verborum, quæ a me audisti in fide, & dilectione in Christo Iesu.* Et iterum: *Tu vero vigila in omnibus, labora, opus fac Evangelisti; ministerium tuum imple.* Similiter & beatus Petrus scribit: *Seniores qui in vobis sunt obsecro consenior, & testis Christi passionum, & eius quæ incipiet reuelari gloriæ socius, pascite qui in vobis est gregem Dei.* Et addidit: *Neque quasi dominantes in clero, sed forma estote gregi; ut cum apparuerit princeps pastorum, percipiat illam floridam & immarcescibilem gloriæ coronam.* Hieremias quoque sanctissimus in persona Domini ait: *Dabo vobis pastores secundum cor meum, & pascunt vos scientia & doctrina.* Et iterum: *Hæc dicit Adonai Dominus ad pastores Israel: Numquid semetipsos pascunt pastores?* Et adiungit: *Ob hoc pastores audite verbum Domini. hæc dicit Adonai Dominus: Ecce ego ipse ad pastores, & requiram oves meas de manibus eorum.* Dominus vero idem in Evangelio Petrum apostolorum principem si se amaret interrogans adiungit: *Pasce oves meas.* Manifestum ergo est, frater quisque ille præesse videris monachis, magnum tibi per honorem onus impositum; ita ut cum dignitate sis primus, defudes omnium pondere sarcinatus. Propter quod recti itineris curre semitam, quæ ad cælum perducit; & ire ostende gregi inoffensum callem, & sanctitatis eum quoque passibus antecede: atque ita stude, ut non erret quicumque te ducem gradibus imitationis insequitur; ut videaris Apostolicæ monita sententiæ complexisse, quæ habet: *Exemplum esto fidelium in verbo, in conuersatione, in caritate, in fide, in castitate.* Et iterum: *Solicite cura teipsum probabilem exhibere Deo operarium inconfusibilem, recte tractantem verbum veritatis.* Hunc itaque tibi, Abbas, titulum, ut prætermissem te Regulæ sermone non doleas, sicque vnum te ex congregatione cognoscas,

scas, quasi peculiarius annotamus: monentes, seu coram Deo obsecrantes, vt hæc omnia feruenti studio seruans, etiam cetera propter exemplum, quæ reliquis sunt dicta, custodias.

CAP. XXXVIII. *Quibus temporibus Abbas coquina obseruet, similiter & lauandis pedibus.*

**A**bbas tribus per annum vicibus, id est, die natalis Domini, similiter primo Paschæ, nec non in festiuitate peculiaris patroni, sancti ac beatissimi venerandi semper martyris Ferrioli, aut certe quidem ad quorum nomina sanctorum idem locus consecratus fuerit, coquinam cibos congregationi paraturus introeat; ibique suscepto iunioris ministerio seruiendo mensis humilitatis formam ministret in ferculis; sanctæ huic abiectioni se libenter inclinans, quæ maiorem illum producit ceteris, dum reddet æqualem. Tantum enim magis in cunctis eius potestatis accipit, quantum ad inferiora ministerij parilitate descendit. Lauare vero pedes fratrum, siue etiam peregrinorum, diuinum imitatus exemplum, sæpius studebit; implens dominicum mandatum, & tradens monachis operibus potius quam verbis exemplum. Nam & Dominus in Euangelio discipulis ait:

*Ioan. 14. Si ego lauaui vestros pedes dominus & magister, & vos debetis alter alterius lauare pedes. Exemplum enim dedi vobis, vt quemadmodum ego feci vobis, ita & vos faciatis.* Abbatem ergo ista facientem, atque in huius tituli obseruatione communi omnes monachi sequacibus animis imitentur: in tantum, vt temporibus dispositis vicibusque discretis de ciborum præparatione solliciti seruiant sibi inuicem, atque alterutrum sub æqualitate ministerij dominantur.

CAP.

CAP. XXXIX. *Castigatio monachorum de multis excessibus.*

**M**ultis hic titulus monitis negligentias monachorum castigare suscepit. Nec tam personas exigit damnare, quam culpas. Mundos ergo illos & velut defecatos a vitiorum omnium reddat inquinamento amor sanitatis, ambitio perfectionis, expectatio veritatis, promissio gloriæ, perennitas vitæ, & illa, quam credimus, habitatio cum auctore; de qua sic dicit Apostolus: *Rapiemur in nubibus obuiam Domino*, 1. Th. 4. & sic semper cum Domino erimus.

Correctionis igitur sermo ad eos, qui inter fratres iurgia seminant, hic est: ut si a via tam peruersa fides non traxerit, non tantum sententia Abbatis, sed etiam cunctorum odio seriantur, donec consuetum errorem relinquunt. De quibus Lucas Euangelista Dominum dixisse commemorat: *Impossibile est ut non veniant scandala: va autem illi, per quem veniunt: melius est illi, si lapis molaris imponatur circa collum eius, & projiciatur in mare.* Luc. 17.

Ad illos vero, qui post correctionem impugnantes iudicia seniorum nituntur excusare peccatum, & non ad poenitentiam recordatione delicti, sed ad duritiem indignationis nimium migrauerint, respicit ista sententia, ut quamdiu a præposita intentione reuocentur, & tumorem mentis manifesta emendatione deponant, secundum arbitrium Abbatis arduæ omnino subiaceant disciplinæ: quia non dixerunt: *Peccatum meum ego agnosco*: sed dixerunt, quod in Isaia propheta de rebellibus legitur: *Nullus est qui agat poenitentiam super peccatum suum, dicens, quid feci?* Psal. 50. Hier. 8.

Illi namque qui se prioribus anteponunt, & aliorum loca non erubescunt vitio elationis inuadere, ac præceptis dominicis contradicunt, quibus ita iubemur: *Quicumque voluerit inter vos maior fieri, sit vester minister: & qui voluerit inter vos primus esse, erit vester seruus*, Abbatis vel etiam reliquorum increpatione confusi, ad locum proprium quem relique-

querant, reuocentur: quos ad maiorem gradum tardius decernimus promoueri; ne addita dignitate radicata in eis præsumptio conualeſcat.

Illud itaque ſtatuiſmus, vt ad menſam fratribus congregatis de his quæ apponuntur nemo alterius aut præſumat, aut rapiat portionem: ne frequentius ceteris manum paropſi-  
 1. Cor. 11. di importunus immergat, propter illud Apoſtoli: *Alius qui-*  
 1. Cor. 6. *dem eſurit, alius autem ebrius eſt.* Et iterum: *Eſca ventri, & ven-*  
 Rom. 4. *ter eſcis: Deus autem & hunc & has deſtruat.* Et iterum: *Non*  
 Rom. 16. *eſt regnum Dei eſca & potus; ſed iuſtitia & pax, & gaudium in Spi-*  
 Phil. 3. *ritu ſancto.* Et iterum: *Huiusmodi enim Chriſto Domino noſtro*  
 Phil. 3. *non ſeruiunt, ſed ſuo ventri.* Et iterum: *Quorum Deus venter eſt,*  
 & gloria in confuſione ipſorum. Legimus etiam in pſalmo, quod  
 Pſal. 77. longe etiam a monachis: *Adhuc eſca eorum erat in ore ipſorum,*  
 & ira Dei aſcendit in eis. Quicumque ergo huiusmodi trans-  
 greditur ſtatutum, Abbatis iudicio conſtabit, quantis ieiunijs menſæ violentia iudicetur.

De ebrietate vero ſuperfluum puto monachum commo-  
 neri: cum, vel ſi parum vini accipiat, a præpoſita corporis cō-  
 tritione declinat. Attamen quia latere monachos non po-  
 2. Tim. 3. terit, quod Apoſtolus Timotheo ſcribit, dicens: *Vino modico*  
*utere propter ſtomachum tuum, & frequentes tuas infirmitates:* quan-  
 tum eis, ſecundum vires monaſterij, per ſingulos dies iuſſu  
 vel diſpenſatione Abbatis vini offertur, accipiant, & amplius  
 penitus non requirant. Hoc etiam de reliquis ſtipendijs ſta-  
 tuimus obſeruandum. Nam ebrietatem illis etiam qui ſecu-  
 lo vacant prohibitam ſcripturæ testimonijs approbamus,  
 Eph. 5. ſcribente Apoſtolo Ephēſijs: *Nolite, inquit, inebriari vino, in*  
 Eſa. 5. *quo eſt luxuria.* Nec non & Propheta: *Va qui fortes ſunt ad bi-*  
*bendum vinum, & potentes ad miſcendam ſiceram.* Et iterum: *Va*  
*qui conſurgunt mane, & ſectantur ſiceram: qui expectant veſperam,*  
*vt vino æſtuent.* Et ideo monachum ſi ebrium, quod dici  
 nefas eſt, videri aliquando contigerit, zelans illi plenus  
 ira præcipio, vt triginta diebus a vini potatione ſuſpendatur:  
 qua-

quatenus anima infusione congesta, digestionem hoc spatio vacuetur.

Illos igitur monachos, quos vel vnus diei finis discordes inuenerit, qui vsque ad vesperam lites trahunt, & ante non excludunt odium, quam sol cognoscat occasum: qui dicenti Apostolo: *Sol non occidat super iracundiam vestram*: per inobedientiam contradicunt, statuimus tamdiu abstinentia, macerandos, quamdiu ad veram se concordiam, & tranquillam satisfactione conuertant. Quibus post longum scandalum pacificare in occulto non liceat, ne aliquid fictum puritas caritatis admittat: sed sit eorum reconciliatio publica, quorum fuit discordia manifesta. Fratribus ergo cunctis coram astantibus veniam inuicem postulent: quia vterque reus diuturna similitudine notatur: dum aut vnus indulgentiam petere destitit, aut alter rogari desiderans non dimisit. Et ideo iste impius, ille remansit impoenitens: hic damnandus post iram, ille post culpam. Propterea offensus iste iram in contemptu Euangelij non retineat: sed cito ad illud recurat exemplum: *Dimittite, & dimittetur vobis*. Et illud Apostoli: *Induite vos, sicut electi Dei & dilecti, viscera misericordie, benignitatem, humilitatem, modestiam, patientiam: supportantes inuicem, & donantes vobismetipsis, si quis aduersus aliquem habet querelam: sicut & Dominus donauit vobis, ita & vos*. Ille vero qui iniuriam intulit, huiuscemodi exemplo velociter terreatur: *Facit Dominus iudicium iniuriarum patientibus*. Et alibi: *Qua seminauerit homo, haec & metet*.

Eph. 4.

Luc. 6.

Col. 3.

Psal. 145

Gal. 6.

Furti scilicet conscius, si adhuc vocare monachum possumus, quasi adulterum, secundum flagello subdi, & magna censeris afflictione iubemus: dantes illi vnam cum fornicante sententiam, quia & ipse luxuriatus est cum furaretur. Similes enim eos non incongrue dicimus, quos in sacra lectione pariter positos inuenimus. Dicit ergo Dominus per Prophetam: *Non est scientia Dei super terram*. Et paulo post: *furtum & adulterium inundauerunt*. Et iterum in psal-

ose. 4.

t

mo:



*Psal. 43. mo: Si videbas furem, furtum, correbas cum eo; & cum adulteris portionem tuam ponebas. Legimus etiam in Euangelio Dominum dixisse: Fornicationes, furea; & nec moratus addidit: hæc sunt quæ coinquibant hominem. Ex his profecto intelligere possunt horum scelerum ferri, quia, sicut æqualiter his dominantur vitia, æqualiter debetur & poena.*

Et ne aliquid, dulcissimi in Christo fratres, de his quæ superscripta sunt per obliuionem sitis negligentes, cunctis in vnum positis semel ea in triginta diebus relegite, hoc est in kalendis.

EXPLICIT REGULA S. FERRIOLI

EPISCOPI.



**S. C O L V M B A N I**  
**A B B A T I S**  
**ET C O N F E S S O R I S**  
**REGVLA C O E N O B I A L I S**  
**C V M P O E N I T E N T I A L I.**

# DE S. COLVMBANO EIVSQ. REG. veterum testimonia.



MARTYROLOG. d. xxi. Nouemb.

**IN ITALIA**, monasterio Bobio, depositio sancti COLVMBANI Abbatis, qui multorum coenobiorum fundator, & innumerabilium pater extitit monachorum; multisque virtutibus clarus quieuit in senectute bona.

SIGEBERTVS Gemblac. script. Eccl. cap. lx.

**COLVMBANVS** Abbas Luxouiensis, in Hibernia Scotorum insula natus, & in Gallia pro Christo peregrinatus, tanto sapientia thesauro est ditatus, ut adhuc adolescens librum Psalmorum eliminato sermone scriberet, & alia multa ederet, vnde ad canendum digna, vel ad docendum utilia.

IONAS monachus lib. de vita B. Columbani  
cap. lxxi.

**DEDIT** deinde operam, ut monachorum necceretur societati, ac monasterium, cuius vocabulum est Benchor, petijt, in quo presul virtutum vbertate lucebat beatus Congellus, egregius inter suos monachorum pater, quique & religionis studio & regularis disciplina cultu precipuus habebatur. Ibi solis orationibus & ieiunijs vacare coepit, & iugum Christi, quod ferentibus leue est, super se ferre, semetipsumque sibi abnegando, ac crucem suam tollendo Christum sequi: ut qui aliorum doctor futurus erat, ipse quod doctrina didicerat, uberius exemplo monstraret, quod alijs implendum fore docuisset.

IBID.

**IBID. cap. ix.** *Beatus Columbanus cernens undique ad poenitentia medicamina plebem concurrere, & unius coenobij (Luxouienfis) septa tantam conuersantium cohortem absque difficultate non continere, aliud monasterium construxit, cui ad Fontanas nomen indidit, deditque gubernatores Praepositos, de quorum religione nihil dubitabatur. His ergo in locis monachorum plebibus constitutis, ipse vicissim omnibus intererat, Regulamque, quam tenerent, Spiritu sancto repletus condidit: in qua autem qualis & quanta disciplina vir sanctus fuerit, prudens lector vel auditor agnoscit.*

**IDEM IONAS in vita S. Eustasij Abbatis cap. 111.**

*QVO tempore Clotharius Chilperici filius strenue Francos regebat, religiosissimi exitere viri, discipuli almi patris Columbani, Atila & Eustasius: quorum prior in Bobiensi, alter in Luxouienfi coenobio eius successores fuere, & magistri instituta suis alumnis seruanda tradiderunt.*

**Ibid. cap. v. TANDEM** *aduersus Regulam beati Columbani liuido dente garrire coepit Agrestinus, annuente sibi Appellino Genauensis vrbis Episcopo. Hic Appellinus vicinos Episcopos singulatim sibi iungere in auxilium Agrestini nisus est omni studio, ita vt regem Clotharium tentaret, si sua partis assentator fieri voluisset. At ille sciens, & experimēto cognitam habens beati Columbani sanctitatem, & discipulorum eius doctrinam, postquam diu redarguere tentauit grunnientis haeretici sectam, nec praualeare potuit aduersus eam, statuit vt synodali examinatione probaretur: non ambigens de auctoritate venerabilis viri Eustasij, quin omnes aduersantes sanctae Regulae sua prudentia superaret. Tunc emanante regali auctoritate multi iam Burgundiae Episcopi in suburbio Matisconensis vrbis conueniunt.*

**MOX: CETERI** *consautores aduersae partis, qui conuenerant, deductum in medium Agrestinum depromere cogunt, quid contra Regulam Columbani vel Eustasij obijciendum haberet. Tum ille tremētibz labijs*

labijs assistens, & nihil auctoritatis vel elucubrati eloquij habens ait. superflua quadam & canonice institutioni contraria in earum studijs teneri: cochleam videlicet, quam lamberent, crucis signo crebro signari, & in ingressu cuiuslibet domus intra coenobium tam introeuntem quam egredientem benedictionem postulare. Columbanum etiam a ceterorum Ecclesiasticorum more desciscere, & sacra Missarum solennia multiplicatione orationum vel collectarum celebrare. &c.

Ibidem. QUIDAM vir venerabilis Romaricus nomine, qui primis nobilitatibus fuerat apud Theodebertum habitus, postque per exemplum Columbani, ac per Eustasij predicationem monitus, ad Luxovium veniens monachica institutioni se subdidit: quo diu sub regulari cenore vitam agente, postea Eustasio annuente, puellarum monasterium in suo proprio inseruit, & Regulam Columbani illis custodiendam induxit.

Ibid. cap. vi. Appellinus quoque & ceteri Galliarum Episcopi ad roboranda sancti Columbani instituta adspirant: quorum multi in amore sancti Patris nostri feruentes, secundum eius Regulam monasteria construunt, gregem Christo congregant, & religionem monasticae professionis adaptant. Inter quos vir illustris Eligius nomine, qui modo Veromandensis Ecclesiae pontifex praest, iuxta Lemouicensem urbem monasterium nobile, Solemniacum nomine, construxit, & alia multa in eisdem locis coenobia. Sed & in ciuitate Parisiensi puellarum monasterium, quod de regio munere susceperat, edificat: in quo Christi virginem Auream praefecit. In Betericensi vero urbe puellarum monasterium, ex beati Columbani Regula, Beretraba nobilis genere & religione, femina sanctissima construxit. In suburbano etiam Betericensis urbis, vir venerabilis Theodolfus, cognomento Babelenus, monasteria ex Regula Columbani religione omni polienti construxit.

IDEM

IDEM IONAS in vita S Burgundoforæ  
Abbatissæ, cap. i.

BEATA Burgundofora monasterium, quod Euoriacas appellatur, cui ipsa venerabiliter præerat, omni intentione ac deuotione secundum Regulam sancti Columbani instruit, & ad exemplum sanctorum precedentium patrum cum alijs ancillis Dei religiosam vitam inibi duxit.

AVCTOR vitæ S. Philiberti Gemmeticensis  
Abbatis.

QUIA perfecti viri semper ad meliora contendunt, sacerdos Christi sanctitum in lastrauit coenobia, ut posset aliquid haurire emolumentum ex illorum perspecta sanctitate. Itaque inuisit Luxouiese, Bobiense, & alia Columbani institutum complexa monasteria.

Ibidem: Legebant studiose Basilij præclaras constitutiones, Macarij Regulam, Benedicti decreta, Columbani instituta sanctissima.

ORDERICVS VITALIS hist. Eccles. lib. viii.  
in tomo script. Normannicorum.

NOTITIAE posterorum hac annotant de modernis præceptoribus, qui nouas traditiones priscorum præferunt Patrium ritibus, aliosq; monachos seculares vocitant, ac veluti Regule prauaricatores temere condemnant. Studium & rigorem eorum considerans, illos magnopere non vitupero; attamen maioribus & probatis Patribus non antepono. Arbitror ignorant, quod beatus pater Columbanus de Hibernia ortus sancto Benedicto contemporaneus fuerit, paternam domum patriamque relinquens, cum præcipuis monachis in Gallias migrauerit, & a Childeberto rege Fraacorum filio Sigiberti susceptus, in Burgundia Luxouij coenobium construxerit, ac postmodum ab impiissima Brunichilde regina expulsus in Italiam secesserit, & ab Aigilulpho Longobardo-

bardorum rege receptus, Bobiense monasterium condiderit. Hic admirandæ sanctitatis pater inter præcipuos laboravit, signis & prodigijs gloriose inter terrigenas effulsit, & Spiritu sancto edoctus monachilem Regulam edidit, primusque Gallis tradidit. Florentissimi de schola eius monachi prodierunt, & in mundo, velut astra in firmamento, virtutibus micuerunt. Eustasius enim Luxouienfis, Agitus Resbancensis, Faro Meldensis, Audomarus Bononiensis, Philipertus Gemmeticensis, alijque plures Episcopi & Abbates excellentissima processere religionis; quorum sanctitatis evidentibus miraculis celitus ostensa est, ipsorumque studio in filijs Ecclesia insigniter propagata est. Ipsi, reor, beatum Maurum eiusque socios & discipulos nouerunt, utpote vicini, & ab ipsis, sicut ab alijs scripta doctorum, adificationis causa sancti normam susceperunt Benedicti: ita tamen ut non abhorrerent sui statuta magistri, almi videlicet Columbani. Ab ipso siquidem modum diuinae seruitutis & ordinem didicerunt, & formam orationum pro cunctis ordinibus, qui in Ecclesia Dei sunt. nigredinem vestium aliasque observationes sumpserunt; quas pro religione & honestate ipsius tenuerunt, & sequaces eorum usque in hodiernum diem reuerenter obseruare appetunt.

S. BERNARDVS in vita S. Malachie . cap.v.

ITA Hiberniam Scotiamque repleuerunt genimina Benchorensis monasterij, ut ea potissimum tempora Davidici illi versiculi præcinnisse videantur: *Visitasti terram, & inebriasti eam &c.* Nec modo in præfatas, sed in exterarum etiam regiones, quasi inundatione facta, illa se sanctorum examina effuderunt. E quibus ad has nostras Gallicanas partes S. COLVMBANVS ascendens, Luxouienfem construxit monasterium, factus ibi in gentem magnam. Aiunt tam magnam fuisse, ut succedentibus sibi vicissim choris continuarentur solemnia diuinorum; ita ut ne momentum quidem diei ac noctis vacaret a laudibus.



INCIPIUNT CAPITVLA  
REGVLAE S. COLVMBANI  
ABBATIS ET CONFESSORIS.

- |                                  |                               |
|----------------------------------|-------------------------------|
| I. De obedientia.                | VI. De castitate.             |
| II. De silentio.                 | VII. De cursu psalmorum.      |
| III. De cibi acceptione.         | VIII. De discretione monacho- |
| IV. De paupertate, & cupiditate. | IX. De mortificatione. (rum.  |
| V. De vanitate calcanda.         | X. De diuersitate culparum.   |

EXPLICIUNT CAPITVLA.

INCIPIT REGVLA COENOBIALIS

CAP. I. De obedientia.



PRIMO omnium docemur Deum dilige- Mat. 22.  
re ex toto corde, & ex tota mente, &  
ex totis viribus; & proximum tanquam  
nosmetipsos. Deinde ad primum ver-  
bum senioris omnes ad obediendum  
audientes surgere oportet: quia obe-  
dientia Deo exhibetur: dicente Domi-  
no nostro Iesu Christo: *Qui vos audit;*  
*me audit.*

Si quis igitur verbum audiens non statim surrexerit, in- Mat. 10.  
bediens iudicandus est. Qui autem contradixerit, contu-  
maciae crimen incurrit: & ideo non solum inobedientiae  
reus est, sed etiam contradictionis aditum alijs aperiens,  
multorum destructor aestimandus est.

u

Si



Si quis vero murmurauerit, & ipse tanquam non ex voto obediens, inobediens putandus est; idcirco opus eius abijciatur, donec illius bona voluntas cognoscatur. Obedientia autem usque ad quem modum definitur? usque ad mortem certe præcepta est; quia Christus usque ad mortem obediuit Patri pro nobis, quam ipse nobis per Apostolum insinuat, *Phil. 6.* dicens: *Hoc sentite in vobis, quod & in Christo Iesu, qui cum in forma Dei esset, non rapinam arbitratus est esse se æqualem Deo; sed semetipsum exinaniuit, formam serui accipiens, & specie inuentus ut homo, humiliavit semetipsum, factus obediens Patri usque ad mortem, mortem autem crucis. Nihil itaque recusandum est obediens tibus, veris Christi discipulis, quamuis durum & arduum sit; sed cum feruore & lætitia accipiendum est. Quia si talis non fuerit obedientia, non erit acceptabilis Deo, qui ait: Et qui non accipit crucem suam, & sequitur me, non est me dignus. Et ideo dicit de digno discipulo; Ut ubi ego sum, ibi & minister meus accum.* *Luc. 14.* *Joan. 12.*

## CAP. II. De silentio.

*Phil. 2.* *Esai. 32.* *Pro. 10.* *Matth. 10.* **S**ilandi regula diligenter custodienda decretatur. Scriptum est: *Cultus autem inglorie solantum, & pax.* Et ideo, ne reatus de verbositate conquiratur, exceptis utilitatibus, & necessarijs, opus est ut taceatur: quia iuxta scripturam: *In multiloquio non deerit peccatum.* Et idcirco Salvator ait: *Ex verbis tuis iustificaberis, & ex verbis tuis condemnaberis.* Iuste damnabuntur, qui iusta dicere noluerunt cum potuerunt; sed mala, iniusta, impia, inania, iniuriosa, incerta, falsa, contentiosa, contumeliosa, turpia, fabulosa, blasphema, aspera, ac flexuosa loqui garrula verbositate maluerunt. Tacendum igitur est de eis, & talibus, & cum cautela & ratione loquendum est monachis, ne aut detractiones, aut tumida contradictiones in loquacitatem viciosam prorumpant.

CAP.

CAP. III. *Decibo, & potu.*

**C**ibus fit vilis & vespertinus monachorum, satietatem faciens, & potus ebrietatem: ut & sustineat, & non noceat. Olera, legumina, farina aquis mixta, cum paruo panis paximatio, ne venter oneretur, & mens suffocetur. Etenim vtilitati & vsui tantum consulendum est, aterna desiderantibus præmia: & ideo temperandus est ita vsus, sicut temperandus est labor: quia hæc est vera discretio, ut possibilitas spiritalis profectus cum abstinentia carnem macerante retentetur. Si enim modum abstinentia excefferit, vitium non virtus erit: virtus enim multa sustinet bona, & continet. Ergo cotidie ieiunandum est, sicut cotidie orandum est, cotidie laborandum, cotidieque est legendum.

CAP. IV. *De paupertate, ac de cupiditate calcanda.*

**M**onachis, quibus pro Christo mundus crucifixus est, & Gal. 6.  
 ipsi mundo, cupiditas calcanda est: nimirum dum, non solum superflua eos habere damnabile est, sed etiam vel-  
 le: quorum non census, sed voluntas queritur: qui relin- Man. 16.  
 quentes omnia, & Christum Dominum cum timoris cruce  
 quotidiani sequentes, in cælis habent thesauros. Idcirco  
 dum in cælis multum sunt habituri, paruo & extremo ne-  
 cessitatis censu in terris debent esse contenti: scientes le-  
 pram esse cupiditatem monachis, imitatoribus filiorum pro-  
 phetarum, ac discipulorum Christi prodicionem atque per-  
 dicionem, Apostolorum quoque dubijs sectatoribus mor-  
 tem. Ideo ergo nuditas & facultatum contemptus prima  
 perfectio est monachorum: secunda vero purgatio vicio-  
 rum: tertia perfectissima Dei continua dilectio, ac diui-  
 norum iugis amor, qui terrenorum succedit obliuioni. Quæ  
 cum ita sint, paucis nobis opus est, iuxta verbum Domini, Luc. 10.  
 aut etiam vno. pauca namque sunt necessaria vera, sine qui-

bus non transigitur, aut etiam vno, quasi cibo iuxta literam; puritate autem sensus indigemus per gratiam Dei, ut intelligamus spiritualiter, quæ sunt illa pauca caritatis, quæ Marthæ a Domino suggeruntur.

CAP. V. *De vanitate calcanda.*

**V**anitas quoque quam sit periculosa, breuibus demonstratur verbis Saluatoris, qui suis discipulis lætantibus vanitate dixit: *Vidi Satanam sicut fulgur de calo cadentem.* Et Iudæis aliquando se iustificantibus ait: *Quod autem altum est hominibus, abominatio est in conspectu Domini.* His, & illius Pharisei famosissimi se iustificantis exemplo colligitur, quod interemtrix sit omnium bonorum vanitas, & gloriatio elata: dum bona vane laudata Pharisei perierint, & peccata publicani accusata euanuerint. Non exeat igitur verbum grande de ore monachi, ne suus grandis pereat labor.

CAP. VI. *De castitate.*

**C**astitas vero monachi in cogitationibus iudicatur; cui nimirum cum discipulis ad audiendum accedentibus a Domino dicitur: *Qui viderit mulierem ad concupiscendum, iam moechatus est eam in corde suo.* Dum enim vultum illius considerat ille cui consecratus est, verendum est ne inueniat in anima, quod abominetur: ne forte iuxta sententiam sancti Petri, habeant oculos luxuriæ plenos atque adulterij. Et quid prodest virgo corpore, si non sit virgo mente? Deus enim spiritus est, & in spiritu habitat ac mente, quam immatulatam viderit; in qua nulla sit adultera cogitatio, nulla spiritus coinquinati macula, nulla peccati labes.

CAP.

## CAP. VII. De cursu psalmorum.

**D**E synaxi vero, id est, de cursu psalmorum, & orationum modo canonico quædam sunt distinguenda, quia varie a diuersis memoriæ de eo traditum est. Ideo iuxta vitæ qualitatem, ac temporum successionem varie a me quoque literis insinuetur hoc idem. Non enim vniformis esse debet pro reciproca temporum alternatione: longior enim per longas noctes, breuiorque per breues esse conuenit. Inde & apud seniores nostros ab octauo kalendas Iulij, cum noctis augmento sensim incipit crescere cursus, a duodecim choris breuissimi modi, in nocte sabbati siue Dominicæ, vsque ad initium hiemis, id est, kalendas Nouembris, in quibus vigintiquinque canunt antiphonas psalmorum eiusdem numeri; qui semper tres loco duobus succedunt psaltis: ita vt totius psalterij inter duas supradictas noctes numerum cantent duodecim choris, ceteras temperantes tota hieme noctes; qua finita per ver sensim per singulas hebdomadas terni semper decedunt psalmi, vt duodecim in singulis noctibus tantum antiphonæ remaneant, id est, quotidiani hiemalis trigintasex psalmi cursus; vigintiquatuor autem per totum ver & æstatem, & vsque ad autumnale æquinoctium, id est, octauo kalendas Octobris, in quo similitudo synaxeos est, sicut in vernali æquinoctio, id est, octauo kalendas Aprilis, dum per reciprocas vices paulatim & crescit, & decrescit. Igitur iuxta vires consideranda vigilia est, maxime cum ab auctore salutis nostræ iubemur vigilare, & orare omni tempore; & Paulus præcipit sine intermissione orare. Sed quia orationum canonicarum noscendus est modus, in quo omnes simul orantes horis conueniant statutis, quibusque absolutis vnusquisque in cubiculo suo orare debet; per diurnas terni psalmi horas, pro operum interpositione, statuti sunt a senioribus nostris, cum versiculorum augmento interuenientium, pro pec-

Luc. 12.

1 Thes. 5.

peccatis primum nostris, deinde pro omni populo Christiano, deinde pro sacerdotibus, & reliquis Deo consecratis sacrae plebis gradibus, postremo pro eleemosynas facientibus; postea pro pace regum, nouissime pro inimicis; ne illis Deus statuatur in peccatum, quod persequuntur, & detrahant nobis, quia nesciunt quid faciunt. Ad initium vero noctis duodecim psalmi, ad mediumque noctis duodecim similiter psalluntur; ad matutinum vero bis deni, bisque bini per tempora breuium, ut dictum est, noctium, sunt dispositi: pluribus, iam ut dixi, semper nocti Dominicæ ac sabbati vigiliæ deputatis, in quibus sub vno cursu septuaginta quinque singillatim cantantur. Hæc iuxta communem dicta sunt synaxim. Sed vera, ut dixi, orandi traditio, ut possibilitas ad hoc destinati sine fastidio voti præualeat, siue sua perfectio possibilitatis permittat, vel capacitas mentis illius eum necessitatum consideratione, vel vitæ qualitas possit admittere; & quantum vniuscuiusque feruor exegerit, si liber ac solus sit, aut eruditionis eius quantitas postulaue-rit, aut status otium, aut magnitudo studij, aut operum qualitas, aut ætatum diuersitas permiserit, ita variè licet vnius rei perfectio æstimanda est, quia cum labore adorationis partitur: & ideo, licet longitudo standi aut cantandi sit varia, vnius tamen perfectionis erit æqualitas orandi in corde, ac mentis cum Deo iugis intentio. Sunt autem quidam catholici, quibus idem est canonicus duodenarius psalmorum numerus, siue per breues, siue per longas noctes; sed per quaternas in nocte vices hunc canonem reddunt, ad initium noctis, ad mediumque eius, pullorum quoque cantus, ac matutinum. Cursus hic, ut in hieme paruus alijs videtur, ita in æstate satis onerosus & grauis inuenitur, dum crebris in noctis breuitate expeditionibus, non tam lassitudinem facit, quam fætigationem. Noctibus vero reuerentissimis dominicæ scilicet vel sabbati, ad matutinum, per idem voluitur numerus, id est, ter denis & sex psalmis.

Quo-

Quorum pluralitas ad sanctam conuersationem hunc numerum canonicum multis dulci indixit suauitate, tanquam & reliquam disciplinam, sub quorum nimirum regula nullus inuenitur lassus: & cum tanta pluralitas eorum sit, ita vt mille Abbates sub vno Archimandrita esse referantur, nulla ibi a conditione coenobij inter duos monachos rixa fuisse fertur visa: quod sine Dei ibi habitatione, dicentis: *Ego in eis habitabo, & inter illos ambulabo: & ero illorum Deus, & ipsi erunt mihi populus*, esse non posse manifestum est. Merito itaque creuerunt, & quotidie, Deo gratias, crescunt, in quorum medio Deus habitat: quorum meritis mereamur saluari a Salvatore nostro. Amen.

2. Cor. 16  
1. Tim. 26

#### CAP. VIII. De discretione.

**D**iscretio monachis quam sit necessaria multorum error ostendit, & aliquorum ruinæ demonstrant: qui sine discretione incipientes, & absque moderatrice scientia degentes, vitam finire laudabilem non potuerunt. Quia sicut sine via tendentibus error euenit: ita sine discretione uiuentibus excessus in promptu est, qui semper virtutibus in medio inter utramque nimietatem positus contrarius est. Cuius impactio periculosa res est, dum iuxta semitam discretionis directam inimici prauitatis offendicula ac diuersorum errorum scandala ponunt. Orandus est igitur Deus, qui lumen veræ discretionis largiatur ad illuminationem huius vitæ, tenebris seculi vtrinque obscurissimis circumdatæ; quo sui ad se sine errore veri adoratores possint has euadere tenebras. Discretio igitur a discernendo nomen accepit, eo quod ipsa in nobis discernit inter bona & mala, inter media quoque ac perfecta. Diuisa namque sunt ab initio sicut lux & tenebræ utraque, id est, bona & mala; postquam mala per diabolum boni deprauatione esse coeperunt; sed per Deum illuminantem prius, ac postea diuidenten-

dentem, inde Abel prius bona elegit, Cain vero impius mala incidit. Bona Deus fecit cuncta quæ creauit, mala vero diabolus superfeminauit dolosa calliditate, ac subdola ambitionis intutæ suafione. Quæ sunt igitur bona illa? scilicet quæ integra sunt, ac incorrupta, sicut creata, permanserunt: quæ solus creauit Deus, & preparauit, iuxta Apostolum, *ut in illis ambulemus*: quæ sunt opera bona, in quibus in Christo Iesu creati sumus: bonitas scilicet, integritas, pietas, iustitia, veritas, misericordia, caritas, pax salutaris, lætitia spiritalis, cum spiritus fructu. Hæc omnia cum fructibus suis bona sunt: his vero contraria mala sunt, scilicet malitia, corruptela, impietas, iniustitia, mendacium, auaritia, odium, discordia, amaritudo, cum fructibus eorum multiplicibus, qui ab eis nascuntur. Innumerabilia enim sunt, quæ de vtrisque contrarijs, id est, bonis & malis procreantur. Quod autem declinat a bonitate condita & integritate, hoc primum malum est, ut est superbia malitiæ primæ: cui contraria est piæ bonitatis humilis existimatio, suum creatorem agnoscentis & glorificantis, quod est rationabilis creaturæ primum bonum. Sic & cetera per duplices sensim partes in immanem nominum siluam creuerunt. Quæ cum ita sint, tenenda sunt fortiter bona, Dei habentibus auxilium, quod semper orandum est per prospera & aduersa: ne aut extollamur in prosperis in vanitatem, aut deijciamur in aduersis in desperationem. Ideo continendum ab vtroque periculo, id est, ab omni nimietate per temperantiam gloriosam, & veram discretionem, quæ Christianæ humilitati adhæret, & viam perfectionis veris Christi militibus ac Deum timentibus aperit. Discernendum scilicet semper est in dubijs recte, ac inter bona & mala vbique diuidendum iuste, siue inter vtraque foris, siue intus inter corpus, & animam, siue inter opera & mores, siue inter curam & quietem, siue inter publica & secreta: Mala itaque cauenda sunt similiter, superbia, inuidia, mendacium, corruptela,

ptela, impietas, mala morum, transgressio, gula, fornicatio, cupiditas, ira, tristitia, instabilitas, vana gloria, elatio, detractio. Bona quoque virtutum sectanda sunt; humilitas, benignitas, puritas, obedientia, abstinentia, castitas, largitas, patientia, lætitia, stabilitas, feruor, impigritia, vigilantia, taciturnitas: quæ per fortitudinem sufferentem, & temperantiam moderantem, quasi in quadam ponderatrice discretionis statera statuenda in actu sunt operis assueti, pro capto conatus nostri sufficientia vbique quærentibus. Nam cui sufficientia non sufficiunt, excessisse discretionis modum, nulli dubium est: & quidquid ipsum modum excesserit, vitium esse manifestum est. Igitur inter paruum & nimium rationabilis est in medio mensura, reuocans semper ab omni vtriusque superfluo, in omni re posita, certum vbique necessitatis procurans, ac irrationabile superflue voluntatis declinans. Et hæc mensura veræ discretionis, omnes nostros pondere trutinans iusto actus, nequaquam nos deuiare ab iusto permittet: neque si illam vice ducis per directum, semper sequamur, errorem pati. Dum enim de vtraque parte semper est continendum, iuxta illud dictum: *Continete vos a dextris & sinistris*: in directum semper per discretionem tendendum est; id est, per lumen Dei, dicentibus scriptus, atque psalmistæ victoris versiculum cantantibus: *Deus meus illumina tenebras meas, quoniam in te eripiar a tentatione*. *Tentatio enim est vita hominis super terram.*

*Deus 5.  
2. Cor. 6.*

*Psalm. 17.  
Job. 7.*

#### CAP. IX. De mortificatione.

**M**AXIMA pars regulæ monachorum mortificatio est, quibus nimirum per sacram scripturam præcipitur: *Sine consilio nihil facias*. Ergo si nihil sine consilio faciendum, totum per consilium est interrogandum. inde etiam per Moysen præcipitur: *Interroga patrem tuum, & annuntiabit tibi maiores tuos, & dicent tibi*. Sed licet duris dura videatur hæc disci-

*Ecclesi. 32.*

*Deus. 32.*



plina, vt scilicet homo semper de ore pendeat alterius; ceteris tamen Deum timentibus dulcis ac secunda inuenietur, si ex integro, & non ex parte conferuetur. quia nihil dulcius est conscientiae securitate, & nihil securius est animi impunitate, quam nullus sibiipso per se potest tradere, quia proprie aliorum est examinis. Hoc namque defendit a timore iudicij, quod iam examinauerit iudicantis censura, cui alieni ponderis imponitur moles, & totum portat quod suscipit, periculum. *Maius enim, vt scriptum est, periculum iudicantis, quam eius, qui iudicatur.* Quicumque itaque semper interrogauerit, si seruauerit, numquam errabit. Quia si alterius errauerit responsum, fides credentis, & labor obedientis non errabunt, neque mercede interrogantis carebunt. Nam si per se aliquid discusserit, qui debuit interrogare, in hoc ipso arguitur errasse, quod iudicare praesumpsit, qui interrogare debuit; & si rectum fuerit, prauum illi reputabitur, dum per hoc a recto declinauit, quia nihil audet per se iudicare, cuius officium est tantum obedire. Cum igitur haec ita sint, cauenda vbique est monachis superba libertas, ac vera humilitas discenda, sine murmuratione & haesitatione obedientibus: quo iuxta Domini verbum, iugum Christi suauis, & onus eius leue sentiant. alioquin donec Christi humilitatem discant, suauitatem iugi eius, & oneris illius leuitatem non sentient. Humilitas enim cordis, requies animae est vitij ac laboribus fatigatae, ac vnicum illius de tot malis refrigerium: & quantum ad hanc considerationem tuta de tantis foris vagis ac vanis attrahatur, tantum intus requiescit ac refrigeratur: ita vt etiam amara illi sint dulcia, ac dura & ardua ante habita, plana ac facilia esse sentiat. Mortificatio quoque, superbis ac duris intolerabilis, illi est consolatio, cui hoc solum placet, quod humile ac mansuetum est. Sciendum autem est, quod neque hanc martyrij felicitatem, neque aliud quid utile superueniens poterit perfecte complere quis, nisi qui in hoc studium singulare posuerit, vt

non

non inueniatur imparatus. Si enim iuxta hoc studium, suas aliquas sectari aut nutrire voluerit intentiones, continuo interpositorum occupatione detentus, turbatus totus sequi, quo iussio ducit, gratus semper non poterit; neque, ut competit complere potest, qui turbulentus est & ingratus. Mortificationis igitur triplex est ratio; non animo discordare, non lingua libita loqui, non ire quòquam absolute. Suum semper est dicere seni, quamuis contraria iubenti: *Non sicut ego volo, sed sicut tu vis*: iuxta exemplum Saluatoris, qui ait: *Descendi de celo, non ut faciam voluntatem meam, sed voluntatem eius qui misit me Patris*. Matt. 26.  
Joan. 6.

*Vsq̃ue hic manuscripti codices & exemplar Sancti Galli: Bobiense autem hoc loco auctius inclusa subiungit.*

### *De perfectione monachi.*

**M**onachus in monasterio viuat sub vnus disciplina Patris, consortioque multorum, ut ab alio discat humilitatem, ab alio patientiam: vnus eum silentium, alter doceat mansuetudinem: non faciat quod vult, comedat quod iubetur, habeat quantum acceperit, operis sui penum persoluat, subiiciatur cui non vult, lassus ad stratum veniat, ambulansque dormitet, nec dum expleto somno surgere compellatur: passus iniuriam, taceat; Propositum monasterij timeat, ut dominum, diligat ut parentem: credat sibi hoc esse salutare quidquid ille præceperit, nec de maiorum sententia iudicet, cuius officium est, obedire, & implere quæ iussa sunt, dicente Moyse: *Audi Israël, & reliqua.*

B X P L I C I T.

X 2

INCI-

CAP. X. *De diuersitate culparum.*

**D**iuersitas culparum diuersitatis poenitentiae medicamento sanari debet. Itaque fratres huiusmodi statutum est a sanctis Patribus, ut demus confessionem de omnibus, non solum capitalibus criminibus, sed etiam de maioribus negligentibus: quia confessio & poenitentia de morte liberat. Ergo nec ipsa parua a confessione sunt negligenda peccata: quia *Eccl. 19.* ut scriptum est: *Qui parua negligit, paulatim defluit: ut detur confessio ante mensam, ante introitum lectulorum, vel cui-cunque fuerit facile dare.*

Igitur qui non custodierit benedictionem ad mensam, & non responderit, Amen, sex percussionibus emendare statuitur. Si locutus fuerit comedens, non necessitate alterius fratris, sex percussionibus. Qui dixerit suum proprium aliquid, sex percussionibus: & qui non signauerit cochleare quod lambit, sex percussionibus. Si locutus fuerit in plausu, id est, altiore, sono solito, sex percussionibus. Si non signatur lucerna, hoc est, cum accensa fuerit a iunioris fratre, & non exhibeatur ad seniore ad signandum, sex percussionibus. Si aliquod opus vanum fecerit, sex percussionibus emendetur.

Quicumque de fratribus, cui sollicitudo coquinandi vel ministrandi commissa est, quantum quid effuderit, oratione in Ecclesia post expletum cursum, ita ut fratres pro eo orent, emendari statuitur. Qui humiliationem in synaxi, id est, in cursu oblitus fuerit, haec est humiliatio in Ecclesia post finem cuiuscunque psalmi, similiter poeniteat: simili modo qui perdiderit micam, oratione in Ecclesia emendetur. Ita tamen haec parua poenitentia ei indicetur, si paruum quid effuderit: si negligentia, aut obliuione, seu transgressionem securitatis tam in liquidis quam in aridis amplius solito perdiderit, longa venia in Ecclesia, dum duodecim psalmos

mōs ad duodecimam canunt, prostratus nullum membrum mouens pœniteat. Vel certe, si multum est quod effudit, quadranos de ceruisia, aut mensuras quahumcunque rerum intercedente negligentia effundens perdidit, subputatis tot diebus illo quod in sumptus proprios vitæ accipere consueuerat, sibi eam perdidisse sciat, ut pro ceruisia aquam bibat. Diffuso supra mensam, decidenteque extra eam, veniam in discubito sufficere.

Qui egrediens domum ad orationem poscendam non se humiliauerit, & post acceptam benedictionem non se signauerit, crucem non adierit, duodecim percussionibus emendari statuitur. Similiter qui orationem ante opus, aut post opus oblitus fuerit, duodecim percussionibus. Et qui comederit sine benedictione, duodecim percussionibus: & qui regrediens domum orationem petens non se curuaerit intra domum, duodecim percussionibus emendetur. Qui vero frater hæc omnia confessus fuerit, & cetera vsque ad suppositionem semipœnitentiæ, id est, media pœnitentiæ, & de his similia sit temperare.

Interim qui tussim in exordio psalmi non bene cauerit, sex percussionibus emendari statuitur: similiter qui percusserit dentibus calicem salutaris, sex percussionibus. Ordinem sacrificij qui non custodierit ad offerendum, sex percussionibus. Sacerdos offerens qui vngulas non dempserit, & diaconus cui barba tonsa non fuerit: de rastro sacrificium accipientes, ad calicem accedentes, sex percussionibus. Et qui subridens in synaxi, id est, in cursu, sex percussionibus: si in sonum risus eruperit, suppositione: nisi veniabiliter contigerit. Sacerdos offerens, & diaconus sacrificium custodiens cauere ne vagis oculis oberrent: quod si neglexerint, sex percussionibus emendari.

Qui oblitus fuerit chrisimal, pergens procul ad opus aliquod, quinque percussionibus. Si super terram in agro dimiserit, & inuenerit statim, denique percussio-

tionibus : si in ligno illud leuauerit , terdenis : si ibi maneat nocte, suppositione . Eulogias immundus accipiens , duodecim percussionibus: obliuiscens oblationem facere, vsque dum eat ad offerendum , centum percussionibus . Fabulas otiosas proferens ad alienum , statim semetipsum reprehendens , venia tantum : si autem se non reprehenderit , sed detractauerit , qualiter eas excusare debeat , suppositione silentij , aut quinquaginta percussionibus . Excusationem proferens cum simplicitate, quando in aliquo discutitur , & non dicit statim veniam petens , mea culpa , poenitet me , quinquaginta percussionibus . Consilium contra consilium cum simplicitate promens , quinquaginta percussionibus . Qui altare concusserit, quinquaginta percussionibus . Proferens sermonem altum sine subpressione , nisi vbi necessitas fuerit, suppositione silentij , aut quinquaginta percussionibus : excusans ad veniam, quinquaginta percussionibus .

Phil. 2.

Qui fratri aliquid indicanti responderit : non ita est vt dicis , præter seniores iunioribus dicentes simpliciter , suppositione silentij , aut quinquaginta percussionibus . Nisi hoc tantum licet cœquali fratri suo, si veracius est aliquid quam ille dicit , & recordatur : si bene recolis frater : & alter hoc audiens non affirmet sermonem suum , sed humiliter dicat : spero quod tu melius recorderis : ego per obliuionem in verbo excessi : poenitet me quod male dixi . Ecce verba filiorum Dei : *Nihil per contentionem , vt ait Apostolus , neque per inanem gloriam , sed per humilitatem spiritus , alter alterum exultantes superiorem sibi .* Ceterum qui se excusauerit , non filius Dei spiritalis , sed Adam carnalis iudicetur . Qui si non cito ad portum requiei humilitatis Dominicæ confugerit , nimiarum contradictionum aditum alijs aperiens , in superbia persistens , de libertate sanctæ Ecclesiæ in cellula ob poenitentiam agendam separetur : vsque dum bona eius voluntas cognoscatur , atque per humilitatem denuo sanctæ congregationi inseratur . Qui profert sermonem vel modicum  
ad

ad reprehendendum opus ostiarij; aut ostiarius si horas bene non custodierit, suppositione silentij, aut quinquaginta percussionibus.

Proferens correctionem contra correctionem; hoc est, castigans castigantem se, tribus suppositionibus. Et qui abscondit aliquod crimen videns in fratre suo, usque dum corrigatur de alio vitio, vel de ipso, & tunc proferat illud aduersus fratrem, tribus suppositionibus. Reprehendens aliorum fratrum opera, aut detractans, tribus suppositionibus. Qui detrahit alicui fratri, aut audit detrahentem, non continuo corrigens eum, tribus suppositionibus. Qui aliquam contentionem cum tristitia promit, simili modo tribus suppositionibus poeniteat. Qui aliquid reprehendens Præposito suo non vult indicari, usque dum Abbati indicet, tribus suppositionibus; nisi hæc omnia confessione verecunda fiant. Si quis frater tristis fuerit, si fieri potest, consolationem accipiat: si sustinere valet, supprimat interim confessionem, ut verecundius dicat, quando tristitia cessauerit, orent pro eo fratres.

Si quis dicat ad consanguineum suum, sollicitans eum in alio loco habitantem, melius est ut nobiscum habites, aut cum aliquibus, tribus suppositionibus. Et qui vituperat aliquem fratrem obsequium dantem, tribus suppositionibus. Qui consanguineum docet aliquam discentem artem, aut aliud quidlibet a senioribus impositum, ut melius lectionem discat, tribus suppositionibus.

Qui ad Præpositum audet dicere: Tu non iudicabis causam meam, sed noster Abbas, aut ceteri fratres; siue, ad Abbatem ibimus omnes, quadraginta diebus castigari oportet in poenitentia in pane & aqua: nisi ipse dicat prostratus coram fratribus, poenitet me, quia male dixi. Frater quilibet in aliquo opere detentus, quamuis fatigatus sit, ita tamen ad oeconomum dicat in propria causa: Si tibi placet dicam ad Abbatem, sin autem non dicam: in alterius causa: Si

tu

tu iteras, non tibi difficile videatur, si forte ad Abbatem dicam; ut obedientia custodiatur.

Qui non reportat quod commodat usque in crastinum, si ipse reportat recordatus, sex percussionibus: si oblitus fuerit usque dum quærat, duodecim. Si quis oblitus fuerit interrogare debitum poenitentiae usque in crastinum, sex percussionibus. Qui murmurat, aut dicit: Non faciam nisi dicat Abbas, vel locundus, tribus suppositionibus. Cursus non necessarius, aut saltus, duodecim plagis. Prohibetur ne quis alterius teneat manum.

Procuret oeconomus de humanitate aduenientibus exhibenda, tam peregrinis, quam reliquis fratribus: & omnes fratres parati sint ad ministrandum cum omni famulatu propter Deum. Quamvis oeconomus non censuerit, aut praesens non fuerit, ceteri faciant diligenter quod necesse est, & custodiant utensilia eorum, donec assignent ea parata custodi. Sin autem neglexerint, poenitentiam de his, ut videatur, adhiberi ad iudicium sacerdotis.

Qui non postulat veniam correctus, suppositione. Qui visitauerit alios fratres in cella seorsum sine interrogatione, simili modo poeniteat; aut in coquina post nonam sine ordinatione vel iussione ierit, suppositione: aut extra vallum, id est, extra septum monasterij sine interrogatione ierit, suppositione. Iuuenibus quibus imponitur terminus, ut non se appellent inuicem, si transgressi fuerint, tribus suppositionibus: hoc tantum dicant: Scis quod nobis non licet loqui tecum. Et si quis praeceperit eis quod non licet, ipsi dicant: Scis quod nobis non licet. Et si ipse praeceperit ultra, ipse damnetur tribus suppositionibus: ipsi tamen dicant: faciemus quod dicis; ut bonum obedientiae seruetur. Illud vero specialius cauendum est, ut quomodo inter se mutuo non loquuntur, sic nec per os alterius loquantur: quod si scientes transgressi fuerint, simili modo quasi inter se locuti fuissent poeniteant.

Cui

Cui chrismal ceciderit, & nihil confringens, duodecim percussionebus. Qui profert sermonem otiosum, silentio inter duas horas consequentes condemnari, aut duodecim percussionebus. Poenitentes fratres, quamuis opera difficilia & sordida efficiant, non lauent capita, nisi in die Dominica, id est, octaua. Sin autem quintodecimo die, aut certe propter fluentium capillorum incrementum, arbitrio senioris vnusquisque in lauando vtatur. Declinatio de via sine interrogatione aut benedictione, sex percussionebus.

Poenitencias minutas iuxta mensam si fecerit Præpositus, mensæ imponat: & amplius vigintiquinque percussiones simul non dentur.

Poenitentes fratres, & indigentes poenitentia psalmorum, hoc est, cui necesse fuerit, vt psalmos adhuc pro visione nocturna decantet: quia pro illusione diabolica, ac pro modo visionis, alij viginti quatuor psalmos in ordine, alij quindecim, alij duodecim indigentes poenitentia psalmos decantare debent. Quamuis ergo in nocte Dominica, & in tempore quinquagesimæ poenitentes genua flectant.

Si cui iniunxerit Abbas aut Præpositus de fratribus iter agere, ita obseruandum est, vt seniori iunior obediat: si tamen rectum fuerit, quod eis indicauerit, obseruare studeat. Si quid præceperit Abbas vel œconomus maior, & alius humilior iterauerit œconomus, ipse obedire debet; indicans tamen in silentio, quod præceperit alius maior. Infra monasterium vero nullus tamen alio imperio præcellente imperet, nisi qui præest.

Ab initio diei vsque noctem commutatio vestimenti, & altera in nocte interrogentur separatim. Qui ministrat in die Dominica, aut in alia solempni, ad lauacrum, aut ad quamcumque necessitatem, vna oratione ante exitum & introitum eget: interroget tamen, si non procul exeat, signo crucis indiget. Quamuis ambulans signet se: non est autem necesse ad orientem se vertere. Exiens autem extra



domum quilibet festinans & se signans, non eget ad orientem conuersione. Ita & in ambulando conueniens quicquam faciat, si festinet postulans orationem, & se humilians in domo, in qua non congrua fiat genuflexio, curuatio tantum statuatur. Si quis voluerit, in die sabbati præparet oblationem Dominicæ, consummato lauacro commutare sacerdotes, si facile fuerit: Diacones autem, aut ante præceptum, aut post præceptum ministerium opportunum perficient.

Si quis viderit somnium immundum, aut coinquinatus fuerit, aut pœnitens, quando detur præceptum, stare præcipitur. In magnis autem solemnitatibus, quando audiunt sonum, sedere: in quotidiano præcepto, pene mediante iubetur sedere. Deinde sonum omnes audientes ad synaxin incitantem diei conuentus lauent ante oratorij introitus, nisi prius lauerint.

Primarius vt primus psallat statuatur, & secundus: & non flectatur genu, sed tantum curuatio fiat. Ordines qui priores, in medio fiant oratorij: ceteri dextra læuaque assistant, præter offerentem, eidemque adhærentem. In omni- que Dominica solemnitate hymnus diei cantetur Domini- nici, & in die inchoante Paschæ. Aut qui ad altare inchoauerit, inter sacrificium accepturus ter se humiliet. Et noui, quia indocti, & quicunque fuerint tales, ad calicem non accedant: & quando offertur oblatio, nullus cogatur coactus accipere sacrificium, præter necessitatem. In omni- que Dominica die & solemnitate, qui non fuerit in cœtu fratrum ad Dominum fundentium preces, oret ipse aliqua necessitate cogente: & quamdiu offeratur, non multum discurratur. Pœnitens quoque necessitate itineris occupatus, ambulansque cum ceteris vtentibus licito cibus, si aduenerit hora tertia, & longe proficiscantur, accipiat & ipse quiddam cibi pro modo quodam, & quod ei defuerit accipiat vbi quiescat.

In

In commune autem omnes fratres omnibus noctibus tempore orationum in fine omnium psalmorum genua in oratione, si non infirmitas corporis hoc fecerit, flectere æquo animo debent, sub silentio dicentes: *Deus in adiutorium meum intende, Domine ad adiuuandum me festina.* Quem versiculum postquam ter in oratione tacite decantauerint, æqualiter a flectione orationis surgant, exceptis diebus Dominicis, & a die primo sancti Paschæ usque ad quinquagesimam diem; in quibus moderate se in tempore psalmodiæ humiliantes, genua non flectentes, sedulo Deum orent.

Si quis frater inobediens fuerit, duos dies vnum paximatum & aquam. Si quis dicat: non faciam, duos dies vnum paximatum & aquam. Si quis murmurat, duos dies vnum paximatum & aquam. Si quis veniam non petit, aut dicit excusationem, duos dies vnum paximatum & aquam. Si duo fratres contendentes aliquid & ad furorem venientes, duos dies vnum paximatum & aquam. Si aliquis contendens mendacium & distinctionem confirmat, duos dies vnum paximatum & aquam. Si quis contradicit fratri, & non petit ei veniam, duos dies vnum paximatum & aquam. Si quis contradicit mandatum, aut Regulam frangit, duos dies vnum paximatum. Si quis iniungit ei opus, & negliger facit, duos dies vnum paximatum. Si quis detraxerit Abbatem suum, septem dies vnum paximatum: si fratrem suum, viginti quatuor psalmos: si secularem, duodecim psalmos.

Si quis obliuiscitur aliquid foras, si minus, duodecim psalmos: si maius, triginta psalmos. Si quis perdidit, vel deciderit aliquid, sicut pretium eius ita poenitentia eius. Si quis facit colloquium cum seculari sine iussu, viginti quatuor psalmos. Si quis quando consummauerit opus suum, & aliud non requirit, & aliquid sine iussione fecerit, viginti quatuor psalmos cantet.

Si fuerit aliquis bilinguis, & conturbet fratres, duos dies

**vnus paximatum.** Si quis manducauerit in domo aliena sine iussu, & venerit domui suæ, vno die paximatum. Si quis enarrauerit præteritum peccatum, vno die paximatum. Vel qui ambulauerit in seculo, & dicit de seculi peccato, vno die in pane & aqua. Et tepidus, qui audierit aliquem murmurantem & detrahentem, aut facientem aliquid contra Regulam, & consensit a confessione, vno die paximatum.

Si quis suscitatur furorem fratri suo, & satisfacit ei postea, & ipse non remittit ei, sed dimittit suo seniori, viginti quatuor psalmos, & illo die in pane & aqua. Si quid voluerit aliquis, & prohibet oeconomus, & iubet Abbas, quinque dies. Si quis non venerit ad orationem supra mensam & post cibum, duodecim psalmos cantet. Si quis dormieris cum oratur, si frequens, duodecim psalmos cantet; si non frequens, sex psalmos. Si quis non dicit, Amen, triginta verbera. Si transgressus fuerit horam, duodecim psalmos; si canticum graduum, nisi matutina hiems, duodecim psalmos. Et qui non audierit sonitus orationis, duodecim psalmos. Si quis veniat ad sacrificium cum nocturno cingulo, vel veste circa eum, duodecim psalmos.

Si quis ante horam nonam quarta sextaque feria manducat, nisi infirmus, duos dies in pane & aqua viuatur. Si quis dixerit mendacium nesciens, quinquaginta verbera: si sciens & audax, in pane & aqua. Si denegatur mendacium eius, & ille contendit, septem dies in pane & aqua. Si quis monachus dormierit in vna domo cum muliere, tres dies in pane & aqua: si nesciuit quod non debet, vno die.

Si quis non claudit Ecclesiam, duodecim psalmos. Si quis emittit sputa, & contingit altare, viginti quatuor psalmos: si parietem attingit, sex. Si quis obliuiscitur psallendo, seu lectiones, quatuor psalmos. Si quis tardius veniat ad orationem, quinquaginta, vel plagis quinquaginta: vel fegnius exequitur quod iubetur ei, quinquaginta. Si post

pa-

pacem sonauerit, quinquaginta. Si contumaci responderit, quinquaginta.

Si veniat velato capite in domo, quinquaginta verbera. Si non petit orationem cum intrat in domum, quinquaginta. Si manducat sine oratione, quinquaginta. Si locutus est aliquid in ore suo, quinquaginta. Si sonum fecerit dum oratur, quinquaginta verbera. Si quis iracundiam, vel tristitiam, vel inuidiam tenet contra fratrem suum: vt tempus tenuerit, ita erit poenitentia eius in pane & aqua: si vero prima die confessus fuerit, viginti quatuor psalmos.

Quicumque sacrificium perdiderit, & nescit vbi sit, anno poeniteat. Qui negligentiam fecerit erga sacrificium, vt sicetur, & a vermibus consumatur, ita vt ad nihilum deueniat, dimidio anno poeniteat. Qui negligentiam erga sacrificium incurrerit, vt inueniatur vermis in eo, & tamen plenum sit, igne comburat iuxta altare, & abscondat cinerem eius intra sub altare, & ipse poeniteat quadraginta diebus. Qui negligit sacrificium, & immutatum fuerit, & panis amiserit saporem: si rubro colore, viginti dies poeniteat: si hyacinthino, quindecim dies poeniteat. Si autem non immutatum fuerit colore, sed conglutinatum, septem dies poeniteat. Qui autem merferit sacrificium, continuo bibet aquam. Qui in chrisma fuderit sacrificium comedat. Si de cymba, vel de ponte, seu de ligno ceciderit, & non per negligentiam, sed casu aliquo, vno die poeniteat.

Qui scit fratrem suum peccare peccatum ad mortem, & non arguit eum, legis Euangelij transgressor notetur, donec arguat eum, cuius malum reticuit, & fateatur sacerdoti: vt quamdiu conscientia mala reticuit, tamdiu in afflictione poeniteat. Qui paruum peccatum reticuit, simili correptione, non eadem afflictione poeniteat, sed plagis triginta, aut quindecim psalmos canat. Si de reliquo spernens minima neglexerit, in pane & aqua poeniteat, vt peccans iuxta mandatum Domini corripiatur. Qui vero arguit non  
leni-

leniter, notetur, donec petat veniam a fratre correpto, & plagis triginta, aut quindecim psalmos. Qui peccatum pudendum alicui exprobrat, priusquam inter se & ipsum solum arguat, sicut Dominus dicit, corripiatur donec exprobrato satisfaciatur, & tribus diebus in pane & aqua poeniteat.

*Mat. 18.*

Qui transgreditur regulam iussionis vel disciplinæ generalis, maneat expulsus sine cibo, ut in crastinum recipiatur. Qui solus cum sola femina sine personis certis familiariter loquitur, maneat sine cibo, vel duobus diebus in pane & aqua, vel ducentis plagis. Qui præsumit facere ambasciam, non permittente eo qui præest, libera & effrenata processione absque necessitate, quinquaginta plagis inhibeatur. Operis peculiaris præsumptio centum plagis: possessio alicuius rei, quam non necessitas generaliter fratribus concessit, amissione eiusdem, & centum plagis coercetur. Necessarium vero ac licitum aliquid facere, dare, accipere sine iussione, duodecim plagis: nisi ratio aliqua defendat, ut supplex satisfactio remittat.

Qui comedens loquitur, sex plagis. Et cuius vox obstreperat de mensa ad mensam, sex plagis. Si de domo foras, vel de foris in domum sonuerit, duodecim plagis. Egredi vel ingredi in domum, aut opus facere sine oratione & signo crucis, duodecim plagis. Si aliter fuerit, quinque plagis. Meum vel tuum dixisse, sex plagis. Verbum contra verbum simpliciter dictum, sex percussionibus: si ex contentione; centum plagis, vel suppositione silentij. Si ordinem psallendi non servauerit, sex percussionibus. Si statuto tempore taciturnitatis loqui præsumperit, sine necessitate, decem & septem plagis.

Si quis de suppellectile monasterij per contemptum amiserit, vel dissipauerit quid, proprio sudore & operis adiectione restituat, vel pro affirmatione, arbitrio sacerdotis, suppositione poeniteat, aut vno die in pane & aqua. Si non contemptu, sed casu aliquod amiserit, aut fregerit, non aliter negli-

negligentiam suam quam publica diluat poenitentia: cunctis in synaxi fratribus congregatis tamdiu prostratus in terram veniam postulat, donec orationum consummetur solemnitas: impetraturus eam, cum iussus fuerit Abbatibus iudicio de solo surgere. Eodem modo satisfaciat quisquis ad orationem vel opus aliquod accersitus tardius occurrerit.

Si decantans psalmum titubauerit; si superfluo sit durus; si contumacius responderit, suppositione. Si negligentius obsequia iniuncta impleuerit, suppositione. Si vel leuiter murmurauerit, suppositione. Si lectionem operi obedientiae preferens, suppositione. Si officia statuta segnius fuerit executus, suppositione. Si dimissa synaxi non continuo ad cellam recurrerit, suppositione. Si cum aliquo ad modicum substiterit, suppositione. Si ad modicum temporis vsquam secesserit, suppositione. Si cum villo, qui cellae suae cohabitator non est, confabulari quantulumcumque praesumpserit, suppositione. Si alterius tenuerit manum, suppositione. Si orauerit cum illo qui est ab oratione suspensus, suppositione.

Si parentum quempiam vel amicorum secularium viderit, vel collocutus fuerit ei sine iussione; si epistolam cuiuscumque susceperit, si tribuere praesumpserit sine suo Abbate, suppositione. Si impedierit aliquem a necessarij facti expletionem, suppositione. Si per ardorem mentis legitimum religionis exceßerit modum, suppositione. Si alium feruentem a legitimo facto retinere teporis sui gratia praesumpserit, suppositione.

Hucusque & in similibus commissis procedit animaduersionis spiritalis, ut increpatio quae fit a pluribus, peccanti proficiat ad salutem, & de cetero cautior & diligentior emendatione morum Deo propitio saluatus existat.

Qui autem rixam commiserit, septem diebus poeniteat. Qui vero suum Praepositum despexerit, aut regulam blasphem-

sphemauerit, foras repellendus est, nisi ipse dicat: poenitet me quod dixi. Si autem se non humiliauerit, quadraginta diebus poeniteat; quia superbiæ morbo detinetur. Verbo-  
sus taciturnitate damnandus est, inquietus mansuetudine,  
gulosus ieiunio, somnolentus vigilia, superbus carcere, de-  
stitutor repulsione. Vnusquisque iuxta quod meretur coæ-  
qualia sentiat, vt iustus iuste viuat. Amen.

In omni loco & opere silentij regula magnopere custo-  
diri censetur; vt omni, quantum valuerit humana fragilitas,  
quæ prona ad vitia, vnde præcipitare solet, mundetur vi-  
tio, ædificationemque potius proximorum, pro quibus sal-  
uator noster Iesus sanctum effudit sanguinem, quam dilace-  
rationem absentium in pectore conceptam, & otiosa pas-  
sim verba, de quibus iusto sumus rationem retributori red-  
dituri, ore promamus.

Hæc superum volentibus carpere iter tendens alti ad fa-  
tigia summa, relictæque humo cum flagitijs, vltro ambien-  
tibus vni adhærere Deo hanc in tellurem misso, statuimus;  
qui immortalia nimirum sunt præmia accepturi, cum gau-  
dio summo nunquam decidente in æuum.

EXPLICIT REGULA COENOBIALIS  
S. COLVMBANI ABBATIS.



REGV-

REGULA  
TARNATENSIS  
MONASTERII.



## DE TARNATENSI MONASTERIO eiusque Regula testimonia.



IOS. SIMLER. descript. Vallesiæ lib. 1.

*SVB Octoduro ad sinistram Rhodani hi viculi sequuntur, Iuviana. Seruantia, Uerofa, mox Tarnada oppidum. Tarnada autem Antoninum secusi oppidum hoc nominamus: veterum plerique Agaunum nominarunt. Extant hoc loco vetustissimæ inscriptiones, quæ antiquitati testimonium perhibent. Hoc loco a Maximino Imperatore legis Thebae agnitus dux erat Mauricius, propter confessionem nominis Christi occisus est. Ab eorum martyrio annis circiter cccx. cum locus hic apud Burgundos, qui in his regionibus dominabantur, magnæ venerationi esset, Sigismundus rex Burgundorum Maximi Geneuensis, Theodori Sedunensis, & aliorum Episcoporum oratione impulsus eodem loco in honorem martyrum coenobium celebre construxit; oppidulum Tarnadæ iuxta positum moenibus ampliatis coenobio coniunxit: ab eo tempore Tarnadæ nomen obsoleuit, & nunc vulgo ad S. Mauricium nuncupatur.*

MARIVS Ep. Auenticen. Chron. ad an. Christi dxx.

*Florentio & Anthemio Consulibus monasterium Acauno a rege Sigismundo constructum est.*

Regulam vero Tarnatensem sæpissime citat S. Benedictus Anianensis Abbas in concordia Regularum, & Smaragdus in comment. ad Regulam S. Benedicti; item Trithemius lib. de propr. Monachorum cap. 5.



INCI-



INCIPIT REGULA  
MONASTERII TARNATENSIS.



CAPVT PRIMVM.



I quis fidei ardore succensus, renun-  
tians seculo, monasterium magna di-  
spositione elegerit expetendum, no-  
uitati eius non confestim licentia tri-  
buatur intrandi: sed primum studio-  
sus indagetur, vtrum voluntarie, an  
necessitate aliqua coactus aduenerit:  
aut si nulla seruitutis conditione ob-  
noxius teneatur. Quod cum ad Ab-  
batis notitiam Prapósito nuntiante peruenerit, vni de se-  
nioribus deputatus tamdiu iubeatur aduenientibus deserui-  
re, quousque deuotio eius fuerit patientia teste demonstra-  
ta. Sequitur, vt informetur disciplinis regularibus, & quæ  
facere debeat, quibusque eum conueniat seruire cognos-  
cat: deinceps omnis Regulæ constitutio relegatur, &  
ad comprobandam obedientiam eius, dura ei & aspera,  
præcepta mandentur, nihil in proprietate de his quæ secum  
exhibuit habiturus. Sed si eius votum tale est, vt. quæ sua  
monasterij vrbis conferre desideret, oblationem eius ad in-  
tegrum

Col. 3.

tegrum deuotio sincera commendet, & super altare statuat: unde repositi aliquid sacrilegium iudicatur. Si pecora cuiuslibet generis ad monasterium commigraturus adduxerit, ab Abbate pretium consequatur; cui de eodem pretio faciendi quod voluerit, non negetur. Quæ si Abbas noluerit comparare, cui voluerit vendere permittatur; aut quod melius est, Præposito vendenda committat: pretium vero ipsum, ut iam dictum est, ab eo cuius res fuerant dispensetur, dummodo in eius nihil potestate resideat. Nefas est enim ut qui decipulam huius seculi intendit euadere, reseruet unde cum infestatio diabolica valeat irretire. Clientem vero, & famulum, aut parentem secum exhibens, si postulet in consortio religionis admitti, simili examinatione probatum fratribus conuenit aggregari: & qui fuerat ei ante in seruitute subiectus, frater est in Domini positus seruitio computandus: quia *apud Deum*, ut Apostolus docet, *nulla est acceptio personarum*. Ille tamen qui de humili conditione est in germanitatis æqualitate susceptus, non aliquo elationis tumore superbiat; sed per humilitatem in eo quæ bona sunt conualescant: & non solum ei cui æqualis effectus est, sed fraternitati omni, ut verus famulus Christi, cum pietate & humilitate deferuiat. Quia sicut is, qui maior esse videbatur in seculo, per humilitatis affectum frater vocatur ex domino; ita ille sui memor conditionem suam, non altiora petendo despiciat, sed testimonio humilitatis exaltet, ut apud Deum inueniat gratiam. Et nisi expleto anno nullus mutare habitum permittatur. Sed si poscentis fuerit tanta compunctio, ut hoc sibi supplicatione assidua exigat non negari; quod vni fideliter poscenti conceditur, non quasi licitum habeatur. Vestimenta quoque secum delata, quæ primi anni vsus non valet expendere, redacta in pretium, cui Abbas præceperit, tribuantur: quia cum alia meruerit indumenta, priores exuiæ in sua non erunt potestate, ut exterioris hominis immutatio cum interioris profectu plena

na ratione conueniat. Nihil de his quæ perceperit ei sit licitum commutare: nec pro abiectiōe viliora, nec pro commodo meliora; sed qualiacumque fuerint attributa, cum gratiarum actione suo tantum vsui vindicabit.

## CAPUT II.

**N** vlli liceat sequestratam eligere mansionem, nec armariolum, aut aliquid simile, quod peculiarius claudi possit, permittatur quasi proprium vindicare. Viam solus, nisi comitatus fratris contubernio, non assumat. Reuertentes ea quæ foris agi viderint, referre non audeant, nisi illa tantum quæ ædificent audientes. Posito seniore vereatur iunior in præsumptionem loquacitatis erumpere: sed, ut sæpe contingit, si simplicioris naturæ fuerit senior, tunc iunior quæ ei præcepta fuerint, exequatur. Festiuitate qualibet celebrem monachum, nisi permissum, non licebit expetere, quia o'ntem secretius palam Dominus, Euangelio adstipulante, est pollicitus se auditurum.

Matth. 6

## CAPUT III.

**S** i quis vero a fratribus in quocunque negotio ad ciuitatem, aut ad castellum, siue ad vicum seniore imperante dirigitur, nisi ad illum, quo destinatur, non præsumat accedere. Spiritalem se fieri patrem sine Abbatis imperio nulloatenus acquiescat; sed si causa tantæ necessitatis extiterit, aut cuiuscunque fidelis personæ precibus inclinatus interdicta non valet effugere, quod contradicenti cognoscitur impositum, caritatis intuitu est omnimodis admittendum.

## CAPUT IV.

**C** um extranea muliere colloctiones absque testibus canonicorum auctoritate legitima prohibentur; matrum etiam

etiam & germanarum fabulis eos misceri secretus nullatenus concedatur: ne in ipsa nouitate militat constitutos seculari præsumptione subuertant. Et non a maiore concessa licentia nullus qualibet parte discedat. Nauigium etiam ad vltiorem ripam sine imperio senioris transuehere non præsumat: nec capillos barbamque succidat, aut funiculum vel quodlibet aliud facere audeat, nisi hoc relaxatio senioris admittat. Vespertinis & nocturnis horis, quibus fratres alij conquiescunt, qui a mansione aut lectulo suo deesse cognoscitur, corripientibus senioribus castigetur: & in ipsa quiete positus alter alteri non loquatur.

## C A P V T V.

**Q**ui signo dato ad opus Dei, vel ad quæcunque opera tardius venerit, exclusus pro reati tanti facinoris confundatur. Pro qualibet etiam culpa quamlibet aspera fuerit increpatione correptus, respondere nefas iudicet arguentis sed humiliando se emendationem delicti doceat secuturam: quia Deus humilibus daturum se gratiam repromisit. Cum eo, qui pro admissa culpa ab orationis, vel à mensæ consortio remouetur, præter eum, qui eiectionis fratris amaritudinem doctrinæ & caritatis possit admixtione dulcare, nullus audeat conferre sermonem.

## C A P V T VI.

**I**n vigilijs, dum lectiones cunctis residentibus relegantur, vel quando orationi incumbunt, intrandi aut exeundi facultatem sibi nullus æstimet fuisse concessam. Qui vero communis necessitatis causa compellitur, psallentibus alijs sine cuiusquam reatus timore discedat, continuo ad opus quod agitur reuersurus. Et qui alijs orantibus vel psallentibus fabulari præsumperit, non solum fraternitati, sed etiam diuinitati reum

rem se esse non dubitet. Illud est etiam studendum, ne somnum manus otiose inuitent: atque ideo hæc erunt opera in vigiliis facienda, quæ mentem non occupent, aut grauent operantis auditum; sed quæ soporis possint repellere torporum. Orationi autem & verbo Dei nihil est præponendum. Dominica vero nocte, pro reuerentia Resurrectionis dominicæ, manuum opera conquiescant: quod & certis solemnitatibus conuenit obseruari.

## CAPVT VII.

**M**editantibus etiam fratribus nulli liceat rebus se alijs implicare; nec liberum iudicet ab schola, vel vbi meditantur fratres, discedere. Qui vero in hac præsumptione proruperit, excommunicationi, vt dignum est, subiacebit. Cellulam alterius, præter Abbatem & Præpositum, nisi dato signo est illicitum introire: quia ipsis tantum conceditur fratrem secreta cognoscere, & qualiter se vnusquisque agat, occulta inspectione perquirere. Et vbi artifices operantur, absque superscriptis personis, nullus præsumat accedere. Aduenientibus quoque nihil præter humilitatis affectum & debitum famulatum iunior exhibebit; & curam habere de causa, qua venerit, quandoque reuersurus sit, non præsumat: quia hoc seniorum sollicitudo, non iuniorum, præsumptio, debet inquirere.

## CAPVT VIII.

**I**ncrepare iunior non audeat seniore; sed si extra regulam aliquid fieri, aut factum esse cognoscit, Abbati est aut Præposito reservandum: vt correctione regulari, quod reprehenditur, corrigatur. Quæcumque ab aliquo absque testibus admittuntur, si ad Abbatis notitiam peruenerit, secretius emendetur: si omnibus innotuerit, coram omnibus est

est reus admitti criminis: arguendus. Qui cogitationum impugnationes consolationis suæ causa secretius confitetur, non oportet eum despici, nec alijs publicari; sed quantum in se est, blanda exhortatione foueri. Qui alijs secreta meditatione psallentibus inconuenienter fuerit locutus, regulariter arguatur. In quocunque ergo opere aut meditabuntur quæ sancta sunt, aut certe silebunt. Ad mensam loqui specialiter, nisi qui interrogatus fuerit, non præsumat. Quod vero necessarium victui fuerit, Præpositum decet agnoscere; & quod secundum consuetudinem deest, secretius iubeat ministrari. Sedentes ad mensam lectionem quæ legitur cum silentio audiant: si vero defuerit persona lectoris, ad instar cibi sanctarum scripturarum meditatio ruminetur: ne escam tantum corpus accipiat, sed & verbo Dei anima pascatur esuriens. Orationibus vacate horis & temporibus institutis; psalmis & hymnis cum Dominus exoratur, ea plantentur in corde, quæ proferuntur in voce. Arator stiuam tenens Alleluia cantet; sudans messor psalmis se auocet; & dum palmitem curuum tondet vinitor falce, aliquid Dauidicum canat. Hæc sint vestra carmina; hæc, ut vulgo aiunt, amatoriarum cantiones: hæc pastorum sibilus; hæc instrumenta culturæ. De his, quæ huius seculi homines agunt, nihil curæ sit monachis; sed meditatio cordis eorum in timore Domini sit intenta.

## C A P V T IX.

**O** mni tempore duabus horis in die spiritali meditationi vacabunt. Æstatis vero tempore matutinis ex more completis, & Prima dicta, omnes opera quæ iubentur assumant. Deinde Tertia celebrata, ad expedienda quæ suscepta fuerant, reuertantur: nec colloquutione quarumcunque fabularum secularium occupentur; nisi fortasse hoc proferat sermo relatoris, quod animam ædificet audientis.

A Sex-

A Sexta quoque hora vsque ad nonam vacent quieti, vel etiam lectioni. Post horam vero nonam, aut in horto, aut vbi poscit utilitas, vsque ad horam lucernarij omnes in vnum solatium commodabunt. Hiemis vero tempore, matutinis vel prima transactis, omnibus vsque ad tertiam vacare conceditur lectioni. Qua consummata, gratanter quod eis iniunctum fuerit, implere festinent, vt iam dictum est, vsque ad horam lucernarij. Hi vero qui deputati esse videntur culturæ, hac obseruatione constringi pro operis assiduitate non possunt: sed vt tempus exegerit, aut labor eorum opera iniuncta monstrauerit, sic consideratione Præpositi gubernentur; binis & ipsi horis lectioni nihilominus vacaturi. Quando messes & vindemiæ colliguntur, bis in die, id est hora sexta & duodecima, refectionem accipiant. Quarta vero vel sexta feria ita moderari opera debent, vt, si fieri potest, statuta ieiunia non omitant. Sed vniuersa, prout utilitas aut labor exegerit, ita senioris iudicio disponantur. Nemo tamen extra monasterium manducet aut bibat: hoc enim Regulæ non recipit disciplina, vt vel poma vilia resumantur: aquam ipsam, ante refectionem legitimam bibere non præsumant.

## CAPVT X.

Quando panes faciunt, vel in omni ministerio corporali, laborem suum mutuo releuabunt; & quamlibet cuiunque operi esse videantur intenti, orandi & psallendi tempora non omitant: vt dum escas eligunt præparare carnales, spiritualiter verbo Dei & bonæ conscientie meditatione pascantur. De quo tamen opere nullum deesse conuenit, nisi quem retentat infirmitas; aut quem Præpositus in alia causa præceperit occupari. Ad Cellerarium vero talis ordinetur Abbatis iudicio, vel concilio seniorum, non qui voluntates aliquorum, sed necessitates om-

a a

nium



nium cum timore Domini, & fratrum dilectione consideret: cui tamen, absente Præposito, concors obedientia præbeatur; & ubi utilitas poposcerit, solatium non negetur.

## C A P V T .XI.

**P**rouisores Monasterij tales oportet eligi, vel ordinari, qui alios ædificare vitæ suæ probentur exemplo; quique eleemosynam monasterio deputatam, vel ea quæ a fratribus colliguntur, summa cura pro Domini timore conseruent. Quia si creditam sibi famulorum Dei, negligit seruare substantiam, sicut ait quidam Patrum, lædit Deum, & dispergens eam, rationem est Domino redditurus. Quæ vero ipsis fuerint pro Dei amore donata, in oblatione monasterij adiuncta omni congregationi proficiant. Qui Apostolicam vitam optamus eligere, cur quasi propria vindicemus, quæ nouimus continuo peritura?

## C A P V T .XII.

**H**ortulanus ita debet constitui, vt & Præpositi & Cellerarij solatio subleuetur. Et quia olerum beneficijs cellerariæ iuuantur expensæ, oportet vt secundum dispensationem cellerarij expendantur pariter & colantur. Ferramenta quoque omnia, & reliqua utensilia ab vtraque persona conuenit custodiri: ita tamen vt unicuique quod consignatum fuerit, cum diligentia & summa strenuitate custodiat; & nullus de alterius cella quod ad eum non pertinet, sine voluntate eius in cuius datum est potestate, præsumat auferre. Quod qui facere nefanda auctoritate præsumperit, quia pro minimis rebus scandala generare non metuit, omni congregationi reus esse, dum prætermittit regulam, doceatur. Nec quis sibi diei opus eli-

eligat faciendum, quod tamen constare debet in arbitrio senioris, ut quod utile perspexerit iudicio suo, imperet faciendum. Nullus murmurando aliquid faciat, ne quorum sequitur exemplum, consequatur exitum. Nulli liceat ad parentes frequentius commere: illi tamen personæ, quæ de proximorum salute probatur esse sollicita, certis quibusque temporibus requirendi aditus relaxetur. Quem tamen vehementer cauere decipulam seculi conuenit; ne dum alios putat posse acquirere, seipsum a Domino faciat alienum.

## CAPUT XIII.

**A**D conuiuium nuptiale fratrum nullus accedat: ne per lasciuiam secularium quæ sunt seculi recognoscatur, & quod absit, ad mundi huius vitam, esse non corpore, animo reuocetur, sicut dixit beatissimus Cyprianus: *adulterium damus videtur, & discitur*: Qui ioculari aliquid, vel risui aptum in conuentu fratrum proferre præsumpserit, vel quicum iunioribus verba otiosa narrare voluerit, aut habere amicitias ætatis infirmæ, increpationi, ut dignus est, subiacebit. Si quis quælibet inuenerit, inuenta non celet, & cognoscenda non occultet. Quod si reperta, vnius diei spatio conuincitur retentasse, furti contagio se maculatam esse cognoscat. Siquis eam, qui distractionem monasterij non ferens, fugam meditari agnouerit, si non statim prodiderit, perditionis illius participem se esse non dubitet; & tamdiu est a conuentu fratrum sequestrandus, quamdiu ille valeat reuocari. Siquis hæc non omni virtute studuerit Domino placitura seruare, & semel ac secundo correptus non emendauerit, reprehensa iuxta ætatis formam conuenit vindicari.

EP. 2.

**H**aec sunt quæ in monasterio constitutis pro Dei amore & timore conuenit obseruare. Propter quod in vnum estis pro timore Domini congregati, oportet vt in demo Domini vnanimis habitetis, & sit vobis anima vna, & cor vnum in timore Domini peruigilans; nihilque habere vos proprium reputetis, sed sint vobis cuncta communia, quæ vobis Abbatis imperio dispensentur, non æqualiter omnibus, sed sicut ratio dispensationis, aut causa infirmitatis exegerit; unicuique tamen, secundum quod opus fuerit, tribuatur: sicut in actibus Apostolorum legimus: quia *erant illis omnia communia, & distribuebatur unicuique, sicut cuique opus erat.* Qui enim aliqua habuerint in seculo, quando expetere monasterium meruerint, libenter tradant omnibus profutura; studentes, vt cum dimiserint facultatem, ipsam simul concupiscendi exuant voluntatem: & cum dimittitur possessio, abijciatur & passio. Qui autem non habuerunt, turpe est vt quærant quæ se non recolunt reliquisse. Et non ideo æstiment se felices, quia inuenerunt in monasterio, quod foris inuenire non poterant: nec superbiant, quod lociantur eis, ad quos ante accedere pro diuitiarum vbertate, aut pro natalium splendore non poterant: sed sursum cor habeant, & quæ sunt caduca vel cursu celeri peritura non quærant. Vbi autem diuites humiliantur, pauperes non inflentur: ne incipiant monasteria vtilia plus esse diuitibus, quam egenis. Nam & illi qui locupletes videbantur in seculo, fratres ad sanctam societatem ex paupertate venientes non fastidiose suscipiant: sed talium personarum societate & contubernio gratulentur. Nec ob hoc extollantur, si ad iuuandas fraternitatis expensas quamcumque facultatum suarum particulam contulerint; & inde postmodum cadant, vnde prius ascendere cupiebant. Quid prodest

AA. 4.

dest opes dispergere, & pauper fieri pauperibus erogando, si anima misera superbior efficiatur diuitias contemnendo, quam fuerat possidendo? Omnes ergo in vnanimitate perstantes honorate in vobis Deum, cuius templum effici meruistis. In primis diligamus Deum tota virtute animi, deinde proximum: ista enim nobis sunt praecepta specialiter data. Abbati post Deum impendatur honor, & reuerentia reseruetur: Praeposito, sicut Dei seruos decet, plena dilectio & concors obedientia commodetur.

## CAPVT XV.

**I**n oratorio praeter orandi & psallendi cultum penitus nihil agatur; vt nomini huic & opera iugiter impensa, concordent: vt si aliquis praeter constitutas horas Domino supplicaturus ingreditur, votum suum occupatio aliena non tardet. Nolite cantare, nisi quod legitis esse cantandum. Carnem vestram mortificate per abstinentiam, domate ieiunijs atque vigilijs: animam vero vestram nitore bonae conuersationis abluite.

## CAPVT XVI.

**S**i attenuatus abstinentia frater non valuerit ieiunia suscepiere portare, nisi prandij hora completa, aliquid accipere iudicet indecorum. Illi vero qui incommodo detinentur, & designatas horas non possunt custodire, licite concedatur; percipiant quando possunt. Nec debet alijs molestiam generare, si largior illis fuerit victus impensus, qui in conuersatione seculari sumptuosius tractabantur; atque ob hoc non beatiores aestiment se videri, quos facit aut natalium mediocritas, aut consuetudo alia fortiores. Nec feliciores iudicent, quibus in infirmitate praestatur, quod sanis pro obseruantiae rigore subtrahitur: & si eis  
ques

quos parentes delicatius aluerunt, victus aut vestimenta largius tribuantur, non ob hoc debet commoueri fraternitas, quod fortioribus corpore pro constitutione regulæ denegatur, quod illis caritatis consideratione tribuatur: quia debet esse respectus, quanta amore religionis contempserint, cuique se abiectioni diuina inspiratione submitterint. Nec debet supramemorata præsumptio paucis impensa, ab vniuersitate quasi canonica reputari. Aequum namque non est, ut in beata habitatione, vbi inclinantur diuites, pauperes erigantur. Sane inæqualitate constricti, ita sunt tractandi, ut vires, incommoditate confectas velocius præstatio larga corroboret: nec in infirmitate manentibus discretionem victus afferat distantia personarum. Qui tamen cum integram fuerint virtutem corporis affecti, consuetudinarijs habentis abstinentiæ reneantur; quia decet famulos Dei boni operis constantiam non minuerere, sed augere.

## C A P I T V L V M XVII.

**N**on sit notabilis habitus vester, nec intendatis vestibus placere, sed moribus. Cum autem proceditis, simul incedite. Cum ad optatum locum, custodiente Domino, peruenieritis, in vnum fraternitas cuncta subsistat. In incessu, in statu, in omni corporis motu nihil indecens videatur, quod intendentis offendat aspectum; sed illis operam date, quæ vestræ conueniens sanctitati.

## C A P I T V L V M XVIII.

**O**culi vestri, si in quacunque parte porrecti, vultum incutierint feminarum, animus tamen Deo dedicatus nulla concupiscentiæ macula polluitur. Proecedentes ergo, quia non prohibemini, nec valeatis contemplationem effu-

effugere feminarum, appetere tamen, & ab ipsis appeti vel-  
 le crimen est. Nec solo tactu & affectu, sed aspectu quoque  
 concupiscentia incurritur feminarum: nec statuas habere  
 vos oculos pudicos, si geratis animos impudicos: quia  
 impudicus oculus impudici cordis est nuntius. Qui au-  
 tem in femina libidini conscia conuertit aspectum, non  
 aestimet latere, quod mens procatu grauat concepit. Sed  
 fac certum esse quod lateat, ut nullo profus homine vi-  
 deatur, quid de illo faciet inspectore, quem secreta non  
 fallunt, quem occulta latere non possunt? Ille ergo vir  
 sanctus Deo timeat displicere, cui fidelem famulum se  
 cupit ostendere: cogitet, ne animo suo feminas male placi-  
 turas infuset: metuat eum omnia videre, cui humanus  
 actus nihil valet occidere. Illius ergo timor praesens  
 iugiter habeatur, de quo scriptum est: *abominatio est Dominus* Prov. 16.  
*defgens oculum*. Quando ergo simul estis in ecclesia, aut  
 in quocunque loco, ubi esse possint praesentes & feminae,  
 singuli de omnibus curam gerentes vestram studiose pudici-  
 tiam custodite. Deus enim qui habitat in vobis, adhibi-  
 ta huiusmodi sollicitudine, vos dignabitur custodire. Et  
 si hanc, de qua loquor, oculi petulantiam in aliquo ve-  
 strum quis aduerterit, statim monete, ut de proximo cor-  
 rigatur. Nec se putet maleuolum, quando hoc indicat: &  
 ideo debet publicari qui eiusmodi est, ne in deterius cre-  
 scat. Si vero admonitus emendare neglexerit, Abbati est  
 indicandum, ut ab ipso emendatoriam subeat disciplinam.  
 Si autem nec sic emendauerit, quasi ovis morbida a ve-  
 stra societate proijciatur, ne exemplo suo alios perdat: ita  
 enim de cupiditatis vitio est inquirendum, ut cum hoc vitio  
 agnoscitur quis laborare, castigetur a plurimis, cum dile-  
 ctione proximi, & odio vitiorum.

**Q**ui vero literas vel manuscula cuiuscunque accipere præsumpserit, si non statim, a quo accepit, & quæ accepit publicauerit, distractioni seuerrissimæ subiacebit. Illa vero quæ transmissa sunt, peregrinis & ignotis deputabuntur, aut certe incendio cremabuntur. Sane si quis suis filiis, vel aliqua ad se necessitudine pertinentibus aliquid contulerit, in rem communem redactum, cui necessarium fuerit tribuatur. Si vero cui transmissum est, Abbas præceperit dari, tanquam reliqua fidelium munera, cum gratiarum actione percipiet. Obseruandum est etiam ne interioris animæ sordes contrahat vestis mundæ nimius appetitus. Quapropter secundum Præpositi sunt ordinationem lauandæ. Quæ tam simplici erunt & patrio colore procurandæ, ne disparilitas vestium nutriet arrogantiae vitium; & ita sunt indigentibus tribuendæ, ne vitio avaritiæ reservatæ, prouidendis singulis detur audacia. Si quis vero his negligenter expetenda putauerit, Præpositi sit cura, vt interuersor rerum monasterialium corrigatur. Ante omnia procurantes, vt lites nullas habeatis: si autem diabolo instigante factæ fuerint, celeri satisfactione sanentur: & inde proferantur remedia, vnde facta sunt vulnera: nec occidat sol super iracundiam vestram. Consuetudinem iurandi abijcite. Sit sermo vester, est est, non non: quia, *Epð. 4.* sicut Dominus ait: *Matt. 5.* quod his abundantius est, a malo est.

## CAPVT XX.

**F**æminæ vestrum non frequentent habitaculum, sed cum pro deuotione sua, vel pro amore religionis vestræ expetierint monasterium, non eis concedatur interiores monasterij ianuas introire, sed in Oratorio, aut in hospitali domo reddatur illis honor & gratia: non,  
ex-

expectationis causa, sed pro constitutione regulæ, vel monasterij disciplina.

## CAPUT XXI.

**I**nfirmantibus quoque, vel aliqua inæqualitate laborantibus satis fidelis & strenua debet persona præponi; quæ & egrotis cum pietate seruiat, & monasterialem disciplinam regulariter custodiat, & quæ conueniunt infirmis, rationaliter expendat.

## CAPUT XXII.

**Q**ui cellario vero vel codicibus præponuntur, sine murmuratione seruiant fratribus. Codices qui extra horam petierint, non accipiant; & qui apud se habuerint amplius quam constitutum est, retinere non audeant. Hæc in nomine Christi agentes, scitis vos proficere, & cum suauitate & quiete in monasterio perdurare. Quando autem necessitas disciplinæ moribus coercendis dicere vos verba dura compellit, etiam si in ipsis modum excessisse vos fortasse sentitis disciplinæ, non a vobis exigitur, ut veniam postuletis: ne apud eos quos oportet esse subiectos, dum nimium seruetur humilitas, regendi frangatur auctoritas. Tamen petenda venia est ab omnium Domino, qui nouit etiam eos quos plus iusto forte corripitis, quanta beneuolentia diligatis. Caritas enim, de qua scriptum est, *quia non querit* 1. Cor. 13 *quæ sua sunt*, etiam hic intelligitur custodiri: quia dum alienam nituntur humiliare superbiam, quantum desiderant suas non possunt humiliare personas. Quia non carnalis, sed spiritalis inter vos debet esse dilectio; & ideo de omnium salute diligentius cogitate: quia de commissis sibi animabus vnusquisque redditurus est Domino rationem.



**P**ræposito specialiter obediatur, multo magis Abbati, qui vestrum omnium curam gerit: quia qui illos spernit, spernit eum qui dixit: *qui vos audit, me audit, qui vos spernit, me spernit*. Vt ergo cuncta ista seruentur, & si quid seruatum non fuerit, non negligenter prætereatur, sed emendandum corrigendumque curetur, ad Præpositum præcipue pertinebit: vt ad Abbatem, cuius est apud vos maior auctoritas, referat, quod modum vel vires eius excedit. Ipse vero qui vobis præest, non se æstimet potestate dominante, sed caritate seruiente felicem: honore coram vobis prælatus sit, coram Deo subditus sit pedibus vestris. Circa omnes seipsum bonorum operum præbeat exemplum. Corripiat inquietos, consoletur pusillanimes, suscipiat infirmos, patiens sit ad omnes: disciplinam libens habeat, metum imponat. Et quamuis vtrumque sit necessarium, tamen plus amari appetat, quam timeri: semper cogitans Deo se pro vobis redditurum rationem. Vnde vos magis obediendo non solum vestri, sed etiam ipsius miseremini: qui inter vos quantum in loco superiori, tantum in periculo maiori versatur.

Donet Dominus vt obseruetis hæc omnia cum dilectione, tanquam spiritalis pulchritudinis amatores, & bono Christi odore de bona conuersatione fragrantés: non sicut serui sub lege, sed sicut liberi sub gratia constituti. Vt autem vos in hoc libello tanquam in speculo possitis inspicere, ne per obliuionem aliquid negligatis, semel in septimana vobis legatur. Et vbi vos inueneritis ea quæ scripta sunt facientes, agite Deo gratias, bonorum omnium largitori: vbi autem sibi quisque vestrum videat aliquid deesse, doleat de præterito, caueat de futuro: orans vt debitum dimittatur, & in temptationem non inducatur.

EXPLICIT REGVLA TARNATENSIS.

S. 144-

**S. ISIDORI**  
**HISPALENSIS EPISCOPI**  
*Regula*  
**MONACHORVM:**

# DE S. ISIDORO EIVSQ. REGVLA veterum testimonia.



MARTYROLOGIVM Rom. prid. Nonas April.

*HISPALI in Hispania S. ISIDORI Episcopi, sanctitate & doctrina conspicui; qui zelo catholica fidei, & observantia Ecclesiastica disciplina Hispanias illustravit.*

*BRAVLIO Casaraugustan. Episcopus in prænnotatione librorum S. Isidori.*

*ISIDORVS vir egregius, Hispalensis Ecclesie episcopus, Leandri Episcopi successor & germanus, floruit a tempore Mauricij Imperatoris, & Reccaredi Regis: in quo quidam sibi antiquitas vindicavit, immo nostrum antiquitatis in eo scientiam imaginavit: vir in omni elocutionis genere formatus, ut imperito doctoque secundum qualitatem sermonis existeret aptus: congrua vero opportunitate loci incomparabili eloquentia clarus. Iam vero quantus sapientia fuerit, ex eius diuersis studijs, & elaboratis opusculis persacile prudens lector intelligere poterit. Denique de ijs quae ad notitiam nostram venerunt, ista commemorauis Monastica Regule librum vnum: quem pro patrie vsu, & inualidorum animis decentissime temperauit, &c. Obijt temporibus Heraclij imperatoris, & Christianissimi Chintiliani regis, sana doctrina praestantior cunctis, & copiosior operibus caritatis.*

S. BENEDICTVS Anianensis Abbas in Concordia Regularum, & SMARAGDVS monachus in comment. ad Regulam S. Benedicti, ubique hanc S. ISIDORI Regulam citant.

INCI-


**INCIPIUNT CAPITULA REGVLAE.**

- I. De monasterio.
- II. De eligendo Abbate.
- III. De monachis.
- IV. De conuersis.
- V. De familiaris vite, reique aspectu.
- VI. De opere monachorum.
- VII. De psallendi officio.
- VIII. De collatione.
- IX. De codicibus.
- X. De mensis.
- XI. De ferijs.
- XII. De ieiunijs.
- XIII. De habitu monachorum.
- XIV. De strato, siue de illusionibus nocturnis.
- XV. De delinquentibus.
- XVI. De qualitate delictorum.
- XVII. De excommunicationis.
- XVIII. De rebus monasterij.
- XIX. Quid ad quem pertineat.
- XX. De infirmis.
- XXI. De hospitibus.
- XXII. De profectione.
- XXIII. De defunctis.

**EXPLICIUNT CAPITULA.**

**INCI-**





INCIPIT REGVLA  
S. ISIDORI EPISCOPI.



CAPITVLVM I. *De monasterio.*



**I**N PRIMIS, fratres carissimi, monasterium vestrum miram conclauis diligentiam habeat, vt firmitatem custodiæ munimenta claustrorum exhibeant: inimicus enim noster diabolus, sicut leo rugiens, circuit ore parenti quærens vnumquemque nostrum, quem deuoret. Monasterij autem munitio tantum ianuam extrinsecus habeat, vnumque posticum per quem eatur ad hortum. Villa sane longe remota debet esse a monasterio: ne vicinijs posita aut labis inferat periculum, aut famam inficiat dignitatis. Cellulæ fratribus iuxta ecclesiam constituentur, vt possint properare quantocyus ad officium. Locus autem ægrotantium remotus erit a basilica, vel cellulis fratrum, vt nulla inquietudine, vel clamoribus impediatur. Cellarium monachorum iuxta coenaculum esse oportet, vt secus positum sine mora mensis ministerium præbeat. Hortulus sane intra monasterium sit inclusus; quatenus

1. Petr.

tenus, dum intus monachi operantur, nulla occasione exterius euagentur.

CAP. II. *De eligendo Abbate.*

**A**bbas interea eligendus est institutione sanctæ vitæ duratus, atque inspectus patientiæ, & humilitatis expertus: quique etiam & per exercitum vitam laboriosam tolerauit, ac transcendens ætatem adolescentiæ, iuuentutem, seu senectutem tetigerit: cui etiam maiores non dedignentur parere, obediens ei tam pro ætate, quam etiam pro morum probitate. Ipse se imitandum in cunctis operum, exemplis exhibebit: neque enim aliquid imperare cuique illi licebit, quod ipse non fecerit. Singulos autem hortamentis mutuis excitabit: adloquens cunctos, exhortans, vel ædificans in eis, si quid eorum vitæ pro vniuscuiusque gradu prodesse perspexerit. Circa omnes quoque seruans iustitiam, contra nullum liuore odij inardescens, omnes ex corde amplectens, nullum conuersum despiciens, paratus etiam quorundam infirmitati compatiendi misericordiam, Apostolum sequens, qui dicit: *Facti sumus paruuli in medio vestrum, tanquam si nutrix foueat pullos suos,*

1. Thes. 2.

CAP. III. *De monachis.*

**M**onachis autem summo opere studendum est, ut Apostolicam vitam tenentes, sicut in vnum constituti esse noscuntur, ita vnum cor habeant in Deo: nihil sibi proprium vendicantes, nec quantulumcumque amorem rei priuati gerentes; sed iuxta exemplum Apostolicum, omnia communia habentes, in præceptis Christi fideliter permanendo proficiant. Patri honorem debitum referentes: erga seniores obedientiam, erga æquales incitamentum virtutum, erga minores boni exempli magisterium conseruabunt. Namque cete-

ad. 4.

ceteris se iudicet meliorem, sed inferiorem se omnibus deputans, tanta humilitate clarescat, quanto plus ceteris culmine virtutum coruscat. Abstineat etiam a furore, & a detractioe. Parcat monachus linguæ. Indecenter quoque vel notabiliter non incedat. Philargyriæ contagium vt lethiferam pestem abhorreat: a turpibus verbis vel otiosis linguam auertat; atq; indefinenter cor mundum labiaque exhibeat. Affectus quoque animi turpes ab intentione cogitationis abstergat; seque per compunctionem cordis in studio sanctæ meditationis exerceat. Torporem somni atque pigritiæ fugiat, vigilijsque & orationibus sine intermissione intendat. Gulæ concupiscentiam deprimat, atque abstinentiæ virtutibus semetipsum pro studio domandarum libidinum affligat, domans ieiunijs carnem, quantum valetudo corporis finit. Liuore quoque inuidiæ de fraternis profectibus nequaquam taceat; sed quietus atque pacificus per amorem fraternę dilectionis de cunctorum gaudeat meritis. Iracundię perturbationem a se reiciens, & patienter omnia sustinens, nulla tristitia, nullo temporali mœrore afficiatur: sed contra omnia aduersa, interiori gaudio fretus, ipsam postremo vanæ gloriæ laudem procul a se abijciat, & Deo tantum interius humili corde placere studeat: vt dum his virtutibus radiat, merito nomen suæ professionis retineat.

CAP. IV. *De Conuersis.*

**Q**ui renunciens seculo ad monasterium venerit, non statim in cœtum delegandus est monachorum. Vitam enim vniuscuiusque in hospitalis seruitio tribus mensibus considerari oportet: quibus peractis ad cœtum sanctæ congregationis accedet: neque enim intus suscipi quemquam conuenit, nisi prius foris positus, eius humilitas, siue

c c

patien-



patientia comprobetur. Qui relicto seculo ad militiam Christi pia & salubri humilitate conuertuntur, omnia sua, primum aut indigentibus diuidant, aut monasterio conferant. Tunc enim serui Christi liberum animum diuinæ militiæ offerunt, quando a se, spei secularis vincula cuncta præcidunt. Qui non rigida intentione conuertitur, cito aut superbiæ morbo, aut vitio luxuriæ subditur. Nequaquam ergo debet a tepore inchoare, qui mundo renuntiat, ne per ipsum teporem rursus in amorem seculi cadat. Omnis conuersus non est recipiendus in monasterio, nisi se prius ibi scriptis suæ professionis spopöderit permanfurum. Sicut enim hi qui ad secularem promouentur militiam, in legionem non transeunt, nisi antea in tabulas conferantur; ita & ij qui in spiritalibus castris cælesti militia sunt signandi, nisi prius professione verbi aut scripti teneantur, in numerum societatemque seruorum Christi transire non possint. Quicumque a parentibus proprijs in monasterio fuerit delegatus, nouerit se ibi perpetuo permanfurum.

1. Reg. 1. Nam Anna Samuel puerum natum & ab lactatum Deo pietate qua vouerat, obtulit: quique & in ministerio templi, quo a matre fuerat functus permansit, & ubi constitutus est, deseruiuit. Qui in monasteriū prior ingreditur, primus erit in cunctis gradu vel ordine. Nec quærendum est si diues sit aut pauper, seruus an liber, iuuenis an senex, rusticus an eruditus: in monachis enim nec ætas, nec conditio quæritur, quia inter serui & liberi animam nulla est apud Deum differentia. Quicumque iugo alienæ seruitutis adstrictus est, nisi dominus vincula eius dissoluerit, nequaquam recipiendus est: scriptum est enim: *Quis dimisit onagrum liberum? & vincula eius quis soluit?* Onager enim liber dimissus, monachus est, sine dominatu & impedimēto seculi Deo seruiens, & a turbis remotus. tunc enim libera seruitute Deo quisque famulatur, quando nullius carnalis conditionis pondere premitur: ubi enim iam suæ iugum, & leue onus Chri-

Christi est, durum & graue est portare seruitium seculi. Habemus hoc exemplum etiam in lege mundiali, vbi serui non militant, nisi seruitute deposita. Si quis vult coniugatus conuerti ad monasterium, non est recipiendus, nisi prius a coniuge castimoniam profitente fuerit absolutus: nam si illa, viuente illo, per incontinentiam alteri nupserit, vxor proculdubio adultera erit, nec recipitur apud Deum eiusmodi conuersio, quam sequitur coniugalis fidei prostitutio. Tales tunc sine culpa sequuntur relicto seculo Christum, si habeant ex pari voluntate consensum castitatis, Qui aliquid habentes in seculo conuertuntur, non extollantur, si de suis facultatibus quodcumque monasterio contulerunt: sed potius timeant, ne per hæc in superbiâ labantur, & pereant, quibus melius esset, si diuitijs suis cum humilitate in seculo perfruerentur, quam vt iam pauperes effecti, de earum distributione elatione superbiæ extollantur. Hi qui seculi diuitias relinquentes conuersi sunt, non despiciant eos, qui de paupertate venerunt; quia apud Deum vnus ordinis habentur omnes, qui conuertuntur ad Christum. Neque enim differt vtrum ex inopi, vel seruili conditione ad seruitium Dei quisque venerit, an ex generosa & locuplete vita. Multi enim ex plebeio censu documentis virtutum eximijs enitentes, prælatiores nobilibus facti sunt, eosque virtutum excellentia, præuenerunt; & qui erant conditione infimi, virtutis merito effecti sunt primi. Nam propterea *infirmi mundi elegit Deus, vt confunderet fortia: & ignobilia mundi, & ea que non sunt, vt ea que sunt euacuaret: vt non gloriatur omnis caro in conspectu eius.* Qui ex paupertate ad monasterium veniunt, non extollantur in superbiam; quia se ibi æquales aspiciunt ijs, qui aliquid in seculo videbantur: neque enim dignum est, vt vbi diuites celsitudine deposita seculari ad humilitatem descendunt, ibi pauperes elatione mentis superbi efficiantur: quibus oportet, vt deposita arrogantia humiliter

1. Cor. 1

sapiant, suæque paupertatis & inopiæ memores semper existant.

C A P. V. *De familiaris rei viteque appetitu.*

**M**onachi in communi viuentes nihil peculiare sibi facere audeant : neque in suis cellulis quidquam quod ad victum, vel ad quamlibet rem aliam pertineat, sine regulari dispensatione habere vel possidere præsumant. In Pentecoste autem, qui est dies remissionis, omnes fratres sub diuina professione se alligent nihil peculiare apud conscientiam suam habere. Si quid a parentibus, vel extraneis monacho collatum fuerit, non erit sub iure priuatæ rei habendum ; sed in potestate Abbatis in commune redactum, cui necesse erit præbeatur. Monachus enim quidquid quomodocunque acquirit, non sibi, sed monasterio acquirit. Nullus peculiariter separatam sibi ad habitandum cellulam expetat, in qua priuatim a coetu remotus viuat, præter eum, qui fortasse morbo, vel ætate defessus, hoc ex consulto Patris monasterij promeruerit. Cæteri vero quibus nec languor, nec senectus inest, in sancta societate communem vitam & conuersationem retinebunt. Nullus separatam cellulam, a coetu remotus sibi expetet, in qua sub studio reclusionis aut instanti otio, aut latenti vitio seruiat, & maxime vanæ gloriæ aut mundialis opinionis famæ. Nam plerique proinde reclusi latere volunt, vt pateant : vt qui viles erant, aut ignorabantur foris positi, sciantur, atque honorentur inclusi. Nam reuera omnis qui propter vitæ quietem a turbis discedit, quanto magis a publico separatur, tanto minus latet. Oportet ergo tales in sancta societate commorari, atque sub testimonio vitam suam transigere : vt si quid in eis vitiorum est, dum non celatur, curetur : si quid vero virtutum, ad imitamentum proficiat aliorum, dum

dum humilitatis eorum exempla alij contuentes, erudiuntur. Nullus monachorum propinquitatis causa terrenis curis se subdat. Sequendum est enim, qui dicit patri suo & matri nescio vos; & fratribus suis ignoro illos, & nescierunt filios hi custodierunt eloquium tuum, & præcepta seruauerunt. Multi enim monachorum, iuxta cuiusdam Patris sententiam, amore parentum secularibus actibus, & forensibus negotijs inuoluti, dum propinquitati prodesse cupiunt, suas animas perdiderunt. *Nemo quippe militans Deo implicat se negotijs secularibus, ut ei placeat cui se probauit.* 2. Tim. 2. Proinde & nos liberi ab actibus seculi esse debemus, ut Christo placeamus: nam & qui mundo militant, a reliquis seculi negotijs vacant, ut expediti suo principi placeant. Non est præsumendum sine conscientia Abbatis, egenis vel quibuslibet conferre de eo, quod regulari dispensatione noscitur monachus possidere: nec cum alio fratre quippiam commutare, nisi Abbas vel Præpositus illi iusserit, nulli licebit: nec habebit quicquam præter illa, quæ communi monasterij lege concessa sunt.

## CAP. VI. De opere monachorum.

**M**onachus semper operetur manibus suis, ita ut quibuslibet varijs opificum artibus, laboribusque studium suum impendat, sequens Apostolum, qui dicit: *Neque panem gratis manducauimus: sed in labore & fatione nocte & die operantes.* 2. Thes. 3. Et iterum: *Qui non vult operari, non manducet.* *ibid.* Per otium enim libidinis & noxiarum cogitationum nutrimenta concrecunt; per laboris vero exercitium vitia, nihilominus elabuntur. Nequaquam debet Monachus dedignari versari in opere aliquo monasterij vsibus necessario. Nam & Patriarchæ greges pauerunt: & gentiles philosophi futores & sartores fuerunt: & Ioseph iustus, cui virgo Maria desponsata extitit, faber ferrarius fuit. Siquidem

dem & Petrus princeps Apostolorum piscatoris officium gessit, & omnes Apostoli corporale opus faciebant, vnde vitam corporis sustentabant. Si igitur tantæ auctoritatis homines laboribus & operibus etiam rusticanis inseruierunt; quanto magis monachi, quos oportet non solum vitæ suæ necessaria proprijs manibus exhibere, sed etiam indigentiam aliorum laboribus suis reficere? Qui viribus corporis, & integritate salutis consistunt, si in opere otiosi sunt; dupliciter peccare noscuntur: quia non solum non laborant, sed etiam alios vitiant, & ad imitationem suam inuitant. Propterea enim quisque ad Deum conuertitur, ut ei seruiens laboris habeat curam: non ut otio deditus, inertia pigritiaque pascatur. Qui sic volunt lectioni vacare, ut non operentur, ipsi lectioni contumaces existunt, quia non faciunt quod ibi legunt. Ibi enim scriptum est: *Operantes suum panem manducant*. Et iterum: *Ipsi enim scitis quomodo oportet imitari nos: quia non inquieti fuimus inter vos; neque panem gratis ab aliquo manducauimus, sed in labore, & fatione, die ac nocte operantes, ne quem vestrum grauaremus*. Qui per infirmitatem corporis operari non possunt, humanius clementiusque tractandi sunt: nec contra eos ~~murmurandum~~ est ab eis, qui vires laborandi habent: sed magis consulendum est eis, quos sciunt corpore infirmos. Ipsi autem qui non possunt eos, qui laborant & possunt, meliores sibi felicioresque fateantur. Qui vero languidus est, & laborem operum corporalium sustinere non potest, consulendum est illi, & eius infirmitas temperanda est. Qui vero sani sunt, & fallunt, procul dubio dolendi atque lugendi sunt: quia non corpore, sed (quod peius est) mente ægroti sunt: quique etsi humanis oculis conuinci non possunt, Deum tamen latere non possunt. Tales igitur aut ferendi sunt, si ægritudo latet; aut distringendi, si sanitas pateat. Monachi operantes meditari aut p' allere debent, ut carminis verbique Dei delectatione consolentur ipsum laborem. Si enim seculares opifices inter ipsos labores suo-

2. Thess. 3

suorum operum, amatoria turpiaque cantare non desinunt, atque ita horam suam in cantibus & fabulis implicant, ut ab opere manus non subtrahant: quanto magis seruus Christi, qui sic manibus operari debet, ut semper laudem Dei in ore habeat, & lingua eius psalmis & hymnis inseruiat? Laborandum est ergo corpore, animi fixa in Deum intentione: sicque manus in opere implicanda est, ut mens non auertatur a Deo. Proprijs autem temporibus oportet operari monachum, & proprijs orationi, lectionique incumbere. Horas enim debet habere monachus congruas ad singula officia deputatas. Partes autem temporum suis quibusque operibus taliter deputantur. Æstate enim a mane usque ad horam tertiam laborare oportet: a tertia autem usque ad sextam lectioni vacare: dehinc usque ad nonam requiescere; post nonam autem usque ad tempus vespertinum iterum operari. Alio autem tempore, id est, autumnio, hyeme, siue vere, a mane usque ad tertiam legendum. Post celebrationem tertiæ usque ad nonam, laborandum est: post refectionem autem nonæ, aut operari oportet, aut legere, aut sono vocis aliquid meditari. Quæcumque autem operantur monachi manibus suis, Præposito deferant, Præpositus autem principi monachorum: nihilque operis apud fratres remaneat, ne sollicitudinis eius cura mentem ab intentione contemplationis auertat. Hortos olerum, vel apparatus ciborum proprijs sibi manibus fratres exerceant: ædificiorum autem constructio, vel cultus agrorum, ad opus seruorum pertinebunt. Nullus monachus amore priuati operis illigetur: sed omnes in cōmune laborantes Patri sine obmurmuratione obtemperabunt. Monachi Præpositis suis sine vlla murmuratione obtemperare debent: ne forte murmurando pereant, sicuti perierunt, qui in deserto murmurauerunt. Si enim paruulis adhuc in lege, & rudibus nequaquam indultum est, quanto magis ijs, qui perfectionis legem perceperunt, non parcat, si talia gesserint?

CAP.

**I**N psallendi autem officio ista erit discretio : dato enim legitimis temporibus signo ad horas canonicas festinabunt fratres cū properatione, omnes ad chorum occurrant: nulliq; ante expletum officium licebit egredi, præter eum, quē necessitas naturæ compulerit. Recitantibus autem monachis, post consummationem singulorum psalmorum prostrati omnes humi, pariter adorabunt, celeriterque surgentes psalmos sequentes incipient : eodemque modo per singula officia facient. Quando celebrantur psalmorum spiritualia sacramenta, refugiat monachus risus, vel fabulas; sed hoc meditetur corde, quod psallitur ore. In tertia, sexta, & nona, tres psalmi dicendi sunt, responsorium vnum, lectiones ex veteri nouoque testamento duæ : deinde laudes, hymnus atque oratio. In Vespertinis autem officijs, primo lucernarium, deinde psalmi duo, responsorium vnum, & laudes, hymnus, atque oratio dicenda est. Post vespertinum autem congregatis fratribus, oportet vel aliquid meditari, vel de quibusdam diuinæ lectionis quæstionibus disputare, conferendo pie atque salubriter, tantumque meditando disputandoque immorari, quoad usque completorij tempus possit occurrere. Ante somnum autem, sicut mos est, peracto completorio, valedictis inuicem fratribus, cum omni cautela & silentio quiescendum est, usquequo ad vigiliis consurgatur. In quotidianis vero officijs vigiliarum, primum tres psalmi canonici recitandi sunt, deinde tres missæ psalmorum, quarta canticorum, quinta matutinorum officiorum. In Dominicis vero diebus, vel festiuitatibus Martyrum, sollemnitatis causa singulæ superaddantur missæ. Verum, in vigilijs recitandi aderit vsus; in matutinis psallendi canendique consuetudo : vt vtroque modo seruorum Dei mentes diuersitatis oblectamento exerçantur, & ad laudem

dem Dei sine fastidio ardentius excitentur. Post vigilias autem usque ad matutinum reficiendum est: post matutinum autem aut operandum aliquid, aut legendum. Lectiones autem ex veteri & nouo testamento tempore officij quotidianis diebus recitentur: Sabbati autem die atque dominico, ex nouo tantum pronuncientur. Monachus autem corporis sanitate consistens, si vigilijs vel quotidianis officijs defuerit, perdat communionem.

CAP. VIII. *De collatione.*

**A**d audiendum in collatione Patrem tribus in hebdomada vicibus fratres post celebratam tertiam, dato signo, ad collectam conueniant. Audiant seniore docentem, instruente cunctos salutaribus præceptis. Audiant patrem studio summo & silentio, intentionem animorum suorum suspirijs & gemitibus demonstrantes. Ipsa quoque collatio erit, vel pro corrigendis vitijs, instruendisque moribus, vel pro reliquis causis ad vtilitatem coenobij pertinentibus. Quod si talia defunt, pro consuetudine tamen discipline, nequaquam erit omittenda collatio: sed in præfinitis diebus, cunctis pariter congregatis præcepta Patrum regularia recensenda sunt: vt qui necdum didicerunt, percipiant, quod sequantur; qui vero didicerunt, frequenti memoria admoniti sollicitè custodiant quod nouerunt. Sedentes autem omnes in collatione tacebunt: nisi forte quem auctoritas Patris præceperit, vt loquatur.

CAP. IX. *De codicibus.*

**O**mnes codices custos sacrarij habeat deputatos, a quo singulos singuli fratres accipient, quos prudenter lectos, vel habitos, semper post vespertum reddent. Prima autem hora codices singulis diebus petantur: qui vero ante vel  
d d tar-



tardius petierit, non est dandum illi. De his autem questionibus, quæ leguntur, nec forte intelliguntur, unusquisque fratrum aut in collatione, aut post vesperum Abbatem interroget: & recitata ad locum lectione, ab eo expositionem accipiat, ita ut, dum vni exponitur, ceteri audiant. Gentilium autem libros, vel hæreticorum volumina monachus legere caueat: melius est enim eorum pernicioſa dogmata ignorare, quam per experientiam in aliquem laqueum erroris incurrere.

CAP. X. *De mensis.*

**T**empore quo refectionis debitum soluitur, clauſtra monasterij obſerentur, nec vllus extraneus interesse præſumat; ne quietem fraternam præſentia ſua impediatur. Refectionis tempore dato ſigno pariter omnes concurrant. Qui autem ad menſam tardius venerit, aut poenitentiam agat, aut ieiunus ad ſuum opus vel cubile recurrat. Nemo autem ad veſcendum ibit, antequam ad vocandum omnes vox ſigni ſolita inſonuerit. Refectory pariter cunctis fratribus vnum erit. ad ſingulas menſas denique conueſcentes reſideant: reliqua turba paruulorum adſtent. Tempore conueſcentium fratrum omnes diſciplinæ gerant ſilentium, Apoſtolo obtemperantes, qui dicit: *Cum ſilentio operantes ſuum panem manducent.* Vnus tamen in medio reſidens, benedictione accepta de ſcripturis aliquid legat: ceteri veſcentes tacebunt, lectionem attentiffime audientes: ut ſicut illis corporalis cibus refectionem carnis præſtat, ita mentem eorum ſpiritalis ſermo reficiat. Nullus ad menſas clamor excitetur: ſoli tantum Præpoſito ſollicitudo maneat in his, quæ ſunt veſcentibus neceſſaria. Abbas, citra languoris neceſſitatem, cibos in conſpectu pariter cum fratribus ſumat: nec aliud quam ceteri, nec cultius, quam quæ in commune conſiſtunt, præparari ſibi quidpiam expetat; ſicque fiat

1 Thes. 3.

fiat, vt dum præſens eſt, omnia diligentius adminiſtrentur, & dum communia ſunt, ſalubriter & cum caritate ſumantur. Aequalia quippe erunt menſarum omnium feſtula, ſimilibusque alimentis cuncti reſcindi ſunt fratres. Quidquid præſens reſectio dederit, omnes ſine murmuratione percipiant: nec id deſiderent, quod edendi voluptas appetit, ſed quod naturæ neceſſitas quærit: ſcriptum eſt enim: *Carnis curam ne feceritis in deſiderijs*. Per omnem autem hebdomadam fratres viles olerum cibos, ac pallentia vtantur legumina: in diebus vero ſanctis interdum cum oleribus leuiſſimarum carniū alimenta. Non erit uſque ad ſatietatem reſcindiendum corpus, ne forte intereat animus: nam ex plenitudine ventris cito excitatur luxuria carnis. Qui autem appetitum edacitatis reſtrimit, ſine dubio laſciuix motus reſtringit. Tanta cum diſcretionē reſcindiendum eſt corpus, vt nec nimia abſtinentia debilitetur, nec ſuperflua edacitate ad laſciuiam moueatur. In utroque ergo temperantia adhibenda eſt: ſcilicet, vt & vitia carnis non præualeant, & virtus ad miniſterium bonę operationis ſufficiat. Quicumque ad menſam reſidens a carnibus, vel vino ſe abſtinere voluerit, non eſt prohibendus. abſtinentia enim non prohibetur, ſed potius collaudatur: tantum ne ex contemptu creatura Dei humanis conceſſa uſibus excretur. Nullum eſus furtiua contaminatio polluat, aut impudens vel priuatus extra communem menſam appetitus: excommunicationis enim ſententiæ ſubiacebit, qui vel occulte, vel extra ordinariam menſam aliquid deguſtauerit. Ante reſectionis tempus nullus veſci audeat, præter eum, qui ægrotat: qui enim tempus edendi anteaſſerit, ſubſequentibus poenis abſtinentiæ ſubiacebit. Sitienti cuiſpiam aut defectum patienti ante edendi tempus conſulendum eſt, Abbate vel Præpoſito ordinante, non tamen palam; ne forte ſitire, vel eſurire alios cogat. Hebdomadarius ſolus, cibos deguſtet, nec

quis id alius audeat : ne sub occasione degustandi , gulæ , vel gutturi satisfaciat. Laici ministri mensis monachorum nullatenus intererunt : nec enim poterit illis mensæ communis esse locus, quibus diuersus est Præpositus. Monachi cum a mensis surrexerint, ad orationem omnes concurrant. Quod mensæ redundauerit, omni cura seruatum, egentibus dispensabitur. In refectione monachorum a diebus Pentecostes vsque ad autumnii principium tota æstas interdiana prandia inuitet, reliquum tempus suspendat prandia; coena tantum apponatur. In vtrisque temporibus refectio mensæ tribus erit pulmentis, olerum scilicet, & leguminum, & si quid tertium fuerit, pomorum. Ternis quoque poculis fraterna reficienda est sitis. In obseruatione autem quadragesimæ, sicut fieri solet, post expletum ieiunium, pane solo & aqua contenti omnes erunt; vino autem, & oleo abstinebunt.

#### CAP. XI. *De ferijs.*

**H**æ sunt feriæ monachorum, in quibus ieiunia con-  
quiescunt. In primis venerabilis dies dominicus nomi-  
mini Christi dicatus; qui sicut propter mysterium resur-  
rectionis eius solemnis est, ita & apud omnes seruos eius  
celebritatem conuiuij votiuo gaudio retinebit. Item a  
primo die Paschæ vsque ad Pentecosten, quinquaginta,  
scilicet continuis diebus, ieiunium a sanctis Patribus dis-  
solutum est; propter resurrectionem videlicet Christi, &  
aduentum Spiritus sancti: vt hi dies non in figura laboris,  
quod quadragesimæ tempus significat; sed in quiete læti-  
tiæ laxatis ieiunijs celebrentur. Placuit etiam Patribus a  
die natalis Domini vsque ad diem Circumcisionis solemne  
tempus efficere, licentiamque vescendi habere. Non aliter  
& dies Epiphaniz ex veteri regula reficiendi indulgentiam  
consequuta est: siquidem & dum quisq; fratrum conuer-  
tur,

tur, aut ex alijs monasterijs fratres gratia visitandi concurrunt, pro caritate adimplenda interrumpuntur ieiunia; si tamen non fuerint generalia. Præter hæc alia tēpora libere licenterq; cultui ieiuniorum inserviunt. Si qui autem monachorum prædictis temporibus ieiunare disponunt, nequaquā prohibendi sunt. nam & multi antiquorum Patrum his diebus in eremo abstinuissē, nec aliquantum ieiunia soluisse leguntur, nisi tantum diebus dominicis, propter resurrectionis Christi lætitiā.

## CAP. XII. *De Ieiunijs.*

**I**eiuniorum autem hos dies potissimum veteres elegerunt. Primum ieiunium quadragesimæ quotidianum, in qua maior abstinentiæ observantia manebit in monachis, quoniam non solum a prandijs, sed etiam a vino & ab oleo abstinetur. Secundum ieiunium interdianum post Pentecosten alia die inchoatum, vsque ad æquinoctium autumnale protenditur, ternis scilicet diebus per singulas hebdomadas, propter æstium solis ardorem. Tertium sequitur quotidianum ieiunium, ab octauo decimo calendas Octobris, vsque ad Natale Dominicum, in quo quotidiana ieiunia nequaquam soluuntur. Quartum item quotidianum ieiunium post diem Circumcisionis exoritur, peragiturque vsque ad solemnia Paschæ. Hi autem qui vetustate corporis consumpti, aut teneræ ætatis fragilitate detenti sunt, non sunt quotidianis exercendi ieiunijs: ne aut senescens ætas antequam moriatur, deficiat; aut crescens priusquam proficiat, cadat; & ante intereat, quam bonum facere discat.

## CAP. XIII. *De habitu monachorum.*

**C**ultus vestium, vel indumentorum insignia monacho deponenda. Munitus debet esse monachus, non delicat-

catus. Sicut autem non oportet in monacho esse notabilis habitus: ita nec satis abiectus. Nam pretiosa vestis animam ad lasciviam pertrahit; nimis vilis aut dolorem cordis parit, aut morbum vanæ gloriæ contrahit. Vestimenta non erunt æqualiter distribuenda omnibus; sed cum discretionē, prout cuiusque ætas vel gradus expostulat. Ita enim & Apostolos fecisse legimus, sicut scriptum est: *Erant illis omnia communia; & distribuebatur unicuique prout opus erat.* Vniuscuiusque autem fratris supplementum vel indigentia inspiciatur: ut qui habent, contenti sint; & qui non habent, accipiant. Nam habenti non dabitur; ut sit, unde egentibus tribuatur. Porro linteo non oportet monachum indui: orarium, birros, planetas non est fas uti, neque illa indumenta vel calceamenta, quæ generaliter cætera monasteria abutuntur. Ternis autem tunicis, & binis palliis, singulisque cucullis contenti erunt servi Christi, quibus supradijcietur melotes pellicea, mappula, manicæ quoque pedules, & caligæ. His tantum contenti erunt, nihil præterea in habitu aliud præsumentes. Pedules autem utentur in monasterio, quamdiu hyemis coegerit violentia; siue dum fratres gradiuntur in itinere, vel proficiscuntur ad urbem. Monachi autem in monasterio palliis semper operiantur, ut pro honestate tecti incedant, & in ministerio operis expediti discurrant. Sane si forte quis pallium non habeat, humeris mappulam superponat. Nullus monachorum vultus curam gerat, per quod lasciviæ & petulantia crimen incurrat: non est enim mente castus, cuius aut corporis cultus, aut impudicus extat incessus. Nullus monachorum comam nutrire debet: nam qui hoc imitantur, etsi ipsi hoc ad decipiendos homines per speciem simulationis non faciant, alios tamen scandalizant; ponentes offendiculum infirmis, & sanctum propositum usque ad blasphemiam perducentes. Tondere e go debent isti, quando & omnes, immo simul ac pariter omnes. Nam reprehensibile est,

est, diuersum habere cultum, vbi non est diuersum propositam.

CAP. XIV. *De fratre, siue, de illusionibus nocturnis.*

**A**bbatem cum fratribus pariter in congregatione commorari oportet: vt communis conuersatio, & testimonium bonæ vitæ, & reuerentiam præbeat disciplinæ. Fratres quoque omnes, si possibile est, in vno conclaui commorari decet. Quod si difficile fuerit, certe vel decem, quibus vnus est præponendus decanus, quasi rector & custos. Speciosam, vel variam supellectilem monachum habere non licet, cuius stratus erit storea, & stragulum, pellesq; lanatæ duæ, galnabis quoque & sæcistærgium, geminusque ad caput puluillus. Per singulas hebdomadas Abbas, siue Præpositus lectulos cunctorum perspiciat, nequid indigeat frater, seu superfluum habeat. Nocte dum ad dormiendum itur, seu postquam quiescitur, alteri nemo loquatur. In nocturnis tenebris nemo loquatur fratri cui obuiat. Duobus in lecto vno iacere non liceat. Lux autem nocte dormientium locum illustret: vt depulsis tenebris testimonium pateat singularis quietis. monachi stratus in nulla turpi cogitatione versetur, sed in sola contemplatione Dei accubans, & requiem corporis, & quietem habeat cordis, cogitationesque prauas ab se repellat, bonis obiectis, turpes ab se remoueat: nam animi motus imaginibus suis agitur: & qualis vigilantii cogitatio fuerit, talis & imago per soporem occurrit. Quæ nocturna illusionem polluitur, publicare hoc Patri monasterij non moretur, culpæq; suæ meritis hoc tribuat, & occulte poenitentiam agat: sciens quia nisi præcessisset in eo fluxus animi turpia cogitantis, non sequeretur in eo fluxus sordidæ atque immundæ pollutionis. Quem enim præuenerit cogitatio illicita, tentatio illum foedat immunda. Qui noctur-

*Deut. 23* Eturmo delusus phantasmate fuerit, tempore officij in sacra-  
rio stabit; nec audebit eadem die Ecclesiam introire, an-  
tequam sit lotus & aquis & lacrymis. In lege quippe  
qui somnio nocturno polluebatur, egredi iuebatur è ca-  
stris, nec regredi prius quam ad vesperam lauaretur. Et  
si illi in carnali populo ita, quid spiritalis seruus Chri-  
sti facere debeat? qui magis contaminationem suam de-  
bet respicere, & longe ab altari positus mente & corpore  
pertremiscere, atque in figura aquæ poenitentiae lacrymas  
adhibere: vt non solum aquis, sed etiam fletibus studeat ab-  
lui, quidquid forte per occultam culpam immunda conta-  
minatio polluit. Qui fornicationis tentamentis exæstuat,  
oret indefinenter, atque abstineat: nec erubescat confite-  
ri libidinis æstum, quo vratur; quia vitium detectum cito  
curatur: latens vero, quanto amplius occultatum fue-  
rit, tanto magis profunde serpit: quod reuera qui pu-  
blicare negligit, curari minime cupit.

CAP. XV. *De delinquentibus.*

**S**i quis in aliquo leui delicto titubans oberrauerit, semel  
atque iterum admonendus est: qui si post secundam admo-  
nitionem a vitio nequaquam fuerit emendatus, congrua fa-  
cti sui animaduersione coerceatur. Peccantem nullus occul-  
tet: criminis enim est consensio, post secundam admonitio-  
nem celare quempiam peccatorem. Si quis sæpius pec-  
cantem viderit, prius hoc vni vel duobus demonstret fra-  
tribus, quorum testimonio possit conuinci, si negauerit  
qui deliquit. Peccatum palam commissum palam est ar-  
guendum: vt dum peccans manifeste emendatur, hi qui  
eum in malo imitati sunt, corrigantur. Sicut autem vnus  
delicto sæpe multi pereunt; ita vnus emendatione plerun-  
que multi saluantur. Qui vero in fratrem peccauerit, si sta-  
tim reminiscens ad veniam poscendam fuerit inclinatus  
per-

percipiat ab eo indulgentiam, cui cognoscitur intulisse iniuriam. Qui autem aut non petit, aut non ex animo postulat in collationem deductus iuxta excessum iniuriæ congruæ subiaceat disciplinæ. Qui sibi inuicem conuitia obijciunt, si iterum inuicem sibi celeriter laxando ignoscunt, hi iam ab alio iudicandi non sunt; quia pariter sibi veniam dare festinauerunt: si tamen excedere in semetipsos frequentius non præsumant. Qui sponte culpam confitetur quam gessit, veniam promereri debet, quam expetit. Oretur igitur pro eo, eique confestim, si levis culpa est, postulata indulgentia præbeatur. Qui pro graui vitio sæpe excommunicatus emendare neglexerit, tam diu damnationi subiaceat, quousque vitia inolita deponat: vt quem semel inlata animaduersio non coërcuit, frequens seueritas censeat emendandū. Quamuis frequentium grauissimorumq; vitiorum voragine sit quisquam immersus, non tamen a monasterio proijciendus, sed iuxta qualitatem delicti coërcendus est: ne forte qui poterat per diuturnam poenitudinem emendari, dum proijcitur, ore diaboli deuoretur.

CAP. XVI. *De delictis.*

**D**elicta autem aut leuia sunt, aut graua. Leuioris culpæ reus est, qui otiosus esse dilexerit; qui ad officium vel ad collationem, vel ad mensam tardius venerit: qui in choro horis riserit, fabulisue vacauerit; qui relicto officio vel opere, extra necessitatis causam foras discesserit; qui torporem aut somnum amauerit: qui sæpius iurauerit; qui multiloquus fuerit: qui ministerium cuiuslibet operis iniunctum sibi sine benedictione susceperit, ac peracto opere benedictionem minime postulauerit; qui iniunctum opus negligenter vel tardius expleuerit; qui casu vas aliquod fregerit; qui damnum rei parvæ intulerit; qui codice negligenter vsus fuerit; qui alicubi ad momentum

e e

seces-



seceſſerit : qui occulte litteras ab aliquo, vel quodlibet munus acceperit ; vel epiſtolam ſuſcipiens occultauerit , aut ſine Abbatis conſenſu reſcripſerit , vel quemlibet parentum, vel ſecularium, ſine iuſſu ſenioris aut viderit , aut cum eo locutus ſit : qui ſeniori inobediens fuerit : qui contumaciter ſeniori reſponderit : qui erga ſeniores linguam non repreſſerit : qui laſciuus in lingua fuerit ; qui inhoneſte inceſſerit : qui iocauerit ; qui ſatis riſerit : qui cum excommunicato locutus fuerit , orauerit , aut comederit : qui illuſionem nocturnam Patri non patefecerit . Hæc igitur & his ſimilia triduana excommunicatione emendanda ſunt . Grauiori autem culpæ obnoxius eſt, ſi temulentus quiſque ſit, ſi diſcors , ſi turpiloquus , ſi ſeminarum familiaris , ſi ſeminans diſcordias, ſi iracundus , ſi altæ & erectæ ceruicis, ſi mente tumidus, vel iactanti inceſſu immoderatus ; ſi detractor, ſuſurro, vel inuidus ; ſi præſumptor rei peculiaris , ſi pecuniæ contagio implicatur , ſi aliquid præter regularem diſpenſationem ſuperfluum poſſideat : ſi fraudator rei acceptæ , vel commiſſæ ſibi , aut minus commiſſæ . Inter hæc ſi ſe de rebus ſecum allatis extulerit , vel de ijs per inobedientiam murmurauerit ; ſi rei maioris damnum intulerit , ſi furatus fuerit , ſi periurauerit ; ſi falſum dixerit , ſi contentiones & rixas amauerit , ſi manifeſtum conuiuium fratri intulerit, ſi perſonam innocentis falſo crimine maculauerit , ſi contumaci animo ſeniores deſpexerit , ſi rancorem aduerſus fratrem tenuerit, ſi peccanti in ſe, & poſtea ſupplicanti veniam non conceſſerit ; ſi cum paruulis iocauerit, ſi cum altero in vno lecto iacuerit , ſi extra communem menſam priuatim ; vel furtim quippiam ſumpſerit ſi alicubi extra conſultum Præpoſiti vel Abbatis diſcedens medio die, vel amplius commoratus fuerit : ſi, vt otioſus ſit, falſam infirmitatem prætenderit . Hæc & ſimilia iuxta arbitrium Patris diuturna excommunicatione purganda ſunt, vt qui grauiter peccare noſcuntur, acriori ſeueritate coërceantur .

CAP.

CAP. XVII. *De excommunicatis.*

**S**atisfactio delinquentium hæc est. Fratribus in ecclesia constitutis, peracto poenitentiae tempore, excommunicatus vocatus soluet statim cingulum extra chorum humo prostratus, quousque celebritas expleatur, cumque iussu fuerit ab Abbate de terra consurget, ingrediensque chorum oret. Post hæc data oratione pro eo ab Abbate, & respondentibus cunctis, Amen, surget, atque omnibus pro negligentia veniam poscat, adepturus indulgentiam post huius emendatoriae satisfactionis censuram. In minori ætate constituti non sunt coercendi sententia excommunicationis, sed pro qualitate negligentiae congruis emendandi sunt plagis: ut quos ætatis infirmitas a culpa non reuocat, flagelli disciplina compescat. Excommunicatis autem ab his locis, quibus fuerint constituti, ante poenitentiae tempus expletum, progredi prohibeatur. Ad excommunicatum, nulli liceat ingredi citra imperium senioris. Cum excommunicato neque orare, neque loqui cuique licebit: cum excommunicato nulli penitus vesci licet, nec ipsi quidem qui alimentum victui præbet. Cuius biduana vel triduana fuerit illata excommunicationis suspensio, sola panis & aquæ in vespertinum erit adhibenda refectio. Excommunicatis, præter hiemis violentiam, cubile humus erit tantum, siue storea; amictus autem tegmen rasum, aut forte cilicium: calceamentum vero sparteum, aut quodlibet genus solearum. Excommunicandi potestatem habebit Pater monasterij, siue Præpositus: reliqui autem excessus monachorum in collecta Abbati vel Præposito deferentur: ut is qui deliquisse cognoscitur, competenti seueritate coercetur.

CAP. XVIII. *De rebus monasterij.*

**A**bbati vel monacho monasterij seruum non licebit facere liberum. Qui enim nihil proprium habet, libertatem

tem rei alienæ dare non debet . Nam , sicut & seculi leges sanxerunt , *non potest alienari possessio nisi a proprio domino* . Omne quod in monasterium in nummo ingreditur , sub testimonio seniorum accipiendum . Eadem pecunia in tribus partibus diuidenda est ; quarum vna erit pro infirmis & senibus , & pro aliquo coëmendo in diebus sanctis cultius ad victum fraternum : alia pro egenis : tertia pro vestimentis fratrum , & puerorum , vel quibusue ad necessitatem monasterij coëmendis . Quas tres partes custos sacrarij suscipiat , ac præcipiente Abbate sub testimonio Præpositi vel seniorum de singulis partibus pro suis necessarijs causis expendat .

CAP. XIX. *Quid ad quem pertineat .*

**A**D Præpositum pertinet sollicitudo monachorum , actio causarum , cura possessionum , ratio agrorum , plantatio , culturaque vinearum , diligentia gregum , constructio ædificiorum , opus carpentariorum , siue fabrorum . Ad custodem sacrarij pertinet cura vel custodia templi , signum quoque dandi in vespertinis nocturnisq; officijs ; vela , vestesq; sacræ , ac vasa sacrorum , codices quoque , instrumentaque cuncta , oleum in vsus sanctuarij , cera & luminaria . Iste vestiaria monasterij suscipiat , quique etiam fila diuersa pro consuendis vestibus fratrum habebit , & quibuscunq; vt necessum est , ministrabit . Ad hunc quoque pertinebit aurum & argentum , ceteraq; facta infectaque aris , ferrique metalla : ordinatio quoq; linteariorum , fullonum , cerariorum , atque sartorum . Ad ianitorem pertinebit cura hospitum , denuntiatio aduenientium , custodia exteriorum claustrorum . Ad eum qui cellario præponitur , pertinebit sollicitudo eorum , quæ in promptuario sunt . Iste præbebit hebdomadarijs quidquid necessariû est victui mona-

na-

nachorum, hospitum, & infirmorum. Isto præsentē dispensantur ea quæ mensis deferenda sunt. Is etiam quidquid residuum sumptui fuerit pro pauperū vsibus reseruabit. Huic quoque hebdomadarius expleta hebdomada vasa sibi tradita exhibebit, ad perspiciendum utique si negligenter habitata non sunt: ac denuo succedenti hebdomadariō coram isto tradentur. Ad hunc quoque pertinent horrea, greges ouium, & pecorum, lana, & linum, auaria, sollicitudo cibaria ad ministrandum pistoribus, iumentis, bobus, & auibus: industria quoque calceamentorum, cura pastorum, seu piscatorum. Ad hebdomadarium pertinet cura ferculorum, administratio mensarum, signum dandi in diurnis officijs, siue in collatione, vel in collecta post solis occubitum. Ad hortulanum pertinebit munitio custodiaque hortarum, aluearia apum, cura seminum diuersorum: ac denuntiatio quid quando oporteat in hortis feri aut plantari. Ars autem pistoria ad laicos pertinebit: ipsi enim triticum purgent: ipsi ex more molant. Massam tantundem monachi conficiant, & panem sibi proprijs manibus ipsi faciant. Porro pro hospitibus vel infirmis laici faciant panes. Strumentorum custodia, & ferramentorum ad vnum, quem Pater monachorū, elegerit pertinebit, qui ea operantibus distribuat, receptaq; custodiat. Et licet hæc cuncta specialiter singulis maneant distributa, omnia tamen a Patre monasterij ordinata ad curā Præpositi pertinebunt. Ad custodiendam in vrbe cellam vnus senior & grauissimus monachorum cum duobus paruulis monachis constituendus est ibi, qui si culpa caret, conuenit eum perpetim perdurare. Porro cura nutriendorum paruulorum pertinebit ad virum, quem elegerit Pater, sanctum, sapientemque, atque ætate grauem, informantem paruulos non solum studijs litterarum, sed etiam documentis magisterioque virtutum. Cura peregrinorum, vel pauperum eleemosyna pertinebit ad eum, cui dispensationis potestas commissæ est. Iste quod ha-

habet distribuatur, communicet quod potest, non ex tristitia  
 1. Cor. 9. aut necessitate : *Hilarem enim datorem diligit Deus.*

C A P. XX. *De infirmis fratribus.*

**C**ura infirmorum sano, sanctæque conuersationis viro  
 committenda est, qui pro eis sollicitudinem ferre possit;  
 magna cum industria præsto faciat, quicquid imbecillitas eorum expostulat. Ipse autem sic ægrotis deserviat, ut de sumptibus eorum vesci non præsumat. Ægrotis  
 delicatiora præbenda sunt alimenta, quousque ad incolumitatem perueniant: postquam autem salutem receperint, ad usum pristinum reuertantur. Infirmi pro quo delicatius aluntur, fortiores inde nequaquam scandalizentur. qui enim sani sunt infirmos tolerare debent; qui autem infirmi sunt, sanos & laborantes anteponendos sibi non dubitent. Nullam oportet vel veram cordis & corporis infirmitatem tacere, vel falsam prætere: sed qui possunt, gratias Deo agant & operentur; qui vero non possunt, manifestent suos languores, & leuius humaniusque tractentur. Sub prætextu infirmitatis nihil peculiare habendum; ne lateat libido cupiditatis sub languoris specie. Lauacra nulli monacho adeunda studio lauandi corporis, nisi tantummodo pro necessitate languoris. Nec differendum est propter medelam, si expedit; nec murmurandum est: quia non fit pro appetitu voluptatis, sed pro remedio tantum salutis.

C A P. XXI. *De hospitibus.*

**A**duenientibus hospitibus prompta, atque alacris susceptio adhibenda est; scientes ob hoc nouissimam consequi retributionem, sicut & Dominus dicit: *Qui vos recipit, me recipit: qui me recipit, recipit eum qui me misit. Qui recipit Prophetam in nomine Prophetæ, mercedem Prophetæ accipiet: & qui reci-*

Matt. 10.

*recipit iustum in nomine iusti, mercedem iusti accipiet: & qui potum dederit uni ex minimis istis calicem aqua frigida tantum in nomine discipuli, Amen dico vobis non perdet mercedem suam. Et licet omnibus hospitalitatis bonum cum gratia oporteat referri vberior tamen clericis & monachis deferenda est honorificentia hospitalitatis. Præbeantur eis habitacula, lauentur eorum pedes, vt præceptum Dominicum impleatur. Congruis etiam sumptibus eisdem humanitatis gratia præbeatur.*

CAP. XXII. *De professione.*

**N**ullus monachorum inconsulto Abbate audeat vsquam progredi, nec aliquid præsumere sine imperio eius, seu Præpositi. Si quando Abbas, vel Præpositus alicubi proficiscuntur, ille ferat fratrum sollicitudinem, qui est post Præpositum secundus in ordine. Nullus propinquum vel extraneum hospitem vel monachum familiarem seu parentem videre absque imperio audeat senioris: neque sine Abbatis iussu quisque accipere epistolam, vel dare cuiquam præsumat. Quando fratres foris proficiscuntur, vel redeunt, congregatis omnibus in vnum in Ecclesia benedictionem accipiant: eodemque modo hebdomadarij vel quarumlibet rerum dispensatores, siue dum promouentur, siue dum recedunt. Propter necessitatem aliquam monasterij duo fratres spirituales ac probatissimi eligantur, qui ad urbem, vel ad possessionem mittantur. Adolescentuli autem, vel nuper conuersi a tali ministerio remouendi: ne aut infirma ætas carnis desiderio polluatur, aut rudis conuersio ad seculi desideria reuertatur. Monachus dum ad aliud monasterium mittitur visitandum, quamdiu cum eis fuerit, ad quos destinatus est, ita eum oportet ibi viuere, sicut reliquum coetum sanctorum videt, propter scandalum scilicet & perturbationem infirmorum.

CAP.

**T**ranseuntibus de hac luce fratribus, antequam sepeliantur, pro dimittendis eorum peccatis sacrificium offeratur. Corpora fratrum vno sepelienda sunt loco: ut quos viuentes charitas retinuit vnitos, morientes locus vnus amplectatur. Pro spiritibus defunctorum altera die post Pentecosten sacrificium Deo offeratur, ut beatæ vitæ participes facti purgatiores corpora sua in die resurrectionis recipiant. Hæc igitur o serui Dei, milites Christi, contemptores mundi, ita vobis custodienda volumus, ut maiorum præcepta Patrum per omnia conseruetis. Suscipite igitur inter illa & hanc admonitionem nostram, humili corde custodientes quæ dicimus, libenter sumentes quod dispensamus: quatenus vobis de effectu operis sit gloria, & nobis pro ipsa admonitione postulata proueniat venia. Deus autem omnipotens custodiat vos in omnibus bonis, & quomodo coepit, sic confirmet gratiam suam in vobis, AMEN.

EXPLICIT REGVLA S. ISIDORI.



S. FRV-

**S. FRUCTVOSI**  
**BRACARENSIS EPISCOPI**  
*Regula*  
**MONACHORVM.**



DE S. FRVCTVOSO EIVSQ. REGVLIS  
veterum testimonia .



MARTYROLOGIVM ROM. die xvi. Aprilis .

BRACARAE in Lusitania S. FRVCTVOSI Episcopi .

CONCILIUM TOLETAN. X. in decreto pro Potamio  
Episcopo .

VENERABILEM FRVCTVOSVM Ecclesia Dumienfis Episcopus  
communem omnium nostrum electione constituit Ecclesia  
Bracarenfis gubernacula continere , &c.

AVCTOR ANONYMVS VITAE S. FRVCTVOSI  
apud Prudentium de Sandoval in appendice foundationum  
monasticarum Hispaniae .

IN PRAEFATIONE eius libri .

Postquam antiquas mundi tenebras superne veritatis noua in radia-  
uit claritas, & a sede Romana, prima sanctae Ecclesiae cathedra, fidei  
catholicae dogmatum rutilaret immensitas atque ex Aegypto, orientali  
prouincia, excellentissima sacrae religionis praemicarent exempla, &  
huius occiduae plagae exiguae perlucet extremitas; perspicuae clarita-  
tis egregias diuina pietas duas illuminauit lucernas, Isidorum reueren-  
tissimum scilicet virum, Hispalensem Episcopum, atque beatissimum  
FRVCTVOSVM, ab infantia immaculatum & iustum. Hic in  
sacratissimo religionis proposito Spiritus sancti flamma succensus, ita  
in cunctis spiritualibus exercitatus, omnibusque operibus sanctis per-  
fectus

fectus emicuit, ut [ad] patrum se facile [queram] æquaret antiquorum meritis Thebæorum.

CAP. I. Hic puerulus inspirante Domino (inter montium conuallia Bergendensis territorij) pro ædificatione monasterij apta loca pensabat, & intra semetipsum retinens nemini manifestabat.

CAP. II. Posthac reuertens ad locum illum solitudinis supra memoratum, ut deuotionem, quam dudum paruulus elegerat, iam perfectus impletet. Nam construens coenobium Complutense, iuxta diuina præcepta nihil sibi reseruans, omnem a se facultatem suam ibidem conforens, eum locum locupletissime ditauit, & tam ex familia sua, quam ex conuersis diuersis Hispaniæ partibus sedulo concurrentibus, eum agmine monachorum affluentissime compleuit.

CAP. III. Hic vero sanctissimus confirmans cunctum regularem ordinem, constituensque coenobij patrem coniungentem discretionem rigorem, nudis vestigijs penetrabat loca nemorosa.

CAP. V. Demum itaque egrediens inter Bergendensis territorij & Gallæciæ prouinciæ confinibus ædificauit monasterium Visumense: atque postmodum ex alia parte Gallæciæ in ora maris construxit monasterium Phœonense.

CAP. VII. Dein ad eremi pertendens loca monasteria plurima fundauit; in quibus multas animas monachorum per bonam conuersationem & sanctam disciplinam erudiuit. Ipse vero dum ibi coenobiali ritu cunctis commorantibus modum rectæ vitæ constituisset, deuitans frequentes populi concursus abditissima eremi loca petit.

CAP. XI. Quadam dominica die idem sanctissimus vir de ciuitate Spalense ad insulam, quæ sita est in territorio Gaditano, pergebat. Cumque præfatam suffragante Domino Gaditanam ingressus fuisset insulam, ex alia parte quasi sol oriens illuminaturus Spaniam, ædificauit sanctum ope Domini monasterium, solitaque coenobiali ritu regulare eum instruxit exercitij rudimenta.

CAP. XV. Denique in abdita, vasta, & a mundana habitatione remota solitudine, præcipuum & miræ magnitudinis egregium fundauit cum Dei iuuamine coenobium; & quod ab ora maris nouem millibus distet, ei nomen dedit Nono. Mox: Ita ardore fidei ac-

cendit animas populorum in, ut cateruatim undique concurrrens agmina conuerforum immensus fieret chorus. Nec solum virorum, sed etiam animi inflammantur feminarum. Et cum in eodem sanctæ congregationis loco accedendi aditus non esset mulierum ordini, referam quemadmodum facta est congregatio puellarum.

CAP. XVI. Quædam virgo sacratissima, nomine Benedicta, claro genere exorta, atque ex Gardingo regis sponsa, ardore fidei, & flamma ardoris sanctæque religionis succensa, suis occulte fugiens parentibus sola ingressa est diuersa eremi loca; & sic imperitia & ignota errando deserta, tandem duce Domino appropinquauit ad sanctam coenobij congregationem. Ille vero hac audiens iussit ei in eadem deserti silua paruam facere mansuiculam. Cumque eius fama per diuersas terras fuisset laudabiliter propalata, tantus desiderij amor inflammabat ceteras diuersorum filias, ut undique alacriter consuerent eximia cateruarum caterua; ita ut intra breue temporis spatium octuagenarius in congregatione numerus sacrarum virginum compleretur: quibus in alia solitudine more solito construit monasterium. Tanta itaque in utroque sexu almissica florebat sanctitas, atque eximia crescebat fama perfectionum, ut viri cum filijs suis ad sanctam se conuerterent congregationem monachorum: masrona vero eorum cum filiabus suis sancto se sociarens consortio puellarum.

CAP. XVII. Postquam autem cunctam sancti operis sui deuotionem, suffragante superna virtutis opitulatione, ad summam perduxit perfectionem, succendit eum immensus sancti desiderij ardor, ut partem occupans Orientis nouam arriperet peregrinationem. Cumque hac cum paucis electis discipulis suis clam pertraxisset, ab uno proditore detectus discipulo egressionis aditum non valuit impetrare.

CAP. XVIII. Post hac, licet inuitus contra voluntatem suam languoris moerore depressus perniciousè resistendo, in sede metropolitana dono Dei ordinatus est Pontifex. Tanto igitur suscepto honore pristinam non deposuit conuersationem: sed in eodem habitu, in eodemque solito abstinentia rigore persistens, residuum vite sue

tem-

*tempus in elemosinarum dispensatione, atque monasteriorum consummavit adificatione.*

**CAP. XIX.** Iterum inter Bracarensem urbem & Dumiense coenobium, in cacumine modici montis precipuum edificavit monasterium, ubi suum sanctum humatum est corpus.

**EGBERTVS** Archiepiscopus Eboracensis in excerptionibus Canonum, quæ habentur in collectione Conciliorum Britannicorum H. Spelmani, ad annum Christi DCCL. CAP. LXVII.

**FRUCTVOSVS** dicit: Monachus sanctæ regule violator, sue contemptor, vel paruulorum &c. ut capite XVI. prioris regulæ.

**BVRCHARDVS** Episcopus Vvermatiensis decretorum lib. XI. C. XXXIII.

*Ex dictis Fructuosi Episcopi: Cum excommunicato nullus loquatur, neque qualibet eum compassione, &c. ut Cap. XIIII.*

**IDEM** LIB. XIII. CAP. IX. Si quis Ecclesiasticæ præditus ordinatione, aut monachus repertus fuerit ebriosus.


**BENEDICTVS** Anianensis Abbas, & Smaragdus monachus sæpius utramque FRUCTVOSI regulam citant.



INCI-

- I. De dilectione Dei & proximi.
- II. De Orationibus.
- III. De Præpositis, vel officio.
- IV. De habitu & veste monachorum.
- V. De mensis.
- VI. De operatione.
- VII. De ferramentis, vel utensilibus.
- VIII. De obedientia, & sessione monachi.
- IX. De hebdomadarijs.
- X. De hospitibus, peregrinis, vel infirmis.
- XI. De nitore & affectu monachi.
- XII. De cautela monachi.
- XIII. De delictis.
- XIV. De excommunicatis.
- XV. De clamoris & lascitijs.
- XVI. De mendace, fure, & percussore monacho.
- XVII. De culpatis.
- XVIII. De ieiunijs.
- XIX. De cibis.
- XX. De officio Abbatis, vel Præpositi.
- XXI. De Conuersis, qualiter debent suscipi.
- XXII. De professione Conuersi.
- XXIII. De primi conuersione.
- XXIV. De senibus.
- XXV. De die Dominico.

INCI-



INCIPIT REGVLA  
A DOMINO ET P. N. FRVCTVOSO  
EDITA IN PACE.

•••••

CAPITVLVM I. *De dilectione Dei & proximi.*



**P**OST dilectionem Dei, & proximi;  
quod est totius perfectionis vinculum,  
& summa virtutum, hoc de reliquo  
ex regulari traditione conseruari in  
monasterijs definitum est. Primum  
incumbere orationi nocte ac die, &  
præfinitarum horarum obseruare men-  
suram; nec vacare vllatenus, aut tor-  
pere a spiritualibus quemquam operum exercitijs diutur-  
nis temporibus.

CAP. II. *De orationibus.*

**P**rimæ horæ obseruandæ mensura sancita est, dicente  
propheta: *Mane astabo tibi, & videbo te; quia tu es Deus* *psal. 5.*  
*nolens iniquitatem.* Et iterum: *Ad te orabo Domine, mane exau-*  
*dies vocem meam.* Secunda quoque inter primam & tertiam *ibid.*  
constituta quasi quidam limes ponitur: vnde & a mo-  
nachis necesse est ne otiosa ducatur. Ideo constitutum est,  
vt

vt trino psalmorum obsequio frequentetur, quæ & primæ consummet officium, & subsequenter tertiæ incipiat scandere gradum. Ita quoque in reliquis institutum est hunc seruandum esse ordinem horis, tertia, sexta, nona, duodecima videlicet, atque vespera; vt ante & post trinas has legitimas horas peculiare orationes prosequantur obsequia. Nocturno igitur tempore prima noctis hora sex orationibus celebranda est: ac deinde decem psalmorum concentu cum laude ac benedictionibus consummando in Ecclesia est. Deinde valescentes inuicem, & reconciliationi ac satisfactioni alterutrum insistentes, laxant mutuo debita; & pietate prona, qui segregati a coetu fraterno ob negligentiam suam fuerant, merentur indulgentiam. Cum demum pergentes ad cubilia, atque in vnum cuncti coeuntes ob perfectionem pacis, & reorum absolutionem, cantatis tribus psalmis iuxta morem cum laude, & benedictione, symbolum Christianæ fidei communi omnes recitent voce; vt fidem suam puram coram Domino ostendentes, si, quod dubium non est fieri vel accidere, vt nocturno quisquam tempore euocetur a corpore, commendatam iam fidem suam, & expiatam ab omni scandalo conscientiam proferat ante Deum. Post deinde adeuntes cubilia, summo cum silentio, & habitu tacito, gressuque quieto, nec vllus se vel vltra cubiri spatium iungens ad alterutrum, vel saltem alium respicere audens, pergat ad lectulum suum: vbi tacite orationi insistent, psalmosque recensens, vltimo orationem suam quinquagesimi psalmi recitationem atq; oratione consummet; nec strepere, nec mutire ausus, aut excreare, cum gratia nocturni somni capiat silentium.

### CAP. III. *De Præpositis, vel officio.*

**P**ræpositus sane in medio consistens dormitorio, quoadusque cuncti quiescant, omnibus iam cubantibus  
cir-

circumeat silenter lecta singulorum : ne quis aut tarde se iacet , aut extra regulam occultis mussionibus vacet : & vt plenius perscrutans gesta singulorum , & merita , intelligat , quem quomodo veneretur atque suscipiat . Similiter & aut Decanus alius , aut quisquam e fratribus bene probatus assistat in secessu communi , quousque quieti se tradant cuncti : ne aut fabulas inter se ventilent vanas , aut ridiculis studeant , aut quodlibet noxiale vitium consuecant . Quia institutum est regulariter , nullum omnino monachum in secessu loqui debere , sed aut psalmos recensere , si plures sunt ; aut certe aliquid meditari voce , si solus est . Ita ante mediam surgentes noctem duodenos per choros recitent psalmos , secundum consuetudinem . prius tamen quam surgant ceteri , a vigiliarijs fratribus Præpositus excitetur , vt cum benedictione sua & signum moueatur , & cunctorum lectula ab eo priusquam confurgant , strenue visitentur . Hoc quoque in omnibus nocturnis orationibus gerat , vt semper prior surgat Præpositus , quam ad confurgendum reliqui moneantur : vt ipse videat , quis quomodo iaceat : ne aliquam lasciuiam , per incuriam quietionis suæ dormiens incurrat . Post paulantes paululum medium noctis persoluant officium : vbi quatuor responforia sub ternorum psalmorum diuisione concinantur . Sic post mediam noctem , si hyemis tempus est , sedentibus cunctis vnus medio residens releget librum : & ab Abbate , vel a Præposito disserente ceteris simplicioribus quod legitur patefiat . Quod quidem & æstate post vesperam conseruetur , vt priusquam compleant , liber legatur . Ita denique duodenis iterum cantatis psalmis adeant cubilia , paululumque quiescentes , gallicinio iam sonante , recitatis tribus psalmis , cum laude & benedictione sua , matutinum celebrent sacrificium . Quo peracto quia meditationi incumbendum est , mox vt ad locum consuetæ meditationis peruenerint , ternos recitent psalmos , & oratio-



nem ex integro finientes, meditentur vsque ad ortum solis. Sane in omnibus horarum singularum orationibus nocturno ac diurno tempore ad omnem psalmorum finem, gloria cantantes Deo prosternentur in terram: eo scilicet ordine, vt nemo prius seniore aut incuruetur, aut iterum surgat: sed omnes summa æqualitate confurgant, extensisque ad cælum palmis orando persistant, sicut & æqualiter merguntur. Sabbatorum vero & Dominicarum noctium curriculum, seno missarum super adiecto officio, senis etiam, missis vigiliæ cum senis responsorijs celebrentur: vt Resurrectionis Dominicæ solemnitas ampliori officiorum psalmodia magis honoretur. quod & præcipuarum festiuitate missarum præcedente nocte competenter officiorum genere de qualibet solemnitate semper est celebrandum.

#### CAP. IV. *De habitu & veste monachorum.*

**V**estimenta non multa nec superflua sint. duabus tantum cucullis villata & simplici, & vno palliolo, ternisque tunicis, & flaminijs duabus cuiusque necessitatis querimonia sufficiens est. In ipsis quoque calcearijs hoc vtendum est, vt hyeme pedules calceent, qui voluerint, a die Kalendarum Nouembrium vsque ad Kal. Maias: reliquis æstiuis mensibus caligarum tantum solatijs muniendi sunt. Femoralium vsus cuiquam est permittendus, maxime his qui ministerio implicantur altaris. Sed & hoc qui studere voluerit, reprehendendus non erit: cum hucusque nunc constet, pleraque hunc vsum monasteria etiam in his regionibus non habere. Instrumentis competens adhibenda est disciplina, nec amplius quicquam ab aliquo requirendum, quam vnum stragulum, calnabenque villatum, mappulam, & duabus lanatis pellibus arietum. Quicquid in veste, vel cultu est monachorum, non peculiariter apud vnumquemque habendum, sed sub manu vnius fratris spiritua-

ritualis in vna cella recondendum est: quique cum necessaria poposcerit, petenti cuiquam congrua statuta mutatoria tribuat. Nec quisquam e monachis suum asserens dicat, Codex meus, tabulae meae, vel reliqua. Quod verbum si de ore eius effugerit, poenitentiae subiacebit; ne velut propria quaelibet in monasterio habere videatur; sed sint illis, sicut scriptum est, omnia communia. Vnde & studere ad. 4. isdem custos debet, ut summam in his vestibus deligendis habeat solertiam, & cuique, ut dictum est, apta distribuat. Nec quisquam de hoc murmurare praesumat, cum sibi distributa aliorum conspiciat indumenta vestiri. Subolae sane, acus, ac fila diuersa pro consuendis, emendandis, faciendisue vestibus ipsi tribuenda sunt ab Abbate: & cum necessitas poposcerit, lauandi atque emendandi habeat facultatem. Quicquid in vestimentis, calceamentis, vel lectariis monachorum vetustum fuerit, dum noua percipiunt, totum ab Abbate pauperibus erogetur.

#### C A P. V. *De mensis.*

Cum hora nona ad vescendum conuenitur, dicto psalmo, residentibus alijs vnus legat in medio. In cibo sit strepitus nullus: nemo comedens loquatur. Si quid deest in mensa, is qui praest signum dato vel nutibus silenter petat, & indicet ministranti, quid inferri, vel quid auferri sit a mensa necesse. Priusquam ad mensam conueniant, praecedat oratio. Postquam a mensa surrexerint, sequatur oratio: nec ante quisquam alicubi praesumat progredi, quam coram altario Christo gratiarum resolverit actiones. Carnem cuiquam nec gustandi, nec sumendi est concessa licentia: non quod creaturam Dei iudicemus indignam; sed quod carnis abstinencia utilis & apta monachis aestimetur. Seruato tamen moderamine pietatis erga aegrotorum necessitudines, vel longe proficiscentium qualitates: ut & volatiliu eibus infirmi sustententur; & longinquo itineri

destinati . Si aut a Principe, vel Episcopo sperantur, pro benedictione & obedientia degustare non metuant, seruantes apud se de reliquo continentiam consuetam . Quod si quis monachus violauerit, & contra sanctionem regulæ, vsumque veterum vesci carnibus præsumpserit, sex mensium spatio retrusioni & pœnitentiæ subiacebit . Viuant enim solis oleribus, & leguminibus, raroque pisciculis fluuialibus, vel marinis; & hoc ipsum quoties se opportunitas fratrum, vel festiuitas solemnitatis dederit alicuius; seruata in his & similibus causis discretionem maioris . Per dies singulos vini potionibus sustententur . iuxta prouidentiam tamen Abbatis, vel Præpositi hæc ipsa potionis parcimonia temperetur : ita dumtaxat, vt inter quatuor fratres sextarius diuidatur . Sabbato vero vel Dominicis diebus ad vesperum vna potio adiiciatur, Quilibet ex monachis ieiunium soluere non præsumat, nec prius quam in commune reficiant cum ceteris, vel postquam refecerint, quicquam quod ad potandum vel edendum pertinet, gustare vel contingere audeat; vel occulte quodlibet peculiariter recondere, vel habere præsumat . In præcipuis solemnitatibus tria pulmenta, & totidem potiones fratribus præbeantur .

#### CAP. VI. *De operatione .*

**I**N operando hæc ratio obseruetur . Verno vel æstate dicta prima, commoneantur Decani a Præposito suo, quale opus debeant exercere; atque illi reliquos admonent fratres . tum demum dato signo sumptis ferramentis congregentur in vnum, factaque oratione pergunt recitantes ad opus, vsque ad horam diei tertiam . Reuertentes ad Ecclesiam, tertia celebrata, residentes locis suis studeant lectioni siue orationi . Verum si opus tale est, quod non intermittatur; in opere ipso tertia dicatur, & sic recitando reuer-

reuertantur ad cellam, & consummata oratione, ablutisque manibus confestim ad Ecclesiam conueniant. Si si reficiendum ad sextam est, peracto officio sextæ, ab oratione pergant ad mensas, refectique congrue iterum facta oratione quiescant, & fiat silentium vsque ad horam nonam. Deinde celebrata nona, si necesse est reuertantur ad opus, quousque ad duodecimæ officium dictum conueniant. Sin autem residentes taciti per cellulas suas, hi quorum iam ætas perfecta est, & conscientia pura meditentur eloquia Domini, vel opus quodlibet intra cellulam iniunctum, exercentes, nusquam prorsus excepta causa necessitatis audeant progredi, nisi fuerint a seniore præcepti. Iuniores vero coram suis residentes Decanis, lectioni, vel recitationi vacent; nec se, inconsulto seniore, iunior a sua se auferat secessione, aut ad alterius Decani locum audeat pergere; sed tam in cessione, quam etiam in operatione, semper decania a decania segregata consistat. Iuniores quique suos iugiter decanus ille commoneat, ne in aliquam negligentiam decident, sed viros spirituales & sanctos illis semper in exemplo proferat; ut illorum contemplatione assidue ad meliora proficiant. Autumni vero vel hyemis tempore, vsque ad tertiam legant, vsque ad nonam operentur, si tamen est quodlibet opus quod fiat. Post nonam iterum vsque ad duodecimam legant: a duodecima meditentur vsque ad vesperam. Ad opera cum egressuri sunt, orationem facturi inuicem conueniant: qua expleta incipiat Præpositus psalmum, & sic recitantes pergant ad operationem. Cum operantur, non inter se fabulas vel cachinnos conserant, siue luxurientur; sed operantes intra se recitent taciti. Illi vero qui pausant, aut psallant aliquid, aut recitent pariter, aut certe sileant. Peculiare opus institutum est, ut nullus exercent monachus, quasi sibi proprie vindicandum; aut cuilibet, cum voluerit, sua præsumptione distribuendam. Nec quodlibet opus sine præ-

ce-

ceptione & cohibentia senioris suscipiendum, inchoandum, siue faciendum est: sed in omni re quicquid Abbas vel Præpositus præceperit, hoc agendum.

CAP. VII. *De fferamentis & utensilibus.*

**F**erramenta vel utensilia quælibet artificum sub vno recondenda sunt conclauis, & custodia vnius fratris industrii & prouidi: quique segregatim illa idoneo collocans loco, prout res expetit, poscentibus ad operandum fratribus tribuet; atque ad vesperum suis ea colligens locis, curam habebit, ne quid de his aut pereat, aut per negligentiam æruginet, vel qualibet occasione vilescat.

CAP. VIII. *De obedientia & sessione monachi.*

**C**um vacant ab operatione fratres, nullus se e proprio, citra permissionem Decani vel Præpositi sui, mouere audeat loco, neque conferere fabulas, deambulationesque peragere inquietas & otiosas: sed residens, operi manuum siue lectioni intentus, aut in orationis contemplatione defixus, signo vniuersali monitus surgat concitus, communi oratione aut operatione detinendus. alias neque respicere, neque appellare alium, citra permissionem sui senioris, est quisquam e fratribus permittendus. In habitu quoque & gressu monachi ita definitum est, vt nulla diuersitas esset, sed omnia cultu vestimentorum, non vario, sed vno & sincero manerent: ingressu nullos strepitus, neque saltus amplos tenlis passibus facerent, nec alibi, dum pergunt aspicerent, nisi ante vestigia sua. cum loquuntur, vt lenta & silens vox esset, iuramento & mendacio carens, nec fraudem studens, neque multiloquium diligens; murmurationem omnino, & contradictionem, & rancorem nesciens; vituperare, & iudicare indemnem alium pertimescens.

Obe-

Obedientia, præceptum est regulæ, ut impossibilibus quoque rebus opere atque affectu ostentetur, & teneatur usque ad mortem videlicet: sicut & Christus factus est Patri obediens usque ad mortem. Simili quoque studio & patientiæ virtus est obseruanda, ut nusquam nec odio violetur, nec iniuria, nec contumelijs omittatur; sed in sustentatione & tolerantia roboretur. Ruditas denique & parcimonia ciborum & lectulorum duritia amplectatur. Peculiaritas aut in vtenfilibus, aut in vestimentis, aut in quibuslibet rebus, vilissimis saltem & abiectis, omni modo vitetur. Quia abominatio monachis est & infamium, quidquam possidere superfluum, aut reseruare proprium, vel occultum: quod non longe ab Ananiæ & Saphiræ exemplo segregatur. Munus denique quodlibet, siue epistolas nemo monachus accipiat; neque vsquam sine benedictione sui senioris progrediatur; nec cum laico loquatur, nec cum monacho non iussus stet, siue fabuletur; vel alium aliquem proximum videat, vel extraneum, regulari sententia præfixum est. Nec ieiunium soluat quilibet ex monachis, nec prius quam in commune reficient ceteri, vel post quam refecerint cum alijs, quidquam quod ad edendum vel potandum pertinet, degustare præsumat, consuetudine iussum est diuturna.

Philip. 2.

## CAP. IX. De Hebdomadarijs.

Hebdomadarij per singulas sibi succedant hebdomadas, orationem cum benedictione in ecclesia percipientes Abbatis. Et quando exeunt ita die Sabbati explicata vespere, congregatis in vnum ac residentibus fratribus & meditantibus, manibus proprijs aqua calida singulorum abluant pedes, alijs lauantes, & alijs extergentibus linteo: sicque prostrati coram Abbate in conuentu eodem veniam simul & benedictionem ab omnibus generaliter petant.

Sic-

Sicque oratione commendati Abbatibus pergant ad ministeria fratribus exhibenda: plenissimam pro labore suo tempore matutino benedictionem in ecclesia percepturi.

CAP. X. *De hospitibus, peregrinis, & infirmis.*

**H**ospitibus, vel peregrinis fratribus, cum summa reuerentia caritatis & ministracionis obsequia sunt præbenda, & ad vesperum lauari pedes: & si ex itinere sunt confecti, oleo perungendi sunt. Lectaria, lucerna, & stramina mollia exhibenda: ac proficiscentibus iuxta posset cœnobij viaticum imponendum. Aegroti omni miseratione & compassione fouendi sunt: eorumque languores congruo releuandi sunt ministerio. Tales tamen sunt eis ministri delegandi, qui & pulmenta strenue præparent, & deuoto eis ministerio obsecundent; & de his, quæ illis reliqua sunt, neque fraudem faciant, neque occulte comestione se illicita polluant.

CAP. XI. *De nitore & affectu monachi.*

**N**ullus alterius manum teneat, aut ad punctum temporis vsquam sine benedictione secedat. Nitor & pulchritudo vestium, cultusque, atque ambitio rerum temporalium ab omni penitus monacho debet exulare. Vana gloria, superbia, contemptusque turgidus, & effrænata locutionis vsus abdicetur ab omnibus. Pius enim, & oblectabilis, humilis, atque modestus esse debet affectus monachi: quin & omni spurcitia careat, & audientis vel videntis animum ad amorem & timorem diuinitatis accendat. ut illud possit implere, quod Dominus dixit: *Sic luceat lux vestra coram hominibus, ut videant vestra bona opera, & glorificent patrem vestrum, qui in cælis est.*

Matth. 5

CAP.

CAP. XII. *De cautela monachi.*

**C**autela, & moderatio, & pudicitia, fides, & sinceritas ornant habitum monachi. Duplex enim nullo modo esse debet famulus Christi; sed veridicus, & simplex, & humilis supercilio, fastus carens effigie. Coram seniore suo prior nullus ambulet, neque non iussus sedeat, vel loquatur; sed honorem fratri seniori & reuerentiam, ut concedet, competenter exhibeat.

CAP. XIII. *De delictis.*

**O**mnis actus, siue occasionum necessitudines suo semper necesse est ut monachus referat patri, & ex illius cognoscat discretionem, vel iudicio, quid attendat. Cogitationes, reuelationes, illusiones, & negligentias proprias seniori nullus obcelet, verecundia vel iniuria faciente, vel contumacia perurgente. Sed semper huiusmodi vitia cum lacrimis, & compunctione cordis, atque humilitate verissima Abbati, Præposito, siue probatis senioribus reuelanda sunt; & consolatione, oratione, castigatione, siue etiam exercitatione idonei operis castiganda.

CAP. XIV. *De excommunicatis.*

**C**um excommunicatur, vel arguitur quisquam pro negligentia sua, exercebit humilitatem, quousque percipiat orationem: nec se audebit inter alios commiscere, vel cuiquam occulte coniungere; sed omnibus ad rationum studia conuenientibus, ille prostratus humo, cingulo simul opertorioque abiecto, poscet veniam negligentiae suae. Hoc etiam is ab officio regredientibus exhibebit. Similiter quoque & refectiois tempore coram refectorio astitabit vultu deposito & habitu, quousque fratrum compa-

h h.

pas-



passione solatus veniam percipiat, quam deposcit. Cum excommunicato nullus loquatur, neque qualibet eum compassione, vel miseratione resoueat; neque ad contradictionem vel superbiam confortare præsumat. Quælibet causa in conuentu communi fratrum est ventilanda, & iuste ac subtiliter perscrutandum, ne fortasse dolositate & malitia senioris innocens iunior opprimatur. Abbati vel Præposito iuxta personarum acceptationem non liceat iudicare, neque aliquem fraudulenter vel iniuste damnare; sed, vt dictum est, spiritualium & veridicorum fratrum huiusmodi rebus est retinenda sententia: qui sibi Dei iudicium ponentes præ oculis non permittant pessime opprimere animam innocentis.

#### CAP. XV. *De clamosis & lasciuis.*

**C**lamosum in locutione monachum, aut iracundum, ridiculosum, subsannatorem, siue detractorem esse non decet. Qui huiusmodi est, & sæpe castigatus non fuerit emendatus, flagellis verberibusque curandus est, & acriter emendandus, crebraque curiositate & industria, a vitio reducendus. Lasciuus, petulans, & superbus sapius suspendatur a cibo, & biduanis siue triduanis maceretur inedijs, operisque adiectione conficiatur; sermone & colloquio castigetur. Si ista perpeffus sæpe, minime fuerit correctus, plagis emendetur instantius, reclusionisque diutinæ coarctetur angustijs, breuissime panis & aquæ esu sustentandus; donec se spondeat a vitio recessurum. Inobedientem, murmuratorem, contradictorem, siue furtiuus comestionibus atque bibitionibus vacantem superscripta coërcebit sententia: & in omnibus monachorum excessionibus congrua animaduersio adhibenda est, secundum Abbatis & seniorum iudicium, conueniens negligentiae, ætati, siue personæ: eritque summa discretione prouidendum,

dum, ne graua proleuibus inferantur; aut e contrario pro maximis leuis & parua ultio erogetur. Mensura namque & pondere æquo, iustitiaque pia, & miseratione continuo Pater vel Præpositus debet excellere, vt sic vulnus curet ægroti, quatenus salutem, & non debilitatem inferat membri. Quia sicut subditorum vitia per Præpositos, ita & Præpositorum negligentias per semetipsum Deus iudicabit.

CAP. XVI. *De mendace, fure, & percussore monacho.*

**M**endacem, furem, percussorem quoque & periurum, quod Dei seruum esse non decet, corripitur primum a senioribus verbis oportet, vt recedat a vitio. Post hæc si nec sic se emendare distulerit, tertio coram fratribus conuenietur, vt desistat tantisper errare. Si nec sic se emendauerit, flagelletur acerrime, & trium mensium spatio excommunicationis vindictam suscipiens, sub poenitentiae districtione solus recludatur in cella; de vespere in vespere ex hordeacij panis sex vncijs, & aquæ mensura paruula sustentandus. Ebriosus quis si repertus in coenobio fuerit, superiori sententiæ subiacebit; siue is qui citra permissum Abbatis siue Præpositi alicubi litteras destinauerit, vel ab alio destinatas acceperit. Monachus paruulorum aut adolescentium consector; vel qui osculo, vel qualibet occasione turpi deprehensus fuerit inhiare, comprobata patenter per accusatores verissimos, siue testes, causa, publice verberetur: coronam capitis, quam gestat, amittat, decal-uatusque turpiter opprobrio pateat; omniumque sputamenti oblatus in facie, probraque æque suscipiat; vinculisque arctatus ferreis, carcerali sex mensibus angustia maceretur; & triduana per hebdomadas singulas refectione panis exigui hordeacij vespertino tempore subleuetur. Post deinde expletis his mensibus, alijs sex mensibus succedentibus sub senioris spiritualis custodia, segregata in corticula

h h 2 de-

degens, opere manuum & oratione continua sit contentus: vigilijs & fletibus, & humilitate subiectus, & poenitentiae lamentis veniam percipiat; & sub custodia semper & sollicitudine duorum spiritualium fratrum in monasterio ambulet, nulla priuata locutione vel concilio deinceps iuuenibus coniungendus.

CAP. XVII. *De culpatis.*

Quisquis frater pro qualibet negligentia vel reatu arguitur, vel excommunicatur, & tamen humiliter veniam petit, vel confitetur lacrymabiliter, congrua ei remissionis & indulgentiae medela tribuatur. Prociaci autem, & persistenti, atque per superbiam vel controuersiam deneganti, amplior & districtior animaduersio, flagellorumque poena irrogabitur. Duo in vno lecto non iaceant; nec dormire extra cubile proprium cuiquam licentia pateat. Interual- lum singulorum lectulorum singulis cubitis intercedat; nedum adinuicem proximaant corpora, nutriant libidinis incentiua. In tenebris nemo loquatur alteri, nec accedat villo modo iunior quilibet ad lectum alterius post completam. Lectula singulorum Abba vel Praepositus bis in hebdomada reuoluat, atque perscrutetur; vt videat, ne quis superfluum aliquid vel occultum habeat. Nocturnum tempus peculiaribus orationibus & sacris vigilijs maxima ex parte ducendum est, propter lucifugas daemones, seruorum Domini deceptores. Spina si inhæserit corpori: cætra benedictionem sui senioris nullus euellat: vngulas sine benedictione nullus abscidat. Fascem cuiuslibet oneris absque benedictione & permissione senioris quisquam deponere e collo proprio non præsumat.

CAP. XVIII. *De ieiunijs.*

**I**eiunijs ista oportet tempora obseruare. a Pascha vsque ad Pentecosten reficiendum ad sextam est; & monophagia, id est, \* conseruanda per diem. A Pentecoste vsque ad octauo decimo Kalendas Octobris interdiana ieiunia retinenda sunt; excepto vna quadragesima, quæ festiuitatem sanctorum Iusti & Pastoris præcedit, sollicitè conseruanda est: in qua vsque ad nonam quotidie ieiunandum est, & vino penitus abstinendum. Seruanda tamen Abbati discretio est, vt cum hos graui labore perspexerit onerari, ad refectionem singulas portiones tribuat. Ab octauo decimo Kalendas Octobris vsque ad Pascha, sollicitè ieiunandum est, & in quadragesima vino & oleo penitus abstinendum. Ad mensam qui tardius venerit, prohibeatur a cibo. Ad orationes diurnas, qui ad primum psalmum non occurrerit, introire in oratorium cum ceteris non audeat; sed poenitentia delegabitur. Hoc idem sustinebit, qui nocturnis orationibus vsque ad tertium psalmum tardius venerit; aut post tres psalmos dictos in choro se miscere conatus fuerit.

CAP. XIX. *De cibis.*

**M**inistri, siue Præpositus, cum fratribus reficient, & mutatos sibi cibos preparare non audeant; nec extra communem refectionem quidpiam edant. Hoc etiam Abbas studeat agere, quoties aduenientes, vel filij Ecclesiæ occurrence sibi non alperit obuiare. Abbas vel Præpositus fratres in furtiua passim, prout voluerint, comestione non inquinant; nisi fortasse patula vnumquemque aut ægritudo, aut defectionis instantia defatigat. cui quidem aperte cum consensu reliquorum congruam ordinabit annonam, ætati sue valetudini competentem.

CAP.

CAP. XX. *De officijs Abbatis vel Præpositi.*

**D**E officio monachi non prout voluerint euagentur, nisi consulto Præposito siue Decano. cum seniore ad hoc ipsum delegato, cum necessitas compellit, egrediantor. Abbas vel Præpositus diuinis sèper officijs & vigilijs intersit; & prius ipsi agant, quod alios docent. Abbas vel Præpositus e proprijs semper coenobij monachis eligatur; vir sanctus, discretus, grauis, castus, carus, humilis, mansuetus, & doctus; qui diutinis experimentatus & documentis, omnibus præfatis rebus bene fuerit eruditus. Qui in abstinentia præcellat, in doctrina refulgeat, exquisitas epulas mensæ lautioris consuetudinemque contemnat; vini nimij perceptionem respuat; cunctis in commune fratribus, vt pater proprius pijsissimusque prouideat. Quem nec ira subita immoderate deiiciat, nec superbia extollat, nec moeror ac pusillanimitas frangat, nec libido corrumpat. Qui & in patientia discretionem, & cum ira exhibeat lenitatem: quique sic egentibus atque pauperibus pareat, vt ministrum se, & non prælatum tantum Christi visceribus recognoscat. Cuiusque tanta debet sermonis & vitæ consonantia esse, vt id quod docet verbis, confirmet operibus sedulis: & bis acuto præcedens gladio, quidquid alios informat verbo, iugi ipse gerat studio: vt nec sermonem operatio destruat, nec e contra operationem bonam sermo inconueniens frangat; sed sint ibi cuncta ita in Patre convenientia, sicut chordarum concordia in lyra & cithara; quæ tunc dulcissimum ex se sonum repercussæ reddunt, cum artificis pulsante manu, temperato æquitatis ordine, & non confusæ inæqualitatis præcipitatione feriuntur. Ter per omnem hebdomadam collecta facienda est, & regulæ Patrum legendæ, differendum, vel a seniore & castigatio ac sermo ædificationis proferenda ad fratres: negligentia emendandæ;

dæ; excommunicatis miserendum, & procacibus siue dure-ceruicibus iterum irroganda censura .

CAP. XXI. *De Conuerso , qualiter debeat suscipi .*

**C**onuersum de seculo , Patrum decreta docent , non suscipiendum in monasterio , nisi prius experimentum sui in opere & penuria , in opprobrijs dederit & conuicijs: quique decem diebus persistens ad ianuam cœnobij , orationibus & ieiunijs , patientiæ & humilitati operam dederit . Sicque anno illo integro vni spiritali traditus seniori , non statim commiscendus erit congregationi ; neque integra fratrum diuersoria accedet , sed delegata in exteriori corte cellula perfruetur ; vbi omnem sinceriter exerceat obedientiam . Hospitibus siue peregrinis stramina comportabit , aquam calefaciens pedibus , & omnia humiliter ministeria exercebit , fascemque lignorum suo quotidie dorso ferens hebdomadarijs tribuet . Atque ita in omni penuria & vilitate subactus , expleto anno probatus moribus , & laboribus elimatus , percepta in ecclesia benedictione fratrum societati donetur ; vnique Decano delegetur cunctis bonorum operum exercitijs edocendus . Quod si quilibet conuersus bonis ac puris moribus enitens , Abbatis vel aliorum fratrum spiritalium fuerit iudicio comprobatus , pro merito & puritate suæ conscientię celerius poterit fratrum consortijs misceri , secundum quod Abbatis vel fratrum optimorum censuerit deliberatio faciendum .

CAP. XXII. *De professione Conuersi .*

**O**mnis conuersus cum ad cœnobium venerit , seque suscipi postulauerit , confestim in conspectu totius congregationis adductus sciscitabitur ab Abbate , vtrum liber an seruus , vtrum bona & spontanea voluntate , an fortasse  
qua-

qualibet compulsus necessitate conuerti voluerit. Cumque eius spontaneam ad conuersionem præuiderit existere voluntatem, neque quolibet eum conditionis nexu adstrictum esse perspexerit, accipiet pactum eius, omnem suæ professionis continens originem. In quo etiam ita se idem conuertens alligabit, ut omnia se instituta cœnobij mente deuota profiteatur implere, nec ea vlllo vnquam tempore violare: neque a districtione cœnobij, quam expetijt, pollicetur ullatenus euagari. Cumque hac se professione adstrinxerit, subijciatur regulis supradictis, per bonorum operum industriam quandoque Domino placiturus.

CAP. XXIII. *De primi conuersione.*

Qui prius in monasterio conuersus fuerit, primus ambulet, primus sedeat, primus eulogiam accipiat, primus communicet in ecclesia; prior loquatur, cum interrogantur fratres pro aliqua quæstione, prior psalmum dicat, in choro primus consistat, hebdomadam primus faciat; manum in mensam primus extendat. Nec ætas sola inter fratres requirenda, sed conuersatio est, & laboris studijque propositum. Vnde & hæc discretio senioris est præstolanda, ut quem quomodo erga Dei amorem cultumque feruentem viderit, sic honoret. Non enim generis dignitas, aut rerum opulentia, quam quisque habuit in seculo, vel ætatis grandæuitas exquirenda; sed vitæ rectitudo, & ardentissimæ fidei merita debent esse pensata. Ille enim potior, qui Deo proximior, iudicandus est. Monachi in monasterio sancte & pudice atque honeste viuentes persistant: laici foris Abbatis vel Præpositi mandata peragant.

*Duo postrema capita in MSS. desiderantur.*

EXPLICIT REGULA S. FRUCTVOSI EPISCOPI.

S. FRV.

**S. FRVCTVOSI  
EPISCOPI  
REGVLA MONASTICA  
COMMVNIS.**




IN NOMINE SANCTAE TRINITATIS  
INCIPIVNT CAPITVLA REGVLAE

SANCTI FRVCTVOSI EPISCOPI.

- I. *Vt nullus presumat suo arbitrio monasteria facere, nisi communem collationem consuluerit, & hoc Episcopus per canones & regulam confirmauerit.*
- II. *Vt Presbyteri seculares non presumant absque Episcopo, qui per regulam viuit, aut consilio sanctorum patrum, per villas monasteria construere.*
- III. *Qualis debeat eligi Abbas in monasterio.*
- IV. *Quales monachi recipiantur in monasterio.*
- V. *Qualiter debeant monachi subditi esse suo Abbati.*
- VI. *Qualiter debeant viri cum vxoribus ac filijs absque periculo viuere in monasterio.*
- VII. *Qualiter infirmi in monasterio debeant tueri.*
- VIII. *Qualiter debeant senes gubernari in monasterio.*
- IX. *Qualiter debeant viuere qui greges monasterij delegatos habent.*
- X. *Quid debeant obseruare Abbates.*
- XI. *Quid obseruare debeant Praepositi.*
- XII. *Quid debeant obseruare Decani.*
- XIII. *Quibus diebus se congregent ad collectam fratres.*
- XIV. *Qualiter debeant Abbates esse solliciti erga excommunicatos.*
- XV. *Qualiter monasteria virorum ac puellarum custodiri debeant.*
- XVI. *Quales fratres debeant cum sororibus vno monasterio habitare.*
- XVII. *Qualis debeat esse consuetudo salutandi in monasterio virorum ac puellarum.*
- XVIII. *Vt non recipiantur in monasterio nisi qui radicitus omni facultate nudati sunt.*
- XIX. *Quid in monasterio debeant obseruare qui peccata grauiora in seculo commiserunt.*
- XX. *Quid obseruandum sit de monachis, qui a proprio monasterio per vitium dilabuntur.*

EXPLICIUNT CAPITVLA.



INCIPIT REGVLA  
SANCTI FRVCTVOSI.



CAPITVLVM PRIMVM.

*Vt nullus præsumat suo arbitrio monasteria facere, nisi communem collationem consuluerit, & hoc Episcopus per canones & regulam confirmauerit.*



OLENT enim nonnulli ob metum gehennæ in suis sibi domibus monasteria componere; & cum vxoribus, filiis, & seruis, atque vicinis, cum sacramenti conditione in vnum se copulare, & in suis sibi, vt diximus, villis & ex nomine martyrum ecclesias consecrare, & eas falso nomine monasteria nuncupare. Nos tamen hæc non dicimus monasteria, sed animarum perditionem, & ecclesiæ subuersiorem. Inde surrexit hæresis & schisma, & grandis per monasteria controuersia. Et inde dicta hæresis, eo quod vnusquisque suo quid placuerit arbitrio eligat; & quod elegerit, sanctum sibi hoc putet, & verbis mendacibus defendat. Hos tales vbi reperitis, non monachos, sed hypocritas & hæreticos esse credatis. Et hoc optamus, &

omnino vestram sanctitatem quaesumus, cum talibus nalam conuersationem iubemus habeatis : neque eos imitemini. Et quia suo arbitrio viuunt, nulli seniorum volunt esse subiecti : & nil de propria substantia pauperibus erogant ; sed adhuc aliena, quasi pauperes, rapere festinant : vt cum vxoribus & filiis, plus quam cum in seculo erant, lucra conquirant. Et hæc faciendo de perditione animarum non curant ; vt non animarum, sed corporum plus quam seculares homines emolumenta habeant : & pro suis pignoribus more luporum doleant, & de die in diem non retroacta peccata plangant, sed cum scandalo semper studio rapacitatis anhelant : & non de poena futura cogitant, sed vnde vxores & filios pascant, acrius anxiantur : & cum ipsis vicinis, cum quibus prius se cum iuramentis ligauerant, pro hoc tepefacti cum grandi iurgio & discrimine se ab inuicem separant ; & res quas ante per imaginariam caritatem expendendas communiter miscuerant, non iam simpliciter, sed cum exprobratione vnus alteri raptat. Quod si aliquis ex illis imbecillitas apparuerit, propinquos, quos in seculo reliquerunt, cum gladijs, & fustibus, ac minis sibi adiutores adducunt ; & qualiter hæc disrumpant in prima dudum conuersatione excogitant. Et vulgares & ignari cum sint, talem præesse sibi Abbatem desiderant : vt vbi se voluerint conuertere, quasi cum benedictione suas voluntates faciant, & quicquid eis placuerit dicere, dicant : & alios more instigationis dijudicant, & seruos Christi dente canino dilaniant : & hoc agunt, vt semper cum secularibus, & humilis mundi principibus commune consortium habeant, & amatores mundi cum mundo diligant ; qualiter immundi cum mundo pereant. Tali se sæpe exemplo taliter alios viuere inuitant ; & infirmis mentibus offendiculum parant. De talibus Dominus in euangelio ait : *Cauete a falsis fratribus, qui veniunt ad vos in vestibus ouium ; intrinsecus autem sunt lupi rapaces : a fructibus eorum cognoscetis eos, quia non potest arbor mala*  
*fieri*

Mat. 7.

*fructus bonos facere.* In fructu operationem dixit, in folijs verbum. Et vt eos in opere cognoscatis, verba illorum pensare potestis: quia cupiditatis face succensi, non possunt Christi pauperibus adæquari. Christi vero pauperes hanc habent consuetudinem; nihil in hoc mundo cupiunt habere, vt possint Deum & proximum perfecte diligere. Et qualiter supradictos lupos possint euadere, Dominum cognouerunt dicentem: *Ecce mitto vos, sicut oves in medio luporum.* Non portetis sacculum, neque peram. Proinde Christi seruus, qui cupit esse verus discipulus, nudam crucem ascendat nudus, vt mortuus sit seculo, Christo viuat crucifixo. Et postquam deposuerit corporis sarcinam, & hostem viderit trucidatum, tunc se putet deuicisse mundum, & cum sanctis martyribus æquiparasse triumphum. Matt. 10

CAP. II. *Vt presbyteri seculares non presumant absque Episcopo, qui per regulam viuit, aut consilio sanctorum patrum, per villas monasteria construere.*

Solent nonnulli presbyteri simulare sanctitatem, & non pro vita æterna hoc facere: sed more mercenariorum ecclesiæ deseruire; & sub prætextu sanctitatis diuitiarum emolumenta sectari: & non a Christi amore prouocati, sed a populi vulgo incitati, dum formidant suas perdere decimas, aut cetera lucra relinquere, conantur quasi monasteria ædificare. Et non more Apostolorum hoc faciunt, sed ad instar Ananiæ & Saphiræ. De ipsis ait B. Hieronymus: Non res suas pauperibus erogauerunt, non per exercitium in monasterio laboriosam vitam duxerunt; non mores suos reprehenderunt, vt assidua meditatione corrigerentur. Non fleuerunt, non in cinere, & cilicio corpus versauerunt; non poenitentiam peccatoribus prædicauerunt, vt cum baptista Ioanne dicerent: *Poenitentiam agite: appropinquauit enim regnum celorum:* Non Christum imitati fuerunt, qui Matt. 3.

- Matt. 20.** **Ioan. 6.** dixit : *Et non veni ministrari, sed ministrare ; & non veni voluntatem meam facere, sed patris.* Et de cathedra iste quando ducitur ad cathedram, id est, de superbia, præesse isti desiderant fratribus, non prodesse : & cum sua timide reseruant, aliena concupiscunt, quia non dispensant : & prædicant quod ipsi non obseruent : & cum Episcopis, secularibus principibus terræ, vel populo communem regulam seruant, & ut sunt Antichristi discipuli contra Ecclesiam latrant ; & quibus machinamentis eam disrumpant arietes fabricant : & cum inter nos venerint, dimerso capite gressu tenue sanctitatem simulant. Hi sunt hypocritæ, qui aliud sunt, & aliud esse videntur : ut stulti qui eos viderint, imitentur.
- Jo. 10.** Ipsi fures & latrones, Dominica voce attestantes ; qui non per ostium, quod est Christus, sed disrupto pariete ecclesiæ per murum præcipitati ingrediuntur : & si aliquis fidelium recte viuere cupit, eis obstaculum faciunt, ut possunt, non profectum. De talibus Dominus ait : *Vae vobis scribæ & pharisæi, caci hypocritæ, qui clauditis regnum cœlorum : nec vos intratis, nec alios permittitis intrare.* Hi tales sicut de suis lucris, sic de nostris gratulantur detrimentis : & quod non audierunt aduersum nos quid falsum proferant, omni contentione componunt, & quod non facientes cognoscimus, qui in crimine deprehensi publice per plateas annuntiantes, defendunt : & qui nobis a monasterio proprio vitio delabuntur, ab ipsis quando suscipiuntur, tuentur, & defenduntur : & cum sint monasteriorum desertores plerique ex ipsis qui nos detrahunt, ab illis optime honorantur, & quod nefas est dicere, honoribus cumulantur. Hos tales cum videritis ; melius odium quam consortium habeatis. de talibus
- Matt. 23.** propheta ait : *Nonne qui te oderunt Deus oderam illos ? perfectio odio oderam illos, & inimici facti sunt mihi.*
- Psal. 138.**

CAP. III. *Qualis debeat eligi Abbas in monasterio.*

**P**rimum præuidendus est Abbas, vitæ sanctæ institutione duratus, non conuersatione nouellus: sed qui per diuturnum tempus in monasterio sub Abbate deludans inter multos est comprobatus, & non habet hereditatem in seculo; sed in toto Israel absque sorte in terra repromissio est verus leuita. vt, *pars hereditatis mea Dominus*, libera cum Propheta voce dicat: intantum, vt omnem caussandi vsum radicitus a suo corde repellat; & si fas fuerit, per nullam occasionem in iudicio cum hominibus contendat: sed si quis eum incitauerit, & tunicam tulerit, qualiter contendat ad vocem continuo Dominicam, & pallium relinquat. *Psalm. 15.* Si certe aliquis infecutor monasterij accesserit, & aliquid auferre conatus fuerit, & per vim tollere voluerit, vni de laicis causam iniungat, & ipsi fidelissimo Christiano, quem vita bona commendat, & fama mala non reprobatur: qui & res monasterij absque peccato iudicet, & quærat; & si vsus iurandi est, hoc faciat sine iuramento & poena: & non tantum pro rerum lucro, sed vt persecutorem humilem & mansuetum ad veniam postulandam reducat. Quod si persecutor in sua perseverauerit contumacia, & plus lucra dilexerit, quam animam statim caussator cum eo contendere dimittat. Abbas vero absque vilo vsu caussandi, & eraso rancore stomachi, simpliciter in monasterio cum suis monachis viuatur, & nullam cum secularibus caussandi licentiam habeat. *Matth. 5.*

CAP. IV. *Quales monachi recipiantur in monasterio:*

**M**onachi, qui ob religionis obtentum monasterium ingredi petunt, primum ante fores tribus diebus & noctibus excubent, & ex industria iugiter ab hebdomadarijs exprobreantur. quibus diebus peractis, postmodum interrogentur.

gentur, vtrum liberi sint an serui. Quod si serui sunt, non recipiantur, nisi libertatem a proprio domino præ manibus attulerint præsentandam. ceteri vero siue liberi siue serui sint, diuites an pauperes, coniugati an virgines, *stulti an sapientes*, inscij an artifices, infantuli an senes, si quispiam horum fuerit, acrius percutiuntur, vtrum recte abrenuntiauerint, an non: si omnia fecerunt quæ in Euangelio voce veritatis audierunt, quæ ait: *Qui non renuntiauerit omnibus quæ possidet, meus non potest esse discipulus*. Et illud quod diues quondam adolescens, qui omnia quæ in lege præcepta sunt, se implexisse iactabat, ad quem Dominus ait: *Si vis esse perfectus, vade, vende omnia quæ habes, & da pauperibus; & veni, sequere me; & habebis thesaurum in coelo*. Iterum ad eum Dominus loquitur: *Qui vult esse perfectus? qui cum Apostolis patrem & matrem, reteque & nauiculam dimittit*. Et qui omnia dixit, nihil de propria facultate reseruari mandauit: & non cuilibet, sed cuncta Christi pauperibus erogauit; & non dedit patri, non matri, non fratri, non propinquo, non consanguineo, non filio adoptiuo, non vxori, non liberis, non Ecclesiæ, non principi terræ, non seruis, exceptis libertates confirmandas. Cumque ita, vt diximus, fuerit sciscitatus, postmodum in vltimo gradu recipiatur. Quod si horum, quos supra diximus, more pietatis vel vnum nummum alicubi male abrenuntians reliquit, statim eum foras repelli mandamus; quia non eum in Apostolorum numero, sed Ananiæ & Saphiræ sequacem videmus. Sciatis eum non posse in monasterio in mensuram venire monachi, neque ad paupertatem descendere Christi, neque humilitatem acquirere, neque obediens esse, neque ibidem perpetuo perdurare: sed cum aliqua occasio pro aliquo a suo Abbate monasterij distringendi, aut emendandi accesserit, continuo in superbiam surgit, & acedix spiritu inflatus, monasterium fugiens derelinquit.

CAP.

CAP. V. *Qualiter debeant monachi subditi esse suo Abbati.*

**I**N tantum debent monachi præceptis obedire maiorum; sicut Christus Patri obediens fuit usque ad mortem: quod si aliter fecerint, sciant se viam quam quærebant perdidisse. Nemo vadit ad Christum, nisi per Christum. Proinde monachi talem sibi debent facere consuetudinem, per quam a tramite recto nullatenus possint deviare. Primum discant voluntates proprias superare, & nihil suo arbitrio vel minimum aliquid agere: nihil loqui nisi ad interrogata, & cogitationes de die in diem nascentes cum ieiunio & oratione expellere, & suo Abbati nunquam celare. Et quicquid fecerint, absque murmuratione faciant, ne, quod absit, murmurando ea sententia pereant, qua perierunt ij qui in deserto murmurauerunt. Illi perierunt manna manducando, & isti in monasterio murmuratores scripturas recitando. Illi manna manducando mortui sunt, & isti scripturas legendo & audiendo, spirituali fame quotidie moriuntur. Illi murmurando terram repromissionis non intrauerunt, & isti murmurando paradisi promissionis terram non ingrediuntur: Grande malum, de Ægypto exire, mare transuadasse, tympanum cum Moyse & Maria, Pharaone submerso, tenuisse, manna manducasse; & terram repromissionis non intrasse: malum peius, de Ægypto istius seculi exire, mare baptismi cum poenitentiae amaritudine quotidie pergere, tympanum pulsare, id est, carnem cum Christo crucifigere, & manna, quod est cælestis gratia, manducare; & cælestis regionis terram non intrare. Timendum est ergo, carissimi fratres, & cogitandum, & prævidendum, qualem viam arripere debeant, qui per Christum ad Christum ire desiderant; & liquide audiant, quod observare debeant. Obedientes sint Abbati usque ad mortem: in tantum, ut nullam propriam faciant voluntatem, sed Patris: Nihil tam carum Deo habetur, si voluntas propria

Num. 11.  
& seq.

kk

pria



*Matt. 19.* pria frangatur. Hinc Petrus ait: *Nos qui dimisimus omnia, & secuti sumus te, quid nobis erit? Non solum dixit: dimisimus omnia, quid nobis erit? sed addidit: secuti sumus te.* Multi omnia dimittunt, sed Dominum non sequuntur. Quare? quia non patris, sed suam voluntatem faciunt. Qui vult ergo arctam & angustam viam inuenire, & eam sine offenculo pergere, & pergendo non perdere, & non perdendo ad Christum peruenire, prius discat voluntates proprias superare, & nihil quod propria voluntas corporis quæsierit facere, & in Patris obedientia vsque ad finem vitæ perseuerare. Hæc proprie via arcta & angusta, quæ ducit ad vitam.

CAP. VI. *Qualiter debeant viri cum vxoribus ac filijs absque periculo viuere in monasterio.*

Cum venerit quisquam cum vxore vel filijs paruulis, id est, infra septem annos, placuit sanctæ communi regulæ, vt tam parentes, quam filij in potestatem se tradant Abbatis. qui & ipse Abbas omni sollicitudine quid obseruare debeant rationabiliter eis disponat. Primum nullam corporis sui potestatem habeant, neque de cibo aut indumento recogitent; neque facultates aut villulas, quas semel reliquerunt, vterius possidere præsumant: sed tanquam hospites & peregrini subiecti in monasterio viuant; & neque parentes solliciti sint pro filijs, neque filij pro parentibus. Neque communem confabulationem habeant, excepto si non auctoritas Prioris præceperit. Illos tamen paruulos, quos adhuc in crepundia videmus tenerulos, propter misericordiam concessam habeant licentiam, quando voluerint ad patrem, aut matrem pergant: ne fortasse parentes pro ipsis in vitio murmurationis cadant; quia solet pro eis grandis in monasterio murmuratio euenire. Sed inter vtrosque foueantur, quousque quantulumcumque regulam cognoscant, & semper instruantur; vt siue sint pue-

pueri, siue puelle, monasterio prouocentur ubi habitare futuri erunt. Et qualiter ipsi infantes in monasterio nutrantur, planam ostendimus viam, si Dominus dederit com-  
 meatum. Eligatur cellarius bonæ patientiæ probatus, quem communis elegerit collatio, & ab omni excusetur monasterij seruitio, & coquinæ officio; ita ut semper cellarium teneat, propter ipsos paruulos, senes, infirmos, vel hospites. Et si maio: fuerit congregatio, junior ei detur pro ipso seruitio discurrendo: qualiter ipsi infantes ab ipsius imperio ad horas congruas copulentur, & accipiant alimentum. A sancto Pascha vsque octauo Kalendas Octobris manducant per singulos dies quatuor vices. Ab octauo Kalendas Octobris vsque ad Kalendas Decembris tres vices. a Kalendis Decembris vsque ad sanctum Pascha in potestate sit ipsius cellararij. Ceterum vero sic instruantur, ut absque benedictione & imperio nihil in ore suo mittere debeant: qui & ipsi infantes suum habeant Decanum, qui plus de eis intell git, ut regulam super eos obseruet; & ab eo semper ammoneantur, ne aliquid absque regula faciant, aut loquantur; aut cerre in mendacio, furto, vel periurio deprehendantur. Quod si in aliquo, quæ diximus, deprehensi fuerint, continuo ab ipso suo Decano virga emendentur. Et ipse Cellarius eis pedes & vestimenta lauet; & qualiter in sanctitate proficiant, cum omni intentione edoceat: ut a Domino plenam remunerationem accipiat, & veritatis præcepta d'centis audat, qui ait: *Sinite paruulos venire ad me, ne prohibeatis eos: talium enim est regnum calorum.*

Matth. 9

CAP. VII. *Qualiter infirmi in monasterio debeant teneri.*

**I**nfirmi quolibet morbo defessi in vna iaceant domo; & vni, qui aptus est, delegentur; & tanto ministerio foueantur, ut ne propinquorum affectus, nec vrbium delicias

kk 2

requi-

requirant; sed quod necesse habuerint, cellarius & prepositus præuideant. Ipsi vero infirmi tanta sollicitudine admoneantur, vt de ore eorum nec quantuluscunque vel leuis sermo murmurationis procedat: sed in sua infirmitate cum hilari mente sine intermissione, & tulta murmurationis occasione, & vera cordis compunctione semper Deo gratias agant: & frater qui eis ministrat, nullo pacto offendere audeat. Quod si aliquis, vt diximus, ex ore eorum murmurationis processerit scrupulus, ab Abbate increpentur, & ne talia supradicta facere præsumant, admoneantur: ita vt ille eos accuset, qui hoc ministerium iniunctum habet.

CAP. VIII. *Qualiter debeant senes gubernari in monasterio.*

Solent plerique nouitij senes venire ad monasterium, & multos ex his cognoscimus necessitatis imbecillitate polliceri pactum, non ob religionis obtentum. Cum tales reperi fuerint, acrius necesse est arguantur; & inter cetera instrumenta nisi ad interrogata non loquantur. Habent enim, & ipsi consuetudinem mores pristinos nunquam abhorere; & vt olim fuerunt docti, vanis fabulis euagari. Et cum forte ab aliquo fratre spiritali corriguntur, continuo in iracundiam profiliunt, & per diuturnum tempus tristitiæ morbo stimulantur, & a rancore malitiæ penitus non desistunt. Et cum frequenter & immoderate in tali vitio dilabuntur, tristitia cum deserit, solita consuetudine in fabulis & risu fræna laxantur. Proinde cum tali cautione in cœnobio introducuntur, vt die noctuque non fabulis euagentur, sed in singultu & lacrymis, cinere & cilicio versentur; & retroacta peccata cum gemitu cordis poeniteant, & poenitenda vltius non committant. Et quantum habuerunt in peccando ptaux suæ mentis intentionem, duplum habeant in lamentando plenam deuotionem. Quia  
per

per septuaginta & sex annos abrupte peccauerint, & ideo congruum est, vt æcta poenitentia cōdēteantur: quia & medicus tanto profundius vulnera abscindit, quantum putridas carnes videt. Tales ergo per poenitentiam veram corrigantur: vt si noluerint, excommunicatione continuo emendentur: Quod si bis septies admoniti ab hoc vitio non fuerint emendati, deducantur in conuentu maiorum, & ibidem denuo discutiantur: & si se corripere non permiserint, foras proijciantur. Eos vero senes, quos quietos, simplices, humiles, & obedientes, in oratione frequentes, & tam propria quam aliena peccata deplorantes, & quotidie de vita periclitantes, & Christum semper in ore habentes, & si secundum vires otio non vacantes, & non suo, sed maiorum arbitrio pendentes, & propinquitatis affectum perfecte deferentes, & cuncta quæ possident, non suis, sed Christi pauperibus erogantes, & nihil sibi met referuantes, & dilectionem Dei & proximi tota mente & fortitudine tenentes, & die noctuque in lege Domini meditantes esse cognoscimus, pia miseratione sicut infantulos foueri, sicut patres honorari mandamus: ita vt a pistrino & coquinarum vice excusentur: & ab agro, & duro labore quieti vacent, excepto quod aliqua leuiora opera eis iniungantur; ne fessa ætas ante tempus frangatur: cibi tamen quibus reficiantur, teneri & molles ex industria ab hebdomadarijs coquantur, & carnes & vinum propter imbecillitatem moderate eis præbeantur: & omnes ad edendum in vna mensa copulentur, æqualiter cibo & potu vno reficiantur. Vestimentum vero & calceamentum sic eis præbeantur, vt absq; foco frigoris ab eis asperitas arceatur.

CAP. IX. *Qualiter debeat viuere, qui greges monasterij delegatos habet.*

**Q**ui greges monasterij accipiunt alendos, tantam sollicitudinem super eos gerere debent, vt nulli damnum in fru-

fragibus inferant, & tanta vigilantia astutisque sollicitentur, ne a bestiis deuorentur: vt fragosa & abrupta montium & inaccessibilia vallium prohibeantur, ne ad precipitium defluant. Quod si per incuriam, aut pastorum desidiam, ex supradictis aliqua prouenerit negligentia, continuo pedibus seniorum prouoluentes, & tanquam graua peccata deplorantes, dignam pro culpa per diu agant pœnitentiam, qua peracta supplices recurrant ad veniam; aut si paruuli sunt, uirga emendationis accipient censuram. Et tali delegentur probatissimo, qui & in hoc seruitio aptus fuit in seculo, & eos custodire desiderat bono animo: vt nunquam de ore eius procedat vel leuis murmuratio. Sed & paruuli per vicissitudines ei dentur iuniores, cum quibus ferre possit ipsum laborem. Et sic eis præbeatur vestimentum & calceamentum, quantum necesse est ad sustentum. Et pro seruitio vnus tantum quem diximus, non tamen omnes in monasterio inquietentur. Et quia solent nonnulli qui greges custodiunt, murmurare, & nullam se pro tali seruitio putant habere mercedem, cum se in congregatione orantes & laborantes minime vident, audiant quid dicunt Patrum regulæ, & tacentes recogitent; & patrum exempla præcedentium recognoscentes sibi metipsis denuntient, quia patriarchæ greges pauerunt, & Petrus piscatoris gessit officium, & Ioseph iustus, cui virgo Maria desponsata extitit, faber lignarius fuit. Proinde isti non debent despiciere quas delegatas oues habent; quia exinde non vnâ, sed multas consequuntur mercedes. inde recreantur paruuli, inde fouentur senes, inde redimuntur captiui, inde suscipiuntur hospites & peregrini. Et insuper vix tribus mensibus per pleraque monasteria abundaretur, si sola quotidiana fuissent paximata in hac provincia plus omnibus tetrâ laboriosa. Quamobrem qui hoc seruitium habuerit iniunctum, cum hilaritate cordis obediât, & certissime credat, quod obedientia a quouis periculo libe-

liberat, & magnum sibi ante Deum præparat fructum, sicut  
& inobediens incurrit animæ detrimentum.

CAP. X. *Quid debeant observare Abbates.*

**P**rimum horas canonicas, id est, primam, missis opera-  
rijs in vineam: tertiam, sanctum Spiritum in Aposto-  
los descendisse: sextam, Dominum in crucem ascendisse;  
nonam, Spiritum emisisse: vesperam, David cecinisse, di-  
cens: *Elevatio manuum mearum sacrificium vespertinum*: Me- Psal. 140.  
diam noctis, quia ea hora *clamor factus est*: *Ecce sponsus venit,* Matt. 25.  
*exite obviam ei.* & ut ea hora cum ad iudicium venerit, non  
nos dormientes sed vigilantes inueniat. Gallicinium,  
Christum a mortuis resurrexisse. Has horas canonicas ab  
oriens usque in occidentem Catholica, id est, vniuersa-  
lis indefinenter celebrat Ecclesia. Proinde ergo Abbates  
per monasteria tota mentis intentione, cum fletu & cordis  
contritione, tuta laboris aut itineris occasione, cum omni  
monachorum congregatione celebrare debent. Et ubi eis  
properandi fuerit necessitas, & horarum cognouerint me-  
tas, continuo humo prostrati indulgentiam a Domino sup-  
plices petant, & suis horis peculiaribus, id est, secunda, quar-  
ta, quinta, septima, octava, decima, & undecima orare  
non pigeant; qualiter septem & octo Salomonis congruat  
dictum: *Da partem septem nec non & octo*: ut per septiformis Ecc. 7.  
gratiæ Spiritum, & octo beatitudines, ac resurrectionis  
diem liberis gressibus per scalam Iacob, Christo sibi desuper  
ianitente, quindecim gradibus coeli conscendere valeant  
regionem. Secundo, ut per capita mensium Abbates de  
vno confinio vno se copulent loco, & mensuales litanias  
strenue celebrent & pro animabus sibi subditis auxilium,  
Domini implorent: quia de ipsis in tremendo iudicio cum  
grandi discussione sperent se Deo reddere rationem. Ter-  
tio, qualiter quotidie vivere debeant, ibi disponant & tan-  
quam

quam a saeculis comprehensi ad cellas reuertantur sub-  
 placitati. Quarto, retroacta sanctorum Patrum per scri-  
 pturas sciscitantes reuoluant: vt ab ipsis quod facere de-  
 beant agnoscant: vt intus, ac foris, ante & retro plenam,  
 mentem oculis habeant: ne, quod absit, in aliquam hæresin  
 deuoluantur, & pereant. Pro hoc ergo semper in com-  
 muni concilio fratrum æquali lance tanquam in penso per-  
 sistant: vt præterita recordando, & futura prouidendo, &  
 præsentia examinando, hæresim non patiantur stimulos.  
 Quinto, vt cum fratribus aduentantibus, hospitibus, & pe-  
 regrinis in vna mensa communiter viuant: quia de ipsis  
 Matt. 25. Dominus ait: *Hospes eram, & collegistis me.* Sexto, talem  
 sibi consuetudinem debent facere Abbates, vt omnem  
 cupiditatem & auaritiam a se radicitus arceant. Si hoc  
 Gal. 2. malum non esset, idolorum seruitutem eam Apostolus non  
 dixisset. Et per hoc virus monachi cognoscimus men-  
 tem fauciari: & a nullo vicio penitus nunquam poterit liberi  
 esse, qui tali consuetudinis vinculo fuerit obligatus: &  
 in Dei & proximi dilectione nunquam erit firmatus:  
 quia hoc quod in seculo concupiscimus, sine dubio proximi  
 inuidemus. Vnde & Patres sancti Spiritu sancto re-  
 pleti, vt possint Deum & proximum perfecte diligere, stu-  
 duerunt in hoc mundo nihil habere. Et quia sine aliquo  
 esse non possumus, ipsum debemus habere, quod nos non  
 piget, cum necesse fuerit, egenti proximo reddere, & caritate  
 Dei, & proximi dilectione nunquam animam  
 relaxare: cuius videlicet fortitudo caritatis vera sanctæ Ec-  
 clesiæ voce laudatur, cum per canticorum canticum dicitur:  
 Cant. 8. *Valida est ut mors dilectio.* Virtuti etenim mortis dilectio  
 comparatur: quia sine dubio mentem quam semel coeperit,  
 a delectatione mundi funditus occidit. Tales ergo debent  
 Abbates esse, vt possint Deum, & proximum perfecte dili-  
 gere: oculos laxos a concupiscentia mala istius seculi ha-  
 bere: quale in paradiso habuit Adam ante transgressum.

CAP.

CAP. XI. *Quid debeant obseruare Præpositi in monasterio.*

**I**N potestate habeant Præpositi omnem regulam monasterij. Et tales Præpositi eligantur, quales & ipsi Abbates dignoscuntur: vt Abbatum curarum onera per eos subleuentur. Et hoc sibi proprium vindicent Abbates cibi ac vestimenti, quod ab ipsis ministratum acceperint: & excepto in aduentu fratrum, & languoris necessitate, delicatiores cibos non audeant edere Abbates, nisi tales quales & fratres. Omnem vero monasterij substantiam Præpositi accipient dispensandam: & si quispiam captiuorum aliquidimenti petierit Abbatem, & pro quacumque causa, ipse Præpositus hoc prouideat, & vt Abbas nullum laborem habeat, exceptis quæ supra diximus, omni intentione sollicitudinem gerat: excommunicandi tamen causam sicut Abba, sic Præpositus habeat. Et quod per singulos menses expensum fuerit, per omnium capita mensium rationem suo Abbati faciat: & hoc cum tremore, & simplicitate, & vera cordis humilitate, tanquam redditurus Domino rationem. Et quod fecerit, semper in arbitrio pendeat Abbatis: nihil de sua temeritate præsumat: ne, quod absit, in morbum vanæ gloriæ cadat. Et non prodigus, sed discretus intra Christi familiam dispensator, piusque gubernator ac optimus semper accedat, & Euangelicum documentum obseruans, Dominumque didentem, qui ait: *Quis putas est* Matt. 24. *fidelis seruus & prudens, quem constituit Dominus super familiam suam, vt det illis cibum in tempore. Beatus ille seruus, quem cum venerit Dominus inuenerit sic facientem. amen dico vobis, quoniam super omnia bona sua constituet eum.*

CAP. XII. *Quid debeant obseruare Decani.*

**D**ECANI, qui super decanias sunt constituti, tantam sollicitudinem gerant super quos delegatos habent fratres,



vt nullas proprias faciant voluntates . Non loquantur , nisi interrogati ; suo arbitrio nihil faciant nisi mandati ; alibi non pergant , non ordinati : seniores timeant , vt Dominos , ament vt parentes ; faciant quicquid ab eis imperatum acceperint ; credant sibi salutare quicquid illi percepierint , si hoc sine murmuratione cum hilaritate , & taciturnitate fecerint , dicente Moyse : *Audi Israel, & tace .* *Unus alterius onera portate :* & nemo neminem iudicet : nemo neminem detrahat : quia scriptum est : *Omnis detractor eradicabitur .* Vnus ab alio quod non habet accipiat ; vnus ab alio discat humilitatem ; vnus ab alio caritatem , vnus ab alio patientiam ; vnus ab alio silentium ; vnus ab alio mansuetudinem . Comedant sine querela quicquid eis appositum fuerit ; vestiant quod acceperint . Non celent fratres Decanis suis quicquid per singulos dies cogitauerint . Decani vero sint eis quasi rectores & custodes ; tanquam pro ipsis rationem Domino reddituri . Negligentias cunctorum ipsi praeuideant , & emendandi potestatem habeant ; & quod ipsi non valuerint emendare , Praeposito non morentur accusare . Qui & ipsi Praepositi sic hoc districte & rationabiliter agant , vt Abbates suos nullo modo praesumant inquietare , excepto quod vtrique non valuerint accelerare . Et in hoc vnus alteri tantam humilitatem habeat , vt nunquam vllus vllum offendat ; sed vnus in altero tanquam in penso persistat : id est , iuniores in Decanis , Decani in Praepositis , Praepositi in Abbatibus : vnus alium portans , tanquam in muro lapides quadrati , Apostolo attestante , sicut supra : *Vnus alterius onera portantes , sic adimplebitis legem Christi .*

Gal. 6.

CAP. XIII. *Quibus diebus se congregent ad collectam fratres .*

**O**mnes Decani a suis Praepositis admoneantur , vt cuncti fratres a minimo vsque ad maximum diebus dominicis in monasterio vno loco congregentur , ita vt ante missarum sollemnia sollicitè ab Abbate percunctentur ; ne fortas-

tasse aliquis aduersus aliquem odio linoris stimuletur : aut malitiæ iaculo vulneretur : ne intestinum virus quandoque aperte in superficiem cutis perrumpat , & inter palmarum fructus myrrhæ amaritudo demonstretur . Primum ergo ipsi Abbates cum suis Præpositis atque Decanis semetipsos discutiant , & ad instar suos iuniores subditos arguant ; & omne malitiæ fermentum prædictis diebus radicitus a suo corde euellant . Solent nonnulli pro suis vxoribus atque filijs , aut etiam quibuscumque propinquis curam habere more pietatis . Plerique vero qui non sunt in talibus implicati , pro alimento sunt solliciti . Alij vero tristitiæ morbo interius consumuntur , & tanquam vestimentum a tinea intrinsecus mentis suæ auiditate deuorantur ; & cum ipso rancoris languore delabuntur in desperationem . Alij namque spiritu fornicationis acrius inflammantur , & sæpe tali stimulo carnis incitati , interiori oculo cæcati captiui ducuntur , vinculo perditionis ligati . Alij acidiaë spiritu inflati otio & somno vacare cupiunt , & curiosis fabulis sollicitantur , & quod peius est , a proprio monasterio se auferre disponunt . Alij vanæ gloriæ elationis telo in diuersis partibus confodiuntur ; & alij alia defendentes , & suas causas magnificantes , dum nolunt Christi pauperibus similes esse , vnusquisque in vanis istis cogitationibus elabuntur , & quasi nil a Deo acceperint de proprijs viribus extolluntur ; & cum laudatores non inveniunt , ipsi sibi in suis laudibus profiliunt . Alius de genealogia , & de sua gente fatetur esse principes : alius de parentibus , alius de germanis , alius de cognatis , alius de fratribus & consanguineis , & idoneis , alius de diuitijs , alius de specie iuuentutis , alius de bello fortitudinis , alius de perlustratione terrarum , alius de artificio , alius de sapientia , alius de assertionis eloquentia , alius de taciturnitate , alius de humilitate , alius de caritate , alius de largitate munerum ; alius de castitate , alius de virginitate , alius de paupertate ,

alius de abſtinentia, alius de orationum frequentia, alius de vigilantia, alius de obedientia, alius de abrenuntiatione rerum, alius de legendo, alius de ſcribendo, alius de voce modulationis. Hæc omnia, quæ ſupra perſtrinximus, vnusquisque dum aliquoties talia non iuſſi immoderate loquuntur, toties in elationem vanæ gloriæ delabuntur: & ex ipſo morbo, dum quod dicunt vindicare contendunt, in ſuperbiam præcipitantur. Propter hoc ergo iugiter iubemus in collecta fratres adſeſſe & non pluſquam ſeptem dies interponere; & per omnes dies Dominicos, mores priſtinos & vitia emendare. Et quis in quo deprehenſus fuerit, contra ipſum vitium debet pugnare, in quo ſe cognouerit certamen habere. Et quod fortaiſſe ab alijs deprehenditur, abſque verecundia debet manifeſtare, qui hoc patitur. Quod ſi minime fecerit, non ſe putet effugere diabolum; nec ſe æſtimet victorem, ſed victum. Quod ſi manifeſtauerit, & ſe per poenitentiam, aut flagella emendauerit; continuo hoſtem in foueam præcipitabit & impellet.

CAP. XIV. *Qualiter debent Abbates eſſe ſolliciti erga excommunicatos.*

Cum excommunicatur aliquis pro culpa, mittatur ſolarius in cellam obſcuram, in ſolo pane & aqua: vt in vespere, poſt coenam fratrum, medium accipiat paximatium, & non ad ſatietatem aquam: & hoc ab Abbate exſufflatum, non ſanctificatum. Abſque vllò ſolatio vel colloquio fratrum ſedeat, niſi quem Abbatis, vel Præpoſiti cum eo præceperit auctoritas vt loquatur. Indutus tegmine raſo aut cilicio, ſeminudus atque diſcalceatus opus monaſterij exerceat excommunicatus. Si biſduana vel triſduana fuerit excommunicatio eius, mittat ſenior qui eum excommunicauit, vnum de maioribus, quem probatum habet, qui eum verbis contumelioſis increpet; quod non ob

ob religionis venerit occasionem, nec pro Christi amore, nec gehennæ pauore; sed simplicium fratrum facere disturbance. Si hæc ille patienter tulerit, & de ore eius nulla iracundia vel murmuratio proruperit, simplicitas mentis & humilitas apparuerit; sic increpator absque immutatione verborum, quod in eo præuiderit, Abbati renuntiet. Abbas vero sollicitè & prudenter tractet, vtrum veram, an imaginariam habeat patientiam, per quam possit se ad fratrum reconciliare caritatem. Secundo eiusdem meriti senem probatum ad exprobandum eum mittat: & quod primitus audiuit, non facile credat. Cumque tertio ita fecerit, & pari conuictio increpatus fuerit; & in priore promissionis patientia excommunicatus perdurauerit, & hoc Abba per tres testes probauerit, post hæc eum eijci iubet; & sic præsentatum per se increpet, coram conuentu fratrum. Cum ita quarto fuerit tentatus, & in humilitate fuerit probatus, & fortis fuerit vt ferrum inuentus, postmodum Ecclesiam ingrediatur, & cingulum in manibus gestans, Abbatis vel fratrum pedibus cum lacrimis prouoluatur; & cum singultu & gemitu genibus humo properando a cunctis veniam accipere mereatur; & ne talia poenitenda ultra committat, admoneatur: & post hæc osculatus ab Abbate in suo gradu recipiatur. Si certe, vt supra diximus, aliquis excommunicatus in prima interrogatione querulosus, vel murmurans apparuerit, & suas sententias superbe, vel importune vindicauerit, & hoc senior manifestum esse cognouerit, vsque in diem tertium maneat excommunicatus, ita vt nullus cum eo loquatur. Cum tertio vero die ita sciscitatus, & in superbia qua diximus, fuerit deprehensus, eousque ergastulo coarctatus perseueret, donec omnem arrogantiam superbix deneget. Quod si in malo perseuerans perdurauerit, & propria voluntate poenitentiam agere noluerit, & sæpe ac sæpe contumax & murmurator patule contra seniore vel fratres in facie persiste-

stiterit, & cum propinquis se vindicare maluerit, in collationem deductus exuatur monasterij vestibus, & induatur quas olim adduxerat secularibus, & cum confusionis nota a monasterio expellatur; vt cæteri emendentur, dum fortasse solus tali correptione ille delinquens corrigitur.

CAP. XV. *Qualiter monasteria virorum ac puellarum se custodire debeant.*

**P**lacuit sanctæ communi regulæ, vt monachi cum sororibus vno monasterio habitare non audeant; neque oratorium commune habere præsumant: sed nec conclauī vno vel recto quiuīs præ graui necessitate manere, communiter queant, tulta omni excusatione occasionis. Si ergo obseruare debeant, vt ipsi monachi cum sororibus, quas habent tuendas, nunquam vno conclauī vel conuiuio edendi licentiam habeant; neque in communi labore opus iniunctum exerceant. sed si accesserit, vt vnus sit ager, diuisos terminos teneant, & vterque bonos custodes: in tanto silentio hoc facient, vt vna classis cum altera inter se voces non mittant, exceptis recitatione & cantilenæ modulatione: aut certe gemitum aut suspirium vtriusque cum suis habeant. Tanta ibique debet esse astutia, quantum fur nocturnus in pectore nostro Christum occidere festinat, & non corpora, sed animas iugulare desiderat. Quamobrem tali cautione firmamus hanc regulam, vt nunquam solus cum sola fabulet. quod si fecerint, sciant se rumpere Patrum instituta, & cordis vitalia mortis infixisse sagittam. Pro hoc paradisi perditur vita, & supplicio tartari adipiscitur iactura. Mihi credite, non potest toto corde habitare cum Domino, qui mulierum sæpe accessibus copulatur. Per mulierem quippe aucupatus est serpens, id est diabolus, primum nostrum parentem. Et quia non Deo, sed diabolo existit obediens, continuo carnis iniuriam sen-

sensit. Et ob hoc ergo hanc passionem filij sentimus, de qua parentes a paradisi gaudijs captiuatos esse cognoscimus. Circumspiciendum proinde est, & indefinenter orandum, & totis viribus fugiendum, ne sensus nostri tali muscipula capiantur. Solus ergo cum sola, licet itinere se obuiant, non loquatur: nulla alibi sola nisi cum altera sibi comite dirigatur. Quod si de supra taxatis quispiam solus cum sola fabulareprehenditur, centum ictibus flagellorum extensus publice verberetur. Et qui talia facere præsumit, cum cautione admoneatur: quod si abusive habuerit monachorum præcepta, & hanc secundo geminauerit culpam, verberatus denuo carceri mancipetur: aut si poenitere noluerit, foras proijciatur.

CAP. XVI. *Quales fratres debeant cum sororibus vno in monasterio habitare.*

**I**N monasterio puellarum procul a cella monachos habitare mandamus: tales præbeantur pauci & perfecti, ita vt de pluribus probati eligantur, qui & de aliquanto tempore pene in monasterio senuerunt; quos semper castitatis vita commendauit, & criminalia delicta foras ecclesiam excommunicatos stare non fecit. Tales ergo in monasterio puellarum habitare debeant, qui & eis aliquid carpentarij ministerium facient, & aduenientibus fratribus hospitium debeant præparare; & super vtrosque sexus iuueniores, quasi vasorum fiant custodes. Nullam licentiam euagandi habeant sorores, & absque benedictione Abbatis deinceps cum viris osculandi aut loquendi occasionem penitus non requirant. quod si aliter fecerint, regulæ subiacent.

CAP. XVII. *Qualis debeat esse consuetudo salutandi in  
monasterijs virorum puellarum.*

Cum se occasio dederit, ut de monasterijs virorum aliquis de Abbatibus aut monachis ad monasterium veniat puellarum, ut mos est salutandi, non eas singulatim præcipimus, sed Abbatissa primo, & sic omnis congregatio ad salutandum eis occurrat: & hoc pro monachis dicimus, qui de longinquo veniunt, non de vicinitate habitatoribus confinium. Et cum tempus remeandi ad proprias cellas fuerit, ipsi aduenientes monachi similiter Abbatissam cum suis sororibus, sicut primum, communiter eas saluent. Has duas vices intrandi & exeundi licentiam salutandi habere mandamus, supra facere nolumus: & hoc ipsum cum summa verecundia & cautela; tanquam si utroque communis Dominus Christus, & illarum sponsus, quasi in iudicio de præsentia stet corporaliter. Zelotypus est Christus, non vult domum suam facere domum negotiationis. Ceterum vero talem consuetudinem facere mandamus, ut si in vnam collationem ad audiendum verbum salutis fratres & sorores copulatæ fuerint, iuxta viros sorores sedere non audeant; sed uterque sexus diuisis choris sedeant. Nullus Abbatum aut fratrum se præsumant deinceps vbi-cumque, absque imperio seniorum, osculum seniori porrigere; neque in gremium sororum veluti pacto caput declinare; neque in capite monachi, vel in vestimento, femina ad excomplanandum manus mittere audeat. Quod si ægrotans quispiam monachorum, aut de longinquo, aut de proprio monasterio, non præsumat in monasterio puellarum iacere: ne releuatus corpore, animo incipiat ægrota-re. Et ut B. Hieronymus ait, *periculose tibi ministrat, cuius cultum semper attendis*. Ob hoc ergo omnes ægrotos monachos in monasterio virorum iacere præcipimus; & non matrem, non germanam, non uxorem, non filiam, non pro-

propinquam, non extraneam, non ancillam, non quaecunque genus mulierum viris ministrare in infirmitate mandamus: sed si accesserit, ut ex supradictis aliqua cum sorbitiunculis ab Abbatisa fuerit directa, sine ministro infirmorum eum visitare non audeat, nec iuxta eum manere praesumat. Eadem & de viris esse mandamus. Nullus in praeterita castitate confidat: quia nec Dauide sanctior, nec Salamone poterit esse sapientior, quorum corda per mulieres deprauata sunt. Et ne quisquam sibi de propinquitate generis castitatis fiduciam sumat, memor sit quod Thamar ab Ammon fratre suo ægritudinem simulante corrupta sit. Proinde ergo cum tali castitate fratres & sorores viuere debeant, ut non solum coram Deo, sed etiam coram hominibus bonum testimonium habeant, & superstitibus sequacibus sanctitatis exemplar relinquant.

CAP. XVIII. *Vt non recipiantur in monasterium nisi qui radicatus omni facultate nudati sunt.*

Comperimus per minus cauta monasteria, qui cum facultaticulis suis ingressi sunt, postea tepesactos cum grandi exprobratione repetere, & seculum, quod reliquerant, ut canes ad vomitum reuocare: & cum suis propinquis, quod monasterio contulerant, hoc extorquere, & iudices seculares requirere, & cum saionibus monasteria dissipare: & per vnum negligentem multos simplices deturbatos videmus esse. Proinde solerter prauidendum est, & omni intentione discernendum, ut tales non recipiantur: quia non pro amore Christi isti veniunt, sed vicina morte perterriti, & infirmitatis angustia compulsi; non ob amorem coelestem incitati, sed solummodo poenam formidantes inferni. De talibus Apostolus ait: *Qui timet non est perfectus in caritate: quoniam timor poenam habet: sed perfecta caritas foras mittit timorem*, Non sunt isti discipuli Christi: &

1. Ioh. 4.

m m

non



non in Ecclesia sunt requirendi : sed in membris Antichristi inueniendi sunt : non sunt accolæ bonæ repromissionis, nec veri Israëlitaë, sed de longinquo aduenæ profelyti : sed neque fratribus fideles, neque in pugna inuenti sunt fortes. Tales olim in Leuitico Dominum cognoscimus detestasse, & in bello ne pergerent prohibuisse : *Siquis, inquit, corde patidus est, non egrediatur ad bellum; vadat, & reuertatur ad domum suam; ne pauere faciat corda fratrum suorum, sicut & ipse timore perterritus est.* De talibus in Euangelio veritas ait : *Quam difficile est qui pecunias habent, intrare in regnum coelorum.* Nihil enim de pristinis facultatibus suis in eundem locum, vbi ingredi se petit monasterium, vel ad vnum nummum, recipiatur : sed & ipse manu sua cuncta pauperibus eroget, & postmodum comprobatus monasterium sub regula introducatur, & anno integro a cunctis fratribus ex industria conuitijs comprobetur. Et postquam probatus in cunctis obediens fuerit, & non in plumbi natura mollitus, sed acer perdurauerit, vt ferrum; postmodum exuatur secularibus vestibus, & induatur monasterij religiosi simplicibus; & adnotetur in pacto cum fratribus, & viuat inter monachos probatus & ipse monachus.

CAP. XIX. *Quod in monasterio debeant obseruare qui peccata grauiora in seculo commiserint.*

Qui grauioribus culpis & criminibus sese deliquisse cognoscunt, primum eos optamus regulæ colla submittere sub probatissimo Abbate, in monasterio desudare; & cuncta retroacta peccata, tanquam ægrotos medico, spiritali seniori manifestare: & sicut publice peccauerunt, publice poenitere, & poenitenda vltra non committere: timorem de supplicio, amorem de regno, spem de misericordia habere, & nunquam desperare: quia in vltimo est extremæ vitæ, iustificare aut condemnare. Scriptum est enim:  
*Ipsè*

*Ipsē indicabit extrema terra.* Vnumquemque Dominus in fine aut iustificat, aut condemnat: & vniuersorum finem, ipse considerat: vt nec peccator, si fortiter ingemiscat, desperet veniam; nec iustus de propria sanctitate confidat. Nihil prodest, si aliquis de regno subtractus, a regni potentia exclusus, ferro constrictus hodie carceri est mancipatus: ita nihil obstat, si hodie a carcere quis rapitur, & regali honore constituitur. Nullus ei sordes carceris imputat; sed hoc solum laudat, quod in eo miratur. Sic nil prodest iustum bene viuere, & male vitam finire; ita magnum bonum est, peccatorem ad poenitentiam redire; olim male viuere, & postmodum bene finire, a nullo retroacta peccata imputata habere. Gredimus iudicem, qualem quem in fine inuenerit, talem coronare, aut certe damnare. Et quamuis sint graua delicta, non est tamen illis de Dei, misericordia desperandum. Liquide cognoscimus quod publicani & peccatores, nullo præcedente merito, qui futuri per iustitiam erant damnandi, gratuita miseratione per breuem poenitentiam sunt redempti. Sed non est in eis tam considerata mensura temporis, quam doloris. Agat ergo vnusquisque dignam poenitentiam, secundum qualitates culparum: vt quis in quo dilecto sese cognoscit reum, de eo delicto necesse est obseruare primum secundum instituta canonum. In lege habetur, vt quis cui quantum intulerit damnum, aut fecerit cædem, aut commouerit vltionem, iudicis dirimatur iudicio; & de numerositate solidorum ad suum reducatur arbitrium: ne fortasse persona potens damnet oppressum, & qui legali censura centenarium habebat incurrere damnum, tertiam reddat, quod de liberis continetur. Certe nos cum essemus serui peccati, Deo miserante, & nullo nostro merito præcedente, liberi facti sumus iustitiæ; & de innumeris peccaminum in misericordissimi iudicis pendet arbitrio nostri peccati debitum: & pro centesimo pondere peccatorum ini-

m m 2                      qui-

Luc. 16.

quitatis cognoscimus opponere villicum; qui de centum cadis olei, octogintas de centum coris tritici, quinquaginta decurtatum quæsiuit debitum, statim se cognouit a proprio domino esse laudatum. Ita plerique sunt in monasteria ingressi, qui ob immanitatem scelerum excefferunt numerum, quos sancti canones foras Ecclesiæ agere poenitentiam censuerunt; & nisi in finem vitæ communionem percipere negauerunt: nos tamen misericordiam Domini comperti, pusillanimes sumus consolati, ne graui tristitia coarctati pereant desperati, de multitudine annorum ad breuem recurrimus numerum; & tam cito eum conciliamus, quam cito eum cognouerimus in poenitentia & humilitate fundatum. Quare & tunc medicus ab incisione suspendet ægrotum, cum eum per medicamina cognouerit esse sanandum. Cibos vero tales eis præbere mandamus, qui nec lasciuiam nutrant, nec corpus nimis affligant. Carnes tamen, siceram, vel vinum eis auferre mandamus: quod si per infirmitatem, aut nimiam senectutem, aut certe aliquam necessitatem ex his imbecillitas patuerit, in arbitrio & probitate maiorum ponimus. Vestimentum vero cilicium præbere iubemus, qualiter per id compuncti per hœdos a sinistris suorum semper reminiscantur peccatorum. Lectum tamen sternere mandamus corio aut psiatho, quod latine storea nuncupatur; aut certe paleas tenues, si horum nihil habetur: exceptis infirmis, & nimia senectute defessis, uti & ipsi arbitrio foueantur Abbatis. Hæc quæ supra notauimus, per poenitentiam dignam, & non fictam humilitatem, vnumquemque venire cognoscatis ad veram sanitatem. Amen.

CAP. XX. *Quid obseruandum sit de monachis, qui a proprio monasterio per vitia dilabuntur.*

**C**um aliquis per vitium dilapsus fuerit a monasterio, in aliud non recipiatur cœnobium, neque in humanitatibus

tis caritatem, neque in pacis osculum : sed continuo, victis post tergum manibus, Abbati reducatur proprio. Quod si reuersus ad seculum fuerit, & a propinquis fretus cum eis in superbiam surrexerit, & monasterio minas intulerit, pariter & ipsi cum eo sint a laicorum concilio publice expulsi, & ab omni Christianorum conuentu maneant anathematizati. Quod si & ipsi laici suo eum receperint consortio, & pariter cum eo contra monasterium exarserint, in contumeliam cuncti a nostra ecclesia expellantur, & nullo nobiscum caritatis foedere copulentur; quousque veritatem cognoscant, & nobiscum stantes, iniurias ecclesiae vindicantes pari deuotione consurgant. Si certe ipsi apostatae ab omnibus fuerint expulsi, & huc illucque vagantes diuersis locis instabiles atque vacillantes suo monasterio reuerti se petierint, necessitate compulsi; in conuentu maiorum deducantur, & vt vasa figuli in fornace probentur; & cum probati fuerint, suo monasterio reformatur; & non prima, sed vltima cathedra recipiantur.

EXPLICIT REGVLA.



IN

## IN NOMINE DOMINI INCIPIT PACTVM.

IN NOMINE S. TRINITATIS, PATRIS ET FILII  
ET SPIRITVS SANCTI .

**Q**uod corde credimus, & ore proferimus. credimus Patrem ingenitum, Filium genitum, Spiritum sanctum ab utroque procedentem. Filium solum carnem de virgine suscepisse, & in mundum pro salute omnium in se credentium descendisse, & de Patre & Spiritu sancto nunquam recessisse. Quia ipse dixit: *Ego & Pater vnum sumus. Et, qui me habet, & Patrem habet: Et qui me videt, videt & Patrem.* Idem vero dixit: *Caelum mihi sedes est, & terra scabellum pedum meorum.* In caelo angeli totam Trinitatem adorant, & in terra Dominus hominibus prædicat, dicens: *Ite, vendite omnia quæ possidetis, & date pauperibus, & venite, sequimini me.* Et iterum: *Si quis vult post me venire, abneget semetipsum, & tollat crucem suam, & sequatur me.* Et alibi: *qui plus fecerit patri, aut matri, uxori, filiis, vel omnibus quæ cum mundo transeunt, quam mihi, non est me dignus.* Et iterum: *qui non odit animam suam propter me, non est me dignus.* Et, *qui perdiderit eam propter me, in vitam æternam inueniet eam.* Proinde melius multoque melius est mundum calcare, Christum audire, euangelium complere, vitam beatam cum angelis sanctis in æternum, per omnia secula possidere. Proinde diuino ardore accensi, ecce nos omnes, qui subter notandi sumus, Deo & tibi domino & patri nostro tradimus animas nostras, vt secundum edictum Apostolorum, & regulam, & sicuti sancta patrum præcedentium sanxit auctoritas, vno nos in cœnobio, Christo præcedente, teque docente, habitemus. Et quicquid pro salute animarum nostrarum annuntiare, docere, agere, increpare, imperare, excommunicare, secundum regulam emendare volueris, humili corde, deposita omni arrogantia, intenta mente, desiderioque ardente, diuina gratia opitulante

Ioan. 10.

Ioan 14.  
Esai. 66.

Matt. 19.

Luc 9.  
Matt. 10

Luc 14.

Matt. 16.

lante, inexcusabiliter, Domino fauente, omnia adimplebimus. Quod si aliquis ex nobis, contra regulam & tuum præceptum, murmurans, contumax, inobediens, vel calumniator exstiterit; tunc habeas potestatem omnes in vnum congregare, & lecta coram omnibus regula, publice culpam probare: & flagella, seu excommunicationem, secundum intuitum culpæ, unusquisque suum reatum conuictus suspiciat. Si quis sane ex nobis contra regulam occulte cum parentibus, germanis, filijs, cognatis, vel propinquis, aut certe cum fratre secum habitante consilium de absente supradicto Patre nostro inierit, habeas potestatem in vnumquemque qui hoc facinus tentauerit, vt per sex menses indutus tegmine raso aut cilicio, discinctus, & discalceatus, in solo pane & aqua, in cella obscura exerceat quodlibet opus excommunicatus. Quod si aliquis istam prona sua voluntate noluerit agere poenitentiam, extensus nudo corpore, septuaginta & duo flagella, suscipiat: & deposita veste monasterij, indutus quod in introitu exutus est scissum, notabili cum confusione a cœnobio expellatur. Et hoc de viris siue feminis dicimus. Promittimus etiam Deo & tibi Patri nostro, vt si quis sine benedictione fratrum, aut tuo imperio, per vitium ad alia loca ad habitandum transire voluerit, habeas potestatem incautamius persequi voluntatem, qui hoc tentauerit, & comprehensum cum saionibus iudicum, ad regulæ censuram reducere: & si aliquis eum defendere voluerit Episcopus, vel eius qui sequitur ordo, aut laicus, & rua ammonitione audita apud se eum retinere voluerit, communicatio illius cum diabolo sit, & participatio cum Iuda Scarioth in inferno; & in præsentī seculo excommunicatus permaneat, ab omni cœtu Christiano: & nec in finem viaticum accipiat, qui hoc fecerit. Tibi vero domino nostro suggerimus, si velles, quod credi certe nefas est, & quod Deus fieri non patiatur, aliquem ex nobis iniuste,

aut

aut superbe, aut iracunde habere; aut certe vnum diligere, & alterum liuoris odio contemnere; vnum imperare, alterum adulare; sicut vulgus habet, tunc habeamus & nos concessam a Deo potestatem, non superbe, non iracunde, per vnamquamque Decaniam præposito nostro querimoniam inferre; & præpositus tibi domino nostro humiliter pedes deosculari, & nostram querelam ad singula pandere: & tu patienter iubeas auscultare, & in communi regula ceruicem humiliare, & corripere, & emendare. Quod si te minime corripere volueris, tunc habeamus & nos potestatem cetera monasteria commonere, aut certe Episcopum, qui sub regula viuit, vel catholicum ecclesiæ defensorem Comitem, & aduocare ad nostram collationem; vt coram ipsis te corripias, & coeptam regulam perficias: & nos simus discipuli, subditi, seu adoptiui filij, humiles, obediētes in omnibus, quæ oportet; & tu demum Christo sine macula offeras nos illos. Amen.

*Hæc sunt nomina, quæ manu sua unusquisque subscriptionem vel signum in hoc pacto fecit: id est, ille, ille; vel illa illaque.*

EXPLICIT REGVLA S. FRVCTVOSI EPISCOPI.



CVIVS-

**CVIVSDAM PATRIS**

**Regula**

**AD MONACHOS.**

**nn**



# DE CUIVSDAM PATRIS REGVLA veterum testimonia. .



**S. BENEDICTVS** Aniana Abbas in Concordia Regularum sapissime hanc **CUIVSDAM PATRIS REGVLAM** ad monachos scriptam laudat; ut & aliam ad virgines: quamvis ipse eas non distinguat, sed utramque promiscue **REGVLAM CUIVSDAM** appellet, vel **REGVLAM CUIVSDAM PATRIS**, ut cap. viii. §. vii. & alibi.

**SMARAGDVS** quoque monachus, in commentario ad regulam **S. Benedicti**, subinde ex hac **CUIVSDAM PATRIS REGVLA** testimonia affert.





IN NOMINE PATRIS ET FILII ET SPIRITVS SANCTI

# INCIPIT REGVLA CVIVSDAM PATRIS



## C A P I T V L V M P R I M V M.



AVEAT lector bonus, ne suo sensui obtemperet scripturas, sed scripturis sanctis obtemperet sensum suum. Calix passionis amarus est, sed omnes morbos penitus curat. Calix passionis amarus est, sed tamen prior bibit medicus, ne bibere dubitet ægrotus, Oportet namque illum qui alterius vulnera mederi cupit, ab omni languoris morbo alienum sanumque subsistere. Nullo alio vitio Diabolus monachum perdit, ac trahit ad mortem, quam cum eum neglectis seniorum consilijs suo iudicio defensionique conspexerit confidere.

II. Primum omnium Deus timendus & diligendus est ex totis viribus: & proximus magnopere diligendus est, secundum mandatum Domini. Luc. 10.

III. Deinde virtus obedientie expetenda est, & secundum vires vniuscuiusque exercenda est: & ad primum verbum senioris omnes, qui audierint ex fratribus, assurgere oportet: & qui non surrexerit, veniam petat, & poeniteat,

n n 2

teat, quantum iudicauerit senior; & impleat quod iussus est, licet durum videatur. Obedientia usque ad mortem, facienda est, secundum exemplum Domini, obedientis Patri usque ad mortem. Et vnumquemque oportet fratri suo seruire, sicut Abbati proprio vel patri: sicut Apostolus dicit: *Seruite inuicem in timore Christi*. Et iterum: *Omnia vestra cum caritate fiant*.

Phil. 2.

Ephes. 5.  
1. Cor. 16

IV. Si quis frater inuentus fuerit inobediens Abbati, siue oeconomo, siue alicui ex fratribus, mittendus est in carcerem; & poeniteat quantum iudicauerit senior. Si autem, post examinationem carceris reprobis inuenitur, semel & bis, iterum atque iterum, abscindendus est ab omni fraternitatis corpore, secundum mandatum Domini dicentis: *Expedi enim tibi ut pereat unum de membris tuis, quam totum corpus tuum eat in gehennam ignis: & quia modicum fermentum totam massam corrumpit*.

Mat. 5.

1. Cor. 5.

V. Non omnibus præsente Abbate vel oeconomo obtemperandum; quia vnus non occurrit ad omnes: sed tamen vnusquisque fratri seniori obedire contendat, sicut Domino. Quicquid facit proximo suo, Domino facere non ambigat.

VI. Si quis frater murmurans inuentus fuerit, hic ipse mittendus est in carcerem, & opus eius abijciatur. Poenitentiam agat secundum examen senioris. Si permittatur ei satisfaciet: si autem hoc frequenter facit, eiiciendus est de monasterio.

VII. Ad primum verbum discussionis senioris, siue oeconomi, siue alicuius fratris, venia petenda est: & tam diu in terra prostratus donec senior discussionem cōsummauerit. Si autem senior discussionem iterauerit, & ipse veniam  
ite-

iterare debet. Si quis tardior ad veniam inuentus fuerit, siue aliqua verba religioni contraria, siue pro excusatione delicti sui protulerit, mittendus est in carcerem; & poeniteat secundum quod iudicauerit senior, vsquequo corrigatur. Si autem obstinatus inuenitur, separandus est a fratribus.

VIII. Mendacium, & iuramentum, siue verbum otiosum per omne corpus fraternitatis damnandum est. Si quis ex fratribus, cum quo aliquid horum inuentum fuerit, mittendus est in carcerem, & poeniteat vsquequo a vitio corrigatur: quia *os quod mentitur occidit animam*: & Dominus in euangelio iuramentum prohibuit, dicens: *Ego autem dico vobis, non iurare omnino*. Et iterum: *Omne verbum otiosum, quod locuti fuerint homines, reddent pro eo rationem in die iudicii*. Et Apostolus dicit: *Omnis sermo malus de ore vestro non procedat: sed si quis bonus ad edificationem fidei, vt det gratiam audientibus*. Si quis ex fratribus post examinationem carceris canere hæc vitia non poterit, eiiciendus est a fratribus, & damnandus est.

Sap. 1.

Matt. 5.

Matt. 12.

Eph. 4.

IX. Si quis iracundus inuentus fuerit ex fratribus, reus erit in concilio gehennæ ignis, nisi poeniteat. & vulnera putrefacta castigatione, scilicet ignis medicamento, exurenda sunt; & tumidum vulnus spiritalis ferri sectione vtatur: id est, capitalia & mortalia crimina, quæ ducunt ad mortem, oportet dure curari & emendari, vsquequo corrigatur, & sanus fuerit, secundum iudicium Abbatis siue oeconomi.

X. Si quis ex fratribus dixerit verbum de fratre, illo non audiente, vel absente, si non ad laudem & dilectionem illius pertineat, hic tanquam blasphemator iudicandus est: & petat a Deo veniam protinus, & confiteatur fratri hoc quod

quod de illo locutus est. Si autem iterare inuentus fuerit, mittendus est in carcerem, & poeniteat dure, vsquequo dicat illud quod Apostolus dixit: *Sermo eorum conditus sit sale* Colof. 4. Excusatio delicti ante veniam non oportet ab omnibus fratribus; post veniam oportet.

XI. In abstinentia ciborum vnā regulam obseruari oportet ab omnibus fratribus; præter senes, & infirmos, siue infantes; & vna mensura sit in omnibus: id est, ab hora nona vsque ad horam alteram a cibis temperandum est. Nec ante, siue post mensam, quæ communiter ad coenam fratribus apponitur, aliquid ori indulgendum est; nisi infirmitas, siue differentia ætatis siue corporis, aliquid coegerit. Sed neque ad saturitatem edendum est. Caro & vinum, siue potus, in quo sit ebrietas, refutanda sunt monachis, nec suscipienda, quibus pro Christo crucifixus est mundus, & ipsi mundo. Et ferias monacho non esse super terram: nisi modicum in aduentu fratrum, tanquam Christi, lectior fuerit cibus gratia caritatis. Verumtamē in abstinentia tegenda est, ne iactantiæ vitio decidamus in lapsum: quod præ omnibus vitijs grauissimum est.

XII. Nihil querere debemus ex his quæ ad seculum pertinent, præter quotidianum panem nostrum, & breue vestimentum, quo induamur. Hæc ipsa sine sollicitudine a nobis requirantur; ne inueniamur aliquando de regno Dei non cogitare, & dicatur de nobis: *Hæc omnia gentes requirunt*. Veruntamen monachos semper oportet laborare, & sine sollicitudine vitam suam transigere: omnia quæcunque laborauerint, excepto, vt supra diximus, pane exiguo & vestimento, pauperibus distribuant. Cura pauperum semper facienda est, & omnia nostra cum caritate fiant; & sine caritate infructuosa sunt apud Deum opera nostra.

Arbi-

XIII. Arbitrio vniuscuiusque senioris relinquendum est, unde annum panem monasterio suo provideat : si ex sarculo aut babus, vt aliquibus mos est, sicut nobis; aut artificijs, siue negotijs, siue ex conductione mercedis, siue ex quolibet opere.

XIV. Non magnopere curandum est, quo modo vnusquisque laboret; sed quomodo vnusquisque viuat. Quomodo res & ratio & situs loci vnicuique permiserit, semper laborandum est, & lex Dei, quæ siue visibilia, siue inuisibilia continet, obseruanda est : & nihil ex mandatis Dei, siue magnum siue minimum, prætereundum est: *Quia qui transgreditur vnum, factus est omnium reus.* Iac. 2.

XV. Propositum monachi quod promissimus, ex toto corde nostro, & ex tota dilectione exercendum est & faciendum : quod in tribus abrenuntiationibus consistit. Primo omnino omnes facultates nostras respuere debemus; & omnes diuitiæ mundi alienæ esse a nobis noscuntur. Deinde in secundo loco, omnia vitia carnis & animæ relinquenda sunt & cauenda : *& omnis ira, & indignatio, & clamor, & blasphemia auferatur a vobis, cum omni malitia.* Eph. 4. Tertia, igitur abrenuntiatio est, hæc omnia quæcunque videntur, siue in cælo, siue in terra, siue in mari, seu & in omnibus creaturis Dei, non solum nihil ex his assimilare Domino debemus; sed omnia etiam illa inferiora nostri arbitrari a nobis oportet: qui vtpote nos vltra illa ad coelorum regna, & ad ipsius Domini notitiam extendimus. Et ideo his sanitati sentientibus, & mox transeuntibus non magnopere intendimus: secundum quod Apostolus dicit: *Omnia quæ videntur temporalia sunt: quæ autem non videntur, æterna sunt.* 2. Cor. 4.

XVI. Silentium in omnibus sectandum est, & tacendi disciplina per omnia faciendæ est; maxime autem iuxta missam

ſam & menſam : ſed in omnibus nihil loquendum eſt, niſi quod neceſſitas popoſcerit . Si quis præter hanc diſciplinam cum clamore & acerbiori ſermone reſponderit, notetur uſquequo corrigatur . Si autem hoc vitio curari non poterit, eiſciatur ab unitate fratrum .

XVII. Nihil poſſidendum tanquam proprium, & ſpecialiter inter monachos ; ſed ſint eis omnia communia . Qui autem dixerit : meum eſt hoc, aut illud, peccauit coram Deo ; niſi tantum per obreptionem ſermonis . ſed pro hoc ipſo tamen veniam petat a Deo, & caueat de reliquo ; & ne iterare audeat . Si quis ex hoc vitio exiſtat inſanabilis, expellendus eſt ab vniuerſis fratribus : quoniam vitium philargyriæ grauiffimum eſt præ omnibus vitijs, & radix omnium malorum eſt philargyria.

1.Tim.6.

XVIII. Si quis ex fratribus lugubriori lapſu, id eſt, fornicationis, ceciderit, eiſciendus eſt de congregatione fratrum, & uſque ad diem mortis, ſiue in alia regione poeniteat . Sorores igitur raro videndæ ſunt : & frequenter loqui ad eas velle prohibemus ; ne occaſionem inueniamur dare infirmis . Beneficia tamen & munificentiam præſtare illis ex toto corde, præcipimus : quoniam ſunt membra Chriſti, & matres Domini ; & per virginem nos redemit Chriſtus . Sed tamen per fideliffimos & probatiffimos donaria mittenda ſunt illis, vt euitetur occaſio maledicti, gratia hominum peſſimorum .

XIX. Non quiſquam congregationi fratrum præeſſe permittendus, niſi qui obediendo didicerit ea, quæ alijs præcipi debeant : ſed ſi forſan in ſcripturis ſanctis ſatis ſufficienter inſtructus eſt, tamen ſi factorum geſtis adhibeat fidem ; id eſt, ea quæ docet, opere compleuerit, humilitatem ex caritate, patientiam & manſuetudinem oſtendendo, & volun-

voluntatem senioris implendo, & omnia mandata Domini agendo.

XX. Si quis ex senioribus, siue is qui Abbas nuncupatur, voluptuosus existat, & ebriosus, & diues, & qui huic seculo conformatur; id est, in curribus & in equis de loco ad locum discurrat, hic non solum principatu fratrum indignus est, verum etiam homicida animarum iudicandus est: & alius monasterio eius præesse constituitur. Sin vero non poterint, monachi ab illo exeant, & ille excommunicetur. Si vero poeniteat, subdat se sub manibus senioris, & seruituti se subijciat, donec probauerit is qui præest.

XXI. Monachos in curribus & in equis discurrere, præter infirmos, sed debiles & claudos, non permittimus. Si autem hoc fecerint, alieni sint ab vnitate fratrum.

XXII. Fratribus, quibus habitatio in sterili terra, id est, absque pane, & sunt in montanis & fructuosis, modicum lactis permittimus cum aqua mixtum. Habitare autem monacho vna cum feminis, id est, cum matribus & sororibus, non permittimus.

XXIII. Quomodo nos obedire ei oportet, qui nos ad opus mandati cohortatur? Sicut infans obtemperat nutrici, siue quæ ad vbera sua eum inuitat: immo si quid promptius & celerius, pro eo quod multum pretiosior vita futura quam præsens, obedire vsque ad mortem oportet.

XXIV. Quomodo seniore oportet fieri ad fratres? Tanquam si nutrix foueat paruulos suos, diligens & confortans singulos: & viam perfectionis eis aperiat; & ipse procedat in omni perfectione, & sanctitate cordis & corporis; & sine vlla perceptione personarum omnes pariter & sin-

o o

cera



cera dilectione, tanquam natos proprios, ex toto corde diligat. Si vero viderit aliquem illorum mandatum Domini præterire, non ira erga eum moueatur, sed commiseratione, & compassione; secundum illum qui dixit: *Quis infirmatur, & ego non infirmor? Quis scandalizatur, & ego non vror?* Si vero negligens in his, quæ ad vsus corporis & animæ pertinent, sine dubio subijcietur illi sententiæ, quæ dicit: *Itaque maledicti in ignem æternum, qui preparatus est diabolo & angelis eius. Esuriui enim, & non dedistis mihi manducare: sitiui, & non dedistis mihi bibere: & ea quæ sequuntur. Et, maledictus homo qui facit opera Dei negligenter.*

2. Cor. 11.  
Matt. 25.  
Ier. 48.

XXV. Si quis ex senioribus & Abbatibus iracundus inuentus fuerit, notetur vsque corrigatur. Si vero ab hoc vitio insanabilis fuerit, ab imperio fratrum destruendus est: quoniam siue iuste, siue iniuste, irasci non oportet.

XXVI. Si quis seniori suo detraxerit, non seniori detrahit, sed Domino; cui opus facit senior. Si vero hoc frequenter faciat, abscindatur a fraternitate, ac solitudine fraterni corporis. Si vero pœniteat, remittenda sunt peccata sua. *Detrahentem, inquit propheta, secreto proximo suo, hunc persequabar.*

Psal. 100.

XXVII. Si quis inuentus fuerit in aliquo spernere seniore suum, non hominem spernit, sed Deum, & reliqua. Si quis hoc faciat, pœniteat, & reconciliabitur seniori suo. Et omnia quæcunque senior præceperit, secundum mandatum Domini explenda sunt.

XXVIII. Si quis ex fratribus negligens inuentus fuerit erga suppellectilem monasterij, hic reus sacri peculij iudicandus est. Si quis viderit, eaque in die adiuuari & corrigi præterierit, hic tanquam neglector, & peruersor sacre sub-

stan-

stantiæ iudicandus est. Quoniam oportet vnumquemque laborare, & considerantius agere erga substantiam monasterij, vt ipse esset omnium dominus, & omnibus dominetur. Et iterum per nimiam humilitatem tanquam alienum se existimet; & vt nihil præter quotidiana ex ea requirat paximata.

XXIX. Si quis ad vocem compulsores, siue inuitantis ad aliud quodcumque, non statim surrexerit, hic inobediens reus est. Petat veniam ad Deum, & iterare non præsumat. Quoniam oportet vnumquemque ad primam vocem inuitantis assurgeres velut carbo ignis ardentis ascendisset super eum. Si autem obedientia hæc non fuerit, quam dicimus, mortua est, & non acceptabilis apud Deum. *Omne autem quod non est ex fide, peccatum est.* Rom. 14. Cum gaudio semper operandum est, & nihil cum tristitia faciendum, & semper dicendum est: *Gaudete in Domino iusti, & semper decet collaudatio.* Psa. 32. Et iterum Apostolus dicit: *Gaudete in Domino semper: iterum dico, gaudete.* Phil. 4. Si autem triste aliquid oblatum fuerit a nobis in donis Dei, non erit acceptabile apud Deum.

XXX. Tribus conuentibus diei, totidemque noctis tempore in ecclesia conueniendum: tres psalmi in vnoquoque conuentu diei canendi sunt; duodecim vero in nocturnis conuentibus cantabuntur, præter illam missam quæ celebratur ortu solis. Orationes vero & duæ lectiones, vna de veteri testamento, & alia de nouo, in singulis noctis conuentibus dicendæ sunt. In his vero conuentibus, id est, sabbati & dominicæ, vsque ad gallorum cantus, missa celebranda est: & quomodo vires vniuscuiusque sufferre poterint, excubiæ peragendæ sunt.

XXXI. Is vero qui ad primum psalmum in die non occurrit, in conuentum fratrum non recipietur: sed postea in publi-

blico veniam petat. Si vero frequenter hoc faciat, confu-  
tabitur vsque dum corrigatur. In noctis tempore vsque ad  
secundum psalmum dilatio præbetur.

XXXII. In diebus vero dominicis Eucharistia semper ac-  
cipienda est ad remedium peccatorum : sed cum puro cor-  
de, & omni sanctitate cordis & corporis oportet nos ac-  
cedere ad corpus & sanguinem Domini nostri Iesu Christi.  
Amen.

EXPLICIT REGVLA CVIVSDAM PATRIS.



**R E G V L A**  
**M A G I S T R I**  
**A D M O N A C H O S .**

# DE REGVLÆ MAGISTRI veterum testimonia.



*S. BENEDICTVS Aniane Abbas maximam partem REGVLÆ  
MAGISTRI in concordiam regularum transcripsit, & passim  
integra eius capita profert. citat autem plusquam sexagies.*

*A SMARAGDO etiam monacho in commentarijs ad regulam  
S. Benedicti sæpenumero laudatur QUIDAM MONACHO-  
RVM MAGISTER huius regule auctor.*



INCI-

## INCIPIVNT CAPITVLA.

## REGVLE MAGISTRI.

- I. *De quatuor generibus monachorum .*
- II. *Qualis debeat esse Abbas .*
- III. *Quæ ars sancta, quam docere debet Abbas discipulos .*
- IV. *Quæ sunt ferramenta spiritalia , cum quibus operari possumus artem diuinam .*
- V. *Quæ est materies vel causa malorum , quæ in fornace timoris Dei excoqui debet .*
- VI. *Quæ est officina diuinæ artis , vel operatio spiritalium ferramentorum .*
- VII. *De obedientia discipulorum, qualis debeat esse .*
- VIII. *De taciturnitate discipulorum , qualis & quanta debeat esse .*
- IX. *Quo ordine tacentes fratres aliquas interrogationes faciant ad Abbatem .*
- X. *De humilitate fratrum, qualis debeat esse, vel quibus modis acquiritur, vel quomodo acquisita seruatur .*
- XI. *De Præpositis monasterij .*
- XII. *De excommunicatione culparum .*
- XIII. *Quomodo debeat frater excommunicatus tractari .*
- XIV. *Quomodo debet excommunicatus poenitere .*
- XV. *De prodendo cogitato malo Præposito vel Abbati a minoribus fratribus .*
- XVI. *De cellarario monasterij, qualis debeat esse .*
- XVII. *De ferramentis vel rebus monasterij .*
- XVIII. *De septimanarijs coquina .*
- XIX. *Quomodo debeant introire fratres in hebdomadam coquina .*
- XX. *Quomodo debent haberi in oratorio absentes in mente .*
- XXI. *Quomodo debent communicare hebdomadarij coquina , vel cellararius .*

Om.

- XXII. *Omnibus hebdomadarijs ingressis, quo ordine remanentes in oratorio post Abbatem debent ceteri communicare.*
- XXIII. *Post egressionem Abbatis de oratorio, quomodo debeant hebdomadarij seruire mensis, Et ad manducandum esse communes.*
- XXIV. *De hebdomadario lectore ad mensas.*
- XXV. *De patella micarū ab hebdomadarijs septimo die coquenda.*
- XXVI. *De mensura ciborum.*
- XXVII. *De mensura potus.*
- XXVIII. *De diebus ieiuniorum, vel hora refectioinum.*
- XXIX. *De tempore dormitionis eorum, vel qualis debeat esse locus, vel quo ordine dormiant.*
- XXX. *Post completorium neminem debere loqui.*
- XXXI. *De hebdomadarijs officij diuini in noctibus.*
- XXXII. *Quomodo ab eis fieri debeat excitatio.*
- XXXIII. *De officijs diuinis in noctibus.*
- XXXIV. *De officijs diuinis in die.*
- XXXV. *De modo psalmorum vel numero in die.*
- XXXVI. *De psalmis lucernaria.*
- XXXVII. *De psalmo refectioinum.*
- XXXVIII. *De psalmis completorijs.*
- XXXIX. *Qualiter psalli debet in matutinis.*
- XL. *Qualiter psalli debet per horas diei.*
- XLI. *Qualiter psalli debet in lucernarijs.*
- XLII. *Qualiter psalli debet in refectioine.*
- XLIII. *Qualiter psalli debet in completorijs.*
- XLIV. *Qualiter psalli debet in nocte.*
- XLV. *Quomodo debeat psalli in diebus festis.*
- XLVI. *De imponendis psalmis in oratorio, quouis tempore.*
- XLVII. *De disciplina psallendi.*
- XLVIII. *De reuerentia orationis.*
- XLIX. *De vigilijs monasterij.*
- L. *De actu operum quotidianorum per diuersas horas diuerso*  
*(tempore.*  
*De*

- LI. De orationibus quadragesima in die sine psalmis .
- LII. De orationibus quadragesima in nocte sine psalmis .
- LIII. De continentia ciborum & potus in quadragesima .
- LIV. Cum hora divini officij adueneris non debere fratres ad oratorium festinare .
- LV. De quot passibus frater relicto labore ad oratorium debet occurrere .
- LVI. Quomodo debeant fratres in itinere opus Dei complere .
- LVII. Quo ordine in via fratres aliquid regula constituta seruabunt .
- LVIII. Quot psalmos debent fratres dicere diuerso tempore in via nocte .
- LIX. Qua hora debeant fratres in via reficere .
- IX. De quantitate sumptuum fratrum in via accipiendorum .
- LXI. Missus frater de monasterio, & in eodem die expectandus, si suadente aliquo debet foras communicare, aut ad oratorium reuertens seruare ieiunium coram Abbate reconfignandum communicationi .
- LXII. Si debeas extra horam constitutam in via frater aut bibere, aut manducare .
- LXIII. Quales sint fratres, qui insalutatis abscedunt fratribus .
- LXIV. Quoties debet frater reliquens monasterium, & iterum ab errore reuertens, recipi .
- LXV. Quomodo debent fratres extranei a domesticis saluari .
- LXVI. De egressu fratrum de monasterio in viam .
- LXVII. De regressu fratrum de via reuertentium in oratorium .
- LXVIII. Exeuntes de oratorio max debere de omnibus tacere .
- LXIX. De fratribus agrotis .
- LXX. De caritate fratrum circa agrotos .
- LXXI. Si debeant fratres spirituales ad se inuicem occurrentes prius orare, aut sibi pacem dare, aut salutare .
- LXXII. De refectione propter caritatem fratrum superuenientium .
- LXXIII. De fratribus qui ad opus Dei tarde occurrunt .
- LXXIV. Refrenati debere liberum fratris arbitrium .



- LXXV. De coſſatione dominice.  
 LXXVI. Quomodo debent tranſmiſſe eulogia a ſacerdote monaſterio ſuſcipi.  
 LXXVII. De benedictione, vel ſigno ſacerdotum.  
 LXXVIII. Non debere aliquem aduenientem, aut iam fratrem, aut adhuc laicum, plus a biduo otioſum in monaſterio paſci.  
 LXXIX. De ſella peregrinorum.  
 LXXX. Pollui per ſonnum fratres ſi debeant cōmunicare, an non.  
 LXXXI. De veſtimentis fratrum & calceamentis.  
 LXXXII. Non debere in monaſterio fratres aliquid peculiare habere.  
 LXXXIII. Quomodo debent haberi in monaſterio ſacerdotes.  
 LXXXIV. Qui debeant manducare cum Abbate.  
 LXXXV. Perfecite aliquos intra monaſterium artes qualiter & quanti debent venundari.  
 LXXXVI. De caſis monaſterij.  
 LXXXVII. Quomodo debeat frater ſue iam conuerſus, ſue adhuc laicus introire, vel tradere ſe, vel ſuſcipi in monaſterio.  
 LXXXVIII. De inducijs fratrum ſuſcipiendorum, in quibus de ſtabilitate firmanda ſecum tractare debeant.  
 LXXXIX. Quomodo debeat frater novus in monaſterio ſuum firmare introitum.  
 XC. Ingreſſo in monaſterium cuiquam laico non debere intra annum mutari res, nec caput eius ſecundum Præpoſitum tonderi.  
 XCI. Quomodo ſuſcipi debeat nobilis filius in monaſterio.  
 XCII. De honore vel gradu poſt Abbatem ceteris denegando.  
 XCIII. De ordinatione noui Abbatis electi de omnibus a Priore.  
 XCIV. Si ſubito Abbas moriatur, quo ordine de incertis fratribus Abbas alius conſtituatur, cum ſe viuo nullum designauerit meliorem, dum ſubita eum mors perurſerit.  
 XCV. De oſtiarijs monaſterij.

EXPLICIUNT CAPITULA.

INCI-



## INCIPIT PROLOGVS REGVLÆ

**H**omo, primo tibi qui legis, deinde & tibi qui me obsecras dicentem, dimitte aliamodo quæ cogitas; & me tibi loquentem, & per os meum Deum te conuenientem cognosce. Ad quem Dominum Deum ex voluntate nostra per bona acta vel benefacta iustitiam ire debemus: ne per negligentiam peccatorum inuolui rapiamur accersiti per mortem. Ergo auditor, qui me audis dicentem, percipe quæ tibi, non os meum, sed per hanc scripturam loquitur Deus: qui te, dum adhuc uiuis, conuenit de hoc quod ei post mortem redditurus es rationem. Quia quod adhuc uiuimus, ad inducendum uiuimus: cum nos pietas Dei expectat cotidie emendari, & meliores uult esse nos hodie quam fuimus heri. Ergo tu, qui me auscultas, ita attende, ut dicta mea, & uerba tua per considerationem mentis ambulando in triuium cordis tui perueniant. In quo triuium ignorantie peccatorum, post dicta mea ueniens, post te relinquit: & duas obseruantie præceptorum ante iam ingrediens. Et dum quærimus ad Deum ire, & stamus in Christo, triuium cordis nostri, & consideremus istas duas, quas ante nos facientes conspicimus uias. In quibus duabus uis, per quam ad Deum possumus peruenire, consideremus. Si sinistram tenemus, timemus, quia lata est,

ne ipsa sit, quæ ducit magis ad interitum. Si dextram corripimus, bene iustus, qui angustus est: & ipsa est, quæ diligentes seruos ad proprium dabit Dominum. Ergo vacius vester auditus sequatur meum eloquium. Et intellige tu homo cuius admonemus intuitum, quia te per hanc scripturam ammonet Deus: vt modo dum adhuc viuus, & tibi emendare vacat, curras quantum potes!! ne iam cum accersitus per mortem fueris, nullam Deo in die iudicij, vel in poena æterna excusationem afferas, quod nullus te de emendatione quoad vixisti conuenerit: & cum vltius tibi iam succurrere non potueris, in æternum te incipiat sine remedio poenitere. Ergo amodo quæ audis observa antequam de hac exeas secum in luce, quia si hinc exieris, non huc reuertaris, nisi in resurrectione: & de resurrectione, si hic modo bene egeris ad æternam cum sanctis gloriam deputaberis. Si autem hanc scripturam, quam tibi lecturus sum, non adimpleueris: in æternum ignem gehennæ cum Diabolo & uitæ voluntatem magis secutus es, deputaberis. Audi ergo & ago quod est bonum & iustum, per quod Deus inuenitur propitiatus. Hæc regula quæ tibi ostendit, factis adimple. Quæ regula ad perficiendum rectum, regulæ nomen accepit: sicut dicit Apostolus in epistola sua: *Secundum mensuram regulæ, quam mensus est nobis Dominus, mensuram pertinendi usque vos.* Nam regula veritatis habet initium, & iustitiae finem. Sicut dicit propheta: *Reges eos in virgas* hoc est in timoris vigore. Sicut item dicit Apostolus: *Quid vultis? in virga veniam ad vos, an in caritate?* Item dicit propheta: *Virga recta est virga regni tui: in qua dilexisti iustitiam, & odisti iniquitatem.* Et iterum dicit Dominus: *Kysaba in virga iniquitatis eorum.*

EXPLICIT PROLOGVS REGVLÆ



sacrae legis, vel cognitione ignoti baptismi, desperatos nos suo pondere in mortem fatigauerant. Nunc vero sapientiam Dei accipientes, & qui fuimus peccatorum, facinris aggravari. Domini suus vox ad requiem inuitat. Remittimus ergo peccato nuptissimis facinris: habet, vicia seculi in negligentibus, facinra pondere delictorum. Nos matrem nobis iam non delinam terrae. Euan, sed diuinam nos vocantem ad requiem Christianam legem sentimur. Similes & patrem iam non in arbitrio peccatorum Adam querimus, sed in voce Domini inuitantis nos; & desiderij nostris meritis non audemus, tamen in retatiuitate nostra sacri fontis tui, ubi sis iam te intuenimus.

PATER NOSTER QUI ES IN COELIS.

Videte ergo fratres, si iocundam iam in matrem Ecclesiam, & patrem aui sumus Dominum vocare de coelis. Ergo iam iuste a nobis relinquendus est pater terrenus, & mater carnalis: ne binis obtemperantes parentibus, non solum viciis offendantur, sed velut adulteri de duobus parentibus nasci, si carnales non dimittimus, iudicemur. Per lignum enim offensionis natio nostra de paradiso in veterum de vtero in mundum, de mundo usque in infernum descendit: nisi denique renati per baptismum, & per crucis signum iterum reparati, Domini passio ageret ut resurgat, & illa redeat in paradysum, generatio per gratiam, unde cum libero arbitrio cecident per offensam. Contrahit enim in nobis Dominus mortis, quae regnabat, aculeum: quando refugium crucis suae nobis contulit Christus. Et postquam nos gratiae suae restituit adoptionis, ad regna coelorum insuper nos non desinit inuitare. Vade vox Dominica dicit: *Si obseruaueritis mandata mea, ego ero vobis in patrem, & vos eritis mihi in filios.* Unde & nos, quamuis indigni, tamen propter agnitionem eius baptismi, in oratione audemus cum patrem vocare, adeoque oportere nos passionis eius esse participes, ut mereamur effici eius gloriae coheredes. Dicen-

tes

tes ergo, *Pater noster qui es in cælis*, iam tales non exhibeamus fratres, quales nos cupit filius Deus habere; & digne in nobis dissipitas filiorum infuset nomen, cum voluntate dissimile. Nam ipse est verus filius, qui non solum vult, sed & moribus simulari patri. Cum ergo meruissimus iam dixisse, *Pater noster qui es in cælis*: sequimur deinde in oratione dicentes:

*Sanctificetur nomen tuum.*

Non quod nouiter optemus sanctificari nomen eius, quod est ab æterno & usque in æternum sanctissimum; sed in bonis actibus filiorum magis ipse sanctificet: ut pater & Dominus in mentibus nostris tabernaculum suum, & inhabitatorem faciat Spiritum sanctum: ut adiuuet corda ipsa. Deus, ut vos custodiat eam semper per gratiam suam. Deinde dicitur:

*Adueniat regnum tuum.*

Videte fratres, ecce optamus aduenire regnum Domini, & iudicium eius accelerari vltro rogamus: & rationes nostras adhuc paratas non habemus. Sic ergo & nobis omni hora agendum est, ut Dominus & pater postea nos ita suscipiat, & bonis coram eo actibus quotidie complacentes sequestrans nos ab hoedibus, a dextris suis in æternis introducens nos regnis: Agnoscatur nobis in futuro iudicio propitium iudicem, quem in presenti seculo ausi vocauerimus patrem. Deinde dicimus:

*Hæc voluntas tua fiat in nobis & in omni.*

In hoc ergo verbo, fratres, pertinet in nobis liberi status arbitrij: si quicquid suasio ntrique serpentis nactus, nobis ingerit, si volumus, amputatur, cum Domini voluntas in nobis reparanda perficitur: sicut dixit Apostolus: *ut non quæcunque voluerit illa faciat*. Exigit enim Spiritus ut voluntas in nobis Domini fiat: ut iam non perficiat anima quicquid tam praua carne concupiscens sibi suaserat. Oramus ergo, ut voluntas in nobis Domini fiat. Si ergo & nobis sua voluntas sem-

Gal. 5.

semper perficiatur, non ergo erit propria, quæ discessit de  
suis malis in die iudicii, condetrahatur. Voluntas enim Do-  
mini sancta est, non datur dare, non timere iudicium: quæ vo-  
luntas sua quibus impleta fuerit, promittit, etiam ijs an-  
gelos iudicare. Hanc sanctam voluntatem Dominus & sal-  
uator noster per formam faciendi in se liberam, ut amputet  
in nobis carnis arbitrium, demonstrat nobis dicens: *Non*  
*Ioan. 6. veni facere voluntatem meam, sed eius qui me misit.* Et iterum in  
*Matt. 26. sancta sua passione dicit: Pater, si possibile est, transseat a me*  
*calix iste.* Hæc vero in Domino vox timoris erat carnis  
indutæ, ostendens nobis actus vitæ semper debere bene-  
tractari, si mors adueniens debet timeri. Et iterum erat  
interrogatio Domini apud patrem, si quod a nobis in no-  
bis volumus: potest impleri, aut quod nolumus potest no-  
bis contra desiderium nostrum iuste imponi. Vnde subse-  
quitur fidei forma, qua Dominus patris comittitur volun-  
tati, dicens: *Sed tamen non sicut ego volo, sed sicut tu vis.* Et ite-  
rum subsequitur: *Si non potest auferri a me calix iste, nisi ut be-*  
*Ibid. bam illum, fiat voluntas tamen tua.* Videte ergo quia quicquid  
a voluntate nostra eligimus, iniuste agnoscitur: & quic-  
quid nolentibus nobis a nunture imponitur, iuste proficit  
rationi. Nam quomodo, veris in se oculis suis vultum  
suum respicere homo non potest: si non index sibi ipse esse  
non potest, nisi iuste quod videtur a iudice iudicetur. Si ergo  
vultum suum videre potest nemo, voluntatem suam  
iustam probare quomodo potest: nisi in omnibus quod vi-  
detur ab illo iudicetur. Et ecce fratres, quantam repara-  
tioni nostræ Dominus copulavit pietatem, & qualem errori  
nostro salutis viam ostendit: ut in unigenito filio suo de-  
monstraret, quod in servis suis querebat perficere. Fiat  
*voluntas tua sicut in celo & in terra.* In celo, quod dixit, pas-  
sumus bene agnoscere fratres, quia sicut ab angelis in celis  
sancte perficitur, ita & in terris per Prophetas & Apo-  
stolos præceptorum Dei & in carnalibus hominibus exco-  
piatur

ptatur vt fiat . vt secundum sanctam scripturam dicentem in vtrisque elementis, hoc est, in coelo & in terra, in beneplacitis suis regnet, & in nobis Dominus : & sit vnus pastor, & vnus grex . Similiter & illud spiritualiter intelligere possumus, quod dixit : *Fiat voluntas tua sicut in coelo* : hoc est, in Domino, sicut in filio eius . Quia cælestis dum descendit voluntas Patris perficitur, dicente ipso Domino : *Non veni* Ioh. 6.  
*facere voluntatem meam, sed eius qui me misit* . Vides ergo si ipse Dominus saluator ostendit, se ideo venisse, vt voluntatem suam non faceret, sed iussa patris impleret ; quomodo malus seruus iussa mea neglexit, & meam facere voluntatem ? de quo dicit & Apostolus : *Quis est qui ascendit, nisi* Eph. 4.  
*qui & descendit in inferiora terra ?* Ita ergo & in terra dixit, hoc est, corporis nostri machina de limo terræ formata ; cui sententia Dei dictum est : *Terra es, & in terram ibis* . Similiter Gen. 3.  
effici iustitiam nobis Domini voluntas exposcitur, vt dum quotidie in nobis voluntas Domini fuerit operata, non inueniatur propria, quæ in futuro iudicio condemnetur ad poenam : sed sit in nobis voluntas Domini, quæ corone-  
tur ad gloriam . Deinde sequimur in oratione dicentes :

*Panem nostrum quotidianum da nobis hodie .*

Ergo fratres, cum supradicta Domini voluntas inculpabiliter a nobis quotidie fuerit adimpleta, & in timore Domini omnia fuerint mandata explicita ; digne operarijs suis rogatur annonam vt tribuat, qui digno mercenario mercedem non negat, Deinde dicimus :

*Et dimitte nobis debita nostra, sicut & nos dimittimus debitoribus nostris .*

Fratres, hoc orantes amplius timeamus, ne ad hæc verba precumstrarum respondeat nobis Dominus dicens : *Iudicio quo iudicatis, iudicabitur de vobis ; & mensura qua mensi estis,* Matt. 7.  
*remittetur vobis* . Et vide qui hoc petis, si quod tibi noluisse fieri alio non fecisti . Ergo antequam has voces Domini audiamus fratres, prius scrutemur corda nostra : si iuste

q q

& nos



& nos petimus a Domino, quod & a nobis est petentibus non negatum. Nos petimus, *Dimitte nobis debita nostra*: audit Deus, & cupit dimittere, sed si ante nos petentibus relaxemus. An dubito miser ego homo, ne benefactis meis diuina non retribuatur vices? Respice, agnosce, & considera, o miser homo, numquid magis tu pius quam Deus? qui ut tibi aliqua iustitiæ, aut agenda ingerat pietatis, post mercedem vel dona ipsius, tibi proficit ipsi & quod agit. Nihil enim Dominus minus habet in sua potentia, nec aliquid tuum indiget in virtute, aut deest & in gloria: solummodo nostra illi opus est salus, quam pro nobis prouidet gratia eius; quamque per nostram negligentiam illi de nobis possidet minus. Deinde dicimus:

*Et ne nos inducas in tentationem.*

1. Pet. 5.

Satis nos admonent, fratres, verba ista esse sollicitos: ideoque rogandus est Dominus, & crebris gemitibus tundenda sunt nobis corda atque pectora, ne patiatur Dominus seruos suos sine suo adiutorio aliqua nos hora consistere; ut non habeat potestatem neque aditum, per quod aduersarius noster diabolus, qui circuit nos ut leo quotidie, quærens aliquem nostrum deuorare; & prauis suasionibus suis quærit corda nostra inficere. Ergo incessabiliter est precandum ad Dominum; ut dignetur adiutorij sui custodia muro nos suæ gratiæ circumdare, & tentationum in nobis aditus sua munitione obstruere; ut non patiatur plasma facturæ suæ captiuum fieri, & seruitutibus cedere inimici. Si tamen supradicti hostis tentationibus non ultro nostrum tradamus assensum, & velut nosmetipsos ipsi nos captiuantes, hostem nostrum incipiamus magis desiderare, quam fugere. Sequimur deinde complentes orationem, dicentes:

*Sed libera nos a malo. Amen.*

Fratres sanctissimi, ante hoc Deus in nobis cupit perficere, quam rogetur: quia potens est, & nihil est ei difficile; sed si nos hoc mereamur: nec enim vult machinamur cadere

cadere nostram, quam manibus suis ipse construxit . Festinat enim eruere nos de laqueo , si sensum nostrum non ultro tradamus suasionibus inimici : sed rogantes incessabiliter Dominum , vt attributo nobis suæ gratiæ adiutorio, digne dicamus : *Quoniam a dextris est nobis Dominus, ne commoueamur* : & securi de Domino iterum repetamus : *Non timebo mala quoniam tu mecum es* . Vt qui in principio huius orationis ostendit nobis per gratiam , Dominum Patrem audere dicere, iterum ipse in fine orationis a malo dignetur nos liberare . Amen .

*Psal. 115.  
Psal. 122.*

Ergo fratres finita ad Dominum oratione, ipso iuuante agamus hunc de cetero de nostri seruitij opere : vt qui nos iam in filiorum dignitatus est numero computare, non debet aliquando de malis nostris actibus contristari . Ita enim ei omni hora de bonis suis in nobis parendum est, vt non solum iratus Pater suos nos aliquando filios exheredet ; sed metuendus Dominus irritatus a malis nostris, vt nequissimos seruos perpetuo tradat in pœnam , qui eum sequi noluerunt ad gloriam . Exsurgamus tandem aliquando vt pigri, excitante nos scriptura , ac dicente : *Iam enim hora est nos de somno surgere* : & apertis oculis nostris ad lumen deificū, attonitis auribus audiamus quæ diuina cotidie clamans nos admonet vox, dicens : *Qui habet aures audiendi audiat, quid spiritus dicat ecclesijs* . Qui dicit : *Venite filij audite me, timorem Domini docebo vos* . Currite dum lumen vitæ habetis ; ne tenebræ mortis vos comprehendant. & quærens Dominus in multitudine populi cui hæc clamat operarium suum auditorem, iterum reclamat dicens : *Quis est homo qui vult vitam ; Et cupit videre dies bonos ? tu qui audis responde ; Ego . Et Dominus tibi dicit : Si vis habere veram & perpetuam vitam, prohibe linguam tuam a malo, & labia tua ne loquantur dolium . diuertere a malo, & fac bonum ; inquire pacem, & sequere eam* . Et cum hæc feceritis oculi mei super vos iustos , & aures meæ in preces vestras . Et antequam me inuocetis, dicam

*Rom. 13.*

*Apo. 2.*

*Psal. 33*

*ibid.*

*ibid.*

vobis: Ecce adsum. Quid dulcius nobis ab hac voce Domini inuitantis nos fratres? Ecce pietate sua demonstrat nobis Dominus vitæ viam. Succinctis ergo per fidem vel obseruantiam bonorum actuum lumbis nostris, per ducatum Euangelij pergamus itinera eius: vt mereamur eum, qui nos in regnum suum vocauit, videre: in cuius regni tabernaculo si volumus habitare, nisi illuc bonis actibus curatur, minime peruenitur. Sed interrogemus cum propheta Dominum, dicentes ei: *Domine, quis habitabit in tabernaculo tuo, aut quis requiescet in monte sancto tuo?* Post hanc interrogationem, fratres, audiamus contra nos Dominum iterum respondentem, & ostendentem nobis viam ipsius tabernaculi, dicendo: *Qui ingreditur sine macula, qui operatur iustitiam, qui loquitur veritatem in corde suo: qui non egit dolum in lingua sua; qui non fecit proximo suo malum, qui opprobrium non accepit aduersus proximum suum: qui malignum diabolum aliqua suadentem sibi cum ipsa suasionem a conspectibus cordis sui respuens, deduxit ad nihilum, & paruulos cogitatus eius tenuit, & allisit ad Christum petram. Qui timentes Dominum, de bona obseruantia sua non se reddunt elatos; sed ipsa in se bona non a se posse, sed a Domino fieri æstimantes, operantem in se Dominum magnificant, illud cum propheta dicentes: Non nobis Domine, non nobis; sed nomini tuo da gloriam. Nec Paulus Apostolus de prædicatione sibi aliqua imputauit, dicens: Gratia Dei sum id, quod sum. Et iterum dicit ipse: Si gloriari oportet, non expedit mihi. Ergo subsequitur Dominus viam vitæ beatæ per monita sua dicens: Qui iurat proximo suo, & non decipit eum: qui pecuniam suam non dedit ad usuram, qui munera super innocentes non accepit. Et subsequitur nobis Dominus in euangelio dicens: Qui audit hæc verba mea, & facit ea, non mouebitur in æternum. Et nos interrogemus eum, dicentes: Quomodo Domine non mouebitur in æternum? Respondit nobis iterum Dominus: Quomodo? quia *similabo eum viro sapienti, qui edificauit domum suam supra**

pe-

*petram. Venerunt flumina, flauerunt venti, & impleverunt in domum illam, & non cecidit; fundata enim erat super petram. Hæc complens Dominus tacet, spectans nos quotidianis sanctis suis monitis factis nos respondere debere, ideo cotidie nobis propter emendationem malorum huius vitæ dies ad inducias relaxantur, dicente Apostolo: An nescitis quia patientia Dei ad poenitentiam nos adducit? Nam pius Dominus dicit: Nolo mortem peccatoris, sed ut convertatur & vivat.* Rom. 2.  
Ecc. 33. Cum ergo interrogassemus Dominum, fratres, de habitatore tabernaculi eius, audiimus habitandi præceptum; sed si compleamus habitatoris officium. Ergo præparanda sunt corda nostra & corpora sanctæ præceptorum obedientiæ militanda: & quod minus habet in nos natura possibile, rogemus Dominum, ut gratiæ suæ iubeat nobis adiutorium ministrare. Et si fugientes gehennæ poenam ad vitam volumus perpetuam peruenire, dum adhuc vacat, & in corpore sumus, & hæc omnia per hanc lucis vitam vacat implere, currendum & agendum est modo, quod in perpetuo nobis expediat. Constituenda est ergo a nobis dominici schola seruitij, ut ab ipsius nunquam magisterio discedentes, & in huius doctrina usque ad mortem in monasterio perseuerantes, passionibus Christi per patientiam mereamur esse participes, ut & regno eius Dominus nos faciat coheredes.

## INCIPIT DE GENERIBVS, VEL POTIVS DE ACTV

*& vita monachorum in coenobijs.*

### C A P I T V L V M   P R I M V M .

**M**onachorum quatuor esse genera manifestum est. Primum coenobiorum, hoc est, monasteriale, militans sub regula vel Abbate. Deinde secundum genus est anachoretarum, id est, eremitarum, horum qui non conuer-

sio-

fionis feruore nouitio, sed monasterij probatione diuturna, didicerunt contra diabolum multorum solatio iam docti pugnare, & bene instructi fraterna ex acie ad singularem pugnam eremi, securi iam sine consolatione alterius, sola manu, vel brachio contra vitia carnis vel cogitationum, cum Deo & spiritu repugnare sufficiunt. Tertium vero monachorum deterrimum genus est Sarabaitarum, quod melius adhuc laicum dixissem; si me propositi sancti non impediret tonsura. qui nulla regula approbati, & experientia magistra, sicut aurum fornacis; sed in plumbi natura moliti, adhuc factis seruantes seculo fidem, mentiri Deo per tonsuram noscuntur. Qui bini aut terni, aut certe singuli, sine pastore non dominicis, sed suis inclusi ouilibus; pro lege eis est desideriorum voluptas: cum quicquid putauerint, vel elegerint, hoc dicunt sanctum; & quod noluerint, hoc putant non licere. & dum in proprio arbitrio quærunt habere cellas, arcellas, & recellas, ignorant quia perdunt suas animellas. Simul & ij, qui nuper conuersi immoderato feruore eremum putant esse quietem; & non putantes insidiari & nocere diabolum, singularem cum eo pugnam indocti & securi inuadunt, sine dubio inducti lapi faucibus occursuri. Quartum vero genus est monachorum nec nominandum; quod melius tacere, quam de talibus aliquid dicere, quod genus nominatur gyrouagum: qui totam vitam suam per diuersas prouincias ternis aut quaternis diebus per diuersorum cellas, & monasteria hospitantes; cum pro hospitum aduentu a diuersis volunt quotidie nouiter suscipi; & pro gaudio superuenientium exquisita sibi pulmentaria apparari, & animantia pullorum, sibi curant cotidie a diuersis hospitibus pro aduentu cultello occidi, grauare se ita diuersos non credunt, commutando quotidie hospites, pro aduentu nouitatis sub importuna caritate diuersos cogant sibi præparare diuersa, & velut ab inuito a diuersis hospitibus. exigentes præceptum.

Apo-

Apostoli, in quo dicit : *Hospitalitatem sectantes* : per occasionem præcepti cum inquietos sibi pedes post viam fomentari expostulant , per occasionem itineris intestinas suas latiori coena vel prandio inquinatas , infinitis poculis magis quam pedes desiderent . Et post exinanitam a famelico hospite mensam , & miculas ipsas panis post viam deterfas , sitim suam sine verecundia hospiti ingerentes , si calix hoc casu defuerit , rogatur hospes in ipsa patella vt misceat . Et postquam ex vtraque parte nimietate cibi & potus percalcatis usque ad vomitum fuerint , totum laboriosæ viæ imputant , quod gula lucravit : & antequam nouus lectus lassatum magis a potionibus , vel ab escis , quam a via , hospitem suscipiat , laborem suæ viæ pro magno hospites enarrantes , dum mercedem repausationis largioribus pulmentarijs , & infinitis poculis hospitem sibi cogunt largire , rationem erroris sui per peregrinationem , & captiuitatem celando excusant , & mox de vicinis monachis aut monasterij positione interrogant ; vbi cum inde leuauerint , ponant vel applicent velut lassati . Et quasi quibusdam vniuersus clausus sit mundus , & ex toto eos nec loca , nec siluæ , nec latus ipse Aegypti eremus capiat , nec vniuersa monasteria ad seruitium Dei eos suscipiant ; & eos , vt diximus , totus mundus non capiat : inde se dicunt iuste errare , & ex toto locum repausationis , & refrigerium animæ , & integram se obseruationem disciplinæ nusquam posse inuenire . Quasi dicant se ita multum sapientes , vt totum ipsis solis displiceat , quicquid Deo & hominibus placet . Ideoque magis eligunt ambulare , & nouiter per diuersos quotidie hospites mutatas & varias refectiones , & per occasionem sitientes viæ repropinata pocula sumunt . Hoc ergo agunt , vt gulæ suæ magis cotidie peregrinari videantur quam animæ . Et cum eis post biduum ad vnum hospitem apparatus ipse in pulmentarijs iam minuendo subducitur ; & mane alia die facto , cum non ad refectionem coquendam ,  
sed

sed ad laborem cellulae suae viderint hospitem occupari: mox quæri sibi alium hospitem placet. Et adhuc non venit, & iam vadit. Tunc vale festinant avaro iam hospiti dicere: & cum migrare de tali hospitali satagent, orare post egressum suum hospitem postulant. Sic festinant, quasi ab aliquo impellantur: quasi eos iam expectent aliorum hospitem prandia præparata. Et non longe ab ipso monasterio, si inuenerint cellam monachi, repaulescentes dicunt, se porro a finibus aduenire Italiae: & nouiter aliquid de peregrinatione, aut de captiuitate, & ipsi hospiti quasi humili & inclinato capite mentientes, cum pro pietate longi itineris cogunt pij hospitis totam paupertatem in cacabis & in mensa exinaniri: sine dubio & ipse hospes nudus & a gluttonibus exinanitus post biduum relinquendus. Et cum post triduum & ipse, & cellae eius, & mores, & eius displicuerit disciplina: & cum subducta eis post biduum ab eo minus exhibuerit mensa, mox & ipse reassignare bisacias cogitur, quas diuersorum hospitem iam panes tostij impleuerant: cum in diuersorum hospitalijs in mensis recentes sumunt, illos seruatos cogunt per auaritiam mucidare. Ergo postquam eis bisaciae assignantur, mox & de pastura miser asinus reuocatur, cui post recentes viae labores misero pastura placuerat, si domino eius hospitale non displicuisset in biduo: & nouiter restratus, & diuersis tunicis & cucullis resarcinatus, quas aut importunitas a diuersis exegerat, aut inuenta occasio fraudis diuersos hospites nudauerat. & vt alios petant, fingunt se pannos aduestiri: & vale & ipsi hospiti dicentes, adhuc non venerunt, & iam vadunt, cum ad alia iam hospitalia in animo inuitantur. Cæditur, pungitur, vsulatur, lordicat miser asellus: & non vadit: vapulant aures eius, postquam clunes defecerint. Ideo miser perocciditur, & manibus lassus impingitur: qui assignatur & satagitur, vt ad alterius monasterij prandium occur-

occurratur . Et cum peruenerint ad alterius monasterij aut monachi regias, ita hilari & clamosa voce de foris, Benedicite, clamant; & quasi iam illum calicem in manum acceperint, quem mox ingressi monasterium pro siti sunt peturi: & intrantes regias, adhuc non renuntiati & suscepti, excarricant; & quasi pro aliquo debito, aut ex alicuius delegatione ibi adueniant, ante intus bifaciæ porriguntur, quam ipse hospes suscipitur . Et non prius ad oratorium festinatur, nisi pro labore desiderandi vini per occasionem viaticæ sitis: vt tu pro caritate hospiti vinum porrigas, ab illo sic mane aqua exposcitur . Hi enim tales cum ipsi ieiunia ambulando ignorant, & ad quoscumque superuenerint ieiunantes, aut pro superuentu hospitali cogunt eos ieiunia frangere; aut non erubescunt sua voce eis hoc dicere, magis eos propter auaritiam ieiunare, vt non hospitem velint recreare post viam; & per vagam suæ consuetudinis gulam cogunt perseverantium ieiunia violari: cum illi laborioso itineri imputant quicquid præsumunt, & nesciunt, quia vt eis non liceat ieiunare, aut abstinere; aut aliquo nesciant aliquando loco stare, non eos aliqua ambulare compellit necessitas, sed gulæ cogit voluntas: cum securi & superuenientes alieni laboris quærant panes comedere, & diuersorum lectis peregrinis straminibus sudores suos amant abstergere . In quibus straminibus cum indigesti præ crapula cibi & potus cupiunt satisfacere somno; vel cum quidam occupatione gulosæ ambulationis, psalmos aliquando neglexerint meditari, ipsorum ore respondent, se lassissimos post viam ossibus non posse de lectulo surgere, cum visi fuerint sani in mensa serotina manducare . Mox matutinorum expleto opere Dei surgunt velut gementes & lassissimi . Sic primo mane calefacti merore petito panis fragmento, aut ficti ægroti succos desiderantes, monasteria ipsa aut cellulas false exeunt, lardicando de ficta infirmitate, absconscite seouri, quod sanitatis gressus sint ab ipso



limine reformantes . Nam sibi nolunt sub imperio monasterij Abbatem de omnibus necessarijs cogitare, vel ipsi alicubi suo viuentes arbitrio facta cellula persistendo , vel ipsi sibi necessaria vitæ debuerant cogitare . Et si nostra illis displicet vita , vel suam nobis ostenderent formam . Vnde nunquam persistentes acti sunt cotidie ambulando mendicare, sudare & gemere ; quam vno loco stando laborare, & viuere : vt cotidie nouiter diuersorum cellas vt humiles intrent hospites ; solo capite inclinati : deinde superbi & velut ingrati post biduum migraturi, & veluti quibus diuersorum vita & actus, & omnium monasteriorum disciplina non placeat , eligunt magis ambulare , quam sistere . Qui per diuersa semper vagando ignorant apud quem tædia sua suscipiant : & quod est vltimum , nesciunt vbi suam constituent sepulturam . Vnde ergo magnum existimantes primum genus coenobitarum , cuius militia vel probatio voluntas est Dei, ad ipsorum regulam reuertamur .

*Zac. 1.*

Frates, clamat nobis cotidie Dominus dicens : *Conuertimini ad me , & ego conuertar ad vos.* Conuersio ergo nostra ad Deum, fratres, non aliud est nisi a malis reuersio ; dicente

*Psal. 33.*

scriptura : *Diuertere a malo, & fac bonum .* A quibus autem malis cum auertimur, Dominum intuemur ; & ille nos statim suo illuminans vultu, donans nobis adiutorium suum, mox gratiam suam petentibus tribuit ; quærentibus ostendit, pulsantibus patefacit . Hæc tria Domini dona concessa ipsis conueniunt, qui Dei voluerint, non suam facere voluntatem . Quia aliud nobis Dominus in spiritu imperat , aliud caro cogit in anima : & quis a quo victus fuerit, ipse & seruus est . Ecclesiæ suæ namque Dominus secundum Trinitatis nomen tres gradus doctrinæ constituit ; primum prophetarum, Apostolorum secundum, doctorum tertium : sub quorum imperio vel doctrina Christi regerentur Ecclesiæ & scholæ : vt pastorum vice sanctis ouilibus diuinas oues & cludant & doceant, dicente Domino per Isaiam prophetam :

tam: *Dabo vobis pastores secundum cor meum, & pascent vos pascentes cum disciplina.* Et ipso Domino dicente: *Simon Ioannis pasce oves meas: docentes eas servare ea quæ mandavi vobis.* Et ecce ego vobiscum sum omnibus diebus usque ad consummationem sæculi. Ideoque omnes, quibus adhuc insipientia mater est, expedit sub vnius esse potestate maioris: ut doctoris arbitrio ambulantes, iter voluntatis propriæ discant nescire. Per doctorem enim nobis imperat Dominus: quia sicut dixit superius, cum ipsis doctoribus est semper omnibus diebus usque ad consummationem sæculi: sine dubio non aliud, nisi nos ædificaturus per eos, dicente ipso Domino discipulis suis, doctoribus nostris: *Qui vos audit, me audit: & qui vos spernit, me spernit.* Ergo si quæ a doctoribus audiimus, & facimus: non iam quæ volumus exercemus: ut in die iudicii nihil habeat in nobis quod secum diabolus vindicet in gehennam; quia in nobis hoc semper egit Dominus, quod iudicaret ad gloriam.

Ioan. 15.

Matt. 28.

Matt. 10.

## CAP. II. INTERROGATIO DISCIPULI.

*Qualis debeat esse Abbas.*

RESPONDET DOMINUS PER MAGISTRUM.

**A**bbas, qui præesse dignus est monasterio, semper meminere debet quod dicitur, & nomen maioris factis implere. Christi enim agere creditur vices in monasterio, quando ipse vocatur pronomine, dicente Apostolo: *Sed accepistis spiritum adoptionis filiorum, in quo clamamus Domino, Abba pater.* Ideoque hic Abbas nihil extra præceptum Domini, quod absit, debet aut docere, aut constituere, aut iubere: ut iussio eius, vel monitio, siue doctrina fermentum diuinæ iustitiæ in discipulorum mentibus conspergatur. Memor semper Abbas, quia doctrinæ suæ, vel discipulorum obedientiæ, amborum rerum in tremendo iudicio Domini facienda erit discussio. Et sciat Abbas, culpæ pastoris incumbere, quicquid in ouibus paterfamilias utilitatis minus potuerit in-

Rom. 8.

uenire. Tantumdem iterum erit liber, vt si inquieto vel inobedienti gregi pastoris fuerit omnis diligentia attributa, & morbidis earum actibus vniuersa fuerit cura exhibita, pastor eorum in iudicio Domini absolutus dicat cum propheta Domino: *Non abscondi in corde meo veritatem tuam: & salutare tuum dixi: Ipsi autem contemnentes spreuerunt me.* Et tunc demum inobedientibus curæ suæ ouibus poena sit eis præualens ipsa mors. Ergo cum aliquis suscipit nomen Abbatis, duplici debet doctrina suis præesse discipulis: id est, omnia bona & sancta factis amplius quam verbis ostendere; quomodo intelligentibus discipulis mandata Domini proponat; duris corde vero & simplicibus factis suis diuina præcepta monstret. Omnia vero quæ discipulis docuerit esse contraria, in se factis indicet non agenda: *ne alius prædicans ipse reprobis inueniatur; ne quando illi dicat Deus peccanti: Quare vero tu enarras iustitias meas: & sumpsisti testamentum meum per os tuum? Tu vero odisti disciplinam.* Et qui in fratris tui oculo festucam videbas, in tuo trabem non vidisti? Non ab eo persona in monasterio discernatur; non vnus plus ametur quam alius; nisi quem in bonis actibus inuenerit meliorem. Non conuertenti seruo pro merito nationis præponatur ingenuus. Quare? quia seruus siue liber omnes in Christo vnum sumus; & sub vno Domino æqualem seruitij militiam baiulamus. *Quia non est apud Deum personarum acceptio.* Solummodo in hac parte apud Deum discernimur, si ab alijs meliores factis inueniamur. Et tamen vt ostendat Deus circa omnes pietatis suæ clementiam, pariter iubet elementa, vel terram iustis vel peccatoribus famulari æqualiter. Ergo æqualis sit ab eo omnibus caritas; vna præbeatur in omnibus disciplina. In doctrina sua namque Abbas Apostolicam debet illam semper formam seruare, in qua dicit: *Argue, obsecra, increpa;* id est, miscens temporibus tempora, terroribus blandimenta, durum magistri, pium patris ostendat affectum.

Id est,

Id est, indisciplinatos & inquietos debet arguere: obediētes & mites, & patientissimos, ut in melius proficiant, obsecrare: negligentes & contemnentes ut increpet admonemus. Humilitatis vero talem in se eis formam debet ostendere, qualem Dominus contenditibus de gradu fortiori Apostolis demonstravit: id est, cum apprehensa manu infantem in medio eorum deduxisset, dixit: *Qui vult esse inter vos fortior, sit talis.* Ideoque quicquid Abbas discipulis pro Deo agendum iniunxerit, impleat factis, & tradens omnia ordinationis suæ protelo sequantur membra, qua duxerit caput. Caritatem vero vel gratiam talem debet circa omnes fratres habere, ut nullum alij præferens, omnibus discipulis vel filiis suis amborum parentum in se nomen exhibeat: matrem, eis suam præbens æqualiter caritatem; patrem se eis mensurata pietate ostendat. Meminisse debet Abbas semper quod dicitur. Quia cui plus creditur, plus ab eo exigitur: & sciat, quia qui suscipit animas regendas, paret se ad rationes reddendas. Et quantum sub cura sua fratrum habere sciuerit numerum, agnoscat pro certo, quia in die iudicii ipsarum omnium animarum tantas est redditurus Domino rationes; sine dubio addita & sua: quia ut fratres in monasterio propriam non agerent voluntatem, huius semper iussionibus omni obedientia militarunt. Quia cum discussi fuerint de omnibus actibus suis, dicturi sunt in iudicio Domino, omnia facta sua per obedientiam a iussione impleta esse magistri. Ideoque debet semper cautus esse magister, ut omnia quæ imperat, omnia quæ docet, omnia quæ emendat, de præceptis Dei iustitia dictante monstrentur, quæ futuro iudicio non condemnentur; timens semper futuram discussionem pastor de creditis ouibus. Quia & cum de alienis ratiocinijs cauet, redditur de suis sollicitus; & cum de monitionibus suis emendationes alijs subministrat, ipse efficitur a vitijs emendatus. Quicquid vero Abbas pro utilitate mo-

na-

Matt. 18

monasterij agere aut facere voluerit, cum consilio fratrum agat: & conuocatis omnibus fratribus de utilitate monasterij tractetur communiter. ita tamen non libero ausu fratres aut inuito suæ pietatis arbitrio, sed iussione & imperio Abbatis eligendis forte consilijs applicentur. Nam, ideo omnium quæratur consilium, quia quot homines, tot sunt pro diuersitate interdum sententiæ: ne forte, a quo non speratur, melius subito detur consilium; & communi utilitati hoc magis proficiat: & de multis consilijs quod eligatur facile inuenitur. Quod si de omnibus nullus aptum potuerit dare consilium, tunc Abbas, reddita ratione consilij sui, constituat quod vult. Et iustum est ut membra caput sequantur. Ideo omnes fratres diximus ad consilium debere vocari; sed in sententiam monasterij: quia res monasterij omnium est, & nullius est. Ideo omnium, quia proficiendo successionem quandoque in monasterio vicibus de se fratres expectant: ideo nullius, quia nihil in monasterio aliquid sibi a fratribus peculiariter vindicatur. Et nullus suo aliquid constituit ut faciat arbitrio, sed omnes sub imperio degunt Abbatis. Qui ergo Abbas sanctæ huius artis sit artifex, non sibi ipsius artis, sed Domino assignans ministerium, cuius in nobis gratia fabricatum, quicquid a nobis sancte perficitur: quæ ars doceri & disci debet in monasterij officina & exerceri, prout cum spiritalibus ferramentis.

CAP. III. INTERROGATIO DISCIPVLI SEQUENTER,

*Quæ est ars sancta, quam docere debet Abbas  
discipulos in monasterio?*

RESPONDET DOMINVS PER MAGISTRVM.

**Q**uæ hæc est ars sancta? primo credere, confiteri, & timere Deum patrem, & filium, & Spiritum sanctum, unum Deum in trinitate, & trinum in vnitatem. trinum in vna deitate, solū & vnum in trina maiestatis potentia. Ergo hunc ex toto.

COR-

corde & ex tota anima diligere, & proximum tanquam seipsum. Deinde non occidere, non adulterare, non facere furtum, non concupiscere, non falsum testimonium dicere; honorare patrem & matrem: & quod sibi quis non vult fieri, alio ne faciat. Abnegare semetipsum, vt sequatur Christum; corpus pro anima castigare, delicias fugere, ieiunium amare, pauperes recreare, nudum vestire, infirmum visitare, mortuum sepelire, in tribulatione subuenire, dolentē consolare, mutuum dare indigenti: a sæculi actibus se facere alienum: nihil amore Christi præponere, iram non perficere: iracundiæ tempus non reseruare: dolum in corde, non tenere: de conscientia pacem falsam non dare, fratri fidem seruare: non amare detrahere: promissum complere, & non decipere; caritatem non derelinquere: non amare iurare, ne forte periuret: veritatem ex corde & ore proferre: malum pro malo non reddere: iniurias non facere, sed & factas patienter sufferre: inimicos plusquam amicos diligere: maledicentes se non remaledicere, sed magis benedicere: persecutionem pro iustitia sustinere: non esse superbum, non vinolentum, non multum edacem, non somnolentum, non pigrum, non murmuriosum: spem suam Deo committere: bonum aliquid in se cum viderit, a Deo factum magis quam a se existimet: malum a se factum iudicet, & sibi & diabolo imputet: desideria sua a Deo perfici optare: substantiam suam non in solo labore manuum suarum, sed plus a Deo sperare: diem iudicii timere, gehennam expauescere: vitam æternam & Ierusalem sanctam desiderare: mortem quotidie ante oculos suspectam habere: actus vitæ suæ omni hora custodire: in quouis loco a Deo se respici pro certo scire: cogitationes malas cordi suo aduenientes ad Christum mox allidere debere: os suum a malo vel prauo eloquio custodire: multum loqui non amare: verba vana aut risu apta non ex toto loqui: risum multum aut excussum non amare: lectiones sanctas

li.

libenter audire : orationi frequenter incumbere : mala sua præterita cum lacrimis vel gemitu Deo confiteri in oratione cotidie : de ipsis malis de cetero emendare : desideria carnis non perficere : voluntatem propriam non audire : obedientiam ammonitione Abbatis parere : non cupere dici se sanctum antequam sit, sed prius esse quod verius dicatur, & sic dici debere. Præcepta Dei factis quotidie adimplere; castitatem amare; nullum odire; zelum non habere; inuidiam non exercere; contentionem non amare: ante solis occasum cum inimico redire in gratiam; omnibus bonis ex toto corde obedire; & de Deo nunquam desperare.

Ecce hæc ars est sancta, quam sacramentis debemus spiritalibus operari: quæ ars sancta cum fuerit a nobis diè noctuque incessabiliter adimpleta, & cum vnusquisque in diem iudicij Domino Deo futurorum & factorum suorum opera signauerit, tunc hæc ars, quæ ex Dei voluntate descendit, cum a nobis perfecta & inculpabiliter Domino fuerit in die iudicij reassignata, illa merces nobis a Domino repensetur, quam nobis fidelis Dominus promittit, quæ præparatur sanctis, & Deum timentibus, & hæc præcepta factis implentibus; habitandi in perpetuo terram, septies argento lucidiorem: de cuius camera coeli non istius solis vel lunæ, non stellarum candor, sed ipsius Dei perpetua maiestas lucebit. In cuius terræ fulgore mellis & lactis, vini, & olei flumina in æternum currentia præparantur. In quorum ripis diuersarum fructus arborum varios & diuersos duodecies in annum nascentes, non cultura hominis, sed abundantia Deitatis, qui non fame delectant ad vescendum, vel esurie appetuntur ad manducandum; sed postquam oculi nostri ipso visu fuerint saginati, insuper vnique hoc sapit in os quo fuerit delectatus. Sonant ibidem iugiter super ripas illorum fluminum posita organa hymnorum: quæ ad laudem regis ab angelis psallentibus simul sanctis archangelis decantantur: quarum dulcedine vocum

cum ita sanctorum delectantur auditus, ut ipsa modulatione canoris nimia delectatione garrula mens plus libeat exultare : cum in duplici fulgore coeli terræque diuiniter radiantis , in ipso candore terreni luminis ornata auro vel gemmis Ierusalem ciuitas , diuersarum margaritarum rutilatione coruscet . Cuius muri vel portæ, plateæ , vel vici canoræ vocis suauis modulamine personant alleluia . In qua exultatione sancti in imagine cælesti fulgentes, gaudebunt se de perditione seculi liberatos, has diuitias cælestes a Deo in perpetuum meruisse . Vnde quo tramite ad talia perueniendum sit, ad textum superioris paginæ recitamus .

CAP. IV. INTERROGATIO DISCIPULI CONSEQUENTER.

*Quæ sunt sramenta spiritalia , cum quibus operari possumus artem diuinam ?*

RESPONDET DOMINVS PER MAGISTRVM.

**Q**uæ fides, spes, caritas, pax, gaudium, mansuetudo, humilitas, obedientia, taciturnitas, præ omnibus castitas corporum, conscientia simplex, abstinentia, puritas, simplicitas, benignitas, bonitas, misericordia, præ omnibus pietas, temperantia, vigilantia, sobrietas, iustitia, æquitas, veritas, dilectio, mensura, modus, & perseverantia usque in finem .

CAP. V. INTERROGATIO DISCIPULI.

*Quæ est materies vel causa malorum , quæ in fornace timoris Dei excoqui debet? Vel quæ est erugo, vel sordidatio vitiorum, quam de nobis decet lima iustitia mundare?*

RESPONDET DOMINVS PER MAGISTRVM.

**C**auenda nobis vitia hæc sunt. primo superbia, deinde inobedientia, multiloquium, falsitas, auaritia, cupiditas, zelus, inuidia, iniquitas, odium, inimicitia, ira, rixa, contentio, fornicatio, ebrietas, voracitas, murmuriū, impietas iniuncti, pigritia, furtū, detractio, scurrilitas, leuitas, immunditia vaniloquiū, risus multus, vel excessus, subsannatio, concupiscentia, dolus,



lus, ambitio, vacatio. Hæc omnia non sunt a Deo, sed opera sunt diaboli: quæ in die iudicij a Deo meritum suum, perpetui ignis gehennam, merentur.

### CAP. VI. INTERROGATIO DISCIPULI.

*Qua est officina diuina artis, vel operatio spiritualium ferramentorum?*

RESPONDET DOMINVS PER MAGISTRVM.

Officina vero monasterium est; in qua ferramenta cordis in corporis clausura reposita opus diuinæ artis diligenti custodia perseuerando operari potest.

### CAP. VII. INTERROGATIO DISCIPULI.

*De obedientia discipuli, qualis debeat esse.*

RESPONDET DOMINVS PER MAGISTRVM.

Primus humilitatis gradus est obediētia sine mora. Sed hæc forma paucis conuenit, & perfectis; his, qui nihil sibi a Christo carius aliquid æstimātes, propter seruitium sanctum quod professi sunt, vel propter metum gehennæ, vel diuitiæ vitæ æternæ, mox vt aliquid imperatum a maiore audierint, moram pati nesciunt in sequendo. De quibus Dominus dicit: *Obaudit auris obaudiuit mihi.* Et item dicit doctoribus: *Qui vos audit, me audit.* Ergo hi tales relinquentes statim quæ sua sunt, & voluntatem propriam deferentes, mox exocupatis manibus, & quod agebant imperfectum relinquētes, vicina obedientiæ pede iubentis vocem factis sequuntur: & veluti vno momento prædicta magistri iussio, & perfecta discipuli opera in velocitate timoris Dei ambæ res communiter citius explicantur. Sed hæc paucorum perfectorumque forma, infirmorum, & pigrorum animos in desperatione sua satis non reddat attonitos, sed moneat imitandos. non considerantes in nobis diuersa esse vasa flebilia, cum multum in diuersis pigritiæ contulit tarda natura. Nam quorundam auditus noscuntur surdo stupore hebescere, quorundam etiam animos fusione subita in siluosis cogitatione-

*Psal. 17.  
Matr. 10.*

tionibus cernimus aberrare. Ideoque remissius districtio-  
nem obedientiæ in doctoribus relaxamus, vt combinata  
præceptione discipulis & iussionem suam magistrum non  
pigeat repetere, secundum testimonium Domini, qui vo-  
cavit, *Abraham, Abraham*. Quæ ergo repetitio manifestat  
nobis Dominum ostendisse, non posse sufficere vnā vo-  
cem auditui. Nam in ipsis interrogationibus repetita ma-  
gistri vox repræbatur discipulis. Secunda ideo interroga-  
tio non respondentibus iuste indulgetur, vt prima adhuc  
discipuli taciturnitas non reatui, sed reſeruatae magistro re-  
uerentiæ custodia deputetur. In qua reuerentia utilis di-  
scipulus tarde creditur frangere taciturnitatem, quam con-  
tinet: vt non ad interrogationem tuam mox præceptum in-  
lingua suis te responsis occupet prius. In præceptionibus  
vero ideo magistri iussio repetitur, vt quamuis tardi aut ne-  
gligentes sint auditores, cum secundo eis dicta primitus  
repetuntur, vsque adeo dignum est, vt secunda iam obe-  
dientibus factis mora rumpatur. Si vero tertia, quæ absit  
vt contingat, in discipulis obedientiæ mora fuerit, culpa  
contumaciæ reatui deputetur. Nam & illud de duabus  
vijs congrue hic & conuenienter taxandum est: id est, la-  
tam, quæ ducit ad mortem; & arctam, quæ ducit ad vitam.  
In quibus duabus vijs diuerſorum hominum obedientiæ  
gradiuntur: id est, per latam viam sæcularium, & Sarabaita-  
rum, & gyrouagorum monachorum: qui aut singuli, bini,  
& terni sine maiore ipsi sibi æqualiter viuentes, & volun-  
tarie ambulantes, & pro alterno imperio quicquid placue-  
rit sibi, vicibus inuicem imperantes, & quæ voluerint pe-  
culiariter in se defendentes: cum in proprio vnusquisque  
consilio non vult se vinci, scandalum sibi tales nunquam  
faciant esse absentem. Mox post studiosam litem male  
congregati, a se inuicem separantes, & sicut grex sine pasto-  
re oberrans, per diuersa dispersus, sine dubio lupi faucibus  
occurſurus: prouidentes sibi, non Deo, sed proprio arbitrio

Gen. 22.

Mat. 7.

nouas iterato cellas, & de se solo sibi soli Abbatis nomina  
 imponentes, monasteria videas pluriora esse quam mona-  
 chos. In hoc enim via lata a talibus creditur ambulari,  
 cum in nomine monachi communi more viuentes, cum  
 laicis solo tonsuræ habitu separati, obedientias suas magis  
 desiderijs subministrant, quam Deo; & suo iudicio putant  
 sibi licere, quæ mala sunt: & quicquid voluerint, hoc di-  
 cunt sanctum; & quod noluerint, hoc putant non licere.  
 Et acceptum ducentes, vt cogitationibus suis corpori eo-  
 rum magis provideatur, quam animæ; id est, victum, ve-  
 stitum, & calcearium magis sibi melius ipsi posse cogitare,  
 quam alium: nam de futuris ratiocinijs animæ negligendo  
 ita se reddunt securos, vt sine maiorum probationibus sub  
 proprio arbitrio militantes, credant se omnem legem & iu-  
 stitiam Dei perfecte in cellula operari. Nam si forte super-  
 uenientium quorundam maiorum cum emendationum  
 quædam eis monita ministrantur, & inutilis eis docetur ta-  
 lis solitaria dispositio habitandi; mox eis displicet cum ipsa  
 doctoris persona consilium: & statim non in consentiendo  
 ei, vel in sequendo eum emendationem promittunt; sed  
 respondent, se viuere debere simpliciter: nescientes illud  
 quod dixit propheta: *Corrupti sunt, & abominabiles facti sunt in  
 voluntatibus suis.* Et illud testimonium Salomonis, quod di-  
 cit: *Sunt viae quæ videntur hominibus rectæ, quarum finis vsque  
 ad profundum inferni demergit.* Ideo enim via lata a talibus  
 ambulatur, quia quocunque eos desideriorum duxerit pes,  
 mox assensu sequuntur: & quicquid concupierint, concu-  
 piscentiæ eorum illico paratissimus seruit effectus; & no-  
 uos sibi licentiæ calles, vel vt liberi sine magistro arbitrij fa-  
 cientes, viam vitæ suæ illicitis voluptatum diuersitatibus  
 delectant; & quocunque etiam delectationes voluerint  
 progredi, licentes & patulos sibi præbeant gressus: illud  
 semper scire nolentes, quia homini creato *mors iuxta introi-  
 tum delectationis posita sit.* Et quod eis dictum sit: *Post concu-  
 pi-*

Psalm. 13

Prov. 4.

Eccl. 18.  
ibid.

*presentias tuas non eas, & a voluntatibus tuis auerte: furdo auditu pertranseunt. E contrario quibus vero ad vitam æternam ambulandi amor incumbit, ideo angustam viam arripiunt, vt non suo arbitrio viuentes, vel desiderijs suis, & voluntatibus obedientes, sed ambulantes alieno iudicio, & imperio, non solum in supradictis desiderijs suis & voluntatibus coarctantur, & facere suum nolunt, cum possunt, arbitrium; sed etiam alieno se imperio subdunt, & in cœnobijs degentes Abbatem sibi præesse desiderant. Et sine dubio hi tales illam Domini imitantur sententiam, quæ dicit: Non veni facere voluntatem meam, sed eius qui me misit. Et proprium non facientes arbitrium, abnegantes propter Christum semetipsos, sequuntur Deum, quocumque Abbatis præceptio duxerit. Et non solum de temporalibus necessarijs, id est, victum, vestitum, & calcearium non coguntur sibi sub Abbatis sollicitudine cogitare; sed & de futuris suæ ratiocinij animæ solam in omnibus præceptori obedientiam ministrando, de ceteris vtilitatibus suis, tam corporis quam animæ, redduntur securi. Quia siue bene, siue male, pastori incumbit quod in ouibus exercetur; & illum tanget in discussionis iudicio rationem reddere, qui imperat, nō qui imperata perficit, siue bona siue mala. Ideo enim via angusta a talibus creditur ambulari, quia propria in eis desideria minime adimplentur: & non quod volunt perficiunt, sed alieni iudicij iugum trahentes, quo ire delectationibus suis voluerint, repelluntur; & a magistro eis quod agere aut facere voluerint denegatur. Amaricatur voluntati eorum quotidie in monasterio pro Domino, & ad probationem quæque iniuncta fuerint, sustinent velut in martyrio patienter; sine dubio illud Domino cum propheta dicturi in monasterio: Propter te morte afficimur tota die; estimati sumus vt oues occisionis. Et item dicturi postea in iudicio Domino: Probasti nos Deus, igne nos examinasti, sicut examinatur argentum. Induxisti nos in laqueum; posuisti tribulationes*

Ier. 6.

Psal. 43.

Psal. 65.

in

ibid.

*in dorso nostro, imposuisti homines super capita nostra. Cum ergo dicent: imposuisti homines super capita nostra, nolentur habere super se debere maiorem constitutum vicē Dei, quem in monasterio timeant. Et subsequentes testimonium conuenienter item Domino dicent in illo iam sæculo: Transiimus per ignem & aquam, & induxisti nos in refrigerium. hoc est, transiimus per amaricationes voluptatum nostrarum, & seruimus per obedientiā peruenimus ad tuū refrigerium pietatis. Sed hæc ipsa obedientia tunc acceptabilis erit Deo, & dulcis hominibus, si quod iubetur, non trepide, non tepide, non tarde, vel cum murmurio, vel cum responso nolentis efficiatur. Quia obedientia, quæ maioribus præbetur, Deo datur. Sicut dicit Dominus doctoribus nostris: Qui vos audit, me audit. Et alibi dicit: obauditu auris obaudiuit mihi. Ergo ipsa obedientia, cum bono animo a discipulis præbeatur: quia hilarem datorem diligit Deus. Nam si cum malo animo discipulus obedit, non solum nobis ore, sed & Deo de corde improperat, quod malo animo facit. Et quamuis impleat, quod ei fuerit imperatum; tamen acceptum iam non erit Deo, qui cor eius respicit murmurantis: & quamuis faciat quod iubetur, tamen cum malo illud faciat animo, nullam de ipso facto mercedem Dominus imputabit: cum scrutans mox Deus corda eius, triste facientis votum in eo inuenerit.*

## CAP. VIII. INTERROGATIO DISCIPVLI.

*De taciturnitate discipulorum, & qualis & quanta debeat esse.*

RESPONDET DOMINVS PER MAGISTRV.

**H**UMANI generis machina nostrum est corpusculum: & cum sit mensura paruum, & in aliquantis prolixis hominibus vix quinque a terra pedibus erigatur, o iactantiæ vanitas! omnis homo viuens in ipsa paruitate sua altitudinem cœli & latitudinem terræ putat se sua sapientia mensurare. Vnde scientes nos ex limo terræ esse vasa fle-

bilia,

bilis, & quasi quædam terræ glebas, ad paruum tempus erectas de terra, in suo sulco denuo recasuras; humiliati ergo tanquam de terra pulvis dicamus quod sumus: Ergo hæc caro corpusculi nostri quasi quædam domus est animorum; sic vitæ ministerio attributa, sicut seruit gladio theca. Sedem vero ipsius animæ in cordis credimus radice fundatam: quæ radix duos in corpore supremos possidet ramos, & plus fragiles in peccato. Vnum, in quo corporali muro quasi per quædam fenestras oculorum foraminibus deintus animam credimus respicere, & deintrinsecus concupiscentias suas ipsam semper intelligimus incitare. Alium rami, in quo conceptos foetus cordis ipsa in nobis sonat parturiens per linguæ eloquium: vt per portam exiens oris occupet alienum auditum; & quicquid in nobis agitur & mouetur, animæ est actus in corpore. Vnde e contrario fit, vt migrante de ipso domicilio anima, totum in mortuo homine desit quod agebatur in viuo ab anima, quæ migravit. Et mox sua terræ mortua reddita gleba, reuertens in naturam terræ hominis terra; absconsoque homine in sepulcro, recoperta fossa in figura sua terra redeat pauimenti; vt similis tunc fuisse terra viuente agnoscat in homine, quæ animæ fuerat vigore erecta, & peregrina vitæ mutata ad tempus. Idcirco anima a nobis migrante rigore stare non potest nostri corporis terras; sed cadens in naturam suam abscondit in sinu suo terra facturam, quam genuit. Ergo si hæc anima in nobis oculorum visum, oris eloquium, aurium agit auditum; & cupit propter futuram discussionem factoris sui, voluntati Dei obtemperare, & eius dum viuit militare præceptis, claudat concupiscentijs suis oculorum fenestras, & humiliatos declinet in terram aspectus; vt mala non videat, & cum curuatus fuerit noster obtutus, ne quæcunque viderit anima concupiscat. Habet deinde anima nostra constitutam portam oris, & seram dentium, quam prauo claudat eloquio:

quo : vt non accuset anima factorem suum muniminum. sibi minime custodiam fabricasse ; id est, cum promouerit a cordis radice aliquod fratrem , & senserit se exterioris muri clausura; id est, oris & dentium sibi exitum denegari, reuertens denuo ad radicem cordis, ibi pereat in abhorratione sua, & vt paruulus allidatur ad petram, quam nascendo per linguam crescat ad poenam. Alij vero rami corporis nostri, qui imperio cordis deseruiunt, a peccato facile refrenantur; id est, tactus manuum, & gressus pedum : quia & furem clausura catenæ, & homicidam timenda refrenant iudicia, & fugacem retinet pedica. Ergo illa, quæ superius diximus, tria suprema cautius debent a fratribus custodiri: id est, cogitatio, eloquium, & aspectus. Cogitatio, vt mox captiuauerit mentem mala cogitatio, signata statim a fratribus sua fronte, vel ipsum pectus, mox ad præcepta Christi suam conuertat memoriam, & dicat sibi frater cum propheta: *Memor fui Dei, & consolatus sum*. Et idem dicat: *Isal. 17. A te eripiar a tentatione, & in Deo meo transgrediar murum*. Si vero eloquio iracundo, aut prauo, aut vano, negligentia os armauerit, mox clauso ore & signato crucis sigillo in corde sibi loquatur, dicens cum propheta: *Isal. 38. Dixi custodiam vias meas, vt non delinquam in lingua mea. Posui ori meo custodiam: obmutui, & humiliatus sum nimis, & filii a bonis*. His ostendit propheta, si a bonis eloquijs propter taciturnitatem debet interdum taceri, quanto magis a malis verbis propter peccati poenam debet cessari? Ergo quamuis de bonis & sanctis, & ædificationum eloquijs perfectis discipulis propter taciturnitatis grauitatem rara loquendi concedatur licentia, tamen ab alijs verbis non interrogati fratres tam diu in taciturnitate silescent, quamdiu taciti frena oris eorum Abbatis interrogatione laxentur. Ideoque taciturnitas debet magnopere a fratribus custodiri: *Prov. 10. Quia in multiloquio non effugitur peccatum*. Et ideo, *ibid. 14. mors & vita in manibus lingue*. Nam loqui & docere

ma-

magistrum condecet ; tacere & audire discipulo conuenit.

CAP. IX. *Quo ordine tacentes fratres aliquas interrogationes faciant Abbati.*

RESPONDET DOMINVS AD MAGISTRVM.

**C**um de malis tanquam de bonis eloquijs freno taciturnitatis constringuntur discipuli, & licentiæ eorum aditus præsentis magistri custodia obseruantur; cum necessaria vtilitati eorum aliquæ interrogationes aduenerint, adhuc clauso ore & signato tacitæ grauitatis sigillo, stantes ante maiorem inclinato humilitatis capite, clausum in silentio os clauæ benedictionis aperiant. Quod si semel dictæ benedictioni ad postulandum eloquium adhuc non respondeat magistri permissio, iterato humiliationis capite, & benedictione sola iterum repetita, denuo ab Abbate postuletur licentia. Quod si nec sic ab eo responsum fuerit, curuato item in humilitate discipulo, iam ipse frater se tunc demum remoueat; ne aut nimius ei appareat, aut improbus, & suo operi redditus adhuc gerat personam tacentis: vt in ipsa humilitate taciturnitatis existimet semetipsum ideo indignum iudicatum ad loquendum Abbatis iudicio; aut forte ad probationem inueniendæ humilitatis, putet sibi discipulus taciturnitatis ideo fuisse non apertam clausuram. Ideo enim ipsam solam benedictionem denuo diximus repetere; vt cum sola est, & sine alio eloquio, tamen reseruata diu taciturnitas conseruetur: cum denuo repetitur, & post ipsam mox a nolente disceditur, adhuc conseruari probata humilitas sentiatur. Nam ideo repetitio discipuli reoffertur magistro, vt non solum propter spiritalem probationem, ad inueniendam humilitatem discipuli, dici possit tacere magister; sed ne & corporaliter per cogitatum animo occupatus, vultus eius alijs cogitationibus obstupefcens, vocem precantis  
t t disci-



discipuli surdis auribus prætermittat : & ne ipsum magistrum per nimiam & importunam humilitatem in iræ cogat vitium declinare : & importuna humilitas in impedimento scandalî deputetur . Ideo enim diximus post secundam suggestam benedictionem nolenti maiori tertiam iam non repetere debere ; sed mox discipulum exinde debere discedere , & cum ipsa taciturnitate opus laboris , quod faciebat , debere perficere . Hæc interrogatio benedictionis , quæ vix sola taciturnitate laxatur , cum inclinatione humiliati capitis a discipulis præbeatur : id est , in omni loco , per omnem horam ; hoc est , in monasterio , in agro , in via , in horto , vel in quouis loco : vt nunquam desit menti nostræ memoria Dei , propter quem aguntur hæc omnia ; vt cum forte aliquis ignarus , talem fratrem interrogauerit , dicens : quare tacitus & tristis es , & inclinato ambulas vultu ? respondeat ei : quia fugio peccatum , & timeo Deum : & vt custodiam me ab omni quod odit Deus , ideo sum mihi sollicitus semper . Ad mentem vero sedentes , si interrogationes suas Abbati voluerint intimare , ante benedictionem dictam cultelli aut cochlearij , aut panis percussura indicium sit magistro discipuli postulantis eloquium . Hæc omnia animæ pro Deo necessaria : ideo substantiam taciturnitatis constituimus clausura seruari ; vt ab oblivione quis non decipiatur tam facile , & præceptum sit semper in lingua . Nam cum per clausuram oris taciturnitas continetur , diu tractetur , vel purgetur in corde , quod possit mundum & sine peccato de ore proferri , dicente

*Eph. 4.* Apostolo : *Omne verbum vanum de ore vestro non procedat ; sed si quid est ad edificationem .* Et item dicit scriptura : *Sapiens paucis innotescit verbis .* Et maxime timere ideo , & omni hora nos a multiloquio custodire debemus : quia non potest fieri , vt inter multa verba aliquanta non exeant cum peccato , secundum scripturam dicentem : *In multiloquio non effugitur peccatum .* Vnde & propheta tradens nobis formam

mam ostendit se de his esse sollicitum, & tam a malis quam a bonis eloquijs debere tacere, dicens: *Dixi custodiam vias meas, ut non peccem in lingua mea. Posui ori meo custodiam; obmutui, & tacui etiam a bonis.* Hoc est, ostenditur perfecto discipulo, tam de malis quam de bonis eloquijs debere tacere. Quia etsi loquenda sunt bona eloquia, non discipulis, sed magistro debetur doctrina. Nam & sicut dicit scriptura: *Vita & mors in manibus lingue.* Diligenter ergo & iuste debet ipsa amplius refrænari. Hæc enim tanta taciturnitatis districtæ custodia perfectis & puris corde, & mundis a peccato, timentibus perpetua gehennæ incendia, & quærentibus vitæ æternæ diuitias immortales, merito præcipitur obseruanda. Ideoque præsentem Abbate non loquantur, nisi interrogati discipuli: absente vero Abbate, si de verbo Dei, sibi tamen lente & humiliter, non clamosa voce loquantur: Quia omnis lenta locutio ab humilitate descendit. Si vero de inanibus aut de sæcularibus, vel quibusvis verbis quæ ad Deum non pertinent, inchoauerint discipuli loqui, mox a Præpositis suis eis imperetur silentium. Psalmos vero, vel scripturas, extra illas horas tres, in quibus cotidie sine labore tangit legi; & sic laborantes fratres recensere sibi ex animo permittantur. Hanc vero tantam taciturnitatis clausuram superius præsentem Abbate de perfectis apud Deum taxauimus; his quibus nunquam de Deo obliuio subripit, & vitia oris quærunt diligenter cauere, & ex toto mundi, velut Angeli, & a bonis & a malis eloquijs quærunt tacere pro Domino. Sed quia diuersitas concessæ gratiæ secundum mensuram fidei, maxime in negligentibus poterit minorari, tepidis & imperfectis, & minus in se sollicitis hoc relaxamus, ut de sæcularibus inquirendis, dumtaxat sine peccato, aliquid quæ ad ædificationem spiritalem, non pertinent, nisi petita benedictione fuerit magis concessa permissio, loquendi licentia non sumatur. De aliquo vero spiritali interrogando sermone, post benedictionem

petitam, mox loqui debere discipulum. Scurrilitates vero, vel verba otiosa, & risum mouentia æterna clausura damnamus; & ad talia eloquia discipulum non aperire os permittimus.

### CAP. X. INTERROGATIO DISCIPVLI.

*De humilitate fratrum qualis debeat esse, vel quibus modis acquiritur; vel quomodo acquisita seruetur.*

R E S P O N D E T D O M I N U S P E R M A G I S T R U M .

Luc. 14.

**C**lamat nobis scriptura diuina, fratres, dicens: *Omnis qui se exaltat, humiliabitur: & omnis qui se humiliat exaltabitur.* Cum hæc ergo dicit, ostendit nobis omnem exaltationem genus esse superbix. Quod se cauere propheta indicat, dicens: *Domine non est exaltatum cor meum, neque elati sunt oculi mei.* Et item repetit: *Neque ambulaui in magnis, neque in mirabilibus super me.* Sed quid? *Si non humiliter sentiebam, sed exaltaui animam meam, sicut ablactatus est super matre sua, ita retributio in animam meam.* Vnde, fratres, si summæ humilitatis volumus culmen attingere, & ad exaltationem illam cælestem, ad quam per præsentis vitæ humilitatem, ascenditur, volumus velociter peruenire; actibus nostris ascendentibus scala illa erigenda est, quæ erecta in cælum, in somnio Iacob apparuit, per quam ei descendentes & ascendentes angeli monstrabantur. Non aliud sine dubio descensus ille & ascensus a nobis intelligitur, nisi exaltationem descendere, & ascendere humilitatem ostendit. Scala vero ipsa erecta, nostra est vita in sæculo; quæ humiliato corde & capite suo in præsentis hoc tempore exaltatum a Domino mortis exitum erigat ad cælum: latera enim eius scalæ certissime credimus nostrum esse corpus. In qua latera diuersos gradus humilitatis vel disciplinæ euocatio diuina ascendendos inseruit.

Primum itaque humilitatis gradum in scala cæli ascendit discipulus, si timorem Dei sibi ante oculos semper ponens

nens obliuionem omni hora fugiat, & semper sit memor omnium, quæ præcepit Deus: vt quomodo & gehenna contemnentes Deum de peccatis incendat; & vitam æternam, quæ timentibus Deum præparata est, animo suo semper reuocet: & custodiens se omni hora a peccatis & vitijs, id est, cogitationum, linguæ, manuum, pedum, vel voluntatis propriæ, sed & desideria carnis. Aestimēt se discipulus a Deo semper de cælis respici omni hora, & facta sua omni loco ab aspectu diuinitatis videri, & ab angelis omnia renuntiari cotidie. Demonstrat nobis hoc propheta, cum in cogitationibus nostris ita Deum semper esse præsentem ostendit, dicens: *Scrutans corda & renes Deus.* Psal. 7.  
 Et iterum dicit: *Dominus nouit cogitationes hominum quia vana sunt.* Et item dicit: *Intellexisti cogitationes meas a longe.* Et item dicit, *Quia cogitatio hominis confitebitur tibi.* Et, *cor regis in manu Dei.* Nam vt sollicitus sit aduersus cogitationes cordis sui peruersas, dicat sibi semper vtilis frater in corde hæc: *Tunc ero immaculatus coram eo, si obseruauero me ab iniquitate mea.* Ad linguæ vero eloquia ita nobis agnoscimus Deum semper præsentem, cum dicit per prophetam vox Domini: *Qui loquitur iniqua non direxit in conspectu oculorum meorum.* Et item dicit Apostolus: *De verbo vano reddetis rationem.* Quia mors & vita in manibus linguæ posita est. In opere vero manuum nostrarum ita agnoscimus Deum nobis esse præsentem, cum dicit propheta: *Imperfectum meum viderunt oculi tui.* In gressu vero pedum nostrorum ita agnoscimus Deum nobis esse præsentem, cum dicit propheta: *Sine iniquitate cucurri, & dirigebam; exurge in occursum mihi.* Et item dicit: *Quo ibo ab spiritu tuo? & quo a facie tua fugiam? Si ascendero in calum, tu illic es, si descendero in infernum, ades. Si sumpsero pennas meas ante lucem, & habitauero in postremis maris: etenim illuc manus tua deducet me, & tenebit me dextera tua.* Voluntatem vero propriam ita præsentem Domino facere prohibemur, cum dicit scriptura nobis: *Et a voluntatibus tuis auer-* Psal. 17. Psal. 93. Psal. 138. Psal. 75. Psal. 21. Psal. 100. Psal. 14. Psal. 138. Psal. 58. Psal. 138. Eccl. 12.

auert-

- Matth. 6.** *auertere.* Et item rogamus Dominum in oratione dominica, vt fiat illius voluntas in nobis. Docemur ergo merito nostram non facere voluntatem; cum cauemus illud quod dicit sancta scriptura: *Sunt viæ quæ ab hominibus putantur rectæ, quarum finis vsque ad profundum inferni demergit.* Et cum iterum **Psal. 13.** cauemus illud quod de negligentibus dictum est: *Corrupti sunt, & abominabiles facti sunt in voluntatibus suis.* In desiderijs vero carnis ita nobis credamus Deum semper esse præsentem, cum dicit propheta: *Domine ante te omne desiderium meum.* Cauendum vero ideo malum desiderium, quia mors secus introitum delectationis posita est: vnde scriptura præcipit dicens: *Post concupiscentias tuas non eas.* Ergo si oculi Domini speculantur bonos & malos, & Dominus de cælo semper respicit super filios hominum, vt videat, si est intelligens, aut requirens Deum: & si a deputatis angelis nostris cotidie die noctuque Domino factorum nostrorum opera nuntiantur; cauendum ergo est omni hora, fratres, sicut dicit in psalmo tertio decimo propheta: ne nos declinantes in malum, & inutiles factos aliqua hora aspiciat Dominus: & parcendo nobis in hoc tempore, quia pius est, expectat nos conuerti in melius, dicat nobis in futuro iudicio: *Hæc fecisti, & tacui.*

Deinde secundum humilitatis gradum in scala cæli ascendit discipulus, si propriam non amans voluntatem, desideria sua non delictetur implere: sed vocem illam Domini factis imitetur dicentis: *Non veni facere voluntatem meam, sed eius qui me misit.* Et iterum dicit scriptura: *Voluntas habet poenam, & necessitas parit coronam.*

Deinde tertium humilitatis gradum in scala coeli ascendit discipulus, si postquam nihil suo iudicio præsumens eligat quæ non expediant, dicente scriptura: *Sunt viæ quæ videntur hominibus rectæ; quarum finis vsque ad profundum inferni demergit.* Et item dicit Dauid: *Corrupti sunt, & abominabiles facti sunt in voluntatibus suis.* Item dicit Apostolus: *Omnia licent,*

*licent, sed non omnia expediunt . Omnia mihi licent , sed ego sub mul-*  
*lius redigar potestate . Ergo non solum cauens hæc discipulus,*  
*sed & omni obedientia se subdat maiori ; imitans Domi-*  
*num, de quo dicit Apostolus : Factus obediens usque ad mortem.* Phil. 2.  
 Et item vox Domini laudat de hac obedientia populum  
 gentilium, dicens : *Obaudit auris obaudiuit mihi . Et sub Ab-* Psal. 117.  
*bate sibi nos Dominus obaudire demonstrat, cum dicit do-*  
*ctoribus nostris : Qui vos audit, me audit; & qui vos spernit, me* Luc. 10.  
*spernit .*

Deinde quartum humilitatis gradum in scala cæli ascen-  
 dit discipulus, si in ipsa obedientia duris & contrarijs re-  
 bus, vel etiam quibuslibet irrogatis iniurijs tacite patien-  
 tiæ constantiam amplectatur, & sustinens non lassescat, vel  
 discedat, dicente scriptura : *Qui perseverauerit usque in finem,* Matt. 10.  
*hic saluus erit . Et item de tali re hortatur nos propheta di-*  
*cens : Confortetur cor tuum, & sustine Dominum . Et ostendens* Psal. 116.  
 fidelem pro Domino vniuersa etiam contraria sustinere  
 debere, per sufferentium dicit propheta personas : *Propter* Psal. 43.  
*te morte afficimur tota die : astimati sumus ut oves occisionis . Et se-*  
*curi de spe retributionis diuinæ subsequuntur gaudentes, ac*  
*dicentes : Sed in omnibus his superamus, propter eum qui dilexit nos.* Rom. 8.  
 Et item in alio loco scriptura ex ipsorum persona dicit :  
*Probasti nos Deus, igne nos examinasti, sicut igne examinatur ar-* Psal. 65.  
*gentum . Induxisti nos in laqueum ; posuisti tribulationes in dorso no-*  
*stro . Et ut ostendat nos sub maiore esse debere, subsequitur*  
*dicens : Imposuisti homines super capita nostra . sed & præce-* ibid.  
*ptum Domini in aduerso, & in iniurijs per patientiam* Matt. 5.  
*adimplentes, qui percussi in maxillam præbent aliam ; sub-*  
*lata tunica dimittunt & pallium : angariati miliario va-*  
*dunt & duo : cum Paulo Apostolo falsos fratres sustinent,* 2. Cor. 11.  
*& persecutionem sufferunt, & maledicentes se magis bene-*  
*dicunt .*

Deinde quintum humilitatis gradum in scala cæli ascen-  
 dit discipulus, si omnes cogitationes malas cordi suo adue-  
 nien-

nientes, vel mala a se absconſe commiſſa, per humilem linguæ confeſſionem Abbati non celauerit ſuo. Hortans nos de hac re ſcriptura dicit: *Reuela Domino viam tuam, & ſpera* *in eum.* Et item dicit: *Conſitemini Domino, quoniam bonum eſt, quoniam in ſeculum miſericordia eius.* Et propheta Domino dicit: *Delictum meum cognitum tibi feci, & iniuſtitias meas non operui. Dixi pronuntiabo aduerſum me iniuſtitias meas Domino: & mox: Tu remiſiſti impietatem cordis mei.*

Deinde ſextum humilitatis gradum in ſcala cœli aſcendit diſcipulus, ſi omni vtilitate vel extremitate contentus ſit; & ad omnia quæ ſibi præbentur velut operarium malum ſe iudicet, & indignum; dicens ſibi cum propheta: *Ad nihil ſum redactus, & nescinis ut iumentum factus ſum apud te, & ego ſemper tecum.*

Deinde ſeptimum humilitatis gradum in ſcala cœli aſcendit diſcipulus, ſi omnibus ſe inferioreſ & vilitiores, non ſolum ſua lingua pronuntiet, ſed etiam intimo cordis credat affectu: humilians ſe & dicens: *Ego autem ſum vermis, & non homo: opprobrium hominum, & abiectio plebis. Exaltatus ſum, & humiliatus ſum, & confuſus.* Et item ſemper dicat talis frater Domino: *Bonum mihi eſt Domine, quia humiliasti me, ut diſcam mandata tua.*

Deinde octauum humilitatis gradum in ſcala cœli aſcendit diſcipulus, ſi nihil agat, niſi quod communi monaſterij regula, vel maiorum cohortantur exempla; dicens cum ſcriptura: *Quia lex tua meditatio mea eſt.* Et cum interrogat patrem ſuum, annuntiabit eiſ ſeniores ſuos, & dicent ei: id eſt, per ſuam doctrinam Abbas.

Deinde nonum humilitatis gradum in ſcala cœli aſcendit diſcipulus, ſi linguam ad loquendum prohibeat, & taciturnitatem habens uſque ad interrogationem non loquatur, monſtrante ſcriptura, quia *in multiloquio non effugies peccatum.* Et quia: *Vir linguoſus non dirigetur ſuper terram.*

Deinde decimum humilitatis gradum in ſcala cœli aſcendit

dit discipulus, si non sit facilis ac promptus in risu. quia scriptum est: *Stultus in risu exaltat vocem suam. Et, Sicut spinarum crepitantium sub olla vox ita & risus hominis.* Eccel. 27.  
Eccel. 7.

Deinde undecimum humilitatis gradum in scala cæli ascendit discipulus, si cum loquitur, leniter & sine risu, humiliter cum grauitate, vel pauca verba & sancta loquitur: & non sit clamorosus in voce scriptum est: *Sapiens verbis innotescit paucis.*

Deinde duodecimum humilitatis gradum in scala cæli ascendit discipulus, si non solo corde, sed etiam ipso corpore humilitatem videntibus se semper indicet: quod est, in opere Dei, in oratorio, in monasterio, in horto, in via, in agro, vel vbicunque sedens, ambulans, vel stans, inclinato semper capite defixis in terra aspectibus, reum se omni hora de peccatis suis existimans, iam se tremendo iudicio repræsentari existimet: dicens sibi in corde semper illud, quod publicanus ante templum stans fixis in terra oculis dixit: *Domine, non sum dignus ego peccator leuare oculos meos ad calum.* Luc. 18.  
Et item cum propheta dicat sibi talis discipulus: *Incuruatus sum, & humiliatus sum usquequaque.* Psal. 118. Ergo his omnibus humilitatis gradibus a discipulo perascens, vitæ huius in timore Dei bene persubitur scala; & mox ad caritatem illam perueniet, quæ perfecta foris mittit timorem. Per quam vniuersa, quæ prius non sine formidine obseruabat, absque vlllo labore, velut naturaliter, ex consuetudine incipiat custodire; non iam timore gehennæ, sed amore ipsius consuetudinis bonæ, & delectatione virtutum: quæ Dominus iam per operarium suum mundum a vitijs & peccatis a Spiritu sancto dignabitur demonstrare.

Quibus ergo perascens gradibus post exitum vitæ sine dubio talis anima ad illam retributionem animi introitura est quam demonstrat Apostolus dicens: *Non sunt condignæ passionis huius sæculi ad superuenturam gloriam quæ reuelabitur in nobis.* Rom. 8.  
Illam vitam æternam tales animæ recepturæ sunt, quæ in

u u

sem.



sempiterna lætitia & exultatione permanet, & ulterius finiri non nouit. In qua est flos purpureus rosarum nunquam marcessens; in qua nemora florida perpetua viriditate veriant: vbi prata recentia semper melleis affluunt riuis; vbi croceis gramina floribus redolent, & halantes campi iocundis admodum odoribus pollent auræ. Ibi vitam æternam habentes nares aspirant: lumen ibi sine ymbra, serenitas absque nubilo, & absque tenebris nocturnis perpetuam diem oculi perfruuntur. Nulla ibi impediuntur occupatione deliciæ; nulla penitus sollicitudine ibi securitas conturbatur: Mugitum, ululatum, lamentum & luctum nunquam illic auditum vel nominatum est: foedum, deformis, tetrum, nigrum, horrendum aliquid, aut sordidum, nunquam ibi penitus visum. Pulchritudo in amoenitate nemorum; splendor in aëre iocundo; & formositatem atque omnem elegantiam sine intermissione patentes oculi perfruuntur; & nihil omnino quod conturbet mentem, auribus datur. Sonant enim ibidem iugiter organa hymnorum; quæ ad laudem regis ab angelis & archangelis decantantur. Amaritudo & fellis asperitas ibi locum non habet. Tonitrua ibi nunquam audita sunt; fulgura & coruscationes nunquam apparuerunt. Cinnamomum illa virgulta gignunt, & balsamum arbuta prærumpunt. Odor aëris delectationes per omnia membra diffundit. Esca ibi nulla stercora conficit: sicuti enim bono nutritio aures, & bono odore nares, & bono aspectu oculi saginantur; & ipsa refectio non potest in digestionem prorumpere: quia non in esca & potu, sed in aspectu, odoratu, & auditu constat delectationis saginatio; ita illic refectio, quam os susceperit, mell sua in gustu hoc unicuique sapit in os, quod fuerit delectatus: statim denique quod concupierit anima, concupiscentiæ eius paratissimus seruit effectus. In qua delectatione vero vellætitia, nec ætas senectutem, nec vita terminum, nec suspensam

etiam ulterius mortem tales delitæ reformidant . Nec in his perennium diuitiarum vñbus possessor desinit , & heres succedit : cum nesciant ulterius mortem, qui benefacti pretio vitam æternam semel moriendo emerunt . Hæc est sanctorum cælestis patria . Beati qui in hac regione perenni , & per scalam præsentis temporis obseruantix gradibus humilitatis ascensis , potuerint eleuari ; vt in perpetua cum Deo exultatione lætentur : quam præparauit Deus his qui diligunt eum , & custodiunt mandata eius , & mundo sunt corde .

*EXPLICIT actus militia cordis pro timore Dei , quomodo effugiantur peccata : Incipit ordinatio monasterij , modus , observatio , gradus , continentia , custodia , & mensura : in quibus diuersis hæc monasterij regula dicente nobis , & dictata discutiente Domino , nuncupatur .*

CAP. XI. *De Præpositis monasterij .*

RESPONDET DOMINVS PER MAGISTRVM .

**S**uperioribus huius regulæ paginis , fratres , actus iustitiæ nobis Dominus ordinauit ; in quibus perfectis & vita acquiratur æterna , & gehennæ æstus & incendia fugiantur . Sed ille hostis bonorum actuum diabolus , ideo est humano generi inimicus , cum non patitur ibi ascendere hominem bene agendo , vnde ipse per superbiam suam proiectus est : ne venenosis actibus suis bene viuentium mores inficiat , & diuersis occasionibus suis per obliuionem nostros forte occupet sensus , vt a Deo faciat alienos ; ideoque adiutorio Domini procuratur , & constituitur , vt duo electi fratres , quorum grauitas , sapientia , moderatio , vigilantia , seu humilitas , vel actuum perfectorum fuerit exercitatio approbata , decem fratrum curæ Præpositi ordinentur . Nam sicut scriptum est , doceant vos terrena , & quæ sunt cælestia . Quia sicut in hominis domo , vt securus sit de omnibus præparandis , dominus rei ordinat maiores familiæ , quos vice domini minores timeant ; id est , Vice-domi-

u u 2

num,

num, villicum, saltuarium, & maiorem domus: sic & in domibus diuinis, id est, in ecclesijs & monasterijs, Deus minoribus maiores præposuit, ignaris peritos, astutos simplicibus, & diuinæ artis discipulis ordinauit magistros: id est, in ecclesijs Episcopos, presbyteros, diacones, vel clerum: quorum vice Dei imperia audiat & timeat plebs, & notitiam salutiferæ legis ab eis addiscat. In monasterijs vero Abbates & præpositos, quos pro salute animæ suæ audiant maiores, & vice Dei Præpositi militiam timeant. Quia, siue sacerdotibus in ecclesia, siue Abbatibus, vel præpositis in monasterio hoc dixit Deus: *Qui vos audit, me audit: & qui vos spernit, me spernit*. Et iterum dicit nobis per Hieremiam prophetam Dominus: *Dabo vobis pastores & doctores secundum cor meum; & pascent vos pascentes cum disciplina*. Ergo secundum illam figuram humanæ domus, quanto magis in diuina domo pro causa Dei gradus doctrinæ vel timoris debent seruari? vt ad purganda vitia vel peccata fratrum, cum Præpositi fuerint ordinati, aliquantum Abbas de animarum in se fratrum susceptarum custodiendis ratiocinijs reddatur securus. Cuius ergo honoris ordinatio hæc sit. Conuocatis eisdem decem fratribus ab Abbate præsentem omni congregatione, in oratorio, susceptione virgæ decem illis præponantur voce Abbatis, testimonio scripturæ dicentis: *Reges eos in virga*: id est, in timoris vigore. Item dicente Apostolo: *Quid vultis? in virga veniam ad vos, an in caritate?* Nam & Moyse diuinæ virgæ virtutis commisso sibi populo per profundum maris salutis viam ostendit: quo iudicio virgæ causam Dei ante Pharaonem egisse monstratur: vt proiecta de manibus in terra, & mutata in bestiam: item de bestia, vt assumpta sacris virgæ manibus redderetur. Ergo secundum hanc constitutionem, si grandis fuerit congregatio, denis fratribus binos debere præponi, huius scilicet meriti ordinarij, cuius supra taxauimus: & ideo decem non amplius ordinauimus duorum curam Præpositorum. debe-

1. Cor. 10.

Hierij.

Psal. 2.

1. Cor. 4.

Exod. 14.

debere suscipere : vt sequestrati per laboris loca fratres singulos Præpositos ad custodienda vitia præsentis habeant secum ; & in paucis creditis idoneor sit diligentia custodientis . Nam in multis quod non occurritur, præmittitur negligenter: quia in paucis fratribus commissis alterna duorum Præpositorum extat diligentior cura: & apud Abbatem facilis sit ratio de paucis exacta . Cuius de paucitatis idoneum designat Dominus seruatorem, & eius diligenti curæ ampliat creditum, dicens : *Euge serue bone & fidelis, quia in pauca fuisti fidelis, super multa te constituam* . Ergo hi Præpositi, cum decem numero fratres sub sua cura suscipiunt, hanc in eis debent sollicitudinem exercere, siue in die, siue in nocte, siue in quouis opere cum eis, vt sint primo præsentis, & cum eis operantes in quouis opere : vt cum sedent, ambulant, vel stant, diligenti sua obseruantia, vel curioso intuitu diaboli ab eis debent actus compescere: siue vitia, vel peccata oris cum voluerint exercere, mox in eis monitionibus emendare; & omne in eis, quod contra præceptum diuinum est, remouere : agentes illud, quod S. Eugenia; quæ ita suis minoribus præfuit, dicente scriptura ipsius, ita circa os omnium auribus erat sollicita, vt nulum pateretur in iuramenti verba prorumpere, vel de sermone aliquo otioso garrere; sed mouebat sancta Eugenia, susceptos suos, & dicebat : Quanta reuerentia debeamus Domino seruire ex præceptis eius ostenditur; si talem nobis ante oculos personam constituamus, quæ non debeat in nullo præcepto contemni . Ideo enim duos diximus vni decadae præpositos ordinari, vt si forte aliqui fratres ex eadem decada ab Abbate in alio sequestrato laboris opere deputentur, vni committantur Præposito, sequestratis a se suis fratribus alium relinquentes . Si vero in via vnus mittendus sit frater, cum præceptione diuersæ vitiorum custodiae a Præposito suo monitus itinere dirigatur . Sed talis mittatur de eadem decada, de quo certus sit Præpositus  
suus

Matt. 25.

suus sua vitia posse diligenter cauere : & in absentia Præpositi sui Dei magis præsentiam deputare, & amplius debere timeri a fratre. pro anima sua sollicito præsentiam Dei, qui discussor noster erit & iudex, quam hominis. Qui ergo Præpositi, propter quod omni hora fratribus præsentibus sunt, os eorum vel gestum a peccato custodiant, & diuersa in eis vitia vel praua compescant : id est, si audierit Præpositus fratrem non interrogatum loqui, moneat eum dicens : Quid agis frater, quod regula prohibet? habeto taciturnitatem vsque ad interrogationem. Dic cum propheta Domino : *Pone Domine custodiam ori meo, & os meum circumstantia labijs meis. Esto promptus ad audiendum, tardus vero ad loquendum.* Quod si datus fuerit locus loquendi, custodiat eum Præpositus, ne satis clamorosa voce loquatur, quod sapientes non decet : & mox moneat eum Præpositus, dicens : Cessa, frater, nescit sic humilitas loqui : quia scriptum est : *Vir linguosus non dirigitur super terram.* Quod etiam si lente fuerit alio forte locutus, custodiat eum Præpositus, ne verbum aliquod vanum, aut risui aptum, vel quod ad ædificationem & sanctitatem non pertinet, de ore suo emittat : quod cum audierit, moneat eum Præpositus dicens : Quid loqueris frater, quod regula vetat? Quia scriptum est : *De verbo vano reddetis, rationem.* Et item dicit Apostolus : *Omnis sermo malus de ore vestro non procedat : sed si quis est ad ædificationem, vt det gratiam audientibus.* Nam ipsa ædificatio ab Abbate præbenda est : vt magistri ministratæ doctrina tacitus auditus discipuli factis respondeat. Ergo moneat praua loquentem discipulum Præpositus, dicens : Claude os tuum, frater, a malo eloquio : bonum aliquid inde debet exire, vnde profers malum ; vt bonum oris tui eloquium audientes admiremur, quam malum tecum pariter potius rideamus. Non enim utilis est de quo ridetur. Sedeat enim super os tuum sapientia cum clauis iustitiæ ac timoris Dei, & ipsa bonis eloquijs aperiat, & malis eloquijs

Psal. 140  
Iaco. I.

Psal. 139

Matt. 12.

Ephes. 4.

quijs claudat labia tua. Nam cum verbum vanum, frater, de ore tuo exierit, quamuis per risum, tamen nostro perit auditui; quia exiens per os redire non potest: sed ratio eius seruatur vsque ad præsentiā discussores; & cum non ædificet actum, aggrauat causam, & vulnerat animam; & ne de eloquijs nostris in die iudicij dicatur: *Vana locuti sunt unusquisque ad proximum suum.* Nam & Origenes sapiens dicit: *Melius est lapidem in vanum iactare, quam verbum.* Si vero fratrem audierit mentientem, moneat ad veritatem, dicens: quid mentiris, frater, cum scias scriptum: *Perdes eos qui loquuntur mendacium.* Et item cum scias, quia *uniuersa sunt via Domini misericordia & veritas.* Si vero audierit multum fratrem iurantem, moneat eum præsens Præpositus, dicens: Retine frater linguam tuam: quid tantum iuras? cum præcipiat scriptura, *non iurare omnino: ne per iurare nascatur causa periurij.* is sit sermo tuus: est, est, non, non; crede, crede: & mox credimus tibi quod dixeris. Si vero viderit fratrem irascentem fratri, moneat eum præsens Præpositus dicens: quid agis frater? in mansuetudine & taciturnitate, & caritate opera tua perface: quia scriptum est: *Desine ab ira, & derelinque furorem.* Et item: *Qui fratrem suum odit, homicida est.* Et item: *Qui dixerit fratri suo racha, reus erit iudicio.* Et, quia homo iracundus, iustitiam Dei non operatur. Et, non licet vnicuique nisi ante solis occasum cum inimico redire in gratiam; dicente Domino per Apostolum: *Sol non occidat super iracundiam vestram.* Si autem viderit fratrem satis promptum in risum, moneat eum præsens Præpositus, dicens: quid agis frater? cum gravitate fac quod facis: quia conuersionis tempus non est lætitiæ ad ridendum; sed poenitentiae tempus est ad lugenda peccata, sicut scriptum est: *Procidamus ante Dominum, ploremus ante Deum qui fecit nos.* Et item: *Qui seminant in lacrimis, in gaudio metent.* Et item scriptura dicit: *Beati qui temporaliter fletis, quia ipsi ridebitis in æternum.* nam *stultus in risu exal.*

Psal. 11.

Psal. 5.  
Psal. 24.

Matt. 5.

Psal. 36.  
I. Ion. 3.  
Matt. 5.  
Iac. 1.

Eph. 4.

Psal. 94.  
Psal. 125

Eccl. 21.

*exaltat vocem suam*. Si viderit fratrem alium maledicentem, moneat eum præsens Præpositus dicens : compesce os tuum, frater, a maledictione ; memorare Deum, qui dixit nobis per Apostolum : *Benedicite, & nolite maledicere*. Et sicut non potest fons ex vno foramine aquam proferre simul amaram & dulcem ; sic nunc nos cum de lingua nostra benedicimus Deum, quomodo possumus per eandem linguam maledicere homines, qui ad imaginem & similitudinem Dei plasmati sunt ? Item si viderit fratres fluxis corporibus, vel resoluta sensu aliqua leuitate se extollere, moneat eos præsens Præpositus, dicens : cum grauitate sedete, ambulate, & stete fratres : quia oculi Domini respiciunt nos de cælo omni hora, in quouis loco, bonos & malos, sicut dicit Dauid : *Dominus de cælo respicit super filios hominum ; ut videat, si sunt intelligentes & requirentes Deum*. Timeamus ergo fratres, ne qua nos hora declinantes in malum, & inutiles factos aspiciat, & non sit qui faciat bonum, non sit vsque ad vnum. Et quia dicit propheta : *odisti obseruantes vanitatem superuacue*. Nam quicquid non est ex Deo, ex peccato est ; & quod non ædificat, destruit. Qui Præpositi dum hæc quotidie die noctuque omni hora sollicitè in commissis sibi fratribus scrutantur, & ipsi proficiant, cum alios custodiunt : & alios custodiendo cum a malis euacuant, se omni hora occupent de bonis : quia beatum os reddunt bona per eum dicta in alienum auditum intrantia. Ergo dum in fratribus diligenter custodit Præpositus, in assignato sibi aliquo laboris opere ab Abbate, remissius exigatur. Quia quod minus corporaliter in manibus, plus sollicito sensu spiritualiter ad correptionem pro causa Dei laborat ; & quod minus laborat manibus, plus mentibus operatur. Ideo etenim opus cuiuslibet laboris remissius exigi Præpositos diximus, ne vrgens eos consignanda carnalis opera in spiritualibus custodijs occupati Præpositi negligentiam operetur, & causa Dei præualefcntibus vitij abolefcant ; quando

do plus carnis sumptui curritur, quam causæ ipsius laboratur. Sed fidem spe fumentes, dominum Deum credamus visibus nostris omnia necessaria ministrare, quod minus nobis potuerint manus nostræ perficere: confortante nos de his omnibus scriptura sancti euangelij dicentis: *Nolite cogitare quid manducetis, aut quid bibatis, aut quid induamini: quia hæc omnia gentes cogitant, quæ Deum non cognouerunt. Sed querite regnum Dei, & iustitiam eius, & hæc omnia apponentur vobis. Scit enim pater vester qui in calis est, quia hæc omnia indigetis. Considerate volatilia cali, quæ neque arant, neque seminant; & pater vester calestis pascit ea: quanto magis vos? Vestiaria fratrum sub sua cura Præpositi contineant: lectis eorum lectos Præpositi habeant prope, propter aliquam in eis vitiorum culpam in nocte emendandam. Singulos præcipimus non binos per lectum dormire. Et leuans se frater si lectum suum bene non recooperuerit, poenæ nomine in sequenti refectione merum non accipiat. Cum dormiunt, vestiti dormiant & cincti; id est, aut cingulis, aut restibus, aut corrigia. Bracile fratrem in nocte vti ideo prohibemus, ne dum se regirat per somnum oppressus, exiens per thecam mucro cultelli carni eius figatur. In die vero cingantur bracilibus, docente de sancto Ioanne scriptura: *Et circa lumbos erat cinctus Zona pellicea.* Et ideo vestitos & cinctos dormire diximus fratres: vt cum hora operis Dei aduenerit, & oratorij index sonauerit noctu, mox parati consurgant: dicente de hoc scriptura: *Et index meus in matutinis, si dicebam narrabo sic.* Nam ideo index nomen accepit ab eo, quod sono suo psallendi horam indicet aduenisse. Ideo de eo propheta dicit: *Si dicebam narrabo sic:* hoc est cum indicat aduenisse horam psallendi, sic narrabo laudes Domini. Inde ergo vestiti & cincti debent fratres dormire, quia non licet fratrem nuda membra sua contingere: nam exinde immunditiæ libidinum in animam ingeruntur. Cum membrorum nuditas tactu contingitur, feminarum illico cordi*



desideria titillantur: vnde per somnum coinquinantur membra sorditate. Et maxime ideo vestiti & cincti debent fratres dormire, ne quærentes in obscuro res suas vel cingula, ab ingredientibus oratorium sollicitis vel paratis fratribus, cum adhuc illi lectos suos per negligentiam in obscuro subuertendo, & dissipando reuoluunt, aliquot orationes perdant, aut psalmos. Lectis eorum lectos habeant Præpositi prope, propter aliquam, vt diximus vitiorum culpam in eis emendam; & vt reuerentius præsentem maiorem dormiant. Mensæ eorum præsentem sint, vt tacite cum eis & moderate manducent. Hoc de numero in quouis loco si sine præcepto tam Abbatis quam Præpositi, frater foras exierit, ab eis sollicite requiratur.

## CAP. XII. INTERROGATIO DISCIPVLI.

*De excommunicatione culpæ.*

RESPONDET DOMINVS PER MAGISTRVM.

**I**N his omnibus supradictis si quis frater contumax, aut superbus, aut murmurans, aut inobediens Præpositis suis frequenter extiterit; & secundum diuinam præceptionem semel, & secundo vel tertio, de quouis vitio monitus & correptus non emendauerit, referatur hoc a Præpositis Abbati: & qui præest secundum qualitatem vel meritum culpæ perpenset, & tali eum excommunicatione condemnet; vt sciat, qui Deum contemnit, quomodo dignus est iudicari per contemptum maiori exhibitum; dicente ipso Domino doctoribus nostris: *Qui vos audit me audit; & qui vos spernit, me spernit.* Quæ excommunicatio tale habeat meritum.

*Lac. 10.*

## CAP. XIII. INTERROGATIO DISCIPVLI.

*Quomodo debeat frater excommunicatus tractari.*

RESPONDET DOMINVS PER MAGISTRVM.

Cum

Cum suggestum fuerit a præpositis Abbati meritum inobedientis, iam non dicendus frater, sed hæreticus legis; iam non dicendus filius Dei, sed operarius dæmonis, qui dissipando sanctorum facta, velut quædam scabies est procreata in grege. Conuocet eum Abbas præsentibus suis Præpositis, vel cætera congregatione circumstante; & interrogati ab Abbate Præpositi eius, quid peccauerit, vel quoties monitus de ipso vitio non emendauerit; respondeant quid eum accusant. Quæ audito vitio talem Abbatis contra se audiat vocem: ò misera anima, quod es responsum datura Deo, quem per inobedientiam quotidie irritas, cum accesseris adorare eum? quare sub dominio Dei seruis potius mammonæ? quid mentiris Christo alter Iudas? Ille Iudas iniquitatis pretio iustitiam vendidit, tu Christianum nomen laceras malefactis. Ille Iudas per pacem falsam Domino scandalum generauit, tu sub nomine sancti seruitij Deo magis rebellis existis. Ille Iudas falsus tradidit magistrum discipulus, tu sub nomine sancto magis diabolum factis sequeris Christianus. Adstare enim te habet in iudicio nostra monitio, vel tuus spiritus, cui cum carne per propriam voluntatem repugnas, Deo ante tribunal tremendi iudicij dicens: Domine *noluit intelligere, ut bene ageret; iniquitatem meditatus est, adstitit omni via non bone. malitiam autem non odiuit, sed magis gloriatus est in ea: potens fuit in iniquitate. Cum hæc accusatus fueris in iudicio, post nostram simul & ipsius tremendi iudicis audias vocem, dicentis tibi: Tu es qui odisti disciplinam, & proiecasti sermones meos post te. Si videbas furem, simul currebas cum eo, & cum adulteris portionem tuam ponebas. Os tuum abundauit malitia, & lingua tua concinnauit dolum. Sedens aduersus fratrem tuum detrahebas, & ponebas scandalum. Tota die iniustitiam cogitauit lingua tua; sicut nouacula acuta fecisti dolum, dilexisti mali-*

Psal. 36.

Psal. 49.

Psal. 51.

tiam super benignitatem : iniquitatem magis quam loqui equitatem. *Psal. 49.* Dilexisti omnia verba precipitationis in lingua dolosa. Hac fecisti, & tacui : existimasti iniquitatem quia eram tibi similis : arguam te, & statuam illam contra faciem tuam, ut destruas te Deus in finem : euellet te, & emigrabit te de tabernaculo tuo, & radicem tuam de terra uiuentium. Tunc etiam & omnes iusti de sua gloria in iudicio videbunt te, cum ab eis fueris sequestratus ad sinistram inter hœdos, & super te ridebunt ipsi, dicentes : *Psal. 51.* Ecce homo, qui *Psal. 13.* non posuit Deum adiutorem sibi, sed preualuit in vanitate sua. & non fuit timor Dei ante oculos eius : quoniam dolosegit in conspectu eius, & dixit ut insipiens in corde suo ; *Psal. 9.* non requireret Deus; auertit faciem suam ne videat usque in finem. Et ignorauit, quia inimici qui mentiuntur Domino, erit tempus eorum in poenam æternam. Quid ad hæc dicturus es Deo ? quas adferre ei habes, miser, excusationes in peccatis ? cum tua te primo impugnauerint mala, & gehenna expectauerit ut incendat ? Post hanc increpantis vocem ante congregationem Abbatis statim exigi iubeatur ab oratorio & communi mensa, & extraneus depute-  
tur : & cum inimicus Dei designatur, non debet ex illa hora iam fratribus esse amicus. Ideoque ab hac excōmunicationis hora, soli posito & sequestrato ei aliqua laboris opera propter otiositatem a Præposito suo consignetur ; in quo labore nullo fratrum coniungatur solatio, nullius eloquio consoletur, tacito omnium pertranseat aspectu ; petenti benedictionem nullus respondeat, Deus : quicquid ei porrigitur a nullo signetur ; quicquid vero extra opus assignatum peculiariter vel ultro effecerit, dispergatur, vel dissipetur. sit ubique solus, & ei sola culpa solatium. Quod si forte propter leuitatem culpæ non ei voluerit Abbas duplicare ieiunia, si fratres sexta reficiunt, ille ad nonam horam de vno pulmento ; & panis cibarij sibi fragmentum, & aqua a Præposito suo pro misericordia porrigatur. Si inculpabiles fra-

fratres hora nona reficiunt, illius supradicta refectio protrahatur in vesperum; ut sentiat, quid ei malorum culpa contulit, quid per negligentiam bonorum amisit. Si quis vero frater aut palam, aut absconse, cum eo fuerit collocutus aut iunctus, communem statim cum eo excommunicationis protrahat poena, & ab omnibus ipse reus sit; atque in alio laboris ipse opere sequestretur a Præposito suo: & sit ipse tam ab illo reo, quam ab omnibus separatus & solus, & mox ab omnium & ipse alienus alloquio. Nam non ad veniam maioris & ipse pertingat, nisi poenitentiae similis satisfactio ab eis æqualiter fuerit operata: illius propter quod extitit inobediens in vitio vel peccato istius, qui mercedem consolationis tribuit malorum artifici. Frater qui leuem culpam habuerit, & post primam, & secundam, & tertiam monitionem de vnoquocunque vitio non emendauerit, a mensa excommunicetur, non ab oratorio. Quæ excommunicatio tamdiu inoffensa permaneat, quamdiu a reo maiori humilitatis satisfactio, humiliato ad genua capite, se de cætero promiserit emendare. Qui vero frater grauem culpam admiserit, ipse ab utroque excommunicatur: id est, ab oratorio, & a mensa: & non ipse ad indulgentiam maioris perueniat, nisi ante limen oratorii prostratus lacrimabili voce interuallo cessantium a psalmis horarum Deo & omnibus emendatione satisfecerit repromissa. Si tamen propter inanitatem ponderis culpæ citius voluerit Abbas veniæ consentire, quod dictante Domino sequens pagina demonstrabit. Ille vero frater qui excommunicatus a mensa, non ab oratorio fuerit, tamdiu antiphonam, aut lectionem non imponat, quam diu de culpa illa emendatione promissa satisfecerit, aut Abbatis præsentis, aut præpositi sui ad genua incuruatus. Excommunicati vero fratres si ita superbi extiterint, ut in superbia cordis perseverantes, in tertia die hora nona satisfacere Abbati noluerint, custoditi usque ad necem cedantur virgis: & si

pla-

placuerit Abbati, de monasterio expellantur, quia talis vita necessarios non habet corporales vel societas fratrum, quos in anima superba possidet mors. Nam merito ergo tales debent plagis mactati expelli, qui esse cum Christo humilitatis Domino non merentur: sed sint a perpetuis promissis Dei cum auctore suo diabolo separati, qui de coelorum regnis propter superbiam suam proiectus est. Ergo ad superiorem excommunicationum vel satisfactionis sensum, ut coepimus, prosequamur. Ergo huius poenitentiae modum ac satisfactionem Deum & Abbatem credimus acceptare.

#### CAP. XIV. INTERROGATIO DISCIPVLLO

*Quomodo excommunicatus debet poenitere.*

RESPONDET DOMINVS PER MAGISTRVM.

**C**um hora diuini officij in oratorio exercetur, id est, cum expleto psalmo ab omnibus orationi incumbitur, sic tunc excommunicationis reus prostratus ante limen oratorij hæc cum lacrimis clamet: Peccaui, & peccatum meum ego agnosco: erraui, emendare polliceor: iam non peccabo de cætero. Rogate pro me sacrae congregationes, a quibus quondam per meam negligentiam & diaboli suasionem separari merui. Rogate pro me mei quondam præpositi. Ignosce tu, pastor bone, & pie pastor Abbas. Relinque nonaginta nouem propter vnā. Veni, recollege, & porta humeris tuis me perditam ouem: sicut Dominus noster indicio passionis suæ tibi monstrauit: quia non pro iustis, sed pro peccatoribus venit, & mortuus est. Et cum ipso per iustitiam eius resurgemus, qui fuimus per nostra peccata allisi, dicente ipso Domino: *Non veni nisi propter oues perditas Israel.* Et, *non est opus sanis medicus: sed his qui male habent.* Imitare pium magistrum Apostolorum, cuius vices per doctrinam agis in monasterio: quia ipse post prophetas & Apostolos posuit vos pastores, & discipli-

næ

*Matt. 18.*

*Matt. 15.*

*Matt. 9.*

næ doctores. Quia & per beatum Petrum Apostolum  
 demonstrauit vobis, dicens: non septies, sed septuagies se- Matth. 18.  
 pties peccatum fratri dimitti. Subleua ergo allisum saluta-  
 ri tuo consilio: solue intercessione tua apud Dominum,  
 quod in me negligentia obligauit. Quia peccaui agnosco:  
 quod emendem, credo quia per tuam monitionem inue-  
 nio. Post hanc vocem cessantibus a psalmis per omnes  
 orationes a reo iacente effusam, cum completum fuerit  
 sanctum oratorij opus, & illo reo adhuc iacente ante li-  
 men, exeunti Abbati omnium fratrum congregatio humi-  
 lietur ei pro eo ad genua, simul & Præpositi eius. Quod  
 cum fuerit adimpletum, si tamen propter leuitatem culpæ  
 eadem hora voluerit Abbas veniæ consentire, statim erigi  
 eum a Præpositis suis præcipiat, & reproperata ei culpa  
 sua, cum ille responderit se de cætero emendare, statim  
 Abbas dicat omni congregationi: Venite fratres, vnanimi-  
 ter cum lacrimis pro hac oue gregis vestri, quæ peccatum  
 suum agnoscens promittit se de cætero emendare, orantes  
 in oratorio reconciliemus eum ante Deum, quem per ino-  
 bedientiam irritauit. Et mox ingressus Abbas cum fratri-  
 bus in oratorio, antequam orient tenentes ei manus dextra  
 læuaque foris, Præpositi eius introducant eum in orato-  
 rium: dicentes ambo hunc versum: *Confitemini Domino quo-* Psalm. 117.  
*niam bonum est.* Et subsequatur cætera congregatio, respon-  
 dens: *quoniam in sæculum misericordia eius.* Ut cum Præpositi  
 foris poenitenti per hunc versum confessionem ingerunt,  
 intus de oratorio per os respondentium fratrum mox pius  
 Deus misericordiam repromittat. Ergo cum eum orato-  
 rio introduxerint Præpositi eius, prosternant eum pedibus  
 altaris: statim omnes vñ cum Abbate se oratione pro eo  
 prosternant. Tunc ille pro culpa prostratus cum lacrimis  
 his vocibus præcetur ad Dominum, dicens: Peccaui Domi-  
 ne, peccaui, & iniquitatem meam ego cognosco. rogo, pe-  
 to a te, dimitte mihi Domine, dimitte mihi: ne simul trahas  
 me

- me cum peccatis meis, neque condemnes me in inferioribus terræ; neque in æternum imputes mihi mala: quoniam tu es Deus poenitentiae, & in me ostende bonitatem tuam, secundum magnam misericordiam tuam: Quia tu
- Exo. 33.** dixisti Domine; *Nolo mortem peccatoris, sed conuertatur & uiuat*. Quia malignis nostris ad emendationem, vitam magis largiris quotidie; monstrante nobis scriptura; quæ de
- Psal. 7.** pietate tua ita dicit: *Nunquid irascetur per singulos dies? nisi conuertamini*. Et Apostolus tuus Paulus dicit: *An nescis quia*
- Rom. 1.** *patientia Dei ad poenitentiam te adducit? Gladium ergo suum Dominus vibrauit, arcum suum tetendit, & parauit illum: & in ipso parauit vasa mortis*. Quæ, vasa, Domine, timemus; ideo festinanter emendare promittimus. Et quia dicturus es in iudicio
- Psal. 49.** peccatori: *Hæc fecisti, & tacui*. Numquid semper tacebo? Quia statues iniquitatem nostram contra faciem nostram, vt recognoscentes eam in reatibus nostris, iuste nos ipsi
- 1. Reg. 2.** condemnemus. Tu enim Domine, *mortificas & viuificas; tu deducis ad inferos, & reduces*. Tu, eleuas allisos; tu in cælo soluis compeditos in terra; tu ad emendandum oculos cordis nostri illuminas tua gratia, vel adiutorio tuo iustorum dirigis gressus, dicente scriptura: *a Domino gressus hominis dirigetur*. Et nisi custodieris, & ædificaueris domum, in
- Psal. 126.** *vanum laborant qui ædificant, vel custodiunt eam*. Quia
- Rom. 9.** *velle adiacet nobis; perficere autem tuum est*. Et non volentis, neque currentis, sed *miserentis est Dei*, Sed tamen das fiduciam sperandi de te, dicens: *Petite, & accipietis; querite, & inuenietis; pulsate, & aperietur vobis: quia qui petit, accipit; qui querit, inuenit, & pulsanti aperietur*. Et quia dixisti: *Conuertimini ad me, & ego conuertar ad vos*. Et, cum clamaueritis dicam: *Ecce adsum*. Et item quasi pius & misericors in factura tua, vocas nos ad gratiam tuam, litet indignos seruos tuos, dicens: *Venite ad me, qui laboratis & onerati estis, & ego vos reficiam*. Vnde non despicias Domine seruum tuum, suum agnoscen-
- Mat. 11.** *tem peccatum: sicut de pietate tua promittit reatui nostro*

stro propheta dicens : *Cor contritum & humiliatum Deus non spernit* . Quia poteas es de lapidibus suscitare filios Abrahæ : quia quod in nobis desperatione impossibile putat , tua gratia possibile indicat . Post hanc vocem cum lacrimis adimpletam statim eum manu sua Abbas erigat , dicens ei : vide frater iâ de cætero , vide ne pecces , & secundum agas de hoc vitio poenitentiam exercere : quæ cum secundo fuerit acta , in hæreticorum incidet sectam . Statim hunc versum quondam reus imponat : *Erravi sicut ovis que perierat , recolle servum tuum Domine* : respondentibus secum cunctis . Post hunc versum vocatis eius Præpositis reassignetur ab Abbate eis in manu , dicente : Recipite ovem vestram , reintegrate numerum , restituite mensæ : *Mortuus enim fuerat , & reuixit ; perierat , & inuentus est* . Eadem namque die , pro humilitatis reparatæ indicio , aquam manibus fratrum intrantibus ad communionem ipse ministret . Et cum dat , osculetur primo Abbatis , deinde singulorum fratrum manus : & petat singulos , cum ministrat , ipsos pro se debere orare . Qui & ipse , mox ut ingressus oratorium fuerit , omnes clara voce readmoneat pro se debere orare : & sic exiens cum fratribus consuetam accedat ad mensam . Infantulos vero , usque quindecim annorum , non excommunicari , sed præcipimus vapulare pro culpis . Post quindecim vero annos , iam non vapulare , sed excommunicari concedet : quia iam intelligunt quomodo poenitere & emendare debeant de immatura ætate , quod male committunt . Quia merito corde debet poenitere , qui peccat ; & non pro eo corpus vapulare : quia *animi imperio , corporis servitio magis utimur* . Ergo cum anima imperat , & corpus servit , agnoscitur amplior esse culpa imperantis , quam serviientis . Ideo propter intellectum emendationis radix cordis de spinis peccatorum , excommunicatione debet purgari : quia rami corporis , quibus ab iniuncto a iussione cordis peccatum impositum est , iniuste pro aliena culpa alter non debet poenam sentire .

y y

Illi



Illi vero fratres post quindecim annos ætatis vapulent, qui satis grauem aut furti fugatis, aut criminalem aliquam culpam commiserint.

# CAP. XV. INTERROGATIO DISCIPULI.

*De prodendo cogitato malo Præpositis vel Abbati a minoribus fratribus.*

RESPONDET DOMINVS PER MAGISTRVM.

**F**ratres tunc rami arboris mundi sunt, si lignum eius a radice purgetur. Nec enim dignum est mundatis foris regijs, cubiculum intus inquinari de sordibus: sed decenter efficitur, si de intrinsecus foras eiecta sorditie, iam tum demum & foras iuste mundetur. Non enim secreta possunt esse fossata, vbi intus est hostis. Simul & porta clausura sua captiua est, vbi muri non repellunt, sed inclusum continent inimicum. Nam & vulnus ebullire nouit repletum putredine; & nisi exprimatur, & de eo fuerit sanies eiecta extrinsecus, & de ipsa suppuratione expressa purgetur, alius potest suam cauare malitiam. Hoc ergo & nos de anima nostra sentiamus: hoc est, prius debemus de corde proijcere quod in corpore nolumus baiulare, dicentes nobismetipsis: Quid taces anima, & non erumpis in voce, & mentis tuæ exponis ardorem; & eiecto deintus ipso feruore malitiæ præstes fatigatæ refrigerium passioni? Ergo cum alicui fratri cogitatum malum in corde aduenerit, & senserit se exinde fluctuari, statim suis hoc præpositis fateatur; & mox oratione facta nuntient hoc ipsum Abbati. Nam ipsi Præpositi hoc ipsum vltro semper debent a susceptis suis exquirere: ne forte aut simplicitate quorundam, aut certe ipsa verecundia malorum faciente, res prauas aut turpes fratrem pudeat confiteri. Sed cum vltro ausus magis a maiore acciperint, iam fiducialiter sine verecundia indicent cogitata peccata: quod & ipsi præpositi, si & ipsi hoc senserint, referant & de se Abbati. Nam & ipse maior  
cum

cum in se hoc senserit, petat in oratorio a cōgregatione vni-  
 uersa pro se debere orari. Ergo cum de aliquo fratre nuntia-  
 tū fuerit a præpositis Abbati, conuocet mox vniuersam con-  
 gregationem, & dicat omnibus Abbas: Venite fratres, sub-  
 ueniamus per dilectionem inuicem nobis apud Dominum,  
 dicente Apostolo: *Fratres, etsi præoccupatus fuerit quis in aliquo* Gal. 6.  
*delicto, vos qui spirituales estis, corripite eiusmodi in spiritu mansuetudi-*  
*nis: consolamini pusillanimes: considerans teipsum, ne & tu*  
*tenteris: Et, tu qui stas, vide ne cadas.* Ergo vnanimes pro 1. Cor. 10  
 hoc fratre nostro oremus ad Dominum: vt dignetur in  
 eo signaculo crucis suæ, vel iussione potentie suæ, dia-  
 boli tentationes compescere. Cum ergo oratum pro eo  
 ab omnibus diutissime fuerit, surgens Abbas cum omni-  
 bus, & complens, mox exeuntes singuli opus quod facie-  
 bant reprehendant; & retento apud se illo solo fratre qui  
 malo cogitationis laborat, proferat codices, & aduersus  
 necessitatem vulneris eius similis diuina medicina legatur.  
 Nam & per dies, quibus ipse frater interrogatus ab Abba-  
 te, forte responderit, non transisse illis horis, quibus con-  
 tingit legi, siue per hyemem siue per æstatem, pertinentia  
 codicum ad ipsam cogitationis necessitatem, lagantur ipsa  
 decada, de qua est ipse frater. Verbi gratia, si suaserit fornica-  
 tionem, legatur illi ex diuersis codicibus vbi castitatem di-  
 ligit Deus: si mentionem suadet frequenter, legatur illi in  
 diuersis, vbi præcipit veritatem: si desiderium aliquod  
 seculi, legatur ipsi, vbi hoc temporale præcipit Dominus  
 contemni, & æterna quæri regna cælorum. Vnde oportet  
 Abbatem multum esse de lege instructum, vt aut testimonijs  
 omnia doceat, aut pertinentia ad locum legenda consignet.  
 Nonne ergo cum tali egrotus fuerit resectus succo discipu-  
 lus, non solum pristinas recipit vires, sed & nouas aduersus  
 inimicum adquirit; & aduersarius perdit, quæ se putauerat  
 possidere. Vnde alia die mane interrogetur ab Abbate ipse  
 discipulus, si cogitatio inimica cessauit, aut non. Quod si re-  
 spoderit, non cessasse, supponatur ieiuniū ab omnibus. Quam

item si alia die reinterrogatus responderit, non transiisse, reficientibus omnibus mensis subtrahatur vinum. Nam si tertia, quod absit, iam dictione iudicemur modicæ fidei; ne videamur tarde credere, Dei posse nobis auxilium subuenire. Præterea cum sciamus eum nimis esse misericordem, vel pium, & ad præstandum pactum, quia non obliuiscitur misereri Deus, nec continebit in ira misericordias suas. Ergo quod supradiximus, si tertio die reinterrogatus responderit, non transiisse, item oleum mensis subtrahatur cum vido; ut multorum labore, vel abstinentiæ cruciatione, nullus pereat, sed omnes euadant: ut in afflictionibus omnium diuinæ misericordiæ remedium speretur, ut apostolicum compleatur præceptum dicens: *Inuicem onera vestra portate, & sic adimplebitis legem Christi*. Nam & frater mittendus in via, hoc a præpositis suis debet moneri, ut omni hora in quouis loco sit sollicitus aduersus diabolum, qui in via duoit de nobis, & solatio secum nos vult trahere in gehennam: cum non patitur beneagendo in calis ascendere hominem; unde ipse per superbiæ causam iactatus est. Ideoque debet seruus Christi in quouis loco, etiam sine præsentia maioris, cautus consistere; & diligenter se tam a malis factis, quam a prauis cogitationibus obseruare. Et hoc debet frater moneri, ut cum cogitatio aliqua ei aduenerit, mox fixis in terra cum ceruice genibus, vel signo crucis in fronte depicto, precibus debet ad Dominum conuolare; ut dignetur suos milites a diabolo defendere. Quia vitia, nisi reprimantur cum parua sunt, eum magna fiunt, non confringuntur: & cum cogitata mala factis implentur, de perfecto peccato perfecta mors acquiritur.

#### CAP. XVI. INTERROGATIO DISCIPULI.

*De cellario monasterij, qualis debeat esse.*

RESPONDET DOMINVS PER MAGISTRVM.

Fratres, omnia opera pretium habet: quia digno mercenario mercedes debentur; & boni trituranti non alligabitur os. Nam

Nam & labores fructuum suorum beatum faciunt man-  
ducantem : quia Dominus homini creato omnia subiecit  
sub pedibus eius , propter quem creauit cuncta . Ergo si  
iniustis & inimicis Dei, id est , non credentibus paganis , &  
hæreticis, vel diuersis peccatoribus diuersa victualis creatu-  
ra famulatur subiecta, vt vniuersus mundus diuersis deser-  
uit : quanto magis credentibus in Deo , & bene seruienti-  
bus ei , iuste & digne Dominus ad vitam diuersam creatu-  
ram tradidit , quâ creauit : & quasi pignus futuræ repromis-  
sionis in præsentî hoc tempore omnia vitæ necessaria mi-  
nistrando , non derelinquet Dominus quærentes se ? Quia  
*diuites eguerunt, & esurierunt : inquirentes vero Dominum non defi-*  
*cient in omni bono.* Et esumentes implet bonis Dominus, & di-  
uites dimittit inanes : & tanquam nihil habentes, & omnia  
possidentes . Ergo cellararius monasterij non aliunde quam  
dispensator diuinarum rerum : in tantum diuinarum, vt Do-  
minus in euangelio promittat fidelibus seruis suis , dicens :  
 *Nolite cogitare quid manducetis, aut quid bibatis, aut quid induamini.* *Mat. 6.*  
Simul & de crastino monet non debere quemquam esse  
sollicitum : sed hoc admonet dicens : *Querite regnum &*  
*iustitiam Dei, & hæc omnia apponentur vobis.* *Scit enim pater ve-*  
*ster qui in calis est , quia hæc omnia indigetis.* Ergo si Deo ser-  
uientibus vitæ necessaria a Domino apponuntur, & scit Do-  
minus noster pater cælestis , quæ indigemus, & præparat :  
vides ergo, quia victualia nostra, cum ab ipso nobis præpa-  
rantur, dominica dona sunt . Nam sicut carnalis domini  
seruus, alter tamen homo, de præbendo seruitio suo solum-  
modo est sollicitus , qui de præparandis a domino suo an-  
nonæ, vestiarij, calcearij, vñbus est securus ; quanto magis Do-  
minus noster cælestis necessaria vitæ nostræ iuste nos non  
præcipit cogitare ? Quia si homo homini seruiens ad præ-  
parandum sibi creditur idoneus : quanto magis credentibus  
vel seruientibus Deo , qui creauit ipsa omnia, & cuncta  
potens est adimplere , omnia poterunt famulari ? *Quia iu-* *Psal. 35.*  
*nior*

*rior fui, & fenui, & non vidi iustam derelictam, nec semen eius egere panem:* sed magis tota die miseretur & commodat. Ergo cum de solo seruitio nostro in inquirendo regnum & iustitiam eius fuerimus solliciti, Dominum credamus nobis omnia ministrare qui vltro se nobis necessaria omnia promittit apponere. Ergo omnia victualia monasterij, quæ in præbenda operarijs suis dominus annonæ distribuit, si male & fraudulenter a cellarario distribuuntur & pereant, sciatur se supradictus cellararius in die iudicii diuini ante tribunal ratiocinijs discutitur, cum annonam seruorum suorum Dominus per negligentiam viderit stricari: quia quod iuste dominus dignis tradit, indigne ab euersoribus non patitur stricari. Qui cellararius sine præcepto Abbatis nihil tribuat, aut eroget, vel expendat, nec infirmo in præsentia eius extra iussum aliquid porrigat. Cellararius eleemosynam faciat cum iussu Abbatis, in præsentia eius; in absentia vero eius liceat ei petenti pauperi eleemosynam exhibere, propter præceptum Domini, quod dicit: *omni petenti te tribue.* Et item: *Da, nec cui non dederis ipse fit Christus.* Quotidie cellararius cum septimanarijs coram Abbate in oratorio cum congregatione communicet. Intransibus in hebdomada septimanarijs vasa coquinæ ipse consignet: completa hebdomada ab exeuntibus munda ipsa recipiat, alijs intransibus consignanda. Quæ vasa monasterij si sub aliquo per negligentiam fracta fuerint, non prius qui fregit accedat ad mensam, nisi poenitens Abbati satisfecerit, per humilitatem ad genua incuruatus. Eiectis vero de cellarario omnibus necessarijs, cum congregatione ad mensam cellararius sedeat tacitus, & manducet. Qui cellararius si se leuauerit aliquid apportare, usque dum redeat, omnes de mensa in qua sedebat ad manducandum expectent eum. Opus aliquod laboris faciendum his horis cellararius suscipiat, quando aliqua cura & diligentia vel dispensatio cellarij minime exercetur: ut otiosus in illis horis non sit.

In

Luc. 6.

In oratorio absens per occupationem, dicente Abbate pro eo fratribus, ut habeatur in mente, simul & ipse cellarius, si prope oratorium cellarium fuerit, sua voce petat, se debere in orationibus memorari: & tamen lente sic occupatus in facto opus Dei sibi dicat, & ipse sequendo vocem vel versum oratorij. Et merito intus in oratorio debet ab omnibus memorari, qui pro omnium sollicitudine occupatur: & quomodo ab vno communis pro omnibus utilitas procuratur, sic omnium cum vno partiatur oratio. Vitia vero oris & corporis eius custodienda ab ipso Abbate custodientur: quia cellarius sub nullius decedat nutu: ro sub Præposito continetur: ne forte, quomodo caro amat quæ sua sunt, propter aliquem appetitum, vel subministrationem gulæ, causa Dei prætermittatur, & pro cibo vel potu non exacta excogitatio carnaliter prouendatur. Vtensilia omnia monasterij ipse recipiat ad numerum, & diuersa consignet. De omnibus vero quæ sunt in monasterio extra Abbatem, nullus sibi aliquid velut suum, siue quod attulit, siue quod inuenit, siue quod laborauit, vel acquisiuit, nullus aliquid peculiare vindicet, aut defendat: quia regulæ sententia hæc est: *Res monasterij & omnium est, & nullius est.* Cellarius vero ipse frater ordinetur, qui probatus fuerit ab Abbate fidelis & abstinens esse: quem nunquam vincit aliquando aliqua desideriorum gula; vel qui non multum amat manducare, aut bibere: ne magis detur locus diabolo, sicut dicit scriptura: *Nolite dare occasionem querentibus eam*, & videatur gastrimargine gulæ voracibus vel gluttonibus fratribus provideri magis, quam refrenari.

## CAP. XVII. INTERROGATIO DISCIPULI.

*De ferramentis vel rebus monasterij.*

RESPONDET DOMINVS PER MAGISTRVM.

**F**erramenta monasterij in vno contineantur cubiculo, & vni fratri, cuius diligentiam Abbas agnouerit, eorum.

con-

conseruandorum curam committat: qui quotidie fratribus ad facienda opera consignet ad numerum; & a discipulis similiter munda ipse recipiat, & reponat, breue de omnibus tenente Abbate. Qui vero frater non mundum ferramentum a terra de agro reuocauerit, accusatus ad mensam a custode ferramentorum poenae nomine in refectione in portionem panis sui vnā quadram minus accipiat, vsque ad satisfactionem, vel emendationem promissam. Quia exinde æruginat ferramentum, cum mundum non fuerit positum. Simul etiam & ipse frater consignatas habeat cotes, & spongas calceorum, facitergia, mapas, vel sabana; simul etiam & arcam cum rebus Abbatie, vel arcas diuersarum decarum, cum rebus fratrum, cum clusuris præpositorum; simul etiam & arcam cum cortinis & velis, vel ornatu monasterij; simul etiam arcam cum diuersis codicibus, membranis, & cartis monasterij: simul namque & arcam cum his rebus fratrum, quibus nouiter ingressi monasterium: quæ propter, quod absit, repeditationem sæculi inuentur seruari: simul & vniuersa expensarum artificum, quæ ad diem de diuersis artibus laborantes consignauerint facta. Ipse frater perfecta recipiat, & reponat imperfecta, alia die ipse laborantibus singula reconsignet. Simul & vniuersarum artium ferramenta ipse a diuersis artibus sero recipiat, & mane consignet. Nam & arcam cum rebus fratrum nouiter in monasterio per donationem collatis, simul vel clausura Abbatis in cubiculo conseruet: rationes omnes in nummo monasterij expensarum ipse Abbatis suggestu erogationis exsoluat: vnde ipsum fratrem fide oportet diuina constringi: vt timore vel testimonio Dei fideliter possit commissa implere.

### CAP. XVIII. INTERROGATIO DISCIPULI.

*De septimanarijs coquina.*

RESPONDET DOMINVS PER MAGISTRV.

Su-

**S**uperius diximus decadam fratrum sub sua cura duos præpositos continere: qui decem fratres in coquina seruitio vicibus combinati septenos expleant dies. Et cum vicibus istis vnus decade fuerit adimpletum seruitium consignatis omnibus a cellarario utensilibus sibi alia in exercitatione decada succedat: qua expleta succedant singillatim per singulas septimanas. Singuli tamen ambo præpositi coquant cum solatio fratris, cuius voluerint, sui. Et ideo, quamuis cum solatio cuiuslibet fratris, singulos septimanas singulas diximus præpositos coquinare: vt cum non ambo in coquina simul seruitio occupantur, vnus foris cum decada suæ remaneat fratribus, qui in eis culpas, vel vitia diuersa custodiat: vt & si alij fratres sequestrantur in alio laboris opere, tales sequestrentur, qui Dei plus possint præsentiam timere, præoccupato in coquina præposito, cum negligentiore remanente vacuo Præposito: vt & vicibus honorem impleant emendandi, & vicibus humilitatem exerceant seruiendi. Ergo sic omnes explicando decadae recapitent: nam vnaquæque decada tali ordinatione septenos expleant dies. Bini fratres a præpositis suis in coquina seruitio per hebdomadam deputentur; quibus a cellarario omnia coquinae vasa intransantibus consignentur. Et ideo bini fratres, vt inuicem se suis solatijs iuuent. Cuius ordinationis in hebdomada talis debet esse introitus.

#### CAP. XIX. INTERROGATIO DISCIPVLI.

*Quomodo debeant introire fratres in hebdomadam coquinae.*

RESPONDET DOMINVS PER MAGISTRVM.

**I**ntroituri fratres in hebdomadam, post primam in oratorio dictam adducantur a præpositis suis ante Abbatem, & fiat de eis maioris suggestio, dicens: Iube Domine Abba vocari vniuersam congregationem, & orari pro his fratribus, qui ingrediuntur in hebdomadam coquinae; vt mereantur commendati orationibus vestris diaboli impedi-

z z

men-



Psal. 16.

menta non timere, & congregationi Dei omnia sine culpa perficere. Post hæc verba prosternant se illi duo fratres orationi ante Abbatem; quod & retro omnis congregatio vna cum Abbate facere debet: & postquam leuauerint se omnes, illi duo dicant hunc versum: *Custodi nos Domine ut pupillam oculi; sub umbra alarum tuarum protege nos*. Postquam vero oratum pro eis ab omnibus fuerit, surgentes supradicti duo fratres osculentur genua Abbatis, & pacem suis tradant præpositis, vel omni congregationi. Quibus post datam pacem præpositi sui dicant: *Ite fratres in nomine Domini Iesu Christi; intrate in hebdomadam, & petita benedictione omnia facite, dicentes per exercenda, omnia: Benedicite: ut cum benedictum fuerit, quodcumque feceritis, maledictus diabolus impediendi ibi non habeat potestatem*. Mox ab eodem die quotidie, si ad sextam habeant fratres reficere, dicta tertia exeuntes cum congregatione de oratorio hebdomadarij cum cellarario, oculos habeant ad Abbatem, inquirentes eum quid iubeat congregationi ad refectionem parari: ut mox inchoantibus coquinam a tertia paratis omnibus dicta sexta eant ad mensas. Si vero nona hora erit refectionis præparatio, dicta sexta exiens Abbas interrogetur ab hebdomadarijs & cellarario, & statim post sextam inchoent coquinare: ut dicta nona omnes eant ad mensam. Quod si forte non occurrerint hebdomadarij, excommunicationis poenam suscipiunt: quia lassatam congregationem vtrisque operibus, id est, ieiunij & laboris, sua pigritia cruciarunt. Excommunicationis vero hæc sit sententia: si sexta, septima; si nona, decima; hoc est, si ad sextam horam refectionem tricatam hebdomadarij offenderint, & non occurrerint, singulas quadras panis per sequentes septem refectiones perdant. Si nonam tricauerint, item singulas quadras per sequentes decem refectiones eis subtrahantur. Quæ sententia excommunicationis tamdiu in damno annonæ excommunicatis per-

ma-

maneat, quamdiu satisfactio in sequenti die promissa visa fuerit emendasse. Nam si grandis fuerit congregatio, vel aliqui extranei multi superuenerint, adiunctis in solatio fratribus, a prima dicta interrogando de refectione Abbatem, incipiant coquinare; ut hora constituta refectioni occurrant. In eadem namque hebdomada seruitium ad mensas omnes ipsi adimpleant; omnem diligentiam monasterij ipsi exerceant. Ipsi omnes fratres in hebdomada ipsa discalceent, adiunctis in solatio de decada sua fratribus; cum quibus & discalceent, & ipsa calcearia faciant; & facto mane sedentibus ad ordinem fratribus ipsi consignent simul & in eadem hebdomada munditias monasterij exerceant, refrigeria lauent, ligna conscidant; aquam faciei tradant, ad communionem intrantibus fratribus aquam manibus ipsi ministrent: mappas & sabana, & facitergia, vel res sordidas fratrum ipsi lauent illis horis, in quibus non coquent. Candelas monasterij a cellarario factas quotidie ipsi incendant & tutentur. Mox enim cum in hebdomadam, ut diximus, prima die post primam dictam intrauerint, primum opus seruitij sui munditias oratorij exhibeant, & mattas oratorij pauimento retendant: quo in totis septem diebus hebdomadæ suæ post matutinos dominicos hoc opus primum seruitij sui oratorio exhibeant. Cum adstant vero in septimana sua, coquinam intrantes ad se fratres mox petant eos pro se secum orare.

## CAP. XX. INTERROGATIO DISCIPVLI.

*Quomodo debent haberi in oratorio absentes in mente.*

RESPONDET DOMINVS PER MAGISTRVM.

Cum foris pro omni congregatione solliciti hebdomadarij in coquinæ seruitio occupantur, vel cellararius in cellario, vel custos ferramentorum vel rerum monasterij in suo credito occupatus est, intus in oratorio præpositi eorum dicant omni congregationi: in mente habete

AN. 12.

Dominum, & orate pro illis qui foris sunt. Sed & si quidam defuerint oratorio, & pro causa monasterij fuerint occupati, siue ambulauerint via, ab Abbate dicatur omni congregationi, vt in mente absentes in orationibus memorantur; sicut in actibus Apostolorum legitur: Pro absente orate: id est, cum esset Petrus in carcere, oratio pro eo fiebat in omnibus ecclesijs. Ergo si in mente non habiti fuerint in oratorio occupati, mercedem magis a Deo totam illi foris suscipiant; & illi deintus vacui egrediuntur. Quia vt illis intus vacaret orare, ab istis foris de apparandis necessarijs vitæ reddebantur securi. Et merito absens intus in orationibus debet ab omnibus memorari, quia pro omnium sollicitudine occupatur: vt quomodo ab vno communis pro omnibus vtilitas occupatur, sic omnium cum vno participetur oratio. Nam & hoc debet qui foris pro vtilitate monasterij occupatur, custodire; vt quando intus illi in oratorio expletis psalmis orationi incumbunt, vt clara voce sua petat oratorium, se debere in mente habere: dicto tamen a se opere Dei in eodem loco in quo occupatur. Infirmi vero vt per omnem orationem in mente habeantur, Abbas omnes admoneat. Nam & si frater extraneus de monasterio ambulauerit, in sequenti opere Dei dicatur ab Abbate congregationi, vt habeatur in mente. Quia quando ambulauit, rogauit omnes ipse frater dicens: habetis Dominum, orate pro me, & in mente me habete per angelum vestrum.

## CAP. XXI. INTERROGATIO DISCIPULI.

*Quomodo debent communicare hebdomadarij coquina vel cellarius.*

RESPONDET DOMINVS PER MAGISTRVM.

**N**AM cum ad communionem in oratorio ante Abbatem statur, omnibus in pace acceptis, cum communicauerit Abbas, post ipsum adhuc nullus communicet, sed statim præpositi fratrum illorum septimanariorum petant se de-

debere ire foris, vt hebdomadarios ad communionem oratorio repræsentent, complentes eorum vice foris. Qui præpositi exeuntes, vnus coquinæ præsit, alius ministeria ponat. Quibus exeuntibus foris, mox hebdomadarij lotis manibus ingressi orent modicum, & post orationem soli Abbati pacem dent. Ideo soli, nedum omnibus dant, tardasse horam ad refectionem congregationi faciant; & tarde egressi, cum necessaria non præparant, exeunte congregatione Abbatem in iræ cogant vitium declinare, cum adhuc non fuerint ab eis præparata, quæ opus sunt. Ergo post modicam orationem erecti communicent & confirment, & item orantes modicum lente eis versu dicto Abbas compleat; vt exeuntes præpositos suos oratorio reintromittant. Quibus exeuntibus dicat Abbas: Videte fratres, ne ante orationem communem mensæ præbendam aliquid de cibo aut de potu suasionem diaboli præsumatis. Et si nos hic positi intus foris vos non videmus, Deus tamen, qui omni loco præsens est, & omnia videt, & nihil est ei occultum, ipse vos conspicit: ne cum viderit præsumptionem vestram, sensum vestrum tradat in reprobum, & ad poenam vobis furta vestra in iudicio consignentur. Qui ergo post hanc monitionem exeuntes vna cum cellarario, vnus redeat coquinæ, alius ministeria, quæ minus suos Præpositus adimpleuit, perficiat: id est, præparent mensas, ordinent sancta, ministeria ponant, calices defricent; vt exiens cum congregatione Abbas, omnia inueniat præparata, simul & annonas panis omnium positas in canistro pendente supra mensam Abbatis: vt cum omnia exiens Abbas inuenierit præparata, non sit locus iræ, vel occasio coloris, vel clamoris; sed sit monasterium taciturnitatis & pacis.

## CAP. XXII. INTERROGATIO DISCIPULI.

*Omnibus hebdomadarijs egressis quo ordine remanentes in oratorio per Abbatem debent ceteri communicare.*

RESPONDET DOMINVS PER MAGISTRVM.

**P**ost Abbatis communionem communicet & præpositus, quem vice sua fecerit secus Abbatem stare; quem subsequatur singillatim decada sua. Quibus expletis communicet alius præpositus, quem item singillatim subsequatur & decada sua. Iam si Domino iuuante maior fuerit congregatio, similiter faciant subsequentes: sic enim stare debent in oratorio, quomodo iubentur & communicare. Frater qui se inflauerit ad communionem, & noluerit communicare, dimittatur, & abstineat: postquam vero voluerit, non permittatur communicare tamdiu, quamdiu ille fuit inflatus sine causa, tamdiu sit Abbas aut præpositus ei iratus in causa. Item qui se inflauerit, & ad mensam venire noluerit, dimittatur, & sequenti refectione non permittatur manducare: sed leuetur a mensa cum sederit: quia quando Abbas voluit, ipse noluit; & item cum ille voluerit, Abbas merito nolit. Secus Abbatem vero vicibus ad diem in oratorio stent præpositi, vel alij fratres; vt confusus secundarij semper habeatur gradus, vt non aliquis securus vel elatus de ordine cæteros in desperationem constituat, sed omnes per bona factorum opera placentes ad honorem sperandum certatim contendant meritis peruenire, non nomine: cuius rei qualitatem dictante Domino sumus retrodicturi. Simul vero post Abbatem cum iussu ipsius de alterutro choro a præpositis imponantur semper antiphonæ; quibus expletis item iussione Abbatis de alienis choris fratres minores, qui iussi per nomen fuerint, singillatim imponant item modo de isto choro, post ipsum de alio.

CAP.

## CAP. XXIII. INTERROGATIO DISCIPVLI.

*Post egressiōem Abbatis de oratorio quomodo debeant hebdomadarij  
seruire mensis, & ad manducandum esse communes.*

RESPONDET DOMINVS PER MAGISTRVM.

**E**gressa omni congregatione cum suo pastore de oratorio, post versus & orationem Abbas in suæ mensæ cathedra sedeat; mox omnis congregatio respondeat: Deo gratias: & omnibus adhuc ad suas mensas stantibus canister supra mensam Abbatis pendens trochleæ fune descendat, vt a cælo videatur operarijs Dei annona descendere. Statim vbi canister descenderit, signans vniuersum panem Abbas, frangens, & tollens sibi prius annonam suam a Domino benedicendam, eleuet manum, & ponens ante se, stantibus ad mensam suam his, qui cum eo manducaturi sunt, eroget eis. Statim vt acceperint, osculentur Abbatis manum, & sedeant tacentes. Deinde vocatis vnus mensæ præpositis, det eis totius mensæ suæ annonas: quibus dimissis, vocatis alijs tradat & ipsis. Iam si Domino iuuante multa fuerit congregatio, sic faciat omnibus mensis. Qui Præpositi cum annonas tam suas quam suorum fratrum accipiunt, pro honore maioris manus osculentur Abbatis: item cum ipsi in suis mensis fratribus erogant, pro humilitate manus eis a fratribus osculentur: & postquam quis acceperit, sedeat tacitus. Post omnium vero sessionem leuet se hebdomadarius lectionis mensalis, & ipse accipiens annonam suam osculetur manum dantis, & commendet eam cellarario, & resideat in sella cum codice: donec ingrediantur hebdomadarij coquinæ cum cellarario, & ipsi accipientes annonas suas a præpositis suis osculentur manus eorum: simul & cellararius, quia sub nullius decadæ numero continetur, de manu Abbatis accipiat annonam suam: qui cum acceperit, osculetur & ipse manum dantis, & ponet mensæ suæ. Mox primo Abbati, deinde omnibus, simul sibi & vltimis singulos meros porrigant. Statim euntes heb-

hebdomadarij ministrant in primo mensæ Abbatis. Deinde allata diuersarum mensarum ab inferioribus fercula offerantur Abbati signanda. Sic etiam signetur omne quod apponitur, tam coctum, quam crudum in mensis. Qui signat cruce, sic dicat ore: Benedic Domine quicquid ex hinc accepturi sumus. Vt forte quod non est opus, aut purgatur, aut cadet, aut illud quod victui non proficit, sine benedictione iactetur in terra, & pedibus conculcetur: ne res benedicta videatur pati iniuriam. Quæ ergo fercula signata singulas ponantur per mensas: & cum ministrauerint, sedeant vna cum cellarario ad mensam præpositi sui, & manducant cum congregatione communiter. Quibus expletis surgant hebdomadarij, vnus leuet fercula, alius concham cum aqua prius Abbatis ponat in mensam, ad lauandas sibi ab ipsis fratribus manus; vnde leuata diuersas singillatim ponatur per mensas: at cum ibi ab omnibus lotæ fuerint manus, reponatur in parte. Statim secundum numerum mensæ prioris in vno galletæ vase mensuratae portiones ab eis calida misceatur, & ventigiata a calice portione petita benedictione adsporet qui miscuit, si æquali est temperie mixtum; & sic in prima mensa omnibus eroget. Quibus pererogatis accedentes ad secundam, & ipsius numerus remisceatur, & petita item benedictione saporatum propter æqualitatem & ipsis erogetur: Et cum ventum fuerit ad mensam vbi sedent ipsi hebdomadarij & cellararius, addant & suas portiones in numerum, & post omnes petita benedictione bibant & ipsi. Quod vas semper cum misceatur, antequam adsporetur aut erogetur, offeratur Abbati signandum. Quod si Abbas absens fuerit, per singulas mensas illata sibi fercula, & mixta cum portionibus vasa vicibus in suis mensis signent præpositi. Nam si cuiunque temperatum fuerit in calice, aut certe adiuncta, fuerit calida, cum bibere voluerit, iterato dicat, Benedicite: vt & illud quod adiungitur a Domino petatur benedici.

Ex-

Expleto ministerio portionum, exeat foris hebdomadarius, pulmentum aliud allaturi; & cum detulerint, sedeant suis locis taciti, & manducent; & post expleto pulmento surgant hebdomadarius, & leuent. Et item secundum suum numerum unicuique mensæ signato item ab Abbate vaso, & cum benedictione adsaporato, mixtum ministrent, & ipsi in ultimo similiter bibant: & postquam hoc fuerit adimpletum, mox cocta ab eis fercula surgens cellarius accipiat, & crudum cellarii quodcumque fuerit, inferat missum: & prolati, & signati, vel in mensis positis suis locis resideant taciti, & manducent: quibus leuatis mox hebdomadarius micas panis prius de mensa Abbatis, deinde diuersarum mensarum, cum reuerentia mudent. Quæ micæ cum per singulas mensas mundando leuantur, una voce hebdomadarius dicant: Deo gratias. Quas quotidie in vnum, ut diximus, vas collectas hebdomadarius cellarario consignent reuerenter seruandas. De quibus in exitum hebdomadæ suæ patellæ coquantur, quomodo sequens titulus demonstrabit. Quibus ergo mundatis micis mox consueta portionum mensura ab hebdomadarijs, ut constitutum est, erogetur: similiter petita benedictione ultimi bibant & ipsi. Ideo enim diximus, hebdomadarios & cellararium interesse mensis communiter, ut nullus penitus semote aut infrunite absconse foris manducet: sed sit omnibus temperantiæ & sobrietatis mensura communis. Quia quicquid absconse manducatur, fraudulentè agitur: & ut gulæ satisfaciatur, sine mensura peccat. Quibus ergo mensæ expletis actibus, cum leuante se Abbate omnes surrexerint, statim omnis congregatio una cum hebdomadarijs vel cellarario dicant: Deo gratias. Mox vero dicto omnes adsint ad agendas Deo gratias per orationem: & nequis desit, requirant in numero præpositi decadas suas: ut quomodo mensæ omnes fuerint communes, sic & orationi videantur præsentés. Omnem enim cibum & po-



tum cum verbis aperiat & claudat oratio. Qui vero frater ad versum primum mensas dicendum non adfuerit, non sedeat ad mensam cum fratribus, sed semote in scutella sine data benedictione manducet non signatum, & portio ei non signata tradatur semote mixta: & usque dum se leuet, nullus cum eo loquatur. Iam si spiritualis est, doceat ei sine Deo reficere. Qui vero ad versum posteriorem mensa finita non adfuit, in sequenti refectione & ipse a mensa sequestratus non signata manducet & bibat. Quae excommunications tam diu in eis permaneant quamdiu in satisfactione humiliati ad genua capitis, emendatio maiori fuerit repta missa. Ergo hebdomadarij cum seruitium mensarum exercent, si forte ad ministrandum omnibus non occurrerint, insinuent hoc ipsum suis Praepositis quibus mox ordinatus de eadem decada vnus frater in eorum solatio adiungatur: quotiesque hebdomadarij in seruitio mensarum negligenter mensis deseruiuerint, alia die hora refectionis leuet se Abbas, & cum vno de praepositis, aut duobus, si grandis fuerit congregatio, ipsi faciant seruitium ad omnes mensas: ut & doceat eos quomodo faciant, quod non possunt implere; & agnoscentes omnes fratres erubescant, in communi natura hominum, vel pari seruitio Dei, aequalem non mereri diuinae sapientiae gratiam cum vtilibus fratribus inuenire.

#### CAP. XXIV. INTERROGATIO DISCIPULI.

*De hebdomadario lectore ad mensas.*

RESPONDET DOMINVS PER MAGISTRVM.

**I**N aestatis vel hyemis utroque tempore cum ad sextam, vel nonam horam reficitur, singuli praepositi de singulis decadis vicibus hebdomadae singulas legendo ad mensas exercent. Sed tunc de illa decada praepositus non legat; de qua alter praepositus in coquinae seruitio occupatur: ne dum vnus legit, & alter coquit, vitia suorum fratrum, ad

ad mensas non sit qui præseant emendat. Qui præpositi singulis vicibus in legendo ad mensas cum singulis expleuerint hebdomadas, singulos fratres literatos per singulas vicibus septimanas ad legendum constituent, vt omnes possint vicibus de singulis decadis legere literati. Et postquam omnes fratres in legendo suas expleuerint septimanas, singuli recapitent ad inuicem præpositi, vt nunquam desit carnali refectio nisi esca diuina: sicut dicit scriptura: *Non in solo pane vivit homo, sed in omni verbo Dei*; vt dupliciter Mat. 4. fratres reficiant, cum ore manducant, & auribus saginantur. Cuius ergo in hebdomada talis debet esse introitus. Dominico die, quo hebdomadarij coquinæ ingrediuntur in septimanam, tunc & iste frater ad sextæ horæ refectioem post versum & orationem mensæ, cum Abbas in sua cathedra sederit, antequam canister cum consuetis panibus trochleæ fane descendat, tunc insinuet se voce sua, is qui lecturus est, dicens: Iubete Domini mei, orate pro me, qui ingredior in hebdomadam lectionis mensalis. Mox surgens Abbas cum omni congregatione fixis in terra genibus oret cum eo: & cum surrexerint, dicat novus hebdomadarius hunc versum: *Domine labia mea aperies*, & Psal. 50 *os meum annuntiabit laudem tuam*; respondentibus secum cunctis. Post versum vero dictum complente Abbate, mox primo Abbati, deinde omnibus pacem tradat: deinde in medio omnium mensarum sibi ordinet sellam, & post omnium sessionem ad mensas petita benedictione sedeat & sipse in sella cum codice. Et cum primum mensæ Abbas cum omnibus acceperit merum, & ipse similiter suum merum propter sputum sacramenti accipiat, & sic incipiat legere. Legat namque quotidie regulam hanc, posito a die signo huc vsque legerit, vt sequenter quotidie tamen omnia perlégantur, vt per vices hebdomadam finiri possit, & recapitari legendo. Qui hebdomadarius cum septimanam suam in legendo expleuerit, signum sequenti succes-

fori ostendat, unde prosequatur qui coeperit septimanam :  
 qui & ipse finiendo & recapitando, finita hebdomada,  
 sua signum successorum demonstrat. Legat namque dispo-  
 site non vrguendo, vt apertius occupati ea auditores agno-  
 scant, quæ eos factis oportet adimplere : & vt si qua  
 sunt ambigua aut obscura, & apertius ea non intelligent  
 fratres, aut interrogatus a fratribus, aut vltro aliqua  
 Abbas exponat. Nam si superuenerint forte mensæ mo-  
 nasterij laici, propter detractionem futuram in sæculo,  
 cum secreta Dei sæcularis agnouerit, si placuerit Abbati,  
 aliam lectionem cuiuscunque codicis legat : vt secretum  
 monasterij, vel mensuras vitæ sanctæ constitutas in  
 disciplinam ab irrisoribus non sciatur. Legat namque  
 aliam lectionem, posito tamen in regula signo. Nam si  
 talis laicus ad mensam monasterij detineatur, de quo cer-  
 tus sit Abbas, quod non solum admirari possit constituta  
 diuina, sed etiam huius religiositatis scit Abbas, quod in  
 conuersione possit esse pedisequus, & ad mores possit trahi  
 diuinos, in huius lector aduentum ad mensam regula subse-  
 quatur. Nam illi debent monasterij regulam audire,  
 qui illam possunt merito obseruare. Ideo ad mensas hora  
 refectionis debet regula legi, quia tunc omni congrega-  
 tione ad manducandum in vnum redacta, sine excusatione  
 tunc lectio obseruantiae vel emendationis ab omnibus  
 audientibus rite poterit obseruari, vt omnia regulæ omnes  
 audiant, & nullum prætereat aliquid : vt quod omnes  
 audierint, eos factis oporteat adimplere. Ipsi vero fratri  
 septimana sua cum in hoc opere occupatur, septimanarij  
 de omnibus mensis, mensæ suæ illatis, scutellas leuent,  
 seruante cellarario panis eius mensuram, vel consuetum  
 numerum portionum : & post omnium leuationem peti-  
 ta benedictione & ipse reficiat. Ideo enim diximus regu-  
 lam monasterij quotidie legi ad mensas, vt nullus frater  
 excuset se ignorantia faciente non emendare. Non cum  
 quo-

quotidie in vfu ipsa regula mittitur, & notitia melius ob-  
 seruatur: ne forte dicat se frater nescire, quod possit per  
 obedientiam adimplere. Nam tempore ipso refectionis,  
 cum legitur regula, vt solliciti vniuersorum fratrum exci-  
 rentur auditus, de singulis mensis quos voluerit fratres,  
 quid lectum est Abbas interroget: vt cum vnusquisque  
 frater recitaueit quod audiuit, agnoscatur plus lectio-  
 ni illa hora intendisse, quam ventri. Vt cum surdus negli-  
 gens non narraueit quod audiuit, plus carnem iudicetur  
 amasse, quam animam. Qui mox de negligentia ab Abbate  
 iuste corripi debet: vt dum vnusquisque frater interroga-  
 tus timet erubescere, mentem suam a se non faciat aber-  
 rare; sed in hoc intendat quid legitur. Qui hebdomada-  
 rius tamdiu ad mensam cum fratribus, quibus se leuantibus  
 posito in regula signo leuans se & ipse cum codice, versu  
 & oratione ab omnibus adimpleta, respondeat cum  
 omnibus: Deo gratias: & statim residens ipse ad mensam  
 suam ab hebdomadarijs seruata refectionem vel portio-  
 num mensuras, signatas aut ab Abbate, aut a Præpositis,  
 omnia & ipse percipiat.

#### CAP. XXV. INTERROGATIO DISCIPULI.

*De patella micarum ab hebdomadarijs septimo die coquenda.*

RESPONDET DOMINVS PER MAGISTRVM.

**M**icæ panis, quæ quotidie de mensis mundando leuata  
 in vno vase seruantur, ab hebdomadarijs exeuntibus  
 septimanam septimo die hebdomadæ suæ sabbato die mun-  
 dentur ad seram, & patella exinde cocta, aut cum farre, aut  
 cum ouis astricta, antequam vltimum seræ caldum bibant;  
 in mensa ponatur Abbatis. Deinde sedenti Abbati, vel  
 vniuersæ congregationi simul, dicant hebdomadarij: Iu-  
 bete Domini, & orate pro nobis, quia in ministerio humi-  
 litatis expleuimus septimanam. Statim omnes surgentes cum  
 Abbate fixis in terra genibus orent pro ipsis cum ipsis com-  
 munitur. Et cum surrexerint, dicant hebdomadarij hunc

VEL-

psal 85. *versus: Valeant qui nos eduxerunt, & confortauerunt, & quoniam  
Domine adiuuisti nos, & confortatus es nos.* Deinde completi  
Abbati pacem tradant simul & prapostis suis, vel omni  
congregationi: & cum refederit Abbas & fratres ad men-  
sas, signans patellam ipsam Abbas, sumens de benedictio-  
ne prius cum cochleario ipse, deinde his fratribus, qui cum  
eo ad mensam ipsius sedent, singulos cochleares in ore  
ministret: & cum suos conuiuium expleuerit, vocatis ipsis  
hebdomadarijs, & ipsis in ore porrigat. Deinde quot men-  
sae fuerint, tot scutellas Abbati hebdomadarius porrigat:  
ubi singulos cochleares per numeros fratrum de singulis  
mensis leuent, quos singulis fratribus in ore sui praposti  
porrigant, vt omnes de ipsa benedictione percipiant.  
Quod cum adimpletum fuerit, sic vltimum caldum acci-  
pientes surgant, dicentes: Deo gratias. Qui vero hebdo-  
madarij patellam istam per negligentiam septimo die non  
exhibuerint, & in sequenti aliena hebdomada per singu-  
los dies singulas quadras panis subductas ab Abbate amit-  
tant, vsque ad emendationem satisfactionis promif-  
sam.

## CAP. XXVI. INTERROGATIO DISCIPVLI.

*De mensura ciborum.*

RESPONDET DOMINVS PER MAGISTRVM.

**S**ufficere namque credimus ad refectionem cotidianam,  
tam sextae, quam nonae omnibus mensibus cocta duo  
pulmentaria, & tertium quodcunque fuerit crudum,  
cum pomis. Medius panis pensans libram singulis fratri-  
bus in die sufficiat, secundum formam diuinæ dispensatio-  
nis, cum medium panis caelestis coruus Paulo seruo Dei  
quotidie vescendum parauerit. Quando ergo ad sextam  
horam tempore aestiuo vel alijs temporibus reficiunt, ter-  
tia quadra ipsius dominici panis a cellarario per omnium  
annonas in cellarario subtracto sera ante illud crudum pul-  
men-

mentarium inferendum mensis ponatur. Et ideo in cellario diximus eas quadras de omnium annonæ antecessus subtrahi; ne forte cum integræ annonæ in mensis fuerint positæ, & ne forte adueniens frater nouitius, nesciens adhuc mensuram regulæ, putet sibi iterato ad coenam reponi, ad prandium explicet totum, & sera cum pomis habeat nihil: aut frater multum edere amans, quamuis mensuram nouerit regulæ, cum petenti gulæ vult satisfacere, ad horam totum eligat manducare, & ad seram putet se esse contentum. Quæ omnes quadrae cum fuerint in cellario reseruatæ, sera eiectæ & in mensa Abbatis positæ, & ab eo signatæ, sicut consuetudo ostendit, prius sibi vel mensæ suæ tollat, & residuæ in canistro a cellarario leuatæ per singulas mensas ponantur tollentibus, vt ipsæ solæ partes cum cruda quocunq; pulmentario mixto cum pomis, vel si quid de pulmentarijs prandij remanserit, fratrum coenæ sufficiat. Nam Dominico die, vel alijs festis diebus, sed & propter extraneas aduenientes personas, quouis die quicquid addere Abbas in cibo voluerit, vt pote maiori conceditur, vel dulciorum aliqua: secundum testimonium, quod legitur in Viris patrum: vbi pro diebus festis delicatum petierunt a Domino cibum, & apparuit eis cum fauo angelus. Tantum est, vt consideret æqualitatem, & fugiat corruptibilem nimietatem. Minoribus vero duodecim annis minus a libra panis in die sufficiat.

## CAP. XXVII. INTERROGATIO DISCIPULI.

*De mensura potus.*

RESPONDET DOMINVS PER MAGISTRVM.

**M**ox cum federint ad mensas fratres, antequam comedant, singulos meros accipiant. Quos meros accipientes, singuli porrigant Abbati sibi signandos: & per alias mensas suis fratribus, suis signent præpositi vicibus. In quibus omnibus mensis in suos meros quisquis frater de suo

suo pane terbas sibi, non amplius, butocellas intinguant.  
 Ideo non amplius, ne frater multum ibi panem expen-  
 dens, cum in pulmentarijs non habuerit, voracitatis suæ  
 causa, in panis sui mensura aliorum fratrum aspectum in-  
 se prouocet detrahentem. Post ergo primos meros æstiuo  
 tempore ad refectionem tam sextæ quam nonæ, caldi  
 omnibus quaterni sufficiant, extra illum merum. In  
 eodem vero tempore, cum ad sextam reficitur, ternæ sera  
 omnibus sufficiant potiones. Quibus completis iam in  
 refectione sextæ, quam nonæ, vel coenæ stans in medio  
 mensarum clara voce cellararius dicat: Qui sitit fidu-  
 cialiter indicet. Post hanc vocem qui fuerit sitiens mox  
 de mensa sua respondeat: Benedic. statim temperata in  
 vno vase pusca calida, aut, si voluerint fratres, cum  
 lutta; quæ semper amplius propter sitientes fieri debet  
 in pulmentarijs fortioribus, aut galleta, aut calices sitienti-  
 bus porrigantur. Nam & his æstatis diebus cum ad no-  
 nam horam reficitur, sera antequam compleant, binæ  
 omnibus sufficiant potiones: ita tamen vt antequam  
 bibant, orent; & postquam biberint, reorent. Item in his  
 æstatis diebus cum ad sextam reficitur, post dictam no-  
 nam quotidie exiens Abbas de oratorio in sua sedeat ca-  
 thedra, & circumstantibus ante eum in ordine omnibus,  
 eiecto a cellarario vino, misceantur ab hebdomadarijs in  
 consueto vase per singulas mensarum decadas omnium  
 singulæ potiones, secundum numerum congregationis &  
 suum. Statim surgens Abbas oret cum omnibus, & post  
 orationem antequam sedeat, oblatum sibi vas cum mixto  
 signet eum. Mox secum omnes ad mensas suas iubeat,  
 sicut consueuerunt, sedere: & bibens prius ipse, deinde  
 singillatim mixtum per mēsas singulas omnibus faciat pro-  
 pinari. Quibus expletis surgant iterato, & orent; & post  
 orationem redant vniuersi ad opera quæ dimiserant fa-  
 cientes. Ergo quiuis sitiens post nonam mox bibat: iam si  
 in-

introierit de decima, nemo bibat vsque post vesperam. Si vero frater amplius sitierit in ipsa nona, antequam veniat, vt diximus, decima, & bibere si voluerit, aquam non ab vrceo vno haustu, sed ad calicis, aut galletæ, aut caucelli bibat mensuram: quia quod extra mensuram est, hoc est nimium & iniustum, & desiderij satisfactionem ad corruptelam videbitur adimplere. Nam secundum sententiam illam, quæ dicit: *Ne quid nimis*, potest & nimia aqua deebriare sensum in phantasij somniorum, & corpus necessitatibus occupare: id est, in venis flatus, in medullis frigus, in supercilijs grauitas, in capite gyrys, in oculis somnus, in naribus stertutus assiduus. In hyemis vero tempore in sextæ & nonæ horæ refectione omnibus caldos ternos sufficiant; quia æstus non est qui prouocet sitim. Illis vero diebus in hyeme in quibus sexta reficiunt, sera penitus nihil cœnetur; nisi singulos caldos omnibus sufficiant: ita tamen vt antequam bibant orent; & postquam biberint, reorent. Post nonam vero illa potio quæ quotidie de cellario in æstate proferebatur sitientibus, in hyeme non detur: quia nec sitis suppeditatur, nec longe restat a refectione in vesperam. Illis vero diebus, in quibus in hyeme ad nonam reficitur, post dictam vesperam non amplius quam singulos caldos accipiant: ita tamen vt antequam bibant, orent; & postquam biberint, reorent. In illis vero diebus a Pascha vsque ad Pentecosten, in quibus ad sextam reficitur, absque quinta feria & dominica, alijs diebus nihil aliud ad seram nisi binos caldos propter dies accipiant: absque Paschæ octauorum octauas, in quibus iugiter cœnent. Nam ideo supradictis diebus, absque quinta feria & dominica, vsque in Pentecosten cœnas subduximus, vt vna resectio in his diebus custodiatur: & quamuis non sua hora, consueti tamen ieiunij videatur causa seruari: & quamuis non sua hora, cum cœnæ eorum mutantur in prandia. Quinta vero feria & dominica hoc cœnent ad seram, quod supra de cibis taxauimus:

b b b

ad-



addito tamen vno pulmento quotidie in prandio; vel si Paschæ restiterit merces, potio cuiuslibet. Calix vero, aut galleta, per quem erit in diuersis vicibus ministrandum, talis sit, qui tertius impleat mixtam heminam. Sed eius æqualitatem mensuræ, aut duo aut tres oportet calices aut galletas mensurarum ministerio deseruire; vt per multa pocula vniuersis citius erogetur. Infantuli vero intra duodecim annos agentes in hyeme binos caldos accipiant, a sera singulos: ætatis vero tempore ternos ad refectiorem, & sero binas accipiant potiones, propter ætatis qualitatem. Nam sicut superius de cibis constituimus, ita & de potionibus permittimus. Dominica, vel diebus festis, vel propter extraneas aduenientes personas quicquid aptum duxerit addere Abbas, vtpote maiori conceditur: scilicet propter caritatem & lætitiā sanctorum dierum vel amicorum addat mercis cuius voluerit potionem: tantum est vt memor sit sobrietatis & fugiat vinolentiæ ebrietatem. Quia nisi sobrium fuerit corpus, ad opus Dei vigilare non potest, & anima cogitationes libidinis non carefcit. Iam si aliquis discipulorum de constituta mensura potus aut panis sui, remanente fragmento recusare aliquantulum ad mensam voluerit, spiritum plus agnoscitur amare, quam carnem, & frænum castitatis imponet luxuriæ. Nam cum hoc ipsum recusat abstinens frater, leuanti cellarario dicat lente: Suscipe, & hoc quod negatum est carni, proficiat Deo. Mox semote in vno vase a cellarario hoc ipsum mittatur Deo feliciter profuturum, & pro aliquo munere adiunctum eleemosynæ monasterij mendicanti pauperi a cellarario porrigatur in manum. Hæc omnis mensura, de inthicis monasterij, nam si quid transmissum deforis congregationi suæ apparauerit Dominus, gratanter suscipiatur transmissum Domini donum; & si placet Abbati mensis addatur, quippe quod nisi apparatione Domini non venisse intelligatur.

CAP.

## CAP. XXVIII. INTERROGATIO DISCIPULI.

*De diebus ieiuniorum, vel hora refectionum.*

RESPONDET DOMINVS PER MAGISTRVM.

**O**mni tempore in septimana duobus diebus ad sextam reficere debent, hoc est, quinta feria, & dominica: Ceteris alijs in septimana diebus ad nonam horam reficere oportet. Nam erubescamus nos, qui sumus spirituales, fugere hora nona ieiunium: cum vetusta consuetudo antiquitus cognoscitur prandia ignorasse; sed semper vesperam, hoc est, coenam suis refectionibus ordinauit: in tantum & annonam, quæ erogabatur aut laborantibus aut militibus, ideo annona vsque hodie dicitur, quia ad horam nonam diei erogabatur, quando & sumebatur; & ideo vsque hodie annona nomen remansit. Nam ipsius Domini sanctius testimonium proferam, quem coenasse cognouimus, non legimus prandidisse, cum dicit sancti euangelij scriptura: *Vespere autem facto recubuit Iesus cum duodecim Apostolis, & coenantibus illis dixit.* Nam ideo ad nonam horam vniuersis diebus constituta sunt solui ieiunia, vt sit aliquid prolixius, quod quadragesimæ diebus addatur: id est, vsque ad vesperam; hoc est, post lucernariam. A sexagesima vero quarta, sexta, & sabbato post lucernariam semper reficiant: alijs vero diebus vsque ad quadragesimam ad nonam reficiant: vt quod dominicæ quadragesimæ de quadraginta ieiunijs subtrahunt, quarta, sexta, & sabbato a sexagesima in ieiunijs vsque ad vesperam continuatis restituant; vt quadraginta in numero ieiunia compleantur. Infirmis vero certa ieiunia resoluantur; & quando fratres ad sextam reficiunt, infirmi tertia recreentur, absque illis qui grauiter defessi sunt: quia illis nulla hora decernitur, in quibus timetur mortis euentus. Ideoque quomodo necessitas visa, & pro certo probata quosdam permiserit, recreentur. Si vero sani fratres nona, infirmi sexta reficiant. Sed hoc debet diligenti curiositate probare quibusdam signis vel agnoscere Abbas;

Matt. 26.

ne quis se fingat propter refectionis edacitatem infirmum .  
 Nam ideo infirmis resolui ieiunia diximus propter fragilitatem corporis , per quam non possint adimplere quod  
*Matth. 26.* cupiunt , dicente scriptura : *Spiritus promptus , caro infirma .*  
 Infantuli vero quarta , sexta , & sabbato , in diebus tamen minoribus , hoc est , in hyemis tempore , ieiunent : alijs vero diebus ad sextam reficiant horam . In æstatis vero diebus quarta , sexta , & sabbato infantuli sexta hora reficiant : alijs vero diebus tertia recreentur . Quia in maioribus diebus minor est ætas in viribus , sicut est sustinendi sensu discreti . Sed infantes ad hanc relaxationem tales permittimus , qui intra duodecim annos degunt ætate : ampliori vero qui fuerint , ad formam teneantur maiorum . Nam iusto iudicio infantuli , & senio prouecti , & infirmi æquali debent refectionum iudicio relaxari . Nam & fratres in via dirigendi hoc præceptum Abbatis vel præpositorum suorum accipiant quarta , sexta , & sabbato in diebus maioribus ; id est , a Pascha vsque octauo Kalendas Octobris , quod est æquinoctium hyemale , vt non in via ieiunent , propter æstum & sitim : deinde ab æquinoctio hyemali vsque ad Pascha , quia breuiiores sunt dies ambulantium fratrum , in quarta , sexta , & sabbato , ieiunia protrahantur in vesperam : ne occupati fratres nona hora per refectionem in via accelerata breuitas diei fratribus mansionem protendat : aut , vt est lucrum sæculi totum venale , cum iam ad seram finiti cum ieiunio diei inclinata iam secunda relectio , cum nihil sibi emendum mansionem promiserit , propter nullum distractionis ad quæstum , de ieiunatum iam fratrem non vellet taberna suscipere , & propter susceptionem a nullis lucris fratribus denegatam , cogantur fratres propter hospitalitatem iterato de sumptibus suis expendere , & per secundam refectionem , quæ non licet , ieiunium violare . Alijs vero diebus extra quarta , sexta , & sabbato in diebus minoribus , sexta hora ad refectionem in via repaudent , & sera

fera coenant, propter viæ laborem. A Pascha vero vsque Pentecosten, exceptis missis in longinqua via, in monasterio vel vbiuis sexta semper hora reficiant, & coenas suas mutant in prandijs, dicente sancta scriptura: *Non licet vobis ieiunare cum sponsus nobiscum est*: & non coenant nisi quinta feria & dominica. Nam ideo omni tempore quinta feria non licet ieiunare, quia ascensa Domini ipso die omni anno occurrit. Dominica vero die ideo non licet ieiunare, quia resurrectio Domini imputatur; quod in libris suis fieri prohibet sanctus Siluester. Nam ideo a Pascha vsq; ad Pentecosten non licet ieiunare, quia sabbatum Paschæ claudit trititiæ ieiunia, & aperit lætitiæ alleluia; & sabbatum Pentecostes claudit alleluia, & aperit ieiunia. Sed ecclesijs clauditur alleluia: nam monasterio quasi in peculiari seruitio Dei alleluia vsque ad Epiphaniam per modos psalmorum constitutum aperta a seruis Dei psallitur Domino.

## CAP. XXIX. INTERROGATIO DISCIPVLI.

*De tempore dormitionis eorum, vel qualiter debeat esse locus, vel quo ordine dormiant.*

RESPONDET DOMINVS PER MAGISTRVM.

**A**ctiuo tempore dicta sexta, aut in ieiunio, aut post refectiorem, omnes repaudent; vt noctibus ipsis breuibus sobrija somno fratres diuino operi & orationi leues confluant. Nam in vno atrio, vel in triclinio lecta in ordine circuitu ordinent: in quo circuitu lectum Abbas in medio habeat, vt omnem taciturnitatem vel reuerentiam in circuitu considerans, omnium ouium suarum gregem intra vnum quile collectum, quasi diligens vel sollicitus pastor attendat. In quo atrio pendeat cicendelus, qui quotidie a cellarario factus, ab hebdomadarijs ad seram ante completorios incendatur; vt videant diuersi quomodo se collocent: & postquam se omnes percollocauerint, a supradictis turetur, si forte indigentia olei in monasterio sentiatur.

CAP.

## CAP. XXX. INTERROGATIO DISCIPVLI.

*Post completorium neminem debere loqui.*

RESPONDET DOMINVS PER MAGISTRVM.

**P**ostquam fera omni perbiberint caldos, cum vniuersi fuerint ab hebdomadarijs discalceati, dicat Abbas fratribus vniuersis: Eia fratres recludantur vniuersa locis suis, cuncta reponantur in parte: lauate fratribus hebdomadarij pedes. Qui hebdomadarij cum omnibus perlauerint pedes, aut cum extraneis superuenientibus lauant, vno ore dicant ambo hunc versum, secum omnibus respondentibus: *Tu mandasti Domine mandata tua custodiri nimis: utinam dirigantur viae meae ad custodiendas iustificationes tuas.* Ergo omnibus Abbas dicat: Eia fratres mouete vos, vt expletis omnibus non sit occasio, vnde loqui cogamur; iam enim hora est vt nos Domino commendemus, & finitis omnibus diei officijs intrantes noctem pariter os nostrum loquendi claudatur ad requiem, & oculi ad soporem. Ergo vbi haec omnia, cum adhuc loquendi & aliquid imperandi licentia tribuitur, omnia fuerint adimpleta, factis completorijs in ultimo dicant hunc versum: *Pone Domine custodiam ori meo, & ostium circumstantiae labijs meis:* mox ingrediantur silentium, & suis se collocent lectis; & tanto silentio redigantur, vt vsque ad nocturnos putetur nullus ibi esse de fratribus. Ideo enim post completorios tacere debemus, vt merito in nocturnis primo dicamus Domino: *Domine labia mea aperies, & os meum annuntiabit laudem tuam.* Hoc est, petamus Dominum debere aperire in nocturnis labia nostra, quae sua custodia in completorijs clauserat. Vides ergo, quia quicquid aperitur, agnoscitur prius fuisse clausum. Sed ne forte cum silentium custoditur, aliqua necessitas vtilitatis ad loquendum fratrem perurgeat, & frater fratri vult loqui, si lumen cicendeli aut lucernae fuerit, de manu, vel nutu capitatis, vel nutu oculorum; aut certe si deest lumen, frater cum fratre ad necessarium vadat, & quod opus fuerit, tamen

ad

Psal. 118

Psal. 140

Psal. 50.

ad aurem lente loquatur; ut alter tertius cum non audiat. Simul & si frater aliqua necessitate post somnum ante nocturnos compellatur loqui aliquid, prius versum consuetum nocturni dicat sibi lente; id est, *Domine labia mea aperies, & os meum annuntiabit laudem tuam*; & loquatur quod opus est. Nam manducandi aliquid, aut bibendi, vel aliquam rem operandi nullam fratri post completorios permissio- nem concedimus. Si qui vero de extraneis post completorios perfectos monasteriū aduenerint, a domesticis fratribus tacito ministerio recreentur, & lente eis respōsum reddatur, propter regulæ constitutum: & lotis eorum pedibus complentes postmodum sibi lente, & ipsi peregrinorum lectis delegentur dormire. Mox clausis ab ostiarijs regijs in suis & ipsi iacentes stratis per horarum silentium & noctis appetant somnum. Si quis vero frater post completorios aut manducare, aut aliquid bibere deprehensus fuerit, hanc excommunicationis poenam suscipiat: alia die accusatus, in ieiunio continuato tertia die reficiat, qui præsumpsit illicita. Quæ excommunicationis poena tam diu in continuatione permaneat, quam diu per humilitatis satisfactio- nem de emendatione promissa ab eo ab Abbate præsentem, aut a præpositis venia fuerit postulata.

## CAP. XXXI. INTERROGATIO DISCIPULI.

*De hebdomadarijs diuini officij in noctibus.*

RESPONDET DOMINVS PER MAGISTRVM.

**A**D excitandum diuinum officiū in noctibus, ipsius decadae Præpositi, quorū fratres septimanas in coquendo exercent, tam diu sollicitudinē excitandi exerceant quam diu decem fratres eorum combinati, aut propter multitudinē congregationis cōternati, in coquinæ seruitio, suas vicibus expli- cent septimanas. Nam ipsorum præpositorum vices cum venerint coquere, quia ipsi de coquinæ ministerio lassī defessī membris poterunt somno grauari, sollicitiores duo electi de-

decada sua ab eis fratres in septimana ipsorum sollicitudinē excitandi suscipiant. Similiter & cum inchoant alterius decadae fratres coquinæ seruitium, simul & præpositi eorum sub sua sollicitudine vniuersum gregem suscipiant sua vigilantia excitandum : similiter & ipsi in hebdomada sua, cum adsint in hebdomada sua coquinæ, a sollicitioribus suis fratribus adiuuentur. Nam si qui septimanam excitationis exercent, in nocte & in die ipsi solliciti, horologium conspiceret, & horam psallendi Abbati & fratribus, ne forte per occupationem laboris obliuiscantur, & eos constituta iam hora prætereat, ipsi vniuersos rememorent, & psallendi horam iam nuntient aduenisse. Ideo enim excitatio duobus modis committitur, ut & vicibus vigilent, & si vnus secundum carnis fragilitatem fuerit somno oppressus, alius forte vigilans constituta hora excitet negligentis collegæ officium. Magna enim merces apud Dominum est excitantium ad diuinum opus, quos pro fama regula vigilgallos nominauit.

#### CAP. XXXII. INTERROGATIO DISCIPULI.

*Quomodo ab eis fieri debeat excitatio.*

RESPONDET DOMINVS PER MAGISTRVM.

**C**um hora constituta psallendi iam nocti accucurrerit, surgat in his duobus qui inuentus fuerit vigilantior, excitet lente negligentiorē collegam hebdomadarum suarum. Et merito lente; quia adhuc non est petitum a Domino ab omnibus in oratorio, ut clausa in completorijs labia ab eo aperiantur in nocte. Hos ergo ideo duos constituimus, ut inuicem se suis vigilijs præueniant. Ergo surgentes ambo vadant cum reuerentia ad lectum Abbatis, & ibi oratione facta dicant sibi lente hunc versum : *Domine labia mea aperies, & os meum annuntiabit laudem tuam* : & complentes sibi lente, mox pulsantes pedes Abbatis suscitant eum. Quo experefacto dicant simul, Deus : quo audito

dito Abbas surgat intrans in oratorio, & percussa indice oret tam diu, quam diu vniuersi fratres ingrediantur, qui forte necessaria causa corporis occupantur. Quod si quis fecerit satis diu Abbatem protrahere orationem, quod non licet, cum tarde fuerit oratorio presentatus, prepositos eorum culpa respiciat. Ideo enim diximus in prima oratione Abbatis vniuersos expectari, & mox debere occurrere, ut omnes post inchoationem Abbatis vna voce scilicet petant a Domino aperiri labia sua debere in nocturnis, sicut omnibus communiter petentibus a Domino fuerant clausa in completorijs. Nam ingredienti oratorium tertio dicant: *Domine labia mea aperies, & os meum annuntiabit laudem tuam*. Ideo enim diximus tertio dici ab omnibus, ut ne quis frater modice tardius ingressus ab hac postulatione versus fraudetur. Post quem versum, postquam ab omnibus dictum, inuitet & suscitet pastor oues suas per responsum ad laudes Domini, dicens: *Venite exultemus Domino, iubilemus Deo salutari nostro*: ad cuius vocis dulcedinem vel diuinum fauorem omnis quæ non accurrerit apes, sciat se euacuatam fructu mellis in spiritu, solam ceram corporis somno conficere, futuro gehennæ incendio concremandam.

## CAP. XXXIII. INTERROGATIO DISCIPULI.

*De officijs diuinis in noctibus.*

RESPONDET DOMINVS PER MAGISTRVM.

**I**N officio nocturno vno tempore psallitur ante pullo-  
rum cantum in hyeme nocturni, dicente propheta: *Media nocte surgebam ad confitendum tibi*. Et de æstate item dicit: *De nocte vigilat spiritus meus ad te Deus*; hoc est, de parte aliqua noctis, post pullorum iam cantus, signum fiat surgendi. Sed hoc a vigilantibus in hyeme cauendum est, ne nocturnos pullus aut antecedit, aut deprehendat; quia lagent noctes in tempore hyemis. Nam pullorum cantus declinantis est terminus noctis, qui mox diem parit: sicut

Psalm. 118  
Psalm. 126.

c c c

in



in circulo solis declinare iam diem a sexta hora ostenditur, & per noctem tantum festinare descendere solem, quantum cucurrit, ut medium in circulo ascenderet diem. Sed hoc in hyeme agendum est, ut nocturnos iam expletos pullorum cantus sequatur; quia noctes sunt grandes: ut digesti a somno fratres vigilantibus & digesto sensu opus Dei, quod dicunt, agnoscant. Et ideo interuallum ponitur, ut prolixa nocte somni grauitas finiatur. Nam in verni vel æstatis tempore, hoc est, a pascha usque octauo Kalendas Octobris, quod est æquinoctium hyemale, propter rationem breuium noctium, a pullorum cantu nocturni a fratribus inchoentur; & expleto psalmorum numero mox eis matutinos subiungant, & secundum suorum psalmorum numerum finiant. Et ideo in breuibz ipsis noctibus post pullorum cantum nocturnos constituimus inchoari, & cum matutinis coniungi; ut non se re collocantes post nocturnos ingrauescant fratres, & suauiter matutino somno oppressi non solum perdant matutinos, sed etiam primam tarde iam dicere confundantur. Nam & ideo post pullos nocturnos cum matutinis diximus iungi, ut digesti iam a prolixo somno fratres utrumque opus sobrie expleant, & iam reddito matutinarum diuino debito, securi fratres usque primam iam qui volunt repaudent. ut in his horis somni omnem grauitudinem deponentes, bene digesti post primam iam leues laborare incipiant; monstrante nobis de sancto Heleno scriptura, cum dicit: *Consuevit enim factis matutinis repauser.* Ergo ne ante pullorum cantum cum in breuibz noctibus coacti fuerint fratres surgere, adhuc crudi ab inchoato somno, cum in ipso impetu venarum sanguis & humor per venas bullescit, & inharmonia grauedinis succussati somni discoquunt membra escam quam sumperant, in ipso adhuc incocti cibi incendio, non suscitati, sed potius occisi, cum coacti fuerint fratres surgere, graui adhuc capite, & indigesto ructu, effugent Spiritus san-

sancti charismata. Et cum amaricatur carni eorum, quæ quamuis militet Deo, tamen in hac vita interim quærit quæ sua sunt; & si non omnibus, aliquantisper tamen amarum videbitur esse pro Deo, quod dulce est: ut non ex integro animo amet Deum frater in psalmis, quando per somnum cupit satisfieri carni. Nam sicut luna in circulo minorata deputati nocti minus luminis complet officium, cum tarde surgit orientis exortu, tarde cursu suo in diem ingreditur occasura; sic & breuitas noctium temperata cum die, propter fragilitatem carnis humanæ, cogit diuina in psalmis abbreviari, & iungi cum nocte diei officia. Ergo psalmi nocturni tempore hyemis, hoc est, ab æquinoctio hyemali vsq; ad æquinoctium vernale: id est, ab VIIII. Kal. Octobris, vsq; ad VIIII. Kal. Aprilis, sed melius vsq; ubi fuerit pascha; quia noctes maiores sunt, dici debent antiphonæ XIII, currente semper psalterio, & responsoria tria: ut fiant XVI. impositiones, secundum numerum prophetarum, extra lectiones, versum, & rogus Dei: ut tam istæ sedecim impositiones in nocturnis, quàm octo matutinorum impositiones similiter XXIV. vicibus, secundum XXIV seniorum imitationem genua nostra in nocte Deo flectantur cum laudibus. Nam in noctibus maioribus ideo plus psalli debet, ut sicut nobis Deus ad repaulationem prolixum spatium iunxit in nocte, & nos ei peragendas gratias iungamus in laudem. Tempore vero æstatis, hoc est, a Pascha vsq; VIIII. Kal. Octobris octo dicantur antiphonæ, currente, ut supra diximus, semper psalterio, & tria responsoria, extra lectiones & versum, & rogus Dei: ut tam istæ duodecim impositiones nocturnæ, quam simul coniunctæ octo matutinorum impositiones viginti vices cogat parvæ noctis ratio Deo genua incurvare; quia somnus cum brevis est, dulcis videtur esse carni, cum corpus hominis prolixo fatigatum labore diei, minori requie brevi quiescit in nocte. Ergo æstatis tempore, sicut supra designauimus, quia minores sunt noctes,

nouem dicantur antiphonæ, & tria responsoria: vt fiant duodecim impositiones secundum nomina xii. Apostolorum. Qui nocturni, vt supra diximus, in ipso æstatis tempore a pullorum cantu inchoati & finiti, mox eis matutini subiungantur, propter breuitatem noctiam. Sed hoc semper tam in hyeme quam in æstate, tam in die quam nocte, seu in vigilijs cum psallitur caueatur, ne psalmi aliquando combinentur; quod non licet; sed singulos debere definiri cum gloria; vt nec orationes inter ipsos agendæ perdantur, nec glorias eorum laudi Dei videamur subducere, cum compendiosa negligentia cogimur in psalmos inserere; quia omni psalmo cui initium propheta imposuit, constituit & finem. Quod si aliqua necessitas omnes psallentes perurgeat, non combinent, sed conterment; tamen cum glorijs suis subsequantur: & vt citius compleant, & psalmodum numerus non minoretur. Ergo ideo aut singulos, aut ternos diximus debere dici, quia sicut vnitas in trinitate, & trinitas in vnitate agnoscitur, ita aut singulos, aut pro necessitate ternos credamus, tamen cum glorijs suis, dici debere. Nam combinari ex toto non licet; quia non plus neque minus ab vnitate & trinitate quod fuerit, Christianum decet: & tunc perfectam fidem habemus, si trinitatem perfectam æqualiter in vnitate, & vnitatem in trinitate sentimus. Nam si aliqua grauior necessitas quauis hora psallentes perurgeat, dicendorum omnium psalmodum singula capita, cum vna gloria compleant; & sic exeant oratorio: vt quauis necessitate tamen opus Dei non videatur prætermitti.

#### CAP. XXXIV. INTERROGATIO DISCIPULI.

*De officijs diuinis in die.*

RESPONDET DOMINVS PER MAGISTRVM.

**I**N exercendo maxime diuino officio præ omnibus sanctæ debet militiæ ordo constitui; vel quibus vicibus tra-

trames factæ obseruationis occurrat, vt vetustatis mos est, & patrum instituta sanxerunt: id est, matutinus, prima, tertia, sexta, nona, vespera, & completorium: vt compleatur prophetica ordinatio dicens Domino: *Septies in die laudem dices tibi*. Sed prima sic debet dici, quomodo duodecima, quæ dicitur vespera. Nam prima sic dici debet pungentibus iam radijs solis, & vespera adhuc radijs declinantibus eius. Quia quomodo inchoatur dies in initio in opere Dei, in tali debet expleri & fine: vt compleatur scriptura dicens: *A solis ortu usque ad occasum*: non enim dixit, post occasum, *laudate nomen Domini*. Quia *exitus matutini, & vesperæ delectabitur Dominus*. In quibus temporibus ab angelis nostris diurnis in renuntiatis iustorum benefactis delectabitur Dominus, sicut sanctus Paulus in reuelatione sua dicit: Filij hominum benedicite Dominum incessabiliter, magis autem cum occiderit sol: Nam initium & finem diei sol nobis ipse ostendit, qui abscessu suo noctis tenebras introducit. In æstivo vero tempore adhuc altius stante sole lucernaria inchoentur propter breues noctes: vt prolixo æstus labore lassis fratrum & ieiunio membris, in augmento breuium noctium de lucentis adhuc diei spatii sessæ repausationis somnus addatur.

Psal. 118

Psal. 112

Psal. 64.

## CAP. XXXV. INTERROGATIO DISCIPULI.

*De modo psalmorum vel numero in die.*

RESPONDET DOMINVS PER MAGISTRV.

**P**salmi namque matutini dici debent omni tempore sex, responsum vnum, versum, lectionem Apostoli & Euangelij, quæ semper Abbas dicit, & rogos Dei. Psalmi namque per horas superscriptas diei, id est, primam, tertiam, sextam, nonam, terni dici debent, currentes semper psalterio, singula responsoria, lectionem Apostoli, lectionem Euangelij, quam semper Abbas dicat, aut si absens fuerit, præpositi vicibus dicenti post ipsam rogos Dei.

CAP.

## CAP. XXXVI. INTERROGATIO DISCIPVL.

*De psalmis lucernariis.*

RESPONDET DOMINVS PER MAGISTRVM.

**P**salmi lucernariæ in hyeme dici debent sex, currentes semper psalterio, responsorium vnum, versum, lectionem Apostoli, & Euangelij, quæ semper Abbas dicat, post hoc & rogos Dei; vt tam istæ cum responso & Euangelio nouem impositiones psallentium, sine versu & lectione, quam ille quaternæ horarum ipsius diei impositiones, id est, per ipsas horas; huius est, primam, tertiam, sextam, nonam, ternarum antiphonarum, & responsorij singulis, quæ omnes veniunt sedecim, absque versu & lectione explendo, toties psallere viginti quatuor vicibus genua nostra secundum viginti quatuor seniorum imitationem; qui incessabiliter adorantes Deum in coelis, mittunt coronas suas, proni iacentes, die noctuque laudantes Dominum dant gloriam Deo. Similiter & tempore æstatis quinque debent fieri in lucernaria, cum responso & Euangelio, impositiones, extra versum & lectiones: vt istæ quinque & sedecim impositiones diei, similiter vt supra diximus, viginti quatuor impositiones debere quotidie fieri, secundum viginti quatuor seniorum in cælo numerum, vicies quater & nos in terra a die omni tempore genua nostra cum laudibus Deo flectamus. In quo tempore æstatis temperius est lucernaria inchoanda propter breues ipsius temporis noctes.

## CAP. XXXVII. INTERROGATIO DISCIPVL.

*De psalmis completorijs.*

RESPONDET DOMINVS PER MAGISTRVM.

**P**salmi completorij tres dici debent, responsorium, lectionem Apostoli, lectionem Euangeliorum, post quam semper præsens Abbas dicat rogos Dei, & versum clusorem.

CAP.

## CAP. XXXVIII. INTERROGATIO DISCIPVLI.

*De psalmo refectionum.*

RESPONDET DOMINVS PER MAGISTRVM.

**P**salms refectionis vnus dici debet, & versus; similiter leuata mensa alius versus cum gloria. Sed hoc opus refectionum peculiariter gratiarum actio est in numero septem laudum canonicarum diei.

## CAP. XXXIX. INTERROGATIO DISCIPVLI.

*Qualiter psalli debet in matutinis.*

RESPONDET DOMINVS PER MAGISTRVM.

**M**atutini psalmi cum antiphonis semper psallantur: id est, quatuor dici debent sine alleluia; post hos quatuor, duo cum alleluia, responsorium, versum, lectiones, & Euangelia, quæ Abbas dicat sine alleluia; in dominica, vero cum alleluia, vsque in Epiphaniam: vt fiant extra versum & lectiones octo impositiones cum Euangelio. Sed matutini, extra quinquagesimo psalmo, & laudes decantantur. Dominica vero, vel alijs festis diebus vel si aliquis fuerit natalis sanctorum, benedictiones dici oportet: a quibus dictis per dominicas genua non flectantur vsque ad nocturnos, & omnes antiphonæ vel responsoria in ipso die a benedictionibus dictis cum alleluia dicantur, vsque ad secundæ feriæ futuros nocturnos.

## CAP. XL. INTERROGATIO DISCIPVLI.

*Qualiter psalli debet per horas diei.*

RESPONDET DOMINVS PER MAGISTRVM.

**P**rima, tertia sexta, nona cum psallitur, sed tertius semper psalmus, absque ab Epiphania, cum alleluia semper imponatur; currente semper psalterio, cum responsoria, lectionem Apostoli, lectionem Euangeliorum, quam semper Abbas dicat: si absens fuerit Abbas, præpositi vicibus; & versum, & rogus Dei.

CAP.

## CAP. XLII. INTERROGATIO DISCIPVLI.

*Qualiter psalli debet in lucernarijs.*

RESPONDET DOMINVS PER MAGISTRVM.

**P**salmi lucernariæ cum antiphonis psalli debent: in quibus duo ultimi cum alleluia: corrente semper psalterio, singula responsoria, versus, lectio Apostoli, & Euangelij, quod semper Abbas dicat sine Alleluia: in Dominica vero cum alleluia. Nam omnes antiphonæ ipso die benedictionibus dictis, cum alleluia psallantur, & genua non flectantur, vsque ad secundæ feriæ futuros nocturnos.

## CAP. XLII. INTERROGATIO DISCIPVLI.

*Qualiter psalli debet in completorijs.*

RESPONDET DOMINVS PER MAGISTRVM.

**P**salmi completorij omni tempore cum antiphonis psallantur: quia totæ septem vices in die, in quibus laudes Deo dicit nos debere cum propheta dicere, æquali modulatione canuntur, propter septiformem Spiritum, qui non est in aliqua parte discretus.

## CAP. XLIII. INTERROGATIO DISCIPVLI.

*Qualiter psalli debet in refectione.*

RESPONDET DOMINVS PER MAGISTRVM.

**P**salmi refectionum tam posita quam leuata mensa non sunt de septem canonicarum vice horarum, sed peculiariter Deo de benedicenda aut commendanda esca per gratiarum actionem præbentur: sine antiphona directanei dicantur: sed in dominica vel in diebus festis cum antiphona vel alleluia.

## CAP. XLIV. INTERROGATIO DISCIPVLI.

*Qualiter psalli debet in nocte.*

RESPONDET DOMINVS PER MAGISTRVM.

**O**portet in nocturnis ab Abbate dici versum apertionis, deinde responsum orationis: deinde in hyeme duo-

duodecim antiphonas, sine alleluia; deinde responsum, sine alleluia, currente dumtaxat semper psalterio; deinde aliud responsum iam cum alleluia, ut fiant sedecim impositiones: lectionem apostoli, lectionem euangelij, quam semper Abbas dicat. Si Abbas absens fuerit, præpositi vicibus versum, & rogus Dei. In æstate vero a Pascha usque æquinoctium hiemale, quod est octauo Kalendas Octobris, post versum apertionis, & responsum Abbatis, dici debet antiphonæ sex, sine alleluia; deinde responsum item sine alleluia: deinde tres antiphonæ cum alleluia, currente semper psalterio, ut superius diximus: deinde aliud responsum iam cum alleluia, ut fiant duodecim impositiones: lectionem apostoli, lectionem euangeliorum, quam semper Abbas dicat: quod si absens fuerit, præpositi vicibus; deinde versum & rogus Dei. Lectionem vero, cui iussum fuerit, ut ex animo recitet, non ex codice legat, nisi in vigilijs solummodo. Hoc est quod constituimus, ut frequentius aliqua meditentur, & memoria teneant scripturas fratres; ut quando in quouis loco, quod ex deesse textum lectionis, vel paginae, si opus fuerit, memoria recitetur. In noctibus vero maioribus accenso cicendelo, vel lucernaria in atrio lectorum, si voluerit Abbas legat; aut qui sua sponte delectatus fuerit frater, habeat permissionis licentiam aut legendi, aut audiendi, aut aliquid meditandi, aut aliquam monasterij vtilitatem operandi. Nam & qui voluerint sibi repausare, habeant & ipsi licentiam dormire: quia completo & reddito oratorio debito suo, residuæ horæ nocte repausationi debentur. Nam & si aliquis quasi spiritualis vult de suo somno surgere, ut audiat legentem, aut ipse legat, aut aliquid operetur, peculiariter cognoscitur per bonum liberum arbitrium spiritum potius amare quam carnem. Ideoque debent fratres in vno atrio lectæ, ante Abbatem habere, ut quis quod elegit agnoscatur, vel qualis militiæ suæ futurus sit frater.

d d d

CAP.



## CAP. XLV. INTERROGATIO DISCIPULI.

*Quomodo debet psalli in diebus festis.*

RESPONDET DOMINVS PER MAGISTRVM.

**A** Pascha vsque ad pentecosten omnes antiphonæ & responsoria die noctuque cum alleluia psallantur, & genua non flectantur. In natale vero Domini vsque epiphaniam, omnes antiphonæ vel responsoria die noctuque cum alleluia psallantur, & genua ipsis diebus non flectantur, neque ieiunetur, nec abstinenceatur; sed octo illas dies, qui præcedunt natalem Domini, in ieiunijs quadragesimæ vel abstinentiæ; vel illas orationes, quæ pure solent in quadragesimæ trinitatibus, vt placabiles serui supra quotidianum debitum amplius exercentes seruitium, natalem Domini nostri in stipendijs vel donis lætitiæ mox aduenisse lætemur. Epiphaniæ vero nocte ipsius vigiliæ, & ipso die solo omnes antiphonæ & responsoria cum alleluia psallantur: & ab ipso die alleluia claudatur, & mox oratoriorum festorum subtrahatur, & genua ipso die epiphaniarum orantis non flectantur. Nam ideo ipso die solo cum vigilijs suis diximus, & non vsque octauas alleluia psalli, quia centesima Paschæ ab eo die ieiunantibus inchoatur, & abstinentibus imputatur. In omnibus vero diebus dominicis, benedictionibus dictis, omnes antiphonæ vel responsoria cum alleluia dicantur, vsque ad secundæ feriæ futuros nocturnos: & genua non flectantur; quia Dominica paschalis resurrectio imputatur. Nam in omni Dominica benedictionibus dictis, vsque ad missas ecclesiæ adimpletas, semper in opus Dei dicant hunc versum: *Exultabunt sancti in gloria; lætabuntur in cubilibus suis*; hoc est, quod per omnium sanctorum cubilia, id est, ecclesias missarum exultatio celebratur. Si vero quouis die natalis sanctorum fuerit, benedictionibus dictis genua non flectantur vsque ad primam dicendam. Si vero huius sancti natalis fuerit,

in

*Psalm. 149*

in cuius oratorio psallitur, benedictionibus dictis usque ad processionem missæ ibi agendæ ipso die a sacerdote, & genua non flectantur, & pro lætitia natalis proprii oratorii integer ipse dies usque ad futuros nocturnos, sicut in dominica, cum alleluia totum psallatur.

## CAP. XLVI. INTERROGATIO DISCIPVLI.

*De imponendis psalmis in oratorio quouis tempore.*

RESPONDET DOMINVS PER MAGISTRVM.

**P**ost Abbatem præpositi vicibus cū iussu ipsius imponant antiphonas, currente, vt diximus, semper psalterio. Postquam explicauerint præpositi, singuli fratres de singulis decadis, quibus iusserint præpositi, vicibus imponant. Lectiones Apostoli præpositi semper vicibus dent. Euangelij lectiones, si præsens fuerit, Abbas semper dicat: si absens, præpositi vicibus. Nam & in matutinis & lucernarijs, postquam lectio Apostoli fuerit recitata, euangelia semper Abbas præsens sequatur; si absens fuerit, præpositi vicibus: vt eo ordine quo missæ a clericis celebrantur; id est, quo minor clericus Apostolum perlegerit, sequitur maior diaconus euangelia sancta lecturus. Sic ergo & in monasterijs ratio Domini per ordinem meriti sublequenter seruatur: in nocturnis, & matutinis, & lucernarijs, in responsorijs psalmi perexplicentur; in prima vero, tertia, sexta, vel nona, in responsorijs bina capita dicantur: & dicant iam Gloria, vt citius exeuntes fratres de oratorio faciendi laboris repræsententur operibus.

## CAP. XLVII. INTERROGATIO DISCIPVLI.

*De disciplina psallendi.*

RESPONDET DOMINVS PER MAGISTRVM.

**T**anta debet esse reuerentiæ grauitas, vel disciplina psallendi, vt amabilius a Domino, quam a nobis dicitur, audiatur; sicut ait scriptura: *Exitus matutini Et vespera del-*

*Psal. 64.*

*Psal. 32.*

*Etaberis. Et item: Bene psallite ei in iubilatione: quia rectus est*

ddd 2

ser-

- Pfal. 2.* *Sermo Domini*. Et item: *Exultate ei cum tremore*. Et item: *Pfal. 46.* *Pfallite Domino sapienter*. Ergo si sapienter & cum timore iubet pfalli, oportet pfallentem immobili corpore, inclinato capite stare, & laudes Domino moderate canere: quippe ministerium suum ante diuinitatem implet, docente hoc propheta cum dicit: *In conspectu angelorum pfallam tibi*. Nam considerare debet qui pfallit semper, ne alibi sensus eius demigret, ne cum in aliam cogitationem sensus noster migrauerit, de nobis dicat Deus: *Populus iste labijs me honorat, cor autem eorum longe est a me*. Et item de nobis dicit: *Pfal. 61.* *Ore suo benedicebant, & corde suo male dicebant*. Et ne, cum in sola lingua Deum laudamus, in sola regia oris nostri Deum admittamus; & intus in domum cordis introductum diabolum collocemus; fortior enim ab intus ducente iudicatur, qui intus ingreditur, quam qui foris expectat. Ergo ad cantum & tale officium corporaliter cor cum lingua conueniat, cum timore Domino quotidianum debitum reddere, & notet sibi in corde qui pfallit, ad singula omnia testimonia quæ dicit: quia singuli versus si notetur, proficiunt animæ ad salutem; & in eis totum inuenitur quod queritur; quia omnia ad ædificationem loquitur psalmus, dicente propheta: *Pfallam & intelligam in via immaculata, quando venies ad me*. Quod sonat in voce, ipsum sit & in mente pfallentis. Pfallamus ergo voce & mente communiter, dicente Apostolo: *Pfallam spiritu, pfallam & mente: non solum vocibus, sed & corde decet ad Deum clamare*. Cauendum namque est cum pfallitur, ne frequens tussis, aut anhelitus prolixius abundet, aut salutarum excreatus assiduus, aut narium spurcitæ detractæ a pfallente inante iactentur; sed debere fratrem post se proijcere, quia angeli ante pfallentes docentur stare, cum dicit propheta: *In conspectu angelorum pfallam tibi*. Ergo cum hæc omnia impedimenta pfallentibus a diabolo fuerint ministrata, mox sibi qui pfallit signet oscrucis sigillo.

CAP.

## CAP. XLVIII. INTERROGATIO DISCIPVLI.

*De reuerentia orationis.*

RESPONDET DOMINVS PER MAGISTRVM.

**S**i hominibus carnalibus nisi cum humilitate non fit precatio, cum beneficia eos aliqua temporalia postulamus; quanto magis conuenit, vt pro peccatis nostris vel facinoribus omni qua possumus Christum prece rogemus? Nulla ergo debet esse in oratione duplicitas: non vnus in ore, alter in corde inueniatur: non multiloquio protrahi orationem debere, sicut ait sanctum euangelium hypocritas eos fieri tales. Non frequens tussis, non excreatus assiduus, non anhelitus abundet; quia hæc omnia orationibus & psalmis ad impedimentum a diabolo ministrantur. Nam illud, quod diximus superius, & in orationibus caueatur; vt qui orat, si voluerit expuere, aut narium spurcitas iactare, non in ante, sed post se retro proijciat, propter angelos in ante stantes, demonstrante propheta, ac dicente: *In conspectu angelorum psallam tibi, & adorabo ad templum sanctum tuum.* Ergo vides, quod ante angelos ostendimus & orare & psallere. Nam ideo diximus breuem fieri orationem, ne per occasionem prolixæ orationis obdormiat; aut forte diu iacentes diabolus eis ante oculos diuersa ingerat, vel in corde aliud subministret. Ergo oportet orare cum timore simpliciter; vt qui orat, præsentis Christi videatur pedes tenere. Et cum tanto debemus orare timore, vt cognoscamus, quia cum Deo loquimur. Orare ergo debemus cum omni mente, sicut Apostolus ait; *Orabo simul & mente & spiritu.*

Psal. 137.

1. Cor. 14

## CAP. XLIX. INTERROGATIO DISCIPVLI.

*De vigilijs monasterij.*

RESPONDET DOMINVS PER MAGISTRVM.

**O**mnī Sabbato debent in monasterio exerceri vigilie, a sera vsque dum secundo fuerit gallus auditus, & iam fiant

fiant matutini . Sed propter quod vigiliis dicuntur , a somno se fratres abstineant; & psallant, & legentes audiant lectiones . Iam post matutinos lectis suis repaudent .

### CAP. L. INTERROGATIO DISCIPULI.

*De actu aperum cotidianorum, per diuersas horas diuerso tempore .*

RESPONDET DOMINVS PER MAGISTRYM.

**D**um cessant in die diuina officia , interualla ipsa cessantium a psalmis horarum non otiosa volumus pertransiri; æstimantes ne otium modici minus lucrum securis generaret. Quia homo otiosus mortē operatur, & in desiderijs est semper. Nam cū frater aliquid operatur, dum oculum in laboris opere figit, inde sensum occupat de quo facit, & cogitare illi aliqua non vacat; & desideriorum non mergitur fluctibus: quia stupore cogitationis eius tunc oculus non arescit, quando manus cum sensu occupata aliquid perficit, propterea dicente Apostolo: *Et cum essemus apud vos, hoc præcipiebamus vobis, ut si quis non vult operari, nec manducet.* Ergo debent esse & post officia Dei & opera corporalia, hoc est, manuum: & dum fuerit vnde indigenti detur, super bona acta carricentur, & bene facta: ideoque oportet inter horarum alterna spatia diuersa actuum exercitia conuenire. Id est, tempore hiemis ab æquinoctio hiemali, quod est octauo Kalendas Octobris, vsque in pascha, quia frigus est, & mane fratres non possunt aliquid operari, a prima vsque in tertiam sequestratæ a se per loca diuersa decadæ, ne in vno redacta omnis congregatio suis sibi inuicem vocibus obstrepent, id est, lectionibus vacet vnus de decem per loca, & residui de suo numero audiant. In his tribus horis infantuli in decada sua in tabulis suis ab vno litterato litteras meditentur. Nam in alfabeto maiores vsque vel ad quinquagenariam ætatem litteras meditari hortamur, Simul ergo in his horis, & psalmos meditari a nescientibus, ordinatione præpositorum

rum suorum, admonemus. In vnaquaque decada ergo in his tribus horis inuicem & legant, & audiant vicibus literas, & psalmos ignorantibus ostendant. Cum ergo in hoc spiritali opere has tres horas peregerint; repositis tabulis & codicibus diuinis ad tertiam laudibus surgant; agentes in oratorio Domino gratias, quod meruerunt tres horas diei spiritalibus operibus occupati sine peccato transisse. Mox ut exierint a tertia, vniuersi præpositi oculos habeant ad Abbatem, inquirentes eum, quid iubeat suas operari decadas; & cum vnicuique decada diuersum laboris assignauerit opus, mox obediens, vel a suis præpositis ordinati, assignatū laboris opus cum taciturnitate semper exerceant; ita ergo ut antequam inchoent laborare, urent, & postquā explicauerint, reorent: laborent semper præsentibus suis præpositis, & cum impleuerint cum grauitate & has tres horas in tanto laboris opere, diuinis ad sextam laudibus currant, agentes in oratorio Domino gratias, qui item meruerint & alias tres horas diei occupati tanto laboris opere sine peccato transisse. Ideo enim fratres dicimus taciturnitatem semper debere seruare, ut cum omni hora ab eloquio os custoditur, peccata linguæ non admittantur. Taciturnitas autem hæc a fratribus laborantibus custodiat a fabulis sine lege, vel secularibus rebus, vel verbis otiosis, quæ ad rem non pertinent. Nam psalmos meditari, vel scripturas recensere, vel de Deo aliquid loqui, dumtaxat in absentia Abbatis, humiliter tamen & lente, quamuis in illa hora fratres licentiam habeant. Mox ergo ut a sexta exierint, reuertentes ad loca sua suum perficiant opus; & in quo opere semper maiore fratrum laborantium exhibente cuiusvis codicis lectio quotidie ab vno litterato legatur. Ideo enim ordinauimus quotidie laborantibus legi, ut cum a malis tacemus, de bonis audimus, & loquimur, nunquam peccemus. Ipse namque frater legat quem Abbas per aliquam impossibilitatem necessitatis non posse  
labo-

laborare agnouerit. Quod si ipse maior numerus fratrum ; cui legitur , prope sit monasterio<sup>3</sup>, operantes intus monasterium aliquid tale de artibus fratres, cum quo opere possint ad legentes migrare, mox se iungant, & audiant auribus, tamen manibus operantes. Quod si fixa sit operis officina, aut tale sit opus, cum quo non possint fratres ad legentes migrare, alia die & ipsis legatur. Ergo cum & has tres horas in laboris opere transferiat, diuinis ad nonam latidibus currant, agentes in oratorio Domino gratias, qui item meruerint & alias tres horas diei sine peccato transisse. Post nonam vero quantum spatium in lucernariam restiterit, quisque quod occurrerit operetur, ordinante Abbate, vel insistentibus prepositis suis. Qui prepositi ideo fratribus omni hora immineant, ut frater ex toto otiosus non sit. Nam cum in aliquid faciendo fuerit occupatus, non vacat ei alia cogitare, nisi hoc in quod intentis manibus operatur. In æstatis vero tempore, id est, a pascha usque æquinoctium hiemale, quod est octauo Kalendas Octobris, quia magis mane refrigerat, a prima usque in tertiam magis operentur ut recenti & suavi, vel graui breuium noctium somno careant. Item post dictam tertiam usque in sextam laborent, semper autem cum taciturnitate secularium vel otiosarum rerum, vel scurrilitatis, quæ ad ædificationem non pertinent: psalmorum vero recensionem, vel meditationem & interrogationem preceptorum diuinorum, vel pro ædificatione aliquid de Deo loqui, quamuis in illa hora discipulis licentiam relaxamus, in absentiam dumtaxat Abbatis: in præsentia vero eius labor, humilitas, taciturnitas, & reuerentia præbeatur. In absentia vero Abbatis ideo de bonis & sanctis rebus eos loqui permitimus, ut nunquam desit memoriæ eorum seruanda pro seruitio Dei oris eorum custodia, & expeditius de bono quam de malo eorum eloquia occupentur. Nam ipsum laboris opus terrenum, aut cuiusvis artis cum in-

inchoant, oratione præcedente incipient; eadem semper oratione & finiant. Ideo enim præcedente oratione incipiant, vt petant Deum, vt pio eius auxilio adiuuati, & eius defensione omni hora muniti in his horis, quibus laborant; ne aliquod in eis peccatum subripiat, de quo possint Domino displicere. Et ideo postquam a labore disiunxerint, orentes agentes gratias Deo, quod fuerint Dei auxilio adiuuati. Ergo postquam has tres horas laborauerint, diuinis ad tertiam laudibus currant, agentes in oratorio Domino gratias, qui meruerint in labore manuum occupati sine peccatorum offensa transisse. Mox ergo vt a tertia exierint, vnusquisque reuertatur ad suum laboris opus; & cum per sequentes horas laborauerint diuinis ad sextam laudibus currant, agentes in oratorio Domino gratias, qui alias tres horas diei occupati item in laboris opere sine peccato meruerunt transisse. Statim post dictam sextam, tam post prandium, quam in ieiunio, omnes modice in suis lectis meridentur: vt meridianas horas, vel feruentem æstum in sopore pertranseant; & in fatigatis fratrum corporibus, id est, ieiunio & labore, ipsius temporis breuitas nocturno auxilio meridiani somni compensetur; & sobrius iam surgat frater in nocte, cum cœperit ætate dormire in die. Ergo post sextam cum suis se collocauerint lectis, post modicam requiem vniuersi fratres a præpositis suis, vel ipsi simul præpositi ab ipsius septimanæ vigiligallo excitati, quanto spatio diei nona restiterit, item cum taciturnitate vaniloquij artibus suis reuertantur & labori; & in toto ipso æstatis tempore, tam etiam cum sexta hora, vel nona reficitur. Tamen post nonam quantum spatium diei restiterit vsque temperius inchoatam lucernariam, tunc ordinatione præpositorum suorum sequestratæ a se per loca diuersa decedat, alij legant, alij audiant, alij litteras discant & doceant; alij psalmos quos habent superpositos meditentur. Nam cum eos maturauerint, & memoria per-

e e e

fe-



secte tenuerint, adducti a præpositis suis ipsum psalmum, aut canticum, seu quamvis lectionem memoriter Abbati restituant: & cum perreddiderit, mox petet pro se debere orari. Et cum pro eo ab circumstantibus oratum fuerit, complenti Abbati genua osculetur, qui reddidit. Cui mox aut ab ipso Abbate, aut præpositis iubetur superponi: & postquam superpositum fuerit quodvis, antequam secum meditetur, item a circumstantibus petat pro se orari, & sic inchoet meditari. Lucernaria vero omni tempore, maxime vero in æstate, temperius inchoetur, pendente adhuc sole, sicut dicit propheta, *usque ad occasum*: non tamen dixit, post occasum. Ergo inde maxime in æstate temperius lucernariam diximus inchoari, propter breues ipsius temporis noctes. Ad laborem vero operis terreni, vel missiones viarum, hi fratres deputentur, qui artes nesciunt, aut discere nolunt, aut non possunt. Artifices vero deputato die, & experimentato artis suæ penso, artibus quotidie sedeant: qui tamen cum aliqua necessitas laboris terreni aut viarum pro monasterij utilitate peruerferit, tunc relictis artibus, aut fratrum adiutoriis, aut viarum necessitatibus occupentur. Fratribus delicatis & infirmis talis labor iniungatur, ut nutriantur ad seruitium Dei, non occidantur: duriores vero & simplices fratres, vel qui literas discere nolunt, & non possunt, ipsi gurdis operibus intricentur: tamen cum temperamento iustitiæ: ne soli iugiter diuersis optinantur laboribus. Infantuli, & iam senio decrepiti, & infirmi æquali debent cogi iudicio.

INCIPIT REGULA QUADRAGESIMALIS.

## CAP. LI. INTERROGATIO DISCIPVLI.

*De orationibus quadragesima in die.*

RESPONDET DOMINVS PER MAGISTRVM.

**I**nter matutinos & primam pura fieri debet oratio ab omnibus; item inter primam & tertiam: similiter fieri interter-

tertiam & sextā; similiter inter sextam & nonā: similiter inter nonam & vesperam; similiter inter vesperam & completorios: similiter fieri in totis quadragesimæ diebus oportet.

### CAP. LII. INTERROGATIO DISCIPVLI.

*De orationibus quadragesimæ in nocte, sine psalmis.*

RESPONDET DOMINVS PER MAGISTRVM.

**O**portet post primum decubitum omnes surgere, & ante lectos suos orare, complere Abbatem, & repausare omnes: item post nocturnos repausare. Item cum cantauerit gallus omnes surgere, & orare ante lectos suos, complere Abbatem, & repausare omnes. Vnde oportet vigilallos, in noctibus vel diebus quadragesimæ multum vigilantes in nocte & in die esse sollicitos, vt horas aduenisse orationum fratres admoneant. Ideo debent in vno atrio omnes dormire, vt ab omnibus orationes istæ ante lectos communiter impleantur, vt omnes audiant Abbatem complentem. Item debent surgere, & facere matutinos: quia adhuc matutini separati a nocturnis ante pascha dicuntur. Item inter matutinos & primam similiter pura fiat oratio.

### CAP. LIII. INTERROGATIO DISCIPVLI.

*De continentia ciborum & potus in quadragesima.*

RESPONDET DOMINVS PER MAGISTRVM.

**V**num coctum omnibus pulmentum sufficiat: & in secundis quodcumque fuerit crudum cum pomis: panis hordeaceij quadræ duæ. Ab ipso die quadragesimæ vsque in tricesimum propter laborem binas ad diem fratres, non amplius, accipiant potiones: id est, vnum merum, & vnum caldum. A tricesima vero vsq; in vicesimā singulos meros accipiant: a vicesima vero vsq; ad Pascha vinum omnibus subtrahatur; absq; infirmis, & infantibus intra duodecim annos, & senio iam defessis. Sed hoc de infirmis consideret Abbas, ne aliquis mentiatur, & fingat in infirmum. Fir-

mis vero, vel suo voto abstinentibus, mixta salibus cū cymino, vel apij semine calida aqua misceatur. Oleū non in caccabis, sed in ferculis propter abstinentes mittatur. Qui abstinentes in ipsis tamen mensis decadam suarum, quot in mensa quæ in suo numero fuerint, ordinatione maioris iuxta iubeantur sedere : vt abstinentes de vna mensa in vna comedant scutella. Ideo enim diximus inter alios fratres cōmuniter abstinentes sedere : vt erubescant voraces in communi natura non posse pariter gulæ desideria refrænare, & in eligendis bonis diuinam cum abstinentibus non posse gratiam promereri. Nam ipso die quadragesimæ cum communicant, primo ieiunio, antequam communicent, detur licentia ab Abbate in oratorio talis. Dicat Abbas omnibus fratribus : Fratres qui vult pro anima sua spiritualiter laborare, & aliquid abstinere, ad bonum hoc opus liberam ei voluntatem concedimus: qui vero noluerit, regulæ de hoc titulo constituta accipiet, & quadragesimæ contentus erit mensura. Iam qui de fratribus voluerint aliquid abstinere, ibi in oratorio vadant, & humilient se ad gēua Abbatis, agentes grāias de boni actus voluntate concessa : & post impensam humilitatem, simul & ore suo Abbati indident, quis quid voluerit abstinere. Nam ideo in oratorio abstinentes diximus designari, vt ad mensas cum hoc ipsum continent, ad escam in quadragesima corpori perdendam a tepidis, vel gulosis fratribus non iam hoc ipsum repræsumere, vel secum comedere suadeantur : cum non vult quis videre a se alium meliorem. Sed sint ergo hi tales testimonio oratorij de omnibus apud Deum electi, etiam abstinentes designati. Merito enim de resurrectione Domini tales debent in Pascha lætari cum Christo, qui corpus suum per abstinentiam cum eo crucifixerunt in quadragesima, dicente de tristitia scriptura : *Qui seminant in lacrimis, in gaudio metent*. Et, in paucis vexati, in multis bene disponuntur. Nam quadragesima præsentis huius parui sæculi obti-

*Psalm. 125.  
Sap. 3.*

obtinet typum, Pascha vero futuræ vitæ æternam lætitiā bonis indicat: in tantum, ut quod in quadraginta diebus abstinetur, manducari liceat toto anno. Sic qui in præfenti vita sæculi huius aliquid desiderijs suis vel carni subdu-xerit, in illo sæculo abundanter licet animæ de melioribus diuinis delicijs in perpetuo saginari. Quia in hoc paruo tempore pro Domino voluit contristari, cum eo merebitur in futuro lætari. Ieiunia vero quadragesimæ protrahan-tur in vesperum: id est, post lucernaria reficiatur omnibus ipsis quadraginta diebus: quia quinta feria ieiunatur, absque Dominica: in quas Dominicas sera penitus nihil cœnent, ut vna sit in ipsis diebus a die refectio. Ieiunium vero in quadragesima propter superuenientes non frangatur a do-mesticis fratribus. Qui vero voluerint fratres ieiunium su-perponere, in ipso superposito die in labore cum fratribus non spectentur, solummodo laborantibus fratribus legant: ut otiosi non sint, & pro pane de verbo Dei reficiantur. Ideo enim in spiritu legendo laborent, ut sicut scriptum est, *qui non laborat, non manducet*: ita & dignum est, ut qui non manducat non laboret, nisi in illa refectioe, in qua sine 2 Thes. 3. pane reficitur: hoc est, in eloquio Dei, dicente scriptura: *Non in pane solo viuit homo, sed in omni verbo Dei.* In ipsis vero Luc. 4. quadraginta diebus in monasterio fratribus ab hebdoma-darijs pedes non lauentur, solummodo discalceentur: su-peruenientibus quibusuis extraneis lauentur, propter illius mulieris testimonium, quæ lauit, & de alabastr'o unxit pe-des Saluatori cœnanti. In cœna vero Domini mittant manus pro benedictione ad lauandos pedes Abbati, & postea omnibus præpositis cum solatio fratrum. Inchoan-do tamen Abbas lauet simul: & ostiarijs ipse maior lauet pe-des: ut cum & ipsis humilem se in hoc obsequio præbet, & digne omnibus in honorem exaltatior iudicetur. Deinde præpositi omnibus fratribus in decada sua lauent pedes, & tergant. Sexta vero feria lucescente, quæ est ante sabba-tum

tum sanctum, nocturnos solummodo faciant: quia adhuc nocturni ante pullorum cantum dicti de quinta adhuc feria sunt: etiam matutinos, vel cæteras horas, vel constituta officia Dei, usque ad missas Sabbati: ubi tam prolixum psalmorum silentium in ore psallentium noua resurrectionis Alleluia aperiat. Ergo cum ad nocturnos quintæ feriae dictos ulterius usque ad missas Sabbati non psallent; orationes tamen illas quadragesimæ puras compleant, & ipso sextæ feriae die lente sibi loquantur de tristitia Dominicæ passionis; nec se supernenientes salutent. Nam extra infirmos & infantes, & senio peruinctos, quicumque de sanis reficere voluerit, sine accepta benedictione, & non signata refectione reficiat; ut a gula sua vel a semet ipsis communicati erubescant, cum alijs superponentibus pro Dei speranda mercede, vnum diem non posse ieiunium voluntarie pertransire; cum alijs ab inuito interdum per triduana transire ieiunia indigentiae imponat necessitas. Et cum qua fronte futura octaua Paschæ in Dominicæ resurrectionis victoria desideret epulari, qui in tristitiæ causam ipsius passionis vna die noluerit suam cum Christo crucifigere carnem? Sacramenta vero altaris in patena maiore vitrea finiantur; ut cum sexta feria Iudæi ad passionem Christum quæsierint, sit ipso die mentibus nostris reclusus, ut Sabbato nobis per resurrectionem in nouo Sacramento appareat. Iam qui sexta feria refecturi sunt, sine communione reficiant; ut agnoscatur iam quis sexta feria iniuste refici sine Christo. Lotio vero rerum, vel apparatus paschalis ipso die procuretur: in qua sexta feria altaris velamen, vel vniuersus oratorij subtrahatur ornatus; simul & lucernæ & cicendeli totum intra monasterium negetur aspectus: ut in nobis tristitia habeatur ipso die, cum mundo verum Domini lumen per passionem abscedit: & insequenti lumen lucescente Sabbato per totum mundum pro lætitia reponatur, quando

do per resurrectionem Christi lætitiæ ad nos, lumen reuertitur . Nam omni tempore sic ornatum & mundum esse debet monasterium, vt per omnia introitorum loca munda ornata velis videatur vbique quasi vna ecclesia, vt vbique ad se inuicem occurrentes deceat, libeat, & delectentur orare .

*Explicit Regula quadragesimalis .*

#### CAP. LIV. INTERROGATIO DISCIPVLI.

*Cum hora diuini officij aduenerit mox debere fratres ad oratorium festinare .*

RESPONDET DOMINVS PER MAGISTRVM.

**C**um aduenisse diuinam horam percussus in oratorio index monstrauerit, mox laborantes opus proijciant; artifices ferramenta dimittant; scriptores literam non integrent, omnis fratrum manus deserat quod agebat: festinet statim mox cum grauitate pes ad oratorium, sensus ad Deum: vt mox ad primam orationem occurrant, & tanquam apes ad mel, intrantium in oratorium fratrum examen ebulliat: vt qui tacitus erat sancti oratorij locus, statim psalmorum clamoribus impleatur, & silentium loci sancti ad relictas migret officinas & opera. Cum vero index in oratorio semper percussus fuerit, mox omnes audientes, antequam currant, faciant sibi crucem in fronte, respondentes: Deo gratias.

#### CAP. LV. INTERROGATIO DISCIPVLI.

*De quos passibus frater relicto labore ad oratorium debes occurrere?*

RESPONDET DOMINVS PER MAGISTRVM.

**C**um sonuerit index ab Abbate percussus, laborans frater, aut solus, aut multi mox relicto ferramento æstimatione oculorum suorum citius perpendat, si debeat ad oratorium festinare, an non; & hoc eligat, vt de quinqua-

quaginta passibus longe a monasterij limine, cum grauitate debeat ad oratorium festinare. Quod si supra hunc numerum fuerit loci longinquitas, iam non vadant, sed ibi relicto de manibus ferramento, suas flectentes ceruices, quæ aguntur in oratorio genua, opus Dei sibi lente dicant & ipsi: aut si vrget fratrum quæuis opera facienda, psalmos sibi tamen cum glorijs suis canterent: quia gloriæ illæ quæ inter eos dicuntur pro orationibus constant. Nam ipsæ gloriæ flexo semper capite a psallente dicantur: psalmi vero directanei dicantur, propter, vt supra diximus, vrgentia laboris opera: quibus expletis versum & orationem completis sibi ipse mox quod faciebat reprehendat. Ideo enim si plus a quinquaginta passibus longitudo fuerit loci a laborante fratre, iam non diximus ad oratorium ambulare, ne currentes de longe fratres, festinatione nimia concita certatim inter se cursio, non cum grauitate, sed cum lasciuia currant: & lassati longo itinere cum tardi ingressi oratorium fuerint, palpitante post viam stomacho, vocem psalmi non valeant adimplere: & cum de longe quamuis lassus aduenerit, opus Dei a præsentibus fratribus iam inueniat explicatum, & tunc in desperatione vel damno suo spiritalis frater versetur, & grauitè contristatus, qui non meruerit opus Dei, nec in agro implere, nec in oratorio: & damnum constitutæ horæ ei longinquitas faciat. Intra monasterium vero qui vrgentibus communis vtilitatis necessitatibus occupantur, clara voce cum a psalmo cessatur, & orationi incumbitur, petant ad oratorium se debere habere in mente, & iam in eodem loco in quo occupantur, lente sibi opus Dei, sequendo oratorij vocem, adimpleant simul, & explicatis per vices psalmis in eodem loco, in quo stant aut sedent, in orationibus genua flectant.

CAP.

## CAP. LVI. INTERROGATIO DISCIPULI.

*Quomodo debeant fratres in itinere opus Dei complere.*

RESPONDET DOMINVS PER MAGISTRVM.

**C**um fratres spirituales sine laico ambulant iuncti ad se & cantantes, modice de via flectant genua, & post orationem redeant in viam: mox ab omni verbo alieno a Deo tacentes, propter reuerentiam operis Dei, & sic ambulando petita prius benedictione impositum prorumpant in psalmum: quem cum expleuerint, stent modicum: & inclinato capite modice orent: qua ratione expleta, mox inchoent viam ambulare cum psalmo: quo expleto iterato stantes orent: qua item expleta oratione psalmum similiter ambulando inchoent: quo expleto, iterato curuati in humilitate orent. Ergo cum omnem ipsius horæ consuetudinem expleuerint, modicum secedentes in partem flexis genibus orent: & complentes vicibus sibi, tunc demum reuertantur ad viam: & sic se communibus fabulis, si voluerint, misceant. Tamen illis horis, quibus opus Dei ambulando perficiunt, caueant ne diuino occupati in opere aliud inter se verbum immisceant. Si vero mixti cum laicis ambulant, sequestrantes se ab eis in parte stirpium, aut si mundus fuerit locus, & latebram non præbuerit eis, retro se aliquantulum faciant, & flexis genibus trium psalmorum capita dicentes, mox vna gloria explicent. deinde dicentes versum, & post versum modicam orationem facientes, complentes exurgant, & sequantur viæ collegas. Ideo enim plus ad singula capita trium psalmorum cum vna gloria a fratribus non diximus dici, ne perambulante solatio laico, cui de causa Dei cura non fuit, derelicto forte fratribus spiritualibus triuio, nescientes forte fratres viam, in multifariam separentur semitam per errorem, & postea amara in anima tristitia occupentur: & poeniteat forte eos in lucris animæ remorasse. Sed hoc, vt sic compleant, exeuntes de monasterio fratres ab Abbate aut a

fff

Præ-



Præpositis suis debent moneri. In nubilo vero die, cum radios suos sol mundo absconderit, siue in monasterio, siue in via, siue in agro perpenstatione horarum transacta fratres æstiment, & quæuis hora sit, consuetum tamen compleatur officium: & siue ante, siue retro a certa hora dictum sit, consuetum horæ opus tamen non prætereat, sed agatur: quia obscuritas nubium cito absente sole, hoc religio excusat, quod culpa agentes non inuenit.

#### CAP. LVII. INTERROGATIO DISCIPULI.

*Quo ordine in via fratres aliquid Regulae constantis seruabunt?*

RESPONDET DOMINVS PER MAÏSTRVM.

**F**rater qui pro actibus monasterij mane missus fuerit, & qui propter occupationem viæ a prima vsque in tertiam in hyeme, siue a nona vsque in vesperam in æstate, legerit: si sub eodem die monasterium reuersurus fuerit, quauis hora redierit, prandeat; aliquantulum tamen legat, aut meditetur, vt regulam ipso die videatur implere. Si vero in viam longiorem dirigatur, codiculum modicum cum aliquibus lectionibus de monasterio secum portet: vt quauis hora in via repausauerit, aliquantulum tamen legat: ita tamen si fuerit psalteratus. Si vero non fuerit, tabulas a maiore superpositas psalmis secum portet: vt ad refectionem prandij, aut ad mansionem cum applicauerit, aliquantulum, quantum occurrerit, tamen meditetur: vt quotidie regulæ reddat quod suum est. Ita & frater qui adhuc litteras discit tabulas superpositas a maiore de monasterio secum portet: vt si, cum literato vadit, ipse cum se ad refectionem, vel mansionem applicuerit, cum eo tamen, aut solus aliquantulum, quantum occurrerit, meditetur, vt supra diximus; aut ad prandium, aut ad mansionem aliquantulum tamen meditetur: vt videatur quotidie consuetam regulam adimplere. Item frater, qui pro actibus monasterij aut noluerit ire, aut certe ambulans murmura-uerit,

uenit, vel cum aliqua tarditate exire voluerit, si placuerit Abbati, iam non mittatur : & statim excommunicationis poenam suscipiat, & sciat se adeptum superbiam præceptioni repugnare diuinæ, ideo diuinæ, quia dicit Dominus doctoribus nostris : *Qui vos spernit, me spernit.* Luc. 10. Applicantes vero in via ad mansionem fratres, tali loco lectum sibi eligant facere, qui sit semotus & mundus : ubi digne suppræstratum leniter in nocte Deum memorentur. Nam & hoc præceptum Abbatis vel præpositorum exeuntes in viam fratres accipiant, ut quoscunque fratres spirituales positos visitent; & cum eorum introierint cellas aut oratoria, orantes dicant hunc versum : *Intrentinus in tabernaculum eius, adorabimus in loco ubi steterunt pedes eius.* Psal. 131. Exeuntes exinde orantes similiter dicant hunc versum semper : *Vias tuas Domine nocte fac nobis, & semitas tuas edoce me.* Psal. 24. *Dirige me in veritate tua.* Aut forte alium versum pro isto, si voluerint dicere : *Perfice gressus meos in semitis tuis, ut non moueantur vestigia mea.* Psal. 118. Ergo cum coeperint a monasterijs & cellulis spiritualium nostri fratres exire, prius oratorio valefaciant : & item peculiariter pro egressu, quos in monasterijs suis vel cellulis derelinquant, se debere in sequenti Dei opere memorari, & sic ambulent. Cum vero ecclesias nostri fratres introierint, post orationem humilitatis Deo incuruata erecti dicant hunc versum : *Exultabunt sancti in gloria, letabuntur in cubilibus suis :* lente dicentes, & modice incuruati in orationem complentes sibi, sic exeant foras. Psal. 149.

CAP. LVIII. INTERROGATIO DISCIPULI.

*Quot psalmos debent fratres dicere diuiso tempore in via nocte ?*

R. RESPONDET DOMINVS PER MAGISTRVM.

Cum surrexit nocte super stratum suum frater, aut solus, aut cum alio adimplere nocturnos, post versum taciturnitatis a capite, vel responsum, primum tres psalmos dicant, alium responsum, lectiones, versum, non amplius,

fff 2

pro-

propter laborem viae præteritum & futurum; Matutinos vero omni tempore in via post nocturnos explicitos, mox subsequentes coniungant: ne cum lux eos occupauerit, matutina in squalidis, in importunis vel spurcatis casæ vel tabernæ locis, ante cedentes, aut post deridentes nostrum propositum laicos, sine reuerentia videatur compleri. Ergo cum iam securi fratres de factis matutinis mane fuerint, de sola viæ prosecutione incipiant cogitare, vel de componendis sarcinis animalium, vel de constrictione oneris bisfaciarum suarum reddantur solliciti.

### CAP. LIX. INTERROGATIO DISCIPULI.

*Qua hora debeant fratres in via reficere.*

RESPONDET DOMINVS PER MAGISTRVM.

**A**mbulantes longo itinere fratres quarta, sexta, sabbato in hyeme; hoc est, ab æquinoctio auctumnali; quod est octauo kalendas octobris vsque in pascha, in via ambulantes fratres ad vesperam reficiant. Nulla ratione hæc frangant ieiunia. Ideo enim ad vesperam diximus, quia si nona volunt in via reficere, occupati in refectione breuibus horis prolongata, mansio eis paruo clauso die subducitur. Sed qui tamen hæc in hyeme non frangant ieiunia, si caricati in dorsis suis grauibus oneribus non vadunt, nam tunc Abbas in via ambulantes fratres faciat reficere; considerata perpenſatione aut temporis, aut necessitatis, siue in hyeme, siue in æstate, si graua gelicidia camporum, aut feruentes æstus viarum, aut montes excelsos, subire, aut graue sarcinarum pondus æstimauerit, vel imbecillitates quorundam impossibilitatis fratrum considerauerit; tunc reſectos aliquod faciat de monasterio properare. In hyemis graui algore calefactos, in feruenti æstate temperatos in viam debet fratres dirigere. Infantuli vero intra duodecim annos, non solum nullo tempore in via ieiunent, sed etiam nullo die ieiunij de monasterio egrediantur; dumtaxat

xat

zati in proximo non mittuntur, unde ante tertiam in astate, aut ante sextam in hyeme expectentur: in quibus horis constitutum est eis debere reficere.

### CAP. LX. INTERROGATIO DISCIPVLI.

*De qualitate sumptuum fratrum in viam accipiendorum.*

RESPONDET DOMINVS PER MAGISTRVM.

**C**onsiderans Abbas fratrum debitum quotidianæ mensuræ, necnon & longinquitatem itineris, vel moras agendi actus, simul & perpenas substantiæ monasterij quantitatem in nummis, aut in his quæ cruda possunt portari, sufficientibus consuetæ mensuræ sumptibus aliquantulum pro labore itineris magis, propter adiuncti forte in via collegæ vel socij caritatem, quantum Abbas voluerit, panis aut vini, seu & aliarum rerum vel nummorum iungat mensuræ.

### CAP. LXI. INTERROGATIO DISCIPVLI.

*Missus frater de monasterio, & in eodem die expectandus, si suadente aliquo foras communicare debet, an ad oratorium reuertens seruare ieiunium coram Abbate consignandum commanibni?*

RESPONDET DOMINVS PER MAGISTRVM.

**E**xiens frater de monasterio interrogat Abbatem, dicens: Quid iubeas, domine pater, si pro caritate ab eo ad quem mittor, aut ab alio aliquo retentus fuero ad mensam, & cum iuramento suatum mihi fuerit ad manducandum, quid? frangendum erit, aut non, ieiunium? Respondeat Abbas, dicens: Si spiritalis frater pro aduentus tui lætitia fecum tamen ad comedendum & per caritatem petat, prima quidem eius petitione, si quarta, aut sexta feria, aut sabbatum fuerit, nega: secundæ vero iteratæ eius petitioni pro caritate iam consenti. Alijs vero diebus, extra istas tres serias, primæ petitioni spiritali ad manducandum effectum concede. Si vero sæcularis erit apud te reficiendi peti-

petitio, quarta, sexta feria, & sabbato non permittimus te ieiunium frangere : quantūvis petitionibus nega, vsque tamen ad iuramentum. Nam forte cum per aliqua diuina aut sancta fueris adiuratus, iam consenti in his tribus ferijs : vt & agnoscaris Dominum amare, cum per eum coniuratus consentis. Et quod secunda petitioni spiritali fratri pro caritate volendo cōcedis, iuste laico diuina te nomine coniuranti, licet nolendo, consentis. Si vero in his tribus ferijs sine adiuramento diuini nominis apud te erit persuasio frangendi ieiunij, communicare apud laicos non permittimus fratres, sed ad suam communicationem, expectet oratorium reuertentes. Si vero prolixitate itineris satis erit frater reuersurus, si tamen ab aliquo, vt diximus, laico in his tribus ferijs sine iuramento suadeatur ieiunium frangere, non tamen ei se promittat reficere. Si vero ad hunc sæcularem frater mittatur, in omnibus iam conuersum simulantem religiosi actibus, qui sola adhuc videatur tonsura dissimilis, huius suasioni tribus ferijs pro iam conuersi forma vel caritate post primam, vt diximus, petitionem refectionis concedatur effectus. Alijs vero ferijs, si apud suadentem de refectione a transmissio fratre adhuc tarda fuerit agenda mora, aut sexta, aut nona, aut vespere fratri manducare permittitur; ne extra horas refectionum constitutas consuetus modus sancti propositi excedatur. Iam si nulla est mora, & via a fratre repedari sub die necesse est, quaquā hora festinantibus fratribus fuerit persuasum, mox consentiat; ne non sumptus monasterij habeat frater, & consuetam refectionis horam longinque occurrere vie, & tarde fratri per lassitudinem reuertenti, impræparata diuersorum refectione mensa monasterij iam explicita leuetur, & utrimque decipiatur adueniens. Et item ideo a festinante fratre extra horam consuetam refectioni consensus conceditur, vt non petentis pro caritate hospitis animus contristetur.

CAP.

## CAP. LXII. INTERROGATIO DISCIPULI.

*Si debet extra horam constitutam in via frater aut manducare  
aut bibere .*

RESPONDET DOMINVS PER MAGISTRVM.

**D**E sumptibus suis extra horam constitutam non præsumat, qui sumptus ipsi a priuilegio vel mensuræ regulæ exierunt; ideo constitutis horis per normæ mensuram debentur. Si vero de alienis sumptibus ab alio extraneo socio dantur pro labore itineris, in caritate fratres consentiant: ita tamen, vt ante consensum hoc tradenti respondeant, se habere præceptum regulæ vel Abbatis, de sacris monasterij sumptibus extra horam eis debitam non posse contingere; hoc ideo a sanctis vel spiritualibus fratribus, ignorantibus alijs hanc disciplinæ mensuram, illis vicecollegis diximus innotescere, ne cum de suis sportis in congruæ refectionis hora nihil communiter ponant, æstimentur cupiditate magis hoc, non disciplina obseruare. Quod si item his fratrum dictis taliter suadentes responderint, ad solam gratiam illorum, vel communionem eorum inreficiendo per caritatem appetere, quam viæ societas iniunxit, & intactis eos sumptibus de suo velle pro caritate expendere; tunc demum eis assentiant, perseverantē tamen seruandorum suæ horæ suorumque sumptuum disciplina. Iam enim cum constituta viæ aduenerit hora, prius nostri fratres iuste cum hora iustitiæ magis suas horas efficiantur, & tunc de suis sumptibus iam ponentes, quod illi pro sola caritate iniuste præsumperant, isti nunc & pro vicaria caritate, & pro iustitiæ modo dupliciter administrēt: vt quos in illos ignorantes modum iustitiæ istis tamen caritas persuaserat, per istos illis notitiā suā ingerat disciplina. Quod si ante hora refectionis adueniat, quam fratres ad casam perueniant destinātā, mox in quo loco in viā constituta occupauerit hora, reficiant fratres: ne forte cum ad locum peruenerint destinātum, non cogantur a colono

re-

reficere, & missus frater horam refectionis videatur perdidisse, cum ad refectionem a domino rei coactus non fuerit, & postea extra horam cogatur fame compellente reficere, & sumptus constitutæ horæ extra tempus violare. Ante nonam in via fratribus quoduis bibere liceat propter sitim.

### CAP. LXIII. INTERROGATIO DISCIPVLI.

*Quales sunt fratres qui insalutatis abscedunt fratribus.*

RESPONDET DOMINVS PER MAGISTRVM.

**F**ratres spiritales in via quando a se abscedunt, si vale sibi non faciant, vel orationem communem offerant Domino, vel pacem sibi tradant, sciant se excommunicatos a caritate discedere, vsque dum se reuideant, & caritatis inter se vinculum nectant, sicut in Vitas legitur patrum; abscedens vnus frater de partibus orientis, veniens in partes occidentis, rememoratus quod vni fratri vale non fecerat, prætermittæ caritatis repedaui itinera, vt quod minus compleuit, in fratre perficeret. Vnde debeat ad hanc caritatem fratrum fratres esse solliciti.

### CAP. LXIII. INTERROGATIO DISCIPVLI.

*Quoties debet frater reliquens monasterium & iterum ab errore reuertens recipi?*

RESPONDET DOMINVS PER MAGISTRVM.

**F**rater si exierit frequenter de monasterio, vsque in tertium reuersus resuscipiat, amplius non iam: quia talis apud Dominum eius agnoscitur diuini seruitij fides, qualis apud homines pedum instabilitas constitit. Et vt quid in monasterio iam opus sit, quem Deus non possidet? Ideoque post tertiam correptionem iuste monasterio sit vt ethnicus & publicanus.

CAP.

## CAP. LXV. INTERROGATIO DISCIPVLI.

*Quomodo debent fratres externi a domesticis salutari?*

RESPONDET DOMINVS PER MAGISTRVM.

**F**ratres cum monasterio extranei superuenerint, & eiusdem fratres monasterij in commune locum aduenerint, vbi illi extranei aut sedent, aut stant, aut iacent, aut deambulant; primo ad ingressum suum mox voce sua, Benedicite, saluent; deinde petant pro se orari. Postquam orationem compleuerit extraneus, mox vadat frater domesticus incuruato per humilitatem capite salutationis eius ad genua, & prius hoc erigatur ei ad pacem, vt apostolica compleatur sententia dicens: *honore inuicem praeuenientes.* Rom. 12. Ad ingressum vero fratrum extraneorum post orationem, antequam compleat, hunc versum dicat Abbas cum domesticis fratribus: *Suscipimus Deus misericordias tuas in medio templi tui.* Psal. 47.

## CAP. LXVI. INTERROGATIO DISCIPVLI.

*De egressu fratrum de monasterio in viam.*

RESPONDET DOMINVS PER MAGISTRVM.

**E**xcentes in viam fratres petant pro se orari, dicentes versum: *Vias tuas Domine notas fac mihi, & semitas tuas edoce me.* Psal. 24. aut si voluerint alium: *Perfice gressus meos in semitis tuis, vt non moueantur vestigia mea.* Psal. 16. Semper enim versum quando exeunt, siue quando ingrediuntur, cum gloria explicant. Similiter & reuertentes petant pro se orari, dicentes hunc versum: *Introiuimus in tabernaculum eius, adorauimus in loco.* Psal. 131. *vbi steterunt pedes eius;* cum gloria: vel quotiescumque limen forum vltimarum monasterij egressus ingressusque fuerit frater, sine versu tamen, petat pro se orari semper.



## CAP. LXVII. INTERROGATIO DISCIPVLI.

*De regressu fratrum de via reuertentium in oratorium.*

RESPONDET DOMINVS PER MAGISTRVM.

**F**ratres quouis horæ tempore de via reuersi ad monasterium fuerint, & fratres psallentes in oratorio inuenerint, orantes mox psallant cum ipsis; & post psalmum explicitum ab psallentibus pariter voce sua vniuersos petant pro se orare debere: vt videantur de ingresso limine forensi exterioris regiae monasterij in petenda oratione regulam adimplere. Et post missas operis sancti in oratorio primo Abbatem, deinde præpositos suos, vel omnes post regressum viæ ad pacem accipiant.

## CAP. LXVIII. INTERROGATIO DISCIPVLI.

*Exeuntes de oratorio mox debere de omnibus tacere.*

RESPONDET DOMINVS PER MAGISTRVM.

**E**xeuntes de oratorio fratres mox taceant, nec etiam psalmos meditando exeant; ne quod in tempore suo cum reuerentia dictum est, extra tempus foris per extollentiam decantetur. Ergo exeuntes de oratorio taceant statim: quia psalmorum explicatum est tempus, & taciturnitatis inceptum est, sicut dicit scriptura: *Omni rei tempus.*

Ecc. 3.

## CAP. LXIX. INTERROGATIO DISCIPVLI.

*De fratribus ægrotis.*

RESPONDET DOMINVS PER MAGISTRVM.

**F**ratres ægrotos qui se dixerint esse, & ad opus Dei se non leuauerint, & continuo iacuerint, ad culpam non vocentur: sed in refectionem solummodo succum, vel oua, aut calidam aquam accipiant; quod vix possint veri tædiosi accipere: vt, si se fingunt, vel fame compellantur leuari. Si vero post diei dictum surrexerint, excommunicentur; & ad mensam carnalem non accedant, quia ad spiritalem oratorij non affuerunt, quia laborem fugerunt, & opus

& opus Dei contemplerunt. Nam in his talibus agnoscitur  
 diabolus per exultationem tædij somaque pigritiam mi-  
 nistrare: idoque talem mercedem recipiant. Qui vero  
 frater sine febris membrorumque dolore lassatur, si po-  
 nam supradictæ lassitudinî excommunicationis sustinere  
 non vult, intret tamen in oratorium consueta cum fratri-  
 bus hora: & sistare non potest, iacens in matta velut in  
 oratione psallat: cui a vicino fratre stante insidetur ta-  
 men, ne dormiat Si vero postea ex toto nihil laborauerit,  
 vnam quædam panis minus in annona accipiat sua, &  
 potiones duas subductas: & hoc tantum, quia vel ad opus  
 Dei surrexit: quia nec iustum est, vt otiosus frater con-  
 tra laborem fratrem, cui digni laboris merces debetur,  
 æqualiter iudicetur: & quia *boui trituranti non alligabitur os*. 1. Cor. 9.  
 Sic & qui non laborat, si propter iustitiam, iã si ex toto non  
 manducat, vel pro tædij qualitate tantum manducet,  
 quantum laborans aut sanus: quia impotens, qui ad labo-  
 rem proclamat se non posse, item ad manducandum iudi-  
 cetur non posse: quia vtrumque non posse iustitiæ con-  
 uenit, & veram necessitatem ostendit. Si vero ad labo-  
 randum non possumus: & ad manducandum iuste depe-  
 re non posse. Per pigritiam enim otiosi gluttonis talis  
 agnoscitur ægrotudo, vt cum ad laborandum suo ore  
 proclamat, se non posse, & ad manducandum tacet ipsum  
 non posse: si sua non vult dicere, aliena mox incipiat  
 lingua audire, se ad manducandum non velle nolle non  
 posse: quæ iustitia hoc ostendit, vt sicut in vno hominẽ  
 anima, venter, membra æqualiter conveniunt: sic &  
 vna necessitas in his tribus communiter debet sentiri, vt  
 quod in sanitate tres istæ res supradictæ cõmuniter possunt,  
 in necessitate vero agnoscatur simul non posse. Nam  
 quare vni rei non posse permittat necessitas, & aliæ posse  
 permittat; cum in vno hominis corpore anima, venter,  
 & membra separatim ipsam necessitatem sentire & sustinere.

non possunt: quia adhuc anima in nobis omnes sentit dolores: quia abscedente, quod passum fuerit mortuum, corpus nescit sentire. O iniustitiæ nefas! caput torquetur propter laborem, & venter non torquetur propter dilectionem cibi: quasi in alieno corpore ipse venter sit positus.

### CAP. LXX. INTERROGATIO DISCIPVLI.

*De caritate fratrum circa agrotos.*

RESPONDET DOMINVS PER MAGISTRVM.

**F**ratres qui se voluerint ostendere, quam pleni sint caritate, cum certamine agrotos fratres visitent, consolentur, & seruiant: vt caritas fraterna in necessitate probetur, & Domini iam vocem factis adimpleant, dicentis: *Infirmus fui, & visitastis me.*

*Mat. 25*

### CAP. LXXI. INTERROGATIO DISCIPVLI.

*Si debeant fratres spirituales adinuicem occurrentes prius orare, aut sibi pacem dare, aut salutare.*

RESPONDET DOMINVS PER MAGISTRVM.

**C**um vero introierint fratres monasterium, aut in via fratribus spiritualibus occurrerint, postquam se per benedictionem salutauerint, prius orent, & sic sibi pacem dent; sicuti Pauli & Antonij eremitarum occursum legimus: qui cum se mox vidissent, & sibi inuicem occurrissent, postquam se proprijs salutauere nominibus, mox oratione facta complentes, postmodum se mutuis miscuerunt amplexibus caritatis, sibi pacem reddentes. Inde ergo prius orare, quam pacem sibi debent tradere occurrentes: quia si non prius oratum fuerit, vnde scit frater, ne in figura humana temptationis diabolicæ occursum adueniat, & pro manifesto corporis visu diabolica subito phantasia euanescat: & nostro nos decipiamus aspectu, si humanis oculis credimus, quod diuinis orationibus non probamus?

mus? & ideo prius orare, quam pacem sibi debent tradere-occurrentes; & quia dignum est, ut pro communi presentationis aduentu primo per orationem gratiæ Domino referantur; qui dignatus est alternis desideratis aspectibus utrosque innotescere sibi aut repræsentari: deinde post Domini completam orationem merito iam homini pacis gratiam reddi debere.

### CAP. LXXII. INTERROGATIO DISCIPVLI.

*De refectione propter caritatem fratrum supervenientium.*

RESPONDET DOMINVS PER MAGISTRVM.

**C**um fratres monasterio extranei supervenerint, si quarta, sexta feria, & sabbatum fuerit, voce præsentis Abbatis, aut cellararij, si absens fuerit Abbas, rogentur ad refectionem remorari ad nonam. Si autem usque ad tertiam admonitionem, non usque ad nonam consenserint remorari, sed pro certo ambulare se vserint, propter caritatem aduentus eorum, fracto ieiunio, omnes fratres monasterij cum eis ad sextam communicent. Si autem ante sextam se vserint ambulare, quævis hora fuerit festinationis inuenta, iam sine domesticis fratribus ipsi soli reficiant, & ieiuni de monasterio non permittantur abscedere propter viam: quia in panis fractione cognita est caritas Christi. sicut & in actibus Apostolorum legitur, fracta Eucharistia & sumpta a se apostolos discessisse Andream & Ioannem.

### CAP. LXXIII. INTERROGATIO DISCIPVLI.

*De fratribus qui ad opus Dei tarde occurrunt.*

RESPONDET DOMINVS PER MAGISTRVM.

**F**rater qui nocturnis, matutinis, & lucernarijs primam orationem aut psalmum perdiderit, eiectum eum ab oratorio cum terrore in capite foris cum apud semetipsum de emendatione Abbas moneat. Si secundam

ora-

orationem vel psalmum percipiant, ubi in octiduo presentis congregatione; post psalmum expellitur corripitur acerbe. Si vero post tertiam non inire vel psalmum intrauerit, mox una cum propositis suis foras de oratorio excommunicatus lactetur: & non prius ad veniam reuertatur, nisi humilitatis satisfactio ab eo humiliter ante limen oratorij fuerit operata: sed hoc, ut superiori titulo diximus, de intra quinquaginta passus longitudinem. In prima vero, tertia, sexta, & nona, qui post signum indicis percipit ad primam orationem, & primum psalmum non accurrerit, in oratorio presentibus omnibus acerbe corripitur: post secundam vero orationem, vel secundum psalmum qui accurrerit, iam sic excommunicatus cum suis foras praepositis foras. Ad mensam vero antiphonam, vel versum proferant qui non adfuerint, semote, & non signatum, & sine data & accepta benedictione manducant & bibant, sine alicuius hominis eloquio, usque dum se leuant. Et merito sine alicuius eloquio hominis debet reficere, qui ante refectionem cum Deo non est locutus. Qui postiori vero versu mensae non adfuerit Deo post refectionem gratias reddere, in sequenti refectione talem poenam insequens frato suscipiat, qualem ille qui ante refectionem non est locutus cum Deo. Hæ vero correptiones vel excommunicationes duntaxat his constitutæ sunt, qui sunt voluntatis negligentia tardi, & nullis necessitatibus occupantur: qui etiam si propria voce ad oratorium debere se ut absentes proclamant in orationibus memorari, prætermittantur a fratribus, & sciant se excommunicatos; quos non utilitas monasterij, sed negligentia occupauit. Nam pro utilitate monasterij occupati dignè absentes a presentibus in oratorio memorantur: sic tamen occupati in eodem loco dicentes sibi opus Dei & ipsi. Nam frater qui correptus in oratorio fuerit, & si non oratorio iubeatur exire, tamen psalmum & responsorium, aut lectionem, aut versum

sum tam diu non imponat, usque dum in ipso oratorio pro culpa satisfecerit, ad genus incuruatus, & in vobis humiliter petierit pro se orare. Frater qui pro utilitate monasterij occupatur, absens in oratorio habeatur in mente: qui per negligentiam aut tarditatem occupantur, tacite prætermittantur: quia potius peccatum acquirunt nolentes Deum in orationibus memorare.

## CAP. LXXIV. INTERROGATIO DISCIPULI.

*Refranari debere liberum fratris arbitrium.*

RESPONDET DOMINVS PER MAGISTRVM.

**F**rater qui votum fecerit, supra modum constitutum, aut ieiunare, aut superponere, aut abstinere: & sine iussu Abbatis voluerit aliqua agere, suæ voluntatis arbitrio magis non permittatur: quia etiam per bonum ei subripit diabolus, ut propriam cogat fratrem facere voluntatem: cum in monasterio non licet fratri suam facere voluntatem, quod vult.

## CAP. LXXV. INTERROGATIO DISCIPULI.

*De cessatorio Dominica.*

RESPONDET DOMINVS PER MAGISTRVM.

**A** nona hora sabbati post refectionem in æstate iam legatur in hyeme a nona in sabbato, sicut constitutum est superius, non operentur: sed etiam & sequenti die dominico ab omni opere laboris cessent: & etiam a meditatione quotidianæ consuetudinis per tres horas in die in vtrisque temporibus hyemis vel æstatis. Sed post missas Ecclesiæ pro voluntate sua quis quid voluerit, aut delectatus fuerit, ex suo arbitrio legat: vel omnem licentiam repausationis habeant: ut lætentur sibi ad requiem diem dominicum constitutum.

CAP.

## CAP. LXXVI. INTERROGATIO DISCIPVLI.

*Quomodo debent transmissa Eulogia a sacerdote monasterio suscipi?*  
 RESPONDET DOMINVS PER MAGISTRVM.

Cvm eulogie a pontifice summo, vel a sacerdotibus sequentibus monasterio aduenerint, mox Abbas osculans transmissum eulogie munus, & leuans se cum omnibus qui ipsi adstant orent, dicentes hunc versum: *Suscepimus Deus misericordiam tuam in medio templi tui. cum gloria; & complens fedeat.*

Psalm — 7

## CAP. LXXVII. INTERROGATIO DISCIPVLI.

*De benedictione vel signo sacerdotum,*

RESPONDET DOMINVS PER MAGISTRVM.

Sacerdotes vero cum monasterio ad refectionem tenti fuerint, ipsi omnem cibum & pocula mixta signent, vel primo sibi in mensa sua meros & benedictionem petentibus ipsi suo responso tradant. Ipsi vero sacerdotes cum benedictionem in manducando aut bibendo alijs petunt, non licet eis a maioribus responderi: quia ipsi, qui sacriati sunt, quod dant a non sanctis accipere possunt. Clerici vero, si seruorum Dei interfuerint mensis, & ipsis locus tradatur signandi; sic & post orationem ipsis locus detur complendi.

## CAP. LXXVIII. INTERROGATIO DISCIPVLI.

*Non debere aliquem aduenientem, aut fratrem aut laicum, plus biduo otiosum in monasterio pasci.*

RESPONDET DOMINVS PER MAGISTRVM.

Cvm aliquis frater in monasterium vel hospes aduenerit, in hospitis honore vel via lassitudinis si voluerit otiosus esse, biduo mensæ fratrum hora sua communi adsedeat; tertio vero die post primam dictam, exeunte Abbate de oratorio, teneant hospitem intus in oratorio hebdomadarij & cellararij, dicentes ei: *luua fratribus operari, quicquid*

quid Abbas præceperit, aut in agro, aut in arte: si non inuat, abscede: quia regula hospitalitatem vestram compleuit in biduo. Et si laborare assenserit, mox ei delegetur opus cum fratribus: quod si noluerit adimplere, abscedat, & lectus eius desternatur continuo, usque dum alter peregrinus adueniat: cui nouiter resternatur, cum aliquis forte spiritalis aduenerit. Ergo si noluerit laborare, dicatur ei ab hebdomadarijs & cellarario, ut abscedat; ne laborantes in monasterio fratres cogantur iuste & istius pigri hospitalitatem odire: & conuersi in murmurium, vel detractionem, tales odire incipiant peregrinos, qui per inertiam miseræ nusquam fixi stando laborantium debitos panes, sub prætextu religionis visitando monasteria, deuorant otiosi: qui nec manifestos se ciues monasterijs ingerunt persistendo, nec aperte se debiles indicant mendicando. Nam, ut supra diximus, talibus enim plus biduana elemosyna damnum est dantis; quod in manifesta debilitate mendicanti pauperi ad mercedem lucrum est mendicantis. Ergo hi tales post biduum cum laborare noluerint, iuste agnoscant, quia ut susciperentur, & pro labore longi itineris biduo otiosi pascerentur, Apostoli præceptum fuit, dicentis: *Hospitalitatem sectantes*. Et item ut ad opus laboris cum fratribus impellantur, ipsius item est præceptum, dicens: *Ipsi enim scitis quemadmodum oporteat imitari nos: quoniam non quieti fuimus inter vos, nec gratis panem vestrum manducauimus inter vos sub aliquo sed in labore, & fatigatione nocte & die operantes, ne quem vestrum grauaremus. Non quasi non haberemus potestatem, sed ut nosmetipsos formam vobis daremus ad imitandum nos. Nam cum essemus apud vos, hæc præciperamus vobis, quia si quis non vult operari, nec manducat. Audiuimus enim quosdam in vobis ambulare inquiete, nihil operantes, sed curiose agentes: his autem qui huiusmodi sunt interdicimus, & rogamus in Domino Iesu Christo, ut cum silentio operantes suum panem manducant. Nam qui spiritales hospites sunt, si forte*

Rom. 12.

1. Thes. 3.

h h h

ipso



ipso die quo aduenerint pro lasso labore iuuenis non possunt laborare, tamen alio die quod viderint fratres facere, ipsi sibi vltro iniungunt: ne non solum otiosi, sed & miseri a laborantibus iudicentur.

### CAP. LXXIX. INTERROGATIO DISCIPULI.

*De cella peregrinorum.*

RESPONDET DOMINVS PER MAGISTRVM.

**C**ella vero peregrinorum semote monasterio constituitur cum lectis stratis, vbi superuenientes fratres, maxime ignoti, dormiant, & bisacias suas ponant: In quares monasterij, aut feretamenta, aut utensilia non sint posita: ne forte cum purantur hospites spirituales subito in damno fures inueniantur. Nam & propter cautelam custodiendi duo fratres, de quorum decada alij coquinam exercent, tam diu ex ipsa decada deputati vicibus a suis praepositis fratres peregrinos ex improviso custodiant: quamdiu omnes de eadem decada suis vicibus explicent septimanas: & cum de alia decada inchoauerint coquere, & in diebus septimanarum suarum, si superuenerint peregrini, tamdiu & de eadem decada deputati a suis praepositis fratres superuenientes ex improviso custodiant, quamdiu & ipsis alia decada succedat. Ergo sic omnes decadae explicando & recapitulando omnes peregrinos aduenientes semper custodiant. Ergo ipsi duo fratres, quorum ad custodiam fuerint vices, cum peregrini aduenerint, in eadem cella simul sibi faciant lectos: vt, si forte vnus de hospitibus ad oratorium nocte voluerit ire, & alius forte noluerit propter lassitudinem se leuare, aut forte voluerint vicibus foras exire, vtrique habeant singulos ex improviso custodes: vt & ille, qui aut ad oratorium aut egreditur foras, per incertos monasterij exitus nocte, & ingressus per occasionem custoditus a domestico fratre ducatur, & cum manente alter remaneat custos: vt & carita-

ritatē solatij videantur hospitibus adimplere, & res monasterij ab incertis ex improviso custodiant. Nam & in die ipsi sibi sollicitudinem faciant, eos intra monasterium de nihil facto oculo custodire. Nam ideo duobus hæc cura committitur, vt & in nocte vicibus sint circa peregrinos solliciti, & in die, si forte ex eis vnus fuerit occupatus, alter peregrinum a longe custodiens respiciat. Cella ipsa habeat clausuram talem ab intus, qualem a foris: vt nocte tam ab eis, inclusis secum hospitibus, ab intus missis claustris clauis tollatur: quam, vbi norunt, abscondant: vt cum foras forte voluerit hospes exire, ipse sibi custodes excitet, cum clauem requirit: quo præsentē incipiat ad ignotum refrigerium foras exire. Ipsi enim fratres bisacias eorum & virgas suscipiant in cella eadem seruaturi, clauē forensi fideliter conseruandas. Iam si forte tales inuenti fuerint hospites, qui diu persistendo fideliter & animo laborando iudicauerint se monasterio perfirmare, suggerant eorum custodes Abbati, & lecta eis regula, videant quot dies iam habent in monasterio, & residui dies de inducijs eis ad tractandum secum cedantur. Et cum expleti fuerint constitutarum induciarum dies, & tunc demum si placent eis probatæ vitæ vel regulæ disciplinæ, sicut de firmandis monasterio fratribus posteriori titulo constitutum est, se monasterio vsque ad mortem perseuerando contradant. Quod si nō se voluerint firmare, sed sic laborando quosdie cum fratribus monasterio voluerint remorari, si contenti sunt pannos suos vel indumenta in alieno opere stricare, sola tamen communis mensa vel vitæ mensura eis de monasterio præbeatur, de cæteris necessarijs præparatio denegetur. Quia firmis debent omnia preparari; talibus vero de firmitate dubijs sola monasterij mensa sufficiat: & hoc tantum, quia vel laborare cum fratribus volunt remorando, a fratribus illis custoditi duntaxat dic noctuque.

h h h 2

CAP.

## CAP. LXXX. INTERROGATIO DISCIPVLI.

*Polluti per somnum fratres si debeant communicare, aut non?*

RESPONDET DOMINVS PER MAGISTRVM.

**F**ratres qui se immundos per somnum agnouerint, secrete ante fores oratorij, antequam ad illam pfallendi horam intrent, qua solent communicare, Abbati ad genua incuruati confiteantur hoc ipsum: & tunc Abbas interrogans eos, quid potuerint turpiter cogitare hesterni die, vt eis consensus libidinis venisset in nocte. Et si frater magis spiritalis est, non erubescat confiteri malum illud, sicut superiori titulo diximus, si cupit animam suam saluare de morte, quod Abbas possit monitionibus emendare. Tamen biduo se a communionis acceptione suspendant, vt iam tertia die mundi communicent. Tales enim fratres qui frequenter extiterint, sciant se non occasione, sed voluntate sua sibi excommunicationem accersire: & a corpore Domini ipsi se faciunt alienos, qui cogitationibus suis ipsi sibi adescant libidinem, cum carnem suam faciunt per turpia desideria sordidare. Quia sicut tineae vestimentum, & vermes lignum corrumpunt & deuorant, sic & cogitatio turpis maculat, & animam sinceram non facit. Ergo hi tales in spiritu esse creduntur apud Deum, quales per reatum inuenti sunt apud hominem. Nam dicit sacra scriptura: *Peruersa enim cogitationes separant a Deo.*

cap. i.

## CAP. LXXXI. INTERROGATIO DISCIPVLI.

*De vestimentis & calceamentis fratrum.*

RESPONDET DOMINVS PER MAGISTRVM.

**H**abere debent fratres in hyeme paraturam grossam quotidianam stamineam, & tunicam aliam nocturnam, quam post nocturnos pudulent; quia in die diuersis occupantur laboribus. Habeant enim in hyeme & pallium stamineum, braccas laneas, & fasciolas, aut pedules. In æstate vero habeant paraturam linostimam, non satis grossam

sam propter laborem & sudorem: & habeant pallios linostimos subtiliores nō satis propter æstus sudoris, & breues lineas: fasciolas lineas vero vti Dei homines prohibemus: vt aliquid distet a clerico monachus. Et habeant singulas paraturas linostimas subtiliores, quas in diebus festis solum in processionibus vtantur: & in æstate habeant singula mannariola linea propter sudores, & singula facitergia per decadā. Quas omnes res per singulas decadas singulæ arcæ contineant: tenentibus ex eis clauem præpositis suis: quæ arcæ vestiario ponatur, vbi & ferramenta monasterij, & omnes res positæ sunt: de cuius cellæ custode iam supra taxauimus. Ideo enim diximus in vna arca vnius decadæ sub clauē præpositorum omnes mutandas consistere, vt cum vnusquisque frater in potestate arcam non habuerit, non habeat vbi peculiare aliquid abscondat: quem ordinem omnes decadæ obseruent. Si quis vero frater in specie sua sibi visus fuerit scemari, vel satis gauisci, mox a præpositis suis ei tollatur, & alio detur, & alterius illi. Hoc ideo, vt non extollatur propria in fratre voluntas: quia quicquid eius anima petit, ei magis dari non debet; quia contra desideria carnis spiritus sentit; ideo spiritualis homo Dei est, non carnalis. Hebdomadarijs coquinam intransibus sacci sint tunicae, & cucullæ segestræ: quæ tales res maxime intra monasterium sine verecundia omnem sorditiam, iniuriamque, vel simul inquinamenta caccaborum, cucumæ, vel hyemarum, nec non & foci calorem, vel coquinæ sordes diuersas sustineant. Quæ ergo res expleta hebdomada, vltimo die sero lotæ hebdomadarijs alijs intransibus consignentur. De calceamentis vero oportet fratres caligas habere ferratas, triclinae: non ad lulum, sed ad vsum: quas debent tempore hyemis vti: æstatis vero tempore vnctas reponi. Et caligas omnes oportet habere clauatas, tam in monasterio, quam in via: vt & diu repositæ caligæ conseruentur, & pes fratris in caliga refrigeretur. Ad

nocturnos vero in æstate lignos culpas vtantur pelliceos, ne inquinatis pedibus ad faum reuerentes finatum, lectorum sagos coinquinent. In hyeme vero ad nocturnos pedulibus vtantur pelliceis, propter frigoris pedum. In lectis habeant in hyeme singulas mattas, & sagos tomentatios singulos, & lanas: in æstate vero pro lanis rachinis propter æstus vtantur, & ante ipsos lectos singulas pelles, vbi tergant a sordibus pedes, & sic in suos lectos ascendant.

### CAP. LXXXII. INTERROGATIO DISCIPULI

*Si debet in monasterio frater aliquid peculiare habere.*

RESPONDET DOMINVS PER MAGISTRVM.

**O**mnis homo in vita sæculi huius tribus rebus excitatur, laborat, & studet; peregrinus in via, miles in pugna, imperator in palatio, agricola in agro, mercenarius in negotio omnes excitantur et laborant, vt habeant dum viuunt, vnde vestiantur, calcientur, & viuant. Sed quibus Dominus seruitij sui contulit donum, & ostendit eis non satis de præsentis sæculi cogitare, quia hæc omnia pertranseunt, & omnia ista quæ videmus & vtimur, paucorum in nobis dierum sunt vsus, & momentanea cum vitæ nostræ tempore transeunt: & per corporis mortem cæcata in nobis sæculi luce, clausis vitæ oculis, omnia quæ habemus sæculo relinquuntur. Sed illa semper æterna: quæ cum venerint, vltius transire non norunt: sed in bonis vitæ æternæ iustis, aut in poenis gehennæ peccatoribus perseverant. De quibus ergo desiderijs bonorum, vel timore malorum, quasi iam ibi videamur accersiti: mentem nostram in hac vita de supernis semper cogitationibus occupamus. Vnde præcipit Dominus seruis suis, de necessarijs vitæ huius non debere quenquam esse sollicitum; etiam fideles in se admonet, de crastino non cogitare, sed regnum & iustitiam eius solummodo desiderare, dicens in sancto Euangelio: *Nolite cogitare quid manduce-*

Mat. 16

duertis: aut quid bibatis: aut quid induamini? Sed quæritis regnum  
 & iustitiam Dei, & hæc omnia apponentur vobis: Ergo dum hæc  
 omnia necessaria nobis a Domino preparantur, & de  
 omnibus administrandis cum Deo solus est Abbas sollicitus,  
 quare discipulus sibi peculiariter aliquid audeat facere, aut  
 habere, aut vindicare? Nam ideo peculiare aliquid habere  
 denegatur, quia nemo serviens Deo implet se negotiis secularibus,  
 et si placeat, cui se probavit, ut cum omnibus rebus suis alieno  
 eum se imperio subdiderit, ut nō sit res ubi propria eius vo-  
 luntas extollatur, quæ voluntati Dei est inimica: Nam de  
 peculati Ananias & Saphira fidem ab Apostolis non me-  
 ruerunt percipere, quia omnia sua cum ante pedes Apo-  
 stolorum adsignarent, de peculiaribus fraudulentè labi-  
 traçipi iudicio subita mortis damnati sunt: quia fraus  
 Deo fieri non potest: cum nihil est occultum, quod ab  
 eo non revelabitur. Ergo cum victum & vestitum cor-  
 pori, calcamenta pedibus unicuique fratri Abbas præco-  
 gitaverit, ut quid alicui sit aliquod peculiare opus habere,  
 aut rem aliquam, aut aurum, aut nummos, vel quodvis  
 necessarium a cum omni compenda vel habenda Deus ei per  
 Abbatem monasterij apparatus: Si quod ergo peculiare  
 inuentum in aliquo fuerit, grandi eum Abbas & diu-  
 turna excommunicatione condemnet: ut exemplo illius  
 vindictæ nullus hoc audeat imitari. Hoc enim ne sit in  
 aliquo frequenter, omnes scrutentur a præpositis suis;  
 & si in aliqua re fuerit visus sibi frater multum gaudisci, aut  
 plaudere, tollatur ei, & alio detur, & alterius illi, quod-  
 vis fuerit: ut propria in eo non extollatur voluntas.

2. Tim. 2.

## CAP. LXXXIII. INTERROGATIO DISCIPULI.

*Quomodo debent haberi in monasterio Sacerdotes?*

RESPONDET DOMINVS PER MAGISTRVM.

Peregrinorum loco habeantur in monasterio sacerdotes;  
 maxime quorum primatus & honor in Ecclesia conti-  
 netur

netur & militat. Qui si **hoc** elegerint, vt pro amore  
 Dei, vel propter disciplinam, vel mensuram sanctę vitę  
 monasterijs habitent, in solo enim nomine patres mona-  
 sterij nuncupentur: & nihil aliud eis in monasterijs liceat, ni-  
 si orationes colligere, complere, & signare. Aliud vero  
 nihil aut pręsumant, aut eis liceat: vel aliquid ordinatio-  
 nis, aut dominationis, aut dispensationis vindicent: sed  
 omnem formam licentię, vel ordinandę dominationis  
 monasterij Abbas, qui super gregem vniuersum est ordina-  
 tus, cū regula vindicet vel defendat. Nam solo honoris  
 nomine ideo statuimus eos patres monasterij appellare,  
 propter sacrationem sacerdotij, aut ordinationem: & ne  
 ipsi obtentu honoris de ratiocinijs, vel dominatione mona-  
 sterij, vt pote laicos Abbates excludant. Nam ipsi sa-  
 cerdotes, si victum, aut vestimentum, aut calcearium  
 monasterij vt magis cotidie eligunt, & operari communi-  
 ter secundum pręceptum Apostoli cū fratribus debeat,  
 non imparatiue satis coacti ab Abbate: sed cum reueren-  
 tia admoniti. Nam si spirituales sunt, ipsi sibi imparent.  
 Nam & propter cautelam, quod poterant ab alijs cogi,  
 memores semper sancti Apostoli Pauli, formam ostenden-  
 tis de se, & dicentis: *Non gratis panem vestrum manducaui-*  
*mus. Et item ipse dicit: laborauimus manibus nostris, nequem ve-*  
*strum grauaremus.* Et item ipse dicit: *Qui non laborat, nec*  
*manducet.* Ergo quod si diutissime otiosi labore manuum  
 suarum quærere victum noluerint, cum reuerentia per  
 multorum religiosorum testimonia conuenti ab Abbate  
 Ecclesijs reuertantur. Si vero, quod absit, non pacifice,  
 sed magis per scandalum exire voluerint, tenti & exuti  
 rebus monasterij duntaxat, sine graui iniuria clausa regia  
 excludantur. Quia magis ipsi amplius agere debent, quod  
 alijs prædicant generaliter a Deo esse præceptum, otiosis  
 debere laborantium panem negari.

CAP.

## CAP. LXXXIV. INTERROGATIO DISCIPULI.

*Qui debeant manducare cum Abbate.*

RESPONDET DOMINVS PER MAGISTRVM.

**A**d mensam Abbatis sedent seniores, extranei superuenientes, vel vicibus fratres psalterati, quos voluerit Abbas, præter præpositos: qui in decadis suis ideo ad suas mensas iubentur esse præsentis, ut causam Dei, id est, taciturnitatis, & grauitatis in susceptis suis custodiant. Ideo enim ambos diximus in mensa decadæ suæ præesse, ut decem fratres sibi commissos vicaria sollicitudine ab vniuersis vitijs custodiant.

## CAP. LXXXV. INTERROGATIO DISCIPULI.

*Perfekte aliqua intra monasterium artes qualiter & quanti debeant venundari.*

RESPONDET DOMINVS PER MAGISTRVM.

**C**um vnaquæq; ars aliquid perfectum superuacuum vñbus monasterij, vel mittendarum eulogijs abundauerit, interrogata qualitate pretij quantum a sæcularibus distrahi potest, tantum infra nummorum minori semper distrahatur pretio: ut agnoscantur in hac parte spirituales a sæcularibus actibus distantiaque separari: cum non negotij causa, quæ inimica est animæ, lucrum supra iustitiam quærant; sed etiam ab ipsa iustitia minus accipiendi pretij humanitate consentiant: ut non propter cupiditatem & avaritiam artes operari credantur, sed ne otio possit pascenda dignis sumptibus manus vacare, & horas operosi diei gratis transire. Pretium verò acceptum Abbati debet ab ipsis artificibus fideliter consignari. Quæ diminutio pretij æstimatione Abbatis artificibus debet constitui: ut sciant item quanta ementibus summa respondeant, & accepti pretij fraudem non possint facere de ipsa quantitate iam scienti Abbati.



## CAP. LXXXVI. INTERROGATIO DISCIPVLI.

*De casis monasterij .*

RESPONDET DOMINVS PER MAGISTRVM.

**C**asus monasterij oportet esse locatas, vt omnem agrorum laborem, casæ sollicitudinem, inquilinorum clamores, vicinorum lites conductor sæcularis sustineat; qui nescit de sola anima cogitare, sed præsentis vitæ omnē sollicitudinem in huius sæculi amore expendit. Et de hac vita solummodo cogitantes; ita præsentia diligunt, vt putent se in hac luce per tempora prolixa durare. Ita fit, vt præsentia diligunt, nunquam futura desiderant, vel cognoscunt, vt dum in momentaneis vsibus delectantur, nec perennem vitam cupiunt; cum amanda impedimenta sæculi faciunt eos cotidie miseros de hac vita sine rebus suis inuitos exire, nihil secum nisi peccata portantes. At vero spirituales conuersi ideo non implicant se negotijs sæcularibus, vt ei placeant, cui se probauerunt: vt non de rebus, quæ in morte sæculo remanent, sed de anima cogitantes, quæ sola cum actuum rationibus post mortem pertransit, magis hoc eligunt cogitare quod expedit; vt heredes, qui migrantibus nobis de hac vita sæculo remanent, & animam nostram post mortem sequi non possunt, digne non debemus de eis nostros cogitatus occupare, dum viuimus: sed semper supernæ desiderantes, & omnem spem in futuro ponentes, delectabilem vitam adhuc sperare, qui iam frui videamur. Ergo monasterij casus ideo oportet esse locatas, vt in rebus sæcularibus sæculi operarius occupetur: nobis vero, quibus a sacerdote clamat: *Sursum corda*; & nos ei responsione promittimus, *habemus ad Dominum*: internis ergo cogitationibus non migremur, & sicut item clamat nobis Dominus in euangelio dicens: *Nisi qui reliquerit omnia quæ possidet, non potest meus esse discipulus*. Sed quia sine substantiæ alimento vita corporis nostri seruari non potest, & maxime propter congregationē forse multa,

& ad-

Luc. 14.

& aduenientium peregrinorum vñbus necessaria preparanda, & petenti eleemosynam non esse stricti volumus, possessiones sæculi ideo non videmur relinquere, sed substantiam monasterij operarijs Dei proficientem iuste reservare videmur. Quapropter si nostra sollicitudine vel cura colantur, dum proficiunt corpori, animæ impedimento constabunt: melius est ergo, eas sub alieno impedimento possidere, & annuas pensiones securos suscipere, nihil nos nisi de sola anima cogitantes. Nam si volumus curam earum per spirituales fratres excolere, cum gravem eis laborem iniungimus, consuetudinem ieiunandi amittunt. Nec ita ieiunis viribus tractandum est, si plus debeat homo ventri laborare, quam animæ vel Deo. Vnde ad laborem in monasterio ars sola cum horto sufficiat.

## CAP. LXXXVII. INTERROGATIO DISCIPULI.

*Quomodo debeat frater, siue iam conuersus, siue adhuc laicus, introire, vel tradere se, vel suscipi in monasterio?*

RESPONDET DOMINVS PER MAGISTRVM.

**I**ngredienti in monasterium nouo fratri, siue iam conuerso, siue adhuc laico, & hoc petenti, debere se in monasterium suscipi, respondeat ei hoc primo Abbas, non forte eum posse constituta regulæ conseruare. Cum vero ille dixerit, posse ad omnia se obedire, tunc hæc monasterij regula ei legatur. Qua regula in lectione expleta, & omnia Abbatis verbis prædicta cum responderit, nouus frater ad omnia facto se esse paratum; tunc Abbas subsequatur, & dicat: Quid de rebus tuis, quas proprio arbitrio vteris? Non enim tibi expedit, te hic pro causa Dei posito res tuas alibi remanere; sed sicut dicit scriptura, *Ubi est thesaurus tuus, ibi erit & cor tuum.* Nam ideo non expedit, ne forte titillatione diaboli a rebus tuis foris positis per desiderium earum de monasterio prouoceris, & relicto seruitio sanctæ scholæ proprio redeas militaturus arbitrio; &

Mat. 19.

sicut canis delectatur, redeas ad vomitum tuum, & saluas a te projectas in terram denuo cum sordibus, resorbeas. Sed qui perseverantiam diligit, & occasionem migrandi cupit nescire: ideoque constituimus salubre consilium, ut audias vocem Domini tibi dicentis: *Vade, vende omnia, & da pauperibus, & veni, sequere me.* Quam ergo si sequi vis vocem, vade, vende quæ habes, & omne pretium huc ante me defer, ut te præsete a me pauperibus erogetur: ut nullum sæculo pignus tuum remaneat, ad illud iterum revertendi. Ideo enim cum nondum adhuc firmatam ingressionem tuam in monasterio habes, tibi de rebus tuis libera adhuc voluntas conceditur: quia post firmatam ingressionem discipulo siue in monasterio, siue foris peculiare aliquid habere a regula denegatur: ut non sit ubi propria eius voluntas extollatur. Quod enim si totum distrahere tibi graue videtur, & sunt tales res, quæ vna tecum possint monasterio deferuire, ne tamen pro pignore revertendi sæculo dimittantur, omnia fideliter tecum in monasterium defer, nihil subcelando Deo, cuius te cum omnibus rebus tuis subdis seruitio: qui ubique omnia respicit & nihil est ei occultum, qui reuelat absconsa. Memor esto fraudis Ananiæ & Saphiræ, qui de rebus suis Deo oblati exinde suboelare volentes, mortem perpetuam irruerunt pro fide. Mox ut hæc audierit nouus frater, si priori diuina sententia omnibus distractis, & per manus Abbatis erogatis, si hoc pro certo habuerit votum omnia distrahere, & monasterio nō aliquid reseruare, non cogatur, nisi ex sua voluntate voluerit. Ergo cum omnibus per manus Abbatis erogatis sic se firmare monasterio voluerit, charta ab eo perseverantiæ non petatur, quia pignus fidei apud Deum omnium rerum suarum per erogatam eleemosynam fuit. Nam per omnem rerum suarum erogationem expensam cognoscitur apud Deum, posse fideliter permanere, qui rebus suis pro eo cupit non parcere, Solummodo

modo hanc det fidem, sibi penitus foris nihil remansisse celatum. Hanc ideo voluntatem Abbas ingredientibus tribuit, ut non ab introeuntibus iudicetur potius res hominum desiderare, quam animas. Qui vero frater hoc elegerit cum rebus suis se monasterio tradere, & distrahendi voluntatem non habuerit, ne aliquando mutatus a diabolo vel armatus, propter res suas exigendas aliquas molestias monasterio generans exire desideret, cauens manu sua prius de stabilitate, simul rerum suarum breue adiuncto, una cum anima sua Deo & oratorio monasterij per donationem offerat: totum subscribentibus religiosis testibus, episcopo, presbytero, & diacone, vel ipsius territorij clero, & in ipsa cautione, taxans hoc, quod si aliquando monasterio discedere voluerit, sine rebus suis de monasterio, vel sine indulgentia peccatorum a Deo discedat. Iam de ipsis rebus Abbas in potestate sua mutatis quicquid necessariae utilitati monasterij superuacuum abundare viderit, pro anima fratris ipsius, propter præceptum supradictum sequendi Dominum, per elemosynam distracta illa re superuacua, pretium eius pauperibus tribuat: ut quod ille imperitus frater non meruit facere, pro illo iste quasi doctus magister valeat adimplere. Qui vero frater ex toto indicauerit se nihil habere, prius exquiratur a vicinis illius regionis, ubi mansit: & si inuentum fuerit, quod certe sit ex toto eius paupertas, tunc dato persenerantiæ fideiussore sub cautione poenæ interposita, si tamen iam notus fuerit, sic debet in monasterio suscipi, ne forte aliquibus rebus suis ad tempus foris commendatis, mentita in monasterio paupertate, non solum nihil Deo per elemosynam, vel monasterio per donationem conferat: sed etiam ab spectantibus eum foris rebus suis prouocatus, & cum quid inuenerit causæ, exeat. Nam cum dederit cautos fideiussores cum poena, iam tunc demum ei pro actibus monasterij sine suspitione secure res monasterij aut pre-

pretia emendorum, vel vecturatum alimonis contradantur. Si vero talis monasterio aduenerit frater, quem ipsa patria ignorauerit, vel omnibus habuerit vultum ignotum, & se ad monasterij societatem firmare voluerit, sola sacramenti fides ab eo exposcatur; vt si aliquando de monasterio exire voluerit, cum notitia Abbatis vel omnium exeat. Et cum iam exire voluerit, prius iuret se de rebus monasterij nulla furti commissione, aut foris antecessus commendasse, aut absconse secum portasse; nisi forte ei pro misericordia voluerit aliquid donare Abbas: vt si periurauerit, ferat in anima, quod in corpore non potuit adimplere. Res tamen quibus indutus fuerat monasterij, vel calceamenta reassignet Abbati: vt remanenti in perseverantia fratri proficiant, quæ migrantibus auferuntur: & res monasterij iuste ille habeat, qui in monasterio habitat: & iuste illi retollatur, qui iniuste animos suos a perseverantia monasterij separat: neo enim illi dare placeant, cui ipsarum rerum displicuit disciplina. Si vero ita iurauerit, & non se firmet, sed ad tempus remoretur, hoc solum testetur: vt sine notitia vel vale Abbatis, vel cum furto non exeat. Etiam ex improviso custodiatur, & in potestate nihil habeat, & ad laborem cum fratribus communiter impellatur: vt laborando viuat. Si tamen nudus fuerit, & induere eum Abbas voluerit, ad tempus utatur: & sciat, se quod habet omne reassignaturum, cum exire voluerit. Nam si forte cum ingressus nullum monasterio iuramentum tradiderit, & velut ignotus nullam catenam fidei Abbati de securitate intulerit; siue quod contulit Deo per eleemosynam, siue quod nihil monasterio de rebus suis obsidis pignore per donationem legauerit; siue quod nullum fideiussorem ignotus inuenerit; siue si nulla sacramenti fide teneatur: cum forte incertus de firmitate frater missus fuerit cum vehiculis animalium, & emendarum pretio rerum, mox ducatu diaboli inuentis pet occasionem  
sum-

sumptibus vel vehiculis, in alienas terras de rebus monasterij incipiat magis ordinatus migrare, securus de se per deceptionem cotidie expectandus, & prolongando aut. tarde, aut nunquam sequendus.

# CAP. LXXXVIII. INTERROGATIO DISCIPULI.

*De inducijs fratrum suscipiendorum, in quibus de stabilitate firmanda secum tractare debeant.*

RESPONDET DOMINVS PER MAGISTRVM.

**C**um de omnibus supradictis conuentus nouus frater regulæ per Abbatem de stabilitate firmanda, aut per rectorum suarum elemosynam, aut per donationem monasterio, aut per chartam fideiussoris poenalem, aut si ignotus, per iuramenti fidem cauerit: duorum tunc mensium spatium in inducijs ad tractandum secum accipiat. Laborando tamen cum fratribus contentus annonæ communi mensura, vel regulæ disciplina & excommunicationum: ut & mores monasterij probet, & a monasterio ipse probetur, & secum tractet, si debeat se ad Deum firmare, aut ad diabolum expeditius remeare. In quibus duobus mensibus sub cura illorum fratrum, qui peregrinos custodiunt, & ipsi similiter ex improviso custodiantur, & in cella peregrinorum dormiant: ut ingressus illorum, vel exitus in monasterio custodum præsentia videatur, & omni hora, si alicubi a conuentu fratrum secesserint, solliciti a custodibus requirantur: ne forte anticipent ambulare sine vale cum furto. Quod si explicitis duobus mensibus, non placabili disciplina & ipsdem monasterio placuerit ambulare, cum notitia Abbatis vel omnium, post datam fidem nullius furti commissi, vel reconfignatis rebus monasterij, quæ ad tempus forte acceperat, mox post datam vniuersis pacem, & acceptam virgam in manu, & annonam viaticam, post factam orationem, vel dictum versum, vel redditam eis pacem, si tamen vult, ut hospes absce-

abscedat ; & resuscipiat vicem suam diabolus , quem nolens hospitem susceperat Christus.

### CAP. LXXXIX. INTERROGATIO DISCIPULI.

*Quomodo debeat frater novus in monasterio suum firmare introitum.*

RESPONDET DOMINVS PER MAGISTRVM.

Cum expletæ duorum mensium ad tractandum induciæ fuerint , & placibili disciplina ab eo magis stabilitas eligatur , & perseverantiam , repromissa lectæ regulæ firmitate , ei placeat adimplere , reinterrogatus ab Abbate novus frater , quid secum in concessa induciarum spatio , definisset , cum responso eius implendam in omnibus promittat obedientiam ; respondeat Abbas , Deo gratias . Alia die post primam dictam missas explicitas exeunti limen oratorij cum congregatione Abbati flectat ad genua , eius novus frater suam cervicem , rogans eum vel omnem congregationem eius , debere modicum in oratorio remorari , & orare pro se . A quibus mox diutissime pro eo oretur ; & completis omnibus Abbas volens egredi , humiliter apprehenso eius vestimento , novi retineatur manu discipuli , qui hoc rogando insinuet : Est quod suggeram primo Deo , & oratorio isti sancto , vel tibi & congregationi . Cum responderit Abbas ; quid illud est intimato . Subsequatur petitor dicens : Volo Deo servire per disciplinam regulæ mihi lectæ in monasterio tuo . Cû responderit Abbas dicens : & hoc placet tibi ? subsequatur futurus discipulus : hoc primo Deo , sic & mihi . Tunc dicat Abbas : vide frater , mihi nihil promittis , sed Deo , & huic oratorio vel altari sancto . Si ad omnia obaudieris divinis præceptis vel meis monitis , in die iudicij tu coronam accipies bonorum actuum , & ego de peccatis meis indulgentiæ aliquid promerebor ; qui ut diabolus cum sæculo vinces , incitavi . Si autem nolueris mihi in aliquo obedire ,  
ecce

ecce ego Dominum confessor, quin & hæc congregatio testimonium mihi est in die iudicii præbitura; quia, vt supra dixi, cum non mihi, vel congregationi in aliquo obaudieris, in iudicio Dei ego absolutus, tu pro tua anima, vel contemptione rationem restitues. Post hæc verba, si cum rebus suis introierit, tunc ille brevis, vel donatio rerum suarum Deo vel monasterio facta, ipsius donatoris manu super altare ponatur, dicente ipso fratre: Ecce Domine, cum anima mea, & paupertate mea, quidquid mihi donasti, tibi reconfigno & offero: & ibi volo vt sint res meæ, vbi fuerit cor meum, & anima, sub potestate tamen monasterij & Abbatis, quem mihi Domine in vice tua timendum præponis cum eis dicis: *Qui vos audit, me audit; & qui vos spernit, me spernit.* Vnde quia per eum nobis tu omnia necessaria cogitas, ideo nihil nos oportet peculiare habere: quia tu nobis de omnibus es idoneus, & in omnibus sufficis solus: vt iam nobis viuere & spes Christus sit, & mori lucrum. Post hæc dicta, dicat ipse nouus frater responsum hoc: *Suscipe me Domine secundum verbum tuum, & vitam: & ne confundas me ab expectatione mea.* Post hoc responsum dicat Abbas hunc versum: *Confirma hoc Deus quod operatus es in nobis.* Post quem versum dictum, mox data ei ab omnibus pace, compleat Abbas, & tollens breuem desuper altare, mox ab eo nouus discipulus sub præposito ordinetur, & in manu eorum consignatus cum alijs fratribus exeat disciplinæ. Eadem namque die, pro humilitatis indicio, aquam manibus fratrum ad communionem intrantibus ipse ministret, & cum dat, osculetur omnium manus, & petat singulos pro se debere orare. Breues vero donationum factos a fratribus tempore mortis suæ Abbas in quod vsibus monasterij expensis restituerit, testamento suo inserat; etiam nomina eorum quorum noscuntur collata: vt nullus post mortem eius forte de monasterio exiens, repetendi rerum suarum fiduciam habeat, & stabilitatem monasterij, & fidem.

k k k

fran-



frangat defuncti, vel dicat sine donatione aliquid suum in monasterio contineri.

### CAP. XC. INTERROGATIO DISCIPVLI.

*Ingresso in monasterium cuidam laico non debere intra annum mutari res, nec caput eius secundum propositum tonderi.*

RESPONDET DOMINVS PER MAGISTRVM.

**C**um aliquis nouellus de sæculo ad seruitium Dei in monasterium confugerit, & indicauerit se velle conuerti: non ei credatur tam facile. Nam si te ab Abbate solo verbo, non facto, habitatio ei monasterij denegetur: ad probationem graua proponantur, ad obedientiam eius inueniendam prædicentur contraria, & voluntati eius amara; quotidiana ei ieiunia promittantur. Nam & hoc ex lectione regulæ, & dicto Abbatis agnoscat, quia in monasterio nulli licet dicere: Hoc volo, & hoc nolo; hoc amo, & hoc odio; vt non propria eligatur voluntas: & sciat, quia qui in monasterio conuersus fuerit, quicquid ex voluntate sua voluerit, hoc magis non permittitur. Quare? *Quia sunt viae, quæ videntur homini rectæ, quarum finis vsque ad profundum inferni demerget.* Et quod noluerit, hoc cogitur: vt voluntas in eo propria amputetur, quæ inimica est Deo. Qui ergo cupit perfecte conuerti, quicquid amauerit & desiderio habuerit, ei denegetur: & quicquid oderit, ei apponatur, dicente Domino: *Qui vult meus esse discipulus, abneget semetipsum sibi.* & sequatur me, hoc est, non suam, sed Dei faciat voluntatem. Omnia enim debet pro Domino sustinere, qui in eius cupit militare schola. Aut quid enim digne possumus pro Domino sustinere? dicente Apostolo: *Non sunt condignæ passionēs huius sæculi ad superuenturam gloriam.* Vt si ignem persecutor seruo Christi inferat, vt temporalis calor finito non sentiat dolorē: non tamen talis est, qualis ille ignis inextinguibilis: aut sic incendit, quomodo æterna poenæ gehennæ peccatrici animæ immortaliter reseruatur. Si  
vngu-

vngulæ, vel eculei, vel verborum poenæ ingerat; in ipsa parui doloris tolerantia æternæ lætitiæ coronatus succedit. Si carcer nos pro Deo tenebrosus recludat, ædificata ex margaritis, & auro vel gemmis ornata æterna nos Hierusalem expectat. Si obscuritas clausuræ nos pro Deo obtruncet, in momento nos poterit obscurare; sed posthac illa nos lux in æterna vita suscipiet, quæ non solis candore vel lanæ, non stellarum cæli, sed ipsius Dei perpetua maiestate lucebit. Si terra ista, quam in hac vita calcamus, moriendo pro Deo meruerimus abscedere; mox super illam terram ambulare perpetuo deputamur, quæ septies argento lucidior. Si vero quæ putantur huius sæculi esse delitiæ, quæ inquinant potius interanea nostra quam reficiunt, pro Deo ea contempserimus; ad illa statim flumina in æternum currentia perpetuo deputamur, quæ sunt mellis, & lactis, vini & olei abundantia plena: simul & illarum fructus arborum varios & diuersos, duodecies in annum nascentes, non cultura hominis, sed abundantia Deitatis; qui non fame delectant ad vescendum, vel esurie appetuntur ad manducandum; sed postquam oculi sanctorum ipso visu fuerint saginati, insuper hoc unicuique sapit in ore, quod fuerit delectatus. Ergo digne ad paruum tempus ieiunijs & abstinentia pro Domino cruciamur, vt eis quæ præparauit bonis in perpetuum satiemur: obscuramur pro Deo a persecutore in carcere, vt in illa perpetua luce fulgeamus, tanquam scintillæ in arundineto discurrentes: mortem momentaneam pro Deo ideo libenter appetimus, vt in æternum a gehennæ morte perpetua liberemur. Postremo, & sine persecutione in ipsa Christianitatis pace in schola monasterij ideo probationibus, vel amaricationibus voluntarium sub Abbatis imperio militamus; vt post peregrinationem vitæ sæculi huius, cum Dominus noster iudicio nos accerserit suo, digna ei nostra opera consignemus, offerentes ei patientiam nostram, per quam dura omnia & diuersa

nobis ab Abbate imperata, quæ pro nomine eius gratanter portauimus, vel amaricationes voluntatum nostrarum diuersas, quas pro nomine Dei, vel salute animæ libenter magis sustinuiamus, dicentes Domino: *Propter te morte afficimur tota die; affimati sumus, ut oues occisionis.* Et cum hæc omnia venerint super nos, obliti non sumus te: & per obseruationem obedientiæ inique non egimus in testamento tuo: & a perseuerantia bonorum actuum vel desiderio spei futuræ non recessit retro cor nostrum. Quia non declinauerunt semitæ nostræ a vijs tuis in quibus vijs *Probasti nos Deus: igne nos examinaſti, sicut igne examinatur argentum.* Induxisti nos probationis in laqueum; posuisti amaricationum tribulationes in dorso humilitatis nostræ: vt nostrā non permitteremur, sed tuam cogeremur facere voluntatem. Vnde *imposuisti homines super capita nostra:* quia ostendisti nos sub Abbate doctore, vel præposito disciplinæ debere esse probandos. Ergo hi tales sublequentes Domino dicant in illo iam sæculo: *Transiimus per ignem & aquam: & induxisti nos in refrigerium,* hoc est, transiimus per amaricationes voluntatum nostrarum, & seruitium sanctæ obedientiæ; ecce peruenimus ad tuæ refrigerium pietatis. Et item dicimus ei: *Delectati sumus pro diebus, quibus nos humiliaſti, annis in quibus vidimus mala:* vt nihil habeat in nobis gehennæ ignis sibi quod vindicet; quando nihil suum in nobis incendendum ibi Diabolus egit. Ergo omnia debet pro Domino sustinere, qui eius cupit militare scholæ: & tanquam aurum lima, & malleis, & igne fornae probetur ad diadema Dei, & coronam dominicam profuturus. Quia cum propriam non fecerit voluntatem aliquis, cogitur facere, cui quotidie in oratione dicimus: *Fiat voluntas tua, sicut in celo & in terra.* Terra enim est corpus nostrum, cui dixit Dominus: *Terra es, & in terram ibis.* Quia omnis propria voluntas carnalis est, & a corpore descendit; ideo nos cogit illecebra, & iniusta committere, quæ ad tempus paruum vitæ huius carni per desideria

deria est dulcis, amarior felle futura in posterum, & in æternum. Ideoque enim cogitur lingua nostra iuste quotidie clamare ad Dominum: fiat voluntas tua in terra corporis nostri. Quæ voluntas cum fuerit nobis in schola monasterij a maioribus tradita, & per obedientiam a nobis fuerit adimpleta quotidie, iuste nobis credamus in futuro Dominum parcere: & confidamus insuper gratia eius posse nos coronari: quia semper eius fecimus voluntatem, non nostram: & nunquam nos, vel desideria carnis prætulimus amanti eius: & propter eum etiam parati sumus perdere animas in præsentis hoc tempore, ut mereamur eas in futuro inuenire cum ipso. Ergo accedens ad timorem Dei aliquis in monasterio cupiens conuerti, & volens esse discipulus, hoc ei pro domino futurus magister proponat, ut supra diximus: quia quicquid aliquando desiderio voluntatis suæ appetierat, sciat sibi posse negari; & quicquid noluerit, audiat sibi posse imponi. Antecessus ei peculiares denegentur: regula ei tota legatur, & factis implenda promittatur. Domum parentum de cætero sciat sibi esse extraneam: inaccessibile limen eius ulterius habere iam credat: *Quia nisi qui reliquerit patrem, aut matrem, aut fratres, aut domum, non potest esse Christi discipulus.* Citra iussionem maioris a monasterio foras se non exire sciat. Cum post hæc omnia ab Abbate prædicta promiserit se ad omnia obaudire, & eius, vel regulæ monitionibus ad omnia factis esse paratum, tunc suscipiatur in monasterium. Nec tamen ei tam facile sancti propositi habitus imponatur: ne forte ad horam promittens, fallat in posterum, & sub nomine ouis lupo ingrediatur. Quia cum sæcularis erat, Diabolus eum non tentabat, cuius aperte semper voluntatem perfecit, cum eius operarius fuit: sed ex quo se a Diaboli suasionibus vel militia sæculari ad timorem Dei in seruitium Christi tradiderit, certissime ab ea die Diabolum sibi inimicum sciat effectum, quem cum sæculo suo propter timor-

1. Io. 4.

Mat. 7.

timorem Domini dereliquit. Ergo tam facile ingredienti non debet credi, nisi ut videatur, si quod promittit verbis factis adimplet, dicente scriptura: *Nolite omni spiritui credere, sed prius probate.* Et iterum: *Quia multi ad vos veniunt in vestem ovium, intus autem lupi rapaces.* Vide ergo quia causam Dei caute nos iubet agere scriptura, ut non mittatur sanctum canibus, nec margaritæ pretiosæ ante porcos: sed monens eum quotidie Abbas dicat: *Fili, interim istæ res, quibus vteris in monasterio, nihil tibi præiudicant apud nos: sed prius in diuinis interanea cordis tui de secularibus factis cum mundaueris, iam tunc demum mutabis & vestes: ut merito iam ab omnibus hoc videaris in corpore, quod a Deo possideris in mente: & iusto post peccatoris casam militiam tondabis & caput: & cum hæc omnia quæ in regula monasterij continentur, in tuis adhuc vestibus perfecte impleueris, & nostrum cum susceperis habitum, sanctior permanebis. Cum ergo ex illa die omnia cum cæteris fratribus inculpabiliter in monasterio per integrum annum impleuerit, tunc demum sine aliqua dubitatione tondeatur, vel ei sancti propositi vestes mutantur. Tondeatur enim sic: stet ipse frater medio oratorio curuatis genibus, tondente eum Abbate, psallentibus in circuitu cunctis. In quo probationis anno psalmum, antiphonam, aut responsum, vel versum non imponat, quamdiu sancti propositi habitum accipere mereatur: nec cum Abbate ausus sit manducare. Vestes vero sæculares, quas dumtaxat exutus fuerit, cum diligentia repositæ conseruentur, tam de laicis quam de firmato conuerso, ne forte, quod non in conuersis contingat, cum ad suos denuo vomitus redire voluerit, & sæculi elegerit iterato repedare itinera, & nullis scripturarum vel monitionum poterit vinculis retineri, reddat Christo quod suum est: id est, exutus sanctis vestibus, vel habitu sacro, suis quibus venerat vestitus vestibus resimilans sæculo, ad suasorem diabolum reuer-*

teuertatur, & non Christi prædatus habitus possitatur in sæculo a fugaci. Recipiat talem, qualem miserat sæculum: quia retulit quod suum est, indigno quod dederat Christus: cum inuenire in eo Dominus non potuit, quod quærebat. Quicquid enim in monasterio aliquando acquisiuit, vel laborauit, aut contulit, abscedenti ei penitus non reddatur: quia omni rei ingressæ ad Deum in monasterio perseverantia opus est: ideo exitus licentia denegatur: solum ab invito ea res, quæ liberum habet arbitrium, non detinetur: id est, anima ipsa & corpus, quæ in voluntatibus & desiderijs suis, vt a diabolo captinetur, libero se dicit esse constitutam arbitrio, & putat sibi licere quod malum est. Res apostatarum vel collata ideo a parribus non iubentur de monasterio reddi, quia licet erogatz vel consumptæ in vsus sanctorum remoueri & restitui non possunt: tamen plurima ideo certissime denegantur, vt vel occasione rerum suarum ad Dei disciplinam in monasterio permanentes retineantur discipuli: ideo res Deo oblata, reuocari sæculo ab homine non debet. Nam & ista huius regulæ tripartita sententia hæc est: Labor in monasterio fratres pascit, perseverantia calceat & vestit, discessus restituit debitas monasterio res, & si cupit, abscedat.

## CAP. XCI. INTERROGATIO DISCIPVLI.

*Quomodo suscipi debet nobilis filius in monasterio.*

RESPONDET DOMINVS PER MAGISTRV M.

**C**vm alicuius nobilis filius propter Dei seruitium in monasterium voluerit conuolare, non prius suscipiatur, nisi, vt superius diximus, omnem a se obedientiam, promiserit adimplendam. Deinde conueniant eius parentes, vt & eorum quale sit votum agnoscat de eo. Quod si contrarij extiterint, interim vsque ad vim pro eo Domino inferendam ad claustra monasterij vindicetur: quem potens est Dominus defendere propter se; quia fortior est dex-

- dextera eius ad protégendum, quam diaboli iniquitas ad lædendum. Quod si magis fuerint consentientes eius voto parentes, conuocatis eis ab Abbate in monasterium, votum filij conuertentis exquiratur ab eis; vt ab ipsis potius videatur deuoueri, vel offerri, qui eum genuerunt. Cum ergo magis responderint parentes, gratanter se velle adimplere quæ cupit; tunc dicat eis Abbas: Equidem omnibus nobis vnus ad omnia sufficit Deus: sed quia accedentibus ad diuinum seruitium, vel intrantibus in monasterium sæculi prius amputetur spes, & excarricato de se suarum onere facultatum nullis vltius sæculi laqueis irretitus, securus pergat & solus ad Dominum: *Quia nemo seruiens Deo implicat se negotijs secularibus, vt ei placeat cui se probauit.*
2. Tim. 3. Quia homo onustus auro sequi Christum non potest; dum non potest duobus dominis seruire. Ipse vero bene seruit Deo, qui voluerit eum in cælis cum eo thesaurum possidere, quem non tinea comedit, nec fures effodiunt & furantur, dicente Domino in Euangelio: *Nisi qui renunciauerit omnibus quæ possidet, non potest sequi me, & meus esse discipulus.*
- Luc. 14. Quia, vt diximus, homo onustus auro sequi Christum non potest: in tantum vt admoneat Dominus in euangelio quemdam sua sequentem vestigia, dicens ei: *Si vis perfectus esse, vade, & vende omnia quæ habes, & veni sequere me.* Vnde contristatus ille propter multas diuitias meruit hanc dominicæ vocis audite sententiam: *Facilius potest camelus per foramen acus transire, quam introire posse diuitem in regnum celorum.*
- Mat. 19. Quos & sua sententia damnat Apostolus dicens: *Nam qui volunt diuites fieri, incidunt in temptationem & laqueos, & desideria multa: quæ mergunt homines in interitum & perditionem. Radix omnium malorum est auaritia, quam quidam appetentes a fide exciderunt, & inseruerunt se doloribus multis.* Videtis ergo, quia nec Deum sequi potest, qui in sæculo quæ possidet bona sua, non vult relinquere; nec amare poterit Deum, qui diuitias voluerit non odire. Quia non tantum tanta vel
- talia,

talìa, qualia pro Deo contemnuntur, nouit Dominus retribuere his, qui pauperes se faciunt propter eum; in super ad fruendum in æternum ipsam vitam, eis tribuit sempiternam. Non ideo Deus quærit rebus vestris vos exui, vt aliquid exinde ipse iuuetur, aut vestra paupertate gaudet, vestraque indigentia gratulatur; sed vt euntibus vobis ad eum, vel eius diuitias sempiternas desiderantes, momentanea sæculi impedimenta, cum sibi vestros occupant cogitatus, de anima vestra nunquam vos faciant cogitare, vel de morte possitis esse solliciti; & dies vestros in extremos vitæ terminos per negligentiam definitos, relictis omnibus sæculo, de quibus cogitabatis, vltima mortis ratio in iudicio vobis cum solis peccatis occurrat, nihil aliud nisi poenas perpetuas habituri: & tunc vos in æternum incipiat poenitere, cum ipsius poenitentia non poteritis merito inuenire remedium. Vnde nobis merito clamat scriptura: *Currite, dum licentia ad providendum vobis lumen habetis, ne ad discutiendam negligentiam tenebra vobis mortis occurrant.* 1. Th. 5. Quid ergo, si aliquis ita accedat ad Dominum, vt a diuitiarum suarum auaritia non recedat? Hos tales superius dixit Apostolus, non posse in hoc quod Deo cupiebant permanere; & tota facilitate eos a fide posse discedere, quibus de sæculo remanet quod ametur. Ita enim nos considerantes, o parentes, iusta vobis secundum Deum pro vestro filio suademus: vt si filium vestrum digne Deo cupitis offerre, a sæculo eum prius exuite. Quod si aliquid apud vos ei sæculo remanserit conseruandum, habebit aliquando titillationem diabolici desiderij; sicut canis delectatur ad suum redire vomitum: & posita manu super aratrum, respiciens retro, cum non sit aptus regno cælorum, relicto quandoque monasterio securus de portione sua ei seruata, a vobis cupiens in sæcularem domum vestram reuer- ti, fratribus suis volens esse coheres, in suarum redire incipiat sponsus & dominus facultatum, & pristinis restitu-



Matt. 19

Gal. 6

tur delicijs & pompis, non aliud desideraturus quam nuptias. Ergo, sicut superius diximus, si digne eum vultis Deo offerre, de auferendo prius impedimento eius, quam de anima cogitate. Itaque audite vocem illius Domini, quam filius vester dicit se sequi, ipsi dicentem: *Vende omnia que habes, & da pauperibus, & veni sequere me: & habebis thesaurum in celo*: Sed quia portio eius adhuc in vestra est potestate, & consensu vestro vel permissione magis videtur Deo offerre, quam nobis: vos tangit de ea secundum dominicam vocem, quam si vultis audire, pro filio vestro apud vos nihil remaneat in sæculo, nisi Deus. Quod si forte propter immanitatem diuitiarum, vel amorem nutritæ domi familiæ grauis vobis, & minus dulcis hæc diuina præceptio conuenit, audite regulæ nostræ a Patribus salubre statutum consilium. De portione eius tres fiant partes æqualiter, vna distributa Abbatis manibus pauperibus vel indigentibus erogetur: aliam vobis, vel fratribus suis pergens ille ad comitatum sanctorum exagiliario munus titulo derelinquat: tertiam vero partem viatici sui vtilitate deferat secum monasterij sanctorum vñibus profuturam. Quia quomodo filius vester omnibus in monasterio fratribus ad solatium vitæ portionem suam conferat, dicente Apostolo de erogatione maxime ad domesticos fidei: ita & vniuersi monasterij fratres suis singuli vicibus, prout quis habet, ad hanc ingredienti monasterium deferunt formam filio vestro communiter cum omnibus profuturum. Quod si utræque vobis graues sunt voces, vt nec Deum audiat pauperibus erogando, & filij animam redimendo: nec nostrum consilium partibus diuidendo, & auferendo ab eo sæcularem substantiam, vel nudum & solum filium Deo largite: itant iureiurando per sacrosancta Euangelia promittatis ei, vltius eum de vestra patrimonij substantia nihil habere: vt firmiter iam perseverans in Domino, sciat se de sæculo nihil sperare, cum

se a

se a vobis, & ab eo viderit alienum, solummodo superna desideret. Quia hoc expedit animæ illius, ut aut ordinatus a vobis vadat ad Dominum, aut pro eo exheredatus a vobis felicius magis pergat ad Deum; clamans Deo, quem sequitur nudus: *Tu Domine restitues mihi hereditatem meam*. Psal. 119.  
 Tantum est ut nihil habeat de sæculo, quod viuis vobis aut mortuis de vestris facultatibus iam speret. Quia cui semel crucifixus est mundus, denuo ab eo redelectari non debet. Nam si ex toto nihil de eo ordinare volueritis, causam eius puto vobis diuino reservari iudicio. Eum vero certissime sciatis, plura a Domino recipere, quam contempsit; cum Dominum sibi fecit, quem nudus secutus est, debitorem. Recipiat enim in coelis filius vester sine dubio multa, promittente ei Domino in Euangelio, dicēs: *Qui reliquerit aurum, aut argentum, aut possessiones, aut domos propter me, centuplum accipiet in regno Dei, insuper & vitam æternam*. Mat. 19  
 Hęc audiens filius vester paratus est, si vultis relinquere vobis totum, ut apud Dominum centuplum valeat inuenire: quia de omnibus Dominus noster est nobis idoneus. Nam quid illi sufficit, cui ipse Dominus non sufficit?

## CAP. XCII. INTERROGATIO DISCIPVLI.

*De honore vel gradu post Abbatem ceteris denegando.*

RESPONDET DOMINVS PER MAGISTRV M.

**C** Auere debet Abbas, ne quem sibi aliquando secundarium adiudicet, vel in tertium aliquem constituat locum. Quare? ut cum nullum elatum de honore reddiderit, & sancte agenti successionis suæ honorem promiserit, certatim omnes in bonis actibus, vel in humilitate faciat propensare; sicut de potiore gradu contendentibus Apostolis Dominus indicauit, cum in medio eorum infantem deduxisset, & dixit: *Qui vult esse inter vos fortior, sit talis: & qui vult esse inter vos maior, sit vester minister*. Mat. 20.  
 & iterum dixit Dominus discipulis suis: *Quicumque prius fecerit* Mat. 5.

rit praecepta mea, & sic docuerit, hic maximus vocabitur in regno  
 coelorum. Vnde ergo sequens hanc humiliando formam,  
 hoc semper omnibus fratribus dicere debet Abbas: Fra-  
 tres & filij mei, quicumque de vobis hoc elaborauerit, vt  
 diuinis praeceptis in omnibus obediens, vel per omnia  
 regulæ obtemperans, vel meis actibus similis inueniatur;  
 quicumque ad hoc conscenderit, vt doctrinam meam  
 compleat factis; quicumque mores suos, non in sua pro-  
 pria voluntate & arbitrio, sed Dei obedientia per me  
 tradiderit corrigendos; id est, non in superbia, sed in  
 humilitate; non in multiloquio, sed in taciturnitate; non  
 in odio, sed in gratia; non in dolo, sed in caritate; non  
 in ira, sed in pace; non in ebrietate, sed in sobrietate;  
 non in satietate, sed in parcitate; non in scandalo, sed in  
 continentia; non in murmurio, sed in obedientia; non  
 in tarditate, sed in agilitate; non in contentione, sed in  
 assensione; non in leuitate, sed in grauitate; non in  
 vaniloquio, sed in paucis sapientiæ verbis; non in risu  
 multo aut excusso, sed in patientiæ lacrimis; non in lu-  
 xuria, sed in castitate. Hæc ergo omnia quicumque de  
 vobis perfecte impleuerit, non solum meo, sed Dei iudi-  
 cio tempore mortis meæ scholæ Dei ordinabitur magister,  
 artem dominicam, quam ipse iam perfecte adimplet,  
 Christi discipulis monstraturus. Nam quomodo ad ho-  
 norem maiorem quis poterit iuste conscendere, si honoris  
 ipsius merita in diuinis praeceptis non valuerit adimplere?  
 Vel quomodo monitiones maiores didicerit, qui non fa-  
 ctis effecerit diuinis, quomodo præerit scholæ? Quomodo  
 aliena poterit vitia emendare, qui sua nescit acta corrigere?  
 Vel quomodo sub disciplina poterit alios regere, qui cul-  
 pas disciplinæ in se non potuerit emendare? Ideoque  
 nisi qui prius fuerit in omnibus perfectus discipulus,  
 dignus non poterit esse magister. Cum hoc ergo Abbas  
 sæpe congregationi prædixerit, & nullum certum reddi-  
 derit

derit de honore, semper eorum confundat gradus, vicibusque ad mensam secus se sedere faciat, vicibusque in oratorio iubeat secus se vniuersos stare, vniuersos vicibus post se psalmos imponere; vt nullus de secundo honore iam reddatur elatus, siue de vltimo gradu aliquis se faciat desperatum. Ergo cum nullus de multis secundo in gradu erigitur, & per incertum spei vnusquisque ad percipiendum honorem, si se sancte tractauerit, de se hoc suspicet iudicare, & per bona acta sua eligi se posse quandoque in Abbatis honorem confidat: vt dum pro incerto nullus designatur, sed bene & sancte agentibus honor promittitur, ita sit, vt dum omnes cupiunt gradum obtinere honoris, supradicta Dei præcepta in se festinent implere; & si non propter timorem futuri iudicii, tamen vel propter presentis vitæ honorem contendendo certatim possint omnes perficere, vt cum grandis fuerit congregatio, vt per nullos gradus honoris diuersi descenderint, nullis sibi antecedentibus non possit de se vltimus desperare; nec item secundus, omnibus post se positus possit elatus gaudere, & iam securus de solo honore causam Dei in se negligat adimplere; iamque magis sperare præsentia quam futura: quia generaliter tale est genus humanum, vt plus amet quæ videt, quam quæ non videndo sperat. Ergo sicut supra diximus, cum incertos posuerit diuersorum gradus, & omnes satagentes viderit in hunc aliquando velle se peruenire honorem, certatim festinent adimplere, vt per bona acta placeant ordinari; vt vnusquisque ostendens opera sua sancta Abbati & Deo, in hoc honore de se posse consentire Deum & Abbatem digne de se suspicent iudicare: cum inuicem sibi & zelo boni honoris & desiderio propensiores extiterint, tunc coguntur in se Deo & Abbati omnia sancta & bona ostendere, cum perfectorum merita coeperint sperare; & modo iam in se factis ostendere, quod cæteros postea verbis cupiunt edocere. Nam & ideo æquales omnes

nes habere constituimus gradus, & nullū in secundo honore constituendum, ne forte, sicut dicit scriptura, *erunt nouissimi primi, & primi nouissimi*; huius forte fratris in monasterio ante obitum Abbatis debeat ingressus, quia iam aut aliqua regula approbatus, aut certe, vt de multis in Vitas legitur patrū, propter humilitatis desiderium monasteria vel congregationes suas absconfe deferentes, subiugare se alieno malunt imperio. Et quia non priuat bonis Deus ambulantes in innocentia vel humilitate; & non potest abscondi ciuitas super montem posita, nec lucerna accensa, non sub modio, sed super candelabrum posita illucescit, quid si forte de negligentioribus suis fratribus aliquem se viuo Abbas in secundum gradum iam designet, & cum huius supradicti tanti viri scholam noui monasterij per humilitatem celatam magnus vir intrauerit, & eius cotidie vltro perfecta claruerint opera, & cum despectione agitur monasterij nouellus discipulus, agnoscatur factis Christi miles antiquus. Nonne cum hunc talem subito Abbas agnouerit, negligeret iam ordinatū secundarium, proprio sepe poeniteat facto, & suo iudicio efficiatur reprobus, cogitat dissipare quod fecerat: cum non est dignum vt melior sub deteriore consistat; & hic verbis imperet, qui imperata factis non possit adimplere. Ergo suspensus honoris gradus habeatur in omnibus, & ostensis beneplacitis quandoque promissis hoc Abbas fratribus suis sæpe verbis spondeat, dicens: dabit Dominus honorem huic qui sanctis eum prouocauerit factis, nec fraudabit eum desiderio suo, a quo nec Deus ipse fraudatus est a lucro suo: & prouidet Deus discipulis per ipsum alijs quod opus est, cum prius de ipso magistro ipse nihil coeperit indigere. Ergo dum in hanc sitim honoris omnes fratres Abbas viderit anhelare, & certatim opera sancta in bonis præceptorum Dei desiderijs diuersos se ostendere, consideret semper animo, & oculo scrutetur, qui diuersis in agone obseruantie

tæ

tiæ superior vel perfectus extiterit: & iam tempore mortis suæ vocatis omnibus ante se fratribus, dicat eis: Bene vos quidem omnes in obseruatione sancta egestis; bene acta vestra Dei semper præbuiſtis aspectibus: & vocato subito nomine illius, vel apprehensa manu eius, quem meliorem in omni perfectione semper absente cæteris iudicauit, dicat omni congregationi: Audite me filij, Trinitas sancta nouit, cuius iudicio hic eligitur, quia vobis omnibus in omni obseruatione mandatorum Dei, idest, in taciturnitate, in obedientia, in fide, in pace, in gratia, in patientia, in bonitate, in simplicitate, in vigilantia, in sobrietate, in continentia, in castitate semper melior extiterit iste.

### CAP. XCIII. INTERROGATIO DISCIPULI.

*De ordinatione noui Abbatis electi de omnibus a priore.*

RESPONDET DOMINVS PER MAGISTRVM.

**I** Deoque iudicio Dei, & testimonio meo vobis pastor eligitur, & vobis Abbas a Domino, cui semper de bonis actibus placeat, ordinatur, gregem Domini futuro iudicio reconstitutus suscipiat. Videte fratres ne quis hanc ordinationem animo malo suscipiat, & Christum contemnat, cuius vicem in monasterio vobis iste acturus est. Post hæc acta statim oratione ab omnibus facta, accersitur statim præsul Ecclesiæ ipsius territorij, vt testimonio eius clericatus officij, mutato Episcopi manu nomine, eius in Abbatis honorem, in diptico post nomen prioris eius iam missa Altaris in oratorio a Clerico recitetur, ipso oblationem fratrum offerente. Si tamen Abbas adhuc defunctus non fuerit, & adhuc deletus a viuis non fuerit, tunc post nomen maioris. Nam postquam defuncti nomen inter quiescentes migrauerit, noui nomen in capite scribatur. Mox ergo celebrantes in oratorio missas, cum explicauerint præſente, vt diximus, pontifice, vel cuncto

Et ordine clericatus officij, data ei a Priore pace, vel  
 subseque[n]te congregatione, tradat ei in manum regulam  
 hanc, simul & petitas claues a Cellarario de enticis mona-  
 sterij, & breuem rerum vniuersarum, ferramentorumque,  
 & codicum, vel vniuersorum mobilium; & collata singu-  
 lorum testamento omnia ante pontificem assignentur.  
 Nam dicat, cui dat regulam hanc presente pontifice, vel  
 vniuerso officio eius, vel sua congregatione: Accipe fra-  
 ter legem Dei, hanc regulam, in qua obseruantibus æter-  
 nam prouideas vitam; negligentibus sempiternum propo-  
 nas iudicium. Hic anima vincit, aut perit; hic vita aut  
 amittitur aut tenetur; hic pendet istarum quas conspicias  
 animarum a te Dei exactio. De hoc breue gregis istius in  
 iudicio Domini post me tu facturum es rationem. Memento  
 frater, memento, quia plus cui creditur, plus ab eo exigitur:  
 & esto iam sollicitus, & noli esse securus de lupi voracibus  
 faucibus diabolicas insidias gregi tuo futuras; sed & vulneri-  
 bus animarum, vel ruinis culparum, quibus artibus vel mo-  
 nitionibus ad salutem animas valeas restaurare. Esto iam  
 quantum potes vigilans & sollicitus; quia vsque hodie  
 fuisti securus. Hæc cum compleuerit, regulam istam te-  
 nenti in manu iterato dicat: Abbas, ingredere oratorium  
 domini; & sta in loco meo cum congregatione iam tua.  
 Alliget summus sacerdos orationibus suis in gestis coelorum,  
 quod suscepisti in terris. & post hæc dicta tradat ei pallium  
 suum: quo accepto osculetur qui acceperit manum dan-  
 tis; & cum acceperit mox ingressus cum sacerdote nouus  
 Abbas cum congregatione iam sua in oratorium, & stans  
 in loco prioris, postquam sacerdos pro eo orationem  
 effuderit, statim vadat nouus Abbas ad altare, & ponat  
 super illud regulam: & dum eam ponit, quam accepit,  
 dicat retro omnis congregatio vna cum ipso hunc versum:  
*Psal. 67.* *Confirma hoc Deus quod operatus es in nobis; cum gloria, & can-*  
*tilena. Quæ cum perduxerit, mox clara voce prosternens*  
 se

se in orationem pauimento, expetatur pro se orari iterum sacerdotem; quod & retro congregatio similiter pauimento adhaereat. Et surgentes post completam orationem osculetur genua sacerdotis, & erigatur ei ad pacem. Deinde omni officio eius pacem contradat; deinde præpositis, vel omni congregationi: & sic exeat disciplinæ, tradens clauēs manu sua cellarario. Mox vadens & orationem cum omnibus complens sine sacerdote, iam ipse petita benedictione, in cathedra sedeat præcessoris: & venientes primo Præpositi, deinde omnes eius genuam osculentur. Mox surgens vadat ad iacentem Priorem, & osculetur genua eius, & porrigatur ad pacem ei. Post acceptam pacem quondam Prior dicat omnibus: Fratres, & pro me orate, vt rationes animarum vestrarum transactas vna cum meā possim in die iudicij ante Dominum discussorem integras exponere, & fideliter consignare: & quomodo vos constabiliuit Dominus in terris, & meos bene exitus suscipere dignetur in coelis. Vnde si post hoc forte melioratus ipse Abbas, defunctus non fuerit, omnem licentiam, vel potestatem, ordinationemque, vel honorem pristinum disciplinæ ipse recipiat. Et merito: cui Deus ad hoc ipsum reddidit vitam: nihilumque sibi nouiter ordinatus ex illa hora vsque ad diem veræ mortis eius de honore constituto vindicet. Et cum ei certus aduenerit dies mortis, qui iam sub præsentia sacerdotis pridem extitit ordinatus, sine dubio ipse succedat: ita tamen, si casus superbiæ vel elationis eius non deposuerit merita. Ergo cum nihil illo viuo sibi vsurpauerit de honore, sed hoc tota mentis intentione assumat, & diligenti obseruatione custodiat, vt non iam de honore designato reddatur elatus, sed in melius magis acta sua de præceptis Dei in regula constitutis quotidie de se, coram Deo & fratribus, vel omnibus hominibus, præbeat: & plus se ex tunc in verbis & factis in ipso habitu humiliet, quam antea pro ipsius

m m m

hu-



humilitatis gratia fuerat incuruatus; ut cum omnes affi-  
ment humiliorem & viliorem omnibus magis post designa-  
tionem honoris effectum, quam ante; ut quasi profe-  
ctus merito in se Domini impleat sententiam dicentis :  
*Matt 20. Qui vult inter vos esse fortior, sit vester ultimus : & qui se hu-*  
 miliauerit, merito exaltetur : tamen propter honorem,  
 quem sacerdos orationibus constituerat, & manu sua post  
 Abbatis prioris, cum infirmaretur, in diptico Monasterij no-  
 men scripserat, & suo honorabilis eum prior & verus Ab-  
 bas iudicio elegerat; & quod ante non licebat per regu-  
 lam, pro oratione sacerdotali, & ipsius Abbatis electio-  
 ne, & magis propter additam & augmentatam in eo humi-  
 litatem, secundarius iam iudicetur. Quod nomen non suo  
 iudicio præsumpsit, sed perfectæ obseruantiae in eo meri-  
 ta elegerunt : nam regula ideo vetat constitui secundarios  
 propter elationem & superbiam. Nam istum per actum bo-  
 næ obseruantiae, vel nimiam humilitatem & Deus elegit, &  
 Abbas concessit, & sacerdos ordinavit; sed constitui ad-  
 huc vita prioris reddita non permisit. Vnde ex illa die  
 quasi iam spiritalis Cæsar designatus secus Abbatem sedeat;  
 alium chorum psallentium contra Abbatem teneat in ora-  
 torio, post ipsum calicem ad mensam accipiat, & post  
 ipsum in orationibus habeatur; & ubicumque Abbas am-  
 bulauerit, ipse locum pro se suscipiendi, vel vitia fratrum  
 emendandi, vel excommunicandi licentiam habeat ad-  
 tributam. Quod si excommunicatus frater satisfacere ei  
 consuete noluerit, reservata culpa eius Abbati, ipse vero vs-  
 que ad aduentum in reatu excommunicationis permaneat.  
 Omnia ista ex delegatione ambulantis exerceat, & in om-  
 nibus absentis agat vices Abbatis. Sed hoc ipsum non suo  
 iudicio sibi deferens, sed iussu prioris & veri Abbatis :  
 cum ei per præceptum permittitur, tunc licentiam habeat  
 aliquid ordinare, aut in hoc honore credat se posse con-  
 sistere. Nam omni hora omnibus iudicans se esse æqua-  
 lem,

lem, & magis, si vult esse perfectus, & digne vult ad quod deputatus est peruenire, humiliando se vniuersis fratribus suis, magis se omnibus inferiorem adiudicet, & viliores se vniuersis vltimo cordis credat affectu. Quia tales nonit Dominus exaltare, dicente scriptura: *Qui se humiliat, exaltabitur*. Nam hoc cauere semper ipse frater debet, ne aliquando de prouiso honore cordis elationem assumat, & in aliquam prorumpens superbiam, in aliqua parte aut humilitatis aut præcepti diuini corruens, regulam sicut prius obseruabat, minus aliquid modo adimpleat, iam designato horore securus. Et mox sciat pro certo, quia cum Abbas frequenter in aliquas culpas, quem elegerat, non in maius proficientem, sed per negligentiam magis deterioratum eum aspexerit, & monitus ab Abbate non emendauerit se; & nomen eius deleat, quamuis sacerdos rogatus ab Abbate, de diptico; & ipse in suum rediens numerum iudicetur negligentibus cœqualis; & excommunicationi consuetæ subiaceat, qui culpas non vitat: quia per negligentiam perdidit, quod interuenerat; & recipiat quod admiserat. Et postquam fuerit inferiori redditus merito, a latere iam deiungatur Abbatis: & ex illa iam die ab Abbate alius frater de omnibus iam oculo & animo quærat, superior negligenti, qui & ipse electus absconse quotidie tempore mortis suæ, manu sua Abbas eum apertius indicet, iuste & merito omnibus præponendum ordinatione primatus. Et reprobi isti, qui per negligentiam de summo honoris culmine cadunt, audiant Apostolum sibi dicentem: *Bene currebatis, quis vos impediuit?* Gal. 9. *Satanas qui elatos deponit*. Et antequam dilectus reprobis fiat, & in negligentiam conuertatur, audiat quid eum quotidie conueniat scriptura, dicens: *Tene quod habes, ne alter accipiat coronam tuam*. Et qui audierit, & non obseruauerit, sibi imputet cum ceciderit: quia a Domino superbi ac negligentes & indigni ideo deponantur, ut digne

observantes præceptum Dei, aut humiles exaltentur. Quia apud iustum iudicem Dominum non est personarum acceptio, nec vult aliquid præstare indignis; cum solos iustos, bonos, & sanctos novit diligere, & ipsis solis de præsentis vitæ honore, & de perpetuæ coronæ retributione sit debitor.

#### CAP. XCIV. INTERROGATIO DISCIPVLI.

*Si subito Abbas moriatur, quo ordine de incertis fratribus Abbas alius constituatur, cum se vivo nullum designaverit meliorem, & dum subita eum mors perurserit.*

RESPONDET DOMINVS PER MAGISTRVM.

**R**epentinum humanitatis casum considerantes, & aduentum, vt assolet, subitæ mortis, hoc de incertis inueniendum ad ordinationem conuenienter taxauimus; vt de incertis certa possit ratio inueniri. Cum ergo superius diximus, diuersorum monasteriorum confusos debere esse gradus, & nullum certum redhibere de honore secundorum; cum ergo non iudicauerit Abbas viuens post se ordinandum, quem cæteris probauerit meliorem, qui si subito migret ad Dominum, respondemus quid, ne cum vnusquisque de se suo iudicio successionem præsumens, vniuersos in seditionem exagitet, & studiosam partibus pugnam scandali domum pacis faciat in contentionem conuertere, ideo hoc decernimus, vt iudicio Pontificis ipsius territorij & Cleri quærat Abbas Sanctissimus, qui acceptam hanc regulam supra hanc congregationem ad vicem prioris defuncti, supra omnes fratres triginta habitet diebus: & ipse consideret secundum huius regulæ constituta, quis superior de omnibus obseruantia poterit inueniri. Qui ergo Abbas tricesimo die coram illo sacerdote vel clero, per sacrosancta iurans euangelia, dicat se a nullo promissionibus vel adulationibus esse redemptum; sed in causam Dei quam inuenerit integre pandere. Mox vero stante  
ante

ante eum omni congregatione subito apprehendat eius manum, quem inuenit in omaibus meliorem, in omni obseruantia mandatorum Dei, vel regulæ constitutæ; & tunc demum in eo, ab illo Pontifice vel Clero ipsius territorij secundum huius regulæ constituta, vt superius diximus, primatus ordinatio celebretur.

## CAP. XCV. INTERROGATIO DISCIPVLI.

*De Oſtarijs monasterij.*

RESPONDET DOMINVS PER MAGISTRVM.

**D**vobus fratribus ætate decrepitis cella intra regias monasterij prope constituatur; qui deputati ibi & claudant monasterium omni hora post exeuntes, & aperiant ingredientibus, & aduenientes nuntient Abbati. Nam & hoc obseruare debent ipsi duo senes quotidie, vt horis quibus oportet in monasterio legi, seratis regijs congregationi se iungant, vt legentes audiant; & cum ad opus diuinum oratorij index sonauerit, seratis item regijs ad opus Dei oratorio præsententur. Ad opus laboris hoc quærantur quod possunt pro ætatis possibilitate implere, idest, aut si artes sciunt; aut certe si nesciunt, in quo possunt cotidie septimanarios adiuuent: tamen labori alio non quærantur, si propter opus aperiendi & claudendi omni hora occupantur. Annonam canum a cellarario ipsi accipiant, & eis cum aqua, vel coquinæ remanente iuscello ministrent. Animalium intra monasterium curas, adiuncto in septimana illorum hebdomadarij solatio, ipsi adimpleant, & regiæ mundicias ipsi exerceant: vel intra eam cîcendelum suspensum & factum incendant quotidie; vt noctu foris cuiusuis aduementis cognoscatur ingressus. Qui senes, vt superius diximus, pro honore ætatis cum Abbate manducent, secundum formam perfectæ humilitatis, vt sancta Eugenia demonstrat, quæ dixit, nec ipsis se superiorem velle ostendere. Nam talibus dicit scriptura perfectis:

*Quan-*

**Ecc. 3:** *Quanta magnus es, tanto humilia te: & apud Deum & homines inueniens gratiam.* Omnia vero necessaria intus intra regias esse oportet: id est, furnum, macinæ, refrigerium, hortos, vel omnia necessaria: vt non sit frequens occasio, propter quam fratres multoties foras egressi, secularibus mixti forte a religiosorum oculis visi, ad damnationem potius nostram ab eis pro angelis adoremur; & *Benedicite* nobis non meritis indigne dicatur, cum forte sancti putemur esse, quod non sumus: aut magis per irrisionem quorundam infidelium vilescat in publico vel plateis sanctus habitus ambulando. Cum ergo hæc omnia intus fuerint constituta, clausa sit semper monasterij regia: vt intus clausi cum Domino fratres veluti a sæculo sint iam causa Dei in coelestibus separati. Quæ regia monasterij a foris circumcellum habeat ferreum in simella, quo ab adueniente concusso, cuiuslibet superuenientis intus indicetur aduentus.

EXPLICIT REGVLA MAGISTRI.




G R I M L A I C I


P R E S B Y T E R I

Regula

S O L I T A R I O R V M.



IN NOMINE DEI SUMMI INCIPIT  
PROLOGVS REGVLAE SOLITARIORVM



DILECTISSIMO PATRI IN CHRISTO ATQVE  
AEQVIVOCO MEO GRIMLAICO VENERABILI  
*Sacerdoti perennem in Salvatore salutem.*



AE PENVMERO dum in auribus vestris omne, quod mihi de meipso displiceret, exposui, suggessistis mihi, ut Regulam Solitiorum, videlicet Coenobitarum, describerem, mihiqve ipsi iugum seruitutis imponerem. Ego autem hoc diu multumque renisus sum agere, ne forte vires meas excederem, immo ne iactantiae lapsum incurrerem; verens pariter ne ab aliquibus quasi noua condens praesumptuosus putarer, ac ne mihi illud antiquum obijceretur prouerbium: Quid necesse est in mari mittere pisces, aut in flumine aquas? Sed cum post multos dies reminisci coeperim, quod nunquam moris fuerit sanctis Patribus inuicem prouocare, inuicem inuidere, sed vnumquemque in ornanda domo Dei pro viribus suis obtulisse; malui imperio iussionis vestrae obtemperare, quam voluntatem meam facere. Vnde & ego mox iniuncti me  
operis

operis labori supposui, atque hinc inde orthodoxorum Patrum sententias exemplaue diuersa decerpsi, & ex his hanc Regulam componere sategi. Eorundem quippe nomina, quorum sententias ad hoc opus assumpsi, ob prolixitatem capitulorum vitandam, partim intus in serie, partim deforis in ipsis marginibus impressi. Et ne me aliquis compilatorem vocitaret, hoc potissimum fieri curauim. Scio namque, Domino pronuntiante, quia *qui a semetipso loquitur, gloriam propriam querit.* Mea quoque dicta licet sint exigua, tamen inter sanctorum flores eloquiorum solito nomine meo imprimere curauim. Quade causa humiliter obsecro, vt si cui hæc scribilis videtur, præfata Sanctorum vocabula, sicuti nunc sunt adnotata, adnotare non omittat. Nostracismos denique & barbarismos, necnon & ipsos præpositionum casus in hoc opusculo seruare contempsim: quia indignum vehementer fore censui, vt verba Christi vel sanctorum Patrum sub regula perfringerem Donati.

1.7. 18.

Hanc nimirum Regulam de Sanctorum floribus, quasi de magnis fluminibus pelagique gurgitibus excerptam, in modicos riuulos, hoc est, in sexaginta nouem capitula diuidere curauim. Et primo omnium de abrenuntiatione sæculi, & de actiua vita & contemplatiua pauca collegi capitula. Deinde quomodo solitaria conuersatio constare debeat, & de vita ac moribus Solitariorum aliqua adnexui capitula. Inter hæc quidem de præceptis redemptoris nostri tria tantum capitula inserui, quatenus Solitarij in lege Domini die ac nocte meditantes, & ipsa Christi mandata sedulo ante oculos mentis simul & corporis reuoluentes, semper deuotiores atque feruentiores existant. Postea quoque ad actiuam vitam veniens, quid vel quantum de cibis & potibus, quidue de vestimentis aut lectualibus habere vel vti debeant, determinauim. Addidi etiam modum & tempus ieiuniorum atque abstinentiæ.

n n n

Sub-



Subiunxi quoque locis congruis pauca de virtutibus & vitijs: & vt cautus facerem Solitarios, quibus modis miracula operari soleant intimare curavi. Ad vltimum autem de perseuerantia boni operis vnum tantum capitulum posui.

In his ergo omnibus vbicunque aliquibus clausulis enucleandis necessitas extitit, morem fluminis imitari studui. Fluius quippe dum per alueum defluit, si valles concatas ex latere contingit, in eas protinus sui impetus cursum diuertit; cumque illas sufficienter impleuerit, repente se in alueum refundit. Ita nimirum vbicunque inter sacra Sanctorum eloquia aliquam obscuritatem congruæ ædificationis reperi, quasi ad vicinam vallem explanationis vndam retorsi: & dum ipsam obscuritatis vallem sufficienter expositam perspexi, rursus ad sermonis propositi alueum recucurri. Sed non hoc meo sensu vel studio, sed sanctorum Patrum oraculis annuentibus peregi.

Hoc sane, Pater venerande, tam vos, qui ad istud opusculum peragendum me excitastis, quam omnes qui hæc forte lecturi sunt, contestor & obsecro: vt quicquid in rebus istis quæ vtcunque digestæ sunt, reprehensionis inuenerint, vitio meæ rusticitatis adscribant, mihiq; dignanter indulgeant: Ea autem quæ secundum fidem catholicam dicta probauerint, Deo deputent qui dat omnibus affluenter, & non improperat. Ego quippe dum studui præceptum iubentis implere, etiam maiora viribus meis præsumpsi suscipere: sed tamen ipsa obedientia valde mihi erat necessaria. Hac quidem nactus occasione Regulam, quam non habebam, modo habeo. Ceterum de accuratione dictionis elucubrata non satago: quia quod a magistris negligendo non didici, id exhibere loquendo nequii.

Id ipsum autem quod scripsi, non ingenio meo fretus, sed orationibus vestris auxiliantibus peregi. Solent namque

que medici, ex multorum speciebus pigmentorum in salutem poscentis quoddam genus medicamento componere, nec seipsos præsumunt fateri creatores herbarum, vel aliarum specierum; sed ministros se esse in colligendo & conficiendo asserunt. Ita & ego, non auctor huius operis, sed minister in colligendo extiti. Ex quarum tamen compositione specierum salus efficitur ægrotantium. Sic etiam, sic forsitan meæ deuotionis labor vestræ caritati, Domino opitulante, aliquid proficere valebit. Non enim, vt reor, tam sollicitè mihi hanc Regulam scribere iniungeretis, nisi eam diligeretis, & nisi ad propositum vitæ solitariæ quandoque venire voluissetis. Sicut enim me piæ deuotionis affectu exhortati estis, vt eam scriberem, ita nunc vos humiliter deprecor, vt eandem sæpius diligenter legere studeatis; quatenus animus vester quodammodo exterioribus molestiis fatigatus, ad seipsum redeat, & quo maxime festinare debeat, intelligat. Quid ergo in hac vita laboriosius, quam terrenis desiderijs æstuarè? Aut quid securius, quam de huius sæculi vanitate nihil appetere? Qui enim hunc mundum diligunt, turbulentis eius curis & sollicitudinibus conturbantur. Qui autem ab eo recedunt, & solitariam vitam expetunt, futuræ pacis requiem, quam illic expectant, hic iam quodammodo habere inchoant.

Quapropter quæso tam vos, quam omnes Deum diligentes, vt nemo hanc Regulam spernat, neque ab hac instructione pauore perterritus refugiat: quia via salutis non aliter nisi angusto initio est incipienda. Vnde Dominus ait: *Contendite intrare per angustam portam.* Et iterum: *Arcta & angusta via est, quæ ducit ad vitam; lata & spatiosa, quæ ducit ad mortem.* Nihil ergo in hac constitutione asperum, vel onerosum, nihil graue spero me scripsisse: sed si quid paululum restrictius, dictante æquitatis ratione in ea institui, hoc propter emendationem vitiorum, & conseruationem virtutum feci. Quisquis igitur hanc Regulam

Mat. 7.  
13.

bono animo & plena deuotione voluerit obseruare, in præfenti adhuc seculo positus, ad virtutum culmina, Deo fauente, poterit scandere; & post huius vitæ terminum, cum sanctis & electis Dei in cælesti regno gaudere, & cum ipso Domion & angelis eius in perpetuum feliciter poterit viuere; & non solum viuere, sed etiam conregnare. Cunctipotens Deus animum vestrum ad hanc institutionis obseruantiam festinanter adducat, & per eandem obseruantiam ad regna cælestia perducatur, Amen.

EXPLICIT PROLOGVS.

## INCIPIT TEXTVS REGVLAE.

### CAP. I. *De generibus Solitariorum.*

**P**RIMUM igitur indagare oportet, cur monachus, vel cur solitarius vocatur, & sic demum, auxiliante diuina clementia, ad cætera exponenda rite transeamus. Monachus enim græca etymologia vocatur, eo quod sit singularis. Monas enim græce, latine singularitas dicitur. Ergo solitarius interpretatur vocabulum monachi. Idcirco enim siue dicatur monachus siue solitarius, vnum atque idem est. Sed iam videamus quot sunt genera solitariorum. Duo sunt namque genera solitariorum; vnum anachoretarum, id est, eremitarum; alterum vero coenobitarum, hoc est, monasteriale. Hæc autem amborum genera non conuersionis feruore nouitio debent institui, sed diuturna monasterij exercitatione prius debent probari, quatenus probati ad perfectionis culmen, Domino miserante, conscendere valeant. Præterea quoque sæpe dubitatum est  
a mul-

a multis, a quo potissimum monachorum eremus coepta sit habitari. Quidam enim altius repetentes, a beato Helia & Ioanne sumptum dicunt exordium: alij autem asseuerant beatum Antonium huius propositi esse caput. Macarius vero discipulus beati Antonij affirmat Paulum, quemdam Thebæum in nouo testamento rei istius fuisse principem; quod & verum est. Sciendum vero, quod a tempore beati Antonij coeperunt cœnobitarum solitarij, hoc est, retrusi. Sed quis primus fuisset retrusus, difficile reperitur; non enim solummodo in cœnobijs, sed etiam in ipsis eremis antea habitabant retrusi. Priscis denique temporibus hi qui prius in monasterijs erant retrusi, qui iam didicerant per multa experimenta contra diabolum pugnare, ipsi quoque bene instructi, atque sicut aurum in fornace probati, fraterna ex acie ad singularem pugnam eremi, securi iam sine consolatione alterius, sola manu vel brachio contra vitia carnis vel cogitationum, Deo auxiliante, dimicaturi pergebant. Horum exemplum beatus Arnulfus Episcopus tenuit, qui secundum Domini praeceptum omnia quæ habuit, vendidit, pauperibusque distribuit. Et non solum temporalia reliquit omnia, sed etiam episcopatum, quem post amissionem bonorum temporalium, Domino largiente, suscepit, ipsum dimisit; & postea cellulam retrusionis expetijt, ibique multis diebus sese ad exercitandum in diuinis cultibus Domino mancipauit. Deinde vero post multorum curricula annorum assumpsit alas sicut columba, hoc est, virtutes spirituales, & ad eremum conuolauit ibique Dominum nostrum IESVM CHRISTVM expectauit, vt illum saluum faceret a pusillanimitate spiritus & tempestate. Qui veniens non solum saluauit eum, sed ad æthera transuexit feliciter coronandum. Idcirco enim exemplum tanti viri huius hic inserere studui, vt ab eo discant solitarij, omnia caduca despiciere, & celestia totis viribus appetere,

CAP.

CAP. II. De præceptis altioribus monachorum,  
vel Solitiorum.

Matth. 19.  
21. ibid.  
29.

Matth. 10.  
38, id. 5.  
39.  
14. 7, 12.

Idem 5.  
44.

Luc. 9.  
23.

Altiora enim sunt præcepta quæ dantur monachis, vel sæculo huic renuntiantibus, quam illa quæ dantur fidelibus in sæculo communem vitam agentibus. Monachis & solitarijs dicitur: *Si vis perfectus esse, vade & vende omnia quæ habes, & da pauperibus; & veni, sequere me.* Et rursum: *Omnis qui reliquerit domum, aut fratres, aut patrem, aut matrem, aut uxorem, aut filios, aut agros propter nomen meum, centuplum accipiet; & vitam æternam possidebit.* Hæc & huiusmodi præcepta specialiter solis congruunt monachis solitarijsque. Et quanto singularia, tanto potiora & eminentiora. Hæc vero quæ sequuntur quasi minora minoribus generaliter dicta sunt omnibus. *Qui non accipit, inquit Dominus, crucem suam, & venit post me, non est me dignus.* Et iterum: *Omnia quæ vultis ut faciant vobis homines, eadem & vos facite illis. Dico autem vobis: Nolite resistere malo.* Item ipse: *Diligite inimicos vestros; benefacite his qui vos oderunt, &c.* Monachis enim siue solitarijs dicitur, ut sua omnia derelinquant; sæcularibus vero, ut sua omnia bene gerant. Illi præcepta generalia bene viuendo transcendunt: isti præceptis generalibus adstringuntur. Ad perfectionem enim non sufficit cuiquam sua derelinquere, nisi etiam semetipsum abneget. Sed quid est semetipsum abnegare, nisi voluntatibus proprijs renuntiare? ut qui superbus erat, sit humilis; qui iracundus, studeat esse mansuetus; qui luxuriosus, sit castus; qui ante ebriosus, sit sobrius; qui invidus & maleuolus, sit benignus & beneuolus. Nam si ita quisque renuntiat omnibus quæ possidet, ut & suis non renuntiet moribus, non est pro certo Christi discipulus. Qui enim suis rebus renuntiat, sua abnegat; qui vero pravis moribus renuntiat, semetipsum abnegat. Unde & Dominus: *Qui vult, inquit, post me venire, abneget semetipsum, & sequatur me.*

CAP.

CAP. III. De quatuor ordinibus hominum qui erunt  
in die iudicii.

Sciendum quoque est, quia quatuor ordines hominum. Serunt in die iudicii; duo bonorum, & duo malorum. Primus ordo saluabitur, & non iudicabitur: id est, qui sua omnia pro Christo derelinquunt, ipsi quidem cum Deo iudices venturi sunt ad iudicium. Vnde est illud Isaie: *Dominus ad iudicium veniet cum senibus populi sui*. Ipsi alios Isai 3, 14 iudicabunt, & non iudicabuntur ab alijs. Secundus ordo iudicabitur, & saluabitur: id est, boni Christiani, qui res huius mundi possident, & eas pauperibus quotidie erogant, qui nudos vestiunt, infirmos visitant, & alia his similia implent, quæ Christus facere docet. Hi tales iudicabuntur, & saluabuntur; quibus dicturus est in iudicio Dominus: *Esurui, & dedistis mihi manducare: sitiui, & dedistis mihi bibere*. Mat. 25, Et post pauca: *Venite benedicti Patris mei, percipite regnum quod 35. *vobis paratum est ab origine mundi*. Tertius ordo iudicabitur simul & condemnabitur: id est, mali Christiani, qui fidem habere videntur, sed operationem non habent. Isti ad sinistram partem deputabuntur in iudicio, & istis dicturus est idem ipse Dominus: *Esurui, & non dedistis mihi manducare; sitiui, & non dedistis mihi bibere*. Ibid. 42. Et post pauca: *Ite maledicti* Ibid. 41. *in ignem æternum, qui præparatus est diabolo & angelis eius*. Isti enim iudicabuntur, & non saluabuntur. Quartus vero ordo erit infidelium, qui non iudicabuntur, sed condemnabuntur. De his ait Psalmista: *Non surgent impij in iudicio, neque peccatores in concilio iustorum*. Psal. 1, 5 Relurgent enim impij, non ut iudicentur, sed ut condemnentur; scilicet ut qui sine lege peccauerunt, sine lege pereant. Rom. 2, Primus vero 12. ordo, qui sua dereliquerunt, & Christum secuti fuerunt, iudicabunt alios duos sequentes, id est, bonos Christianos ut recipiant bona; & malos econtra, ut recipiant mala.*

Cum summa igitur deuotione rogemus Deum, ut corda nostra

Matth.  
19, 27.

ib. 28.

Ibidem.

nostra misericorditer tangendo omnia visibilia nos despiciere faciat, quatenus ad primum ordinem pertinere possimus. Vindicemus itaque in nobis bene viuendo gratiam tanti honoris: si enim vitam nostram perfecte custodierimus, iudices cum Deo & apostolis eius in die iudicii erimus. Firmissime enim hoc credere debemus, quia fidelissimus est ille, qui hoc nobis promittit. Veritas est ipse, fallere non potest. Solitarij igitur, qui sua omnia pro Christi amore derelinquunt, cum Petro apostolo dicere poterunt: *Domine, ecce nos reliquimus omnia, & secuti sumus te. quid ergo erit nobis?* Hoc pro certo scire conuenit, quod Petro tunc respondit, omnibus solitarijs in Petro respondit. Forsitan est aliquis qui dicat: imitari huius mundi contemptores volo, sed quod relinquam non habeo. Ad hoc vero respondendum est: Multum dimittit ille, qui voluntatem habendi dimittit. Attendere etiam debemus; quod non dixit, *Vos qui reliquistis omnia solummodo*, sed addidit, *& secuti estis me*: quia multi relinquunt sua, & Christum non sequuntur; sicut Crates philosophus, & alij multi: sequitur enim Christum, qui illum imitatur.

Pensemus igitur quid Petrus dimisit, qui sic confidenter loquitur. Retia tantum dimisit & nauim, & tamen loquitur confidenter: *Reliquimus omnia*. Ac si diceret: fecimus Domine quod iussisti, scire volumus quale pro hoc præmium daturus es nobis. Iesus autem non solum illis, sed & ceteris respondit, dicens: *Amen dico vobis, quod vos qui secuti estis me, in regeneratione, cum sederit filius hominis in sede maiestatis sue, sedebitis & vos super sedes duodecim, iudicantes duodecim tribus Israel*. Magna lætitia & inenarrabilis gloria nobis est promissa. Hæc sententia ad omnes pertinet, qui sua omnia pro Dei amore derelinquunt.

Transcendamus autem visibilia omnia, despiciamus transitoria cuncta, vt mereamur perfrui cum beatis apostolis æternæ beatitudinis gloria; & vt hoc citius fiat, Domi-

mini clementiam quotidie humiliter exoremus, dicentes: Cunctipotens Deus qui nos per sanguinem filij tui redemisti, & ex aqua & Spiritu sancto voluntarie regenerasti, fac nos de hac miserrima peregrinatione ad diu desideratam citius patriam transire, in qua cum beatissimis Angelis & felicissimis hominibus sæculo renuntiantibus, per infinita sæcula regnemus.

CAP. IV. *Quæ sint veræ diuitiæ.*

**Q**uæ sint veræ diuitiæ beatus GREGORIUS patenter insinuat, dicens: Solæ, inquit, diuitiæ veræ sunt, quæ nos virtutibus diuites faciunt. Quæ vero nobis appetendæ sunt diuitiæ, vel quæ fugiendæ, beatus PROSPER satis euidenter ostendit, dicens: Illæ nobis ambiendæ sunt diuitiæ, quæ nos ornare possint pariter & munire; quæ nos etiam contra impetus hostiles armant, à mundo determinant, Deo commendant; dirant animos nostros atque nobilitant. Nobiscum sint, intra nos sint. Diuitiæ nostræ credendæ sunt, pudicitia, quæ nos pudicos faciat; & iustitia, quæ iustos; pietas, quæ pios; humilitas, quæ humiles; mansuetudo, quæ mansuetos; innocentia, quæ innocentes; puritas, quæ puros; prudentia, quæ prudentes; temperantia, quæ temperantes; & supra omnia caritas, quæ nos facit Deo & hominibus caros, vitiorum impotentes, sæculi contemptores, ac bonorum omnium sectatores. Hæc sunt non omnium, sed sanctorum solæ virtutes; non diuitum superbiorum, sed humilium pauperum facultates, patrimonium cordium, diuitiæ incorruptibiles morum; quibus non abundant, nisi qui illis carnalibus ex corde renuntiant. Quæ quamuis ipsa sint bona, utpote à bono Deo creata; tamen quia sunt bonis malisque communia, student ea spirituales viri contemnere, quo possint ad illa incomparabiliter meliora, quæ sunt bonorum omnium propria,

o o o

per-



peruenire . Quoniam non est tale bonum quod habent & mali , quale illud , quod non habent nisi boni . Corporale bonum quando habent iniqui , ipsorum est præmium : quando habent iusti , non est eorum præmium , sed temporale solatium . Item , boni temporales amissio fit exercitium iusti , & iniusti supplicium ; quia & iustus desiderio cælestium captus omnia temporalia siue habeat , siue amittat , omnino non sentit ; & iniquus qui cum delectatione habuit , siue dolore non perdit . Propter hoc igitur eis , qui militant Deo , fugiendæ sunt ex toto corde diuitiæ , quas qui habere volunt , siue labore non quærunt , siue difficultate non inueniunt , siue cura non seruant , siue anxia delectatione non possident , siue graui dolore non perdunt . Apostolus autem Christi militibus dicit : *Volo vos sine sollicitudine esse* . Et idem : *Radix omnium malorum est auaritia , quam quidam appetentes à fide errauerunt , & inferuerunt se doloribus multis* . Ac sicensus iste terrenus eis à quibus vitiose diligitur , non est voluptatum materia , sed dolorum . Hæc de veris & fallacibus diuitijs dicta sufficiant . Quomodo autem quis ad perfectionis culmen conscendere possit , audiamus .

1. Cor.  
31.  
1. Tim.  
6. 10.

#### CAP. V. De perfectione iustitiæ .

**S**i quis ergo vult esse perfectus , & tollere crucem suam , & sequi Dominum saluatorem , & imitari Petrum dicentem : *Domine ecce nos reliquimus omnia , & secuti sumus te* ; faciat hoc quod præcepit Dominus adolescenti , & sufficere ei potest ad perfectionem : id est : *Vade & vende omnia quæ habes , & da pauperibus ; & veni , sequere me* . In potestate nostra est , utrum velimus esse perfecti , an non . Non nobis iugum necessitatis imponit , sed potestati nostræ liberum arbitrium concedit , dicens : *Vis esse perfectus , & in primo stare vestigio dignitatis ? Vende omnia quæ habes , & da*

Matth.  
19. 27.

Matth.  
19. 21.

da pauperibus; & veni, sequere me. Quicumque ergo perfectus esse voluerit, debet vendere omnia quæ habet, & non ex parte, sicut Ananias fecit & Saphyra, sed totum vendere; & cum vendiderit, nihil fraudare, sed dare omne illud pretium pauperibus; & sic sibi thesaurum in regnum cælorum præparare. Neque enim hoc ad perfectionem solummodo sufficit, nisi post contemptas diuitias sequatur saluatorem: id est, relictis malis faciat bona. Facilius, inquit B. Hieronymus, sacculus contemnitur, quam voluntas & voluptas. Multi diuitias relinquentes, Dominum non sequuntur. Sequitur enim Dominum, qui imitator eius est, & per vestigia illius graditur. *Qui enim dicit se in Christo manere, debet quomodo ille ambulauit, & ipse ambulare.* 1. Ioan. 3, 6. Bonum est ergo Dei seruo, corporaliter remotum esse à mundo; sed multo melius, voluntate. Vtrumque vero optimum & perfectum. Ille ergo perfectus est, qui huic sæculo & corpore & corde discretus est. Magna apud Deum resulget gratia, qui huic sæculo contemptibilis fuerit. Seruis autem Dei cuncta huius mundi contraria esse debent, vt dum ista aduersa sentiunt, ad cæleste desiderium ardentius excitentur. Quid enim in hac vita laboriosius, quam terrenis desideriis æstuarè? Aut quid securius, quam de huius sæculi vanitate nihil appetere? Qui enim hunc mundum diligunt, turbulentis eius curis & sollicitudinibus conturbantur. Qui autem ab eo recedunt, propter internæ quietis tranquillitatem, futuræ pacis requiem quam illuc expectant, hic quodam modo habere inchoant.

CAP. VI. *Quod qui sæculo renuntiant, non debent habere hereditates, nec possessiones.*

**H** ergo qui sæculum perfecte derelinquunt, nihil debent possidere præter Dominum. Vnde in libro Pro-

ooo 2

spe-

ſperi ita legitur : Quemcunque ergo poſſidendi delectat ambitio, Deum, quem colit, qui omnia poſſidet, expedita mente poſſideat ; & in eo habebit quacunque ſancte deſiderat. Sed quoniam nemo poſſidet Deum, niſi qui poſſidetur à Deo, ſit ipſe primitus Dei poſſeſſio, & efficitur ei Deus poſſeſſor & portio. Deinde quid vltra quærit, cui omnia ſuus conditor ſit ? Aut quid ei ſufficit, cui ipſe non ſufficit ? Hunc poſſidebat, & ab illo poſſidebatur ille, qui dicebat in ſpiritu : *Portio mea, Domine, dixi cuſtodire legem tuam*. Et iterum : *Dominus pars hereditatis meæ & calicis mei*. Qui enim poſſidet Dominum, & cum Propheta dicit : *Pars mea Dominus*, nihil extra Dominum habere poteſt. Quod ſi quippiam aliud habuerit præter Dominum, pars eius Dominus non erit : verbi gratia, ſi aurum, ſi argentum, ſi poſſeſſiones, ſi variam ſupellectilem, cum iſtis partibus Dominus pars eius fieri non dignatur. Si ergo, inquit Hieronymus, pars Domini ſum, & funiculus hereditatis eius, non accipio partem inter ceteras tribus, ſed quaſi Lenita & ſacerdos viuo de decimis, & altari deſeruiens altaris oblatione ſuſtentor : vnde habens victum, & veſtimentum, his contentus ero, & nudam crucem nudus ſequar. Ad Ezechielem quoque dicitur : *Sacerdotes mei, qui mihi in templo meo miniſtrant, non habeant poſſeſſiones : ego Dominus poſſeſſio eorum : nec hereditatem, ego Dominus hereditas eorum*. Et ipſe Dominus alibi dicit filiis Leui : *Non dabitis partem inter fratres ſuos, ego Dominus portio eorum*. Hic ſatis euidenter oſtendit, quod hi qui terrenæ hereditatis portionem contempſerint, tales ſe exhibere debent, vt poſſideant Dominum, & ipſi poſſideantur à Domino. Qua de re etiam in Collationibus Patrum tale datur exemplum. Quidam frater renuntians ſæculo, & dans quæ habebat pauperibus, retinens autem pauca ad opus ſuum, venit ad Abbatem Antonium. Quem cum agnouiſſet ſenex, dixit ei : Si vis monachus fieri, vade in illum vicum, & erue

*Pſal.* 118,  
57.

*Pſal.* 15,  
5.

*Thron.*  
3, 24.

*Ezech.*  
44, 28.

*Num.*  
18, 20.

eme carnes, & impone corpori tuo nudo, & sic veni huc. Et cum ille sic fecisset, aues lacerabant carnes & corpus eius. Cum autem peruenisset ad senem, interrogauit, si fecisset quædixerat ei, Ille autem ostendit corpus suum laceratum. Tunc dixit sanctus Antonius: Qui renuntiant sæculo, & volunt habere diuitias, ecce ita impugnantur, & à dæmonibus discerpuntur. Hoc igitur de non habenda possessione dictum sufficiat. Aliud autem de non habenda hereditate dicamus. Venit quidam homo nomine Magistratus, ad beatum Arsenium, dectens ei testamentum cuiusdam parentis eius, qui reliquerat ei hereditatem magnam valde. Et accipiens senior testamentum voluit sciendere illud. Magistratus autem cecidit ad pedes eius, dicens: Deprecor te propter Deum, ne scindas illud. Et dixit ei Abbas Arsenius: Ego prius mortuus sum, quam ille. Ipse autem modo mortuus est, quomodo nunc me fecit heredem? & remisit testamentum, nihil exinde accipiens. Vnde datur intelligi, quod hi, qui sæculum relinquunt, nihil debent habere præter victum, vel possidere extra vestimentum. Præcipue vero Solitarius qui imitator apostolorum esse cupit, his tantum debet esse contentus. Et quia non potest quis seruire Deo simul & mundo, propterea voluit Deus cultores suos omnibus renuntiare, vt exclusa mundi cupiditate, diuina in eis caritas posset augeri vel perfici.

CAP. VII. *Quod post abrenuntiationem sæculi non debet quisque diuitias colligere.*

Solitarij ergo funditus sæculo renuntiantes, ita huic mundo mori debent, vt soli Deo viuere delectentur. Quantoque ab huius sæculi cupiditate se subtrahunt, tanto interna mentis acie præsentiam Dei & sanctorum eius perspicacius contemplantur. Sed sunt multi qui cupiunt  
con-

convolare ad gratiam Dei, sed timent carere oblectamentis mundi. Prouocat eos quidem amor Christi, sed reuocat cupiditas sæculi, sicut legitur in Collationibus Patrum fecisse quemdam Solitarium, qui in horto suo sedule laborabat, & omnem laborem suum in eleemosynam expendebat, & tantum sibi retinebat, quantum ad victum ipsius sufficeret. Postea vero sathanas immisit ei in corde dicens: Collige tibi aliquam pecuniam, ne cum senueris, aut ægrotare coeperis, aliquid indigeas. Et collegit, & impleuit lagenam vnā nummis. Contigit autem eum infirmari, & putrefieri pedem eius. Et expendit hoc quod collectum habuerat in medicos, & nihil ei prodesse potuit. Postea vero venit quidam de expertis medicis, & dixit ei: Nisi incideris pedem tuum, totum corpus tuum putrescit. Et constituerunt vt in crastinum inciderent ei pedem. Illa autem nocte rediens in semetipsum, & poenitentiam agens de his quæ gessit, ingemuit & fleuit dicens: Memor esto Domine operum meorum priorum quæ faciebam, cum laborarem in horto meo, ex quo pauperibus ministrabam. Et cum fieret, astitit ei Angelus Domini, & dixit ei: Vbi sunt nummi quos collegisti, & vbi est spes de qua tractasti? At ille respondens ait: Peccaui Domine, & ignosce mihi, vltius hoc non faciam. Tunc Angelus tetigit pedem eius, & statim sanatus est, & surgens mane abiit operari in agro. Venit ergo medicus cum ferramentis vt secaret pedem eius, & ait: Vbine est ille ægrotus? Et dixerunt ei, Exiit mane operari in agro. tunc admiratus medicus, perrexit, & vidit eum terram fodientem, & glorificauit Deum, qui ei reddiderat sanitatem. His satis euidenter ostenditur, quantum malum sit post abrenunciationem sæculi pecunias colligere, & auare retinere. Vnde scriptum est:

*Luc. 9. 62* *Nemo mittens manum suam in aratrum, Et respiciens retro, aptus est regno Dei.* Noui autem ego ipse quemdam fratrem, quem vtinam nos nossem! cuius etiam nomen si aliquid pro-

prodeffet, dicere possem: qui sub obtentu religionis relinquere se sæculum finxit, & ad solitariam vitam, non corde, sed corpore tantum peruenit. Qui etiam non solum ante habitas possessiones & diuitias funditus non distribuit, sed etiam si qua forte ei a fidelibus fuerant oblata, auare retinebat. Postea vero immisit ei diabolus in cor, vt ad perferendas diuitias, quas male seruauerat, foras de cella retrusionis exiret. Quod ita & fecit, qui quamdiu in presenti sæculo vixit, non solum sibi metipsi, sed etiam nobis omnibus in opprobrium fuit: & non solum tunc eius exemplum nocuit, sed adhuc his, qui eum nouerunt, obest, & futuris scientibus nocebit. Quia sunt nonnulli qui despectis carnis desiderijs, cuncta relinquere pertractant, sed cum cecidisse illum post operis initium conspiciunt, hoc ipsum facere quod deliberauerant, pertimescunt. Nam & isti in hoc etiam arguendi sunt, vt si malos pertimescunt imitari in malum, cur pigri sunt bonos imitari in bonum? Vnde scriptum est: De bonis sumamus exempla. Ob hanc ergo causam aliorum scribuntur ruinæ & perditiones, vt nos de nostra vita simus sollicitiores. Hactenus autem de sæculi abrenunciatione, & de non colligendis diuitijs satis abundeque, vt opinor, dictum est. Modo enim de contemplatiua vita, Deo auxiliante, & beato Prospero suffragante, aliqua dicenda sunt capitula.

CAP. VIII. *Quid sit proprie actiua, quidue contemplatiua vita.*

Quia igitur per actiuam vitam ad contemplatiuam venitur, ideo prius dicendum reor, quid sit proprie actiua vita; & sic demum ad contemplatiuam transeundum est. Actiua scilicet vita est conuersatio religiosa, quæ docet quemodo Præpositi sub se regant viuentes, ac diligant; & non minus de eorum, quam de sua salute solliciti, quod

quod eis expedire videntur, paternam curam provideant, & qualiter subiecti præposito suo, tanquam capiti membra deserviant, ac præcepta eius velut imperium Dei summo amore custodiant. Ipsa namque actualis vita panem esurienti tribuit, verborum sapientiæ nescientem docet, errantem corrigit, superbientem ad humilitatis viam reuocat, infirmantis curam gerit; quæ singulis quibusque expediunt dispensat, & commissis sibi qualiter subsistere valeant sollicitè providet. Quæ & cum corpore & in præsentem sunt, & cum corpore deficiunt, & tamen merces huius vitæ permanet in æternum. Contemplatiua quoque vita est, dilectionem Dei & proximi tota mente retinere; transitoria cuncta despiciere; visibilia postponere, tantummodo quæ caelestia sunt desiderare. Nam contemplatiua vita a contemplando, hoc est videndo, nomen accepit; in qua creatorem suum creatura intellectualis ab omni peccato purgata visura est. Sed & si eam diligenter considerare velimus, & iam in hoc fragili tabernaculo, ubi quotidie ingemiscimus, contemplatiuæ vitæ quodammodo participes fieri possumus. Quia, secundum quorundam opinionem, nihil aliud est contemplatiua vita, quam rerum latentium futurarumque notitia; siue vacatio ab omnibus occupationibus mundi; siue diuinarum studium, literarum. Quando autem infirmum visitamus, mortuum sepelimus, errantem corrigimus, tunc in actiua sumus. Quando vero in conspectu Dei lacrymas fundimus, & qualis beatitudo, qualis lux, qualis gloria sit sanctis in coelo, cogitare volumus, tunc in contemplatiua sumus. Sed actiua vita cum corpore incipit, & hic cum ipso finitur: contemplatiua vero vita hic inchoatur, & in futuro sæculo perficitur.

**LUC. 10.** Ex his enim signatur vna, id est actiua per Martham; & altera, id est contemplatiua, per Mariam: sed necessaria est omnino Martha Mariæ.

CAP. IX. *Qualis debet esse in actiua vita, qui ad contemplatiuam conscendere conatur.*

**A**d fastigium ergo vitæ contemplatiuæ quisquis conatur conscendere, semetipsum debet prius per multa experimenta in actiua vita probare: si iniurias poterit ferre, si obprobria, si derisiones, si contumelias, si detractiões, si flagella poterit sustinere. Si hæc & alia huiusmodi, siue a diabolo, siue ab aliquo illata patienter poterit sustinere; hic merito ad contemplatiuam quandoque poterit conuolare. In ista enim prius per exercitium boni operis cuncta exhaurienda sunt vitia, vt in illa iam pura mentis acie ad contemplandum Deum quisque pertranseat. Et licet conuersus statim ad contemplationem conscendere cupiat, tamen ratione cogitur, vt prius in actiuæ vitæ operatione versetur: quia qui prius in actiua vita proficit, postea ad contemplationem bene conscendit. Meritò enim in ista sustollitur, qui in illa utilis inuenitur. Quicunque ergo temporalem adhuc gloriam aut carnalem concupiscentiam affectant, à contemplatione quietis prohibeantur, vt potius in operatione actualis vitæ purgentur. Sciendum verò est, quia viri sancti à secreto contemplationis egrediuntur ad publicum actionis; & rursus ab actionis manifesto ad secretum contemplationis intimæ reuertuntur. In actiua vita intentio perseveranter incedit; in contemplatiua autem sese per interualla quisque resumat, quia diuturnitate contemplandi lassatur. Sicut enim aquilæ moris est semper oculum in radium solis insigere, nec deflectere, nisi escæ solius obtentus; ita & sancti a contemplatione ad actualem vitam interdum reflectuntur, considerantes illa summa sic esse vtilia, vt tamen humilia sint paululum nostræ indigentiae necessaria. Nam & visio animalium in Ezechielis prophetia, quæ ibant nec reuertebantur, pertinet ad vitæ actiuæ perseverantiam. Et

Cap. ix.

p p p

ite-



2. Tim.  
2. 4.

iterum ea animalia quæ ibant & reuertebantur , pertinent ad contemplatiuæ vitæ mensuram; in qua dum quisque intenderit , suâ reuerberatus infirmitate reflectitur , atque iterum renouata intentione , ad ea vnde descenderat , rursus erigitur . Idcirco enim hæc præmisimus , vt hi qui in contemplatiua vita volunt perfecte viuere , per interualla temporum vnde viuant proprijs manibus non negligant laborare . Caueant tamen vt non de vilo inhonesto negotio victum quærant, propter hoc quod scriptum est : *Nemo militans Deo implicat se secularibus negotijs , vt ei placeat , cui se probauit .*

CAP. X. *Quantum inter contemplatiuam & actiuam vitam interfit .*

I AM nunc quid inter contemplatiuam & actiuam vitam interfit, breuiter disseremus : quod vt euidenter eluceat, ipsas sibi inuicem vitas , contemplatiuam scilicet & actiuam, prolatis earum virtutibus conferamus . Ad actiuam namque vitam pertinet inter humana proficere , & rebellis corporis motus rationis imperio temperare . Ad contemplatiuam vero pertinet supra humana desiderio perfectionis ascendere , & indefinenter in augendis virtutibus incubare . Habet enim actiua vita profectum ; contemplatiua fastigium . Hæc facit hominem sanctum , illa perfectum . Huius vitæ est nulli prorsus iniurias irrogare, illius irrogatas æquanimiter sustinere . Immo, vt proprius dicam , executor actiuæ studet in se peccanti dimittere ; contemplatiuæ sectator offensas, quibus pulsatur , ne omnino concutiat, ignorare magis paratus est , quam donare . Iste iram patientiæ virtute compescit , immoderatis cupiditatibus parsimoniæ frænum imponit ; tangitur desiderijs carnalibus, nec consentit ; mundi curiositate pulsatur , nec rapitur : quatitur diabolica impulsione ,  
nec

nec vincitur : & Deo suo deuota mente subiectus , non at-  
 teritur diuersis tentationibus , sed probatur . Ille vero om-  
 nes affectiones , quibus vita mortalium variatur , sanctis  
 virtutibus vincit ; cupiditatum ac perturbationum om-  
 nium liber beata quiete perfruitur ; & illecebris ac volu-  
 ptatibus factus expedita mente superior , ineffabili gaudio  
 diuinæ contemplationis afficitur . Iste suscipiendo pere-  
 grinum , vestiendo nudum , gubernando subiectum , redi-  
 mendo captiuum , tuendo violenter oppressum , iugiter se  
 ab omnibus iniquitatibus suis emaculat , & vitam suam bo-  
 norum operum fructibus ditat . Ille facultatibus suis in vsu  
 pauperum distributis simul se expoliauit mundo , & admo-  
 uit totis viribus cælo : res mundi mundo proiecit , & seipsum  
 Christo deuota mente restituit , à quo sibi donari immorta-  
 les diuitias orat ; vt pauper protegi se quotidie postulat ;  
 vt infirmus immortalitatis indumento vestiri cupit ; vt nu-  
 dus defendi se ab impugnatione inuisibilium hostium sup-  
 plicat , vt fragilitate carnis oppressus ; & cælestem sibi pa-  
 triam donari desiderat , vt peregrinus . Actiua enim vita  
 habet sollicitum cursum ; contemplatiua vero gaudium  
 sempiternum . In hac acquiritur regnum , in illa percipi-  
 tur . Hæc igitur facit pulsare bonorum operum velut qui-  
 busdam manibus ianuam : illa vocat consummatos in  
 patriam . In hac contemnitur mundus ; in illa videbitur  
 Deus . Et vt multa præteream , quæ commemorare non  
 valeo , in actiua qui immundis spiritibus extiterint fortio-  
 res , in illa contemplatiua , quæ summe beata est , remu-  
 nerante Domino fiunt sanctis angelis æquales , atque  
 in æternum cum illo regnabunt in superna illa ciuitate  
 felices .

CAP. XI. *Quod presentium contemptores etiam  
hic contemplatiua vita delectat.*

**I**gitur vitæ contemplatiuæ felicitati promerendæ ille  
suspirat, qui præsentibus omnibus pro futurorum con-  
templatione renuntiat, atque domesticis occupationibus,  
quæ nonnunquam perfecte viuere cupientium processus  
impediunt. Ipsos etiam suæ carnis affectus in illam subli-  
mitatem diuinæ contemplationis euectus exuperat, & in-  
fra se vniuersa despiciens, quæ plerumque animas de præ-  
terita sanctitate securas deiiciunt in terrena, ipsis iam cæle-  
stibus appropinquat; tanto vicinior factus diuinis, quan-  
tum supra humana omnia studio perfectionis ascendit. Cer-  
tus namque quod si contemplatiuam vitam hic incertis  
honoribus diuitijs anxij, & caducis delectationibus ple-  
na voluntate prætulit, veros honores, securasque diuitias,  
& delectationes æternas inueniet, cum ad perfectionem  
contemplatiuæ virtutis in illa beata vita, vbi futura est, Deo  
remunerante, peruenerit.

Et reuera quid erit honoratius eo, quem diuina clemen-  
tia gloria angelicæ dignitatis beauerit? quid ditius eo, quem  
regni cælestis ineffabiliter affluens beatitudo ditauerit? Aut  
quid etiam hic delectabilius contemplatione diuina, quæ  
sibi veraciter inhianti incorruptibilem suauitatem futuræ  
remunerationis infundit? Quoniam quidem contemplati-  
ua vita hic quoque amatores suos futurorum bonorum  
consideratione delectat, ac sibi tota mentis intentione va-  
cantes, quantum in hac vita fieri potest, dono sapientiæ  
spiritualis illuminat, & ad illam diuinæ visionis plenitudi-  
nem, cuius spem studijs intenti cælestibus gerunt, incen-  
tuo quodam ipsius consequendæ perfectionis inflammat,  
vt quod nunc in ænigmate cernunt, nec perfecte discer-  
nunt, tunc in illa reuelatione conspiciant.

CAP.

CAP. XII. *Quæ & quanta sit in hac carne  
contemplatiua vitæ perfectio.*

**D**enique contemplatiuæ vitæ sectator, ad conditorem suum corde illuminandus accedat; ipsi contemplando, ac insatiabiliter perfruendo vigilanter inferuiat: ipsum iugiter concupiscat, præ amore eius omnia quibus inde potest auerti refugiat. Omnes cogitationes suas, ac spem totam in illius delectatione suspendat. Litterarum diuinarum sacris meditationibus vacet, in eis se diuinitus illuminatus oblectet. Ibi se totum velut in speculo quodam refulgente consideret: & in se quod prauum deprehenderit, corrigat; quod rectum, teneat; quod deforme, componat; quod pulchrum, excolat; quod sanum, seruet; quod infirmum, assidua lectione corroboret; Domini sui præcepta infatigabiliter legat, inexplebiliter diligat, efficaciter impleat; & quid sibi cauendum, quidue sectandum sit, ex eis sufficienter instructus agnoscat. Mysterijs earundem diuinarum scripturarum perscrutandis insistat. Christum sibi promissum legat, repræsentatum videat; prophetatam perditionem populi contumacis intelligat, impleri lugeat; de salute gentium gaudeat: ex præteritis, quæ prædicta & impleta tenet, & futuris promissionibus credat. Ab strepitu negotiorum sæcularium remotissimus, ea feruenter excogitet, quibus animum suum in desiderium futuræ remunerationis inflammet. Studijs spiritualibus, quibus in dies singulos melior ac eruditior fiat, inuigilet. Amet otium sanctum, in quo exerceat animæ suæ negotium. Mortuum sibi deputet mundum, ac se mundi blandimentis & illecebris exhibeat crucifixum. Delectationi spectaculorum præsentium incomparabiliter anteponat sui Creatoris intuitum; semper proficiente successu in fastigium diuinæ contemplationis attollat. Nunquam, ne ad momentum quidem, à promissionibus futuris considerandis auersus ad

ter-

terrena respiciat. Eo aciem mentis indefinenter attendat, quo peruenire desiderat. Beatitudinem vitæ futuræ ante oculos animi sui proponat ac diligit. Nec metuat aliquid temporale, nec cupiat: ne aut metus amittendæ rei temporalis, aut cupiditas acquirendæ intentionem mentis emolliat. Non eum blanda corrumpant, nec aduersa concutiant: non inflat opinio secunda, non sinistra deiiciat: non falsa vituperatio, siue laudatio augeat eius gaudia, vel imminuat. Non gaudeat omnino de temporalibus, nec lugeat. Inter læta ac tristia vnā faciem animi constantis obtineat. Nec pectoris stabilem firmitatem quicquid promittit mundus, aut minatur, excutiat; sed idem semper ac sibi similis perseverans, mundi huius damna simul & læra non sentiat.

Et cum hæc atque his similia contemplatiuæ vitæ affectus impleuerit, non se hic iam ex omni parte perfectum, sed perficiendum in illa vita beata, quæ futura est, immobiliter credat, atque ad eam se, vbi Dei substantiam reuelata facie videre possit, extendat. Nam sicut hic comparatione iuste viuentium dicitur quisque perfectus: iustus namque præcepta facit, perfectus autem præcepta transcendit; ita idem collatus illis absolute perfectis, qui in illa vita beata futuri sunt, non est, vt ita dicam, perfecte perfectus: cui etsi dimissa est omnis iniquitas, non est adhuc sanata, sed sanatur eius infirmitas. Et ideo si non peccat, vt sit vere perfectus, peccare tamen potest, quia non est consumpta omni infirmitate sanatus. Ac per hoc vbi ab omni peccato mundatus peccare non poterit, ibi perfecte sanus & summe perfectus erit. Hic autem quantalibet excellentia sanctitatis emineat, quantalibet eminentia perfectionis excellat, potest quidem pro modulo huius vitæ fieri perfectus; sed non est sic de sua perfectione securus, vt non debeat esse de casu sollicitus. Et utique vbi est sollicitudo, non est absoluta beatitudo, quæ  
nequa-

nequaquam perfecta credenda est, si secura non fuerit: nec secura erit, nisi omnem sollicitudinem securitas æterna consumpserit. Quapropter ibi omnium sanctorum beatitudo perfecta erit, ubi natura humana sui gloriam. Conditoris visata est, atque ei sine vilo defectu beatitudinis adhærebit.

CAP. XIII. *Quod Deum perfecte sancti videre non possint, nisi cum ad beatitudinem futuræ vitæ peruenerint.*

Q uocirca sic hortandi sunt ad contemplatiuam vitam, quicunque plene voluerint, & Deo auxiliante potuerint, ut meminerint ipsius sibi contemplationis diuinæ perfectionem in illa vita beata, quæ futura est, reservari: ut ibi Deum sicuti est perfecte videant, ubi & ipsi & vitæ æternæ ac regni cælestis consecutione sint perfecti. Cæterum si hic perfecte potuisset Dei substantiam humanæ fragilitas contemplari, nunquam sanctus Euangelista dixisset: *Deum nemo vidit unquam.* Non dixit, *nemo videbit.* Denique ut euidenter ostenderet visionem Dei non negatam sanctis hominibus, sed dilatam, quod in præsentī tempore negauit, in futuro promisit, dicens: *Beati mundo corde, quoniam ipsi Deum videbunt.* Nec hic dixit, quoniam ipsi Deum vident. Igitur si Deus, qui in hac vita sine cuius elementi assumptione nec potuit videri, nec potest; in futura vita videndus est: ibi profecto contemplationis diuinæ est speranda perfectio, ubi erit bonorum omnium plenitudo. Quapropter non sic contemplatiuæ vitæ sublimitatem in futuro, ubi perfectio perficienda est, nuntiaui, ut in præsentī eam negarem posse ab hominibus mundi contemptoribus apprehendi, si modo se ad eam tota deuotione conuertant: si desiderio eius accensi præsentia blandimenta fastidiant, & longe fortiores effecti, quam ut eos terrenæ occupationes illaqueent, diuinis rebus ac futuris pro-

Ioan. 1,  
18.

Matth.  
5, 8.

promissionibus inhæreant. Isti tales etiam in hac vita contemplatiuæ vitæ possunt fieri participes. Itaque quoniam de contemplatiua vita in superioribus capitibus multa iam dicta sunt, sufficiunt ista quæ diximus, ut & reliqua consideremus quæ de vita solitiorum dicenda sunt.

CAP. XIV. *Quod pro perfectione vita contemplatiua a sanctis Patribus solitaria vita primus fuit inchoata.*

**A**ntiqui patres nostri supernam patriam desiderantes, & contemplatiua vita perfecte frui cupientes, non solum mores hominum sæcularium, sed & consortia fugiebant, atque in saltibus specubusque latitabant; scientes, quia quanto se separabant a voluptatibus mundi, tanto frequentabantur ab angelis; & quanto remotiores a sæculo, tanto propinquiore fiebant Deo. Corporaliter autem separari desiderabant a sæcularibus, ne forte in eorum aliquando voluerentur actibus. Nos vero eorum exempla in quantum possibile est sequi cupientes, si in contemplatiua vita cupimus aliquid proficere, à consortio sæculi nitamur cito separari. Quia licet in medio carnalium sæpe Deus vitam protegat electorum, tamen satis rarum est, ut quisque inter sæculi voluptates positus, à vitijs maneat illibatus. In quibus denique etsi non cito implicetur, aliquando tamen abstrahitur. Neque enim diu securus esse poterit, qui periculo proximus fuerit. Vnde in Collationibus Patrum ita loquitur: Bonum est enim fugere sæculum. Quando autem est homo iuxta sæculum, assimilabitur viro stanti super lacum profundissimum, ut qua hora visum fuerit inimico eius, facile eum impingat deorsum. Si autem a sæculo remotus fuerit, assimilabitur viro longe posito a puteo, ut vel si nitatur eum inimicus proicere deorsum, dum eum violenter trahit, Deus ei auxilium dirigat. Item ibi:

Ho-

Homo fugiens homines similis est vocæ maturæ, qui autem cum hominibus conuersatur, sicut vna acerba erit. Et rursum: Imperforabilis enim manet a sagittis inimici, qui amat quietem: qui autem miscetur multitudini, crebra suscipit vulnera. Hoc quippe metuebat beatus Arsenius, cum adhuc esset in palatio; & ideo orauit Dominum dicens: Domine dirige me ad salutem. Et confestim venit ei vox dicens: Arseni fuge homines; & saluus eris. Postea vero accessit ad monasticam vitam, & rursum orauit ad Dominum eundem sermonem dicens: Domine dirige me ad salutem. Et iterum audiuit vocem dicentem sibi: Arseni fuge, tace, quiesce; hæ enim radices sunt non peccandi. Præterea quoque narravit quidam Patrum, quia tres fratres studiosi facti sunt monachi: & vnus quidem ex eis elegit litigantes in pace reuocare, iuxta illud quod scriptum est: *Beati pacifici, &c.* Secundus vero visitare infirmos, secundum illud: *Infirmus fui, &c.* Tertius autem abiit quiescere in solitudine. Primus ergo laborans propter lites hominum, non potuit in pacificando proficere; & ideo victus venit ad eum qui seruebat infirmis, & inuenit etiam ipsum animo deficientem, & non prævalentem mandatum perficere. Et concordantes hi duo abierunt videre illum qui in eremo discesserat, & narrauerunt ei tribulationes suas, & rogauerunt vt diceret eis, quid ipse proficeret. Et reticens paululum misit aquam in scyphum, & dixit eis: Attendite in aquam. Et erat turbulenta. Et post modicum rursus dixit eis: Attendite modo quomodo limpida facta est aqua. Et cum intenderent in aquam, viderunt tanquam in speculo vultus suos. Et tunc dixit eis: Sic est qui in medio hominum consistit; præ turba enim non videt peccata sua: cum autem quiesuerit, & maxime in solitudine, tunc delicta sua conspicit. Hic euidenter ostenditur, quantum emolumentum præstat vita solitaria. Est enim stadium quoddam ad emendationem

Mat.  
5, 9.  
Matth.  
25, 36.



morum, vitamque formandam. Qui enim in solitudine, hoc est: in retrusione sedet, à tribus bellis eripitur; id est, auditus, locutionis, & visus; & contra vnum tantummodo habebit pugnam, id est, cogitationem cordis. Sciendum, vero est, quia multo melius est alicui, ut cum multis sit, & solitariam agat vitam; quam sit in eremo, & proposito mentis desideret esse cum multis. Nam & homines seculares, si in isto sæculo aliqua commiserunt crimina, etiam nolentes mittuntur in carcerem. Ita ergo & nos propter peccata nostrā redigamus nosmetipsos in carcerem retrusionis, ut per voluntariam mentis nostrae vindictam, futuras a nobis poenas excludere mereamur. Quia igitur, ut ait Apostolus: *Si nosmetipsos disiudicemus in hoc sæculo, non utique à Domino iudicabimur in futuro.*

1. Cor.  
11, 31.

CAP. XV. De disciplina suscipiendorum fratrum  
ad retrusionem.

Dominus noster IESVS CHRISTVS omnes ad suum vocat seruitium, omnesque ad se venientes pie misericorditerque recipit. Idcirco enim omnes vocat & recipit, quia ipse nouit qui sunt eius, & non est opus ei, ut quis testimonium perhibeat de homine: ipse enim scit quid est in homine. Nos vero qui notitiam bonorum malorumue hominum minime habemus, nisi eos probauerimus, debemus tenere consilium Apostoli dicentis: *Probate spiritus si ex Deo sunt.* Sic quoque nouiter venientem quemque ad Dei seruitium, oportet per multa prius experimenta probare, & postea recipere, ne forte quis simulata mente, ac fallaci animo, ad hanc solitariam vitam præsumat accedere. Ergo oportet de præterita eius vita & conuersatione inquirere, si est moribus temperatus, si vita castus, si sobrius, si sapiens, si humilis, si obediens, si affabilis, si in lege Domini instructus, si in ipsa instructione cautus. Cum ergo

1. Ioan.  
4, 1.

his

his singulis aliisque experimentis fuerit probatus, si perseverauerit pulsans; & illatas sibi iniurias, & difficultatem ingressus, post quatuor aut quinque dies visus fuerit patienter portare, & persistere affectu petitionis suæ, annuatur ei siue ab Episcopo, siue ab Abbate suo ingressus. Sine licentia autem & consensu Episcopi, aut Abbatis proprii, atque omnium fratrum eiusdem monasterij, in quo idem frater educatus fuerit, nihil omnino de hac re fiat. Prohibendum est etiam, ut in nullo alio loco hoc religionis propositum a quoquam assumatur, nisi in coenobiorum congregationibus tantum. In villis autem aut in campestribus Ecclesijs, siue in alijs quibuscumque locis nullatenus presumatur assumere, nisi forte quis more antiquorum Patrum ad eremum velit secedere. Postquam autem Episcopus aut prælatus monasterij licentiam ei retrudendi concesserit, vnum annum habitet inter fratres, ita ut extra claustra, nisi tantum in Ecclesiam, non exeat; quatenus in ipso eius probetur voluntas vel stabilitas. Si autem in eodem monasterio, aut in circumvicinis monasterijs solitarius est, probatus aliquis ei deputetur ad probandum. Si vero solitarius ibidem minime reperitur, deputetur ei senior talis qui aptus sit ad lucrandas animas, qui super eum omnino curiose intendat, & sollicitus sit, si reuera Deum quærit, si sollicitus est ad opus Dei, ad obedientiam, ad orationem, ad lectionem, & cætera huiusmodi. Prædicentur ei omnia dura & aspera, per quæ itur ad Deum. Et si promiserit stabilitatis suæ perseverantiam, legatur ei hæc Regula, & dicatur ei: Ecce lex sub qua militare vis, si potes seruare, ingredere; si vero non potes, libera discede. Si adhuc steterit, legatur ei hæc Regula sedule, ut sciat ad quod ingreditur, & probetur in omni patientia. Et si habitu secum deliberatione promiserit se omnia sustinere, tunc blande leniterque suscipiatur ad destinatum propositum, sciens se lege regulæ constitutum, quod ei ex

illa die non liceat egredi ex ipsa retrusione, nec collum excutere de sub iugo regulæ, quam sub tam morosa deliberatione licuit ei excusare, aut suscipere. Suscipiendus autem in oratorio coram Episcopo & omni Clero promittat verbis tantum de stabilitate sua, & conversione morum suorum, coram Deo & sanctis eius; ut si aliquando (quod absit) aliter fecerit, a Deo se damnandum sciat, quem irridet. Tunc frater ipse prosternatur ad pedes Episcopi & omnium fratrum ibidem adstantium, ut orent pro eo. Ipsi omnes illico orent pro eo, quantum eis visum fuerit. Signa autem ad eius ingressum, si Episcopus aut Abbas iusserit, sonent, ut omnes illud signum audientes, pro eo orent. Res vero si quas habet, sicut in superioribus capitulis continetur, aut eroget prius pauperibus, aut facta solemniter donatione conferat monasterio; nihil sibi reseruans ex omnibus. Cum talibus autem vestimentis intret, cum qualibus manere debet: & sic deinceps in solitaria vita permaneat. Post ingressionem autem præcipiat Episcopus ostium retrusionis Cellulæ aposphragisma suo sigillare, ne fortassis aliqua in aliquo remaneat opinio.

CAP. XVI. *Qualis debet esse Cellula retrusionis.*

Cellula igitur retrusionis debet esse exigua, & summissimis vndique munitioibus circumscripta, quatenus nec solitario foras euagandi facultas maneat, nec cuiquam ad eum, quod non decet, introeundi aditus pateat. Ut autem omnis obstruatur necessitatis occasio, habeat interior præparatas habitationes suis vñibus necessarias, hoc est, oratorium ab Episcopo consecratum; si nomen ipse solitarius est sacerdos. Idiplum quoque oratorium ita sit domui Ecclesiæ contiguum, quatenus idem solitarius per fenestram eiusdem oratorij possit ad missas per manus sacerdotum ob-

oblationes offerre, ac cantantes & legentes fratres congrue audire, atque simul cum eis possit psallere; & etiam ad venientes quosque ibidem valeat responsa dare. Sint etiam ante ipsam fenestram deintus & de foris vela obpensa, ne facile a foris videri vel videre queat, ne forte per oculorum portam mortuus extrahatur; vnde scriptum est: *Cave ne intret mors in animam tuam per fenestras tuas.* Et Apostolus Ierem. 9. 21. præcipit, spectaculis & pompis præcaueri. Habeat autem infra septa retrusionis hortulum exiguum, si fieri potest, in quo per tempus exire & aliqua olera plantare vel colligere, atque ab aëre tangi possit; quia multum ei proderit tactus aeris. Sit etiam extra septa retrusionis & alia cellula, in qua discipuli illius habitent, quæ ita sit cellulae ipsius contigua, ut aptissime possint discipuli illius congruo tempore per fenestram ei ministrare ea quæ ei fuerint necessaria. Si autem duo in vnum solitarij fuerint, sicut multis in locis noscitur esse, sit inter eos silentium ingens, quies magna, caritasque perfecta. Sint autem singuli in singulis cellulis separati; sed animo, & fide, ac caritate inseparabiliter confuncti. Cellulae quoque illorum nulla intercapedine inter se diuidantur, sed ita sint ad inuicem connexæ, quatenus ad vnam fenestram venientes, alterutrum se valeant ad Dei seruitium excitare, sacris orationibus simul vacare, diuinas scripturas simul recitare, & ad corporalem etiam refectionem simul tempore congruo possint conuenire. Sint etiam eorundem cellulae, ita ut præfatum est, Ecclesiae valde contiguæ. Feminis namque non solum in cellulis solitariorum, eorumque discipulorum prandendum, aut requiescendum non est, quin potius nec in eas intrandi vlla eis tribuatur facultas; quia hoc à sanctis Patribus valde legitur inhibutum. Si quando autem eis de confessione aut de consilio animarum sermocinandi necessitas incubuerit, in Ecclesiam veniant, & ante fenestram oratorij coram omnibus simul loquantur, & quod delibe-

ran-

randum est, prudenter vtiliterque deliberent atque disponant. Decet enim solitarios, ut sicut in cæteris rebus, ita etiam in mulierum confabulationibus bonum exemplum omnibus præbeant: ut scilicet huiusmodi confabulatio nullam possit à quoquam sinistrae opinionis afferre suspicionem. Non solum autem à colloquutione mulierum, verum etiam ab ipso visu & tactu illis est obseruandum. De locutione autem earum sanctus Basilius dixit: Ne accomodes aures tuas ad percipienda verba mulierum, ne concipias ex eis nequitiam in anima tua. Hinc beatus Hieronymus ait: Prima quidem tentamenta sunt seruorum Dei, feminarum frequentes accessus. Nam flammigero igne percutit femina conscientiam eorum, & exurit cor eorum. De tactu vero idem Basilius ait: Mulieris carnem ne velis tangere, ne per tactum eius in flammetur cor tuum: sicut enim stipula proximans igni comburitur, ita & qui tangit mulieris carnem, non euadet sine damno animæ suæ; & licet corpore castus euadat, mente tamen & corde læsus abscedit. Neque osculari debent à solitarijs omnino, quia osculum vna est ex quatuor speciebus amoris carnalis. Diligendæ sunt autem mulieres non carnaliter, sed spiritualiter. De visu autem illarum quid dicam? cum Dominus manifestat dicens: *Qui viderit mulierem ad concupiscendum eam, iam meretricem est eam in corde suo*. Vnde etiam idem Basilius ait: Ne improbo oculo intuearis speciem mulieris, ne per oculorum tuorum fenestras intret mors in anima tua. Frequens demique visus feminarum deuitandus est, & maxime his, qui inter sæculares extiterunt, vel coniugati fuerunt. Compadres quoque & commatres minime faciant: quamuis liceat, non expedit tamen.

Matth.  
5, 28.

CAP.

CAP. XVII. *Quod nunquam minus quam duo vel tres sint simul solitarij.*

**P**recipue vero hoc solitarijs satagendum est, vt si fieri potest nunquam minus quam duo vel tres simul sint solitarij, in singulis tamen cellulis reclusi; ita videlicet, vt per fenestram ad inuicem loqui possint, & ad opus Dei alterutrum se valeant excitare. In multis denique causis societatem duorum solitariorum his, qui eiusdem voluntatis ac propositi sunt, vtilem videor esse: in plurimis vero solitariam vitam ducere absque vllius societate, discrimen esse conspicio. Primum quidem periculum imminet solitario, quod certe grauissimum est, in hoc quod ipse sibi placet, & videtur sibi ad summam perfectionem iam venisse, & putat se esse quod non est. Hoc enim illi accidere solet, qui non habet cum quo opus suum probet. De talibus enim ait Apostolus: *Si quis putat se aliquid esse, cum nihil sit, ipse se seducit.* Postea vero neque si aliqua virtus in eo abundat, neque si aliqua desit, agnoscit. Neque etiam hoc quod vtile est, neque quod deest, cum solus sit, ab alio aliquo quæri potest. Denique, sed nec culpas quidem suas, aut vitia facile agnoscit, cum qui arguat vel reprehendat, nemo sit. Huiusmodi solitarius facile illud potest accidere, quod scriptum est: *De soli, quia cum ceciderit, non habet subleuantem.*

Galat.  
6, 3.Eccl. 4,  
10.

Quomodo ergo solitarius seipsum ad praua desideria non exercebit, neminem habens qui videatur eius voluntatibus obuiare? Aut quomodo humilitatem, aut patientiam, siue caritatem suam probabit, neminem habens, cui hæc exhibeat? Neque enim sufficere potest vnus, quamuis summus, ad suscipienda omnia sancti Spiritus dona; quia, vt ait Apostolus, *Alij datur sermo sapientia, alij sermo scientia, & cætera huiusmodi.* Quapropter si secundum dispensationem Spiritus sancti vni datur, quod alteri negatur, necess-

1. Cor.  
12, 8.

Matth.  
18. 19.  
16. 20.

cesse est, ut sine duo, vel tres, aut eo amplius, & de charismatibus quæ singuli acceperunt, varique consolentur pariter & ædificentur. Sed & aduersus insidias inimici, quæ intrinsecus & extrinsecus inferuntur, multum prodest societas plurimorum. Facilius enim excitantur à somno; & incitantur ab omni opere bono. In oratione autem non paruum emolumentum nascitur à duobus fratribus, maxime cum Dominus dicat: *Si duo ex vobis consenserint super terram, de omni re quamcumque petierint, fiet illis à patre meo qui est in calis.* Et iterum idem ipse: *Vbi duo vel tres congregati fuerint in nomine meo, ibi sum in medio eorum.* Præterea quoque plures orationes duo peragere possunt, quam vnus. Habet autem & alia quamplura bona communis Solitiorum vita, quæ non est possibile nunc dinumerare omnia. Sed ita duos solitarios in vnum esse dicimus, ut vnus, si fuerit probatus, ad hanc vitam perfruendam non prohibeatur.

CAP. XVIII. *Si oportet suscipere ad solitariam vitam suburbanos presbyteros, vel iuvenes astate.*

Matth.  
11. 28.

Matth.  
19. 21.

CVM Dei clementia omnes vocet per illam pijsimam vocationem, qua dicit: *Venite ad me omnes qui laboratis & onerati estis, & ego reficiam vos:* non est absque discrimine quempiam ad seruitium Dei venientem abijcere. Veruntamen neque absque subtilissima probatione indulgendum est cuiquam intrare in sanctam conuersionem: sed sicut Dominus iuuenem illum, qui venit ad eum, de priori vita sua interrogauit, & cum audisset quia recte transacta esset, quod ei deerat præcepit adimplere, dicens: *Si vis perfectus esse, vade, vende omnia quæ habes, & da pauperibus; & ita demum iussit eum se sequi.* Ita ergo & nos oportet prius probare spiritus, si ex Deo sunt, & sic aduenientes quosque cum caritate ad Dei seruitium suscipere.

Si

Si quis autem ex ordine sacerdotum extraneorum se suscipi rogauerit, ita ut ad solitariam vitam quandoque venire desideret, non ei quidem citius assentiatur. Tamen si omnino in hac supplicatione persistit, recipiatur: sciatque se omnem Regulæ disciplinam seruaturum. Sed ne forte quis simulata mente ad hoc propositum venire percontetur, primitus duriter probandus est. Quod ita demum facile dignoscitur, si omnem laborem corporis, qui ei iniungitur, æquanimiter ferat, & ad austeriorem vitam libenter inclinetur: vel si etiam delictum aliquis suum cum interrogatus fuerit, nequaquam pronuntiare confunditur, & medelam delicti, quæ ei adhibita fuerit, gaudenter assumat: & si ad omnem humilitatem absque verecundia inclinatur, ac vilioribus & abiectionibus artificijs, si ita ratio poposcerit, tradi se non erubuerit. Cum autem his atque alijs exercitijs probatus fuerit, si stabilis & prompto animo persistit, tunc eum suscipi decet. Sit autem, sicut supradictum est, duos annos inter fratres in congregatione, & postea, si eius voluntas firma manserit, ad solitariam suscipiatur.

Similiter quoque & si monachus aliquis peregrinus vel clericus de longinquis prouincijs, superuenerit, & pro eadem causa se suscipi rogauerit, pro hospite suscipiatur: & probetur, ita ut prius dictum est. Et si contentus fuerit consuetudine loci quam inuenerit, & stabilitatem suam firmare voluerit, non renuatur eius voluntas. Quod si superfluous aut vitiosus inuentus fuerit tempore hospitalitatis, quia his temporibus maxime dignosci poterit, non solum non debet recipi, verum etiam dicatur ei honeste, ut recedat, ne etiam eius miseria alij vitientur. Si vero talis non fuerit, qui mereatur proijci, nullatenus proijciatur, sed suadeatur ut fiat quatenus eius exemplo alij erudiantur. Cauendum est autem, ne aliquando de alio noto monasterio monachus ad habitandum suscipiatur, sine consensu Abbatis eius, aut literis commendatitijs. De iuuenibus

r r r

autem



Marc. 10  
14.

Sap. 4, 8.

1. Cor. 6,  
37.

autem ætate nulla ambiguitas est, an recipi debeant, cum Dominus de eis dicat: *Sinite paruulos venire ad me: talium est enim regnum celorum*. Non enim alicui obest ætas puerilis, si fuerit mente perfectus. Nec senilis cuiquam proderit ætas, si fuerit sensu paruulus. Perfectus enim dicitur, non qui ætate, sed qui sensu perfectus est. Vnde in libro Sapientiæ dicitur: *Canisunt autem sensus hominis, & ætas senectutis vita immaculata*. Nam & Dauid cum puer esset, & perfectum sensum haberet, à Domino in regem electus est, & prophetiæ spiritus ei creditus est. Saul vero cum senilis esset ætate, pro sua nequitia de colmine regali expulsus est, & maligno spiritui traditus est. Senissimi etiam erant sacerdotes illi, qui Susannam violare conati sunt, & Daniel adhuc puerulus erat, qui eos ore suo condemnauit. Et Dominus noster IESVS CHRISTVS ingressus Hierosolyman à paruulis collaudatur, & à senioribus postea crucifigitur. Nam & arbor, multorum licet annorum sit, nisi fructuosa fuerit, abscidetur; si tamen nouella fuerit, fertilis & fructuosa, magis colitur, ut vberiore proferat fructum. Omne autem tempus à prima ætate opportunum esse dicimus ad suscipiendum aliquem in eruditione & timore Dei. Ex eo tamen firma erit professio virginitatis, ex quo iam quisque adultus fuerit, & ex quo solent sæculares nuptijs apte deputari. Adhiberi autem eis oportet summam diligentiam, quo possint ad omne virtutis exercitium probabiliter institui. Sint autem in ipsa pulsatione, quo supra, vsque ad præfinitum tempus duorum annorum, & si viriliter ac feruenter persisterint, recipiantur eodem modo, quo supra. Præterea quoque si aliquis ex catholicis venit ad nos dicens; volo apud vos manere aliquod spatium temporis, ut proficiam ex vobis: illum etiam suscipi oportet, Domino pronuntiante, qui ait: *Omnem ad me venientem non ejiciam foras*. Interdum enim potest fieri, ut per tempus proficiat, & delectetur ei permanere in sanctitate vitæ

vitæ. Oportet autem nos in conuersatione nostra & religione, de qua fortassis homines aliter opinantur, caute & solícite agere, & præceptum illius implere, qui dixit: *Sic luceat lux vestra coram hominibus, ut videntes vestra bona opera, glorificent patrem vestrum qui in celis est.* Ita denique fiat, ut si ille bonus & verax est, de nobis proficiat; & si explorator & fallax est, erubescat.

Mat. 5.  
16.

CAP. XIX. *Qualem vel quam sanctum oportet esse solitarium.*

Talem ergo oportet esse solitarium, qualem apostolus iubet fore episcopum, ubi ait: *Oportet episcopum sine crimine esse.* Similiter autem & solitarium oportet esse sine crimine: non proteruum, non iracundum, non vinolentum, non multum edacem, non percussorem, non bilinguem, non neophytum, non turpis lucri appetitorem. Primum itaque quod dicimus sine crimine esse solitarium, non ita intelligendum est, ut si ante conuersionem aliquod crimen habuerat, ad solitariam vitam non recipiatur, cum ipso proposito pro ante admissio scelere poenitentiam agere possit; sed sic dictum est, ut ex eo tempore quo in solitaria vita manere coepit, nulla peccati conscientia mordeatur: qui enim vitia non habet, sine crimine est. Omne enim crimen peccatum est, sed omne peccatum crimen non est. Et ideo siue solitarius, siue quislibet alius sine crimine esse potest, sine peccato nunquam esse potest. Sequitur: Non proteruum, id est, non superbum eum esse oportet, ne elatus incidat in laqueum diaboli. Non iracundum: iracundus enim est, qui semper irascitur, & ad leuem responsionis auram, quasi à vento folium commouetur. Neque vero qui aliquando irascitur, iracundus est, sed ille dicitur iracundus, qui crebro hac passione superatur. Non vinolentum, & non multum edacem eum esse dicimus: quia ubi ebrietas & nimia edacitas fuerit, ibi

Tit. 1.

Prov. 13.  
13.

1. Cor. 9.  
13.

1 Cor. 10

1. Ion. 3.  
15.  
Mat. 12.  
36.

libido dominatur & furor. Solet enim ille, qui his duobus virijs fuerit occupatus, contra grauitatis decorem inrisu vocem exaltare, & labijs dissolutis turpiter cachinnare. Non percussorem, id est non facile manum porrigat ad cædendum. Sed non ita dictum est, vt si discipulum habuerit, & facultas permiserit, non pie verberetur, cum Salomon dicat: Latera puerorum virgis assidue tundenda sunt, ne indurescant. Sed ideo dictum est, vt is, qui mansuetus & patiens esse debet, ne in os alterius vel caput verberandum insanus erumpat. Non bilinguem eum esse oportet, ne conturbet habentes pacem. Non neophytum, ne incidat in laqueum diaboli, dum nesciat præcauere tentamenta inimici. Ignorat enim momentaneus solitarius humilitatem & mansuetudinem. Ignorat etiam diuitias sæculi contemnere; ignorat semetipsum despiciere. Non ieiunauit, non fleuit, non mores suos sæpe reprehendit, non assidua meditatione correxit. De cathedra enim transfertur ad cathedram, de superbia ad superbiam. Non turpis lucri appetitorem, ne deseruitio Dei lucra terrena quærat. Turpis lucri appetitio est, plus de præsentibus quam de futuris cogitare: Solitarius enim habens victum & vestitum, his tantum contentus esse debet. Vnde ait Apostolus: *Qui altario seruiunt, de altario viuunt*. Viuant, inquit, & non diuites fiant. Oportet vt non sit turbulentus & anxius, non sit nimius & obstinatus: non sit zelotypus & nimis suspiciosus, quia huiusmodi Solitarius nunquam requiescit. Non sit etiam murmuriosus quoniam scriptum est, quod murmurantes à serpentibus perierunt. Non sit detractor, propter hoc quod scriptum est: *Qui detrahbat fratrem suum, eradicabitur*. Non odium habeat in corde, quia scriptum est: *Qui odit fratrem suum homicida est*. Non sit vaniloquus, quia scriptum est: *Omne verbum otiosum quod loquuti fuerint homines, reddent de eo rationem in die iudicij*. Non sit piger, propter hoc quod scriptum est:

est: *Serue male, & piger, &c.* Non sit somnolentus, nec alijs Mat. 23, 26.  
 quibuslibet vitijs substratus, quatenus fiducialiter audeat  
 dicere cum propheta: *Ero immaculatus coram Deo, & obser-* Ps. 17, 24.  
*uabo me ab iniquitate mea.* Huc vsque qualis non debet esse  
 Dei seruus ostendimus, nunc qualis esse debeat dicamus.  
 Dei autem seruum oportet esse pudicum, id est, à libidine  
 continentem, & vt ita dixe im, in tantum eum inter cum-  
 ctos oportet esse eminentem, vt non solum ab opere im-  
 mundo se abstineat, verum etiam & à cogitationis errore,  
 mens eius sit libera. Oportet etiam eum esse iustum, san-  
 ctum, continentem, abstinentem, hospitalem, bonorum  
 operum amatorem, modestum, sobrium, patientem, beni-  
 gnum, humilem, caritativum, obedientem; & non solum  
 à prauis actibus se abstineat, verum etiam ab oculi, & ver-  
 bi, & cogitationis instinctu se contineat, & sic fiat, vt dum  
 nullum in se vitium regnare permittit, impetrare apud  
 Deum veniam pro suis populorumque facinoribus valeat.  
 Talis insuper sit idem solitarius, vt qui religioni detra-  
 hunt, vitæ eius detrudere non audeant. Si enim talis fue-  
 rit, & ista supradicta sectatus fuerit, tunc Dei minister utilis  
 erit, & propositum suum, opitulante diuina clementia, per-  
 fectè consummabit.

CAP. XX. *Quomodo solitarij debeant esse docti, & qualiter  
 alios doceant, ac semetipsos discrete prouideant.*

Solitarius itaque debet esse doctor, non qui doceri indi-  
 geat; etiam debet esse sapiens & doctus in lege diuina,  
 vt sciat vnde proferat noua & vetera. Multis modis etiam  
 necessarium est Solitarijs, vt instructi sint in diuinis elo-  
 quijs. Primum propter astutias & fraudes diaboli, per quas  
 seipsum solet in cordibus insipientium sæpe demergere.  
 Deinde, vt aduenientium quorundam corda arenia pro-  
 ximorum, fluentis riuus doctrinæ valeat irrigare. Nam & si  
 quos

quos habet discipulos, statim possit instruere eos. In his denique, & in alijs quibuscumque rebus, scientia scripturarum valde solitario necessaria est: quia si ei tantum sit sancta vita, sibi soli prodesse potest quod sancte viuit: Porro & si doctrina fuerit eruditus, potest ceteros quoque imbuerere, & haereticos, siue Iudaeos, seu alios quoslibet aduersarios repercutere vel refutare; qui nisi refutati fuerint atque conuicti, facile possunt simplicium corda peruertere. Huius autem sermo debet esse purus, simplex, & apertus, plenus grauitate & honestate, plenus suauitate, gratiaque, & lenitate. Ipsius namque speciale officium est, tractare de mysterio legis, de doctrina fidei, de virtute continentiae, de disciplina iustitiae; scripturas diuinas legere, percurrere canones, exempla sanctorum imitari, ut videlicet praenoscant quid, cui, quando, vel quomodo proferat; qui non omnibus vna eademque semper exhortatio est adhibenda, sed vnumquemque diuersa exhortatione ammoneat, iuxta professionis morumque qualitatem. Nam quosdam increpatio dura, quosdam vero increpatio corrigit blanda. Sicut enim periti medici iuxta vulnerum varietates diuersa adhibent medicamina, ita & solitarius singulis quibusque congruum exhortationis adhibere debet remedium; & quid cuique oporteat pro aetate, pro sexu, ac professione adnuntiet. Non omnibus quae sunt clausa aperienda sunt: multi sunt enim qui capere non possunt. Rudibus praecipue hominibus, atque carnalibus, plana seu communia praedicanda sunt, non summa, atque ardua. Vnde & Apostolus ait: *Non potui vobis loqui quasi spiritualibus, sed quasi carnalibus: tanquam paruulis in Christo lac vobis potum dedi, non escam.* Carnalibus quippe animis, ut diximus, nec alta nimis de caelestibus, nec terrena conuenit dicere, sed mediocriter & discrete. Coruus enim dum suos pullos viderit albi coloris, nullis eos cibis alit, sed tantumdem attendit donec paterno colore nigrescant, & sic illos frequen-

1. Cor. 3.  
1.

quenti cibo reficit. Ita & strenuus solitarius, nisi eos, quos monet, videris ad suam similitudinem poenitentiae confessione nigrescere, & nitore sæculari deposito, lamentationis habitum de peccati recordatione induere, non expedit eis aperire intelligentiae spiritualis profundiora mysteria: ne dum audita non capiunt, prius incipiant conternere, quam venerari caelestia praecepta. Propter quod & Dominus inter cætera ait: *Notite mittere margaritas ante porcos, Mat 7, 6. ne forte conculcent eas pedibus suis.*

Haecenus autem diximus quam doctus, vel quam discretus in doctrina debet esse solitarius. Nunc autem ad sententiam beati Gregorij venientes, videamus quam discreta circumspectione in docendo nosmetipsos oportet providere. Nos, inquit, quia infirmi homines sumus, cum de Deo hominibus loquimur, debemus primum meminisse quid scimus, ut ex propria infirmitate pensemus, quo docendi ordine fratribus consulamus. Consideremus igitur quia aut tales sumus, quales nonnullos corrigimus, aut aliquando tales fuimus: & si iam diuina gratia operante tales non sumus, oportet ut tanto eos temperantius corde humili corrigamus, quanto nosmetipsos verius in his flagitijs aliquando fuisse agnoscimus. Si nos quoque tales nec sumus, nec fuimus, quales adhuc illi sunt quos emendare per poenitentiam cupimus, videamus ne forte cor nostrum de ipsa innocentia superbiat, & in peius quam hi, quorum mala corrigimus, ruat. Nam & alia eorum bona opera nobis ante oculos reuocemus, quæ si omnino nulla sunt, ad occulta Dei iudicia recurramus: quia sicut nos nullis meritis hoc ipsum bonum quod habemus, accepimus, ita illos quoque potest gratia supernæ virtutis infundere, ut excitati, posterius etiam ipsa possint bona, quæ nos ante accepimus, præuenire. His ergo primum cogitationibus humiliari cor debet, & tunc demum delinquentium iniquitates increpare.

Scien-

Sciendum vero est quia aliter conuenit prædicare episcopis & presbyteris, atque aliter Solitarijs. Illis utique tanquam sibi commissis plebibus oportet arguendo, & increpando, obsecrando prædicare: Istis vero non tanquam commissis, sed pro sola caritate conuenit aduenientes quosque spiritualium verborum dapibus reficere, & ad Dei seruitium ut conuertantur humiliter & secrete suggerere: non tamen eos oportet quasi pro gratia hominum adquirenda exhortationis rigorem reticere. Præterea quoque debemus & nos quotidie etiam tacendo prædicare: tunc etenim tacendo prædicabimus, cum alijs hominibus formam bene viuendi præbeamus, & lucis exempla monstrabimus.

CAP. XXI. *Ut Solitarij lucis exempla omnibus dent: & ut laudabiliter uiuant, sed laudari non appetant.*

**V**ita ergo & conuersatio solitariorum normam & exemplum ab Apostolo sumere debet, qui dixit: *Omnibus omnia factus sum, ut omnes lucrificerem.* In tantum enim idem Apostolus se imitabilem cunctis præbebat, ut cum fiducia clamaret dicens: *Imitatores mei estote, sicut & ego Christi.* O quam felix, o quam segura conuersatio Pauli, qui prætermittens prophetas & apostolos, cæterisque sanctos, iubet se imitari Christianos. Quapropter & solitarij licet inferiores quam Paulus, tamen debent se imitabiles præbere omnibus. Nam sicut pretiosum atque precipuum est in medio multorum bene agere, & plurimos ad profectum & exemplum boni operis incitare: ita periculosum ac perniciosum est, negligentius agendo multorum fidem frangere, multorumque animas deprauare. Hoc autem ideo dico, quia, quod peius est, facilius inueniuntur qui ea quæ sunt deteriora, quam qui meliora sectentur. Quamobrem sicut ille valde admirandus atque laudandus est,

1. Cor. 9.

22.

1. Th. 1.1.

est, cuius cursus bonus multorum est profectus, ita ille merito lugendus est, cuius vita multorum ruina est. Plerique igitur solitarij prave viuentes forma cæteris in malum existunt, qui in bonis exemplum esse debuerunt. Hi autem quosunque exemplo malæ conuersationis suæ perdunt, simul cum eis procul dubio in æternum peribunt: si tamen in malo perseuerauerint. Multo enim deteriores sunt hi qui siue exemplis, siue doctrinis, vitam moreque bonorum corrumpunt, quam illi qui substantias aliorum prædiaque diripiunt. Hi enim quæ extra nos, sed tamen quæ nostra sunt auferunt: corruptores vero morum proprie nos ipsos decipiunt: quoniam diuitiæ hominum mores eorum sunt.

Quapropter nos qui solitariam vitam experimus, semper ea quæ ad ædificationem pertinent, agere studeamus. Videamus autem ne vitia nostra aliorum virtutibus noceant, ne aliorum feruorem tepor noster debilitet, ne aliorum patientiam nostra ira commaculet, iracundia violet, ne aliorum humilitatem superbia nostra deprauet, ne aliorum sanitatem infirmitas nostra corrumpat, ne aliorum pulcritudinem foeditas nostra contamineat, ne aliorum ardentes extinguamus lampades; ne, quod absit, simul cum fatuis virginibus à regno Dei excludamur. Sed tales nos econtra exhibeamus, vt nostra humilitas aliorum confundat superbiam, nostra patientia proximorum extinguat iracundiam, nostra obedientia pigritiam aliorum tacite increpet, noster feruor aliorum teporem excitet. Tales insuper nos exhibeamus, vt cunctis in exemplo luminis simus. Vnde Dominus præcipit dicens: *Sic luceat lux vestra coram hominibus, vt videant opera vestra bona, & glorificent patrem vestrum qui in celis est.* Hinc Paulus Apostolus ait: *In omnibus ergo teipsum præbe exemplum bonorum operum, in verbo, in conuersatione, in caritate, in fide, in castitate, &c.* Hinc etiam Gregorius doctor egregius in expositione Ezechie-

Mat. 5.  
16.

Tit. 2, 7.

1. Tim. 4.

fff

lis



lis dicit: Quisquis igitur in occulto bene vivit, sed alieno propectui minime proficit, carbo est. Qui vero in imitatione sanctitatis positus lumen ex se rectitudinis multis demonstrat, lampas est: quia & sibi ardet, & alijs lucet. Item ipse: Qui enim, inquit, vitam suam ab alijs sciri refugiunt, sibi metipsis accensi sunt, sed alijs in exemplum luminis non sunt. Hi autem qui exempla virtutum prærogant, & lumen per vitam boni operis, & verbum predicationis alijs demonstrant, iure lampades appellantur. Hinc etenim beatus Hieronymus ait: Innocens & absque sermone conuersatio quantum exemplo prodest, tantum silentio nocet. Hinc enim satis euidenter ostenditur, quod & conuersatione & verbo omnibus esse debemus in exemplum.

Sed valde cauendum est solitarijs, vt laudabiliter vivant, sed laudari nō appetant, ne pro ipsa laude in elationem sua vanam gloriam incidant, ne in ipso quidem pestifero vitio vanæ gloriæ ruant: oportet vt semper illud Apostoli exemplum in corde teneant: *Qui gloriatur, in Domino gloriatur.* Et iterum: *Si gloriari oportet, non expedit quidem.* Idcirco enim hoc dico, quia satis raram est, vt laudabiliter viventem laus humana non capiat, & vana gloria non subripiat. Ille igitur modis omnibus se dedit ad exemplum pertrahi, qui cunctis carnis passionibus inoriens, iam spiritualiter vivit, & vanam gloriam contemnit.

1. Cor. 1,  
81.  
2. Cor. 11  
30.

**CAP. XXII.** *De his qui in regimine prodesse possunt, & propter quietam vitam præesse refugiunt.*

Sunt nonnulli qui magnis muneribus sapientiæ & scientiæ ditati, dum solius contemplationis studio inardescunt, parere utilitati proximorum in predicatione refugiunt, secretum quietis diligunt, secessum speculationis appetunt. Qui nimirum si vocati culmen regiminum suscipere re-  
nuunt,

nunt, ipsa sibi plerumque dona adiungunt, quæ non pro  
 se tantummodo, sed etiam pro alijs acceperunt. Cumque  
 sua & non aliorum lucra cogitant, ex tantis procul dubio  
 rei sunt, quantis venientes ad publicum prodesse potue-  
 runt. Qua enim mente is, qui proximis profuturus eni-  
 tesceret, secretum præponit suum, quando ipse summi Pa-  
 tris unigenitus, et multis prodesset, de sinu Patris egressus  
 est ad publicum nostrum? Denique ipsa veritas discipulis  
 in euangelio dicit: *Non potest ciuitas abscondi supra montem*  
*posita.* Et iterum: *Nemo accendit lucernam & ponit eam sub*  
*modio, sed super candelabrum, et luceat omnibus qui in domo sunt.*  
 Hinc Petro ait: *Simon Ioannis amas me?* Qui cum se amare  
 protinus respondisset, audiuit: *Si diligis me, pascere oues meas.*  
 Si ergo testimonium dilectionis est cura passionis, quisquis  
 virtutibus pollens gregem Dei renuit pascere, pastorem  
 futurum conuincitur non amare. Si curam proximi si-  
 cet nostri gerimus, quasi utrumque podem per calcera-  
 menta munimus. Qui vero suam cogitans, vel tamen pro-  
 ximorum negligit, quasi vnius pedis calceamentum cum  
 dedecore amittit. Sunt etiam nonnulli, qui ex sola humi-  
 litate alijs præfesso refugiant, ne his, quos superiores sibi  
 æstiment, præferantur: quorum profecto humilitas, si cæ-  
 teris quoque virtutibus cingitur, tunc ante oculos Dei  
 vera est, cum ad respuendum hoc quod utiliter subire præ-  
 cipitur, pertinax non est. Neque enim vere est humilis,  
 qui superni nutum arbitrij et debeat præfesse intelligit, &  
 tamen contemnit. Cum enim sibi regiminis culmen im-  
 peratur, si iam donis præuentus est, quibus alijs præfesso &  
 prodesse possit, & ex corde debet fugere, & inuitus obedi-  
 re. Huc usque beatus Gregorius. Nam de eadem re ait  
 sanctus Isidorus: Vir, inquit, ecclesiasticus & cunctis  
 mundo per mortificationem propriæ carnis debet, & di-  
 spensationem ecclesiastici ordinis, si ex Dei voluntate  
 prouenerit, nolens quidem, sed humilis gubernandam.

Mat. 5.

14.

Luc. 11,

33.

10. 31, 35,

16.

suscipiat. Multis intercipit sathanas fraudibus eos, qui vitæ sensus & utilitate præstantes præesse & prodesse alijs nolunt; & dum eis regimen animarum imponitur, renuntiant, consultius arbitrantur otiosam vitam degere, quam lucris animarum insistere. Quod tamen decepti agunt per argumentum diaboli fallentis eos per speciem boni, ut dum illos à pastoralis officio retrahit, nequaquam proficiant, qui eorum verbis atque exemplis instrui poterant.

CAP. XXIII. *De vita & moribus solitariorum. Et qualiter eis in solitaria vita conuersandum sit.*

1. Cor. 1,  
26.

**B**eatissimus igitur Paulus Apostolus de nostra vita ac conuersatione, ut ita dicam, sollicitus, more paterno nos admonet dicens: *Videte vocationem vestram, &c.* Quapropter & nos videamus vocationem nostram; quia aut aliquid, aut nihil prodest, quod solitariam vitam experimus, si tales in ea sumus, quales in sæculo esse potuimus. Venire quidem ad solitariam vitam summa perfectio est, sed non perfecte in solitudine vivere, summa damnatio est. Quid enim prodest, si locus quietus tantum corporaliter teneatur, & inquietudo in corde versetur? Quid, inquam, prodest si in habitatione silentium sit, & in habitatoribus vitiorum sit tumultus, & conuulsio passionum; si exteriora nostra serenitas teneat, & interiora tempestas? Non ideo ad solitariam vitam venimus, ut rebus omnibus abundantes omni quiete fruamur. Non utique ad requiem, nec ad securitatem, sed ad pugnam huc venimus, ad agonem processimus, ad exercenda cum vitijs bella properauimus. Vitia enim nostra, hostes nostri sunt. Caueamus autem ne vnquam cum eis habeamus foedus. Necessaria enim nobis est peruigil cura indefessaque custodia: quia, hostis iste sine pace est: Vinci potest, & recipi in amicitia non potest. Et ideo prælium istud, quod suscipimus,

satis

satis arduum, satis durum, satis periculosum est: quia intra hominem geritur, & nisi eum ipso homine non finitur. Ideo ergo ad hanc tranquillam, secretam, & spirituales vitam venimus, ut quotidie contra passiones nostras in fatigabili congressione decertemus, ut cordis nequitias circumcidamus, vel linguæ gladium retundamus. Turrimusque excessum extruere volumus, præparemus nobis sumptus ad structuram, ut coeprum ædificium ad perfectionem deducamus: ne quando prætereuntibus veniamus in derisum, & gratulentur de nobis inimici nostri, & dicant: Isti coeperunt ædificare, & non potuerunt consummare.

Luc. 14.

Auertat autem Dominus hoc improprium à nobis. Hæc enim turris non ex lapidibus construitur, sed ex virtutibus animæ: nec auri & argenti sumptibus indiget, sed conuersatione fidei: nam terrenæ opes plurimum ad ædificandum impediunt. Difficile namque est duobus dominis seruire, nec potest quisquam seruienti mammonæ spiritualia arma portare, sed iugum suauæ Christi repellit & projicit à se; & quicquid graue & onerosum est animæ suæ, suauæ ei videtur ac leue. Istiusmodi solitarius à proprijs armis vulneratur, & cum diligit periculum, incidit in mortem. Nos autem si cupimus militare Deo, illi soli seruiamus, & terrenas opes postponamus. Peculiariter autem ad professionem nostram pertinet, nihil honoris in hac vita requirere, sed honores fugere, & ad æternæ remunerationis promissa animum præparare, subiectione atque abiectione gaudere, voluntariam paupertatem amplecti, & non solum facultates, sed etiam ipsas cupiditates de cordibus nostris eradicare: quia nihil prodest non habere diuitias, cui voluntas suppetit habendi eas. Non enim tantum habere debemus, quantum cupiditas concupiscit, sed quantum necessitas poscit. Habendi enim amor, nisi ad integrum, refecetur, ardentior est in paruis, & plus torquetur in minimis. Est autem & alia causa valde dura, & nimis dolenda, hoc

30.

hoc est, omni inane studio laboris impendere; & fructum non recipere post laborem? Quid enim prodest ieiunare, & vigilare, & mores non corrigere? Sic est, quomodo si aliquis extra vineam, aut circa vineam extirpet, & excolat, & vineam ipsam desertam ac incultam relinquat, ita ut spinas & tribulos germinet. Aut quid prodest afflictio corporalis, si linguarum nequitijs & obprobriationibus poluamur: cum Apostolus dicat: *Si quis putat se religiosum esse, non refræmans linguam suam, sed seducens cor suum, vana est religio?* Nonne omne opus nostrum velut fumus atque umbra evanescit? & velut facilla stupæ in cinis redigitur? Quapropter frustra nobis de corporis cruce, & pectoris afflictione blandimur, si exterior homo noster, hoc est, corpus nostrum, sanctis laboribus exercetur, & interior à passionibus, hoc est, à detractione, ab ira, ab indignatione, ab hypocrisis, & cæteris huiusmodi vitijs non curatur: Huiusmodi quippe solitarius palis videtur mihi esse, quomodo si à foris statuum auream faciat aliquis, quæ intro lutea sit: vel quomodo si domus magnifica arte constructa, à foris pulcherrimis depicta videatur coloribus, ab intus serpentibus & scorpionibus plena sit: De talibus enim Christus in euangelio dicit: *Va vobis hypocrite, qui similes estis sepulchris dealbatis, quæ à foris hominibus parent speciosas intus vero plenas sunt hypocrisis & iniquitate.* Ipse quoque Dominus velut pius medicus hac de causa nobis infirmis paulo superius dat consilium, dicens: *Munda prius quod intus est, ratio & paraspides, ac fac & id quod de foris est mundum.* Hoc est, munda prius cor tuum ab omni hypocrisis & iniquitate, & ab omni ira & detractione, & tunc erit opus tuum lucidum totum, & non habens aliquam partem tenebrarum.

**CAP. XXXV.** *Item de eadem re qua supra.*

**C**reti enim sumus secundum Domini nostri sententiam superius dictam, quod nisi nostras quotidie caneamus & circumsedamus passionibus, deteriores nos multum effici, quam fuimus, dum in saeculo uiueremus; ita ut sint extrema nostra peiora prioribus. Quapropter non solum nobis à capitalibus criminibus caueamus, sed etiam ipsas paruas negligentias quotidie quasi venenum diaboli respiciamus. Sicut enim per minutissimas rimulas in sentipam naus guttae concursant, sic & minuta peccata quotidie in animam nostram confluant. Et sicut naus posteaquam de fluctibus pelagi euasit, si in portu exsentinata non fuerit, de minutissimis guttis impletur & mergitur: ita & solitarius, deuictis & superatis mundi huius criminibus, quasi periculosis fluctibus, cum ad portum solitudinis uenerit, si repentina & minuta peccata de animae suae sentina exhaustae neglexerit, in ipso quietis portu naufragij discrimen incurrit.

Sed dicit aliquis: Quomodo potest anima exsentinari? Utique orando, vigilando, ieiunando, abstinendo, ipsa peccata confitendo, veram caritatem, veram humilitatem, veram patientiam exhibendo. Quanquam enim solitarius sit iustus & sanctus, nunquam necesse est ut in hac vita sit securus, quia, ut ait scriptura: *Nescit homo verum amare an odio dignum sit, sed omnia in futuro referuntur iusticiae.* Multi enim adhuc laquei tarsi sunt ante pedes animae nostrae. Sicut enim quis transiens super flumen, per angustias arctissimi pontis, etiamsi maiorem partem inoffenso pede iam periculi euasisse se credat, cum in ultimo pontis spatio uenerit, & si paululum titubauerit, casum quem in medio pontis timebat, incurrere poterit. Sic nos etiamsi magna pars vitae istius prospere videntur iam fuisse transacta, non ideo fiduciam praesumamus, cum adhuc periculi pars

*Eccl. 9. 1.*

pars extrema minetur. Nemo ergo securum se esse iudicet, antequam ad finem felici consummatione perueniat. Quid ergo prodest si mihi vinea spem omnem in flore ostendat, & vel ferarum incursio, vel vastitas grandinis, spem omnem in consummatione subducatur? Ideoque omnis prosperitas, omnis labor felicitatis in fine consistit. Ne ergo nimia securitate solvamur; adducatur illa Domini sententia in medium, de qua dicitur: *Vtinam calidus esses, aut frigidus! nunc autem quia tepidus es, incipiam te euomere ex ore meo*. Ac si dicatur: melius tibi fuerat in seculo remansisse frigidum, quam in solitaria vita esse tepidum. Nunc autem quia de seculo recessisti, & feruorem spirituales præ negligentia apprehendere noluisti, tepidus effectus es, vix iterum ex ore Domini respiciendus euomeris. Et ideo necesse est nobis diligenter attendere illam diuinæ scripturæ sententiam dicentis: *Omni custodia serua cor tuum*. Oportet itaque ut inuicem opera nostra quotidie consideremus, & perspicaciter attendamus; quis nostrum in opere Dei sit promptior, quis in oratione feruentior, in lectione sollicitior, in castitate purior, in lacrymarum vbertate profusior, in corpore honestior, in corde sincerior; quis in ira sit mitior, in mansuetudine modestior, in risu rarior, in compunctione feruentior, in gravitate fundatior, in caritate iucundior; & sic nosmetipsos quotidie alterutrum castigemus, quotidie ipsi nobisqum de conuersatione nostra rationem habeamus ad inuicem, dicentes: Videamus si hunc diem sine peccato, sine inuidia, sine murmuratione, sine ira, ac detractioe transegerimus. Videamus si hodie aliquid, quod ad profectum nostrum, & ad ædificationem aliorum pertinet, operati sumus. Videamus si plus hodie risui, si plus cibo, ac potui, si plus otio ac somno quam decebat, indulsumus. Si minus legimus, si minus orauimus quam debuimus: ac si de omnibus negligentijs nostris compungamur in cubilibus, hoc est,

in

Apoc. 3,  
15.

Prim. 4,  
23.

in cordibus nostris: & si aliquod bonum in nobis Dominus largiente, conspicimus, illi, à quo est omne bonum, gratias referamus. Si vero, quod absit, aliquod vitium in nobis deprehenderimus, illud nobismetipsis reputemus: & ad poenitentiam denuo recurramus. Hæc autem quæ supra breuiter prælibauimus, generaliter ad omnes pertinent solitarios: & non solum ad eos, verum etiam ad omnes Dei seruos, & catholicos Christianos. Præterea quoque si duo fuerint simul, ita vt præfatum est, solitarij, oportet vt non otio torpeant, non detractionibus & obscœnis confabulationibus incumbant, sed aut psalmorum modulationibus, aut diuinis lectionibus, aut certe manuum operationibus insistant: horas canonicas cum omni deuotione custodiant, & in his diuinum officium impleant, moxque vt datum fuerit signum, ad oratoria propria conueniant. Quotidie quoque ad Collationem simul veniant, vbi de Dei seruitio, & de communi profectu tractent, & pro admissis sibi inuicem veniam postulent. Si autem vnus solummodo fuerit solitarius, ipse etiam quotidie collationem secum habeat. Sedeat quidem quotidie in tribunali mentis suæ, & statuatur se ante faciem suam, atque ita in corde suo constituto iudicio adsit accusatrix eius cogitatio, testis conscientia, carnifex timor: deinde sanguis animæ confitentis per lacrymas profluat: postremo in conscientia sua se indignum & peccatorem fore iudicet. Hæc quidem de vno.

Si autem, vt prædictum est, duo fuerint, honorem sibi inuicem humiliter deferant. Iunior natu eum qui ætate senior est obsequio sanctitatis veneretur: senior vero ætate iuniorem dictis & exemplis ad bene viuendum informet. Nobilis genere nequaquam ignobili se præferat. Sciat autem quia non est personarum acceptio apud Deum. Neque enim is, qui scientiæ doctrinis, & cæterorum bonorum operum prærogatiuis pollet, se alteri præferat, sed potius de muneribus sibi diuinitus collatis Deo gratias

t t t

agat,



1. Cor. 10  
12.

agat, semper illud Apostoli perpendens, quo dicitur: *Qui se stare putat, cadat ne cadat.* Et illud Hieronymi: *Ti-  
mendum est, inquit, & cadendum, ne veterem gloriam, &  
solidam firmitatem vnius horum procella subuestat. Caritatis  
autem officio se alterutrum humiliter praeueniant. Ad  
illorum autem infirmitates procurandas inuicem conde-  
scendant, & eorum necessitates inuicem provideant: &  
quotidie, si locus ita fuerit congruus, ita pariter reficiantur  
verisque & spiritualibus & carnalibus dapibus. Vna pro-  
speritas sit utriusque similiter & aduersitas, si forte eonti-  
gerit. Vnius voluntas alterius voluntati succumbat. Vtro-  
ramque illorum voluntates Domini voluntati, immo ser-  
uituti subiciantur: & non quod singuli singillatim cupiunt,  
sed quod utrique disponunt, agant; illam Dominicam sem-  
per remissantes sententiam: *Non veni, inquit, voluntatem  
meam facere, sed eius qui misit me Patris.**

1. Jo. 6, 38

#### CAP. XXV. De instrumentis bonorum operum.

1. Jo. 3.

**C**VM ergo omnium sanctarum scripturarum paginae in-  
strumentis bonorum operum sint refectae, & per ea-  
rundem sanctarum scripturarum campos, inueniri pos-  
sint arma, quibus vitia comprimantur, & virtutes nutrian-  
tur; necesse est tamen huius regulae sententiam cuiusdam  
Patris in serere de instrumentis bonorum operum; in qua  
sub magna breuitate quid solitariis agendum, quidue vitan-  
dum sit, conuincitur. Oportet enim eos 1. In primis Deum  
diligere ex toto corde, tota anima, tota virtute. 2. Dein-  
de proximum tanquam seipsum. 3. Deinde non occide-  
re: hoc est, non detrahere; quia, ut ait Apostolus: *Qui de-  
trahit fratri suo, homicida est.* 4. Deinde non adulterare.  
5. Non furtum facere. 6. Non concupiscere. 7. Non  
falsum testimonium dicere. 8. Honorare omnes homines.  
9. Et quod sibi quis fieri non vult, alij ne faciat. 10. Ab-  
ne-

negare semetipsum sibi, ut sequatur Christum. 11. Corpus castigare. 12. Delicias non amplecti. 13. Ieiunium amare. 14. Pauperes recreare. 15. Nudum vestire. 16. Infirmum visitare. 17. Mortuum sepelire.

Quærendum est itaque quomodo possit solitarius infirmum, vel in carcere positum visitare, aut mortuum sepelire, qui non habet quidem facultatem de cellula foras exire, infirmum enim, vel in carcere positum, ille proculdubio visitat, qui in lecto, vel in tenebris vitiorum videt aliquem iacere, & morbo suæ iniquitatis laborare; eumque suæ exemplo operationis atque antidoto salubris exhortationis roborat, quem in bona actione titubare ac debilitati cernebat. Mortuum quoque ille sepelit, qui pro eo devote seduleque preces ad Dominum fundit: non solum autem mortuum sepelit, sed etiam eum, ut ita dicam, à morte suscitât, quando videt aliquem funibus peccatorum suorum obstrictum, & in tenebris suæ iniquitatis quodammodo sepultum, eumque ad confessionem ac penitentiam lamenta per sacræ admonitionis studium prouocat, atque ut ad viam salutis redeat, salubriter instigat. Quocirca sciendum est nobis, quia maior merces est, peccatorem suscitare de vitijs, quam mortuum de sepulchro. Sequitur, 18. In tribulatione subuenire. 19. Dolentem consolari. 20. A sæculi actibus se facere alienum. 21. Nihil amoris Christi præponere. 22. Iræ non perficere. 23. Iracundiæ tempus non reservare. 24. Dolum in corde non tenere. 25. Pacem falsam non dare. 26. Caritatem non derelinquere. 27. Non iurare, ne forte periuret. 28. Veritatem corde & ore proferre. 29. Malum pro malo non reddere. 30. Iniuriam non facere, sed & factam patienter sufficere. 31. Inimicos diligere. 32. Maledicentes se non remaledicere, sed magis benedicere. 33. Persecutionem pro iustitia sustinere. 34. Non esse superbum. 35. Non violentum. 36. Non adacem.

37. Non somnolentum. 38. Non pigrum. 39. Non murmuriosum. 40. Non detractorem. 41. Spem suam Deo committere. 42. Bonum aliquod in se cum viderit, Deo applicet, non sibi. 43. Malum vero semper à se factum sciat, & sibi reputet. 44. Diem iudicii trinare. 45. Gehennam expauescere. 46. Vitam æternam omni concupiscentia spiritali desiderare. 47. Mortem quotidie ante oculos suspectam habere. 48. Actus vitæ suæ omni hora custodire. 49. In omni loco Deum se respicere pro certo scire. 50. Cogitationes malas cordi suo aduenientes mox ad Christum allidere. 51. Et seniori spiritali patefacere. 52. Os suum à malo vel prauo eloquio custodire. 53. Multum loqui non amare. 54. Verba vana, aut ritui apta non loqui. 55. Risum multum & excussum non amare. 56. Lectiones sanctas libenter audire. 57. Orationi frequenter incumbere. 58. Mala sua præterita cum lacrymis vel gemitu quotidie in oratione Deo confiteri; & de ipsis malis in reliquo emendare. 59. Desideria carnis non perficere: voluntatem propriam odisse. 60. Præceptis seniorum in omnibus obedire, etiamsi ipsi aliter, quod absit, agant; memores illius Dominici præcepti: *Quæ dicunt facite; quæ autem faciunt facere nolite.* 61. Non velle dici sanctum antequam sit sed prius esse, quod verius dicatur. 62. Præcepta Dei factis quotidie adimplere. 63. Castitatem amare. 64. Nullum odisse. 65. Zelum & inuidiam non habere. 66. Contentionem non amare. 67. Elationem fugere. 68. Seniores venerari. 69. Iuniores diligere. 70. In Christi amore pro inimicis orare. 71. Cum discordantibus ante solis occasum in pacem redire. 72. Et de Dei misericordia nunquam desperare.
- Ecce hæc sunt instrumenta artis spiritalis: quæ cum fuerint à nobis die noctuque incessabiliter adimpleta, & in die iudicii reassignata, illa nobis merces à Domino recompensabitur, quam ipse promisit: *Quod oculus non vidit*

*vidit, nec auris audiuit, nec in cor hominis ascendit quæ præparauit Deus his qui diligunt eum.* Officina vero vbi hæc diligenter operemur, claustra, vel cellulæ sunt solitiorum, & stabilitas in retractione.

CAP. XXVI. *De obseruatione mandatorum Dei.*

**O**mnibus quidem Christianis expedit obseruare & obedire mandatis Domini nostri IESV CHRISTI, & maxime solitarijs. Sed sciendum nobis est, quod ad conseruandam memoriã Dei, & ad obediendam præceptis eius plurimum prodest etiam secretius & remotius habitare. Nam permixtim viuere cum his qui negligentius agunt circa timorem Dei, & contemptum habent mandatorum eius, plurimum nocet: sicut & Salomonis sermo testatur dicens: *Cum homine irreligioso ne habitaueris, ne forte discas similitudinem eius, & facias laqueos animæ tuæ.* Et iterum: *Ne emuleris hominem iniustum, ne imiteris vias eius.* Vnde & Petrus Apostolus ait: *Iustum igitur & valde iustum est separari eum, qui saluari vult, ab eo qui non vult.* Hinc Paulus sub magna denuntiatione dicit: *Denunciamus autem vos, fratres, per aduentum Domini nostri IESV CHRISTI, ut subtrahatis vos ab omni fratre inordinate ambulante.* Hinc etiam Hieronymus ait: *Negotiatorem clericum, & ex inope diuitem, & ex ignobili gloriosum, quasi quandam pestem fuge: corrumpunt enim bonos mores confabulationes pessimæ.* Tu aurum contemnis, alius diligit: tu caleas opes, ille sectatur: tibi cordi est mansuetudo, silentium, secretum; illi loquacitas. Hic satis euidenter ostenditur, quod plurimum impedit societas & permixtio eorum, qui vitam dissimilem ducunt.

Igitur vt neque per oculos, neque per aures recipiamus malas delectationes ad peccandum, & vt orationi possimus vacare liberius, oportet omnino habitare secretius atque remotius: hoc enim modo & præcedentes consuetudi-

Ecd. 37.  
12.  
Pro. 3. 31.

2. Thes. 3.  
6.

1. Ioan.  
24, 15.

1. Ioan.  
4, 20.

Matth.  
23, 37.

tudines à nobis excidere poterimus, in quibus contra praecepta Dei agebamus. Non enim parvus labor est, vt se aliquis à priori non bona consuetudine reflectat ac reuocet. Vnde illud vulgare prouerbum dicitur: Mala consuetudo aut vix, aut nunquam tollitur. Quapropter si volumus mandata Dei obseruare & custodire, studeamus primo omnium nos ipsos abnegare, & crucem Christi tollere, & sic eum sequi. Ipse Dominus ad amorem sui & obsequationem mandatorum suorum nos prouocat, dicens: *Si diligitis me, mandata mea seruare.* Et iterum dicit: *Qui habet mandata mea, & seruat ea, ille est qui diligit me.* Tunc namque diligimus Deum, si eius mandata seruamus, & omnia visibilia pro amore eius contemnimus. E contrario tunc nequaquam eum diligimus, cum eius praecepta non custodimus. Vnde Ioannes Apostolus ait: *Qui dicit quoniam diligo Deum, & mandata eius non custodit, mendax est.* Vere enim diligimus Deum, si eius mandata obseruamus. In operatione autem mandatorum eius cognoscere possumus, vtrum Deum diligamus, annon. Non enim ordinem mandatorum Christi hic inferere per omnia disposuimus, sed ex parte, & quantum ad propositum nostrum sufficit, & praesens ratio postulat. A parte enim totum intelligitur. Primum itaque ea commemorare oportet, quae nos ad amorem Dei & proximi prouocent, id est: *Diliges Dominum Deum tuum ex toto corde tuo, & ex tota mente tua, & ex omnibus viribus tuis; hoc est maximum & primum mandatum. Secundum autem simile est huic: Diliges proximum tuum sicut teipsum.* In his duobus mandatis tota lex pendet & Propheta. Vnde beatus Gregorius ait: Praecepta Dominica multa sunt, & vnum. Multa per diuersitatem operis; vnum in radice dilectionis. Si in his duobus praeceptis tota lex pendet & propheta, & si utilitas omnium mandatorum vna est, & si omnia mandata vnum esse videntur, tunc non est nobis necesse cuncta mandata Dei in hoc capitulo sigilla-

la-

latum inferere. Sed videamus quid sit quod nobis præcipitur: *Diliges Dominum Deum tuum ex toto corde tuo*. Quid enim est Deum ex toto corde diligere, nisi ut eor nostrum non sit inclinatum ad ullius dilectionem amplius, quam Dei? Verbi gratia, si aurum, si argentum, si varias possessiones & honores temporales, si mancipia, & animalia, ceteraque huiusmodi toto affectu diligimus, Deum ex toto corde non amamus. Pro quanta enim parte in aliquo horum amor cordis nostri fuerit occupatus, pro tanta parte minus est ad Deum, & pro tanta parte minus diligimus Deum. Sicut enim casta mulier, quæ vium suum amat, nullam alium amat: ita & homo, si Deum amat, mundum non amat: si autem mundum amauerit, iam Deum ex toto corde non diligit. Et ideo reflectamus cor nostrum, & mentem nostram, & omnes actus nostros ab amore visibilium rerum, & Deum ex toto corde, & ex tota anima, & ex tota virtute diligamus. Tunc enim Deum diligimus, si omnes sensus nostri, qui pertinent ad mentem, Deo vacent: si intellectus noster Deo ministrat, si sapientia nostra circa Deum est, si omnis cogitatio nostra ea quæ Dei sunt, tractat. Tunc etiam Deum vere diligimus, si semper de eius seruitio cogitamus, & loquimur, & eius mandata iuxta vires adimplere satagimus. Deus enim non se verbis tantum vult diligi, sed corde puro, & operibus iustis. Non postulat a nobis aurum neque argentum, neque aliquid huiusmodi: sed si fuerint nobis ista, dispersit regentibus præcipit. Nos ipsos quærit, in nobis requiescere cupit. Hoc solummodo a nobis exigit, ut eum ex toto corde diligamus, & mandata eius custodiamus, & templa nostra impolluta ei seruemus, quatenus ipse semper in nobis habitet, & nos in illo permaneamus. Quapropter accedamus ad eum, & copulemur in affectu eius.

Sequitur, *Diliges, inquit, proximum tuum sicut teipsum*. Rom. 13. 8.  
*Qui diligit proximum, inquit Apostolus, legem implevit*: qui  
 au-

Matth.  
22, 40.

autem econtrario odit, homicida est. Qui proximum suum diligit sicut seipsum, non occidit illum, non mentitur illi quem diligit: non falsum testimonium de eo dicit; nec illius rem concupiscit; nec insuper hoc, quod non vult vt faciat ei aliquis, facit illi, quem sicut seipsum diligit. Sequitur. *In his duobus mandatis tota lex pendet & Propheta.* Iam enim supra diximus, vt omnium mandatorum vna est utilitas, & omnia mandata vnum videntur esse mandatum; ita sibi inuicem cohærent, vt alterum sine altero esse non possit. Nec enim Deus vere sine proximo, nec proximus vere diligitur sine Deo. Nam, sicut supra diximus, impossibile est omnia mandata Dei in hoc capitulo inferere, sed breuiter succincteque ea commemorauimus, quæ nos ad amorem Dei possint excitare. Sciendum tamen nobis est, quia non solum præcepta euangelica, verum etiam prophetica & apostolica mandata diligentissime scrutari, & fidelissime obseruare, & obedire eis debemus. Ideoque studeamus Deum ex toto corde diligere, & mandata eius scrutari, & semper ante oculos mentis habere, & ea non ex parte, sed per omnia diligere; quatenus illam beatitudinem consequi mereamur, quam ille hymnicus rex & propheta commemorat dicens: *Beati qui scrutantur testimonia eius, in toto corde exquirunt eum.* Studeamus etiam, fratres mei, & proximos nostros vt propria viscera diligere, vt simul cum eis ad gaudia sempiterna feliciter peruenire, & gaudere mereamur.

Psal.  
118, 2.

CAP. XXVII. *Lamentabilis descriptio de his qui præcepta Christi non obseruant.*

**D**E præceptis ergo Domini nostri Iesu Christi vnum adhuc capitulum excipere volui; sed cum reminiscer quod istis temporibus pæne iam nemo sit, qui ea obseruare valeat, vel satagat, maius mihi desiderium exitit fletu-

flessi ; quam scribendi . Merito enim lugendum est , præ-  
 sentis vitæ tempus , in quo tot mala tantaque flagitia vide-  
 mus quotidie cumulari ; quæ si velimus per singula conside-  
 rare , nunquam poterimus a lacrymis temperare . Sic au-  
 tem omnia confusa , & cuncta sunt resoluta , ut iam nec  
 virtutis quidem vestigium usquam appareat . De spurcijs  
 enim & luxurijs , atque de cæteris nequitijs , nostris diebus  
 mundum repletum esse perspicimus : Et , quod est om-  
 nium malorum infelicius , iam nec ipsi emendamur , nec  
 alijs emendandi exemplum præbemus ; sed sumus velut se-  
 pulchra dealbata , quæ a foris apparent hominibus specio-  
 sa , intus vero plena sunt ossibus mortuorum , & omni spur-  
 citia . Et contigit nobis hoc quod illis solet evenire , qui  
 vel phrenesi patiuntur , vel mente capti sunt ; a quibus  
 cum multa turpia & periculosa vel dicantur , vel etiam  
 gerantur , nec pudoris aliquid , nec etiam poenitudinis ca-  
 piunt , quin immo & magnifici sibi ac sapientiores viden-  
 tur esse sanis ac sapientibus . Ita ergo & nos , cum omnia  
 quæ sanitati contraria sunt gerimus , nec hoc ipsum qui-  
 dem , quod est sanitas , novimus . Si forte enim in corpore  
 parum aliquid morbi nos pulsauerit , statim medicos adhi-  
 bemus , & pecunias eis damus , & omni obseruantia quod  
 nobis competit gerimus , nec prius cessamus , quam ea ,  
 quæ nobis molesta sunt , mitigentur . Anima vero cum  
 quotidie vulneretur , lanietur , vratur , præcipitetur , & mo-  
 dis omnibus pereat , nec parua quidem pro ipsa nos cura  
 sollicitat . Certum est enim quod nos omnes pariter cor-  
 rumpit & absomit incuria , dum nemo est qui opportuna  
 præbeat , & inopportuna prohibeat ; & cum omnes cura  
 indigeamus , nemo est qui medicinam prædicationis adhi-  
 beat , & poenitentiam curationis imponat . Etenim si reli-  
 giosus homo aliquis extrinsecus vndeunque in his parti-  
 bus adueniret , & præceptorum Christi ac nostræ conuer-  
 sationis confusionem videret , nescio si alios aliquos magis  
 u u u  
 quam



Matth.  
5, 21.

quam nos, inimicos esse & contrarios præceptorum Christi iudicaret, & quasi qui studium quoddam habuerimus, in omnibus contraria agere, quam Christus nobis præcepit. Sed ne quis putet forte exaggerationis causa a me hæc verba proferri, probamenta iam nunc adhibebo: non aliunde, quam de ipsis Christi mandatis: Christus enim noster in Euangelio ait: *Audistis quia dictum est antiquis: Non occides; qui autem occiderit, reus erit iudicio. Ego autem dico vobis; quia omnis qui irascitur fratri suo, reus erit iudicio: qui autem dixerit fratri suo racha, reus erit concilio: qui autem dixerit fatue, reus erit gehenna ignis.* Hæc quidem Dominus Iesus. Nos autem tanquam increduli & infideles calcamus hanc legem, & quotidie innumeris iniurijs fratres nostros afficimus, quasi inde aliquid præmij expectemus. Sed videamus nunc quantum sit inter iustitiam Phariseorum & Christianorum. Illos, occisio reos facit iudicio, nos autem ira similiter reos facit iudicio. Et si nos ira reos facit iudicio, quomodo audemus quotidie tam leuiter non solum contra iuniores, verum etiam contra æquales ac maiores nostros irasci? Non solum autem de ira, verum etiam de omni verbo otioso, secundum eiusdem Domini nostri sententiam, reddituri sumus Deo rationem. Racha enim dicitur inanis & vacuus. Et cum frater noster ita credat in Christum, sicut & nos, quomodo illum audemus inanem, vel vacuum, vel absque mente vocare? Nam quod Dominus racha & fatue dicit, hoc ostendit, quia nec leue quidem, nec minimum in fratre collatum conuitium nobis relaxabitur, ut non pro omnibus iudicemur nisi læso satisfecerimus, & condignam poenitentiam in hac vita agamus. Et ideo de istis leuioribus mandatis sententiam dedit nobis Christus, ut & de cæteris omnibus quæ præuaricamur similiter sentiamus. Præterea quoque in tantum humanus metus timori Dei præponitur, ut si fortiores, ac potentiores nostri aliquam iniuriam aut contumeliam

no-

nobis faciant, ipsas etiam prompte & mansuete sustineamus; erga coæquales vero vel inferiores interdum nec læsi commouemur & irascimur. Quis ergo erit immunis aut alienus ab hac culpa? Si autem miles terrenus in conspectu regis terreni non ausus est irasci, neque aliquid suæ indignationis ante oculos eius ostendere, quomodo audeamus coram Rege æterno irasci, & indignationem nostram ante faciem eius ostendere? Rex ergo terrenus de foris tantum videt hominum corpora, & ipsa solummodo habet in potestate: Rex vero cælestis cordis nostri conspiciat arcana, & potestatem habet vtrumque, & corpus & animam, perdere in gehennam. Propter quod nec erga famulos quidem negligendum est istud præceptum. Neque enim sine causa debemus contra ipsos irasci; quia & illi a Christo simili vt nos libertate sunt donati. Neque etiam si aliquem videmus mandatum Domini præterire, irasci contra eum debemus; sed potius miserationem & compassionem erga illum nos habere oportet; secundum eum qui dixit: *Quis infirmatur, & ego non infirmor?* Illud autem quod in sequentibus habetur, quis non infideliam etiam fabulosum iudicet, cum æterna Dei voce sancitum sit? ait enim: *Si autem offers munus tuum ad altare, & ibi recordatus fueris, quia frater tuus habet aliquid aduersum te, relinque ibi munus tuum ante altare, & vade prius reconciliari fratri tuo; & tunc veniens offers munus tuum.* Nos autem econtra pugnas habentes ad inuicem, & dolos in corde versantes, accedimus ad altare Dei. Et cum Deus & Dominus tantam curam reconciliationis nostræ habeat, vt patiatur munera sua relinqui, & ante altare imperfecta manere, atque interrumpi mysteria sua, donec eamus, & iracundiam cum fratribus nostris soluamus, & nodos, & inimicitias. Nos vero nec in hoc quidem erubescimus, sed dies multos manemus in inimicijs, & trahimus sicut funem longum iram & voluntatem malam; ignorantes quod tantum longa

2. Cor.  
11, 29.

Matth.  
5, 23.

Ephes.  
4: 31.

erit nobis poena, quantum & discordia. Hoc etiam ad conculum nostræ confusionis est, ut si quid boni nobis dicatur de inimico, non credimus; si quid autem mali, hoc solum credimus, & confirmamus. Et si forte irasci nobis accidat, præcipit Dominus ut ante solis occasum iracundiam nostram finiamus. Vnde dicit: *Sol non occidat super iracundiam vestram*. Nos autem econtra ne hoc quidem contenti sumus, ut iracundiam nostram ultra solis terminum producamus; sed insidias inuicem ponimus, & siue verbis siue rebus supplantare proximos nostros cupimus. Nam osculum pacis quo tempore munera sacra offeruntur, porrigere inuicem in usu habemus; sed vereor ne plures ex nobis hoc labijs tantummodo faciant, cum Christus pacem non ex ore, sed ex corde desideret. Vnde per hæc Deus potius exacerbari, quam placari credendus est. Puritas enim & veritas in conspectu Dei placent; respuit autem & odit omne quod simulatur & fingitur. Nam pro his singulis lacrymæ nobis fundendæ sunt, & confusio habenda est. Cætera vero præcepta quæ restant, in sequenti capitulo, ob compendij causam, breuiter & diligenter discutienda reliquimus.

CAP. XXVIII. *Item de eadem lamentatione quæ supra.*

Mat. 5.

**I**am vero quæ de consentiendo aduersario, vel de concupiscentia illicita, & de oculo dextro, & de manu dextra, & de relinquendis vxoribus præcipiuntur, quasi nec scripta sint nec audita, ita contemnuntur. In oculo enim dextro & manu dextra, parentes nostros atque propinquos intelligimus: quod si ad contemplandam veram lucem nobis impedimento sunt, debemus truncare istiusmodi portiones; ne dum volumus cæteros lucrificare, ipsi in æternum pereamus. Nam de non iurando erubesco proferre in medium, non solum propter iuramenta, sed etiam pro-

propter periuriam. Si enim verè iurare crimen est, & præ-  
 manatio mandati; de periurio quid dicamus? Euangeli-  
 ca autem veritas iuramentum non recipit: cum omnis  
 sermo fidelis pro iureiurando sit. Post hæc autem Domi-  
 nus ait: *Si quis te percusserit in dextram maxillam, præbe illi & Matrh.*  
*alteram: & volenti tecum iudicio contendere, & tunicam tuam,* 33 39  
*auferre, relinque illi & palliū. Et si qui angariauerit te mille*  
*pāssus, vade cum illo alia duo. Petenti te, da ei. Et volenti mu-*  
*tuari a te, ne auertaris.* Ad hæc enim quid dicimus? Pro  
 singulis autem his lacrymæ nobis tantummodo proferen-  
 dæ sunt, & confusio habenda est: aperte enim contra  
 hæc omnia militamus. Pati autem aliquid ex his quæ scri-  
 pta sunt ac forte, neque in verbis, neque in rebus vnquam  
 volumus. Sed etsi in aliquo saltem vel leuiter pulsemur,  
 continuo velut feræ bestię contra eos insurgimus. Sed li-  
 cet nos in omnibus contraria agamus quæ præcipit nobis  
 Christus, tamen eminentius ab eo docemur: Qui diripue-  
 rit, inquit, quæ tua sunt, qui te læserit, qui tibi nocue-  
 rit, non solum pro his quæ tibi abstulit, non indigneris;  
 sed & dilige, & tota caritate constringe, & etiam pro  
 ipso ad Deum diligenter preces funde. Ac si dicatur:  
 Cum ille qui ad diripienda quæ tua sunt iniquo spiritu fue-  
 rit accensus, si te prolixiorē inuenerit in largiendo quam  
 ille venerat in diripiendo, quamuis ille sit ferus & barba-  
 rus, erubescet tamen bonitatem tuam, mitigabitur a furo-  
 re, resipiscet continuo & facti poenitebit, ac suum quidem  
 peccatum exhorrescet, tui vero animi virtutem mirabi-  
 tur & amabit. Sed hoc ubi nunc inuenio? Cuius enim  
 talem vitam mirabor? Neminem autem nunc inuenire  
 queo, qui hanc iniuriam patienter ferre velit. Christus  
 enim nos orare pro persequentibus & calumniantibus iur-  
 bet; nos autem non solum contra inimicos, sed etiam  
 contra amicos sæpe inimicitias & insidias ponimus. Chri-  
 stus maledicentibus benedici iubet, nos e contra non so-  
 lum

Luc. 23,  
34.

Matth.  
11, 30.

Matth.  
6, 12.

Ecclesi  
28, 3.

lum multiplicatas maledictiones restitimus, sed etiam si possumus pro verbis flagellis eos caedimus. Non tibi videntur ò homo omnimodis contraria esse, vt dixi, praeceptis Christi quæ gerimus? Nonne magis pugnam habemus contra mandata eius, quam obedientiam? Et ideo merito lugemus, & inobedientiam nostram merito plangimus. Sed dicit aliquis; impossibilia nobis præcipit Christus. Quid agis ò homo? Numquid ignoras quid Dauid in Saul fecit? Quid Stephanus martyr, qui pro lapidantibus exorauit? Ohlitusne es, quid ipsemet Christus docuit & fecit, dicens: *Pater ignosce illis, non enim sciunt quid faciunt?* Volentibus enim obseruare Christi præcepta, non sunt impossibilia, sed leuia; nolentibus vero & inobedientibus videntur esse dura & impossibilia: cum idem Dominus dicat: *Onus meum leue, & iugum meum suauis.* Iam vero quid dicam de hoc quod scriptum est in oratione Dominica: *Dimitte nobis debita nostra, sicut & nos dimittimus debitoribus nostris?* Quisnam est ex omnibus nobis, qui cum fiducia hæc Deo dicere audeat? Nam etsi nihil faciamus inimicis & debitoribus nostris, habemus tamen intra nos insanabile vulnus iræ retentum in corde. Et si tantummodo non lædas eum qui te læsit, auertis te tamen ab eo, nec libenter eum vides, manet sine dubio vulnus in pectore, & dolor augefcit in corde. Nunquid tu ira vis propitium tibi fieri Deum; vt non quidem te lædat, auertat se tamen abs te, & peccatorum tuorum memoriam teneat, & videre te nolit? Igitur qualem vis esse erga te Deum, cum peccatorum veniam poscis, talem te exhibere debes his qui deliquerunt in te; sicut & sapientium quidam dixit: *Homo homini seruat iram, & a Deo querit medelam.* Et si homo erga hominem non habet misericordiam, quis propitiabitur delictis eius? Vellem silere iam & hac usque progressus finem sermonibus meis imponere. Erubeſco enim & confundor vltra procedere. Sed quid iterum

ta-

tacere proderit, cum ab ipsis mandatis Christi, quæ impugnamus, si enter etiam arguamur? Quomodo autem latebimus, cum qui nouit corda nostra, iudicaturus est ea? Quid ergo dicam de illo mandato, quo iubemur non thesaurizare super terram? Cæteri vero quasi e contratio audierint præceptum, & quasi dictum sit ad eos: Thesaurizate omni modo super terram: Ita relinquentes caluum adhaerunt terræ, & insariunt erga pecunias congregandas, totoque affectu odiant Deum, diligunt autem mammonam. Quod autem dictum est, *Nolite cogitare de crastino*, nec audire scio aliquem, nec omnino seruare. Et propterea de hoc mandato dicere aliquid erubesco. Etenim oportebat nos quocunque pacto loquente Christo & pronuntiante non dubitare, sed credere. Nunc vero etiam cum & causas & rationes adhibear mandatorum suorum, atque exemplis ea validissimis muniar, nec sic quidem erubescimus. Propter hoc enim & auium quæ non arant, neque feminant, & liorum quæ non nent, similitudines posuit, ut nemo dubitaret. Et tamen nos sicut gentes, aut forte etiam aliquid desperabilius gentibus de his cogitando consumimur. Sed de hoc, ut dixi, mandato plura dicere erubesco, ad sequentia tamen veniam, si forte alicubi solatium qualecumque mei pudoris inueniam. Quid ergo sequitur post hæc? *Nolite iudicare, ut non iudicemini.* Matth. 7. 1. Ego enim solatium mei pudoris inuenire credebam, augmenta nunc confusionis reperi. Si autem nullum nobis peccatum aliud fuisset admissum, pro hoc solo gehennæ nos tradi satis abundeque sufficeret; quippe qui in alienis delictis seueri & amarissimi iudices residemus; nostras autem trabes in oculis proprijs infixas non videmus: a quo vitio neque sæculi hominem, neque monachum, neque etiam solitarium vllum facile reperiēs liberum. Neque etiam de hoc exhorrescimus, quod idem ipse ait: *In quo enim iudicio iudicaueritis, iudicabimini.* Ibid. Nam dic mihi quid la-

laboris habet, ut non iudices, alium? Nos autem qui cum  
possimus sine labore mandatum Dei seruare, laboramus  
& nitimur, ut illud præuagiemur. Quia & reuera ipse  
pronuntiavit de præceptis suis, quod nihil in eis onerosum  
sit, sicut paulo ante retuli, id docens: *Iugum meum suauē*  
*est, & onus meum leue.* Nos namque econtra grauiam effici-  
mus, quæ illa leuia constituit. Quamuis enim sint aliqua,  
in quibus paululum laboris adhibendum est, tamen quic-  
quid ipse præcepit leue est, etiam si sit tribulatio. Et si tri-  
bulatio, quomodo leue est? Leue, inquam, est, quia im-  
mensum pondus futuræ gloriæ leuem facit præsentis tem-  
poris tribulationem. Sequitur: *Nolite, inquit, dare san-*  
*ctum canibus, neque proijciatis margaritas vestras ante porcos.* Nos  
vero econtra laudis amore, & iactantiæ vitio corrupti;  
etiam huic præcepto contraria gerimus, atque hominibus  
neque intellectum purum habentibus, neque fidem sanam  
retinentibus, & insuper peccatorum maculis innexis, sine  
ulla discretionē mysteriorum secreta nudamus. Multum  
est enim, si velimus singula quæque mandata discutere;  
quæ omnimodis in contemptu habentur ab hominibus;  
ut illud: *Quodcumque vultis ut faciant vobis homines, eadem*  
*& vos facite illis.* Nos namque è contrario omnia facimus  
hominibus, quæ ipsi nolumus pati. Et rursus, qui iussi  
sumus per angustam viam incedere, per latam semper in-  
cedimus. Hi autem qui videntur sustulisse crucem suam,  
& sequi Christum, de lata & spatiosa via sollicitè requi-  
runt. Sic enim facere solent illi, qui sæculum relinque-  
re disponunt. Cum autem de monasterijs aut de retru-  
sione, vel etiam de locis habitantium percunctantur, ante  
omnia de requie tractant & de opportunitate. Prima ta-  
men sollicitudo statim & prima verba ista sunt: Estne ibi  
requies quo eundem est? Inueniuntur ibi ea quæ neces-  
saria sunt abundanter? Primum enim, ut dixi, sollicitè re-  
quirunt, si nihil horum desit, quæ lata & spatiosa vita de-  
poscit.

Mat. 11,  
30.

Mat 7.6.

Ibid.

poscit. Quid agis ô homo? Quid loqueris? Arctam & angustam viam iussus es ambulare, vt quid de requie, vt quid de abundantia percunctaris? Verum ne me existimet aliquis hæc dicendo alios incusare, iam nunc de meipso narrabo. Quondam cum de sæculi abrenuntiatione, & de solitaria habitatione cogitare coepissem, ego scio quam sollicite infra memetipsum perscrutabar, vnde viuerem, & vnde mihi in ipsa habitatione ea quæ necessaria sunt corpori præberentur? Sed & illud non segniter requirebam: vnde haberem vestimenta, vnde luminaria, vnde etiam ligna, & legumina, & cætera talia. Ita enim ego cum omni sollicitudine de requie corporis apud memetipsum tractabam. Heu, quam subtiliter ille artifex mali diabolus nos decipit, & quanta cæcitate oculos nostræ mentis obducit! Ad regnum cælorum cupimus ascendere, & interrogamus si aliqua nobis difficultas occurrat in itinere. Ad cæli fastigium & diuitias festinamus: ad ipsas inquam diuitias, quas nec oculus vidit, nec auris audiuit, neque in cor hominis ascenderunt; & de requie corporis percunctamur?

Nam, sicut diximus supra, multum est si velimus singula quæque mandata Christi in hoc loco discutere. Tamen oportet nos flere & lugere pro his singulis quæ impugnamus, & in contemptu habemus, quatenus ab ipsis sceleribus, quæ per inobedientiam & contemptum eorundem mandatorum Christi incurrimus, vberimis lacrymarum fletibus ablui expiarique, Deo opulante, mereamur.

#### CAP. XXIX. *De compunctione cordis.*

Compunctio etenim cordis est humilitas mentis, cum lacrymis, & recordatione peccatorum, & timore iudicij. Nam ex humilitatis virtute compunctio cordis na-

xxx

sci-



scitur . De compunctione cordis confessio peccatorum propagatur . De confessione peccatorum poenitentia generatur . De poenitentia autem indulgentia peccatorum percipitur . Quatuor enim sunt qualitates affectionum, quibus mens iusti tedio salubri compungitur, hoc est, memoria præteritorum, peccatorum, recordatio futurarum poenarum, consideratio peregrinationis suæ in huius vitæ miseria, desiderium supernæ patriæ, quatenus ad eam quantocyus valeat peruenire . Quando ergo ista in corde fiunt, credendum est tunc esse Deum per gratiam cordi humano præsentem . Præterea quoque oportet nos, qui compunctionem cordis perfecte desideramus, habere prius animo & mente ab omni perturbatione ac fluctuatione visibilium rerum secedere, atque ad illa conscendere silentia, ubi quies summa, iugis tranquillitas, & pura est serenitas; ibique oculum mentis nostræ tota intentione semper debemus defixum habere . Oportet etiam nos diem mortis ante oculos mentis habere, & præterita peccata, ad memoriam reuocare; & eorum qui in inferno gemunt rememorari, & quomodo ibi sunt animæ, in quam amarum silentio, aut in quam pessimo gemitu, vel metu, siue cruciatu, aut in quali expectatione & dolore; & pro his infinitas debemus lacrymas fundere . Recogitemus autem diem resurrectionis, & illud terribile, & horrendum, atque tremendum iudicium Christi; & præmium iustorum, & repositam peccatoribus poenam, quam passuri sunt in conspectu Dei . Sed & supplicia omnia, & ignem inextinguibilem, & vermes immortales, & tartarum tenebrarum ad memoriam reuocemus: & super hæc omnia dentium stridorem, & tormenta perpetua pertimescamus . Adducamus etiam ad medium bona, & gaudiosa gaudia, quæ sunt iustis reposita coram Deo & angelis eius in æterna gloria . Cogitemus autem quam gloriosi sint illi angelorum chori, quæ societas beatorum spirituum, & quæ sit

fit maiestas æternæ visionis Dei. Vtrorumque horum commemorationem iugiter in cordibus nostris habeamus: super iudicia quidem peccatorum ingemiscamus, super bona vero iustis reposita gaudeamus: sicque fit, ut perfecta compunctio formidinis tradat animum compunctioni dilectionis.

CAP. XXX. *Quod duo sunt genera compunctionum.*

**D**uo igitur sunt compunctionum genera, hoc est, irriguum superius, & irriguum inferius. Irriguum quippe inferius quisque accipit, cum inferni supplicia flendo pertimescit. Irriguum vero superius accipit, cum sese in lacrymis cælestis regni desiderio affligit. Sciendum namque est, quia nullum habebit accessum ad compunctionem cordis, is qui in risu & iocis immoderatus fuerit. Non enim conuenit ei, qui ad perfectionem nititur ascendere, in modum paruuli insensati iocari, nec dissolutis labijs risum proferre, sed subridendo tantum mentis lætitiā indicare. Amentia namque est cum strepitu ridere. Paruuli enim est ludere, perfecti autem viri lugere. iocus vero & risus negligentem & tepidum efficiunt virum iustum erga Dei seruitium. O quantam perniciem præparant risus & iocus! & e contrario quantum lucrum afferunt fletus ac luctus! Quem enim delectat hic ridere, postmodum flebit amarissime: qui autem hic lugere voluerit, in posterum sine fine gaudebit. Nam & Saluator noster beatos vocat lugentes; & qui nunc lætantur, flere eos dicit, in nouissimo. Vnde Iacobus Apostolus ait: *Miseri estote & lugete, risus vester in luctum conuertatur, & gaudium in moerorem.* Hinc per Salomonem dicitur: *Risus dolore miscbitur.* Hinc Gregorius ait: Nemo potest & hic gaudere cum sæculo, & illic regnare cum Christo. Hinc etiam in collationibus patrum legitur: Vidit, inquit;

Ios. 19.

Iac. 4. 9.

Prou. 14.  
13.

senex quemdam ridentem, & ait illi: Coram cælo & terra rationem totius vitæ nostræ reddituri sumus, & tu rides? Quapropter non nos oblectet puerilis iocus ac risus, sed lectiones sacræ & spiritualis melodix cantus. Quamuis enim dura sint corda nostra ad lacrymas producendas, mox tamen vt psalmorum dulcedo insonuerit, ad compunctionem cordis animum nostrum inflectit. Multi enim reperiuntur, qui cantus suauitate commoti sua crimina plangunt, atque ex ea parte magis flectuntur ad lacrymas, ex qua psallentis insonuerit dulcedo suauitatis. Sed studendum nobis est, vt etiam post compunctionis tempora, in quantum Deo largiente possumus, ipsam vim lacrymarum in nosmetipsos conseruemus; ne nos post compunctionem cordis cogitatio fluxa dissoluat; ne mentem nostram vana lætitia subripiat; ne lucrum compunctionis anima nostra per incuriam fluxæ cogitationis perdat. Sic quippe quod poposcerat, obtinere anima meruit, quia se post lacrymas in eodem mentis vigore seruauit. De qua nimirum scriptum est: *Vultus eius non sunt amplius in diuersa mutati*. Quia igitur non est oblita quæ petijt, non est priuata munere quod poposcit. Nos autem quia post baptismum inquinauimus vitam, rebaptizemus in lacrymis conscientiam nostram. Qui ergo lacrymas indefinenter fundit, & tamen peccare non desinit, hic lamentum habet, sed mundationem non habet. Vbi autem lacrymæ abundant, ibi cogitationes sordidæ non approximant. Compunctio sanitas animæ est, compunctio illuminatio mentis est; compunctio remissio peccatorum est; compunctio Spiritum sanctum habitare facit in se.

1. Reg. 1.  
18.

CAP. XXXI. *De reuerentia & instantia orationis.*

**O**portet itaque nos certissime scire, & veraciter credere, quia assiduitate orationum adipisci possumus remiss-

missionem omnium peccatorum; si tamen actus orationi, & labia cordi non discrepauerint. Melius enim est corde orare cum silentio sine sono vocis, quam solis verbis sine intuitu mentis; quia non verba deprecationis Deus intendit, sed cor orantis aspicit. Nam negligentes orationes nec ab ipso homine impetrare valent quod volunt. Si enim cum hominibus potentibus volumus aliqua suggerere, non præsumimus nisi cum humilitate & reuerentia; quanto magis Domino Deo vniuersorum cum cordis humilitate, & puritatis deuotione, supplicandum est? Et non in multiloquio, sed in puritate cordis nos exaudiri sciamus: Et ideo brevis & pura debet esse oratio; nisi forte ex affectu inspirationis diuinæ gratiæ protendatur. Cum enim in oratione adfistimus, gemere & flere debemus; reminiscentes quam graua sunt scelera quæ commisimus, quamque dira inferni supplicia quæ timemus. Longe quippe à Deo est animus, qui in oratione cogitationibus sæculi fuerit occupatus. Et tunc veraciter oramus, quando aliunde non cogitamus. Sed valde perpauci sunt, qui tales orationes habeant: & licet in quibusdam sint, difficile tamen est vt semper sint. Tunc autem magis diabolus cogitationes curarum sæcularium nostris mentibus ingerit, quando nos orantes aspexerit. Sed nos e contra tam perseueranter in oratione persistere debemus, quousque importunas sæcularium rerum cogitationes ab inimico latenter immisas superemus. Quoties enim quilibet aliquo tangitur vitio, toties se ad orationem subdat; quia frequens oratio vitiorum impugnationem extinguit. Et qui læditur, non desistat orare pro se lædentibus: quia sicut nullum proficit in vulnere medicamentum, si adhuc ferrum in eo sit, ita nihil illius oratio proficit, cuius adhuc dolor est in mente, & odium manet in pectore.

Tantus ergo debet esse orantis affectus erga Deum, vt non desperet precis effectum. Inaniter autem oramus, si  
spei

S. Beno.  
diſt. Reg.  
cap. 20.

*Iac. 1, 6.* spei fiduciam non habemus: *Potest autem unusquisque*, ut ait Apostolus, *in fide nihil habere. Nam qui dubitat, similis est unda maris, quæ à vento mouetur, atque dispergitur.* Diffidentia enim nascitur ex hoc, quod adhuc se quisque sentit circa peccandi affectionem versari. *Multum enim*, inquit apostolus, *valet deprecatio iusti assidua.* In tantum utiq; valet, ut etiam per eam dæmonia vincantur, & aditus eorum per ipsam obstruantur, ut non quocunq; volunt, vadant. Vnde in Tripertita historia legitur ita: Téporibus Iuliani apostatæ missus est dæmon ab ipso in Occidentem, ut iret velociter, & asferret ei inde aliquod responsum. Cum autem peruenisset dæmon ille in quodam loco, ubi quidam monachus habitabat, stetit ibidem per decem dies immobilis, eo quod non poterat ultra progredi; quia monachus ille non cessabat orare neque nocte, neque die: & regressus est sine effectu ad eum qui miserat illum. Cui reuertenti dixit Iulianus: Quare tamdiu tardasti? Respondens dæmon ait: Et moram feci, & sine actione reuersus sum. Sustinui enim decem dies Publium monachum, si forte cessaret ab oratione, ut transirem; & non cessauit, & prohibitus sum transire, & redij nihil agens. Tunc impiissimus Iulianus indignatus dixit: Cum illuc ingressus fuero faciam in eo vindictam. Et intra paucos dies Iulianus Dei prouidentia interijt. Et continuo vnus ex præfectis qui cum eo erant, abijs, & vendidit omnia quæ habuit, & veniens ad senem illum factus est monachus magnus, & sic permansit cum eo donec quiescit in Domino. Vbi datur intelligi, quia oratio seruorum Dei continua non solum homines saluat, sed etiam diaboli tela exsuperat. Per orationes autem purissimas omnia nobis vtilia à Domino tribuuntur, & cuncta noxia proculdubio effugantur. Idcirco necesse est nobis & ore & corde sine intermissione orare.

CAP.

CAP. XXXII. *Quomodo possit aliquis sine  
intermissione orare.*

**D** si seruum autem, & maxime solitarium, oportet sine intermissione orare, legere & operari, ne forte mentem otio deditam spiritus malignus inuadat. Orationibus autem mundamur, lectionibus instruimur, operationibus vero corpus, ne forte superbiat, fatigamus. Sed querendum nobis est, quomodo quis possit sine intermissione orare. Quidam enim dicere volunt, quod ille sine intermissione orat, qui canonicas horas obseruat. Nobis vero non expedit cæteris horis ab oratione vacare; sed secundum apostolum sine intermissione debemus orare. Sic autem Domino miserante poterimus illud præceptum implere, id est, si iugiter lingua orare non possumus, vel corde oremus: & si ore, vel corde indefinenter orare nequimus, vel etiam actus nostri tales sint, ut semper pro nobis Deum exorent.

Vnde in Collationibus patrum tale datur exemplum: Lucius Abba interrogauit quosdam fratres, dicens: Quod est opus manuum vestrarum? At illi dixerunt: Nos non contingimus aliquod opus manuum; sed, sicut apostolus dicit, sine intermissione oramus. Dixit eis senex: Et non manducatis? Illi autem dixerunt: Etiam manducamus. Et dixit eis: Quando ergo comeditis, quis orat pro vobis? Et iterum interrogauit eos dicens: Non dormitis? Et illi dixerunt: Etiam dormimus. Et senex adiecit: Cum dormitis, quis orat pro vobis? Et non inuenerunt quid ad hæc responderent ei. Et adiecit: Ignoscite mihi, fratres, quia ecce non facitis sicut dixistis. Ego autem ostendam vobis quia operans manibus meis sine intermissione oro. Sedeo namque, iuuante Domino, infundens mihi paucas palmulas, & facio ex eis plectam, & dico: *Miserere mei* Psal.  
*Deus secundam magnam misericordiam tuam: & secundam multi-* 103.  
tudi-

*tudinem miserationum tuarum dele iniquitatem meam.* Et dixit eis: Oratio hæc est, an non? Et dixerunt ei: Etiam. Ille autem dixit: Quando permanfero tota die laborans, & orans ore vel corde, facio plus aut minus sex nummos, & duos ex his dono pauperibus foras ad ostium, & residuos expendo in vſus meos & discipulorum meorum. Ille vero qui accepit illos duos denarios, orat pro me tempore quo ego manduco vel dormio: atque ita per gratiam Dei impletur in me hoc quod scriptum est: *Sine intermissione orate.* Quapropter oportet nos, sicut prædictum est, ore vel corde indefinenter orare, vel tale opus facere, ut ipsum pro nobis Deum exoret.

*Matth. 6, 7.* Illud quoque huic apostolico præcepto quasi contrarium esse videtur quod Dominus ait: *Orantes autem nolite multum loqui, sicut ethnici faciunt.* Itaque animaduertendum est, quod Dominus non dixit: Nolite multum orare, sed nolite multum loqui, sicut ethnici faciunt, qui secundum politam eloquentiæ facultatis facundiam orant. Ille enim sine intermissione ad Deum orat, qui peccanti in se fratri dimittit; qui non ab hominibus, sed à Deo laudem quærit; qui aduersus turbam vanorum phantasmatum ostium cubilis cordis sui claudit: & ne aliquod impedimentum eius oratio patiat, in amore Dei mentis oculum figit.

CAP. XXXIII. *Quod omnes vana cogitationes ex illusione demonum fiunt.*

Nvlla ergo virtus est in conversatione servorum Dei, quæ talem habeat laborem, quomodo oratio. Dum enim voluerit homo Deum suum orare, semper dæmones festinant orationem eius interrumpere; scientes quia ex nulla alia re tantum impediuntur, quantum per orationem ad Deum fusam. Si quidem omnem alium laborem,

rem, quem homo in conuersatione religiosa positus assumpserit, quamuis instanter agat, habet tamen aliquam requiem. Oratio autem, vt dictum est, nullam habet requiem. Qua de re in vitis Patrum ita legitur: Quodam tempore, nocte dæmon ad ostium cellulæ beati Macarii pulsauit, dicens: Surge Abba Macari, & eamus ad collectam, vbi fratres ad vigiliæ congregantur. Sed ille qui gratia Dei repletus erat prudentia, falli non poterat, intellexit diaboli esse fallaciam, & ait: O mendax & veritatis inimice, quæ tibi societas cum collecta & congregatione sanctorum? At ille: Latet ergo te, inquit, ò Macari, quod sine nobis nulla congregatio monachorum agitur? Tum ille: Imperet, inquit, tibi Dominus immunde. Et ille adiecit: Veni denique, & videbis opera nostra. His dictis, dæmon discessit. Et Abbas conuersus ad orationem perijt à Deo, vt ei ostenderet si hoc verum esset, quod gloriatus est dæmon. Abijt ergo ad collectam, vbi à fratribus vigiliæ celebrabantur, & iterum in oratione Dominum deprecatur, vt sibi verbi huius veritatem ostendat; & ecce vidit per totam Ecclesiam quasi paruulos quosdam Æthiopes discurrere huc atque illuc, & velut volitando deferri. Discurrentes ergo illi Æthiopes pueruli singulis quibusque sedentibus alludebant: & si cui duobus digitulis oculos compressissent, statim dormitabat. Si cui vero in os misissent digitum, oscitare eum faciebant. Vbi vero post psalmum ad orandum proiecissent se fratres, percurrerant nihilominus singulos, & ante alium iacentem in oratione quasi in mulierum speciem vertebantur: ante alium autem quasi ædificantes, aut aliquid portantes, ac diuersa quæque agentes apparebant; & quæcunque demones quasi ludendo formassent, hæc illi orantes in cordis sui cogitatione versabant. A nonnullis tamen vbi aliquid horum agere coepissent, quasi quodam repulso præcípites deijciebantur, ita vt nec stare quidem prorsus aut transire

y y y

iuxta



iuxta eos auderent. Alijs vero etiam supra dorsa & ceruices ludebant. Hæc cum vidisset sanctus Macarius, ingemit grauitè, & ait cum lacrymis : Exurge Domine vt dispergantur inimici tui , & fugiant à facie tua ; quoniam impleta est illusionibus anima nostra . Post orationem autem vocatis seorsum singulis quibusque fratribus , ante quorum faciem viderat dæmones varijs imaginationibus ludentes , requisit ab eis, si in oratione vel ædificandi , vel portandi cogitationes habuerint , vel ita agendi talia diuersa , quæ vnicuique imaginata per dæmones viderat , & singuli eorum confitebantur ita fuisse in corde suo , vt ille arguebat eos . Et tunc intellectum est , quod omnes vanæ & superflue cogitationes , quas somniorum , vel psalmodiarum , seu orationum tempore vnusquisque conceperit , illusionem dæmonum fiant . Ab his autem qui omni custodia seruant cor suum , facile repelluntur Æthiopes . Deo enim coniuncta mens , & in ipso tempore præcipue orationis intenta , nihil alienum , nihil superfluum recipit .

CAP. XXXIV. *Quod cantantibus & psallentibus præsentia Dei & angelorum semper adsit .*

**Q**uoniam quamuis vbique Deum per potentiam diuinitatis esse nouerimus, & oculos eius speculari bonos & malos credamus, præcipue tamen sine aliqua dubitatione, cum diuino officio adfistimus, per gratiam nobis eum adesse præsentem credimus. Ideoque semper memores simus quod Propheta ait : *Seruite Domino in timore* . Et iterum : *Psallite sapienter* . Tunc etiam angelici spiritus maxime nobis præsentem adesse credendi sunt, cum diuinis specialiter mancipamur obsequijs ; id est, cum lectionibus sacris aurem accommadamus, vel psalmodiarum operam damus, vel orationi incumbimus, vel etiam Missarum solennia

*Psal. 2,  
31.*

nia celebramus. Vnde idem Propheta ait: *In conspectu angelorum psallam tibi.* Quapropter solerter nobis studendum est, vt cum ad diuinum officium, vel ad missarum solemnia celebranda conuenimus, semper memores simus, qualiter nos oporteat esse in conspectu Dei, & angelorum eius. Et sic stemus ad psallendum, vt mens nostra concordet voci nostræ. Sic enim Apostolus ait: *Psallam spiritu, psallam & mente.* Psal. 137.  
2.  
1. Cor. 14.  
15.

Cauendum est autem vt non negligenter, nec repide, vel inhoneste diuinum officium celebremus, neque ad perficiendum pigre adueniamus: ne, quod absit, in illam sententiam incidamus, qua dicitur: *Maledictus homo qui opus Dei fecerit negligenter.* Obseruandum est, vt ne quid in oratorijs, vel in cellulis nostris inhonestum vel indecens, ne quid ineptum, vel peruersum, aut cogitationibus, aut verbis, aut actibus perpetremus; sed cum timore & veneratione cæleste compleamus officium, quatenus in conspectu Dei & angelorum eius digni efficiamur adstare: & Dominus ad nos veniens non quod condemnet in nobis, sed potius quod remuneret, inueniat. Deut. 27.  
15.

CAP. XXXV. *De laude psalmorum, & dispositione horarum, in quibus psallere debemus.*

**P**salmorum denique assidua decantatio tristitia corda consolatur, gratiores mentes facit, fastidiosos oblectat, inertes exsuscitat, peccatores ad lamenta inuitat. Nam quamuis dura sint corda nostra, tamen mox vt psalmorum dulcedo insonuerit, ad profectum pietatis animum nostrum inflectit. Omnis enim duritia cordis eorum dulcedine emollitur: & sicut orationibus regimur, ita psalmorum studijs delectamur. Oratio autem in præsentitantum vita pro remedio peccatorum effunditur: psalmorum autem decantatio perpetuam Dei laudem demonstrat,

*Psal. 83,*  
5.

& gloriam sempiternam. Sic enim scriptum est: *Beati qui habitant in domo tua Domine, in secula seculorum laudabunt te.* Cuius operis frequentiam quicumque fideliter intenta- que mente exequitur, quodammodo angelis sociatur. Quocirca necesse est, ut certis horis, certisque temporibus nostræ seruitutis officia persoluamus, id est, Matutino, Pri- ma, Tertia, Sexta, Nona, Vespera, & Completorio. De his diurnis horis ait propheta David: *Septies in die laudem dixisti tibi.* De nocturnis autem vigilijs idem ipse propheta ait: *Media nocte surgebam ad confutendum tibi.* Et rursus di- cit: *Memor fui nocte nominis tui Domine.* Et rursus dicit: *Si memor fui tui super stratum meum, in matutinis meditabor in te.*

*Psal. 118,*  
164.

*Ibid. 62.*

*Psal. 62,*  
7.

Propterea quoque de diuinis in noctibus officijs, cæte- risque horis diei ab oratione nos non oportet vacare, sed semper per interualla horarum, aut oremus, aut legamus, aut aliquod opus manuum exerceamus, quatenus tædium cordis & cogitationum euadere possimus; sicut legitur fecisse beatus Antonius. Qui quodam tempore cum sede- ret in eremo, animus eius tædium & confusionem cogita- tionum incurrit, quia nondum adhuc instanter laborabat; & ait ad Deum: *Domine, volo saluus fieri, & non permit- tunt me cogitationes meæ.* Qui faciam in hac tribulatio- ne, & quomodo saluus ero? Et post pusillum surgens exijt foras, & vidit quemdam tanquam seipsum sedentem & operantem; denique vidit eundem ipsum ab opere surgen- tem & orantem, & iterum sedentem, & flectam de palmis facientem; inde rursus ad orationem surgentem. Erat au- tem angelus Domini missus ad correctionem & cautelam dandam Antonio. Post hæc audiuit vocem angeli dicen- tis: *Sic fac, & saluus eris.* Ille autem hoc audito, ma- gnum gaudium sumpsit atque fiduciam. Et ira postea faciens, salutem quam quærebat inuenit. Ita & nos fa- cientes, Deo opitulante, saluabimur. Numerum quoque & men-

& mensuram psalmorum, quos quotidie canere debemus; hic minime describimus, quia hoc quod apostolus sine intermissione præcipit agere, ego nullatenus præsumo determinare. Testis sit unicuique conscientia sua, quia Deum quem nulla fallunt occulta, inspectorem cordis sui omni hora habebit. Oportet præterea nos orare indefinenter pro nostris benefactoribus, & pro omnibus hominibus, pro regibus, & omnibus qui in sublimitate sunt constituti, ut quietam & tranquillam vitam habere possimus. Sciendum vero est, quia quanto quisque magis assiduus fuerit in oratione, tanto feliciorem remunerationem recepturus est in æterna beatitudine. Luminaria vero cum omni diligentia siue de proprijs laboribus, seu de fidehū oblationibus in suis oratorijs noctis tempore provideant solitarij.

CAP. XXXVI. *Si quotidie corpus Domini quilibet audeat sumere, vel missam cantare.*

**N**on mea itaque opinione, sed sanctorum patrum assertionem hæc utraque reor fieri posse, id est, & Missas quotidie celebrare, & sacrosancta corporis & sanguinis Domini mysteria quotidie cum tremore & timore sumere; ab his tamen qui mundi sunt ab omni inquinamento carnis ac spiritus, & hoc cum metu magno & pauore; quia qui tantum hospitem cupit intra se suscipere, castus debet esse non solum in corpore, sed & mundus in corde. Nam fuit quidam venerabilis pater nomine Apollonius, qui hoc monebat fratres, ut si fieri posset quotidie communicarent mysterijs Christi, ne forte qui se ab his longe facit, longe fiat à Deo. Qui autem, inquit, frequentius hoc suscipit, frequentius ipsum sine dubio saluatorem suscipit; quia idem ipse ait: *Qui manducat meam carnem, & bibit meum sanguinem, in me manet, & ego in eo.* Sed & ipsa commemoratio Dominicæ passionis cum assidue sit à seruus Dei

*Ioh. 6,  
55.*

Dei celebrata, primum per hoc commonitio datur, vt studeat vnusquisque ita paratus inueniri, ne indignus Dominicis myſterijs habeatur. De hac denique re beatus Gregorius in libro dialogorum ait: Debemus itaque præſens ſæculum tota mente contemnere, quotidiana Deo lacrymarum ſacrificia offerre, quotidianas carnis & ſanguinis eius hoſtias immolare. Hæc namque ſingulariter victima, ab æterno interitu animam ſaluat. Sed neceſſe eſt, vt cum hæc agimus, noſmetipſos in cordis contritione maſtemus. Et fidenter dico, quia ſalutari hoſtia poſt mortem non indigebimus, ſi ante mortem Deo hoſtia ipſi fuerimus. Quapropter bonum eſt, vt quod quiſque poſt mortem ſuam ſperat pro ſe agi per alios, agat ipſe dum viuit per ſe. Beatius quippe eſt liberum exire de carcere, quam poſt vincula, libertatem quærere. Hinc iterum idem Papa in eodem libro adnectit dicens: Nam vir vitæ venerabilis Caſſius Narnienſis Epiſcopus fuit, qui quotidianum ſacrificium Deo offerre conſueuerat, itaut pæne nullus dies vitæ eius abſcederet, quin omnipotenti Deo hoſtiam placationis immolaret. Dum autem ſeſe cum lacrymis maſtaret, mandatum Domini per cuiuſdam ſui præſbyteri viſionem ſuſcepit, dicens: Age quod agis, operare quod operaris, non ceſſet pes tuus, non ceſſet manus tua. Natalitio Apoſtolorum venies ad me, & retribuam tibi mercedem tuam. Qui cum poſt annos ſeptem ipſo natalitio Apoſtolorum die miſſarum ſolemnia peregiſſet, & myſteria ſacrę communionis accepiſſet, è corpore exiuit. Qua in re penſandum eſt, quantum præſidium ſit quotidie ſacroſancti corporis & ſanguinis Domini noſtri IESV CHRISTI hoſtias immolare; & patenter oſtenditur, quam ſalubre eſt veſci tanto medicamine. Vnde quidam venerandus Poëta dixit:

*Magnum præſidium eſt ſacro libamine paſci,*

*Si cor participis crimina nulla premunt.*

Hinc etiam egregius doctor Auguſtinus dixit: Nihil ſic

sic debet formidare Christianus, quam separari à corpore Christi. Si enim separatur à corpore Christi, non est membrum eius; si non est membrum eius, non vegetatur spiritu eius. Vnde ait Apostolus: *Quisquis spiritum Christi non habet, hic non est eius.* Rom. 8.9.

Quapropter faciat vnusquisque quod secundum fidem suam pie credit esse faciendum. Neque enim inter se litigauerunt, aut quisquam eorum alteri se prætulit, Zachæus scilicet & Centurio; cum alter eorum gaudens suscepit Dominum; alter vero dixerit: *Non sum dignus Domine ut intres sub tectum meum.* Ambo saluatorem honorificantes, diuerso & quasi contrario modo; ambo peccatis miseri, ambo misericordiam consecuti. Sic & Sacramentum Dominici corporis & sanguinis vnus honorando non audet quotidie sumere, alter similiter honorando non audet vllò die prætermittere. Luc. 7.6.

CAP. XXXVII. Si post illusionem, quæ per somnium solet accidere, debeat quis Missam celebrare, an non?

Nam, vt ait beatus Gregorius, in ipsa illusione, quæ per somnium solet accidere, necessaria est valde discretio. quæ subtiliter pensare debeat, ex qua re accadat menti dormientis. Aliquando enim ex crapula; aliquando ex naturæ superfluitate vel infirmitate; aliquando contingit ex cogitatione. Et quidem cum ex naturæ superfluitate vel infirmitate euenerit, omnimodo hæc illusio non est timenda. Vnde ait Propheta: Quoniam Dominus cognouit figmentum nostrum. Sed quando hoc acciderit, locus tantummodo aqua, valet se sociare diuinis sacramentis. Cum vero appetitus gulæ vltra modum in sumendis alimentis rapitur, atque ideo humorum receptacula grauantur, habet exinde animus quemdam reatum, non tamen vsque ad pro. Psal. 102. 14.

Prohibitionem percipiendi sacramenta, vel missarum so-  
lemnia celebrandi, cum fortasse aut festus dies exigit, aut  
exhiberi ministerium, pro eo quod sacerdos alius in loco  
deest, ipsa necessitas compulit, vel amor sacrificandi ani-  
mum ad hoc ipsum compellit. Nam si adsunt alij, qui  
implere mysterium valeant, illusio per crapulam facta à  
perceptione sacri mysterij prohibere non debet; sed ab-  
immolatione diuini sacramenti abstinere, vt arbitror, hu-  
militer debet, quousque dignis fletibus reconciliatus, &  
aquarum effusione lotus, accedere iterum valeat ad sacra-  
mysteria. Si vero ex turpi cogitatione vigilantis oritur il-  
lusio menti dormientis, patet animo reatus suus. Videt  
enim à qua radice inquinatio illa processerit; quia quod  
nesciens cogitauit, hoc nesciens pertulit. Et quando hoc  
fit, necesse est vt humiliter se subtrahat diuinis mysterijs,  
& prius per aquam abluat sordes corporis, & per pœni-  
tentiam abstergat vulnus cordis; & sic demum, Domino  
propitiante, reconcilietur viuificis sacramentis. Nam  
in euangelio Dominus dicit: *Qui viderit mulierem ad con-  
cupiscendum eam, iam moechatus est eam in corde suo*. In corde  
suo, inquit, non in corpore. Ideo scriptura alibi nos ad-  
monet, dicens: *Omni custodia serua cor tuum*. Nam sunt alij,  
quibus ita plerumque illusio nascitur, vt eorum animus  
etiam in somno positus turpibus imaginationibus non foe-  
detur. Qua in re vnum ibi ostenditur, si ipsa mens non  
tamen sit rea, vel suo iudicio libera, cum se & dormiente  
corpore nihil meminit vidisse. Si quidem, vt quidam  
Patrum ait, si tale aliquid euenerit per somnum absque  
phantasijs mulierum, non est peccatum. Ingenitus, in-  
quit, humor in corpore, cum propria repleuerit receptacu-  
la, suis necesse est vt meatibus digeratur. Vbi vero visus  
mulierum, & blandimenta carnis per somnia occurrunt,  
si per superfluas & illecebras cogitationes contigerit, pec-  
catum esse dicebat. Frateretia quoque sciendum est, quia  
tres

Matth. 5  
28.

Prov. 4  
23.

tres sunt motus corporales: vnus quidem naturalis; alius autem ex plenitudine ciborum, quando nutritur & fouetur corpus cibis ac potibus, ex quibus calor & sanguis crescunt, & excitant corpus ad libidinem; propter quod Dominus ait: *Videte ne grauentur corda vestra in crapula & ebrietate.* Tertius vero motus est ex insidijs & inuidia veniens dæmonum. Quapropter oportet vt ipsam nimiam abundantiam, fluxusque libidinum per multam continentiam, & per multa ieiunia, & per continuas orationes restringamus; quia, vt ait beatus Augustinus, sicut occisus inimicus non facit nobis iniuriam, sic mortificata caro non turbabit animam nostram. Denique hi qui in delicijs viuunt, si forte corporis sui ægritudo deposcat, ab omnibus quæ iudicauerit medicus esse nœxia, abstinebunt absque mora; cur non multo magis hoc nos facimus, quibus sanitas animæ & spiritus est expetenda? Tales enim debet Dominus habere ministros, qui nulla carnis contagione corrumpantur, sed potius castitatis continentia splendeant mente & corpore.

Luc. 21.

CAP. XXXVIII. *De assiduitate lectionis & orationis.*

Oportet autem nos assiduitatem habere legendi, & instantiam orandi. Nam assiduitate lectionis munitur homo à peccato, iuxta prophetam, qui ait: *In corde meo abscondi eloquia tua, vt non peccem tibi.* Hæc sunt enim arma, *Psal. 119.* lectio videlicet & oratio, quibus diabolus expugnatur, & æterna beatitudo acquiritur. His enim armis vitia comprimuntur, & virtutes nutriuntur. In his ergo quasi in speculo quodam seipsum considerare potest homo, qualis sit, vel quo tendat, aut qualiter se dirigat. Ideoque qui vult cum Deo semper esse, debet frequenter legere, & frequenter orare. Nam cum oramus, ipsi cum Deo loquimur; cum vero legimus, Deus nobiscum loquitur, Geminum

z z z

num



num autem confert donum lectio sacrarum scripturarum : unum, quia intellectum mentis erudit : alterum, quia à mundi vanitate hominem abstrahit, & ad amorem Dei perducit. Lectio assidua timorem gehennæ incutit, animam purificat, & ad gaudia superna legentis cor instigat. Sicut enim ex carnalibus escis alitur caro, ita ex diuinis eloquijs nutritur ac pascitur interior homo : vnde ait propheta : *Quam dulcia faucibus meis eloquia tua. Domine, super mel & fauum ori meo.* Omnis plane scriptura sancta ad nostram scripta est salutem & doctrinam, vt per cōsolationem scripturarum in bonis actibus proficiamus. Sicut enim cæcus sæpius offendit, quam videns; sic ignorans Dei legem ignoranter sæpius peccat, quam ille qui eam nouit. Multi namque habent intelligentiæ ingenium, sed negligent lectionis studium; & quod legendo scire potuerunt, negligendo nesciunt. Multi etiam legunt, & ab ipsa lectione ieiuni sunt : de quibus ait propheta : *Seminaſtis multum, & intulistiſtis parum : comedistiſtis, & non estis satiati; bibistiſtis, & non estis ebriati.* Multum cordi suo seminat, sed parum recipit, qui de mandatis cælestibus vel legendo, vel audiendo multa cognoscit, sed negligenter operando pauca fructificat. Comedit, & non satiatur, qui verba Dei audiens lucra vel gloriam sæculi concupiscit. Bibit, & non inebriatur, qui ad vocem lectionis vel prædicationis aurem inclinat, sed mentem non mutat. Bibit, & inebriatus non est, qui ea quæ sunt huius sæculi adipisci desiderat. Solet enim per ebrietatem bibentium mens turbari. Si enim quis debriatus esset, mentem proculdubio mutasset, vt terrena iam non quæreret, iam vana & transitoria quæ amauerat, non amaret. Ille enim beatissimus est, qui diuinas scripturas legens verba vertit in opera. Nemo enim potest sensum scripturæ sacræ plene cognoscere, nisi legendi familiaritate. Nam sicut terra, quæ quanto amplius excolitur, tanto vberiore fructum reddit : sic quanto quisque

Ibid. 103.

Aggei 1,  
6.

que frequentius legit, tanto ex ea vberiore intelligentiam capit. Non oportet solitarios gentiliū libros legere, ne forte per oblectamenta inanium fabularum, vel figmenta poetarum, mentem excitent ad incentiua libidinum. Neque etiam secreta Dei nimis oportet rimari, scriptura dicente: *Altiora te ne quaeris, & fortiora te ne scrutatus fueris.* Vnde Apostolus mirans aiebat: *O altitudo diuitiarum scientiae & sapientiae Dei, quam inscrutabilia sunt iudicia, & inuestigabiles viae eius!* Quapropter caute meditanda, cautoque sunt sensu ea quæ leguntur rimanda; & iuxta Apostoli mandata, teneamus quæ recta sunt, & refuteamus ea quæ contraria veritati existunt. Sicque in bonis instruamur, vt à malis Deo auxiliante illæsi permaneamus.

Ecl. 3,

22.

Rom. 11,

33,

CAP. XXXIX. *De quotidiano opere manuum solitariorum.*

**S**I quando enim ab oratione & lectione cessemus, manuum operationibus insistere debemus, propter hoc quod scriptum est: *Otiositas inimica est animæ.* Antiquus etenim hostis eum, quem otiosum inuenerit, facile ad vitia rapit: nam sancti patres nostri & apostoli de labore manuum suarum viuebant. Vnde apostolus Thessalonicensibus scribens, ait: *Ipsi enim scitis quemadmodum oportet imitari nos: quoniam non inquieti fuimus inter vos; neque panem gratis manducauimus ab aliquo, sed in labore & fatigatione, nocte & die operantes manibus nostris, ne quem vestrum grauaremus. Non quasi non habuerimus potestatem, sicut & ceteri, sed vt nosmet ipsos formam daremus vobis ad imitandum nos. Nam cum essemus apud vos, denuntiabamus, quoniam si quis non vult operari, nec manducet. Cum enim iste sanctus Apostolus, qui euangelium prædicabat, nolebat panem gratis manducare, sed in labore & fatigatione victum quærebat; quia nos fiducia otiosis manibus gratis panem comedere audebimus,*

2. Thes. 3,

7.

z z z 2

qui-

quibus non solum nulla prædicatio verbi commissæ est, sed ne vlla quidem, nisi animæ nostræ solius cura mandatur? Proinde necesse est nobis laborare manibus nostris quod bonum est, ut habeamus unde viamus, & unde aliquid necessitatem patientibus tribuamus. Vnde sanctus Cæsarius dixit: Sic lectioni & orationi debetis incumbere, ut etiam manibus possitis aliquid exercere; maiorem quoque diei partem sancto operi dedicare. Sed querendum nobis est, cur doctor gentium, & prædicator evangelij dicit se non panem ab aliquo gratis manducasse, qui nouit Dominum præcepisse, ut *qui Euangelium annuntiant, de Euangelio uiuant*. Et rursum: *Dignus est operarius mercede sua & cibo suo*. Ideo quippe manibus operabatur unde viuebat, quia indignum erat ab his aliquid accipere, qui errori studebant. Peccat enim, & libertatem prædicandi amittit, qui ab eo accipit munus, qui ideo dat, ne corripiatur. Vnde idem Apostolus dicebat: *Omnia mihi licent, sed non omnia mihi expediunt*. Hoc ideo dixit, quia licebat illi ab his queis prædicabat sumptus accipere: sed quoniam sciebat pseudoapostolos occasionem accipiendi querere, noluit ab his accipere, ne causa ventris vigor euangelicæ veritatis torpesceret. Non enim instanter potest argui à quo accipitur. Quamuis enim idem apostolus pro occasione superius dicta elegerit manibus suis laborare, unde viueret, tamen quoties illi necessitas erat, à fidelibus victum accipiebat. Itaque cum esset quodam tempore in magna indigentia, missum est illi à fratribus unde necessitati & indigentia eius ministraretur. Respondit autem illis gratias agens, & dixit: *Bene fecistis communicare necessitatibus meis*. Ego enim didici in quibus sum, sufficiens esse. Scio enim esurire & abundare, noui & penuriam pati. Omnia possum in eo qui me confortat. Verumtamen vos bene fecistis mittere vobis meis. Hic autem ostenditur, quia aliquando accipiebat sustentationem necessitatis à fidelibus. Qua de cau-

1. Cor. 9.  
14.  
Luc. 10, 7.

1. Cor. 6.

Philip. 4.  
14.

causa beatus Augustinus nobis dat consilium, dicens: Qui ergo non possunt facere sicut Paulus, ut manibus suis se transfigant, accipiant à populo unde sustentent suam necessitatem, sed non negligant eorum infirmitatem. Si in nostra, inquit, domo vel societate æger est aliquis, non prohibeo religiosos, vel religiosas mittere illis quod eis videtur ut mittant; neque istis prohibeo ut non recipiant. Nam & ipse Dominus, cui angeli ministraverant, loculos habebat, & à fidelibus oblata suscipiens, & suis discipulis, & alijs indigentibus, necessaria tribuebat.

Quamquam autem ita dictum sit, oportet tamen solitarios proprijs manibus instanter laborare, etiam si aliunde habuerint unde viuant. Sic faciebat Paulus primus & probatissimus eremitarum. Cum esset in eremo vastiore, securus erat de victu, quia de fructibus palmarum, & de oleribus herbarum vescebatur tantum; tamen colligebat folia palmarum, & quotidianum pensum, velut exinde sustentandus esset, à semetipso iugiter exigebat. Cumque opere totius anni antrum eius fuisset impletum, id quod sollicita cura laborauerat annis singulis, igne supposito cremabat. Iste enim non pro necessitate victus, ut dictum est, laborabat, sed pro corporis afflictione, & cordis purgatione, atque cogitationum soliditate, seu perseverantia cellæ hoc faciebat. Dicebat autem, sine opere manuum nec in loco posse perdurare solitarium, nec ad perfectionis culmen aliquando conscendere. Econtra vero fuit alius frater, qui veniens ad Abbatem Silvanum in monte Sina, vidit ibi fratres operantes, & dixit eis: Nolite operari cibum qui perit, sed qui permanet in vitam æternam. Maria optimam partem elegit. Et dixit senex discipulo suo: Vade, voca fratrem istum, & mitte illum in cellam ubi nihil est. Et cum facta fuisset hora nona, intendebat idem frater ad ostium, si mitterent alij, & vocarent eum ad manducandum. Et cum nemo loqueretur ei,

ei, surgens venit ad senem, & dixit ei: Abba, manducauerunt hodie fratres? Et dixit ei senex: Etiam iam comederunt. Et ille: Et quare, inquit, me non vocasti? Et senex respondit: Tu homo spiritualis es, & hoc cibo non indiges; nos autem carnales sumus, & manducare volumus, ideo manibus nostris operamur: tu vero bonam partem elegisti, tota die legens, & nolens sumere carnalem cibum. Qui cum hoc audisset, prostravit se in terram humiliter poenitentiam agens, & dixit: Ignosce mihi Abba. Et senex dixit ei: Puto quod opus habet omnino Martha Maria. Per Martham enim Maria laudatur. Quapropter opus habent solitarij proprijs manibus laborare & operari vnde pascantur; quia qui otiosa quiete perfruitur, nisi operi manuum institerit, & nisi spiritualiter vixerit, more pecudum se componit.

Si quid verò ex operibus solitariorum venundandum est, videant ipsi, per quorum manus transeunda sunt, ne aliquam fraudem præsumant inferre. Memorentur semper Ananiæ & Saphyræ, ne forte mortem, quam illi in corpore pertulerunt, hanc isti in anima patiantur. In ipsis autem pretijs non subripiat avaritiæ malum, sed semper aliquantulum vilius detur, quam ab alijs sæcularibus datur; vt in omnibus glorificetur Deus.

CAP. XL. *Quod certis horis occupari debent solitarij in labore manuum.*

**E**rgo statutis certisque temporibus occupari solent solitarij in oratione & lectione, & certis iterum in labore manuum. Ideoque hac dispositione creditus vtraque tempora ordinari, id est, vt omni tempore à mane vsque ad horam pene tertiam orationi & lectioni vacent. Ab hora autem tertia vsque ad horam quasi nonam laborent quod necessarium fuerit; nisi forte paululum in stratis suis æsti-

æstiuo tempore pauſare voluerint; & ſemper intermiſceatur oratio cum opere. A nona quoque hora uſque ad veſperam iterum orationi & lectioni vacent.

Si vero neceſſitas loci, aut paupertas exegerit, magis in labore manuum demorentur. Omnia tamen menſurate fiant propter puſillanimes. Dominicis vero diebus ſiue feſtis, orationi tantum & lectioni vacent. In noctibus quoque vigilias ſacras & orationes puriſſimas deuotiſſime peragant. Infirmi namque ſolitarij talia opera agant, vt nec otioſi ſint, nec violentia laboris opprimantur. Qui vero ita fuerint infirmati, aut ſenectute grauati, vt neque legere, neque operari queant, vel orationi tantum iuxta vires ſuas deuotiſſime inſtent. Hoc ſane præcipue monentes, vt ſi forte cui hæc diſpoſitio diſplicuerit, ordinet ſi melius aliter iudicauerit. Quibus autem horis reficere debeant in antea, Domino miſerante, dicturi ſumus.

CAP. XLI. *Vt ſolitarij nihil proprium habeant, & oblationes fidelium ſuſcipiant.*

**N**ihil ergo proprium ſolitarij habeant, præter vtensilia, & vitia ſupellectilia, ſine quibus nullatenus poſſunt. Victum vero rationalem, & veſtem ſimplicem, aut de proprio labore, aut de fidelium oblatione habeant. Quicquid autem his ſuperfuerit, pauperibus tribuant. Nam, ſicut in ſuperiori capitulo continetur, licitum eſt eis à populo oblata ſuſcipere, ad ſuam & pauperum indigentiam ſuſtentandam. Vnde in libro Proſperī ita legitur: Propterea, inquit, Deus voluit cultores ſuos omnibus quæ habentur in mundo renuntiare, vt excluſa mundi cupiditate, diuina in eis caritas poſſit augeri, vel perfici. Et ideo decimas atque primitias frugum, primogenita & ſacrificia pro peccato, & vota, quæ ſibi Dominus iuſſit offerri, ſacerdotibus ac miniſtris diſtribui debere conſtituit, vt deuotiſſimo populo

pulo vitæ necessaria ministrante, ipsi creatori ac pastori suo liberis mentibus ministrarent, atque in eius cultu sine vlla sollicitudine corporali proficerent; ne terrenis occupationibus implicati, officio suo dignas excubias strenue curare non possent. Item ibi: Denique sanctus Paulinus, & beatus Hilarius omnia sua aut parentibus reliquerunt, aut vendita pauperibus erogauerunt. Sed postea cum facti fuissent Episcopi, non contempserunt ecclesiæ facultates, sed fidelissime dispensauerunt. Isti ergo tam sancti viri tamque perfecti pontifices factis evidentibus clamant, posse, & debere fieri, quod fecerunt. Qui utique homines tam sæcularium quam diuinarum litterarum sine ambiguitate doctissimi, si scirent res ecclesiæ debere contemni, nunquam eas haberent, qui omnia sua reliquerant. Vnde datur intelligi, quod tanti ac tales viri, qui volentes fieri discipuli Christi, renuntiauerunt omnibus quæ habebant, non ut possessores, sed ut procuratores ecclesiæ facultates possidebant. Et ideo res ecclesiæ nihil aliud scientes esse, nisi vota fidelium, pretia peccatorum, & patrimonia pauperum, non eas vindicauerunt in usus suos ut proprias, sed ut commendatas pauperibus diuiserunt. Item ibi: Sacerdos, inquit, non solum sine cupiditate, sed etiam cum laude pietatis accipit à populo dispensanda, & fideliter dispensat accepta; quia omnia sua aut reliquit, aut Ecclesiæ rebus iunxit, & se in numero pauperum paupertatis amore constituit, ita ut vnde pauperibus subministrat, inde etiam tanquam pauper voluntarius viuat.

De eadem re etiam in Regula Canonicorum legitur ita: Monachi namque siue solitarij, qui euangelicum præceptum sequentes distractis atque renuntiatis omnibus patrimonia sua Christo dederunt, merito de facultatibus ecclesiæ subsidium temporale accipiunt; ut: quia toto mentis desiderio cælestia appetunt, sic in hac peregrinationis via sumptibus dominicis sustententur, quatenus ad ea quæ

quæ contempserunt minime redire qualibet necessitatis causa compellantur. Item ibi: Clericos, quos voluntas aut natiuitas pauperes fecit, in congregatione viuentes, necessariæ vitæ accipiant; quia ad ea accipienda non eos habendi ducit cupiditas, sed cogit viuendi necessitas. Porro si tales fuerint, qui nec suas, nec ecclesiæ velint habere possessiones, horum necessitatibus prouidentissima gubernatione de facultatibus ecclesiæ Prælati debent subuenire, illud Prosperi attendentes: Quod habet, inquit, ecclesiæ, cum omnibus nihil habentibus commune habeat. Sed & eorum curam nihilominus gerere debent, quos aut infirmitas, aut senectus adgrauat. Post hæc autem memorari oportet hoc, quod in actibus Apostolorum legitur: *Affrentes*, inquit, *pretia prediorum suorum, & ponebant ante pedes Apostolorum. Distribuebantur autem singulis prout unicuique opus erat.* Item: *Neque egens quisquam erat inter illos:* Et rursum: *Nec quisquam suum esse aliquid dicebat; sed erant illis omnia communia.* Ita ergo & solitarij nec suum quicquam dicant, sed sint fideles dispensatores, & ea quæ pauperibus dare debent, non nimis in suos vsus reflectant: ne, quod ablit, cum Iuda, qui loculos Domini furatus fuerat, sententiam damnationis incurrant; sed potius de fideli administratione ab ipso, cuius ministri esse noscuntur, ineffabiliter remunerari mereantur.

AA.434

CAP. XLII. *Quibus horis oporteat solitarios reficere.*

**S**ratuendum itaque cenfeo, quibus horis reficere debeant solitarij, ne forte quis propriam sequatur voluntatem, & remissius viuat, quam necesse sit. Quapropter tali dispositione reor vtraque tempora ordinari. hoc est: ab octauis Paschæ vsque ad Pentecosten bis in die reficiant. His ergo diebus quarta & sexta feria vsque ad nonam ieiunent; quia sicut equis frena sunt imponenda, ita corpora nostra

a a a a

ieiun-



ieiunijs sunt in frenanda. A Pentecoste vsque ad Kalendas Septembris quarta & sexta septimaque feria ieiunent vsque ad nonam. Reliquis vero diebus ad sextam reficiant, & ad vesperam coeant. A Kalendis autem Septembris vsque ad caput Quadragesimę, ad nonam semper reficiant; nisi forte quis voluerit ieiunium vsque ad vesperam protelare. In quadragesima vero vsque ad Pascha, ad vesperam reficiant. Ipsa tamen vespera sic agatur, vt lumine lucernę non indigeant reficientes, sed luce adhuc diei manente omnia consummentur. Sed & omni tempore siue coenę, siue refectionis hora sic temperetur, vt de luce fiant omnia. Præterea quoque si quis voluerit omni tempore ieiunare, exceptis dominicis & aliarum festiuitatum diebus, non prohibeatur eis quia sic faciebant sancti Patres nostri Antonius, & Benedictus, nec non Macarius, & cæteri alij.

Sed licet omni tempore vita solitariorum quadragesimę debet obseruationem habere; tamen quia paucorum est ista virtus, ideo suademus ipsis diebus quadragesimę omni puritate vitam suam custodire, omnes pariter negligencias aliorum temporum his diebus sanctis diluere. Quod tunc digne fit, si ab omnibus vitijs nos temperemus; orationi cum fletibus, lectioni & compunctioni cordis atque abstinentiæ operam demus. Ergo his diebus augeamus aliquid ad pensum solitum seruitutis nostrę, orationes peculiare, ciborum & potus abstinentiam; vt vnusquisque super mensuram sibi iudicatam aliquid cum propria voluntate & gaudio sancti Spiritus offerat Deo: id est, subtrahat corpori suo de cibo & potu, de somno & quiete, de loquacitate & scurrilitate; & cum spiritualis desiderij gaudio sanctum Pascha expectet.

Deinde omni tempore, siue prandij, siue coenę, mox vt surrexerint à refectione, sedcant, si duo fuerint simul, & legat vnus collationes vel vitas Patrum, aut certe aliquid inde adificentur. Et lectis quatuor aut quinque folijs,  
vel

vel quantum hora permiserit, si meridies fuerit, aut paululum in stratis suis requiescant, aut aliquod opus manuum agant. In tempore autem ieiunij lectione lecta, si vespera fuerit, confestim, ut à lectione surrexerint, ad completorium celebrandum veniant. Excuntes autem à completorio nullatenus loquantur aliquid denuo, excepto si necessitatis causa Prælatus, aut aliquis è fratribus, aliquid alicui indicare voluerit; quod tamen & ipsum cum summa gravitate & moderatione honestissime fiat. Si autem vnus solummodo fuerit solitarius, similiter faciat. Omni siquidem tempore silentio studere debent solitarij, & maxime nocturnis horis. Si quis autem eorum nocturno tempore peculiariter voluerit orare, aut aliud aliquid agere, sic agat ne alium inquietet.

CAP. XLIII. *De mensa solitariorum.*

Quotiescumque solitarij aut de proprio labore, aut de fidelium oblatione, aliquam sufficientiam ciborum, & potius habuerint, semper ad mensulam suam pauperes & peregrinos habeant, & cum illis Christum conuiuium esse nouerint. Si vero pauperes minus habuerint, quos de fratribus voluerint vocare, caritatis causa, in eorum pendeat arbitrio. Eis autem quos vocant, hoc quod Deus eis dederit, cum caritatis officio exhibeant. Ipsi tamen solitarij non solum à qualitate ciborum, sed etiam à quantitate se custodiant, & in pondere & mensura, cum sine hospitibus fuerint, viuant. Cum autem aliqui simul fuerint cum eis, communes in cibo & potu se exhibeant, ob vanam gloriam deuitandam, sed constitutionem Regulæ non transcendant.

Sufficere enim credimus ad refectionem quotidianam, duo pulmentaria cocta, propter diuersorum infirmitates, ut forte qui ex vno edere non potuerit, ex alio reficiatur.

a a a a 2

Et

Et si fuerint poma, aut leguminum nascentia, addatur & tertium. Cibus autem illorum talis sit: aliquando olea & legumina, aliquando caseum & oua, interdumque pisciculos pro summis delicijs ducant. Quicquid enim, inquit Hieronymus, post gulam non sentitur, idem tibi sit quod panis & legumina. Panis autem libra vna propensa sufficiat in die, siue vna sit refectio, siue prandij & coenae. Sunt enim qui plus, & sunt qui minus indigent; quia nec robur vnum inest cunctis corporibus: & ideo de ciborum qualitate & quantitate non facile à nobis oportet disputari, quia nec ab omnibus potest vniformis regula custodiri. Tamen studendum est, vt non semper saturitas edendi finem faciat, sed voluntas: nec impleat ventris saturitatem edacitas, sed comprimat parcitas. Vnde ait Apostolus: *Et carnis curam ne feceritis in desiderijs*. Non enim carnis curam omnimodis interdixit, sed vt in desiderijs ne fieret, prohibuit. A carnibus vero tam quadrupedum quam volucrum omnino abstineant; nisi forte aliqui in graui ægitudine fuerint detenti. Ipsi enim pro reparatione tantum concedatur. Illico autem vt validiores effecti fuerint, à carnibus more solito abstineant.

Rom. 13,  
14.

#### CAP. XLIV. De crapula cauenda.

**I**N quantum ergo solitarij possunt, delicias & ciborum opulencias fugiant; & non solum à cupiditate pretiosorum ciborum, sed etiam à nimia perceptione vilium se contineant: remota præ omnibus crapula, vt nunquam surripiat eis indigeries; quia nihil sic contrarium est omni Christiano, quomodo crapula. Vnde Dominus ait: *Videte ne grauentur corda vestra in crapula & ebrietate*. Nihil enim sic inflammat & titillat membra genitalia, quomodo indigestus cibus, ructusque conuulsus. Escæ enim multæ non solum corda nostra, sed etiam corpus & animam de.

Luc. 21,  
34.

debilitant. Sæpe enim per ciborum auiditatem stomachi franguntur vires, necnon & abundantiam sanguinis, & choleram, & plurimas agitudines escarum, nimietate patimur. Idcirco tantum cibum vnusquisque sibi concedat, quantum sustentatio corporis, non quantum desiderium carnis exposcit. Oportet itaque, vt caro nostra subiecta sit animæ nostræ, & sicut ancilla famuletur dominæ suæ. Non enim bene possumus vigilare, cum dapibus fuerit venter noster onustus; sed somno oppressi vigiliarum fructus amittimus, & maximum detrimentum animæ nostræ acquirimus. Nam sicut miles plurimo onere prægrauatur, & præpeditur ad bellum, ita præpeditur solitarius ad vigilias, cum escarum largitate feruescit.

Sed & diabolus plurimum inde gaudet, cum Dei seruos viderit nimio cibo refertos, sicut legitur de quodam viro venerabili, sancto Philiberto. Hic cum esset in quodam monasterio, & iugum Christi suauē, & onus eius leue susceperet, in tantum religionis cultum excremit, vt etiam viris perfectioribus in abstinentia & cæteris virtutibus imitabilis fieret. Cumque antiquus hostis eius inuideret abstinentiam, quadam die pulsauit animum illius, vt ampliora sumeret cibaria. Post hæc vero in ipsa nocte dum fuisset cibo saturatus, nutu Dei detectus inimicus sancto Philiberto per somnium est ostensus, & coepit ventrem eius velut gaudens palpare, ac dicere: Modo hic bene, modo hic bene. Tunc miles Domini agnoscens iacula inimici, crucis se vallauit munimine, rigorem abstinentiæ deinceps studuit triplicare. Qua in re ostenditur, quilibet quantiusque muscipulis diabolus Dei seruos præpedire molitur, & quantum de nimia edacitate letatur.

Ideoque studeamus nos taliter ab escis temperare, vt si quando inimicus de nimia nostra edacitate extiterit gaudius, de nostra iterum abstinentia abscedat confusus. Omnia

nia tamen mensurate & cum discretionem fiant; quia nimia abstinentia ciborum non solum vires corporis frangit, sed etiam intentionem animae minuit, mentisque ingenium, marcescere facit, & vigorem orationis amittit. Quapropter quicquid cum temperamento fit, salutare est; quod vero nimis & ultra modum fit, perniciosum est, studiumque suum in contrarium vertit. Vade sanctus Antonius dixit: Sunt quidam conterentes corpora sua in abstinentia, & quia non habuerunt discretionem, longe facti sunt à Deo. Hinc beatus Gregorius ait: Plerumque enim dum plus quam necesse est per abstinentiam caro atteritur, humilitas foris ostenditur, sed de hac ipsa humilitate grauibet intus superbitur. Ideo ammonendi sunt abstinentes, ut solliciti se semper aspiciant, ne dum gulæ vitium fugiunt, in superbiam aut vanam gloriam incidant. Et rursum: ammonendi sunt, ut abstinentiam suam & semper sine intermutatione custodiant, & nunquam hanc apud occultum iudicem eximiae virtutis credant: ne forte magni meriti se esse aestimantes, corda in elationem leuent. Sic enim corpora nostra, vel etiam corporum incentiua rigore distractionis abstinentiæ castigemus, ut à carnalibus desiderijs absoluti, sanctis virtutibus floreamus.

#### CAP. XLV. De mensura potus solitariorum.

**E**andem quippe mensuram potus, quam sanctus Benedictus constituit monachis, eandem & nos infirmorum contuentes imbecillitatem constituimus solitarijs: id est, unicuique heminam vini per diem. Quibus autem donat Deus tolerantiam abstinentiæ, propriam se habituros mercedem sciant: *Vnusquisque enim*, ut ait Apostolus, *proprium donum habet ex Deo, alius quidem sic, alius vero sic.* Quod si loci necessitas, vel labor, aut infirmitas amplius poposcerit, in eorum consistat arbitrio: considerantes tamen

1. Cor. 7.  
7.

men in omnibus; ne eis satietas aut ebrietas subripiat. Licet enim legamus vinum omnino monachorum vel solitariorum non esse; sed quia nostris temporibus id monachis aut solitarijs persuaderi non potest, saltem & hoc consentiamus, vt non vsque ad satietatem bibant, sed parcius quia vinum apostatare facit etiam sapientes. Vbi autem necessitas loci exposcit, vt nec superscripta mensura inueniri possit, sed multo minus, aut ex toto nihil, benedicant Deum, qui ibi habitant, & non contristentur; sed gaudeant, eo quod à tali peste sunt liberati. Hæc autem ante omnia admonentes, vt absque murmuracionibus sint.

De vino autem abstinendo Apostolus certam fixit regulam, dicens: *Nolite inebriari vino; in quo est luxuria.* Quasi Ephes. 5. 18. diceret, luxuriam facit & nutrit vini perceptio nimia, non natura. Et ideo solitarios non uti vino, sed inebriari prohibeo; quandoquidem infirmum stomachum vsus moderatus vini confortat, ebrietas vero animum corpusque debilitat. Denique Timotheo discipulo suo præcipit Apostolus dicens: *Noli aquam bibere; sed medico vino utere, propter* Tim. 5. 23. *stomachi dolorem, & propter frequences tuas infirmitates.* Ac per hoc nihil contra abstinentiam faciunt, qui vinum non pro ebrietate, sed tantum pro corporis salute percipiunt; nec hoc eis offert voluntas, sed permittit infirmitas. Si autem infirmitas defuerit, à vino est abstinendum; ne vini perceptio, quæ infirmum corpus sustentat, sanum inebrietate. Quoniam quidem vino uti, & vsui habere oleum nullus dixerit esse peccatum: in his autem regionibus vbi defuerit oleum, si necessitas exposcerit, adipe utantur interdum.

CAP. XLVI. De ebrietate cauenda, & de huiusmodi sobrietatis.

**A**nte omnia autem ebrietatis vitium solitarij caueant, quia scriptum est: *Homo ebriosus seruus est omnium vitio-*

Proner.  
20, 1.

Ibid. 23,  
31.

Ibid. 31,  
4.

*visiorum.* Nullam medicinam peccata vincere valent, qui multo vino captus est. Unde Salomon dixit: *Lasciviosa res vinum, & tumultuosa ebrietas; quicumque in his delectatur non erit sapiens.* Et iterum: *Non inquam in vino quomodo flavescit, dum splenduerit in vitro color eius: ingreditur blande, sed nonissime mordebit ut coluber; & sicut regibus venenum diffundet.* Nullum secretum est ubi ebrietas regnat. Hinc beatus Hieronymus ait: ebrietas semper flagitiorum mater est, radix criminum, materia culparum, & origo omnium vitiorum. Venter enim mero æstuans cito despumat in libidines. Quapropter ebrietatem fugiamus, ne crimina luxuriæ incurramus. Plerique homines per vinum maximam debilitatem corporis contraxerunt, nec potuerunt consequi pristinam sanitatem, quia non temperaverunt gulæ ardorem. Per vinolentiam enim armatur os ad maledicta, & conuitia proximorum, & mens immutatur, atque balburit lingua. Huiusmodi enim vir cum se putat bibere, bibitur: sicut pistor cum avidis faucibus properat, ut glutiat escam, repente hamum inter fauces reperit, ita & ebriosus inimicum intra se vinum suscipit, & heu! homo rationabilis, ut irrationabile animal capitur. Nihil est aliud ebrietas, quam manifestissimus dæmon. Idcirco non quantum gula exigit, sed quantum naturæ imbecillitas poscit, bibamus. Vinum enim nobis Dominus non ad ebrietatem, sed ad lætitiæ cordis creavit. Nam sicut ebrietas mater est omnium vitiorum, ita sobrietas mater est omnium virtutum. Sobrietas quippe est corporis & animæ utilis medicina. Conseruat autem memoriam, acuit sensum, sincerat mentem, mitigat vitia, frangit libidinem, propagat senectutem, reuelat diuini sacramenti arcana, atque stantem & in omnibus castum hominem facit. Itaque in omnibus exhibeamus nos sobrios, ut sobrietas nos per omnia exhibeat sanos & castos.

CAP.

CAP. XLVII. *Si omnes aequaliter necessaria vita debent accipere.*

**B**atus igitur Augustinus, vir per omnia discretus, ait :  
 Victus & tegumentum non aequaliter omnibus tribua-  
 tur, sed potius sicut unicuique opus fuerit. Sic enim legi-  
 tur in actibus Apostolorum : *Distribuebatur singulis prout unicuique opus erat; & nullus egens erat inter illos.* Vbi non  
 dicimus quod personarum sit apud Deum acceptio, sed  
 infirmitatum consideratio : ut qui minus indiget, gratias  
 agat Deo ; qui vero plus indiget, humilietur pro infirmita-  
 te, & non extollatur pro misericordia, & tamen Deo gra-  
 tias agat, quatenus in omnibus benedicatur Deus. Qua-  
 de re in collationibus Patrum tale datur exemplum, & li-  
 cet sit prolixum, est tamen in hac re proficuum, ut mihi  
 videtur. Venit aliquando quidam monachus ab urbe Ro-  
 ma, qui in Palatio magnum locum habuit, & habitabat in  
 Sciti in vicinitate ecclesiae. Habebat autem secum vnum  
 ex servis suis, qui ministrabat ei. Videns autem presby-  
 ter ecclesiae infirmitatem eius, & recognoscens, quia vir  
 ille esset de delicijs, ex hoc quod Deus ei donabat mitte-  
 bat ei. Qui cum viginti quinque annos fecisset in Sciti,  
 factus est vir contemplator praevidens & nominatissimus.  
 Audiens autem quidam de magnis monachis Aegyptio-  
 rum opinionem eius, venit videre eum, sperans conuersa-  
 tionem corporalem inuenire apud eum plus arduam.  
 Qui cum intrasset, salutavit eum, & facientes orationem  
 sederunt. Videns autem eum Aegyptius vestitum molli-  
 bus rebus, & pellem stratum sub ipso, & modicum capita-  
 le sub caput eius, sed & pedes mundos habentem cum  
 galliculis, scandalizatus est intra se de eo; quia in illo loco  
 non erat consuetudo taliter conuersandi, sed magis du-  
 ram abstinenciam habere consueuerant. Senex autem  
 ille Romanus habens contemplationem, suae praeviden-  
 tiae

b b b b

tiae



tiæ gratiam, intellexit quia scandalizatus fuisset Ægyptius  
 monachus in ipso, & dixit ministro suo: Fac nobis hodie  
 propter Abbatem qui venit, bonam diem. Coxit autem  
 parua olera quæ habebat, & surgentes hora competenti  
 comederunt. Habuit etiam modicum vini senex propter  
 infirmitatem suam, & illud biberunt. Et dum factum es-  
 set vespere, dixerunt duodecim psalmos, & dormierunt.  
 Similiter & in nocte. Surgens autem mane Ægyptius il-  
 le dixit ei: Ora pro me. Et egressus est non edificatus in  
 eo. Et cum paululum discessisset, volens cum senex ille  
 Romanus sanare, misit post illum & reuocauit eum. Qui  
 cum venisset, iterum suscepit eum cum gaudio. Et inter-  
 rogauit eum dicens: Ex qua prouincia es? Et ille respon-  
 dit: Ægyptius sum. Et dixit: Cuius ciuitatis? At ille  
 dixit: Ego omnino non fui de ciuitate, nec habitauim  
 ea. Et senex dixit ei: Antequam Monachus esses quid  
 operaberis in possessione qua manebas? Et ille: Custos  
 eram agrorum: Et dixit ei, vbi dormiebas? Respondit  
 Ægyptius: In agro. Et Romanus ait: Habebas aliquod  
 stratum? Et ille: Ego in agro debui habere stramenta.  
 Et senex, Quomodo dormiebas? Respondit Ægyptius:  
 in terra nuda. Et Romanus ait: Quid manducabas in  
 agro, aut quale vinum bibebas? Et ille: Manducabam  
 panem siccum, & si inueniebam aliquid de salsamentis, &  
 bibebam aquam. Ad hæc senex Romanus dixit ei: Gran-  
 dis tibi labor erat. Et adiecit: Erat tibi vel balneum in  
 possessione vbi lauares? Et Ægyptius: Non: sed in flumi-  
 ne lauabam quando volebam. Cum ergo hæc omnia se-  
 nex ab eo inquisisset, & cognouisset modum prioris vitæ  
 eius, atque labores, volens eum proficere, narrauit ei vi-  
 tam suam præteritam, quam habebat dum esset secularis,  
 dicens: Me miserum quem vides, de magna ciuitate  
 Romana sum, habens in palatio maximum locum apud  
 Imperatorem. Cumque audisset Ægyptius omnia verbo-  
 rum

raptus, statim compunctus est; & sollicitus quæ diceban-  
 tur ab eo auscultabat. Et senex adiecit: Reliqui ergo Ro-  
 mam, & veni in solitudinem istam. Et iterum dixit: Me-  
 quem vides, habui domos amplas & magnas, & pecunias  
 multas, & contemnens eas veni, & maneo in ista paruula  
 curua cella. Audi adhuc: Habui etiam lectos ex auro  
 vestitos, & pretiosissima stramenta: & pro his dedit mihi  
 Deus stramentum hoc de papyro, & hanc pellem. Sed &  
 vestes meæ inæstimabili pretio erant, & pro his utor has  
 viles rescellas. In prandio quoque meo multum aurum  
 expendebatur, & pro illo dedit mihi Deus modica olera  
 hæc, & paruulum calicem vini. Erant & qui seruiebant  
 mihi plurimi seruis & pro omnibus illis, istum Deus com-  
 puaxit, vt ministraret mihi. Pro balneo autem profun-  
 do, aqua modica utor ad pedes meos, & galliculis propter  
 infirmitatem meam. Et rursum pro calamis & cithara,  
 & alio musico opere, quo delectabar in conuiujs meis,  
 decanto in die duodecim psalmos, similiter & in nocte;  
 sed & pro peccatis meis, quæ ante faciebam, exhibeo Deo  
 modicum seruitium. Vnde rogo te, Abba, vt non scanda-  
 lizeris propter infirmitatem meam. Et hæc audiens Ægy-  
 ptius, atque in semetipso reuersus dixit: Væ mihi, quia de  
 multa tribulatione & labore sæculi magis ad repausandum  
 in conuersationem monachi veni, & quæ non habebam  
 nunc, modo habeo: Tu autem ex multa delectatione sæculi,  
 voluntate propria, in tribulationem hanc venisti; & ex  
 multa gloria ac copiosis diuitijs, hanc humilitatem atque  
 paupertatem, arripuisti. Ex quo multum proficiens Ægy-  
 ptius, vale dicto discessit; & dehinc factus ei amicus sæpe  
 ad eum veniebat suæ utilitatis causa. Erat autem idem  
 Romanus vix discemens in bonis, & repletus optimo odo-  
 re spiritus sancti. Quapropter habenda est inter nobiles  
 & ignobiles, inter sanos & infirmos, inter senes & iuue-  
 nes magna discretio. Non enim possunt hi, qui de delicijs  
 veniunt, & hi qui nunquam in delicijs fuerunt, æqualem

tenere rigorem abstinentiæ . Neque sani & infirmi æqualiter abstinere possunt . Idcirco secundum consilium Apostoli : *Is qui non manducat , manducantem non spernat ; & qui manducat non manducantem non iudicat .* Sed alterutrum pie subportantes considerent infirmitates illorum .

Rom. 14.  
31

CAP. XLVIII. De infirmis & senibus solitarijs .

**I**nfirmorum autem & senum cura ante omnia & super omnia adhibenda est , ut sicut reuera Christo , ita eis seruiatur : Ipse enim in iudicio dicit iustis : *Infirmus fui , & visitastis me . Et , Quod uni ex minimis meis fecistis , mihi fecistis .* Sed & illi imbecilles & infirmi considerent in honorem Dei sibi seruii ; & non superfluitate sua , atque nugacitate verborum contristent fratres seruiantes sibi . Qui tamen , si exceßerint , patienter sunt portandi ; quia de talibus copiosior merces acquiritur in regno Dei . Ergo cura maxima sit Prælati ac cæteris fratribus , ne aliquam negligentiam patiantur , sed eis compatiendo subueniant , & assiduis visitationibus , sanctarumque scripturarum consolationibus , necnon & propriarum rerum facultatibus adminicula præbeant necessaria . Deputetur autem frater timens Deum , & diligens atque sollicitus , qui eis ea , quibus opus habuerint , misericorditer administret , & balnearum usus quoties expedit , offerat : Sed & carniæ usus , si voluerint , pro reparatione tantum usque dum meliorati fuerint , comedant . Cellulæ infirmorum infirmitatis tempore sub sigillo minime habeantur , quatenus à fratribus visitari possint . Ipsi tamen caueant ne foras ultra constitutum terminum exeant , si ab Episcopo sunt reclusi & sigillati . Non enim eos teneat sigillum ceræ vel plumbi , sed sigillum Christi . Sic namque legitur in libro Dialogorum fecisse quondam venerabilem virum , nomine Martinum : Qui cum in quodam monte necdum clauso specu habitaret , catena sibi ferrea pedem ligauit ,

eam-

Matt. 25.  
36.

eamque faxo ex parte altera adfixit, ne ei ultra liceret progredi, quam catenæ eiusdem quantitas tendebatur. Quod vir vitæ venerabilis Benedictus audiens, ei per discipulum suum mandare curauit. Si seruus es Christi, non te teneat catena ferri, sed catena Christi. Ad quam vocem Martinus eandem protinus soluit compedem; sed nunquam postmodum tetendit pedem ultra locum, quo hunc tendere consueuerat ligatum. Atque postea in tanto se spatio sine catena coercuit, in quanto & antea ligatus permansit. Ita ergo & reclusi faciant. Illico autem vt ab infirmitate conualescere coeperint, more solito ostium cellulæ sigilletur, & soli iterum maneant.

Curam autem habeant maximam Prælati, vt diximus, ne à Cellerarijs negligentur senes & infirmi; quia ad magistros respicit, quicquid à discipulis delinquitur. Consideretur autem semper eorum imbecillitas, & nullatenus in eis districtio Regulæ teneatur in alimentis, siue cæteris necessarijs; sed sit in eis pia consideratio, & præueniant, si necesse fuerit, horas canonicas.

CAP. XLIX. *De vestimentis & calceamentis solitariorum.*

**O**portet itaque solitarios sanctarum scripturarum auctoritati parere, sanctorumque Patrum documenta vigilanter perpendere, vt humilitatem, quam corde gestant, actu, habitu, etiam ipso incessu religiosissime demonstrent: plusque velint sancta conuersatione eximijque moribus, quam ornatu vestium fulgere. Quantū igitur à superfluo & immoderato cultu vestium se compescere debeant, multis sanctorum Patrum exemplis perdoceri potest. Ait enim beatus Gregorius: Nemo æstimet in fluxu atque studio pretiosarum vestium peccatum deesse; quia si hoc culpa non esset, nullo modo Dominus Ioannem de vestimenti sui asperitate laudasset. Hinc rursus ait: Nemo quippe  
vesti-

vestimenta præcipua nisi ad ipsam gloriam querit, videlicet ut honorabilior cæteris esse videatur. Nemo vult ibi pretiosis vestibus indui, ubi ab alijs non possit videri. Pro sola enim inani gloria vestimenta pretiosa quæruntur. Hinc Basilii dicit: Si enim studium nobis habendum est omnium nos esse minimos, & omnium nouissimos, certum est, quia & indumentis omnium nos putare debemus nouissimos. Hinc Cassianus dicit: Oportet ut talis sit vestis solitarij, quæ corpus contegens, tantum verecundiam, nuditatis cooperiat, & frigoris iniuriam repellat, non quæ occasionem vanitatis enutriet. Quæ ita sit vilis, ut nulla coloris vel compositionis nouitate inter cæteros fratres spirituales insignis habeatur. Hinc Isidorus ait: Vestimenta solitariorum nec multum vilia, nec multum sint pretiosa: quia nimis pretiosa vestis animum ad lasciuiam pertrahit; nimis vilis aut dolorem cordis parit, aut morbum vanæ gloriæ contrahit. Hactenus de qualitate vestium diximus, nunc autem & de quantitate aliquid dicamus. Vestimenta quippe non multa, nec superflua, sint solitarijs, imitantes dictum Dei nostri ad discipulos suos: *Neque duas tunicas habeatis*. Quas duas tunicas non numero intelligere debemus, sed si alia gestamus, & alia causa avaritiæ seruamus, hæc superflua sunt, & hæc pauperibus dare præcipimur. Vnde sanctus Hieronymus ait: Quicquid corpora nostra defendere potest, & humanæ succurrere imbecillitati, hoc vna appellanda est tunica; & quicquid in præsentibus alimentis necessarium est, vnius diei victus appellatur. Vnde & præceptum à Domino est, ne cogitemus de crastino, hoc est, de futuro tempore. Et Apostolus: *Habentes, inquit, vestem & vestimentum, his contenti simus. Nam qui voluit diuites fieri, incidit in tentationem, & in laqueum diaboli, & desideria multa, & inuilia, & nociua, quæ hominem mergunt in interitum & perditionem.* Qua de causa ad Regulam beati Benedicti recurrimus, & quan-

Luc. 9. 3.

1. Tim. 6.  
8.

quantum ipse concessit monachis habere de vestimentis, & nos concedamus solitarijs: id est, propter noctes, & propter ipsa vestimenta lauanda habeant, si monachi sunt, duas tunicas & duas cucullas. Si vero nondum assumpserunt propositum monachale, cucullas non induant, sed cap-pas: in æstate puram, in hyeme villosam. Habeant etiam pelliceam vnā de pellibus, & duas stamineas, & duo femoralia. Femoraliū autem vsus cuiquam permittendus est, & maxime his qui in ministerio altaris implicantur. Reliqui vero gradus vtrum ea velint gestare, an non, in ipsis sit. Sint etiam illis indumenta pedum, caligæ, & pedules, & subtelaria. Hæc autem consideratio in eorum pendeat arbitrio, vt secundum qualitatem locorum vbi habitant, & aerum temperiem vestimenta habeant, quia in frigidis regionibus amplius indigetur, quam in calidis. Præterea quoque sacerdotes vestimenta sacerdotalia, & altaris linteamina cū summa diligentia conseruent nitida: id est, vnusquisque casulam vnā, albas duas, amictos duos, stolas duas cum manipulis, duos etiam corporales, & duos linteos semper habeant nitidos, sicut tantum decet ministerium.

CAP. L. *De lectisternijs solitiorum.*

Solitarij autem sicut in cæteris, ita etiam in lectisternijs modum tenere debent discretionis: id est, non pretiosa velint habere lectualia, sed vilia: vestimenta quippe & calceamenta, vel lectualia eorum, nec nitida nimium, nec abiecta sint plurimum. Inter vtrumque enim, vt diximus, virtus discretionis tenenda est. Sufficiant autem eis stramenta lectorum, matta, & cilicium, sagum, vel roxa, & capitale. Vestiti quoque dormiant & cincti, vt semper sint parati. Quiescentes autem in lectulis suis frequenter decantent cum Propheta: *Lauabo per singulas noctes lectum meum, lacrymis meis stratum meum rigabo.* Et iterum:

*Psalm. 6, 6.*

*Me-*

Psal 118,  
55.

Psal 69,  
1.

Psal 33,  
1.

*Memor fui nocte nominis tui Domine, & custodivi legem tuam.*  
Et si ante non surrexerint, vel facto signo absque mora sur-  
gentes, festinent ad opus Dei, cum omni tamen grauitate  
& modestia. Cum autem surrexerint, primum signum  
crucis frontibus suis imprimant, & cum silentio dicant:  
*Deus in adiutorium meum intende: Domine ad adiuuandum me  
festina.* Et hoc cantantes mox ad oratorium pergant, &  
prostrati in terra humiliter cum lacrymis & gemitu orent.  
Expleta autem oratione, necessaria corporum suorum  
prouideant. Inde reuertentes illico nocturnum officium  
solemniter & deuote incipiant. Euntes autem aliquo, vel  
redeuntes, semper ore & corde aliquid psallant, quatenus  
cum Propheta fiducialiter dicere queant: *Benedicam Domi-  
num in omni tempore; semper laus eius in ore meo.*

CAP. LI. *Ve certo tempore sese radant, ne sint comati.*

**I**N barbis quoque radendis & capillis tondendis, tenen-  
dus est etiam à solitarijs modus discretionis. Nam, sicut  
legitur in vitis Patrum, fuit quidam vir sanctus, nomine  
Apollonius, qui eos valde reprehendebat, qui barbam &  
comam capitis nutriebant. Dicebat autem: Certum est,  
quod isti ab hominibus laudem quærunt, & ostentationis  
causa barbam vel comam capitis nutriunt; cum manda-  
tum sit etiam ipsa ieiunia in occulto celebranda, vt Deo  
soli sint cognita, qui videt quæ in occulto sunt, & reddit  
in palam. Sed, vt mihi videtur, isti non sunt contenti eius  
remuneratione qui videt in occulto, sed manifestari se  
apud homines volunt. Vnde etiam ad quemdam Roma-  
num fertur dixisse beatus Gregorius istud prouerbium: Si  
sanctitas, inquit, in barba est, tunc nemo sanctior est hir-  
co. Quapropter iuxta considerationem rationis arbitror  
congruum fore, vt solitarij, & præcipue illi, qui sacra myste-  
ria contrectant, de quadraginta in quadraginta diebus se

ra-

radant, & capillos tondeant, vt: iuxta Apostolum, *expon-* Colos. 3. 8.  
*liantes nos veterem hominem cum actibus suis, induamus eum, qui*  
*renouatur in agnitionem Dei: id est, criminibus carnis no-*  
*stræ, quasi crinibus capitis exuamur, atque inde innoua-*  
*tis sensibus enitescamus.* Quam renouationem in mente  
 oportet fieri, sed in capite demonstrari, vbi ipsa mens no-  
 scitur habitare. Habeant etiam infra cellulam retrusionis  
 delium, & quoties expedit, sacerdotes pro munditia cor-  
 poris balneorum vsibus fruantur. Sed fortasse aliqui di-  
 cent: sanctus Antonius nunquam se balneauit. Quibus  
 breuiter respondendum est: Si sanctus Antonius nunquam  
 se balneauit, nec vnquam missam cantauit: ideoque balneo-  
 rum vsus in sacerdotum relinquitur arbitrio, vt mundi &  
 digni habeantur sacra mysteria celebrare.

CAP. LII. *De discipulis solitariorum, & de eorum obedientia.*

**D**iscipuli ergo solitariorum sæpe ammonendi sunt, vt  
 sic viuant, quatenus alijs bonum exemplum præ-  
 beant, & humiliter magistrorum imperijs subiaceant.  
 Mox ergo vt aliquid eis imperatum à magistris fuerit, ac si  
 diuinitus imperetur moram pati nesciant in faciendo. Sed  
 ipsa obedientia tunc acceptabilis erit Deo, & dulcis homi-  
 nibus, si quod iubetur, non tarde, non tepide, aut cum re-  
 sponso nolentis efficiatur: quia obedientia, quæ maioribus  
 præbetur, Deo exhibetur: ipse enim dixit: *Qui vos au-* Luc. 10.  
16.  
*dit, me audit, &c.* Nam cum malo animo si obediat discipu-  
 lus, & non solum ore, sed etiam corde si murmurauerit,  
 quamuis impleat iussionem magistri; tamen acceptabilis  
 non erit Deo, qui cor respicit murmurantis. Et pro tali  
 facto nullam consequitur gratiam, immo poenam murmu-  
 rantium incurrit, si non cum satisfactione emendauerit.  
 Quapropter hi tales relinquentes statim quæ sua sunt, &  
 voluntatem propriam deferentes, secundum Domini sen-

c c c c

ten-



Ioh. 6.  
38.

tentiam, qui dixit: *Non veni voluntatem meam facere, sed eius qui misit me*: mox exoccupatis manibus, & quod agebant imperfectum relinquentes, vicinis obedientiam pede iubentis vocem factis sequantur. Vnde in collationibus Patrum tale datur exemplum: Abbas Sylvanus habuit discipulum quemdam, nomine Marcum, & hic fuerat magnæ obedientiæ, quique etiam scriptor erat. Diligebat autem eum senex propter obedientiam suam. Habebat autem alios undecim discipulos, qui contristabantur pro eo, quod eum diligeret plus eis. Quod cum audissent vicini seniores, quia plus eum cæteris suis discipulis diligeret, moleste tulerunt. Vna autem die venerunt ad eum: quos assutens secum Abbas Sylvanus egressus coepit singulorum discipulorum suorum cellas pulsare, dicens: Frater veni, quia opus te habeo: & vnus ex eis non est mox sequutus eum. Venit autem ad cellam Marci, & dixit ei: Veni, frater, quia opus te habeo. Ille autem scribebat, & non perfecit litteram o, & venit. Et dixerunt senes: Vere Abba, quem tu diligis diligimus, quoniam & Dominus diligit eum. Ideo istud hic posui exemplum, ut discant discipuli agere obedientiam sine mora. Ipsi quoque discipuli non sint superbi, non tardi, non turbulenti, non violenti, non multum edaces; sed sint moribus honesti, ac Deum timentes. Qui etiam ea quæ Deus dederit tempore opportuno diligenter magistris administrent, & in ministrando nullatenus eos contristent: memores semper divini sermonis, vbi ait: *Qui scandalizaverit unum de pusillis qui in me credunt, &c.* Illud etiam ad memoriam reuocent quod ait Apostolus: *Qui bene ministrat, gradum bonum sibi acquirit.* Et rursus, *Hilarem datorem diligit Deus.* Cui autem substantia non est, quæ tribuatur, sermo responsionis porrigatur bonus. Sicut scriptum est: *Sermo bonus super datum optimum.* Omnia autem vasa eorum, cunctamque substantiam, ac si altaris vasa sacrata conspiciant. Nihil ducant

Matth.  
18, 6.

2. Cor. 9.  
7.

Ecli. 18,  
16. 17.

ac-

negligendum; neque avaritiæ studeant, neque sint prodigi; & extirpatores substantiæ illorum: sed omnia mensurate faciant, & secundum iussionem magistrorum. Non enim velint habere solitarij plures discipulos; quia nequam vincere avaritiam possunt, quando ad multorum sustentationem intendunt. Habeat autem unusquisque unum, aut duos, vel plurimum tres discipulos. Paucos tamen condiscipulos ad conuiuendum, & plures ad docendum. Non tamen dicimus, ut scholas generaliter teneant: quamuis liceat, non tamen expedit. Vnde Apostolus: *Omnia, inquit, mihi licent, licet non omnia expediunt.* 1. Cor. 6, 12.

CAP. LIII. *De zelo bono, quem debent habere solitarij erga discipulos.*

**V**T autem ait sanctus Benedictus, sicut est zelus bonus, qui separat hominem à vitijs, & ducit ad Deum, & ad vitam æternam; ita est & zelus amaritudinis, qui separat à Deo, & ducit ad infernum. Hunc ergo zelum, qui ad vitam ducit æternam, seruentissimo amore exerceant solitarij erga discipulos; id est, ut infirmitates illorum siue corporum, siue morum, patientissime tolerant: & si forte aliquid deliquerint, cum omni moderatione eos corripant. In ipsa autem correptione prudenter agant, & plus studeant amari, quam timeri, Et ne quid nimis, ne dum nimis eradere cupiunt rubiginem, frangatur vas: suamque fragilitatem semper suspecti sint: meminerintque calamum quassatum non conterendum. In quibus non dicimus ut permittant nutriri vitia, neque dissimulent peccata delinquentium, sed mox ut oriri cœperint, quantum prævalent, radicitus ea amputent: memores semper quia Heli sacerdos pro filiorum iniquitate damnatus est. 2. Reg. 2, 1. Tim. 4.  
Quapropter teneant consilium Apostoli dicentis: *Argue,*

*obsecra, increpa in omni patientia & doctrina. Id est, indiscipli-*  
*natos durius argue; obediētes & mites, vt in melius pro-*  
*ficiant, obsecra; negligētes & contemēntes increpa;*  
*omnia tamen cum patientia. Improbos autem, & duros,*  
*& superbos, vel inobediētes, si ætas siuerit, verberum ca-*  
*stigatione, & corporum afflictione coerceant, sicut scri-*  
*ptum est: Percute filium tuum virga, & animam eius de inferno*  
*liberabis. Hoc summopere perpendentes, vt iuxta quali-*  
*tatem vulnerum, exhibeant fomenta curationum. Caueant*  
*autem, vt dum alios de ammonitionibus suis emendare*  
*procurant, ipsi ab omnibus yitijs emendati inueniantur;*  
*ne forte alijs prædicantes, ipsi (quod absit) reprobi effi-*  
*cientur.*

CAP. LIV. *Quomodo ieiunare debeant solitarij.*

**S**ic enim necessaria nobis sunt ieiunia, sicut vulneribus  
 medicina; ita tamen, vt duarum rerum testimonio  
 comprobentur, id est, oratione, & eleemosyna. Vnde  
 B. Augustinus ait: Bonum est ieiunare, sed melius est elee-  
 mosynam dare. Eleemosyna enim sufficit sine ieiunio:  
 ieiunium vero non sufficit sine eleemosyna. Tale est ieiun-  
 ium sine eleemosyna, qualis est sine oleo lucerna. Et  
 sicut lucerna quæ sine oleo accenditur, fumigare potest,  
 lucem habere non potest: ita ieiunium siue eleemosyna,  
 carnem quidem cruciat, sed caritatis lumine animam non  
 illustrat. Sed quærendum nobis est, quomodo solitarij  
 eleemosynam dare iubentur, qui non solum facultates,  
 sed etiam seipsos Domino fideliter obtulerunt. Ad hæc  
 non ego, sed Dominus per Prophetam respondit, dicens:  
*Isai. 58. 7. Frange esurienti panem tuum, &c. Non enim dixit; Da esu-*  
*rienti totum panem tuum, sed ait, frange esurienti panem*  
*1. Co. 13. 13. tuum. Vnde Apostolus: Non, inquit, ut alijs sit refrigerium,*  
*vobis autem tribulatio. Sed ex equalitate vestra abundantia*  
 alio-

*aliorum sustentet inopiam: ut & illorum abundantia vestra inopie sit supplementum: Et alias scriptum est: Si multum tibi fuerit, multum tribue: si autem exiguum fuerit, etiam exiguum da.*

Tob. 4, 8.

Tria sunt enim genera eleemosynarum, quæ indefinenter agere debemus. Vnum corporale, egenti dare quicquid poterimus: alterum spiritale, dimittere à quo læsi fuermus: tertium, delinquentes corrigere, & errantes in viam veritatis reducere. Ad hæc autem iungatur oratio, & erit ieiunium perfectum. Vnde dictum est: *Bona est oratio cum ieiunio.*

Tob. 12, 8.

Per ieiunia enim & orationes occulta, mysteriorum cælestium reuelantur, diuinique sacramenti arcana panduntur. Non enim quispiam potest virtutem perfectionis attingere, nisi prius ventris edomauerit ingluuiem. Ieiunia quippe moderata debent esse, ne nimis debilitent stomachum, quia modicus & temperatus cibus utilis est corpori & animæ. Quærendum est etiam, si bi-duana ac triduana ieiunia facere oporteat solitarios. Ad quod beatus Hieronymus respondens, ait: Parcus cibus, & venter semper esuriens triduanis ieiunijs præfertur: multoque melius est quotidie parum comedere, quam raro satis sumere. Pluuia illa optima est, quæ sensim descendit in terram: nam subitus & nimius imber in præceps arua subuertit. Qua de re in collationibus Patrum ita legitur: Interrogauit, inquit, Abbas Ioseph Abbatem Pastorem dicens: Quomodo opus est ieiunare? Et respondit: Bonum est ut monachus, vel solitarius quotidie comedat, & paululum subtrahat sibi de cibo, ne satietur. Et dixit Abbas Ioseph: Ergo quando iuuenis eras, non ieiunabas bi-duanas? Dixit senex: Crede mihi, quia & triduanas, & hebdomadam: Sed hæc omnia probauerunt senes magni, & inuenerunt, quia bonum est quotidie manducare, & parum, ut sit quotidie esuries. Hanc enim viam regiam leuem nobis esse demonstrauerunt. Nam bi-duana & triduana ieiunia vanam gloriam ostendunt. Alius qui-

dam

Psal 34.  
13.

dam frater interrogauit dicent: Ieiunia & vigilias, quas facit homo, quid proficiunt? Dixit ei senex: Quoniam ipsa sunt quæ faciunt humiliari animam. Vnde dicebat Dauid: *Humiliabam in ieiunio animam meam, & oratio mea in sinu meo conuertetur.* Nam iusti & prophetæ nostri, quādo à Deo aliquid impetrare volebant, ieiunio se affligebant: & sic quod postulabant impetrare se gaudebant. Ita & nos ieiunando humiliemus animas nostras, & tūc quod poposcerimus, à Deo impetrabimus. Non ergo nos præferamus eis qui ieiunij nostri nō valent obtinere mensuram, ne forte plus humilitatis aliarumq; virtutum habeant illi; vnde iure nobis ieiunantibus & abstinentibus præferantur. Neque enim istud ieiunium corporale ad perfectionem nobis proficit, nisi fuerit huic animæ quoque ieiunium copulatum. Habet namque anima suos noxios cibos, à quibus impinguata etiam sine escarum abundantia ad luxuriæ prærupta deuoluitur. Nam superbia, vana gloria, detractio, & inuidia, & cætera talia cibis eius sunt. Nihil ergo nobis prodest ab escis carnalibus abstinere, & talibus vitijs pectus replere. Quocirca si volumus nobis abstinentiam nostram ieiuniaque proficere, ab his & ab alijs omnibus vitijs nobis caueamus, & ad sanctarum culmen virtutum, diuina opitulante gratia, nitamur conscendere.

CAP. LV. *Quod solitarij pro hospitibus ieiunium soluant.*

**D**E susceptione itaque superuenientium fratrum ob causam caritatis B. Prosper ita loquitur, dicens: Si enim propter quoslibet aduenientes ieiunio intermissio reficio, non soluo ieiunium, sed impleo caritatis officium. Cæterum si propter abstinentiam, vel ieiunij mei, spirituales fratres, quos noui mea remissione delectari, contristo, abstinentia mea non est virtus dicenda, sed vitium. Quoniam quidem ipsa abstinentia ac ieiuniorum continua-

nuatio, nisi fuerit, quando res exigit, prætermiffa, & me inflat, & fratrem meum, cui caritas iubet feruire, contristat; vel certe mihi nihil inesse caritatis supernæ demonstrat. Hinc S. Benedictus ait: Omnes superuenientes hospites tanquam Christus suscipiantur, quia ipse dicturus est: *Hospes fui, & suscepistis me*. Et omnibus congruus honor exhibeatur; maxime domesticis fidei, & peregrinis. Et post pauca: Ieiunium, inquit, frangatur à monacho vel solitario propter hospitem, nisi forte præcipuus sit dies ieiunij, qui non possit violari. Alijs vero temporibus consuetudines ieiuniorum prosequantur. Pauperum vero, & peregrinorum maxime, cura sollicitè exhibeatur; quia in ipsis magis Christus suscipitur. Nam diuitum terror ipse sibi exigit honorem. Qua de re in collationibus Patrum tale datur exemplum. Abba Syluanus, dum cum discipulo suo Zacharia ad quoddam monasterium visitandi gratia peruenisset, fecerunt eos monachi antequam egredierentur caritatis causa reficere. Eiant autem dies ieiunij. Postquam autem egressi sunt, inuenit discipulus eius aquam in via, & voluit bibere; & respiciens Abba Syluanus ait: Zacharia, noli bibere, an nescis quia ieiunium est hodie? At ille dixit: Numquid non manducauimus hodie, Pater, ad monasterium & bibimus? Dixit senex: Illud manducare caritatis fuit; nos autem teneamus ieiunium nostrum, fili. Hic patenter ostenditur, quia cum discretionè vtrunque possumus agere, & cum superuenientibus hospitibus caritatis causa aliquando reficere, & ieiunij regulam non prætermittere. Itaque sanctus Cassianus de eadem re interrogauit quemdam senem, dicens: Cur sic indifferenter apud vos quotidiana ieiunia pro hospitibus soluuntur? Respondit senex: Ieiunium semper mecum est: Vos autem continuo dimissurus sum, & mecum iugiter tenere non potero; ideo caritatis officium in vobis impleo, & adiecit, dicens: Non enim possunt filij

Matth. 9,  
15.

Spon-

*Sponsi ieiunare, quamdiu cum illis est sponsus: Cum autem discesserit, tunc ieiunabunt. Ita & nos vobis dimissis licite ieiunij nostri regulam obseruabimus.*

CAP. LVI. De caritate

**C**aritas est dilectio Dei & proximi, in toto corde, & in tota mente. Inter cæteras quippe virtutes caritas obtinet principatum: sine ipsa quidem ad perfectionis culmen nemo conscendere valet. Tunc enim homo perfectus est, quando caritate plenus est, quam nos habere.

*Col. 3, 14.* Apostolus præcipit, dicens: *Super omnia autem caritatem habete, quod est vinculum perfectionis.* Et iterum: *Caritatem fraternitatis inuicem diligentes.* Hinc Petrus Apostolus ait: *1. Pet. 4.* *Ante omnia autem caritatem in vobismetipsis continuam habentes; quia caritas operit multitudinem peccatorum.* Hinc Ioannes Apostolus ait: *1. Ioan. 4.* *Deus caritas est, & qui manet in caritate, in Deo manet, & Deus in eo.* Quamobrem tenenda est ab omnibus sanctis viris vnitas caritatis, & præcipue à solitarijs; quia quanto se subtrahunt mundo, tanto necesse est vt habeant dilectionem in Deo & proximo; & tunc seruant in se dilectionem Dei, quando à caritate non diuiduntur proximi. Vnde ipsa veritas ait: *Ioan. 13, 35.* *In hoc cognoscent omnes, quia mei estis discipuli, si dilectionem habueritis ad inuicem.* Quantam enim caritatem sancti Patres nostri habebant ad inuicem, in præsentī exemplo manifestatur, quod subditur: Quodam tempore venit quidam frater ad sanctum Macarium, & obtulit ei causa caritatis vnam vnā. Ille autem gratias egit Deo pro fratris officio; statim ad alium fratrem, qui ei infirmior videbatur, secundum caritatem detulit eam; sed & ipse nihilominus plus de proximo quam de semetipso cogitans, ad alium fratrem detulit eandem vnam: & ille iterum ad alium detulit eam, & rursus ille ad alium; & sic per omnes cellulas, quæ longe lateque

per

per eremum erant dispersæ, ipsa vna circumportata est, ignorantibus omnibus quis eam primus misisset. Ad ultimum quoque ipsi beato Macario deferretur, qui eam miserat primus. Gratulans autem sanctus Macarius quod tantam videret in fratribus caritatem, tantamque continentiam, ad ampliora semetipsum spiritualis vitæ extendit exercitia. Credo enim quod inter istos sanctos fratres erat perfecta caritas; quia nemo ex eis quærebat quæ sua sunt, sed quæ alterius. Tanta est enim virtus caritatis, sicut Apostolus testatur, vt nec martyrium, nec sæculi contemptus, nec eleemosynarum largitio sine ipsa quicquam proficit. Quocirca si volumus ad supernam patriam feliciter peruenire, caritatem Dei & proximi studeamus veraciter habere: quia sicut sine via nemo potest peruenire quo tendit; ita sine caritate, quæ dicta est via, non ambulare possumus, sed errare. Omnis insuper bonitas ex caritate, & humilitate procedit. Et sicut ignis sine calore & splendore esse non potest, ita & caritas sine humilitate & vera obedientia esse non potest. Sciendum est autem quia humilitas & obedientia, ac reliquæ virtutes cum corpore incipiunt, & cum corpore deficiunt, & tamen merces earum permanet in æternum: caritas vero in præsentī incipit sæculo, & in futuro permanet cum Deo.

1. Cor. 13.

## CAP. LVII. De humilitate.

Ad fastigium ergo veræ humilitatis suo nos Dominus: exemplo prouocare dignatus est, dicens: *Discite à me quia mitis sum, & humilis corde: & inuenietis requiem animabus vestris.* Hinc Petrus Apostolus ait: *Humiliamini sub potenti manu Dei & exaltabit vos.* Hinc enim datur intelligi, quia quanto quisque se pro Christi amore inclinat ad ima, tanto proficit in excelsis: & quanto superbus gloriosior apparet inter homines, tanto deiectior erit ante Deum.

Matth.

11, 29.

1. Pet. 5,

6

d d d d

Vn-



Luc. 18,  
14.

Prov. 11  
2.

Isai. 66,  
2.

Vnde idem Dominus ait: *Omnis qui se exaltat, humiliabitur; & qui se humiliat, exaltabitur.* Nam cum hæc dicit, ostendit nobis omnem exaltationem genus esse superbiæ. Deus enim humilis factus est nostræ salutis causa: erubescat homo superbus esse; quia, ut ait Salomon, *ubi fuerit superbia, ibi erit & contumelia; ubi autem humilitas, ibi & sapientia.* Et, super eum requiescet Spiritus sanctus. Vnde ait Dominus per Prophetam: *Super quem requiescet Spiritus meus, nisi super humilem, & quietum, & tremementem verba mea?* Quapropter quicumque humilis & quietus non erit, non potest in eo habitare gratia Spiritus sancti. Illi autem panduntur secreta, & quod latet in diuinis sermonibus, qui humilitatem tenet in moribus. Semper autem conscientia solitiorum humilis debet esse, & tristis scilicet ut per humilitatem non superbiat, & per utilem moerorem cor ad lasciuiam non dissoluat. Per humilitatem etiam spiritus immundi Dei seruis subiiciuntur. Vnde in collationibus Patrum ita legitur: Homo qui à dæmonio vexabatur, & fortiter spumabat, vidit quemdam senem solitarium, & eleuans manum percussit eum in maxilla; senex vero secundum Domini præceptum conuertit ei alteram. Statim autem dæmon non ferens incendium humilitatis illius, clamans & eiulans discessit ab eo. Alio denique tempore transiens Abbas Macarius per eremum; ecce occurrit ei diabolus in via cum falce messoria. Voluit autem illum percutere de falce illa, & non potuit. Et dixit dæmon: Multam violentiam patior à te, o Macari, quia non possum præualere aduersum te. Ecce enim quicquid tu facis, & ego facio. Tu ieiunas, ego nihil comedo; tu vigilas, ego omnino non dormio. Vnum est autem solum in quo me superas. Et dixit ei Abbas Macarius: Quid est illud? & respondit diabolus: Humilitas tua me vincit, propter quam non præualeo aduersum te. O quantæ est virtus humilitatis, quæ non solum homines saluat, fed

sed etiam dæmones superat. Quanta autem sit virtus humilitatis iterum beatus Antonius ostendit, dicens: Vidi omnes laqueos satanæ tenfos in terra, & ingemiscens dixi: Quis putas transiet istos? & audiui vocem dicentem mihi: Humilitas. Quocirca inclinemus cervicem cordis in vera humilitate, ut omnes laqueos satanæ possimus illæsi transire. Tunc enim veram humilitatem habebimus, si quando peccaverit in nos frater noster, antequam ille poeniteat, indulserimus ei. Et tunc veram humilitatem habemus, quando nec læsi irascimur, nec alios irasci permittimus; sed potius pro ipsis ex corde oramus. Præterea quoque si cui de humilitate altius libuerit perscrutari, ad Regulam sancti Benedicti recurrit, ibique duodecim humilitatis gradus satis luculenter expositos inueniet.

CAP. LVIII. *De obedientia.*

**O**bedientia itaque dicitur obtemperantia, eo quod humiliter quis obediat vel obtemperet imperanti. Recte enim ille obediens vocatur, qui per obedientiæ humilitatem Deo se toto animo subdit, & eius præcepta humilitate implet. Ille etiam recte obediens vocatur, qui præcepta magistri iuxta vires humiliter implere studet. Nam Christus Dominus noster qui peccatum non fecit, nec inuentus est dolus in ore eius, factus est obediens pro nobis Patri usque ad mortem, nobis relinquens exemplum, ut sequamur vestigia eius. Ideoque omne quod solitario iniunctum fuerit ab aliquo religionis gratia, libenter obtemperet imperanti: & si forte aliqua graua aut impossibilia ei iniungantur, libenter quidem & cum omni mansuetudine iubentis imperium suscipiat. Quod si omnino virium suarum mensuram hoc, quod ei iniungitur, viderit excedere, non resistendo illud spernat, sed causam impossibilitatis suæ ei, qui sibi iniunxerat, humiliter & patienter

d d d d 2

enar-

enarret, quatenus eius moderamine quod illi onerosum fuerit, subleuetur, ut contradictionis vitio careat. Sancti quoque Patres nostri per obedientiae laborem, ad celsitudinis perfectionem peruenerunt. De pluribus autem vnum, mirae obedientiae virum, hic inserere studeamus. Quidam enim saecularis homo renuntiavit saeculo, & venit ad monasterium, relinquens tres filios suos in ciuitate; & cum fecisset tres annos in monasterio, coeperunt ei cogitationes suae filios ad memoriam frequenter adducere, & contristabatur pro eis valde. Videns autem eum Abbas tristem, dixit ei: Quid habes, quod tristis es? Et narrauit ei, quia tres filios haberet in ciuitate, & quia vellet eos ad monasterium adducere. Praecepit autem ei Abbas, ut adduceret eos. Qui cum perrexisset in ciuitatem, inuenit duos ex his iam fuisse defunctos, vnum vero solummodo remansisse. Quem assumens venit ad monasterium. erat autem Abbas ad pistrinum. Ille vero tollens filium suum, quem adduxerat, abiit ad Abbatem in pistrinum; & videns eum Abbas venientem salutauit, & tenens infantem, quem adduxerat, amplexatus est eum & osculabatur. Et dixit patri eius: Amas eum? Et ille respondit: Etiam. Et rursus dixit ei: Omnino diligis eum? Et respondit: Etiam. Haec audiens Abbas dixit ei: Tolle ergo si amas eum, & mitte in furnum sic modo dum ardet. Et tenens eum pater suus iactauit eum in clibano ardenti; statim autem factus est clibanus velut ros. Ex qua re acquisiuit gloriam in tempore illo, quemadmodum Patriarcha Abraham. O quam magnam obedientiam habuit iste sanctus vir, qui nec proprio filio suo pepercit, sed ad vnius iussionem Abbatis ignibus eum tradidit! Puto enim quia si illi praecipisset Abbas obedientiae causa in clibanum intrare, intrasset utique. Nos ergo qui per inobedientiam mandatorum Dei, ac sanctorum eius, necnon & magistrorum nostrorum, recessimus à Deo, per obedientiae laborem rede-

dea-

deamus ad illum, qui dixit : *Venite ad me omnes qui laboratis, & onerati estis, & ego reficiam vos.* Matth. 11, 28.

CAP. LIX. *De virtute patientiæ.*

**P**atientia enim vera est, in præsentī iniurias fortiter sustinere, & in futuro vindictam non querere; sed ex corde ei qui mala irrogat ignoscere. Nam sunt nonnulli qui ideo per aliquod spatium temporis patienter sufferunt iniuriam, ut subsequenter facilius vindicare se queant: isti tales veram non habent patientiam. Ille enim vere patiens est, qui & ipsum amat quem portat: nam tolerare & odisse non est virtus mansuetudinis, sed velamentum furoris. In patientia enim querenda est virtus mansuetudinis, & ignoscendi facultas, non vindicandi opportunitas. Sicut enim patienter sufferre debemus iniurias ab alijs in nos illatas; ita & tribulationes infirmitatum, quæ nobis eveniunt, patienter sufferre necesse est. Probabitur enim homo flagellis Dei, quo animo bene faciat, & qua fortitudine tentationes sibi superuenientes sufferat. Unde ait Apostolus: *Tentat enim vos Deus, ut sciat si diligatis eum.* Dante. 13. 3. Tribus enim modis solent accidere tentationes Dei servis. Vno modo tentantur à Deo per flagella; alio modo à diabolo per illusiones, & diuersas machinationes: tertio modo tentantur à proximo per damna, & contumelias, ac persecutiones. Sed ille beatus est, qui hæc omnia patienter tulerit: De tali enim viro dicit Scriptura: *Beatus vir qui suffert tentationem, &c.* Ier. 2, 13.

Sine ferro autem martyres esse possumus, si patientiam veraciter in animo seruamus. Tanto enim quisque minus offenditur doctus, quanto minus conuincitur patiens. Unde per Salomonem dicitur: *Doctrina viri per patientiam nescitur.* Prov. 29. 11. Super omnia autem contumelias detrahentium patientia superemus: sagittas contumeliæ patientiæ clypeo fran-

frangamus; contra linguę gladiū patientiæ fortum præbeamus. Et si quis nobis intulerit mala, nequequam irascamur contra illum; sed potius doleamus pro illo, quia Deus illi irascitur. Videamus autem quantam patientiam iste sanctus senex habebat, de quo hic locuturi sumus. Erat in eremo magnus quidam senex, qui de labore manuum suarum vivebat: & erat alius frater vicinus ei, qui sæpe ingrediebatur, & rapiebat quicquid senex habebat in cella. Videbat autem eum senex, & non obiurgabat eum; sed extorquebat sibi plus solito manibus operari, dicens: Credo opus habet ille. Astringebat autem ventrem suum, & cum indigentia manducabat panem. Cum autem mori coepisset senex ille, circumsteterunt eum fratres, & respiciens in eum qui furabatur, dixit ei: Iunge te huc ad me, & tenuit manus eius, & osculatus est eas, dicens: Gratias ago istis manibus, frater, quia propter istas vado ad regnum cælorum. Ille autem compunctus & poenitentiam agens factus est etiam ipse probatus monachus, exempla sumens de actibus magni illius senis. Valde enim laudabilis est patientia eius sancti monachi; sed valde laudabilior est patientia Christi. Senex iste rapientem fratrem vidit & tacuit; Christus vero opprobria, contumelias, irrisiones, alapas, sputa, flagella, spineam coronam, crucemque sustinuit, & nec contumeliosum cuiquam verbum respondit. Iste enim raptoris manus deosculans gratias egit; Christus autem in cruce positus pro persecutoribus exoravit. Sed in his omnibus exemplum patientiæ nobis reliquit. Quapropter studeamus patientes esse ad omnes, & in omnia, quia Christus dixit: *In patientia vestra possidebitis animas vestras*. Simus mansueti, quia, ut ait Propheta: *Mansueti hereditabunt terram, & delectabuntur in multitudine pacis*. Quisquis igitur lenis, mitis, & patiens est, Dei filij imitator est. Et quisquis amplectitur pacem in mentis suę hospitio, mansionem in se præ-

Luc. 21,  
19.

Psal. 36  
11.

parat Christo : quia Christus pax est, & in pace requiescere consuevit.

CAP. LX. *De discretione.*

**D**iscretio namque est mater omnium virtutum, & ideo in omnibus tam spiritualibus, quam corporalibus operibus tenenda est à solitarijs temperantia discretionis, ne superflue laborantes corde pariter & corpore deficiant. Sed sic omnis eorum actio temperetur, quatenus alacri animo plus se adhuc cupiant in bonis operibus exercere. Siue enim sint vigiliæ, siue ieiunia, siue abstinencia, & cætera his similia, sic temperentur, vt nec animi virtus succumbat, nec corporis fortitudo lassescat. Vnde quidam Patrum dicebat : Corpus nostrum sic est fragile, sicut vestimentum. Si diligenter tractabimus illud, stabit ; sin autem, in paruo tempore corruet. Præterea quoque superuenit quidam venationem faciens in silua agrestium animalium, & vidit Abbatem Antonium gaudentem cum fratribus, & displicuit ei. Volens autem ei senex ostendere, quia oportet aliquando condescendere fratribus, dixit ei : Pone quæso sagittam in arcu tuo, & trahe. Et fecit sic. Et dixit iterum : Trahe ; & traxit. Trahe adhuc ; & traxit. Dixit ei venator : Si super mensuram traxero, frangetur arcus. Dixit ei Abbas Antonius : Ita est in operibus Dei : si plus à mensura tendimus, fratres cito deficient. Expediit ergo vel ad momentum relaxare rigorem eorum. Hæc audiens venator compunctus est ; & multum proficiens in sermone senis discessit : & fratres confirmati tum reuersi sunt ad locum suum. Hæc ergo, aliaque testimonia discretionis considerata sunt à solitarijs ; & sic omnia temperent atque discernant, vt ipsi nimis fatigati non deficiant ; & alij a coepto itinere non refugiant.

CAP.

**T**aciturnitas autem virtus est humilitatis, & indicium grauitatis; nutrix virtutum, & custos animarum. Hinc Salomon ait: *Qui custodit os suum & linguam suam, custodit ab angustiis animam suam.* Quanto igitur quisque sub silentio deprimit se, tanto compunctionis aciem in cælo figit; & quanto taciturnitatis fræno constringit linguam, tanto ad cælestia erigit mentem suam. Ideoque solitariustaciturnitatem diligit, & à malo ac prauo, vel omni stultiloquio linguam suam coerceat, dicatque cum Propheta: *Dixi, custodiam vias meas, ut non delinquam in lingua mea.* Et iterum: *Posui ori meo custodiam.* Et rursum: *Obmutui & humiliatus sum; & filii à bonis.* Ille enim bene vias suas, id est, actus vitæ suæ custodit, qui in lingua minime offendit. Ille etiam bene ori suo custodiam ponit, cuius lingua nec in maliloquium, nec in vaniloquium, nec in multiloquium procaciter fluit. Ne ergo in maliloquium labatur lingua, ponat vnusquisque nostrum ori suo custodiam, & diligenter attendat quid de male loquentibus dicat Propheta: *Disperdas, inquit, Dominus vniuersa labia dolosa, & linguam magniloquam.* Quid etiam de multiloquio Salomon dicat, audiamus: *In multiloquio, inquit, non effugies peccatum; & qui multis vtitur verbis lædit animam suam.* Hinc iterum Propheta ait: *Si quis vult veram & perpetuam habere vitam, & cupit dies videre bonos, coerceat linguam suam à malo; & labia eius ne loquantur dolum.* Hinc Apostolus ait: *Si quis putat se religiosum esse, non refrænans linguam suam, sed seducens cor suum, huius vana est religio.* Hinc beatus Ambrosius ait: Est homo qui silentium quidem affectat, sed cor eius multum se condemnat: iste talis multum loquitur, & est alius qui à mane vsque ad vesperam loquitur, & cum discretionē, silentium magnum custodit. Hoc autem dicebat de illo, qui sine vtilitate audientium nunquam loquitur. Ille enim

enim bene taciturnitatem custodit, qui vsque ad interrogationem non loquitur. Quapropter solitarius modum loquendi non transeat; maneat in verbo eius mensura, in sermone statuta. Semper verba eius sint moderata, & plus diligit semper audire, quam loqui: & ne prius respondeat verbum, quam audiat. Vnde scriptum est: *Qui ante respondet, quam audiat, stultum se esse demonstrat.* Nam loqui & docere, vt ait sanctus Benedictus, magistrum condecet, tacere & audire discipulo conuenit. Et si quæ sunt requirenda à magistro, cū omni humilitate & subiectione reuerentiæ requirantur. Scurrilitates vero, vel verba otiosa & risum mouentia, æterna clausura in omnibus locis damnamus; & ad talia eloquia discipulum os aperire non permittimus.

Prov. 18,  
11.

CAP. LXII. *De cauenda detractioe, & quod duobus modis potest aliquis sine peccato alieni peccata dicere.*

Quamquam enim beatus Hieronymus dicat, quia non est detrahere verum dicere; tamen cauenda est omnimodis detractio à solitarijs, monente beato Iacobo Apostolo: *Nolite, inquit, detrabere alterutrum, fratres mei, quia qui detrahit fratri, aut qui iudicat fratrem suum, detrahit legi, & iudicat legem.* Hinc Salomon ait: *Remoue à te os prauum, & detrahentia labia procul sint à te.* Et iterum: *Cum detractoribus non commiscearis; quoniam repente confurget perditio eorum.* Hinc Hieronymus ait: *Caue ne linguam aut aures habeas prurientes; id est, non ipse detrahas, aut alios detrahentes audias; quia qui detrahit, & qui detrahentem libenter audit, vtrisque vnum crimen est.* Hinc Isidorus ait: *Ne detrahas peccanti, sed condole; & quod in alio detrahis, in te potius pertimesce.* Hinc etiam in vitis Patrum dicitur: *Melius est, inquit, quotidie carnem comedere, & vinum bibere, quam lacerare carnes fratrum in obrectatione.* Denique, vt ait sanctus Basilius, duobus

Iacob. 4,  
11.

Prov. 4,  
24.

Prov. 14,  
21.

c e e e

mo.



modis possumus sine detractiōe aliorum peccata dicere, vel retractare. Id est, si quando necesse est cum coeteris consilium habere, quomodo corrigatur is qui peccauit, tunc possumus ipsius peccata in medium adducere, & publicare absque detractiōe. Et rursus, si quando necesse est praeuenire & commonere aliquem, ne forte incurrat in consortio vel societate alicuius mali hominis, tunc etiam possumus sine detractiōe illius peccata manifestare. Quod & ipsum Apostolum fecisse inuenimus, dum dicit ad Timotheum: *Alexander aetarius multa mala mihi ostendit, quem tu quoque deuota: valde enim resistit sermonibus meis. Reddet illi Deus secundum opera sua mala.* Praeter huiusmodi autem necessitates quicumque dicit aliquid aduersus alium, vt vel derogat ei, vel obtrectet, illud est detrahere, etiam si videantur vera esse quae dicit.

2. Tim. 4.  
14

#### CAP. LXIII. Consolatio solitariorum de detractiōe.

**N**on ergo solitarij multum contristari debent, si forte ab aliquibus prauis hominibus sine culpa detrahantur: quia in consolatione nostra, sua Dominus opprobria adducere dignatus est, dicens: *Si patrem familias Beelzebub uocauerunt, quanto magis domesticos eius?* Et iterum: *Si de mundo fuissetis, mundus, quod suum erat, diligeret: sed quia de mundo non estis, propterea odit vos mundus.* Hinc apostolus ait: *Nolite mirari si odit vos mundus.* Sunt autem plurimi, qui vitam solitariorum fortasse amplius quam debent, laudant: & ne eis de laude elatio subripiat, permittit omnipotens Deus malos in obtrectatione & obiurgatione prorumpere: vt si qua culpa ab ore laudantium in corde solitariorum nascitur, per obtrectationem malorum ad poenitentiam reuocentur. Sed inter haec verba laudantium siue vituperantium, ad mentem semper recurrere debemus: & si in ea non inuenitur bonum, quod de nobis dicitur, magna tri-

Matth.

10; 25.

Joan. 15;  
19.

tristitia generari debet. Et rursus si in ea non inuenitur malum, quod de nobis homines loquuntur, in magna laetitia proficere debemus. Vnde beatus Iob dicebat: *Ecce enim in coelo testis meus, & conscius meus in excelsis*. Qui enim vitae suae in coelo testem habet, detractiones hominum in terra pertimescere non debet. Hinc Paulus ait: *Gloria nostra haec est, testimonium conscientiae nostrae*. Nisi enim fuissent, qui eidem Apostolo malam famam imponerent, & seductorem vocarent, nequaquam diceret: *Per infamiam & bonam famam; ut seductores, & veraces*. Sed quid de redemptore nostro agimus, qui à Iudæis daemoniacus, & blasphemus, atque persecutor vocatus est? Beatus quoque Arnulphus cum esset episcopus, postea solitarius factus, detractiones prauorum hominum æquanimiter tolerauit. Vnde in gesta ipsius ita legitur: Quidam namque homo, nomine Noddo, cum complicitibus suis eidem beato Arnulpho derogare ausus est. Dicebat autem, illum non esse cultorem Dei, sed potius hominem voluptati deditum. Cumque idem detractor stratum vna cum detrahente socio petisset, iubente Deo omnia vestimenta illorum flamma circumdans vallauit. Illico exilientes aquam vrgentibus vocibus deposcebant: sed aqua iniecta flammam diuinitus missam non extinguebat. Ardebant autem nequiter circa nates vel genitalia loca camisiae illorum, nec à se ardentia vestimenta exuere praeualebant. Quid plura? Quia aliud facere non poterant, exiliunt foras: & ad instar porcorum in volutabro lutī sese vociferantes inuoluunt: sed magis ac magis genitalia ipsorum ignis immixtus cremabat. Tunc quippe, ut reor, impletum est super illos quod scriptum est: *Detrahentem oculis proximo suo; hunc persequabar*. Sicque diuina censura iubente actum fuit, ut de quibus virum sanctum detraxerant, in ipsis poenam sentirent. Ipse quoque sanctus episcopus atque solitarius nec pro detractione illorum fuit tristior, nec pro vindicta diuinitus facta

Iob. 16.  
20.2. Cor. 1.  
12.2. Cor. 6.  
8.Psal. 109.  
5.

Act. 5,  
41.

Luc. 17,  
3.

exitit lætior; sed potius, iuxta præceptum Domini, eos dilexit, atque pro eis oravit. Vbi nos pariter dosemur, non contristari pro detractiōe, sed magis gaudere de contumelijs, reminiscētes hoc quod scriptum est: *Quia ibant Apostoli gaudentes à conspectu concilij, quoniam digni habiti sunt, pro nomine Iesu contumeliam pati.* Si illi non contristabantur de contumelijs & verberibus, neque nos contristari debemus de verbis atque detractiōibus. Quid ergo aliud faciunt detrahentes, nisi in puluerem sufflant, atque in oculos suos terram excitant? Vocandi tamen sunt, & patienter increpandi, iuxta præceptum Domini, qui dixit: *Si peccauerit in te frater tuus, increpa illum. Et si dixerit, pœnitet me, dimitte illi: & si septies in die peccauerit in te, & septies dixerit, pœnitet me, dimitte illi.* Quisquis igitur hoc fecerit, & seipsum saluabit, & detrahentem proximum de peccati fouea liberabit.

#### CAP. LXIV. *De cogitationibus & diabolicis illusionibus.*

Sicut enim à malis operibus & peruersis locutionibus oportet solitarios abstinere, ita etiam à prauis cogitationibus debent se corda illorum custodire. Vnde beatus Hieronymus admonet, dicens: Non sinas cogitationes malas in corde tuo crescere. Et alibi: Caput cogitationis exclude, & cætera superantur. Non enim potest corrumper corpus, nisi prius corruptus sit animus: & nihil potest facere caro, nisi quod voluerit animus. Idcirco munda prius à prauis cogitationibus animum, & caro non peccabit in æternum. Bonæ autem cogitationes semper à Deo procedunt: malæ cogitationes vero aliquoties à nobismetipsis veniunt, & aliquoties instinctu diaboli excitantur. Nemo enim potest à diabolo decipi, nisi is, qui ei suæ voluntatis assensum præbere voluerit. Si enim repugnemus ei, fugiet à nobis. Vnde beatus Iacobus apostolus:

Re-

*Resistat, inquit, diabolo, & fugiet à vobis.* Qua de causa ita in Iac. 4. 7.  
 Collationibus Patrum legitur: Quodam tempore beatus  
 Macarius habitabat in loco deserto solus, & erat prope alia  
 solitudo, in qua habitabant plurimi fratres. Et vidit senex  
 Satanam venientem in habitu hominis, vt transiret per  
 cellam eius. Videbat autem eum quasi tunica vti linea,  
 omnino verusta, & per omnia foramina eius pendebant  
 ampullæ. Et dixit ei senex: Quo vadis? Et ille respon-  
 dit: Vado commemorare fratres. Senex autem dixit: Et  
 vt quid tibi ampullas istas? Et dixit: Gustum fratribus  
 porto. Dixit ei senex: Totas istas cum gustu portas? Et  
 respondit: Etiam; vt si vnum alicui non placet, offeram  
 aliud; si autem nec illud, dabo tertium, & ita per ordinem,  
 vt omnino vel vnum ex eis placeat ei. Et cum hæc dixisset,  
 transiit. Et obseruabat senex, custodiens vias, donec  
 ille reuertaret. Et cum videret eum senex, dixit ei: Sanus  
 sis. Et respondit: Vbi mihi salus? Et dixit senex: Quare?  
 Et respondit: Quia mihi modo omnes sanctificati sunt, &  
 nemo mihi acquiescit. Et dixit senex: Neminem ami-  
 cum habes illic? Et respondit: Vnum tantummodo fra-  
 trem habeo ibi, vel ipse solus mihi acquiescit; & quando  
 me videt, conuertitur velut ventus. Senex vero dixit ei:  
 Quomodo vocatur frater ille? Respondit: Theoctistus.  
 Et cum hæc dixisset, transiit. Surgens autem Abbas Maca-  
 rius perrexit ad fratres. Qui cum audissent, acceperunt  
 ramos palmarum & occurrerunt ei obuiam; & parabant  
 singuli eorum cellas suas, incerti apud quem declinaret.  
 Senex autem inquirebat quis inter eos Theoctistus voca-  
 batur; & inueniens eum, intrauit in cellam eius. Theocti-  
 stus ergo suscepit eum gaudens. Cum autem coepissent se-  
 crete loqui, dixit ei senex: Quomodo circa te est frater?  
 Et ille dixit: Orationibus tuis adiuuantibus, bene. Et di-  
 xit senex: Non impugnant te cogitationes tuæ? Respon-  
 dit iterum: Bene sum: erubescbat enim dicere ei. Et  
 dixit ei senex: Ecce quot annos habeo in conuersatione  
 loci

locustis, & omnes haerentem, & tamen in hac forma  
 Quis infestus est mihi spiritus fornicationis. Et respondit  
 Theodotus, dicens: Crede Abba, quia & mihi. Senex  
 autem simulabat etiam alias cogitationes sibi esse molestas,  
 donec faceret eum confiteri. Deinde dicit ei: Quomodo  
 ieiunas? Et ille dixit, ad Nonam. Dixit ei senex; Ieiuna  
 usque ad vespeream, & abstinere, & lege euangelia, ut memo-  
 riter retineas. Sed & alias ex animo meditare scripturas;  
 & si tibi ascenderit cogitatio mala, nunquam deorsum aspi-  
 cias, sed semper sursum, & statim te Dominus adiuuabit.  
 Et corrigens senex fratrem illum reuersus est in solitudi-  
 nem suam. Et cum obseruaret, vidit iterum daemone-  
 illum, & dixit ei: Quo vadis iterum? Et ille respondit:  
 visitare fratres. & abiit. Dum autem reuerteretur, dixit ei  
 senex. Quomodo sunt fratres illi? Et respondit: Male;  
 Senex autem: Quare? Et ille respondit: Quia toti sancti  
 sunt: & magis malum, quia vnum quem habui amicum,  
 & obedientem, mihi etiam ipse, nescio unde, subuersus est;  
 nec ipse mihi iam acquiescit, sed omnibus sanctior factus  
 est; & propterea iuravi me iam non calcare ad illam lo-  
 cum, nisi post longum tempus. Hæc dicens transiit, relin-  
 quens senem. Sanctus vero senex intrauit cellam suam,  
 adorans & gratias agens Deo. Hic datur intelligi, quia nisi  
 quis voluntatibus diaboli se sponte subdiderit, potestatem  
 aduersus hominem non habet. Et sicut superius patefa-  
 ctum est, nescit Satanæ a qua passione anima seducatur;  
 & ideo seminat quidem in ea zizania sua, aliquando spar-  
 git semina fornicationum, aliquando detractionum, & cæ-  
 terorum vitiorum; similiter passiones, & in qua passione  
 videt animum declinare, hanc ei subministrat. Nihil enim  
 sic extrahat daemone, quomodo si reuelentur stimulario-  
 nes eius: & nihil eum sic lætificat, quomodo si abscon-  
 dantur cogitationes eius. Quia ergo dominus noster Iesus  
 Christus dedit nobis potestatem calcandi super serpentes,  
 & scorpiones; hoc est, malas cogitationes, mundemus  
 per

per humilem confessionem corda nostra, & paruulos cogitatus nostros allidamus ad Christum, quatenus de nobis dicatur hoc quod scriptum est: *Beatus qui tenebit, & allidet paruulos suos ad petram*. Et rursum: *Beati mundo corde, quoniam ipsi Deum videbunt*.

Psal. 136

9

Matth. 5,  
8.

## CAP. LXV. De diuersis tentationibus solitariorum.

**M**ultis ergo calamitatum tentationibus mentes solitariorum in hac vita pulsantur; sed non amplius tentat eos diabolus; quam Dei voluntas permittit. Tentando autem eorum profectus erudit; etsi nolens, tamen eorum utilitati diabolus seruit, quando tentationibus suis non decipit, sed potius erudit: multis enim modis, ut diximus, mentes solitariorum diabolus tentat. Tentat autem eos aliquando per stimulos paupertatis: nam cum per stimulos paupertatis non potest eos mouere, diuitias adhibet ad seducendum. Et dum per contumelias & opprobria non praualeat, laudes & gloriam adhibet. Si per salutem corporis non potest, ægrotudines mittit. Et dum per delectationes seducere eos non potest, per molestias, quæ contra votum eueniunt, eos conatur euertere. Infirmities etiam quasdam graues aduersus eos, qui tentandi sunt adhibet; ut per eas pusillanimes faciens solitarios, conturbet caritatem eorum, quam habent ad Dominum. Sed quamuis concidatur corpus, & febribus validissimis inflammetur; insuper etiam si intolerabili contritione affligatur, quisquis es, qui hæc sustines, recordare futuri seculi poenas, & æternum ignem, ac perpetua tormenta, ut hæc cogitans non deficias ad ea, quæ in presenti contingunt. Insuper etiam gaude quia visitauit te Deus; & illud famosissimum dictum in lingua habero, id est: *Castigans castigauit me Dominus, & morti non tradidit me*. Et illud: *Quem enim diligit Dominus, corripit: flagellat autem omnem filium quem recipit*.

Ps. 117. 7

18.

Hebr. 12

6.

Si

Si ferrum es, post adhibitum tibi ignem emittes æruginem. Quia si iustus es, & hæc pateris, de magnis ad maiora provocaris. Aurum es, sed per ignem probator eris. Datus est tibi angelus Satanae, stimulus carnis tuæ? exulta videns cui similis factus es, Paulo apostolo simile donum accipere meruisti. Audi quemadmodum gloriabatur Apostolus in infirmitatibus suis, ita & tu gloriare dicens:

2. Cor. 12, 5, 9. *Libenter igitur gloriabor in infirmitatibus meis, ut inhabitet in me virtus Christi. Et rursus: Quando enim infirmior, tunc fortior sum & potens.*

Ibid. 10. *Si febribus, si rigore frigoris castigaris, memor esto quid scriptura dicit: Transivimus per ignem & aquam: residuum est ut inducaris in refrigerium. Clama etiam cum propheta: In tribulatione dilatasti mihi.*

Psal. 65, 12. *Perfectus enim eris per huiusmodi tribulationes. Si forte amittis oculos, non feras graviter: extollentia enim instrumentum amisisti, sed interioribus oculis gloriam Dei speculari stude. Surdus factus es? non contristeris: quia auditum vanum amisisti. Manus tuæ ex aliqua passione debilitatae sunt? sed interiores paratas habeas aduersus inimici tentationes. Infirmitas totum tuum corpus tenet? sed interiori homini sanitas crescit. Nihil enim aliud est ægritudo corporis, quam sanitas mentis. Si infirmitas tibi talis fuerit, ut non possis stare ad orandum & psallendum, non contristeris pro eo, quia infirmitas orat pro te. Si ieiunas, non tibi inuenias occasionem, dicendo: quia exacerbatus in ægritudinem incurristi: quoniam & qui non ieiunant, similes ægritudines incurrunt. Inchoasti aliquid boni? non reuoceris per impedimenta inimici: quoniam ieiunia & labores nobis constituta sunt propter turpes delectationes. Hæc omnia nobis proficiunt ad destruenda corporis desideria. Tentari autem oportet iustum: sed tentatione plagæ, non tentatione luxuriæ. Quapropter disceat non murmurare, qui mala patitur, etiamsi ignorat cur mala patitur. Et per hoc iuste se pati arbitretur, quod ab illo iudicatur, cuius nunquam iudicia iniusta sunt. Qui ergo in flagellis murmurat,*

murat, iustitiã iudicantis accusat : qui verò iuste se recognoscit à iusto iudice pati quod sustinet, etiam si super quo patitur ignorat ; per hoc iam iustificatur , per quod semetipsum accusat, & Dei iustitiã laudat. Beatus qui hæc omnia tulerit patienter .

CAP. LXVI. *De tentamentis somniorum .*

**P**lerumque dæmones in noctibus solitarijs occurrentes, vt formidolosos eos faciant, per soporem conturbant ; & quos vigilantes intus tentant, nec superant, dormientes acriter impugnant . Nonnunquam autem & aperta impugnatione grassantes humana corpora verberant, sicut beato Antonio fecerunt . Quod tamen, Deo permittente, malorum fit ad vindictam ; iustorum vero ad tolerantiam & gloriam . Plerumque immundi spiritus eos , quos incumbere in seculi amore conspiciunt , dormientes quadam vana spei prosperitate illudunt, sicut legitur in Dialogorum libro cuidam contigisse ; qui dum somnia vehementer attenderet, ei per somnium longa spatia huius vitæ promissa sunt . Cumque multas pecunias pro longioris vitæ stipendijs collegisset, ita repente defunctus est, vt intactas omnes relinqueret, & ipse secum nihil ex bono opere portaret . Nonnunquam etiam Satanas in angelum lucis sese non solum dormiendo, sed etiam vigilando transformat, vt quemlibet aliqua erroris fraude decipiat ; sicut legitur in Collationibus Patrum de quodam sene, qui sedens in cella sua, & sustinens tentationes, videbat dæmones manifeste, & contemnebat eos . Cum autem diabolus videret se vinci à sene, venit & ostendit se ei, dicens : Vis videre Christum ? Et respondens senex dixit : Anathematizo te, & eum de quo dicis ; ego autem Christo meo credo dicenti : *Si quis vobis dixerit : ecce hic Christus, & ecce illic ; nolite credere .* Et dixit diabolus : Ego sum Christus . Videns autem senex clausit oculos suos . Et dixit ei diabolus : Quare clausisti

Math. 24  
23.

ffff

ocu-



oculos tuos : Er dixit fener : Ego hic Christum nolo videre, sed in vita beata . Hæc audiens diabolus discessit ab eo . Hic ergo pateater ostenditur, quantis machinamentis Dei seruos conatur decipere inimicus . Illi autem, qui aut nullis, vel raris conscij sunt delictis, aut nunquam aut raro terroribus fatigantur nocturnis : & si ad momentum huiusmodi commoueantur, mox tamen euigilantes illusionum vanitates despiciunt, intentionemque suam ad Deum conuertunt . Interdum etiam quædam arcana ac mystica Dei serui per visionem videre solent . Econtra vero peccatores, qui corda sua grauioribus vitijs polluerunt, conscientia pæuore illusi species tremendas aspiciunt ; & quos vigilantes diabolus traxit ad vitia, dormientes fatigat, vt nunquam eos requiescere sinat . In oculis autem peccatorum diabolus terribilis est ; in oculis autem iustorum terror eius vilis est . Sciendum quippe est, quia diuersæ sunt qualitates somniorum . Aliquando namque ex ventris plenitudine , vel inanitate somnia generantur ; aliquando vero ex cogitatione accidunt ; sicut scriptum est : *Multas curas sequuntur somnia.* Nā sepe quæ in die cogitamus, in noctibus recognoscimus . Aliquando autem ex inlusione immundorum spirituum oriuntur ; dicente Salomone : *Multos errare fecerunt somnia & illusiones vacua.* Aliquando quippe ex reuelatione procedunt, sicut legitur in lege de Ioseph filio Iacob, qui somnio fratribus præferendus prædicitur . Vel sicut in euangelio de Ioseph sponso beatæ Mariæ, qui vt fugeret cum puero in Ægyptum somnio admonetur . Aliquando nempe ex reuelatione simul & cogitatione generantur, dicente Daniele : *Tu Rex cogitare coepisti in strato tuo quid esset futurum post hæc ; & qui reuelat mysteria ostendit tibi quæ ventura sunt .* Sæpe etiam dæmones deceptoria fraude multa solent vera prædicere, vt ad extremum valeant animam ex aliqua falsitate decipere, vel illaqueare . Sed quamuis nonnulla vera sint somnia, facile tamen non oportet credere illa , ne forte aliquando ex illusionem diaboli procedant , & simplicium

cor-

Ecc. 5,  
2.Ecc. 3, 4,  
2.Dan. 2,  
9.

corda decipiant, recolentes testimonium scripturæ dicentis : *Si dixerint vobis, & ita euenerit, nolite credere*. Somnia enim similia sunt augurijs, & qui eis intendunt, reuera augurare noscuntur. Solitarij autem inter illusiones ac reuelationes discreta circumspectione discernant, vt sciant quid à bono spiritu percipiant, vel quid à malo spiritu patiuntur.

Matth. 24,  
23.

CAP. LXVII. *Vt solitarij signa & miracula fieri non querant.*

**S**igna igitur & miracula à solitarijs non sunt quærenda, propter ostentationem & vanam gloriam. Nam quisquis signorum & mirabilium indicijs vult probari, non potest probus videri. Quia ipse Dominus & Saluator non dixit : *Ex signis & mirabilibus cognoscetis eos* ; sed ait : *Ex fructibus eorum cognoscetis eos*. Neque enim in die iudicij remuneraturum se promittit eos, qui signa & prodigia faciant, sed eos, qui præceptis suis obediunt, dicens ad eos : *Venite benedicti patris mei, percipite regnum, &c.* Sed & beatos non dicit eos qui signa & mirabilia fecerunt, sed humiles spiritu, mansuetos, lugentes, & huiuscemodi opera exequentes. Nusquam in signorum opere beatitudo ponitur, sed in expletionem mandatorum Dei. Vita enim bona, atq; actus probi, etiam sine signis & mirabilibus merentur coronam : iniqua autem conuersatio, etiam si signa & prodigia fecerit, supplicia non euadit. Et ideo superflue hæc quærantur, immo & periculose. Per ostentationem vero nihil faciant solitarij. Nam quantum malum sit per ostentationem aliquid agere, præsens exemplum ostendit, cum subditur : Fuit quidam iuuenis monachus, qui cum vidisset quosdam senes iter agentes, ostentationis causa iussit onagris venire, vt portarent eos, donec peruenirent ad se. Illi autem senes indicauerunt hoc beato Antonio. Et dixit Abba Antonius : Videtur mihi monachus iste similis esse nauī omnibus bonis oneratæ, de qua incertum est vtrum peruenire possit ad portum, an non. Et modicum post su-

Matth. 7,  
20.

Matth.  
23, 34.

bito Abba Antonius flere coepit, & capillos sibi trahere, & lugere. Quod cum vidissent discipuli eius, dixerunt: Quid ploras Abba? Et respondit: Magna ecclesiæ columna cecidit modo. Dicebat autem hoc de illo iuvene monacho. Ite, inquit, fratres ad eum; & videte quid agat. Perrexerunt ergo discipuli eius, & inuenerunt monachum illum sedentem & flentem peccatum quod fecit. Videns autem discipulos senis, ait eis: Dicite seni ut roget Deum, decem tantum dierum dari mihi inducias. Qui intra quinque dies mortuus est. Quapropter caueant omnia solitarij, ut nihil per ostentationem faciant. Insuper autem morbum vanæ gloriæ fugiant: quæ non solum in carnalibus vitijs, sed etiam in spiritualibus causis solitarios pulsatur; ut qui non valent carnalibus vitijs decipi, spiritualibus successibus acrius faucientur. Nam quem diabolus sub specie pretiosæ vestis ac nitidæ non potest in vanam gloriam immergere, pro squalida & inculta conatur decipere. Et quem non potest per honorem deijcere, per humilitatem supplantat: & quem scientiæ & elocutionis ornatu nequit extollere, grauitate taciturnitatis elidit. Si ieiunat quis palam, gloriæ vanitate pulsatur. Si illud causa vanæ gloriæ contemnendæ contexerit, eodem vitium elationis incurrit. Alius enim oratione, alius vigiliarum prolixitate pulsatur. Multi enim vanam gloriam fugiendo in ipsam incidunt: & multi in hoc ipso cupiunt laudari, quod laudes contemnunt; & mirum in modum laus, dum vitatur, appetitur. Ideo pulchre sancti Patres nostri naturam morbi huius in modum cæpæ conscribunt, quæ vno decoriata tegmine, alio rursus inuenitur induta, totiesq; reperitur oblecta, quoties fuerit expoliata. Quapropter oportet solitarios, iuxta consilium apostoli, per arma iustitiæ à dextris & sinistris transire; per gloriam, & ignobilitatem; per infamiam & bonam famam, incedere. Et ut per Salomonem dicitur: *Non diuertant ad dexteram, neque ad sinistram*; id est, nec de virtutibus & dextris successibus se extollant, nec ad sinistram vitiorum tra-

2. Cor. 6,  
7.

Prov. 4,  
27.

mitem flectantur; sed medium tenentes ad ipsum, qui via, veritas, & vita est, prospero incessu peruenire mereantur.

CAP. LXVIII. *De trimoda charismatum gratia.*

Vsq; ad spiritalium narrationem charismatum proferendam præcedens disputationis ordo peruenit, quam tripartitam esse, maiorum traditione percepimus. Prima siquidem curationum causa est; cum pro merito sanctitatis electos quosq; ac iustos viros signorum gratia comitatur, sicut apostolos, multosq; sanctorum signa & prodigia secundum auctoritatem Domini fecisse manifestum est, ita dicentis: *Infirmos curate, mortuos suscite, leprosos mundate, demonia eiicite: gratis accepistis, gratis date.* Secunda, cum ob ædificationem ecclesiæ, vel eorum qui infirmos suos ingerunt, vel eorum qui curandi sunt fidem, sanitatum virtus etiam à peccatoribus indignisque procedit. De quibus Dominus in Euangelio: *Multi, inquit, dicent mihi in illa die: Domine, Domine, nonne in nomine tuo prophetauimus, demonia eiiecimus, & multas virtutes fecimus? & tunc consuebor illis, quia non noui vos: discedite à me operarii iniquitatis.* Propter hoc autem & discipulos monebat dicens: *Nolite gaudere quod demonia vobis subiecta sunt, sed quia nomina vestra scripta sunt in cælis.* Tertius curationum modus etiam colludio dæmonum ac factione simulatur: vt dum homo apertis criminibus fuerit obligatus, propter admirationem signorum sanctus ac Dei seruus credatur: vel certè vt is qui curationum dona habere se credit, per superbiam cordis elatus grauius elidatur! Inde est quod Dominus in euangelio loquitur: *Exurgent inquit, pseudo-Christi, & pseudo-propheta, & dabunt signa magna & prodigia, ita vt in errorem inducantur, si fieri potest, etiam electi.* Quapropter nunquam de admiratione signorum, sed de ornatu morum debet apud nos esse quisquam laudabilis. Et reuera maius miraculum est, de propria carne fomitem eradicare luxuriæ, quam expellere im-

Matth.  
10, 8.

Matth. 7-  
22.

Luc. 10,  
20.

Marc. 13  
22.

immundos spiritus de alienis corporibus: & magis  
centius signum est virtute patientie truculentos motus  
iracundie coercere, quam demonibus imperare, ac de ali-  
enis corporibus infirmitates pellere: & præcellior virtus est  
animæ propriæ languorem curare, quam corporis alieni.  
Quanto enim anima sublimior carne est, tanto præstantior  
eius & salus est. Et maior merces est peccatorem suscitare  
de vitij, quam mortuum de sepulchro. Ideoq; à sanctis  
Patribus signorum opera nequaquam legimus affectata, sed  
quamquam ea Spiritus sancti gratia possiderent, nunquam  
exercere voluerunt, nisi forte inevitabilis necessitas illos  
coarctasset, ut beatum Macarium, qui fuit discipulus sancti  
Antonij. Hunc enim ferunt aliquando cum homicidium  
in locis vicinis fuisset admissum, & innocenti cuidam im-  
pingeretur crimen homicidij: eum, qui calumniam patie-  
batur confugisse ad eius cellulam: adfuisse etiam eos, qui  
innocentem perurgebant, iurantes, & dicentes periclitari  
seipso, nisi comprehensum homicidam regibus traderent.  
Ille vero, cui crimen impingebatur, cum sacramentis af-  
firmabat conscium se non esse sanguinis illius. Et cum diu  
hoc certamen haberetur, interrogat sanctus Macarius, ubi  
iaceret ille qui dicebatur occisus. Cumq; designassent lo-  
cum, cum omnibus qui ad perurgendum hominem vene-  
rant, itit ad sepulchrum, & ibi fixis genibus, inuocato no-  
mine Christi, ad eos dixit, qui astabant: Nunc Dominus  
ostendet, si reus est hic, quem perurgeris. Et elata voce  
defunctum ex nomine clamavit. Qui cum de sepulchro  
respondisset, ait ei: Per fidem Christi te obtestor, ut dicas  
si ab eo, qui calumniatur pro te, occisus es? Tum ille de  
sepulchro elata voce respondit, dicens, non se esse ab eo  
læsum. Hoc audito cum stupefacti omnes decidissent in  
terram, rogauerunt pedibus eius aduolati, ut interrogaret  
eum à quo esset occisus. Tunc ille: Hoc, ait, non interro-  
gabo; sufficit nunc mihi ut innocens liberetur: non est  
meum ut reus prodatur. Hæc igitur vias virtus & gratia;  
quan-

quantum in ipso fuit, forte semper lateret, nisi eum necessitas periclitantis hominis, & amor sincerus erga Christum hoc exerce-  
re miraculum compulisset. Sciendum itaq; est, quia sicut thesaurus apertus cito expenditur; sic & virtus quælibet, cum publicata fuerit, exterminabitur: & ut cera soluitur à facie ignis, ita & anima laudibus inaniter exaltata, perdit virtutum vigorem. Proinde necesse est solitarijs, ut si eis cuiusq; conscientia boni operis fuerit, occultent illam, & cum omnia fecerint quæ Deus præcipit, dicant: *Servi inutiles sumus*. Virtutes quoq; si forte in se esse senserint, fideant & celent; Deus diulgabit opera eorum, & adducet ad medium, cum venerit Dñs, qui & illuminabit abscondita tenebrarum, & manifestabit consilia cordium: & tunc laus erit unicuiq; à Deo; & tunc reddet singulis secundum opera sua.

Luc. 17,  
10.

1. Cor. 4,  
5.

CAP. LXIX. *Ut solitarij post retrusionem ad secularem vitam minime redeant; & de perseverantia boni operis.*

Contrarium est omnino ecclesiasticis regulis, ut solitarij post retrusionem, causa elationis, vel negotiationis, ad sæculum veluti præda dæmonum facti infelicitè redeant. Nam quam graue discrimen sit solitarios apostatari; hoc est, à priori proposito recedere, Dominus in euangelio testatur: *Nemo, ait, mittens manum suam in aratro, & respiciens retro, aptus est regno Dei*. Hinc Paulus apostolus dicit: *Nemo militans Deo implicat se negotijs sæculi, ut ei placeat, cui se probauit*. Non enim liber est à laqueis diaboli, qui se negotijs mundi post retrusionem voluerit implicare. Talibus enim conuenit illa beati Petri vera & multum timenda sententia: *Melius enim illis fuerat, etiam vita non agnoscere, quam post agnitam retrorsum reuerti*. Et iterum: *Canis reuersus ad vomitum suum, & sus lota in voluabro latet*. Si quis ergo suadente diabolo hæc perficere tentauerit, nisi ineuitabilis necessitas eum compulerit, excommunicetur omnimodis ab episcopo suo, vel à coeteris prælatis, quousq; ad prius propositum redeat, quod pro-

Luc. 9, 62.

2. Tim. 2,  
5.

2. Pet. 2,  
21.

Ibid. 22.

propter Deum primitus elegerat. Non enim queritur in solitarijs initium boni operis, sed finis; quia de fine suus unusquisque iudicabitur, non de vita præterita, dicente

Ezech. 7.  
3.

Domino per prophetam: *Qualem te inuenero, talem te indicabo.*

Sunt enim, quod peius est, qui bene incipiunt, sed male finiunt conuersationem, ut Iudas, qui bene coepit, sed male finiuit: & Paulus male coepit, sed bene finiuit. Coepisse enim multorum est, sed culmen perfectum attigisse rarorum est. Ideo non incipientibus præmium promittitur,

Matth.  
10, 22.  
et 24.  
13.

sed perseverantibus datur, dicente Domino: *Qui perseverauerit usque in finem, hic saluus erit.* Si autem solitarius aliquis

ideo securum se putat de solitaria vita aliquando posse discedere, quod in ipso proposito bene cucurrit, quod ibi multum laborauerit, hic talis agit, ac si aliquis oneratam mercibus nauim à portu soluat, & tempestati tradat, & ad scopulos & saxa detorqueat. Hic talis videat quam incerti & quam lubrici sunt exitus vitæ hominum; sicut per Salomonem dicitur: *Nescit homo utrum amore, an odio dignus sit; sed omnia in futuro referuantur incerta.* Ideoq; nemo de præteritis sit securus: quia quamuis solitiorum conuersatio probabilis sit, incertum tamen est hominibus, quo sint fine destinati. Tunc enim felix & beata eorum inchoatio, & tunc placet Deo eorum conuersatio, dum absq; ullo erroris titubationisue naufragio ad optatum finem perfectionemq; prospero cursu perueniunt. Quapropter studeant solitarij hanc regulam breuiter de sanctarum floribus scripturarum collectam, & sanctorum Patrum exemplis hinc inde munitam, sedula meditatione perlegere, & per singula verba discutere, ac memoriæ commendare, & diuina auxiliante gratia, iuxta vires adimplere, quatenus ad eandem gloriam valeant peruenire, quam nec oculus vidit, nec auris audiuit, nec in cor hominis ascendit, quam præparauit Deus diligentibus se: ipso opitulante, qui uiuit & regnat Deus per omnia sæcula sæculorum, Amen.

Ezech. 9, 1.

*Nescit homo utrum amore, an odio dignus sit; sed omnia in futuro referuantur incerta.* Ideoq; nemo de præteritis sit securus: quia quamuis solitiorum conuersatio probabilis sit, incertum tamen est hominibus, quo sint fine destinati. Tunc enim felix & beata eorum inchoatio, & tunc placet Deo eorum conuersatio, dum absq; ullo erroris titubationisue naufragio ad optatum finem perfectionemq; prospero cursu perueniunt. Quapropter studeant solitarij hanc regulam breuiter de sanctarum floribus scripturarum collectam, & sanctorum Patrum exemplis hinc inde munitam, sedula meditatione perlegere, & per singula verba discutere, ac memoriæ commendare, & diuina auxiliante gratia, iuxta vires adimplere, quatenus ad eandem gloriam valeant peruenire, quam nec oculus vidit, nec auris audiuit, nec in cor hominis ascendit, quam præparauit Deus diligentibus se: ipso opitulante, qui uiuit & regnat Deus per omnia sæcula sæculorum, Amen.

1 Cor. 13.  
v.

EXPLICIT REGULA SOLITARIORVM.

# ERRATA PARTIS SECUNDÆ.

<i>Pag.lin. errata</i>	<i>correcta.</i>
5 7	iratus
12 22	memor
23 4	hortans
24 vl.	paruissimo
27 25	recitando
vl.	adde, debita nostra
31 12	inertes
36 11	acris
40 27	occafio adde
45 15	& fefellerit
55 14	missas tenere
55 vl.	monasterio
76 24	reuertatur
88 24	egregium
112 15	magnifica
121 4	impleat
124 4	tantum
134 15	biber
146 27	gratię
199 2	adorabit
151 26	fraocorum
152 22	pracinuisse
172 14	dormieris
180 27	poscentis
215 25	vigilanti
26	Qui
221 3	fuerint
232 10	consummando
237 vl.	presumpitone
240 26	illud
243 10	dele esse
250 24	vno monasterio vno in monast.
257 24	poenitentia
262 2	fragosa
16	seruitio
263 14	indefinenter
274 19	Quod
275 22	delicto
289 vl.	perceptione
305 32	remittetur
307 17	debet
409 11	habitationis
23	regno
320 32	fiuminum
327 19	naturan
333 17	villis

<i>Pag.lin. errata</i>	<i>correcta.</i>
334 32	inferno
336 4	bonum
10	utilitate
24	communi
338 3	marcescens
342 26	doctrina
349 24	poena
355 21	lagantur
371 20	cum: eo
379 vl.	curiositate
391 22	repsionforia
397 22	oculos
28	spiritu
398 5	aperum
400 31	permittimus
403 32	vnum
404 5	ordininatione
418 23	fratribus
419 10	panis
420 16	occurrenets
447 13	patribus
449 13	nisi
455 3	egestis
457 10	genuam
24	constituro
25	mortis n.
459 11	horore
17	aequalis
462 2	inueniens
466 12	aliquam
477 10	nomine
decerens	deferens
496 29	habes
497 32	fiat
503 8	notite
522 1	essa
528 7	illa
534 11	afferret
30	spiritus
540 22	qui faciam
26	flectam
544 vl.	Frætrea
555 18	potius
574 27	intermissio
581 23	sentantur
584 18	llgua





**CODICIS**  
**REGVLARVM**  
**PARS TERTIA.**

GOOD

WELIVED

THEY

Sacris Christi Virginibus  
**MARIAE INNOCENTIAE,**  
**ET MARIAE GRATIAE**  
SORORIBVS BARBERINIS

**VRBANI VIII. P. M.**  
**ET ANTONII CARDINALIS**  
S. Honuphrij Neptibus

**FRANCISCI EPISCOPI PORTVEN.**

S. R. E. VICECANCELLARII  
**ET ANTONII EPISC. TVSCVLAN.**

S. R. E. CAMERARII  
Germanis

**REGVLAS SS. PATRV M**  
*Virginibus Sanctimonialibus praescriptas*

**ET A S. BENEDICTO ANIANENSI ABBATE**  
Collectas, & Supplemento Auctas.

*Humillimo Affectu Offert, Dat, Dicit, Consecrat.*

**LYCAS HOLSTENIVS.**



# C O D I C I S R E G V L A R V M

Pars Tertia.

IN QVA SANCTORVM PATRV

Regulæ ad Virgines

- S. AVGVSTINI EPISC. HIPPONENSIS
- S. CÆSARII ARELATENSIS
- S. AVRELIANI ARELATENSIS
- S. DONATI VESONTIENSIS
- CVIVSDAM PATRIS
- S. LEANDRI HISPALENSIS
- B. AELREDI ABBATIS RIEVALLENSIS



**S. AVRELI  
AVGVSTINI**

**Hipponensis Episcopi**

**EPISTOLA CIX,**

*Regulam Sanctimonialibus præscriptam  
continens.*






# DE REGVLA S. AVGVSTINI

RO. BELLARMINI S. R. E. CARD. IVDICIVM

Libro de Script. Ecclesiasticis.

*Ex tribus Regulis sola tertia est certa S. Augustini, sed feminis data, non viris: habetur enim in Epistola CVIII. reliquæ duæ non videntur Augustini.*



# S. AVRELII AVGVSTINI

Hipponensis Episcopi

EPISTOLA CIX,

*Regulam Sanctimonialibus præscriptam  
continens.*



ICVT parata est seueritas peccata  
quæ inuenerit vindicare; ita non vult  
caritas quod vindicet inuenire. Hæc  
caussa fecit, vt ad vos non venirem,  
cum meam præsentiam quæreretis;  
non ad pacis vestræ gaudium, sed ad  
dissensionis vestræ augmentum. Quo-  
modo enim contemnerem, & impu-  
nitum relinquerem, si & me præsen-  
te tantus vester tumultus existeret, quantus me absente,  
etsi oculos meos latuit, tamen aures meas vestris vocibus  
verberauit? Nam fortassis etiam maior esset vestra seditio  
in præsentia mea, cum necesse esset vobis non concedi,

A 2

quæ

quæ in perniciosissimum exemplum contra sanam disciplinam, quod vobis non expedit, petebatis: ac sic quales non volo inuenirem vos; & ipse inuenirer à vobis qualem non volebatis. Cum ergo scribat Apostolus ad Corinthios dicens: *Testem Deum facio super animam meam, quia parcens vobis nondum veni Corinthum; non quia dominamur fidei vestrae, sed cooperatores sumus gaudij vestri*: Hoc ego etiam dico vobis quia parcens vobis uon ad vos veni. Peperi etiam mihi, ne tristitiam super tristitiam haberem: & elegi, non vt exhiberem faciem meam vobis, sed effundere cor meum Deo pro vobis; & causam magni periculi vestri, non apud vos verbis, sed apud Deum lacrimis agerem; ne conuertat in luctum gaudium meum, quo soleo gaudere de vobis, & inter tanta scandala, quibus vbique abundat hic mundus, aliquando consolari: cogitans copiosam congregationem, & castam dilectionem, & sanctam conuersationem vestram, & largiorem gratiam Dei, quæ data est vobis; vt non solum carnales nuptias contemneretis, verum etiam eligeretis in domo societatem vnanimis habitandi, vt sit vobis anima vna, & cor vnum in Deum. Hæc in vobis bona, hæc Dei dona considerans, inter multas tempestates, quibus ex alijs malis quatitur, cor meum solet vtcunque requiescere. *Currebatis bene, quis vos fascinavit?* Suasio illa non est ex Deo, qui vocauit vos. *Modicum fermenti*, nolo dicere quod sequitur. hoc enim magis cupio, & oro, & hortor, vt ipsum fermentum conuertatur in melius; ne tota massa, sicut pene iam fecerat, conuertatur in peius. Si ergo repullulastis sanum sapere, *orate ne intretis in tentationem*, ne iterum in contentiones, æmulationes, animositates, dissensiones, detractiones, seditiones, susurrations. Non enim sic plantauimus & rigauimus hortum dominicum in vobis, vt spinas metamus istas ex vobis. Si autem adhuc vestra tumultuatur infirmitas, orate vt eruamini de tentatione. Quæ autem conturbant vos, si adhuc conturbant

2. Cor. 1.

Gal. 5.

1. Cor. 5.


Matt. 26.

bant vos, nisi correxerint se, portabunt iudicium, quæcunque illæ fuerint. Cogitate quid mali sit, ut cum de Deo natis in unitate gaudeamus, interna schismata in monasterio lugeamus. Perseuerate in bono proposito, & non desiderabitis mutare Præpositam; qua in monasterio illo per tam multos annos perseuerante, & numero & ætate creuistis; quæ vos Mater non vtero, sed animo suscepit. Omnes enim quæ illuc venistis, ibi eam aut sanctæ Præpositæ sorori meæ seruientem, placentem; aut etiam ipsam Præpositam, quæ vos suscepit, inuenistis. Sub illa estis eruditæ; sub illa velatæ, sub illa multiplicatæ; & sic tumultuamini, ut eam vobis mutetis; cum lugere deberetis, si eam vobis mutare vellemus? Ipsa est quam nostis; ipsa est ad quam venistis; ipsa est quam per tot annos habendo creuistis. Nouum non accepistis, nisi Præpositum: aut si propter illum quæritis nouitatem, & in eius inuidiam contra Matrem vestram sic rebellastis, cur non potius id petistis, ut ipse vobis mutetur? Si autem hoc exhorretis, quia noui quomodo eum in Christo venerabiliter diligatis, cur non potius illam? In vobis namque regendis sic Præpositi rudimenta turbantur, ut magis velit vos ipse deserere, quam istam ex vobis famam & inuidiam sustinere, ut dicatur, non vos aliam quæsituras fuisse Præpositam, ni ipsum cœpissetis habere Præpositum. Tranquillet ergo Deus, & componat animos vestros, ut non in vobis præualeat opus diaboli; sed pax Christi vincat in cordibus vestris nec dolore animi, quia non fit quod vultis, vel quia pudet voluisse quod velle non debuistis, erubescendo curratis in mortem; sed potius poenitendo resumatis virtutem: nec habeatis poenitentiam Iudæ traditoris, sed potius lacrimas Petri pastoris.



## SEQVITVR REGVLA.

I.



AB. 4.

AEC sunt quæ ut obseruetis præcipimus in monasterio constitutæ. Primum propter quod estis in vnum congregatæ, ut vnanimes habitetis in domo, & sit vobis cor vnum & anima vna in Deo. Et non dicatis aliquid proprium, sed sint vobis omnia communia, & distribuatur unicuique vestrum à Præposita vestra victus & tegumentum; non æqualiter omnibus, quia non æqualiter valetis omnes; sed unicuique sicut opus fuerit. Sic enim legitis in actibus Apostolorum, quia erant ipsis omnia communia; & distribuabatur singulis prout cuique opus erat.

II. Quæ aliquid habebant in seculo, quando ingressæ sunt monasterium, libenter velint illud esse comune. Quæ autem non habebant, non ea quærant in Monasterio, quæ nec foris habere potuerunt: sed tamen earum infirmitati quod opus est tribuatur; etsi pauperies earum, quando foris erant, nec ipsa necessaria poterat inuenire. At non ideo putent se esse felices, quia inuenerunt victum & tegumentum, quale foris inuenire non potuerunt: nec erigant ceruicem, quia sociantur eis, ad quas foris accedere non audebant; sed sursum cor habeant, & terrena bona non quærant; ne incipiant monasteria esse diuitibus vtilia, non pauperibus; si diuites illic humiliantur, & pauperes illic inflantur.

III. Sed rursus etiam illæ quæ aliquid esse videbantur in seculo, non habeant fastidio sorores suas, quæ ad illam sanctam societatem ex paupertate venerunt. magis autem studeant, non de parentum diuitum dignitate, sed de pauperum sororum societate gloriari. Nec extollantur si comuni

boni vitæ de suis facultatibus aliquid contulerunt: nec de suis diuitijs magis superbiant, quia eas monasterio partiuntur, quam si eis in seculo fruerentur. Alia quippe quæcunque iniquitas in malis operibus exercetur, vt fiant; superbia vero bonis operibus insidiatur, vt pereant. Et quid prodest dispergere dando pauperibus, & pauperem fieri, si anima misera superbior efficiatur contemnendo, quam fuerat possidendo? Omnes ergo vnanimiter & concorditer viuite, & honorate in vobis inuicem Deum, cuius templa factæ estis.

III. Orationibus instate horis & temporibus constitutis. In oratorio nemo agat, nisi ad quod est factum, vnde & nomen accepit. vt si aliquæ etiam præter horas constitutas, si eis vacat, orare voluerint, non eis sint impedimento quæ ibi aliquid agere voluerint. Psalmis & hymnis cum oratis Deum, hoc versetur in corde, quod profertur in voce: & nolite cantare, nisi quod legitis esse cantandum: quod autem non ita scriptum est vt cantetur, non cantetur.

V. Carnem vestram domate ieiunijs, & abstinentia escæ & potus, quantum valetudo permittit. quando autem aliqua non potest ieiunare, non tamen extra horam prandij aliquid alimentorum sumat, nisi cum ægrotat. Cum acceditis ad mensam donec inde surgatis, quod vobis secundum consuetudinem legitur sine tumultu & contentionibus audite. Nec solæ vobis fauces sumant cibum, sed & aures percipiant Dei verbum. Quæ infirmæ sunt ex pristina consuetudine, si aliter tractantur in victu, non debet alijs molestum esse, nec iniustum videri quas fecit alia consuetudo fortiores. Nec illas feliciores putent, quia sumunt quod non sumunt ipsæ: sed sibi potius gratulentur, quia valent quod non valent illæ. & si eis, quæ venerunt ex moribus delicatioribus ad monasterium, aliquid alimentorum, vestimen-

stimentorum, stramentorum, operimentorum datur, quod alijs fortioribus, & ideo felicioribus, non datur, cogitare debent quibus non datur, quantum de sua seculari vita illæ ad istam descenderint, quamvis vsque ad aliarum, quæ sunt corpore fortiores, frugalitatem peruenire nequiuerint. Nec illæ debent conturbari, quod eas vident amplius (non quia honorantur, sed quia tolerantur) accipere: ne contingat detestanda peruersitas, vt in monasterio, vbi quantum possunt fiunt diuites laboriosæ, fiant pauperes delicatæ. Sane quemadmodum ægrotantes necesse habent minus accipere ne grauentur, ita post ægritudinem sic tractandæ sunt vt citius recreentur, etiamsi de humillimâ seculi paupertate venerunt: tanquam illis hoc contulerit recentior ægritudo, quod diuitibus anterior consuetudo. Sed cum vires pristinas recuperauerint, redeant ad feliciorē consuetudinem suam, quæ famulas Dei tanto amplius decet, quanto minus indigent: nec ibi eas teneat voluntas iam vegetas, quo necessitas leuarat infirmas. Illæ se existiment ditiores, quæ fuerint in sustinenda paritate fortiores. Melius est enim minus egere, quam plus habere.

VI. Non sit notabilis habitus vester, nec affectetis vestibus placere, sed moribus. nec sint vobis tam tenera capitum tegmina, ne retiola subter appareant. Capillos ex nulla parte nudos habeatis, nec foris vel spargat negligentia, vel componat industria.

VII. Quando proceditis, simul ambulate: cum veneritis quo itis, simul stete. In incessu, in statu, in habitu, in omnibus motibus vestris, nihil fiat quod illiciat cuiusquam libidinem; sed quod vestram deceat sanctitatem. Oculi vestri etsi iaciuntur in aliquem, figantur in neminem. Neque enim quando proceditis viros videre prohibemini, sed appetere, aut ab ipsis appeti velle. Nec solo tactu, sed affectu

Quoque & aspectu appetitur & appetit femina. Nec dicatis vos habere animos pudicos, si habeatis oculos impudicos: quia impudicus oculus impudici cordis est nuncius. Et cum se inuicem sibi, etiam tacente lingua, conspectu mutuo corda nunciant impudica, & secundum concupiscentiam carnis alterutro delectantur ardore, etiam intactis ab immunda violatione corporibus, fugit castitas ipsa de moribus. Nec putare debet quæ in masculum figit oculum, & illius in semetipsam diligit fixum, non ab alijs videri cum hoc facit. videtur omnino & a quibus videri non arbitratur. Sed ecce lateat, & a nemine hominum videatur: quid faciet de illo superno inspectore, quem latere nihil potest? An ideo putandus est non videre, quia tanto videt patientius, quanto sapientius? Illi ergo timeat sancta femina displicere, ne velit viro male placere: illum cogitet omnia videre, ne velit viro male videri. Illius namque & in hac causa commendatus est timor, ubi scriptum est: *Abominatio est Domino desigens oculum.* Quando ergo simul estis Pra. 16. in Ecclesia, & ubicunque ubi & viri sunt, inuicem vestram pudicitiam custodite. Deus enim qui habitat in vobis, etiam isto modo vos custodiet ex vobis.

VIII. Et si hanc, de qua loquor, oculi petulantiam in aliqua vestrum aduerteritis, statim admonete, ne coepta, progrediantur, sed ex proximo corrigantur. Si autem & post admonitionem iterum, vel alio quocunque die, id ipsum eam facere videritis, iam velut vulneratam sanandam prodatur, quæcunque inuenire potuit hoc: prius tamen & alteri vel tertiæ demonstratam, ut duarum vel trium possit ore conuinci, & competenti seueritate coerceri. Nec vos iudicetis esse maleuolas, quando hoc indicatis. magis quippe innocentes non estis, si sorores vestras, quas indicando corrigere potestis, tacendo perire permittitis. Si enim soror tua vulnus haberet in corpore, quod vellet occulta-

B

ri,



ri, dum timeret secari; nonne crudeliter abs te fileretur, & misericorditer indicaretur? Quanto ergo potius debes eam manifestare, ne perniciosius putrescat in corde? Sed antequam alijs demonstretur, per quas convincenda est si negauerit, prius Præpositæ debet ostendi, si admonita neglexerit corrigi; ne forte possit secretius correpta innotescere cæteris. Si autem negauerit, tunc neganti adhibendæ sunt aliæ; ut iam coram omnibus possit non ab una teste argui, sed a duabus tribusque convinci. Conuicta vero secundum Præpositæ vel Presbyteri arbitrium debet emendatosiam sustinere vindictam: quam si ferre recusauerit, etsi ipsa non abscesserit, de vestra societate proijciatur. Non enim & hoc fit crudeliter, sed misericorditer; ne contagione pestifera plurimas perdat. Et hoc quod dixi de oculo non figendo, etiam in cæteris inveniendis, prohibendis, indicandis, convincendis, vindicandisque peccatis diligenter obseruetur, cum dilectione hominum, & odio vitiorum.

VIII. Quæcunque autem in tantum progressa fuerit avaritia, ut occulte ab aliquo literas, vel quælibet munuscula accipiat; si hoc ultro confitetur, parcatur illi, & oretur pro ea: si autem deprehenditur atque convincitur, secundum arbitrium Præpositæ, vel Presbyteri, vel etiam Episcopi gravius emendetur.

X. Vestes vestras in vno loco habete, sub vna custode vel duabus, vel quot sufficere potuerint ad eas excutiendas, ne a tinea hædantur. Et sicut pascimini ex vno cellario, sic induamini ex vno vestiario. Et si fieri potest, non ad vos pertineat, quid vobis induendum pro temporis congruentia proferatur, vtrum hoc recipiat vnaquæque vestrum, quod deposuerat, an aliud quod altera habuerat; dum tamen vnicuique quod opus est non negetur. Si autem hinc inter vos contentiones & murmura oriuntur, & conqueritur aliqua

dete-

deterius aliquid se accepisse, quam prius habuerat, & indignam se quæ non ita vestiatur, sicut alia soror eius vestiebatur: hinc vos probate, quantum vobis desit in illo interiore sancto habitu cordis, quæ pro habitu corporis litigatis. Tamen si vestra toleratur infirmitas, vt hoc recipiatis quod posueratis, in vno tamen loco sub communibus custodibus habete quod ponitis: ita sane vt nulla sibi aliquid operetur, siue vnde induatur, siue vbi iaceat, siue vnde cingatur, vel caput contegat: sed omnia opera vestra in commune fiant, maiore studio, & frequentiori alacritate, quam si vobis propria faceretis. Caritas enim, de qua scriptum est, quod *non querit quæ sua sunt*, sic intelligitur: quia communia proprijs, non propria communibus anteposit. Et ideo quanto amplius rem communem quam propriam curaueritis, tanto amplius vos profecisse noueritis: vt in omnibus, quibus vtitur transitura necessitas, superemineat quæ permanet Caritas. Consequens ergo est, vt etiam illud, quod suis vel filiabus, vel aliqua necessitudine ad se pertinentibus, in monasterio constitutis, aliquis vel aliqua contulerit, siue vestem, siue quodlibet aliud inter necessaria deputandum, non occulte accipiat, sed sit in potestate Præpositæ: vt in commune redactum, cum necessarium fuerit, præbeatur. Quod si aliqua rem sibi collatam celauerit, furti iudicio condemnatur.

**XI.** Indumenta vestra secundum arbitrium Præpositæ lauentur: siue a vobis, siue a fullonibus: ne interiores animæ sordes contrahat mundæ vestis nimius appetitus.

**XII.** Lauacrum etiam corporum, vsusque balnearum non sit assiduus: sed eo quo solet interuallo temporis tribuatur, hoc est, semel in mense. Cuius autem infirmitatis necessitas cogit lauandum corpus, non longius differatur. fiat sine

murmure de consilio medici, ita ut etiam si nolit, iubente Præposita, faciat quod faciendum est pro salute. Si autem velit, & forte non expedit, suæ cupiditati non obædiatur. aliquando enim, etiam si noceat, prodesse creditur quod delectat. Denique si latens est dolor in corpore, famulæ Dei dicenti quid sibi doleat, sine dubitatione credatur: sed tamen utrum sanando illi dolori quod delectat expediat, si non est certum, medicus consulatur. Nec eant ad balneas, siue quocunque ire necesse fuerit, minus quam tres. Nec illa quæ habet aliquo eundi necessitatem, cum quibus ipsa voluerit, sed cum quibus Præposita iusserit, ire debet.

XIII. Ægrotantium cura, siue post ægritudinem rescien-  
darum, siue aliqua imbecillitate etiam sine febribus laborantium, alicui debet iniungi, ut ipsa de cellario petat, quod cuique opus esse perspexerit. Siue autem quæ cellario, siue quæ vestibus, siue quæ codicibus præponuntur, siue murmure seruiant fororibus suis.

XIIII. Codices certa hora singulis diebus petantur: extra horam quæ petiuerint, non accipiant. Vestimenta vero & calceamenta, quando fuerint indigenti necessaria, dare non differant, sub quarum custodia sunt, quæ poscuntur.

XV. Lites aut nullas habeatis, aut quam celerrime finiat; ne ira crescat in odium, & trabem faciat de festuca, & animam faciat homicidam. Neque enim ad solos viros pertinet quod scriptum est: *Qui odit fratrem suum homicida est*: sed sexu masculino, quem primum Deus fecit, etiam femineus præceptum sexus accepit.

XVI. Quæcunque conuitio vel maledicto, vel etiam criminis obiectu alteram læserit, meminerit satisfactione quantocyus curare quod fecit; & illa quæ læsa est, siue disce-

sceptatione dimittere . Si autem inuicem se læserunt, inuicem sibi debita relaxare debebunt ; propter orationes vestras, quas vbique quanto crebriores habetis, tanto sanctiores habere debetis. Melior est autem quæ quamuis ira sæpe tentatur, tamen impetrare festinat, vt sibi dimittat, cui se fecisse agnoscit iniuriam, quam quæ tardius irascitur, & ad veniam petendam difficilior inclinatur.

XVII. Quæ non vult dimittere forori, non speret accipere orationis effectum . quæ autem nunquam vult petere veniam, aut non ex animo petet, sine causa est in monasterio, etiam si non inde proijciatur. Proinde vobis a verbis durioribus pareite, quæ si emissa fuerint ex ore vestro, non pigeat ex ipso ore proferre medicamenta, ex quo facta sunt vulnera .

XVIII. Quando autem necessitas disciplinæ minoribus coercendis dicere vos verba dura compellit, si etiam in ipsis modum vos excessisse sentitis, non a vobis exigitur, vt ab eis veniam postuletis. ne apud eas, quas oportet esse subiectas, dum nimia seruatur humilitas, regendi frangatur auctoritas . Sed tamen petenda est venia ab omnium Domino, qui nouit etiam eas, quas plus iusto forte corripitis, quanta beneuolentia diligatis .

XVIII. Non autem carnalis, sed spiritalis inter vos debet esse dilectio. Nam quæ faciunt pudoris immemores etiam feminis femina iocando turpiter & ludendo, non solum a viduis & intactis ancillis Christi in sancto proposito constitutis ; sed omnino nec a mulieribus nuptis, nec a virginibus sunt facienda nupturis .

XX. Præpositæ tamquam Matri obædiatur, honore seruato, ne in illa offendatur Deus: multo magis Presbytero, qui  
omni-

omnium vestrum curam gerit . vt ergo cuncta ista seruentur; & si quid seruatum non fuerit, non negligenter prætereatur, sed emendandum corrigendumque curetur, ad Præpositam præcipue pertinet; ita vt ad Presbyterum, qui vobis intendit, referat quod modum vel vires eius excedit .

XXI. Ipsa vero non se existimet potestate dominante, sed caritate seruiente felicem . Honore coram hominibus prælata sit vobis, coram Deo substrata sit pedibus vestris .

*Tit. 2.*

XXII. Circa omnes seipsam bonorum operum præbeat exemplum . Corripiat inquietas, consoletur pusillanimes, suscipiat infirmas, patiens sit ad omnes; disciplinam libens habeat, metuens imponat . Et quamuis vtrumque sit necessarium, tamen plus a vobis amari appetat, quam timeri; semper cogitans Deo se pro vobis reddituram esse rationem . Vnde magis obædiendo, non solum vestri, verum etiam ipsius miseremini; quæ inter vos quanto in loco superiore, tanto in periculo maiori versatur .

XXIII. Donet Dominus vt obseruetis hæc omnia cum dilectione, tanquam spiritualis pulchritudinis amatrices, & bono Christi odore de bona conuersatione fragrantēs: non sicut ancillæ sub lege, sed sicut liberæ sub gratia constitutæ .

XXIII. Vt autem in hoc libello tanquam in speculo vos possitis inspicere, ne per obliuionem aliquid negligatis, semel in septimana vobis legatur: & vbi vos inueneritis ea quæ scripta sunt facientes, agite gratias Domino bonorum omnium largitori . vbi autem sibi quæcunque vestrum videt deesse aliquid, doleat de præterito, caueat de futuro, orans vt & debitum dimittatur, & in tentationem non inducatur . Amen .

S. CÆ-

**S. CAESARII**  
**ARELATENSIS EPISCOPI**  
**Regula**  
**AD VIRGINES.**

# DE S. CAESARIO EIVSQ. REGVLA veterum testimonia.

MARTYROLOGIVM Rom. die xxv. Aug.

*Arelate depositio S. Cæsarij Episcopi, mire sanctitatis & pietatis viri.*

GENNADIUS ill Eccl. script. Cap. LXXXVI.

*Cæsarius Arelatenfis urbis Episcopus, vir sanctitate & virtute celebr, scripsit egregia, & grata valde, & monachis necessaria opuscula &c. floruit Anastasio rempublicam gubernante.*

CYPRIANVS lib. I. de vita S. Cæsarij.

*Inter hac autem precipuum illud Monasterium quod sorori suæ condere ceperat, instar prioris instauravit & quasi alter quidam nostri temporis Noë, propter tempestates & procellas in latere Ecclesiæ seminarum extruxit coenobium, tanquam arcam: euocataque e Massiliensi Coenobio venerabili sorore suâ Cæsaria, quam idcirco eo miserat, ut disceret quod doceret: & prius esset discipula, quam magistra: in preparata domicilia cum quibus aut tribus sodalibus introduxit. Confluxerunt autem ad illam multe virginum cateruæ, rebus suis & facultatibus, atque ipsis etiam dulcissimis parentibus renunciantes. Erant autem illo loco adeo incluse, ut usque ad supremum vitæ diem nulli earum fas esset extra monasterij ostium progredi.*

IDEM lib. II. sub finem.

*Interea crescit usque exitus Israel de terra Ægypti, id est, animæ sanctæ de hoc mundo corporalis vitæ migratio. iubet ergo se in monasterio Virginum, quod ipse fundauerat, sella famulantium manu gestari, quasi consolaturus anxias, quibus suspitio transitus sui abstulerat somnum, & cibum obliuio. Alloquitur itaque primam quasi more & dulcedine sua ducentarum puellarum venerabilem Cæsariam matrem, & consolatur, atque ad palmam tendere supernæ vocationis hortatur, & ut teneant Regulam, quam ipse ante aliquot annos instituerat, monet.*

GRE-

**GREGORIUS Tur. hist. Franc. I. IX. Cap. XXXIX.**

In epistola Euphronij, Prætextati, & aliorum Episcoporum  
ad Radegundim reginam.

*Specialiter definimus, si qua de locis sacerdotaliter nostræ gubernationi  
Domino providente commissis in Pictava ciuitate vestro monasterio  
meruerit sociari, secundum beatæ memoriæ Domini Casarij Arelaten-  
sis Episcopi constituta, nulli sit ulterius discedendi licentia: quæ, sicut  
continet Regula, voluntate predita videtur ingressa: ne vnius turpi  
dedecore ducatur in crimen, quod apud omnes emicat in honore.*

Ibidem Cap. XL.

*Post hæc cum Pontificis sui sapius gratiam quæreretur (Radegundis,) nec posset adipisci, necessitate commota cum Abbatissa sua, quam instituerat, Arelatensem urbem expetunt: de qua Regula Sancti Casarij atque Casaria beatæ suscepta, Regis se tuitione munierunt.*

Ibid. Cap. XLII. in epist. B. Radegundis ad Episcopos.

*Insuper congregationi per me Christo præstante collectæ Regulam sub qua sancta Casaria degit, quam sollicitudo B. Casarij antistitis Arelatensis ex institutione sanciorum Patrum conuenienter collegit, adscini.*

**VENANTIVS Lib. VIII. Carm. I. de S. Radegundi.**

*Regula Casarij linea nota tibi est.*

*Idem Carm. 4.*

*Concipiente fidem Christi Radegundis amore,*

*Casarij lambit Regula quicquid habet.*

Meminit quoque huius Regulæ S. Donatus Afer in præfatione suæ collectionis, & S. Benedictus Anianæ Abbas in concordia Regularum.



C

IN-



INCIPIT PROLOGVS  
S. CAESARII EPISCOPI  
AD VIRGINES.

*Sanctis & plurimum in Christo venerandis Sororibus in monasterio  
quod Deo inspirante & iuvante condidimus, constitutis*  
CAESARIUS EPISCOPVS.



Can. 3.

VIA nobis Dominus pro sua misericordia  
inspirare, & adiuuare dignatus est, vt vobis  
monasterium conderemus; quomodo in  
ipso monasterio viuere debeatis secundum  
statuta antiquorum Patrum, monita vo-  
bis spiritualia ac sancta condidimus, quæ  
Deo adiuuante custodire possitis. Iugiter in monasterij cel-  
lula residentes visitationem Filij Dei assiduis orationibus  
implorate; vt postea cum fiducia possitis dicere; *Inuenimus  
quem quæsiuit anima nostra*. Et ideo vos sacras Virgines, & Deo  
deditas animas rogo, quæ incensis lampadibus cum secunda  
conscientia Domini præstolatis aduentum, vt quia me pro  
constituendo vobis monasterio laborasse cognoscitis, ve-  
stri me itineris socium fieri sanctis orationibus postuletis.  
vt cum in regno cum sanctis ac sapientibus virginibus feli-  
citer introibitis, me cum stultis non emanere foris vestro  
suffragio obtineatis: orante pro me sanctimonia vestra, vt  
inter pretiosissimas Ecclesiæ gemmas micantem fauor diui-  
nus & præsentibus repleat bonis, & dignum reddat æternis.



IN-

## INCIPIUNT CAPITVLA.

- I. Inprimis obseruandum est, ut de monasterio usque ad mortem suam nulla egrediatur.
- II. A maledicto & iuramento abstineant.
- III. De habitu mutando, & obedientia exhibenda.
- IV. Ut nihil ex his quae secum exhibuit sibi reseruet, nec per seipsam elemosynas faciat.
- V. Ut nulla infantula nisi a sexto anno excipiat.
- VI. Ut unaquaeque non quod ipsa voluerit, sed quod ei iussum fuerit, operetur.
- VII. Ut nemo cellulam peculiarem habeat.
- VIII. Ut dum psallitur, nemo loquatur.
- IX. Nemo filiam cuiuscunque de fonte suscipiat.
- X. Ut signo tacto nulla tardius veniat.
- XI. Qualis debet esse ancilla Dei dum castigatur.
- XII. Qualiter se debeat, quae aliquid negligenter egerit, humiliare.
- XIII. In vigilijs studendum ut nemo dormiat.
- XIV. Ut in lanificijs faciendum suum pensum quotidianum accipiat.
- XV. Ut nemo sibi aliquid proprium iudicet.
- XVI. Matri & Praeposita obediendum: ad mensam penitus non loquendum.
- XVII. Ut omni tempore duabus horis lectioni vacent.
- XVIII. Ut sedentes ad opera, aut meditentur quae sancta sunt, aut taceant.
- XIX. Ut quae nobiles sunt, de diuitijs vel parentum nobilitate non extollantur.
- XX. Ut dum psallitur quod sonat in ore, hoc teneatur in corde.
- XXI. De custodia oculorum.
- XXII. Ut peccatum alterius non celetur.
- XXIII. Nihil occulte accipiendum.
- XXIV. Qualiter distringi debeant, quae aut furtum fecerint, aut iniuriam sibi manum miserint.
- XXV. Ut solitudine Praeposita vestimenta fiant: a Matre dispensentur.

**XXVI.** *Vt in vna cellula vestimenta sanctarium Sanctimonialium reponantur.*

**XXVII.** *Vt nemo sibi proprium aliquid operetur.*

**XXVIII.** *Qualis vel qualiter Cellararia debeat ordinari.*

**XXIX.** *Qualiter balneo debeant uti.*

**XXX.** *Qualis in cella infirmarum Preposita esse debeat, & qualiter cellarium sequestratum ipse infirma habeant.*

**XXXI.** *Qualiter distringi debeat hec, que aut conuictijs aut maledictis, aut quibuscunque criminibus laeserit sorores suas.*

**XXXII.** *Qualiter agere debeat Abbatisa.*

**XXXIII.** *Qualiter Prouisores monasterij intra monasterium debeant introire.*

**XXXIV.** *Vt viri aut mulieres seculares in monasterium non introeant.*

**XXXV.** *Quomodo Abbatisa in saluatorium procedere debeat.*

**XXXVI.** *Vt conuiuium in monasterio nulli fiat, nisi de alijs aut locis aut ciuitatibus venientibus religiosjs feminis.*

**XXXVII.** *Qualiter ancilla Dei suos parentes debeat salutare.*

**XXXVIII.** *Vt Abbatisa nunquam nisi infirmitate faciente extra congregationem manducet.*

**XXXIX.** *Admonitio vel contestatio, qualiter Abbatisa, Preposita, vel Cellararia infirmis debeat obtemperare.*

**XL.** *Vt ancille Dei nihil a parentibus transmissum sine consilio Abbatisa suscipiant: quod plus fuerit quam opus est, illis que indigent ministretur.*

**XLI.** *Qualiter tinctura fiat: vel lectualia qualia habere debeant.*

**XLII.** *De plumarijs, & ornatu monasterij.*

**XLIII.** *Contestatio ac recapitulatio, ut nihil de institutione minuat.*

EXPLICIT CAPITVL.



RE-

# REGVLA S. CAESARII.



**Q**VIA multa in monasterijs puellarum aut monachorum instituta distare videntur, elegimus pauca de pluribus, quibus seniores cum iunioribus regulariter vivant, & spiritualiter implere contendant, quod specialiter suo sexui aptum esse perspexerint; hæc sanctis animabus vestris prima conueniunt.

**I.** Si qua relictis parentibus suis seculo renunciare, & sanctum ouile voluerit introire, vt spiritualium luporum fauces Deo adiuuante possit euadere, vsque ad mortem suam de monasterio non egrediatur, nec de Basilica, vbi ostium esse videtur.

**II.** Iuramentum & maledictum, velut venenum diaboli, fugere & vitare contendat.

**III.** Ei ergo quæ Deo inspirante conuertitur, non licebit statim habitum religionis assumere, nisi antea in multis experimentis fuerit voluntas illius adprobata: sed vni ex senioribus tradita annum integrum in eo, quo venit, habitum perseueret. De ipso tamen habitu mutando, vel lecto in schola habendo, sit in potestate Prioris: & quomodo personam vel compunctionem viderit, ita vel celerius, vel tardius studeat temperare.

**IV.** Quæ autem viduæ, aut maritis relictis, aut mutatis vestibus ad monasterium veniunt, non excipiantur, nisi antea de omni facultatula suâ, cui voluerint, chartas, aut donationes, aut venditiones faciant: ita vt nihil suæ potestati,

ti, quod peculiariter aut ordinare aut possidere videantur, referuent; propter illud Domini: *Si vis perfectus esse, vade, vende omnia quæ possides. Et, Si quis non reliquerit omnia, & secutus me fuerit, meus non potest esse discipulus.* Hoc ideo dico, venerabiles filia, quia Sanctimoniales quæ possessionem habuerint, perfectionem habere non poterunt. Quam rem etiam & illæ, quæ Virgines conuertuntur, si implere noluerint, aut non recipiantur, aut certe vestimenta religiosa non permittantur accipere, donec se ab omnibus impedimentis mundi istius liberas fecerint. Illæ vero quæ adhuc vivis parentibus substantiam suam in potestatem habere non possunt, aut adhuc minoris ætatis sunt, chartas tunc facere compellantur, quando res parentum in potestate habere potuerint, aut ad legitimam ætatem peruenerint. Ideo hoc sanctis animabus vestris præcipimus, timentes exemplum Ananiæ & Saphiræ, qui cum totum se dixissent Apostolis obtulisse, partem obtulerunt, partem sibi infideliter reseruauerunt. quod fieri nec decet, nec licet, nec expedit. Ancillam propriam nulli, nec etiam Abbatissæ, liceat in seruitio suo habere; sed si opus habuerit, de iunioribus in solatium suum accipiat.

V. Et si fieri potest, aut difficile, aut nulla vnquam in monasterio infantula paruula, nisi ab annis sex aut septem, quæ iam & literas discere, & obedientiæ possit obtemperare, suscipiatur. Nobilium filia siue ignobilium, ad nutriendum aut docendum, penitus non accipiantur.

VI. Nemo sibi aliquid operis vel artificij pro suo libitu eligat faciendum: sed in arbitrio Senioris erit, quod vtile prospexerit imperandum.

VII. Nulli liceat semotam eligere mansionem; nec habebit cubiculum, vel armariolum, aut aliquid huiusmodi, quod

quod peculiarius claudi possit : sed omnes diuifis lectulis in vna maneant cellula . Quæ vero senes sunt & infirmæ , ita illis conuenit obtemperari , vel ordinari , vt non singulæ singulas cellas habeant , sed in vna recipiantur omnes , vbi & maneant .

VIII. Nunquam altiori voce loquantur , secundum illud Apostoli : *Omnis clamor tollatur à vobis* . Similiter dum psal- *Eph. 4.* litur , fabulari omnino vel operari non liceat .

IX. Nulla cuiuslibet filiam in baptismum , neque diuitis neque pauperis , præsumat accipere .

X. Quæ signo tacto tardius ad opus Dei , vel ad opera venerit , increpationi , vt dignum est , subiacebit . Quod si secundo aut tertio admonita emendare noluerit , à communionem , vel à conuiuio separetur .

XI. Quæ pro qualibet culpa admonetur , castigatur , corripitur , arguenti respondere penitus non præsumat . Quæ aliquid ex ijs quæ iubentur implere noluerit , à communionem orationis , vel à mensa , secundum qualitatem culpæ , sequestrabitur .

XII. Quæ coquent singuli illis meri pro labore addantur . In omni ministerio , corporali tamen , in coquina , vel quidquid quotidianus exigit vsus , vicibus sibi , excepta Matre vel Præposita , succedere debent .

XIII. In vigilijs , vt nemo per otium somno grauetur , ea opera fiat quæ mentem non retrahat à lectionis auditu . Si qua grauetur somno , alijs sedentibus iubeatur stare , vt possit à se somni marcorem repellere : ne in opere Dei aut tepida inueniatur , aut negligens .

In

XIV. In ipsis lanificijs faciendum penſum ſuum quotidiana cum humilitate accipiant, & cum grandi industria implere contendant.

XV. Nemo ſibi aliquid iudicet proprium, ſive in veſtimento, ſive in quacumque alia re.

Phil. 2. XVI. Nemo cum murmuratione aliquid faciat, ne ſimili iudicio pereat murmuratorum; ſecundum illud Apoſtoli: *Omnia facite ſine murmurattonibus*. Matri poſt Deum omnes obediant: Præpoſitæ deferant. Sedentes ad menſam taceant, & animum lectioni intendant. Cum autem lectio ceſſauerit, meditatio ſancta de corde non ceſſet. Si vero aliquid opus fuerit, quæ menſæ præeſt ſolicitudinem gerat, & quod eſt neceſſarium nutu magis quam voce petat. Nec ſolæ vobis fauces ſumant cibum, ſed & aures audiant Dei verbum.

XVII. Omnes literas diſcant: omni tempore duabus horis, hoc eſt a mane uſque ad horam ſecundam, lectioni vacent.

2. Theſ. 3 XVIII. Reliquo vero diei ſpatio faciant opera ſua, & non ſe fabulis occupent: propter illud Apoſtoli: *Cum ſilentio operantes*; Et illud: *In multiloquio non effugies peccatum*. Et ideo hoc vobis omnino loquendum eſt, quod ad ædificationem, vel utilitatem animę pertinet. Cum autem neceſſitas operis exegerit, tunc loquantur. Reliquis vero in vnum operantibus, vna de ſororibus uſque ad tertiam legat. de reliquo meditatio verbi Dei & oratio de corde non ceſſet. Sit vobis anima vna & cor vnum in Domino. ſint vobis omnia communia; ſic enim legitis in Actibus Apoſtolorum: *Quia erant illis omnia communia; & diſtribuebatur unicuique ſicut cuique opus erat*.

Quæ

XIX. Quæ aliquid habebant in seculo, quando ingrediuntur monasterium, humiliter illud offerent Matri, communibus vñibus profuturum. Quæ autem non habuerunt, non ea quærant in monasterio, quæ nec foris habere potuerunt. Illæ vero, quæ aliquid videbantur habere in seculo, non fastidiant sorores suas, quæ ad illam sanctam societatem ex paupertate venerunt: nec sic de suis diuitijs superbiant, quas monasterio obtulerunt, quomodo si eis in seculo fruerentur. Quid prodest dispergere, & dando pauperibus pauperem fieri, si misera anima diabolica infletur superbia? Omnes ergo vnanimiter & concorditer viuite; & honore in vobis inuicem Deum, cuius templa esse meruistis. Orationibus sine intermissione insistite, secundum illud Euangelij: *Orantes in omni tempore, vt digni habeamini*. Et Luc. 21.  
Apostolus: *Sine intermissione orate*. 1. Thes. 5.

XX. Cum vero psalmis & hymnis oratis Deum, id versetur in corde, quod profertur in voce. Quodcumque operis feceritis, quando lectio non legitur, de diuinis scripturis semper aliquid ruminare. Ægrotantes vero sic tractandæ sunt, vt citius conualescant: sed cum vires pristinas reparauerint, redeant ad feliciorē abstinentiæ consuetudinem. Non sit notabilis habitus vester; nec affectetis vestibus placere, sed moribus; quod vestrum decet propositum.

XXI. Nulla in vobis concupiscentia oculorum cuiuscumque viri diabolo instigante consurgat: nec dicatis vos animos habere pudicos, si oculus impudici cordis est nuntius. Nec putare debet, quæ in virum non simpliciter conuertit aspectum, ab alijs se non videri, cum hæc facit: videtur omnino à quibus se videri non arbitratur. Sed ecce lateat, vt à nemini hominum videatur; quid faciet de illo superno inspectore, cui latere omnino non potest? Timeat ergo displicere Deo, cogitet ne male placeat viro. Quando er-

D

go



go simul statis, si aut Prouisor monasterij, aut aliquis cum eo virorum superuenerit, inuicem vestram pudicitiam custodite. Deus enim qui habitat in vobis, etiam isto vos modo custodiet.

XXII. Si quam vero liberius, quam decet, agere videritis, secretius corripite, vt sororem. si audire neglexerit, Matri in notitiam ponite. nec vos iudicent esse maleuolas quando hoc sancto animo indicatis. magis enim nocentes estis, & peccati ipsius participes vos facitis, si sororem vestram, quam castigando corrigere potuistis, tacendo perire permittatis. Si enim vulnus haberet in corpore, & esset a serpente percussa, & vellet hoc occultare, dum timet secari, nonne crudeliter hoc taceretur, misericorditer proderetur? quanto ergo & magis consilia diaboli, & insidias illius manifestare debetis, ne in deterius vulnus peccati augeatur in corde, ne concupiscentiæ malum diutius nutriatur in pectore? Et hoc facite cum dilectione sororum, & odio vitiorum.

XXIII. Quæcumque autem, quod Deus non patiat, in tantum progressa fuerit malum, vt occultè ab aliquo literas, aut quælibet mandata, aut munuscula accipiat; si hoc ultro confessa fuerit, indulgentiam mereatur, & oretur pro ea. si autem celans proditur, vel conuincitur, secundum statuta monasterij grauius emendetur. Simili etiam districtioni subiaceat. si vel ipsa cuicumque literas, aut munuscula transmittere sacrilego ausu præsumperit. pro affectu tamen parentum, aut cuiuscumque notitia, si aliqua transmittere voluerit eulogiam panis, Matri suggerat: & si ipsa permiserit, per Posticiarias det, & ipsæ nomine illius transmittant, cui voluerit: ipsa sine Præposita, aut Posticiaria per se non præsumat nec dare, nec accipere quidquam.

Et

XXIV. Et quamvis non solum cogitari, sed omnino credi nec debeat, quod sanctæ Virgines duris se sermonibus, vel conuicijs mordeant; tamen si fortè, vt se habet humana fragilitas, in tantum nefas aliquæ de sororibus ausæ fuerint diabolo instigante prorumpere, vt aut furtum faciant, aut in se inuicem manus mittant, iustum est, vt legitimam disciplinam accipiant, à quibus Regulæ instituta violantur. Necessè est enim, vt in eis impleatur illud, quod de indisciplinatis filijs per Salomonem prædixit Spiritus sanctus: *Qui diligit filium suum assiduatur illi flagellum*: Et iterum: *Tu virga cum cedis, animam eius de inferno liberabis*. Disciplinam tamen ipsam in præsentia congregationis accipiant, securum illud Apostoli: *Peccantes coram omnibus corripe*. Eccel. 30.  
Pro. 23.  
1.Tim.5.

XXV. Et quia monasterij Mater necesse habet pro animarum salute sollicitudinem gerere, & de substantiola monasterij; quod ad victum corporis opus est, iugiter cogitare, salutantibus etiam affectum impendere, & epistolis quorumcumque fidelium respondere; omnis lamificij cura, unde vestimenta sanctis Sororibus ministrentur, ad sollicitudinem Præpositæ vel Lanipendiæ pertinebit. Per quarum industriam ita fideliter, cum zelo & amore Dei, vestimenta quæcumque sunt necessaria præparentur, vt quotiescumque sanctis Sororibus opus fuerit, cum sancta discretione dispenset.

XXVI. Quæ tamen vestimenta cum tanta industria in monasterio fiant, vt ea numquam necesse sit Abbatisæ extra monasterium comparare. Et non ad vos pertineat quale vobis indumentum pro temporis congruentia proferatur. Si autem hinc inter vos contentiones & murmura oriuntur, si aliquæ ex vobis minus fortè dignum aliquod acceperint, quam prius habuerint; hinc vos probate, quantum vobis desit in illo interiore sancto habitu cordis, quæ

habitu corporis murmuratis . Si vestra tolerat infirmitas , vt ampliùs quam victus quotidianus exigit habeatis, in vno tamen loco sub communi custode quod habueritis reponite, & clauēs de arcellis, vel pectoriolis vestris. Registoria teneat .

XXVII. Nulla sibi aliquid proprium operetur, nisi cui Abbatissa praecepit, aut permiserit : sed omnia opera vestra in commune fiant, tam sancto studio & seruente alacritate, quomodo si vobis propria faceretis.

XXVIII. Ad cellarium, & ad posticium, vel lanipendium tales à Seniore eligantur, non quæ voluntates aliquarum, sed necessitates omnium cum timore Dei considerent . & ideo quidquid ad manducandum vel bibendum pertinet, nulla de sororibus præsumat circa lectum suum reponere, aut habere . Quæcumque autem hoc fecerit , grauissimam distractionem sustineat . Ante omnia coram Deo & angelis eius obtestor , vt nulla de sororibus vinum occultè aut emat , aut vnde cumque transmissum accipiat : sed si transmissum fuerit, præsentē Abbatissā vel Præpositā, Posticariā accipiant, & Canuariā tradant ; & per ipsius dispensationem, secundum institutionem Regulæ , illi cui transmissum est, quomodo infirmitati suæ conuenit, ita dispenseatur . Et quia solet fieri , vt cella monasterij non semper bonum vinum habeat, ad sanctæ Abbatissæ curam pertinebit, vt tale vinum provideat, vnde aut infirmæ, aut illæ quæ sunt delicatius nutritæ, palpantur .

XXIX. Lauacra etiam , cuius infirmitas exposcit, minimè denegentur : sed fiat sine murmuratione de consilio Medicinæ ; ita vt etsi lauare nollet illa quæ infirma est , iubente Seniore fiat quod opus fuerit pro salute . Si autem nulla infirmitate compellitur, cupiditati suæ non prebeatur assensus.

Ægro-

XXX. Aegrotantium cura siue aliqua imbecillitate laborantium vni satis fideli & compunctæ debet iniungi, quæ de cellario petat quodcumque opus esse perspexerit. & talis eligi debet, quæ & monasterialem rigorem custodiat, & infirmis cum pietate deferuiat. Et si hoc necessitas infirmarum exegerit, & Matri monasterij iustum visum fuerit, etiam cellariolum & coquinam suam infirmæ communem habeant. Quæ cellario siue canauæ, siue vestibis, vel codicibus, aut posticio, vel lanipendio præponuntur, super Euangelium clauas accipiant, & sine murmuratione seruiant reliquis. Si quæ vero vestimenta, calceamenta, utensilia negligenter expendenda vel custodienda putarint, tanquam interuerfores rerum monasterialium seuerius corrigantur.

XXXI. Lites nullas habeatis, secundum illud Apostoli: *Seruum Dei non oportet litigare: & illud: abstine te a lite, & minues* 2 Tim. 2.  
Eccl. 28. *peccata.* aut si fuerint, quàm celerius finiantur; ne ira crescat in odium, & festuca crescat in trabem, & efficiatur anima homicida. sic enim legitis; *Qui odit fratrem suum homicida est.* Et, *leuantes sanctas manus, sine ira & disceptatione.* 1. Ioan. 3.  
1. Tim. 2 Quæcumque conuicio vel maledicto, vel etiam criminis obiectu læserit sororem suam, meminerit culpam satisfactione purgare. quod vitium si iterare præsumplerit, districtione seuerissima feriatur, vsquequo per satisfactionem recipi mereatur. Iuniores præcipuè senioribus deferant. Si qua verò pro quacumque re excommunicata fuerit, remota à Congregatione in loco, quo Abbatissa iusserit, cum vna de spiritualibus sororibus resideat, quousque humiliter poenitendo indulgentiam accipiat. Si autem, vt fieri solet stimulante diabolo, inuicem se læserint, inuicem sibi veniam petere, & debita relaxare debebunt, propter orationes, quas vtique quanto crebiores, tanto puriores habere debent. Quod si illa cui venia petitur indulgere sorori

rori suæ noluerit, à communione remoueat, & timeat  
*Mat. 6.* illud: *Quod si non dimiserit, non dimittatur ei.* Quæ autem nunquam vult petere veniam, aut non ex animo petit: aut cui petitur, si non dimittit, sine causa in monasterio esse videtur. Proinde vobis à verbis durioribus parcite: quæ si admissa fuerint, non pigeat ex ipso ore proferre medicamenta, vnde facta sunt vulnera. Quando autem vos, quæ Præpositæ estis, necessitas disciplinæ pro malis moribus coercendis dicere verba dura compellit, si etiam in ipsis modum vos excessisse fortasse sentitis, non à vobis exigitur vt veniam postuletis; ne apud eas quas oportet esse subiectas, dum nimium seruatur humilitas, regendi frangatur auctoritas. Sed tamen petenda est venia ab omnium Domino, qui nouit etiam quas plus iustè corripitis, quanta beneuolentia diligatis.

*Tit. 2.* XXXII. Matri quæ omnium vestram curam gerit, & Præpositæ, sine murmuratione obediatis, ne in illis caritas contristet. Ipsæ vero quæ vobis præstant, cum caritate & vera pietate discretionem & Regulam studeant custodire. Circa omnes seipsas bonorum operum præbeant exemplum: corripiant inquietas, consolentur pusillanimes, sustineant infirmas, sæpe cogitantes Deo se pro vobis reddituras esse rationem. vnde & vos magis sanctè obediendo, non solum vestri, sed etiam ipsarum miseremini: quia inter vos quanto ordine superiores esse videntur, tanto in periculo maiori versantur. Pro qua re non solum Matri, sed & Propositæ, primiceriæ, vel primariæ cum reuerentia humiliter obedite.

XXXIII. Ante omnia propter custodiendam famam vestram nullus virorum in secreta parte in monasterio, & in oratorijs introeat, exceptis Episcopis, Prouisore, & Presbytero, Diacono, Subdiacono, & vno vel duobus lectoribus,

bus, quos & ætas & vita commendat, qui aliquoties missus facere debeant. Cum vero aut tecta restauranda sunt, aut ostia vel fenestræ sunt componendæ, aut aliquid huiusmodi reparandum, artifices tantum & serui ad operandum aliquid, si necessitas exegerit, cum Prouisore introeant: sed nec ipsi sine scientia aut permissu Matris. Ipse vero Prouisor interiorem partem monasterij, nisi pro ijs vtilitatibus, quas superius comprehendimus, nunquam introeat, & aut nunquam, aut difficilè, sine Abbatissa, aut alia honestissima, teste: vt secretum suum sancta, sicut decet & expedit, habeant.

XXXIV. Matronæ etiam seculares, vel puellæ, seu reliquæ mulieres, aut viri adhuc in habitu laico, similiter introire prohibeantur.

XXXV. Obseruandum est, ne Abbatissa ad salutantes in saluatorium sine digno honore suo, hoc est, sine duabus aut tribus sororibus, procedat. Episcopi, Abbates, vel reliqui religiosi, quos magna vita commendat, si petierint, debent ad orationem in Oratorium introire. Obseruandum est etiam, vt ianua monasterij oportunis horis salutantibus pateat.

XXXVI. Conuiuium etiam his personis, hoc est, Episcopis, Abbatibus, Monachis, Clericis, secularibus viris, mulieribus in habitu seculari, nec Abbatissæ parentibus, nec aliqua Sanctimonialis vnquam, nec in monasterio, vel extra monasterium præparetis. sed nec Episcopo huius ciuitatis, nec Prouisori quidem ipsius monasterij conuiuium fiat. De ciuitate vero nec religiosæ feminæ, nisi fortè sint magnæ conuersationis, & quæ monasterium satis honorent: & hoc rarissime fiat. Si qua tamen de alia ciuitate ad requirendam filiam suam, aut ad visitandum monasterium

rium venerit, si religiosa est, & Abbatisſæ viſum fuerit, debet ad conuiuium vocari. reliquæ penitus numquam, quia ſanctæ Virgines & Deo deuotæ magis Chriſto vacantes pro vniuerſo populo debent orare, quam corporalia conuiuia præparare.

XXXVII. Si quis verò germanam ſuam, vel filiam, aut quamlibet parentem, aut ſibi cognitam videre voluerit, præſente Formaria, vel qualibet ſeniore, ei conloqui non negetur.

XXXVIII. Abbatiſſa, niſi inæqualitate aliqua aut infirmitate, vel occupatione compellente, extra congregationem penitus non reficiatur.

XXXIX. Illud ante omnia te, ſancta Mater, & te venerabilis quæcumque fueris Præpoſita, etiam cuiusque cura committenda eſt infirmarum; Primiceria etiam, vel Formaria, admoneo & conteſtor; vt vigilantiffimè conſideretis, vt ſi ſunt aliquæ de ſororibus, quæ pro eo quod aut delicatius nutritæ ſunt, aut defectionem forſitan ſtomachi frequentius patiuntur, & ſi quæ reliquæ abſtinere non poſſunt, aut certè cum grandi labore ieiunant, ſi illæ propter verecundiam petere non præſumunt, vos eis iubeatis à Cellariis dari, & ipsis vt accipiant ordinetis. Et certiffimè conſident, quicquid diſpenſante aut iubente Seniore qualibet hora percipient, in illa repauſatione Chriſtum accipient. Cellaria vero, & illa quæ infirmis ſeruitura eſt, ſuper omnem ſolicitudinem cura illis & diligentia infirmarum coram Deo & angelis eius denuntietur. Hoc etiam moneo, vt propter nimiam inquietudinem ad ianuam monaſterij quotidianæ vel aſſiduæ eleemoſynæ non fiant; ſed quod Deus dedit vt poſſit vſibus monaſterij remanere, Abbatiſſa per Prouiſorem ordinet pauperibus diſpenſari.

Ante

**XLI.** Ante omnia obseruandum est, vt si suæ filiæ aliquis, vel aliqua necessitudine ad se pertinenti, vestimenta, vel aliquid aliud dederit, siue transmiserit, non occultè accipiantur: pro qua re omnes quæ ad posticium obseruauerint, contestor coram Deo & angelis eius, vt nihil de monasterio permittant dari, vel a foris in monasterio adquiescant excipi, contra conscientiam, vel consilium Abbatissæ. tamen si Abbatissa, vt adsolet, cum saluatoribus occupata fuerit, Posticiariæ Præpositæ ostendant quodcunque exhibitum fuerit. Quam rem si implere neglexerint, & illæ Posticiariæ, quæ permittunt, & illæ quæ excipiunt, non solum distractionem monasterij grauissimam sustinebunt: sed propter transgressionem sanctæ Regulæ causam se mecum ante Deum nouerint esse dicturas. Ipsum vero quod transmissum fuerit, si illi opus ad vsus suos fuerit, ipsa habeat: si vero illa nihil indiget, in commune redactum cui est necessarium præbeatur; propter illud Domini mandatum: *Qui habet duas tunicas det non habenti.* Indumenta vero Luc. 3. ipsa cum noua accipiunt, si vetera necessaria non habuerint, Abbatissæ refundant, pauperibus aut incipientibus, vel iunioribus dispensanda. Omnia vero indumenta simplici tantum & honesto colore habeant, nunquam nigra. non lucida, sed tantum laia, vel lactina, in monasterio per industriam Præpositæ, vel sollicitudinem Lanipendiæ fiant; & à Matre monasterij, quomodo cuique rationabiliter necesse fuerit, dispensentur.

**XLII.** Tinctura in monasterio nulla alia fiat, nisi vt supra dictum est, laia, & lactina: quia aliud humilitati virginum non oportet. Lectualia vero ipsa simplicia sint: nam satis indecorum est, si in lecto religioso stragula secularia, aut tapetia picta resplendeant. Argentum in vsu vestro non habeatis, absque ministerio oratorij.

E

Plu-



XLIII. Plumaria & acupictura, & omne polymitum, vel stragula, siue ornaturæ, nunquam in monasterio fiant. Ipsa etiam ornamenta in monasterio simplicia esse debent, nunquam plumata, nunquam holoserica: & nihil aliud in ipsis, nisi cruces aut nigræ, aut lactinæ tantum opere sarsurio de pannis aut linteis apponantur. Nam nec vela cerata appendi, nec tabulæ pictæ affigi, nec in parietibus vel cameris vlla pictura fieri debet: quia in monasterio quod non humanis sed spiritualibus tantum oculis placet, esse debet. Si vero aliqua ornamenta, vel à vobis, vel ab alio de fidelibus monasterij collata fuerint, aut in vñibus monasterij profutura vendantur, aut Sanctæ Mariæ basilicæ, si necesse fuerit, deputentur. Acupictura nunquam nisi in mappulis, & facitergijs, in quibus Abbatissa iusserit, fiant. Nulla ex vobis, extra iussionem Abbatissæ, præsumat Clericorum, siue laicorum, nec parentum, nec cuiusque virorum siue mulierum extranearum vestimenta, aut ad lauandum, aut ad consuendum, aut ad reponendum, aut ad tingendum accipere sine iussione Abbatissæ. ne per istam incautam & honestati inimicam familiaritatem fama monasterij lædi possit. Quæcumque autem hoc obseruare noluerit, tanquam si criinen admiserit, ita districtione monasterij feriat.

XLIV. Te vero sanctam & venerabilem monasterij Matrem, & te Præpositam sanctæ congregationis coram Deo & angelis eius admoneo, & confessor, vt nullius vnquam vel minæ, vel obloquutiones, vel blandimenta molliant animum vestrum, vt aliquid de sanctæ ac spiritualis Regulæ institutione minuatis. Credo tamen de Dei misericordia, quod non pro aliqua negligentia reatum incurrere, sed pro sancta & Deo placita obedientia ad æternam beatitudinem possitis feliciter peruenire.

RE-

## R E C A P I T V L A T I O.



VM Deo propitio in exordio institutionis monasterij vobis Regulam fecerimus, multis tamen postea vicibus ibi aliquid addidimus, vel minuímus. pertractantes enim, & probantes quid implere possitis, hoc nunc definiuimus, quod & rationi, & possibilitati, & sanctitati conueniebat. Quantum enim diligenti experimento capere potuimus, ita Deo inspirante temperata est Regula ipsa, vt eam cum Dei adiutorio ad integrum custodire possitis. & ideo coram Deo & angelis eius contestamur, vt nihil ibi vltra mutetur, aut minuatur. Pro qua re quascunque schedas prius fecerimus, vacuas esse volumus: hanc vero, in qua manu mea Recapitulationem scripsi, sine vlla diminutione rogo & moneo, vt Deo adiutore fideliter ac feliciter impleatis; incessanter Dei adiutorium implorantes, ne vos venenoso consilio suo antiquus hostis impediatur, qui de ipso coeli fastigio sibi consentientes ad inferni profunda consuevit abstrahere. Vnde, sanctæ & venerabiles filiæ, moneo, vt omni virtute & vigilantissima solitudine suggestiones illius repellere studeatis: & sic cum Dei adiutorio *currite vt apprehendere valeatis*: quia non qui coeperit sed *qui perseuerauerit usque in finem, hic saluus erit*. Et licet credam quod ea quæ superius scripta sunt, sancta pietas vestra & semper memoriter teneat, & Christo auxiliante non solum fideliter, sed etiam feliciter implere contendat; tamen vt ea quæ constituimus sancto cordi vestro tenacius valeant in hæere, istam paruulam Recapitulationem, quam manu mea scripsi, fieri volumus: quam rogo, vt Deo inspirante & libenter accipere, & iugiter studeatis cum Dei adiutorio custodire.

1. Cor. 9.  
Mat. 24.

I. Hoc enim est quod specialiter absque vlla diminutione à vobis volumus obseruari : vt nulla ex vobis vsque ad mortem suam de monasterio egredi, vel de ipsa basilica, in qua ianuam habetis, aut permittatur, aut per se ipsam præsumat exire.

II. Vt nulla cellam peculiarem habeat. vt familiaritatem, aut quamlibet societatem nec cum religiosis, nec cum laicis, seu viris seu mulieribus, secretam habeat.

III. Nec sola cum solo loqui vel momento temporis permittatur : nec vestimenta eorum ad lauandum, vel tingendum, aut ad custodiendum, vel consuendum accipiat. & sicut in ipsa Regula constituimus, nec quidquam ab intus occultè foris transmittere, aut à foris intus excipere audeat.

IV. Nulla aliquid proprium nec foris possideat, nec intus habeat, nec ad ordinationem suam aliquid reseruet : sed sicut superius diximus, chartis cui voluerit factis, ab omni impedimento sit libera : propter illud quod Dominus ait : *Luc. 14. Si quis non renunciauerit omnibus quæ possidet non potest meus esse discipulus.* Et illud : *Mat. 16. Si quis vult venire post me abneget semetipsum sibi.* Qui semetipsum sibi iussus est abnegare, qua fronte præsumit sibi aliquid de impedimentis mundi istius reseruare ? & non magis quod scriptum est contremiseit, quia *impedimenta mundi fecerunt nos miseros.* Et illud Apostoli diligenter attendite : *Volo, inquit, vos sine sollicitudine esse.* Et hæc fideliter obseruans, secunda conscientia dicat : *Mundus crucifixus est mihi, Et ego mundo.* Et illud : *Omnia arbitratus sum vt stercus, vt Christum lucrifaciam.*

V. Conuiuium nec Episcopo istius ciuitatis, nec alterius, nec vlli virorum, sicut in hac Regula statuimus, præparetur.

Epi-

VI. Epistolæ nullius hominum, etiam nec parentum, occultè accipiantur: aut sine permissu Abbatissæ ulli qualescunque litteræ transmittantur.

VII. Moneo specialius, vt sicut iam diximus, vestimenta lucida, vel nigra, vel cum purpura, vel bebrina nunquam in vsu habeant, nisi tantum laia, & lactina. Capita nunquam altiori ligent, quam in hunc locum mensuram de incausto fecimus: Omnia opera in commune faciant.

VIII. Quæcumque ad conuersionem venerit, in salutorio ei frequentius Regula relegatur: & si prompta & libera voluntate professæ fuerit, se omnia Regulæ instituta, completuram, tamdiu ibi sit, quamdiu Abbatissæ iustum ac rationabile visum fuerit. si vero Regulam dixerit se non posse complere, penitus non excipiat.

IX. Ianua monasterij nunquam extra Basilicam cum vestra voluntate, aut cum vestro permissu fiat: & vespertinis & nocturnis ac meridianis horis nunquam pateat: ita tamen vt ipsis horis quando reficitur, claues apud se Abbatissa habeat.

X. Ipsam tamen Abbatissam sanctæ congregationis, cui nihil possidere licet, aut aliquid peculiare habere permittitur, Deo medio contestor, vt in quantum possibilitas fuerit, quæ necessaria sunt suis sororibus prouideat.

XI. Plumariæ, & ornaturæ, & vestimenta purpurea, & omne polymitum nunquam in monasterio fiat. propter illud Apostoli: *Nemo militans Deo implicat se negotijs secularibus, ut ei placeat, cui se probauit.* 2. Tim. 2

XII. Quoties sancta Abbatissa ad Deum migrauerit, nulla ex-

ex vobis carnali affectu, aut pro natalibus, aut pro parentela aliquam minus efficacem fieri velit: sed omnes, Christo inspirante, vnanimiter sanctam spiritalem eligite, quæ & Regulam monasterij possit efficaciter custodire, & superuenientibus responsum cum ædificatione & compunctione. & cum sancto affectu sapienter valeat reddere: vt omnes homines, qui vos cum grandi fide & reuerentia pro sui ædificatione expetunt, Deum vberius benedicant, & de vestra electione, & de illius quam eligitis conuersatione spiritualiter gratulentur.

XIII. Et licet, sanctæ filiæ & vnica mihi in Christo caritate venerabiles, de sanctæ pietatis vestræ obedientia sim securus; tamen pro paterna sollicitudine, quia vos angelis desidero esse conformes, iterum atque iterum rogo, & per omnipotentem Deum vos confessor, vt nihil de sanctæ Regulæ institutione minui permittatis, sed totis viribus eam custodire auxiliante Domino laboretis: scientes quia *vnusquisque propriam mercedem accipiet secundum suum laborem.* Et hoc ante omnia rogo, vt admonitionem nostram non transitoriè accipiat sanctitas vestra: quia non ex nostra presumptione loquimur; sed secundum quod in scripturis canonicis legitur, & antiquorum Patrum libris abundantissimè continetur, vos cum grandi affectu, & cum vera caritate salubriter admonemus. & quia legitis, quod *qui vnum mandatum minimum neglexerit, minimus vocetur in regno coelorum*, nolite humilitatis nostræ verba quasi minima despicere: propter illud quod scriptum est: *Qui vos spernit, me spernit.* Et illud: *Qui spernit modica, paulatim destitit.* Quomodo enim in quocumque carnali certamine tantum vnusquisque abiectionis erit, quantum minor & infirmior persona superauerit; ita & in spiritali certamine in eum qui negligens fuerit in minimis, implebitur illud quod scriptum est: *Qui vniuersam legem seruauerit, offendat autem in vno, factus*

*I. Cor. 3.*  
*Mat. 5.*  
*Luc. 10.*  
*Ecc. 19.*  
*Iac. 2.*

*factus est omnium reus.* Hoc enim ego cum grandi non solum timore, sed etiam tremore cogitans, dum pauescit animus meus, ne vobis vel aliqua peccata minuta subrepant, non solum admoneo, sed supplico pariter & contestor, & cum grandi caritatis affectu adiuro; sic in illam æternam beatitudinem ad consortium angelorum, omniumque sanctorum sine confusione venire simul, & cum sancta Maria vel cum omnibus reliquis virginibus coronas gloriæ accipere, & coelestem agnum sequi vos feliciter videre promerear, vt toto corde & toto animo mandata superius comprehensa studeatis implere, per quæ ad æterna præmia possitis feliciter peruenire.

XIII. Illud etiam, quod non credo, nec Deus pro sua misericordia fieri patietur, si quocunque tempore quælibet Abbatisa de huius Regulæ institutione aliquid immutare aut relaxare tentauerit; vel pro parentela, seu pro qualibet conditione subiectionem vel familiaritatem Pontificis huius ciuitatis habere voluerit, Deo vobis inspirante, ex nostro permisso in hac parte cum reuerentia & grauitate resistite, & hoc fieri nulla ratione permittatis: sed secundum Sacram sanctissimi Papæ Urbis Romæ vos auxiliante Domino munire in omnibus studete. Præcipue tamen de infra scripta Recapitulatione, quam manu mea scripsi atque subscripsi, contestor, vt nihil penitus minuatur. Quæcunque enim Abbatisa, aut quælibet Præposita aliquid contra sanctæ Regulæ institutionem facere tentauerint, nouerint se mecum ante tribunal Christi caussam esse dicturas. Et si forte, quod Deus non patiatur, fuerit aliqua de filiabus nostris tam pertinax animo, quæ huius Regulæ recapitulationem, salubriter & secundum institutionem sanctorum Patrum scriptam, implere contemnat, à sanctæ congregationis vestræ conuentu eam accensæ zelo sancti Spiritus remouete: & tamdiu in cella salu-

saluatorij sit remota, quamdiu dignam poenitentiam agens humiliter veniam petat; & donec ad Regulæ instituta se corrigat, intus non regrediatur. Hæc ideo dicimus, quia timendum est, ne dum vnius negligentia palpatur, & secundum Regulam non corrigitur, aliæ, quæ proficere poterant, vitientur. Sed credimus de Dei misericordia, quod dum & vos sanctæ spiritualiter agitis, & eas quæ negligentes sunt cum vera caritate corrigitis, feliciter ac pariter ad æterna præmia veniatis, præstante Domino nostro Iesu Christo, cui est honor & imperium in secula seculorum, Amen.

XV. Ieiunium à Pentecoste vsque ad Kalendas Septembris, quomodo virtutem vel possibilitatem viderit Mater monasterij, sic studeat temperare. à Kalendis Septembris vsque ad Kalendas Nouembris secunda, quarta, & sexta feria ieiunandum est. A Kalendis vero Nouembris vsque ad Natalem Domini, exceptis festiuitatibus vel sabbatho, omnibus diebus ieiunari oportet. Ante Epiphaniam ieiunandum septem diebus. Ab Ehipania vero vsque ad hebdomadam Quadragesimæ secunda, quarta, & sexta ieiunandum est. Natale Domini & Epiphania ab hora tertia noctis vsque ad lucem vigilandum est.

XVI. Ordinem etiam conuiuij huic Regulæ inferendum esse credidimus. Cibaria omnibus diebus in ieiunio tria, in prandio bina tantummodò præparentur. In festiuitatibus maioribus ad prandium & ad cœnam fercula addantur: & recedentibus de ea dulceamina addenda sunt. Quotidianis vero diebus ad prandium in æstate binos caldellos, in hyeme ad prandium binos caldellos: ad refectiōnem ternos caldellos accipient. ad cœnam vero bini caldelli sufficiunt. Iuniores vero ad prandium, ad cœnam, ad refectiōnem binos accipiant.

Pulli

XVII. Pulli vero infirmis tantummodo præbeantur: nam in congregatione nunquam ministrentur. Carnes vero à nulla vnquam penitus in cibo sumantur. Si forte aliqua in desperata infirmitate fuerit, iubente prouidente Abbatis accipiat.

XVIII. Vos tandem, pijsimæ sorores, coram Domino Deo obtestor & deprecor, vt humilitati meæ, vel sanctarum Matrum vestrarum, id est, institutoribus Regulæ & monasterij conditoribus, hanc in perpetuum gratiam referatis, vt pro nobis diebus ac noctibus intercessio vestræ caritatis inuigilet, publica oratione vel in diurnis solemnitatibus, vel in nocturnis excubijs deprecatio vestræ sanctitatis obtineat, vt ascendens ad conspectum Domini deprecatio vestra, dignum vel me Ecclesiæ suæ Pontificem, vel illas seruitio sanctarum virginum constituat & concedat esse præpositas. & cum ante tribunal illius coeperimns creditorum talentorum reddere rationem, si quæ sunt culpæ vel negligentia, siue meæ erga curam Ecclesiæ, siue Matrum vestrarum erga sibi creditas, intercessu vestro Dominus nobis remittere, & culparum vulnera remissionis medicina sanare dignetur. Quia nec emendantur culpæ, nisi sanctorum orationibus ille remiserit; nec remittit, nisi fuerint emendatæ.

XIX. Et quia propter custodiam monasterij aliqua ostia siue in veteri baptisterio, siue in schola, vel textrino, aut in turre iuxta pomarium clausi atque damnaui, nullus illa vnquam sub qualibet vtilitatis specie aperire præsumat: sed licet sanctæ Congregationi resistere, & quod famæ vel quieti suæ incongruum esse cognoscunt, fieri non permittant.

F

Post-



*Postrema hac duo capitula non sunt S. Casarij, sed postea  
ab alio ad Recapitulationem adiecta videntur  
ex Regula S. Benedicti.*

XX. Cellararia monasterij eligatur de Congregatione, sapiens, maturis moribus, sobria, non multum audax, non elata, non turbulenta, non iniuriosa, non prodiga, sed timens Deum, & omni congregationi sit sicut mater, curam gerat de omnibus. Sine iussione Abbatisſæ nihil faciat: quæ ei iubentur custodiat: Sorores non contristet. Si qua forte soror ab ea aliqua irrationabilia postulat, non spernendo eam contristet, sed rationabiliter cum humilitate malè petenti deneget. Animam suam custodiat, memor

1. Tim. 3. semper illud Apostolicum, quod *qui bene ministraverit, gradum sibi acquirat*. Infirmorum, infantium, hospitum, pauperum cum omni sollicitudine curam gerat, sciens sine dubio quia pro his omnibus in die iudicii rationem redditura est. Omnia vasa monasterij cunctamque substantiam, ac si altaris vasa sacrata, conspiciat; nihil ducat negligendum, neque avaritiæ studeat, neque prodiga sit extirpatrix substantiæ monasterij, sed omnia mensuratè faciat, & secundum iussione Abbatisſæ. humilitatem ante omnia habeat: & cum substantia non est quæ tribuatur,

Eccl. 8. sermo responsionis porrigatur bonus, ut scriptum est: *sermo bonus super datum optimum*. Omnia quæ ei iniunxerit Abbatisſa ipsa habeat sub cura sua; à quibus eam prohibuerit, non præsumat. Sororibus constitutam annonam, sine aliquo verbo vel mora offerat, ut non scandalizentur. memor diuini eloquij, quid mereatur qui scandalizauerit

Matth. 8. vnum de pusillis. Si congregatio maior fuerit, solatia ei dentur, quibus adiuta sit, & ipsa æquo animo impleat officium sibi commissum. Horis competentibus dentur quæ danda sunt, & petantur quæ petenda sunt, ut nemo perturbetur & contristetur in domo Dei.

Ad

**XXI.** Ad portam monasterij ponatur soror senex, sapiens, quæ sciat responsum accipere & reddere, cuius maturitas non sinat eam vagari. Quæ Portanaria cellam debet habere iuxta portam, ut venientes semper presentem inueniant, à qua responsum accipiant: & mox ut aliquis pulsauerit, aut pauper clamauerit, Deo gratias, respondeat, & benedicat cum omni mansuetudine timoris, reddens responsum festinanter cum festinatione & feruore caritatis. quæ Portanaria, si indiget solatio, iuniorem sororem accipiat. Amen.

**EXPLICIT REGVLA S. CÆSARII  
CVM RECAPITVLATIONE.**



## S. CAESARII EPISCOPI ARELAT.

*ad Sanctimoniales .*

AVDETE & exultate in Domino , venerabiles filiæ , & gratias illi iugiter vberes agite , qui vos de tenebrosa seculi huius conversatione ad portum quietis & religionis attrahere & prouocare dignatus est . Cogitate iugiter vnde existis , & vbi peruenire meruistis . Reliquistis fideliter mundi tenebras , & lucem Christi feliciter videre cœpistis . Contempnistis libidinis incendium , & ad castitatis refrigerium peruenistis . Respuistis gulam , & abstinenciam elegistis . Respuistis auariciam atque luxuriam , & castitatem vel misericordiam tenuistis . Et quamuis vobis vsque ad exitum vitæ non desit pugna , tamen Deo donante securi sumus de vestra victoria . Sed rogo vos , venerabiles filiæ , vt quanto estis securæ de præteritis , tanto sitis sollicitæ de futuris . Omnia enim crimina , vel peccata cito ad nos reuertuntur , si non quotidie bonis operibus expugnentur . Audite Apostolum Petrum dicentem : *Sobria estote , & vigilate , quia aduersarius vester diabolus , tanquam leo rugiens , aliquid deuorare querens circumit .* Quamdiu in hoc corpore viuimus , die nocteque Christo adiutore vel duce , contra diabolum repugnemus . Sunt enim aliquæ , quod peius est , negligentes , & tepidæ , quæ de sola Christianitatis vocabulo gloriantur , & putant quod illis sufficiat vestem mutasse , & religionis tantum habitum suscepisse . nescientes illud propheticum : *Fili accedens ad seruitutem Dei sta in iustitia & timore , & prepara animam tuam ad tentationem .* nec sententiam Psalmistæ considerantes : *Propter verba labiorum tuorum ego custodiui vias duras .* & illud quod Apostolus dixit : *Per multas tribulationes oportet nos intrare*

1. Pet. 5.

Eccl. 2.

Psalm. 16.

Apost. 14.

*intrare in regnum calorum.* Vestes enim seculares deponere, & religiosas assumere vnius horæ momento possumus: mores vero bonos iugiter retinere, vel contra malas dulcesque voluptates seculi huius quamdiu viuimus, Christo adiutore, laborare debemus. quia non qui cæperit, sed *qui perse-* Mat. 24.  
*uerauerit usque in finem hic saluus erit.* Inprimis ergo omnis anima, quæ religionem seruare desiderat, gulæ concupiscen-  
 tiam vincere, & ebrietatem vitare tota fidei virtute contendat: & ita temperatum conuiuium, mensamque mediocrem habere studeat, vt caro illius nec nimietate abstinentiæ debilitetur, nec per deliciarum abundantiam ad luxuriam prouocetur. Deinde abiecta superbia, cui Deus resistit, profundæ humilitatis iaciat fundamentum: inuidiam velut vipereum venenum detestetur, ac fugiat: linguam refrænet, detractionem quasi venenum respuat: verba otiosa, nec ipsa proferat, nec ab alijs prolata auribus suis libenter admittat. Vestimentorum habitum, nec nimis abiectum, nec notabiliter pomposum, aut periculose elegantem habere consuecat: lectionem aut ipsa frequentius legat, aut legentis verba tota pectoris auditate suscipiat. De diuinis Scripturarum fontibus iugiter aquam salutis hauriat: illam vtique de qua Dominus dicit: *Qui credit in me, flumina de-* IOAN. 7.  
*ventre eius fluent aqua viua.* De paradisi etiam floribus, hoc est sanctarum Scripturarum sensibus, anima sancta se iugiter ornare contendat. ex ipsis pretiosas margaritas auribus suis indefinenter appendat: ex ipsis anulos & dextralia, dum exercet opera bona, sibi componat. Ibi vulnerum, medicamenta, ibi castitatis aromata, ibi compunctionis holocausta requirat. Quæ vero religionem immaculato corde, & puro corpore conseruare desiderat, aut nunquam in publicum, aut certe non nisi pro grandi & ineuitabili necessitate procedat. Nolite, quæso vos, nolite quibuscunque aut occasionem dare, aut familiaritatem tribuere. Quæ vero libidinem Christo adiuuante desiderat vincere,  
 familia-

familiaritatem debet refugere: & quæ indignam familiaritatem non spreuerit, aut se, aut alium cito perdet. Sed forte dicit aliqua, ideo familiaritatem non fugio, quia volo habere quod vincam, & aduersarium meum cupio tenere captiuum. Vide ne contra te aduersarius incipiat rebellare: vide ne te ducat captiuitas ista captiuam. Audi Apostolum 1. Cor. 6. dicentem: *Fugite fornicationem*. Contra reliqua vitia oportet nos omni virtute resistere: contra libidinem vero non expedit repugnare, sed fugere. Esto ergo libidinis fugitiua, si vis esse castitatis pugnatrix egregia. Sed quod dixi diligenter attendite. Quando sola aliqua libidinis stimulis incitatur, Christo adiuuante repugnet quantum præualet contra se; quia non habet quo possit fugere: quando vero per alterius sodalitatem, oportunitatem voluptatis diabolus subministrat, ipsam familiaritatem quantum præualet, ut diximus, sancta anima refugiat. Sed ut hæc omnia seruare possimus, abstinentiam rationabilem teneamus: quia vera est illius sanctissimi viri sententia; *Prout continueris ventrem, ita & venenosus motus eius*. Humilitatem etiam veram quantum possumus conseruamus. Non enim diu carnis integritas seruatur, ubi animus superbiæ tumore corrumpitur. præcipue si iracundiæ flamma frequentius surgit, castitatis & virginitatis flores cito consumit. Casta enim & Deo deuota anima non solum extraneorum, sed etiam parentum suorum familiaritatem habere non debet. Si enim vasa, quæ Ecclesiæ offeruntur, ut in sacrosanctis altaribus ponantur, sancta ab omnibus appellantur, & nefas est ut de Ecclesia postmodum in domum laicam reuocentur, aut vsibus humanis aptentur, putas qualem dignitatem apud Deum habet anima ad eius imaginem procreata? Sicut ergo vasa sancta humanis vsibus seruitura, nec possunt, nec debent de Ecclesia reuocari; sic religiosam quampiam non oportet, non decet, non expedit, parentum suorum multis obligationibus implicari; aut quorumcumque extraneorum perni-

perniciosa familiaritate constringi. Illud ante omnia ad-  
 moneo, vt æmulationis malum, quasi venenum vipereum,  
 fugiatis; & ita inter vos caritatis dulcedinem conferuetis,  
 vt vobis inuicem per sancta colloquia medicamenta spiri-  
 tualia præparetis. Sunt enim, quod peius est, aliquæ, quæ  
 quando se pariter iungunt, magis sibi detrahendo, vel con-  
 tra Præpositas murmurando, vulnera faciunt, quam spirita-  
 lia medicamenta componunt. Vos vero, sanctæ ac vene-  
 rables filiæ, si aliquam videtis pusillanimum consolatione-  
 nem impendite: si superbientem, humilitatis medicamen-  
 tum apponite: si iracundam videritis, refrigerium patienti-  
 æ ministrare. Si nobiles natæ estis, magis de religionis  
 humilitate, quem de seculi dignitate gaudete. Tenete, Luc. 9.  
 ergo firmiter manus in aratro, & nolite respicere retro.  
*Mementote uxoris Loth*, quæ retro respiciens versa est in sta- Luc. 17.  
 tuam salis. Nunquam iuramentum, nunquam maledictum  
 de virginis ore procedat. Non solum enim corpora, sed  
 etiam corda vestra omni sollicitudine custodite, propter il-  
 lud quod scriptum est: *Omni custodia serua cor tuum*. & illud Pro. 4.  
 quod Dominus in Euangelio dixit: *de corde enim exeunt co-* Mat. 15.  
*gitationes male*. Si enim in corde nihil mali cogitatur, quid-  
 quid sanctum est ex ore profertur. quia sicut scriptum est:  
*Ex abundantia cordis os loquitur*. Hoc enim lingua proferre, Mat. 12  
 consuevit, quod ex officina cordis conscientia ministraue-  
 rit. Et ideo si ex ore vultis bona proferre, semper in corde  
 quæ sancta sunt cogitate. Sic lectioni & orationi debetis  
 incumbere, vt ante omnia etiam manibus possitis aliquid  
 exercere: secundum illud quod Apostolus ait: *Qui non* 2. Thes 3.  
*operatur, nec manducet*. Meliorem quoque diei partem sancto  
 operi dedicate. lectioni vacare consuescite. Oratio vestra  
 ita cum silentio procedat ex corde, vt vix audiat in ore.  
 Nam qui alta voce orare voluerit, & sibi & alteri multum  
 nocet, dum per suam garrulitatem alterius mentem ab ora-  
 tione sancta & secreta suspendit. Pompōsa indumenta,  
 quæ

quæ non vtilitati, sed vanitati seruiunt, fastidite atque contemnite. Multæ enim quod in moribus diligunt, hoc etiam in operibus suis ostendunt. præparant sibi ornamenta secularia seculum diligentes, & voluptati seruientes, vel luxuriæ. Vobis vero nihil sit commune cum talibus: sed omnia ornamenta, quibus ad luxuriam caro componitur, velut inimica & contraria vestro proposito, respiciantur. Sunt enim, quod peius est, quæ pro vanitate seculi istius plus student terrenis cupiditatibus operam dare, quam lectioni diuinæ iustitiæ, dum volunt stragula pulchra, & picta tapetia, plumaria etiam, & reliqua his similia, cum ingenti sumptu & superflua expensa, ad oculorum libidinem præparare: nescientes illud quod Dominus per Ioannem

2. Ioan. 2. Euangelistam clamat, & dicit: *Nolite diligere mundum, neque ea quæ in mundo sunt. quoniam omne quod in mundo est, concupiscentia carnis, & concupiscentia oculorum, & ambitio seculi est.* Quid prodest virgini integritatem corporis custodire, si oculorum concupiscentias noluerit euitare? Vos vero, sanctæ & Deo dignæ animæ, totum spiritualiter agite. Sequimini Christum, tenendo perseveranter, quod voluistis ardentem. Iterum atque iterum, sanctæ & Deo dicatæ animæ, rogo, & cum omni humilitate pro conseruando virginitatis præmio consilium do, vt familiaritatem incongruam à vobis, vel à vestris animis, totis viribus repellere laboretis. Nam ad conseruandam sanctæ religionis dignitatem, singularitas testis sanctissima est. Familiaritas enim cuiuslibet si frequens esse cœperit, non nisi corruptionem seminat, vitia pullulat, libidinem concipit, ignominiam parit, rabiem concitat, lasciuiam pascit, petulantiam nutrit, casus exaltat, ruinas ædificat, confusionem mercatur, thesaurizat opprobrium, criminationem exaggerat, excusationes inflamat, & catèruatim simul in fascem conglomerat. Nam si anima sancta secretum suum custodire voluerit, & assidue familiaritatis malum tota animi virtute fugerit, ipsa sancta  
lingu-

singularitas munimen illi inuictum est sanctimonij, expugnatio fortis infamiæ, exercitium continentiae, euacuatio luxuriæ, pax secunda virtutum, & impugnatio inquieta bel-  
lorum, puritatis culmen, & libidinis carcer, honestatis por-  
tus, & ignominiae naufragium; virginitatis mater, & hostis  
immunditiæ, integritatis dignitas, & fornicationis abdicatio: voluntas bonorum operum, & afflictio vitiorum; refrigerium pudicitiae; adquisitio triumphorum, & facinorum detrimentum; requies salutis, & perditionis exilium; vita spiritus, & carnis interitus. Hæc omnia mala fortiter, Deo adiuuante, repellentur; & illa quæ diximus bona feliciter acquirantur, si ab animabus sanctis familiaritas inordinata respuatur. Attendite vos, ò animæ sanctæ, quia inter omnia certamina, quibus semper comes est Christiana militia, sola duriora sunt prælia castitatis, ubi quotidiana pugna est, & rara victoria. Castitatis dura sunt prælia, sed maiora sunt præmia. Castitatis palmam nemo securus accipit, cui quantum dari sunt exitus, tantum gloriosi sunt fructus. Vt ergo castitatis præmia, & virginitatis coronam feliciter, Deo remunerante, possitis accipere, periculosam familiaritatem à vobis semper excludite. Currite fideliter, ut possitis peruenire feliciter, adiuuante Domino nostro Iesu Christo, qui viuit & regnat in secula seculorum. Amen.

# EX EPISTOLA S. CÆSARII AD ORATORIAM

*Abbatissam, Quales esse debeant discipulas animum.*

**A** Vdi ergo me, dulcissima soror & filia: Tu quantumcunque semper in studijs spiritalibus occupari desideras, propter sorores tamen aliquando etiam exteriora tibi erunt negotia dirimenda. Curandum ergo tibi summopere est, ut

G

si tem-



2. Tim. 2.

Tit. 2.

fi temporalia quasi pro tempore agas ; at semper tenacius in spiritali deuotione & amore inhæreas : vt cum temporalia citius dispensaueris, ad orationem illico vel lectionem, quasi ad matris sinum, recurras . Optare quippe debes, vt abiecta solitudine mundi, semper cogites de seruitio Christi, propter illud quod dicitur: *Nemo militans Deo implicat se negotijs secularibus & cætera*. In omnibus, iuxta Apostolum, temetipsam præbe exemplum bonorum operum ; vitæque tua velut pennatum animal ad alta semper per desiderium euolet, per verbum resonet, luceat per exemplum. Cum vero ad annuntiandum verbum Dei te sororibus affectaueris, seu pro vtilitate animarum, tenoreq; Regulæ constituendo necessitas incubuerit altercandi, prius cauta consideratione pensa, vt quod ore promissis, factis impleas ; & quod alijs prædicas, operibus præbeas. scilicet vt in tuis humeris atque ceruicibus prius sentias, vtrum grauib; aut leuib; oneribus colla sororum onustes. verbi gratia, si ieiunium super quotidianum, vel abstinentiam extra consuetudinem, nec non, vt assolet, plus solito in Synaxi psalmos placuerit decantare. Prior in Ecclesia inueniaris, postrema exeas. prima suscipias laborem, posterior soluas. & in quotidiano corporis alimento atque communi cibo par sis his cum quibus pari in mensa vteris consensu. iisdem denique quibus sorores ferculorum saporibus delectare ; & æqualia vobis cibaria, potionisque communes exhibeant discoferæ vel pincernæ. primatumque tuum, quem prior ad mensam tenes, prima ad virtutem parsimonix vindices : vt abstinentiam quam lingua prædicat, proximæ fauces vel vicinus sentiat stomachus. Ne forsitan subditæ audientes tacitis cogitationibus dicant : o quam pulchre nobis abstinentiam prædicat plenus venter : & contentas nos iubet esse vilissimis cibis ac poculis, accuratis cibis poculisque refertum guttur, & eructans ! Illa enim de abstinentia prædicatio acceptabilis est, quam lurida ieiunij ora decantant. Et in his omnibus hoc noue-

noueris conuenire, vt angusti callis itinera, per quæ socias ammones gradiendum, prior ipsa gradiaris. omnia quæ agenda sunt ante factis impleas, vt postmodum ductilis tuba ex percussione perducta rectius erumpas in vocem: propter illud Dominicum: *Quicumque, inquit, scandalizauerit unum de pusillis istis, qui in me credunt, & reliqua.* Non sis veltibus ornator ceteris, sed moribus. Inter cætera cum magna tibi cautela custodiendum est, vt omnes in monasterio, quarum gubernacula tuis æqualiter imposuisti ceruicibus, æqualiter diligas: ne vnam plus minusue ames: sed cuncta quæ sunt, in quo possibilitas extat, æquo moderamine disponas, parique moderatione dispenses, ac parem eis caritatem impertias: & non quibuslibet per priuatum amorem, sed cunctis secundum merita singularum, quæ sunt necessaria largiaris. Non quæ tibi vultu intuituque placuerit, non quam tibi ad oculum cognoueris, vel cuius blandiori obsequio fueris delinita: sed quam amor Christi, & religiosior demonstrauerit vita, præponas. Oportet enim te propter quasdam cultrum nonnunquam habere in gutture, cauterium in lingua gestare, virgam tibi & baculum in manu ferre: vt per cultrum desces vitia, per cauterium vero ad sanitatem secta reducas: per virgæ disciplinam corrigas; per baculum vero disciplinam sustentas. Si quando vero cum secularibus ad conloquendum fueris euocata, prius arma frontem trophæo Crucis, vexillo Christi pectus ingemina, vt cum sua virguncula Christus comitari dignetur. Cōfabulatio vero tua semper sit mixta grauitate atq; dulcedine: & tantum loquaris, quantum opportunitas flagitauerit rei ac temporis. Si quid vero ab eis petitum fuerit, quod præstare deliberas, cum vultu hilari præsta. si quid vero præstare non conuenit, petitionem illorum saltem honestate sermonis mollifica. Nomen tuum plures nouerint, beneficia tua in quantum præuales plures sentiant: vultum rari cognoscant. Si quando autem tibi pro necessitate monasterij seorsim fuerit conloquendum, cum

## TESTAMENTVM

duabus, vel certe cū tribus electis sororibus facito. quia opinio bonæ famæ, sicut etiam perfectæ vitæ custodia, tibi necessaria est: & tunc primum despicienda humana detractio, cum Christus in caussa est. Omnis quoque actio tua semper sit propter Deum, sermo de Deo, cogitatio in Deum. Et ex ceptis vitij, quibus non compassio, sed rectitudo debetur, omnibus te cupio esse compassibilem, omnibus gratam, omnibus te præfectam piam. Vt videlicet iuxta Paulum sis sancta corpore & spiritu, ipso sponso & Domino tuo mentem tuam regente, & vias tuas sanctas disponente, qui viuit & regnat in secula seculorum. Amen.

---

TESTAMENTVM B. CÆSARII SANCTÆ  
Arelatensis Ecclesiæ Episcopi.

PAX ECCLESIAE ARELATENSI.

CÆSARIUS EPISCOPVS presbyteris & diaconibus, sanctæ ac venerabili Cæsariæ Abbatissæ, quam Dominus per meam paruitatem in monasterio nostro præposuit, ac vniuersæ congregationi, quam ibi Dominus sua gratia collocauerit, in Domino æternam salutem. Cum Ecclesiastica pietas consuetudinis suæ rem faciat ordinabiliter, scilicet quo peregrinis & destitutis opem largitionis impendat: quanto magis cum opportunitas aut necessitas fuerit, vt sanctis quibusque & Deum timentibus aliqua largiatur, amplius debet pia misericordiæ suæ viscera dilatare? Et ideo iuxta hanc epistolam, quam manus nostræ subscriptione roborauimus, cuiusque diem & Consulem subtus adiecimus, Deo dispensante hoc testamentum meum condidi, vel manu propria subscripsi,

psi, atque iure prætorio, vel iure ciuili, & ad vicem illorum codicillo firmaui. Ego Cæsarius peccator cum debitum humanæ carnis reddidero, cunctum monasterium S. Ioannis, quod ego condidi, sub potestate Arelatensis Pontificis canonicè sit, hæredemque meum esse volo ac iubeo. cæteri cæteræue exhæredes sint. Totum quod cuique aut per hoc testamentum meum dederò, legauero, dariue iussero, vt detur fiat. Cæterum autem Arelatensem Episcopum cohæredem meo monasterio relinquo: quosque liberos, quasque liberas esse iussero, liberi liberæue sint omnes. Ego tamen cum nihil de parentum bonis habuerim, hoc testamentum meum præsumere erubui: illa tamen me sententia compulit, vt pleræque Saluatoris formidanda, qua iniqui audituri sunt dicentem, *ite in ignem æternum*, pietatis affectu aliquid Ecclesiæ meæ contulisse. Et ne forte post obitum meum aliqui de parentibus meis, exceptis ijs rebus, quas illis pro elogijs donaro, inquietare præsumant cui præsum Ecclesiā; ideo hanc voluntatem meam tractare amplius desiderauī, ne qui de parentibus meis vel apud ipsum monasterium præfatum, vel Pontificem Arelatensis Ecclesiæ, præter id quod illis dederò ac dederim, præsumant requirere. Sancto & domino meo Archiepiscopo, qui mihi indigno digne successerit, licet omnia in sua potestate sint, tamen si lubet & dignum ducit, indumenta paschalia, quæ mihi data sunt, omnia illi seruiant, simul cum casula villosa, & tunica, vel galnape, quod melius dimiserò. Reliqua vero vestimenta mea, excepto birro amiculari, mei tam clerici quam laici, cum gratia vel ordinatione domini Archiepiscopi, sibi ipso iubente imò donante diuidant. Ea vero quæ monasterio ante per donationem contuli, nunc affirmo: & si cui aliquid per epistolam, aut per pitacium, aut verbo pietatis intuitu contuli, valere volo. Hoc etiam assuete precor, quatenus cellam quam bonæ memoriæ Augustus subdiaconus in atrio S. Stephani euntibus parte dextra habuit, prouisoribus

Mart. 24.

bus monasterij propter custodiam illorum firmam D. Archiepiscopus perpetuo dignetur iure concedere : ita vt eam sibi succedendam monasterij prouisoires habeant. Et hoc specialiter volo , & ita domine Archiepiscope precor , siue prouisoire ad monasterium , siue presbyterum ad basilicam S. Mariæ , nullum alium habeat congregatio sancta , nisi quem ipsa elegerit , vel ordinari petierit . Et licet de tua D. Archiepiscope pietate præsumam , tamen ne forte contra monasterium nostrum aliquorum suggestiones importunas habeatis , adiuro vos per Patrem & Filium & Spiritum sanctum , & per tremendum diem iudicij , ne vnquam præualeat apud vos hostis antiquus , vt ancillas vestras contristari acquiescatis ; aut aliquid illis auferri de ijs quæ possident , eisque contulimus , permittatis : quia Deo propitio non sine discretionem vel iustitia quibuscumque secularibus iure directo res Ecclesiæ vendidimus , nisi hoc tantum , quod Ecclesiæ minus vtile & infructuosum est . & quod animabus sanctis & Deo vacantibus cum sanctorum fratrum consensu vel subscriptione tribuimus , perpetuo illis iure permaneat . Vos vero dominæ filiolæ per sanctam Trinitatem inseparabilem , & per Domini nostri Iesu Christi aduentum adiuro , vt Pontificem qui mihi indigno ordinante Deo successerit digne , omni affectu vt dominum rogetis , ac pura mente diligatis , & ne per vestram contristetis inobedientiam . Confidimus enim de Dei misericordia , quod ita omnibus sacerdotibus , quibus religionis collatio est , castum amorem impendat , vt nihil vobis quod ad sustentandum corpusculum opus est , deesse permittat . Te iterum atque iterum Pontifex optime rogo gratia diuina præfati monasterij vt curam maximam habeas , & familiam illarum cum grandi pietate satagas prouideri . Quod si aliquis persona iniustum tibi dederit consilium , cum auctoritate respondendum deprecor : quia hoc quod Episcopi agitur verbo , non solum auferri non debet , verum nec omnino

nino potest. Tum præcipue quia & hoc ipsa sanctissimi Papæ Urbicani suasit auctoritas, vt hoc de sancto & domino meo Pontifice credam. Nunquam enim apud te præualebit tam iniqua suggestio, vt contra iustam voluntatem qualiscunque Antistitis pro meo studio substantia ad te multum profecerit, & prope duplicata sit. Additur ad hoc quod Deus misericors per paruitatem meam etiam immunitatem tributorum, tam iuxta urbem & infra, quam etiam in suburbanis & villis ex maxima parte concessit. Agellum igitur Aucharianum, vnde paruam particulam monasterio dedimus, multa seruamus. nam plus minus centum aripennes vineæ, & trecentorum modiorum campos reseruauimus: ita quod supradictum monasterium tantum modiatas de terra quam ego plantaui, habeat modiatas quadraginta: & de vetere vinea vix triginta aripennes contulimus. Agellum Gallicumanum, Mercloanum, vel agellum Gemellos cum stagnis & paludibus, cum omni iure & termino suo: & pascua in campo Lapideo: vel si qua alia sunt: vel campum in Trifinitio super viam munitam, vel reliqua quæcunque sunt. Agellum Oruedum, & agellum Martinatis, & agellum Siluanum, in quo est sita Ecclesia S. Mariæ de Ratis: & agellum Missiamanum, cum omnibus sibi pertinentibus pascuis, paludibus, cum omni iure & termino suo sanctæ tuæ Ecclesiæ reseruauimus in stipendijs earum. Vnde te sancte Pontifex adiuro, vt si Deus omnipotens per manus se timentium sanctæ matri, Ecclesiæ, monasterio sanctarum virginum aliquod maius bonum dederit, tua sancta dilectio vnum ab altero non disiungat. Si vero, quod Deus non patiat, congregatio ibi aut congregata non fuerit: aut forte postea, quod absit, cum congregata fuerit, esse defierit, ad matrem Ecclesiam reuertantur. Hæc quidem ego, vt timori meo satisfacerem, scripsi. Nam absit vt de tua, pijssime Pontifex, inscientia inculperis. quia, vt supra iam dixi, pietas diuina concessit, vt per meam humilitatem immunitas

munitas Ecclesiæ in tot capitibus daretur . Quod monasterio cum fratrum consensu dedimus , per hanc voluntatem meam confirmo . Ancillæ nostræ Cæsariæ Abbatissæ mantum maiorem, quem de cannabe fecit, dari volo . Domino meo Cypriano mantum è cunctis meliorem dari volo . Quidquid seruo meo Briciano contuli, nunc per hoc testamentum meum confirmo . Agritia puella mea propria libentissime monasterio & Cæsariæ Abbatissæ seruiat: & vere gariolas quas illis vel parentibus eorum dedi confirmo . omnes cubicularios meos tibi, domine Episcopo, coram Deo & angelis eius commendo .

EXPLICIT TESTAMENTVM S. CAESARII .



S. AV-

**S. AVRELIANI  
ARELATENSIS EPISCOPI**

**Regula**

**AD VIRGINES.**

**H**



# DE S. AVRELIANO EIVSQ. REG. veterum testimonia.

MARTYROLOGIVM Rom. die xvi. Iunij.

Lugduni depositio Beati Aureliani Episcopi Arelatenfis.

VIGILIVS PP. Epistola ad Aurelianum Arelat.

*Administrationem vicum nostrarum fraternitati vestre animo libenti committimus, & credimus caritatis vestre officio actibus Deo placitis diligenter uniuersa compleri: quando & summi sacerdotij consortio vos dignos diuina esse gratia iudicari, & gloriosissimi Childeberti Francorum regis Christiana & Deo placita in perhibendo vobis testimonio voluntas accessit. &c.*

IDEM ad Episcopos Galliae.

*Quia dudum Auxanio quondam Arelatenfis ciuitatis antistiti vicum nostrarum sollicitudinem dederamus: sed cursum vite praesentis implendo de hac luce migravit, in cuius loco Aurelianus frater noster noscitur successisse, necessarium valde credimus, sollicitudinem hanc a nobis antefato debere committi, confidentes illum & pro loci sui qualitate bonis actibus uniuersa, quae Deo placeant, posse complere: & maxime cum gloriosus filius noster Childebertus rex testimonium bona conscientiae pro Christiana sua voluntatis deuotione perhibuit.*

ITEM Epistola ab Italiae clericis Francorum legatis directa.

Tomo I. Concil. Galliae I. Sirmondi.

*Vnde rogamus & contestamur gloriam vestram, ut ad prouincias vestras haec omnia velociter indicetis, ne aut isti subripiant qui missi sunt, aut Anastasius quidam, quem sanctus Episcopus Aurelianus Arelatenfis ciuitatis ad beatissimum Papam ante hoc biennium direxerat, ibidem in Gallijs aliqua mentiatur.*

i.

S. GRE-

**S. GREGORIUS M. Epistola cxviii. l. viii. Ind. ii.**  
ad Virgilium Arelatensem Episcopum.

*Gloriosa memoria Childebertus Francorum rex Catholica religionis amore succensus intra muros Arelatensis civitatis monasterium virorum, ut scripto reperimus, pro sua mercede constituens, quadam ibidem pro habitantium sustentatione concessit. Cuius ne voluntas unquam duceretur in irritum, & ea quæ pro quiete monachorum disposita fuerunt, turbarentur; quæque contulit in iure eiusdem monasterij, epistolis suis Apostolica petijt auctoritate firmari. Vnde quia effectum & regia voluntas & res valde desiderata poscebat, à prædecessore nostro Vigilio Romane Sedis antistite ad prædecessorem vestrum Aurelium (leg. Aurelianum) scripta transmissa sunt.*

**IOANNES TRITHEMIVS lib. de proprietate**  
**Monachorum, cap. v.**

*Aurelianus Episcopus in Regula ad Moniales cap. lxi. sic dicit: Nihil occulte accipias. &c.*

**Ex hac quoque Regula S. Aureliani ad Virgines aliquot capita affert S. Benedictus Anianæ Abbas in Concordia Regularum.**





INCIPIT PROLOGVS  
AVRELIANI EPISCOPI  
AD VIRGINES.

*Sanctis & in Christo venerandis Sororibus in monasterio Beatae Mariae,  
quod Deo iubente intra muros Arelatensis Urbis fecimus, constitutis.*  
AVRELIANVS EPISCOPVS.



*Psal. 118*  
*Gal. 6.*

VIA Deo inspirante, qui nos præuenit inef-  
fabili misericordia sua, visum vobis est, vt  
repudiatis seculi voluptatibus, ac tempora-  
libus gaudijs contemtis siue spretis, eligere-  
tis sanctissimæ vitæ nitorem, & virginitatis  
ac castitatis gratiam complectentes, amore  
Dei tota viscerum & cordis auiditate sectantes, configeretis  
timore diuino carnes vestras, tenentes illud: *Iuravi, & statui*  
*custodire iudicia iustitie tue: Et, mihi mundus crucifixus est, & ego*  
*mundo:* disposuimus iubente Domino, atque operante in-  
nobis velle & perficere, vt monasterium vobis pro profectu  
animarum vestrarum construeremus; sicut & fecimus. Et  
ideo Regulam vobis ad disciplinam instituimus, quæ vos per  
viam mandatorum Dei doceret currere, & ad regna cœlo-  
rum faceret feliciter peruenire.

EXPLICIT PROLOGVS

IN-

## INCIPIVNT CAPITVLA REGVLAE

- I. *Quaecunque ad conuersionem venerit, & recipi se in monasterium rogauerit, Regula ei primum in saluatorio legatur: & cum suscepta fuerit, usque ad mortem suam de monasterio non egrediatur.*
- II. *Vestimenta religiosa non accipiat, nisi chartas de facultate sua cui voluerit faciat.*
- III. *Nihil occulte accipiendum: sed si quid transmissum fuerit, & illi cui transmittitur necesse non fuerit, in commune redactum, cui est necessarium, tribuatur.*
- IIII. *Epistolas nec dandas nec accipiendas sine scientia aut permissu Abbatissae.*
- V. *Nulla circa lectum suum, quod manducari aut bibi possit, reponat.*
- VI. *Nulla cella aut armarium peculiare habeat.*
- VII. *Non iurandum.*
- VIII. *Non maledicendum.*
- IIIIII. *Non mentiendum.*
- X. *Iracundiam penitus non tenendam.*
- XI. *Soror in sororem manum non mittat.*
- XII. *Nulli liceat ad salutandum exire nisi cum Praeposita aut aliqua seniore.*
- XIII. *Ancilla non excipiat: liberta tamen si est, & Abbatissa visum fuerit, excipiat.*
- XIV. *Nec viri nec mulieres seculares in monasterium ingrediantur, praeter in Basilicam Dominae Mariae, & in saluatorium.*
- XV. *Vt nec ipsis Prouisoribus liceat in monasterium introire, nisi pro his utilitatibus, quas in hac Regula statuimus.*
- XVI. *Infantes de Baptismo non excipiendos.*
- XVII. *Quae in actu ponuntur desuper Euangelia clauas accipiant.*
- XVIII. *In ministerium vicibus sibi succedant, absque Abbatissa & paruulis infantibus.*
- XIX. *Nulla opera pro suo libito eligant facienda, sed quod ab Abbatissa vel Praeposita imperatum fuerit.*

Cum

- XX. *Cum operantur manibus meditatio sancta de corde non cesset.*  
 XXI. *Sint vobis omnia communia, & nulla suam proprium dicere aut vendicare presumat.*  
 XXII. *Vestimenta alio colore non induantur, nisi laia & lactina.*  
 XXIII. *In vigilijs studendum est ut nulla dormiat.*  
 XXIV. *Signo tacto nulla tardius veniat.*  
 XXV. *Dum psallitur nulla loquatur, nec operetur manibus.*  
 XXVI. *Literas omnes discant.*  
 XXVII. *Sancta Abbatisa in congregatione maneat.*  
 XXVIII. *Si qua pro quolibet culpa corrigitur aut castigatur, arguenti respondere non presumat.*  
 XXIX. *Lites nullas habeatis.*  
 XXX. *Superbis, inobedientibus, & iracundiam protrahentibus nunquam parcendum.*  
 XXXI. *Sancta Abbatisa non liceat de facultatibus monasterij vendere aut donare; nec aliquid contra Regula instituta agere.*  
 XXXII. *Sedentes ad mensam taceant.*  
 XXXIII. *Sancta Abbatisa extra congregationem non reficiat.*  
 XXXIV. *Carnes in cibis nunquam sumant.*  
 XXXV. *Pulli & reliqua altilia infirmis tantum ministrentur & delicatis: pisces vero certis festiuitatibus.*  
 XXXVI. *Extra mensam communem nihil cibi potusue gustare liceat, nisi infirmis & infantibus.*  
 XXXVII. *Qualiter infirmis obtemperandum est.*  
 XXXVIII. *Vbi cursum diurnum vel nocturnum dicant.*  
 XXXIX. *Vt sancta Abbatisa quicquid necesse fuerit cum sufficientia praebeat.*  
 XL. *Vt sancta congregatio omnia quae statuta habet implere contendat.*

EXPLICIUNT CAPITULA.



IN-

# INCIPIVNT INSTITVTA SANCTÆ REGVLÆ AVRELIANI EPISCOPI

## CAPITVLVM I.



**H**OC iubente Deo imprimis statuimus inuiolabiliter tenendum, vt si qua ad conuersionem venerit, Regula ei in salutatorio legatur. & si professa fuerit se omnia impleturam, tunc excipiat, excepta, vero vsque ad mortem suam nec præsumat, nec permittatur de monasterio egredi: propter illud Propheticum: *Vnam petij a Domino hanc requiram, vt inhabitem ps. 16. in domo Domini omnibus diebus vita mea.*

**II.** Vestimenta vero religiosa non accipiat, nisi de omni facultate sua, siue grandi siue parua, chartas donationis aut venditionis cui voluerit faciat: propter Domini mandata, vbi dicit: *Si vis perfectus esse, vende omnia qua habes. Et, si quis Marc. 19 non reliquerit omnia qua possidet, non potest meus esse discipulus. Luc. 14.*

**III.** Nihil occulte accipiat: sed si quis propinquus aut amicus aliquid in vestimento aut in auro, vel aliud quodcunque dederit, aut transmiserit, in potestate sit Abbatis. & si illi cui transmittitur necesse fuerit, tribuatur: sin vero illa nihil indiget, in commune redactum cui est necessarium tribuatur.

**IV.** Epistolas præcipimus nec dandas nec accipiendas sine scientia aut permissio Abbatis.

**V.** Nulla circa lectum suum quod manducare aut bibere possit, reponere præsumat: sed omnes in communi cellario recondant. & si inæqualitas exegerit, iubente seniore quod necesse fuerit non ei negetur.

Nulli

VI. Nulli liceat cellam aut armariolum, aut aliquid huiusmodi quod peculiarius claudi possit, habere.

*Matt. 5.* VII. Non iuretis, quia Dominus dixit: *Nolite iurare.* Et alia  
*Ecc. 23.* scriptura: *Vir multum iurans implebitur iniquitate. Et non discedet de domo illius plaga.*

*1. Cor. 6.* VIII. Non maledicatis; quia scriptum est: *neque maledici regnum Dei possidebunt.*

*Sap. 1.* IX. Mentiri omnino non liceat: quia *os quod mentitur occidit animam.* & illud: *Perdes eos qui loquuntur mendacium.*  
*Psal. 5.*

X. Iracundiam nulla usque in aliam diem protrahere presumat. Et sicut habet humana fragilitas, si sermo durior inter sorores ortus fuerit, inuicem sibi veniam petere, & debita relaxare festinent: propter Domini mandatum, ubi  
*Matt. 5.* dicit: *Si recordatus fueris, quia frater tuus habet aliquid aduersum te, relinque munus tuum ante altare, & vade prius reconciliatum fratri tuo: Et tunc veniens offeres munus tuum.* Et, si non dimiseritis hominibus peccata eorum, nec Pater vester celestis dimittet  
*Matt. 6.* vobis peccata vestra. Item, si septies peccauerit in die in te, &  
*Luc. 17.* conuersus dixerit, poenitet me; dimitte illi. Et, Non dico tibi usque septuagies septies. Et alia scriptura: *Ira viri iustitiam Dei non operatur.* Et Apostolus: *Sol non occidat super iracundiam vestram.* Quod Deus auertat, si diabolo instigante fuerit aliqua furore repleta, ut ista mandata pertinaci corde contemnat; & vna de illis quæ discordantes sunt præuenerit aliam, veniam ei petens; si illa cui petet non dimiserit, disciplinam accipiat, ut ad caritatem se corrigat. Et si ambo despexerint, ambæ pariter a comunione, vel a cibo suspendantur; donec inuicem sibi reconcilientur.

XI. Soror in sororem si ausa fuerit manum mittere, disciplinam accipiat.

Nulli

XII. Nulli liceat ad salutandum exire, nisi cum Abbatiſſa, aut Præpoſita, vel certe alia quacunque ſeniore, cui Abbatiſſa præceperit. Et ſic propinquos ſuos videant, aut loquantur, vt ne altiori voce loquantur.

XIII. Ancilla non excipiat: liberta tamen ſi fuerit, adhuc adoleſcens ætate, & cum epistoſis patroni ſui venerit, in Abbatiſſæ ſit arbitrio ſi excipi debeat.

XIIII. Nec viri nec mulieres ſeculares in monaſterium ingrediantur, præter in baſilicam B. Mariæ, & in ſalutatorium.

XV. Prouiſores vero monaſterij, ſi in habitu laico fuerint, nec ipſi permittantur intrare: niſi pro his vtilitatibus quas in hac Regula ſtatuimus. cum marcionibus aut carpentarijs, ſi aliquid neceſſe eſt fieri aut reparari, aut certe pro aliqua ratione Abbatiſſæ introeant: de cætero nullam licentiam aut libertatem habeant introeundi.

XVI. Nulla infantem de Baptiſmo excipiat.

XVII. Quibus claues de cellario, canaua, horreo, poſſicio, & oratorio credendæ ſunt, probatæ ſint perſonæ: & deſuper altario vel Euangelio eas accipiant: ſcientes ſe Deo reddituras rationem de miniſterio ſibi credito.

XVIII. In omni miniſterio ſiue ordine pſallendi, aut legendi, vel operandi, vicibus ſibi ſuccedant: abſque Abbatiſſa, vel præter ſatis ſenes & paruulas infantes, aut certe ita infirmas, vt ſurgere omanino non poſſint. non compellantur facere quod non præualent.

XIX. Nulla opera pro ſuo libito eligant facienda: ſed quod Abbatiſſa imperauerit, hoc faciant.

I

Per



Col. 3.

XX. Per totum diem cum operamini manibus, meditatio sancta de corde non cesset: propter illud Apostoli: *Psal-  
mis, hymnis, canticis spiritalibus cantantes & psallentes in cor-  
dibus vestris Domino.*

Ab. 4.

XXI. Nulla præsumat quidquam suum dicere, aut suum proprium vindicare: sed secundum actus Apostolorum, sint vobis *omnia communia: sit vobis anima una & cor unum in Domino.*

XXII. Vestimenta alio colore non induatis nisi laia & lactina.

XXIII. Ad vigilias nulla dormiat. si vero Dominici aut festi dies sunt, cui somnus venerit, alijs sedentibus illa stet: ut possit a se somni marcorem repellere; ne in opere Dei aut tepida inueniatur, aut negligens.

XXIII. Signo tacto omne opus prætermittatur, & sicut apes prudentissimæ ad alvearium, ita veloci festinatione properare contendite. si qua tardius venerit distractioni subiaceat.

Psal. 46.

Psal. 100.

1. Cor. 14

1er. 48.

XXV. Dum psallitur studeant sanctæ animæ vestræ non vagari animo, verum etiam nec operari aut loqui præsumant: sed *psallite sapienter*, sicut dixit Propheta: *Psal-  
& intelligam.* & illud: *Psal-  
& mentis.* me-  
tuentes illud: *Maledictus homo qui facit opus Dei negligenter.*

XXVI. Literas omnes discant.

XXVII. Sancta Abbatisa extra congregationem non maneat.

Si

XXVIII. Si qua pro qualibet culpa aut transgressione Regulæ increpatur, aut disciplinam accipiat, arguenti respondere non præsumat: quia peccatum quod hic distringitur, in æterna examinatione non punitur. Et sic debetis animæ curam excipere, quomodo æger curam medici: tenentes illud sanctæ scripturæ: *Qui abiicit disciplinam* Prom. 15. Psal. 37. *infelix est. Et illud: Ego in flagella paratus sum.*

XXIX. Lites nullas habeatis, tenentes præceptum Apostoli, qui dicit: *Servum Domini non oportet litigare, sed mansuetum esse.* 1. Tim. 2.

XXX. Superbis, inobedientibusque, & iracundiam protrahentibus nunquam parcendum, donec corrigantur.

XXXI. Sanctæ Abbatisse non liceat aliquid de facultatibus monasterij donare ac vendere; nec aliquid contra Regulæ instituta agere. Quod si facere tentauerit, sancto consilio & vno consensu sororum ex nostro permissio non ei acquiescat; & hoc fieri nulla ratione permittite: quia causam se ante Deum nouerit esse dicturam.

XXXII. Sedentes ad mensam taceant. & lectio quotidie omni tempore cum cibo sumitur legatur. Vterque homo, & exterior cibo, & interior verbo Dei reficiatur. quia scriptum est: *Non in pane solo vivit homo, sed in omni verbo Dei.* Matt. 4.

XXXIII. Sancta Abbatisa, nisi inæqualitate faciente, extra congregationem non reficiat.

XXXIII. Carnes in cibo nunquam sumantur.

XXXV. Pulli vel cuncta altilia in congregatione non ministren-

nistrentur; nisi infirmis tantum prouideantur & delicatis. Pisces vero certis festiuitatibus, aut quando Abbatisa indulgentiam facere voluerit, tunc procurentur.

XXXVI. Extra mensam communem nihil cibi potusue gustare liceat; absque infirmis, & illis quæ minoris ætatis sunt.

XXXVII. Infirmis vero ita obtemperandum est, vt si sanctæ Abbatisæ iustum visum fuerit, etiam cellarium suum in commune, & coquinam sequestratam habeant: & cura illis seu studium impendatur, donec conualescant.

XXXVIII. Cursum diurnum vel nocturnum, id est, matutinos, vigiliis, nocturnos, vesperam & duodecimam in basilica Dominæ Mariæ congregatio dicat. Quod si hyems aspera fuerit, matutinos tantum, vesperam & duodecimam in prædicta basilica dicite: secundam vero, tertiam, sextam & nonam in interiori oratorio: propter illos qui aut orare cupiunt, aut Abbatisæ occurrunt, aut parentes suas requirunt. Quando aliqua defuncta fuerit, vsque mediam noctem eam paucae sorores in oratorio peruigilent, & Missæ de Apostolo fiant. post mediam noctem quæ vigilauerunt quiescant; & iterum aliæ vigilent. & ponite hoc in notitiam sancto Episcopo, vt eam iubeat ad locum vbi ponenda est deportari.

XXXIX. Et quia Deo propitio digna & sufficiens vobis facultas collata est, quæ sufficere monasterio vestro possit, coram Deo & angelis eius te sanctam Abbatisam, & te venerabilem, quæcunque fueris, Præpositam admoneo & confessor; vt sanctæ congregationi, quæ Deo inspirante & iubente secundum instituta quæ fecimus regulariter viuit, omnia quæ eis sunt necessaria in vesti-

vestitu & in victu cum sufficientia tribuatis. Quam rem si neglexeritis, & illæ coeperint aliquid necessitate compellente murmurare, aut indigere, causam vos ante tribunal Christi noueritis mecum esse dicturas.

**XL.** Et vos, sancta congregatio, per profectum vestrum, & per Deum omnipotentem coniuro, vt omnia quæ in hac Regula pro remedio animæ nostræ, & pro animarum vestrarum salute statuimus, integra & illibata custodiatis. Et ne per obliuionem aliquid negligatis, semel ea in mense relegite: idest in Kalendis, ac sic duodecim vicibus in anno.

Ordinem etiam quomodo psallere debeat in hoc libello iudicauimus inferendum.

Primo die Paschæ ad Tertiam, Kyrie eleison, psalmi duodecim: idest quatuor sorores binos psalmos, & alleluaticum tertium dicant. perdictis psalmis Kyrie eleison, antiphonas sex, lectiones tres: vnam de actibus Apostolorum, aliam de Apocalypsi, tertiam de Euangelio. hymnum, *Iam surgit hora tertia.* & capitellum. deinde Kyrie eleison. Sic in omni opere Dei tertia vice Kyrie eleison dicite, antequam incipiat, & psalmis dictis & capitello perdicto. Ad Sextam idem numerus psalmorum, & antiphona vna. hymnus, *Iam sexta sensum voluitur.* Lectio Euangelij, & capitellum. Ad Nonam ipse ordo teneatur. hymnus: *Ter hora trina voluitur.* Ad lucernarium directaneus paruulus, idest, *Regna terra cantate Deo, psallite Domino.* Alia die: *Psal. 67. Laudate pueri Dominum.* antiphonæ tres. hymnus, *Hic est dies verus Dei.* & capitellum. quem hymnum toto Pascha ad matutinos & ad lucernarium dicite. Ad Duodecimam inprimis directaneus paruulus: *Sol cognouit occasum suum.* *Psal. 103.* Sex sorores binos psalmos cum suis alleluaticis dicant; antiphonas tres; lectiones duas, vnam de Apostolo, aliam de

## R E G V L A

de Euangelio. Ad nocturnos paschales ipso numero omnia dicite, sicut in Duodecima designauimus. Ad matutinos imprimis directaneum: *Exaltabo te Deus meus & rex meus.* Inde, *Iudica me Deus.* *Deus Deus meus, ad te de luce vigilo.* cum alleluia. deinde, *Lauda anima mea Dominum.* *Laudate Dominum quia bonus est psalmus.* *Lauda Hierusalem Dominum.* totos tres cum alleluia. deinde benedictionem, *Laudate Dominum in sanctis eius: Cantate Domino canticum nouum.* *Laudate Dominum de caelis.* cum alleluia. *Magnificat anima mea Dominum:* aut cum antiphona, aut cum alleluia. hymnum, *Gloria in excelsis Deo:* & capitellum. Et complebitis matutinos ipso ordine toto Pascha. Sic omni die Dominico, & omnibus maioribus festiuitatibus, in quibus ab opere vacabitis. Quotidianis vero diebus ad nocturnos imprimis directaneus dicatur: *Miserere mei Deus secundum magnam misericordiam tuam.* deinde psalmi decem & octo: antiphonæ tres paruulæ. Lectio-nes Apostoli aut Prophetarum duæ, & capitellum. Completis nocturnis dicetis matutinos. In æstate, id est post Pascha vsque Kalendas Octobris ipse ordo erit. Sexta hyeme tres. Nam Dominica omni tempore in æstate & in hyeme post nocturnos sex Missæ fiant. Si vero euenerit vt tardius ad vigilias surgatur, quantum Abbatisse visum fuerit, tantum legatur. Quando signum fecerit Abbas, quæ legit sine mora consurgat, vt canonicus Missarum numerus possit impleri. A Kalendis vero Octobris alij nocturni addendi sunt. ad primos dicendum est: *Miserere mei Deus secundum magnam misericordiam tuam.* ad secundos: *Miserere mei Deus, miserere mei.* psalmi decem & octo. lectiones duæ de Prophetis, aut de Salomone. Hymnus ad primos nocturnos: *Rex æterne Domine.* ad secundos: *Magnus & mirabilis.* Vbi post celebratos secundos nocturnos, qui

noctes crescunt, quotidie ad librum facite Missas tres. Vna soror legat paginas aut tres aut quatuor, quomodo mensura fuerit libri. si minute fuerit scriptus, aut maiori forma, tres paginas; si minor, quatuor. & fiat oratio. Iterum legat tantum, fiat alia oratio. tertio legat idem tantum; & surgite. dicite antiphonam de psalmis in ordine, postea responsum, deinde antiphonam. Iterum legat alia soror: & sic impletis tribus Missis dicite matutinos canonicos: id est primo canticum in antiphona. deinde directaneum: *Iudica me Deus. Deus, Deus meus, ad te de luce vigilo. Lauda anima mea Dominum: Laudate Dominum quoniam bonus est psalmus. Lauda Hierusalem Dominum.* deinde, *Laudate Dominum de celis. Cantate Domino canticum novum. Laudate Dominum in sanctis eius.* cum antiphona. Dicite hymnum: *Splendor paternae gloria.* alia die: *Aeternae lucis conditor.* & capitellum, & Kyrie eleison duodecim vicibus. Omnibus diebus quotidianis sic impleatur. Post matutinos ad Primam sex psalmi dicantur, & hymnus: *Fulgentis auctor aetheris.* lectiones duae: id est vna de veteri, alia de nouo testamento, & capitellum. Post hoc omnes lectioni vacent vsque ad horam tertiam. reliquo vero diei spatio faciant opera sua: secundum illud quod Dominus dixit: *Pater meus usque nunc operatur, & ego operor.* Et illud Apostoli: *operantes manibus nostris.* Et, *qui non operatur, non manducet.* Quia scriptum est: *Via otiosorum strata sunt spinis.* Et, *seruum inutilem projicite in tenebras exteriores.*

Ioan. 5.  
1. Thes 4.  
2. Thes 3.  
Prou. 15.  
Matt. 25.

Quotidianis iterum diebus ad Tertiam sex psalmos dicite, antiphonam, hymnum, *Iam surgit hora tertia.* lectionem & capitellum: *Fiat Domine.* Ad Sextam ipse numerus psalmorum tenendus: antiphona dicenda, hymnus, *Iam sexta sensim voluitur.* lectio, & capitellum. Ad Nonam iste ordo seruandus: hymnus vero, *Ter hora trina voluitur.* Ad lucernarium omni tempore, & festis & quotidianis diebus, imprimis directaneus; postea antiphonae duae. Tertia semper cum alleluia dicatur. hymnus vna die: *Deus qui certis legibus.*  
alia

alia die: *Deus creator omnium*. & capitellum. Ad Duodecimam psalmos decem & octo dicite: antiphonam, hymnum, lectionem, & capitellum. Quando repausaturæ estis, in schola, in qua manetis, Completa dicatur. inprimis directaneus, & psalmus nonagesimus dicatur. deinde capitella consuetudinaria. In natali Domini & in Epiphania, tertia hora noctis surgite: dicite vnum nocturnum, & facite sex Missas de Isaia propheta. iterum dicite secundum nocturnum, & legantur aliæ sex de Euangelio. In Epiphania ita. inprimis vnum nocturnum: deinde de Daniele propheta facite illas sex Missas, & nocturnos, & iterum de Euangelio sex. Matutinos eo ordine, sicut in Pascha scriptimus, aut Dominicis diebus. In Martyrum festiuitatibus tres aut quatuor Missæ fiant. primā Missam de Euangelio legite; reliquas de passionibus Martyrum. Omni sexta feria post Duodecimam sex Missæ ad librum legantur: & post nocturnos tres. Omni Sabbato ad matutinos, *Cātemus Domino*. & *Te Deum laudamus*. Ad Tertiam tres lectiones; vna de Prophetis, alia de Apostolo, tertia de Euangelio dicantur. Omni Dominica post nocturnos cum prima Missa legitur, id est resurrectio, nulla sedere præsumat, sed omnes stent. alia Dominica alia resurrectio: & sic in ordine totæ quatuor resurrectiones per singulas Dominicas legantur. Post Tertiam vero, *Pater noster*, dicite: & psallendo omnes communicent. Sic & in festiuitatibus facite. Missæ vero quando sanctæ Abbatissæ visum fuerit tunc fient.

Ordinem etiam conuiuij huic Regulæ inseruimus. Fercula quotidie ad refectionem tria, ad prandium duo, ad cœnam duæ bibituræ. Ad refectionem in æstate mense Iunio, Iulio, & Augusto caldellos tres, ad prandium tres, ad cœnam omni tempore binos. Per festiuitates vero, & quando Abbatissa indulgentias voluerit facere, & cibaria quanta ipsa voluerit ordinet, & recentes addat. Quotidianis

dianis vero diebus olera formatico & oleo semper fercula condiantur. Ieiunium vero a Kalendis Septembris vsque ad Kalendas Nouembris secunda, & quarta, & sexta feria. A Kalendis Nouembris vsque ad Domini natale quotidie ieiunandum est, absque Sabbato & Dominica. Ab Epiphania vero vsque ad Pascha quotidie ieiunandum est, absque maiori festiuitate, Sabbato, & Dominica. Post Pascha vero vsque ad Pentecosten sexta feria tantum ieiunandum est. Post Pentecosten mense Iunio, Iulio, & Augusto in potestate Abbatissæ sit de ieiunio aut prandio: sicut viderit possibilitatem sororum, ita studeat obtemperare.

EXPLICIT REGULA S. AURELIANI AD VIRGINES.

---

IOANNIS EPISCOPI ARELATENSIS  
Epistola ad easdem.

*Sanctis ac venerandis in Christo sororibus, ipsis quibus sanctæ memoria præcessor noster Aurelianus Episcopus monasterium S. Mariæ intra muros Arelatensis Urbis constituit, & præcepta viuendi sanciuuit, IOANNES gratia Domini ac Dei nostri Iesu Christi Episcopus.*



VM plenissime series Regulæ vobis constitutæ victus & vestitus qualitatem & quantitatem vestræ sanctitatis contineat, nihilque indignum in ea, quod ad emendationem formulæ eius pertineat, inueniatur: tamen pro caritate & curae eiusdem, quam Dominus Ecclesiæ suæ commendauit, admonemus, vt cum quanta possumus industria vigilemus, ne aliquam occasionem antiquo hosti subripiendi sanctum gregem relinquamus: nobisque futuro iudicio censura pro tor-

K

poris



poris negligentia iustissime inferatur; aliqua vestre sanctitati addicimus, per que, vt nobis videtur, liberis gressibus, nullisque præpedientibus occasionibus, iter cælestis Hierusalem, Christo Domino præuiante, incedere valeatis. Præcipimus itaque, postulantes sanctam caritatem vestram, vt in ipsis temporibus, quibus ieiunandi & reficiendi vobis statuta præcepta sunt, nulla sit vobis cum viris aut mulieribus religiosi aut laici, quamuis quibuslibet propinquis aut extraneis, potandi licentia. Sed & tantum ipsis, quibus præfati sumus, pro caritatis officio, sicut condecet vestram sanctitatem, poculos offerre præcipimus. Vos tamen in eorum præsentia in omnibus abstinete: ne si licentius cum eis indulta occasione potatæ fueritis, in resolutione potandi aut cor vestrum contraria cogitatio subripiat, aut iocus indecens per oculos & aures, & verba aut cachinnos prorumpat. Sed sicut diximus ab huiusmodi licentia in omnibus abstinete, & per gradus singulos Regulæ constitutæ ambulantes, vitæ præsentis cursum feliciter gradiamini; & vitæ æternæ mansiones permissione Domini nostri Iesu Christi ingredi festinetis. Quod ipse præstare dignetur, qui cum Patre & Spiritu sancto vnus Deus permanet a seculis, per secula, in secula seculorum.

E X P L I C I T.



S.DO-

**S. DONATI**  
**VESONTIENSIS EPISCOPI**  
**Regula**  
**AD VIRGINES.**

DE S.DONATO VESONT. EIVSQ. REGVLA  
veterum testimonia.

TABVLAE & Martyrologia Ecclesiæ Vesont.  
apud Chiffletium, Ferrarium & Sauffeium  
die vii. Idus Augusti.

*Vesontione depositio S. DONATI Episcopi.*

IONAS Monachus in vita S. Columbani, Cap. xiii.  
Tomo i. i. i. oper. Venerab. B E DAE.

Erat tunc temporis Dux quidam, nomine VValdelenus, qui gentes quæ inter Alpium septa & Iurani saltus arua incolunt, regebat: huic soboles nulla erat. Hic cum coniuge sua Flavia nomine, & genere & prudentia nobili, ad B. Columbanum ex Vesontionensi oppido pergit: precentes simul ut pro eis Dominum deprecaretur. Quibus vir sanctus, Si, inquit, voti vestri est, ut largitoris donum eius nomini consecratis, mihiq; ex lauacro suscipiendum tradatis, pro vobis Domini clementiam implorabo, ut non solum eum quem Domino voueatis, habeatis: verum quanta volueritis post pignora suscipiatis. Mox: Flavia editum puerum ad virum Dei desert. quem vir Sanctus suis manibus receptum sacrauit, sacroque lauacro ablutum ipse suscepit, DONATVM que nomen imponit, matriq; ad nutriendum reddit: qui post alitus in eodem monasterio sapientia imbutus, Vesontionensis Pontifex est præfectus, nunc usque superest eandem cathedram regens. Qui post in amore B. Columbani, ex ipsius Regula monasterium construxit, quod Palatium nuncupant. Et paulo post. Post ista munera mater ipsorum Flavia, post mariti obitum monasterium puellarum construxit in supradicta vrbe Vesontionis, & omni munimine roborans, multarum puellarum concionem adunauit. Tanta autem in eis veri Dei gratia flagrauit, ut omnia phaleramenta presentis vitæ contemnentes, ad omnipotentis Dei cultum anhelarent.

MEM-


MEMBRANÆ antiquæ Vefontinæ apud Ioan. Iac.  
Chiffletium lib. I I. Antiq. Vefont. cap. xxv.

*Apicem tanta dignitatis (Episcopalis) adeptus nullo modo est à suo proposito alteratus; sed idem permanens ipse omnibus proficere cupiens in Christo, non desistebat a capto officio. Inter Canonicos denique commorans monachali schema indutus, sic erat inter illos, quasi monachus unus, Canonici implens officium, monachi non amittens propositum. Et mox: Præterea monasterium infra urbis moenia condidit, & in honore B. Pauli Apostoli sacrauit, possessionibus ditavit, privilegio munivit: atque inibi fideles viros sub B. Benedicti, & B. Columbanæ Luxovienfi Regula victuros instituit. Suo denique tempore, matre eius Flavia cooperante, ex propria hereditate aliud in eadem Vrbe nobile sanctarum moniakum in honore Beate Mariæ est edificatum, coenobium: in quo requiescit eadem Flavia in pace, & Sirudis eius filia, virgo sacratissima, eiusque loci Abbatissa.*

S. BENEDICTVS Anianæ Abbas in concordia Regularum  
passim citat hanc Regulam a Donato  
collectam.



IN-



INCIPIT PROLOGVS  
REGVLAE A DONATO  
COLLECTAE



*Sanctis, & a me plurimum venerandis Christi virginibus Gauthstru-  
da, omnique suae congregationi in coenobio a famula Dei  
Flauia constituto DONATVS omnium extre-  
mus famulorum famularumque Dei  
seruulus Salutem.*



Vamquam vos iuxta normam Regulæ, vas-  
Christi preciosissima, egregie nouerim coti-  
diè vitam ducere; attamen qualiter magis  
excellere debeatis sagaci vultis semper in-  
tentione perquirere. Quam ob causam sæ-  
pius mihi iniungitis, vt explorata S. Cæsarij  
Arelatensis Episcopi Regula, quæ specialius Christi virgi-  
nibus dedicata est, vna cum beatissimorum Benedicti quo-  
que & Columbani Abbatum vt puta quibusdam, vt ita di-  
xerim, collectis in vnum flosculis ad instar Encheridion ex-  
cerptare vobis, vel coaceruare deberem; & quæ specialius  
femineo sexui custodienda competerent, promulgarem:  
dicentes, quod Regulæ prædictorum Patrum vobis mini-  
me conuenirent, cum easdem viris potius, & nequaquam  
femi-

feminis edidissent. Et licet sanctus Cæsarius propriè Christi, vt estis, virginibus Regulam dedicasset, vobis tamen ob immutationem loci in nonnullis conditionibus minimè conueniret. Ad hæc ego implenda diu multumque renisus sum voluntati vestræ, non vt peruiacaciter durus, sed mea conscius impossibilitate retentus, dum multorum in hac re minus necessitatem rei, atque opportunitatem loci intelligentium iudiciũ pertimesco: ne me temere reprehendant, cur de tantorum Patrum institutis audeam quidpiam excerpere, vel mutare. At contra deuotionem compellor, dum inhiante salutem vestrarum cupio animarum. Sed taciturnitatem meam, immo tacendi perseverantiam, sedulæ tandem vestræ rupere preces: quibus quantum paruitatis meæ ignauia valet, parere omni ambitione festino: sed timeo ne non tam efficaciter, quam libenter. Et rursus in ancipiti ambiguitate constringor, dum me imparem ad indaganda præfatorum Patrum monita fore censeo, & cotidiano strepitu secularium inquietor. Germano tamen affectu, quia caritas omnia superat, in quantum pro assidua corporali infirmitate diuina pietas possibilitatem dedit, & sensus obtusi caligo permisit, quod bonis vestris desiderijs placuit, cunctoque sancto vel vestro collegio intra septa istius monasterij adunata suggestio flagitauit, ea quæ vobis expediunt, & loci opportunitas, vel corporis possibilitas præstat, & a norma recti dogmatis non discordant, elegi pauca è plurimis: quemadmodum regulariter rectum Christi tramitem tam vos, quàm cæteræ vobis succedentes, Christo opitulante, tenere valeatis. Hæc vero schedula, quæ vobis flagitantibus breuiter succinctèque collecta est, omnes conditiones monasterij, causasque Regulæ singillatim determinat, & dispensat: & ita per titulos luculentius defflorata est, vt quælibet sit necessitas requirendi prius in capitulis cernatur, & facile iuxta ea designata in capitulo suo reperiatur. Quæ capitula vilitatis meæ apologeticam  
subse-

subsequuntur. Qua de re vos sanctas animas, mentesque Deo deditas coram omnipotenti Deo spiritali affectu obsecrare compellor, vt hæc eadem vestræ petitioni statuta, absque vlla dumtaxat refragatione, & indefinenti studio, menteque sagaci, tempore perpetuo conseruare studeatis: & iuniores, vel etiam negligentes, iuxta tenorem ipsius Regulæ coërceatis, & eam læpius coram omni congregatione legatis: vt nulla se de ignorantia excusare possit. Iuniores corrigite: anus obsecrate: Præpositæ vestræ in omnibus obedite: negligentias vestras indefinenter eis aperite: altera alterius onera portate: inuicem vos omnes puro & casto amore diligite: vt veniente sponso vestro, Domino Iesu Christo, plenis oleo ac relucetibus lampadibus occurratis: tripudiantesque dicatis singulæ: *Inueni quem quaesivit anima mea*. Hoc ergo ego omnium vltimus specialius almitati vestræ humili & subnixa prece deponco: vt pro me, qui petitioni vestræ obtemperans hæc per cola vel commata temperaui, tam in diurnis, quam in nocturnis officijs, dum in hoc luteo corpusculo dego, creberrimas fundatis preces, & postquam Domino iubente migrauerō, sacras pro me hostias offerri Domino faciatis: quatenus cum vobis in choro sacrarum ac sapientium Virginum, virginitatis palma, beatitudoque tribuetur: saltem mihi cunctis onerato peccatis delictorum venia tribuatur.

EXPLICIT PROLOGVS.



IN-

## I N C I P I T R E G V L A .

CAP. I. *Qualis debeat esse Abbatissa.*

**M**ATER monasterij, quæ præesse digna fuerit congregationi, cogitet semper quale onus suscepit, & cui est redditura rationem villicationis suæ: sciaturque sibi oportere prodesse magis, quàm præesse. Oportet ergo eam esse instructam lege diuina; vt sciatur vnde proferat noua & vetera: castam, sobriam, misericordem; & sæpius superexaltet misericordiam iudicio, vt idem ipsa consequatur. Odio habeat vitia, diligat sorores. In ipsa autem correctione prudenter agat, & ne quid nimis: ne dum cupit eradere æruginem, frangat vas: suamque fragilitatem semper suspecta sit: memineritque calamus quassatus non conterendum. In quibus, non dicimus vt permittat nutrir vitia, sed prudenter, & cum caritate ea amputet, vt viderit cuique expedire, sicut iam diximus: & studeat plus amari, quam timeri. Non sit turbulenta & anxiosa, non sit nimia & obstinata: non sit zelotypa, & nimis suspiciosa; quia nunquam requiescet. In ipsis imperijs suis sit prouida & considerata: & siue secundum Deum, siue secundum seculum sit, opera quæ iniungit, discernat & temperet. Omnia verò quæ docuerit esse contraria, in suis factis indicet non agenda: ne alijs prædicans ipsa reproba inueniatur: ne quando illi dicat Deus peccanti: *Quare tu enarras iustitias meas, & assumis testamentum meum per os tuum? Tu vero odisti disciplinam, & proiecisti sermones meos post te.* Non ab ea persona discernatur in monasterio: non vna plus ametur, quam

Psal. 49.

L

altera:



- altera : nisi quam in bonis actibus , aut obedientia inuenerit meliorem . Non præponatur ingenua ex seruitio conuertenti ; nisi alia rationabilis causa existat . Quia iuxta
- 1 Cor. 12. Apostoli dictum ; *sue seruus, sue liber, omnes in Christo unum sumus* : & sub vno Domino æqualem seruitutis militiam
- Rom. 11. baiulamus : & non est apud Deum personarum acceptio . Sic autem omnia secundum Deum temperet ac discernat , qualiter in die iudicij de credito talento mercedem accipiat ; & vt præsentem Regulam in omnibus conseruet : vt dum bene ministrauerit , audiat a Domino quod seruus bonus audire meruit : *Euge serue bone & fidelis, intra in gaudium Domini tui.*
- Matt. 25.

## CAP. II. De adhibendis ad consilium sororibus .

Quoties aliqua præcipua agenda sunt in monasterio, conuocet Abbatisa omnem congregationem : & dicat ipsa vnde agitur : & audiens consilium sororum tractet apud se, & quod vtilius iudicauerit faciat . Ideo autem omnes ad consilium vocari diximus, quia sepe iuniori Dominus reuelat quod melius est . Sic autem dent sorores consilium cum omni humilitatis subiectione , & non præsumant procaciter defendere quod eis visum fuerit ; sed magis in Abbatisæ pendeat arbitrio : vt quod salubrius esse iudicauerit, ei cunctæ obediant . In omnibus igitur omnes magistram sequantur Regulam , neque ab ea temere declinetur a quaquam . Nulla in monasterio proprii sequatur cordis voluntatem . Non præsumat quæquam cum Abbatisa sua proterue contendere . Quod si præsumpserit, regulari disciplinæ subiaceat : idest, in cella retrudatur, donec poenitendo humilietur . Ipsa tamen Abbatisa cum timore Dei & obseruatione Regulæ omnia faciat : sciens se procul dubio de omnibus iudicijs suis æquissimo iudici Deo rationem reddituram . Si qua vero minora sunt agenda in monaste-

nafterio vtilitatibus, seniorum tantum vtatur confilio: ficut scriptum est: *Omnia fac cum confilio, & post factum non poeniteberis.* Eccl. 32

### CAP. III. *Que sunt instrumenta bonorum operum.*

**I**mprimis Dominum Deum tuum dilige ex toto corde, tota anima, tota virtute: deinde proximum tanquam teipsum. Deinde non occidere, non adulterare, non facere furtum, non concupiscere: non falsum testimonium dicere, honorare omnes homines: & quod sibi quisque facere non vult, alij non faciat. abnegare semetipsum sibi, vt sequatur Christum. corpus castigare: delicias non amplecti: ieiunium amare: pauperes recreare, nudos vestire, infirmos visitare, mortuum sepelire. In tribulatione subuenire, dolentem consolari: a seculi actibus se facere alienum, nihil amoris Christi præponere. Iram non perficere, iracundiæ tempus non referuare: dolum in corde non tenere, pacem falsam non dare, caritatem non derelinquere: non iurare, ne forte periuret: veritatem ex corde, & ore proferre, malum pro malo non reddere: iniuriam non facere, sed & factas patienter sufferre. Inimicos diligere: maledicentes sibi non remaledicere, sed magis benedicere: persecutionem pro iustitia sustinere. Non esse superbum, non vinolentum, non multum edacem, non somnolentum, non pigrum, non murmurosum, non detractorem. Spem suam Deo committat. bonum aliquid in se cum viderit, Deo applicet, non sibi: malum vero semper a se factum sciat, & sibi deputet. diem iudicij timere, gehennam expauescere, vitam æternam omni concupiscentia spiritali desiderare: mortem cotidie ante oculos suspectam habere: actus vitæ suæ omni hora custodire: in omni loco Deum se respicere pro certo scire. cogitationes malas cordi suo aduenientes mœx ad Christum allidere, & seniori spiritali pateface-

re. Os suum a malo, vel prauo eloquio custodire: multum loqui non amare: verba vana, aut risui apta non loqui: risum multum, aut excussum non amare. Lectiones sanctas libenter audire: orationi frequenter incumbere: mala sua præterita cum lacrimis, vel gemitu cotidie in oratione Deo confiteri: de ipsis malis de cætero emendare. Desideria carnis non perficere: voluntatem propriam odisse, præceptis Abbatissæ in omnibus obedire, etiamsi ipsa aliter, quod absit, agat: memor illud Dominicum præceptum: *Mat. 23. Quæ dicunt, facite: quæ autem faciunt, facere nolite.* Non velle dici sanctum, antequam sit: sed prius esse quod verius dicatur: præcepta Dei factis quotidie adimplere: castitatem amare: nullum odire: zelum & inuidiam non habere: contentionem non amare: elationem fugere: & seniores venerari: iuniores diligere in Christi amore; pro inimicis orare: cum discordante ante solis occasum in pacem redire: & de Dei misericordia nunquam desperare. Ecce hæc sunt instrumenta artis spiritualis, quæ cum fuerint a nobis die noctuque incessabiliter adimpleta, & in die iudicii reassignata, illa merces nobis a Domino recompensabitur, quam ipse *1. Cor. 2.* promisit, quod *oculus non vidit, nec auris audiuit, nec in cor hominis ascendit, quæ preparauit his qui diligunt eum.* Officina vero ubi hæc omnia diligenter operemur, claustra sunt monasterij, & stabilitas in congregatione.

### CAP. III. Qualis esse debeat Abbatissa.

Qvanta beneuolentia diligatis Matrem quæ omnium vestrum curam gerit: & Præpositæ sine murmuratione obediatur: ne in illis caritas contristetur. Ipsæ vero vobis quæ præsent, cum caritate & vera pietate discretionem & Regulam studeant custodire. Corripiant inquietas, pusillanimes consolentur, sustineant infirmas: semper cogitantes Deo se pro vobis reddituras rationem. Vnde & vos magis sancte obe-

obediendo, non vestrum, sed etiam ipsarum miseremini: quæ inter vos quantum in ordinatione superiores videntur, tantum in periculo maiore versantur. Pro qua re non solum Matri, sed etiam Præpositæ, Primiceriæ, vel Formariæ cum reuerentia humiliter obedite.

CAP. V. *De Præposita Monasterij.*

**P**ræposita monasterij eligatur a matre spirituali de congregatione cum cōsilio seniorum suarum, sancta, sapiens, timens Deum, humilitatemque super omnia habens: & in religionis amore deuota, & Regulæ obseruatione sit cognita. Quæ Præposita ea agat cum reuerentia, quæ etiam a Matre spirituali iniuncta fuerint. nihil contra ipsius voluntatem aut ordinationem faciat. quia quantum prælata est cæteris sororibus, tanto magis eam oportet solícite obseruare in omnibus præcepta Regulæ. Quæ Præposita, si in aliquo repta fuerit vitio, aut elatione fuerit decepta superbiæ, aut contemptrix sanctæ Regulæ comprobata, admoneatur verbis vsque ter: si non emendauerit, adhibeatur ei correctio disciplinæ regularis: quæ si neque sic correxerit, tunc deiciatur de ordine Præposituræ, & alia quæ digna est, in loco eius subrogetur. Quod si & post hæc in congregatione, quieta & obediens non fuerit, etiam de monasterio expellatur: aut in cella ob poenitentiam condignam retrudatur.

CAP. VI. *Vt quæ ad conuersionem venerit non statim recipiatur.*

**H**æc igitur in primis vestro sancto coenobio conseruanda est norma, vt quæcumque Deo inspirante conuerti uoluerit, non ei liceat statim habitum religionis assumere, nisi antea in multis experimentis fuerit voluntas illius approbata:

1. Ioan. 4 ta: sicut ait Apostolus: *Probate spiritus, si ex Deo sunt*: & alibi:  
 1 Thes. 5 *Omnia probate; quod bonum est tenete*. Ergo si perseverauerit  
 pulsans, & illatas sibi iniurias & difficultates visa fuerit pa-  
 tienter portare, & persistere petitioni suæ, annuatur ei in-  
 gressus: & sit in cella ubi meditetur, & manducet, & dor-  
 miat. Et senior ei talis deputetur, quæ ei Regulam sæpius  
 legat, & curiosè intendat & sollicita sit, si reuera Deum  
 quærit, si prompta est ad opus Dei, ad obedientiam, ad op-  
 probria sustinenda. Prædicentur ei omnia dura & aspera,  
 per quæ itur ad Deum: & si promiserit de stabilitate sua  
 perseverantiam, tunc demum post anni circulum in coe-  
 nobium ingrediatur, & obedientia ac stabilitate promissa  
 in congregatione societur. Et si potest fieri, aut nusquam,  
 aut difficile in monasterio infantula parvula, nisi ab annis  
 sex aut septem, quæ iam & literas discere, & obedientiæ  
 obtemperare possit, suscipiatur.

CAP. VII. *De his quæ relictis maritis ad monasterium veniunt,  
 qualiter recipiantur.*

QVÆ autem viduæ, aut maritis relictis, aut mutatis vesti-  
 bus ad monasterium veniunt, non excipiantur, nisi an-  
 tea de facultatiola sua cui voluerint chartas, aut donationes,  
 aut venditiones faciant: ita ut nihil suæ potestati, quod  
 peculiariter aut ordinare aut possidere videantur, reseruent:  
 propter illud Domini præceptum: *Si vis perfectus esse, vende*  
 Matt. 19. *omnia quæ habes*: Et, *Si quis non reliquerit omnia, & secutus*  
 Luc. 14. *me fuerit, non potest meus esse discipulus*. Illæ verò, quæ adhuc  
 viuis parentibus substantiam suam in potestate habere non  
 possint, aut adhuc minoris ætatis sunt, chartas tunc facere  
 compellantur, quando res parentum in potestate habere  
 potuerint, aut ad legitimam ætatem peruenerint. Ideo hoc  
 sanctis animabus vestris præcipimus, timentes exemplum  
 AB. 4. Ananiæ & Saphiræ, qui cum totum se dixissent Apostolis  
 obtu-

obtulisse, partem obtulerunt, partem sibi infideliter reseruauerunt. quod scilicet nec decet, nec licet, nec expedit. Ancillam propriam nulli, nec Abbatisse, liceat in suo seruitio habere: sed si opus habuerit, Abbatisa iubente, de iunioribus in solatio suo accipiat.

CAP. VIII. *Vt nulli liceat rem propriam possidere.*

**H**oc præcipuè vitium radicitus amputandum est de monasterio: vt nulla præsumat aliquid proprium habere, nec quicquam dare aut accipere, vel tenere, sine iussione matris, nullam omnino rem, neque tabulas, neque graphium, sed nihil omnino: quippe quibus nec corpora sua, nec voluntates licet habere in propria voluntate: omnia verò necessaria a matre monasterij sperare. Nec quicquam liceat habere, quod ipsa non dederit, aut permiserit. Omniaque omnibus sint communia: vt scriptum est: *Et erant illis omnia communia.* Nec quæq; suum aliquid esse dicat, aut vindicare præsumat. Quod si quæ huic nequissimo vitio deprehensa fuerit delectari, tribus suppositionibus pæniteat. 484.

CAP. IX. *Vt nemo peculiare opus sine iussione faciat.*

**N**emo sane cuiuslibet operis vel artificij pro suo libito quicquam sine iussione eligat faciendum: sed quod faciunt in commune faciant, tam sancto studio, & tam feruente alacritate quasi sibi ipsis fecerint; & quod faciunt matri præsentent, & illa cui opus fuerit dispenset. Quæ autem contumax extiterit, hoc quod fecit priuetur, & centum percussoribus pæniteat. Quæ aliquid habebant in seculo, quando ingrediuntur monasterium, humiliter illud offerant matri, communibus vsibus profuturum. Quæ autem non habuerunt, non ea quærant in monasterio, quæ nec foris habere potuerunt.

CAP.

CAP. X. *Vt nulla despiciat sororem suam.*

**I**llæ verò quę aliquid habere videbantur in seculo, non fastidiant neque despiciant sorores suas, quę ad illam sanctam societatem ex paupertate venerunt: nec sic de suis diuitijs superbiant, quod eas monasterio obtulerunt, quasi eis in seculo fruerentur. Quid prodest dispergere, & dando pauperibus pauperem fieri, si misera anima diabolica infletur superbia? Omnes ergo vnanimiter & concorditer viuite, & honorate in vobis inuicem Deum, cuius templum esse meruistis. Quę autem in hoc iactantię crimine, quod diximus, inuenta fuerit, suppositionem cum silentio faciat.

CAP. XI. *Vt nulli liceat semotam habere mansionem.*

**N**ulli liceat semotam eligere mansionem, nec habebit cubiculum, aut armariolum, aut aliquid huiusmodi, quod peculiarius cum clauis claudi possit: sed omnes diuisis lectulis in vna maneant domo. Quę verò aliter agere, aut habere præsumperit, suppositionem sustineat. Quę autem senes sunt, & infirmę, ita illis conuenit obtemperare, & ordinare, vt non singulę singulas cellas habeant, sed in vna recipiantur omnes, vbi & maneant, & studium habeant. Nunquam ibi, sicut & in reliqua congregatione, altiore voce loquantur, vt extra modum a foris audiantur: quod si fecerint, suppositionem silentij, aut quinquaginta percussiones accipiant.

CAP. XII. *Qualiter senes aut infirmę gubernande sint.*

**I**llud ante omnia, sancta Mater, & venerabilis quęcunque fuerit Præposita, etiam cuicumque cura committenda est infirmarum: Primiceriam etiam, vel Formariam admo-  
neo, & testor, vt vigilantissime consideretis, & si sunt  
aliquę

aliquæ de sororibus, quæ pro eo quod aut diligentius nutritæ sunt, aut defectiones forsitan stomachi frequentius patiuntur, & sicut reliquæ abstinere non possunt, aut certè cum grandi labore ieiunant, si illæ propter verecundiam petere non præsumunt, vos eis iubeatis a Cellerarijs dari, & ipsis vt accipiant ordinetis. Et certissimè confidant, quod quidquid dispensante aut iubente seniore qualibet hora perceperint, in illa repausatione Christum accipiant. Et sicut iam superius diximus, infirmarum cura ante omnia & super omnia adhibenda est; vt sicut reuera Christo, ita eis seruiatur: quia ipse dixit: *Infirmus fui, & visitastis me; Et, quod fecistis uni de his minimis fratribus meis, mihi fecistis.* Sed ipsæ infirmæ sorores considerent in timore Dei sibi serui, & non superfluitate sua contristant sorores suas seruientes sibi: quæ tamen patienter portandæ sunt; quia de talibus copiosior merces acquiritur. Ergo cura maxima sit Matri, ne aliqua negligentia patiantur. Quibus infirmis sit cella per se deputata: & quæ eis obsequium impendat, timens Deum ac sollicita sit. Balnearum vsus infirmis quoties expedit offeratur, sanis autem, & maximè iuuenibus, tardius concedatur. Carnes verò a nulla vnquam in cibo manducentur: si forte aliqua in disperata infirmitate fuerit, iubente & providente Abbatissa accipiat. Cum verò vires pristinas reparauerit, ad feliciorē redeat abstinentiæ consuetudinem. Et si hoc necessitas infirmarum exegerit, & Matri monasterij iustum visum fuerit, cellariolum & coquinam suam infirmæ in commune habeant.

CAP. XIII. *Qualiter ad officium diuinum curratur.*

AD horam diuini officij, mox vt auditum fuerit signum, relictis omnibus quælibet fuerint in manibus, summa cum festinatione curratur; cum grauitate tamen, vt non scurrilitas inueniat fomitem. Nihil tamen operi Dei præ-

M

pona-



ponatur . Quæ verò nocturnis vigilijs ad Gloriam primi non occurrerit psalmi , non stet in ordine suo in choro , sed vltima omnium stet , aut in loco quem talibus negligentibus seorsum constituerit Senior : vt videatur ab ipsa , vel ab omnibus , vsque dum completo opere Dei publica satisfactione poeniteat . Ea verò , quam superius diximus , horis diurnis obseruatio conseruetur .

CAP. XIII. *De his quæ ad opus Dei vel ad mensam tarde occurrerint .*

**Q**uæ signo tacto tardius ad opus Dei vel ad opera venerit , increpationi , vt dignum est , subiacebit : quæ si secundò aut tertio admonita emendare noluerit , regulari subiaceat disciplinæ . Similiter quæ ad mensam ad primum capitulum orationis non fuerit , & occupata in aliquo per iussionem non fuerit , non permittatur ad mensam communis participationis sedere ; sed sequestrata a consortio omnium reficiatur sola , sublata ei portione sua de vino . Eadem verò patietur , quæ non fuerit præsens ad illum versum qui post cibum dicitur .

CAP. XV. *De significanda hora operis Dei .*

**N**uncianda hora operis Dei die noctuque fit cura Abbatissæ : aut ipsa nunciare debet , aut alicui sollicitæ forori iniungat hanc curam , vt omnia horis competentibus compleantur . Psalmos vel antiphonas post Abbatisfam ordine suo quibus iussu fuerit imponant ; cantare autem & legere non præsumat , nisi quæ potest ipsum officium implere ; vt ædificentur audientes : quod cum humilitate , & grauitate , & timore faciat , & cui iusserit Abbatisfa .

CAP.

CAP. XVI. *De Oratorio monasterij.*

**O**ratorium hoc sit quod dicitur: nec ibi quicquam aliud geratur aut condatur, excepto opere Dei. Omnes cum summo silentio exeant: & agatur reuerentia Dei, ut soror quæ forte sibi peculiariter vult orare, non præpediatur alterius improbitate. Sed & si altera vult sibi forte secretius orare, simpliciter intret & oret, non in clamorosa voce, sed in lacrimis & intentione cordis. Ergo quæ simile opus non facit, non permittatur expleto opere Dei remanere, sicut dictum est, ne alia impedimentum patiatur.

CAP. XVII. *De disciplina psallendi in Oratorio.*

**V**bi que credimus diuinam esse præsentiam, & oculos Domini contemplantes bonos & malos: maximè tamen hoc sine aliqua dubitatione credimus, cum ad opus diuinum assistimus. Ideo semper memores simus, quod ait Propheta: *Seruite Domino in timore*: & iterum: *psallite sapienter*: & *In conspectu angelorum psallam tibi*. Ergo consideremus qualiter oporteat in conspectu diuinitatis & angelorum eius esse. & sic stemus ad psallendum, ut mens nostra concordet voci nostræ. Dum in oratorio psallitur, fabulare omnino non liceat. Cum verò psalmis & hymnis vacatis Deo, id versetur in corde quod præfertur in voce. & quæ subriserit in cursu orationum, sex percussionibus: si in sonum eruperit risus, suppositionem.

*Psalm. 2.  
Psalm. 46.  
Psalm. 137.*

CAP. XVIII. *De reuerentia orationis.*

**S**i cum hominibus potentibus volumus aliqua suggerere, non præsumimus nisi cum humilitate & reuerentia; quanto magis Domino Deo vniuersorum cum omni humilitate & puritatis deuotione supplicandum est? & non in

M 2 multi-

multiloquio, sed in puritate cordis & compunctione lacrimarum nos exaudiri credamus. Et ideo brevis debet esse & pura oratio; nisi forte ex affectu inspirationis diuinæ gratiæ protendatur. In conuentu tamen omnino breuietur oratio: & facto signo a Priore omnes pariter surgant.

CAP. XIX. *Qualiter silentio studere debeant sorores.*

**O**mni tempore omnique loco silentio studere debent ancillæ Christi, maximè tamen nocturnis horis. Et ideo exeuntes a completorijs nulla sit licentia denuo loqui cuiquam aliquid, vsque mane post secundam celebratam in conuentu: quo in loco veniam petentes, ac singulæ confessionem dantes pro cogitationibus carnalibus atque turpibus, vel nocturnis visionibus; demum pariter orantes dicant; *Fiat Domine misericordia tua super nos, quemadmodum sperauimus in te.* Sic quoque vicissim dicant ad seniorem: da commeatum vestimentum mutare, & quod opus fuerit fieri.

CAP. XX. *Quando vacent lectioni.*

**A** secunda hora vsque ad tertiam, si aliqua necessitas vt operentur non fuerit, vacent lectioni: reliquo verò spatio diei faciant opera sua, & non se fabulis occupent, propter illud Apostoli: *Cum silentio operantes*; & illud: *In multiloquio non effugies peccatum.* Et ideo hoc vobis omnino loquendum est, quod ad ædificationem vel vtilitatem animæ pertinet. cum autem necessitas operis exegerit, tunc loquantur. Reliquis verò in vnum operantibus vna de senioribus legat: de reliquo meditatio verbi Dei de corde non cesset. Si autem, vt diximus, aliqua compellit necessitas, vt infra hunc terminum operari debeat, in arbitrio sit Matris, qualiter absque murmure fiat. Omnia quæcunque opera

2. Thes. 3  
1. Tim. 10.

opera facitis, quando lectio non legitur, de diuinis scripturis semper aliquid ruminare. Nemo cum murmuratione aliquid faciat, ne simili murmuratorum iudicio pereat; secundum illud Apostoli: *Omnia facite sine murmurationibus*. Phil. 2. Humiles semper inuicem sitis, non solum senioribus, sed & coequalibus & iunioribus, ne Deus superbis resistat: ne inflatae per viam angustam transire non possint. Quicquid vobis a senioribus fuerit imperatum, sic accipite tamquam si de caelo sit ore Dei prolatum: Nihil reprehendas, nihil despicias, in nullo penitus murmurare praesumas: quia in monasterio seruire venisti, non imperare: obedire potius, quam iubere. Totum sanctum, totum iustum, totum vtile iudica, quicquid aut tibi, aut alijs videris imperari.

CAP. XXI. *Si omnes aequaliter debent necessaria accipere.*

Scriptum est: *diuidebatur singulis prout cuique opus erat*: vbi non dicimus, vt personarum, quod absit, acceptio sit, sed infirmarum consideratio: vt quae minus indiget, agat Deo gratias & non contristetur: quae verò plus indiget, humilietur pro infirmitate, non extollatur pro misericordia: & ita omnia membra erunt in pace. Ante omnia ne murmurationis malum pro qualicumque causa in aliquo qualicumque verbo vel significatione appareat: quod si deprehensa quae fuerit, districtiori disciplinæ subdatur.

CAP. XXII. *Qualis debeat esse ancilla Dei dum castigatur.*

Quae pro qualibet culpa ammonetur, castigatur, corripitur, arguenti respondere non praesumat: quod si fecerit, regulari subiaceat disciplinæ. Quae aliquid ex his quae iubentur implere noluerit, a communione orationis, vel a mensa, secundum qualitatem culpæ, sequestrabitur.

CAP.

CAP. XXIII. *Qualiter ad confessionem omnibus diebus  
veniant.*

*Eclli.*

**I**nter cæteras Regulæ obseruantias hoc magis super omnia tam iuniores quam etiam seniores monemus sorores, vt assidue & indefinente studio tam de cogitatu, quam etiam de verbo inutili, vel opere, seu aliqua commotione animi, confessio omnibus diebus, omnibus horis, omnibusque momentis semper donetur; & matri spiritali nihil occultetur. quia statutum est hoc a sanctis Patribus, vt detur confessio ante mensam, siue ante lectulorum introitum, aut quandocunque fuerit facile. quia confessio poenitentiae de morte liberat. Ergo nec ipsa parua a confessione sunt negligenda cogitata, quia scriptum est: *qui parua negligit, paulatim defluit.*

CAP. XXIII. *De his quæ ad lectum suum aliquid occultare  
præsumserint.*

**Q**uæ soror ad lectulum suum, quæ ad manducandum, vel ad bibendum pertinent, præsumserit occultare, publicè coram omnibus arguatur: & tunc demum palam cunctis præsentibus obiurgata suppositionem sustinere cogatur.

CAP. XXV. *De his quæ non custodierint benedictionem ad mensam,  
& cætera similia.*

**S**i comederit vel biberit non petens benedictionem, & non respondens, Amen, sex percussionibus: & quæ non signauerit cochlear quo lambit, sex: & quæ locuta fuerit comedens, non in necessitate alterius sororis, sex: vel percuterit cultello mensam, sex: & si dixerit suum proprium aliquid, sex percussionibus emendet.

CAP.

CAP. XXVI. *De his quæ in coquina aliquid effuderint.*

**Q**uæcunque de sororibus cui sollicitudo coquinandi vel ministrandi commissæ est, quantulum quid effuderit, oratione in Ecclesia post expletum cursum, ita vt sorores pro ea orent, emendare statuitur. Similiter poeniteat quæ humiliationem in synaxi, idest in cursu oblita fuerit. hæc est humiliatio in Ecclesia post finem vniuscuiusque psalmi. Simili modo quæ perdiderit micas, oratione in Ecclesia emendari cogatur. Ita tamen hæc parua poenitentia iudicetur, si paruum quid effuderit. quod si ex negligentia, vel obliuione, seu transgressionem securitatis tam in liquidis quam in aridis amplius solito perdiderit, longa venia in Ecclesia, dum duodecim psalmos ad duodecimam canunt, prostrata nullum membrum mouens poeniteat. & quæ non custodierit ordinem ad sacrificium, sex percussionebus emendetur.

CAP. XXVII. *De his quæ sine oratione egrediuntur domo.*

**Q**uæ egrediens domum ad orationem poscendam non se humiliauerit, & post acceptam non se signauerit, & crucem non adierit, duodecim percussionebus; & quæ orationem ante opus aut post oblita fuerit, duodecim percussionebus: aut quæ regrediens domum, orationem petens non se curauerit intra domum, duodecim percussionebus emendetur: vel quæ facit cursus non necessarios, duodecim percussionebus emendetur.

CAP. XXVIII. *Quæ profert fabulas ociosas ad aliam, & qua se excusauerit, & dicit consilium contra consilium.*

**F**abulas ociosas proferens ad alteram, & statim semetipsum reprehendens, venia tantum sufficit: si autem non se re-

se reprehenderit, tractantes eas suppositione silentij aut quinquaginta percussionibus poeniteant. excusationem, proferens cum simplicitate, quando in aliquo discutitur, & non dicit statim veniam petens, mea culpa, poenitet me: consilium contra consilium cum simplicitate promens, quinquaginta percussionibus poeniteat.

CAP. XXIX. *De his quæ reprehendunt aliarum opera,  
& cætera similia.*

**R**eprehendens aliarum fororum opera aut detractans: proferens correctionem contra correctionem, hoc est castigans castigantem se, tribus suppositionibus poeniteat. Quæ soror abscondit aliquod crimen in sorore sua, vsque dum corrigatur de alio vitio vel de ipso, & tunc prius profert illud aduersum sororem suam, tribus suppositionibus: vel quæ detrahit alicui sorori, aut audit detrahentem non corrigens eam, tribus suppositionibus: & quæ aliquid cum contradictione aut tristitia promit, simili modo tribus suppositionibus poeniteat. Quæ aliquid reprehendens Præpositæ non vult indicare, vsque dum matri seniori indicet, similiter poeniteat. Quæ soror vituperat alicui sorori obsequium dandum, murmurat & dicit, non faciam nisi dicat senior aut secunda, similiter tribus suppositionibus. Quæ consanguineam suam docet aliquam decentem artem, & aliud quodlibet a seniore fuerit impositum, dixerit, melius vt lectionem discat, tribus suppositionibus poeniteat.

CAP. XXX. *De his quæ cum Præposita sua superbe contendunt.*

**Q**uæ ad Præpositam suam audet dicere: non tu iudicabis causam meam, sed nostra senior aut cæteræ sorores, quadra-

quadraginta diebus poeniteat : nisi ipsa humiliter dicat, poenitet me quod dixi.

CAP. XXXI. *De his quæ non postulant veniam correctæ, & cætera similia.*

**Q**uæ non postulat veniam correctæ, suppositione : quæ visitauerit alias in cellis earum sine interrogatione, simili modo poeniteat : aut in coquinam post nonam ierit, suppositione : aut extra vallum, idest extra septa monasterij sine interrogatione ierit, suppositione poeniteat.

CAP. XXXII. *Vt nulla alterius teneat manum, nec iuuençule se inuicem appellent.*

**P**rohibetur ne pro dilectione aliqua vlla alterius teneat manum, siue steterit, siue ambulauerit, siue sederit. Quod si fecerit, duodecim percussionibus emendetur. Iuuençulæ, quibus imponitur terminus, vt non se appellent inuicem : si transgressæ fuerint, quadraginta percussionibus poeniteant.

CAP. XXXIII. *Vt sedentes ad mensam taceant.*

**S**edentes ad mensam taceant, & animo lectioni intendant. Cum autem lectio cessauerit, meditatio sancta de corde non cesset. Si verò aliquid opus fuerit, quæ mensæ præest solitudinem gerat, & quod est necessarium nutu magis quam voce petat. Nec solæ vobis fauces sumant cibum, sed & aures audiant Dei verbum. Nam quæ loqui præsumperit, vel viginti vel triginta percussiones accipiat. Poenitentias verò minutas iuxta mensam si fecerit Præposita, mensæ imponat. amplius quam viginti quinque percussiones simul non dentur.

N

CAP.



CAP. XXXIV. *Qualiter aut quibus temporibus  
genua flectantur.*

**P**œnitentes sorores, & indigentes pœnitentia psalmodum, hoc est, quibus necesse est ut psalmos adhuc pro visione nocturna decantent: quia pro illusione diabolica, ac pro modo visionis viginti sex psalmos in ordine, aliæ quindécim, aliæ duodecim indigentes pœnitentia psalmos decantare debent: quamvis ergo in nocte dominica, & tempore Quinquagesimæ genuflectant. In commune autem omnes sorores omnibus diebus & noctibus tempore orationum in fine omnium psalmodum genua ad orationem, si non infirmitas corporis offecerit, flectere æquo moderamine debent, sub silentio dicentes: *Deus in adiutorium meum intende; Domine ad adiuuandum me festina.* Quem versiculum postquam in oratione tacite decantauerint, æqualiter a flexu orationis surgant, excepto diebus dominicis, & a prima die sancti Paschæ, usque ad Quinquagesimum diem, in quo moderatè tempore psalmodiæ humiliantes, genua non flectent. Et quando ad communionem altaris accedunt, ter se humilient.

CAP. XXXV. *Vt iurare omnino non  
liceat.*

**I**uramentum vel maledictum, velut venenum diaboli fugere & vitare contendat. quod si fecerit, duabus silentij suppositionibus, & centum percussionibus pœniteat.

CAP. XXXVI. *De Quadragesima  
observatione.*

**L**icet omni tempore vita monachæ Quadragesimæ debet observationem habere, tamen quia paucorum est ista  
virtus

virtus, ideo suademus istis diebus Quadragesimæ omni puritate vitam suam custodire; omnes pariter sordes, & negligentias aliorum temporum his diebus sanctis diluere. Quod tunc dignè fit, si ab omnibus vitijs temperamus; orationi cum fletibus, lectioni, & compunctioni cordis, atque abstinentiæ operam damus. Ergo his diebus augeamus nobis aliquid solito penso seruitutis nostræ orationes peculiare, ciborum & potus abstinentiā: ut vnaquæque super mensuram sibi indictam aliquid propria voluntate cum gaudio sancti Spiritus offerat Deo: id est, subtrahat corpori suo de cibo, de potu, de somno, de loquacitate, de scurrilitate; & cum spirituali desiderio gaudium sanctum Paschæ expectet. Hoc ipsum tamen quod vnaquæque offert, Abbatissæ suæ suggerat, & cum eius faciat oratione & voluntate. Quicquid sine matris spiritualis permissione fit, præsumptioni deputabitur & vanæ gloriæ, non mercedi.

CAP. XXXVII. *Quot sunt gradus  
humilitatis.*

**P**rimus humilitatis gradus est, obedientia sine mora. Hæc conuenit his, quæ nihil sibi a Christo carius aliquid existimantes, propter seruitium sanctum quod professæ sunt, seu propter metum gehennæ, vel gloriam vitæ æternæ, mox ut aliquid imperatum a maiore fuerit, ac si diuinitus imperetur, moram pati nesciunt in faciendo. de quibus Dominus dicit: *Obaudit auris obaudiuit mihi.* Et idem dicit doctoribus: *Qui vos audit me audit.* Ergo tales relinquentes statim, quæ sua sunt, & voluntatem propriam deserentes, mox exoccupatis manibus, & quod agebant imperfectum relinquentes, vicino obedientes pede, iubentis vocem factis sequuntur, vel vno momento prædictæ senioris iussione etiam contraria sustinere debere. Dicit ex persona sufferentium: *propter te mortificamur tota die, estimata sumus ut oves occi-*

Psal. 17.

Matt. 10.

Psal. 43.

Rom 8.  
Psal. 65.

tionis . & securæ de spe retributionis diuinæ , subsequuntur gaudentes , & dicentes : *Sed hæc omnia superamus propter eum , qui dilexit nos .* & eadem alio loco scriptura dicit : *Probasti nos Deus , igne nos examinasti , sicut examinatur argentum : & induxisti nos in laqueum , posuisti tribulationes in dorso nostro .* Et ut ostendat sub Priore debere nos esse , subsequitur , dicens : *Imposuisti homines super capita nostra .* Ideo angustam viam arripiunt , unde Dominus dicit : *Angusta via est , quæ ducit ad vitam .* Ut non suo arbitrio viuentes , vel desiderijs suis & voluptatibus obediētes , sed ambulantes alieno iudicio & imperio , in cœnobio degentes seniore sibi præesse desiderant . Sine dubio hæc tales illam Domini imitantur sententiam , quæ dicit :

Matth. 7.

Matth. 7.

*Non veni facere voluntatem meam , sed eius qui misit me .* Sed hæc ipsa obedientia tunc acceptabilis erit Deo , & dulcis hominibus , si quod iubetur non trepidè , non tardè , aut cum murmurio , vel cum responsione nolentis efficiatur : quia , obedientia quæ maioribus præbetur , Deo exhibetur . ipse enim dixit : *qui vos audit , me audit .* Nam si talis non fuerit obedientia , non erit acceptabilis Deo , qui ait : *& qui non accipit crucem suam , & sequitur me , non est me dignus .* Et ideo dicit de digno discipulo : *ut ubi ego sum , ibi & minister meus mecum erit .*

Matth. 10.

Luc. 14.

Ioan. 13.

### CAP. XXXVIII.

10m 6.

Secundus humilitatis gradus est , propriam quæque non amare voluntatem , & desideria sua non debet implere : sed vocem illam Domini factis imitetur , dicentis : *Non veni facere voluntatem meam , sed eius qui me misit .* item dicit scriptura : *Voluntas habet poenam , & necessitas parit coronam .*

### CAP. XXXIX.

Ter-

**T**ertius humilitatis gradus est, vt quæque pro Dei amore omni obedientia se subdat maiori: imitans Dominum, de quo dicit Apostolus: *factus obediens vsque ad mortem.* Phil. 2.

## CAP. XL.

**Q**uartus humilitatis gradus est, si in ipsa obedientia duris & contrarijs rebus, vel etiam quibuslibet irrogatis iniurijs, tacita conscientia poenitentiam amplectatur: vt sustinens non lascescat vel discedat, dicente sancta scriptura: *Qui perseverauerit usque in finem, hic saluus erit. & item: Confortetur cor tuum, & sustine Dominum.* Matt. 10.  
Psal. 26.

## CAP. XLI.

**Q**uintus humilitatis gradus est, si omnes cogitationes malas cordi suo aduenientes, vel mala a se absconsè commissa per humilem confessionem seniori suæ non celauerit. hortans nos de hac re scriptura dicit: *Revela Domino viam tuam, & spera in eum.* Et iterum dicit: *Confitemini Domino quoniam bonus, quoniam in seculum misericordia eius.* Et idem propheta. *Delictum meum cognitum tibi feci, & iniustitias meas non abscondi. Dixi, pronunciabo aduersus me iniustitias meas Domino, & tu remisisti impietatem peccati mei.* Psal. 36.  
Psal. 105.  
Psal. 31.

## CAP. XLII.

**S**extus humilitatis gradus est, si omni vilitate vel extremitate contenta sit monacha, & ad omnia quæ sibi iniunguntur, velut operariam malam se iudicet & indignam: dicens sibi cum propheta: *Ad nihilum redacta sum, & nesciui: vt iumentum facta sum apud te, & ego semper tecum.* Psal. 92.

## CAP.

## CAP. XLIII.

**S**eptimus humilitatis gradus est, si omnibus se inferiorem & viliorem, non solum sua lingua pronunciet, sed ex intimo cordis credat affectu humilians se, & dicat cum  
*Psalm. 21. Propheta: Ego autem sum vermis, & non homo, obprobrium hominum, & abiectio plebis: Exaltata sum, & humiliata, & confusa.*  
*Psalm. 118 & item: Bonum mihi quia humiliasti me, ut discam mandata tua.*

## CAP. XLIII.

**O**ctauus humilitatis gradus est, si nihil agat monacha, nisi quod communis monasterij Regula, vel maiorum cohortantur exempla.

## CAP. XLV.

**N**onus humilitatis gradus est, ut linguam ad loquendum prohibeat monacha, & taciturnitatem habens usque ad interrogationem non loquatur: dicente scriptura, quia  
*Prover. 10. in multiloquio non effugietur peccatum. & quia vir linguosus non*  
*Psalm. 139. dirigetur super terram.*

## CAP. XLVI.

**D**ecimus humilitatis gradus est, si non sit facilis ac prompta in risu. quia scriptum est: *Stultus in risu exaltat vocem suam.*

## CAP. XLVII.

**V**ndecimus humilitatis gradus est, si cum loquitur monacha, leniter & sine risu, humiliter & cum gravitate vel pauca verba & rationabilia loquatur: & non sit  
 cla-

clamosa in voce, sicut scriptum est: *Sapiens verbis innotescit paucis.*

## CAP. XLVIII.

**D**vodecimus humilitatis gradus est, si non solum corde, sed etiam corpore monacha humilitatem videntibus se semper indicet: idest, in opere, in oratorio, in monasterio, in horto, in via, vel vbicumque sedens, ambulans, vel stans inclinato sit semper capite, deflexis in terra aspectibus, ream se omni hora de peccatis suis existimans, iam se tremendo iudicio Dei repræsentari existimet: dicens sibi in corde semper illud, quod publicanus ille Euangelicus fixis in terram oculis dixit: *Domine non sum dignus ego peccator levare oculos meos ad celum.* Et item cum Propheta: *incurvatus & humiliatus sum usquequaque.* Ergo his omnibus humilitatis gradibus ascensis monacha ad caritatem Dei perueniat illam, quæ perfecta foras mittat timorem: per quam vniuersa, quæ prius non sine formidine observabat, absque vilo labore velut naturaliter ex consuetudine incipiet custodire: non iam timore gehennæ, sed amore Christi, & consuetudine ipsa bona, & dilectione virtutum: quam Dominus iam in operarium suum mundum a vitijs & peccatis Spiritu sancto dignatus est demonstrare.

Luc. 18.

Psalm. 118

1. Ioan. 4.

## CAP. XLIX. De taciturnitate.

**S**ilentij regula diligenter custodienda decernitur: quia scriptum est: *Cultus autem iustitiæ silentium & pax.* & ideo ne reatus de verbositate conquiratur, exceptis vtilitatibus ac necessarijs, opus est vt taceatur. Quia iuxta scripturam, *in multiloquio non deerit peccatum.* & alibi ait: *Posui ori meo custodiam: obmutui & humiliatus sum, & filui a bonis.* Hic ostendit Propheta, si a bonis eloquijs interdum propter ta-

Isa. 32.

Pro. 10.

Psalm. 38.

citur-

citurnitatem debet tacere, quanto magis a malis verbis propter poenam debet cessare? Tacendum igitur est, & cum cautela & ratione loquendum: nè aut detractiones, aut tumidae contradictiones in loquacitatem vitiosam ac superfluam prorumpant. Ergo quamuis de bonis & sanctis ædificationum eloquijs, perfectis Christi sororibus propter taciturnitatis grauitatem rara loquendi concedatur licentia.

PROM. 10. Quia vt superius diximus: *in multiloquio non effugies peccatum.*

PROM. 14. & alibi: *Mors & vita in manibus lingue.* Et si altiori voce præsumperit, duabus silentij suppositionibus, aut quinquaginta percussionibus poeniteat: & si iterare præsumperit, centum. Scurrilitates vero, vel verba otiosa & risum mouentia æterna clausura in omnibus locis damnamus, & ad tale eloquium famulæ Christi aperire os non permittimus.

#### CAP. L. *De custodia oculorum.*

Nvlla in vobis concupiscentia oculorum cuiuscunque viri diabolo instigante consurgat. Ne dicatis vos animos habere pudicos, si oculos impudicos habeatis: quia impudicus oculus impudici cordis est nuntius. Nec putare debet quæ in virum non simpliciter conuertit aspectum, ab alijs se non videri cum hæc facit. Videtur omnino a quibus videri se non arbitratur. Sed etsi lateat, vt a nemine hominum videatur, quid faciet de illo superinspector, cui latere omnino non potest? Timeat ergo displicere Deo, cogitet ne male placeat viro. Quando ergo simul statis, si aut Prouisor monasterij, aut aliquis cum eo virorum superuenerit, inuicem vestram pudicitiam custodite. Deus enim qui habitat in vobis, etiam isto vos modo custodit. Non sit notabilis habitus vester, nec affectetis vestibus placere, sed moribus, quod vestrum decet propositum.

CAP.

CAP. LI. *Vt peccatum alterius non celetur.*

**S**I quam verò liberius quàm decet agere videritis, matri in notitiam ponite. Nec vos iudicetis esse maleuolas, quando hoc sancto animo indicatis. magis enim innocentes non estis, & peccatis ipsius participes vos facitis, si sororem vestram, quam castigando corrigere potuistis, tacendo perire permittatis. Si enim vulnus haberet in corpore, aut esset a serpente percussa, & vellet hoc occultare, dum timet secari, nonne hoc crudeliter taceretur, & misericorditer proderetur? Quanto magis ergo consilia diaboli & insidias illius manifestare debuistis: ne in deterius vulnus peccati augeatur in corde, & concupiscentiæ malum diutius nutriatur in pectore? Et hoc facite cum dilectione sororum, & odio vitiorum.

CAP. LII. *Vt inter se litigare, vel conuicia dicere non debeant.*

**E**T quamuis non solum cogitari, sed omnino nec credi debeat, quod sanctæ Virgines duris sermonibus per conuicia mordeant se: tamen si forte, vt se habet humana fragilitas, in tantum nefas aliquæ de sororibus ausæ fuerint diabolo instigante prorumpere, vt aut furtum faciant, aut in se inuicem manus mittant, iustum est, vt legitimam disciplinam accipiant, a quibus Regulæ instituta violantur. Necessè est enim, vt in eis impleatur illud, quod de indisciplinatis filijs per Salomonem prædixit Spiritus sanctus: *Qui diligit filium suum, assiduatur illi flagellum.* Et iterum: *tu virga eum cedis, animam illius de inferno liberabis.* Disciplinam tamen ipsam in præsentia congregationis accipiant, pro illo Apostoli: *Peccantes coram omnibus corripe.* Lites nullas habeatis, secundum illud Apostoli: *Seruum Domini non oportet litigare.* Si seruum Domini litigare non conuenit, quanto magis ancilla

Ecel. 30.

Prov. 23.

1.Tim.5.

2.Tim.2.

O

cilla



cillam Dei non expedit? cuius quo verecundior est sexus, tanto animus debet esse modestior. Aut si fuerint, quam celerius finiantur: ne ira crescat in odium, & festuca conuertatur in trabem, & efficiatur anima homicida. Sic enim  
 1. Ioan. 3. legitis: *Qui odit fratrem suum homicida est. Et, levantes sanctas*  
 1. Tim. 2. *manus suas sine ira & disceptatione.* Quæcunque conuicio, vel maledicto, vel etiam crimine obiecto læserit sororem suam, meminerit culpam satisfactione purgare. Quod vitium si iterare præsumperit, districtione seuerissima feriat, usquequo per satisfactionem recipi mereatur. Iuniores præcipue senioribus deferant. Si autem, ut fieri solet, stimulante diabolo inuicem se læserint, inuicem sibi veniam petere, & debita relaxare debebunt: propter orationes, quas utique quantum crebriores, tantum puriores habere debent. Quod si illa, cui veniam petierit, indulgere sorori suæ noluerit, a communione separetur, & timeat illud: *Quod si non dimiserit, non dimittetur ei.* Quæ autem nunquam vult petere veniam, aut ex animo non petit; aut cui petitur, si non admittat, sine causa in monasterio esse videtur. Attamen usquequo satisfaciatur poenitendo, & sorori suæ relaxet, nunquam in congregatione societur. Proinde vobis a verbis durioribus parcite: quæ si emissa fuerint, non pigeat ex ipso ore proferre medicamentum, unde facta sunt vulnera. Quando autem vos, quæ Præpositæ estis, necessitas disciplinæ pro malis moribus coercendis dicere verba dura compellit, si etiam in ipsis modum vos excessisse fortasse sentitis, non a vobis exigitur ut veniam postuletis; ne apud eas, quas oportet esse subiectas, dum nimium seruatur humilitas, regendi frangatur auctoritas. Sed tamen petenda venia est ab omnium Deo, qui nouit etiam, quam plus iuste corripitis, quanta beneuolentia diligatis.

CAP.

CAP. LIII. *Vt nulla a parentibus suis sine iussione  
aliquid accipiat.*

**N**ullatenus liceat forori a parentibus suis, neque a quocumque hominum, nec sibi inuicem literas, eulogias, vel quælibet munuscula accipere aut dare sine præcepto Abbatissæ. Quod si etiam a parentibus suis ei quicquam directum fuerit, non præsumat suscipere illud, nisi prius indicatum fuerit matri. quod si iusserit suscipi, in ipsius sit potestate, aut ei, si necesse est, aut cui illud iubeat dare. Quæcunque autem, quod Deus non patiat, in tantum progressa fuerit malum, ut occulte literas ab aliquo, aut quælibet mandata aut munuscula accipiat, si hoc ultro confessæ fuerit, indulgentiam mereatur, & oretur pro ea. Si autem celans proditur vel conuincitur, secundum instituta monasterij Regulæ grauius emendetur. Simili etiam districtioni subiaceat, si vel ipsa cuicunque literas, aut munuscula transmittere sacrilego ausu præsumpserit. Pro affectu tamen parentum aut cuiusque notitia, si aliquas transmittere voluerit literas, aut eulogias panis, matri suggerat, & si ipsa permiserit, per Posticiarias det: & ipsæ de nomine illius transmittant cui voluerit ipsa. sine Præposita, aut Posticiaria per se nulla præsumat nec dare, nec accipere a quoquam: quod si præsumpserit, tribus suppositionibus poeniteat.

CAP. LIIII. *Vt nulla cuiuslibet alterius filiam  
in Baptismo excipiat.*

**N**ulla cuiuslibet filiam in Baptismo neque diuitis neque pauperis præsumat excipere. Neque ad enutriendum, neque ad docendum nobilium vel pauperum filiarum recipiantur, nisi quæ in monasterio sub habitu religionis, sicut & reliquæ, perseuerent.

CAP. LV. *Qualiter Prouisores monasterij, vel  
reliqui viri intra monasterium debeant  
introire.*

**A**nte omnia propter custodiendam famam vestram nullus virorum in secretam partem monasterij, aut in oratorium introeat, excepto Episcopo, Prouisore, & Presbytero, & Diacono, & vno vel duobus Lectoribus, quos & ætas & vita commendat, qui aliquoties Missas facere debeant. Cum verò aut tecta retractanda sunt, aut ostia, aut fenestræ sunt componendæ, aut aliquid huiusmodi reparandum, artifices tantum & serui ad operandum, si aliqua necessitas extiterit, cum Prouisore introeant: sed nec ipsi sine scientia aut permissu matris. Ipse vero Prouisor in interiorem partem monasterij, nisi pro his vtilitatibus quas superius diximus, nunquam introeat; & aut nunquam aut difficile sine Abbatiſſa, aut alio honestissimo teste: vt sanctæ secretum suum, sicut decet & expedit, habeant.

CAP. LVI. *Vt neque matronæ seculares ingredi  
permittantur, vel puellæ.*

**M**atronæ etiam seu puellæ seculares, siue viri nobiles atque ignobiles in seculari habitu constituti, qui vel ob visitationes parentum, vel orandi seu inuisendi gratia ad monasterium veniunt, intus aliter introire non permittantur, nisi hi, qui religiosi & Deum timentes esse videntur, & quos mater monasterij ob vitæ meritum dignos iudicauerit. Cumque partes quas ipsa voluerit circumierint, protinus aut in saluatorium, aut ad portam redeant; vbi deinceps, si Abbatiſſæ visum fuerit, illa si voluerit præſente vel reliquis, eulogias accipiant, aut reliquum quod offerre decreuerint. Hæ vero quæ ministrant & omnes non alibi nisi in refectorio, vbi decretum est, aliquid accipere præsumant.

CAP.

CAP. LVII. *Qualiter Abbatissa in saluatorium ad salutandum exeat, vel qualiter ancilla Domini suos parentes debeant salutare.*

**O**bseruandum est etiam ne Abbatissa ad salutandum in saluatorium sine digno honore suo, hoc est, sine duabus aut tribus sororibus senioribus procedat. Similiter & reliquæ sorores ad salutandum parentes vel quoslibet religiosos, sine duabus aut tribus testibus, quas Abbatissa iusserit, non procedant. Nec sola cum solo loqui vel momento temporis permittatur. nec vestimenta eorum ad lauandum vel tingendum, aut custodiendum, vel ad consuendum accipiant. Si quæ tamen de alia ciuitate ad requirendam filiam suam, aut ad monasterium visitandum venerit, si religiosa est, & Abbatissæ visum fuerit, debet ad conuiuium vocari; reliquæ verò penitus nunquam. Quia sanctæ Virgines & deuotæ magis Christo vacantes pro vniuerso populo orare debent, quam corporalia conuiuia præparare. Si quis vero germanam aut filiam suam, vel quamlibet parentem aut sibi cognatam videre voluerit, præsentem Præpositam vel qualibet seniore ei colloquium non negetur. Episcopi, Abbates, vel reliqui religiosi, quos magna vita commendat, si petierint, debent causa orationis introire. Obseruandum est etiam, vt ianua monasterij oportunis horis salutantibus pateat.

CAP. LVIII. *Vt conuiuium nulli præparetur.*

**C**onuiuium etiam his personis, hoc est, Episcopis, Abbatibus, monachis, clericis, secularibus viris; mulieribus in habitu secularium, nec Abbatissæ parentibus nec alicuius sanctimonialis, nunquam nec in monasterio, nec extra monasterium præparetis. Nec Episcopo huius ciuitatis, nec Prouisorio quidem ipsius monasterij conuiuium faciatis. neque

que Abbatiſſa, aut quælibet vlla ex ſororibus conuiuium Epifcopi, aut parentis, vel cuiuslibet perſonæ, nullo vnquam tempore interius ſiue exterius monaſterij adire præſumat. Sed ſi aliquis tam de parentibus propinquis, vel quicumque eis voluerit impendere aliquid, quantum decreuerit per Portarias in monaſterium tranſmittat: & ipſæ per ſe ſecundum ſanctam conſuetudinem ſibi, vt expedit, præparent.

CAP. LIX. *Ne Abbatiſſa extra congregationem reficiat.*

Abbatiſſa, niſi inæqualitate aliqua aut infirmitate, vel occupatione compellente, extra congregationem ſuam penitus non reficiat.

CAP. LX. *Quales ad poſticium eligi debeant.*

Ad portam monaſterij ponatur ſoror ſenex & ſapiens, quæ ſciat accipere reſponſum aut reddere: cuius maturitas eam non ſinat vagari. Quæ Portaria cellam debet habere iuxta portam, aut duas aut tres iuniores in ſuo ſolatio: vt venientes ſemper præſentem inueniant, a qua reſponſum accipiant. Pro qua re omnes quæ poſticium obſeruauerint teſtor coram Deo & angelis eius, vt nihil de monaſterio permittant dari, vel a foris in monaſterium intus acquieſcant excipi, extra conſcientiam vel conſilium Abbatiſſæ. Tamen vt aſſolet, Abbatiſſa cum a ſalutatoribus occupata fuerit, Poſticiariæ Præpoſitæ oſtendant quodcunque exhibitum fuerit. Quam rem ſi implere neglexerint, & illæ Poſticiariæ, & illæ quæ excipiunt, propter tranſgreſſionem ſanctæ Regulæ diſtrictionem monaſterij grauiffimam ſuſtinebunt.

CAP.

CAP. LXI. *De Cellararia monasterij qualiter  
esse debeat.*

Cellararia monasterij eligatur de congregatione sapiens, maturis moribus, sobria, non multum edax, non elata, non iniuriosa, non tarda, non prodiga, sed timens Deum: quæ omni congregationi sit vt mater. curam gerat de omnibus: sine iussione Abbatisæ nihil faciat; quæ iubentur custodiat: sorores non contristet. Si qua soror forte aliqua irrationabilia postulat, non spernendo eam contristet; sed rationabiliter cum humilitate male petenti deneget. Animam suam custodiat: memor semper illud Apostolicum: *Quia qui bene ministrat, gradum sibi bonum acquirit.* Infirmarum, infantum cum omni solitudine curam gerat: sciens sine dubio quia pro his omnibus in die iudicij rationem redditura est. Omnia vasa monasterij cunctamque substantiam, acsi altaris vasa sacrata conspiciat. Nihil ducat negligendum: neque avaritiæ studeat, neque prodiga sit, vel extirpatrix substantiæ monasterij: sed omnia mensuratè faciat, & secundum iussionem Abbatisæ. Humilitatem ante omnia habeat; & cui substantia non est, quod tribuatur, sermo responsionis porrigatur bonus; vti scriptum est: *Sermo bonus super datum optimum.* Omnia quæ ei iniunxerit Abbatisa, ipsa habeat sub cura sua: a quibus eam prohibuerit, non præsumat. Sororibus constitutam annonam sine aliquo typho aut mora offerat, vt non scandalizentur; memor diuini eloquij, quid mereatur, qui scandalizauerit vnum de pusillis. Si congregatio maior fuerit, solatia ei dentur, a quibus adiuta & ipsa æquo animo impleat officium sibi commissum. Horis competentibus & dentur quæ danda sunt, & petantur quæ petenda sunt; vt nemo conturbetur neque contristetur in domo Dei.

1. Tim. 3.

Ecc. 3.

Mat. 2.

CAP.

CAP. LXII. *De ferramentis, aut alijs rebus monasterij, vel vestibus.*

**S**ubstantiæ monasterij in ferramentis vel vestibus, seu quibuslibet rebus, prouideat Abbatissa sorores de quarum vitæ moribus secura sit: & ei singula, vt vtile iudicauerit, consignet custodienda atque recolligenda. Ex quibus Abbatissa breuem teneat: & dum sibi in ipsa assignata sorores vicibus succedunt, sciat quid dat, aut quid recipit. Quæ cellario siue canauæ, siue vestibus, vel codicibus, aut posticio, vel lanipendio præponuntur, super Euangelio clauæ accipiant, & sine murmurio seruiant reliquis. Si quæ verò vestimenta, calceamenta, vtenfilia negligenter expendenda vel custodienda putauerit, tamquam interuersor rerum monasterij seuerius corrigatur. Indumenta verò cum ipsa noua accipiunt, si vetera necessaria non habuerint, Abbatissæ refundant, pauperibus aut incipientibus iunioribus dispensanda.

CAP. LXIII. *Vt ornamenta, vel varia opera in monasterio non fiant.*

**M**oneo specialius, vt vestimenta lucida, vel cum purpura, vel bebrina nunquam in vsu habeatis, nisi tantum laia & lactena. Plumaria ornamenta & omne polymitum nunquam in monasterio fiant; nec vlla tinctura, nisi nigra tantum, si necessitas fuerit. propter illud Apostoli: *Nemo militans Deo, implicat se negotijs secularibus, vt ei placeat cui se probauit.* Lectualia verò ipsa simplicia sint. Nam satis indecorum est, si in lecto religiosæ stragula secularia, aut tapezia picta resplendeant. Argentum in vsu vestro non habeatis, absque ministerio oratorij.

CAP.

CAP. LXIII. *Vt capita qua mensura  
ligentur.*

**C**apita nunquam altiora ligentur, nisi quomodo in hoc loco mensuram de incausto fecimus.

CAP. LXV. *Quomodo dormire debent.*

**S**ingulæ per singula lecta dormiant: lectisternia pro modo conuersationis secundum dispensationem matris accipiant. Si potest fieri omnes in vno loco dormiant: si autem multitudo non finit, denæ aut vicenæ cum senioribus, quæ super eas sollicitæ sint, pausent. Luminaria iugiter in eadem cella ardeant vsque mane. Vestitæ dormiant & cinctæ cingellis, vt præparatæ sint ad opus diuinum semper, & facto signo absque mora surgentes festinent inuicem se præuenire ad opus Dei: cum omni tamen grauitate, & modestia. Adolescentes sorores iuxta se non habeant lectos: sed permixtæ cum senioribus. Surgentes vero ad opus Dei inuicem se moderatè cohortentur, propter somnolentarum excusationes.

CAP. LXVI. *De ordine congregationis.*

**O**rdines suos in monasterio ita conseruent, vt conuersionis tempus, vt vitæ meritum discernit: atque senior non conturbet gregem sibi commissum, neque libera vtens potestate iniuste disponat aliquid; sed cogitet semper quia de omnibus iudicijs & operibus suis redditura est Deo rationem. Ergo secundum ordines, quos constituerit, vel habuerit, ipsæ sorores sic accedant ad pacem, ad vnionem, ad psalmum componendum, in choro standum. & in omnibus omnino locis ætas non discernatur in ordine, nec præiudicet: quia Samuel & Daniel pueri presbyteros iu-

P

dica-



dicauerunt. **Ergo extra has**, quas vt diximus altiori confilio Mater prætulit, vel degradauerit certis ex causis, reliquæ omnes vt conuertuntur, ita sint. vt verbi gratia, quæ secunda hora diei venerit in monasterium, iuniorem se nouerit esse illa quæ prima hora venerit diei, cuiusque ætatis aut dignitatis sit. Iuenculæ per omnia ab omnibus disciplina teneantur. Iuniores igitur priores suas honorent: priores iuniores suas diligant. In ipsa appellatione nominatim nulli liceat aliam puro nomine appellare: sed priores iuniores suas Sorores nominent: iuniores priores suas Nonnas vocent: quod intelligitur materna reuerentia. Vbicunque autem sibi obuiant sorores, iunior a priore benedictionem petat: transeunte maiore minor surgat, & det ei locum sedendi, nec præsumat iunior confedere, nisi ei præcipiat senior: vt fiat *Rom. 12.* quod scriptum est: *Honore inuicem præuenientes.*

#### CAP. LXVII. De septimanarijs coquinæ.

Sorores sibi inuicem seruiant. In omni ministerio corporali, tam in coquina, vel quicquid quotidianus exegerit vsus, vicibus sibi, excepta Matre seu Præposita, succedere debent. Nulla excusetur a coquinæ officio, nisi aut ægritudine, aut in causa grauis vtilitatis aliqua occupata fuerit, quia exinde maior merces conquiritur. Imbecillis autem procurentur solatia, vt non cum tristitia hoc faciant: sed habeant omnes solatia, secundum modum congregationis, aut positionem loci. Egressura de coquina vasa ministerij munda & sana Cellariaræ consignet. quæ Cellaria iterum intranti consignet, vt sciat quod dat, aut quod recipit. Septimanariæ autem ante vnam horam refectionis accipiant singulos biberes & panem, vt hora refectionis sine murmuratione & graui labore seruiant sororibus suis. In diebus autem solemnibus vsque ad Missas sustineant.

CAP.

CAP. LXVIII. *Si forori impossibilia iniunguntur.*

**S**i forori aliqua forte grauius aut impossibilia iniunguntur, suscipiat quidem iubentis imperium cum omni mansuetudine & obedientia. Et si omnino virium suarum mensuram viderit pondus oneris excedere, impossibilitatis causas ei quæ sibi præest patienter & opportunè suggerat, non superbiendo, aut resistendo, vel contradicendo. Quod si post suggestionem suam in sua sententia prioris imperium perducauerit, sciat iunior ista sibi expedire, & ex caritate confidens de adiutorio Dei obediat.

CAP. LXIX. *Qualis debet esse modus excommunicationis.*

**S**ecundum modum culpæ, & excommunicationis vel disciplinae debet extendi mensura. Qui culparum modus in Abbatissæ pendeat iudicio. Si qua tamen soror in leuioribus culpis inuenitur, a mensæ participatione priuetur. Priuatæ autem a mensæ consortio ista erit ratio, vt in oratorio psalmum aut antiphonam non imponat, neque lectionem recitet, vsque ad satisfactionem: refectionem autem cibi post sororum refectionem sola accipiat; vt si, verbi gratia, sorores reficiunt sexta hora, illa nona: si vero sorores nona, illa vespera, vsque dum satisfactione congrua veniam consequatur.

CAP. LXX. *De grauioribus culpis.*

**S**i qua autem soror grauioris culpæ noxa tenetur, suspendatur a mensa simul & ab oratorio: & nulla ei soror in ullo coniungatur consortio, neque in colloquio. sola sit ad opus sibi iniunctum persistens in poenitentiae luctu: sciens illam terribilem Apostoli sententiam, dicentis: traditum huiusmodi hominem satanae in interitum carnis, vt spiritus

1. Cor. 5.

*saluus sit in diem Domini.* Cibi autem perceptionem sola percipiat, mensura vel hora qua prædixerit Abbatissa ei competere; neque a quaquam benedicatur transeunte, nec cibus qui ei datur.

CAP. LXXI. *De his qua iunguntur sine iussione excommunicatis.*

**S**I qua soror præsumpserit sine iussione Abbatissæ forori excommunicatæ quolibet modo se iungere, aut loqui cum ea, vel mandatum ei dirigere, similem sortiatur excommunicationis vindictam.

CAP. LXXII. *Qualis debet esse sollicitudo circa excommunicatas.*

**O**Mnem sollicitudinem & curam gerat Mater circa delinquentes sorores: quia *non est opus sanis medicus, sed male habentibus.* & ideo ut debet omni modo ut sapiens medicus: immittere quasi occultas consolatrices, id est seniores & sapientiores sorores, quæ quasi secretè consolentur sororem fluctuantem, & prouocent illam ad humilitatem & satisfactionem; & consolentur eam, *ne abundantiore tristitia absorbeatur:* sed sicut ait Apostolus, *consummetur in ea caritas,* & oretur pro ea ab omnibus.

CAP. LXXIII. *De his qua sæpius correctæ non emendauerint.*

**S**I qua soror pro qualibet culpa frequenter correpta, si etiam excommunicata non emendauerit, acrior ei accedat correctio; id est, ut verberum in eam vindicta procedat. Quæ si nec ita correxerit, aut forte quod absit in superbiam elata etiam defendere voluerit opera sua, tunc mater faciens

ciens vt sapiens medicus, si exhibuit fomenta, si vnguenta, adhortationum, si medicamenta scripturarum diuinarum, si ad vltimum vltionem excommunicationis, vel plagas virgarum; etiam si viderit nihil suam præualere industriam, adhibeat etiam quod maius est, suam & omnium sororum orationem pro ea: vt Dominus qui omnia potens est operetur salutem circa infirmam sororem. Quæ si nec isto modo sanata fuerit, tunc iam vtatur ferro abscissionis, vt ait Apostolus: *Auferte malum ex vobisipfis*. Et iterum: *infidelis si discit, discedat*; vt ne vna ovis morbida totum gregem contaminet. Aut tamdiu in cella retrudatur, quousque bona voluntas illius cognoscatur. 1. Cor. 5.  
ibid. 7.

CAP. LXXIII. *Vt non presumat altera aliam defendere.*

**C**aveatur omnino, ne qualibet occasione præsumat altera aliam defendere sororem in monasterio, aut quasi tueri, etiam si qualibet consanguinitatis propinquitate iungantur. nec quolibet modo id a sororibus præsumatur: quia exinde grauissima occasio scandalorum oriri potest. Quod si qua hæc transgressa fuerit, tribus suppositionibus pœniteat.

CAP. LXXV. *De ordine quo psallere debeant.*

**D**e Synaxi, idest, de cursu psalmodiarum & orationum modo canonico iuxta normam Regulæ nostræ quædam in breue sunt distinguenda. Ab octauo Kalend. Octobris crescit cursus vsque ad summum eius viginti quinque choris: quas tota hyeme, quæ a Kalendis Nouembris incipit, & finit in Kalendis Februarij, cantandas in nocturnis vigilijs per noctem Sabbati & Dominicæ patres nostri sanxerunt. Duodecim verò choræ in hyeme omni nocte cantan-

cantandæ sunt, vsque ad octauo Kalendas Aprilis : & post hyemem quindecim choræ in sacris Martyrum vigilijs . Et sicut crescit, ita etiam decrescit quinque choris : quæ in primo sabbato quinque choræ augendæ sunt, vt sint viginti. per alium autem sabbatum vna chora augenda est vsque ad Kalendas Nouembris, vsque totus cursus compleatur, idest, viginti quinque choræ psalmorum : qui per tres menses hyemis numerus complendus est in duabus supradictis noctibus, & post hos decrescit per sabbatum . Primo sabbato quinque choræ, & singula per alterna sabbata : quia longius spatium est ad finem hyemis vsque ad æquinoctium veris, in cursu decrescendo, quam crescendo, ideo per alterna sabbata singulæ decidant choræ, vsque octauo Kalendas Aprilis . Duodecim namque choræ tempore æstatis in sanctarum noctium cursu, idest sabbati & Dominicæ, cantandæ sunt . Octo verò semper reliquis noctibus de æquinoctio in æquinoctium cantandæ sunt, idest, per sex menses . De æquinoctio veris in æquinoctium auctumni, viginti quatuor psalmi canendi sunt . In omni loco & opere silentij regula magnopere custodire censetur, vt omni, quantum valuerit humana fragilitas, quæ ad vitia præcipitare solet cursu oris, mundetur vitio : ædificationemque potius proximorum siue proximarum, pro quibus Saluator noster Iesus Christus sanctum effudit sanguinem, quam dilacerationem absentium in pectore conceptam, & quam ociosa passim verba ore promamus, de quibus iusto sumus retributori rationem reddituri .

CAP. LXXVI. *Quibus horis reficiant sorores .*

**A** Sancto Pascha vsque ad Pentecosten ad sextam reficiant sorores, & ad seram coenant . A Pentecoste autem tota æstate, si labores manuum graues non fuerint, aut nimius feruor æstatis non perturbat, quarta & sexta feria

ria ieiunent vsque ad horam nonam; reliquis diebus ad sextam prandeant : qua mensura prandij in Abbatissæ sic prouidentia & arbitrio , & sic omnia temperet atque disponat , qualiter animæ saluentur, & quod faciunt sorores absque vlla murmuratione faciant . A Kalendis. autem Februarij vsque ad Kalendas Nouembris secunda, quarta, sexta ieiunandum est . a Kalendis autem Nouembris vsque ad Natalem Domini, exceptis festiuitatibus, omnibus diebus ieiunare oportet. A sancta verò Epiphania vsque ad caput Quadragesimæ, quarta & sexta feria ieiunandum est . A Quadragesima verò vsque in sanctum Pascha ad vesperum reficiant . Ipsa autem vespera sic agatur, vt lumine lucernæ non indigeant reficientes, sed luce adhuc diei omnia consummentur .

CAP. LXXVII. *De electione Abbatissæ.*

Qvoties sancta Abbatissa ad Deum migrauerit, nulla ex vobis carnali affectu, aut pro natalibus, aut pro facultatibus, aut pro parentela aliquam minus efficacem fieri velit ; sed omnes inspirante Deo vnanimiter sacram ac spiritalem eligite, quæ & Regulam monasterij possit efficaciter custodire, & superuenientibus responsum cum ædificatione & compunctione, & cum sancto affectu sapienter valeat reddere . Vt omnes homines, qui vos cum grandi fiducia pro suâ ædificatione expetunt, Deum vberius benedicant, & de vestra electione, & de illius quam elegistis conuersatione spiritualiter gratulentur . Illud etiam, quod non credo, nec Deus pro sua misericordia fieri patiatur, si quocumque tempore quælibet Abbatissa de huius Regulæ institutione aliquid immutare aut relaxare tentauerit; vel pro parentela, vel pro qualibet conditione subiectionem vel familiaritatem Pontificis huius ciuitatis habere voluerit, Deo vobis inspirante ex nostro permissio in hac parte

cum

cum reuerentia & grauitate resistite, & hoc fieri nulla ratione permittite. Te verò sanctam ac venerabilem monasterij Matrem, & te Præpositam sacræ congregationis coram Deo & angelis eius admonemus & contestamur, vt nullius vnquam vel minæ, vel oblocutiones, & blandimenta molliant animam vestram, vt aliquid de sanctæ ac spiritualis Regulæ institutione minuatis. Credo tamen de Dei misericordia, quod non pro aliqua negligentia reatum incurrere, sed pro sancta & Deo placita obedientia ad æternam beatitudinem possitis feliciter peruenire.  
Amen.

EXPLICIT REGVLA A DONATO  
COLLECTA.



CVIUS-

CVIVSDAM PATRIS

Regula

AD VIRGINEꝰ



# DE CVIVSDAM PATRIS REGVLA veterum testimonia.




**S. BENEDICTVS** *Aniana Abbas in concordia Regularum singulis  
ferme capitibus REGVLAM CVIVSDAM, vel vt cap. LV. §. 26.  
REGVLAM CVIVSDAM PATRIS laudat.*

**SMARAGDVVS** *Abbas in expositione Regule S. Benedicti capp.  
xxiii. xxviii. & xxix. ex eadem Regula Cuiusdam Patris  
testimonia affert.*

**IOANNES TRITHEMIVS** lib. de propr. Mon. cap. v.  
hanc Regulam ita citat.

*Item in Regula SERVI DEI ad Sorores capitulo xvi scribitur:  
Proprij aliquid in monasterio &c.*



INCI-

## INCIPIUNT CAPITVLA


REGVLAE CVIVSDAM S.

- I. *Abbatissa monasterij qualis esse debeat.*
- II. *Qualis debeat esse Præposita monasterij.*
- III. *De monasterij Portaria.*
- IIII. *Qualis debeat esse Cellararia monasterij.*
- V. *De se inuicem diligendo, vel sibi inuicem obediendo.*
- VI. *De assidue danda confessione.*
- VII. *De non manifestandis sororum confessionibus.*
- VIII. *Qualiter ad signum Dominicum surgendum est.*
- IX. *Qualiter in monasterio silentij regulam vel diurno opere, vel ad mensam debeant custodire: vel ad mensam quomodo sit legendum.*
- X. *De ratione mense qualiter administrandum vel obseruandum sit.*
- XI. *Quibus congruentibus horis hyeme vel æstatis tempore sit reficiendum.*
- XII. *Quomodo cotidianis diebus manibus sit operandum.*
- XIII. *De utensilibus vel supellectilibus.*
- XIIII. *Qualiter in schola debeant dormire.*
- XV. *De cura infirmantium qualis esse debeat.*
- XVI. *De casibus qui per negligentiam aut euentu superueniunt.*
- XVII. *De eo quod nulla monacha in monasterio debet proprium aliquid vindicare.*
- XVIII. *De culparum excommunicatione.*
- XIX. *Qualis debeat esse excommunicatio.*
- XX. *De his quæ per sedulam correptionis curam sæpius correpta emendare nolunt.*
- XXI. *De receptione sororis.*
- XXII. *Qualiter inuicem se humiliant, vel ordines seruient: vel in minutis actibus qualiter sint seruanda præcepta.*
- XXIII. *De non defendenda proxima vel consanguinea in monasterio.*
- XXIV. *De nutriendis infantibus.*

EXPLICIUNT CAPITVLA.

Q 2

INCI-



# INCIPIT REGVLA CVIVSDAM

AD VIRGINES.

## CAP. I. *Abbatissa monasterij qualis esse debeat.*



ABATISSA monasterij non tam genere quam sapientia & sanctitate nobilis esse debet: vt quæ sermonem ad erudiendas animas iusta eruditione lucubrat, proprijs actibus non contradicat. Plus etenim subiugatae prælatorum actuum formam imitantur, quam doctrinæ illatæ aurem accommodant. Debet enim sacris eloquijs operanectere sacra: vt quæ eius imitatur doctrinam ex voce, imitetur cultum ex opere: ne si in aliquo voci opus contradixerit, fructus vocis non obtinere valeat effectum. Sic ergo sit & voce ornata & opere, vt & opus voci, & vox consentiat operi. sit continentiae & castitatis flore compta, & omnium ore laudabilis, omnium desiderijs imitabilis exemplo. Sit caritatis benevolentia ornata, vt omnium fidelium lætificet corda. Erga peregrinorum & hospitem sollicitudinem præsta: erga infirmantium curam sollicita: erga inopum & egenorum iuuamen opulenta. Sic delinquentium ignam corrigat, vt ad cultum religionis lasciuas & fessas mentes reducat. Sic misericorditer bonitatis dona distribuat, quatenus ex nimia bonitate facinorum fomenta non nutriat. Sit ergo bonis bona per meritum, sit malis mala per

per flagellum. quod mediante scientia agendum est, iuxta psalmistæ orationem dicentis : *bonitatem, & disciplinam, & scientiam doce me Domine.* In vtroque etenim Abbatissæ cauendum est, ne aut nimia bonitate in subiectarum cordibus vitia nutriat, aut nimia disciplinæ austeritate ea quæ leni increpatione sananda fuerant, rigida correptione diripiantur. Incautis etenim sic blanda persuasione subueniat, vt eorum saniei antidoti quodammodo mendo curam infundat: sanis vero moribus ea hortando præbeat, vt quæ agere coeperunt, meliorando vsque ad finem perducant. Nihil etenim prodest coepisse, si in opere bono quod coeperant non studeant perseuerare. Habeat ergo tot animos mater, quot habet in suo regimine filias; vt iuxta omnium mores omnium nouerit vitia coercere. Tanta sit in omnes prouidentia, vt nec pietas disciplinæ, neque disciplina pietati locum tollat. Agat omnium curam, vt de omnium profectu mercedis recipiat lucra; vt ex corruptione præsentis vitæ quandoque erepta tantum laboris recipiat præmium, quantis ad vincendum inimicum præsidij præbuit supplementum.

CAP. II. *Qualis debeat esse Præposita monasterij.*

**P**ræposita monasterij non ætate senili, sed moribus constituenda est. Multas etenim prolixitas annorum attollit, sed dedecus torpentis vitæ ad infantia immaturitatem tepescendo reducit. Constituenda ergo est Præposita moribus grauis, sermone solers, ingenio fortis, consideratione vigil, cursu impigra, correptione pia, disciplina moderata, actu casta, moribus sobria, dispensatione æqua, humilitate ornata, patiens, mitis, non turbulenta, non iracunda, non superbia vel arrogantia vitio maculata, non prodiga, non garrula, sed omni actu religionis ornata: quæ sciat languentium moribus subuenire, & tepescentium ignauiam excitare:

citare : super quam Abbatissa requiescat, vt in nullo ab eius præceptis deuiet; sed in omnibus subdita, & in iussis senioris detenta, nihil quod Abbatissæ voluntati sit contrarium aut faciat, aut ordinet faciendum, sed omnia per eius inter-  
*Dent. 32.* rogationem; iuxta illud quod scriptum est: *Interroga patrem tuum, & annuntiabit tibi; maiores tuos, & dicent.* Interrogandum semper est, vt in nullo a seniorum consilio animæ subditæ discrepent; in nullo oues a pastoris voluntate declinent. Spreuit namque seniorum consilia Roboam, iuuenum vsus consilio. Quæ res qualis dispendij fuerit occasio scripturæ veritas attestatur. qui omissa dominatione vndecim tribuum vix cum vna tribu inter tot pressurarum dispendia absque mortis crudelitate reliquum vitæ peregit. Debet namque esse omnium necessitatum tam corporis quam animæ prouida: vt & subsidia præsentis necessitatis porrigat, & corda subditarum ad laudem creatoris intonandum ex sedula admonitione excitando erigat; humiles & propter Christum subiectas honorando in sublime prouehat: sese vero attollentes castigationis flagello ad gradus humilitatis retrahat. Curam in rebus monasterij, seu vasis, seu supellectibus ita habeat intentam, vt in nullo negligentia tenebris reperiatur fuscata: vt dum sacri laboris omnem curam adhibet, ab omnipotente fructum laboris recipiat. Omnibus Sabbatis post horam orationis nonam tam senior quam iuniores Præpositæ lectos omnium fororum visitent, & faciant propter earum negligentias inquirendas, aut si aliquid inueniatur illicite & sine comœatu retentum. Itemque post Completam lectos omnium cum luminaribus visitent, vt omnium expergiscentem sensum vel tepescentem ex oratione agnoscant. Similiter ad omnes cursus nocturnos hoc est faciendum, vt sciant quæ cum feruore, vel quæ cum tepiditate ad cursum assurgunt: & eas quas tarditate vel segnitia culpabiles repperint, prout culpa vel ætas fuerit, aut increpatione aut flagello corripiant.

CAP.

## CAP. III. De monasterij Portaria.

Portaria seu ostiaria monasterij tales esse debent, quæ omnium simul mercedem ædificent, ætate senili, quibus mundus silet; quæ iam ex præsentibus pompis nihil desiderant: sed in toto cordis affectu creatori in hærentes singulæ dicant: *Mihi autem adherere Deo bonum est, ponere in Deo spem meam.* Quid enim ex præsentibus phaleramentis desiderant, quæ perfunctorijs contemptis Christum amare coeperunt: in quem summum bonum contemplatione mentis manere conspexerunt? Sint ergo mentis suæ statu firmissimæ; ut Domino cum propheta orando dicant: *Averte oculos meos, ne videant vanitatem, in via tua vivifica nos.* Tale semper supervenientibus ostendant exemplum, ut & foris ab extraneis nomen Domini glorificetur: iuxta quod Dominus ait: *Sic luceat lux vestra coram omnibus hominibus, ut videant opera vestra bona, & glorificent Patrem vestrum qui in coelis est: & intus a consodalibus suis mercedis præparent lucra, dum omnium vice foris gerunt curam.* Sic cautæ moribus cum virtutum magistra humilitate existant, ut omnis patientiæ blandimenta ex colloquio affabili ostendant. Nunquam singulæ vel binæ sine tertia teste loquantur. Nunquam oculos in sublime attollentes laicos vel clericos intente aspiciant: sed remisso cum humilitate vultu inclinatis oculis necessaria colloquantur. Pauperum, peregrinorum, & hospitum curam inter omnia habentes: quia in his Christus recipitur, sicut ipse ait: *Quacunque his minimis fecistis, mihi fecistis.* Foras aliquid dare, vel cuilibet ministrare, vel a foris aliquid accipere, nullatenus sine comœatu Abbatissæ facere præsumant. Et quodcumque a foris accipiunt ex donis vel eleemosynis aliorum, nullatenus antea ad cellarium portent, quam ante oratorium deferentes omnis simul congregatio pro eo orent, qui hoc exhibuit. Fabulis, quas ad portam vel a secularibus, vel a qui-

Psal. 72.

Psal. 110.

Mat. 5.

Mat. 25.

quibuslibet audierint, nullatenus aurem accommodent: & si nolentes audierint vel intellexerint, nullatenus cōsodalibus suis referant. Si horum aliquid, quæ diximus, transgressæ fuerint, regulari pœnitentia castigentur. Si humili satisfactione patefaciant; prout humilitas confitentis cernitur, ita delinquentis culpa iudicetur. Si verò contumaciæ crimen occurrit, & modum pœnitentiæ augebit. Claues ostiorum vel portæ nullatenus penes se nocte retineant, sed ad Abbatissam nocte deferentes præsentent, & mane post secundam recipiant. Idipsum & Cellarariæ, & pistrices, & cocæ implere studeant; ut ab occasu solis, vel cum fuerit opus necessitatis perfectum, vsque ad secundam Abbatissa claues retineat: nisi necessitas euenerit, ut per commeatum Abbatissæ nocte retineantur, & post secundam denuo tribuantur. A signo vespertino vsque ad secundam impletam nullatenus portarum fores aperiantur: neque ullus a foris introitus patefiat: sed si necessitas talis aduenerit, ut post vesperam sit deliberandum. per fenestram quæ in eadem porta fuerit totum deliberetur. Si talis necessitas hospitum vel peregrinorum aduenerit, ut hora refectionis cum sororibus esse non possint, post cum cocis vel ministris, vel cum reficiendi spatium habuerint, reficiant. Vasa vel reliqua vtenfilia, quæ ad opus hospitum baiulant, ac si sacrata Deo gubernent atque custodiant: ne per ipsarum neglectum ab ipso mercedem non recipiant, cuius res diripiendo non reseruant. Intra septa monasterij vel ostia nullum virorum omnino vel feminarum edere vel bibere permittant: sed omnibus aduenientibus foris in hospitali, prout honor exigit, per Abbatissæ ordinationem ministrent. Intus verò tantummodo quæ sacram Deo vouerunt religionem, & in vnitatem obedientiæ sub vna Regula sunt ligatæ, edere vel bibere censemus. Sic semper ostiariæ agent, ut in omnibus zelum Dei habentes Regulæ tenorem conseruent; ut pro studij sui vel curæ labore incorruptam recipiant mercedem.

CAP.

CAP. III. *Qualis debeat esse Cellararia monasterij.*

**M**onasterij Cellararia sapiens & religiosa ex omni congregatione eligenda est : quæ nec sibi , nec suis voluntatibus , sed toti congregationi æquanimiter & pie placeat dispensando . Nec inde placere studeat, vnde & se in ruinam peccati , & alias per transgressionis noxam consentiendo introducat : idest, nihil extra debitam mensuram pro qualibet familiaritate , pro gratia meriti dispensando distribuat : sciens , quia *iustus Dominus iustitiam a seculo dilexit , aquitatem* *psal. 10.* *vidit vultus eius* . Sit ergo omnibus iusta dispensatione grata : sit moribus matura, sit sobria, non edax, non elata , non turbulenta, non iniuriosa , non tarda vel pigra , sed in omnibus actibus bene composita : quæ congregationi omni , idest , tam senioribus quam etiam iunioribus pro affectu & materno ordine debeat ministrare . Curam de omnibus sibi commissis rebus habeat : nihil tamen sine comœatu Abbatissæ facere præsumat . Sorores tam seniores ætate quam iuniores nullatenus conturbet . & si aliqua sororum ab ea irrationabiliter aliquid poposcerit, leni responsione cum voce humilitatis contra rationem petenti deneget . In infirmitate positis sororibus diligenti cura & promptissimo affectu ministret . Similiter pauperum curam gerat : in omnibus timorem Domini proponens, & sciens se illi exinde rationem reddituram , si non pro eius præceptis implendis hæc omnia faciat, memor semper illius qui dixit : *Qui* *1000. 12.* *mihi ministrat, me sequatur* . Omni ergo operi bono quod facimus , Domini timorem iungamus . Sic in omnibus curam agat , vt in nullo negligentia damna incurrat . Auaritiæ & cupiditatis pestem omnino fugiat . Similiter sicut non avara, sic non sit prodiga : idest , sicut dona omnipotentis Dei sub avaritiæ vitio occultando subtrahere non debet , sic sine iusta dispensatione nimis scœnerando communem substantiam non debet diripere ; sed omnia per discretionem

R

tempe-



temperando pensare. Et si non habeat quod ab ea quæritur, quod tribuat, sermone leni sine vlla asperitate in responsione procedat; vt dulcedo cordis & vocis responsione patefiat: iuxta quod scriptum est: *Fauus mellis sermones boni*. Et illud: *Sermo bonus super datum bonum*. Ita sibi commissum opus ad mercedem nouerit pertinere, si omnia cum humilitate & pietate studuerit facere. Et quamuis quod petitur non sit vnde tribuatur, nullatenus respondeat se non habere; sed dicat fideli voce, *Dominus dabit*. Ea vero quæ danda sunt, sine mora tribuantur; ne scandali occasio, aut offensionis casus ex ipsa tarditate generetur; memor semper præceptorum Domini, qui neminem suorum patitur scandalizari.

CAP. V. *De se inuicem diligendo, vel sibi inuicem obediendo.*

**D**iligere se adinuicem in Christo monachæ in monasterio quanta cura debeant, per Euangelium Ioannis Dominus demonstrat, cum dicit: *Hoc est præceptum meum, vt diligatis inuicem. Maiorem dilectionem nemo habet, quam vt animam suam ponat quis pro amicis suis*. Et illud: *In hoc cognoscent omnes, quia mei discipuli estis, si inuicem diligatis*. Diligere ergo præcipimur adinuicem, vt inuicem saluemur: vt per mutuam dilectionem eum imitemur, qui nos dilexit, iuxta Apocalypsin, *& lauit nos a peccatis nostris in sanguine suo*. Sic ergo soror sororem propter Christum diligit, vt Christum a se per temporalem dilectionem non repellat. Quia vera & secundum Christum dilectio est, proximæ malum non operari. Diligatur ergo proxima non carnis affectu, sed pietatis ministerio: diligatur puritate, diligatur religione, diligatur mansuetudine, diligatur caritate: vt in omni semper amore Christus inueniatur; & non secundum seculum, sed secundum Deum maneat amor. Sic enim a Domino præcipitur: *Diliges proximum tuum sicut & te ipsum*. Si  
soror

foror sororem diligit sicut semetipsam, nunquam peccati maculam incurreret, sed cultu pietatis ac dilectionis ornata æterna præmia accipiet. Maneat ergo semper in corde dilectio, vt antiqui hostis liuoris virus extinguat; per quem in primordio protoplasto decepto mortis patefecit introitum, sicut scriptum est: *Inuidia autem diaboli mors introiuit in orbem terrarum.* Diligatur proxima, ne odij macula cruenta homicidij crimen incurrat, sicut Ioannes Apostolus testatus est dicens: *Qui odit fratrem suum homicida est.* Diligatur proxima, ne per aliqua discordiæ fomenta retenta proprii facinoris vinculo non soluatur: sicut Dominus in Euangelio testatus est, dicens: *Si non dimiseritis hominibus peccata eorum, nec pater vester coelestis dimittet vobis peccata vestra.* Remittamus proximis, vt ab omnipotente remittatur nobis. *Date, inquit, & dabitur vobis.* O quam iusta commutatio! ò quam pia miseratio, dando accepisse, accipiendo donasce! Nulla iurgiorum incrementa, nullaue nutrimenta retineantur. Sic & Apostolus hortatur dicens: *Estote inuicem benigni, misericordes, donantes inuicem, sicut & Deus in Christo donauit vobis.* Nihil aliud dare præcipimur, nisi quod nobis dari petimus. Sic & orando dicimus: *Dimitte nobis debita nostra, sicut & nos dimittimus debitoribus nostris.* Debitoribus dimittendo nos relaxamur a debito. Soluamus ergo per dilectionem & amorem proximos, vt nos à nostris criminibus pietate & misericordia soluat Deus. Amen.

#### CAP. VI. De assidue danda confessione.

Confessio quam crebra & sagaci cura danda sit, multorum Patrum iuxta scripturarum seriem traditio demonstrauit. Danda ergo confessio semper est, vt veterescentem mentis statum, & peccatorum tenebris cotidianis illecebris fuscum, rudem semper custodiat: sicut scriptura docuit dicens: *Omni custodia serua cor tuum: quia ex ipso vita*

R 2 proce-

procedit. Sic quippe beatus Dauid orando Domino dicebat :

*Psal. 31.* *Delictum cognitum tibi feci, & iniustitias meas non operui : Dixi, confitebor aduersum me iniustitiam meam, & tu remisisti impietatem peccati mei.* Quantum valet pura & non tarda confessio, vt sic secura eam subsequatur impetratio ! Confessus se aduersum, vt facinorum molem pelleret ; de se ingemuit confitendo, glorificauit remissionem recipiendo : dolendo patefecit crimen, dando redintegrauit spem. Non enim præcessit spei fiduciam, quia meminerat se olim per Spiritum

*Psal. 129.* sanctum a Domino illuminatum dixisse : *Quia apud te est propitiatio, & propter legem tuam sustinui te Domine.* Et iterum : *quia apud Dominum misericordia est, & copiosa apud eum redemptio.* Apud quem misericordiam perennem agnoscit, apud eum copiosam & redemptionem. Quæramus ergo ibi misericordiam, vbi redemptionem manere iam nouimus copiosam. Crescat dolor post ruinam, vt culpæ inueniatur medicina. Confitemini inuicem delicta, vt nostra nobis omnipotens dimittat peccata. Sic nos scriptura dicendo hortatur :

*Iac. 5.* *Confitemini alterutrum peccata vestra, & orate pro inuicem.* Quanta clementis iudicis pietas erga nos diffusa dignoscitur, vt quod actibus ærumnolis facinus contractum fuit, mutua prece soluatur ! Detur ergo mutux orationis solatium ; vt inuicem orando capiatur præsidium. Magis etenim copia fructuum habetur, quando ex reuelatione delictorum salus

*Psal 36.* acquiritur. *Reuela, inquit psalmista, Domino viam tuam, & ipse te enutriet.* Si reuelando peccata nutritur anima, quotidiano ergo studio per confessionem reuelentur, vt quotidiana medicina vulnera sanentur. Sed quibus horis congruentibus quotidiana delicta sunt abluenda, a nobis inferendum est. Quicquid post completorium per opacæ noctis spatia mens vel caro per facilitatem deliquerit, post secundam per confessionem curandum est expiari. Quicquid vero diurno actu, vel visu, auditu, cogitatu, tepescendo deliquit, nonæ horæ expleto cursu vt purgetur censendum est.

est. Post vero quicquid ab hora nona mens maculæ attraxerit, ante completam confitendum est. Illud tamen Abbatissa studere debet, vt post secundam scholam ingrediens peracta oratione nullam foras egredi permittat, nisi prius detur confessio. Similiter & post nonam, vel ante completorium faciendum est. Hæ verò sorores, quæ pro grauibz culpis in poenitentia detinentur, in Ecclesia cum cæteris quæ communicant non stent; sed in alia Ecclesia secrete cursum cantent: & expleto cursu egredientes ante fores Ecclesiæ, in qua communicantes cursum explent, stare præcipiantur: & egrediente congregatione supra humum prostratæ rogent pro se Dominum exorari, vt grauiam commissam contritione deleantur cordis; meminentes illud: *Cor contritum & humiliatum Deus non spernit.* Et, in humilitate nostra, *memor fuit nostri Dominus.* In oratione posita semper poenitens dicat: *Auerte faciem tuam a peccatis meis, & omnes iniquitates meas dele.* vt ira arguentis iudicis, & in proximo vindictam reddentis, per piæ mentis affectum hac humili oratione sedetur. Psal. 50.  
Psal. 135.  
Psal. 50.

CAP. VII. *De non manifestandis sororum confessionibus.*

**A**bbatissa vel Præposita, vel quælibet seniorum sororum, cui ab Abbatissa fuerit commissum vt confessiones recipiat, crimina minora vel maxima nullatenus manifestent, nisi solo iusto iudici, qui omnium confitentium crimina lauat. Illa enim quæ confessa est sua vulnera verecunde, non ad opprobrium recipiendum, sed ad salutem redintegrandam confessa est, iustum habens testem Deum, a quo & mederi expectat. Ea verò senior quæ recipit, cum grauitate & moderatione penes se occultando honestissimè teneat, ne dum alterius vulnere medicinam infundit, suæ mentis corrumpat nitorem. Nulla tamen monacharum vel confessionem recipere, vel poenitentiam dare sine ordinatione

tione Abbatiſſæ præſumat; ne vitium commiſſum Abbatiffæ celetur, ſed omnia per eius notitiam agantur. Si vero inuenta fuerit, quæ hoc propoſitum Regulæ violare conetur, graui poenitentiaſ ſententia corripiatur; quia delicti fomitem Abbatiſſæ voluit occultare.

CAP. VIII. *Qualiter ad ſignum Dominicum ſurgendum eſt.*

Quandocunq; vel diurnis vel nocturnis horis ad opus diuinum ſignum inſonuerit, mox cū ſumma feſtinatione ſurgendum eſt, acſi præco regis inſonet, omni opere quod in manibus habebatur poſtpoſito; vt nihil operi Dei præponatur: ſed mens ad ſonitum præconis intenta, & operi Dei innixa, cum omni grauitate & manſuetudine ad intonandam gloriam maieltatis eius, & pietati eius gratias referendas feſtina currat. Et ſi moroſe & ſegniter veniet poſt primi pſalmi qui in curſu canitur finem, nouerit ſe à ſuo ordine dum curſus expletur reuocari, & in loco vltimo poſitam, id eſt, in eo loco qui talibus negligentibus fuerit deputatus, aſtare, & ibi cum verecundiaſ metu expectare, & poſt expletum curſum proluxa venia ante coetum ſorum egredientium ſatisfacere. Nam foris omnino non ſegregentur, ne a ſomno detentæ dormiant, aut in aliquo maligno hoſti adeundi detur occaſio. Intus etenim poſita nec totum perdit quod coeperat, & verecundiaſ ac metu frangitur, dum ab omnibus videtur. Et quando cæteræ expleto officio foras egrediuntur, illa in Eccleſia pro ipſa tarditate poſita duodecim pſalmos ſuper curſus ſeriem cantet. Si verò ex toto curſum ſuum perdiderit, præcipue nocturnis horis, in quibus nullum aliud opus impendit, ſuppoſitione damnetur. Horas verò ad curſum procurare iuxta diſpenſationem Abbatiſſæ debet, cuiſcunq; ordinatum fuerit; ideſt, quæ mente ſolicita & impigra fuerit ad hoc opus idonea inuenta, vt opus Dei non tardetur. Si verò qualibet occa-

occasione a iusto ordine deuiatum fuerit, vt non secundum suum ordinem horæ custodiantur, suppositione damnetur.

CAP. IX. *Qualiter in monasterio silentij regulam vel diurno opere, vel ad mensam debeant custodire: vel ad mensam quomodo sit legendum.*

**R**egulam silentij omni tempore seruandam sanctarum scripturarum series declarauit, dum per Prophetam dicitur: *Cultus iustitie silentium & pax.* Tacendum namque Isa. 32. est ab otiosis & friuolis, & scurrilibus, & prauis & malitiosis fabulis; de quibus Propheta orabat dicens: *Pone Domine* Psal. 140. *custodiam ori meo, & ostium circumstantie labijs meis. Non declines cor meum in verba mala.* Cessandum quippe est a fabulis superfluis, ne damnationis per ineffrænatae mentis ignauiam anima fructum capiat: quia non solum de scurrili & iniurioso sermone, sed etiam de otioso, iuxta Domini præceptum, rationem sumus reddituri. Quid aliud debeat monacha studere, quam soli Deo, in quo semel desiderium fixit, & oris sermone & animæ desiderio vacare? Omnibus ergo horis diurnis, præterquam ad mensam, ab hora secunda vsq; ad completam quicquid vtilitas sacræ Regulæ poposcerit, per Abbatisæ commeatum loquendum est. Ab hora verò completionis, cum oratio ad somnum capiendum datur, nulla omnino loqui præsumat, nisi grandis necessitas monasterij poposcerit. Cui ab Abbatisa fuerit ordinatum, loqui studeat, vel etiam a Præposita, quæ curam aliarum portat. Ad mensam verò nulla penitus præter Abbatisam, vel cui Abbatisa præceperit, pro communi necessitate fororum loqui præsumat: sed omnes intento animo gratias redentes creatori in cordibus suis cibi ac potus solidæ mensuræ largitione fruantur. Portaria verò quæ pro necessarijs causis alloquium expetierit Abbatisæ, loqui permittatur:

tatur : quia forsitan talis superuenerit necessitas , quæ moram habere non debeat . Ante mensam vero semper Capitulum regulæ vnum aut amplius , si Abbatissæ placuerit , legatur : vt cum cibus carnem reficit , lectio animam satiet . Hæc omnia cum grauitate animi & moderatione leni fiant , quatenus in his omnibus Dominus delectetur . Festis vero Domini diebus , id est , Natiuitate Domini , vel Paschæ solemnitate , ac Theophania , vel Pentecostes , vel si qua sunt alia Domini vel sanctorum Martyrum præcipua sacra celebranda , si ex permissio Abbatissæ fuerit , ad mensam loqui non negamus : sic tamen , vt pressa non dissoluta voce loquantur : ne garrula voce in sonum prorumpentes , magis desidia quam lætitia iudicetur . Et ipsa confabulatio talis sit ex colloquio scripturarum , quæ animæ lucrum faciat , non damnum . Silentium vero in poenitentia accipientes omnimodis studeant custodire , vt de vera mortificatione mereantur fructum recipere . Duæ vero , in quocunque loco fuerint positæ , nullatenus sine tertia teste loqui præsumant : sed tres semper positæ necessaria colloquantur .

CAP. X. *De ratione mensæ qualiter administrandum vel obseruandum sit.*

**M**ensæ administratio vel obseruatio quanta æqualitate vel sobrietate percurrere debeat , Abbatissæ scientia est trutinandum : vt in omnibus , sicut decet Dei ministras , religionis vigeat fomes . Ministrandum namque est omnibus æquali libratione tam potus quam cibus , prout tempus , siue solemnitates , siue abstinentiæ , siue quotidiani vsus poposcerint . Quotidianis etenim diebus sufficere decernimus duo fercula , exceptis pomorum donis , de leguminibus vel de oleribus conferta , seu farinæ qualibet conspersione . Omnibus etenim æqua mensura ministrandum ; præter si ætas infirmior , quæ sustinere non valeat , aut ægritudo corporis,

poris, aut nouellæ conuersionis nouitas improbata sufferre non queat, quod Abbatissæ iudicio pensandum est. Potus vero si siceræ liquoris, id est, ceruissæ mensura solita tribuatur: si voluntas Abbatissæ fuerit, si labor, vel festus dies, vel hospitis aduentus pia precatio exagitauerit, vini potio augenda est. Et si duabus vicibus reficiendum sit, præter vini potionem similis regula seruetur. Festis verò diebus, pro reuerentia sacræ solemnitatis, pluribus cibis, id est, ternis vel quaternis ferculis sunt corpora reficienda: sic tamen, vt si plura sunt cibaria numero, sint minora; vt corpora necessario cibo reficiantur, non nimia saturitate damnentur. Sedentes verò ad mensam sororès nulla alteram comedentem sublimatione oculorum respiciat, nec alterius mensuram cibi vel potus iniqua consideratione intueatur. Quando in mensam cibus administratur, nulla prius cibum comedat, quam signum ad benedicendum insonet. Abbatissa verò vigilet, vt confestim cum cibus ministratus fuerit, signum tangere procuret; & omnes cum signum audierint, vna voce benedictionem rogent. quarum vocem Abbatissa subsequatur dicens: *Dominus dignetur benedicere*. Hoc ad omnia fercula, vel pomorum ac potus administracionem obseruandum est. Illud præcipue decernimus, vt nulla alteri dare ex mensura sua, vel accipere ab altera præsumat, præter Abbatissam, vel Præpositam, cui ab Abbatissa commissum est. Si verò aut nouitate, aut temeritate aliqua hæc, quæ supra diximus, fuerit transgressa, disciplina Regulæ corrigatur pro præsumptæ temeritatis audacia.

CAP. XI. *Quibus congruentibus horis hyeme, vel æstatis tempore sit reficiendum.*

**A**D aduentu sacratissimæ solemnitatis, id est, ab introitu sancti Paschæ, quo immaculati agni resurrectio celebratur, vsque ad sacratam solemnitatem Pentecostes, qua

S

Aposto-



Apostolis Spiritus sanctus fuit diffusus, idest, quinquaginta dierum spatio, ad sextam horam est reficiendum: similiter & vesperi erit coenandum. Quia sacri temporis ratio exigit, ut nullus nec in Ecclesia positus tristitiam demonstret. A Pentecoste verò, si grauis labor non exigit, aut hospitum non cogat aduentus, vsque ad Quadragesimæ inchoationem, ad nonam, id est, semel reficient; exceptis magnarum solemnitatum euentibus, aut si labor grandis exegerit, ut duabus reficiant vicibus. Ab inchoatione quadragesimæ vsque ad sacratissimam solemnitatem Paschæ, exceptis Dominicis diebus, ad vesperum reficiendum est; ut ante noctis inchoationem cum statione lucis refectionis impleatur hora. Quando verò administrandum est, singulæ ex singulis mensis affurgant, & sic ad coquinæ fenestram cum sobrietate venient, ut nullum strepitum pedum, vel vasorum, vel cuiuslibet soni excitent. & primum ad seniorum mensam simul omnes ministrent, sic deum ad suam mensam qua federint deferant fercula. Præposita mensæ gubernet, quomodo ex ipsa mensa mutuatum vicibus, vel ætate iuniores si fuerint, debeant ministrare.

CAP. XII. *Quomodo quotidianis diebus manibus sit operandum.*

**O**perandum namque est omni tempore præter dies festos: ut habeatur vel propriæ necessitatis vsus, vel egenis unde detur suffragium. Sic tamen operi manuum insistendum est, ut lectionis fructus non omittatur, sed statuto tempore operi detur intentio, ac deinceps lectioni diuinæ vacetur. Operatio manuum ab hora secunda sumat exordium, & in horam nonam finem accipiat: ab hora verò nona lectio vsitetur. & si aliquando proprium aliquod opus faciendum aut vestimenti consuendi vel lauandi, aut quodlibet aliud opus, per Abbatissæ vel Præpositæ commeatum faciet.

Et

Et si fortè opus fortius superuenerit, vt maturius arripiant operari, vel propter feruentem æstum, hoc Abbatiſſæ arbitrio considerandum est, vt secundum quod tempus exigit, aut fortioris laboris pondus, vel ad sextam, vt iuste iudicauerit, ab opere sit quiescendum, & post quietem vel refectiōem vsque ad vesp̄erum sit operandum. Illud inter omnia vel Abbatiſſa si præsens fuerit coerceat, aut Præposita quæ eius vice relinquitur, vt nullam penitus monacham fabulis otiosis præter necessariam interrogationem vacare permittat; sed in ipso opere manuum operis Dei recordatio teneatur: id est, vt dum exterius per tēporalem oportunitatem manus operibus occupantur, interius mens cum linguæ meditatione psalmorum ac scripturarum recordatione dulcescat. Ac si violatrix huius Regulæ fabulatione delectetur, silentij poena castigetur. Focos verò in schola poenitentes, si fuerint, binæ & binæ per hebdomadas facient. Similiter ad caput sororum lauandum per singula sabbata, vel balnearum vsus per festas solemnitates præparent, aut si sunt alia extrema facienda, poenitentes facient: vt dum mente humili & contrito corde hæc propter timorem Domini faciunt, ab omnipotentis Dei misericordia celerius a suis delictis lauentur. Quando ad opera eundem est, istud capitulum psallatur: *Sit splendor Domini Dei nostri super nos,* psal. 89.  
*& opera manuum nostrarum dirige super nos; & opus manuum nostrarum dirige.* Quando verò finitur opus, istud dicatur capitulum: *Benedicat nos Deus Deus noster, & benedicat nos Deus,* psal. 66.  
*& metuant eum omnes fines terra.* Pistrices verò alternatim per vices opus commune faciant: sic tamen, vt minus tribus non sint propter loquendi necessitatem. Et si necesse fuerit vt ibidem maneant, minus quatuor non sint, & vna ex eis senior sit Præposita, cuius religioni credatur, quæ & loquendi licentiam habeat. Et panem quem faciunt per vices senior quæ ex eis est Cellarariæ repræsentet; vt omni custodia tutæ in nullo reprehensibiles reperiantur. Similiter &

quæ in braciatorium ad ceruiciam faciendam inhabitaue-  
rint, vna ex eis senior sit Præposita, quæ secundum regu-  
lam pistricis omnia custodiat. Cocæ verò per hebdomadas  
cocinent; vt in vnaquaque hebdomada tres vel amplius, si  
neceſſe fuerit, ad coquinandum deputentur; ne impositus  
ſine diſcretione labor, vnde mercedem mercari debuit, inde  
murmurij fructum reportet. Ingredientes autem pro ſe  
orari rogent omnem cœtum ſororum, orantes in oratio-  
ne dicant: *Adiutorium noſtrum in nomine Domini, qui fecit calum*  
*Psalm. 123.* *& terram. & Adiuua nos Deus ſalutaris noſter.* Exeuntes verò  
*Psalm. 78.* lauent omnium ſororum pedes: & omnia vaſa quæ ad ne-  
ceſſarium uſum habuerunt, lauata Præpoſitæ repræſentent.  
Similiter pro ſe orari rogent, & hunc verſum in oratione  
*Psalm. 83.* dicant: *Quoniam tu Domine adiuuiſti me, & conſolatus es me.*  
Propter ſingulas negligentias tam cocæ quam cellarariæ vi-  
ginti quinque palmarum percuſſionibus quotidianis die-  
bus emendentur, ne minimas parui pendentes culpas in ma-  
ioribus procliuioreſ reperiantur.

### CAP. XIII. De vtenſilibus vel ſupelleſtibus.

Vtenſilia monaſterij, & quæcunq; ſunt ad commune opus  
neceſſaria, Abbatiffæ cura diſponantur. Et tales in con-  
gregatione quærantur, quarum & ſolicitudo animi viget, &  
conſcientiæ firmitas ſit probata; & iſtis cura committatur,  
vt quæ cuique neceſſaria fuerint oportunitate exigente tri-  
buantur. Et ſic ipſa vtenſilia, ſeu quæcunque eis ab Abba-  
tiſſa commiſſa fuerint, cum ſollicito timoris ſtudio guber-  
nentur, vt mercedem commiſſæ curæ recipiant, & non iu-  
diciũ damnationis incurrant, antepoſuentes illud mentis  
oculis: *Maledictus qui facit opus Dei*  
*Jerem. 48.* *negligenter.*

CAP.

CAP. XIII. *Qualiter in schola debeant dormire.*

**C**um semper religiosæ & Deo dicatæ animæ, tam diurnis quam nocturnis horis paratam Deo mentem præparant, ut quamvis sopore membra torpescant, anima vigore creatoris intenta præconijs peruigil maneat, iuxta illud: *Ego enim dormio, & cor meum vigilat*: tamen solerti custodia, CAP. 5. specialiter intuendum, ne per negligentiam maternæ solitudinis subiecta membra damna capiant imbecillitatis. Proinde ergo decernimus, ut binæ & binæ, præter infirmas & seniores, in lectulis dormiant. sic tamen, ut ad inuicem non loquantur, neque se ad inuicem, idest, facie ad faciem, respiciant; sed vna post aliam quiescens dormiat, ne antiquus hostis, qui ore libenti animas vulnerare cupit, aliquid fraudis iaculando immittat, ut colloquendo mortalia excitet desideria. Sic tamen fiat, ut vna ex illis semper senior sit, de cuius religione non dubitetur. Iuenculas vero nullatenus simul quiescere censemus, ne in aliquo carnis aduersitate æstu delicto rapiantur. Omnes enim, si fieri potest, vna domus ad dormiendum capiat, præter si infirmitas aut senilis ætas poposcerit, aut culpa damnauerit, aut nouitas probata non fuerit, ut in cella separentur. Omnes vestitæ & cinctæ dormiant. In schola qua dormitur per totam noctem lucerna ardeat. Ad cursum verò cum festinatione surgentes, signum Crucis fronti inferatur: simulque sub silentio dicatur: *Deus in adiutorium meum intende, Domine ad adiuuandum me festina.*

CAP. XV. *De cura infirmantium qualis esse debeat.*

**H**arum cura quæ infirmitatibus detinentur qualis esse debet, proprietates auctoris declarat, cum dicit: *Quacunque vultis ut vobis faciant homines, & vos facite eis similiter.* MATT. 7. Licet hoc in omnibus sit agendum, præcipue tamen in infirmantium

Mat. 25.

tium cura hæc præceptio est exhibenda : quia Dominus dixit : *Infirmus fui, & venistis ad me*. Ita ergo cura infirmis querenda est, ac si præfenti Christo ministrare putetur. Reuera etenim quæcunque pro Christo infirmis curam impendit, Christo in infirmis ministrat. Sit tamen Abbatisæ curæ, vt separatim cellam habeant cum omnibus oportunitatibus, vt nullum exteriorem laborem sentiat, quæ in infirma carne poenam portat. Et si tempus poposcerit, sicut tempus quadragesimæ, vt ceteræ vitam immutent, infirmis semper cedendum est : vt tam potus quam cibaria vberius ministrentur. Balnearum vsus, vel cura medendi summo adhibeatur studio. Sanis verò, præcipue verò iuueniculis, tardius concedatur. Abbatisa talem curam de infirmis habeat, qualem se recipere a Domino sperat : vt nec a Cellaria, nec a ministra aliquam negligentiam infirmæ sentiant. Decrepita verò ætate fessis talis sit cura, quatenus nulla in eis negligentia, sed iuxta arbitrium Abbatisæ, prout cuicunque necessarium esse viderit, consideratione pia earum imbecillitati concedatur. Non enim hæc possunt Regulæ tenori subiacere, sed potius pietatis in eas impendendus est affectus.

CAP. XVI. *De casibus qui per negligentiam aut euentu superueniunt.*

**N**egligentiæ culpa, qua per multos casus in multis delinquitur, Abbatisæ iudicio pensanda est. idest, in refectorio, in coquina, in dormitorio, vel in qualibet utilitate aut fregerit, aut perdidit, aut negligenter dimiserit, omnia secundum suum modulum sunt pensanda, & iuxta ætatem vel teneram, vel senilem, vel viridem sunt corrigenda. Quia si in minimis negligentiae vitium non corrigitur, mens vitiata in minoribus culpis, in maiora dilabitur delicta. Si soror, quæ in his casibus dilapsa, statim Abbatisæ  
vel

vel Præpositæ puram dederit confessionem ; & compertum fuerit non suæ voluntatis fuisse, quod casu accidit ; hoc tantummodo sufficiat , vt hoc quod deliquit & perpetravit , si possibile fuerit, non deneget, & emendet cum veniæ satisfactione . Si verò non sua confessione, sed alterius proditiōe cognitum fuerit , prout culpæ magnitudo poposcerit, pœnitentiæ subiacebit ; quia culpam per puram confessionem non manifestavit . Si verò ex maioribus culpis, quod ad animæ maiorem pertinet damnationem, aliquam commiserit , hoc secretius per puram confessionem volens suæ manifestet Abbatisæ : ne dum tempore animi culpam detegere verecundat , cum reatu culpæ faciem diaboli interius recondat .

CAP. XVII. *De eo quod nulla monacha in monasterio debeat proprium aliquid vindicare .*

**P**roprij aliquid in monasterio nihil habendum : sed potius propter nomen Domini omnia contemnenda . Quid enim proprium aliquid suum fidelis anima de rebus mundi vindicet , cui mundus crucifixus est , & ipsa mundo ? Quæ semel mundo mortua , cur per aliquam temporalium rerum cupiditatem , vel desiderium ærumnosum denuo incipiet viuere mundo , quæ contempto mundo coeperat iam viuere Deo ? Amputandum ergo est hoc vitium radicitus ab omni monacha , vt nullam rem vel in vestimentis , seu in calceamentis, vel in quibuslibet rebus sibi vindicet, vel suum esse dicat, nisi quantum ex Abbatisæ iussione penes se præcipitur retinere , ac si custos alterius , non propriæ rei domina . Et ea quæ sibi ab Abbatisa fuerint commendata , id est, ad necessitatem præsentem , aut in vestimento , aut in qualibet re , nihil exinde aut dare aut commodare cuiquam præsumat ; nisi tantum ab Abbatisa illi fuerit ordinatum . Quid enim de rebus mundi alteri sorori conferat , quæ suas in omnibus voluntates propter Christum in Abbatisæ tradidit

Ab. 4.

didit potestatem? Omnia ergo quæ in monasterio habentur sint omnibus communia: iuxta quod in actibus Apostolorum legimus: *Et erant, inquit, eis omnia communia*. Sic tamen communia sunt habenda, ut nulla aut dare aut accipere, nisi Abbatissa ordinante, præsumat: ne cupiditatis aut temeritatis malum incurrens in laqueum, Iudæ proditoris consortio numeretur, qui solus in numero Apostolorum oculos habuisse refertur, ubi commutantium ac vendentium commercia ponebantur. Quod si huic vitio aliqua sororum delectari fuerit deprehensa, & post primam, secundam vel tertiam correctionem emendare noluerit, disciplinæ regulari subiacebit.

CAP. XVIII. *De culpæ excommunicatione.*

Mat. 18.

**S**I qua verò soror instigante diabolo contumax, vel superba, seu inobediens, vel murmurans apparuerit; vel etiam in quocunque casu lapsa seniorum præcepta vel sanctæ Regulæ normam violare tentauerit; hæc secundum præceptum Domini, secreto à senioribus semel vel bis corripiatur. Si emendare noluerit, tunc simul ab omni congregatione obiurgetur. Et si sic emendare noluerit, tunc prout culpæ magnitudo poposcerit, secundum Regulam iudicetur: id est, aut excommunicationi subiaceat, si eius antea intellectus viguit: aut si obstinata & duræ mentis tenacitas culpæ & improbatæ perseveret, tunc corporali disciplinæ subiacebit.

CAP. XVIII. *Qualis debeat esse excommunicatio.*

**E**xcommunicationis mensura qualis esse debeat, iustum scientibus librare iudicium culpæ modus ostendit. Leuioribus enim culpis leuior est adhibenda correctio; grauioribus verò feruentior est adhibenda damnatio. Proinde Abba-

Abbatissæ studio est pensandum, ut si aliqua soror in leuioribus inueniatur obnoxia culpis, usque ad indictam sibi horam mensa priuetur. De grauioribus vero seu dierum vel hebdomadarum vel mensium definitio in longius protracta correctione finiatur: ea tamen regula, ut si amplius quam septem dierum spatium excommunicationis percurrerit, quamdiu poenitentiae sub statuto tempore ordo retentus fuerit, sicut a mensa loco suo priuetur, ita & in Ecclesia segregetur; ut in loco in quo ante fuit, nec psalmum cantet, nec vllum ordinem teneat, usque dum satisfactione humili cum cordis contritione ab Abbatisa vel a senioribus veniam mereatur. Excommunicata vero soror, quæ culpis grauioribus existentibus aut cellula recluditur, aut a consortio congregationis separatur, a nullo penitus colloquia aut visitationis munus fruatur, nisi tantummodo cui præceptum ab Abbatisa fuerit. Si qua transgressa hanc regulam fuerit regulari poenitentiae subiacebit.

CAP. XX. *De his quæ per sedulam correctionis curam sæpius correctæ emendare noluerunt.*

**S**oror si sæpius correpta emendare noluerit, excommunicatione pro modo culpæ corrigatur. Si nec sic aliquid proficiat increpantis correctio, tunc verberum vindictæ subiacebit. Quod si sic emendare noluerit, sed magis in tumorem superbiæ elata, opera vel actus, de quibus corrigitur, defenderit, tunc Abbatissæ scientiæ regimine corrigatur: quia scriptum est: *Qui abiicit disciplinam, infelix est.* Moderante sap. 3. ergo scientia saniei medendi cura adhibeatur. Si letale vulnus per fomenta castigationum, & pietatis ac lenitatis vnguenta sospitati non redditur, saltem incisionibus amputetur. Et si sic sanies defecta tumorem non amiserit, tunc excommunicationis sententiam, vel disciplinæ corporalis poenam incurrat. Et si nec excommunicationis metu, nec flagelli

T



gelli pœna frangitur, augeatur adhuc pietatis fomes; ita vt ab omni congregatione pro ea communis Dominus orationum officio deprecetur: vt quæ laqueo diaboli irretita tenetur, Domini misericordia ac pietate curetur. Quod si nec sic corrigi voluerit, intra septa monasterij sub pœnitentiæ tenore ab omnibus, præter custodibus, segregata, tam diu castigetur diuersis correctionibus, vsque dum eius humilitas omnibus vera credulitate patefiat: quoniam & inuitis sæpe salus præstatur. Nam ideo separanda est a congregatione, vt suo vitio non maculet innocentes. Tenuerò ætas, quæ excommunicata vim nescit, non excommunicatione, sed flagello corrigenda est.

CAP. XXI. *De receptione sororis.*

**S** in vilo tempore, quod absit a Christiana religione, soror a septis monasterij discesserit, & foras fugiens postea recordata pristinæ religionis, & æterni iudicij percussa timore reuersa fuerit; prius omnem monasterio emendationem polliceatur: postea si probabilis eius pœnitentia agnoscatur, tunc demum intra septa monasterij recipiatur. Et si bis aut tertio hoc fecerit, simili pietate foueatur; sic tamen vt in extremo loco inter pœnitentes recepta tam diu examinetur, vsque dum probabilis eius vita inueniatur. Si verò post tertiam receptionem fugæ culpa maculata fuerit, sciat omnem reuersionis aditum esse in postmodum dene-gandum.

CAP. XXII. *Qualiter inuicem se humilient, vel ordines seruent: vel in minutis actibus qualiter sint seruanda precepta.*

**Q**uanto se affectu, vel caritatis ministerio in monasterio animæ positæ debeant diligere, sanctorum Patrum instituta sanxerunt: sed in quibus sit actibus vel officijs demon-

monstrandum, a nobis pro parte indicandum est. Habet denique latissimum virtutum copia ambitum, quo circumsepta facile hostem sibi superet aduersantem. Sunt etenim nonnulla, quæ in actu videntur exigua, & tamen vel custodita vel neglecta, aut tepescente, aut feruente animi motu demonstrantur: vt est humiliatio capitis, vel sermorum affabilis saluatio; quæ aut rigide mentis vel concordæ, aut si certe piæ, purissimum patefacient affectum. Seruandum ergo est famulis vel famulabus Christi, vt semper intra mentis statum ea nutrant, quæ a vera humilitate & caritate non discedant: in quibus summa constat virtutum. Nam sicut nunquam sine vera humilitate vera manet caritas; ita nunquam absque vera caritate vera manet humilitas. Arripiamus ergo instruere fundamentum, vt ad culmen perueniamus virtutum. Sic prius humilitas monstranda tam actu quam affectu, vt post caritatis copia ædificetur. Et quando sibi mutuatim in via vel in quocunque loco occurrerint, cum omni humilitate abinuicem flectentes benedictionem rogent. Et si ex eis vna senior fuerit, prius iunior benedictionem postulet; tunc demum senior prosequatur. In cursu verò positæ, prout ab Abbatissâ fuerint ordinatæ, vel ad psalmum canendum, vel lectiones recitandas, vel etiam ad communicandum euntes, suum ordinem custodiant: ne constitutum sibi locum transilientes in ambitionis vel arrogantia vitio demergantur. Abbatissæ verò studendum est, vt per ordinem sicut conuersæ in monasterio fuerint, ita in suo ordine constituentur: præter si vberis conuersatio religionis meruerit, vt in antea promoveatur; vel si grauis culpa exegerit, vt retro regradetur. Si vero aliqua ex sororibus cognoscatur seniore affectare locum, cum verecunda castigatione refellatur: quia non debiti honoris locum præsumpsit, nec religionis commercio, sed ambitionis honorem indebitum conata est arripere. In confesso sororum, si alia superuenerit, quæ iuniores

T 2

sunt

sunt ordine, assurgant, & seniori locum præbeant. Iuniores verò senioribus nullatenus superbiendo contradicant; sed cum omni humilitate vel interrogatæ, vel correptæ respondeant. Si labentem in quodlibet delictum iunior seniore aspexerit, non exprobrando, sed magis dolendo ad confitendum Abbatisæ vel Præpositæ dirigat: similiter senior iuniori faciat. Ad confessionem veniens, prius prostrata supra humum, suam culpam esse dicat: sic postquam surgere iubetur, suam confessionem manifestet. Quando ad aliquod opus fieri commeatus rogatur, venia prius petatur, & sic de opere quod faciendum est commeatus rogetur. Quando ad Abbatissam venit, cum omni humilitate veniam petendo accedatur. similiter quando egreditur, cum veniæ petitione benedictio quærat. Nulla monacharum per semetipsam de propria necessitate Abbatisæ suggerat, sed omnes per Præpositam quicquid necessitatum fuerit Abbatissæ studeant intimare. Si sacerdos vel quilibet religiosus venerit, ut ei per Abbatissæ commeatum sit occurrendum, a longe astantes, cum humilitate flectentes genu sub silenti voce benedictionem rogent. Et si ordinatum fuerit ab Abbatissa, ut cum his aliqua sororum loquatur, cum omni humilitate & modestia ac sobrietate loquendum est: ut in omnibus his virtus humilitatis ac sobrietatis inueniatur.

CAP. XXIII. *De non defendenda proxima vel consanguinea in monasterio.*

**D**efendere proximam vel consanguineam in monasterio nullo modo permitti censemus. Quid enim aliam defendat, quæ iam sibi non viuit, sed Christo, quem imitata manet crucifixa? quæ propriam animam, ut vberius saluti iungeret, prius perdidit? Quæ ergo proprias perdidit voluntates, ut Christi in se voluntatem impleret, cur aliarum delicta defendat, quæ propria crucifixit? Et si in veritate  
cruci-

crucifixit, & non mundo iam, sed Christo viuit, cur in mundo facinoribus labentes pro qualibet familiaritate defendat? Sit ergo ei æquus amor tam in consanguinea, quam in cætera sorore, quæ ei sanguinis affinitate non iungitur. Maneat ergo in omnibus amor corde clausus, nec quamquam sub disciplinæ moderamine positam tueri studeat: ne vitium defendendi in alias dimittat. Sit ergo in arbitrio corrigentis, vt quas corrigit sub amoris studio, non propriam implendo voluntatem, sed vitia corrigendo, inferat disciplinam.

CAP. XXIII. *De nutriendis infantibus.*

**I**nfantēs in monasterio quanta cura & disciplina sint enutriendæ, multis didicimus documentis. Debent enim nutriri cum omni pietatis affectu, & disciplinæ ministerio: ne desidii vel lasciuiæ vitio sub tenera ætate maculatæ, aut vix, aut nullatenus possint postea corrigi. Sit ergo in eis tanta cura, vt nunquam sine seniore huc atque illuc liceat deuiare: sed semper ab eius disciplina retentæ, & timoris Dei ac amoris doctrina imbutæ, ad cultum instruantur religionis. Habeant lectionis vsum; vt sub puerili ætate discant, quod ad perfectam deductis proficiat. In refectorio per se mensam habeant iuxta seniorum mensam positam. Seniores tamen vel duæ, vel amplius, de quarum religione non dubitatur, cum eis sedeant: vt semper timore anteposito, sub metu seniorum nutrantur. Quibus verò horis reficiant, vel somnum capiant, Abbatissæ arbitrio pensandum est: vt in omnibus virtutum custodia discretio reperiatur.

EXPLICIT REGULA CUIVSDAM S.  
AD VIRGINES.

LE-

## LECTORI.

*IN veteri codice , qui sanctorum Patrum monasticas sanctiones continet , etiam sequentes duae constitutiones , altera nescio cuius Regula deuotarum , altera Concilij Hispalensis secundi , post regulam S. Isidori legebantur . Eas quoque , quia ad virginum sanctimonialium curam ac disciplinam veterem pertinent . hoc loco placuit exhibere ; ut omnes sacra antiquitatis reliquias quam fieri potest religiosissime , etiam cum ramenta & puluisculo , representarem .*

SEN-

## SENTENTIA DE REGVLIS

## DEVOTARVM.



**N**emo ad eas vadat visitandas nisi qui habebit ibi matrem, vel sororem, aut filiam, & propinquas, & consobrinas, siue matrem filiorum suorum. Si autem necessitas fuerit vt videant eas, vt antequam renunciarent seculo, & intrarent in monasterium, paterna debetur eis hereditas, aut aliqua causa manifesta est, mittent cum eis probata virum ætatis ac vitæ: videbunt eas, & pariter reuertentur. Nemo vadat ad illas, nisi quos supradiximus. Si eas videre voluerint, primum facient renunciare Patri monasterij, & ille mittet ad seniores, qui in ministerium virginum delegati sunt: qui occurrent eis, & cum ipsis videbunt quas necesse habuerint, cum omni disciplina & timore Dei. Cumque eas viderint, non eis loquentur de rebus secularibus. Quicumque de his mandatis præterierit, absque vlla recraftinatione negligentia atque contemptus, aget publice poenitentiam, vt possidere valeamus regna coelorum.

## CONCILIVM SPALENSE CAP. XI.

**V**ndecima actione cum consensu cõmuni decreuimus, vt monasteria virginum in Prouincia Bætica condita monachorum administratione ac præsidio gubernentur. Tunc enim salubria Christo dicatis virginibus prouidemus, quando eis patres spirituales eligimus, quorum non solum gu-  
ber-

bernaculis tueri, sed etiam doctrinis ædificari possint. Hac tamen circa monachos cautela seruata, vt remoti ab earum peculiaritate nec vsque ad vestibulum habeant accedendi familiaritate permissum. Sed neque Abbati, vel ei qui præficitur extra eam quæ præest loqui virginibus Christi aliquid, quod ad institutionem morum pertinet, licebit. Nec cum sola quæ præest frequenter eos colloqui oportet; sed cum testimonio duarum aut trium sororum: ita vt rara sit accessio, brevis locutio. Absit enim vt monachos, quod etiam dictu nefas est, Christi virginibus familiares esse velimus: sed iuxta vt iussa Regularum vel canonum admonent, longe segregatos atque seiunctos, eorum tantum easdem gubernaculis deputamus: constituentes, vt vnus monachorum probatissimus eligatur, cuius cûræ sit prædia earum rustica vel vrbana intendere, fabricas instruere, vel si quid aliud ad necessitatem monasterij prouidere: vt Christi famulæ pro animæ suæ tantum vtilitate sollicitæ, solis diuinis cultibus viuant, operibusque suis inseruiant. Sanè is qui ab Abbate præponitur, iudicio sui Episcopi comprobetur. Vestes autem illæ ijsdem coenobijs faciant, a quibus tuitionem expectant, ab ijsdem denuo, vt prædictum est, laborum fructus & procurationis suffragium recepturæ.

EXPLICIT.



S. LEAN-

S. LEANDRI  
HISPALENSIS EPISCOPI  
Regula,

*Sive*

DE INSTITVTIONE VIRGINVM

ET CONTEMPTV MVNDI

AD FLORENTINAM SOROREM

*Liber.*

V



## DE S. LEANDRO HISPAL. EIVSQ.

REGVLA AD FLORENTINAM SOROREM

veterum testimonia .

MARTYROLOGIVM ROM. die XXVI f. Febr.

item Beda, Vsuardus, Ado, &amp; alij .

*Hispali in Hispania natalis Sancti LEANDRI eiusdem ciuitatis Episcopi, cuius predicatione & industria V Visigothorum gens, adiuuante Reccaredo eorum rege, ab Ariana impietate ad Catholicam fidem conuersa est.*

IDEM MARTYROLOG. Rom. die xx. Iunij.

*Hispali in Hispania deposita sancte FLORENTINAE virginis, sororis Sanctorum Leandri & Isidori Episcoporum.*

ISIDORVS Hispal. de script. Eccles. cap. xxvi i i.

LEANDER genitus patre Seneriano Carthaginensis prouincia Hispania, professione monachus, & ex monacho Hispalensis Ecclesie prouincia Batice constitutus Episcopus: vir suavis eloquio, ingenio prestantissimus; vita quoque tantum atque doctrina clarissimus, ut etiam fide eius atque industria populi gentis Gothorum ab Ariana insania ad fidem Catholicam reuerterentur. Hic namque in exilijsui peregrinatione composuit duos aduersus hereticorum dogmata libros, eruditione sanctarum scripturarum ditissimos. &c. Præterea edidit vnum ad FLORENTINAM sororem de institutione virginum, & contemptu mundi libellum, titulorum distinctionibus prænotatum. Floruit sub Reccaredo, viro religioso ac Principe glorioso: cuius etiam temporibus mirabili obitu actualis vite terminum clausit.

S. GREG.

## S.GREGORIUS MAG. PP. Dial. lib. I I I. c. XXXI.

*Sicut multorum, qui ab Hispaniarum partibus veniunt, relatione cognouimus, nuper Ermigildus rex, Liuigildi regis VVisigothorum filius, ab Ariana heresi ad fidem Catholicam viro reuerentissimo LEANDRO Hispanitano Episcopo, dudum mihi in amicitijs familiariter iuncto, predicante conuersus est.*

## IDEM Præfatione in librum Iob.

*Reuerendissimo & sanctissimo fratri suo LEANDRO Cœpiscopo Gregorius S. S. D. Dudum te, frater beatissime, in Constantinopolitana vrbe cognoscens, cum me illic Sedis Apostolicæ responsa constringerent, & te illuc iniuncta pro causis fidei VVisigothorum legatio perduxisset; omne in tuis auribus, quod mihi de me displicebat, exposui. &c. Tunc eisdem fratribus, etiam cogente te, placuit, sicut ipse meministi, ut librum beati Iob exponere importuna me petitione compellerent.*

## IDEM lib. I. Epist. xli. ad LEANDRVM Episcopum.

*Ea quæ in beati Iob expositione dicta fuerant, & vobis dirigenda scribitis, nisi portitoris presentium me festinatio coangustasset, cuncta vobis transmittere sine aliqua imminutione voluissem: maxime quia & hoc ipsum opus ad vestram reuerentiam scripsi: ut ei quem præ ceteris diligo, in meo iudicer labore desudasse. Præterea si vobis indulgeri tempora ab Ecclesiastica occupatione cognoscetis, quid sit iam faciendum scitis: quamuis etiam absentem corpore, presentem mihi te semper intueor, quia vultus tui imaginem intra cordis viscera impressam porto.*

## IDEM lib. iv. Epist. xlvi. ad eundem.

*Quanto ardore videre te sitiam, quia valde me deligis, in tui tabulis cordis leges. Sed quia longo terrarum spatio disunctum te videre nequeo,*


V 2 unum

*unum quod mihi de te dictauit caritas feci, ut librum regula pastoralis, quem in Episcopatus mei exordio scripsi, & libros quos in expositionem beati Iob iamdudum me fecisse cognouisti, Sanctitati vestre transmittere curauim.*

**IDEM lib. VII. Epist. cxxvi. ad eundem.**

*Sanctitatis tue suscepi epistolam, solius caritatis calamo scriptam. Ex corde enim lingua tinxerat, quod in charta pagina refundebat. Boni autem sapientesque viri cum legeretur affuerunt, quorum statim viscera in compunctione commota sunt. Coepit quisque amoris manu in suo corde te rapere: quia in illa epistola tua mentis dulcedinem non erat audire, sed cernere. Accendebantur & mirabantur singuli, atque ipse ignis audientium demonstrabat qui fuerat ardeor dicentis. Nisi enim prius in se faces ardeant, alium non succendunt. Ibi ergo vidimus quanta caritate tua mens arserit, que sic & alios accendit. Vitam vero vestram, cuius ego semper cum magna veneratione reminiscor, minime nouerant, sed eis altitudo vestri cordis patuit ex humilitate sermonis.*





INCIPIT IN CHRISTI NOMINE

S. LEANDRI HISPALEN. EPISCOPI  
de Institutione Virginum & contemptu mundi

AD FLORENTINAM SOROREM LIBER.



LEANDER *Dei misericordiam pergrata in Christo mihi*  
*filia & sorori FLORENTINAE.*



PERQUIRENTI mihi, soror carissima Florentina, quibus te diuitiarum cumulis heredem facerem, qua te patrimonij sorte ditarem; multæ rerum fallacium occurrebant imagines: quas cum ego vt importunas muscas manu mentis abigerem, tacitus aiebam: Aurum & argentum de terra est, & in terram reuertitur; fundus & patrimoniorum redditus vilia & transitoria sunt. *præterit enim figura huius mundi.* Quidquid enim sub sole conspexi, nihil te dignum, soror, arbitratus sum; nihil muneri tuo credidi esse gratissimum. omnia mutabunda, caduca, & vana fore conspexi. Vnde veram esse attendi Salomonis sententiam, dicentis: *Magnificauit opera mea, adificauit* 1. Cor. 7.  
Eccl. 2.

cavi

*caui mihi domos, plantavi vineas, feci hortos & pomaria, & conserui cunctis generibus arborum: instruxi mihi piscinas aquarum, ut irrigarem suam germinantium lignorum. Possedi seruos & ancillas, multamque familiam habui: armenta quoque & agnos ouium, greges quoque caprarum, ultra omnes qui fuerunt ante me in Ierusalem. Coaceruaui mihi argentum & aurum, & substantias regum ac prouinciarum: feci mihi cantores & cantatrices, & delicias filiorum hominum: scyphos & urceos in ministerio ad uina fundenda. Et supergressus sum opibus omnes qui fuerunt ante me in Ierusalem. Quam igitur omnem mortalium pompam tali termino conclusit, ut diceret: Cumque me conuertissem ad omnia quae fecerant manus meae, & labores in quibus frustra sudaueram, vidi in omnibus vanitatem & afflictionem animi, & nihil permanere sub sole. Et iterum ipse dicit: Detestatus sum omnem industriam meam, quam sub sole studiosissime laboraui, habiturus heredem post me, quem ignoro, utrum sapiens aut stultus futurus sit. dominabitur in laboribus meis quibus desudaui & sollicitus fui. & est quidquam tam vanum? Vnde cessauit renunciauitque cor meum ultra laborare sub sole. Tali quoque informato oraculo, non esse me parentem verum existimares, foror, si te ijs ditarem rebus, quæ stabilitate nulla consisterent: quæ mundanis subiectæ casibus te destituerent, nudamque relinquerent. Aerumnis quoque te cumularem, & timori metuique subijcerem, si ea quæ fur auferre poterat, sulcare tineæ, ærugo vorare, ignis absumere, terra obruere, aqua delere, sol torrere, imber fedare, glacies stringere, tuæ germanitati conferenda esse putarem. His certe rebus humanis implicatus animus a Deo auertitur, & ab illa immobili ac permanentis veritatis forma recedit. Nec potest ad se admittere diuini verbi dulcedinem, aut Spiritus sancti suauitatem, pectus quod tot mundanis agitur molestijs, tot curarum temporalium stimulis verberatur. Si ergo te his nexibus alligarem, talibusque onerarem ponderibus, & mole terrenæ cogitationis opprimerem, inimicum me, non parentem deberes æstimare; interemptorem, non fratrem*

fratrem esse sentires. Eia soror carissima, quoniam quidquid axe cæli concluditur, terrena sustinent fundamenta, & telluris super faciem voluitur, nihil dignum quo ditari posses inuenimus; supra cælos quærendum est, vnde munus virginittis auxisti; vt ibi præmium & patrimonium virginittis inuenias. Ex compensatione enim integritatis meritum agnoscitur, & de sua retributione pensatur. Quanto enim vilis putaretur, si transitorijs terrenisque ditaretur muneribus; tanto præclara est virginittas & excellens, quæ calcatis abdicatisque mundanis voluptatibus, dum in terris angelorum seruat integritatem, Dominum angelorum sortita est portionem. Quæ ergo est virginittis hereditas? nonne ea, quam dicit psalmista: *Dominus pars hereditatis meæ?* Psal. 15.  
 Et iterum: *Portio mea Dominus?* Vide soror quantum proferis: vide quam summum teneas apicem: vt multorum gratiam beneficiorum in vnum eundemque inueneris Christum. Sponsus est, frater est, amicus est, hereditas est, præcium est, Deus & Dominus est. Habes in eo sponsum, quem diligas: *Speciosus est enim forma præ filijs hominum.* Psal. 44.  
 Est verus frater quem teneas: adoptione enim & tu eius filia, cuius filius est ille natura. Est amicus de quo non dubites: ipse enim dicit: *Vna est amica mea.* Cant. 6.  
 Habes in eo hereditatem quam ambias: pars enim hereditatis tuæ ipse est. Habes in eo precium quod agnoscas: quia sanguis eius redemptio tua est. Habes in eo Deum a quo regaris: Dominum quem metuas & honores. Totam sibi in Christo prærogatiuam virginittas vindicat: vt ante quem tremunt angeli, cui seruiunt potestates, cui virtutes obtemperant, cui celestia & terrestria genuflectunt; hunc sibi virgo sponsum vindicet; ad huius thalamum ornata virtutibus properet: hunc cubili cordis, casto cubili confoueat. Et quid amplius ei conferre potuit, cui se Christus sponsum tribuit, sanguinem suum dotis ac muneris titulo compensauit? Solent ergo qui vxores ducunt dotes tribuere, conferre præmia, & ad

ad vicem perdendi pudoris sua tradere patrimonia; vt emis-  
se potuis quam duxisse videantur vxores. Tuus, virgo, spon-  
sus dotem tibi sanguinem suum dedit: eo te redemit; eo te  
sua copula sociavit: vt pudorem non perdas, & habeas  
præmia. Quanto enim munificentius est dotis præmium,  
tanto est amor immensior. Multum enim diligit, quam  
proprio sibi sanguine desponsavit. Et ob hoc suum corpus  
vulneris ictu & telo gladij maluit aperiri, vt tuam sibi inte-  
gritatem emeret, pudicitiam conseruaret. E contrario enim  
curauit hominem: vt sicut mors eius vita est nostra, eiusque  
humilitas nostræ est superbix medicina; sic & vulneribus  
ipsius nostra integritas empta est. qui ideo feriri se vulnere  
voluit, ne malleo vniuersæ terræ nos ferire sineret. *Precio*

1. Cor. 7. *enim empti estis, ait Apostolus, nolite fieri serui hominum. Cur vir-  
go dare vis corpus viro, quod iam est redemptum a Chri-  
sto? Alius te redimit, & alij nubere cupis? alterius precio  
libertatis militas, & spontanea te seruitute condemnas? Si  
mundus omnis titulo dotis scribitur, quid preciosius sangui-  
ne Christi, quo redemptus est mundus? Appende merce-  
dem & precium, vt videas plus valere qui redemit, quam id  
quod redemit. Quanto itaque prauè intelligit virgo, quæ  
contempto emptore mercem sequitur: & sanguine Christi  
postposito, mundum qui redemptus est amplexatur. Non  
sum idoneus eloqui, soror amantissima, præmia virginitatis:  
est enim ineffabile donum, absconsum oculis, celatum au-  
ribus, intelligentiæ obseratum. Quod omnes esse sperant  
Sancti, & post resurrectionem cuncta præstolatur Ecclesia  
fieri, vos iam estis. *Corruptibile hoc, ait Apostolus, induet incor-  
ruptionem: sed reuera post resurrectionem corporis. Ecce  
vos incorruptionis gloriam iam scitis. Vos istam iam in  
præsenti seculo parte gloriæ possidetis. Quanta est enim  
beatitudo, quæ vobis reponitur in futurum? quæ vobis coro-  
na manet in æternum: quæ incorruptionis gratiam, ad quam  
multi peruenire desiderant, hic habetis? Gaude ergo talem  
te esse,**

te esse, qualis Dei formata es manibus. Ille ergo integram condit vtique, quam integritate ditauit; quam ad integritatis præmia præparauit. Peruersi enim naturam corrumpunt homines, quam Deus formauit integram. Et hæc offensa humani generis prima: hæc damnatæ originis causa; dum protoplasti esse noluerunt, quod fuerant conditi: idcirco meruerunt in se & in prole damnari. Reparatæ castimonie in vobis retentaculum, o virgines, quod perdiderunt in paradiso primi homines. Vos enim conditionem seruastis primigenarum hominum, quæ tales perseueraistis, quales illi sunt instituti. Sed caute exempla eorum. Heu pro dolor, soror carissima, fuge primorum hominum exempla: horresce serpentis antiquissimi sibila; ne incipiat tibi germinare spinas & tribulos vitiata terra. & quæ pro insigni virginitatis lilia rosasque parturire debet, vrticam & paleam producat: istam, quæ vrat, illam quæ laceret. Vos enim estis prima delibatio corporis Ecclesiæ. Vos itaque ex tota Christi corporis massa oblationes Deo acceptæ, & in supernis altaribus consecratæ. Pro vestro enim proposito, & pro fide sua, omnis Ecclesia nomen virginitatis indepta est: dum in ea melior pars & propensior vos estis, quæ animæ corporisque vestri integritatem Christo dedicastis. Et licet in omnibus suis generaliter membris fide maneat virgo, tamen suorum parte membrorum, quod estis vos, non incongrue virgo etiam corpore: genere scilicet illius locutionis, quo aut totum a parte, aut pars nominatur a toto. Meditare vt columba, sanctissima virgo, & mente pertracta, quæ in futuro tibi maneat gloria; quæ non adqueuisti carni & sanguini; neque corpus illud sanctissimum prostrasti corruptioni. Age ergo, cogitare præsume, intellige, quibus te amplexibus cupiat Christus, quæ mundi calcasti illecebras: quo te desiderio chorus ille expectet virgineus, quam ipsis gradibus properantem cælorum ardua vident, quibus chorus ipse virginalis peruenit ad Christum. Gaudet & Maria

X

mater



mater Domini, apex & specimen virginitatis, incorruptionis mater, quæ vos exemplo suo genuit, & manet integra: vos documento suo peperit, & dolores nesciuit: genuit sponsum, & virgo est. Felix ille venter, qui nouit gignere, non corrumpi. Beata illa foecunditas, quæ pariendo impleuit mundum, hereditauit cælos, nec amisit velamina virginitatis. Ardeat cor tuum, soror, igne illo, quem Christus misit in terram. Excitet te flamma ignis eius, & chorus ille virgineus prosequens Mariam, Ipsam ergo oculo mentis suspice: ipsos comitare choros: ipsis te animi desiderio iunge. *ibi festina; ibi propera: ibi reposita est corona iustitiæ, quam reddet tibi Dominus iustus iudex in illa die.*

*2. Tim. 4.* Senti fratris animum tuos desiderare profectus. septi fratris concupiscentiam velle te esse cum Christo. Qui etsi in me non habeo, quod in te perficere volo, perdidisse me doleam, quod te tenere desidero: erit mihi interim quædam portio remissionis, si tu quæ pars melior nostri es corporis, in via peccatorum non steteris; si quod tenes, firmissime teneas. Heu mihi, si alius accipiat coronam tuam. Tu apud Christum tutamen meum; tu carissima meum pignus; tu hostia mea sacratissima, qua expiari a colluuiione peccati non dubito. Si tu accepta es Deo; si tu casto cubili cum Christo cubaueris; si tu Christi amplexibus fragrantissimo virginitatis odore inhæseris, profecto peccatoris memor fratris obtinebis pro reatu germani indulgentiam, quam poposceris.

*Can. 2.* Non te contristabit, qui te suæ copulauit societati. Sinistra eius, in qua est honor & gloria, sub capite tuo: & dextera eius, in qua est longitudo vitæ, amplexabitur te. Talibus sponsi oblata amplexibus, meam veniam postulans obtinebis. Amor tuus in Christo erit indulgentia mea: & quantumcunque spem remissionis habeo, si soror quam diligo, ad nuptias Christi transierit; atque in illo terribili metuendoque iudicio respiramentum aderit, ubi de factis, actibus, vel de commissis discussio fuerit: ubi de meis dispendijs.

dijs, heu mihi, sum cogendus reddere rationem, tu solatium meum, tu respiramentum meum. Et vindicta quæ mihi debetur pro negligentia mea, forte castitatis tuæ sedabitur intercessione. Defendes me profectu tuo a meo reatu operis, si tu Christo adhæseris. & si tu illi placueris, ego vnde ei displiceo non grauabor. dum tibi indulget, mihi parcat: nec perire fratrem sinet, cuius spondit sororem. Per te forte mihi donabitur chirographum quod contraxi: dum te Christus fouet caritate, me non punit pro crimine. Misere-re soror non tantum tui, sed & mei: vt vnde tibi restat gloria, saltem mihi vel venia concedatur. Multæ in tuo erunt virgines comitatu: cum ijs facile impetrabis pro me quod poposceris. Immo ipsa mater & dux virginum Maria suum interpellabit pro tuo merito filium: & ne te contristet pro me orantem, me eriget forte iacentem, & conscientia reatu merentem consolabitur. Non confundatur spes mea per te ad Deum. Meo igitur hortamento, meo ministerio, Dei quidem dono, sed meo obsequio hanc tenes professionem. Sit ergo mihi integritas tua causa veniæ, quæ tibi erit causa coronæ. Auerte quæso oculos a mundi falsis inanibus. Cælos aspice, vbi est sponsus tuus. Illuc animum dirige, *vbi Christus Col. 3. est in Dei dextera sedens. Omne enim quod in mundo est, concupiscentia 1. cor. 3. carnis, & concupiscentia oculorum est.* Quæ sursum sunt quære: vbi est vita tua, illic sint & desideria tua: vbi est sponsus tuus, ibi sit & thesaurus tuus. Nolo te moueri voluptate seculi: nolo te fulgore carnis decorari. Cito mouet alienā libidinem caro ornata: & aspectus iuuenum in se prouocat, quæ se cōponit vt ornata procedat. Placere velle oculis alienis, affectus est meretricis: & ad sponsi cælestis refertur iniuriam, si ita incedas vt oculis libidinosis placeas. Esto quæso iudex inter nubes & virgines: spem vtriusque considera: quis quam teneat viam æstima. Virgo studet placere Deo: nupta seculo. Virgo seruat integritatem qua nata est: nupta cor-rumpitur. Et quale est, vbi non permanet integra, vt capit

esse natura? Primum diuino operi irrogatur iniuria, dum quod ille formauit integrum, libidine corrumpitur, libidine maculatur. In vos Deus cognoscit opus suum; quas tenet seculum, & non corrumpit; quas tales Deus recipit, quales fecit. Omnia itaque restauranda sunt in resurrectione, quæ nunc pereunt de corpore. Virginitas semel perditæ, nec hic reparatur, nec in futuro recipitur. Verum est quod Deus præceperit nuptias; sed idcirco, vt inde nasceretur virginitas: vt multiplicata virginum successione, lucraretur in prole, quod perdiderant nuptiæ. Et radix & fructus nuptiarum virginitas est. De coniugio certe nascitur virgo: quæ si non corrumpitur, ad nuptiarum additur præmium. Habent nuptiæ vnde lætentur, si sui fructus cælesti horreo reponantur. Tu quoque communium parentum cumulabis merita: tuis vtrique honoribus munerabuntur: te prole Christo adhærente, ipsi recipient in fructu, quod incespate perdiderunt. Recole, mi soror, humanarum nuptiarum ærumnas, & claude oculos, ne videas vanitatem. Prima pericula nuptiarum hæc sunt: corruptio, corruptionis fastidia, pondus vteri grauidati, dolor partus plerumque ad discrimen mortis perueniens: vbi & munus nuptiarum perit & fructus; dum simul mater cum prole deficit, & omnis illa pompa nuptialis mortis frustratur termino. Quam putabant causam esse læticiæ, quis eam occasionem interimendi inuenit? Quid aget post mortem, quæ totam lætitiā nuptijs deputauit? Quæ viro placere voluit, non Deo, quid aget dum exit a seculo? Quæ sollicita fuit quomodo placeret mundo, quam poterit habere partem cum Christo? Quæ primum non bene viris se distrahunt, simulque cum pudicitia libertatem perdunt, quando captiuam virginitatem suscepta dote addicunt. Quid miseræ illi remanet, quæ pudorem venditat? Quod si forte mundi, vt fieri solet, casu perdat donationem, tunc & pudore caruit, & amisit precium. Vides quam nuda & destituta in vtroque remansit?

Pro

Pro viro certe gemino timoris addicta periculo, timet bonum perdere, timet malum habere. Quis ergo inter hæc medius est locus lætitiæ? Quas formas lenocinij meditatur vt placeat oculis? quibus peregrinis odoribus inficit vestem? & vt oblectet sensus, cutem mentitur alienam. Quæ fuco illitam vario adulterat figmento faciem: ne sit ipsa quæ nata est: & decipiat virum specie aliena, non propria. Vide si non maleficij genus est, excogitare artem qua prouocet libidinem alienam. Et quæ sic corrumpit faciem, quam putas corruptam habet mentem? Triplex commisit adulterium: mentis, quæ talem meditata est fraudem: corporis, quæ figmento mutauit speciem: vestitus, quæ non proprio, sed alieno fragrat odore. His malis virgo nescia, sexum habet, & sexus necessitatem ignorat. Fæmineæ fragilitatis oblita rigore virili subsistit, atque infirmum sexum virtute solidauit: nec addixit seruituti corpus, quod lege naturæ viro subiaceret. Felix virgo, quæ corpus trahit ex Eua, non poenam! Illa peccati merito audit: *Sub viri potestate eris, & in doloribus paries.* Tu virginitatem adepta, a tali iugo excussisti ceruicem: nec pressa iugali necessitate curuaberis ad terram, sed in sublimi erecta cælos suspicis: vt vnde illa vetitum præsumendo cecidit, ibi tu licita contemnendo conscenderes. Eua gustauit de illicito, & virginitatem perdidit. Licebat nubere virgini: sed quæ non nupsit, angelis adhæsit. *In resurrectione enim non nubunt, neque uxores ducunt: sed erunt sicut angeli Dei.* Vide, virgo quæ non nubit, angelis comparatur. Licet enim gignere filios: sed quæ hanc spreuerunt necessitatem, Christum dicentem audiunt: *Beata steriles quæ non genuerunt, & vbera quæ non lactauerunt.* E contrario illic dicitur nuptis: *Væ pregnantibus & nutrientibus in illa die.* Itaque virginei sensus pro filiis reputantur. Quid ergo quærit quos pariendo doleat, quæ pios habet sensus, quibus meditando congaudeat? *Propter timorem tuum Domine, inquit, in utero accepimus, & parturimus Spiritum salutis.* Gen. 3.  
Mat. 23  
Luc. 23.  
Isa. 26.

Ecce

Ecce felix conceptio, incorrupta progenies, utilis partus: ubi & proles bonæ cogitationis editur, & ignoratur dolor. Tot felicia germina, quot sanctæ cogitationes. totiens concipit, quotiens sancta meditatione Spiritum diuinum capit. Conceptio enim superna virtutes parit. Et ne putes te esse sterilem, tot filios habebis, quot virtutes protuleris. Vna sancti Spiritus conceptione multos edes partus. Primus partus virginis, verecundiæ virtus; secundus patientiæ, tertius sobrietatis, quartus temperantiæ, quintus caritatis, sextus humilitatis, septimus castitatis. *ut impleatur quod legitur: quia sterilis peperit septem.* Ecce vna septiformis Spiritus conceptione septem partus edidisti. *Non dicas, ecce ego lignum aridum. quia hæc dicit Dominus eunuchis: qui custodierint requiem meam, & elegerint quæ volui, & tenuerint fœdus meum, dabo eis in domo mea & in muris meis locum, & nomen melius a filiis & a filiabus: nomen sempiternum dabo eis, quod non peribit.* Vides, amantissima soror, quod principalem in regno Dei virgines tenent locum? Et non immerito. Mundi enim contemserunt habitum, ideo peruenerunt ad cæleste regnum. Vitæ cælestis beatitudinem hic incipiunt, quæ generare in doloribus filios nesciuerunt: & quæ contagia libidinis, & feda coniugum figmenta respuunt, recte Christi nuptias impetrarunt. Nolo mouearis pompaticis nuptiarum incessibus, clientumque stipato comitatu. Hos incurrunnt plerumque insidiatores pudiciæ, quos custodes castitatis putabant. Et cum se ambiri tot virorum formis vident, hoc in mentem venit, quod cum viris in lectulis agunt proprijs: & quod expertæ sunt in singulis, hoc in plurimis meditantur. Non verebor inuidiam, si locutus fuero veritatem. Feriant me liuore, quas momorderit conscientia, dummodo proficientibus loquar, quid cauere debeant in eis, quæ solo nitent opere carnis. Certum est, mi soror, quæ nitorem vestium composuerit, odore peregrino fragrauerit, fūco mutauerit oculos, faciem candore alieno obduxerit,

bra-

1. Reg. 2.

Isa. 56.

brachia circulis instruxerit aureis, digitis anulos inseruerit, & distinctione gemmarum sidereo radiauerit fulgore manibus, aures metallo adgrauauerit, colla margaritis & vario gemmarum absconderit tegmine, caput ponderauerit auro; certum, inquam, est, hanc non esse castam: quæ ad hoc se ita composuit, vt multorum feriat oculos, multorum animos moueat, illiciatque mentes. Quæ etsi metu viri non gerat stuprum in aperto, fornicatur tamen interius animo. Illa verò casta est, quæ de simplici habitu bonisque moribus placet viro, & de bono castimonix Deo. Harum habitum exprimit Petrus Apostolus, & cultum vestium, vel æquitatem morum sua pingit præceptione, cum dicit: *Sit in muliere non exterior ornamenti aut auri, aut vestis cultus, sed cultus cordis.* 1. Pet. 3. Eadem ergo & Paulus Apostolus intulit, dicens: *Similiter & mulieres cum verecundia & sobrietate ornantes se, non in tortis crinibus, aut auro, aut margaritis, vel veste preciosa: sed quod decet mulieres, promittentes pietatem per opera bona.* 2. Tim. 2. Quas dissonare ab ijs præceptionibus & discrepare compereris, velut gehennæ duces, & inferni comites fuge. Hoc enim suadebunt quo plenæ sunt, quæ etsi non verbo, ipso tamen habitu loquuntur flagitia. Et quæ auro coruscauerit, & radiauerit gemmis, tanquam simulacra declina: idolumque æstimato, non hominem. quæ a Deo bene conditam formam vario præsumpsit stuprare figmento. Vnde & scriptura dicit: *Fallax image, & vana est pulchritudo. mulier timens Deum ipsa laudabitur.* Prov. 3.

### CAP. I. Vt vitentur huius mulieres.

**P**recor te, soror Florentina, vt feminæ quæ tecum non tenent professionem vnā, ad tuam non accedant societatem. Quod enim amant, hoc suggerunt: & eas res tuis insinuabunt auribus, quæ in eorum versantur desiderijs. Heu mihi soror, *corrumpunt mores bonos colloquia mala.* Cum sancto 1. Cor. 15. sanctus eris: longe a te sit soror, & cum peruerso peruerteris. Psal. 17. Quid

Quid in vnum agit nupta, & virgo? Illa te non sequitur, quæ virum diligit. Propositum tuum fugit: quod etsi amare se finxerit, mentitur ut decipiat. Quid tecum agit, cum qua communi collo Christi iugum non ducis? dispar habitu, dispar affectu. Organum satanæ hoc tibi canet, quod illecebris seculi moueat, & semitas diaboli impingat. Fuge Sirenum cantus, mi soror: ne dum prurientibus auribus oblectamenta delectaris audire terrena, auertaris a recto itinere: & aut in dexteram illidarum scopulo, aut in sinistram Charybdis deglutiariis rictu. Fuge Sirenum cantus, & a lingua malesuadentis sepi aures tuas. Muni cor tuum scuto fidei, dum tui propositi disparem videris; & frontem tuam trophæo arma crucis contra eam quæ professioni tuæ dispar est.

CAP. II. *Vt viri sancti vitentur.*

**I**am quali fuga viros fugias, soror Florentina, tu iudica, si tam solícite feminas seculi declinabis. Quisque vir, si sanctus est, nullam tecum gerat familiaritatem; ne videndi iugitate aut infametur vtriusque sanctitas, aut pereat. Decidet enim a caritate Dei, quæ perpetrandi mali operis occasionem præbuerit. decidet a caritate proximi, quæ etsi malum non agit, opinione tamen pessimam famam nutrit. Dispar enim sexus in vnum locutus, eo titillatur instinctu quo nascitur: & naturalis mouetur flamma, si incomposita attigerit. Quis colligauit ignem in sino suo, & non comburetur? Ignis & stupa sibi vtraque contraria, in vnum redacta flammæ nutriunt. Viri sexus & feminae diuersus, si coniungitur, quo lex naturæ prouocat, commouetur.

CAP. III. *Vt declinare virgo debeat iuuenes.*

**E**t si taliter viri declinandi sunt sancti, ne vtrorumque bonis moribus offensio subrepat; qualiter fugiendi sunt iuue-

iuuenes, & tenebrosas vias temporalis vitæ sequentes? quos ad hoc diabolus obijcit, & virgineis opponit oculis, vt formas eorum, quos per diem viderit, virgo meditetur in nocte. Quod si & contradicat mentis ratio, talesque imaginationes ab animo respuat, recens tamen visio & corporalis inspectio exhibet memoriæ formas, quas videndo didicit. vt etsi paululum talis imaginatio oblectet mentem, occurreret etiam per somnium, quod viderit oculis. Sic diaboli sagittis pectus virginis vulneratur, & infigitur cordi amor noxius; vt quod in nocte recordata est, cum amore velit iterum videre in crastinum. Et sic intrat sathanæ sagitta, vsque ad intimum cordis per ianuas oculorum: sicut dicit propheta: *Intrauit mors per fenestras nostras*. Nec enim subrepat diabolus ad interiora mentis, nisi per sensus cordis. Si pulchrum aliquid videas, quod concupiscentiam moueat; si oblectet aures turpis cantus; si odoratum nidor attigerit fragrans; si gustum illecebrosus sapor commouerit; si tactus mollem & nitidam contigerit formam, tunc oblectatione sensibili carnis mouetur illecebra. Dei enim opus vterque est sexus. Amandi sunt certe viri, vt opus Dei; sed absentes, pro operibus bonis, & propter Deum qui eos fecit; non propter pulchritudinem corporis.

### CAP. IIII. *De abstinentia.*

Quid ad te de cibis, soror Florentina, puto loquar; quæ fragilitate corporis nec tantum accipis, quantum ratione doceris? Maneat tamen in animo, vt etsi infirmo corpori aliquid relaxandum est a rigore, interim non soluatur animus, si corpus infirmum meretur aliquid indulgentius. Nullus est enim vsus edendi culpabilis, sed concupiscentia, sed immoderatio: si plus quam opus est sumpseris; si desideres sine quo viuere possis. Triplex certe est gulæ intemperantia: si quod non licet auidius appetas; si licita quæque

Y

que



que exquisitis impendijs præparata accuratius quæras; si tempus edendi licitum non sustineas. Primi generis homines ob hoc Paradisi delicias & immortalitatis præmia perdiderunt, quia illicita concupierunt. Esau verò pro eo quod avidius ambiit licita, primogeniti perdidit primitiva. Et quia edendi tempus non servant animalia, ideo sunt irrationabilia. Probauimus ergo triplicem excessum intemperantiæ: dum primi homines gustauerunt de illicito: dum Esau lenticulæ appetitu perdidit primogenita: dum edendi tempus non servant animalia, & sunt irrationabilia. Non est igitur abstinens, auide vorans etiam viles cibos.

*Psal. 5.* *Sepulcrum patens est guttur eorum*, ait Psalmista. Namque & ille mollis & dissolutus est, qui contemptis præsentibus, preciosis ac peregrinis epulis delectatur. Piscis per illecebram hamo capitur. Auis obiecta escæ in decipulam cadit. Bestiæ quæ naturali virtute sunt rigidæ, cupiditate cibi in foveam prouunt: & quas non emollit natura, decipit esca. Tu verò temperantiam & parsimoniam seu oraculo, seu exemplis disce maiorum. Oraculo: quia dicit

*Luc. 21.* Dominus: *Non grauentur corda vestra in crapula & ebrietate*.

*2. Reg. 23.* Exemplis; quia Dauid cupitam aquam noluit bibere, quam

*Dan. 14.* periculum alieni esse sanguinis intellexit, vel quia Daniel contemptis dapibus regis, leguminibus vixit. Sint tibi accepta quæ sunt comitibus tuis communia, & aliorum non sis intemperatiōis causa: & quibus forma esse debes hortamento ac vitæ bonæ documento, scandali non efficiaris occasio.

CAP. V. *Vt virgo singula non loquatur cum singula.*

**N**ullus te singularem alloquatur: nec tu præter duarum aut trium testimonium alloquaris aliquem singularem. Memento sponsi tui Saluatoris nostri, qui certe non verebatur

tur labem peccandi, attamen in montibus cum Moyse & Helia coram tribus, Petro & Iacobo & Ioanne, locutus est testibus. Sic & cum fuscitaret archisynagogi filiam, eos adhibuit testes, ut falsi rumoris non daret occasionem. Mirabantur autem & discipuli, quod ad puteum Iacob loqueretur cum muliere. Et reuera non mirarentur, nisi quid viderent inusitatum: & nisi illi abijissent cibos emere, non loqueretur citra eos Christus cum muliere.

CAP. VI. *Vt iugiter virgo oret & legat.*

**L**ectio tibi sit assidua, iugisque oratio. Diuidantur tibi tempora & officia, ut postquam legeris ores, postquam oraueris legas. Sic alternes perpetim hæc duo bona, ut ab iisdem nullo sis tempore otiosa. Quod si aliquid manibus operandum est, vel certe sustentaculis ciborum corpus reficiendum, alia tibi legat: ut dum manus vel oculi intenti sunt operi, pascat aures gratia sermonis diuini. Si quidem oramus & legimus, & lubricam mentem a surreptionibus diaboli vix retrahimus; quanto procliuius humanus animus reptat ad vitia, si lectionis & orationis assiduæ retentaculo non frænatur? Lectio te doceat, quid orando petas: postquam vero oraueris, iterum legendo inquire quod postules.

CAP. VII. *Vt carnaliter non legi debeat vetus testamentum.*

**V**etus testamentum legens non temporis illius nuptias, sed prolis numerositatem considera; non esum carniæ & sacrificia sanguinolenta, crimina morte carnis expiata, vni viro multarum vxorum permixta consortia. Licuit enim illo tempore, quod isti non licet. & sicut per legem concessæ sunt nuptiæ, sic per Euangelium virginitas prædicata. Gens enim erat Hebræa ab omni discreta con-

Y 2 for-

fortio populorum , & ad prophetandum Christum Ecclesia deputata . Ne periret, cunctis permiffæ sunt nuptiæ , cauffa prolis propagandæ . Et quia carnalis erat populus, carnum crapula pascebatur . Sacrificia certe idcirco pecudum litabantur, quia verum sacrificium , hoc est, Christi corpus & sanguinem figurabant . Venit veritas, vmbra discessit : venit verum sacrificium , & cessauit hostia pecudum . Venit virgo virginis filius , & virginitatis præbuit documentum . Omne enim quod in veteri testamento legeris , quamuis opere gestum fuerit, spiritualiter tamen intellige, & de historiæ veritate intelligentiæ spiritualis sensum cape . Iam pro peccato non occiditur homo corpore : sed necem quam illi carni dabant per gladium , nos carnalibus vitijs imponimus per poenitentiaæ vsum . Cantica canticorum iuxta auditum aurium ne sentias ; quia carnalem illecebram terreni amoris insinuant , quæ per species actionis corpus Christi , & Ecclesiæ caritatem figurant . Merito a veteribus isti libri prohibiti sunt legere carnalibus : hoc est , Heptateuchum, & Cantica canticorum : ne dum eos spiritualiter nesciunt, libidinis ac voluptatum incitamento soluantur .

#### CAP. VIII. *De ieiunij modo .*

**I**eiunia certe valido corpori imponenda sunt : & quos rebellis caro lege vitiorum impugnat , ieiunio attenuandi sunt iugi . Subiuganda est ieiunijs caro rigida , & eatenus refrænanda , vt legi mentis & imperijs animæ subiaceat vt ancilla . Et quam debilitauit iugis infirmitas , si eam ieiunijs temperes, tantumque sumas, quantum salutis sufficiat, non peccabis . Meliorem tamen iudica eam, quæ salutis robore infirmitatis non egeat remedio . Nec debet scandalizari quæ sana est, si remissius vel indulgentius quæ infirma est alitur : sed magis eo se meliorem sanctioremque esse consideret, quod fragilibus rebus non indiget , quibus eget infirmitas

tas. Illa autem quæ infirmitatis obtentu meretur aliquid lenius, sit præ cæteris humilis: doleatque se non posse, quæ aliæ possunt; & abstinentiam tempore laxatam non reputet virtuti, sed infirmitati.

CAP. IX. *De usu vini.*

VINO secundum Apostoli vttere regulam. Ait enim Timotheo: *Modico vino vttere propter stomachum tuum, & frequenter tuas infirmitates.* Dum enim dicit modicum, medicinaliter bibendum fore monstratur, non ad ebrietatem. Nam alio loco idem sic dicit Apostolus: *Vinum dixisti, omne vitium dixisti.* Ebrietas enim mortale est crimen: inter homicidia, & adulteria, vel fornicationes reputatur. Sic eijcit a regno Dei vini temulentia, quemadmodum facinus adulterij, vel homicidij, vel aliorum criminum flagitia. Confirmat hoc dum dicit Apostolus: *Nolite errare: neque fornicarij, neque idolis seruientes, neque adulteri, neque molles, neque masculorum concubitores, neque fures, neque auari, neque ebriosi, neque maledici, neque rapaces regnum Dei possidebunt.* Vide quantum sit execranda ebrietas, vt etiam a regno Dei suos amatores eijciat. Quam etiam terribiliter Propheta increpet vino deditos vide. dicit enim: *Va qui potentes estis ad bibendum vinum, & viri fortes ad miscendam ebrietatem. Va qui consurgitis mane ad ebrietatem sectandam, & potandum vsque ad vespertum, vt vino astuetis.* Bibit vinum Noë, atque ebrietate sopitus, parte corporis verecundiori nudatus est: vt noueris sic consternari animum humanum vino, & rationem humanæ mentis obtundi, ne seipsam quidem meminerit, multo minus etiam Deum. Et licet illa Noë ebrietas ac nudatio mysterium Christi passionis & mortis contineat, tamen ad literam errorem facti insinuat. Loth vino crapulatus incestum intulit filiarum, nec sensit errorem: de quo incentiuo concubitu nascuntur Moabitaræ & Ammonitaræ. Et Dominus dicit: *Moabitaræ & Ammonitaræ non intra-*

Tim. 5.

Tit. 2.

1. Cor. 6.

Isa. 5.

Gen. 9.

Gen. 19.

Deut. 23.

intra-

*Intrabunt in Ecclesiam meam usque in decimam generationem . Senti quantum sit fugienda vini satietas, vt etiam Patriarchis scandali & culpæ caussa extiterit . Ergo & virgo quæ virtute corporis viget , bene facit si omnino se a vino abstinuerit. Inualidam vero & imbecillem pro medicina decet vti vino, non pro temulentia.*

CAP. X. *Quatenus vix virgo lauacro debeat.*

**B**alneo non pro studio vel nitore vtaris corporis, sed tantum pro remedio salutis . Vtere, inquam, lauacro quando poscit infirmitas , non quando suaferit voluntas. Quod *Rom. 13.* enim necesse non est, si egeris, peccabis. Scriptum est: *Et carnis curam ne feceritis in concupiscentijs .* Cura carnis veniens ex concupiscentia habetur in vitio; non ea quæ saluti reparandæ conuenit . Quapropter non te illiciat lauare sæpius carnis voluntas, sed infirmitatis imperet necessitas. Caret enim culpa, si quod necesse est egeris.

CAP. XI. *Quod peccatum sit virgini ridere .*

**E**sto in Deo gaudens lætitia animi tranquilla & moderata : iuxta quod ait Apostolus : *Gaudete in Domino semper, iterum dico, gaudete .* Et alio loco dicit : *Fructus autem Spiritus est gaudium .* Talis iucunditas non perturbat mentem ridendi feditate, sed subleuat desiderijs animam ad supernam quietem; vbi possis audire : *Intra in gaudium Domini tui.* Quale sit cor virginis plerumque risu monstratur . Neque enim impudenter virgo rideret, si cor castum haberet. Speculum cordis facies est hominis . non ridet lasciuie, nisi quæ corde lasciuia est . *Ex abundantia enim cordis ,* ait Dominus, *ut loquitur .* ergo ex abundantia vanissimi pectoris ridet facies virginis. Quid de hoc legitur vide : *Risum reputavi errorem; & gaudio dixi, quid frustra decipis?* Et iterum ibidem : *Risus dolo-*

*dolore miscetur : Et extrema gaudij luctus occupat . Et Dominus ait : Beati qui lugent , quoniam ipsi consolabuntur .* *Verum & Apostolus insane lætantibus dicit : Risus vester vertatur in luctum .* Risum ergo, soror, vt errorem fuge, & temporalem lætitiā commuta in luctum; vt beatificeris, si peregrina in mundo luxeris: quoniam qui secundum Deum lugent, beati sunt, & ipsi consolabuntur. Peregrinari te in mundo scito; nec hic habere patriam, sed in celo. Si tali desiderio ardebat Christi seruus, vt diceret: *Cupio dissolui, & esse cum Christo:* quanta amoris flagrantia virgo debet accendi, quam vberes lacrimas desiderio sponsi sui effundere, donec ad amplexum Christi valeat peruenire? & vbertim flere non desinat, vsque quo Christum, quem videre cupit, attingat. Lugebat ille se peregrinum in hac vita, qui moriens dicebat: *Heu me, quod incolatus meus prolongatus est a me.* Nam exultans te cælestis sponsus & carissimis excipiet amplexibus, si te sui desiderio flagrare didicerit: & si absente eo fleueris, ille te præsens consolabitur.

CAP. XII. *Qualiter habeantur ancilla virginitatem professæ.*

**Q**uas tibi fecit, aut fecerit ancillas conditio, & sorores professio, iam non pro nexu seruitutis exulceres, sed pro paritate professionis honores. Quæ ergo tecum in Christo virginitatis stipendijs militat, pari tecum libertate exultat. Nec sic vos prouocamus ad humilitatem, vt illas superbia erigamus: quas dum tu accipis vt sorores, gratius illæ tibi sint famulæ, præbeantque obsequium non seruitute addictæ, sed liberæ caritate. Quoniam quidem *non est personarum acceptio apud Dominum:* scilicet, in distribuenda fide: vbi pariter consulitur dominæ & ancillæ; vbi non eligitur domina, & reprobat ancilla: æqualiter baptizatae, simul Christi corpus & sanguinem sumunt. Nam, & Patriar-

triarchæ dum essent sanctissimi, quantum ad res terrenas & temporales, discernebant inter seruos & filios; illos famulos, hos dominos iudicabant: quod vero ad spei futuræ munus attinet, ex æquo filijs & vernaculis consulebant, quos vna circumcissione signabant.

CAP. XIII. *De discretione senioris erga personas singulas.*

AA. 4.

**Q**uod quidem sub vna professione manentibus omnibus erunt communia omnibus, verum est, & legitur: scilicet, si omnes æqualiter valeant. Attamen interest quædam discretio senioris, prouidentis quid vnaquæque polcit. Sic enim diuidendum est, prout vnicuique opus est. Quæ potuit honorari in mundo, & diues fuit in seculo, blandius fouenda est in monasterio: & quæ reliquit in seculo vestem preciosam, cultiorem in monasterio meretur. Quæ vero sub penuria vixit in seculo, & tegumento victuque eguit, grate ferat si in monasterio nec algeat, nec esuriat: nec murmuret, si ea tractetur indulgentius, quæ vixit in seculo delicatius. Nam si prout cuique opus est non diuiditur, fit superba in monasterio, quæ fuit vilis in mundo; & quæ erat potens in seculo, humiliatur in monasterio. Sic agit, qui discrete non sapit, vt superbire faciat. ex vili censu conuersas, & dolore stimulet honesto loco natas. Et si sufficit vnde omnibus tribuatur æqualiter, nulla est vnde murmuret: quoniam discretio senioris diuidet vnicuique prout opus est. Sed dicis: cur conuersa est, nisi vt fiat humilis ex potente? Si ergo ista ex inclito ad humilitatem descendit, illa ex paupere quod humiliaretur non habuit, forsitan si superbit. Caritas autem omnia temperat, atque ad eundem pacis pertrahit limitem; vt nec illa infletur, quæ reliquit potentiam; nec illa frangatur, quæ fuit pauper, vel ancilla. Laudanda tamen est senior, si discrete cum singulis se gesserit, & vnicuique

que prout opus est, diuiserit. Ista sint dicta de veste, cibo, potu, vel opere pro inualidis ac delicatis: vt quæ durius ferre non potest, tractetur lenius. Cæterum si circa eas quæ ferro potuerint, factura est senior prout viderit, & quibus confusit pro vsu delicatæ vitæ, vel corporis fragilitate, non eas præferat honore seniorum, si posteriore conuersæ sunt tempore. Dum ergo ad te meus, soror Florentina, sermo dirigitur, deriuauimus orationem studijs plurimarum; nulli tamen iugum imponimus, sed quod honestum est suademus.

CAP. XIV. *Vt virgo equalis sit & in paupertate  
& in abundantia.*

**N**unc ad te loquendo reuertar, soror Florentina, pro qua me familiaris cura sollicitat. Hortor itaque æqualem te & vniformem habere semper animum: vt nec aduersitate frangaris, quæ patientiam & penuriam Iob sapis: nec eleueris prosperitate, quæ Patriarchas diuites opibus, sed humiles animo fuisse legis. Beata enim eris, si & in aduersis & prosperis semper Deo gratias egeris: & vitæ istius prosperitatem fumum vaporemque ilico euanescentem credideris. Dauid certe regnabat, & cum abundaret thesauris, ac manu forti infinitis populis imperaret, humilem se canit, & dicit: *Pauper sum ego, & in laboribus a iuuentute mea.* Et ipse iterum ad filiam Saul dicit: *Vilis incedam, & vilis apparebo ante Deum qui elegit me, potius quam patrem tuum.* Similiter idem dicit: *Incola ego sum in terra & peregrinus, sicut omnes patres mei.* Terrenis ergo nunquam delectata rebus, etiam si se vitæ commoda ingerant, non eis animo innitaris, nec de mundanis gaudeas lucris; & non contristaberis damnis. Etenim scriptum est: *Diuitie si affluant, nolite cor apponere.* Cum amore enim possessa cum dolore vtentis pereunt: & inde tribulari quemquam, necesse est, vnde carnaliter gaudet. Tu ad instar coelestis sponsi honorari in seculo fuge. Ne velis ab alijs dici, aut es-

Z

se



**Mat. 20.** se praelation, quæ legis : *Si quis vult inter vos esse maior, sit vester  
 seruus.* quoniam & ipse Saluator, dum a turbis vt rex fieret  
 quæreretur, seipsum abscondit. Quomodo enim ab homi-  
 ne regnum acciperet, cui cum Patre regnum perpetuum  
 manet ? Sed quia venerat docere humilitatem, hominum  
**Phil. 2.** declinavit honorem. In forma enim Dei manens semetip-  
 sum pro nobis humiliavit : & cui coelestia seruiunt ac terre-  
 stria, pro mortalibus factus est pauper : vt eius inopia nos  
 ditaremur. Tu ergo insiste vestigijs, quibus præcessit spon-  
 sus : & passibus indefessis ducem sequere coelestem : ne dum  
 factis suis probat esse dissimilem, in coelestibus regnis nolit  
 habere consortem. Etenim ista dicimus, vt paruipendas,  
 aut ne pro magno cupias lucra terrena : vel ne æstimes ma-  
 gnos, quos in seculo prospicis diuites. Quod enim habere  
 possunt & mali, libenter debent contemnere boni. Dat  
 enim malis Deus temporales diuitias, quibus negat æternas.  
 dat eas certe & bonis, sed quos nouit non superbisse ex eis.  
 Boni propitio Deo fiunt diuites, propitio Deo fiunt pau-  
 peres : in vtroque Deo gratias agunt, qui voluntatem Dei  
 libenter accipiunt. Malis quando tribuuntur diuitiæ, poe-  
 naliter tribuuntur, vt male de eis gaudeant : & quando sub-  
 trahuntur, poenaliter auferuntur, vt male de eis doleant.  
 vtraque iusto ad gloriam : vtraque impio ad vindictam.  
 Quid ad te, quæ habes regulam quam sequaris ? Virginita-  
 tem itaque & paupertatem Mariæ prospice : quæ tam diues  
 in Domino fuit, vt mater Domini esse mereretur, & tanto  
 rebus paupercula, vt partus tempore nec obstetricis, nec an-  
 cillæ vteretur solatio. ipsum quoque diuersorium tam an-  
 gustum, vt præsepe assumeret pro cunabulo. Sed & Ioseph,  
 cui fuerat desponsata, cum esset iustus, erat tamen & pau-  
 per : ita vt victum & vestitum artificio quæreret. Certe fa-  
 ber ferrarius fuisse legitur. Habes exempla, normam seque-  
 re : ne te velis diuitiarum periculis committere. *Quoniam*  
**1. Tim. 6.** *qui volunt diuites fieri, incidunt in tentationem, & laqueum diaboli : &*  
 defici-

desideria multa inutilia & nocua, quæ mergunt hominem in interitum. Has a se sponte auferunt, quibus in Domino deuotus est animus. Et plerumque contemptores suos magis appetunt diuitiæ, quam sequaces. *Querite, inquit, regnum Dei, & hæc omnia addentur vobis.* Matth.

CAP. XV. *De indulgentia & prohibitione carniū.*

**E**sum carniū infirmitatis tuæ obtentu nec prohibere tibi audeo, nec permittere. Cui tamen suppetit virtus, a carnibus se absteineat. Nam dura est conditio, nutrire contra quem dimices: & carnem propriam sic alere, vt sentias contumacem. Quod si talibus vtitur virgo, qualibus & seculares vtuntur, dat sensum, vt ea agat, quæ a secularibus aguntur. Quid poterit caro nutrita carnibus nisi erumpere ad libidinem, miseramque animam crudelitate luxuriæ debaccare? Vnde & quidam auctor ait: *Deliciarum finis corruptio*. Et Apostolus voluptuosam viduam sic notat, vt dicat: *Quæ autem in delicijs est, viuens mortua est*. 2. Tim. 3. Quod si abstinentia marcidum corpus vix a lege peccati, quæ habitat in membris nostris, prohibemus; quid faciet quæ sic obruit terram carnis suæ, vt ei possit spinas & tribulos germinare? Fomenta vitiorum, elus carniū: nec solum carniū, sed & nimia satietas aliorum ciborum. Quoniam non culpatur escæ qualitas, sed quantitas reputatur in vitio. Quicquid enim accipitur nimis, hoc aggrauat animam: & abundantiori cibo extensus stomachus obtundit animæ sensus. Virgo tantum sana debet esse, non rigida: pallida, gestare ora, non rubentia: quæ suspiria cordis emittat ad Deum, non ructet cruditates ciborum. Quibus ergo vires corporis opus sunt, habeant carnis vsum: scilicet, qui metalla effodiunt; qui in agone terreno certant; qui construunt celorum culmina ædificiorum; vel in diuersis opificijs labore desudant corporis; his reparandarum vi-

rum aptus est vsus carnis. Virgo quæ magis defectus sustinet corporis, bona virgo est. Ad quos vsus carnes sumet, nisi ut miserum corpus sæpe vitiorum inundet? Verum si cogit infirmitas, medicinaliter sumendæ sunt carnes. Medicinaliter enim est, quod non grauat, sed releuat: quoniam & ipsam medicinam ita artis ipsius periti impendunt, ut sensim adhibita non nocerent infirmum, sed alleuent. Vnde & illa vera est sententia philosophorum: *Ne quid nimis.*

CAP. XVI. *Præmonasterio quo coepit virgo permaneat.*

**V**irginem enim in monasterio permaneas sollicitè admoneo. Multarum enim societate proficies; & virtutes aliam invidendo eris virgo virtutum. Et si interdum pro varietate voluntatum oritur quadam congregationi similitudo; & nonnunquam murmuris carnalium tristentur spirituales: non tamen deerunt quas in bonis actibus imiteris. Et certe tolerare carnales, probata virtutis est: imitari vero spirituales, spei est maximæ. Erudiunt carnales spiritualium patientiam, & dant quæ sanctæ sunt bonarum documenta virtutum: ac sic animæ proficienti utraq; sunt utiles, & quas patienter tolerat, & quas imitatur suauiter. *Libenter,* inquit Apostolus, *sustinetis insipientes, cum sitis sapientes.* Et ipse idem dicit: *Debetis autem vos qui firmiores estis, imbecillitates infirmorum sustinere, & non vobis placere. Unusquisque autem proximo suo placeat in bonum ad edificationem.* Non enim te carnalium scandalizent murmura: sed consoletur proficientium vita: & quæ nescis quantum demoreris in seculo, debes esse patiens pro cælestis gloriæ dono.

CAP. XVII. *Qualiter vita fugiatur priuata.*

**F**uge quæso priuatam vitam: nec velis imitari eas virgines, quæ in urbibus per cellulas demorantur: quas multumoda

da cura constringit; prius placendi seculo, ne foedo prodeant amictu; & domestica oppressæ solitudine, dum pro vitæ subsidio fatagunt, minus quæ ad Deum pertinent quærunt. Priuatam enim vitam de usu gentilium traxit Ecclesia. quos dum non quiuierunt Apostoli ad normam suæ vitæ traducere, Ecclesiæ venienti ex gentibus permiserunt priuate viuere, propriisque rebus uti. Ceterum qui sub Apostolis crediderunt ex Hebræis, eandem normam, quam nunc tenent monasteria, seruauerunt. Quære quod legitur in actibus Apostolorum, & verum esse quod dico probabis. *Multitudinis, inquit, credentium erat cor unum, & anima una. Nec quisquam eorum quæ possidebat, suum aliquid esse dicebat. sed quotquot possessores agrorum erant, vendebant, & pretia eorum ponebant ante pedes Apostolorum: & distruebatur prout unicuique opus erat.* Vide, quod viuentes in monasterio regulariter, Apostolorum teneant vitam: nec dubitent eorum assequi merita, quorum imitantur exempla.

CAP. XVIII. *Ne peculiare virgo in monasterio quid possideat.*

**P**eculiare, quod in cœnobijs pro magno habetur crimine, tu pro grandi vita contagione. Adulterium certe est; quia conscientia integritatem usurpatæ rei prauitate maculat. Furti crimen est: quoniam dum omnia quæ habentur in monasterio, omnibus sunt communia, habere una latenter præsumit, quod a ceteris ignoratur. & aliud publice cum omnibus vitur, aliud furtiue abscondit. Fraus est manifesta: quia non reponit in commune, quod possidet; sed exiguam paruitatem priuatim occultat fraude. Vnum crimen, sed plura contagia. Tantæ nequitia malum velut gehennæ euita præcipitium; & quasi iter caue ducens ad infernum. Inde vsque ad malum proditiōis & Domini traditionem Iudas erupit, quod furti crimen tractus

ctus cupiditate commisit. Denique cum haberet cum Apostolis quicquid illis esset commune, non fuit contentus communionis sufficientia. Sed quid dicit de eo Euangelium? *Fur erat, & loculos habens, ea quæ mittebantur portabat.* *Ioan. 13.*  
*Act. 5.* Nec non Ananiæ & Saphiræ exempla recole; qui offerentes Apostolo partem pretij, partem vero celantes, præsentii sunt iudicio damnati; & pro terrore sequentium non est dilata facinoris ultio. Quæ autem a communione monasterij priuata secernitur, necesse est ut a cœlestis vitæ consortio separetur. Quicquid manus tua attigerit, seniori ostende; in commune repone. Noli quidquam transportare seorsum; quia nimium Iudæ proditoris exempla cauenda sunt.

CAP. XIX. *Ne virgo iurare debeat.*

**N**ynquam iurare, sed semper verum dicere, pari obseruastudio. Nam sicut carnalibus pro terrore fraudis iurare permissum est, sic prohibita sunt spiritalibus, etiam dum sibi bene conscij sunt, sacramenta. *Sit, inquit, sermo vester, Est, est; Non, non; quod autem plus est, a malo est.* *1. Cor. 5.* Caue itaque iurare in bono, quia de malo est. Et propterea dicitur esse a malo, eo quod iurandi necessitas ex infideli sit conscientia. Eius autem hominis iurandi extorquetur necessitas, cuius fides manet in dubio. Tu vero, quæ simplicitatem cordis debes ostendere labijs, cur te spontaneo alliges sacramento? Tolle iurandi usum in bono, & non periurabis in malo. Loquere veritatem ex corde, & aberit iurandi necessitas. *Legimus enim: Ne assuescas iurationi, quoniam multi casus in illa.* *Ecl. 25.*

CAP. XX. *Ne sola virgo cum sola loquatur.*

**N**oli assumere vnam loquendi familiaritatem, & declinare alias. Sed quod scire vni utile est, sciatur ab omnibus.  
 Audi

**Audi Dominum** quid dicat : *Quod dico vobis in tenebris, dicite* Matt. 17. *in lumine: quod in aure auditis, predicare super tecta.* Hoc est; si quid vobis in secreto mentis fuerit reuelatum, palam dicite: & quod corde concepistis, omnibus manifestate. Si bonum est quod loqueris, cur vna tantum, & non omnes potius informentur? Si turpe est, nec cogitare, nec loqui debes, quod alias erubescis scire. Non iam de bono est quod singulariter virgo loquitur. *Omnis enim qui male agit,* 1000. 3. ait Dominus, *odit lucem.* Vnde & ille philosophorum prudentissimus dixit: *Omnia recte facta in luce se amant collocari.* O virgo ideo occulte loqueris, quia non est vnde publice glorieris. Sed si aures & oculos humanos fallis, numquid Dei cognitionem fallere poteris? Pulchre & alius ait: *Quod vis Deum nescire, nec agas, nec cogites.* Sit ergo tibi conscientia innocua, sermo liber a culpa. Respuenda nec audire te, nec cogitare delectet; multo minus loqui, vel agere.

CAP. XXI. *Ne velit virgo reuerti ad seculum.*

**I**am ad portum nauem orationis dirigimus, & emenso districtorum pelago in littore quiescendi anchoram ponimus. flatu tamen caritatis tuæ iterum in fluctibus verborum reuehor. Te quæso soror Florentina, per beatam quoque Trinitatem vnicæ diuinitatis obtestor; vt quæ de terra tua & de cognatione tua cum Abraham egressa es, Gen. 19. cum vxore Loth non respicias retro; ne efficiaris exemplo malo documentum aliarum ad bonum: & ne in te aliæ videant, quod in se caueant. Illa vero alijs facta est condimentum sapientiæ, sibi vero simulacrum stultitiæ. sibi enim nocuit malefactum, alijs profuit exemplum contrarium. Ne te vnquam reuerti ad genitale solum sollicitet cogitatio: vbi si te Deus habitare voluisset, non inde eijceret. Sed quia vtile proposito tuo fore prospexit, bene sicut Abraham a Chaldaïs, & tanquam Loth te abstraxit a Sodomis. Denique

que errorem meum ipse fateor, me communem matrem  
 sæpe allocutum, nosse cupiens si vellet reuerti ad patriam:  
 illa autem, quæ se nouerat Dei voluntate causa inde salutis  
 exiisse, sub diuina obtestatione dicebat, nec velle se videre,  
 nec vnquam visuram illam patriam esse. & cum magnis di-  
 cebat fletibus: Peregrinatio me Deum fecit agnoscere: pe-  
 regrina moriar; & ibi sepulcrum habeam, vbi Dei cognitio-  
 nem accepi. Teste Iesu hoc in eius experijsse desiderijs me-  
 mor sum, vt etiam si diu viueret, patriam illam non reuideret.  
 Tu, quæso, caue soror Florentina quod mater timuit, &  
 malum quod illa experta fugit, tu prudenter euita. Mife-  
 rum me doleo, qui ibidem communem fratrem transmissi  
 Fulgentium, cuius pericula iugi formidine pertimesco. Tu-  
 tior tamen erit, si tu securior & absens pro illo oraueris. Ea  
 inde ætate abstracta es, vt vel si ibidem nata fueris, non  
 memineris. Nulla est recordatio quæ moueat desiderijs ani-  
 mam: & beata es, quæ ignoras quod doleas. Ego tamen  
 expertus loquor, sic perdidisse statum & speciem illam pa-  
 triam, vt nec liber quisquam in ea supersit, nec terra ipsa  
 solita sit vbertate foecunda. & non sine Dei iudicio. Terra  
 enim cui ciues erepti sunt, & concessi extraneo, mox vt  
 dignitatem perdidit, caruit & foecunditate. Vide soror  
 Florentina, quod te pauens moerensque conueniam, ne te  
 serpens præripiat a Paradiso, & in eam ponat terram, quæ  
 spinas & tribulos germinat: de qua rursus si velis manum  
 extendere, & lignum vitæ edendum assumere, non per-  
 mittaris attingere. Testor enim te cum Propheta, & con-  
 scio Iesu Christo admoneo, dicens: *Andi filia, & vide:*  
*& inclina aurem tuam, & obliuiscere populum tuum, & domum*  
*patris tui. quia concupiuit rex speciem tuam: & ipse est Domi-*  
*nus Deus tuus. Nemo mittens manum suam in aratrum, & re-*  
*spiciens retro, aptus est regno Dei. Noli ab eo auolare nido,*  
*quod inuenit turtur, vbi reponat pullos suos. Simplici-*  
*tatis filia es, quæ turture matre nata es. In eadem vna*  
 perso-

Psal. 44.

Luc. 9.

Psal. 83.

persona complutium necessitudinum vteris officio .  
 Turturem pro matre respice . Turturem pro magistra at-  
 tende , & quæ te Christo quotidie affectibus generat , ca-  
 riorem qua nata es reputa matrem : ab omni procella ,  
 ab omni mundano turbine in eius te sinibus conde . Sit  
 tibi suaue eius lateri adhærere . Sit tibi dulce eius gremium  
 iam prouectæ , quod erat infanti gratissimum . Postremo  
 carissimam te germanam quæso , vt mei orando memine-  
 ris , nec iunioris fratris Isidori obliuiscaris : quem quia sub  
 Dei tuitione , & tribus germanis superstitibus parentes re-  
 liquerunt communes , læti , & de eius nihil formidantes  
 infantia ad dominum commearunt . Quem cum ego vt  
 verè filium habeam , nec temporale aliquid eius caritati  
 præponam , atque in eius pronus dilectione recumbam ,  
 tantò eum carius dilige , tantòque Iesum exora pro illo ,  
 quantò nosti eum a parentibus terrenis fuisse dilectum .  
 Certus sum quod flectat pro nobis aures diuinas tua vir-  
 ginalis oratio . Et si pactum quod cum Christo pepigisti  
 seruaueris , bene agenti tibi debetur corona , & exhortan-  
 ti Leandro præstabitur venia : & si perseveraueris vsque  
 in finem , salua eris . Amen .

EXPLICIT REGVLA S. LEANDRI AD FLORENTINAM SOROREM





EPITAPHIVM BEATORVM LEANDRI  
ISIDORI ET FLORENTINÆ.

CERVX HAEC ALMA GERIT SANCTORVM CORPORA FRATRVM,  
LEANDRI ISIDORIQUE PIORVM EX ORDINE VATVM.

TERTIA FLORENTINA SOROR DEVOTA PERENNIS

ET POSITA AMORVM CONSORS SIC DIGNA QUIESCIT.

ISIDORVS IN MEDIO DISIVNGIT MEMBRA DVORVM.

HI QVALES EVERINT LIBRIS INQVIRITO LECTOR,

ET COGNOSCE ILLOS BENE CUNCTA FVISSE LOCVTOS,

DOGMATE SANCTORVM CERNENS CREVISSE FIDELES

ÆTERNO DOMINO, QVOS IMPIA IVRA TENEBANT.

VTQVE VIROS CREDAS SVBLIMES VIVERE SEMPER

ASPICIENS SVRSVM PICTOS CONTENDE VIDERE.

OBIIT felicis memoriæ LEANDER episcopus  
die 111. Kalend. Martias æra DCXLI.



B.AEL.

**B. AELREDI**  
**ABBATIS RIEVALLENSIS**  
**Regula**  
**SIVE INSTITVTIO INCLVSARVM.**

## DE B. AELREDO EIVSQ. REGVLA


CENTVRIATOR ANGLVS libro de Scriptori-  
bus Britanicis cent. II. num. XCIX.

*AELREDVS Rhieuallensis (Ethelredum plures vocant) Cisterciensium uonachorum in Rhieualle Eboracensis diocesis abbas, genere, doctrina, & inculpatæ vitæ moribus, ut Capgravius habet, præclarus emicuit. Solitaria vitæ ardore totus inflammatus, talis ac tantus euasit, ut breui socios suæ professionis omnes, omnibus vitæ ornamentis superaret. Accessit ad hæc literarum cognitio, quæ tanto illi ad omne generis doctrinam incitamento fuit, ut nullam scientiæ genus intactum relinqueret. Dauidi Scotorum regi familiarissimus olim, quum adhuc adolestens esset, episcopatum, & alios tanti bonores recusabat, ut ad exercitia virtutum, maxime ad euangelij prædicationem expeditior haberetur. Varios ad tumultuaria certamina principum motus, potissimum ubi nulla spes pacis expectabatur, mira solebat industria compescere, atque ad optatum perducere finem. Vir erat idem, atque alter Bernardus ingenio mitis, actione pius, & consilio modestissimus: diuique Aurelij Augustini confessiones pro immensa semper habebat thesauro. Composuit inter cetera, De institutione inclusarum librum I. qui incipit: Iam pluribus annis.*

Eadem hæc postea transcribere Posseuinus, Pitseus, & bibliotheca Cisterciensis auctor nuperimus.



B. ÆL-



# B. AELREDI ABBATIS

## RIEVALLENSIS

Regula, siue institutio inclusarum ad sororem.



### P R Æ F A T I O .



**I**AM pluribus annis exis à me, soror, vt secundum modum viuendi quem arripuisti pro Christo, certam tibi formulam tradam, ad quam & mores tuos dirigere, & vitam religionis, & vitæ religiosæ possis exercitia ordinare. Vtinam à sapientiore id peteres & impetrares: qui non coniectura qualibet, sed experientia didicisset quod alios doceret. Ego certè, qui carne & spiritu tibi frater sum, quoniam negare non possum quicquid iniungis, faciam quæ hortaris, & ex diuersis patrum institutis aliqua quæ tibi videntur necessaria excerpens, ad componendum exterioris hominis statum certam tibi regulam tradere curabo: pro loco & tempore quædam adiiciens; & spiritualia corporalibus, vbi vtile visum fuerit, interserens.

CAP.

CAP. I. *Quomodo est instituta eremitica vita.*

**P**rimum oportet te scire, qua causa, quaque ratione vita hæc ab antiquis vel instituta sit vel usurpata. Sunt quidam quibus inter multos vivere perniciosum est. Sunt & alij, quibus etsi perniciosum non est, tamen dispendiosum est. Sunt & nonnulli, quibus & nihil horum timendum est; sed potius habitare magis æstimant fructuosum. Itaque antiqui, vel ut vitarent periculum, vel ne paterentur dispendium, vel ut liberius ad Christi anhelarent & suspirarent amplexum, singulariter vivere elegerunt. Hinc est quod plures in eremo soli sedebant, vitam manuum suarum opere sustentantes. Illi vero, qui nec hoc securum sibi inter solitudinis libertatem & vagandi potestatem arbitrabantur, includi potius, & intra cellulam obstruso exitu contineri tutius æstimabant.

CAP. II. *Quod non sufficit reclusio corporis & membrorum, nisi adsit reclusio mentis & sensuum.*

**Q**uid tibi visum fuit, cum te huic institutioni voueres? Nam multi rationem huius ordinis vel ignorantes, vel non curantes, membra tantum intra parietes cohibere satis putant esse; cum mens non solum per vagationem dissoluatur, curis & sollicitudinibus dissipetur, immundis etiam & illicitis desideriis agitetur; sed etiam lingua tota die per vicos & ciuitates, per foros & nundinas otiose discurrant.

CAP. III. *De periculo & casu reclusarum ex confabulatione vetularum.*

**V**ix aliquam inclusarum huius temporis solam inuenies, ante cuius fenestram non anus garrula, vel nug-

gigerula mulier sedeat, quæ eam fabulis occupet, rumoribus aut distractionibus pascat, illius vel illius monachi, vel clerici, vel alterius cuiuslibet ordinis viri formam, vultum, moresque describat: illecebrosa quoque interserat, puellarum lasciuiam, viduarum, quibus licet, quicquid libet, libertatem: coniugum in viris fallendis explendisque voluptatibus astutiam depingat: os interea, in risu cachinnosque dissoluitur, & venenum cum suauitate bibitum per viscera membraque diffunditur.

CAP. IV. *Qualiter imprimitur in imaginatione quod precessit in confabulatione.*

Sic cum discedere ab inuicem hora compulerit, inclusa voluptatibus, anus cibarijs onerata recedat. Reddita quieti misera eas quas auditus induxerat, in corde versat imagines, & ignem præmissa confabulatione conceptum vehementius sua cogitatione succendit: quasi ebrius in psalmo titubat, in lectione cadit, fluctuat in oratione. Refusa mundi luce citantur mulierculæ ad dentes noua veteribus, non cessant donec captiuam liberius dæmonibus illudendam exponunt. Nam manifestior sermo non iam de accendenda, sed potius de satianda voluptate procedens, vbi, & quando, & per quem possit explere quod cogitat, in commune exponunt. Cella vititur in prostibulum, & delicato qualibet arte foramine, aut illa egreditur, aut adulter ingreditur. Infelicitas hæc, vt sæpe probatur, pluribus causa viris in hoc nostro seculo communis est.

CAP. V. *De loquacitate, & avaritia aliquarum reclusarum congregantium vt distribuatur pauperibus.*

Sunt aliæ, quæ licet turpia declinent, loquaces tamen loquacibus assidue sociantur, nimium curiositati linguam

guam & aures tota die otia rumoribusque cedentes. Aliae non multum ista curantes, quod fere vitium per omnes huius temporis serpit inclusas, pecuniae congregandae, vel multiplicandis pecoribus inhiant: tantaque cum hac sollicitudine in his extenduntur, ut eas matres vel dominas familiarum aestimes, non anachoretas. Quorundam aliquibus pascua pastores, qui procurent, qui custodiant greges: fructus vel pretium, vel pondus, vel numerum a custodibus expetunt. Sequitur emptio, & venditio; ut nummus nummo cumulum exigat, & avaritiae sitim accendat. Fallit enim tales spiritus nequam, pro impertiendis elemosynis, vel orphanis alendis, pro advenientium parentum vel amicorum caritate, & religiosarum feminarum susceptione. hoc utile ac necessarium suadens. Non est hoc tuum: ad quam magis pertinet, ut pauper cum pauperibus stipem accipias, quam relictis omnibus tuis pro Christo aliena quaerere, ut eroges. Magnae infidelitatis signum est, si inclusa de crastino sit sollicita: cum Dominus dicat: *Primum querite regnum Dei, & haec omnia adjiciantur vobis*. Quapropter providendum est, ut mens omni rerum temporalium cura exuatur & exone rerum sollicitudine.

Mat. 6. 33.

CAP. VI. *Quod reclusa de proprio labore vivat, vel aliunde, antequam recludatur sibi procuret provideri, nec doceat, nec hospites recipiat, nec puellas, sed habeat probatam matronam & ancillam.*

Q uod ut fiat, videat inclusa, ut fieri potest, de labore manuum suarum vivat, hoc enim perfectum est. Si autem aut infirmitas, aut teneritudo non permittat, antequam includatur, certas personas quaerat, a quibus singulis diebus quod uni diei sufficiat, humiliter recipiat: nec causa pauperum, vel hospitem quicquam adjiciat. Non

Non circa cellulam eius pauperes clament, non orphani plorent, non vidua lamentetur. Sed quis, inquires, hoc poterit prohibere? Tu fede, tu tace, tu sustine: mox ut scient te nihil habere, seque nihil recepturos, vel fatigati discedent. Inhumanum hoc clames. Cæterum si præter necessarium victum & vestitum aliquid habes, monacha non es. Quid ergo erogabis? Præcipitur tamen inclusæ ut quicquid de labore manuum suarum victui superfluit, mittat cuidam fidei, qui pauperibus eroget. Nolo ut infidiatrix pudicitie vetula mixta pauperibus accedat propius, deferat ab aliquo monachorum vel clericorum eulogias, non blanda verba in aure susurret, ne pro accepta eleemosyna osculans manum in aure insibilet. Cauendum præterea est, ut nec ob susceptionem religiosarum, seminarum quodlibet hospitalitatis onus inclusa suscipiat. Nam inter bonas plerumque etiam pessimæ veniunt, quæ ante inclusæ fenestram discumbentes præmissis valde paucis de religiosis sermonibus ad sæcularia deuoluuntur, inde subtexere amatoria, & noctem fere totam insomnem ducere. Sane tu tales deuita, ne cogaris audire quod videre horreas. forte enim videbuntur amara cum audiuntur vel cernuntur, quæ sequuntur dulcia cum cogitantur. Si scandalum times, eo quod nec pauperibus erogas, non suscipis hospites; cum omnes tuam nuditatem didicerint, non erit qui reprehendat. Si vero nec pro pauperibus nec pro hospitibus te velim pecuniosam esse, multo utique minus occasione grandioris familiæ. Itaque eligatur tibi aliqua anus, non garrula, non vaga, non litigiosa non nugigerula; sed quæ bonos mores excoluerit, & ab omnibus habuerit testimonium veritatis. Hæc ostium cellulæ custodiat, & quod debuerit vel admittat, vel conseruet. Habeat sub cura sua fortiores ad onera sustinenda puellam, quæ aquam & ligna comportet, coquat fabas aut olera; aut si hoc infirmitas exe-



gerit, præparet potiora. Hæc sub virgæ disciplina custo-  
diatur, ne forte eius lascivia tuum sanctum habitaculum  
polluatur, propositum blasphemetur. Pueris & puellis  
nullum ad te concedas accessum. Sunt quædam inclusæ  
quæ in docendis puellis occupantur, & cellam suam ver-  
tunt in scholam. illa sedet ad fenestram, istæ in porticu re-  
sident. illa intuetur singulas, & inter puellares motus nunc  
irascitur, nunc ridet, nunc minatur, nunc percutit, nunc  
blanditur, nunc osculatur, nunc fœatē vocat pro ver-  
bere propius, palpat faciem, stringit collum, & in am-  
plexum ruens nunc filiam vocat, nunc amicam. Quali-  
ter inter hæc memoria Dei, vbi secularia & carnalia, et-  
si non perficiantur, mouentur tamen, & quasi sub oculis  
depinguntur. Tibi vtique dux illæ sufficiant ad colloquiū  
& ad obsequium.

CAP. VII. *Quod qualibet religiosa, maxime virgo & reclusa  
debet parum, & illud ordinate loqui.*

**S**ilentij grauitatem inclusæ seruandam præcipue suade-  
mus. Est enim in ea quies magna, & fructus multus.  
Nam cultus iustitiæ silentium, sicut ait Hieremias: *Bonum  
est cum silentio expectare salutare Dei.* & iherem: *Bonum est viro  
cum portauerit iugum, ut sedeat solus & taceat.* vnde scriptum  
est: *Audi Israël & tace.* Fac ergo, quod ait propheta:  
*Dixi custodiam vias, ut non delinquam in lingua mea: posui ori  
meo custodiam.* Sic inclusa timens casum linguae, quam  
secundum apostolum iacobum *nemo hominum domare po-  
test*, ponat custodiam ori suo. sola sedeat, & taceat ore,  
spiritu loquatur: & credat se non esse solam, quando so-  
la est; tunc enim cum Christo est, qui non dignatur in-  
turbis esse cum ea. Sedeat ergo sola, taceat Christum au-  
diens, & cum Christo loquens. Ponat custodiam ori suo.  
primum vt raro loquatur; deinde quid loquatur, quibus  
&

*Thron. 3.*

*Deut. 27.*

*Psalm. 38.*

*Iacob. 3.*

& quomodo loquatur, attendat. Raro loquatur, id est certis & constitutis horis, de quibus postea dicemus. Quid loquatur, id est, quod ad animæ salutem vel necessitatem corporis facit. Quibus loquatur, certis personis, & quales ei fuerint designatæ. Quomodo loquatur, id est humiliter, moderatè, non alta voce, nec dura, nec blanda, nec mixta risu. Nam si hoc ad quemlibet virum honestum non pertinet, quanto magis ad feminam? quanto magis ad virginem? quanto magis ad inclusam? Sede ergo soror mea & tace. si compelleris loqui, parum loquere, humiliter & modestè; siue de corporalium rerum necessitate, siue de animæ salute sermo incubuerit.

CAP. VIII. *Quod non debet loqui nisi probato confessori, seni, & raro: nec eum tanget, nec de manu conferat, nec solus sibi loquatur aliquis, nec munuscula tribuat.*

**I**am nunc personas quibus loqui debet, designemus: Felix illa quæ nec maritum admisit, nullum virorum videre volens, nec alloqui. Sed, quæ nunc reclusarum hoc sequitur exemplum? Sufficiunt illis quæ modo sunt, si hanc corporalem castitatem conseruent, si non onusto ventre non extrahantur, si non fletus infamis partum ediderit. Quibus perpetuum, ne cum viris loquantur, indicare non possumus silentium, cum quibus honestius loqui possint videamus. Ergo si fieri potest, prouideatur in magno monasterio vel ecclesia presbyter aliquis senex, maturus moribus, cui raro nisi de confessione, & animæ ædificatione loquatur: a quo consilium accipiat in dubijs, in tribulationibus consolationem. Verum quia inclusum membris malum illud quod timemus plerumque suscitât, & emollit emortuam senectutem, nec ipsi manum suam tangendam præbeat, vel palpandam. Nulla vobis de macie vultus, de exilitate brachiorum, de cutis asperitate sit cura.

CAP. IX. *Quod non propter sororem, sed propter alias adolescentulas hac scribit precavenda esse reclusarum.*

**H**æc tibi, soror, gratias Deo, dicenda non fuerant. Sed quia nec solum propter te, sed etiam propter adolescentiores, quæ similem vitam tuo consilio arripere gestiunt, hanc tibi formulam tradi voluisti, hæc interferenda putavi. Si aliqua magni nominis vel bonæ æstimationis persona, abbas scilicet vel prior, cum inclusa loqui voluerit, aliquo præsentem loquatur.

CAP. X. *De personarum colloquio evitando.*

**N**ullam certe personam te frequentius visitare vellem, nec cum aliqua te crebrius visitante familiare vellem te secretum habere. Periclitatur enim fama virginis crebra certæ alicuius personæ salutatione, periclitatur & conscientia. Nam quanto sæpius eundem videris vultum, vel vocem audieris, tanto expressius eius imago tuæ memoriæ imprimetur. Et ideo inclusa etiam facie velata loqui debet cum viro, & eius cauere conspectum, cui cum timore solam debet præstare auditum. Nam eandem viri vocem sæpe admittere quibusdam periculosum esse non dubito. Adolescentium & suspectarum personarum devita colloquium: nec unquam tecum, nisi tu audientiam illius quæsisit proprie loquatur: & hoc si certa necessitas poposcerit. Cum nullo itaque advenientium, præter episcopum aut abbatem, vel magni nominis priorem, sine ipsius presbyteri licentia vel præcepto loquaris: ut difficultas loquendi tecum tibi præstet quietem. Nunquam inter te & quemlibet virum, quasi occasione exhibendæ caritatis, vel nutriendi affectus, vel expetendæ familiaritatis aut amicitie spiritua-

lis.

His, discurrant nuntij : nec eorum munuscula literasque suscipias, nec illis tua dirigas, prout moris est : puta zonas, marsupia, quæ diuerso stamine & subtegmine variata sunt, & cætera quæ huiusmodi adolescentioribus monachi per clericos mittunt : quod fomentum est amoris illiciti, & magni materia mali.

CAP. XI. *Quod reclusa debeat proprijs manibus laborare, ut inde viuat, vel pauperibus eroget.*

**O**perare proinde ea quæ vel necessitas poscit, vel præscribit utilitas, & eorum precium tuis vñibus cedat; quibus si non egueris, aut necessaria ecclesiæ, aut pauperibus, sicut diximus, tribuas. Ornet etiam omnes motus, omnes sermones inclusa verecundia, quæ linguam compescat, iram mitiget, iniuriam caueat. Quam enim pudere decet honestè honesta loqui, quantæ impudentiæ est ut inhonesta, licet laceßita iniurijs aut stimolata furore, loquatur?

CAP. XII. *Quod non debet improprijs respondere.*

**I**nclusa igitur litiganti non respondeat, detrahenti non impropere, laceßenti non contradicat : sed in omnibus, quæ in publico vel in occulto aut obijciuntur, aut susurrantur, ex conscientia senioris arte contemnat, dicens cum Apostolo : *Mihi autem pro minimo est ut à vobis iudicer.* Super omnia enim inclusa studere debet, ut tranquillitatem spiritus & pacem cordis iugiter retinens, illum sui pectoris æternum habeat inhabitatorem : de quo scriptum est : *In pace factus est locus eius.* Et alias Dominus per prophetam : *Super quem, inquit, requiescet spiritus meus, nisi super humilem, & quietum, & timentem sermones meos?* Hunc sacratissimum mentis statum, non solum stultiloquia euer-

1. Cor. 4

Isa. 73.

Isa. 66.

tunt

tunt, sed & peruertunt. Nihil tam offitibi conuoluctum quam silentium.

CAP. XIII. *De tempore loquendi & tacendi.*

Exod. 32.

**I**AM nunc tempus loquendi, ac tacendi tempus distinguamus. Igitur ab exaltatione sanctæ crucis usque ad quadragesimam post completorium usque ad auroram silentium teneat: & tunc dicta prima, si aliud de diurna necessitate voluerit suggerere seruianti, paucis hoc faciat verbis: nihil cuiquam postea usque ad tertiam loquatur. Inter tertiam vero & nonam his qui superuenerint, prius si admittendi sunt, competenter respondeat, & ministris, quod placuerit, iniungat. Post nonam sumpto cibo omne colloquium & dissolutionis materiam caueat ne impingatur ei illud quod scriptum est: *Sedit populus manducare & bibere, & surrexerunt ludere.* Porro vespertina laude soluta, cum ministra usque ad tempus collationis de necessarijs conferat. Tempore vero quadragesimæ inclusa semper silentium tenere deberet: sed quia hoc durum impossibileque putatur, cum confessore suo & ministra ratum quam alijs temporibus loquatur, & cum nullo alio: nisi forte aliqua reuerenda persona ex alijs prouincijs superuenierit. Post pascha vero usque ad tempus prædictum a completorio usque ad solis ortum silentio custodito, cum horam primam in diuinis obsequijs celebrauerit, cum ministris suis loquatur si oportuerit: cum superuenientibus inter nonam & vesperam. Finita hora vespertina disponat cum ministris quod opus fuerit usque ad collationem.

CAP. XIV. *Quod vitandum, & habendum exercitium.*

**H**IS inspectis operi manuum, lectioni & orationi certa tempora deputentur. Otiositas quippe inimica est

est animæ, quam præ omnibus cauere debet inclusa. est enim omnium malorum parens, libidinis artifex, peruationum alitrix, nutritrix vitiorum, fomentum acediae, tristitiæ incentiuum. Ipsa pessimas cogitationes seminat, affectiones illicitas quærit, suscitatur desideria. Ipsa quietis fastidium parit, horrorem incutit cellæ. Numquam te improvidam, numquam te spiritus inueniat otiosam. Sed quia mens nostra, quæ in hac vita subdita est vanitati, numquam in eodem statu permanet, otiositas exercitiorum varietate fuganda est, & quies nostra quadam operum vicissitudine fulcienda. Itaque a calendis Nouembris usque ad quadragesimam, secundum æstimationem suam, plus media nocte repauset: & sic surgens cum qua potest deuotione, secundum formam regulæ beati Benedicti, nocturnas vigilas celebret: quibus mox succedat oratio, quæ secundum quod eam spiritus sanctus adiuuerit, aut protegere debet aut abbreviare. caueat autem ne prolixior oratio fastidium pariat. vtilius est enim sæpius orare breuiter, quam semel nimis prolixè: nisi forte orationem deuotio inspirata, ipso nesciente qui orat, prolongauerit. Post orationem in honore Virginis debitum soluat officium, sanctorum commemorationem adiiciens. Caueat autem ne de numero psalmorum, vel commemoratione aliquam tibi legem imponas: sed quamdiu te psalmi delectant, vttere illis: si tibi ceperint esse onerosi, transi ad lectionem: quæ si fastidium ingerit, surge ad orationem. Sic ad opus manuum his fatigata pertransiens, vt salubri alteratione spiritum recrees, & pellas: acediam. Finis commemorationibus, quarum numerum non propositioni, vel voci necessitas extorqueat, sed inspirans deuotio dicter, tempus quod restat usque ad auroram, operi manuum cum psalmorum modulatione deseruiat. Albefcente aurora matutinas laudes cum horæ primæ hymnis persoluat: & sic in alternatione lectionum, orationum.

tionum, psalmorum quoque, prout ea deuotio variauerit, tertiam expectet: qua dicta in opere manuum vsque ad horam nonam occupetur. Cibo autem sumpto, & gratiarum actionibus Deo solutis, ad præscriptam mansuetudinem redeat spiritualibus exercitijs, opus corporale intermittens vsque ad vespervas. Facto autem paruo intervallo aliquam lectionem de vitis patrum, vel institutis vel miraculis eorum, sibi secretius legat: vt orta ex his aliqua compunctio, in quodam feruore spiritus completorium dicat: vt cum pleno pectore deuotionis lectulo membra componat. Illa sane quæ literas non intelligit, operi manuum diligentius insistat: ita vt cum paulatim fuerit fatigata surgat, & genua flectat, & breuiter oret Dominum suum, & statim opus quod intermiserat resumat: & hoc faciat scilicet tempore utroque lectionis & laboris: dominicam orationem crebrius inter opera eadem repetens, & si quos psalmos voluerit interserens.

*CAP. XV. De tempore paschali in quo ad vigiliis surgere debet.*

**A** Pascha verò vsque ad prædictas calendas, sic surgat ad vigiliis, vt finitis nocturnis hymnis & orationibus, paruissimo intervallo præmissis, matutinas incipiat. Quibus expletis vsque ad plenum solis ortum, orationibus vacet & psalmis: & tunc dicta prima sacrificium diurni operis inchoet vsque ad horam tertiam: in lectione & oratione vsque ad sextam spiritum occupet. Post sextam sumpto cibo pauset in lectulo suo vsque ad nonam: & sic vsque ad vespervam manibus operetur. Post vespervam vero orationibus vacet & psalmis; horam collationis ita temperans, vt ante solis occasum lectulus membra recipiat. Cauendum enim est omni tempore, ne totam diei lucem nox antequam dormitum eat, suis obducatur tenebris, & dormire cogatur cum vigilare debet.

CAP.

CAP. XVI. *De tempore quadragesimali qualiter est ieiunandum, & de virtute ieiunij.*

**D**um tempore quadragesimali locuturi, primo excellentiam eius credimus commendandam. Cum multa sint Christianorum ieiunia, omnibus excellit quadragesimale ieiunium, quod diuina auctoritate non singulis quibuscumque personis, non illius vel illius ordinis hominibus, sed omnibus indicitur Christianis. Habet autem testimonium excellentiæ a lege, a prophetis, & ab euangelio. Nam Moyses famulus Dei ieiunauit quadraginta diebus & quadraginta noctibus, ut legem Domini accipere mereretur. Helias autem propheta cum manducasset de pane subcinericio, aquamque bibisset, quam angelus ei ministrauerat, ieiunauit quadraginta diebus & quadraginta noctibus, & tunc vocem Domini audire promeruit. Dominus & saluator noster cum ieiunauit quadraginta diebus & quadraginta noctibus, superauit tentatorem, & accesserunt angeli & ministrabant ei.

CAP. XVII. *De virtute ieiunij.*

**E**st ergo ieiunium contra omnia tentamenta & peccabilem statum in omni tribulatione utile refugium, omnibus nostris irrefragabile fulcimentum. Quantæ autem virtutis sit ieiunium ipse Christus non tacuit, cur dæmonem, qui lunaticum inuaserat, eijcere non potuerint: *Hoc genus, inquit, demoniorum non potest eijci, nisi in oratione & ieiunio.* Mat. 17. 20.

CAP. XVIII. *De significatione quadragesimæ.*

**L**icet autem religionis comes semper debeat esse ieiunium, sine quo castitas tuta esse non potest: hæc

C c

ta-



tamen quadragesimalis observatio magnum in se continet sacramentum. Primus locus habitationis nostræ paradysus fuit: secundus mundus iste plenus ærumnis: tertius in celo cum angelis & spiritibus. Significant autem isti quadraginta dies totum tempus ex quo pulsus est Adam de paradiso, usque ad ultimum diem, in quo plene liberabuntur ab hoc exilio. Hic autem sumus in timore, in labore, in dolore, proiecti a facie oculorum Dei, exclusi a gaudijs paradysi, ieiuni ab alimento cælesti: semper autem debemus hanc miseriam nostram considerare & deplorare, & ostendere in operibus nostris, quod sumus advenæ & peregrini in mundo. Sed quia hoc facile non potest humana fragilitas, constituit spiritus sanctus tertium tempus quo id faciamus, & quasdam observationes in ecclesia fieri ordinavit, quibus ipsius temporis causam animadvertere valeamus. Nam ubi ostendit nos pullos esse, addictos morti, propter verbum quod dixit Dominus ad Adam, cum eum expelleret de paradiso, cum cinerum aspersione dicitur vobis: *Pulvis es, & in pulverem reverteris*. Vt sciamus etiam quod in hoc exilio negatur vobis visio Dei, appenditur velum inter nos & sancta sanctorum. Verum ut reducamus ad memoriam, quod longè sumus ab eorum societate de quibus scriptum est: *Beati qui habitant in domo tua Domine, in secula seculorum laudabunt te*: usitatum verbum laudis intermittimus. Quod verò nos ipso hoc altiori ieiunio constringimur, recordari nos facit, quod in hac vita cælesti pane non satiamur. In hoc ergo tempore omnis Christianus aliquid reddere dicitur solitis obsequijs, & diligentius atque frequentius circa cordis & oris custodiam occupari. Sed inclusa maxime institutionis temporis huius rationem multò meliùs intelligit, quantò eam in propria vita sua expressiùs recognoscit. In his proinde sacris orationibus Christo præcipuè placere desideramus, totam

se

Gen. 3.

Psal. 83.

Te Deo voueat atque sanctificet: omnes delicias respuat, omnes confabulationes abiuret, & quasi dies nuptiarum hoc tempus existimans, ad amplexus Christi omni auiditate suspiret. Frequentius solito incumbat orationi, crebrius se pedibus Iesu prosterнат, crebra nominis illius repetitione compunctionem exciter, lacrimas prouocet: cor ab omni vagatione compescat. Finitis itaque sacris vigilijs interuallum, quod a nocturnis laudibus diuidis matutinas, orationi & meditationi obseruiat. Dictaque post matutinas prima vsque ad plenam tertiam psalmis ac lectionibus vacet. Tertiæ verò horæ laude completa operi manuum vsque ad horam nonam deuota insistat, breues per interualla orationes inserens. Dicta post hoc vespera corpus reficiet, & sic tempus completorij psallens expectet.

**CAP. XIX. De cibi & potus qualitate & quantitate.**

**I**am de cibi & potus qualitate vel quantitate ex abundanti quidem tibi legem imponere, soror, quæ ab ipsa infantia vsque ad senectutem, quæ nunc tua membra debilitat, parcissimo cibo vix corpus sustentas: pro alijs cum quibus id vtile futurum arbitrans, certam de his præscribere regulam tentabo. Beatus Benedictus libram panis & heminam potus concedit monacho: quod nos inclusis delicatioribus non negamus: adolescentibus tamen in corpore robustis ab omni quod inebriare potest abstinere vtilissimum est. Panem nitidum & cibos delicatos quasi impudicitæ venenum euitet. Sic necessitati consulat, vt & famem repellat, & appetitum non satiet. Itaque quæ ad perfectiorem abstinentiam progredi non valent, libra panis & hemina lautioris potus contentæ sint, siue bis comedant, siue semel. Vnum habeant de oleribus vel leguminibus pulmentum, vel

certe de farinacijs : cui modicum olei , vel butyri , vel lactis iniiciens , hoc condimento fastidium repellat . Et hoc ei , si ea die coenatura est , sufficiat . Ad coenam verò parum lactis sibi vel piscis modicum , vel aliquid huiusmodi si præsto fuerit apponat : vno genere cibi contenta cum pomis & herbis crudis , si quas habuerit . Hæc ipsa si semel comederit in die prælibato pulmento possunt apponi . In vigilijs sanctorum tamen & quatuor temporum ieiunijs , omnium etiam feriarum quarta & sexta , extra quinquagesimam , in cibo quadragesimali ieiunet . In quadragesima verò vnum quotidie ei sufficiat pulmentum . Et nisi infirmitas impediat , feria sexta in pane & aqua ieiunet . Ab exaltatione sanctæ Crucis , vsque ad quadragesimam semel in die hora nona reficiat . In quadragesima dicta vespera ieiunium soluat . A pascha , vsque ad pentecosten ad sextam prandeat , & ad prandium silentium teneat : quod etiam tota æstate faciet . præter ferias , quarta & sexta & solennibus ieiunijs . Diebus autem quibus ieiunat , liceat ei in æstate pro somno meridiano , & inter matutinas . & primam modicum quietis indulgere corpusculo .

CAP. XX. *De vestimentis & calciamentis.*

**P**orro talia ei vestimenta sufficiant , quæ frigus repellant , grossioribus pellicijs vtatur & pellibus . propter hyemem : propter æstatem autem vnâ habeat tunicam , vtroque vero tempore duas de stupacio camisas vel staminas . Velamen capitis non sit de panno subtili vel pretioso , sed mediocri nigro : ne videatur colore vario affectare decorem . Calciamenta , pedules , caligas , quantum satis fuerit habeat . Et paupertatis suæ custos sollicitè consideret , vt etiam aliquantulum minus habeat quam indulgere sibi possit iusta necessitas . Hæc soror

CA-

carissima, de exterioris hominis conuersatione, non pro antiquitatis feruore, sed pro huius nostri temporis spatio, te compellente, conscripsi: infirmis temperatum quendam modum viuendi proponens: fortioribus ad perfectiora progrediendi libertatem relinquens.

CAP. XXI. *Quare solitudo est hominum consortio preferenda, propter conseruationem thesauri virginitatis.*

**S**ed iam nunc audiat & intelligat verba mea quaecumque abrenuncians mundo vitam hanc solitariam elegerit, abscondi desiderans non videri, & quasi mortua saeculo in spelunca Christo consepeliri. Primum tibi solitudinem hominum debeas praeferre consortio diligenter attende. *Virgo*, inquit apostolus, *cogitat quae sunt Dei, quomodo placeat Deo, ut sit sancta corpore ac spiritu*. Voluntarium hoc sacrificium est, oblatio spontanea, ad quam non lex impellit, vel necessitas cogit, non vrget preceptum. Vnde Dominus in euangelio: *Qui potest capere, accipiat*. Quis potest? Ille certe, cui Dominus hanc inspirauerit voluntatem, & praestiterit facultatem. Primum igitur, o virgo, bonum propositum tuum ipsi qui inspirauit cum summa deuotione cordis commenda; intensissima oratione deposcens, ut quod impossibile est per meritum, facile sentiat per gratiam. Cogita semper quam pretiosum thesaurum in quam fragili vasculo portes; & quam mercedem, quam gloriam, quam coronam virginitas seruata ministret. Quam insuper poenam, quam confusionem, quam damnationem importet amissa, indefinenter animo reuolue. Quid hoc pretiosius thesauro, quo coelum emitur, quo angelus delectatur, cuius ipse Christus cupidus est, quo illicitur ad amandum, & ad praestandum prouocatur? Quid? audeo dicere, seipsum & omnia sua. Itaque nardus virginitatis tuae etiam in-

1. Cor. 7. 35.

Matt. 23. 12.

ca-

Psal. 46, 12.

ibid.

Eccl. 34.

caelestibus dans odorem suum, faciat ut concupiscas rem  
 decorem tuum, & ipse est Dominus Deus tuus. Vide qualem tibi  
 sponsum elegeris, qualem tibi amicum attuleris. Ipse  
 est Speciosus forma præ filiis hominum. Speciosior etiam sole  
 & super omnem stellarum pulchritudinem. Spiritus eius  
 super mel dulcis, & hereditas eius super mel & sauum.  
 Longitudo in dextera eius, & in sinistra eius diuitiæ &  
 gloria. Ipse te iam elegit in sponsam: sed non corona-  
 bit nisi probatam. Et dicit scriptura: *Qui non est tentatus,  
 non est probatus.* Virginitas aurum est, cella fornax, con-  
 flator diabolus, ignis tentatio, caro virginis vas latentem  
 in quo aurum reconditur, nec vas vltcrius a quolibet  
 artifice reparatur.

CAP. XXII. *De contemplatione virginis in consideratione sponsi  
 siue beata Maria, & sanctarum virginum, ne cor-  
 rumpatur libidine, nedum aliena, sed  
 etiam propria.*

Apos. 14.

**H**æc virgo iugiter cogitans pretiosissimum virginitatis  
 thesaurum, qui tam utiliter possidetur, tam irreca-  
 perabiliter amittitur, summa diligentia, summo cum ti-  
 more custodiat. Cogitet sine intermissione ad cuius or-  
 dinatur thalamum, ad cuius præparatur amplexum.  
 Proponat sibi agnum, quem sequi habet quocumque  
 ierit. Contempletur beatissimam Mariam præcedentem  
 & præcinentem dulce illud cum virginitatis tympano  
 choros virginum canticum, quod nemo potest canere  
 nisi vtriusque sexus virgines: de quibus scriptum est:  
*Hi sunt qui cum mulieribus non sunt coinquinati; virgines enim  
 sunt.* Nec sic hoc dictum æstimes, quasi non vir sine mu-  
 liere, aut mulier sine viro possit sædari: cum detestan-  
 dum illud scelus, quo vir in virum vel femina in feminam,  
 omnibus flagitijs damnabilius iudicetur. Sed & absq;  
 alie-

alienæ carnis consortio virginitas plerumque corrumpitur, castitas violatur: si vehementior æstus carnem concutiens voluntatem sibi subdiderit, & rapuerit membra.. Cogitet virgo semper omnia sua sanctificata Deo, incorrupta Christo, Spiritui sancto dedicata. Indignum iudicet quod Christi est tradere satanæ, & virginea eius membra erubescat vel simplici motu maculari..

CAP. XXII!. *Quomodo esuriens debet famem delicias reputare, & paupertatem diuitias..*

**I**taque proinde in virginitatis suæ custodiam totum animum tendat, cogitationes expendat, vt virtutis huius perfectionem esuriens, famem delicias putet, diuitias paupertatem. In cibo, in potu, in somno, in sermone semper timeat dispendium castitatis: ne si plus debito carni reddiderit, vires præbeat aduersario, & occulto nutriat hostem. Sedens igitur ad mensam, decorem pudicitiae mente reuoluat, & ad eius perfectionem suspiciens, cibos fastidiat, potum exhorreat: etiam quod sumendum necessitas iudicauerit, aut ratio dictauerit, cum dolore aut pudore, aliquando cum lacrimis sumat. Si ei sermo fuerit cum aliquo, semper metuat aliquid audire, quod vel modicum serenitatem castitatis obnubilet: deferendam se à gratia non dubitet, si vel vnum verbum contra honestatem proferat..

CAP. XXIV. *Quod lectum intrans debet cogitare si in aliquo offendit, & dolere..*

**P**rostrata lectulo: pudicitiam tuam commenda Deo, & sic signo crucis armata reuolue animo quomodo die illo vixisti: si verbo, si opere, si affectu Domini tui oculos offendisti: si leuior, si otiosior, si negligentior debito

to fuisti: si plus cibo crudior, potu dissolutior metas necessitatis excessisti. Si subreptum tibi aliquid horum deprehendis, suspira, pectus tunde; & hoc sacrificio respertino tuo reconciliatam sponso sponsus excipiat.

CAP. XXV. *Quod contra carnis tentationem recurrit ad beatam Virginem, & sanctam Agnem & angelum eius pro adiutorio.*

**S**i vigilanti subito, aut quiete soporis, aut arte tentatoris calor corporis fuerit excitatus, & insomnium calidus hostis iniunxerit, diuersisque cogitationibus quietem pudicitiae infestauerit, proposueritque delicias, vitæ durioris horrorem incusserit, veniat tibi in mentem beatæ Virginis, quæ in tenera ætate tam crebro reportauit de impiissimo hoste triumphum. Cogita Agnem beatissimam, à qua aurum, argentum, vestes pretiosissimæ, lapides pretiosi, & tota sæcularis gloriæ pompa, quasi quædam stercorea sunt reputata. Vocata ad tribunal non absuit; blandiebatur iudex, contempsit; minabatur, irrisit; magis metuens ne parceret, quàm ne puniret: sædumque lupanar vertit in oratorium: quod cum virgine ingrediens angelus lucem infudit tenebris, & insectatorem pudicitiae mortem multabat. Si igitur & tu oraueris, & contra libidinis incentorem lacrimarum tuarum arma leuaueris, non certe angelus tuo casto deerit cubiculo, qui prostibulo non defuit. Merito beatam Agnem ignis ille materialis nequiuit adurere, cui carnis flamma tepuerat, quam ignis succenderat caritatis. Quotiescumque nequam spiritus illicita quæque suggererit, vehementior incubuerit æstus, illum qui scrutatur corda & renes scito esse præsentem; & sub eius oculos esse quicquid agis vel cogitas, Habe proinde reuerentiam Domino, quem tibi assistere non dubites, & depræda-

datori responde *Angelum habeo amatorem, qui nimio zelo custodit corpus meum. Adiuuet comatum tuum in tali necessitate discreta abstinentia: quia ubi multa carnis afflictio, aut nulla aut parua aliqua potest delectatio.*

CAP. XXVI. *Quod castitas ab adolescentibus sine magno desiderio & maceratione seruari non potest, cum in agris & senibus frequenter periclitatur.*

**N**emo se palpet, nemo blandiatur sibi, nemo se fallat. Nunquam ab adolescentibus sine magna cordis contritione & carnis afflictione castitas conquiritur, vel seruat, quæ plerumque in agris vel senibus periclitatur. Nam licet continentia donum Dei sit, & nemo possit esse continens, nisi Deus det, nec ullis nostris meritis donum hoc, sed eius gratuita sit gratiæ adscribendum. illos tamen tanto dono indignos iudicat, qui aliquid laboris pro eo subire detrectant. Volentes inter delicias casti esse, inter epulas continentes, inter pueros & puellas conuersari & non tentari: in commensationibus & ebrietatibus sædis distendi humoribus & non coinquinari: ligare visum suum cum flammis & non exuri: difficile hoc vtrum aut impossibile tu videris.

CAP. XXVII. *De monacho se propter castitatem in aquis immergente, & rursus affligente & orante, stimulum carnis extinguere nequeunte.*

**N**oui ego monachum, qui cum initio sue conuersationis, tam naturalibus incentiuis, tam violentia vitiosæ consuetudinis, tam suggestionem calidi hostis & tentatoris, pudicitiam suam periclitari timeret, & erexit se contra se, & aduersus suam carnem saeuissimum concipiens odium, nihil magis quam quod eam affligeret

D d

expe-



expeteret. Itaque inedia macerabat corpus, & quæ ei de se debebantur subtrahens, etiam motus eius simplices comprimebat. Sed cum iterum nimia debilitas sibi plus indulgere compelleret: ecce caro rursus caput erigens adquisitam, ut putabatur, infestabat quietem, plerisque se frigidis aquis iniiciens, tremens aliquamdiu psallebat & orabat. Sæpe etiam illicitos sentiens motus, vrticis fricabat corpus, & nudæ carni aperiens incendium incendio superabat. Et cum hæc omnia non sufficerent, nihilominus cum spiritus fornicationis vrgeret: tunc quod solum superfuit, prostratus ante pedes Iesu orat, plorat, suspirat, rogat, adiurat, obtestatur, ut aut occidat vel fanet: clamat crebro, non abibo, non quiesco, nec te dimittam nisi benedixeris mihi. Præstatur ad horam refrigerium, sed negatur securitas. Quiescentibus enim paululum carnis stimulis, affectiones illicitæ pectus invadunt. Deus meus, quas cruces, quæ tormenta tunc pertulit miser ille, donec tanta infusa est ei dilectio castitatis, ut omnes, quæ sentiri possunt vel cogitari, qualvis inijceret voluptates, & tunc quoque recessit ab eo, sed usque ad tempus: & nunc senectuti morbus accessit, nec sic tamen sibi de securitate blanditur.

**CAP. XXVIII.** *Contra illos, qui dicunt se esse frigidos, vel impotentes, & in lecto se cum mulieribus ponunt, duplen malum cumulant.*

**V**nde non parum pudet quorundam impuditiæ, qui cum in fordibus senuerunt, nec sic suspectarum personarum volunt carere consortio: cumque, quod dictu nefas est, eodem lectulo cubantes, inter amplexus & oscula de sua castitate se dicunt esse securos, quos frigescente corpore ad cælos tepescencia membra deficient. Infelices isti & præ cunctis mortalibus miseri, quibus cum  
de-

desit sceleris perpetrandi facultas, adhuc manet in ipsa  
seditate facultas. Non quiescit turpe desiderium, quam-  
vis frigiditas neget effectum. Videat tamen vtrum verum  
dicat aut mentiatur iniquitas sibi, & dum nititur velare  
vnum, duplex in se prodat flagitium, cum & fere decre-  
pitos nocturnum aliquando plasma deludat, & emortuam  
senectutem intestinum hoc malum sæpius inquietet.

CAP. XXIX. *Quod virgo numquam debet se reputare securam;  
sed semper debet cogitare de scriptura divina.*

**T**E, soror, numquam volo esse securam, sed timere,  
semperque tuam fragilitatem habere suspectam, adin-  
star pauidæ columbæ frequentare riuos aquarum, & qua-  
si in speculo acipitris cernere superuolantis effigiem &  
cauere. Riuus aquarum sententiæ sunt scripturarum, quæ  
de limpidissimo sapientiæ fonte profluentes, diabolica-  
rum suggestionum produnt imaginem & sensum, quo ca-  
ueantur & excludantur. Nihil enim magis cogitationes ex-  
cludit inutiles, vel compescit lasciuias, quàm meditatio  
verbi Dei: quod sic ad animum suum virgo debet assue-  
cere; vt aliud nolens, non possit aliud meditari. Cogi-  
tanti de scripturis somnus obrepat: euigilanti primum  
aliquid de scripturis occurrat: dormientis somnia me-  
moriam aliqua de scripturis sententia condiat.

CAP. XXX. *Quod rigor abstinentiæ non debet omitti timore  
futuri languoris vel infirmitatis, cum ob hoc  
corpus dometur.*

**S**ed quidam a salutaribus exercitijs retrahuntur timore,  
ne videlicet propter nimiam abstinentiam vel vigi-  
lias immoderatas incidant in languorem, & ita efficiantur  
alijs oneri, sibi autem dolori. Hæc excusatio nostra

in peccatis nostris. Quam pauci sunt hodie, quos talis seruos igniuit. omnes sapientes sumus, omnes prouidi, omnes discreti: procul oderamus bellum, & sic morbum corporis, antequam sentiat, formidamus ut languorem animæ, quem præsentem sentimus, territi agligamus: quasi tolerabilius sit, flammam libidinis quam ventris tolerare rugitum: aut non multo melius sit continuo languore carnis vitare lasciuiam, quam sanum & incolumem in eius redigi seruitutem. Quid enim interest, utrum abstinencia an languore caro superbiens comprimatur, castitas conseruetur? Sed remissio, inquit, cauenda est: ne forte occasione infirmitatis incusamus illecebras voluptatis. Certè si languet, si agrotat, si torquetur viscera, si arescit stomachus, quælibet deliciae oneri magis erunt quam delectationi.

CAP. XXXI. *De adolescente, qui fuerat incontinens, veram penitentiam agente, Et cum dolore Stomachi Christum in hora mortis videntem,*

Vidi hominem, qui cum penitentiam suam vi consuetudinis oppressus continere non posset: tandem in se reuersus supra modum erubuit: & mox concaluit cor eius intra eum, & in meditatione eius exarsit ignis. Deinde salubriter irascens sibi, inuectione grauisima irruit in seipsum, & bellum indicens corpori, etiam ei quæ necessaria videbantur ademit. Successit grauitas leuitati, loquacitati silentium, Nemo enim postea vidit iocantem, ridentem nemo conspexit: nemo ex ore eius otiosum sermonem audiuit. Temporales consolationes, & quicquid carni suae putabatur, ita contempsit & exhorruit, ut nullam sibi requiem, nullam in cibo vel potu consolationem indulgere ei pateretur. Cogitationum suarum ita sollicitus & scrupulosus erat, ut in hoc solo

ai-

nimius videretur. Ita demisso vultu oculisque deiectis stabat, sedebat, ut timens & tremens diuinis tribunalibus videretur assistere. Talibus armis gloriosum retulit de tyranno triumphum. Nam grauissimum stomachi incurrens incommodum, post diuturnum languorem, cum iam dormitionis eius hora instaret, Sine, inquit, ecce Iesus venit.

CAP. XXXII. *Quod discretio, quæ est mater virtutum, non est abijcienda.*

**H**æc dico, ut discretionem, quæ omnium virtutum & mater & nutrix est, detegam: sed vitiorum materias gulam comprimamus, requiem corporis, seminarum & effeminatorum familiaritatem atque conuictum infra metas necessarias cohibeamus, quia sæpè falso nomine discretionis palliamus negotium voluptatis. Vera enim discretio est animam carni præponere, & ubi periclitatur vtraque, nec sine huiusmodi incommodo illi potest salus consistere, pro illius utilitate istam negligere. Hæc diximus, ut quanta tibi debeat in considerata pudicitia esse sollicitudo, aduertere: quæ cum omnium virtutum, flos sit & ornamentum, sine humilitate tamen aret atque marcescit.

CAP. XXXIII. *De humilitate seruanda a virgine, ne deueniat in superbiam carnalem vel spirituales, vel vanitatem.*

**H**oc est certum haud securum peccatorum omnium fundamentum, ex quo quicquid ædificat ruina patet. Initium omnis peccati superbia, quæ angelum de celo, hominem de paradiso expulit. Huius pessime cum multi sint rami, omnes tamen in duas species diuiduntur, in

Eccl. 10.

## R E G V L A.

in carnalem scilicet & spirituaalem. Carnalis superbia est de carnalibus, spiritualis est de spiritualibus superbire. Carnalis postea in duas subdividitur species; in iactantiam scilicet & vanitatem. Vanitas est, si ancilla Christi intus in animo suo gloriatur se nobilibus ortam natalibus; si se diuitijs paupertatem prætulisse pro Christo delectetur; si se pauperibus & ignobilioribus præferre conetur; si se contempsisse diuitum nuptias quasi aliquid magnum admiretur.

CAP. XXXIV. *De vanitate & inani gloria, nobilitate vel diuitijs vel alijs delectabilibus rebus vitandis.*

Est etiam quædam species vanitatis in affectata aliquapulchritudine etiam intra cellulam delectari, parietes varijs picturis & celaturis ornare, oratorium pannorum & imaginum varietate decorare. Hæc omnia quasi professioni tuæ contraria caue.

CAP. XXXV. *De ornamentis cellæ vitandis.*

Quæ enim fronte de diuitijs vel natalibus gloriaris, quæ illius vis sponsa videri, qui pauper factus est cum diues; pauperem matrem, pauperem familiam, domum etiam pauperulam, & præsepj vilitatem elegit? glorandum tibi est, quod Dei filium hominum fiprætulisti? quod scædam carnem pro virginitatis despreuisti? quod æternas cæli diuitias atque delicias sanctorum commutasti?

CAP. XXXVI. *De ornamentis virtutum acquirendis.*

Gloriaris in Domino, seruias ei cum timore. Sed ille te nolo quasi sub specie deuotionis sequi glorians in

in picturis vel sculpturis, in pennis auium vel bestiarum, aut diuersorum florum imaginibus variatis. Sint hæc illorum, qui nihil intus in quo gloriétur habentes, exterius sibi comparant in quibus delectentur. *Omnis gloria eius filie regis abintus, in fimbrijs aureis circumamicta varietatibus.* Psal. 45. Si autem tu iam filia regis es, vt pote filij regis sponsa, patrisque vocem audisti dicentis : *Audi filia, & vide, & inclina aurem tuam :* sit tua omnis gloria abintus. Vide vt gloria tua sit testimonium conscientiae tuæ. Ibi sit pulcherrima virtutum varietasibi diuersi colores sic conueniant & sic coniungatur sibi, vt alterius pulchritudinem alter augeat ; & qui in sua natura minus lucet, alterius collatione lucidior appareat.

CAP. XXXVII. *Nota copulam castitatis & humilitatis, prudentia & simplicitatis, misericordia & iusticia, fortitudinis & modestia.*

**I**ungatur castitati humilitas, & nihil erit splendidius. Prudentiae societur simplicitas, & nihil erit lucidius. Copuletur misericordia iustitiae, & nihil erit suauius. Adde fortitudini modestiam, & nihil erit vtilius. In hac varietate tuæ mentis oculos occupa. Hanc in anima tua omni studio forma : cui si fimbrias aureas addas, vestem polymitam, in qua te sponsus cum summa dilectione conspiciat, texuisti. Fimbria extrema pars, quasi finis est vestimenti. *Finis autem precepti caritas est de corde puro, & conscientia bona, & fide non ficta.* 1.Tim. 1.

CAP. XXXVIII. *Quod ornamenta altaris sicut corporalia debent esse linea & alba, sic & corpus vestrum.*

**I**n his gloriæris, in his delecteris, intus non foris, in veris virtutibus, non in picturis & imaginibus. Panni  
li-

psal. 56.

linei candidi tuum adornent altare, qui castitatem suo candore commendent, & simplicitatem præmonstrant. Cogita quo labore, quibus rursionibus terrenum in quo creuit linum, colorem exuerit, & ad talem candorem peruenerit, ut ex ea ornatur altare, Christi corpus uelatur. Cum terreno colore omnes nascimur: *Quoniam in iniquitatibus conceptus sum: & in peccatis conceptus me mater mea.* Primum igitur, carissima, linum aquis immergitur: nos in aquis baptismatis Christo consepelitur: ibi deletur iniquitas, sed necdum sanatur infirmitas. Aliquid candoris recepimus in peccatorum remissione, sed necdum plene terreno colore exuimur pro naturæ, quæ restat, corruptione. Post aquas linum siccatur: quia necesse est, post aquas baptismatis corpus per abstinentiam maceratum illicitis humoribus vacuetur. Deinde linum malleis tunditur, & caro nostra multis tentationibus fatigatur. Post hoc linum ferreis aculeis discerpitur, ut deponat superflua: & nos disciplinæ ungulis rasi vix necessaria retinemus. Adhibetur post hoc lino suauior stimulorum leuiorque purgatio: & nos victis cum magno labore pessimis passionibus, a leuioribus & quotidianis peccatis simplici confessione & sanctificatione mundamur. Iam tunc a nentibus linum in longum producit, & nos in anteriora longanimitate extendimur. Porro ut ei perfectior accedat perfectio & pulchritudo, ignis adhibetur & aqua: & nobis transeundum est per ignem tribulationis & aquam compunctionis, ut perueniamus ad refrigerium castitatis. Hæc tibi oratorij tui ornamenta representent, non oculos tuos varietatibus mentitis pascant. Sufficiat tibi in altari tuo saluatoris in cruce pendens imago, quæ passionem suam tibi repræsentet, quam imiteris: expansis brachijs ad suos te inuiter amplexus, in quibus delecteris: nudatis uerbis lac suauitatis infundat, quo consoletis.

CAP.

CAP. XXXIX. *De consideratione virginis & humilitate  
beatae Mariae & beati Ioannis Evangelistae, & de  
ipsorum commendatione.*

**E**t si hoc placet ad commendandam tibi virginis  
excellentiam, virgo mater in sua, & virgo discipu-  
lus in sua iuxta crucem cernantur imagine, ut cogites  
quam grata sit Christo, utriusque sexus virginitas, quam  
in matre & prae ceteris sibi dilecto discipulo consecrauit.  
Vnde eos pendens in cruce tanto foedere copulauit, ut  
illam discipulo matrem, illum matri filium delegaret. O  
beatissimum hoc testimonio Ioannem, cui totius humani  
generis decus, opes mundi, gloria caeli, miserorum re-  
fugium, afflictorum solatium, pauperum consolatio,  
desperatorum erectio, peccatorum reconciliatio, pos-  
tremo orbis domina, caeli regina, testamenti auctoritate  
committitur. Haec tibi praebeant incentiuum caritatis,  
non spectaculum vanitatis. His enim omnibus ad vnum  
necesse est ut contendas: *quoniam vnum est necessarium.* Illud  
est vnum, quod non inuenitur, nisi in vno, apud vnum,  
cum vno: *apud quem non est transmutatio nec vicissitudinis obum-  
bratio.* Qui adhaeret ei, vnus cum ipso spiritus efficitur, transiens  
in illud vnum, quod semper est, & cuius anni non defi-  
ciunt. Adhaesio ista caritatis quasi specialis est ornatus  
finis & simplicitas.

Luc. 10.

Iacobi. 1.  
1. Cor. 6.

CAP. XL. *De caritate habenda in dilectione Dei & proximi  
sibi non nocendo: nec noceat cupiendo & benefaciendo.*

**V**estis quippe nuptialis ex virtutum varietate contexta  
oportet ut simbrijs aureis, id est caritatis splendoribus  
ambiat, quae omnes virtutes contineat & constringat  
in vnum, & suam singularem claritatem imperiens, de  
multis vnum faciat, & cum multis vni adhaereat: ut iam

E c

omnia



Mat. 7.

omnia non sint multa, sed vnum. Caritas autem in duo diuiditur, in Dei videlicet dilectionem & proximi. Porro dilectio proximi in duo subdiuiditur; in innocentiam & beneficentiam: videlicet vt nulli noceas, benefacias quibus potueris: scriptum est quippe: *Quod tibi non vis fieri, alteri ne feceris*: & hæc innocentia. Et dominus in euangelio: *Omnia, inquit, quaecumque vultis vt faciant vobis homines, & vos facite illis*: hæc beneficentia. Quantum ad te duo ista pertineant, diligenter aduerte. Primum, vt nulli noceas: deinde, vt nulli velis nocere. Primum illud facile tibi, cum nec id possis, nisi forte lingua percusseris. Secundum illud non erit difficile, si propositum attendas tuum: si professam dilexeris nuditatem. Non enim tibi poterit erga aliquam esse malæ voluntatis materia, vbi cupiditas nulla; vbi nihil diligitur, quod possit auferri: nihil tollitur, quod debeat amari. Demum bene velis omnibus, pro sis quibus possis. In quo, inquis, cum mihi non liceat vel modicum quod egentibus tribuam, possidere?

CAP. XLI. *De exemplo Maria & Martha, & vite actiue & contemplatiue.*

**A**gnosce conditionem tuam, carissima. Dux sorores erant Martha & Maria: laborabat illa, vacabat ista: illa erogabat, ista petebat: illa præstabat obsequium, illa nutriebat affectum. Denique non ambulans vel discurrens huc atq; illuc, non de suscipiendis hospitibus sollicita, non cura rei familiaris distenta, non pauperum clamoribus intenta, sedebat ad pedes Iesu, & audiebat verbum illius. Hæc pars tua, carissima, quæ sæculo mortua atque sepulta, surda debes esse ad omnia sæculi blandimenta audienda, ad loquendum muta: nec debes distendi, sed extendi; impleri, non exhaustiri. Exequatur partem suam Martha quæ non negetur bona, Mariæ tamen melior

lior prædicatur. Nunquid inuidit Marthæ Maria? Illa potius isti. Ita etiam quotquot optimæ videntur in sæculo tuam vitam æmulentur, non illarum tu. Ad illos spectat elemosynarum largitio, quorum est terrena possessio, vel quibus credita est rerum ecclesiasticarum dispensatio.

CAP. XLII. *De dispensatione rerum Ecclesiasticarum.*

**Q**uæ enim sacrosanctis ecclesijs à fidelibus collata sunt; episcopi, sacerdotes & clerici dispensanda suscipiunt, & non recondenda; non possidenda, sed eroganda. Quicquid habent, pauperum est, viduarum & orphanorum, & eorum qui altari deseruiunt, ut de altari viuant. Sed ea quæ in usus seruorum Christi monasterijs conferuntur, à certis personis dispensari oportet; ut quod necessitatibus superest fratrum, non includatur marsupijs; sed hospitibus, peregrinis atque pauperibus erogetur.

CAP. XLIII. *Quod claustrales non debent habere curam de pauperibus.*

**E**t hoc illorum interest, quibus pars est Marthæ commissa, non qui salutari otio vacant cum Maria. Ita claustralibus nulla debet esse pro pauperibus sollicitudo, nulla pro hospitibus suscipiendis distensio: quippe quibus nulla debet esse de crastino cura, nulla cibi vel potus prouidentia: nutriantur potius in croceis, spiritualibus pascantur. Altius autem hi qui contemptibiles sunt constituti ad iudicandum, amplexantur stercorea. Ipsi quippe sunt boues, quorum piger stercorebus lapidatur.

CAP. XLIV. *Quod contemplatiui non debent desiderare  
temporales administrationes.*

*Thren. 4.*

**S**unt enim quidam qui circa spiritualia desides & pigri  
instar populi peccatoris super manna cæleste nau-  
seant, videntesque alios circa temporalia occupatos inui-  
dent, detrahunt, murmurant, & pro stercorebus, quibus  
ipsi foedantur, zeli & amaritudinum stimulos ferunt: de  
quibus si forte aliquam temporalium dispensationem fue-  
rint adepti, conuenienter dici potest: *Qui nutriti erant in  
croceis, amplexati sunt stercorea.* Cum igitur nec illis, qui in  
cœnobijs sunt, quibus in Martha non parua communio  
est, circa plurima occupari conceditur: quanto minus  
tibi, quæ te totam de sæculo exuisti: cui non solum pos-  
sidere, sed nec videre, nec audire licet quæ sæculi sunt?

CAP. XLV. *Quod reclusa debet, si sibi aliquid superest, erogare.*

**S**i enim nihil tibi quisquam det ad erogandum, unde  
habebis quod eroges? si ex tuo aliquid habes labore,  
da non tua sed alterius manu. Si aliunde tibi provenit  
victus, unde tibi aliena distribuere: cum nihil tibi supra  
necessarium liceat usurpare? Quid ergo beneficii impen-  
des proximo? Nihil ditius bona voluntate, ut ait quidam  
sanctus: hanc largire. Quid humanius pietate? hanc im-  
pende. Quid utilius oratione? hanc largire.

CAP. XLVI. *Qualiter debet in corde dolere de necessitatibus  
aliorum & pro eis orare.*

**I**taque totum mundum vno dilectionis sinu comple-  
ctere. vbi simul omnes qui boni sunt considera, con-  
gratulare: vbi mali, intueri & luge. Ibi occurrant animo  
miseria pauperum, orphanorum gemitus, viduarum de-  
solatio,

solatio, tristitium moestitudo, necessitates peregrinantium, pericula nauigantium, vota virginum, tentationes monachorum, praelatorum sollicitudo, labor militantium. Omnibus pectus tuæ dilectionis aperias. His tuas impende lacrimas: pro his tuas preces fundas. Hæc eleemosyna Deo gratiosior, Christo acceptior, tuæ professioni aptior, his quibus impenditur fructuosior. Huius munus beneficij tuum propositum adiuuat, non perturbat: dilectionem proximi auget, non minuit: mentis quietem seruat, non impedit. Quod nihil est appetendum vt habeatur ad largiendum: cum nihil habere sit perfectum. Quid his plura dicamus? Cum sancti vt perfecte possent proximos diligere, studuerunt in hoc mundo nihil habere, nihil vel sine appetitu possidere. Agnoscis verba beati Gregorij. Vide quam contra multi sapiunt: vt enim caritatis impleant legem, quærunt vt habeant quod erogent: cum eius perfectionem ipsis ascribat, qui nihil habendum, nihil vel sine appetitu possidendum arbitrantur.

CAP. XLVII. *De dilectione Dei, & contemplatione predicationis & prophetationis aduentus filij Dei, & annunciationis angelica, plenitudinis gratie, visitationis, & prophetationis Elizabeth & Ioannis, partu virginis, iubilationis angelorum, adoratione pastorum.*

**H**is de proximi dilectione præmissis, de dilectione Dei pauca subiungam. Nam licet vtraq; soror Deum proximumque dilexerit: specialiter tamen circa obsequium proximorum occupabatur Martha: ex diuinæ vero lectionis fonte hauriebat Maria. Ad Dei vero dilectionem duo pertinent, affectus mentis, & effectus operis. Et opus hoc in virtutum exercitio; affectus spiritualis gustus dulcedine. Exercitium virtutum tamen certo viuendi modo, in ieiunijs,

nijis, in vigilijs, in opere, in dilectione, in oratione, in paupertate, & cæteris huiusmodi commendatur: affectus saluari meditatione nutritur. Itaque, ut ille dulcissimus amor Iesu in tuo crescat affectu, triplici meditatione opus habes: de præteritis scilicet, præsentibus, & futuris: id est, præteritorum recordatione, de experientia præsentium, de consideratione futurorum. Cum igitur mens tua fuerit ab omni cogitationum sorde virtutum exercitio purgata, iam oculos defecatos ad posteriora retorque. Ac primum cum beata Maria ingressa cubiculum, libros quibus virginis partus cum Christi prophetatur aduentu, euolues. Ibi aduentum angeli præstolare, ut videas intrantem, audias salutantem: & sicut repleta stupore & ecstasi, dulcissimam dominam tuam cum angelo salutante salutes, clama dicens: *Aue gratia plena Dominus tecum benedicta tu in mulieribus.* Hoc plenius repetens quæ sit hæc gratiæ plenitudo, de qua totus mundus gratiam mutuauit. Quoniam *verbum caro factum est, & habitauit in nobis plenum gratiæ & veritatis.* Contemplare & admirare dominum, qui terram impleuit & cælum, inter vnus puellæ viscera clauditur; quam pater sanctificauit, filius tæcundauit, obumbravit spiritus Sanctus. O dulcis domina, quanta inebriabaris dulcedine, quo amoris igne accendebaris, cum sentires in mente & ventre tantæ maiestatis præsentiam? Cum de tua carne sibi carnem assumeret, & membra, in quibus corporaliter omnis plenitudo diuinitatis habitaret, è tuis sibi membris aptaret? Hæc omnia propter te, virgo, ut virginem, quem imitari proposuisti, diligas virginis fructum cui nupisti. Iam nunc cum dulcissima domina tua in montana conscende, & sterilibus & virginis suauem intueri complexum, & salutationis officium: in quo seruulus dominum, præco iudicem, vox verbum, intus in anilla viscera conclusus in virginis utero clausum agnouit, & indicibili gaudio salutauit. Beati ver-

tres

I. vr. 1.

Io. 428. 1.

Col. 2.

tres in quibus totius mundi salus exoritur, pulsique tenebris tristitiæ sempiterna lætitia prophetatur. Quid agis ò virgo? accurre quæso, accurre, & tantis gaudijs admiscere: prostertere ad pedes vtriusque, & in vnius ventre tuum sponsum amplectere, amicum vero eius in alterius vtero venerare. Hunc euntem in Bethlehem cum omni deuotione prosequere, & in hospitium diuertens cum illa assiste, & obsequere parienti, locatoque in præsepio paruulo erumpe in vocem exultationis, clamans cum Esaia: *Paruulus natus est nobis, & filius datus est nobis.* Isa. 9. Amplectere dulce illud præsepium: vincat verecundiam amor, timorem depellat affectus, vt sacratissimis pedibus figas labia, & oscula gemines. Exinde pastorum excubias mente pertracta, angelorum exercitum admirare, cælesti melodix tuas interpone partes: corde simul & ore decanta: *Gloria in excelsis Deo.* Luc. 2.

CAP. XLVIII. *De magorum adoratione, fuga Christi in Ægyptum, de latrone à latere Christi dextro crucifixo, qui paruulum Iesum viderat cum duceretur in Ægyptum, & petierat; Memento mei Domine cum veneris in regnum tuum.*

**N**oli in tua meditatione magorum munera præterire: nec fugientem in Ægyptum incomitatum relinque. Opinare verum esse quod dicitur, eum à latronibus deprehensum in via, & adolescentuli cuiusdam beneficio acceptum. Erat, vt dicunt, principis latronum filius, qui præda potitus cum paruulum in matris gremio comperisset, tanta ei in eius speciosissimo vultu splendoris maiestas apparuit, vt eum supra hominem esse non ambigens, incallescens amore amplexatus est eum. Et ò, inquit, beatissime paruulorum: si aliquando se tempus obrulerit mihi miserendi, tunc memento mei, & huius temporis noli

Luc. 25.

noli obliuisci. Ferunt hunc esse satronem, qui ad Christi dexteram crucifixus est, cum alterum blasphemantem corripuisset dicens: *neque tu times Deum qui in eadem damnatione es? & nos quidem iuste. nam digna damna factis recipimus: hic autem nihil mali fecit. conuersus ad dominum, cum in illa quæ in puerulo apparuerat intuens maiestate, pacti sui non immemor: Memento, inquit, mei cum veneris in regnum tuum. Itaque ad incentiuum amoris non inutile arbitror hac uti opinione, remota omni affirmandi temeritate.*

CAP. XLIX. *De contemplatione Christi in Nazareth, & in Ierusalem, in obsequendo matri & Ioseph.*

Luc. 15

**P**raeterea nihil ne tibi suauitatis æstimas accessurum, si eum apud Nazareth puerum inter pueros contempleris? si obsequentem matri, si operanti nutricio assistentem intuearis? Quid si duodenarium cum parentibus Hierosolymam ascendentem, & illis redeuntibus, & nescientibus in vrbe remanentem per triduum cum matre quæsieris? O quanta copia fluent lacrimæ, cum audie is matrem dulci quadam increpatione filium verberantem: *Fili quid fecisti nobis sic? Ecce pater tuus & ego dolentes quærebarus te.*

CAP. L. *De consideratione, baptismi, ieiunij, & temptationis Christi.*

**S**i autem virginem vis sequi quocumque ierit, delectet altiora eius & secretiora scrutari: ut in Iordanis flumine audias in voce patrem, in carne filium, in columba videas spiritum sanctum. Ibi tu ad spirituales initias nuptias sponsum suscipis datum à patre, purgationem à filio, pignus amoris à spiritu Sancto. Exinde solitudinis tibi secreta ditauit, sanctificauit ieiunium, ibi subeundum

¶ Cum docens cum callido hōste, confictum. Hæc tibi facta  
& pro te facta, & quomodo facta diligenter attendes. Di-  
lige à quo facta sunt, & imitare quæ facta sunt.

CAP. LI. *De muliere in adulterio deprehensa.*

O ccurrit iam nunc memoriæ mulier illa deprehensa in  
adulterio, & Iesus rogatus sententiam, quid egerit,  
quidve dixerit, recordare. Cum enim scribens in terra  
terrenos eos non cælestes prodidisset; *Qui sine peccato est,* Ioh. 8.  
inquit, *vestrum, primum lapidem in illam mittat.* Cum verò  
omnes sententia terruisset & expulisset de templo; imagi-  
nare quam pios oculos in illam leuauerit, quam dulcem  
sua voce sententiam absolutionis eius protulerit. Puta  
quod suspirauerit, quod lacrimatus sit, cum diceret:  
*Nemo te condemnauit mulier? nec ego te condemno.* Felix, ut ita ibid.  
dicam, hæc quæ in adulterio deprehensa mulier, quæ  
etiam de præteritis absoluitur, secunda efficitur de futuris.  
Iesu bone te dicente, non condemnabo, quis condem-  
nabit? *Deus qui iustificat, quis est qui condemnet?* Audiat de Rom. 8.  
cætero vox tua: *Vade, & iam amplius noli peccare.*

CAP. LII. *De muliere lacrimis pedes eius rigante.*

I am nunc domum ingredi Pharisæi, & recubentem  
ibi dominum tuum attende. Attende cum illa beatif-  
sima peccatrix ad pedes eius, laua lacrimis, terge ca-  
pillis, demulce osculis, & soue vnguentis. Nonne iam  
sacri illius liquoris odore perfunderis? Si tibi ad suos ne-  
gat pedes, insta, ora, & grauibus lacrimis oculos attolle,  
imisque suspirijs & inenarrabilibus extorque quodd petis.  
Luctare cum Deo sicut Iacob, ut ipse se gaudeat superari.  
Videbitur tibi aliquando quod auertat oculos, quod au-  
res claudat, quod desideratos pedes abscondat. Tu ni-

F f

hilomi-



*Psal. 12.*  
*Psal. 21.*  
*Psal. 80.*  
*Psal. 26.*

hilominus in ista opportune, importune: clama: *Vsquequo auertis faciem tuam a me? Vsquequo clamabo & non exaudies? Redde mihi, Iesu bone, latitiam salutaris tui, quia dixit cor meum: quesui faciem tuam, faciem tuam requiram.* Certe non negabit pedes suos virgini, quos osculandos præbuit peccatrici.

CAP. LIN. De paralytico per tegulas inuecto non solum corporaliter, sed spiritualiter curato, licet hoc non peteret. nam cui vult miseretur.

*Matth. 9. 2.*

*Psal. 19.*  
*Eccl. 13.*  
*Matth. 20.*  
*Rom. 9.*

*Matth. 9. 2.*

**S**ed domum illam non præteribis, vbi per tegulas paralyticus ante pedes eius submittitur: vbi pietas & potestas obuiauerunt sibi. *Fili, inquit, remittuntur tibi peccata tua.* O mira clementia! O indicibilis misericordia! Recepit felix remissionem peccatorum, quam non petebat, quam non præcesserat confessio, non meruerat satisfactio, non exigebat contritio. Corporis salutem petebat, non animæ: & salutem recepit corporis & animæ. Verè, Domine, *vita in voluntate tua.* Si docueris saluare nos, non est qui audeat dicere: cur ita facis? Phariseæ, intra te quid murmuras? *An oculus tuus nequam est, quia ipse bonus sum?* Certè miseretur cui voluerit: ploremus & oremus, vt velit. Bonis etiam operibus pinguescat oratio, augeatur deuotio, dilectio excitetur. Leuentur puræ manus in oratione, quas non sanguis immunditia maculauit, tactus illicitus non sædauit, non exasperauit avaritia. Leuetur & cor sine ira & disceptatione, quod tranquillitas sedauit, pax composuit, puritas conscientie animauit. Sed nihil horum paralyticus iste legitur præmisisse, qui tamen legitur remissionem peccatorum meruisse. Hæc est ineffabilis eius misericordie virtus, cui sicut blasphemum est derogare, ita & hoc sibi præsumere stultissimum. Potest cuicumque vult hoc ipsum efficaciter dicere, quod dixit illi paralytico, *dimituntur tibi peccata tua.* Sed

Sed quicumque sine suo labore vel contritione, vel confessione, vel etiam oratione sibi hoc dicendum expectat, numquam ei remittentur peccata sua.

CAP. LIV. De receptione Christi in domo Martha & Maria, & Martha ministrante, & effusione unguenti, & condemnatione Pharisei.

Sed exeundem est hinc, & ad Bethaniam veniendum, ubi sacratissima foedera amicitiae auctoritate Domini consecrantur. Diligebat enim Iesus Martham, & Mariam, Ioh. 11. & Lazarum, quod hospitalis amicitiae, qua illi familiariori adhærebant affectu, detineri nemo est qui ambigat. Testes sunt lacrimae illae dulces, quibus lacrimatus est cum lacrimantibus, quas totus populus amoris interpretatur indicium. Videte, inquit, quomodo amabat eum. Et ecce ponunt ei coenam ibi, & Martha ministrabat. Ioh. 11. Ioh. 12. Lazarus autem erat unus ex discumbentibus. Maria autem sumpsit alabastrum unguenti, & fracto alabaastro effudit super caput Iesu. Gaude quæso huic interesse conuiuio, singulorum distingue officia. Martha ministrat, Lazarus discumbit, ungit Maria. Hoc ultimum tuum est. Frange igitur alabastrum cordis, & quicquid habes deuotionis, quicquid amoris, quicquid desiderij, quicquid affectionis, totum effunde super sponsi tui caput, adorans in Deo hominem, & in homine Deum. Si fremit, si murmurat, si proditor perditionem vocat deuotionem, non sit tibi cura. Et quid ait, perditio haec? posset hoc unguentum venumdari Matt. 26.8. multo, & dari pauperibus. Phariseus murmurat inuidens penitenti: murmurat Iudas inuidens effusioni unguenti. Si iudex accusationem non recipit, accusatam absoluit. Sinite inquit, illam. Bonum enim opus operata est in me. Ioh. 12. Laboret Martha, ministret, paret hospitium peregrino, esurienti cibum, vestem argenti: ego solus Maria,

& illa mihi totum præstet quod habet; à me quicquid optat expectet. Quid enim? Tu Mariæ consulis relinquendos pedes, quos tam dulciter osculatur? auertendos oculos ab illa speciosissima facie, quam contempletur? amouendum auditum ab eius suavi sermone, quo reficitur?

CAP. LV. *De obuiatione puerorum cum ramis palmarum, clamantium: Osanna in excelsis.*

MAT. 21.

**S**ed iam surgentes eamus hinc. Quò, inquis? Certe ut insidentem a seculo cæli terræque dominum comiteris tanta fieri pro te obstupescens; puerorum laudibus tuas iungas, clamans & dicens: *Osanna filio David, benedictus qui venit in nomine Domini.* Iam nunc ascende cum eo in corniculam grande stratum, & salutaris coenæ interesse delicijs gratulare.

CAP. LVI. *De coena Domini, & de his quæ ibi gesta sunt. quare beatus Ioannes supra pectus eius recubuit.*

**V**incat verecundiam amor, timorem excludat affectus; ut saltem de micis mensæ eleemosynam præbeat mendicanti. Vex à longe sta, & quasi pauper intendens in diuitem, ut aliquid accipias extende manum: famem lacrimis prode. Cum iam surgens à coena linteo se præcinxit, posuitque aquam in peluim, cogita quæ majestas, quæ potestas hominum pedes abluit & extersit: quæ benignitas proditoris vestigia sacris manibus tangit. Specta & expecta, & vltima omnium tuos ei præbe abluendos: quia quem ipse non lauit, non habebit partem cum eo. Quid modo festinas exire? Sustine paululum. Videsne quisnam ille est, rogo te, qui supra pectus eius accumbit, & in sinu eius caput reclinat? Felix qui-  
cumque

cumque ille est. O ecce video: Ioannes est nomen eius. O Ioannes, quid ibi dulcedinis, quid gratiæ & suauitatis, quid luminis & deuotionis ab illo hauriam fonte dicito. Ibi certe omnes thesauri sapientiæ & scientiæ: ibi fons misericordiæ, domicilium pietatis, & fauus æternæ suauitatis. Vnde, tibi ò Ioannes, omnia ista? Nunquid tu sublimior Petro, Andrea sanctior, cæteris omnibus apostolis gravior? Speciale hoc virginittis priuilegium est, quia virgo es electus à domino antequam ires cum matre dilectus. Iam misericordiæ exulta virgo, accede propius, & aliquam tibi huius dulcedinis portionem vendicare non differas. Si ad potiora non potes, dimitte Ioanni pectus, ubi eum vinum lætitiæ in diuinitatis cognitione inebriet: tu currens ad vbera humanitatis, lac exprime quo nutriaris. Inter hæc sacratissima illa oratione discipulos commendans patri dixerit: *Pater serua eos in nomine tuo.* Inclina tu caput, vt & tu merearis audire: *Volo vt ubi sum ego, & illi sint mecum.* Cal. 2.  
Ioan. 17.  
Ibid.

CAP. LVII. *Qualiter post coenam ad orandum ad montem oliueti accessit.*

**B**onum est: tibi hic esse. Sed exeundum est: præcedit ipse ad montem Oliueti, tu sequere. Et licet assumpto Petro & duobus filiis Zebedæi ad secreta secesserit, vel à longe intueri quomodo in se nostram transtulit necessitatem. Vide quomodo ille cuius sunt omnia, pauere incipit & tædere, *Tristis est anima mea, inquiens, usque ad mortem.* Mat. 26. Vnde hoc Deus meus? compateris mihi exhibens hominem, vt quodammodo videaris nescire quod Deus es prostratus in faciem oras; & factus est sudor tuus, sicut gutta sanguinis decurrentis in terram. Luc. 22. Quid istas? accurre, & suauissimas illas guttas lambe, & puluerem pedum illius linge. Noli dormire cum Petro, ne merearis audire: *Sic non potuisti una hora vigilare mecum?* Mat. 26.

CAP.

CAP. LVIII. *Qualiter proditor ad eum capiendum venit. qualiter Petrus gladio percussit, sed postea negavit.*

**S**ed ecce iam proditorem præeuntem impiorum turba subsequitur, & osculum præbente Iuda manus injiciunt in dominum tuum: tenent, ligant, & illas dulces manus vinculis astringunt. Quis ferat? Scio, occupat nunc ceterum tua pietas: omnia viscera tua zelus inflamat. Sine, rogo, patiatur qui pro te patitur. Quid optas gladium? quid irasceris? quid indignaris? O si instat Petri cuiuslibet aurem abscideris, si ferro brachium tuleris, si pedem truncaueris, ipse restituet omnia. Qui etiam si quidem occideris, absque dubio suscitabit.

CAP. LIX. *Qualiter male tractatur, coram Pilato falso accusatur, & falso iudicatur, flagellatur, & corona spinea coronatur.*

**S**equere potius eum usque ad atrium principis sacerdotum, & speciosissimam eius faciem, quam illi sputis illiniunt, tu lacrimis laua. Intuere quam pijs oculis, quam misericorditer, quam efficaciter tertio negantem respexit Petrum; quando ille conuersus & in se reuersus fleuit amare. Utinam, bone Iesu, tuus me dulcis respiciat oculus, qui te rotiens ad vocem ancillæ procacis carnis meæ pessimis operibus affectibusque negavi. Sed iam mane facto traditur Pilato, ibi accusatur, & tacet: quoniam *tanquam ovis ad occisionem ducitur, & sicut agnus coram tondente sic non apernit os suum.* Vide, attende, quomodo stat ante præsidem inclinato capite, demissis oculis, vultu placido, sermone raro, paratus ad opprobria, promptus etiam ad verbera. Scio, non potes ulterius sustinere, nec dulcissimum dorsum eius flagellis atteri, nec faciem alapis cædi, nec venerandum illud caput spinis coronari corona spinea: nec dexteram, quæ cælum & terram continet,

Esa. 53.

net, arundine dehonestari, tuis oculis aspicere poteris. Ecce educitur flagellatus, portans spineam coronam, & purpureum vestimentum. Et dicit Pilatus : *Ecce homo.* Vere homo est, quis dubitet ? Testes sunt plagæ virgarum, liuor ulcerum, foeditas sputorum. Iam nunc cognosco Zabule quia est homo. Vere homo est, inquis. Sed quid est, quod in tot iniurijs non irascitur vt homo, non mouetur vt homo, non suis tortoribus indignatur vt homo ? Ergo plus est quàm homo, si quis cognoscit illum. Cognoscitur certe homo impiorum iudicia sustinens: sed *cognoscetur Deus iudicium faciens.* Sero animaduertisti Zabule. Ioh. 19. 5. Psal. 9.

CAP. LX. *De consideratione passionis Christi, & deceptionis diaboli, qui eum hominem solum esse credebat.*

**Q**uid tibi per mulierem visum est agere vt dimittatur ? Tarde locutus es. Sedet pro tribuali iudex, prolata sententia iam portat propriam crucem, ducitur ad mortem. O spectaculum ! Videsne ? Ecce principatus super *humerum eius.* Hæc est *virga aquitatis, virga regni iui.* Ioh. 9. 6. Psal. 45. 7. Datur ei vinum felle mixtum. Exuitur vestimentis suis, & inter milites diuiduntur. Tunica non scinditur, sed sorte transit ad vnum. Dulces manus eius & pedes clauis perforantur, & extensus in cruce inter latrones suspenditur.

CAP. LXI. *Quomodo pependit in cruce inter cælum & terram, vt ima summis reconciliaret.*

**M**ediator Dei & hominum inter cælum & terram medius pendens ima superis vnit, & cælestibus terrena coniungit. Stupet cælum, & terra miratur. Quid tu ? Non mirum si sole contristato tu contristaris : si terra tremiscente, tu contremiscis : si scissis saxis cor tuum scinditur : si flentibus iuxta crucem mulieribus, tu lachrimaris.

CAP.

CAP. LXII. *De mira patientia in passione, reddendo bonum pro malo.*

**V**rum in his omnibus considera illud dulcissimum pe-  
ctus, quam tranquillitatem seruauerit, quam habuerit  
pietatem. Non suam attendit iniuriam, non poenam re-  
putat, non sentit contumelias. Sed illis potius à quibus  
patitur, ille compatitur: a quibus vulneratur, ille mede-  
tur: vitam procurat, à quibus occiditur. Cum qua mentis  
dulcedine, cum qua spiritus deuotione, in qua caritatis  
plenitudine clamat: *Pater ignosce illis?*

Luc. 23, 24.

CAP. LXIII. *Oratio peccatoris ad Christum.*

**E**cce ego, Domine, tuæ maiestatis adorator, non tui cor-  
poris intersector; tuæ mortis venerator, non tuæ pas-  
sionis irrisor; tuæ misericordiæ contemplator, non infir-  
mitatis contemptor. Interpellet itaque pro me tua dulcis  
humanitas, commendet me patri tuo tua ineffabilis pietas.  
Dic ergo, dulcis Domine: Pater ignosce illi. At tu, virgo,  
tu maior es apud virginis filium confidentia, à mulieribus  
quæ longe stant, cum matre virgine & discipulo virgine  
accede ad crucem, & perfusum pallore vultum cominus  
intuere. Quid ergo? Tu sine lacrimis, amantissimæ Do-  
minæ lachrimas videbis? Tu siccis oculis manes, eius  
animam pertransit gladius doloris? Tu sine singultu audies  
dicentem matri: *Mulier ecce filius tuus.* & Ioanni: *Ecce ma-  
ter tua:* cum discipulo matrem committeret, latroni pa-  
radisum promitteret? *Tunc unus ex militibus lancea latus eius  
aperuit, & exiuit sanguis & aqua.* Festina ne tardaueris: ex-  
mede fauum cum melle tuo: bibe vinum tuum cum lacte  
tuo. Sanguis tibi in vinum vertitur, vt ipebrieris: in lac  
aqua mutatur, vt nutriaris: facta sunt tibi in petra flumi-  
na, in membris eius vulnera: & in maceria corporis eius  
cauet.

I. cor. 2.

Ioan. 19.

Ibid.

Cant. 5.

na, in quibus instar columbæ latitatis & deoscularis singula. Ex sanguine eius fiant *sicut vitæ coccinea labia tua*, & *eleqium tuum dulce*. CAP. 41. 3.

CAP. LXIV. *De Decurione.*

**S**ed adhuc expecta donec nobilis ille decurio veniens extractis clavis manus pedesque dissolvat. Vide quomodo felicissimis brachijs corpus complectitur, ac suo astringit pectori. Tunc dicere potuit vir ille sanctissimus : *Esiculus mirra dilectus meus mihi, inter ubera mea commorabitur*. Sequere tu pretiosissimum illum cæli terræque thesaurum, vel pedes porta, vel manus brachiaque sustenta, vel certe defluentes minutatim pretiosissimi sanguinis stillas curiosius collige, & pedum illius pulverem linge. Cerne præterea quod dulciter beatissimus Nicodemus sacratissima vulnera eius tractavit digitis, fovit vnguentis, & cum sancto Ioseph inuoluit sindone, collocauit in sepulcro. CAP. 1. 12.

CAP. LXV. *De Magdalena.*

**N**oli præterea Magdalenzæ deferere comitatum; sed paratis aromatibus, cum ea domini tui sepulchrum visitare memento. O si quod illa oculis, tu in spiritu cernere merearis! nunc super lapidem reuolutum ab ostio monumenti angelum residentem: nunc intra monumentum, vnum ad caput, alium ad pedes, resurrectionis gloriam prædicantes: nunc ipsum Iesum Mariam flentem & tristem tam dulci respicientem oculo, tam suavi voce dicentem, *Maria*. Quid hac voce dulcius? quid suavius? quid iucundius Maria? Rumpuntur ad hanc vocem omnes capitis cataractæ, ab ipsis medullis eliciuntur lacrimæ; singultus atque suspiria ab imis trahuntur visceribus. I. IAN. 20.

G g

ria.



Ioh. 20.

Ioh. 20.

Mat. 28.

ria. Obeata, quid tibi pro meritis facis, quid animi, cum ad hanc vocem te prostermeres, & reddens vocem salutanti inclamares, *Rabbi*? Nam plura dicere lacrimae prohibent, cum vocem occludat affectus, omnesque animae corporisque sensus nimius ardor absorbeat. Sed o dulcis Iesu, cur à sacratissimis ac desideratissimis pedibus tuis sic ames amantem? O verbum durum! *Nesci* inquit *me tangere*. Vt quid Domine? Quare non tangam desiderata illa vestigia tua, pro me perforata clavis, perfusa sanguine? non tangam? non deosculabor? An inimicior es eo, quia gloriosior? Ecce non dimittam te, non recedam à te, non parcam lacrimis, pectus suspirijs singultibusque rumpe- tur, nisi tangam. Et ille: Noli me tangere, noli timere. Non auferitur tibi bonum hoc, sed differtur. Vade tamen & nuntia fratribus meis quia surrexi. Currit, cito volens redire. Redit cum alijs mulieribus. Quibus Iesus occurrens blanda salutatione, deiectas sic erigit tristes, sic consolatur. Aduerte. Tunc est datum quod ante fuit dilatum. *Accesserunt enim & tenuerunt pedes eius*. Hic quamdiu potes, virgo, morare. Non has delicias tuas somnus interpolet, nullus exterior tumultus impediat,

CAP. LXVI. *De consideratione mundi & rerum praesentium, & ut vilescant, quasi statim mors sequatur, quae est principium futurorum & finis praesentium.*

Verum quia in hac misera vita nihil stabile, nihil æternum est, nunquam in eodem statu permanet homo: necesse est, ut anima nostra dum viuimus, quadam varietate pascatur. Vnde à praeceptorum recordatione ad experientiam praesentium transeamus: ut ex his quoque, quantum à nobis sit Deus diligendus omnes intelligere valeamus. Hac omnia reuolue animo; ut in eam totus tuus resoluatur affectus, vilescat tibi mundus, omnis amor

amor carnalis fordescent. Nescias te esse in hoc mundo, quæ ad illos, qui in cælis sunt & Deo viuunt, tuum amorem transfulsi. *Vbi est thesaurus tuus, ibi & cor tuum.* Noli Mat. 6. cum argenteis simulacris vili mansupio tuum includere animum, qui nunquam cum nummorum pondere poterit mansuolare ad cælum. Puta te quotidie morituram, & de crastino non cogitabis. Non te futuri temporis sterilitas terreat, non futura famis timor tuam mentem deiciat: sed ex ipso tota fiducia tua pendeat, *qui aues pascit, & lilia* Mat. 6. *vestit.* Ipse sit horreum tuum, ipse apotheca, ipse mansupium, ipse diuitiæ tuæ: ipse solus sit tibi omnia in omnibus. Et hæc interim de præsentibus satis sint.

CAP. LXVII. - *De mortis conditione, quæ à cunctis timetur, non timenda à fidelibus.*

Qui autem tanta suis præstat in præsentem, quanta illis seruat in futuro? Principium futurorum & finis præsentium mors. Hanc cuius natura non horret? cuius non expauiscit affectus? Nam bestię fuga, latibulis, & alijs mille modis mortem cauent & vitam tenent. Iam nunc diligenter attende quid tua tibi respondeat conscientia, quid præsumit fides tua, quid spes promittat, quid expectet effectus: si vita tua tibi oneri est: si mundus fastidio corporales labores assumit. Hoc unum dico omnibus mundi huius præstare delictis, honoribus atque diuitijs, si ob conscientie serenitatem, fidei firmitatem, spei certitudinem, mortem non timeas. Quod ille maxime poterit experiri, qui aliquo tempore sub hac seruitute suspirans in liberioris conscientie auras euasit. Hæc sunt futurae bonitudinis tuæ primitiæ salubres: ut morte superueniente naturalem horrorem fides superet, spes temperet, conscientia secura repellat.

CAP. LXVIII. *De securitate & consolatione iusti in morte, & qualiter angeli cum eo assistunt.*

**E**T vide quomodo mors beatitudinis principium est, laborum meta, peremptoria vitiorum. Sic enim scriptum est: *Beati mortui qui in domino moriuntur, a modo enim iam dicit spiritus ut requiescant à laboribus suis.* Vnde propheta reproborum ab electorum morte discernens: *Omnes, inquit, reges dormient in gloria in domo sua. Tu autem proiectus es de sepulchro tuo quasi stirps inutilis, pollutus & obuolutus.*

Apo. 14.

Esa. 14.

CAP. LXIX. *De anima egrediente, & ubi collocatur.*

**D**ormiunt quippe in gloria, quorum mortem bona commendat conscientia. Quoniam pretiosa est in conspectu domini mors sanctorum eius. Dormit facie in gloria, cuius dormitioni assistunt angeli, occurrunt sancti, & concives suum præbentes auxilium, & impertientes solatium, hostibus se opponunt, obsistentes repellunt, refellunt accusantes: & sic usque ad sinum Abraham sanctam animam comitantes in loco pacis collocant & quietis. Non sic impij, quos de corpore quasi de foetenti sepulchro pessimi spiritus cum instrumentis infernalibus extrahentes, pollutos libidine, obuolutos cupiditate iniiciunt ignibus exurendos, tradunt vermibus lacerandos, æternis foetoribus deputant suffocandos. Vere expectatio iustorum letitia: pes autem impiorum peribit.

Psal. 115.

Prov 10.

CAP. LXX. *De requie æterna & gloria sanctorum qualis sit.*

**S**ane qualis sit illa requies, quæ pax illa, quæ iucunditas de sinu Abraham, quæ illic quiescentibus promittitur, & expectatur: quia experientia non docuit, stilus explicare non poterit. Expectant felices, donec impleatur nume-

Apo. 6.

TMS

rus fratrum suorum, vt in die resurrectionis duplicis stolæ induti corporis pariter & animæ perpetua felicitate fruantur.

CAP. LXXI. *De consideratione diei iudicij, iudicis irati, damnatione malorum & saluatione iustorum.*

I AM nunc intuere diei illius terrorem, quando *virtutes calorum mouebuntur, elementa ignis calore soluentur*, patebunt inferi, occulta omnia nudabuntur. Veniet desuper iudex iratus, ardens furor eius, & vt tempestas currus eius: vt reddat in ira vindictam, & vastationem in flamma ignis. Beatus qui paratus est occurrere illi. Quis tunc miseris finis erit, quos nunc luxuria foedat, auaritia dissipat, extollit superbia? *Exibunt angeli, & separabunt malos de medio iustorum: istos à dextris, alios à sinistris statuentes. Cogita te nunc ante tribunal inter vtramque hanc societatem assistere, & necdum in partem alteram separatam. Deflecte nunc oculos ad sinistram iudicis, & miseram illam multitudinem specta.*

*Matt. 24.  
2. Petr. 3.*

*Mat. 13.*

CAP. LXXII. *De confutatione & poena malorum.*

Q ualis ibi horror? quis timor? quis foetor? quis dolor? Stant miseri & infelices stridentes dentibus, nudo latere palpitantes, aspectu horribiles, vultu deformes, deiecti præ pudore, præ corporis turpitudine & nuditate confusi latere volunt, & non datur: fugere tentant, & non permittuntur. Si leuant oculos desuper, iudicis imminet furor: si deponunt, infernalis putei eis ingeritur horror. Non suppetit criminum excusatio, nec de iniquo iudicio aliqua poterit esse causatio. Cum quicquid decretum fuerit, iustum esse ipsum eorum conscientiam non latebit.

CAP.

CAP. LXXIII. *De dilectione Dei; quid sit species bonas à mala vita & operibus impiorum.*

Cerne nunc quam amandus sit qui te ab hac damnata societate prædestinando discernit, vocando separavit, iustificando purgavit. Retorque nunc ad dexteram oculos, & quibus te glorificando sit inserturus aduerte.

CAP. LXXIV. *De gloria bonorum.*

Qvis ibi decor? quis honor? quæ felicitas? quæ securitas? Alij die iudiciaria sede sublimes: alij martyrij corona splendentes: alij virginitatis flore candidi: alij eleemosynarum largitione foecundi: alij doctrina & eruditione præclari, vno caritatis foedere copulantur. Lucet eis vultus Iesu Christi, non terribilis, sed amabilis: non amarus, sed dulcis: non terrens, sed blandiens.

CAP. LXXV. *De dubio hominis existentis in hoc sæculo, qualiter iudicabitur, & quomodo se debet convertere ad Deum.*

Psal. 54.

Psal. 29.

Mat. 23.

Stra nunc in medio nesciens quibus te iudicis sententia deputabit. O dura expectatio! *Timor & tremor venerunt super me, & contexerunt me tenebræ. Si me finitris sociaverit, non causabor iniustum: si dextris adscripserit, gratia eius hoc non meis meritis est imputandum. Vere Domine omnia in voluntate tua.* Vides ergo quantum in amore eius tuus extendi debeat animus, qui cum iuste possit in impios prolatam in te quoque retorquere sententiam, miribus temulit ac fatuandis inferere. Iam te puta sanctæ illi societati coniunctam vocis audire decretum: *Venite benedicti patris mei, percipite regnum, quod vobis paratum est ab origine mundi.* Miseris audientibus verbum durum, plenum iræ & furoris:  
Dis-

*Discedite à me miserabiles iniquis atque peccatoribus. Tunc ibunt hic in sapientia. Mat. 18.*  
*cum atque peccatoribus: infelices autem utantur eternam. O dura separatio*  
*et miserabilis conditio!*

CAP. LXXVI. *De visione Dei post iudicium, et quae sit*  
*interim gloria hic potest colligi.*

**S**ublatis verò impijs ne videant gloriam Dei: iustis  
 quoque singulis secundum gradum suum & meri-  
 tum angelicis ordinibus insertis, fiet illa gloriosa pro-  
 cessio Christo precedente capite nostro, omnibus mem-  
 bris suis sequentibus, & tradatur regnum Deo & patri: ut 1. Cor. 28.  
 ipse regnet in ipsis, & ipsi regnent cum ipso, illud perci-  
 pientes regnum, quod paratum est illis ab origine mundi. Mat. 25. 34.

CAP. LXXVII. *De gloria & gaudijs paradisi.*

**C**ivis regni status nec cogitari quidem potest à nobis,  
 nullo minus dici vel scribi. Hoc sciendum, quod om-  
 nino nihil aberit, quod vel adesse; nec quidquam aderit,  
 quod vel abesse debeat. Nullus igitur ibi luctus, fletus nul-  
 lus: non timor, non dolor, non dissidentia, non invidia, non  
 suspicio, non ambitio, non adulatio, non detractio, non  
 argitudo, non senectus, non mors, non paupertas, neque  
 tenebrae: non edendi, vel bibendi, vel dormiendi vlla ne-  
 cessitas: nulla fatigatio, defectio nulla. Quid ergo boni ibi  
 est, ubi nec luctus, nec fletus, nec dolor est, neque tristi-  
 tia? Quid potest esse nisi perfecta laetitia, ubi nulla tribu-  
 latio, nulla tentatio, nulla temporum mutatio, vel aeris  
 corruptio, aestus vehementior, nec hiems asperior? Quid  
 potest esse, ubi summa quaedam rerum temperies, & mani-  
 tis & carnis vera ac summa tranquillitas? Vbi nihil quod  
 timeas, ubi nulla discordia, nulla invidia, nulla suspicio,  
 nulla ambitio, nulla adulatio, detractio nulla, quid po-  
 test

test esse nisi summa & vera dilectio? Vbi nulla paupertas, nulla cupiditas, quid potest esse nisi bonorum omnium plenitudo? Vbi nulla deformitas, quid potest esse nisi vera pulchritudo? Vbi nullus labor vel defectio, quid erit nisi requies summa & fortitudo? Vbi nihil est quod grauet vel oneret, quid est nisi summa facilitas? Vbi nec senectus expectatur, nec morbus timetur, quid potest esse nisi vera sanitas? Vbi neque nox, neque tenebrae, quid erit nisi lux perfecta? Vbi mors & omnis mortalitas absorpta, quid erit nisi vita æterna? Quid est ultra quod quæramus? Certè quod his omnibus excellit: id est, visio, cognitio, & dilectio creatoris. Videbitur in se, videbitur in creaturis suis regens omnia sine solitudine, sustinens omnia sine labore, impertiens se & quodammodo dispertiens singulis pro sua capacitate sine sui diminutione vel diuisione. Videbitur ille vultus amabilis & desiderabilis, in quem desiderant angeli prospicere. De cuius plenitudine, de cuius lumine, de cuius suauitate quid dicetur? Videbitur pater in filio, filius in patre, spiritus sanctus in utroque. Videbitur non per speculum & in ænigmate, sed facie ad faciem. Videbitur enim sicuti est, impleta illa promissione qua dicit: *Qui diligit me, diligetur à patre meo, & ego diligam eum, & manifestabo ei meipsum.* Ex hac visione illa procedit cognitio, de qua ipse ait: *Hæc est vita æterna, ut cognoscant te unum Deum, & quem misisti Iesum Christum.* Ex his tanta nascitur dilectio, tantus ardor paterni amoris, tanta dulcedo caritatis, tanta feruendi copia, tanta desiderij vehementia; ut nec si tætas desiderium minuat, nec desiderium satieta- tem impediat. Quid est hoc? certe quod oculus non vidit, nec auris audiuit, nec in cor hominis ascendit, quæ preparauit Deus diligentibus se.

1 Pet. 1, 12.  
 Ioan. 14.  
 Ioan. 17.  
 1 Cor. 2, 9.

CAP. LXXVIII. *Conclusio in contemplatione diuini amoris ex beneficiorum prætorum Christi memoria, & præsentium experientia, & expectatione futurorum.*

**H**Æc tibi soror, de beneficiorum prætorum Christi memoria, de præsentium experientia, de expectatione futurorum quædam meditationum spiritualium semina præseminare curauit, ex quibus diuini amoris fructus vberior oriatur & crescat, ut meditatio affectum exerceat, affectus desiderium pariat, lacrimas desiderium excitet, ut sint lacrimæ tuæ panes die ac nocte, donec appareas in conspectu eius, & suscipiaris ab amplexibus eius. dicatque illud, quod in Canticis scriptum est: *Dilectus meus mihi, & ego illi.* HABES nunc sicut petisti corporales constitutiones, quibus Cant. 2, 16. inclusa exterioris hominis mores componas. Habes formam præscriptam, qua interiorem hominem, vel purges à vitijs, vel virtutibus ornes. Habes in triplici meditatione quomodo in te dilectionem excites, nutrias, & accendas.

*Versus notabiles.*

DVLCIA SVNT ANIMAE SOLATIA, QVAE TIBI MANDO.  
NAM PROSVNT MINIME, NISI SERVES HAEC OPERANDO.

**S**I quis igitur in huius libelli locutione profecerit, hanc labori meo vel studio vicem impendat; ut apud Salvatorem meum, quem diligo, apud remuneratorem meum, quem expecto, apud iudicem meum, quem timeo, pro peccatis meis intercedat.

EXPLICIT REGVLA B. AELREDI.







# TERTIÆ PARTIS ERRATA.

<i>Pag.lin. errata</i>	<i>correcta.</i>	<i>Pag.lin. errata</i>	<i>correcta.</i>
4 8 uon	non	154 2 ardeor	arder
10 effundere	effunderem	158 31 parte	partem
29 ne iterum	ne interetis	179 14 distruebatur	distribuebatur
21 9 accipire	accipere	21 vita	vitz
25 30 nemini	nemine	181 29 obliuiscere	obliuiscere
29 33 crebriores	crebriores	216 vl. negetur	negatur
49 23 animum	animarum	217 18 illorum	illorum
87 17 huic	hoc	222 9 arbitror	arbitror
29 20 fuerit	fuerit	20 audie is	audieris
117 20 suppositionibus	suppositionibus	224 16 decreueris	decreueris
124 21 pręsta	pręsto	227 vl. potuisti	potuisti
127 2 Portaria	Portarię	229 18 tui	tui
ostiaria	ostiarię	231 2 coccinea	coccinea
131 16 donasce	donasse	234 24 pes	spes
144 24 improbatu	improbitatiz	235 19 confutatione	confusione

## APPENDICIS ERRATA.

<i>Pag.lin. errata</i>	<i>correcta.</i>	<i>Pag.lin. errata</i>	<i>correcta.</i>
12 15 dixierim	dixerim	71 2 gaudis	gaudijs
19 24 vel vt	velut	83 8 scandalizari	scandalizari
22 vl. riris	viris	86 vl. inertiam	inertiam
93 24 oculos	oculus	95 6 Angustij	Angusti
57 4 spiritus	spiritus	107 25 rusticiati	rusticati
62 7 sororores	sorores	142 18 nocte	nocte



# CODICIS REGVLARVM

## A P P E N D I X

IN QVA SANCTORVM PATRVM

Exhortationes

*AD MONACHOS, ET VIRGINES*  
*De Observantia Vitæ Religiosæ*

COLLECTÆ OLIM A S. BENEDICTO

ANIANENSI ABBATE.

LVCAS HOLSTENIVS VATIC. BASIL. CANONICVS  
Et Bibliothecæ Præfectus ex duobus Manuscriptis  
Floriacensibus Serenissimæ Reginæ  
CHRISTINÆ edidit.



ROMÆ, Excudit Vitalis Mascardus, MDCLXI.

---

SVPERIORVM PERMISSV.

# REGVLAM CODICIS APPENDIX IN QVA SACRORVM PATRVM

Exhortationes

De Officiis et Religione  
De Monachatu, et Conventibus

COLLECTA OLIM A S. BENEDICTO

ANIANENSI ABBATE.

ET B. BISHOPPUS  
Hortacensibus Serenissimus Regibus  
Christine edit.



ROMÆ, Ex auctoritate Venerabilis Magistri, MDCCLXII.  
S. A. P. R. O. M. A. E. R. E. S. T. I. T. I. T. I. A. N. I.

**S E R E N I S S I M A E ,**

**ET SAPIENTISSIMAE**

**CHRISTINAE**

**ALEXANDRAE**

**Suecorum, Gothorum, & Vvandalorum**

**R E G I N A E**

**HASCE SANCTORVM PATRVM**

**Exhortationes ex Codicibus eius Ma-  
nuscriptis in publicam lucem  
prolatas.**

*Offert, Dicat, Consecrat.*

**MAIESTATIS EIVS DEVOTISSIMVS**

**LVCAS HOLSTENIVS.**

1871

ET

CHRISTIAN

ALPHABET

in

THE

NEW

Exposition de l'Alphabet  
nouveau en l'Alphabet  
nouveau

Alphabet

ALPHABET

ALPHABET

# OPVSCVLA PARÆNETICA

SANCTORVM PATRV M

*Hoc Libro comprehensa.*

S. ATHANASII Alexandrini liber de obseruationibus Monachorum .

Eiusdem exhortatio ad Sponsam CHRISTI .

S. BASILII Magni admonitio ad filium spiritua-  
lem .

EVAGRII Monachi sententiæ ad Monachos .

Eiusdem sententiæ ad Virgines .

FAVSTI Lirinenſes Sermones IV. ad Monachos .

S. EVCHERII exhortatio ad Monachos .

Eiusdem sententia ad Monachos .

Eiusdem admonitio ad Virgines .

S. CÆSARII epistolæ II. ad Cæsariam Abbatissam .

Eiusdem epistola hortatoria ad Virginem Deo de-  
dicatam .

NOVATI Catholici sententia de humilitate, & obe-  
dientia .


S. PAVLINI ad Monachos de poenitentia .

EVTROPII Abbatis epistola de districtione Mona-  
chorum .

INCERTI sermones II. de decem Virginibus .







INCIPIT LIBER  
 SANCTI ATHANASII  
 EPISCOPI ALEXANDRIAE  
 De obseruationibus monachorum.



SI gloriari in Christo licet, quod huiusmodi principijs sitis initiati, vt sit inchoatio vestra perfectio, & ad veram viuendi frugem gradus interpositos preuolantes, apice ipsius culminis occupato, disciplinæ summam teneatis; vt in votis habere debeat imitari quisq; vos potius quam posse credat institui: mihi tamen huius licentiam prærogatiuæ paternus adscripsit affectus, & amplectenda mihi vestræ expostulationis exactio: quidum me auditis non solum libenter, sed etiam auide, impudentem me vestro amore fecistis. Precedentes duco, & ultra mensuram meæ possibilitatis extensus quos sequi cupio ducere compellor. Pergam igitur per tramitem vitæ vestræ, & quasi qui primis litterarum imbuatur elementis depictis, adumbratas præfigurationibus notas stilo imita-

A

tore

tore calcabo, accedentibus ad speranda beati instituti pręmia quę sequenda sunt.

Primum abstinentię cura, ieiunij patientia, orandi assiduitas, legendi, vel si quis adhuc literarum expertus sit, audiendi sit desiderium cum cupiditate discendi. Hac enim sunt prima quasi lactentium in Dei agnitione crepundia: quibus homo ammonitus ortus sui, diuini trinitis ingredi viam velle incipiat, dum posse consuescat. Et quidem ista tradens, non de vulgi promiscua fide loquor, quem omnipotentis Dei misericordia insinuata confessio, & innocentię singularis instillata doctrina venia sola efficit esse contentum. Quamquam dominus noster, sicut legimus, omnes velit saluos fieri, & ad agnitionem veritatis venire: tamen quia pręeminentis gratię cuncti capaces esse non possunt, (*Non enim omnes qui ex Israel sunt Israelitę sunt: Nam & Ismael à consortio fraternę hereditatis excluditur, & compugnantes Iacob atque Esau vnius vteri claustra ruperunt*) vel contenti puteo aquę viuę, nos in holocaustum nostri hostiam voluntarię oblationis aptemus, desiderantes escas & parantes ac primatibus pręuertamus, illis ad mensuram venię hanc sententiam largientes: *Omnis creatura Dei bona, & nihil abiiciendum quod cum gratiarum actione percipitur.* Nos ad pręmium glorię illo labore nitentes: *Bonum est non manducare carnem, neque bibere vinum.* Et rursum: *Omnis qui in agone contendit ab omnibus se abstinet: & ille quidem ut corruptibilem coronam accipiat, nos autem incorruptam.* Abstinentia enim continentię nutritrix est, quę innupta siue nupta facilius passibilitatis frenos patitur, si non deliciarum calcaribus incitetur. Quam sic eos, qui ad summam nituntur, vel cupio vel mando colere, ne putent in aliis crimen esse nupisse, scientes scriptum esse: *Bonum est nubere: melius est non nubere.* Qui hoc enim illicitum credunt, ipsi pręmium sui laboris imminuunt. Illicitis enim cauere, iugum necessitatis est: permissa vincere munus arbitrij.

Rom. 9, 6.

1. Tim. 4, 4.

Rom. 14, 21.

1. Cor. 25.

1. Cor. 7, 25.

trij. Malis abstinere, disciplinæ merces est; bona supergredi, libertas meriti est, non finis imperij. Illud legis indultum est terminis; hoc gratiæ reservatum est incrementis.

Ieiuniorum quoque non sit volentibus certa mensura; sed in quantum possibilitas valet, nisu laborantis extensa; quæ præter dominicâ diem semper sint solemnia, si votiva sunt. His sese Moyſes beatissimus præparans affatibus Dei dignus ingessit. His prædictas per Ionam Niniuitæ minas in placidam rursus flexere sententiam. His Bethuliæ populus Assyria obsidione conclusus, & vsq; ad deditionem sui experta plurima virtute contritus, ab Holofernibus tumentibus minis constantis manu feminæ meruit vindicari. His Mardocheus Aman crudelem superbia præparato sibi ligno, acceptæ poenæ conuersione suspendit. His Iesus saluator noster in carne hominis quam adsumpserat eruditus, suadelas diaboli tentantis obtudit: quas etsi aliter potuisset expellere, docendos tamen sibi populos voluit hac imitatione formare.

Orationibus verò ita frequenter instandum est, ut vix eas aliquod tempus interpolet. Scriptum est enim: *Orationi instate, vigilantes in ea*. Et iterum: *Querite & inuenietis; pulsate & aperietur vobis*. Per has amicus dormiens excitatur; & quamuis omnem familiam sopor altus obsiderit, depromi tamen sibi panes ac porrigi impotens expostulator extorquet.

*Colos. 4, 2.  
Mat 7, 7*

Has, si fieri potest, sola legendi intercapedo disrumpat. Cuius rei cura in canonicis ponenda est monimentis: non quod apocrypha debeamus præsertim ignorata damnare; sed quod ad scientiam Dei digestam canonis seriem putemus posse sufficere. Illa enim si consentiunt, superuacua sunt: si dissentiunt, vitanda sunt. Sine legendi autem studio nemo ad Deum valebit esse intentus. Primum, quod huiusmodi opera ab aliis actibus caducæ occupationis ab-

A 2

ducunt:

- ducunt : & diuerſorum exemplorum inſinuata cognitio  
vel bonorum appetentiam , vel malorum facit eſſe caute-  
lam . Neque enim alias Petrus apoſtolus ammoneret :
1. *Petr.* 3, 16. *Preparati ſemper eſſote ad rationem reddendam ad omnes poſcentes*  
*Col.* 1, 9. *vos de verbo fidei veſtræ & ſpei veſtræ . Et Apoſtolus : Non ceſ-*  
*ſamus pro vobis orantes , ut impleamini agnitione eius in omni ſa-*  
*Col.* 3, 16. *pientia & intellectu ſpiritali . Et ruruſ : Verbum Chriſti habet in*  
*vobis abundanter in omni ſapientia . Nam & in veteri testamen-*  
*to ſimilem hominibus curam ſacræ præceptionis inculca-*  
*uit eloquium . Sic enim Dauid ait : Beatus vir qui non abiit*  
*Pſal.* 1, 1. *in conſilio impiorum , & in via peccatorum non ſtetit , & in cath-*  
*dra peſtilentiæ non ſedit : Sed in lege domini voluntas eius , & in lege*  
*ius meditabitur die ac nocte . Et ad Ieſum Naue dominus lo-*  
*quatur : Non recedet liber iſte de manibus tuis , & mediteris in*  
*iof.* 1, 8. *eo die ac nocte . His quoque ſe negotijs malarum cogitatio-*  
*num lubrica frequenter interſerunt : & quamuis ipſa ſe-*  
*dulitas animum ad Deum præſtet intentum , efficit ta-*  
*men in ſeſe mordax ſæculi cura ſollicitum . Quod ſi hæc*  
*frequenter & importunè patitur religioſo labori deditus ,*  
*numquam proſecto illis carebit otioſus .*

Nunc quoniam ſtudiorum membra digeſſimus ; morum  
augmenta cumulemus . Illud autem non extra commo-  
nitionem puto , vt ſit victus facilis , vilisque veſtitus : cum  
& hæc tegendi corporis gratia reperta ſint , non ornan-  
di ; & illa ſuſtinendæ animæ potiùs quàm obruendæ . His  
igitur quæ ſupra oſtendimus actibus mancipatus omne  
odium deponat inimici . Nec hoc tantum ſine contentus ,  
ſimultates amore commutet ; iram patientiæ temperet  
freno ; avaritiâ abſtinentiæ vincat imperio ; ac præci-  
puè linguam cuſtodia taciturnitatis obſepiat ; ne in liti-  
gium contentioſa ferueſcat ; ne in maledictum præcox in-  
currat ; ne in obſectationem maledicta ſerpat ; ne in  
iurationem facilis prolaturus ; ne in mendacium ficta diſ-  
ſimulet ; ne in circumuentione aſtuta calleat : ne in elati-  
one

tione superba iactetur : sedulo seruans tempus tacendi & tempus loquendi , omne otiosum verbum obnoxium sciat esse rationi. Nam ideo & Dauid beatissimus ori suo custodiam deposcit : & condiendum sale sermonem beati Pauli pagina sacra constituit : & nullum indomabile membrum esse quam linguam testifica Iacobi præcepta signarunt .

Sit igitur qui eiusmodi viam scandit, tacitus, mitis, benignus : & quia caritatis insolubilis nexus habetur, abiiciens in studio parili semper alium iudicans potiozem . Hoc enim freno alstringit inuidiam , quam vicinæ sibi elationis sæpius incitatum iudicio, dum gratias referendi sibi honoris appetit, notam miseri liuoris incurrit. Nec præmium à Deo vnusquisque percipit , si ab hominibus id requirit .

*Deus enim superbis resistit , humilibus autem dat gratiam :* qui Iac. 4. 6.

cum de huiusmodi studio discipulos erudiret , ipsum pronunciat maximum , qui minimus velit esse cunctorum.

Esto, ab aliquibus frater tuus propensius honoretur , nec illos minus amicos habeas, nec hunc æmulum prælatæ venerationis attendas . Quinimo iudica circa te augmentum illius honoris accrescere , sciens scriptum : 1. Cor. 16.

*Si enim glorificatur vnum membrum, congaudent omnia membra : vos autem estis corpus Christi & membra.* Nam quicumque aliquem

vestrùm diligit, omnem dignitatem Deo, in quem vos coitis, adscribit . In hoc mite silentium placet : in hoc affabi-

litas blanda diligitur : hunc rudis & innata simplicitas , hunc scientia erudita commendat : huius in ieiunij iugitate

patientia, huius in abstinentiæ virtute contemptus, huius in lectionis assiduitate sedulitas pro diuinorum mune-

rum diuersitate laudatur. *Hæc autem, sicut scriptum est, operatur vnus atque idem spiritus diuidens singulis prout vult . Sicut* 1. Cor. 12, 11.

*enim corpus vnum membra habet multa , omnia autem membra de corpore vno cum sint multa , corpus vnum sunt : ita & Chri-*

*stus. Omnes enim nos in vnum corpus baptizati sumus. Singuli vo-*  
bis

Mat. 7, 1.

Rom. 14, v. 4.

bis potestis omnium bonorum summam præsumere , si nullus se incipiat in eo quod alteri præcellit efferre . Sed cum vos inuicem nexu astrictæ caritatis arctabitis , tunc eos qui foris sunt , & in sæculari adhuc actu mundialibus vinculis colligantur , nolite attentioris vitæ austeritate damnare, scientes scriptû: *Nolo iudicetis, ne iudicemini.* Et iterû: *Tu quis es qui iudicas alienum seruum? Domino suo stat aut cadit. Potens est enim statuere illi Deus.* Magis benignis adhortationibus , & illiciente blandimento via veritatis ostensa nubem erroris aperite : vt non trahi incipiat vnusquisque, sed sequi pedetentim . Semper duriora flectenda sunt, ne viribus inclinata curuatio , priusquam in circulum veniat fatiscens fragmen offendat. Hic enim sæpius scandala vulgi gignuntur , dum ad religionis iugum censorium arrogatur imperium . Vita nostra iubeat, lingua persuadeat: quia plus auctoritatis gestat exemplum , & ingerit appetentiam sui morum lenis formatio. In omni igitur actu vestro quasi speculo relucente fulgete, vbique circumsepti, vbique solliciti; ne quid liuor inueniat , ne quid rumor falsus infligat .

Feminas probatas & religionis studio deditas cum mensura venerationis honorate; vt nec austeritas inhumana, nec sedulitas sit remissa. Accessus ad vos inuicem vester non ingestus sit , sed innatus; quem causa fecerit, non quem superuacuitas relaxarit. Plures audite cum pluribus : aut si quando alterius sexus frequentia deerit, vel annorum cuiusdam probata grauitas, vel celebritas loci, vel ratio temporis id honestet: quia præcipuè vobis ætas, hora, solitudo vitanda sunt . Non quod mihi fas sit de his qui vere semel deuota Deo pectora dicauerunt secus estimare aliquid; sed vt ex abundanti sic vitetis omne quod fingi potest , tanquam possit & credi. Cauemus ne in nullo famæ nostræ vulnere serpat nata ab occasione suspicio . Ipsa famæ semina priusquam linguis nutriantur inte-

intereant. Non tantum vobis fides facti, sed possibilitas etiam releganda mendacij. Beata enim vita est & præclara, de qua nil licet falsitati. Nec enim ego hoc iudiciū meum austerus censor arripui: sed cæleste imperium monitor blandus adsumpsi. Nam sic ait apostolus: *Zelus vos zelo, desponde vos uni viro virginem castam exhibere Christo.* Sciens scriptum esse: *Non ponatis offensionem vel scandalum fratri.* Et iterum: *sine offensione estote iudæis & gentibus, & ecclesie Dei.* Et iterum: *Non blasphemetur bonum nostrum.* Et iterum: *Vt quid libertas nostra iudicetur ab infideli conscientia?* Et iterum: *Omnia autem vestra honesta fiant.* Et iterum: *Commendantes nosmetipsos in omnem conscientiam hominum coram Deo.* Et iterum: *Provideamus bona non solum coram Deo, sed etiam coram hominibus.* Et iterum: *Vt is qui ex aduerso est confundatur, nihil habens de nobis dicere mali.*

2. Cor. 11, 2.

Rom. 14, 13.

1. Cor. 10, 32.

Rom. 14, 16.

1. Cor. 10, 29.

1. Cor. 14, 40.

2. Cor. 4, 2.

Rom. 12, 17.

Tit. 2, 3.

Neque me præterit sæcularis liuoris inuidia in obtrectione semper religionis ardere, & mordacem malignis rumoribus dentem impressum dicacitatis infigere. Utatur sua mundus natura, dum nihil in nostra inueniat disciplina. Falsitas ex more iactetur, dum ne verisimile quidem possit esse quod dicitur. Nemo ideo debet contemnere vulnus infamiae, quia semper consueuerit rumor simulare: sed ideo intentius præcauere, quod soleat etiam ficta componere. Nemo ab obtrectionis metu redditur obtrectandi solemnitate securus: neque est negligentiae causa sollicitudinis continuata materia. Sit igitur pudoris ac verecundiae vestrae tuta & circumspecta custodia. Nec cessarius est domo & rarus egressus, quem aut religionis ratio extulerit, aut ad substantiam victus causa exercendi operis ordinarit: à muneribus cunctis nisi quæ ad quotidianum cibum annuumque vestitum suppetant, abstinentes: scientes scriptum esse: *Habentes autem alimenta & quibus tegamur his contenti sumus.* Et iterum: *Vt honeste ambuletis ad eos qui foris sunt, & nullius aliquid desideretis.* Nequidem præben-

1. Tim. 6, 8.

1. Thes. 4, 12.

dx



- de eleemosynæ gratia ultra supradictos victus ab ullo quippiam præsumatis ; scientes scriptum : *Si enim voluntas prompta est , secundum id quod habet acceptum est , non secundum id quod non habet .* Sic illa euangelici sermonis diuina sententia anum pauperem inter larga locupletum munera gemina tantum æra mittentem magnifica accepta largitione ditauit. Quia non potest parum esse quod totum est ; neque quisquam amplius dedit , quàm qui sibi nihil reseruauit. Hæc si cui præter vos nimium videbuntur adstricta , qui Dei claustra pulsare tentauerit , prout ratio sua tulerit , relaxabit : ne quis forte aut connexus sit coniuge , aut liberis impeditus . Habet præter hæc arcta substantia plura quæ sequantur . Neque se repulsum credat , sed aditu alterius vocationis admissum , sicut scriptum est : *Vnusquisque in qua vocatione vocatus est , in ea permaneat .* Non tamen propensiores curam patrimonio quam religioni in caducis magis occupatus intendat , agnoscens scriptum esse : *Et possidentes tanquam non possidentes .* Si quem tamen posteritatis cōpede felicior natura si intelligatur absoluerit , causam herendi in mundo , nisi ignarus est , Dei munerum , non habebit . Cur enim viuendi voluntate non soluat , quod moriendi lege rumpendum est ; faciens de forte mercedem , vt de necessitate virtutem augeat ? Quinimo qui in sua re familiari de paruis magna , de vilibus pretiosa , æterna facit de caducis ; solus est cum peruenierit , vt sempiternus patrimoniij sui possit esse possessor . Si auarus non est , debet terminanda contemnere : si auarus est , debet desiderare perpetua , sciens scriptum esse : *Nolite thesaurizare vobis thesauros in terra , ubi tinea & rubigo exterminant , & ubi fures effodiunt & furantur . Thesaurizate , autem vobis thesauros in celo , ubi neque tinea , neque erugo exterminant , & ubi fures non effodiunt nec furantur .*

Hoc ei qui non caret filiis hortamentum est ; qui caret imperium . Ista vos cuncta congrua temporibus , apta personis ,

sonis, referta exemplis, condita blanditijs, hortamento mites ingerite: facilius potest persaudere qui facit. Neque enim aliquo horum omnium fructu invidi estis cuiusquā æstimatione fraudandi. Erat vobis certè corpus firmum, ætas integra, rudes animi, quamuis angusta pro humani generis varietate substantia: patebat vel negotiandi vsus, vel studium militandi: diuersæ artes, & innumera in actibus mundi augendæ facultatis officia. Postremo non deerat vel pauper vxor, quæ viuendi pararet voluptatem, & insita humanis sensibus pignorum blandimenta. Quæ vos omnia quidem corpore & castis sensibus respuentes diuinæ sententiæ formam religiosi actibus custoditis, dicente scriptura: *Quicumque plus me fecerit domum, aut uxorem, aut filios, non est me dignus.* Vestra igitur intuentes exempla, nec illi de meritorum summa angusta sui æstimatione desperent, qui substantia parili ad studium vitæ huius aduenerit. In hoc ergo, filij carissimi, viuendi tramite constituti, *Vacate & videte quoniam suavis est dominus.* Dies noctesque lectionibus atque orationibus ducite: & mei semper, quem in opere & scientia abortiuum omnium sacerdotum præceptorem tanti vobis habuistis eligere, mementote. *Vigilate, stete in fide, confortamini, omnia vestra in caritate fiant, & Deus pacis erit vobiscum.*

Mat. 10. 37.

Psal. 35. 9.

1. Cor. 16. 13.

## EIVSDEM S. ATHANASII EXHORTATIO

### AD SPONSAM CHRISTI.

**Q**UANTAM in cælestibus beatitudinem virginitas sancta possideat, præter scripturarum testimonia, ecclesiæ etiam consuetudine edocemur: quia discimus peculiare illi subsistere meritum, cuius specialis est consecratio. Nam cum vniuersa turba credentium paria gratiæ dona percipiat, & eisdem omnes sacramentorum

B

bene

Rom. 12. 1.

benedictionibus gloriantur: istæ proprium aliquid præ cæteris habent; cum de illo sancto & immaculato ecclesiæ grege, quasi sanctiones purioresque hostiæ pro voluntatis suæ meritis à sancto spiritu eliguntur, & per summum sacerdotem Dei offeruntur altario. Digna reuera domino hostia tam prætiosi animalis oblatio, & nulla magis ei quam imaginis suæ hostia placitura. De eiusmodi enim apostolus præcipue dixisse videtur: *Obsecro autem vos, fratres, per misericordiam Dei, ut exhibitis corpora vestra hostiam viventem, sanctam, Deo placentem*. Possidet ergo virginitas & quod alij habent, & quod alij non habent; dum & communem & peculiarem obtinet gratiam, & proprio, ut ita dixerim, consecrationis privilegio gaudet. Nam & Christi sponsas virgines dicere ecclesiastica nobis permittit auctoritas: dum in sponsarum modum, quas consecrat domino velat: ostendens eas vel maxime habituras spiritale connubium, quæ subterfugerint carnale consortium. Et digne Deo per matrimonij comparisonem spiritaliter copulantur, quæ eius dilectionis causa humana concubia præcuerant. In his quam maxime impletur illud apostoli: *Qui autem adhæret domino unus spiritus est*.

1. Cor. 6. 17.

Isa. 56. 4.

Grande est & immortale, & pene ultra naturam corpoream, sopire luxuriam, & concupiscentiæ flammam adolescentiæ facibus accensam animi virtute restringere, & spiritali conatu vim genuinæ oblectationis excludere, vivere contra humani generis morem, despiciere solatia coniugum, dulcedinem contemnere liberorum, & quæcumque præsentis vitæ esse commoda possunt, pro nihilo spe futuræ beatitudinis computare. Magna hæc, ut dixi, & admirabilis virtus est, & non immerito pro magnitudine laboris sui ingenti præmio destinata. Dabo, inquit dominus, *spadonibus meis in domo mea, & in muro meo locum nominatum meliorum à filiis & filiabus Israël, nomen æternum*

num dabo eis, quod non deficit. De quibus spadonibus dominus in euangelio repetit dicens: *Sunt enim spadones, qui seipso castrantur propter regnum celorum.* Magni quidem est pudicitie labor, sed maius premium: temporalis custodia, sed remuneratio aeterna. De his enim & beatus Ioannes apostolus loquitur, quod *Sequuntur agnum quocumque ierit.* Quod ita intelligendum puta, nullum eis locum in caelesti aula claudendum, & cuncta eis diuinarum mansionum habitacula referenda. Mat. 19, 12. Apoc. 14, 4.

Sed ut illustrius virginitatis meritum clareat, & quam Deo digna sit manifestius possit intelligi, illud cogitetur, quod dominus & saluator noster Deus, cum propter humani generis salutem hominem dignaretur assumere, non alium quam virginelem elegerit uterum. Et ut huiusmodi plurimum sibi placere monstraret, & pudicitie bonum utriusque sexui intimaret, virginem habuit matrem virgo mansurus; in se visis, & in matre feminis praeiuit virginitatis exemplum: quo demonstraretur in utroque sexu beatam integritatem diuinitatis haberi, & plenitudinem meruisse; dum totum in matre fuit, quicquid habebatur in filio. Sed quid ego fatago excellens ac sublime pudicitie meritum reuelare, & gloriose virginitatis bonum ostendere; cum de hac re plerosque perorasse non nesciam, & eius beatitudinem manifestissimis rationibus comprobasse, & nulli sapienti venire in dubium posse, eam rem maioris esse meriti quae sit amplioris laboris? Quisquis enim pudicitiam aut nullius praemij, aut parui existimat, certum est illum aut ignorare, aut non voluntarium ferre laborem. Vnde illi semper castitati derogant, qui eam aut non habent, aut habere coguntur inuiti.

Nunc itaque quoniam, paucis licet, tam laborem quam meritum integritatis ostendimus; ne res, quae grandi virtute constat, & ingenti praemio destinatur, casere fructu suo possit, diligentius excubandum est. Quanto enim

quæcumque species pretiosior fuerit, tanto maiori sollicitudine custoditur. Et quoniam multæ sunt quæ bono proprio carent, nisi aliarum rerum iuuentur auxilio: ut est mellis species, quæ nisi cerarum custodia & fauorum cellulis conseruetur, & (ut verius dixerim) nutriatur; naturalem gratiam perdit, & subsistere per se ipsam non potest. Sicut & vini species, quod nisi boni odoris vas sit, & reparatis crebrius picibus foueatur, genuinæ vim suauitatis amittit. Attentiùs ergo prouidendum est, ne forte & virginitati alia sint necessaria, sine quibus nequaquam fructum adferre sufficiat: & tantus nihil proderit labor, dum vane prodesse creditur quod absque rebus necessarijs possidetur. Nisi enim fallor, ob cœlestis regni præmium pudicitiae seruatur integritas, quod sine æternæ vitæ merito neminem consequi posse satis certum est. Æternam vero vitam non nisi per omnem diuinorum præceptorum custodiam promereri posse scriptura testatur dicens: *Si vis ad vitam venire, serua mandata*. Vitam ergo non habet, nisi qui cuncta legis mandata seruauerit: & qui vitam non habuerit, cœlestis regni non potest esse possessor, in quo non mortui, sed viui quique regnabunt. Nihil ergo virginitas sola proficiet, quæ cœlestis regni gloriam sperat; nisi & illud habuerit, cui perpetua vita promittitur, per quam cœlestis regni præmium possidetur. Ante ergo omnia pudicitiam integritatemque seruantibus, & eius remunerationem a Dei æquitate sperantibus mandatorum sunt custodienda præcepta; ne gloriosæ castitatis & continentiae labor in irritum deducatur.

Supra mandatum vel præceptum esse virginitatem sapiens & legens nullus ignorat, apostolo dicente: *De virginibus autem præceptum domini non habeo, consilium autem do*. Cum ergo obtinendæ virginitatis consilium dat, non præceptum statuit; supra mandatum vel præceptum eam esse professus est. Quicumque ergo virginitatem ser-

Mat. 19:17.

1 Cor. 7: 25.

seruant, magis quam præceptum est faciunt. Tunc enim proderit amplius fecisse quam iussu est, si quod iussu est facias. Cupiens diuinum implere consiliu, ante omnia serua mandatu: volens virginitatis præmiu consequi, vitæ amplectere merita, vt tua remunerari castitas possit: nam vt vitam præstat renumeratio mandatoru; ita e contrario eorum generat præuaricatio mortem. Et qui per præuaricationem in mortem fuerit deputatus, virginitatis coronam sperare non poterit; neque pudicitia præmiu expectare constitutus in poena.

Tres enim species sunt, per quas cælestis regni possessio introitur. Prima est pudicitia; secunda mundi contemptus; tertia vero iustitia; quæ vt connexæ plurimū se possidentibus præstant; ita diuisæ prodesse difficile possunt: dum vnaquæque earum non propter se tantum, sed propter aliam efflagitur. In primis ergo quæritur pudicitia, vt facilius subsequatur mundi contemptus: quia ab illis mundus contemni leuius potest, qui matrimonij nexibus non tenentur. Mundi vero contemptus exposcitur, vt iustitia conseruetur; quam implere difficile possunt, qui sæcularium bonoru & mundanaru voluptatum negotijs implicantur. Quisquis ergo possidet primam speciem pudicitia, & secundam, quæ est mundi contemptus non obtinet, pene sine causa possidet primam, quando secundam non habet, propter quam prima quæsitæ est. Et si primam & secundam habeat, cui tertia, quæ est iustitia, desit, frustra laborat: quoniam superiores duæ propter iustitiam præcipuè requiruntur. Quid enim prodest propter mundi contemptu pudicitiam habere, & propter quod eam habeas non habere? Vel cur res mundi contemnas, si iustitiam, propter quam pudicitiam & mundi contemptu habere te conuenit, non custodias? Quia vt prima species propter secundam est

est: ita prima & secunda propter tertiam: quæ si non fuerit, nec prima nec secunda proficiet.

Dicis forsitan, doce ergo me quid sit iustitia: ut eam si cognoverim facilius implere sufficiam. Dicam breviter ut valeo, & verborum vtar simplicitate communiurum: quia causa de qua agimus talis est, quæ discretioribus facundia sermonibus nequaquam debeat obscurari, sed simplicioribus eloquentiæ narrationibus paadi: res enim in commune necessaria communi debet sermone monstrari. Iustitia ergo non est aliud quàm non peccare. Non peccare autem est legis præcepta servare. Præceptorum autem observatio duplici genere custoditur: ut nihil eorum quæ prohibentur facias, & cuncta quæ iubentur implere contendas. Hoc est quod dicit: *Recede à malo, & fac bonum.* Nolo enim putes in hoc constare iustitiam, ut malum non facias; cum & bonum non facere malum sit, & in utroque legis prævaricatio committatur. Quoniam qui dixit: *Recede à malo*: & ipse dixit: *Fac bonum*. Si à malo recesseris, & non feceris bonum, transgressor es legis: quæ non tantum in malorum actuum abominatione, sed & in bonorum operum perfectione completur. Neque enim hoc solum tibi præcipitur, ut vestitum suis non spolies indementis; sed & ut spoliatum operias tuis: neque ut habenti panem non auferas suum; sed ut non habenti tuum libenter impertiar: neque solum ut pauperem suo non pellas hospitio; sed ut pulsam & non habentem recipias tuo. Præceptum enim nobis est, *Flere cum fletibus*. Quomodo cum illis flemus, si in nullo eorum necessitatibus participamus, nec aliquid eis in his propter quas lacrimantur causis præbemus auxilium? Neque enim fletum nostrorum Deus infructuosum querit humorem: sed quia lacrimæ doloris indicium sunt, vult te ita alterius angustias sentire ut tuas; & quomodo tibi in tali tribulatione si esses subveniri cuperes, ita alteri sub-

*Psalm. 33. 15.*

*Rom. 12. 15.*

subuenias propter illud: *Quaecumque vultis ut faciant vobis homines bona, ita & vos facite illis similiter.* Nam cum flente flere, & nihil, cum possis, flenti conferre, subannationis non pietatis indicium est. Denique saluator noster cum Maria & Martha Lazari sororibus fleuit, & immensae misericordiae effectum lacrimarum contestatione monstrauit, & verae pietatis indicia mox opera subsequuta sunt, cum suscitatus Lazarus, cuius causa fundebantur, sororibus redditur. Hoc fuit pie cum flentibus flere, occasionem letus auferre. Sed quasi potens, inquires, fecit. Verum nec tibi impossibile aliquid imperatur, Impleuit omnia qui quod potuit fecit.

Mat. 7, 12.

Luc. 21.

Sed, ut dicere coeperamus, non sufficit Christiano à malis se abstinere, nisi etiam bonorum operum officia perfecerit. Quod ille vel maxime testimonio comprobatur: quod committatur dominus aeterni ignis reos fore, qui quamuis mali nihil gesserint, non fecerint omne quod bonum est, dicent: *Tunc dicet rex his qui ad sinistram sunt: Discedite à me, maledicti, in ignem aeternum, quem preparauit pater meus diabolo & angelis eius: furini enim, & non dedistis mihi manducare, &c.* Non dixit: Discedite à me maledicti, quia homicidium, quia adulterium, aut quia furum fecistis: non enim quia malum fecissent; sed quia bonum non fecerant, condemnantur & aeternae gehennae supplicijs addicuntur: nec quia quae prohibita sunt admisissent; sed quia quae praecepta erant implere noluerunt. Unde aduertendum est, quam spem habere possint qui adhuc aliquid eorum faciunt quae prohibentur; cum etiam rei sunt qui non fecerunt quae iubentur. Nolo enim tibi in hoc blandiaris, si aliqua non feceris, quia aliqua feceris: cum scriptum est: *Qui vniuersam legem seruauerit, offendat autem in uno, factus est omnium reus.* Adam enim semel peccauit, & mortuus est: & tu te viuere existimas illud sepe committens, quod alium dum semel perperasset

Mat. 25, 42

Gal. 3, 10.



trasset occidit ? An grande illum commisisse crimen putas , vnde merito poena damnatus sit acriori ? Videamus ergo quid fecerit contra mandatum . De fructu arboris edit . Quid ergo ? Propter arboris fructum Deus hominem morte multauit ? Non propter arboris fructum , sed propter mandati contemptum . Ergo non agitur de qualitate peccati , sed de transgressione mandati . Et qui dixit Adæ , vt de arboris fructu non ederet ; ipse tibi præcepit ; vt non maledicas ; non mentiaris ; non detrahas ; non detrahentem auscultes ; vt omnino non iures ; vt non concupiscas ; non inuideas ; non sis tepidus ; non sis auarus ; vt nulli malum pro malo reddas ; vt inimicos tuos diligas ; vt maledicentibus benedicas ; vt pro calumniatoribus & pro persecutoribus tuis ores ; vt percutienti maxillam alteram præbeas ; vt in iudicio sæculari non litiges ; vt si quis tua auferre voluerit , grater amittas ; vt nec iracundiæ , nec zeli , nec liuoris malum intra pectus admittas ; vt crimen auaritiæ fugias ; vt omnis superbiæ ac iactantiæ malum caueas , & humilis ac mitis Christi viuas exemplo : malorum consortia in tantum vitans , vt cum fornicatoribus , aut auaris , aut maledicentibus , aut inuidis , aut detractoribus , aut ebriosis , aut rapacibus nec cibum capias . Quem si in aliquo contempseris , si pepercit Adæ , parcat & tibi . Immo illi magis parcendum fuerat , qui adhuc rudis & nouellus erat , & nullius ante peccantis & propter peccatum suum morientis retrahebatur exemplo : tibi verò post tanta documenta , post legem , post prophetas , post euangelia , post apostolos , si delinquere volueris ; quomodo indulgere possit ignoro .

An tibi de virginitatis prærogatiua blandiris ? Memento Adam & Euam virgines deliquisse , nec integritatem corporis profuisse peccantibus . Virgo quæ peccat , Eux non Mariæ comparanda est . Non negamus in præsentitem-

tempore poenitentiae remedium; sed hortamur magis prae-  
mium sperare debere, quam veniam. Turpe est enim  
illis delicti indulgentiam postulare, quae palmam virgi-  
nitatis expectant; & illicitum aliquid incurrere, quae se  
etiam à licitis castrauere. Licitum quippe est matrimo-  
nij inire consortium. Et ut laudandae sunt, quae propter  
Christi amorem & caelestis regni gloriam copulam con-  
temperint nuptiarum; ita damnandae non sunt, quae  
propter innocentiae voluntatem, nondum Deo deuotae  
remedio apostolico abutuntur. Ergo, ut diximus, quae  
connubia deferunt, non illicita, sed licita spernunt.  
Eiusmodi autem si iurent; si maledicant; si detrahant; si  
detrahentes patiantur audire; si malum pro malo red-  
dant; si cupiditatis in alienis, aut auaritiae in proprijs cri-  
men incurrant; si zeli aut liuoris venena possideant; si  
contra legalia & apostolica instituta indecens aliquid aut  
loquantur aut cogitent; si in carne placendi studio com-  
ptè & ornatè procedant; si alia quae, ut adsolet, illicita sunt  
faciant, quid proderit eis spreuisse quod licuit, & exer-  
cere quod non licet? Si vis prodesse tibi quod licitum  
contempsisti; vide ne quid eorum quae non licent facias.  
Stultum enim est timuisse quod minus est, & non time-  
re quod maius est: aut ab his non vitari quae prohiben-  
tur, si subterfugerint quae conceduntur. Dicit enim  
apostolus: *Innupta cogitat quae domini sunt, quomodo placeat* 1. Cor. 7, 34.  
*Deo, ut sit sancta corpore & spiritu. Quae autem nupta est, cogitat*  
*quae sunt huius mundi, quomodo placeat viro.* Nuptam place-  
re viro adserit, cogitando quae mundi sunt: innuptam  
verò Deo, eo quod nulla cura illi sit saeculi. Dicat ergo  
mihi quae virum non habet, & tamen quae sunt mundi  
cogitat, cui placere desiderat? Nonne incipiet illi nupta  
praeponi? quia illa cogitando quae mundi sunt, compla-  
cet vel marito: ista vero non marito, quem non habet,  
potest placere, nec Deo.

C

Sed

Sed nec illud silentio præterire nos convenit, quod  
 1. Cor. 7. 34. dixit: *Innupta cogitas quæ domini sunt, quomodo placeat Deo, ut sit sancta corpore & spiritu.* Quæ sunt ergo domini dicat apostolus. *Quæcunque sunt sancta, quæcunque iusta, quæcunque amabilia, quæcunque bonæ famæ. Si quæ virtus, si quæ laus disciplina.* Ista sunt domini, quæ sanctæ & veræ, & apostolicæ virgines die noctuque sine ullo temporis intervallo meditantur & cogitant. Domini est regnum cælorum; domini est resurrectio mortuorum; domini immortalitas; incorruptio domini est; splendor solis, qui sanctis promittitur, domini est, sicut in euangelio scriptum est: *Tunc iusti fulgebunt sicut sol in regno patris eorum.*  
 Mas. 13. Domini sunt plures sanctorum in cælestibus mansiones; domini est fructus tricesimus & sexagesimus atque centesimus. Hæc cogitant, & quibus possint operibus promereri, quæ domini sunt cogitant. Domini est etiam lex novi & veteris testamenti, in quibus oris eius eloquia sancta refulgent; quæ si quæ virgines sine intermissione meditantur, quæ domini sunt cogitant; & completur in eis illud propheticum: *Fundamenta aterna super petram solidam: & mandata domini in corde mulieris sancta.*  
 1. Cor. 7. 34. Sequitur: *quomodo placeat Deo:* Deo, inquam, non hominibus, *ut sit sancta corpore & spiritu.* Non dixit, ut sit sancta membro aut corpore tantum; sed, *ut sit sancta corpore, & spiritu.* Membrum enim vna corporis pars est: corpus vero omnium compago membrorum est. Cum ergo dicit; *ut sit sancta corpore*, ex omnibus membris eam sanctificari debere testatur. Quia non proderit cæterorum sanctificatio membrorum, si inveniatur vel in vno corruptio. Et iam non erit sancta corpore, quod ex omnibus constat membris, quæ vel vnius fuerit coinquinatione polluta.

Sed ut quod dico manifestius & lucidius fiat; esto, sit quæcunque omnium membrorum sanctificatione purgata, &

ta, & lingua tantummodo peccet, qua aut blasphemet, aut falsum testimonium dicat: numquid liberabunt omnia membra vnum? an propter vnum iudicabuntur & cætera? Ergo si nec aliorum membrorum sanctificatio proderit, cum in vno sit vitium: quanto magis si diuersorum flagitio peccatorum omnia corrumpantur, vnius nihil proderit integritas? Vnde quæso te, virgo, neque in sola tibi pudicitia blandiaris; ne in vnius membri integritate confidas: sed secundum apostolum soli Deo conserua corporis sanctitatem: Munda ab omni inquinamento caput: quia crimen est illud post chrismatism sanctificationem, aut croci, aut alterius cuiuslibet pigmenti fuco vel puluere sordidari: aut auro vel gemmis cuiuscumque terrenæ speciei comi, quod iam cælestis ornatus splendore refulget. Grandis quippe diuinæ gratiæ contumelia est, mundani & sæcularis ornamenti prælatio. Munda frontem, vt humana non diuina opera erubescat, & illam confusionem recipiat, quæ non peccatum, sed Dei gloriam parit, scriptura dicente: *Est confusio adducens peccatum: & est confusio adducens gloriam.* Eccli. 4. 25. Munda collum, vt non aurea reticula capillus portet, & suspensa monilia; sed illa potius ornamenta circumferat, de quibus scriptura dicit: *Miser cordia & fides non deficiant à te: suspende autem illa in corde vel vt in collo tuo.* Prov. 3. 3. Munda oculos, dum eos ab omni concupiscentia retrahis, & ab intuitu pauperum nunquam auertis, & ab omnibus fucis liberos ea qua à Deo facti sunt sinceritate custodias. Munda linguam à mendacio: quia *os quod mentitur occidit animam.* Sap. 1. 11. Munda eam à detractiōe, à iuramento, ab adulatione, à periurio. Nolo præposterum ordinem putes, quod prius à iuramento, quam à periurio linguam dixi debere mundari: quia tunc periurium facilius effugies, si in toto non iures. Impleatur in te illa sententia: *Cohibe linguam tuam à malo, & labia tua ne loquantur dolum.* Psalm. 33. 14. Et memor esto di-

Rom. 12, 14.  
1. Petr. 3, 9.

Zac. 3, 2.

Eccle. 28, 29.

Isai. 57, 14.

centis apostoli : *Benedicite, & nolite maledicere* : sed illud crebrius recordare : *Videte ne quis malum pro bono alicui reddat, neque maledictum pro maledicto : sed econtrario benedicientes : quia in hoc vocati estis, ut benedictionem hereditate possideatis*. Et illud : *Si quis autem in lingua non offendit, hic perfectus est*. Nefas est enim ut labia illa, quibus dominum confiteris, rogas benedicis, & laudas, alicuius polluantur sorde peccati. Nescio qua conscientia & lingua quis Deum rogat, qua aut mentitur, aut maledicit, aut detrahit. Labia sancta exaudit Deus : & ipsis annuit cito precibus, quas lingua immaculata pronunciat. Munda aures, ut non nisi sermonibus sanctis & veris auditum præbeant, ut numquam obscœna, aut turpia, aut sæcularia verba suscipiant, aut aliquem de altero audiant derogantem, propter illud quod scriptum est : *Sapi aures tuas spinis, & noli audire linguam nequam* : ut cum eo habere partem possis, de quo dicitur, quoniam auditu & visu iustus erat : hoc est, nec auribus, nec oculis delinquebat. Manus ne porrectæ ad accipiendum sint, ad dandum autem collectæ, nec ad feriendum paratæ, sed ad omnia misericordiæ & pietatis opera satis promptæ. Munda pedes, ne laram & spatiosam pergant viam, quæ ducit ad splendida sæculi & pretiosa conuiuia : sed arduum magis & angustum gradiantur iter, quod tendit ad cælum : quia scriptum est : *Iter rectum facite pedibus vestris*. Agnosce tibi à Deo artificem, non ad vitia, sed ad virtutem membra formata : & cum vniuersos artus mundaueris ab omni sorde peccati, & toto fueris sanctificata corpore, tunc tibi castitatem intelligas profuturam, & cum omni fiducia palmam virginitatis expecta.

Quid sit sanctam esse corpore, breuiter quidem, sed plene exposuisse me arbitror : nunc quod sequitur, & spiritum, nosse debemus : hoc est, ut quod opere nefas est fieri, nefas sit cogitatione concipere. Illa enim est sancta tam

COR-

corpore quam spiritu, quæ nec mente nec corde delinquit; sciens etiam cordis esse inspectorem Deum: & ideirco satagit ut omnimodo etiam animum cum corpore mundum habeat à peccato, sciens scriptum esse: *Omni custodia serua cor tuum*. Et iterum: *diligit dominus sancta corda; accepti sunt autem ei omnes immaculati*. Et alibi: *Beati mundo corde: quoniam ipsi Deum videbunt*: quod de illis dici arbitror, quos conscientia in nulla redarguit culpa peccati. De quibus & Ioannem in epistola dixisse reor: *Si cor nostrum nos non reprehendit, fiduciam habemus ad Deum, & quacun- que petierimus accipiemus ab eo*. Nolo existimes te crimen fugisse peccati, si voluntatem non sequatur effectus: cum scriptum sit: *Quicumque viderit mulierem ad concupiscendam eam, iam moechatus est in corde suo*. Nec dicas, cogitavi quidem sed non perfeci: quia etiã concupiscere nefas est. Vnde beatus Petrus præcepit dicens: *Animas vestras castificantes*, qui si nullam animæ constuprationem nosset; nec castificari eam desiderasset. Sed & locum illum quo continetur: *Hi sunt qui se cum mulieribus non coinquinauerunt, virgines enim permanserunt: hi sequuntur agnum, quocunque ierit*, Attentius considerare debemus & animaduvertere, si solius integritatis pudicitie merito ipsi diuino comitatu copulentur, & per omnia cælorum tabulata discurrant: an & alia sint, quibus adiuncta virginitas tantæ beatitudinis gloriam consequatur. Sed vnde hoc scire poterimus? De sequentibus, nisi fallor, in quibus scriptum est: *Hi empti sunt ex hominibus primitiis Deo & agno, & in ore ipsorum non est inuentum mendacium: sine macula enim sunt*. Vides ergo quod non in vno tantum membro dominicis referantur inherere vestigijs; sed illi qui præter virginitatem ab omni contagione peccati immaculatam gesserint vitam. Idcirco virgo vel maxime nuptias spernit, ut dum securior est, facilius, quod etiam à nubentibus quæritur, ab omni se delicto custodiat, & vniuersa legis mandata perficiat. Nam si non

Proh. 4, 23.  
Mat. 5, 8.

1. Ioan. 3, 20.

Mat. 5, 27.

1. Petr. 1, 22.

Apoc. 14, 4.

ibid.

nu-

nubat, & ea nihilominus faciat, à quibus & nuptæ esse iubentur immunes; non nupsisse quid proderit? Quamquam enim nulli Christianorum peccare liceat, & omnes quicunque spiritualis lauacri sanctificatione purgantur, immaculata decurrere conueniat vita; ut ecclesiæ quæ sine macula, sine ruga, sine aliquo, eiusmodi esse describitur, possint visceribus intimari: multo magis tamen hoc virginem implere necesse est, quam nec mariti, nec filiorum, nec alterius necessitatis causa prohibet, quominus diuinam scripturam perficiat; nec aliqua, si peccet, poterit excusatione defendi.

O virgo, serua propositum tibi magno præmio destinatum. Præclara est apud Deum virginittatis & pudicitie virtus, si non alijs peccatorum & malorum lapsibus infirmetur. Agnosce statum tuum, agnosce locum, agnosce propositum. Christi sponsa diceris; vide ne quid indignum eo, cui desponsata videris, admittas: cito scribet repudium, si in te vel vnum viderit adulterium. Quæcumq; enim humanorum sponsaliorum pignoribus subarratur, statim à domesticis, à familiaribus, ab amicis sponsi sollicitè & diligenter requirit & à seruulis, quales iuuenis habeat mores, quid potissimum diligit, quid accipiat, quo usu viuatur, qua se consuetudine regat, quibus utatur dapibus, quibus præcipue rebus delectetur & gaudeat. Quæ cum didicerit, ita se in omnibus temperat, ut sponsi moribus suum obsequium, sua iucunditas, sua diligentia, sua vita concordet. Et tu quæ Christum sponsum habes, à domesticis & familiaribus eius, sponsi tui mores interroga, & strenuè ac solerter inquire, in quibus præcipue delectetur, qualem compositionem in te vestium diligit, cuiusmodi concupiscat ornatum. Dicat tibi eius familiarissimus Petrus, qui ne nuptis quidem corporalem permittit ornatum, sicut in epistola sua scripsit. *Mulieres similiter subiecta viris suis, ut si qui non credunt*

*ver-*

1. Pet. 3, 1.

verbo, per mulierum conuersationem sine verbo lucrifiant: considerantes in timore Dei castam conuersationem vestram, quarum sit non extrinsecus capillatura, aut circumdatio auri, aut indumenti vestimentorumque cultus; sed qui abscondus cordis est homo, in incorruptibilitate quieti & modesti spiritus, quod est in conspectu Dei locuples. Dicat & alius apostolus beatus Paulus, qui ad Timotheum scribens episcopum, eadem de fidelium feminarum disciplina testatur: *Mulieres similiter in habitu ornato cum verecundia & sobrietate, ornantes se, non intortis crinibus, aut auro, aut margaritis, aut veste pretiosa; sed quod decet mulieres promittentes castitatem per bonam conuersationem.*

1. Tim. 2, 9

Sed forsitan dicis: Cur hæc ijdem apostoli virginibus non iusserunt? Quia non necessarium iudicabant: ne talis virginibus commonitio potius iniuria quam emendatio videretur? Sed nec eas vmquam tantæ temeritatis fore credidissent, vt ne nuptis quidem concessa carnalia ornamenta & terrena præsumerent. Reuera ornare se & componere virgo debet: nam quomodo sponso suo placere poterit, nisi composita & ornata processerit? Ornetur plane, sed interioribus ornamentis, & spiritaliter non carnaliter componatur: quia Deus non corporis sed animæ decorem in illa considerat. Ergo & tu, quæcunque animam tuam à Deo diligis & inhabitari concupiscis, omnem eam diligentia compone, & spiritalibus indumentis exorna. Nihil in ea dedecorum, nihil foedum appareat. Resplendeat auro iustitiæ, gemmis refulgeat sanctitatis, ac pretiosissimo pudicitiae margarito coruscet. Pro bysso & serico, misericordiæ & pietatis tunica vestiatur: secundum quod scriptum est. *Induite ergo vos, sicut electi Dei, sancti & dilecti, viscera misericordiae, benignitatem, humilitatem, &c.* Et non decorem cerussæ aut alterius pigmenti querat, sed innocentie ac simplicitatis candorem habeat. Roseum verecundie colorem, & purpureum ruboris pudorisque possideat. Cælesti abluatur nitro doctrine, & la-

Colos. 3, 12

men-



mentis spiritalibus emundetur. Nulla in ea malitiæ, nulla diaboli macula relinquatur; & ne quando male redolet odore peccati, vnguento suauissimæ sapientiæ & scientiæ perfundatur.

*Psalm. 44. 11.*

Huiusmodi Deus quærit ornatum, & animam taliter, compositam concupiscit. Memento te Dei filiam dici secundum quod ait: *Audi filia & vide*. Sed & tu ipsa quotiescumque Deum patrem nominas, Dei te filiam esse testaris. Ergo si Dei filia es, vide ne quid eorum facias, quæ Deo patri incongrua sint: sed age omnia quasi filia Dei. Cognosce quomodo huius sæculi nobilium filia se gerant, quibus adsuescant moribus, quibus se disciplinis instituant. Tanta quibusdam verecundia est, tanta grauitas, tanta modestia; ut cæterorum hominum ritum intuitu humanæ ingenuitatis excedant: & ne quam honestis parentibus suis per lapsum suum infamiæ inurant notam, alteram sibi quodammodo inter homines consuetudinis studeant facere naturam. Et tu ergo originem tuam respice, genus intueri, gloriam nobilitatis aduerte: agnosce te non hominis, sed Dei filiam, & diuinæ natiuitatis nobilitate decoratam. Ita te exhibe, ut in te cælestis natiuitas pareat, & ingenuitas diuina clarescat. Sit in te noua grauitas, honestas admirabilis, stupenda verecundia, mira patientia, virginalis incessus, & veræ pudicitiae habitus, & sermo semper modestus, & suo in tempore proferendus: ut quisquis te viderit, admiretur & dicat: Quæ hæc nouæ inter homines grauitatis patientia est? Quæ pudoris verecundia? Quæ honestatis modestia? Quæ maturitas sapientiæ? Non est ista humana institutio, nec disciplina mortalis: cæleste mihi aliquid in terreno corpore redolet. Puto quod habitet in quibusdam hominibus Deus. Et cum te Christi famulam esse cognouerit, maiore stupore tenebitur, & cogitabit qualis ille sit dominus, cuius talis ancilla est.

Si

Si vis ergo esse cū Christo, & partem habere cum Christo, Christi tibi exemplo viuendum est, qui ab omni malitia & nequitia ita fuit extraneus, vt nec inimicis quidem vicē redderet, quin potius & pro ipsis oraret. Nolo enim eas animas Christianas existimes, quæ aut fratres aut sorores non dico oderūt, sed quæ proximos toto corde & conscientia coram Dei testimonio non diligunt: cum Christianis Christi similitudine inimicos etiam amare necesse sit. Si sanctorum cupis habere consortium, à malitiæ & nequitiae cogitatu pectus emunda. Nemo te circumueniat, nemo te fallaci sermone seducat. Non nisi sanctos & iustos & simplices & innocentes & puros cælestis aula suscipiet. Nullum apud Deum habet malitia locum. Ab omni nequitia & dolo mundum esse necesse est, qui cupit regnare cum Christo. Nihil tam contrarium, nihil tam execrabile Deo, quam aliquem odisse, aliquem velle lædere, nihil tam probabile, quam omnes amare. Quod propheta sciens testatur dicens: *Qui diligitis dominum odite malum.*

*Psal. 96, 10.*

Vide ne in aliquo humanam gloriam diligas: ne & tua inter illos portio computetur, quibus dictum est: *Quomodo vos potestis credere, gloriam ab inuicem quarentes?* Et de quibus per prophetam dicitur: *Auge eis mala, auge mala gloriosæ terre.* Et alibi: *Confundimini à gloriatione vestra, ab opprobrio in conspectu Dei.* Nolo enim illas respicias, quæ sæculi non Christi sunt virgines: quæ propositi sui & professionis immemores gaudent in delitijs, in opibus delectantur, & corporeæ nobilitatis origine delectantur. Quæ si profecto Dei filias se esse crederent, nunquam post diuinos natales nobilitatem admirarentur humanam, nec gloriarentur in patre quolibet honorato: si patrem Deum se habere sentirent, nobilitatem carnis non amarent. Quid tibi in generis nobilitate blandiris, & complaces? Duos homines fecit ab exordio Deus, ex quibus totius generis humani silua descendit: munda-

*Ioa. 5, 44.  
IJa. 45.*

D

nam

nam nobilitatem non natura equius praestitit, sed cupiditatis ambitio. Certe omnes per diuinam lauari generationem aequales efficiuntur, & nulla inter eos potest esse discretio, quos natiuitas secunda genuit; per quam tam diues quam pauper, tam liber quam seruus, tam nobilis quam ignobilis Dei efficitur filius; & terrenae nobilitas splendore caelestis gloriae adumbratur, & nusquam omnino iam compareret: dum qui retro in saecularibus honoribus impares fuerant, caelestis & diuinae nobilitatis gloria aequaliter vestiuntur. Nullus iam ignobilis locis, nec degener quisquam est, quem diuinae natiuitatis sublimitas ornat; nil apud illos, qui non putant humanis caelestia proponenda: aut si putant, quam vanus est, ut se illis in minoribus praefertant, quos sibi in maioribus pares sciunt, & quasi infra se positos in terra existiment, quos sibi aequales in caelestibus credunt? Tu autem quatenusque Christi, non saeculi visge es, omnem praesentis vitae gloriam fuge: ut eam quae in futuro promittitur consequaris.

Contentionum verba, & animositatis causas evita; discordiarum quoque & litium occasiones subterfuge. Nam si iuxta apostoli doctrinam *Seruum domini litigare non oportet*; quanto magis Dei ancillam? cuius quoque verecundior est Rexus, animus debet esse modestior. Linguam a maliloquio cohibe, & ori tuo frenum legis impone; ut tunc, si forte, loquaris quanto tacere peccatum sit, tunc ne quid quod in reprehensionem veniat dicat. Lapis emissus est sermo prolatus: Quapropter diu antequam proferatur cogitandus est. Beata quippe labia sunt, quae nunquam quod reuocare iterum velint emittant. Pudice mentis sermo etiam debet esse pudicus, qui aedificet semper magis, quam aliquando destruat audientes, secundum quod praecipit apostolus dicens: *Omnis sermo malus ex ore vestro non procedat: sed si quis bonus ad aedificationem fidei,*

*ut des gratiam audientibus.* Pretiosa Deo lingua est, quæ non sine diuinis rebus nouit verba construere: & sanctum os, unde cælestia semper eloquia proferuntur. Absentium obrectatores quasi malignos scripturæ auctoritate deterre: quia hoc inter virtutes perfecti hominis propheta commemorat, si ante conspectum iusti malignus ad nihilum deducatur, qui contra proximum non probanda protulerit. Non licet tibi alterius viruperationem patienter audire: quia nec ab alijs optas recipi tuam. In iustum quippe est quicquid contra Christi euangelium venit, si alteri quod tibi ab alio fieri molestum est, patiaris inferri. Semper linguam tuam de bonis loqui adfæsce, & auditum tuum ad bonorum magis laudem, quam ad malorum vituperationem accommoda.

*2. ad. 14. 5.*

*Mat. 7. 12.*

Vide ut omnia quæcunque benefacis, propter Deum facias; sciens eius rei tantum te à domino recepturam esse mercedem, quam eius timoris & dilectionis causam persequeris. Sancta magis esse quam videri stude: quia nihil prodest æstimari quod non sit: & duplicis peccati reatus est, non habere quod creditur, & quod non habeas simulare.

In ieiunijs magis quam in epulis delectare, illius viduæ memor, quæ non discedebat de templo, ieiunijs & obsecrationibus Deo seruens die ad noctem. Et si vidua quidem in Iudæa talis erat; qualem nunc virginem conuenit esse Christi? Diuinæ magis lectionis conuiuium dilige, & spiritalibus te saturari dapibus concupisce; & illos potius quam cibos, quibus anima magis quam corpus reficiatur. Carnis & vini species quasi caloris fomenta & libidinis incitamenta fuge; & tunc, si forte, vino exiguo vtere cum stomachi dolor & nimia corporis compellat infirmitas. Iracundiam vince; animositatem cohibe; & quicquid illud est, quod post factum poenitentiam ingerit, velut proximi criminis abominationem declina. Satis tran-

Mat. 66, 2.

quillam & quietam conuenit esse mentem, & ab omni perturbatione furoris alienam, quæ Dei habitaculum esse desiderat: qui per prophetam testatur & dicit: *Super quem requiescam alium, nisi super humilem & quietum, & trementem, verba mea?* Omnium operum & cogitationum tuarum, speculatorem Deum crede, & caue ne quidquam quod diuinis oculis indignum sit aut opereris, aut cogites.

Ips. 212.

Ier. 46, 10.

Luc. 22, 5.

Mat. 22, 20.

Cum oratione celebrare desideras, talem te exhibe quasi quæ sis cum domino locutura. Cum psalmum dicis, cuius verba dicis agnosce: & in compunctione magis animi quam in tinnula vocis dulcedine delectare. Lacrimas enim psallentis Deus magis quam vocis gratiam comprobabat: sicut propheta dicit: *Seruite domino in timore, & exultate ei in timore.* Vbi timor & tremor est, ibi non vocis elatio est, sed animæ flebilis & lacrimosa delectio. Omnibus actibus tuis diligentiam adhibes quia scriptum est: *Maledictus homo qui facit opus domini negligenter.* Crescat in te cum annis gratia, crescat cum ætate iustitia: & fides eo perfectior videatur, quo senior es: quia Dominus noster Iesus, qui nobis viuendi reliquit exemplum, proficiebat non *atate* tantum corporea, sed & *sapientia & gratia* spiritali *coram Deo & hominibus.* Omne tempus in quo te non meliorem senseris, hoc te æstima perdidisse. Coeptum virginitatis propositum ad finem usque conserua: quia non inchoasse tantum, sed perfecisse virtutis est: sicut in euangelio dominus ait: *Qui perseuerauerit usque in finem hic saluus erit.* Caue ne cui vel concupiscendi occasionem tribuas: quia sponsus tuus Deus zelans est: criminiosior est enim Christi adultera, quam mariti. Vnde pulchrè Romana Ecclesia apostolico sine dubio, cuius sedem obtinet, spiritu animata, tam seueram nuper de huiusmodi sententiam statuit, ut vix vel poenitentia dignam iudicaret, quæ sanctificatum Deo corpus libidinosa coinquinatione violasset.

Esto ergo omnibus viuendi forma: esto exemplum:

DRA-

**præcede & in actu quos in castitatis sanctificatione præ-  
curris. Virginem te in omnibus exhibe; nihil corruptio-  
nis obijciatur capiti tuo, cuius corpus integrum est; ut &  
tua sit inuiolabilis conuersatio. Et quoniam sicut in  
exordio epistolæ præfati sumus, te Dei sacrificium fa-  
ctum; quod utique sanctitatem suam etiam alijs imper-  
tit; ut quisquis ex eo digne sumpserit, sanctificationis  
& ipse sit particeps: ita ergo & per te, quasi per diui-  
nam hostiam sanctificentur & ceteræ; cum quibus te  
ita in omnibus exhibeas; ut quisquis vitam tuam aut au-  
ditu contigerit aut visu, sanctificationis vim sentiat; &  
in tantum sibi intelligat gratiam ex tua conuersatio-  
ne transfundi, ut dum te imitari concu-  
piscit, Dei sacrificio & ipse sit  
dignus.**

**R X P L I C I T.**



**S. BA-**



# S. BASILII CAESAREAE CAPPADOCIAE EPISCOPI

Admonitio ad filium spiritualement .



P R O O E M I V M .



VDI fili admonitionem patris tui , & inclina aurem tuam ad verba mea , & accommōda mihi libenter auditum tuum , & corde credulo cuncta quæ dicuntur ausculta . Cupio enim te instruere quæ sit spiritualis militia , & quibus modis regi tuo militare debeas . Intensissime ergo audiat sensus tuus , & animam tuam nullus prægrauet somnus ; sed ad vigilandum excita eam , & ad studium intelligendi sermonem meum . Verba enim ista sunt ex me , sed prolata ex diuinis fontibus . Neque enim noua doctrina instruam te , sed ea quam didici a patribus meis . Hanc enim si immiseris in cor tuum , in pace dirigentur itinera tua , nec adproximabit ad te vllum malum , sed procul abscedet à te omnis aduersitas animæ .

De

CAP. I. De militia spirituali.

**S**i ergo cupis, fili, militare Deo, illi soli militabis. Si-  
cut enim qui militant regi terreno omnibus hostibus  
eius obediunt; sic & qui militant regi caelesti, debent  
caelestia custodire praecepta. Miles terrenus quocumque  
loco mittitur, paratus ac promptus est, neque se uxoris  
vel liberorum gratia exulare audebit. Multo magis mi-  
les Christi sine aliquo impedimento regis sui debet impe-  
rio obedire. Miles terrenus contra hostem visibilem per-  
git ad bellum; tecum vero hostis invisibilis quotidie præ-  
liando non desinit. Illi contra carnem & sanguinem est  
dimicatio: tibi vero aduersus spiritalia vitia in caelestibus  
eluctatio. Ille contra carnalem hostem carnalibus arma-  
vitur; tu vero contra spiritalem hostem spiritualibus  
armis indiges. Ille in prælio galeam ferream gestat; sed  
tua galea Christus sit, qui est caput tuum. Ille lorica ne  
vulneretur indutus est: sed pro lorica sis fide Christi cir-  
cumdatus. Ille contra aduersarium suum mittit lanceam.  
& sagittas: tu contra aduersarium diuina eloquia iacula-  
re, & percutiens eum, verbis prophetiis dicito: *Domini- Psal. 117. 22*  
*nus mihi adiutor est, & ego deridebo inimicos meos.* Ille donec  
pugna geritur, arma a semetipso non proijcit, ne ab ad-  
uersario vulneretur: ita & tu nunquam debes esse secu-  
rus; quia tuus hostis hoste illius est astutior. Illius qui-  
dam hostis ad tempus dimittat: tuus vero hostis, quamdiu  
in studio vitæ huius consistis, tecum pugnare non cessat.  
Illius arma laboriosa & graui sunt ad portandum; tua  
verò arma volentibus portare suauia ac leuia sunt. Ille  
cum superauerit aduersarium, ad domum coniugis ac li-  
berorum reuertetur: tu vero hoste prostrato in illud cæ-  
leste regnum cum omnibus sanctis intrabis. Ille pro la-  
bore terreno terrenum accipit donarium: tu vero pro  
spiritali labore caeleste recipies præmium. Caeste enim  
donum.



donum expectet monachus, qui terrenos actus a semetipso projicit, ne implicet se negotiis secularibus militans Deo. Difficile namque est seruire duobus dominis; nec potest quisquam seruiens mammonæ spiritualia arma portare, sed iugum Christi suaue ac leue a semetipso repellit ac projicit: & quicquid graue & onerosum est animæ suæ, hoc ei videtur suaue ac leue. Istiusmodi vir a proprijs armis vulneratur: & cum diligit periculum, incidit in mortem. Tu autem considera cui regi te ad militandum probasti: & quanto superius est rege terreno imperium cæleste, tanto præcellentior est gradus excellentiæ tuæ terreno milite. Turrim excelsam construere cogitas; præpara ergo tibi sumptus ad structuram, vt coeptum ædificium ad perfectum deducas: ne quando prætereuntibus venias in risum, & gratulentur de te inimici tui. Hæc turris non ex lapidibus construitur, sed ex virtutibus animæ: nec auri, nec argenti indiget sumptibus; sed conuersatione fideli; nam terrenæ opes plurimum ad ædificandum impediunt.

#### CAP. II. *De virtute animæ.*

Vnus profectus sit tibi, fili, si domino vni seruire desideras, ne alicui in vita tua placere coneris, nisi illi soli: nec occupes in diuersis rebus animum tuum; sed abscind: a te carnalem amorem, ne a te Dei timorem excludat. Omne vitium expelle ab anima tua; vt virtutes animæ conquirere possis. Audi igitur quæ sit virtus animæ, & quam maximum ei conferat lucrum. Virtus animæ est diligere dominum, & odisse illa quæ non diligit Deus. Virtus animæ est patientiam sectari, & ab impatientia declinare. Virtus animæ est castitatem tam corporis quam animæ custodire. Virtus animæ est vanam gloriam contemnere, & omnia caduca calcare. Virtus

tus animæ est humilitati studere, & tumorem superbiæ abominari. Virtus est animæ veritatem amplecti, & omne mendacium fugere. Virtus est animæ iram cohibere, & furorem reprimere. Virtus est animæ pacem diligere, & invidiam execrari. Virtus animæ est ab omni stultitia declinare, & sapientiam diuinam amplecti. Virtus animæ est omnem voluptatem carnis subijcere menti. Virtus animæ est auaritiâ spernere, & voluntariam assumere paupertatem. Has igitur virtutes faciliè poteris obtinere, si sæcularium rerum curas neglexeris, & caducis ac terrenis rebus cælestia præposueris: & si voluntas tua in laudibus Dei fuerit occupata, & iudicia eius die ac nocte impensius meditatus eris: eris autem *Tanquam lignum quod plantatum est secus decursus aquarum*, & omnes fructus spirituales orientur ex te, & ex seruo amicus vocaberis Dei. Psal. 1, 34.

### GAP. III. De dilectione Dei.

**E**X tota igitur virtute tua dilige dominum; vt in omnibus actibus tuis placeas illi. Si enim qui coniugium contraxerit, festinat placere vxori suæ; multò magis monachus omnibus modis debet placere Christo. *Qui diligit dominum, eius præcepta custodit.* Deus enim non se vult verbis tantummodo diligi; sed ex corde puro & operibus iustis. *Qui enim dicit: diligo Deum, & mandata eius non custodit, mendax est.* Huiusmodi enim vir fallit semetipsum, & a semetipso seducitur. Deus enim non verborum sed cordis inspector, & diligit eos, qui in simplicitate cordis seruiunt ei. Si terrenos parentes cum tali affectu diligimus, qui in tam paruo tempore pro nobis sustinuerunt laborem: nonne magis nobis cælestis amandus est? Nam & circa nos, quod fuit eorum obsequium, Christi est beneficium; qui omnium dispensator optimus est. Nam.

E

ante-

antequàm nasceremur in hoc sæculo, parentes nobis suæ providentia antea præparavit, quorum obsequio nutrimur. Sed & matris vbera tunc lacte replentur, quando infans fuerit natus. Ergo magis omnibus diligamus Deum, qui & nos & propinquos nostros proprijs manibus finxit: & cuncta bona quæ erga nos geruntur quotidie eius beneficijs adscribamus. Nam & parentes nostros quasi propria viscera diligamus, si accedere nos ad servitium Christi non prohibent: si autem prohibent, nec sepultura illis a nobis debetur. Christus diligendus est super parentes: quia non tribuunt nobis parentes ea quæ Christus tribuit. Et quis beneficia eius congruenter enarret? Vel quantum nobis tribuit, & quotidie præbendo non desinit? Videns enim Deus innumeris peccatis nos obnoxios, non despexit, sed liberauit: nec cum alienati ab eo in diuersis erroribus vagaremur, in præceptum mortis nos duxit, sed ad vitam perpetuam reuocauit. Et cum ingrati beneficiorum eius fugeremus ab eo, ut pater clementissimus exquisiuit nos: & cum in sede sublimi sederet, nostri gratia descendit ad terras, & in tanta humilitate venit, ut seruilem formam assumeret: & qui in pugillo suo continet orbem terrarum, panis in præsepio iauolutus est: & qui cælum palma metitur, non habuit ubi caput reclinaret. Cum esset dives, pauper est factus, ut nos ditaremur in illo: & qui in nubibus venturus est ad iudicandos viuos & mortuos, iudicium hominis pertulit: & cum sitientibus sit fons æternalis, cum sitisset postulauit aquam a Samaritana muliere: & qui in carne propria nostram esuriem saturauit, esuriuit cum tentaretur in eremo: et cui ministratur cum patre ab angelis, hominibus ministrare dignatur: & manus eius per quas virtutes plurimas operatus est, pro nobis confixæ sunt clauis: & ori eius per quod salutarem doctrinam annuntiavit hominibus, pro cibo sel dederunt: & qui

nul.

nullum læsit vel nocuit, cæsus & opprobria pertulit; & cuius nutu omnes mortui resuscitati sunt, voluntate sua mortem crucis sustinuit. Et ideo hæc omnia passus, ut nobis vitam æternam donaret. Et cum nobis immensa beneficia præstet, nihil exigit a nobis, nisi ut templa nostra impolluta ei seruemus, ut semper in nobis habitet, & nos permaneamus in illo. Non postulat a nobis aurum, aut argentum, vel quidquid huiusmodi; nam & si fuerint nobis ista, dispersituri egentibus præcipit: nos ipsos quærit, nos desiderat, in nobis requiescere cupit.

#### CAP. IV. De dilectione proximi.

**A**ccedamus ergo ad eum, & copulemur in affectu eius, & ut nos ipsos amemus & proximos. *Qui diligit, inquit, proximum, filius Dei vocatur.* Qui autem e contrario odit, filius diaboli nuncupatur. Qui diligit fratrem suum, in tranquillitate est cor eius: fratrem verò odians tempestate maxima circumdatus est. Vir benignus etiam si patitur iniuriam, pro nihilo ducit: iniquus etiam proximi actus contumeliam arbitratur. Qui caritate plenus est, serenissimo vultu procedit: vir autem odio plenus ambulat iracundus. Tu autem fili benignitati stude in vita tua, & proximum tuum habeto tanquam unum ex membris tuis. Omnem hominem iudica fratrem tuum. Memento quod vnus artifex ac verus est, qui condidit nos. Non moueas cuiquam scandalum in vita; & non quod tibi vtile est, sed illi, facito. Quod tibi accidere non vis, nec ei cupias euenire. Si eum videris in bonis actibus conuersantem, congratulare ei, & illius gaudium tuum ducito: & si aliquid patiatur aduersum, compatere ei, & illius tristitiam tuam deputa: Omnem malitiam expelle ab anima tua, & odiorum flammæ non comburent cor tuum. Contra impotentem aut subiectum tibi noli iracund-

cundia commoueri; sed tanquam tuum membrum proprium eum habeto in omnibus. Ne diligas fratrem tuum simulato corde, nec eum labijs osculans ex alia parte insidias facias ei. Dolosus enim vir pacifica verba profert ex ore, & in abdito mentis supplantare proximum suum meditatur. In his ergo operibus ad iracundiam prouocatur Deus. Puritas enim quæ placet in conspectu domini, respuit omne quicquid simulato corde efficitur.

CAP: V. *De studio pacis.*

**T**V autem omnem simulationem longè fac a te, & ne cupias supplantare proximum tuum, neque mordere aut laniare membrum tuum. Quod & si quandoque ut homo iratus fueris, ultra solis terminum non producas iracundiam tuam; sed & reconciliare ad pacem, & deprime omnem furorem ab anima tua. Qui enim amplectitur pacem in mentis suæ hospitio, mansionem præparat Christo; quia Christus pax est, & in pace requiescere cupit: vir autem inuidus omnibus modis execratur. Vir pacificus in tranquillitate est semper cor eius: inuidus autem similis naui cum iactatur a fluctibus maris. Homo pacificus securam possidet mentem: inuidus autem in perturbatione est semper: qui autem sectatur pacem tutus est semper vndique ac munitus. Nam inuidus ut lupus rapax insanit inaniter. Pacificus est ut vinea honesta abundans fructu copioso: Inuidi autem opus indigentia ac miseria detinetur: & quantum pacificus gaudens in domino delectatur; tantum inuidus tabescens ad nihilum redigitur. Ex abundantia lætitiæ pacificus homo dignoscitur: ex vultu marcido & furore pleno inuidus demonstratur. Pacificus homo consortium angelorum merebitur: inuidus homo particeps dæmoniorum efficitur: & sicut pax secreta mentis illuminat; ita inuidia

oc-

occulta cordis obcoecat. Pax enim effugat & proturbat omnem discordiam: invidia autem iracundiam cumulat. A splendore autem pacis effugatur omnis caligo: & ubi obsederit invidia, ibi obscuritas & exteriores tenebrae. Sectare ergo, fili, desiderabile nomen pacis: ut fructus pacis possis acquirere; & execrare invidiam: ne malorum fructibus replearis. Rationabile namque animal creavit te Deus, ut possis discernere inter bonum & malum, ut quae sint optima eligas, & inutilia respuas, omnia examines, quae sint bona teneas, ab omni specie mala abstineas.

#### CAP. VI. *De patientia.*

**F**ili, patientiam arripe, quia maxima virtus animae, ut velociter ad sublimitatem perfectionis possis ascendere. Retributionem patientiae tuae ne quaeras ab homine, ut in futuro possis accipere ab aeterno domino aeternam retributionem. Patientia grandis est medela animae: impatientia autem est perniciēs cordis. Per patientiam enim expectatur futurorum bonorum spes; & quod non videtur, quasi quod videtur amplectitur.

#### CAP. VII. *De continentia & castitate.*

**C**astum te in omnibus serua, fili, ut videas dominum in gloria consistentem. Ab omni pollutione mundum sit cor tutum, & ne des inimico aditum eundi ad te. Ab aspectu nefando auerte oculos tuos, & ne delecteris pulchrarum vultibus feminarum; ne per talem oblectationem ultima exsolvas supplicia. Memento cui dedicasti membra tua, & ne commisceas illa meretricibus. Reflecte amorem ab amore mulieris, neque ab amore domini te amor excludat. Noli minima contemnere, ne pau-

paulatim diffluas in malo. Non te simules simpliciter accedere ad virginum domus, nec velis cum eis uti longis & otiosissimis fabulis; ne per plurimas sermocinationes vtrorumque mens polluat. Noli, fili, grauer ferre sermones meos, nec stultum arbitreris eloquium meum: sed crede mihi & gratanter accipe verba mea. Si ad seminarum domus importunè accesserit clericus, vel monachus, & virgo patiat. huiusmodi introire ad se; statim immutant pristinam dignitatem, & quod domino polliciti sunt sua voluntate amittunt. Nec enim poterunt huiusmodi mansionem in se domino præparare; sed desolabuntur ut lignum aridum, Numquid virginitatem dominus extorquet inuitè? Hoc enim munus voluntariè Christo offertur in propria voluntate. Nec enim licitum est profanari aliquid quod domino promissum. Non peccabis, homo, si non voveris votum: si enim vouisti, iam ne facias moram reddere illud, quod dominus quasi suum requirit illud a te; nec pollutione vult misceri membra tua, quæ sibi iam dedicata sunt. Vide ergo ne te seducat corporis pulchritudo, & decorem animæ tuæ amittas. Ne improbo oculo tuo intuearis speciem mulieris, ne intret mors per fenestras tuas. Ne aperias aures tuas ad perficienda verba eorum, nec concupiscas nequitiam in anima tuâ. Mulieris carnem non velis tangere, ne per tactum eius inflammetur cor tuum, & spiritu tuo labaris in perditionem. Sicut enim foenum proximum igni comburitur; ita qui tangit mulieris carnem non euadit sine damno animæ suæ: & licet corpore castus euaserit, mente tamen & corde corruptus abscedit.

CAP. VIII. *De seculi amore fugiendo.*

**D**ic mihi quæso, fili, quis sit profectus animæ, amare carnis pulchritudinem? Nonne sicut foenum cum

cū a feruore æstatis percussū fuerit, arescit, & paulatim pristinum decorem amittit? Similis est etiam species humanæ naturæ: succedente sibi senectute omnis decor pristinus deperit; & quos in amorem sui antea concitabat, post modum odio eorum afficietur. Nam cū interuenerit mors, tunc penitus omnis pulchritudo deletur; & tunc cognosces, quia vanitas, quod ante inaniter diligebas. Cū videris totum corpus in tumorem & foetorem esse conuersum; nonne intuens maximo horrore concuteris? Nonne claudis nares tuas non sustinens foetorem durissimum? Vbi est post modum omnis illa oblectatio? Require si est aliquod pristini decoris vestigium. Vbi est suauitas luxuriæ, & conuiuiorum opulentia? Vbi sunt blandimentorum verba, quæ corda simplicia mollebant? Vbi sunt sermones dulces, qui amaritudinem amantibus infundebant? Vbi est immoderatus risus & otiosus? Vbi est effrenata & inutilis omnis lætitia? Velut fluxus aquæ transiens nusquam comparuerunt. Hic est finis carnis pulchritudinis quam amabas: hic oblectationis terminus corporis. Reflecte igitur animum tuum ab his obscœnis amoribus, & omnem amorem conuerte ad splendidissimam pulchritudinem Christi: vt radij fulgoris eius illustrent cor tuum, & omnis obscuritas caliginis expelletur a te. Hæc pulchritudo diligenda est, fili, quæ lætitiā spiritalem amanti-  
bus consuevit infundere. Hic decor omnibus modis amplectendus est, vnde nobis serenitas tranquillitatis acquiritur. Deuitemus perniciosas pulchritudines: ne omnium malorum genera in nos irrogentur. Multi enim admirantes mulierum species a veritatis via naufragauerunt. Plerique ornamentis earum oblectati, perniciem animarum suarum perpeSSI sunt, & a perfectionis fastigio in profundum inferni demersi sunt. Caueto ergo, fili, species per quas plurimos cernis periisse. Quæso ne  
bi-



bibas poculum vnde multos perspicias interiisse: ne percipias cibum quem edi in aliorum perniciem videris. Ne incedas iterum, quò naufragium perpeffi sunt plurimi. Deuita laqueos, per quos captos ceteros senseris. Postula tibi a domino cor prudens & peruigilem sensum, vt non ignores fraudes & astutias inimici, & in retia eius non incidat pes tuus. Sapiens non corporis decorem desiderat, sed animæ: insipiens homo speciem in carnalibus ornamentis amplectitur. Sapiens vir comptam mulierem respuit: stultus verò concupiscens eam miserabiliter supplantabitur. Vir prudens ab imprudente femina auertit oculos suos: luxuriosus autem vir intuens eam soluetur vt cera a facie ignis. Tu autem caue omnibus modis species perniciosas ac falsas pulchritudines; quia deturpatur anima, si earum decorem attendas. Christus non in corporis decore, sed in animæ delectatur. Illa ergo dilige, fili, in quibus delectatur Christus.

#### CAP. IX. *De avaritia fugienda.*

**E**t ne pecuniarum cupiditati te subijcias, ab omni avaritia declina cor tuum; vt non condemneris sicut adulter & idolorum cultor. Noli amare mammona; ne offendas eum; cui membra tua & mentem pariter dedicasti. Ne petas ea quæ te auocant & separant a domino: Noli diligere opes terrenas, ne amittas cælestes. Multi cupientes aliena, & suis priuati sunt; Alienatæ sunt a nobis sæculi huius facultates; nostra autem possessio regnum cælorum est. Noli appetere aliena; ne a tuis fias extraneus. Quotidianum victum sufficere tibi contentus esto: quicquid superfluum est projice absolute tanquam propositi tui impedimentum. Ne cupias fieri locuples; ne in tentationes incidas, & in laqueos diaboli. Caueto avaritiam; quia radix omnium malorum

ab

ab apostolo nominata est. Pecuniarum cupidus iam animam suam venalem habet: si enim inuenerit tempus, pro nihilo perpetrabit homicidium; & sicut qui effundit aquam super terram, ita est ei effundere sanguinem proximi sui. Plerique per avaritiæ ardorem in mortis periculum inciderunt. Propter avaritiam Achan cum suis omnibus lapidatus est. Propter avaritiam Saul alienus a domino effectus est, & ad extremum de culmine regali expulsus est, & ab inimicis suis peremptus. Et Achab propter avaritiam inuasit vineam Naboth; & huius rei gratia in prælio vulneratus defunctus est. Dominus noster & saluator a corde pharisæorum volebat pecuniarum amorem excludere: sed quia illi erant cupidissimi, salutaria eius monita deridebant. Nam & illum diuitem cum dominus vocans ad regna cælorum facultates suas vendere præcepisset, auiditas intrare non permisit. Et Iudæus pectus avaritiæ ardore exarsit, ut dominum largitorem sibi cunctorum bonorum in manus traderet impiorum. Auarus enim vir inferno similis est. Infernus igitur quantoscumque deuorauerit, nunquam dicit satis est; sic etsi omnes thesauri terræ confluxerint in auarum, non satiabitur. Alienum te facito, fili, ab hoc vitio, & voluntariam paupertatem libenter assume. Noli esse desidiosus & piger sed labora manibus tuis, ut habeas unde tribuas indigenti. Secundum possibilitatem tuam mediocriter porrige: tantum enim expetitur a te, quantum tibi fuerit creditum. Nemo enim exigit a te, quod ipse minimè possides. Eleemosyna cum iniquitate acquisita, abominatio est coram Christo: sed acceptum est illi, quod fuerit fideliter acquisitum. Fili, non habet hanc artem misericordiæ bonum. Sunt enim nonnulli, qui diripientes aliena, præstare se eleemosynam simulant; & cum alios premant, alijs misereri se fingunt: sed Deus non delectatur in operibus eorum, & simulationem cordis eorum execratur ac

19. 7.

1. Reg. 15.

3. Reg. 21.

Mat. 15.

Mat. 26.

F

re-

respuit. Tu autem, fili, licet exigui de tuis laboribus porrigas: hoc gratum est & acceptum coram Domino. Non te velis iactare cum porrigis eleemosynam indigenti; & illo cui foeneras, ne te arbitreris esse meliorem: sed in omnibus operibus tuis humilia te coram domino: quia non erit gratum Deo, quicquid efficitur cum superbia: quod autem fit humiliter, acceptum est ei.

CAP. X. *De studio humilitatis.*

**F**ili, pro omnibus humilitati stude, quod est omni virtute sublimius; ut ad perfectionis fastigium possis conscendere: cum iuxta institutiones non aliter nisi per humilitatem impleantur, & multorum temporum labores per superbiam in nihilum deputentur. Vir humilis Deo est similis, & in templo pectoris sui gestat eum. Superbus autem cum sit Deo odibilis, diabolo similis est. Humilis vero licet in habitu videatur vilissimus, gloriosus est in virtutibus. Superbus autem homo, etsi decorus videatur aspectu & clarus; sed tamen inutilem cum manifestant opera ipsius, & per os, incessus & motus dignoscitur eius superbia, & ex verbis eius publicabitur levitas ipsius. Cupit semper laudari ab hominibus, & virtutibus, quibus alienus est, se prædicare gestit. Non se patitur cuiquam esse subiectum, sed semper primatum cupit, & ad maiorem gradum se conatur immergere; & quod ex meritis obtinere non potest, ambiendo festinat invadere; ambulans semper tumens ut vter vacuus & inanis. Et sicut navis absque gubernatore cum iactatur a fluctibus, ita & is levis circumfertur instabilis inter omnes actus suos. Humilis e contrario respuit omnem honorem terrenum, & ultimum se esse iudicat omnibus hominibus. Nam etsi mediocris appareat in vultu, eminens apud dominum intuetur. Cum consummaverit omnia mandata domini, nihil se fecisse testatur, & omnes virtutes animæ suæ celare festinat: sed

sed diuulgat dominus omnia opera ipsius. & profert in medium, & mirificat gesta ipsius, & exaltabit & clarum faciet eum, & in tempore precum suarum quod postulat impetrabit.

CAP. XI. *De oratione.*

**E**t tu, fili, cum accesseris ad precandum dominum, prosterne te humiliter in conspectu eius. Ne postules quicquam, quasi ex gratia meritorum tuorum: etsi est tibi etiam conscientia boni operis aliqua, cela illam; ut te silente multipliciter restituatur a Deo: & peccata tua citò producat in medium; ut deleat dominus illa, cum confessus fueris ea. Nec te velis iustificare cum ad orandum accesseris; ne sicut pharisæus ab illo exeas condemnatus. Memento publicani, vel qualiter pro se orauerit, & æmulare eum, ut veniam peccatorum tuorum inuenias. Luc. 18. Non clamore vocis orabis eum, qui occultorum est cognitor; sed clamor cordis tui pullet aures eius. Ne longitudinem verborum protrahas ante eum; quia non in multiloquio, sed ex mente purissima placabitur dominus. In tempore orationis omnem malitiam cordis projice abs te, & remitte si quid habes aduersus proximum tuum. Est denique quoddam genus serpentis, quod cum vadit ad bibendum aquam, antequàm accedat ad fontem euomit venenum: imitare ergo huius serpentis astutiam, & omne venenum amarissimum projice ab anima tua. Remitte conseruo tuo centum denarios; ut tibi dimittatur debitum decem millium talentorum: & qualem cupis erga te esse dominum, talis esto ipse erga conseruum tuum. Mat. 18. Quodcumque opus inchoaueris, primò inuoca dominum; & ne desinas gratias agere cum perfeceris illud.

**Q**uare dominum & inuenies eum, nec dimittas cum tenueris; ut copuletur mens tua in amore eius. Hoc stude in vita tua, ut orationem puram offeras Deo. Cogitationes non conturbent cor tuum, nec in diuersis locis vel rebus rapiatur mens tua. Memento enim te, fili, sub domini conspectibus stare, qui occulta cordis prospicit, & abdita mentium nouit. Vigilanter ergo assiste in conspectu domini in tempore orationis vel psalmorum. Non te opprimat somnus animæ, & ne dissonans sit sensus & linguas; sed consonantia sint, & utrorumque proferant verba. Sicut impossibile est seruire duobus dominis, ita nec duplex oratio poterit ascendere ad dominum. Ne tibi ullum tempus, fili, otiosum vel vacuum transeat: tam in diebus quam in noctibus vigilare te conuenit, ut imminuentem tentationem facilius effugere possis. Si enim cogitationes sordidæ conturbauerint cor tuum, & si te coarctauerint quod est illicitum perpetrare; per orationes ac vigilias depellantur ab anima tua. Oratio munimentum graue est animæ. Per orationes purissimas omnia nobis quæ sunt utilia tribuuntur a domino; & cuncta quæ noxia sunt, procul dubio effugantur. In tempore psalmodiæ sapienter psalle, fili, & spiritales cantus vigilanter cane coram domino; ut virtutem psalmorum facilius possis aduertere. Omnis namque duritia cordis eorum dulcedine mollietur: tunc dulces habebis fauces, gaudensque cantabis: *Quam dulcia faucibus meis eloquia tua domine, super mel & fauam ori meo!* Sed non poteris sentire hanc dulcedinem, nisi cum summa vigilantia ac sapientia cantaueris. Fauces enim, inquit, escam gustabunt; sensus autem verba discernit. Sicut enim ex carnalibus escis alitur caro; ita & diuinis eloquijs interior homo pascitur ac nutritur. Sed in his omnibus vigilijs sanctis in-

Psalm. 118.

diges, fili . Hæ sunt namque vigilæ inutiles , per quas lædatur & deperit anima, cum vigilauerit quis circa cogitationes turpissimas , vel ad gerendum contrarium aliquid, vel ad perpetrandum facinus. Sed tu talibus insiste vigilijs, vt possis effici sanctus. In omnibus actibus & motibus tuis conuenit te vigilare , ne quando oppressus somno placere hominibus gestias. Præterquàm domino soli ne studeas placere alteri . In omne opus quod cogitas facere cogita dominum primum : & si secundum dominum est quod cogitas diligenter examina : & si est rectum coram Deo , perfice illud : si verò aduersum fuerit reperi- tum, amputa illud ab anima tua . Quotidie actus tuos dis- scute curiosius ; & si te peccatis obnoxium senseris, ad poenitentiam citò confuge. Nolo vt protrahas peccatum tuum de die in diem : sed si quid cogitaueris malè, in Deo poenitentiam age , & velociter de corde tuo seca illud . Ne velis dicere: Non est grande hoc facinus quod cogitavi tantummodo : quia in conspectu domini manifesta & aperta sunt omnia . Ne vt spinas ac tribulos in te crescere finas cogitationes malas, neque tamquam minima negligas ea : *qui enim spernit minima paulatim defluet*. Noli spernere morsum serpentis ; ne venenum eius conspergatur in cor tuum . Abscinde virgulta spinarum de agro cordis tui, ne defigant in te altas radices. Scito quòd cor tuum ager est domini, excole eum cælestibus disciplinis, & non finas in agro domini zizania seminari. Si igitur taliter vi- gilaueris, faciliè poteris ascendere ad perfectionem .

CAP. XIII. *De ieiunio .*

**A**D vigilandum autem multum ieiunium proderit . Sicut enim miles plurimo onere prægrauatus præ- peditur ; ita monachus ad vigilias cum escarum largitate torpescit . Non enim possumus vigilare cum fuerit dapi- bus

bus venter noster onustus; sed oppressi somno vigiliarum fructus amittimus, & maximum detrimentum animæ nostræ acquirimus. Vigilijs ergo copula ieiunium; vt cunctis animæ virtutibus florere possis, & caro tua subiecta sit animæ tuæ, & ancilla tua famuletur dominæ suæ. Ne præbeas vires corpori tuo; ne bellum aduersus spiritum exercent: sed semper subiecta sit caro spiritui, & obtemperet iussis spiritus. Noli incrassare ancillam, ne contemptui habeat dominam suam, sed vt in omnibus eius obsequijs mancipetur. Sicut enim equis sunt frena imposita, ita ieiuniorum frena imponamus corpori nostro. Nam quemadmodum auriga, si equorum frena laxauerit, rapidissimo cursu cum eo in præcipitia deferuntur; ita & anima, si corpori suo non imposuerit frenum, vterque ad inferni præcipitia deuoluitur. Esto peritissimus auriga corpori tuo; vt per tramitem rectum possis pergere. Escæ enim plurimæ non solum animam, sed & corpus nostrum plurimum lædunt. Sæpè enim per ciborum auaritiam stomachi franguntur vires; nec non abundantiam sanguinis & cholerarum ægitudines plurimas per escarum largitatem perpetimur. Sicut enim ista sunt animæ & corpori contraria; ita medelæ sunt vtriusque temperata ieiunia. Quantum verò possumus mundi delicias & ciborum opulentiam fugiamus; ne quando cruciati in flamma guttam aquæ quæramus, nec refrigerium consequamur.

#### CAP. XIV. De crapula fugienda.

**F**ugiamus ebrietatem; ne in retia luxuriæ incurramus. Vinum enim nobis dominus ad lætitiæ cordis, non ad ebrietatem creauit; non quantum gula exigit, sed quantum naturæ imbecillitas postulat. Et apostolus Timotheo modico præcipit vti vino; & hoc propter dolorem stomachi.

1. Tim. 5.

machi, & propter eius frequentissimas infirmitates. Ne igitur nos quod ad medelam corporis nostri tributum est, ad perniciem deputemus. Plurimī namque maximam, per vinum debilitatem contraxerunt, nec potuerunt consequi pristinam firmitatem, qui primū gulæ non temperauerunt ardorem. Plerique per vinum homicidium, perpetraverunt, nec ipsam mortem recusauerunt. Alij per vinum a dæmonibus capti sunt: nec est aliud ebrietas, quā manifestissimus dæmon. Ebriosus putat se boni aliquid agere cum per præcipitia deuolutus fuerit. Per violentiam armatur os ad maledicta & conuitia proximorum, & immutatur mens, & lingua balbutit. Quæso quid minus habetur quā dæmonū ebrietas? Huiusmodi enim vir cum se putat bibere, bibitur. Sicut enim piscis, cū audis faucibus properat vt glutiat escam, & repente hamum inter fauces reperit hostem: vel sicut aues cum per escam capiuntur in retibus: ita ebriosus intra se vinum suscipit inimicum, quod intra eum morans impellit ad omne opus fedissimum; & homo rationalis vt irrationabile animal capitur. Tu autem in omnibus exhibe te sobrium, vt te sobrietas in omnibus castum exhibeat.

CAP. XV. *De vitanda superbia.*

**S**ed caueto hoc, fili, ne per ciborum abstinentiam mergaris in superbiam, & ne infleris aduersus eos, qui ieiunij tui mensuram non valent obtinere: ne quando videaris escis carnalibus abstinere, & vitij pectus tuum replere. Grandis namque est confusio animæ, quæ cum sibi subiecerit carnem, ipsa sit subiecta vitij. Quid prodest ventrem ab escis refecare, & animam passionibus obruere: vel carnis amorem vincere, & in corde liuoris stimulos machinari? Verus enim continens tam a corporis quam animæ se passionibus abstinet; quia in vtriusque  
sub-



substantijs homo constare videtur. Nulla est enim perfectio in vna parte esse sublimem, in alia esse prostratum; in vna parte fulgere, & in alia vitiorum caligine occupari. Qui enim castus cupit esse corpore, castus debet perseverare & spiritu: quia nihil proderit castum esse corpore, & mente corruptum. Civitas si fuerit in vna parte munita, ex alia verò destructa, aditum ad se hosti præbebit. Et navis si fuerit forti compage solidata, & vnam in se habuerit tabulam perforatam; repleta aquarum fluctibus mergetur in profundum. Verus enim continens, cuncta quæ vana sunt spernit, nec ullam gloriam sectatur humanam; furorem iracundiæ reprimat; execrationem despicit, potius sustinet detrimentum, quàm dissoluat vinculum caritatis; non detrahit citò proximo, nec libenter audit detrahentem; cupit semper declinare a vitijs, & ad virtutes animæ semetipsum instigat.

#### CAP. XVI. *De lingua compescenda.*

**T**alem te exhibe, fili, cum volueris exercere ieiunium; & cum te abstinueris, abstine & linguam tuam ab illicitis verbis. Omnem blasphemiam longè fac a te; nec superflui sermones procedant de ore tuo: quia & pro otiosis verbis in die iudicij reddituri sumus Deo rationem. Nec ad maledicendū quæmpiam assuescas linguam tuam, quæ ad benedicendum & ad laudandum dominum creata est. De quibus ignoras rebus in conuentu noli proferre sermonem; sed opportuna verba procedant a te, cum opportunum tempus inueneris; ut te audientibus cunctis gratiam præbeant. Ab omni vaniloquio tempera linguam tuam; ne quando qui audiunt horrescentes obturent aures suas, & sit tibi confusio coram omnibus. De quibus molestiam non pateris, noli contendere acriter,  
nec

nec infuescas consuetudini pessimæ : quia mos qui longo usu fuerit confirmatus non paruo labore vitatur.

CAP. XVII. *De vano gaudio fugiendo.*

**N**oli dissolutis labiis risum proferre : amentia namque est cum strepitu ridere ; sed subridendo tantummodo mentis lætitiā indica . Nec in modum paruuli iocari velis assidue : quia non conuenit ei qui ad perfectionem nititur, iocari ut paruulus . Esto in malitia paruulus, & vir perfectus in sensu . In quibusdam te exhibe senem, & in quibusdam te exhibe paruulum . Paruuli namque est ludere ; perfecti verò viri lugere : sed præsens luctus lætitiā generat sempiternā ; iocus autem remissiorem efficit animā , & negligentem erga Dei præcepta, nec delicta sua potest ad memoriā reuocare ; sed obliuiscens ea non se instigat ad poenitentiam, & ira paulatim ab omnibus bonis priuabitur . Nullum enim habebit accessum cordis compunctio, vbi fuerit immoderatus risus ac iocus. Vbi verò fuerint lacrimæ , ibi spiritalis ignis accenditur, qui secreta mentis illuminat, & vitia cuncta exurit. Tunc auiditate cælesti anima flagrans, Christi amorī copulatur : & in terris degens de cælestibus & supernis iugiter meditatur , calcāt sæculi voluptates , & ad præmia se futura extendit, nec vlla sæculi cura ab amore eam segregat Christi : sed ut figura quædam inter homines versari videtur, & tota eius conuersatio de cælestibus intelligitur . Mors illi præsens tamquam vita ipsa est dulcis : cupit dissolui, & esse cum Christo, quem in carne viuens intra suum portauerat templum . Vide ergo quantum lucrum adferant fletus & lacrimæ, & quantam perniciem præbeat risus ac iocus . Qui enim ridere hic delectatur , postmodum flebit amarè : qui autem hic lugere voluerit, gaudebit in posterum . Nam & saluator noster beatos appel-

Philip. 1. 23.

Mat. 5.

G

lat

lat lugentes ; & qui nunc latantur, flere eos dicit in nouissimo . Non te ergo delectet puerilis iocus vel risus, sed lectionū spiritualiū cantus. Non te soluant in risum verba inania, sed proferant ex te gaudij risum perfectorum virorum virtutes : vt ad eorum spectaculum vitam tuam, morisque componas . Perfectus enim ille dicitur, non qui in ætate, sed qui in sensu perfectus est : non enim tibi obest puerilis ætas, si fueris mente perfectus : nec senilis tibi proderit ætas, si fueris puer sensibus. Nam & David cum puer esset, & perfectum cor haberet in domino, in regem electus est ; & Saul cum senili ætate esset perfectus, quia in se malitiam perfectam habuit, de culmine regali expulsus est. Vetustissimi iam erant presbyteri qui Susannam violare conati sunt ; quos Daniel adhuc paruulus detecto eorum scelere condemnauit : & dominus noster ingressus Hierosolymam a paruulis collaudatur. Nam & arbor licet sit multorum annorum, si fuerit infructuosa abscinditur : si autem nouella fuerit fertilis, colitur vt magis proferat fructus .

CAP. XVIII. *De malorum contubernio vitando .*

**P**erfectorum vero virorum consortio frui, & contubernio abstinentium delectetur anima tua, & a colloquijs eorum ne auertas aurem tuam : verba enim vite sunt verba eorum, & incolumitas animæ ijs qui ea libenter attendunt . Sicut enim sol oriens effugat caliginem, ita sanctorum doctrina a sensibus tuis expellit tenebras . Talium virorum, quæso, ne deuities confortia : vt eorum monitionibus mens tua erigatur ad cælum, & fluxam sæculi gloriam pro nihilo possis despigere, & virtutes animæ hauriant sensus tui . Deuita viros, quos erga mandata Dei vides negligentes : qui mortui sunt virtutibus, & videntur viuere passionibus : quia latantur in  
pro-

proprijs voluntatibus, & gaudio carent diuino . Cum huiusmodi viris nec sit tibi vlla commixtio , nec velis cum eis sermocinari assidue , nisi poteris solummodo ab erroris itinere reuocare eos : cæterum si non vales , deuita vt publicum hostem : sæpe enim per vnam ouem morbidam grex totus polluitur ; & modica pars fellis magnâ dulcedinem in amaritudinem vertit , & fermentum modicum totam massam corrumpit . A tali enim fermento dominus tibi attendere præcipit . Fermentum hoc nequissimorum hominum doctrina intelligitur : nam etsi in habitu quis videatur esse clarus & nobilis , & dulcia verba tibi proferat eleganter ; simulatio cordis eius ex subsequenti- bus actibus intelligitur : non enim ex verbis , sed ex fructibus homo comprobatur . Denique quam plurimi calidè vitia sua celare festinant , & apud quosdam videntur esse mirabiles ; sed floribus amissis fructus qualis est ostenditur : cùm vero diu intra sinum seruauerunt serpentem , attracti morsu eius intumescunt , & palam fiunt omnibus : quia nihil occultum est , quod non reuelabitur .

I Cor. 5.  
Mat. 16, 6.

Mat. 10.

### CAP. XIX. De ira cohibenda, & differenda poenitentia.

SI quis tibi intulerit mala, ne velis irasci ei, aut retribue-  
re illi, etiam si possis : sed dole potius pro eo, quia dominus irascetur ei. Qui enim patienter pertulerit mala, in futurum coronabitur : qui verò intulerit mala , in die mala vt reus damnabitur . Ne pro carnalibus damnis frangatur animus tuus ; nec vigorem patientiæ tuæ res emolliant caducæ : sed time potius damnum, si a proposito tuo retardaueris . Et quando te peccatis obnoxium senseris , ad poenitentiam citò conuerti ne confundaris : qui enim hic poenituerit , in nouissimo non poenitebit : clementer enim dominus ad poenitentiam confugientes suscipit . Et ne misericordia domini fretus peccatis peccata

G 2

adij-

adiicias; neque velis dicere: donec viget ætas mea, carnis concupiscentiam exercebo, & postremo in senectute malorum meorum poenitentiam geram: pius namque est dominus & multum misericors, nec ultra facinorum meorum memorabitur. Noli taliter, fili, cogitare: quia summa stultitia est hæc mente apud dominum concipere: cum & impium sit talem licentiam à Deo expectare quempiam. Noli inquam sic cogitare, cum nescias qua die moriturus sis. Quis enim novit hominum diem exitus sui? non enim omnes in senectute priuabuntur hac luce: sed in diuersis ætatibus de hoc mundo migrabunt; & in quibus actibus vocabitur homo, in iisdem necesse est reddere rationem. Nemo enim in inferno confitebitur domino: sed nec tu cuncteris ad poenitentiam conuerti.

P/ul. 6.

#### CAP. XX. *De morte cogitanda.*

**S**emper ante oculos versetur ultimus dies. Cum enim diluculo surrexeris, ad vespertum te ambigas peruenire: & cum in lectulum ad quiescendum membra tua posueris, noli confidere de lucis aduentu: ut facilius te possis refrenare ab omnibus vitijs. Semper cor tuum promissa cælestia meditetur; ut ipsa te ad virtutis viam prouocent. Esto nunc talis in operibus bonis, qualem te vis futurum postmodum. Omnia terrena quæ possides in cælestes mansiones transfer; ut cum illuc fueris profectus, fruaris bonis cælestibus. Bonorum operum sumptus tibi in itinere præpara: ut incunctanter libenterque cum vocatus fueris, pergas ad dominum. Tunc cum à carnis vinculo anima tua absoluta fuerit, mox in occursum tuum angelorum chorus occurret: omne sanctorum agmen in tuis miscebitur complexibus, & te ad adorandum verum iudicem perducent. Tunc tibi fiet pax per girum & sum-

ma-

ma securitas; nec timebis vltra iacula ignita diaboli. Non tibi terrorem incutiet barbarorum immanitas, nec formidabis hostes ferocissimos, qui cupiunt animas iugulare, non corpora; non ferrum, non ignem, non faciem, truculentam tortorum, non famem, non sitim, nec vllam ægritudinem carnis: nec metues inuidiam hominum, nec insidias malignorum, nec verba venenata mulierum luparum: nec vltro aduersabitur caro contra spiritum tuum: non timebis periculum maris, nec vllos casus aduersos: sed hæc omnia sedabuntur. Cum anima tua abiecerit sarcinam carnis, tunc spiritus sanctus tribuet tibi in cælestibus mansionem, cui paulò ante intra corporis tui hospitium feceras mansionem: & lætus gaudensque expectabis diem iudicij futuri, in quo singulorum animæ recipient merita pro suis operibus. Sed frustra tunc peccatores & impij poenitebunt, fornicatores & adulteri vlulabunt, nec vllam requiem poterunt inuenire. Rapaces & auari flebunt amariter, nec malorum suorum veniam consequentur. In luctu maximo detinebuntur omnes qui carnis suæ voluntates secuti sunt. In moerore & fletu maximo in sempiternum erunt qui vitijs & passionibus seruierunt. Et cum hi omnes pro suis criminibus gehennæ ignibus mancipientur; iustis sempiterna

præmia tribuentur a domino, *Qua oculos non vidit,*


*nec auris audiuit, nec in cor hominis ascendit, qua*

*præparauit Deus diligentibus se.*

1. Cor. 13.

EXPLICIT.

EVA-



# EVAGRII MONACHI SENTENTIAE

Ad eos qui in coenobijs & xenodochijs habitant fratres.



**E**REDES Dei audite sermones Dei, coheredes autem Christi percipite eloquia Christi, ut detis ea cordibus filiorum vestrorum; verba autem sapientum doceatis eos. Pater bonus erudit filios suos: pater autem nequam disperdet eos. Fides initium caritatis: finis autem dilectionis scientia Dei. Timor domini custodiet animam: continentia autem bona confortat illam. Sufferentia viri generat spem: spes autem bona glorificabit eum. Qui servituti subiicit carnes suas impassibilis erit: qui autem nutrit eas, dolebit super illas. Spiritus fornicationis in corporibus intemperantium: spiritus autem pudicitiae in animis abstinentium: Seccatio cum caritate purificat cor: separatio autem cum odio conturbat illud. Melior millesimus in caritate, quam solus cum odio in abditis & speluncis. Qui alligat memoriam malitiae in animam suam, similis est ei, qui abscondit ignem in paleis. Ne dederis escas multas corpori tuo, & non videbis in somnis phantasias malas: sicut enim extinguit flammam aqua; sic phantasmata turpia extinguit esuries. Vir iracundus terrebitur; mansuetus autem intrepidus erit. Ventus validus fugat nubes: memoria autem malitiae sensum a scientia. Qui orat pro inimicis, hic immemor est malitiae: qui autem parcat linguae, non contristabit proximum suum. Si

exar-

exacerbaverit te frater tuus, induc eum in domum tuam, & ad ipsum ne pigeat te introire, sed manduca cum eo panem tuum: hoc enim faciens, eripies animam tuam, & non erit tibi offendiculum in tempore orationis. Sicut caritas gaudet paupertate, sic odium delectatur divitijs. Non potestur dives scientia, & camelus non introibit in foramen acus: sed nihil horum impossibile est apud Dominum. Qui diligit pecuniam, non videbit scientiam: & qui congregat illam, contenebrabitur. In tabernaculis humilium commorabitur dominus: in domibus autem superbiorum multiplicabitur maledictum. Inhonorat Deum qui transgreditur legem eius: qui autem custodit eam, glorificat factorem suum. Si æmularis Christum, beatus efficieris: morte autem eius morietur anima tua, & non contrahes a carne tua malitiam: sed erit processus tuus sicut ortus stellæ, & resurrectio tua, tamquam sol fulgebit. Væ iniquo in die mortis, & iniustus peribit in tempore malo. Quem admodum enim evolavit còtus e nido suo, sic immunda anima e corpore suo. Animas iustorum deducunt angeli: animas autem malorum suscipiunt dæmones. Quocumque ingressa fuerit malitia, ibi & ignorantia: corda autem iustorum implebuntur scientia. Immercator monachus, inops erit: enutrens autem pauperes hereditabit thesauros. Melior est paupertas cum scientia, quam divitiæ cum ignorantia. Ornamentum capitis corona: ornamentum autem cordis scientia Dei. Posside scientiam, & non argentum: & sapientiam super divitiis multas. Iusti hereditabunt dominum: sancti autem nutriuntur ab eo. Qui miseretur pauperibus exterminat iram: & qui nutrit eos, implebitur bonis. In corde mansueto requiescit sapientia: sedes autem impassibilitatis animæ bene operans. Fabricatores malorum percipient mercedem malam: fabricatoribus autem bo-



bonorum dabitur merces bona. Qui ponit laqueum comprehenditur in eo: & qui occultat illum, disperiet ab eo. Melior est secularis mansuetus, quàm monachus furiosus & iracundus. Scientiam disperdit iracundia; longanimis autem congregat eam. Sicut ventus auster vehemens est in pelagus, sic furor in corde viri. Qui orat frequenter effugiet tentationes: negligentis autem cor conturbabunt cogitationes. Non te delectet vinum & te non illiciat caro Ne enutrias carnes corporis tui, & cogitationes turpes deficient a te. Ne dicas: hodie festus dies, & bibamus vinum; & crastino pentecoste, & manducabo carnem: eo quod non est festiuitas apud monachos in terra ad replendum ventrem suum. Pascha Christi transitus a malitia est: pentecoste autem eius resurrectio animæ. Pentecoste domini, suscitatio caritatis: qui autem odit fratrem suum, cadit in ruina magna. Festiuitas Dei obliuio malorum: retinentem autem malitiam apprehendit luctus. Festiuitas Dei scientia vera: qui autem intendit falsæ scientiæ, morietur turpiter. Melius est ieiunium cum mundo corde, quàm epulatio in immunditia animæ. Qui disperdit cogitationes malas de corde suo, similis est ei qui allidit paruulos ad petram. Monachus somniculosus incidit in mala: qui autem vigilat, sicut passer volabit. Ne dederis te in vigilijs narrationibus superuncuis, & non abijcias sermones spiritales: quoniam dominus inspicit cor tuum, & non te statuit innocentem ab omni malo. Somnus multus incrassat cor: vigiliæ autem bonæ acutunt mentem. Somnus multus superducit tentationes; qui autem vigilat effugit eas. Sicut ignis liquefacit ceram, sic vigiliæ bonæ cogitationes malas. Melior est vir dormiens, quàm monachus vigilans in sermonibus vanis. Somnium angelorum lætificat cor; somnium autem demonum conturbat illud. Poenitentia & humilitas ex-  
xerunt

xerunt animam : elecmosyna autem & mansuetudo confirmauerunt eam . Memento semper patris tui , nec obliuiscaris iudicium æternum , & non erit delictum in anima tua . Si spiritus accidiæ ascenderit super te , ne relin-  
 quas domum tuam , & non declines in tempore tristitiæ : sicut enim quis confricat argentum , sic splendidum fiet cor tuum , si perseueraueris . Spiritus tædij abigit lacrimas : spiritus autem tristitiæ contribulat orationem . Cupiens diuitias sollicitus eris multum : & amplectens illas lugebis amarissimè . Non remoretur scorpius in sinu tuo ; sic nec cogitatio mala in corde tuo . Occidere genimina serpentum ne parcas , & non parturies cogitationes eorum . Sicut enim aurum & argentum probat ignis , sic cor monachi tentatio . Aufer a te superbiam , & vanam gloriam , & iactantiam longe facito a te . Qui eniu expetita priuatur gloria contristabitur : qui verò adeptus est , fiet superbus . Ne dedoris superbiam cordi tuo , & ne dixeris in conspectu domini , potens sum ; vt non dominus derelinquat animam tuam , & maligni dæmones humiliant illam . Tunc enim de aëre conturbabunt te inimici , noctes autem terribiles suscipient te . Conuersationem monachi custodit scientia : qui autem ab ea discedit , incidit in latrones . De petra spiritali manat fluuius : anima autem bene agens bibit ex eo . Vas electionis anima munda : immunda autem replebitur amaritudine . Absque lacte non enutrietur infans : & sine impassibilitate non exaltabitur cor . Caritatem antecedit impassibilitas : scientiam autem præcedit dilectio . Scientiæ adijcietur sapientia : impassibilitatem verò generat prudentia . Timor domini generat sapientiam : fides autem Christi donat timorem Dei . Sagitta candens incendit animam ; vir autem operator boni extinguit eā . Clamorem & blasphemiam auersatur scientia : sermones autem dolosos fugit sapientia . Suaue est mel , &

H

dul.

dulcis, suus : scientia autem Dei dulcior : ambobus .  
 Audi monache sermones patris tui , & ne irritas facias  
 eruditiones eius . Cum miserit te obaudi ei , & quæne  
 ad mentem comitere cum eo : hoc enim modo effu-  
 gies cogitationes malas , & maligni dæmones non præua-  
 lebunt aduersum te . Si crediderit tibi pecuniam , non  
 dispergas illam : & si superoperatus fueris , non detineas  
 apud te . Malus dispensator contribulabit animas fra-  
 trum : & memor malitiæ non miserebitur eorum . Qui  
 disperdit substantiam monasterij , fraudat Deum : & qui  
 negligit eam , non erit impunitus . Iniquus dispensator ,  
 distribuit malè , iustus autem ut dignum est dispensabit .  
 Qui malè loquitur de fratre suo exterminabitur : negli-  
 gens autem egentem non videbit lumen . Melior est  
 secularis in infirmitate seruiens fratri , quam anachoretæ  
 qui non miseretur proximo suo . Insuper monachus  
 negligit instrumenta artis suæ ; sapiens autem curam  
 habebit illorum . Ne dixeris , hodie maneo , & cras  
 exibo : quia non in sapientia cogitasti de hoc ipso . Cir-  
 culator monachus meditabitur sermones falsos proprium  
 autem ludificabitur patrem . Qui exornat vestimenta  
 sua , & implet ventrem suum , hic pascit cogitationes  
 turpes , & cum sanctis concilium non habebit . Si in-  
 troieris in vicum , non proximaueris mulieribus ; &  
 non moratus fueris sermocinari cum eis : quemadmo-  
 dum enim , si quis gloriatur hamum , sic abstrahetur anima  
 tua . Longanimus monachus impassibilitate gaudebit :  
 qui autem exacerbat fratres suos , odibilis erit . Mansue-  
 tum monachum diligit dominus ; turbulentum autem  
 repellit a se . Piger monachus murmurabit : & somni-  
 culus dolorem capitis fingit . Si contristatus fuerit fra-  
 ter tuus , consolare illum ; & si dolet , condole illi : hoc  
 enim faciens lætificabis cor eius , & thesaurum magnum  
 tibi cumulabis in cælis . Monachus , qui dissimulat cu-

Rodire sermones patris, maledicet canis patris sui, & derogabit vitæ filiorum eius: dominus autem annullabit eum. Qui occasionem quærit, separabit se a fratribus; patrem autem suum incusabit. Ne dederis auditum tuum sermonibus qui sunt contra patrem tuum, & non fuscites animam inhonorantis illum; ut non dominus irascatur in operibus tuis, & deleat nomen tuum de libro viuorum. Qui obedit patri monasterij, diligit semetipsum: qui autem contradicit ei, incidet in mala.

Beatus monachus, qui custodit præcepta domini: & sanctus, qui seruat sermones patrum suorum. Piger monachus multa detrimenta patietur: si autem perstiterit in audacia, & habitum suum adiiciet perdere. Qui custodit linguam suam dirigit vias suas: & qui seruat cor suum implebitur scientia. Monachus bilinguis turbat fratres: fidelis autem agit quietè. Qui confidit in sua continentia, hic cadet: qui autem humiliat se ipsum, exaltabitur. Ne dederis te saturitati ventris, & non implearis somno nocturno: hoc enim modo efficieris mundus, & spiritus domini superueniet in te. Psallentis viri conquiescet indignatio: & qui longanimis est, interritus erit. Ex mansuetudine generatur scientia; ex ferocia autem inscitia. Sicut aqua dat incrementum plantationi, sic humiliatio iracundiæ exaltat cor. Qui inuestigat conuiuia, extinguetur lumen eius: anima autem eius videbit tenebras. Pondera in statera panem tuum, & bibe ad mensuram aquam tuam: & spiritus fornicationis fugiet abs te. Da senibus vinum, & ægrotantibus offer elcas: ed quod contriuerunt carnes iuuentutis suæ. Non supplantas fratrem tuum, & in ruina eius ne congratuleris: dominus enim cognoscit cor tuum, & tradet te in die mortis. Monachus prudens impassibilis erit: imprudens autem exhauriet mala. Oculum nequam excæcabit dominus; simplicem autem eripiet a

tenebris. Sicut lucifer in celo, & sicut palma in paradiso: sic in anima mansueta sensus purus. Vir sapiens scrutabitur sermones Dei: insipiens autem irridebit eos. Qui odit scientiam Dei, & rejicit considerationem, similis est ei, qui lancea pungit cor suum. Melior est scientia Trinitatis super scientiam incorporalium, & consideratio eius super rationes omnium sæculorum. Canisenum mansuetudo: vita autem illorum scientia vera.

Iuuenis mansuetus multa suffert: pusillanimum autem senem quis sustinebit? Vidi iracundum senem elatum ultra tempus suum: spem tamen non habuit iunior, quam ille. Qui scandalizat seculares non erit impunitus: & qui exacerbat eos inhonorabit nomen suum. Conturbantem ecclesiam domini exterminabit ignis: resistentem autem sacerdoti deglutiet terra. Qui amat pacem, manducabit fauum eius: & qui colligit eam, implebitur melle. Honora dominum, & cognosces incorporalia: & serui illi, & ostendet tibi rationes sæculorum.

Citra scientiam non exaltabitur cor, & arbor non florebit sine humore. Carnes Christi actuum virtutes: qui autem manducat eas, efficitur impassibilis. Sanguis Christi consideratio factorum: & qui bibit illum, illuminabitur ab eo. Pectus domini scientia Dei: qui autem recubuerit super illud, prædicator erit diuinorum. Plenus scientia, & actor bonorum obuiauerunt sibi: medius autem inter vtrumque stetit dominus. Qui adquisiuit dilectionem, adquisiuit thesaurum: accepit autem a domino gratiam magnam. Consilia dæmonum cognoscit sapientia: astutiam autem illorum inuestigauit prudentia. Non spernas decreta sancta, quæ posuerunt patres tui: fidem autem baptismi tui non derelinquas, & non repellas signaculum spiritale: ut adsit dominus animæ tuæ, & protegat te in die malo. Sermones hæreticorum nuntij mortis: qui autem suscipit illos, perdet

det animam suam. Nunc ergo, fili, audi me, & non accedas ad ostia virorum iniquorum, neque ambules super laqueos eorum, vt non capiaris. Separa animam tuam a scientia falsa: etenim ego sæpè locutus sum ad eos; tenebrosos autem sermones eorum inuestigauī, & venenum aspidum inuenī in eis. Non est prudentia, & non est sapientia in vijs eorum. Omnes qui suscipiunt eos peribunt, & qui diligunt eos implebuntur malis. Vidi ego patres dogmatum illorum, & in desertis commisi cum illis. Inimici enim domini obuiauērunt mihi, & dæmones in verbis concertauerunt aduersum me, & non vidi lumen verum in sermonibus eorum. Vir mendax excidet a Deo: seducens autem proximum, incidet in mala. Melior est paradysus Dei super hortum olusculorum, & fluuius domini super fluuium magnum contenebrantem terram. Fidelior aqua cælestis, super aquam Ægyptiorum sapientium, haurientium de terra. Sicut enim qui rotas ascendunt, deorsum descendunt: sic qui exaltant verba sua humiliantur. Sapientia domini exaltat cor; intellectus autem eius purificat illud. Rationes prouidentiae obscuræ; & vix intelligibiles considerationes iudicij: vir autem bene agens cognoscit eas. Qui purificat se, conspiciet naturas intelligibiles: rationes autem incorporalium cognoscet monachus mitis. Qui creaturam dicit Trinitatem, blasphemat Deum: & qui spernit Christum eius, non cognoscit eum. Considerationes creaturarum dilatant cor: verba autem prudentiae & iudicij exaltant illud. Scientia incorporalium eleuat sensum, & sanctæ Trinitati applicabit eum. Memento eius, qui dedit vobis in domino prouerbia luculenta, & non obliuiscamini animam, eius humilem in tempore orationis.

EIVS-

## EIVSDEM EVAGRII MONACHI

## SENTENTIE AD VIRGINES



**D**ILIGE dominum & amabit te; & serui illi  
& illuminabit cor tuum. Honora matrem  
tuam sicut matrem Christi; & ne exasperes  
canitiem eius quæ peperit te. Dilige sorores  
tuas sicut filias matris tuæ; & non de-  
relinquas viam pacis. Exoriens sol videat codicem in  
manibus tuis; & post secundam horam opus tuum.  
Ora sine intermissione; & memento Christi qui genuit  
te. Conuentus virorum deuota; ut non fiat idolum in  
anima tua, & erit tibi offendiculum in tempore orationis.  
Christum habes dilectum: projice abs te viros omnes,  
& non viues exprobabilem vitam. Animositatem &  
iram longè facito a te; & memoria malitiæ non demor-  
tur apud te. Ne dicas hodie comedo, & crastino non  
comedam: quoniam non in sapientia facis hoc. Erit  
enim noxa corpori tuo, & dolor stomacho tuo. Edere  
carnem non bonum; & bibere vinum non optimum:  
offerre autem oportet te ista infirmantibus. Virgo tur-  
bulenta non saluabitur; & quæ in delitijs agit, non vi-  
debit sponsum suum. Ne dicas, contristauit me famu-  
la, retribuam ei; propterea quod non est seruitus in filia-  
bus Dei. Non des auditum tuum verbis vanis, & nar-  
rationes vetularum fuge circumueuntium. Peris  
ebriosarum ne videas, & in nuptias alieni non abieris:  
immunda enim apud dominum omnis virgo faciens hæc.  
Aperi os tuum verbo Dei; & cohibe a multiloquio lin-  
guam tuam. Coram Deo humilia te ipsam; & exalta-  
bit te dextera eius. Ne auertaris a paupere in tempo-  
re

tribulationis; & non deficiet oleum lampadæ tuæ. Omnia fac propter dominum; & noli quærere ab hominibus gloriam: quoniam gloria hominis sicut flos fœni: gloria autem domini manet in æternum. Virginem mansuetam diligit dominus; virgo autem iracunda odibilis est. Obaudiens virgo misericordiam subsequetur: contradicens autem, valde insipiens. Murmurosam virginem disperdit dominus: gratam autem liberat a morte. Turpis risus, & exprobrabilis impudicitia: omnis autem insipiens talibus implicabitur. Quæ exornat vestes suas etiam pudicitia excidet. Non commoreris secularibus, ut non auertant tuum cor, & irrita faciant consilia iusta. Lacrimis in nocte roga dominum, & nemo sentiat orantem te, & inuenies gratiam. Concupiscentia deambulationum, & desiderium alienarum domuum auertit statum animæ, & corrumpit promptam voluntatem eius. Fidelis virgo non formidabit: quæ autem infidelis est, fugiet etiam umbram suam. Inuidia consumit animam, & liuor deuorat eam. Quæ contemnit sororem infirmam, & a Christo longè erit. Ne dicas meum hoc, & tuum illud: in Christo enim Iesu omnia communia. Non inquiras vitam alterius, & ruinæ sororis tuæ non congaudeas. Subministra autem indigentibus virginibus, & in nobilitate tua ne extollaris. Non proferas verbum de ore tuo in ecclesia domini; & ne extollas oculos tuos: etenim dominus cognoscit tuum cor, & omnes cogitationes tuas inspicit. Omnem malam concupiscentiam repelle à te; & non contristabunt te inimici tui. Psalle de corde tuo, & non moueas tantum linguam tuam. Fatua virgo diligit argentum: prudens autem apponet & panem suum. Sicut impetus ignis difficile compescitur; sic anima virginis vulnerata vix sanabilis. Ne dederis animam tuam cogitationibus malis, ut non polluant tuum cor, & mundam orationem longè

fa-



faciant a te . Grauis tristitia , & intolerabilis accedat ; lacrimæ ad dominum validiores vtrorumque . Fames & sitis marcescere facit concupiscentias malas : vigilia autem bona purificat sensum . Iram & animositatem auertit dilectio : memoriâ autem malitiæ confundunt munera . Qui detrahit sorori suæ occultè , de foris stabit a thalomo sponsi , & clamabit ad ianuas eius , & non erit qui exaudiat eam . Virginis immisericordis extinguetur lampada , & non videbit aduenientem sponsum suum . Vitrum cadens à saxo comminuetur ; & virgo adiuncta viro non erit innocens . Melior mulier mansueta , virgine animosa & iracunda . Quæ atrahit in risu sermones viri , similis est circummittenti laqueum collo suo . Sicut margarita in fundibulo aureo ; sic virginitas cooperata reuerentia . Cantica dæmonum & tibiarum resoluunt animam , & disperdunt fortitudinem eius . quam custodi per omnia , vt non exprobrabilis fias . Non delecteris in risu , & vituperantibus non lateris : quoniam dominus derelinquet eas . Non exprobrabis sororem tuâ edentem , & in abstinentia tua non exalteris : non enim scis quid cogitauit dominus , aut quis stabit in conspectu eius . Quæ miseretur liuentibus oculis suis , & tabescentibus carnibus suis , non lætabitur super impassibilitate animæ . Grauis abstinentia , & vix dirigibilis castitas : sed nihil dulcius cælesti sponso . Animæ virginum illuminabuntur : animæ autem immundarum videbunt tenebras . Vidi viros corrumpentes virgines in doctrinis suis , & vanam facientem virginitatem earum . Tu autem audi , filia , doctrinas ecclesiæ Dei ; & nemo alienus persuadeat tibi . Deus fundauit cælum & terram , & prouidit omnibus , & lætatur in eis ; & non est angelus non capax malitiæ , & non est dæmon natura malus : vtrumque enim liberi arbitrij fecit Deus . Sicut homo ex corpore corruptibili & anima subsistit rationabili ; sic enim &

dq.

dominus noster natus est sine peccato, manducans manducauit, & crucifixus, crucifixus est : non erat visio ficta in oculis hominum . Erit mortuorum resurrectio ; & mundus transibit iste : & nos spiritalia accipiemus corpora . Iusti hereditabunt lumen ; impij autem inhabitabunt tenebras . Virginis oculi Deum videbunt : aures autem virginis audient verba eius . Virginis os osculabitur sponsum suum : odoratus autem virginum in odore vnguentorum eius curret . Manus virginis palpabunt dominum ; & castitas carnis acceptabilis illi erit . Virgo anima coronabitur, & cum sponso suo viuet semper ; Vestimentum spiritale dabitur ei, & cum angelis in cælis feriabitur . Inextinguibilem accendit lampadem, & oleum non deficiet in vasis eius . Accipiet diuitias æternas, & hereditabit regnum Dei . . Mei sermones, filia, dicti sunt ad te ; verba autem hæc seruet cor tuum .

Memento Christi custodientis te ; nec  
obliuiscaris adorandam & vnus  
substantiæ trinitatem .

E X P L I C I T .





# FAVSTI ABBATIS LIRINENSIS

Sermones ad monachos .



## SERMO PRIMVS.



Exod. 23, 32.

**A**D hunc locum carissimi, non ad quietem, non ad securitatem, sed ad pugnam, ad certamen conuenimus. Ad agonem huc processimus : ad exercenda cum vitijs bella conscendimus. Vitia enim nostra hostes nostri sunt, de quibus scriptura pronunciat dicens : *Cave ne vim quam habeas cum eis facias*. Necessaria nobis est, fratres, peruiuil cura, indefessa custodia : quia conflictus iste sine fine, hostis iste sine pace est. Hoste isto vinci potes, recipi in amicitiam non potes. Et ideo praelium istud, quod suscepimus, satis durum satisque periculosum est ; quia intra hominem geritur, & nisi cum ipso homine non finitur. Ideo ergo nos ad tranquilla hæc secreta & spiritalia castra contulimus ; vt quotidie contra passiones nostras infatigabili congressione certemus ; vt quotidie

se-

senioribus nostris quasi famulas voluntates nostras subijciamus; vt cordis nequitias circumcidamus; vt linguæ gladium recondamus; vt non solum inuicem non inferamus iniurias, sed nec ab alijs sentiamus illatas. Peculiariter enim ista ad professionem nostram pertinent, nihil in hac vita consolationis requirere, nihil honoris; præsentium rerum solatia refugere; ad promissa æternæ remunerationis præmia animum præparare; subiectione & abiectione gaudere, & paupertatem studio quærere, & non solum facultates, sed & ipsas voluntates de cordibus eradicare. Nihil enim proprij habere, res necessitatis exigit: nihil autem concupiscere, res est virtutis. Illud etiam scire debemus, quod qui inter vos vitam habere constituimus; aut cum grandi fructu, aut cum grandi periculo, vel diligentes, vel etiam negligentes sumus. Vnde felix est illa anima, quæ diu bene in congregatione versatur: multorum gaudium est, & plurimi ex ea vel ædificantur, vel illuminantur. Bona enim dum multis communicantur, adduntur. Ad quod etiam sapientissimi illius sententia respicit, quæ dicit. *Fili mi, si sapiens fueris, tibi metipsi eris.* Itaque si quis in congregatione positus humilitatem se sequentibus aut patientiam præbuerit, quantum ex se bonum proximis commodat, tantum in se lucra aliorum conuertit. Si verò contrario per inobedientiam vel superbiam, quæ res, quod peius est, facilius inueniri solet, ad mali exemplum, siue iniquitatis alios attraxerit; quantos destruxerit, de tantis periculum damnationis incutrit: quantis detrimentum fuit, de tantis damna contraxit, & peccatum quod semel ab illo recessit, ad eum multipliciter redundabit. Quam ob rem sicut ille valde admirandus atque laudandus est, cuius cursus bonus multorum profectus est: ita ille merito lugendus est, cuius vita multorum ruina est. Idcoque fratres, quæ ad ædificationem pertinent, ea in medio positi

*Prov 9, 12.*

agere studeamus; ne vita nostra aliorum virtutibus noceat; ne aliorum feruorem tepor noster debilitet; ne aliorum patientiam nostra iracundia violet; ne aliorum humilitatem superbia nostra deprauet; ne aliorum pulchritudinem foeditas nostra contamineat; ne aliorum ardentes extinguamus lampades, si nostras illuminare non possumus. Et quidem illæ fatuæ virgines quamlibet stultæ essent, non tam alienas extinguere, quam suas illuminare cupiebant: & ideo ad instar istarum, si deest ignis fidei, si flamma feruoris, si oleum caritatis, si lumen dilectionis; veniat ad eos, quos magis abundare perspexerit, & gratiam in se a proximis non auferendo, sed imitando transfundat; & bona possessionis alienæ non solum sine damno, sed etiam cum lucro possessoris inuadat. Numquam enim sentit luminis damnum plurimus ignis accensus, nec minuit solis lucem considerantium multitudo; quanti ad eum perspexerint, tantis munera sua commodat; & ipse tamen semper integer perseuerat. Benedicta a Deo illa anima est, cuius humilitas alterius confundit superbiam; cuius patientia proximi extinguit iracundiam; cuius obedientia pigritiam alterius tacite increpat; cuius feruor inertiam alieni teporis exsuscitat; quæ proximi sui per iram turbatum odium cordis gratia consolationis atque ædificationis illuminat. Melius est huic quam illi qui fratrem paululum ab aliquo contristatum, non tantum solatio suo porrecta manu non subleuat; sed & titubantem sicut parietem inclinatum maliloquiorum impulsu adiuvat ad ruinam, & salubriter per disciplinæ rationem correptum per sinistra consilia sic incitat ut albidat, sic armat ut perimat. Certi sumus, carissimi, quod nisi caueamus, nisi nostras quotidie refecemus & circūcidamus passionem, deteriores nos multum effici quam fueramus, dum in hoc sæculo viueremus: ita ut fiant extrema nostra peiora prioribus. Et quidem, carissimi, quam-

quamdiu quæ ad mundum pertinent, illis actibus & negotijs eramus militantes, in quibus nunc erubescimus; tunc nobis aduersarius non obstabat, imo etiam consensiebat: quia circa miserabilem ac perditam vitam nostram non inueniebat in quo exerceret inuidiam suam: delectabant illum nostra opera: sufficiebant illi per se nostra crimina & peccata. Quis enim suscipiat bellum contra militem suum? Quis velit impugnare subiectum suum? sed supra omnem infelicitatem erat vitæ illius, cui nocere dedignabatur, inimicus. At vero nunc postquam voluntatibus illius renunciauimus, vidit cultores suos ad auctoris pristini rediisse famulatum; vidit in nobis quodammodo idola sua in Dei templum mutari. Frendens itaque leo rugiens, omnes nocendi aditus peruigil insidiator explorat. De quo leone apostolus attestatur: *Vigilate, quia aduersarius vester diabolus vt leo rugiens, circuit querens quem deuoret.* Beati quos hic leo inquirendos iudicat & sequendos; vtique virtutum vestigijs & odore meritum. Non enim ab illo inquiruntur nisi boni; quia vltro se ingerunt mali: post illos violenter currit. Beati igitur quos hic leo inuidia cogitur quærere, & malitia non permittitur inuenire. Terribiliter quidem sonat in auribus nostris dum audiuiamus, *tamquam leo rugiens.* Sed quia dictum est: *Esca eius electæ sunt:* quod quærît, electionis est; quod rugit desperationis est: sicut in alio loco legimus: *Dentibus suis fremet & tabescet.* Ita hæc loquitur sermo diuinus, vt terrori coniuncta sit consolatio. Cruentus quidem est quod frendet; sed victi quod tabescit. Et inter hæc quanta sint illa, quæ a Deo præparata sint homini, etiam liuor prodit inimici. Hæc itaque, carissimi, cogitantes, in hoc agone desudantes, gloriosi ac præclari patris nostri nos & discipulos meminerimus esse & filios. Rapiamus vnusquisque quod possumus de bonis intestati parentis. Hic de hereditate assumat fidei holosericam gesto-

1. Pet. 5, 8.

1. Petr. 5, 8.  
Habac. 1, 16.

Psalm. 111, 10.

gestorum varietate pretiosam: hic mansuetudinem ac simplicitatis occupet talentum. Ille decus pectoris beneuolentiæ ac sapientiæ monile sibi vendicet: hic margaritum compunctionis & thesaurum castitatis inuadat. Licet enim ille locupletissimus Dei amicus quicquid habuerit secum tulerit, in nobis tamen si volumus totum reliquit. Ita ergo agamus bona illius sectantes, ut qui in æternam gloriam suscitandus sub fine sæculorum reddetur; nunc ecclesiæ per rediuiua in filiis merita iam resurgat.

### S E R M O   S E C V N D V S .

*Mat. 7. 7.*

**I**nstruit nos atque hortatur sermo diuinus qualiter nos accingere debeamus ad inquirenda promissa sua, & obtinenda illa sua bona, quæ nec visu capi, nec auditu percipi, nec cogitatu comprehendi possunt. *Petite, inquit, & dabitur vobis: querite & inuenietis: pulsate & aperietur vobis:* id est, ut petamus orando, queramus laborando, pulsemus desiderando, pulsemus proficiendo, pulsemus perseverando, & in spem cælestium tanto incitemur studio, tanto inardescamus affectu: ut cum præmiorum dignitate desideriorum magnitudo concordet. Non vult enim Deus noster bona sua nimia inueniendi facilitate vilescere. Pretiosa & concupiscibilis merces cupidum amatorem atque avidum negotiatorem requirit. Ergo ille tantorum munerum repromissor non vult in opere suo tepidum, despicit fastidiosum, recusat coactum, & ingratum respuit & indeuotum. Lentum enim & parum gratum quærere gratiam diuini muneris, maxima est iniuria remuneratoris. Ergo totis licet animæ & corporis laboribus defudemus, totis licet obedientiæ viribus exerceamur: nihil tamen condignum quid merito pro cælestibus

bus bonis pensare & offerre valebimus. Non valent vite temporalis obsequia æternæ vitæ gaudis coæquari. Lasciant licet membra vigilijs, palleſcant ora ieiunijs: non erunt tamen condignæ paſſiones ad futuram gloriâ quæ reuelabitur in nobis. Puſſemus ergo in quantum poſſumus: quia non poſſumus in quantum debemus. Futura beatitudo acquiri poteſt, æſtimari non poteſt. niſi enim cum auiditate, niſi cum bona voluntate & cum lætitiâ Dei præcepta geramus, Deo nos perire nouerimus. Putamus, cariffimi, quod digne quærat illa anima, & ita pulſet vt ei aperiatur, quæ ad leue præceptum ſenioris reſpondere præſumit & dicere: numquid ego ſeruus veſter ſum? iam ſeci vicem meam, & ille faciat ſuam? Quomodo hoc dicit, cui præceptum eſt: *Nolite quærere quæ veſtra ſunt*. Et iterum: *Non quæ ſua ſunt ſinguli conſiderantes*. a quo non hoc expetitur vt mercedem ſuam impleat, ſed vt alienas inuadat, præoccupet, rapiat. Putamus, inquam, quod ita petat vt accipiat, inquireat vt inueniat, ita pulſet vt ei aperiatur, qui pro aliqua negligentia correptus, & diſciplinæ ordine caſtigatus, non ſe ad emendationem, non ad ſatiſfactionem confert, ſed magis ad illam proteruiam, vt dicat: deſero atque diſcedo: hoc ego ferre non patiar: ingenuus homo ſum. Iam primum qui ante præpoſitum & abbatem ingenuum ſe eſſe iactat, puto quod adhuc redemptum eſſe ſe nesciat. Qui Chriſtiænæ militiæ mancipatus dicere ſe præſumit ingenuum, pene eſt vt ſe neget Chriſti ſanguine comparatum. Quid eſt hoc aliud, quam ſi ipſi domino clamare & dicere auſus eſt: liber ego homo ſum: nihil tibi debeo? De talibus dicebat apoſtolus: *Cum enim ſerui eſſetis inobedientiæ, liberi fuiſtis inſitiæ*. Non bene ingenuus approbatur, quem miſera & infelix vitiorum ſeruitus deprimit. Clamat autem in contumelia diſciplinæ, in peccato animæ ſuæ: melo diſcedere quam emendare, quam ſatiſfacere, quam imple-

1 Cor. 10, 14.  
Philip. 2, 4.

Rom. 6, 20.

re



re quod præcipit Deus . Et quid est hoc aliud tam magna & tam periculosa proteruita, nisi quod Christum a se repellere & ceruicem discutere cupit, & diabolo se mancipare ? Isti tales nesciunt quid vouerunt : obliti sunt propter quod in monasterium venerunt . Isti tales non bene petunt , sed male vitij appetuntur . Non fide pulsan-  
 tant ; sed infidelitate pulsan-  
 tur . O infelix ! quid prodest si discedis, & Christi iugum a te repellis, qui vndiq; astrictus es vinculis passionum, quem hinc atque inde circumuallant vitia ? Quid, inquam, prodest quod discedis, qui quocunque vadis tecum temetipsum portas ? Merito discederes, si diabolum fugere posses . Dignè aliquis discederet, si in locum ire posset, vbi illum diabolus non inueniret . Nemo se fallat, fratres, nemo se circumueniat : quia nemo fugit aduersarium de loco ad locum, sed de vitio ad virtutem, de passione ad emendationem . Si eum fugias, sequitur . Emenda te, & fugiet a te, sicut ait apostolus : *Resistite diabolo, & fugiet a vobis* . Non autem obedire, & velle discedere, hoc est dupliciter facere diaboli voluntatem : hoc est voluntariè sibi etiam in præ-  
 senti damnatione mortem inferre peccati . Illis vero qui grauius apud nos delinquant, nullam tristiores, nullam acerbiorè possumus inuenire sententiam, quã vt a corpore congregationis abscessi, sine pace discedât . An non amentia genus est, vt hoc quisquis pro remedio expetat, quod etiam a præposito nisi pro summo crimine non possit inferri ? Intelligamus ergo istas indignitates & contradictiones maxime causa superbiæ atque proteruitæ inimico cooperante & disponente prouenire . Ille etenim qui non potest aliquem absolute de loco salutis excutere, immittit primum occasiones & causas, immittit inobedienciæ passionem, quam semper sociam infidelitas comitatur : cumque captiuam illaqueauerit mentem, statim intoleranda atque impossibilia facit etiam illa quæ parua sunt . Et  
 sane

Iac. 4, 7.

sanè dubium non est, quod vites inobedientibus diuinitus subtrahuntur. Et sicut ille qui non habet necessariam fidei deuotionem, etiam quod habebat aufertur ab eo; ita & inobedientia obdurat animum quem semel ceperit; vt ad suscipienda præcepta nec auctoritate nec ratione flectatur: sed quod pessimum est, sibi soli credat, & pro omni ratione intentiones suas sequatur & illicitas voluntates; & hoc solum rectum putet, quod obdurato corde conceperit. Similis est ei effectus, de quo diuinus sermo pronunciat: *Itinera insipientium recta in conspectu eorum.* Prou 12, 15.  
 Et iterum: *Sunt viae, quæ videntur rectæ esse hominibus: nouissima autem earum veniunt in profundum inferni.* Prou 14, 12.  
 Postremo conueniet eiusmodi animabus, quod domui quæ supra arenam ædificata est: hæc enim parabola maxime inobedientes respicit. Sic enim legimus: *Omnis qui audit verba mea hæc, & non facit ea, similabitur viro stulto, qui edificauit domum suam super arenam, &c.* id est, cum influxerint stillicidia passionum; cum aduenerint flumina & torrentes atque imperus tribulationum ex multitudine negligentiarum; cum flauerint venti, illi utique qui per istum ætherem volitant, parati ad Christi aream ventilandam, sicuti inueniant paleas, quas ad ludibrium suum rapiant atque dispergant: tunc irruent in domum illam, quæ sine obedientiæ fundamento ædificata est, & fiet ruina illius magna. Sed forsitan dicit aliquis: Numquid statim de hoc loco discedere ruina dicenda est? Dico, carissimi. non grandis spes est, si navis in fluctibus constituta est, licet ipsa non pereat, tamen iacturam maximam de onere ac de mercibus suis faciat, & ipsa ad portum vacua perueniat. Sic non grande gaudium est, si aliquis ad sæculi fluctus reuertens, nomen atque habitum promissionis suæ custodire videatur; anima vero eius negligentij tabescat ac disfluat. Et quid grauius quam vt subito tanquam auis repentinus eradicetis de loco ad quem

te dominus tuus vocauerat, in quo te primum illuminauerat, in quem te primum post multa mala sæculi quasi importum de tempestate adduxerat: obliuisci subito fraternæ societatis & consolationis, obliuisci loci illius in quo primum dulcissimum habitum mutasti, & nomen sæculare exuisti. Aues ipsæ diligunt nidos suos; amant feræ loca in quibus nutritæ sunt; amant cubilia & pascua sua: & quâlibet naturali libertate passiuus per diuersa rapiantur excursibus; sæpius tamen ad cara sibi loca quodam desiderio reuertuntur: & tu intellectu præditus, ratione munitus, ita interdum sensu alienus efficeris; vt præferas Dei beneficijs voluntates vel intentiones tuas, & diaboli insinuationes sequaris, quæ quamlibet ad duros labores, quamlibet ad salutis naufragia, atque ad animæ detrimenta te rapiant; totum hoc præ nimia cordis indignitate non sentis. Tempore etenim discessionis multa promittit inimicus; persuadet tibi illuc quo tendis maiorem profectum, multam gratiam atque omnium rerum abundantiam reperturum, ac te tanquam angelum suscipiendum: & post hæc quando anxietate repletus & pace nudatus, profectus tui stadium, ac sacrum ouile reliqueris; tunc animaduertis, & quasi sedata temporis tui tempestate, tunc vides quid male de te egeris; tunc recognoscis quod periculum incurreis; cum de loco ad quem cum gaudio veneras, sine pace cum scandalo discessisti. Tunc sera poenitentia super ruinas tuas poenites ac desles: sicut quædam aues, quæ pro dolore, super eos quos occiderint, flere dicuntur. Et hæc omnia animæ detrimenta ex inobedientiæ malo eueniunt. Obedientes autem & humiles animæ multas tribulationes atque omnes labores prosterunt atque in compendium mittunt. Sciendum est enim quod quanto humiliores & obedientiores fuerimus, tantò super nos leuius ac dulcius iugum domini sentiemus: & quantum obedientiores fuerimus præ-

præpositis & patribus nostris, iam tantum obediet Deus orationibus nostris. Videamus quam acceptabilia sint domino vel opera vel ieiunia eorum, qui suis potius quam seniorum voluntatibus obsequuntur. Clamant illi: *Quare ieiunauimus & nescisti, humiliauimus animas nostras, & non aspexisti?* Et ille respondet: *Ideo, quia in diebus ieiuniorum vestrorum inueniuntur voluntates vestre.* Videmus ergo per inobedientiam animarum opera non respici, ieiunia non audiri, vota non suscipi. Vnde nos, fratres, amplius illius mandata sectemur, qui ad hoc ad nos e coelo descendit, ut non solum nos redimeret mortis pretio; sed etiam ut vitæ ædificaret exemplo; ut cum illo dicamus: *Non veni facere voluntatem meam, sed voluntatem illius qui me misit patris.* Ire autem post voluntates proprias tam perniciosum est, ut hoc Deus iam postmodum iratus pro damnatione peccati inobedientibus irroget dicens: *Et dimisi illos secundum desideria cordis eorum.* Quamobrem qui vult tuta esse opera sua vel recta in conspectu domini, nihil obdientiae præferat, nihil penitus anteponat, siue ille iunior, siue senior sit. Quanto senior est: tanto plus debet studere ædificationi & perfectioni: nullum sibi finem faciat proficiendi, nullumque terminum constituat acquirendi; cum sibi dici audiat: *Para in exitu opera tua.* Et iterum: *Non verearis usque ad mortem iustificari.* Et iterum: *Sapientia in exitu canitur.* Quanto ergo plus proficiamus, tanto plus humiliemur; quia quanto plus humiliati fuerimus, tanto amplius proficiemus. Nullus illic senior tam doctus appareat, ut putet quod eum non deceat obedientia, quæ Deum decuit. Humilitas enim atque obedientia in iunioribus ad huc necessitas est, in senioribus autem dignitas est. Ille bene proficit, qui bene consummat, qui quotidie sic agit quasi semper incipiat. Quamobrem augmenta meritorum, incitamenta esse profectuum scriptura pronūciat. De his vero qui

Isa. 58, 31

ibid.

Ioan. 6, 38.

Psal. 80, 13.

Prov. 24, 27.

Eccl. 18, 23.

Ecc. 3, 29.

Apos. 22, 11.

dum primas negligentias prætermittunt, in alias atque alias semper incurrunt, ita ait: *Peccator adijcit ad peccandum.* De profectu vero dicit: *Et sanctus sanctificabitur adhuc.* Videamus quid est, *peccator adijcit ad peccandum.* Verbi gratia, si cuiuslibet vitij aut obrectationis passio impugnare me coeperit, si non statim me poenitudo vitij huius mordet, cras tanta mihi huius vitij facilitas veniet, & quædam, ut sic dixerim, suauitas, ut reuocare me ab illo & continere non possim. Ita enim euenit, ut qui primo tempore emendare noluit, incipiat in sequenti nec velle, nec posse. Verbi gratia: superbix adquiescere coepi, regulam violavi, senioreni læsi, iuniorem destruxi: si non statim me poenituit grauer fuisse præuentum: iam de die in diem libentissime me rapiet ipsa violentia consuetudinis & impetus passionis, ut iam nec delinquere me intelligam, nec peccare me sentiam. Obscurat enim me atque obruit intellectum delicti assiduitas delinquendi. Etenim ita cor negligentis obduratur, ut hoc ipso si non se humiliet, si non satisfaciatur præposito suo, nocere se non credat; insuper insultet & dicat: *Quam constanter illi restiti: quam bene non adqueui: quanta auctoritate respondi: putabat quod me semper illi humiliter deberem: quod qui facit, diabolo se tradidisse captivum constat, qui de hominum vitijs & passionibus & perditione latatur.* Et eiusmodi animæ eueniet illa sententia, quod *peccator adijcit ad peccandum*: quam nos refugientes, illam potius teneamus, quæ dicit: *Et sanctus adhuc sanctificatur:* & quotidie augeamus merita, nec de nobis aliquid præsumamus, quia Dei est omne quod possumus. Simus itaque in opere Dei indeficientes propter æternam retributionem, & quotidie ad meliora tendamus. Ipsa enim adprehendendi auiditas, ipsa consuetudo perficiendi semper nos ad maiora prouocet: & ubi viderit Deus deuotionem animi nostri, ardentior em insinuet affectum

Ecc. 3, 29.

Apos. 22, 11.

etiam : & quanto nos addiderimus ad studium, tanto adponet adiutorium : quanto nos adposuerimus ad intelligentiam, tanto ille addet ad gloriam. *Qui habet dabitur illi & abundabit.* Et alio loco dicit : *Posui adiutorium super potentem.* Gratia ergo de gratia nascitur, & profectus de profectibus. Seruiunt lucra lucris, & merita meritis locum faciunt : ut quanto quis plus acquirere coeperit, tanto plus conetur inquirere : & quanto avidius de sapientiae bonis hauserit, tanto plus haurire desideret, sicut ipsa de se loquitur sapientia : *Qui edet me adhuc esuriat.* *Mat. 13, 12. Psal. 88, 2.*

Urgeamus fratres cursum nostrum, ut crescat in nobis vita nostra. Quæramus usque in finem, unde sine fine gaudere mereamur. Sed istos non possumus iam exercere corporis labores, conferamus nos ad spiritualium bonorum desiderium, ad compunctionis & caritatis augmentum. Si quotidie in cordibus nostris disponamus ascensus, nulla infirmitate, nulla ætate lassari possunt mentes : ut spiritualibus quibusdam gradibus ascendere mereamur ad promissa Dei nostri Iesu Christi, cui est honor, virtus, & gloria, potentia & claritas, & magnificentia, & imperium, & nunc & semper, & in cuncta sæcula sæculorum Amen.

## S E R M O T E R T I V S.

**Q**uod supplente, & quodammodo cum caritate iubente Deo & vestra fraternitate, qualemcumque sermonem profero, facio hoc non ex aliqua præsumptione, sed ex vera & integra caritate. Et licet iam perfecti Deo propitio sitis, ut admonitione nostra minime egeatis, tamen imperante caritate, quæ nescit timere, etiam quod optime implere nouimus, suggerere & admonere cum vera humilitate & perfecta caritate præsumimus, non

non tamen sine verecundia: cum nos necdum idoneos nouerimus esse discipulos, & ad opus sanctum videamur excitare magistros: cum simus tepidi, cogimur admonere feruentes: cum simus peccatores, arguimus iustos: cum simus imperiti, instruimus doctos: cum simus in pelago huius mundi nimijs fluctibus agitati, ad eos, qui ad portum iam feliciter peruenerunt, prædicationis verba proferimus. Sed tamen, fratres dilectissimi, quia solent naues superatis & deuictis fluctibus pelagi etiam in portu tutissimo laborare, & nisi grandis cautela fuerit, pene submergi: cum summa humilitate & ingenti reuerentia admonemus: vt quia vos Christus capitalibus criminibus tamquam de periculosis liberauit fluctibus; in portu quietis & beatitudinis constituti, paruas negligentias, & quasi minuta peccata, quæ sic in anima confluent, quomodo per minutissimas navis rimulas in sentina guttæ concurrunt; cum omni vigilantia Christo adiuuante exhaurire iugiter festinetis. Nam quomodo navis posteaquam pelagi fluctus euaserit, si in portu sentinata non fuerit, de minutissimis guttis impletur & mergitur: sic & monachus deuictis & superatis mundi huius omnibus quasi periculosis fluctibus, cum ad ipsorum monasterij venerit, si subrepentia, & minuta & quotidiana peccata de animæ suæ sentina exhaurire neglexerit, in ipso portu naufragij discrimen incurrit. Sed dicit aliquis: Quomodo potest anima sentinari? Vtique orando, ieiunando, vigilando, veram caritatem, & veram humilitatem, & veram obedientiam exhibendo. Attendite fratres quæso. Quomodo navis sentinatur a situla; sic anima ab operibus malis liberatur dominica oratione, si dicat, & verum dicat: *Dimitte nobis debita nostra, sicut & nos dimittimus debitoribus nostris.* Qui enim omnibus in se peccantibus clementer indulserit, nullius peccati vestigium in illius anima remanebit, Attendite fratres, & con-

siede.

Mat. 6, 12.

fiderate quod dixi : qui in se peccanti indulserit, Non  
 dixi, quod qui in Deum peccauerit, ipsi debeas indulgere;  
 sed qui in te peccauerit, ipsi debeas veniam dare. Quod  
 peius est, aliquotiens qui in nobis peccauerit, aut tarde  
 aut difficile veniam damus; qui in Deo peccauerit cele-  
 riter indulgemus. Sed si volumus iuste agere; illi qui in  
 Deum peccauerit sine seuerissima districtione non debemus  
 penitus indulgere: ne dum illi per indiscretam pietatem  
 remittitur, exemplum perditionis alijs præbeatur. In  
 suo ergo se vnusquisque ostendat esse clementem: quia  
 dominus ait: *Si dimiseritis hominibus peccata eorum, dimittet* Ibid. u. 14.  
*vobis pater vester celestis peccata vestra.* Quando vero in  
 Deum aliquis peccatum præsumit admittere, districtio-  
 nem debet monasterialem sustinere. Et hoc bono & pio  
 animo debet fieri: vt spiritali castigatione ita corrigatur  
 in hoc sæculo, vt non pereat in futuro: quia omne pec-  
 catum quod in hoc mundo non corrigitur, in futuro sæ-  
 culo punietur. sic enim de filio diuina scriptura comme-  
 morat: *Tu, inquit, virga eum cadis; & animam illius de in-* Psalm. 23. 14.  
*ferno liberabis.* Et ideo, sicut supra suggessi, non solum ca-  
 pitalia omnia caueamus; sed etiam paruas negligentias  
 quotidie quasi venena diaboli respuamus; Sunt enim  
 nonnulli, qui post religionis professionem, quia viden-  
 tur exisse de sæculo, nimia securitate soluuntur, & im-  
 pletur in illis illa sententia Domini, qua dicitur: *Vtinam* Apoc. 3. 15.  
*calidus esses aut frigidus! Nunc autem quia tepidus es, incipiam te*  
*euomere ex ore meo.* Quid est quod dixit: *Vtinam calidus es-* Apoc. 3.  
*ses aut frigidus?* Hoc vult dicere: melius tibi fuerat, vt in  
 sæculo remanisses frigidus, aut in monasterio fuisses fer-  
 uidus: nunc autem quia & de sæculo recessisti, & tamen  
 spiritalem feruorem per negligentiam tuam apprehende-  
 re noluisti, tepidus effectus es; ex ore domini vix iterum  
 recipiendus euomeris. Ideoque, fratres carissimi, cum  
 Dei adiutorio sententiam diuinæ scripturæ diligenter at-  
 ten-



- Prom. 4. 23.* tendite, qua dicitur: *Omni custodia serua cor tuum*. Sicut enim gaudendum est de monacho, qui ad monasterium mansuetudinem, obedientiam, patientiam voluerit mitis & humilis exhibere: ita e contrario lugendum est de illo, qui corpore tantum de sæculo exisse videtur, corde tamen in mundo aut remansisse infideliter, aut rediisse infelicitè cognoscitur: & pro humilitate profert superbiam, pro patientia iracundiam, pro obedientia contemptum, pro caritatis medicamento malitiæ effundit venenum. Talibus conuenit illa beati Petri vera & multum
- 2. Pet. 2. 21.* timenda sententia: *Melius, inquit, illis fuerat non cognoscere viam iustitiæ, quam post cognitionem retrorsum conuerti*. Et iterum: *Canis reuersus ad vomitum suum, & sus in volutabro luti*. Sed nec de talibus desperandum est, fratres: quia potens est Deus orantibus vobis scintillam compunctionis accendere, & omnem sæculi voluptatem, velut spinas & tribulos nequitie salubri igne consumere: illo vtique igne de quo dominus ait: *Ignem vni mittere in terram, & quid volo nisi vt ardeat?* Orate ergo, fratres dilectissimi, non solum vt vobis Deus perseuerantiam bonam dignetur tribuere; sed & vt illi qui negligentes sunt, tandem debeant de fouea superbiæ se subleuare & de laqueis eruere. Si enim vobis orantibus, & cum caritate consilium dantibus, quicumque sunt tepidi & negligentes fuerint emendati: duplicatum vobis præmium dominus & de vestra & de illorum correptione recompenlare dignabitur. Nam nec illi qui boni sunt, se debent quasi de suis meritis extollere: nec illi qui negligentes sunt, de misericordia Dei desperare. Sed & illi cum humilitate Dei dona custodiant, & illi cum grandi compunctione celerius ad poenitentiae vel correctionis medicamenta confugiant. Quia qui bonus est, si superbiere coepit, humiliabitur: & qui superbus est, si se humiliat, per Dei misericordiam subleuabitur. Tantum est, vt se non permittat amplius durissimo iugo
- pre:

premi , nec nimis quam periculosa diffimulatione in peccatis perseverando diutius obdurari ; sed tam cito confugiat ad pietatem Dei , vt in se peccati vestigium non relinquat . Optime calidis adhuc vulneribus malagma vel fibula apponitur : quia si velox fuerit ad cælestem medicum intentio resurgendi , vestigium peccati non poterit remanere cum lapso : quia sub manu omnipotentis medici Dei & cito perit morbus , & velociter sanatur ægrotus . Iterum atque iterum rogo & admoneo , fratres , vt obedientiam & humilitatem & caritatem non solum senioribus & cœqualibus ; sed etiam iunioribus exhibere iugiter studeatis : quia quælibet bona seruus Dei habere contenderit , omnia peracriter perdit , si in illo humilitas & caritas non fuerit . Nolite murmurare , fratres : scriptum est enim quod *murmurantes a serpentibus perierunt* . Nolite detrahere , fratres : quia scriptum est : *Qui detrahit fratri eradicabitur* . Nolite iracundiam in corde seruare : quia scriptum est : *Ira viri iustitiam Dei non operatur* . Nolite vos inuicem odio habere , propter illud quod scriptum est : *Qui odit fratrem suum homicida est* . Sed non est opus vt diutius sanctam caritatem vestram verbo doceamus ; quia vos ad Christi gloriam operibus implere & cognoscimus & gaudemus . Hoc solum specialiter petimus : vt quia vos Deus in locum quietis & tranquillitatis collocare dignatus est , pro nobis quos sæculi istius tempestates & innumerabiles fluctus affligunt , abundantius domino supplicetis : vt si nobis , quia non meremur , gloria non dabitur ; saltem vobis orantibus peccatorum tribuatur venia . Amen .



## S E R M O Q V A R T V S.

Lect. 4. 3.

**S**i quando terræ operarius & ruris cultor agrum suum seminibus præparat, non sibi sufficit rudem campum forti vomere proscidisse, assidue aratro duras edomuisse glebas, ac fulcis frequentibus confecisse: sed insuper studet agrum illum insecundis graminibus emundare, noxijs euacuare ruderibus spinarum, ac stirpium fomites excisa radice conuellere, sciens terram suam sine purgatione mali germinis boni seracem esse non posse: ad se dictum putans illud quod ad spiritalem agricolam pertinet: *Nate vobis noualis, & nolite seminare super spinas.* Ita & nos qui Dei agricultura sumus effecti, qui spe fructum nostrum non terræ credimus, sed cælo repositum, non nobis sufficere putemus, terram corporis nostri vigiliarum exercitijs edomare, vel ieiuniorum labore conficere: sed in primis mentem vitiorum stirpem mundare conemur, studeamus circumcidere morum passiones, eradicare superbiam, plantare humilitatem, effodere iram, fundare patientiam, amputare inuidiam, inferere beneuolentiam: & huiusmodi virtutibus agrum cordis nostri, quasi quibusdam bonæ frugis secundare seminibus. Cæterum si caro conteritur, & anima fructificat, simile est ac si arri campus non desinat, & nusquam tamen messis appareat. Quamobrem si interius non emendamur, & exterius affligimur, quantum video inimicitias contra utrumque suscipimus: tantum laboris indicimus propter animam, & nihil studij impendimus circa ipsam. In terdiximus nobis diuersas sæculi voluptates, varios deliciarum sapes, in quibus erat aliquid iucunditatis atque dulcedinis: & nunc abstinere non possumus a superbia, ab ira, ab inuidia, venenatis passionibus; in quibus nihil est, nisi quicquid amaritudinis atque rancoris est. Propter timorem  
Dei

Dei ad relinquendos dulces affectus & cara pignora fortes fuimus; iucundissimos pijsissimorum vultus parentum quasi odifsemus, ita effugimus; bellum quodammodo pietati intulimus: & nunc ad declinandas negligentias, ad expugnanda leuissima vitia infirmi ac desides sumus. In abdicanda sæculi iucunditate tam magna præmisimus, & nunc maledicere, obrectare, moueri contra vilia, insuper & in homines irasci & scandalizari patimur. Hæc vincere impossibile, & supra humanā putamus esse naturam. Sed quod nunc in minoribus cedimus, per bona initia nostra nos accusamus. Docemus enim quod quidquid non agimus, non impossibilitatis fit, sed teporis. Ideoque fratres respiciamus ad fidem illam feruoremque quo coepimus, & ad ornandum conuersationis nostræ vsum de primordijs nostris sumamus exemplum. Si periculosum est non quotidie aliquid addidisse; quanto periculosius est ab initijs recessisse? Opus est ergo vt corporalem laborem spiritalis fructus, id est, morum emendatio subsequatur. Vitia quæ vtrumque hominem impetunt, vniuscuiusque labore vincenda sunt atque expugnanda. Parum prodest carnis contritio, nisi adhibeatur cordis intentio, & mentis sollicitudo. Quod si solam laboret corpus, & spiritus non repugnet; quid prodest passiones impugnari a famulo, quæ pacem inueniuntur habere cum domino? Nam leuius est si interdum caro sola impugnationibus quibusque vexetur, verbi gratia, si concupiscentia, gula aut luxuria inquietetur. Fieri enim potest vt ad animæ non perueniat detrimenta vel periculum, si mens respuat voluptatem. Quod si concupiscentia peccati arcem mentis obtineat, quid mihi prodest si nondum maculatus videatur exterior, meliore sui parte vitata? Si enim interior victus est, iam vterque captiuus est. Quid prodest si extra ciuitatem geramus bellum, & intus patiamur excidium? Ideoque si me de vigilijs reuertentem inobe-

dientiae passio, si spiritus inuidiae, si consuetudo obtre-  
ctationis excipiat; si ad transgressionem regulae furtiva  
praesumptio sollicitet; si zizania tritico miscui, & quod  
videbar congregasse dispersi, spem messis anibus ferisque  
donauis ac sic vno momento laborem totius noctis effudi  
& quod peius est, nec effudisse me sensi. Haec est enim spi-  
ritualium laborum ratio, ut cum ea summo labore cum  
Dei gratia constet acquiri, ita tam facile pereat, ut vix pos-  
sit intelligi. Et inde est quod nos interdum sanctos puta-  
mus, quia lucra de laboribus aestimamus, & detrimen-  
ta subsequenda deprehendere nequeamus. O quam  
frequenter iudicationis, vanitatis ac iactantiae malum,  
dum non sentimus, incurrimus! Quam frequenter spiritu  
fornicationis adurimur, vel inhonestas atque obscenas  
cogitationes in ipso corde condimus, & perceptionem  
vulneris nullus sequitur sensus doloris, nulla contritio co-  
punctionis! Sed quid ego de his occultis loquar, quae ser-  
pentina quodam lapsu ad ipsam animam penetrantes  
venenato nescientes & ignaros dente percutiunt? Aper-  
tis interdum a nobismetipsis scandalorum bellis collidi-  
mur, obtrectationibus ac maleloquijs linguae velut pro-  
prio mucrone confodimur; conuitijs etiam interdum  
in praepositos illatis violamur, & in eorum iniurijs quo-  
dammodo Christum dominum colaphizamus, qui dixit:  
*Qui vos spernit, me spernit*. Et nullus conscientiae scrupu-  
lus, nulla compunctionis medicina subsequitur. Sed  
quid in nobis poenitentiae gemitus quero? Vtinam in-  
terdum post speratam veniam non poeniteatur: vtinam  
non poeniteret humiliari, quos non poenitet peccare.  
Respondeat mihi illa anima quae peccatum suum confusio-  
ne mortifera celans in conspectu fratrum sic agnoscere  
erubuit, quomodo vitare debuisset; quid faciet cum ante  
tribunal diuinum, & ante caelestis militiae fuerit prae-  
sentata confessum? cum hinc atque inde quasi vehemens-  
simis

Luc. 10. 35.

finis testibus perurgetur coeperit, veteribus circumsepta  
 malis, quæ per humilitatis & compunctionis remedium,  
 curari noluit dum liceret: quæ præpositis subtrahendo  
 atque celando æterno examini, atque æterno iudici  
 integra reseruauit facinora? Ideoque qui culpas & negli-  
 gentias, etiam quæ paruæ sunt, curare voluerit, nouerit  
 se per supplicium æternum in breui transisse compendio.  
 Itaque si cupimus, vt nos nequaquam fallat atque deci-  
 piat sollicitissima carnis vanitas, secreta inhonestæ co-  
 gitationis obscœnitas, tacita mentis voluptas, incauti cor-  
 dis impietas: prius ea quæ manifesta sunt, id est, gulæ ap-  
 petitus, iræ motus, superbix impetus, contradictiones tu-  
 midas, obrectationes improbas ex moribus nostris exci-  
 dere festinemus. Quomodo enim præuidere poterimus  
 in secreto hostem, si cauere non valeamus aperta congres-  
 sione pugnantes? Ideoque, carissimi, militia nostra hoc à  
 nobis exigit, vt non contra alios, sed contra nosmetipsos  
 quotidie dimicemus, & vniuersos hostes nostros in no-  
 bis ipsis iugiter persequentes, palmam spiritualis triumph  
 a domino consequamur. Et quidem quamdiu ad mundum  
 pertinebamus, negotijs militantes, in quibus nunc eru-  
 bescimus: tunc nobis aduersarius non obstabat, immo  
 etiam consentiebat: quia circa miserabilem & perditam  
 vitam nostram non inueniebat in quo suam extenderet in-  
 uidiam. Delectabant enim eum nostra opera, sufficie-  
 bant ei per se nostra crimina. Quis enim suscipiat bellum  
 cum milite suo? Quis vellet impugnare subiectum suum?  
 Supra omnem infelicitatem erat vita illius, cui nocere  
 non dignabatur inimicus. At verò nunc postquam vo-  
 luntati illius renunciauimus, videt cultores suos ad au-  
 ctoris pristini rediisse famulatum: videt quodammodo  
 in nobis idola sua in Dei templa mutari: fremens & tan-  
 quam leo rugiens omnes nocendi aditus peruigil insidia-  
 tor explorans dirigit contra nos vitiorum acies, exhibens  
 secum septem spiritus nequiores se, si fortè domum

DO-

Prov. 9, 12.

nostram spiritualibus studiis vacuam inueniat ac vacan-  
tem; ut cum turbis suis eam valeat occupare, ac sibi in  
eam præmissis vitij quasi quibusdam metatoribus præ-  
paret mansionem. Arque ideo dilectissimi, mille contra  
nos nocendi versat ingenia; iuniores quosque & inci-  
pientes vel indecoris gulæ blandimentis attentat, vel  
aculeis nondum edomitæ carnis inquietat, si possit eo-  
rum sensus vel inhonesta cogitatione pollueret, & ignobi-  
lem triumphum de castitatis vulnere reportare. Meliores  
vero quosque ac seniores per elationis ac iactantiæ malum  
profectu ipso ac meritis proprijs expugnare conatandum  
tempora, dum merita ingerit, per immundissimam, vanita-  
tem humilitatem cordis excidat: & quod periculosum  
est, in conspectu Dei sibi homines placere persuadet. Iam  
vero illud commune & familiare malum est, quod armat  
contra nos linguæ nostræ gladios: quod irarum flammæ  
stimulis, atque ita diuersis passionibus inebriat mentem, ut  
quando aut irascimur, aut obrectamus, aut maledici-  
mus, alijs nos nocere credamus. Sed non est ita carissi-  
mi, nam vniuscuiusque vitij malum in suum redundat  
auctorem: suam linguam maliloquus maculat; suum  
cor obrectator exulcerat; suæ mentis lumen iracundia  
obcecat; suam animam inuidus veneno lioris aspergit;  
in quo illud Salomonis impletur: *Fili si malus fueris, filius  
hauries malum*. Inde ergo euenit, carissimi, sicut dixi, quod  
nos interdum deteriores esse sentimus, quam in hoc se-  
culo fuimus; quia adhuc in colluctationis incerto sumus;  
quia hosti quem ipsa conuersatione prouocauimus, in me-  
dio certaminis manus damus, nec in feruore quo coepi-  
mus perseueramus. Sed & debellante tepore succum-  
bimus; ideoque magnis viribus defendendum est ma-  
gnæ nomen professionis. Multum est quod ad ere-  
mum veniendo promissus Deo, quamlibet multa sint  
quæ speramus a Deo. Ideoque discutiamus omnem  
inertitiam, omnem lassitudinem mentis, & pretiosam  
mili-

militiam pretioso agamus affectu: nec expectemus ad obsequia Dei nostri mercenariorum ac seruorum more, compelli, neque contenti simus ut alius a nobis exigat quicquid ad salutem & gloriam nostram pertinere cognoscimus. Ante omnia caueamus, ut quod agere necesse est non agamus inuiti, nec ante opus contradicamus: nec in opere murmuremus; nec nobis de consummato opere placeamus male blandiente iactantia. Ante omnia fratres, sollicito corde negligentias nostras quotidie discutiamus, easque nobis discussa reporis nebula ante oculos constituamus, dicentes illud: *Peccatum meum ego cognosco, & delictum meum contra me est semper.* Scelus est quod interdum leuia nobis faciat esse peccata ipsa consuetudo peccandi, cum certum sit nos sicut de minimis bonis augeri, ita de minimis negligentijs debere compungi. Non est enim minimum vitia in vita hominum negligere minima. Nescio enim de quibus debeant esse securi, etiam de peccatis ignorantiae iudicandi, ac rationem de otiosis sermonibus ac de cogitationibus reddituri. Nescio quae delicta debeant negligere, de quibus ipse dominus in quadam definitione declarat dicens: *Amen dico vobis si quis dixerit fratri suo situe, reus erit gehennae ignis.* Quis porro hic sperare ullam indulgentiam posset, nisi quam procliuvis est homo ad delinquendum, tam misericordia Dei nostri diues esset ad remittendum. Respiciamus ergo fratres vocationem nostram, & ambulemus in omni humilitate, in omni patientia, in omni mansuetudine. Ponamus ori nostro custodiam: timor futuri iudicii mitiget iracundiam: cogitatio ultimi diei frangat superbiam. Cogitemus qui luctus erit negligentiae animae ex hoc corpore discedenti; quae angustiae erunt? quae caligo, quae tenebrae erunt, cum ei ex illo aduersariorum numero prima occurrere coeperit conscientia diuersis circumiecta criminibus? Ipsa enim remotis omnibus probationibus inge-  
renda

Psal. 50. 3.

Mat. 5. 22.



renda erit oculis nostris, vt nos & convincat probatio, & confundat agnitio. Non tibi licebit vel celare aliquid vel negare, vbi non de longe aliunde, sed deintus processurus est & accusator & testis. Quamobrem futuram illam confusionem ex præsentī quæ inter homines euenire solet confusione coniiciamus, si alicui inter nos obijcerentur delicta & occulta sua, quemadmodum & cordi intrinsecus nota sunt; vere dico, communes omnium vultus ferre non posset. Et quid faciet infelix anima quando cum opprobrijs & scditatibus suis angelorum fuerit conspectibus præsentata? At vero illa anima quæ benè curam suam direxerit, quæ Christo in senioribus suis obtemperauerit, quæ professionem suam per omnia conseruauerit, non timebit vltimæ illius horæ necessitatem; sed accedens de huius corporis habitaculo, ita sibi videbitur quasi post longas carceris tenebras producat ad lucem, & quasi de caliginoso, obscurissimo, & horridissimo specu in aulam regiam introducat; quasi de lacu miserie & de luto fæcis abstracta pretiosis ac splendidis vestibus induatur, atque inter florum & aromatum suauitatem mirificis reficienda odoribus collocetur. Recordemur quam iucunda sit quies, quàm delectabilis repausatio post depositam alicuius grauissimi oneris fascem: quam dulcis sit post longè captiuitatis catenas ad caram patriam recuperata libertate remeasse: quam pretiosum sit post multa nauigationis pericula ad optatam terram, & ad portum desiderabilem peruenisse; atque ex his colligamus & cognoscamus quàm iucundum erit comite bona conscientia ad vera & solida gaudia atque angelorum confortia; & ad illam vitam conscendere, vbi nulli erunt labores, nulli dolores, nulla damna, nulla incommoda; & quod supra omne bonum est, nulla peccata; sed æterna innocentia, inuiolata iustitia, inconcussa securitas, & sempiterna felicitas.

S A N-



# SANCTI EVCHERII

## EXHORTATIO

AD MONACHOS.



**Q**UID vobis exhibeamus, fratres carissimi,  
 quod & nobis dicere, & vobis audire  
 dignum sit? Quid vobis loqui audemus,  
 quos etiam tacita admiratione suspici-  
 mus? Quid nos ædificabimus vos ver-  
 bo, cum vos nos ædificetis exemplo?  
 Docebimus vos quid agatis, qui iam  
 miramur quod agitis? Quid ergo dicturi sumus? Ut dese-  
 seratis mundum, quem iam deseruistis? Ut contemnatis  
 diuitias, quas iam multi contempnastis? Ut fugiatis cupi-  
 ditates, quas iam fugistis? Ut eligatis salubriora, quæ  
 iam elegistis? Aperiam igitur in exultatione comuni  
 os meum, adimplente illo qui dixit: *Aperi os tuum, & adim-* *psal. 80, 17.*  
*plebo illud.* Loquar ergo apud vos, dilectissimi, non ex-  
 pauescens; ne sit vnus verecundia, vbi lætitia multorum  
 est. Diuinum opus est vnde gaudemus. Diu discas quod  
 bene doceas. Vtinam secundum meritum vestrum digne  
 vobis prædicare os nostrum possit. Quod rectè alij præ-  
 dicant, vos impletis; quod alij loquuntur, vos facitis:  
 quia angelorum vitam homines adhuc in terra positi ex-  
 hibetis. Nam illam conuersationem cælestem, quamuis  
 pauci illic videbunt, vos facitis iam hic videre. *Vos estis,* *Mat. 5.*  
*sicut Saluator ait, lux huius mundi:* Vos lucerna illa super  
 candelabrum posita. Si quis ab hac lucerna remotus est,

M

in-

inuoluatur necesse est mundi tenebris. Quisquis autem se huic lumini appropinquauerit, ille utique habebit oculos videndi, qui & habuit aures audiendi. Hæc ergo lucerna ut clarissimum lumen habeat, implenda est semper oleo misericordiæ, pietatis, mansuetudinis, humilitatis, obedientiæ, caritatis.

2esl. 3, 22.

Humilitas verò maxime excolenda est, quæ nos iustis æquat, angelis iungit, Deo appropinquare facit. Hæc est, quæ non ruina, non præcipitium, non lapsum timer: quia humilitas unde cadat non habet. Vis ergo non cadere? non extollaris. Vis non reslere? non inferis. Nam & ex hoc bene quidam ait: Quicquid tumet, sanum non est. Superbia enim, quæ est humilitati contraria, quid aliud quam tumor est? Sed sicut corpus cum tumore, ita anima cum superbia sanitatem non habet. *Humilia ergo te ipsum, & altiora te ne quaſeris.* Attamen si quis vult superbus esse, habet in se ubi exerceat superbiam suam. Superbiat mundo, despiciat conuersationem sæculi, pro nihilo habeat concupiscentias eius, aduersum vitia insurgat, aduersum ipsam superbiam sit superbus, & sub pedibus suis habeat potentiam, diuitias, cupiditates, & cætera quæ mundo dominantur. Quæcunque hic putantur magna atque magnifica, tanquam purgamenta & stercorea superbiæ laudabili rigore contemnat: satisfaciet superbiæ suæ, cum se animo & supra ipsos etiam reges viderit. Hic tamen si tam sancte superbus esse voluerit, contemptor quidem erit mundo; sed humilis erit Christo. Erit quidem ibi elatus, sed hic subditus: propterea enim se in illis erigit, ut se facilius ad hæc deponat.

Hanc ergo humilitatem si intente custodierimus, etiam vera illa obedientia sine labore seruabitur. In qua obedientia, dilectissimi, utique compunctio manifestatur. Compunctus enim corde est, qui se minimum iudicat.

Quan-

Quando audeat voluntates suas exequi? Quando audeat resistere auctori eius qui præceperit? Vnde & apostolus *Obedite, inquit, prepositis vestris, & reliqua.* Sed numquid *Heb. 13. 17.* is qui præcipit solus in laude est? Nec ille qui obtemperat, dilectissimi, sine laude erit. Ille meretur regendo gloriam, hic obsequendo. Ad magnum ergo decus & mercedem ab utroque tenditur, dum alius bene consulit, & alius bene consultis obtemperat. Hanc obedientiam, maximè saluator noster inculcauit nobis, qui non solum dum nos redemit, sed etiam dum obedientiam docet, saluare nos voluit: æqualis enim patri obediuit patri. Et quomodo obediuit? Numquid in re facili obediuit? *Philip. 2. 8.* *Vsq. ad mortem.* Et qualem mortem? *mortem autem crucis.* Nec solum obtemperauit, sed etiam voluntatem patris voluntatem suam fecit. Facere enim quæ iubemur etiam inuiti possumus: illa vera obedientia est, cum ea quæ vult ille qui præcipit, ea incipit velle qui paret. Scriptura sacra ait: *Bonum est homini cum portauerit iugum a iuuentute sua: sedabit singulariter & tacebit.* Ponamus ergo adiuuante nos Christo ori nostro ostium & seras, & verbis nostris stateram. Apostolus namque ait: *Qui bene ministraverit, gradum bonum sibi acquirit.* *1. Tim. 3. 13.*

Ethæc quidem, dilectissimi, non ad instruendos vos loquor; sed ut humilitatis & obedientiæ bona quæ exercetis, in verbis meis recognoscatis: quæ bona, quæ ad æternum Dei regnum vos trahunt, cupimus ut indefinenter possideatis. Neque enim qui coeperit, sed qui *perseverauerit, hic saluus erit.* Ei autem qui vult saluus esse, hic certandum est. Si quis in pugna, quando acies ordinantur, & contra aduersarios statur, loco suo recesserit, deinceps ignauus ac refuga habetur. In hoc quoque loco milites Christi aduersum diabolum videntur quasi in acie ordinati stare: deferere certamen & discedere hinc, non solum ingloriosum, verum etiam periculosum est. *Mar. 16. 13.*

nendum est in hoc eodem loco: vt tenentibus nobis quod tenemus, non alij coronas nostras accipiant. Manendum & permanendum est: vt hic gloriöissime pugnantes, quietissime nauigantes tutissimam vitam in studijs spiritualibus transigamus, & apprehendamus vitam æternam, in qua vocati sumus.

Mar. 5, 14.

Saluator noster loquitur: *Non potest ciuitas abscondi supra montem posita: neque accendunt lucernam, & ponunt eam sub modio, sed super candelabrum, vt luceat omnibus qui in domo sunt.* Rectè ergo tam illustri lucerna sub monasterij modio constituta ad ecclesiæ translata est candelabrum. Et sane modius iste euangelicus benè monasterio coaptatur, vbi nihil agitur absque mensura. Habent enim illic vniuersa dimensa, omnia facta aut dicta æquissima ratione prolata tenent ad vicem modij modum. Bene ergo spiritali intellectu per hanc figuram monasterij interpretamur, quæ ad similitudinem modij nihil soleat in se habere permixtum. Nam sicut triticum a paleis segregatum, ita de sæculo separatos recipere consuevit; & post domini ventilabrum, qui mundat aream suam, eiectionis foras excrementis tanquam puriora iam grana intra se electos suos continet. Proinde sicut modius monasterio, ita candelabrum ecclesiæ comparatur: quia cum sit in edito vel in conspicuo constituta, splendorem ad se translatum oculis efferens, lumen sibi impositum cunctis ostendit. Accensus ignis rationabiliter profertur vt luceat: parum enim prodest latens bonum, parum lucet lumen absconditum. Exalta, beatissime pontifex, sicut tuba vocem tuam; cælitus ediffere populis; reuela quem in secretis effodisti thesaurum tuum; sparge opes quas conquististi; diuitias quas in eremo parasti palam esurientibus effunde, adiuuante domino nostro Iesu Christo, qui cum Deo patre & spiritu sancto viuit & regnat in sæcula sæculorum. Amen.

SEN-

## SENTENTIA S. EVCHERII

## AD MONACHOS.

**I**N hunc fere modum artifex mundi Deus cum cætera animalia prona in humum fingi iusserit, solum hominem rectum sublimemque factum habitudine ipse corporis ad contemplationem sui prouocauit. Hunc non intellexisse, læsisse est. Intelligimus autem, si obseruantiam mandatis eius afferamus. Maxima vero mandata hæc sunt: *Diliges dominum Deum tuum ex toto corde tuo, & ex tota mente tua, & ex tota anima tua*. Intolerandum quæso aliquid aut ingratum præcipitur? Diligi se a nobis iubet, cuius donum est, quæ in nobis, quæque intra nos nostra sunt. Hic immortalitatem tribuit; hic eandem decepto reparauit; hic nobis constituens legem; hic propheta emittit; hic postremo propter nos vnicum filium suum a cælo descendere, nasci, attrectari, mori passus est. Nonne hic diligi se, si non admoneat præceptis, cogit beneficijs? *Quid retribuam domino pro omnibus quæ retribuit mihi?* Vt diligam eum ex toto corde meo, & ex tota mente mea, & ex tota anima mea. Sequens mandatum est: *Diliges proximum tuum sicut teipsum*. Ad huius vero mandati obseruantiam non tam præcepto, sed natura ducimur. Quid enim tam commune cunctis, quàm diligere proximum? aut quid tam proprium humano generi, quam hæc quæ etiam ex nomine ipso tracta est humanitas? Nam quid aliud magis quàm hic affectus nos a belluis discernit? Ita non reseruata caritate, feritas est. Et tamen non in hac, ut in plerisque rebus, beneficium tantum damus, sed mutuas connexæ caritatis vices, fructum eius non magis præstamus quàm capimus. Namque dum proximum amamus, ut a proximo amemur necesse est. Diligamus ergo eum

ex

Deut. 6, 5.  
Mat. 22, 37.

Psal. 115, 12.

Leuit. 19, 18.  
Mat. 22, 39.

ex toto corde nostro, qui legem sancit, ut mutuo nosmet-  
 ipsos diligamus. Reliqua mandatorum domini his præ-  
 ceptis continentur. Namque ista huiusmodi sunt, ut si  
 quis ea tantum custodiat, omnia implet. Atque hæc etiam  
 ante aduentum Dei saluatorisque nostri seruata sunt. No-  
 bis verò recentioribus insuper præceptis, & Christo, cuius  
 sumus, inherendum est dicente apostolo: *Nostri enim non  
 sumus, & non estis vestri; empti enim estis pretio magno: glori-  
 ficate & portate Deum in corpore vestro. Dedit nobis pretium,  
 id est, qui & pretium est; ut iam non nostræ, sed volun-  
 tati pareamus suæ. Hinc itaque redemptor noster ad  
 electos suos loquitur: Vos de hoc mundo non estis. Hinc &  
 ille: Exite de medio eorum & separamini. Cuius voces asse-  
 cuti, secedentesque, velut post tergum cum vitijs suis mun-  
 dum reliquimus. Quod ergo secessionis huius erit pre-  
 tium, ipse dominus noster Iesus Christus indicat dicens:  
 Si quis venit ad me, abneget semetipsum, & tollat crucem suam, &  
 sequatur me. Portemus ergo crucem nostram, carnis desi-  
 derijs, id est, vitijs repugnantes, voluptatibusque eius  
 prauis nihil indulgendo. Crucifixit corpus qui non viuit  
 corpori. Huius igitur curam ne feceritis in desiderijs: quia  
 non minus per illecebras suas infestum est nobis & aduer-  
 sum, quam ille princeps aëris huius indefessus hostis no-  
 ster, qui retrahere nos a cælorum nitenti regno contendit.  
 Denique hæc ipsa illi ad decipiendum hominem sæpe  
 machina est. Et reuera cum ipsi nos in anima simus con-  
 stituti, extrinsecus sit corpus: ideo a Deo, ut hic ibi datum  
 est, hic interim dum ille resurrectionis dies venerit, re-  
 linquendum est. Dubium ne est magis nos custodire  
 debere quod est proprium, quam quod externum nobis  
 est? Nobis potius consulamus quam corpori, quod planè  
 non minus quàm diuitiæ ac reliqua, quæ quondam nostra  
 diximus, deserendum? Mortificemus enim membra nostra,  
 ut viuamus vita, quæ hanc non tam vitam quam pretium  
 vitæ*

1. Cor. 6, 20.

Ioh. 15, 19.

2. Cor. 6, 17.

Mat. 16, 24.

Rom. 13, 14.

vitæ esse probat. Non nunc quidem primò de turbidi  
 sæculi coeno emergimus. Cui tempore quippe apud hæc  
 præceptorum ars videri potest. Inculcandum tamen  
 nobis est, vana huius mundi gaudia, vana illa omnia, quæ  
 semper volentes inuitosque amisit, pie nos quod morta-  
 litati debent Deo reddere. Angustij abiectique est ani-  
 mi, qui non spes suas vltra hoc sæculum porrigit. Qua-  
 propter in futura nòs extendentes facultatum & volupta-  
 tum præteritarum obliuiscamur. Et beati coniunx tes-  
 tis in æternum manet, respicientem retrorsum euadere  
 ad superiora non posse. Quid negotij est conuerti ad ea  
 quæ semel spreueris? quanquam si consideremus, & ne  
 vel hinc vanæ sit locus gloriæ, non spreuimus ea neque  
 abiicimus; sed fenore maiore commutauimus. Con-  
 templeramus sane quæ reliquimus, si ob hoc cælum cæli  
 non speraremus. Nec tamen ea ipsa, quæ reliquimus  
 nostra sunt: nam cum ipsi nos simus eius a quo instituti  
 videmur; agnoscendum est eius esse quæ reliquimus,  
 & quæ desideramus. His igitur apud animum oblitteratis  
 quæ iam repudiata sunt, sectemur iustitiam, beneuolen-  
 tiam, pietatem, mansuetudinem, fidem, caritatem. Custo-  
 diamus thesaurum, quem Christi pauperes gerunt, & in-  
 valis fidei libris depositum tueamur. Firmis est insisten-  
 dum vestigijs: quia quod scandimus iter lubricum est:  
 & quo difficilius carere delicto potest, in hoc esse debet  
 maior custodia. Sed ne dubietas in laboris fideique huius  
 spe sit, audiamus quæ iustis iniustisque merces maneat.  
*Qui credit in me habet vitam æternam, ait dominus. Quis ergo*  
 credentibus vel timentibus Deum finis est, quibus æter-  
 na vita erit finis? At e contrario præceptis domini non  
 obtemperantibus quis deaunciatur exitus? *Discedite*  
*a me maledicti, ait dominus, in ignem æternum, qui præparatus*  
*est diabolo & angelis suis. Videtis qui vtrumque meritum*  
 terminus consequatur. Si ex hac, quæ promittitur, vel  
 poe-

Gen. 19.

Joan. 5, 24.

Mat. 25, 41.



poena vel gloria, vna tantum res nobis remota, alia denunciaretur infinita; sic quoque incitamenta ab bene viuendum proponi putarem. Nunc verò an illud magis refugiendum sit, an istud magis ambiendum: cum hinc magna sint supplicia, hinc magna sint præmia? Et tamen etiam si merita nostra retributio digna non sequeretur, quid fieri rectius ab homine possit, quàm indultam vitam castè ac piè viuere; sanctitatemque eius, cuius imaginem gestaret, æmulari? Adde quod per ineffabilem domini nostri misericordiam ab beatam vitam minis præmijsque etiam sollicitamur. O quam pulchra illa, spretis fideliter sæculi huius rebus, adueniet post domini in vos fidelis remuneratio; cum in illa coruscanti sede gloriæ, sanctorum choris mixti verum Dei filium agnum sequemur: pariterque in hac vita Christo consepulti, in illa pariter exultantes regnabimus! *Indigna sunt passionēs huius temporis ad futuram gloriam quæ reuelabitur in nobis.* Atque idcirco vt huius gloriæ non expertes simus, vitæ huius voluptate non capiamur. Vita enim nostra abscondita est in cœlo. Nihil in hoc mundo speremus. *Spes enim quæ videtur non est spes.* Nec multitudinis refugiamus exemplo: *multi enim sunt vocati; pauci vero electi.* Nec inchoato studio lassemur: non enim qui coepit, sed qui perseverauerit saluus erit. Gulæ, libidinis, avaritiæ, iræ, vanitatis, superbix, vna est debellatrix tot criminum continentia: cuius optimus erit custos timor, si menineremus in conspectu domini nos semper sitos. Gaudium ac tristitiam tunc magis nostram ducamus, cum proximorum sunt. In obtrectionibus æque detestanda nobis sit linguæ & aurium prurigo. Hæc filij mei memoriæ, hæc obseruationi mandate; nec longus in his custodiæ labor erit. Quantuli enim vt sumus vitæ huius sunt dies in nobis? Propterea quia sicut scriptum est *sæculorum fines ducurrerunt*, non esse diuturnum potest, quin nos si non communis, propria saltē absolutio, ad iudicem

no-

nostrum sponsoresque meritorum dominum transferat. Hæc audientes tacitis ora lacrimis rigant: tantus eorum erga beatitudinem futuram in huiusmodi exhortationibus affectus est. Sic itaque beatissimus Paulus mysticis imbutus disciplinis, deuouens militiam regi sæculorum Deo, per stipendia innocentis vitæ præmia consecratur æterna.

## INCIPIT ADMONITIO

### AD VIRGINES.

**S**i diligenter attenditis, venerabiles filiæ, euidenter agnoscitis, quod nullus homo sibi soli viuit, nullus sibi moritur. Omnis enim homo quantiscunque exemplum sanctæ conuersationis præbuerit, cum tantis & pro tantis ad præmia æterna perueniet. Et econtra qui exemplum malæ vitæ & peruersæ actionis ostenderit, quantascunque suis malis moribus ad opera iniqua prouocauerit, cum tantis & pro tantis perpetua supplicia sustinebit. Nos vero non solum exemplum malè viuendi cæteris non præbeamus, sed etiam sancta & salubri admonitione ad humilitatem & caritatem vel obedientiam iugiter prouocemus. Non simus de illis, quæ irascentibus vel furentibus quibuscunque sororibus malis consilijs solent pabulum superbiæ ministrare, dicentes, quod non debeant tanto tempore abiecta se humilitate deicere, & tam dura vel inepta imperia sustinere. Non simus de talibus, quæ per amarissimas linguas, non solum vulneratas curare nolunt, sed etiam quæ sanæ sunt vulnerare contendunt: quæ murmurando, detrahendo, per inobedientiam vel iracundiam non Christo seruire, sed diabolo militare & ministrare consueuerunt: astutus enim & crudelis

N

Apo. 3, 15.

delis diabolus calliditate veteris artificij ac multiformis ingenij animas quas semel persuasione nequissima defides, tepidas, ac negligentes effecerit, etiam in aliorum subuersionem sibi seruire compellit, de quibus scriptum est: *Vtinam calidus esses aut frigidus: nunc autem quia tepidus es, incipiam te euomere ex ore meo.* Tales enim animas ad inobedientiam vel superbiam præparatas diabolus omni lumine veritatis & caritatis excoecat, & quasi venator robustissimus & callidissimus auceps velut illices sibi ad capiendas si potest etiam sanctas animas aptat ac præparat; quomodo aucupes facere solent, qui columbas quas primum ceperint excoecant & surdas faciunt: vt dum ad illas reliquæ columbæ conueniunt, præparatis retibus capiantur. Ita etiam hostis antiquus de tepidis clericis, & de negligentibus monachis, vel desidijs virginibus exercere consuevit: & cum in eis oculos patientiæ clauserit, ignem compunctionis & flammam veræ caritatis extinxerit, & de solo religionis habitu persuaserit gloriari, sicut iam dixi, ad aliarum perditionem velut illices eos proponit, & præparat in exemplum: vt dum illos simplices quique & minus solliciti imitantur, diuersis laqueis vel retibus capiantur. Isti tales non solum pro se, sed etiam pro alijs quos exemplo malæ conuersationis de bono humilitatis & obedientiæ reuocauerint, rationem sunt in die iudicij reddituri.

Antiquus enim hostis, qui bonis semper inuidere consuevit, primum seruos vel ancillas Dei, quos tepidos ac negligentes esse cognouerit, persuadet otiosis fabulis occupari, murmurando vel detrahendo ad contumaciam prouocare, & ad audiendam lectionem tardissimos reddere: & cum in eorum cordibus velut callum, & vt ita dixerim, scoriam teporis induxerit, ad quælibet opera mala sibi eos facit præparatos, & omnibus vitijs vel negligentijs infelicitè seruire compellit: secundum illud quod  
veri-

veritas dixit: *Qui facit peccatum, seruus est peccati; & a quo quis superatur, eius seruus efficitur.* Sicut enim sanctæ ac spiritales animæ feruore caritatis accensæ spiritu sancto aguntur, & ad omne opus bonum iugiter præparantur; secundum illud quod apostolus ait: *Quotquot spiritu Dei aguntur, hi sunt filij Dei.* Ita econtrario negligentes & tepidæ ab illo contrario spiritu possidentur, de quo scriptum est: *Cum exierit immundus spiritus ab homine, vadit per loca arida, querit requiem & non inuenit: postea reuertens inuenit domum suam vacuum & scopis mundatam, & adducit secum alios septem spiritus nequiores se, & erunt nouissima hominis illius peiora prioribus.* Hæc enim sine dubio patiuntur clerici, monachi, siue virgines superbi, inobedientes & tepidi. Cum enim in primordijs conuersionis suæ relicta sæculi conuersatione ad militiam sanctæ religionis animo feruenti confugerint, per gratiam Dei vacuantur omnibus malis: postea vero dum per negligentiam ac desidiam non apponunt studium, vt cum Dei adiutorio repleantur spiritualibus bonis, vitia quæ discefferant inuenientes eos cum multiplici nequitia remeantes, compellunt eos redire ad vomitum: & impletur in illis quod scriptum est: sicut canis quando reuertitur ad vomitum suum odibilis fit, ita & peccator quando reuertitur ad peccatum suum. De istis talibus terribiliter clamat apostolus Petrus: *Si enim, inquit, refugientes coinquinationes mundi his rursus impliciti superantur, facta sunt eorū posteriora deteriora prioribus.* Melius, inquit, fuerat illis non cognoscere viam iustitiæ, quàm post cognitionem retrorsum conuerti ab eo quod illis traditum est sancto mandato: contigit enim illis illud veri prouerbij: *& canis reuersus ad vomitum suum, & sus lota in volutabro luti.* Hoc illis euenit, qui post abstinentiam ad gulam, post vigilias ad somnolentiam, post humilitatem ad superbiam, post obedientiam ad contumaciam, post patientiam ad iracundiam,

Ioan. 8, 34.  
2. Pet. 2, 19.

Rom. 8, 14.

Luc. 11, 44.

2. Pet. 2, 20.

velut canis ad vomitum , & velut fues reuertuntur ad luxuriæ volutabrum .

Et ideo qui se talem esse cognoscit , dum corrigendi tempus est, cum rugitu & gemitu ad vulnus superbiæ humilitatis medicamentum contendat apponere : contra murmurationis vel iracundiæ venenum antidotum obedientiæ festinet accipere . Et antequam anima sua multis peccatis obnoxia de hac luce discedat, remedium sibi in diem necessitatis acquirat , & lampadi suæ per superbiam extinctæ humilitatis & caritatis oleum, dum colligendi & emendi tempus est, præparare contendat : vt inter sanctas virgines accensa virginitatis lampade in vasculo animæ suæ oleum caritatis exuberet . Quia penitus virginitas in corpore nihil proderit, si caritas vel humilitas a corde discesserit. Et hæc quidem obseruant animæ sanctæ , & quæ illis similes esse volunt, facere non desistunt.

Aliæ vero quæ non spiritaliter sed carnaliter viuunt, non humilitati sed superbiæ infelicia colla submitunt : nec velut apes spiritalia mella colligunt , sed quasi vespæ crudelia venena diffundunt: quando senioribus inobedientes existunt, quando flammis iracundiæ succenduntur, quando odium in corde condunt, quando murmurationibus suis & se & alias vento superbiæ de portu obedientiæ excussas, & de tranquillitate patientiæ proturbatas faciunt naufragare; & quæ in primordijs conuersationis suæ relictis sæculi fluctibus ad quietem monasterij confugere, nunc nimio furore superbiæ in ipso portu procellis iracundiæ naufragare probantur. Istis talibus meliores sunt illæ, quæ sæculo seruire videntur : quia multo melius est humilis coniugalitas, quam superba virginitas, & plus laudabiles quæ in medio pelago se Deo auxiliante custodiunt, quam illæ quæ in portu nimia negligentia vel securitate merguntur.

Re-

Felices ergo sunt illæ animæ, quæ ita cor suum diuersis virtutum aromatibus Christo donante replere contendunt; vt ex illorum ore non nisi caritas & humilitas, nunquam nisi castitas, vel mansuetudo, vel obedientia proferatur: vnde & sibi æterna præmia, & alijs præbeant sanctæ conuersationis exempla. Sicut econtrario infelices sunt, & miseræ, & omni lacrimarum fonte lugendæ, quæ ita malis moribus corrumpuntur, vt ex illarum ore, vel indigna conuersatione, non Christi medicamenta, sed diaboli venena procedant. Quæ cum foris religioso habitu quasi pellibus ouium contegantur, velut lupi rapaces intrinsecus esse noscuntur; & serpentium vel viperarum more, tamdiu fictam humilitatem habitu corporis demonstrare videntur, quamdiu nulla castigatione corripiuntur: at vbi vel leuis admonitio fuerit; tunc falsa humilitate remota superbix se furor exeret: & tunc in veritate cognoscitur, quia aliud proferebatur in ore, aliud abscondebatur in corde; falsa humilitas fingebatur in corpore, & superbix virus tegebatur in mente.

Hæc ergo omnia timentes potius quam de vobis finitrum aliquid sentientes, cum omni humilitate & paternâ sollicitudine caritati vestræ suggessimus; & ideo ante oculos vestros tepidorum negligentias proferre volumus: vt & de bonis, quæ in vobis munere diuino collata sunt spiritaliter gaudentes, Deo gratias referatis, & pro me ac mei similibus, qui adhuc multis negligentijs premimur, iugiter Dei misericordiam supplicetis: vt cum ante tribunal Christi vobis pro perseuerantia bonorum operum corona tribuatur, nobis intercessione vestra vel peccatorum indulgentia concedatur, præstante domino nostro, qui cum patre & spiritu sancto viuit & regnat in sæcula sæculorum, amen.

EPI-



# • EPISTOLA S. CAESARII

## EPISCOPI ARELATENSIS

Ad Cæsariam Abbatissam eiusque congregationem.



OEGISTI me famula Dei ac venerabilis in Christo soror, & crebris petitionibus extorsisti potiusquam rogasti, ut qualemcunque sermonem exhortatorium tibi scribere deberem: non quod ad scientiam vel ad perfectionem tibi quicquam conferre possim; sed in quo magis providentiam meam facile deprehendere queas. Quod ego diu multumque renisus facere distuli, verens iactantiae simul impudentiaeque notam incurrere; praesertim cum sciam te divinis voluminibus assidua meditatione vacare, nihilque quod ad perfectionem tuam attinet te penitus ignorare. Sed quid faciam? Negare non audeo quod implere nequeo. Tanta est enim petendo & iubendo fides simul & auctoritas, atque extorquendo perseverantia; ut tibi quicquam negare irreligiosum videatur. Tamen si das fidem nulli te lecturam alij, nec ad legendum edituram; secundum quod Deus vires dederit faciam, quae hortaris. Danda mihi venia est, si opus iniunctum digne implere nequivero; tibi potius imputandum, quae ut hoc aggrederer imperasti. Remoti igitur a temeritate, atque ab elatione liberi, proposito insudemus operi; nec de mediocritate diffidamus ingenij, quod credimus merito tuae orationis adiuvari. Hoc tamen sciri volo, ni.

nihil me tibi statuiffe scribere, nisi quod ad perfectæ vitæ normam, emendationemque morum te possit instruere; quod expositam beatitudinem virginitatis pedibus subiiciat mundum. Hæc in eorum pedibus illi scribere studeant quibus laudari cupiunt: nobis alio longe pergendum est itinere. Igitur hoc primum studium primaque cura sit tibi scire voluntatem domini tui, & diligenter inquirere quid ei placeat, quidue displiceat: vt rationabile Deo secundum Deum reddas obsequium: quia fieri potest, vt votum obsequendi quisque offendant, qui quomodo obsequi debeat antea non didicit. Inter omnia Dei præcepta generale mandatum est de iustitia: quia nulli transgredi omnino licet, quod omnibus imperatum est.

De virginitate itaque dicitur: *Qui potest capere capiat. Sed* Mat. 19. 12.  
*omnis qui non fecerit fructum bonum excidetur, & in ignem mittetur:* ibid. 3. 10.

quam Saluator plenissime quidem, sed breuiter in euangelio comprehendit dicens: *Omnia quaecunque vultis* Luc. 6. 31.  
*vt faciant vobis homines, ita & vos facite eis.* Igitur perfectionis secuta consilium, vide ne respexeris retro; sed in monte Gen. 17.

*saluam fac animam tuam:* Quia enim cupis scandere vitam, per angusti itineris illius callem tendendum est, derelicta mundi spatiosa maximaque sæculi pompa, quam corpore apostolicam vis exhibere virginem. Quam lampadam tuam bonorum oleo accensam, cogitando semper quæ domini sunt, in obuiam præpares sponsi. Qualis debet esse perfectio, cuius talis fuit principium? Omne opus leuius agitur, cum eius principium semper agatur. Quamuis quisque perfectus dissolui desiderat & esse cum Christo, interim in hac vita necesse est, vt numquam desinat cum vitijs habere conflictum, si vult de hoste referre triumphum. In primis namque contra superbæ morbum fortiter dimicandum est; vt vitiorum capite radicitus euulso, cætera vitia quæ ex eo prodeunt facilius exirpentur. Nec enim est ad ruinam facilius lapsus; de  
qua



qua scriptura dicit : *Initium omnis peccati superbia*. Recte namque ; quia sicut origo est omnium criminum , ita inimica cunctarum virtutum . In peccato enim ipsa est prima , & in conflictu postrema . Hæc enim aut in exordio mentem per peccatum prostermit , aut nouissime de virtutibus deijcit . Vnde & omnium peccatorum est maxima : quia tam per virtutes quam per vitia humanam mentem exterminat . Plerumque ex culpa superbix inabominandam carnis immunditiam itur ; quia alterum pendet ex altero . Nam sicut per superbiam mentis itur in prostitutionem libidinis ; ita per humilitatem mentis salua fit castitas carnis . Deus autem nonnunquam deijcit occultam superbiam mentis per manifestam ruinam carnis . Principaliter namque his duobus vitijs humano generi diabolus dominatur ; id est , per superbiam mentis , & luxuriam carnis . Vnde & de diabolo ad Iob loquitur dominus dicens : *Sub umbra dormit & in secreto calami & locis humentibus* . Per calamum enim inanis superbia ; per loca vero humentia carnis demonstratur luxuria . Per hæc enim duo , vt diximus , vitia diabolus humanum possidet genus , vel dum mentem per superbiam erigit ; vel dum carnem per luxuriam consumit . Forti enim aduersu necesse est contra luxuriam repugnandum : quia interiusest hostis inclusus . Omnis virtus diaboli contra viros in lumbis ; aduersus feminas in vmbilico ventris eius ; de quo scriptum est : *Virtus eius in lumbis , & potestas in vmbilico ventris eius* . Qui enim delectationem non refrænat libidinose suggestionis ; cito transit ad consensum libidinis . Nam facile resistit operi , qui titillanti non se accommodat delectationi . Quamuis sanctorum Dei intentio inconcussa in amore Dei persistat , de carne tamen quam exterius gestat , multa prælia interna tolerat . Sed Deus qui hæc ab probationem permittit , gratia protegente suos non deserit . Propterea ex corde sunt fornicationes

amo-

Ecc. 10, 15.

Iob. 40. 17.

amouendæ, vt non prorumpant in opere. Hinc per prophetam dicitur: *Accingite lumbos vestros super vbera*; Isai. 32, 12.  
hoc est, libidines in corde refecate; quando instigatione dæmonum mens vniuscuiusque iusti impeditur, diuini iudicij metus, æterna tormenta ante oculos proponantur: quia nimirum omnium pœna grauioris supplicij formidine superatur. Sicut enim clauus clauum expellit: sic ardoris gehennæ recordatio ardorem excludit luxuriæ. Audi quid dominus de diabolo fatetur dicens: *Stringit* Job. 40, 12.  
*caudam suam quasi cedrum*: quia prima eius suggestio velut herba tenera facile abscinditur; at si semel dentem delectationis fixerit, more cedri obdurescit. Præcipuè fictam humilitatem fugiens, illam sectare quæ vera est, quam Christus docuit, in qua non sit inclusa superbia. Vmbra enim huius virtutis multi, veritatem autem sequuntur pauci: verum enim humilem patientia ostendit iniuriæ. Numquam in iracundia succendatur anima tua: quia *ira viri iustitiam Dei non operatur*. Iac. 1, 20. Quod si paululum te inflammauerit; festines necesse est vt expellatur. Nul- lum in anima tua inuidia inueniat locum. Pessimumque hoc malum est, quando de alieno bono quisquis deterior fit: nam vnde bonus proficit, inde inuidus contabescit. Difficile namque ex hoc morbo quisque recipit medicinam; quia non vult patefacere culpam. Rara enim ex hoc confessio: quia sæpè aliud pro alio dicitur, & ideo ad salutem numquam venit, de quo ad populum beatus Cyprianus scripsit. Satis sollicitam ori tuo pone custodiam: nec quisquam facilius quam per linguam peccati contrahit maculam, teste Iacobo apostolo: *Lin-* Iac. 3, 8.  
*guam nullus hominum domare potest*. Vnde pie admonet dicens: *Si quis putat se religiosum esse, non refrænans linguam suam, sed seducens cor suum; huius vana est religio*. Ibid. 1, 26. Iuxta sententiam sapientissimi Salomonis: *Qui dimittit aquam, caput est iurgiorum*: quia qui linguam non refrænât, concordiam dis- Prov. 17, 14.  
sipat.

fiat. Vnde & apostolus illum asserit esse perfectum, qui non offenderit in verbo. Sed multi dum indiscrete silentium custodiunt, quod prodesse proximis per verbum poterat subtrahunt: dumque eorum vitia aspiciunt, quos per correptionem verbi corrigere potuerunt; dum claustra oris muniunt, proximum in prauitate derelinquunt, vt districtius iudicentur, & quantis verbo prodesse poterant, pro tantis reatu silentij culpabiles existant. Duobus namque modis oratio impeditur, vt impetrare non valeat postulata: si aut quisque adhuc mala committit, aut si delinquenti sibi debita non dimittit. Quod geminum malum dum quisque a semetipso absterferit, proptinus securus studio orationis incumbit, & ad ea quæ impetrare precibus cupit, mentem liberè erigit. In quantum præuales, caue ne recorderis faciem viri, nisi in oratione pura: nam non in desiderij turpitudine idolum facies in anima tua. Regis mulier ad seruos non deflectitur; & Christi sponsa ad mortales non respicit: quia eum qui pro se passus est diligit, eumque toto amore complectitur. Vultum sacerdotum ac leuitarum cum timore aspice, eorumque scilicet qui probati sunt: hoc sciens quia amor caritatis habitat in illis. Voce lectoris suauis nec delectetur in desiderio anima tua; ne corrumpantur sensus tui, & excedant a castitate. Dicis forsitan, grandis labor est: sed respice quod promissum est. Considera quæso præmij tui magnitudinem, si considerari potest; & præsentis iniuriæ futuram mercedem ante oculos pinge. Post abscessus animæ & carnis interitum, in meliorem statum reparanda es virgo; corpus terræ mandatum in cælo est eleuandum; post hæc angelorum es donanda consortio, regnum accipitura cælorum, & in perpetuo mansura cum Christo.

\*\*\*

CÆ.

CÆSARIVS EPISCOPVS MINIMVS OM-  
 nium seruorum Dei famulus Cæsariæ sanctæ  
 forori abbatissæ, vel omni congrega-  
 tioni suæ in Christo æternam  
 salutem ,

VEREOR, venerabiles in Christo filiæ, ne dum vobis  
 pro conseruanda quiete vel pudicitia rustico imperi-  
 toque sermone aliquid præsumo suggerere; apud illos,  
 qui nesciunt quanta sit virtus veræ caritatis, notam vi-  
 dear præsumptionis incurrere. Ego enim licet peccato-  
 rum meorum sim conscius, & vestræ puritatis non sim  
 ignarus; præsumo tamen repidus admonere feruentes;  
 lentus & negligens incitare currentes; languidus sanis  
 consilium dare; & in via remanens ad æternæ vos patrię  
 desiderium prouocare. Et quia secundum sanctum vo-  
 tum vestrum frequentius vos visitare non valeo; hanc  
 admonitiunculam, in qua etiam antiquorum patrum ca-  
 pitula pauca inserui, & ariditatem sensus mei, quasi vi-  
 rorum fortium amoenitate condiui, cum perfecta cari-  
 tate curavi sinceritati vestræ ad vicem præsentis meæ piæ  
 humilitate transmittere. Sed hanc præsumptionem, sicut  
 dixi, ipsa mihi caritas ingerit, quæ timere non nouit. Et  
 ideo rogo vos, venerabiles filiæ, vt audaciæ meæ veniam  
 dantes, quæcunque suggesserō, patienter & benignè susci-  
 piatis, & consulentes rusticiati vel verecundiæ meæ. qua-  
 lem cunque exhortationem meam secretius relegite, nulli  
 alij tribuentes: ne cuiuscunque eruditæ aures rusticissimi  
 sermonis nostri asperitate feriantur. Nos enim Deo pro-  
 pitio, licet nihil sinistrum de vestra conuersatione san-

ctissima sentiam ; tamen propter multiplices laqueos inimici , de quo dicitur : cui sunt nomina mille , mille nocendi artes : propter illius ergo venenosas astutias , & maleblandas concupiscentias , sanctam vestram conscientiam qualibuscunque etsi tepidis sermonibus admonemus ; & licet minus idonei bellatores , arma vobis spiritualia contra ignitas sagittas diaboli prouidemus . Gaudete ergo & exultate in Christo , venerabiles filiae , & gratias illi iugiter vberes agite , qui vos de tenebrosa sæculi huius conuersatione ad portum quietis & religionis attrahere & prouocare dignatus est . Cogitate iugiter vnde existis , & vbi peruenire meruistis . Reliquistis fideliter mundi tenebras , & lucem Christi feliciter videre cœpistis . Contempnistis libidinis incendium , & ad castitatis refrigerium peruenistis . Respuistis gulam , & abstinentiam elegistis . Repudiastis auaritiam atque luxuriam , & caritatem ac misericordiam tenuistis . Et quamuis vobis vsque ad exitum vitæ non deerit pugna ; tamen Deo donante securi sumus de vestra victoria . Sed rogo vos , venerabiles filiae , vt quantum estis securæ de præteritis , tantum sitis sollicitæ de futuris . Omnia enim crimina vel peccata cito ad nos reuertuntur , si non quotidie bonis operibus expugnantur . Audite apostolum Petrum dicentem : *Sobrii estote & vigilate , quia aduersarius vester diabolus tamquam leo rugiens aliquem deuorare quarens circuit .* Quamdiu in hoc corpore viuimus , die noctuque Christo adiutore vel duce contra diabolum repugnemus . Sunt enim aliqui , quod peius est , negligentes & tepidi , qui de solo Christianitatis vocabulo gloriantur , & putant quod illis sufficiat vestem mutasse , & religionis tantum habitum suscepisse , nescientes illud propheticum : *Fili accedens ad seruitutem Dei sta in iustitia & timore , & prepara animam tuam ad tentationem .* Nec sententiam psalmistæ considerantes : *Propter verba labiorum tuorum ego custodiri vias duras .* Et illud quod

1. Petr. 5, 8.

Ecc. 2, 7.

Ps. 16, 4

quod apostolus dixit : *Per multas tribulationes oportet nos intrare in regnum celorum*. Vestes enim sæculares deponere, & religiosas assumere huius horæ momento possumus : mores vero bonos iugiter retinere, vel contra maledulces voluprates sæculi huius quamdiu vivimus Christo adiutore laborare debemus : quia non qui cœperit, sed *qui perseveraverit saluus erit*. In primis ergo omnis anima, quæ religionem servare desiderat, gulæ concupiscentiam vincere, ebrietatem vitare tota fidei virtute contendat, & ita temperatum conuiuium in mensam mediocrem habere studeat : ut caro illius nec medietate abstinentiæ debilitetur, nec per deliciarum abundantiam luxuria prouocetur. Deinde abiecta superbia, cui Deus resistit, profundæ humilitatis iaciat fundamenta : invidiam velut viperæ venenum detestetur ac fugiat : linguam refrænans detractionem quasi venenum respuat : verba otiosa nec ipsa proferat, nec ab alio prolata auribus suis libenter admittat : vestimentorum habitum nec nimis abiectum, nec nimis pomposum, aut periculosè elegantem habere consuecat : lectionem aut ipsa frequentius legat, aut legentis verba tota pectoris aviditate suscipiat : de diuinis scripturarum fontibus iugiter aquam salutis hauriat, illam utique de qua dominus dicit : *Qui credit in me, flumina de ventre eius fluent aquæ vivæ*. De paradisi etiam floribus, hoc est, sanctarum scripturarum sensibus, anima sancta se iugiter ornare contendat : ex ipsis pretiosas margaritas auribus suis indefinenter appendat : ex his annulos & dextralia, dum exercet opera bona, componat : ibi vulnerum medicamenta, ibi castitatis aromata, ibi compunctionis holocausta requirat. Qui verò religionem in immaculato & puro corde conservare desiderat : aut nunquam in publicum, aut certe non nisi pro grandi & inevitabili necessitate procedat : familiaritates virorum quantum potest rarius habeat : ita tamen, ut quoties ne-

cessitas viros videndi aut salutandi exegerit : ipsi videantur, quos ætas & vita sancta commendat : sed ipsi, vt dixi, rarius & non diuturna, sed breuissima cum illis colloctio habeatur. Iuvenes verò aut nunquam aut difficile videantur. In familiaritate vero assidua nec laici vnquam nec religiosi fuscipiantur; quam rem non solum feminae de viris, sed etiam viri de feminis obseruare contendunt, si integram puritatem castitatis custodire desiderant. Nec dicat aliquis, sufficit mihi conscientia mea. Dicat sibi quisque quod sibi placuerit : misera & satis odibilis Deo est excusatio ista, quæ magis de impudentia quam de conscientia bona procedit. Nam quando prima familiaritas aut viri cum femina, aut feminae cum viro esse cœperit, satis verecunda & sancta esse cognoscitur : quia subtrahit imprimis diabolus machinamenta sua, donec paulatim assidua familiaritate crescente, inter ambos inimicam nutriat amicitiam. Callidus enim hostis facit illos sibi inuicem paruo tempore deseruire sine vlla titillatione libidinis, sine vllò dispendio castitatis : & ita illos falsa securitate circumuenit : vt eos quasi in blanda tranquillitate velut duas nauculas producat in altum : & dum se putant esse securos; nec ieiuniorum quasi remorum adiutorium petunt, nec vigiliarum gubernaculum querunt : cumque eos securos fecerit, in se ipsis elidens subita illas tempestate demergit, & in vulnificos amplexus impingens, simul vno ictu morificat. Tandiu sopitum ignem sine vllis flammis occultat, donec duas faculas iungens, simul ambas accendat : sic explicat diabolus quod celare antea videbatur : sic quasi de simplici caritate amorem conflatur illicitum. In primis contentus est cedere, vt sic valeat amplius occupare. Ecce securus est quisque de conscientia sua, quod cum aliquem viderit, scandalizari de ipso non possit. Nannquid quomodo conscientiam suam nouit, sic voluntatem alterius videt?

Ecce

Ecce tuus oculus alium simpliciter videt, & forte ille te crudeliter concupiscit. De tua castitate gaudes, & de illius ruina non times? Si enim tu te nimium familiarem præbueris, alterius concupiscentiam nutris: etiam si ipsa non pecces, alium tamen perdes; & erit tibi causa etiam sine causa, ut te libido maculet aliena. Nolite quæso vos, nolite quibuscunque aut occasionem dare, aut familiaritatem tribuere: ne forte cuiuscunque concupiscentia in vos male succensa alibi incipiat quærere, quod in vobis non potuit inuenire. Sed forte dicit aliqua: secura sum de conscientia mea. Absit ut hoc de ore religioso procedat. Iam enim cecidit, qui de sua virtute confidit. Libidinem si Christo adiuuante desideras vincere, familiaritatem debes refugere. Certissime nouerit, quod qui indignam familiaritatem non spreuerit, aut se, aut alium cito perdet. Sed forte dicit aliquis: ideo familiaritatem non fugio, quia volo habere quod vincam, & aduersarium meum cupio tenere captiuum. Vide ne contra te aduersarius incipiat rebellare: vide ne te ducat captiuitas ista in captiuitatem. Audi apostolum dicentem: *Fugite fornicationem*. Contra reliqua vitia oportet nos omni virtute resistere: contra libidinem vero non expedit te pugnare, sed fugere. Esto ergo libidinis fugitiuus, si vis esse castitatis pugnator egregius. Sed quod dixi diligenter attendite. Quando aliquis stimulis libidinis incitatur, Christo adiuuante pugnet quantum præualet contra se; quia non habet quo possit fugere: Si quando vero per alterius societatem oportunitatem voluptatis diabolus subministrat, ipsam familiaritatem quantum præualet, ut supra dixi, anima sancta refugiat: ac si aliquando aliquis in se ipso tentatur, sibi Deo adiuuante resistat: quando per alius societatem vel leui concupiscentia titillatur, quasi serpentem venenatum quantum potest celeritate refugiat. Sed ut hæc omnia seruare possimus.

ab.

1. Cor. 7, 15.



abstinentiam rationabilem teneamus : quia vera est illius sanctissimi viri sententia : prout continueris ventrem , ita & venenosos motus eius . Humilitatem etiam nostram , quantum possumus conseruemus : non enim diu carnis integritas seruatur , vbi animus tumore superbiæ corrumpitur . Præcipue si & iracundiæ flamma frequentius surgit , castitatis & virginitatis flores cito consumit . Casta enim & Deo deuota anima non solum extraneorum , sed etiam parentum suorum assiduam familiaritatem , aut ad se veniendi , aut ipsa ad eos ambulandi habere non debet : ne aut quod non oportet audiat , aut quod non expedit dicat , aut quod castitati potest esse contrarium videat . Si enim vasa quæ ecclesiæ offeruntur , & in sacro altario ponuntur , sancta ab omnibus appellantur , & nefas est vt de ecclesia postmodum ad domum laicam reuocentur , aut vsibus humanis aptentur : si tantam dignitatem habent vasa , quæ nec intellectum possunt habere nec sensus : putas qualem dignitatem apud Deum habent omnia ad ipsius imaginem procreata ? Sicut ergo vasa sancta humanis vsibus seruitura nec possunt nec debent de ecclesia reuocari : sic religiosum quemquam non oportet , non decet , non expedit parentum suorum multis obligationibus implicari , aut quorumcunque extraneorum perniciofa familiaritate constringi . Illud ante omnia admoneo , vt æmulationis malum quasi venenum vipereum fugiatis : & ita inter vos caritatis dulcedinem conseruetis ; vt vobis inuicem per sancta colloquia medicamenta spiritalia præparetis . Sunt enim , quod peius est , aliquæ , quæ quando se pariter iungunt , magis sibi detrahendo , vel contra præpositas murmurando vulnera faciunt , quam spiritalia medicamenta componunt . Vos vero sanctæ ac venerabiles filiæ , si aliquam videtis pusillanimum , consolationem impendite : si superbientem , humilitatis medicamentum apponite : si iracundam videritis , refrigerium pa-

patientiæ ministrare . Si nobiles natæ estis , magis de religionis humilitate quam de sæculi dignitate gaudete , & sic terrenam substantiam dispensate , ne vnde spirituales pennas bene & citò tribuendo habere potestis , aliquid vobis reseruando aut tardius erogando , carnales compedes habeatis . Terrena namque substantia si tardius erogatur , animæ pennas quasi visco illigare cognoscitur : quia verum est illud quod scriptum est : *Impedimenta mundi fecerunt eos miseros* . Si qua verò pauper fuit , antequam religionem sanctam adsumeret , Deo debet gratias agere , qui illam mundi istius facultatibus noluit illigare . Multos enim , quod peius est , ita suæ facultates ligatos tenent , vt ad æternam patriam redire non possint . Vos vero iam etiam in hoc sæculo Christo propitio felices estis , quæ facultates simul & voluptates sæculi istius non solum corde , sed etiam corpore contempsistis . Tene ergo manus in aratro , & nolite respicere retro . Et quia in tectum iam perfectionis ascendere meruistis : non vos inde deponant sæculi istius voluptates . Mementote vxoris Loth , quæ *retro respiciens versa est in statuum salis* . Nunquam iuramentum , nunquam maledictum de virginis ore procedat . Non solum corpora , sed etiam corda vestra omni sollicitudine custodite , propter illud quod scriptum est : *Omni custodia serua cor tuum* . Et illud quod dominus in euangelio dixit : *De corde enim exeunt cogitationes male* . Si enim in corde nihil male cogitatur , quicquid sanctum est ex ore profertur : quia , sicut scriptum est , *Ex abundantia cordis os loquitur* . Hoc enim lingua proferre consuevit , quod ex officina cordis conscientia ministrauerit . Et ideo si ex ore vultis bona proferre , semper in corde quæ sancta sunt cogitate . Sic lectioni & meditationi debetis incumbere , vt ante omnia etiam manibus possitis aliquid exercere , secundum illud quod apostolus ait : *Qui non operatur non manducet* : præcipue tamen vsque ad horam .

Gen. 19. 27.

Prov. 4. 23.  
Mat. 15. 19.

Mat. 12. 34.

2. Thes. 3. 10.

P

ter-

tertiā lectioni vacare consueſcite, & meliorem diei partem ſancto operi dedicate . Oratio veſtra ita cum ſilentio procedat ex corde, vt vix audiat in ore : nam qui alta voce orare voluerit, & ſibi & alteri multum noceat, dum per ſuam garrulitatem alterius mentem ab oratione ſancta & ſacra ſuſpēdit . In iſtis operibus quæ manibus ſunt, ſæcularia & pompoſa adiumenta, quæ non vtilitati, ſed vanitati ſeruiunt, ſaſtīdite atque contemnite : vt etiam in iſtis terrenis poſſitis quicquid ſobrietati & honeſtati conuenit exercere . Multi enim quod in moribus diligunt, hoc etiam in operibus ſuis oſtendunt . Præparant ſibi ornamenta ſæcularia ſæculum diligentes, & voluptati ſeruiētes vel luxuriæ . Vobis verò, quibus mundus crucifixus eſt, nihil ſit commune cum talibus ; ſed omnia, ornamenta quibus ad luxuriam caro componitur, velut inimica & contraria a veſtro propoſito reſpiciantur . Sunt enim, quod peius eſt, qui pro vanitate ſæculi iſtius plus ſtudent terrenis cupiditatibus operam dare, quam lectioni diuinæ inſiſtere : dum volunt ſtragula pulchra, & picta tapetia, plumaria etiam & reliqua his ſimilia cum ingenti ſumptu & ſuperflua expenſa ad oculorum libidinem præparare, neſcientes illud quod dominus per Ioannem euangeliftam clamat & dicit : *Nolite diligere mundum, neque ea quæ in mundo ſunt, quoniam omne quod in mundo eſt, concupiſcentia carnis, & concupiſcentia ocularum, & ſæculi ambitio eſt .* Quid prodeſt virgini integritatem corporis cuſtodire, ſi oculorum concupiſcentias noluerit euitare ? Sunt etiam nonnullæ, quæ etiam de facultatibus ſuis maiorem partem parentibus, & forte diuitibus, quam pauperibus dare volunt ; & non cogitant, quod dum illis ſubſtantiam ſuam ad luxuriam tribuunt, ſæterna mendicitate conſumunt . Sed dicit aliquis : ergo deſpicere debeo parentes meos ? Abſit vt nos dicamus quod parentes tuos non debeas honorare . Quomodo poteſt fieri vt parentes prædicemus

non

1. Ioan. 2, 15.

non amandos, qui inimicos dicimus diligendos? Amarentes tuos quantum potes: & si casti sunt & honesti, honorem illis semper impende, & de facultatibus tuis aliqua illis pro tui memoria munuscula derelinque. Totum verò quicquid est maius atque vtilius vsque in finem sæculi profuturum pauperibus tribue; vt eleemosynæ tuæ vsque ad diem iudicij per refrigeria pauperum transeant ad regna calorū. Quod minus dederis parentibus tuis, poterunt sibi ipsi postmodum providere, poterunt laborare: quod tibi minus pro misericordia præparaueris, illo sæculo numquam poteris inuenire. Attamen si sunt aliqui parentes pauperes, vt victum aut vestitum sufficienter habere non possint: mercedem apud Deum habebis, si illis vnde possint sustentari tribuis. Venturi enim sumus ante tribunal æterni iudicis: & si bene egimus feliciter audiemus: *Venite benedicti, percipite regnum, quia esurini & sitiui.* Et post pauca: *Quamdiu fecistis vni ex minimis istis, sine dubio pauperibus, mihi fecistis.* Non dixit: venite & percipite regnum, quia parentum vestrorum diuitias vestris diuitijs cumulastis; quia illis vnde luxuriarentur in sæculo dimisistis. Non hoc vtique dixit: sed illud quod in euangelio commemorat, quod & per prophetam ante prædixerat: *Dispersit dedit pauperibus.* Attendite quæso: *Dispersit*, inquit, *dedit pauperibus.* Nam & diues ille de quo in euangelio legimus, quod induebatur purpura & bisso, fratres suos diuites dereliquit, sed ille postea guttam refrigerij in inferno ardens quæsiuit, & inuenire non potuit. Vos vero, sanctæ & Deo dignæ animæ, totum spiritaliter agite, & cui consecrastis animas vestras, ipsi offerte, immo reddite substantiam vestram. Dignum est vt a vobis accipiat terrena, qui præparat æterna. Ipse a vobis accipiat terrenam substantiam, qui vobis contulit virginitatis coronam. Vos autem illi amplius debitrices estis, quibus dedit, vt illum, qui est im-

Mat. 25, 34.  
iud. v. 40.

Psal. 111, 9.

Luc. 16, 19.

maculatus agnus, quocumque ierit sequi possitis. Sequitur quidem Christum cætera fidelium multitudo, non quocumque ierit, sed quo usque potuerint. Poenitentes enim & coniugata possunt per alias iustitiæ vias sequi Christum; cum in virginitatis decorem præcedit, non habent quid faciant ut virgines sint. Vos verò, sanctæ filiæ, sequimini eum tenendo perseveranter quod vovistis ardentem. Iterum atque iterum sanctæ & Deo dicatæ animæ rogo, & cum omni humilitate ad conseruanda virginitatis præmia consilium dare præsumo, ut familiaritatem incongruam a vobis vel a vestris animis totis viribus repellere laboretis. Longe satis, longe sit pestis ista & lues, quam inordinata familiaritas iaculatur. Non est in hac societate securitas, quæ collisionem patitur velut a quibusdam fluctibus turbulentis. In hac familiaritate non habitat amica concordia, quæ non nisi discordantes inimicitias creat. Nam ad conseruandam sanctæ religionis dignitatem, singularitas magis quam inordinata familiaritas testis sanctissima est. Attende ò anima sancta, & diligenter intellige quanta mala de inordinata societate nascantur. Familiaritas enim cuiuslibet si frequens esse coeperit, non nisi corruptionem seminat, vitia pullulat, cupidinem concupiscit, ignominiam parit, rabiem concitat, porrigit furiam, lasciuiam pascit, petulantiam nutrit, casus exaltat, ruinas ædificat, ripas erigit, præcipitia aperit, periculis nauigat, naufragijs velificat, perditioni gaudet, interitum fouet, confusionem macretur, thesaurizat opprobrium, criminationes exaggerat, excusationes inflammat, & cateruatim simul in fascem glomerat numerosas indagines captionum, ac per infinita dedecora multiplices mortes inueniet in perniciem perditorum. Tot & tanta sunt mala perniciosæ familiaritatis. Nemo prosternitur, nisi qui societatem vnde periclitari possit, aut difficile, aut certe rarius habere contempserit. Nam

fi

si anima sancta secretum suum custodire voluerit, & assidue familiaritatis malum tota animi virtute resugerit; ipsa sancta singularitas munimen illi inuictum est sanctimoniae, expugnatio fortis infamiae, fortitudinis firmitas & lasciuiae petulantis infirmitas, probitatis praesidium & improbitatis excidium, animae victoria, & corporis praeda, libertas gloriarum & captiuitas criminum, pronuba sanctitatis & repudium turpitudinis, sinceritatis indicium & abolitio scandalorum, exercitium conscientiae & euacuatio tota luxuriae, pax secunda virtutum & expugnatio inquieta bellorum, puritatis culmen & libidinis carcer, honestatis portus & ignominiae naufragabilis portus, virginitatis mater & hostis immunditiae, lorica pudoris & spolia probositatis, murus incorruptionis, discretio vulgaritatis, integritatis dignitas & fornicationis abdicatio, caritatis fastigium & dedecoris precipitium, voluntas bonorum operum & afflictio vitiorum, refrigerium pudicitiae & poena petulantiae, acquisitio triumphorum & facinorum detrimenta, requies salutis & perditionis exilium, vita spiritus & carnis interitus, status qualitatis angelicae & funus humanae substantiae. Haec omnia mala, fortiter Deo adiuuante, & illa quae diximus bona feliciter acquiruntur, si ab animabus sanctis familiaritas inordinata respuitur. Attendite quæso vos, animae sanctae, quia inter omnia certamina, quibus semper comes est Christiana militia, sola duriora praelia castitatis, ubi quotidiana pugna est & rara victoria. Grauem castitas sortita est inimicum, qui quotidie vincitur & timetur; quotidie, inquam, vincitur, & non desinit prouocare. Nemo securus vincit, qui secum pugnat. Periculosa nauigatio est ubi sæpè naufragatur; & cum periculo transitur in fluctibus, ubi multi merfi sunt, libidinis. Cupiditas enim cum vincitur non finitur. Castitatis dura sunt praelia, sed maiora sunt praemia. Flamma quae nimium flagrat, cito

ve-

venit ad cineres : incendium verò corporis cum illi acquiescitur , accenditur potius quàm finitur . Castitatis palmam nemo securus accipit ; cui quantum durus exitus , tantum gloriosi sunt fructus . Præmiale sibi periculum indicit , qui bellum suscipit cum natura . Hostis publicus pascit in noctibus ; latronis insidiæ solis grassantur in tenebris : libidinis vero cupiditas & in noctibus prouocat , & in die non parcit , nec regum purpuras metuit , nec pannos pauperum perhorrescit . Vt ergo castitatis præmia & virginitatis coronam feliciter Deo remunerante possitis accipere , periculosam familiaritatem a vobis semper excludite . Currite fideliter , vt possitis feliciter peruenire . Et mei memores estote , cum in vobis coronata fuerit immaculata virginitas . Hæc epistola ante tribunal Christi me excusabilem reddet , quia cum vera caritate & perfecta humilitate quod mihi oportebat dicere , & vobis audire , suggessi . Si quis , quod Deus non patiatur , obedire neglexerit , erit illi in testimonium : qui verò libenter acceperit , conuertetur in gaudium non temporale sed æternum . Vigetis in Christo , sanctæ ac venerabiles feminae .

## EIVSDEM S. CÆSARII EPISTOLA HORTATORIA

AD VIRGINEM DEO DEDICATAM .

ROM. 11, 33.

**O** PROFVNDVM diuitiarum sapientiæ & scientiæ Dei ! & quis cognouit sensum domini ? Quis enim existimare potest in diebus adolescentiæ tuæ , o venerabilis mihi integritate quidem & meritis domina , sed ordine ac gradibus in Christo filia , cum in coenobio sanctarum virginum

num conferta choro spiritali studio & diuinarum scripturarum eruditionibus intenta, me tunc quasi partem animæ tuæ diligeres, hominem iuuenem & non magnæ indolis virum, qui per abrupta voluptatum lasciuiamque vagabatur, ac per ærumnolis anfractibus propter lætitiā scilicet temporalis felicitatis, in clandestino iactu festinabat immergi; cuius præterea nomen tantum auditu nouerat, vultu penitus ignorabar; quod ad hoc nos officium dispensatio omnipotentis Dei prædeterminatos haberet, scilicet vt nobis familiam suam traderet gubernandam, isto dumtaxat ordine, vt tu in officina huius ecclesiæ ministrares secundum diuini præcepti oraculum. *Si, inquit, separaueris pretiosum a vili, quasi os meum eris.* 1ero. 18, 19. Velut solertissima trapezita inter eos qui æterni regis in se impressa custodiunt, vt eos quoniam denarium eius contra conscientiam cum clauē adulterina sorde commaculant, sagaci discretæque diuisione secernas: quippe quæ non rudis vel neofita hæc sacra dicata ministeria, sed ab ipsa penè cunabulis per annos infantia atque adolescentia, a iuuentute vsque studiis regularibus exercuisti vitam, in quibus viuendi didicisti normam, & doctrinæ copiam affatim es consecuta. Ego vero qui scientiæ prærogatiuam, præpediente segnitia assecutus non sum, & ab abstinentia quam in te intulit diuina dignatio procul distare me video & terrenis necessitatibus implicari. Vnde garrulus potius a sapientibus quam recte aliquid loquens iure reprehendor, sicut etiam ipsius dictionis designat impolita materies. Sed licet stolidus & terreni operis luto foedatus, prisca tamen amoris recordans, credi non potest, postquam hoc quod nunc habes officium sortita fuisti, qualem de te habeam sollicitudinem vel timorem. Vnde quantam deuotionem habui, vt illud secundum Deum ordinate susciperes, & absque macula balu- lares; tanto acrius time, ne forsitan aut diuinus te in-



2. Tim. 2.

Tit. 2.

intuitus, aut humana reprehendat opinio, quòd iuxta te pateat reprehensioni: nec inueniatur in te, vt qui reprehendere volunt, digne lacerare videantur, aut qui imitari appetierint, delinquant: quod ita augustius poteris euitare, si supernum semper iudicium ante cordis oculos ponas. Audi ergo me o dulcissima virgo Christi, soror ac filia: tu quantumcunque semper in studijs spiritualibus occupari desideras, propter sororem tamen, necessaria aliquando etiam exteriora tibi erunt negotia dirimenda. Curandum ergo tibi summopere est, vt sic temporalia, quasi pro tempore agas, ac semper tenacius in spiritualibus deuotione & amore inhæreas; vt cum spiritualia citius dispensaueris, ad orationem illico vel lectionem quasi ad matris sinum recurras. Optare quippe debes, vt abiecta sollicitudine mundi, semper cogites de seruitio Christi, propter illud: *Nemo militans*, inquit, *Deo implicat se negotijs secularibus*. Cogita sine intermissione, quia huius ecclesie es instituta lucerna, non occultanda sub modio, sed super candelabrum posita, vt omnibus qui hanc domum habitant lumen bonorum operum exemplis impertias propter illud: *In omnibus*, inquit, *temetipsum prabe exemplum bonorum operum*: Vitaque tua velut pennatum animal ad alta semper per desiderium euolet, per verbum resonet, luceat per exemplum. Cum vero ad annunciandum verbum Dei te sororibus affectaueris, seu propter utilitatem animarum, tenoremque regulæ custodiendum necessitas incubuerit altercandi: prius cauta consideratione pensa, vt quod ore promissis, factis impleas: vt quod alijs prædicas, operibus præbeas: scilicet vt in tuis humeris atque ceruicibus prius sentias, vtrum grauius an leuibus oneribus colla sororum onustes: verbi gratia, si ieiunium super quotidianum, vel abstinentiam extra consuetudinariam, nec non, vt assolet, plus solito in synaxi psalmos placuerit decantare. Prior in ecclesia inueniatis,

niaris, postrema exeat: prima suscipias labores, soluas posterior; & in quotidiano corporis alimento atque communi cibo par sis his, cum quibus pari vteris in mensa confessu: ut quæ ad vnam sedetis mensam, vnum vos parque reficiat alimentum: iisdemque & tu quibus & sorores ferculorum saporibus delectare, & æqualia vobis cibaria potionesque exhibeant vel porrigant communes discoseræ vel pincernæ: primatumque tuum, quem prior ad mensam tenes, prima ad virtutem parsimonie vindices: ut abstinentiam quam lingua prædicat, proximæ fauces vel vicinus stomachus sentiat: ne forsitan subditæ audientes tacitis cogitationibus dicant: O quam pulchre nobis abstinentiam prædicat plenus venter, & contentas nos iubet esse vilissimis cibis ac poculis accuratis cibis poculisque delectabilibus refertum guttur & eructans! Illa enim de abstinentia prædicatio acceptabilis est, quam lurida ieiunijs ora decantant. Et in his omnibus cæterisque hoc tibi noueris conuenire, ut angusti callis itinera, per quæ socias admones gradiendum, prior ipsa gradiaris: ut omnia quæ agenda sunt, ante factis impleas; ut postmodum velut ductilis tuba ex percussione perducta rectius erumpas in voce, propter illud dominicum: *Qui, inquit, scandalizauerit unum de pusillis istis qui in me credunt, & reliqua.* Inter cætera, cum magna tibi cautela custodiendum est, ut omnes in monasterio, quarum gubernacula æqualiter tuis imposuisti ceruicibus, æqualiter diligas; neue vnam plus, minus aliam ames: sed cuncta quæ sunt, in quibus possibilitas extat, æquo moderamine disponas, parique moderatione dispenles, ac parem eis caritatem impertias, & non quibuscumque per priuatum amorem, sed cunctis secundum merita singularum, quæ sunt necessaria largiaris. Non quæ tibi vultu intuituque placuerit, non quam tibi

Mat. 18.

Q

ad

ad oculum cognoueris, vel cuius blandiori fueris obsequio delinita; sed quam amor Christi & religiosior demonstrauerit vita, præponas. Si quam dominus substantiolam contextu largiri dignatus in monasterio fuerit, cum summa æquitatis linea, æqua omnibus lance, prout cuique opus fuerit, dispensetur; seruata tamen senioribus veneratione, his dumtaxat, quæ ecclesiæ columnæ esse meruerunt. Non sis vestibus ornator cæteris: exhibe non quæ malitia hominum, sed in his quæ diabolus inuidere potest; ut pro ornatu vestium sis ornata conuersatione ac moribus; & hæc omnia lectio diuina condiat. Oportet enim te, ut vereor, propter quasdam, cultum nonnunquam habere in gutture, cauterium in lingua, gestare, virgam tibi & baculum in manu ferre; ut per cultum desceas vitia, per cauterium vero ad sanitatem secta reducas; per virgæ disciplinam corrigas, per baculum vero disciplinatas sustentes. Si cui vero pro suis debitis poenitentiam imposueris, obseruandum, ut cum eam sub fasce a te imposito inclinari incuruarique conspexeris, imiteris formicæ solertiam, secundum præceptum sapientissimi Salomonis, & humerum tuum oneri eius spiritali supponas; ut medio eius itinere obuiam oneratas subleues vel sustentes; & sic singulas de singulis quibusque negligentijs, aut culpis specialibus admoneas & instruas, ut de earum salute a Christo domino tibi æterna gloria representetur. Si quando vero cum secularibus ad conloquendum fueris euocata, & ira necesse fuerit; prius arma frontem trophæo crucis, vexillo Christi pectus ingemina; ut cum sua virguncula Christus comitari dignetur: semper tamen virginali pudore cooperta, memor beaæ Mariæ, quæ cum angelo paucissimis conlocuta verbis, cum Elizabeth postmodum in carmen & laudes Dei decantando profiliuit. Cumque post hæc ad

eos veneris cum tantæ honestatis constantia, nec ipsa, vel locutionem præponas; ut qui te viderint, Christo domino gratias agant, qui talem familiæ suæ providere dignatus est matrem. Ipsa vero processio tua exterior rationabilis non minus debet esse quam rara. Confabulatio vero tua cum eis semper sit mixta gravitate & dulcedine; illa scilicet, quæ de sancto ac puro amore procedit coercenda semper sit & verecundiæ intermiscenda, sicut Christi virginem docet. Item ut ne usquequaque tacens, aut superbiæ aut stultitiæ notam incurras; sed tantum loquaris, quantum opportunitas flagitat rei ac temporis; ut abscedens quisquis ille fuerit desideret te quam se, vel loquelam tuam audire, quam ornat morum gravitas, affectus dulcedinis & paucitas locutionis. Si quid vero ab eis petatum fuerit, quod præstare deliberes, cum vultu hilari præsta. Si quid verò præstari non convenit, petitionem eorum honestate saltem sermonis mollicifica. Nomen tuum plures nouerint: beneficia tua in quantum præuales plures sentiant: vultum rari cognoscant. Si quando autem tibi pro necessitate monasterij seorsim cum prouisorie fuerit colloquendum; cum duabus vel certe cum tribus electis sororibus facito; aut sine negotium secretius superuenerit alijs saltem videntibus loco patulo conloquaris; quia opinio bonæ famæ, sicut etiam perfectæ vitæ custodia tibi necessaria est: & tunc primum despicienda humana detractio, cum Christus in causa est. Si quando verò tale aliquid acciderit faciendum; ut ambiguitate constricta, quacunque parte diuertas, quasi syllogismo innexa, in incertum incedas si feceris, tunc demum ad minus te conuerte periculum, quod facilius ad bonum gubernando retorqueas; & non solum de dubijs, sed & omnis tua actio sit propter Deum, sermo de Deo, cogitatio


1. Cor. 7.

tio in Deum; & exceptis vitijs, quibus non compassio;  
 sed rectitudo debetur, omnibus te eupio esse compas-  
 sibilem, omnibus gratam, omnibus piam, omnibus  
 affectuosam, cunctis bonis animatam: quemadmodum  
 Paulus Christi virginem decorauit, ut *his sancta corpore*  
*& spiritui*: ipso sponso & domino tuo mentem tuam  
 regente, & cunctas vias tuas disponente, qui  
 in trinitate perfecta vivit & regnat  
 Deus in saecula seculorum  
 Amen.

EXPLICIT EPISTOLA S. CESARIS.



NO-



# NOVATI SED CATHOLICI

## SENTENTIA

De humilitate & obedientia, & de calcanda  
superbia.



**S**ECVLARIBVS aliter in ecclesia loquimur, aliter vobis loqui debemus. Illis loquimur aliquando res quæ sonum habent, & virtutem non habent: delectantur enim tanquam infirmi sonis verborum, non virtute Dei. Vos autem in nomine Christi, non in hoc delectamini; sed vultis audire salutis verbum, in quo vocati estis, & has vestes lugubres in mundo induistis expectantes meliores apud Deum. Nostis iam & sapitis. Iam multum tempus hic habetis aduersus quem vobis est colluctatio, aduersarius vester non est foris, sed intus est in visceribus: & in ipsis membris nostris habemus oblectatorem. Si enim *caro concupiscit aduersus spiritum, & spiritus aduersus carnem, ut non ea quæ volumus faciamus*: videtis quia iatus est aduersarius iste. Aduersarius autem iste non vincitur nisi humilitate & caritate: quia & ipse dominus noster Iesus Christus diabolum non vicisset, nisi humiliatus fuisset; humiliatus autem non necessitate, sed caritate. Si enim non amasset, humilis factus non fuisset. Amore nostri factus est humilis. Si ergo *qui fecit celum, & terram, mare & omnia quæ in eis sunt, dominus angelorum omnium, qui creauit omnia, propter nos humilis factus est* quare

Gal. 5, 17.

Isa. 45, 1.

quare nos propter nosmetipsos recusamus humilitatem ? Via ergo salutis non est nobis peruia, nisi humiliatis . Cum ceperis humilitatem, quare eam propter Deum & propter ipsam congregationem sustinere . Et in ipsa congregatione quamvis æquales sitis, unusquisque alterum superiorem sibi existimare debet, tametsi non sit superior . Non illud facit, nisi qui humilitatem habuerit . Non est necessarium seruis Dei aliud præmium, nisi humilitas: quia humilitas si fuerit in homine, facit illum obedientem . Obediens vero qui fuerit, vel qui obedientiam sectatur non hominibus obedit sed Deo . Sic enim dominus ait : *Qui vos audit me audit : qui me audit, audit eum qui me misit .* Abbas pater est, sequentes fratres patriarchæ sunt . Et quicumque est alius inter vos, qui forte bonam habet vitam, meliorem continentiam, meliores vigilias, meliorem custodiam corporis, & ipse propter imitationem pater est . Hæc ergo agite inter vos, ut primum humilitatem custodiatis, non ut hominibus humiles videamini, sed Deo . Illa est vera humilitas, quæ Deo, non hominibus, demonstratur . Nam humilitas quæ hominibus monstratur, fictio est, non humilitas, quod à seruis Dei omnino alienum esse debet . Non quidem arbitror quia sint tales in vobis; sed ne surrepat talis morbus, admoneo . Homines enim sumus, & hominibus loquimur . Idcirco primum humilitatem fratribus vestris monstrare debetis propter imitationem; ut fundata sit ipsa humilitas intus in corde secundum Deum . Cum fuerit enim humilitas fundata in corde tuo propter Deum, tunc dat illi Deus, id est fratri tuo, ut intelligat & imitetur humilitatem tuam . Nam si non fuerit humilitas fundata in corde tuo; ostendit Deus fratri tuo, quia ficta est humilitas tua . Prima ergo via salutis hæc est: humilitatem tenere simplicem propter Deum, non propter hominem: non placere inde hominibus, sed placere inde Deo . Humilitatem sequa-

Luc. 10. 16.

quatur obedientia, & obtemperetis vobis ipsis, sicut sibi obtemperant membra. Numquid cum consilio obtemperant membra, & non naturali caritate? si pes offenderit, manus occurrit; ne totum corpus lædatur, ut cadat. Sicut ait apostolus: *Si patitur unum membrum, committuntur omnia membra.* Vnde ergo, nisi ex caritate? Si ergo dilexeritis vos invicem, nulla erit conturbatio. Scandala nemo patiatur: non propter cibum, non propter potum, non propter vestimentum, non propter vigiliis, non propter opera, non propter coquinnam, non propter ministerium. Iam cum vos invicem dilexeritis, si quis aliquid faciat, quod non debet: caritas illa non permittit ut offendaris. Habete ergo, fratres, humilitatem & obedientiam, quam sequitur pax, ut sitis filij pacis: *Quia caritas*, sicut ait apostolus, *vinculum est perfectionis.* Cum quis habuerit humilitatem, Christum imitatur, qui humilis factus est propter nos. Cum quis habuerit obedientiam, Christum imitatur, qui *obediens factus est usque ad mortem.* Cum quis habuerit caritatem, Christum imitatur: *quia Deus caritas est.* Sed prius elaborate, ut intus vitia vestra vincatis. Fiat pax primò animæ & cordis cum præcepto Dei: ut aduersus consuetudinem corporis atque fragilitatem duo sint victores, præceptum Dei, & consensus tuus. Casus enim talis est, medicus, ægrotus & ægritudo. Si iste ægrotus se cum ægritudine dederit, vincitur medicus, efficiuntur duo aduersus vnum, atque superatur medicus. Si ergo ægrotus cum medico se dederit, vincitur infirmitas. Medicus Christus est: ægroti nos sumus: ægritudinis morbus, consuetudo peccati est. Iam qui ex parte renunciauit sæculo, quamvis viuat in sæculo, attendat ubi debeat inhaerere: vtrum morbo an medico. Si medico non inhaerit, laborat medicus. Ideò nobis euangelium in sæculo clamat & dicit: *Estote consentiens aduersario tuo cito, dum es cum illo in via.* Non nos do-

1. Cor. 12, 26.

Colos. 3, 14.

Philip. 2, 8.

1. Ioan. 3, 16.

Mat. 5, 25.



Mat. 11, 28.

docet, vt simus consentientes aduersario diabolo ; sed docet, vt consentientes simus aduersario, præcepto diuino, quod aduersatur malis nostris, & aduersatur consuetudini nostræ, aduersatur iniquitatibus nostris. Si consentimus, facti sumus concordēs cum præcepto Dei, & accipimus quasi iugum Dei ; propter quod ait dominus : *Venite ad me omnes qui laboratis & onerati estis, & ego reficiam vos. Tollite iugum meum, quia leue est, & sarcina mea leuis est.* Ecce quid tam leue ? Denique considera quemadmodum qui aliquid habent in hoc mundo timent ne rapiatur. Quomodo timent ne quod acquisierunt perdant ? Quibus modis torquentur, quasi sub grauissimo pondere sollicitudinem habendo ? Vos autem non aliud laboratis, nisi vt hoc faciatis quod abbas præcipit. Iam sub iugo es : non cogitas vbi viuas ; quia nec debes cogitare. Est qui te regat : est qui tibi curam ferat. Omnino ad vos cogitatio cibi & vestimenti nec pertinere debet. Quod dederit abbas, sic puta quasi Deus dederit : ipsa est enim vera humilitas. Sed forte vnus plus habet, & alter minus ; & hoc tanquam a Deo factum habete. Sed vnus sedet ad alteram mensam ; si sic iubet abbas, si sic probauerit, sic habete quasi Deus iusserit. Nolo inde inrerogēs, vt dicas ; cras ego ibi sessurus sum. Nolo vt facias consuetudinem, vt tibi des illam necessitatem. Si forte non est quod detur, aut non videtur vt detur ; sic habe, aut quia non est quod detur, aut visum est non expedire vt detur. Ista fratres si seruaueritis, prorsus vitam æternam habebitis. Nolite permittēte vos verbis malis agi. Si forte aliquis infirmus cadit, vt loquatur peruersa ; statim cohibete illum : statim dicite, noli facere, noli frater, peccas. Debetis enim, propter quod in vnum estis, & abbatem vnum habetis, & uos uobis abbates esse. Numquid vnus, quia duos oculos & duas aures habet, abbas potest omnes audire, aut omnes uidere ? aut non habet necessita-

sitatem alicubi exire & aliquid prouidere? Vos vobis  
 abbates estote; & quomodo metulistis abbatem præsen-  
 tem, metuite & absentem; quia præsens est Deus. Om-  
 nino hoc timete, hoc metuite, quia Deus semper præ-  
 sens est. Et si vnus curam fert tantis: quanto magis vos  
 omnes ferre debetis; ne inueniat vnde irascatur, vnde  
 doleat, vnde offendatur, vnde ingemiscat, vnde putet  
 quia peribit labor eius tanti temporis? Hæc enim tunc  
 nobis poterunt prodesse, si habuerimus humilitatem,  
 obedientiam & caritatem. Via alia ad Deum non est,  
 nisi humilitas, obedientia & caritas. Ipse est via, veritas,  
 & vita. Nam cruciari, ieiunare biduo, triduo, quadriduo,  
 septimanas facere frequenter, inde superbiunt fratres, pu-  
 tantes quia quod ipsi faciunt, alius facere non potest: in-  
 finitum putant esse quod alius non potest facere: aut  
 ambulat nudo pede, & arbitratur quoniam ipse solus  
 hoc potest facere: aut forte nec bibit nec ipsam aquam  
 mixtam; exercitatio temporalis est, quia semper illud  
 facere non potest. Sed cogiter magis humilitatem, co-  
 gitet pietatem, caritatem, obedientiam. Propter enim  
 frangendas vires corporis, propter domandum sangui-  
 nem & carnem debet arripere ista quasi bonus athleta:  
 sed non inde gloriatur, ne perdat quod fecit. Nam  
 pharisæus ille qui ascendit in templum orare, num-  
 quid opera, quæ numerabat, modica erant? Immensa  
 erant; ieiunare bis in sabbato; decimas omnium rerum  
 suarum pauperibus dare; non facere fraudem; adul-  
 terium non committere, infinitum est: sed quoniam  
 iactauit illud in superbiam, totum quod fecit, superbia  
 fuit. Propterea David dicit: *Non veniat mihi pes su-*  
*perbia, & manus peccatoris non moueat me. Ibi ceciderunt om-*  
*nes qui operantur iniquitatem. Vbi ceciderunt? In lapsu*  
*superbiæ. Inde enim cecidit diabolus, per superbiam*  
*lapsus est. Omnino ergo non admittatur ad seruos Dei*

Luc. 18, 9.

Psal. 35, 11.

R

su-

superbia. Qui ergo iam aliter vivit, vitamque suam melius instruit, non sit quemadmodum ille pharisæus. Publicanus autem humiliatus non audet nec oculos ad cælum levare, & sententia domini collaudatus redit ad domum suam iustificatus magis quàm ille pharisæus. Expertum namque habemus, & in ipsis sanctis scripturis, & in fratribus nostris: quia quicumque viam humilitatis tenuit, proficit, & non perit.

EXPLICIT NOVATI SENTENTIA.

## S. PAVLINI AD MONACHOS DE POENITENTIA



**INTERROGATIO.** Quomodo debemus agere poenitentiam?

**Responsio.** Detur utique poenitentia sæculari, cuius adhuc ceruix sub iugo pendet sæculi; & huic pro immanitate peccati siue delicti terminetur tempus: quia adhuc tempori servit. Cæterum abrenuncians, sæculo & eius militiæ, spondensque se cunctis diebus servitutum Deo, cur poenitentiam mereatur, qui liber effectus, velut onager, sectatur eremi vastitatem? Sicut ait Iob: *Quis dimisit onagrum liberum in deserto?* A leone fortiter caueat, & arentibus herbis, poculoque exiguo alatur in eremo: erigat in aëra caput, & flagrantem nimium sitis ardorem sancti spiritus aura restinguat: ne dum valde desiderat amoena virentia, nimis delitijs præpeditus periculum salutis incurrat. Igitur abrenunciati poenitentia

Iob. 39. 5.


tia publica non est necessaria : quia conuersus ingratum,  
 & cum Deo æterno pactum iniuit. Ex illo igitur die  
 non memorantur eius delicta, quæ gessit in sæculo, in  
 quo facturum se iustitiam de reliquo promiserit Deo. Ergo  
 chirographum de quo se monachus debitum ex tota fide  
 promiserit implere; & si fidelis factus peccauit in sæcu-  
 lo; post abrenunciationem suam iterum factam, domi-  
 nicum corpus non dubitet accipere : ne occasione hu-  
 militatis nimie prolongetur a corpore eius & sanguine,  
 cui se iunxit, vt vnum corpus efficeretur. Communi-  
 care non desinat qui peccare quieuit; tantum ne de re-  
 liquo peccet. Nam sicut ignis iste visibilis duas in se  
 quasdam efficacias habet, id est, comburere fragilia, &  
 illuminare tenebrosa; ita ignitum illud dominicum cor-  
 pus, quando cum metu & reuerentia grandi fuerit sum-  
 ptum, corporis quidem delicta consumit, animæ verò  
 sensum illuminat : & idcirco maxime communicare fre-  
 quentiùs debet. *Si verò fuerit, sicut scriptum est, lepra in* *Leuit. 13.*  
*pelle, immunda erit, id est, peccatum in monacho : quia*  
*pellem esse monachum scriptura significat mortificantem*  
*membra sua super terram; cuius ossibus adhæsit caro,*  
*cuiusque caro immutatur propter oleum, & a ieiunio*  
*infirmatur, & genua velut foenum arescunt. Ergo si in*  
*hac pelle visa fuerit lepra, immunda erit, & nisi*  
*fuerit hyacinthina aut rubra pura, ad*  
*ornatum tabernaculi non*  
*erit apta.*





# EPISTOLA PATRIS NOSTRI EVTROPII ABBATIS

Ad Petrum Papam de diffractione monachorum,  
& ruina monasteriorum,  
directa Romæ.



**M**NIPO TENS dominus pro sua misericordia humanos miseratus errores per Moysen sanctissimum virum nobis certissimum præbuit documentum, & pro offensione & culpa delinquentibus debere irasci, & contra bene sancteque viventibus mites & benignos esse satis congruum & laudabiliter declaravit in eo, quod pro peccato populi delinquentis, ut scriptura propriè loquitur, iratus nimis tabulas, quas a domino acceperat, ad radicem montis confregit; insuper & facinus ipsum populi delinquentis leuitarum gladio vindicavit. Mitem autem & benignum in hoc eum fuisse non dubium est, quia pro eis sapiùs dominum deprecando, iram Dei super eos venientem auertit; & a quibus aliquando lapidari potuit, pro eisdem dominum deprecari non destitit. Hoc ad præsens de multis de veteri testamento sufficiat testimonijs. Sed ipse dominus in euangelio sic dicit: *Omnis qui irascitur fratri suo, reus erit iudicio.* Et hoc qualiter intelligatur aduerte. Ille in hoc dicto tenetur obnoxius, qui non vitio, quod est in homine malum, sed naturæ ipsius humanæ, quam Deus utique bonam condidit, iræ voluerit prærogare stimulum.

Pro-

Mat. 5. 22.

Propterea & quibusdam male conuersantibus, & a se durius increpatis apostolus dicit : *Ut malus essem vos me corrigitis*. Et de abscissione ac separatione eorum qui poenitere nolunt ista loquitur : *Vtinam excidentur qui vos contribant*. De quibus & dominus in euangelio, vt alijs verbis loquar : si sæpius autem admonitus frater corrigi noluerit, sit tibi sicut ethnicus & publicanus. Quod si tacere, & delinquentem (quod dictu quoque nefas est) pro culpæ modulo non debemus arguere : cur quæso nobis per Esaiam dominus præcipit dicens : *Clama, ne cesses, quasi tuba exalta vocem tuam, & annuncia populo meo scelera eorum, & filijs Israel peccata eorum* : & illud Ezechielis : *Si non annunciaueris impio vt ab iniquitate sua conuertatur, ille quidem impius in iniquitate sua, quam operatus est, in ipsa morietur : sanguinem autem illius de manu tua requiram*. Cui sententiæ nos dictum illud doctoris egregij subiungimus. Et quid prodest non puniri suo, qui puniendus est alieno peccato ? Ad Timotheum autem Paulus apostolus aperte loquitur dicens : *Argue, obsecra, increpa, in omni patientia & doctrina* : sed eos qui semel & iterum admoniti facinus suum poenitendo cognoscere, & in melius suam voluerint vitam corrigere. Cæterum de illis, qui in malo perseuerare proposito, nec ad rectæ vitæ tramitem resipiscendo reuerti elegerint, aliibi præcepit : *Increpa eos durè*. Et iterum : *Cum huiusmodi nec cibum sumere*. Propter hoc etiam loquitur dicens : *Inimicus vobis factus sum verum dicens vobis*. Vnde & sæcularis poëta : *Obsequium, inquit, amicos, veritas odium parit : amara est enim veritas, & qui eam diligunt replentur amaritudine*. Ideo & Hieremias dicit : *Solus sedebam, quia amaritudine repletus eram*. Et quæ est ipsa amaritudo, nisi mala, & non recta quorundam hominum conuersatio ? Quid nunc agimus, sanctissime vir, tacebimus ? & dissolutioni consentiemus, vt & mansueti, & mitis vocabulum acquiramus ? Et quid nobis hoc ante Deum proderit, quando

2. Cor. 12, 21.

Gal. 5, 12.

Mat. 18, 17.

Isa. 58, 1.

Ezech. 33, 8.

2. Tim. 4, 2.

Tit. 1, 13.

1. Cor. 5, 14.

Gal. 4, 16.

Hier. 15, 17.

do pro nostro silentio anima pereuntis de nostra dicitur manu perquiri? Si autem à Deo nobis creditam gregem & exhortando & increpando sapientius a diaboli laqueis & peruerso voluerimus opere reuocare, immites & asperi multorum ore dicemur. Sed quamuis hoc a multis, qui locum officij nostri non intelligunt, sæpè dicatur, tenenda est tamen discretio, & sanctæ regulæ institutio; ut quæ patres instituerunt, etiam successores & filij integra illibataque custodiant & obseruent. Nam si in aliquo a sanctorum patrum institutione & tramite deuiandum, nec pro culpæ suæ quis qualitate & opere increpandus est; quis quæso malorum hoc audit, qui nunc saltem propter supplicia terreantur, qui non quæcunque voluerit agat, & præceptis feratur ad vitia? Et propterea diuinæ potentiae ordo & ineffabilis dispositio præcipit, ut sit in sæculo princeps, in ecclesia pastor & pontifex præficiatur, & in monasterijs pater; ut nefario operi & actibus scelestis & impijs obistere, & contra humani generis mores perpetratum facinus distractionis & seueritatis possit gladio vindicare. Sanctus Augustinus præclarus, ut optime nosti, ecclesiæ doctor, quæ in octavo ciuitatis Dei libro dicit aduerte. Denique in disciplina nostra non tam quaeritur, utrum pius animus irascatur, nec utrum sit tristis, sed unde sit tristis: nec utrum timeat, sed quid timeat. Irasci enim delinquenti ut corrigatur, contristari pro afflictio ut liberetur, timere periclitanti ne pereat, nescio utrum quisquam sana consideratione reprehendere audeat. Facultas autem istius sæculi quam nobis dominus pro necessitate & sustentatione istius transitoriae vitæ, & non pro luxuria & superfluitate facienda sua miseratione donare dignatus est, etiam si in toto quod non est, sufficientes esse possint, non tamen idè affluenter & splendide viuere, & ventri & gulæ inserviendum est, etiam si his omnibus abundemus. Prohibet enim hoc scri-

*Scriptura dicens : Diuitia si affluant, nolite cor apponere. Apostolus autem : Et carnis curam ne feceritis in desideriis . Et Ca-*  
*stigo corpus meum & in seruitutem redigo, ne forte dum alijs præ-*  
*dico, ipse reprobus efficiar. Propter quod & frequenter in*  
*fame & siti, & nuditate, & ieiunijs sæpe asserit gloriari.*  
*Et illud in euangelio domini : Non grauentur corda vestra*  
*in crapula & ebrietate. Quod si non ita est, sine causa ergo*  
*sanctorum patrum quotidie vitam legimus. Quorum*  
*professionem tenere nos dicimus, secundum eorum in-*  
*stitutionem viuere detrectamus. Ut quid etiam & do-*  
*minus noster secundum Esaiæ vaticinium præcipit dicens:*  
*In viam gentium ne abieritis, nisi ut quorum separata est re-*  
*ligio, separaretur & vita? Nulla enim erit distantia inter*  
*profanum & sanctum, inter secularem & monachum,*  
*frugalem & parcum; si passim voluntati nostræ & con-*  
*cupiscentiæ deseruire voluerimus, & satisfacere. Aut*  
*quid nobis ante Deum proderit in nomine tantum, & non*  
*etiam in sancta & bona vita & conuersatione laudabili*  
*professio religionis nostræ? Primo ante Deum, deinde*  
*ante homines si voluerimus ostendere, secundum illud*  
*quod de Samuel legitur : Et placebat tam Deo, quam homi-*  
*nibus. Et dominus in euangelio : Videant, inquit, vestra*  
*opera bona, & glorificent patrem vestrum qui in celis est. Et*  
*hoc idè, quia quodcumque bonum in nobis esse dicitur,*  
*non ex nostræ vitæ esse merito, sed Dei gratiam*  
*gratis nobis largienti tribuatur dono. Vnde & Paulus*  
*apostolus : Prouidentes, inquit, bona non tantum coram domi-*  
*no, sed etiam coram omnibus hominibus. Qui alibi laudem ho-*  
*minum pro vana gloria declinando dicebat : Si adhuc ho-*  
*minibus placerem, Christi seruus non essem. Beatissimus quoque*  
*Petrus apostolorum omnium caput & princeps, Conscien-*  
*tiam & conuersationem, inquit, habete inter gentes bonam, ut in*  
*eo quod detrahunt de vobis tanquam de malefactoribus, confundan-*  
*tur infamantes vestram in Christo bonam conuersationem. Opta-*  
*mus.*

Psal 16, 11.

Rom. 13, 14.

1. Cor 9, 27.

Luc. 21, 34.

Mat. 10, 5.

1. Reg. 2, 29.

Mat. 5, 16.

2. Cor. 8, 21.

Gal. 1, 10.

1. Petr. 2, 12.



Mat. 22, 14.  
Luc. 12, 32.

Prov. 22, 28.  
Eccl. 19.

mus autem, & hoc ex toto cupimus affectu mi pater, quod & tu vis, & paratus sum ut dicam, manibus in domo Dei venientes suscipere, & nostro in sinu portare & fovere, dummodo tales sint, qui & Deo placeant, & professionem suam intelligant & custodiant. Quia non desideramus quantos, sed quales habeamus, & cum quibus castè & sanctè viamus, ita ut in professione perfectorum domino placeamus. Non enim in dissoluto tepidoque vocabulo & numero, sed in sanctitate perfectorum dominus delectatur. Idèd & multi vocati, pauci vero electi. Et pusillus est grex, Cui complacuit patri vestro dare regnum. Satisque melius est cum paucis & sanctis in vitam ingredi, quàm cum plurimis tepidè & luxuriosè viventibus a sanctorum consortio segregari. Et per arctam & angustam viam pauci ambulant, & in æternæ vitæ patria regnant: per amplam & spatiosam multi ingrediuntur, & in gehennæ profundo præcipitantur. Nos enim, sicut fundatores & patres istius monasterij tenuerunt, & nobis tradita dimiserunt, auxiliante domino & tenuimus & tenemus, nec quicquam super aut minus facimus, memores illius scripturæ, quæ dicit. *Ne transgrediatis terminos antiquos quos posuerunt patres tui.* Et: *Qui modica spernit, paulatim decedit.* ut per hæc domnos & patres nostros, qui regulam hanc secundum antiquorum normam, Deo sibi inspirante, instituerunt, in iudicio Dei non aduersarios, sed patronos in omnibus habeamus. Nam etsi fortè aliquis dicat, nimis districtè nos agere, & propterea aliquos a nobis dicat exire, & pace tua loquimur, & saluo tuo carissimo nobis & Deo digno honoris privilegio dicimus, quicumque alius hoc dicit, videtur nobis monasterialem regulam nec nosse penitus, nec intelligere: & per hoc apparet eum non nobis detrahere, sed suam imperitiam publicare. Dicat autem sibi quisque, ille quod vult, nos autem quod accipimus & didicimus tenemus, & omnes

CLXI

san-

sancti qui nobiscum sunt fratres, in quorum corde diuinus amor & caritatis dilectio regnat, tota mentis intentione custodiunt, & in hoc perseverare domino se protegente & adiuuante confidunt. Nullius enim nos, in tali praesertim Dei causa, nec vituperatio frangit, nec laus, etiam si falso dicatur, eleuat. Dicimus enim ab apostolo dictum: *Per gloriam & ignobilitatem, per infamiam & bonam famam*, &c. Solum est, ut auxiliante domino nobis pro tuis sanctis orationibus, hoc pro seruorum Dei salute & propter Deum agamus, quod nobis non ad damnationem, sed ad mercedem in iudicio iusti iudicis, ipso opitulante proueniat. Nam si detractioes hominum, timere voluerimus, quae Deo sunt placita minimè faciemus. Quia sicut tuæ sanctitati bene est cognitum, si quis increpet arguatque peccantem, statim odio habetur, statim ei detrahatur, statim patitur insidias. Sed consolatur nos Dominus dicens: *Beati estis cum maledixerint vos homines propter me; gaudete & exultate, quoniam merces vestra copiosa est in caelis*. Hoc tantum nos elaborare conuenit, ut pro nulla alia re, nisi pro Christo sustineamus contumeliam, & detractiois causa sit Christus; & maledicta peccati pro veritate nos maledici sciamus, qui eam pro saluatione eorum, qui nobis a Deo commissi sunt, omnium cum fiducia praedicamus: nec facile his placabilem praebemus aditum monasterij, qui etiam omnem ecclesiae conuentum vesano ore dilaniant. Quia ut sancta scriptura loquitur: non tantum ille qui detrahit, sed etiam qui detrahentem libenter auscultat, vnius reatus & culpae esse censetur. Hæc tibi, beatissime pater, propterea scribimus; ut scias nos nihil absque ratione gerere; sed secundum consuetudinem monasterij huius quæ & sanctè & regulariter instituta sunt facere. Certè si aliquis consuetudinem regulæ nostræ ferre non sustinet, non nostræ districtioni, sed suæ imputet tepidæ voluntati.

S

Neq;

2. Cor. 6, 8.

Mat. 5. 11.

Prov. 24. 12.

Isa. 22, 13.

2<sup>a</sup> Tim. 2, 19.

Neque enim si quis claritatem solis lippis oculis aspicere & videre non potest, ideo culpa solis, & non potius vitium lippitudinis & cœcitatibus esse dicendum est. Quia quod Deus bene, sanctè & perfectè a sanctis & perfectis viris in hac cella sua instituit, & nunc vsque teneri voluit, nullo modo nunc propter paucos & tepidos, aut vagos & pseudomonachos, qui diuersorum quotidie circum-eunt domos, & cum Epicuro lætanter dicunt: *Manducemus & bibamus, cras enim moriemur*: in aliquo transgredi poterit, aut immutari, aut dimitti. Quia, vt sanctus ait apostolus: *Firmum Dei fundamentum stat*, etiamsi sit, qui in illo malæ voluntatis suæ vitio offendant & cadat: nec in aliquo vacillet, aut nutet, quod Deus omnipotens suæ dextera protegit & confortat. Amen.

EXPLICIT EUTROPII ABBATIS EPISTOLA.



IN-

# INCERTI AVCTORIS S E R M O

DE DECEM VIRGINIBVS.



IN lectione, quæ nobis recitata est, fratres dilectissimi, audiuius dominum dixisse: *Simile est regnum calorum decem virginibus, quæ acceptis lampadibus exierunt obviam sponso & Sponsæ.* Mat. 25.1. Hoc si secundum literam tantum intelligimus, nimium durum videtur & asperum. Absit hoc a sensibus nostris, ut vel de domo cuiuscunque etiam pauperis Christiani tam parvus numerus veniat ad vitam æternam. Et ideo quia nulla ratione secundum literam intelligi debet; quia reuera ipse dominus similitudinem esse dixit, requiramus quare quinque dictæ sunt fatuæ & quinque prudentes. Illæ enim quinque prudentes significant omnes sanctos, qui cum Christo sunt regnaturi: & è contrario illæ quinque fatuæ figuram videntur habere Christianorum, qui sine operibus bonis de solo tantum Christiano nomine gloriantur. Ideo autem fatuæ quinque, & illæ prudentes quinque dicuntur: quia quinque sensus in omnibus hominibus esse probantur, visus, auditus, gustus, odoratus, & tactus: quia per istos sensus velut per quasdam ianuas vel fenestras aut vita aut mors ingreditur ad animam nostram. De quibus & propheta dixit: *Intrauit mors per fenestras vestras.* Ierem. 9. 21. Ideo & ibi quinque virgines dicuntur prudentes, quæ istis sensibus bene utuntur: & ibi quinque fatuæ, quæ per istos quinque sensus magis mortem quam vitam excipiunt. Quomodo autem isti quinque sensus, velut quinque virgines, aut virginitatem custodiant, aut cor-

S 2

rup-

ruptioni subiaceant, diligenter requiramus. Si aliquis vir, aut aliqua mulier viderit aut filium, aut filiam, aut alienum seruum, aut ancillam, & ad concupiscentiam diligenter aspexerit; corrupta est vna virgo: quia per oculos, id est per fenestras corporis in secretum cordis venenum mortis intrauit. Si vero aliquis siue religiosus, siue laicus homines detrahentes, sermones etiam otiosos, & cantica luxuriosa vel turpia proferentes libenter audierit, & cum delectatione placido auditu susceperit; corrupta est alia virgo. Si autem non sit contentus mediocribus cibis, sed sumptuosas delicias adquirat; si semper male loqui studeat, per iniquum gustum corrupta est alia virgo. Quod si etiam odores peregrinos, ut hominibus ad luxuriam placere possit, diligenter inquirat; quarta virgo est violata. Si vero manibus suis aut filios aut filias alienas cum delectatione propter libidinem tangere voluerit, & vestimenta nimis mollia animo voluptuoso quæsierit, iam etiam quinta virgo corrupta est. Hoc enim ordine isti quinque sensus velut quinque virgines in hominibus corrumpuntur. Et e contra, dum animæ sanctæ istos quinque sensus, id est, visum, auditum, gustum, odoratum & tactum, ab omnibus illicitis rebus refrænant, linguam suam ad ea quæ sunt licita vel legitima sobrie & caste relaxant, quinque sensuum virginitatem custodiunt. Ideo quinque virgines homines bonos significant; & aliæ quinque eos qui mali sunt præfigurant. Et reuera, fratres carissimi, quid prodest viro vel feminae, clerico vel monacho, vel sanctimoniali, si in corpore virginitas custoditur, quando per malas concupiscentias cordis integritas violatur? Quid prodest in vno membro præferre castitatem, & in omnibus habere corruptionem? Nam & illi virgines qui agnum sequuntur, si diligenter attenditis, non propter hoc sequuntur agnum, quia solam virginitatem corporis ser-  
uau-  
erunt.

uauerunt : denique cum dixisset : *Hi sunt qui se cum mulieribus non inquinauerunt ; secutus adiunxit : Et non est inuentum in ore eorum mendacium, sine macula sunt.* Qui ergo de sola corporis virginitate gloriantur, diligenter attendant, quia si mendacium diligunt, cum illis sanctis virginibus Christum sequi non poterunt. Nulla ergo virgo de sola corporis virginitate præsumat ; quia si inobediens fuerit aut linguosa, ab illo thalamo sponsi cælestis se nouerit excludendam. Cum ergo virgo centesimum gradum teneat, & mulier coniugata tricesimum ; melior tamen est casta & humilis coniugata, quam virgo superba. Illa enim caste & humiliter marito seruiens tricesimum gradum possidet ; virgini superbæ nec vnus remanebit : & vtrisque impletur quod ait psalmista : *Tu populum humilem saluum facies, & oculos superborum humiliabis.* Et quia totam ecclesiam catholicam beatus apostolus virginem vocauit, non solas in ea considerans corpore virgines, sed incorruptas omnium desiderans mentes, ita dicit : *Aptauit vos uni viro, virginem castam exhibere Christo.* Non solum sauctimonialium, sed etiam omnium virorum vel mulierum animæ, si & castitatem in corpore, & in illis supradictis quinque sensibus virginitatem concordie seruare voluerint, sponsas se Christi esse non dubitent. Non enim corporum, sed animarum sponsus intelligendus est Christus. Et ideo, fratres carissimi, tam viri quam feminae, tam pueri quam puellæ, si virginitatem vsque ad nuptias seruant, & per istos quinque sensus, id est visum, auditum, gustum, odoratum, vel tactum, dum eis bene vtuntur, suas animas non corrumpunt, in die iudicij apertis ianuis ad æternum sponsi thalamum feliciter merebuntur intrare. Illi vero, qui & corpora sua ante nuptias adulterina coniunctione corrumpunt, & postea per totam vitam suam male viuendo, male audiendo, male loquendo, animas suas violare non desi-

Apoc. 14.

Psalm. 17, 28.

2. Cor. 11, 2.

bunt; si eis dignæ fructus poenitentiae non subuenerit,  
 clausis ianuis sine causa clamabunt: Domine, Domine,  
 aperire nobis. Et audire merebuntur: Amen dico vobis, nescia  
 unde sitis. Hæc ergo, fratres, si & clerici, & laici, &  
 Machi, & sanctimoniales, & in coniugijs positi fide-  
 diligenter attendimus, & cum castitate corporis  
 integri tatem cordis auxiliante domino custodimus,  
 cum fatuis projiciemur in tenebras exteriores; sed  
 sapientibus ad spirituales nuptias, introibimus, si audi-  
 merebimur: Euge serue bone & fidelis, intra in gaudium.  
 inuiti. Quod ipse præstare dignetur.

---

ITEM SEQUITVR. ELVSD. EM.

**I**n lectione euangelica, quæ nobis de decem virgini-  
 bus recitata est, fratres dilectissimi, dictum est quod  
 omnes virgines ornauerunt lampades suas, sed fatua non habuerunt  
 oleum lampadibus necessarium. Prudentes vero sumpserunt oleum  
 in vasis suis. Moram autem faciente Sponso, dormitauerunt &  
 dormierunt omnes. Media autem nocte clamor factus est: Ecce  
 sponsus venit, exite obuiam ei. Tunc surrexerunt omnes virgines  
 illæ, & ornauerunt lampades suas. Et cum fatuarum virginum  
 lampades extinguerentur, rogauerunt reliquas virgines, ve-  
 darent de oleo suo: & illæ responderunt: Ne forte non  
 sufficiat nobis & vobis: sed ite potius ad vendentes & emite vobis.  
 Dum autem irent emere, venit sponsus, & quæ paratæ erant intro-  
 ierunt cum illo ad nuptias, & clausa est ianua. Venerunt postea  
 reliquæ virgines & dixerunt: Domine aperi nobis. Quibus re-  
 sponsum est: Nescio vos unde sitis. Quid autem ista signi-  
 ficient, fratres carissimi, secundum quod in antiquorum  
 patrum expositione legimus breuiter caritati vestræ sug-

gerimus. Non ideo dictę sunt quinque virgines, quia tam parvus numerus futurus sit in vita æterna; sed propter quinque sensus, per quos aut mors aut vita ingreditur ad animam nostram; quibus aut male vtimur & corrumpimur; aut certe bene vtentes virginitatem animæ custodimus. Illud quod ait: *Sponso moram faciente dormita-* 1bid.  
*uerunt & dormierunt omnes*: Somnus ille mortem significauit. Denique sic ait apostolus: *De dormientibus autem* 2. Thes. 4. 13  
*nolo vos ignorare fratres*. Media nox quando clamor magnus factus est; significat diem iudicij. Propter ignorantiam dictum est: media nox; quia nemo scit quando aut qua hora dies iudicij veniat. Quod autem omnes virgines ornauerunt lampades suas, & illę fatuę habuerunt oleum, sed tam parum fuit, vt eis sufficere non potuisset: denique statim extingui cœperunt. Vnde, quantum possumus cum Dei adiutorio laborare debemus fratres dilectissimi, vt quoniam in oleo misericordia vel caritas intelligitur, tantum reponamus in vasis animarum nostrarum, quantum nobis sufficiat in æternum. Nemini sufficit parum, fratres carissimi; nisi forte pro paupertate plus dare non præualeat. Plena animæ lucerna opus est, vt per caritatis oleum lumen nostrum luceat in æternum. Cui Deus dedit largiorem substantiam, quantum potest laxet manum ad eleemosynam, nec credat quod ei possit sufficere parum: sed consideret vnusquisque ex eo tempore quo sapere cœpit, quantum debeat pro his quę male cogitauit, quę male locutus vel male operatus est: attendat multitudinem peccatorum, & singulorum pretia diligenter appendat: videat quantum pro mendacijs, pro iuramentis, pro periurijs, pro maledictis, pro detractionibus, pro ebrietate, pro gula atque luxuria, pro cupiditate, pro inuidia, pro superbia, pro cogitationibus sordidis, pro sermonibus otiosis. Consideret ergo vnusquisque ista omnia & his similia, quę nec  
 nu.



Mat. 25.  
Ibid.

Ibid.

Mat. 25. 40.

Mat. 25.

numerari possunt; & tunc agnoscat quantas eum elemosynas oporteat exercere. Cum enim etiam si totum demus, nisi præponderavit Deus misericordiam, redimere cuncta peccata non valeamus, vel humiliter contrito & compuncto corde quantum possumus cum Dei adiutorio laboremus: & non pro laude humana, sed pro Dei amore & vitæ æternæ contemplatione faciamus. Quod autem dixerunt virgines fatuæ sapientibus: *Date nobis de oleo vestro*. Et illæ responderunt: *Ne forte non sufficiat nobis*; hoc pro timore humiliter dictum est: quia terror & tanta examinatio erit in die iudicii; ut etiam illi qui oleum misericordiæ se intelligunt abundantius præparasse, metuant ne eis non possit ad omnia peccata redimenda sufficere. Illud verò quod dictum est: *Ite potius ad vendentes, & emite vobis*: potest hoc de pauperibus intelligi: ipsi enim sunt negotiatores, qui oleum animarum lampadibus necessarium vendunt. Per ipsos enim hoc negotium Christus exercere consuevit: in ipsis enim accipit terrena, ut reddat cælestia; accipit caduca repensaturus æterna. Denique sic ipse dixit: *Quamdiu fecistis uni ex minimis istis, mihi fecistis*. Lampades autem animæ intelliguntur. Vasa vero illa, ubi oleum iubemur habere, quid aliud significat, nisi intus in conscientia bona opera recondere? Et quia bona opera alij faciunt pro Dei amore, alij vero pro cupiditate laudis humanæ, virgines illæ fatuæ & quod in corpore virgines erant, & quod vigilijs, psalmis, lectionibus, vel orationibus se exercebant, totum hoc pro laude humana, non pro Deo, vel pro æterna beatitudine faciebant: ideo morte interueniente, ubi eis cessavit laus hominum, simul illis defecit oleum. Nam illud quod eis dictum est: *Ite potius ad vendentes & emite vobis*, potest & sic accipi, ut vendentes intelligantur adulatores, qui fictis laudibus eos qui opera bona pro humana gloria facere videntur, extollunt. Denique qui pro

pro vana laude boni aliquid facit, si eum nemo laudauerit, omnino non facit. Vnde intelligitur quod omnes qui laudes humanas accipere cupiunt, quod in opera Dei exercere videntur, humanis assentionibus vendunt, accipientes vanam laudem, & præmia æterna perdentes. Illæ autem virgines, quæ oleum habuerunt in vasis suis, omne opus bonum intus in conscientia posuerunt: quia hoc non pro laude humana, sed pro misericordia diuina fecerunt. Hæc ergo fideliter cogitantes, fratres carissimi, quia parabola ista ad vniuersam ecclesiam pertinet; qui non possunt seruare virginitatem carnis, custodiant cordis: ut si ad coronam martyrum siue virginum non potuerint peruenire, vel omnium peccatorum indulgentiam mercantur accipere. Virgines vero, qui integritatem corporis Deo auxiliante custodiunt, totis viribus cum Dei adiutorio laborare contendant verbositatem fugere, detractionem velut diaboli venena respuere, inuidiæ vel superbiæ morbum quasi antiqui hostis gladium perterritescere, obedientiam humiliter retinere, nunquam senioris præcepta contemnere, lectioni & orationi insistere, si infirmitas non prohibet, ad vigiliis cum omni alacritate consurgere: siue in ecclesia, siue in conuiuio, siue in aliquolibet loco semper quod ad obedientiam vel ad humilitatem pertinet studeant ex ore proferre: si tristem viderint, consolentur; si inobedientem agnouerint, castigare non cessent. Et quia in omni professione & boni inueniuntur & mali; & in ecclesia Christi, quæ nunc aræ similis est, non solum triticum, sed etiam palea reperitur; & ibi inueniuntur, quod peius est, non solum laici, sed etiam & clerici, & monachi, vel sanctimoniales ita negligentes & tepidi, ut non velut spirituales apes dulcia animarum mella conficiant, sed velut crudelissimæ vespæ, venenatis linguæ aculeis fratrum vel sororum corda percutiant; isti tales non adiutores Christi,

sed

sed defensores diaboli esse probantur. Qui si forte viderint fratrem vel sororem contra seniore[m] superbum existere, non solum student mitigare, sed malignis sermonibus ad maiorem eum furorem conantur accendere; dicentes quod hæc non possit nec debeat diutius sustinere. Hortatur etiam ut ita senioribus suis cum grandi amaritudine aut furore respondeant, ut ipsos seniores poeniteat, quod eos paterna pietate admonere vel castigare voluerint. Sed quia in omni proposito, sicut iam diximus, non solum sunt adiutores seu ministri diaboli, sed Dei, & vasa Christi, & iustitiæ defensores; quoscunque adiutores diaboli ad inobedientiam vel superbiam callida susurratione succendunt, adiutores Christi blanda adhortatione & sancto ac salubri consilio reuocare contendunt. Illi venena, isti antidotum; illi faciunt vulnera, isti procurant medicamenta: illi perditionem, isti salutem; illi furorem, isti mansuetudinem; illi superbiam, isti humilitatem docent; illi iniuriam, isti patientiam; illi odiū, isti caritatem. Sed quantumlibet faciant mali, plus tamen prævalent Christi medicamenta, quam diaboli vulnera. Illi enim qui in clero, vel in monasterio positi & se & alios ad superbiam erigunt, velut pharetræ sagittis diaboli plenæ simplicium corda percutere, & omnem in eis humilitatem vel mansuetudinem conantur extinguere. Sed quia Deo propitio in medio palearum inuenitur & triticum, & animæ sanctæ, quæ velut armaria Christi spiritalibus antidotis plenæ esse probantur; quicquid illi vulnerauerint cælestibus medicamentis curare non desinunt, dicentes cuicumque superbo: Noli superbire frater; quia scriptum est: *Deus superbis resistit*. Noli irasci; quia scriptum est: *Ira in sinu insipientis requiescit*. Et iterum *Ira viri iustitiam Dei non operatur*. Si forte inobedientem viderint, blande & humiliter dicunt: Noli esse inobediens frater; quia scriptum est: *Obedientia super sacrificium*. Et

Pau-

1. Cor. 4. 6.

2. Cor. 7. 10.

1. Cor. 2. 20.

1. Reg. 11.

Paulus clamat : *Obedite præpositis vestris, & subiaccete eis; quia ipsi peruigilant tanquam rationem pro animabus vestris reddituri.* Istæ animæ Deo plenæ si tepidum aut negligentem viderint, velut de spiritali armario, id est, de corde bono prolatis medicamentis ad compunctionem conantur accendere. Si detrahentem vel murmurantem viderint, dicunt ei illud beati apostoli : *Neque murmuraueritis, sicut quidam ex ipsis murmurauerunt, & perierunt ab exterminatore.* Neque detrahat, quia scriptum est : *Qui detrahit fratri suo eradicabitur.* Et per hanc sanctam admonitionem a maleloquio deterrentes, ad laudandum eos incipiunt prouocare. Si verbosum vel contentiosum agnouerint, medicamentū taciturnitatis adponunt, dicentes illi quod scriptum est : *Audi Israel & tace.* Et illud quod de domino Salvatore prophetatum est : *Sicut agnus coram tondente se non aperuit os suum.* Et illud : *Omne verbum otiosum quod locuti fuerint homines, reddent de eo rationem in die iudicij.* Talibus ergo & his similibus medicamentis quicquid vasa diaboli studuerint vulnerare, vasa Christi conantur ad sanitatem reducere. Siue ergo clericus, siue monachus, siue sanctimonialis consideret conscientiam suam; & si bene loquendo adiutorem Christi & defensorem iustitiæ se esse cognoscit; gaudeat & Deo gratias agat, & ipso auxiliante perseueret vsque in finem : quia non qui coeperit, sed *qui perseuerauerit saluus erit.* Qui vero per superbiam, per inobedientiam vel inuidiam adiutorem vel vicarium diaboli esse se sentit; doleat de præterito, caueat de futuro, & per humilitatem construat quod superbiæ tyrannide destruxerat; quod iracundiæ succenderat mitiget mansuetudo; quod malitia vel inobedientia exasperauerat, caritatis dulcedo componat : & dum adhuc animæ illa tenebrosa, quæ diabolo seruire consueuerat, in isto mortali corpore retinetur, remedium sibi in diem necessitatis adquirat; vt de sinistra translatus ad dexteram

Gal. 1, 17.

1 Cor. 10, 10.

Eai. 35, 7.

Mat. 12, 36.

Marc. 10, 22.

Mat. 25, 34.

nam cum ouibus Christi mereatur audire : *Venite benedicti percipite regnum, quod vobis paratum est ab origine mundi.* Et licet hæc ita sint, fratres, hoc tamen oportet, vt nec boni de sanctis meritis extollantur; nec illi qui mali fuerint, nimia desperatione frangantur: sed & illi humiliter perseuerent in bonis, & isti cito corrigantur a malis; vt cum dies iudicij venerit, & bonos coronare possit vita integra, & malos valeat excusare correcta: præstante domino nostro Iesu Christo, qui cum patre & spiritu sancto viuit & regnat Deus in sæcula sæculorum. Amen.

EXPLICIT SERMO DE X. VIRGINIBVS.



# DIVERSE LECTIONES,

Ad aliquas Regulas, cum MS. MS. post  
Editionem collatas

*A LVCA HOLSTENIO.*



AG. 27. partis primæ Regulæ SS. Serapionis,  
Macarij Paphnutij, &c. repertum est antiquis-  
simum exemplar in codice Vaticano 3542 ex  
quo cum excussis iam folijs collato, hæc diuersi-  
tates annotatæ sunt.

In titulo post nomina quatuor Patrum, additur, Abbatum.  
Cap. 1. ver. 1. sedentibus nobis, ms. residentibus.

Tertio post versum distribueret. ms. tribueret.

Cap. 2. ver. 1. post multorum, ms. addit, hominum.

Ver. 2. ad vitæ. ms. inserit, Beatæ.

Ver. 5. post, Nec, ms. addit, tamen. idemque 2. & 3. caput  
in vnum coniungit,

Pag. 28. cap. 5. ver. 2. conscripta sunt, pro, sunt, ms. habet,  
placuerunt.

Pag. 29. cap. 6. ver. 6. post ne, ms. addit, fortè.

Cap. 7. quod in cod. vaticano quartum numeratur ver. 10.  
humiliter, ms. legit, humilitate.

Tertio inde versu, parati estote, ms. habet, paratus sit.

Vers. vlt. post, hebdomada, ms. addit continua.

Pag. 30. vers. 6. post, primò, ms. addit ante omnia.

Vers. idem 5. tenet, ms. legit teneat.

Vers. cap. penult. post nouerit, ms. addit, se.

Cap. 8. quod in ms. quintum est, vers. 2. pro &, ms. habet, vt.

Mox eodem vers. post venientibus, ms. addit, nec ipse audeat  
cum venientibus.

Vers. post decimo, post alicuius, ms. addit ibi.

T

Sta-

- Statim eodem vers. proferatur, ms. legit recitetur.
- Pag. 31. cap. 9. quod in cod. Vaticano sextum est, vers. 2. ieiunorum, ms. habet ieiuniorum.
- Cap. 11. quod in, ms. octauum est, vers. 2. post præcipit, ms. addit d cens.
- Pag. 32. vers. 3. quod si infirmus est animo, ms. legit, quod si firmus est corpore.
- Cap. 12. quod in ms. nonum est, post illa verba tituli, fratres præueniant, ms. addit, iste ordo teneatur.
- Vers. 1. illa verba. & discernere debet ille, in, ms. non habentur.
- Vers. 4. pro quomodo, ms. habet qualis.
- Vers. 4. post vocem, gradum, ms. addit sibi.
- Vers. 5. meruit, ms. legit meruerit.
- Cap. 12. in titulo, post verbum obtineant, ms. addit, item.
- Vers. 3. post nec, ms. addit hoc.
- Pag. 33. vers. 2. post verbum recipere, ms. adiungit, & non solum non recipere.
- Vers. 7. quæ ponuntur post verbum suscipiatur, vsque ad illa verba vers. 13. ille vero, &c. non habentur in codice Vaticano.
- Vers. 19. pro ex his, ms. habet, his.
- Vers. cap. ultimo pro à Patre, ms. legit, ab eo qui præest, & in hoc definit, quod & Vaticanus tria ultima capita non agnoscit.
- Pag. 59. in titulo post vocem Pachomij, addit ms. hominis Dei ab Angelo traditam.
- Vers. 12. Canobo quod ex Vaticano legit Canopo.
- Vers. penult. ad eos, ms. legit à Deo.
- Vers. ultimo, fuerat, ms. legit venerat.
- Pag. 60. vers. 11. post vocem Christi, ms. Cassinense & Vaticanum addunt, filia eius.
- Vers. 17. post vocem præposito, Cassinen. ms. addit, qui super eos constitutus est.

Vers.

- Verf. 21. post illa verba, per ordinem, ms. Vat. addit; explicit Prologus, & quod hic sequitur cap. 3. in Vat. primum numeratur, Cassin. verò Codex, hic omittit sex capitula seqq., & in principio Regulæ ponit.
- Pag. 61. verf. 1. pro voce, ministrorum, ms. Vat. legit, miris, & mox particulam, & non agnoscit.
- Verf. 12. post biduum: ms. Vat. legit, in biduo.
- Pag. 62. verf. 2. dicitur, ms. Cassin. legit, dicuntur, & verf. 4. inuolvente, pro inuoluens.
- Pag. 64. cap. 6. verf. 2: quipiam voluens, ms. Cassin. legit, reuoluens: & mox pro finiente, finiatur.
- Cap. 8. verf. 4. pro voce vinculum, ms. ms. Cassia. & Vat. legunt, cingulum.
- Cap. 9. verf. 2. vnam, Vatican. legit, primam.
- Cap. 10. verf. 2. tres orationes: Vatic. legit, tertiam orationem.
- Pag. 66. cap. 23. verf. 2. post vnam, Vatic. addit, mandatum.
- Pag. 67. verf. ultimo, donec alius surgat de vescentibus: Vatic. legit donec alij surgant à mensa.
- Pag. 68. verf. 1. comedendam. Vatic. comedendum.
- Cap. 36. verf. 1. pro, & congregat, Vatic. habet dum congregantur.
- Cap. 37. verf. 2. tragematia, Vatic. legit, dulciamina.
- Pag. 69. cap. 41. pro accipient, Vatic. legit accipiant, tum addit, & si ministrent ei.
- Cap. 42. verf. 6. pro ægrotantibus, Vatic. legit, ægrotanti.
- Cap. 44. Vatican. non habet illa verba ministrantibus &, sed pro illis ponit, fratribus.
- Pag. 70. ver. 1. pro concessione, Vatic. habet, concessu.
- Cap. 49. verf. 9. si enim, Vatic. legit, si eum.
- Pag. 72. cap. 53. verf. ult. pro eius, Vatic. legit, ei.
- Pag. 73. cap. 60. verf. 2. quæ scripta sunt, Vatic. legit, quæ sancta sunt.



- Pag. 77. vers. 2. pro voce, foras, Vatic. habet, procedendi.  
 Pag. 78. cap. 97. vers. 3. & deterius accipiens, Vatic. omisso &  
 legit, deterius accipiet.  
 Pag. 79. cap. 109. vers. 1. sub, Vatic. legit, super, & vers. 2. pro  
 tegmine, timone.  
 Pag. 80. cap. 112. vers. ult. alteram, Vatic. legit, alterius.  
 Cap. 113. cōmendatum etiam aliquid à Germano, &c. Vat.  
 legit, cōmendatum aliquid, etiam à Germano, &c.  
 Pag. 81. cap. 118. vers. 1. post disciplina, Vat. addit, tenenda.  
 Vers. 2. Vatic. tollet vocem autem, & pro soluit, legit, sol-  
 uet, & post vocem funiculum, adiungit: nec moueat na-  
 uigtum.  
 Cap. 122. vers. 3. reminent, Vat. ruminent.  
 Pag. 83. cap. 134. lotum, Cassin. ms. lutum.  
 Cap. 135. vers. 1. distincti, Cassin. ms. legit, discinti, & vers. 2. post  
 illa verba, in vescendi loco, addit hæc: demissis manibus  
 & humiliato corde, emendaturos se promittentes, vitam  
 de qua arguuntur, & veniam deprecantes.  
 Cap. 136. vers. commonitione, Cassin. ms. legit, communio-  
 ne.  
 Cap. 139. vers. 3. pro &, Cassinensis legit, aut, & vers. penult.  
 ante verbum stabit, ponit, &.  
 Pag. 84. post cap. 142. Cassin. ms. duo alia capitula sub-  
 iungit prius de puellarum disciplina, quod nos exhibe-  
 mus in regulis sanctimonialium pag. 151. non enim  
 est Pachomij: incipit autem: Id capitulum nemo ad eas  
 vadat, &c. secundum verò cap. quod hic ponit Cassin.  
 ms. est id quod nos referimus infra pag. 95. incipiens:  
 quicumque de his.  
 Post nouum titulum vers. 6. post vocem animæ Cassinensis  
 addit conuersorum.  
 Cap. 143. vers. 3. post coniunctionem & initio versus po-  
 sitam, Cassin. addit, sic, tum sub finem versus, & mutat  
 in vt.

Pag.

Pag. 85. vers. 2. altera, Cassinenf. legit, postera.

Cap. 147. vers. 3. post quod si; Cassinen. addit, quid?

Cap. 148. vers. 1. expansum, Cassin. legit opposum vers. 2. post verbum inuenerit, idem addit, nomen dies, mox post vocem Dominus, Cassin. addit, vestimenti.

Cap. 149. vers. 1. pro verbo oportet, Cassin. legit, ponitur, & vers. 3. post illa verba in vespendi loco, hæc adiungit. Si autem in furto fuerit deprehensus, triginta, & nouem verberabunt eum; & foris dabunt ei edere tantum panem & aquam; & opertum cinere, & cilicio per singula orationum tempora cogent eum agere poenitentiam. Eadem lex in fugitiuis obseruabitur.

Pag. 86. cap. 153. vers. 3. post illa verba, reus non erit, Cassinen. ms. addit, peccati.

Cap. 154. hoc capitulum sic habetur in ms. Cassinen. si in Domo sua præpositus viderit delinquentem, & non statim increpauerit, nec nunciauerit.

Pag. 87. vers. 9. ne negligat, Vatic. habet, non negligat, & mox pro Ne vincatur: Nec vincatur.

Vers. 15. sermonem ducat, Cassin. & Vatic. legunt, sermone ducatur.

Vers. 19. post sententiam vterque, ms. addit, veram.

Tertio post versu ante gloriæ, vterque ms. addit inanis.

Pag. 88. vers. 12. Ethnicorum ambo ms. ms. legunt, Iniquorum, & mox pro ramorum, filiorum.

Quæ deinceps habentur post cap. 159. in ms. Vatic. non comparent.

Pag. 89. cap. 163. vers. 5. post illa verba, ante fores, Cassin. addit à triginta, & nouem.

Pag. 90. cap. 165. vers. 2. perfrictæ frontis, Cassin. legit, perfectæ ætatis.

Pag. 91. cap. 172. vers. 3. pro ipse, Cassin. legit, per se, cap. 173. vers. 1. pro saltem, Cassin. legit, autem.

Pag. 92. cap. 176. vers. 2. post &, Cassinen. addit, apud: & vers.

vers. 7. pro , operis sui, legit, opusque peccati sui.  
 Pag. 93. cap. 181. vers. 2. post vocabulum , fratres, Cassin.  
 addit , pro peccatis singulis.  
 Cap. 182. vers. 2. pro fratris, Cassin. habet, fratrum.  
 Cap. 183. vers. 2. pro illis verbis, vel alterius domus fra-  
 trem , Cassinen. habet, vel ab alterius Domus fratre, &  
 vers. 3. pro, postulare, legit, postulauerit.  
 Cap. 187. vers. 2. celebrabunt : Cassinen. celebrauerint.  
 Pag. 94. cap. 190. vers. 6. post vocem diuitias , Cassinen.  
 addit , eum , & vers. 8. ante coniunctionem , & , Cassin.  
 addit , vt.  
 Cap. 192. vers. 2. deferet: Cassin. legit, deferentur.  
 Vers. 3. pro cellæ : Cassin. legit vestium , & mox post ver-  
 bum introeundi adiungit , illic.



PAR-

## P A R T E II.

Pagina 100. post Procemium Regulæ S. Aureliani hæc, quæ sequuntur.

*LVCAS HOLSTENIVS*  
*adscripserat.*

**M**ONASTERIVM hoc Arelâtenſe à ſancto Aureliano extructum fuit in honorem ſanctæ Crucis: de quo Cardinalis Baronius agit ad annum Chriſti 553. ſatis tamen hæſitanter: quod clarioribus documentis deſtitueretur. Sed epitaphium illud ſancti Florentini primi Abbatis exacte congruit cum nota illa temporis, quæ regulæ ſubiungitur. Nam Monasterium fundatū fuit anno Chriſti 548. ſub finem anni. Huic Florentinus præfuit primus Abbas annis quinque, hoc eſt uſq; in pridie Idus Apriles anni 553. ut inſcriptio eius ſepulchralis teſtatur apud Baronium hoc anno, numero ultimo: quæ & Redempti, & Conſtantini ſucceſſorum eius meminit: ex hac autem regula apparet; non ab Hilario Archiepiſcopo, ſed ab Aureliano Monasterium extructum fuiſſe. Hic enim Auxanio ſucceſſit anno Chriſti 546. Hilarius autem integro ſeculo antevixerat. Obijt enim, teſte Proſpero, anno vigefimo ſexto Theodoſij Junioris, qui fuit Chriſti 433.

IN-

# INDICVLVS DECLARATORIVS

Vocum in usitatorum vsurpatarum in  
Regulis Patrum.



**BHORRICATIO** *Regula Magistri cap. 8. pag. 328. par. 2. Vide-*

tur significare horrorem internum alicuius cognitionis non bonæ menti oblatae.

**Æquiuocus** *Prolog. Reg. solitar. pagina 464. part. 2. Qui eodem nomine vocatur. Nam vtrique tam auctori regulæ, quam ei, cui ea nuncupata est, cōmune nomen erat Grimlaicus.*

**Alleluaticum** *S. Aurelian. in ordine psallendi pag. 69. par. 3. Videtur esse pars quædam officij diuini in qua iterabatur Alleluia.*

**Ambascia** *Regul. S. Columb. cap. 10. pag. 174. par. 2. Legatio, vti & Legati Ambasciatores, de quo verbo vide Vossium de vitijs sermonis pag. 175. & 175.*

**Ambrosianus** *Reg. S. Benedicti cap. 9. pag. 25. part. 2. Hymnus, vel à sancto Ambrosio compositus, uel ab alijs ad eius imitationem. Vide Menard. ad Concord. regularum pag. 344.*

**Analogium** *Reg. S. Benedicti cap. 9. pag. 25. par. 2. Pulpitū siue suggestus, ex quo legitur: Vide Menard. ad Concord. reg. pag. 344. & Sannerum in gloss. addito ad Anglicana historia script. decem.*

**Aposphragismus** *Reg. Solie, cap. 15. pag. 492. Precipiat Episcopus ostium retrusionis cellule Aposphragismo suo sigillare, &c. Vox græca ἀποσφραγισμός significans impressionem sigilli.*

**Bacellus** *Reg. S. Pachom. cap. 81. pag. 76. part. 1. pro Bacillo siue baculo,*

Be-

**Baum** *Ante epist. S. Pachom. pag. 97. & 98. par. 1. Lingua  
Ægyptiorum monasterij nomen. Gennad. Masfil.  
& Cyrill. relati ibid.*

**Bebrinum** *vestimentum, Reg. S. Cesar. cap. 7. pag. 37. par. 3.  
Vestis è pelle Castorina; nam Castorem ani-  
mal alio vocabulo dici Bebrū, docet Scholiastes Iuue-  
nalis ad illud Satir. 12.*

*imitans Castora, qui se*

*Eunuchum ipse facit.*

**Biberes** *Reg. S. Benedicti cap. XXXV. & alia regula alibi. Si-  
gnificat liquoris haustus, siue sorbitiones; unde  
permitti dicuntur singuli biberes, aut tres biberes. Vi-  
ta S. Popponis Abbatis cap. XXX. §. 51. discedens inde  
caritatis vestigia suis reliquit, singulisque tricenos dies singulos  
dari biberes precepit, hoc est, ut interpretatur Vossius  
de vit. serm. vini schyphos.*

**Bibitoria** *Reg. S. Aureliani in ordine conuiuij pag. 72. part. 3.  
Sorbatio, siue haustus. Vide supra vocem.*

*Biberes.*

**Birrhus** *Amicularis in testamento S. Cesar. pag. 53. par. 3. &  
Reg. S. Isidori cap. 13. pag. 214. par. 2. Ex quibus lo-  
cis Birrhum fuisse vestimenti genus Monachis interdi-  
ctum ob sui pretium, aut mollitiem. Vide Menard.  
ac Conc. reg. pag. 904. & Vossium de vit. serm. pag. 182.*

**Bifacciæ** *Reg. Magistri cap. 1. pag. 312. part. 2. sunt manti-  
cæ duas peras habentes.*

**Bracile** *Reg. S. Benedicti cap. 55. pag. 51. par. 2. Numeratur  
in supellectili monastica: quid sit exponit sa-  
ctus Isidorus ex Cassiano sic scribens Orig. lib. 19.  
cap. 33. Redimiculum est quod succinctorium, siue Bracile  
nuncupamus, quod diuidens per ceruicem, & à lateribus colli  
diuisum ( lege demissum ) utrarumq; alarum sinum ambit  
atque hinc inde succingit, &c. Vide Menard. ad Conc. regul.  
pa. 394.*

V

Bra-

**Bracifiatorium** *Reg. Cuthsdam cap. 12. pagin. 3. Smiliter, & qua bracifiatorium ad ceruissam faciendā inhabitauerit. &c. Officina, in qua ceruissā, seu zythū conficitur à nomine Bratium, siue Brasium, quod veteri Germanorum idiomate significat hordeum, ex madido torrefactum. Vide Menard. ad conc. reg. pag. 1042.*

**Caldellus** *Reg. S. Caesar. cap. 16. pag. 40. par. 3. Vasculum potorium ceruissæ, aut zythi: nam distinguit caldellum à mero reg. Mag. cap. 27. Vide Menard. ad Conc. reg. pag. 715. Videtur idem esse caldus, cuius mentio in reg. magist. cap. 27. pag. 377. par. 2.*

**Campfantes** *Reponi debet in cap. 56. reg. magist. pag. 409. par. 2. ver. 2. pro cantantes quod ibi legitur perperam, ut dudum monuit doctissimus Menard. ac Conc. reg. pag. 850. est autem campfare ut idem ibid. & gloss. Isidori docet, id ipsum quod flectere, deductū nimirum à græco κάμψνω.*

**Capitale** *Reg. S. Benedicti cap. 55. pag. 91. par. 2. Pulvinum, cui caput iacentis incumbit, Ceruical. Vide Menard. ad conc. reg. pag. 893. & Voss. de vit. serm. pag. 370.*

**Caucellus** *Reg. Mag. cap. 27. Genus Poculi certæ mensuræ, diminutivum à caupo voce visitata, Spartiano, & Ennodio. Vide Menard. ad Conc. reg. pag. 828. Vide etiam, Rosinucidum in Onomastico pag. 1014. qui docet fuisse vas ligneum, ubi non exprimitur alia materia.*

**Chore** *Reg. S. Donati cap. 75. pag. 117. par. 3. Videntur esse distinctiones psalmodiarum singulæ psalmos plures continentes, ut sunt nostri Nocturni in Officio Romano.*

**Chrismal** *Siue Chrismale Reg. S. Columb. cap. 10. pag. 165. par. 2. Velum, siue fascia, qua frons chrismate ab Episcopo iunctorum ligabatur. Ordo Romanus: Deportantur ipsi infantes ante Pontificem, & dat singulis flo-*

*Stolam candidam, & Chrismale.* Vſus erat Chriſtianorum in Anglia, vbi S. Columbanus, cuſtodire religioſe velum illud, quo faſciati in confirmatione fuerant, & & qui negligerent poena afficiebantur. Beda in poenit. cap. 13. *Qui in plebem ſuum chriſmal perdiderit & non inuenit, quadraginta dies poeniteat.* Vide *Vocabularium Domini Magri* pag. 66.

**Cicendelus** *Reg. Mag. cap. 29. pag. 381. par. 2.* Idem quod Cicendela multis Scriptoribus Eccleſiaſticis uſurpatum vocabulum ad ſignificandam lampadem penſilem. Vide *Voffium de vit. ſerm. pag. 382. & vocab. Magri* pag. 68.

**Cingella** *Reg. S. Donati cap. 65. pag. 113.* Diminutiuum à Cingula.

**Circellum** *Reg. Magiſt. cap. 95. pag. 462. par. 2.* Eſt annulus ſimellæ ianuæ inſertus, quem mouet is, qui ſibi ianuā vult aperiri. *Menard. ad Con. Reg. p. 1038.*

**Collecta** *S. Pachom. cap. 9. pag. 64. cap. 132. pag. 82. & cap. 141. pag. 84. par. 1. S. Fructuos. cap. 13. pag. 266. par. 2.* Eſt congregatio fratrum in locum vnum, qui ipſe locus Collecta quoque vocabatur, vt patet ex cap. 132. *Reg. S. Pach.*

**Confessio** *S. Aurelianus cap. 4. pag. 101. par. 2. de capillis illius in confeſſione mittatur, vt ei in teſtimonio ſit;* hoc eſt intra capſam ſacrarum Reliquiarum reponatur. Eſt enim confeſſio, (vt obſeruat *Menard. ad Conc. reg. pag. 980.*) capſa, ſeu tabernaculum ex auro, vel argento, vel alia quauis pretioſa materia in honorem alicuius ſancti fabricatum, & probat ex multis locis Anaſtaſij Bibliothecarij, nimirum ad honorificè conſeruandas eius Sancti reliquias. Inde contento denominante continentem, Romæ confeſſio ſancti Petri dicitur ſacellum, intra quod venerandæ eius reliquiæ continentur.



**Corticula** *Reg. S. Fructuosi cap. 56. pag. 243. par. 2.* Locus, in quo recludebantur Monachi poenitentes.

**Cuspus** *Reg. Mag. cap. 81. pag. 431.* Lignum sandalium, è glosis veteribus. Vide *Menard. ad Conc. reg.* pag. 922.

**Cursus** *Reg. Cuiusdam cap. 11. pag. 126. par. 3. & alij alibi sepe.* Id quod vulgo dicitur diuinū Officiū penso diurno persoluendum. Vide *Menard. ad Conc. reg.* pag. 785. & pag. 1031.

**Decania** *Reg. S. Bened. cap. 21. pag. 32.* numerus decem Monachorum vni subiectus, qui Decanus vocatur antiquioribus latinis decurio. Decania in *Reg. Mag. cap. 11. pag. 341.* Decada dicitur.

**Diptychum** *Reg. Mag. cap. 93. pag. 458.* Tabella duas plicas habens, in qua scribebantur nomina Monachorum. Vide *Onomasticon Rosincedi pag. 1016.*

**Directaneum**, vel **Directaneus** *Reg. S. Casarii cap. 21. pag. 92. par. 2.* *Reg. S. Aureliani de ordine psallendi pag. 69. & 70. par. 3.* videtur esse pars officij diuini, quæ à stantibus recitatur : quare viderit Vossius de vit. semm. pag. 409, quo fundamento dicat esse id quo dirigitur vita Monastica, nam loca, quæ citat, id minime suadent.

**Discoferæ** *Epist. S. Cesar. ad Oratoriam Abbatisam pag. 50. par. 3.* Ministræ Mensarum, quæ discos ferunt.

**Ebiymij** *Locus Reg. S. Pachomij cap. 24. pag. 65. par. 1.* Ebiymius, vel Ebiymium videtur esse vox Ægyptia : porro lingua Ægyptia, siue Coptica posterior à temporibus Alexandri cum è græca ferè corrupta sit, vt etiam eius characteres indicant, credibile est vocem Ebiymius. è græco ἐβύμιον, aut fortè etiam ἐβύμιον detortam notione ferme simili eius, quæ vocabulo latino Præcentor, siue Cantor subijcitur, Fuisse autem

antem in Pachomianorum psalmos cantantium choro locum proprium eius, cui incumbere ex officio præire cantaturus, & tonum dare, ex similibus coetuum usu etiam hodierno non est inuenerim. Accipere igitur possumus Ebiymij locum pro sede, vel pulpito Præcentoris, donec aliud aliunde alluceat certius.

**Exagiliarius** *Reg. Mag. cap. 91. pag. 450. par. 2. existimat Menard. ad Conc. reg. pag. 997. legendum.*

**Exagellario**, ut significetur distributor Exagellarum, quæ erant munera à morituris legata clientibus, aut amicis, prout intelligitur ex Ennodio in vita S. Epiphani. Ticinens. quem ait sentientem se breui moriturum munera sacerdotibus tribuisse, quod fecit (verba sunt Ennodij) quasi Exagellam relinquens.

**Fimella**, seu Femella *Reg. Mag. cap. 95 pag. 462. par. 2. est ferrum ianue affixum, per quod circellum ei insertum ducitur, Menard. ad Conc. reg. pag. 1038.*

**Galnapis** Vide superius *Glanapes*.

**Gauisci** *Reg. Mag. cap. 81. pag. 429. gaudere inaniter gestiendo.*

**Heptaticum** *Reg. S. Benedicti cap. 42. pag. 43. par. 2. dicitur pro Heptateucho, complectitur quinque libros Moysi, Iosue, & Iudicum.*

**Incaustum** *Reg. S. Caesar. cap. 7. pag. 37. & S. Donati cap. 54. pag. 113. par. 3. dictum pro Encausto voce usitata Plinio à græco Ἐνκαυστός, est succus incoctus unde color efflorescit, unde extendi potest ad significandum atramentum, quæ notio locis hic citatis conuenit, nec est incredibile vocem in Italia vulgarem Inchiostro ex incausto detortam.*

**Inthiæ** *Reg. Mag. cap. 27. pag. 378. è græco Ἰνθία Penuariæ cellæ, promptuaria, apothecæ, ubi reponuntur.*

nuntur, quæ ad vsum seruantur. Vide etiam *Menard.*  
*ad Conc. reg. 148.*

**Iutta** *Reg. Mag. cap. 27. pag. 376.* Susplicatur Menardus esse  
portionem ex lacte mixtam. Vide illum *ad Conc.*  
*reg. pag. 737. par. 2.*

**Lebetones** *In excerptis ex vita S. Pachomij pag. 55.* linea ve-  
stis instar Colobij sine manicis. Vide *Rosjuuid.*  
*in Onomast. pag. 1026.* qui docet idem esse Lebitonem,  
sive Lebetonem cum Leuitonario, sive Lebetonario  
voce sæpius in hisce Regulis vsurpata. Vide etiam  
*Menard. ad Conc. reg. pag. 895.*

**Lordicale** *Reg. Mag. cap. 1. pag. 312.* Hoc est dorso in-  
curuato incedere. Vide *Menard. ad Conc. reg.*  
*pag. 111.*

**Lucernarium** *Reg. Incert. Autor. cap. 11. pag. 69. par. 2.* Sy-  
naxis vespertina, ad quã lucernæ accen-  
debantur, dicta etiam lucernaria. Vide *Menard.*  
*pag. 366.*

**Mannariola** Linea, vel potius Manuariola *Regul.*  
*Mag. cap. 81. pag. 429.* Sudariola manuge-  
stata.

**Mantum** *Testam. S. Cesar. pag. 56. par. 3.* Est amictus, seu  
pallium, sic dictum, quod manus tegat.

**Marciones** *Regul. S. Aureliani ad Monachos cap. 19. pag. 104.*  
*par. 2. & idem in Reg. ad Virgines cap. 15. pag. 65.*  
*par. 3.* Opifices, qui marculis vtuntur Fabri Murarij  
vti & Carpentarij, cum quibus hic iunguntur sunt Fa-  
bri Lignarij.

**Matta** *Reg. S. Pachomij cap. 6. & alias sæpè pag. 64. par. 1.*  
Genus culcitræ durioris, cui Monachi macerandi  
corporis causa solebant incumbere. Vide *Menard.*  
*pag. 893. ad Conc. reg.*

**Mentio** *Reg. Mag. cap. 15. pag. 355.* Si mentionem suadet  
nempe Diabolus. Mentionis vocabulo de-  
signa-

ignatur hic mendacium. Gloss. Philoxeni, mentio  
ψῆσμα. Vide Menard. pag. 286.

**Missæ** Reg. Patrum cap. 6. pag. 38. & Reg. S. Benedicti cap. 17.  
pag. 29. Orationes & collectæ, quæ in fine versus  
à Sacerdote dicebantur, dictæ Missæ, eo quod Deo  
missæ sint: aliquando accipiuntur pro horis canoni-  
cis, & cursibus nocturnis, prout in Reg. Patrum d. cap. 6.  
Vide Menard. pag. 331. 376. & 767. qui alias declara-  
tiones affert.

**Mucidare** Reg. Mag. cap. 1. pag. 312. par. 2. Mucidum fieri  
de pane.

**Nonnus** & **Nonna** sæpe, in his regulis, nomina reueren-  
tiæ causa senioribus Monachis, & Monialibus  
tributa. Menard. ad Conc. reg. 1021.

**Nugalissimus** Reg. Patrum cap. 10 pag. 41. Nugalissimo  
vestimento. hoc est parui momenti, nul-  
lius valoris.

**Patula** Reg. S. Fructuosi cap. 14. pag. 245. par. 2. patens, no-  
toria cuius spectabilis.

**Pauula** Reg. Pachomij cap. 72. pag. 76. par. 1. Nullus habeat  
separatim mordacem Pauulam &c. Intelligitur ex se-  
quentibus, his verbis significari instrumentum Chi-  
rurgicum accommodatum ad euellendas spinas, quæ  
crebrò inter incedendum, aut laborandum infigeban-  
tur pedibus nudis, aut male protectis Monachorum.  
Scimus linguam Ægyptiam posteriorum temporum,  
post Alexandriam conditam, multum è græca ha-  
buisse. Si ergo quæramus apud Græcos vocabulum  
Pauula, occurret παῦλα, quod Hesychius interpreta-  
tur ἀραις. ἀνὰ πᾶσις. remissio, requies. quia vero aculeum  
carni, infixum gerens requiescere nequit præ sensu  
puncturæ, priusquam euellatur, sanè potuit institui,  
communicatio causæ nomine effectui, vt organum,  
quo pungulus abstraheretur è membro confixo, παῦλα  
siue

sive Pauula, hoc est *remissio*, & *requies* appellaretur. Sed tunc vacaret hoc loco adiunctum *mordax*. Nam si Pauula forcipula est, satis intelligitur esse *mordacem*. Non est autem credibile in Regula breuissime scripta otiosum vocabulum positum. Non dissimuletur suspicio, quæ oboriri potest de fide Scripturæ huius; fortasse Pauulam hic ita scriptam legimus negligentia Librarij excidere sibi literulam *r* inter excribendum passi; & *pauulam* repræsentantis, cum *paruulam* edere deberet. Sanè qui vixerunt in Narbonensi Gallia, & Septimania, quo in loco diu vixit, non longè inde natus sanctus Benedictus Abbas Anianensis huius collectionis Autor, referunt vernacula illic, qua plebs utitur, lingua forcipem *mordacem*, sive *mordaciam* dici. Quid si ergo suspicetur quis ibi in Anianensi Monasterio istam ab aliquo Monacho qui, uti Cassianus, in Ægypto fuisset, Regulæ Pachomij interpretationem concinnatam: & huic forcipulam, aut, ut Celsus loquitur, *vulsellam*, exprimere volenti, popularem vocem pro Latina obreplisse? Si hoc recipitur, *mordax* substantiuum hoc loco fuerit, positum pro *forcipe*, cui ad significandam forcipem paruam, sive *vulsellam*, *paruula* epitheton sit adiunctum. Hæc si probare reuult, toleret saltem benignus Lector, donec quid melius occurrerit.

**Paximarium** *Regul. S. Columbani cap. 3. pag. 155. & alibi par. 2. panis subcinericius. Vide Rosuicid. Onomast. pag. 1023. Alij panem biscoctum interpretantur. Vide Menard. ad Conc. reg. pag. 507.*

**Præssoriolis** *S. Casar. cap. 26. pag. 28. par. 3. Arcæ in quibus vestes seruantur: hic tamen sumuntur pro arcis, in quibus res ad victum spectantes reponebantur.*

Plia-

**Psiathium** Sæpè in his regulis, est teges, siue storea ex iunco, siue papyro confecta; ea pro lecto & stragulo utebantur Monachi. Vide *Rosjuueid. Onom.* pag. 1035. & *Menard.* pag. 758.

**Puduculent** *Reg. Mag. cap. 81. pag. 428. par. 2. sic habet: Habere debent fratres in hieme paraturam grossam quotidianam stamineam, & tunicam aliam nocturnam, quam post nocturnos puduculent, quia in die diuersis occupantur laboribus.* Sententia videtur exigere, vt verbum puduculent significet *exuant*, siue *deponant*: hinc enim tunica, de qua agitur, vocatur nocturna, quia noctibus tantum vsui est recitantibus in choro nocturnos, hoc est preces ecclesiasticas, & psalmos, qui noctu cantantur: dat vero rationem, cur exuenda sit post nocturnam psalmodiam; quia in die diuersis occupantur laboribus, ad quos impedimento esset tunica illa talaris, & præterea tractatione materiarum, circa quas laboratur, inquinaretur, minusque deceret in choro nocte proxima cantantes. Ergo cum exigat analogia, vt *puduculent* sit à verbo *puduclo*, nos quidem nescimus, quid hoc verbi sit, interimque dum alluceat aliquid certius, suspicamur vocem esse mendosam, & fortasse scriptum ab auctore fuisse *debucculent*, vt sit à verbo *debucculare*, quod sonet resoluta qua ligabatur ad collum Buccula, siue fibula supernè tunicam attrahere, & sit deponere, quo modo sacerdotes sacrificio peracto exuunt albam, quam vocamus. hoc est, tunicam lineā. Fibulā veteri lingua Gallica (Gallus autem videtur fuisse Auctor *Reg. Mag.*) dictam esse bucculam argumento est hodierna vox gallica *Boucle*, qua fibula designatur: inde porro facile formatum fuerit verbum *debucculare*. Hæc tentabamus micantes in tenebris, miserebitur lector eruditus, & si quid melius habet, conferet.

X

Pu-

**Pusca** *Reg. Mag. cap. 27. pag. 376. par. 2. alias Pusca. portio ex aqua & aceto temperata. Vide Rosuicid.*

*Onomast. pag. 1034.*

**Quadra** *Reg. Mag. cap. 18. pag. 306. quarta pars panis. Menard. ad Conc. reg. pag. 609.*

**Raca** *Reg. S. Basilij cap. 145. vox est Euangelij, cuius declaratio, præter ea, quæ S. Basilius hic affert, ex interpretibus Euangeliorum peti debet.*

**Rachinæ** *Reg. Mag. cap. 81. pag. 430. genus straguli leuoris. Vide Menard. ad Conc. reg. pag. 922.*

**Recellæ** *Reg. Mag. cap. 1. pag. 310. Secundum diminutionem è vocabulo res, unde fit primo regula, deinde recella, pro quo & Rescella legitur Reg. Solitariorum cap. 47. pag. 563. par. 2.*

**Registoria** *S. Caesar. cap. 26. pag. 28. significat eam, quæ curam habet Arcellarum, quibus ciborum reliquiæ, vel alia ad victum necessaria concluduntur.*

**Repedare** *Reg. Mag. cap. 63. pag. 416. Redire unde quis venerit.*

**Restratus** *Reg. Mag. cap. 1. pag. 312. Ainus iterum stratus, hoc est, cui denuo stratum imponitur.*

**Rogus Dei** *Reg. Mag. cap. 33. pag. 387. & alibi sæpe, Rogus à rogando, est precatio Litanix Kyrie eleison.*

**Sabanum** *Reg. Mag. cap. 19. pag. 363. linteum. Vide Menard. ad Conc. reg. pag. 610.*

**Sarsurium** *Reg. S. Caesar. cap. 43. pag. 34. par. 3. nihil aliud in ipsis nisi Cruces, aut nigra, aut lactinea tantum opere sarsurio. Gregorius Turonensis lib. 2. Histor. Franc. cap. 15. Parietes ab altarium opere sarsurio, ex multo marmorum genere exornatos, &c. videtur opus esse quasi mulsuum, & rescellatum ex Vossio de vit. ferm. pag. 586.*

**Sarabaite** *Reg. S. Benedicti cap. pag. 11. Reg. Mag. cap. 1. pag. 319. par. 2. Sunt Monachi vagi nulli subiecti; vox est Egyptiaca à verbo significante renuere, aut recusare.*

culare, quod hi recusent Abbatem habere cui subsint.

Vide *Menard. ad Conc. reg. pag. 104. 105. & 121.*

**Saltuarius** *Mag. cap. 11. pag. 340.* est quidam Magistratus seu Iudex. *Menard. ad Concord. reg. pag. 444.*

**Scemare** *Reg. Mag. cap. 81. pag. 429.* sibi placere seque ostētare, ac sic parum sanum se probare. Vide *Menard. ad Conc. reg. pag. 920.*

**Spartea** *S. Isidorus cap. 17. pag. 219. par. 2.* est calceus ex sparto confectus Hispanis proprius, apud quos calceamenta ex sparto conficiebantur, communiter genista dicitur *Menard. ad Conc. reg. pag. 536.*

**Sputum** *Sacramenti Mag. cap. 24. pag. 371.* Et ipse similiter suum merum propter sputum sacramenti accipiat. Sumebatur enim ad cohibendum sputum post communionem, ne quid ex ea proijceretur in sputo. Vide *Menard. ad Conc. reg. pag. 692.*

**Stricare** *Reg. Mag. cap. 79. pag. 421.* id est consumere.

**Subtelaria** *Reg. Solit. cap. 49. pag. 567.* genus quoddam sandaliorum.

**Suppositio**, vel potius superpositio; nam ita potius videtur legendum ex *Menard. in Conc. reg. Reg. S. Columb. cap. 10. pag. 167. par. 2. cap. 54. & 56.* videtur esse extraordinarij ieiunij indictio ob culpam. Vide *Menard. pag. 800.*

**Synpecta** *Reg. S. Bened. cap. 27. pag. 34. part. 2.* vox græca συνπλεκτα sonans collusorem, siue familiarem.

**Totihoc** *Reg. S. Pachom. cap. 1. pag. 63. par. 1.* vox Ægyptia significans, ut ibi dicitur, Præpositum domus.

**Toxa** *Reg. Solit. cap. 2. pag. 567. par. 2.* Stragulum è crasso panno,

**Tutetur** *Reg. Mag. cap. 29. pag. 381.* Id est extinguitur. *Menard. ad Conc. reg. pag. 463.*



- Vacuius** *Reg. Mag. cap. 18. pag. 361. par. 2.* Vacuus ab opere, vice sua perfunctus in ministerio.
- Versus** *Apertionis Reg. Mag. cap. 44. pag. 392.* versus dici solitus in principio officij Ecclesiastici, qualis hodie *Deus in adiutorium.*
- Versus** *Clausor Reg. Mag. cap. 37. pag. 390. par. 2.* versus dici solitus in clausula officij Ecclesiastici, qualis hodie *benedicamus Domino.*
- Versus** *Taciturnitatis Reg. Mag. cap. 58. pag. 411. par. 2.* videtur esse versus, quo pronunciato totus chorus fiebat ad tempus, ut hodie dicto Kyrie eleison omnes submissa voce recitant orationem dominicam.

**Ænigmaticæ formulæ loquendi usurpatæ in Regulis, aut Epistolis S. Pachomij, ubi classes Monachorum designantur per litteras alphabeti &c. fusè declarantur ab Athanasio Kircherio Societatis Iesu in supplemento Prodromi, & Lexici Copti cap. 1. pag. 503. & sequent. quem consulere Lector poterit.**



IN-

# I N D E X

## R E R V M  M E M O R A B I L I V M

*Quæ in toto hoc opere continentur .*

### A



BBAS qualis  
esse debeat,  
1.p. 41. 152.  
205. 2.p.12.  
& seq 52.58  
59.140.200.  
246.255.263.264.271.  
283.289 315.316.355.  
452. 455.  
Verbo & facto suos sub-  
ditos instruat. 1. p. 28.  
2. p. 13. 200.240. 316.  
Sine acceptione persona-  
rum cum illis se gerat.  
1.p.34.2.p.3.14.36.316  
570.  
Regulam in omnibus ser-  
uet. 2.p.59.  
Coquinæ & mensæ in-  
certis festiuitatibus in-  
seruiat. 2.p.142.  
In refectorio nil alijs me-  
lius expetat. 2.p. 210.  
265.  
Cum timore Dei & ob-

seruatione regulæ om-  
nia faciat. 2.p.15.  
Studeat plus amari, quam  
timeri. 2.p.59.  
Omnium infirmitati com-  
patiatur. 2.p.200.  
Nil sibi propriè vindicet.  
1.p.40.  
Non potest alienare res  
monasterij. 2. p. 107.  
140.  
Necessaria fratribus pro-  
uideat. 2.p.40.561.  
Sine consilio nil faciat. 2.  
p. 15.  
Simpliciter cum suis fra-  
tribus in monasterio vi-  
uat.2.p.255.  
Rationem reddet tam de  
sua, quam de subdito-  
rum anima. 2.p.12.14.  
40.109.315.  
Domnus & Abbas voca-  
tur. 2.p.57.  
An laborare debeat cum  
fra-

fratribus. 2.p. 136.

Quomodo se gerere debeat circa tentatos. 2.p.355.

Ab eo totius monasterij pendere debet ordinatio. 2. p. 58.

Abbas iracundus quomodo corrigendus. 2. par. 355.

Abbas non sacerdos in administratione monasterij sacerdoti præfertur. 2.p.432.

Abbatis quomodo fieri debeat electio. 2.p.58.

Vitæ merito, & sapientiæ doctrina eligendus etiā si ultimus sit in cōgregatione. ibid.

Cæremoniæ in Abbatis ordinatione 2.p. 456.

Abbatess pro reg mine convenire debent. 2.p.263.

Vide *Superior*.

Abbatissa qualis esse debeat 3.p. 49.50.51. 84.124.125.

Omnia quæ subditis iungit, in se prius experiatur. 3.p. 50.51.81.

Æqualem se alijs existimet. 3.p. 50.173. 174.

Vnam plus alijs non dili-

gat. 3. p. 51.81.181. & append.121.

Cum alijs reficiat. appen. 121.

Prosit magis quam præsit. 3.p. 81. 168.

Tot habeat animas, quot filias. 3.p.125.

Cum timore & observatione regulæ omnia faciat. 3.p. 82.

Contra Abbatissas dispensationes. 3.p. 48.

Abnegare se ipsum quid sit. 2.p.470.

Abnegatio generalis in omnibus. 1. p. 287.

Abnegatio sui ipsius perfectionem facit. 2.p.470.

Abnegationis tres sunt species. 2.p.287.

Absentium memoria in oratione facienda. 2.p.61. 362.

Absolutio ab excommunicatione quomodo fiat. 2.p.352.

Abstinencia tegenda. 2.par. 286.

Abstinenciæ commendatio. 2.p. 235. 3.p. 167.199. append. p.2. 45.46.

Acceptio personarum nulla debet esse in religione. 1.p.

# I N D E X.

- 1.p.34.241.2.p.13.202  
248. 316. 452.
- Aduersarius**, cui in via consentire debemus, quis sit. 1.p.270.
- Ægroti non contristandi** aut ad manducandum cogendo, aut ab eis cibū retrahendo. 1.p. 4.
- A feminis curari non debent.** 2. p. 272.
- Qualiter a parentibus visitari possint.** 1.p. 72.
- Ægrotorum cura qualis esse debeat.** 1. par. 47. 68.70.2.p.39.240.420  
Vide *Infirmus*.
- Amandus Deus** super omnia.1.p. 17.81. 181.
- Amare Deum facile.** Appen. 93.
- Amare Deum super omnia** quid sit. 1. p.205. 2.p. 519.
- Amor illicitus cauendus.** 2. p. 82.
- Amor inimicorum.** 1.p.260. 261.2.p.525.
- Amor proximi.** 1.p.318.214. 215.259.260. 3.p.216. Append. 25.33.35.
- Amor sui** quid sit. 1. p. 259.
- Ad amorem Dei & proximi** quænam prouocent .
2. part. 518.
- Amoris Dei priuatio** summum malum. 1.p. 179.
- Amoris Dei probatio.** 2. p. 519. Vide *Dilectio*.
- Anachoretæ, monachorum** genus & quale. 2. p.11. 309. 468.
- Quis eorum auctor.** 2. p. 469.
- Angeli opera nostra** Deo omni hora renunci-  
ant. 2.p.21.333.
- Angeli præsentés** assistūt of-  
ficio diuino.2.p. 578.
- Angusta & arcta via** quænam  
propriè sit.2.p. 258.
- Annona** unde dicta.2.p.379
- Appellationes** quam sint o-  
dioſæ.2.p.379.
- In quibusdam casibus** per-  
missæ. 2.p. 280.
- Aqua ad potum** sufficit. 1.p. 198.
- Aqua non** auide sumenda  
1.p.15.
- Aquæ potus nimis** nocet  
animæ & corpori. 2. p.  
377.
- Aquam bibere** die ieiunij  
non licet.1.p. 77.
- Arbitrium proprium** refræ-  
nandum.2.p.423.
- Arma militiæ spiritualis** quæ  
nana

nam sint. append. 31.  
 Armorum spiritualium , &  
 sæcularium differentia  
 ibid.  
 Arrogans quis. 1. p. 255.  
 Artes omnes, quantum fieri  
 potest , in monasterijs  
 exercendæ . 2. p. 61.  
 462.  
 Artes sine superioris licen-  
 tia non discendæ. 2.  
 p. 83.  
 In Alinis Monachi equita-  
 bant 1. p. 80.  
 Avaritia fugienda. App. 41.  
 Eius definitio. 1. p. 255.  
 Avarus inferno similis. 1.  
 p. 255.  
 Auditum iustum esse quid sit .  
 Append. 20.  
 Austeritates infirmitatis me-  
 tu non deferendæ. 3.  
 p. 210.

## B

**B** ALNEORVM vsus quibus  
 conceditur. 2. p. 39. 3. p.  
 28. 89.  
 Post Baptisma lapsi rebap-  
 tizandi , & quomo-  
 do. 3. p. 533.  
 De Baptismatis fonte  
 quemquam excipere

nefas. 2. p. 90. 104. 128.  
 3. p. 107.  
 Baptizare neminem licet in  
 monasterijs. 2. p. 128.  
 Beatitudo in quo consistat .  
 3. p. 237.  
 Beatitudo debet esse de suo  
 statu secunda. 2. p. 487.  
 In æterna beatitudine tan-  
 tum Deus perfectè vi-  
 deri potest . ibid.  
 Benedicere potest ad men-  
 sam Sacerdos post Ab-  
 batem. 2. p. 55.  
 Non benedicitur cibus ex-  
 communicatorum . 2.  
 p. 34. 268. 3. p. 116.  
 S. Benedicti elogia. 2. p. 2.  
 3.  
 S. Benedicti regula ab om-  
 nibus monachis ob-  
 seruata. 2. p. 3.  
 Benedictiones crebæ apud  
 monachos. 2. p. 367, &  
 seqq.  
 Beneficentia erga proximū.  
 3. p. 216.  
 Beneficiæ sororibus præ-  
 standæ , quamvis raro  
 videndæ. 2. p. 288.  
 Beneficia Dei erga homi-  
 nes. 1. par. 180. 181.  
 App. 33. 34.  
 Biberes binæ ad prandium ,  
 & ad

# I N D E X.

& ad coenam. 2. par.  
113.  
Biberes sumant Coquinę fe-  
ptimanarij. 2. p. 39. 3. p.  
114.  
Bona temporalia ex toto  
corde fugienda. 2. p.  
474.  
Boni temporalis amissio fit  
exercitium iusti, & in-  
iusti supplicium. ibid.  
Bonum quid sit. 2. p. 475.  
Bonum temporale impijs  
est præmium, bonis  
temporale solatium.  
ibid.

## G

**C**ANTARI in choro cuili-  
ceat. 2. p. 41.  
Quomodo cantari opor-  
teat. 2. p. 79.  
Cantilenæ quænam vetitæ.  
2. p. 78. & seq.  
Capelli in monialibus non  
videndi. 3. p. 8.  
Capitulum culparum colle-  
cta vocatum. 2. p. 266.  
& seqq.  
Carcer apud monachos fre-  
quens. 2. p. 288. & seq.  
Caritas omnium virtutum  
mater. 2. p. 121.

Quomodo haberi possit.  
1. p. 258.  
Quibus indicijs cognosci-  
tur. 1. p. 259.  
Quæ sit illius mensura.  
1. p. 258.  
Sine illa omnia sunt in-  
fructuosa. 2. p. 130.  
Caritas mutua, & vnanimi-  
tas ante omnia Mona-  
chis commendatur. 2.  
p. 75.  
Caritas erga proximū quo-  
modo implenda. 1. p.  
214.  
Qualem debemus habe-  
re caritatem ad inui-  
cem. 1. p. 214.  
Caritatem non dehonestari  
quid sit. 1. p. 264.  
Caritatis proximi præcipua  
signa. 1. p. 259.  
Caritatis varij effectus. 3.  
p. 11.  
Carne solis infirmis & om-  
nino debilibus conce-  
duntur. 2. p. 41. 93. 108.  
155. 212. 235. 556. 3. p.  
41. 177. 178. 189.  
Caro qualiter mortificanda.  
2. p. 189.  
Castitas est donum Dei. 3. p.  
207.  
Aspectu solo perit. 3. p. 9.  
Y                      Stu-

# I N D E X.

& studiose conseruanda. 1. p.  
 4. 5. 1 3. 78. 90. 131. 132.  
 Consideratio ad illā con-  
 serua ndam. append. 38.  
 & feqq.  
 castitat e præterita non  
 fiden dum. 2. p. 273.  
 titati detrahunt, qui illā  
 non amant. appen. 11.  
 titatis pericula fugienda.  
 2. p. 1 22. 133. 136. 156.  
 211. 272. 273. 288. 545.  
 titatis pericula dura. 3. p.  
 49. 207. 208. app. 104.  
 117. feqq.  
 elata & moderatio & pu-  
 dicitia ornant habitum  
 monachi. 2. p. 241.  
 est p. 2. p. 47.  
 ea m. 2. p. 47.  
 bus d. 2. p. 47.  
 .p. 8. 2. p. 47.  
 habet. 2. p. 102. 181  
 laud. 2. p. 102. 181  
 gre. 2. p. 102. 181  
 ctili. 2. p. 102. 181  
 mo. 2. p. 102. 181  
 p. 2. 2. p. 102. 181  
 let. 2. p. 102. 181  
 m. 2. p. 102. 181  
 phi. 2. p. 102. 181  
 sp. 2. p. 102. 181  
 li. 2. p. 102. 181

In cellarium nemo dñi ius-  
 sus ingrediatur. 2. p. 81.  
 Cellerariæ ac cellerarij qua-  
 litates & officium. 2.  
 p. 36. 256. & 3. p. 111.  
 129.  
 Cellerarius ab omni alio mo-  
 nasterij seruitio & co-  
 quinque officio eximitur.  
 2. p. 38. 259.  
 Quantam curā de infan-  
 tibus habere debeat.  
 2. p. 259.  
 Censuræ terrenæ non est vo-  
 luptatum materia sed  
 dolorum. 2. p. 474.  
 Certamen de quacunque  
 re periculosum. 1. par.  
 199.  
 Christi beneficia & infinita  
 bonitas erga homines.  
 append. 34.  
 Christi nascentis ac præci-  
 puorum mysteriorum  
 vitæ & mortis eius va-  
 riarum ac deuotæ medita-  
 tiones. 3. par. 219. &  
 feqq.  
 Christus in passione Deus &  
 Homo. 3. p. 229.  
 Cibi quales esse debeant.  
 1. p. 198. 2. p. 255. & 218  
 3. p. 201.  
 Pro cuiusque necessitate

# I N D E X.

ministrandi . 1. p. 234.  
235.  
Lautiores quando ministrari debeant. 2. p. 370.  
378.  
Ciborum mensura . 2. p. 41.  
374. 555. 3. p. 201.  
Ciborū libido qualiter vincenda. 1. p. 218.  
Ciborum sola concupiscentia damnabilis. 3. p. 167.  
177.  
Ciborum quærere quomodo liceat. 1. p. 249.  
Ciliciorum proprius vsus quis sit . 1. p. 250.  
Cingulis cincti aut funibus dormiant. 2. p. 32.  
Ciuitatem solus non debet adire monachus. 1. p. 5.  
72.  
Clamor quid sit. 1. p. 262.  
Clausura monialium . 3. p. 21. 31.  
Clerici hospites qualiter suscipiendi . 1. p. 32.  
Codices petendi & accipiendi suo tempore. 2. p. 193. 209.  
De coena Domini meditatio. 3. p. 226.  
Coenobitæ monachorum genus . 2. par. 11. 309.  
458.

Quis eorum auctor . 2. p. 469.  
Cogitationes non omnibus propalandæ. 1. p. 4.  
Cogitationes superiori aperiendæ . 2. p. 23. 216.  
241. 248. 254.  
Cogitationum malarū origo. 2. p. 588. 589.  
Remedia. 2. p. 328.  
Cognitio Dei. 1. p. 181.  
Collationes patrum legendæ ante completoriū .  
2. p. 43.  
Collationes spirituales frequentandæ. 1. p. 66. 86.  
176. 2. p. 209. 246.  
Collectæ quando faciendæ,  
2. p. 268.  
In Collectis obseruanda .  
1. p. 63.  
Colli ornamenta, quæ esse debeant. App. 19.  
Coma non nutrienda. 2. p. 214. 568. 569.  
Comedendum sine delectatione. 1. p. 15. 73.  
Neque ad satietatem . 1. p. 7. 20.  
Semel in die. 1. p. 20.  
Ad Comedendum tarde veniens qualiter puniatur. 1. p. 68. 236.  
Communio diebus dominicis  
Y 2 cis



# I N D E X.

cis facienda. 2. part.  
 292.  
 Cōmunio nis tempore om-  
 nes debebant esse pre-  
 sentes. 2. p.78.  
 An per somnum polluti  
 debeant communica-  
 re. 2. p. 428.  
 An quōtidie communi-  
 care quilibet audeat.  
 2. p. 541.  
 Quo ordine fratres com-  
 muni-  
 care debeant. 2.  
 p. 364.  
 An passi-  
 15. 1  
 An passi-  
 bend-  
 An patie-  
 bus.  
 An pun-  
 de. 1  
 530.  
 An don-  
 An pun-  
 ene-  
 31.  
 An i-  
 ia i-  
 89.  
 An i-  
 on-  
 io-  
 far-

17. 23. 320. 335. 3. p.  
 84. 101.  
 Sit frequens, & assidua.  
 3. p. 132.  
 Quantum valeat pura, &  
 non tarda confessio.  
 ibid.  
 Confessiones non manife-  
 standæ. 3. p. 133.  
 Confessores eligendi, qui, &  
 quales esse debeant. 1.  
 p.278. 3. p. 133. 134.  
 Non nimis confidendum  
 in bonis operibus. 1.  
 p. 20.  
 Confusio damnatorum in  
 die iudicij. 3. p.255.  
 Coniugatus quemodo reli-  
 gionem profiteri pos-  
 sit. 2. p. 203.  
 Coniugalis humilitas melior  
 quam superba virgini-  
 tas. Append. 100. 141.  
 An consanguinei à mona-  
 chis inuisendi. 1. p. 4.  
 212.  
 Consanguinei funus profes-  
 qui monacho nō licet.  
 1. p. 72.  
 Conscientia Patri spirituali  
 detegenda. 1. p. 19. 22.  
 2. p. 216. 241. 266. 335.  
 589. 590.  
 Consideratio ultimi iudi-

cij. 3. part. 235.  
**Consilium** etiam à iunioribus petendum. 2. p. 15.  
 318. 3. p. 82.  
**Quomodo** dari debeat. ibid.  
**Sine consilio** nil faciendū. ibid.  
**Consilium** malorum quam perniciosum sit. 1. p. 112.  
 2. p. 517.  
**Consilij** mandata preferenda. App. 15.  
**Consuetudine** vitia dulcescunt. App. 76. 87. 98.  
**Consuetudo** altera natura. 1. p. 185.  
**Contemni** nil debet tanquā paruum. 1. p. 206.  
**Contendere** cum Abbate nunquam præsumentum. 2. p. 5. 3. p. 82.  
**Contentio** fugienda. 2. p. 166.  
**Continentiæ** bonum. 1. p. 194. & App. 37.  
**Quid** sit. 1. p. 195. 233.  
**Illius** mensura. 1. p. 196.  
**Continentia** quadragesimalis. 2. p. 403.  
**Contritionis** necessitas. 1. p. 224. 225.  
**A conuiuiis & maledictis** abstinendum. 2. p. 130.

**Conuiuia** in monasterijs nō habenda. 2. p. 168. 3. p. 109.  
**Conuiuiis** nuptialibus monachis interesse nefas. 2. p. 187.  
**Consentiens** alterius peccato à Deo maledictus. 1. p. 92.  
**Contristans** fratrem quomodo debeat emendari. 1. p. 226.  
**Coquinae** omnes inferuiant. 2. p. 58. 142. 361. 362.  
 3. p. 23.  
**Etiā** Abbates certis diebus inferuire tenentur. 2. p. 142.  
**Coquinae** inferuiantes ob negligentiam excommunicati. 2. p. 362.  
**Cor bonum** simulare nescit. 1. p. 217.  
**Corpori** pro indigentia cōcedendum. 1. p. 20.  
**Corporis** infirmitates toleranda. 2. p. 592.  
**Correctionis** necessitas. 1. p. 245. 2. p. 84. 85. 174. 191.  
**Quomodo** facienda. 1. p. 27. 82. 85. 209. 2. p. 244. 3. p. 9.  
**Quo affectu** suscipienda. 1. p.

1. par. 209. 211.  
**C**aptiua quam sit pernicio-  
 sa. 2. p. 41. 555. App.  
 46.  
**C**rucem suam tollere quid  
 sit. 1. p. 185.  
**C**ulpæ omnes puniendæ. 1.  
 p. 35. 206. 207. 2. p. 33.  
 34. & seqq. 45. 217.  
 218. 347. 348.  
**C**upiditas calcanda ijs qui-  
 bus mûdus crucifixus  
 est. 2. p. 195.  
**C**uriositas reprimenda. 1. p.  
 17. 18.  
**C**urrere indecens, & illicitum.  
 2. p. 408.  
**C**urrus, & equi quando, &  
 quomodo concedan-  
 tur. 2. p. 289.  
**C**ustodia oculorum. 1. par.  
 16. 3. p. 104.

## D

**D**AMNATORVM confusio in  
 iudicio. 3. p. 235.  
**D**are omni petenti quomo-  
 do intelligitur. 1. par.  
 272.  
**Q**uodnam sit Decanorum  
 officium. 2. par. 32.  
 266.  
**D**ecanis suis Monachi cogi-

tationes suas aperiant.  
 2. p. 217.  
**D**e Decurione Christum de  
 Cruce deponente me-  
 ditatio. 3. p. 231.  
**D**efunctorum cura habenda.  
 2. p. 24.  
**E**orû corpora vno in loco  
 sepelienda. 2. p. 224.  
**D**elicta quænam sint gra-  
 uiora, quænam leuio-  
 ra, & eorum congrua  
 poenitentia. 2. p. 217.  
**D**elinquentes qualiter cor-  
 ripiantur. 2. p. 44. &  
 seqq. 166. 216. 3. par.  
 115. 144.  
**D**epositum qualiter seruan-  
 dum. 1. p. 17.  
**N**on desperandum pro quo-  
 libet crimine. 2. p. 18.  
 274. 275. 320. 3. p. 84.  
**D**etracti quid sit. 1. p. 216. 2.  
 p. 586.  
**D**etractio cauenda. 2. par.  
 285.  
**P**atientur ferenda. 2. par.  
 585. 587.  
**N**on audenda. 1. par. 19.  
 216. 217.  
**C**ontemnenda. 3. p. 52.  
**D**etrahens qualiter punia-  
 tur. 1. p. 88. 216. 217. 2.  
 p. 290.

Dei

Dei beneficia erga homines.

1. p. 180. 181. App. 32.

De Deo qualiter loquendum, & tractandum.

2. p. 503.

Deo nil tam carum, quam si voluntas propria fratur. 2. p. 258.

Quo affectu Deo inferuendum. 1. p. 205.

Deus infinite amabilis. 1. p. 178. 179. Vide amor, & dilectio.

An Deus perfecte hic videri possit. 2. p. 488.

Deus sine proximo non diligitur. 2. p. 520.

Quid Deus à nobis requirat. App. 35.

Quomodo dextera faciat, quod nō sciat sinistra. 1. p. 221.

Diaboli opera. 2. p. 321.

Orantem perpetuo perturbare conatur, & cur 2. p. 556.

Dilectio Dei omnibus proponenda. 1. p. 178. 181.

Vide amor Dei.

Dilectio Dei, & proximi summa virtutum. 2. p. 231.

Dilectio non debet esse carnalis. 3. p. 13. 130. 131.

Cur dicatur fortis, ut mori dilectio. 2. p. 264.

Dilectionem Dei excitant varia Dei erga homines beneficia. 1. p. 180. Appen. 32.

Dilectionis proximi elogia. Appen. 34.

Diligendus Deus non verbo, sed opere. App. 33.

Diligendi inimici, & qui nati sunt. 1. p. 160.

Quid sit seipsum diligere. 1. p. 259.

Diligentia in omnibus officijs adhibenda. 2. p. 83.

Disciplina à senioribus discenda. 1. p. 6.

Disciplina infligenda modus. 1. par. 107. 169. 309.

Discretionis necessitas. 1. p. 23. 2. p. 59. 159. 558. 483. 3 p. 211.

Dispensans cum acceptione personarum puniendus. 1. p. 241.

Disputatio, & conferentie coram Præposito faciendæ. 1. p. 66.

Contra distractiones. 1. p. 239. 240.

Diuites non extollantur. 2. p. 203.

Di-

**Diuitiæ Monachi fructum**

corrumpunt. 1. p. 22.

**Quænam sint veræ diuitiæ**

2. p. 473.

**Coloris non temporis men-**

sura in contritione

attenditur. 2. p. 275.

**Domo sine oratione non**

egrediendum. 1. p. 95.

**E domo raro egrediendum.**

3. p. 95.

**Dona Dei extraordinaria**

abscundenda. 2. p. 598.

599.

**Quomodo dormiant mona-**

chi. 1. p. 47. 2. p. 32. 128.

135. 215. 244. 245. 381.

**Omnes in suo loco dor-**

miant si fieri potest. 2.

p. 32.

**Dormientis disputante Præ-**

posito penitentia. 1. p.

66.

**Dormitare unde accidit, &**

quomodo superari possit

3. p. 113.

**In dormitorio de nocte can-**

dela ardeat. 2. p. 22. 381.

3. p. 113.

**Duplex non debet esse fa-**

mulus Christi. 2. p. 243.

2. p. 243.

2. p. 243.

2. p. 243.

2. p. 243.

E

**E**BRITAS manifestus da-  
mon. Append. 5.

**Ebrietas vitanda.** 2. p. 559.  
560.

**Ebriosi qualiter puniendi.**  
2. p. 343.

**Ecclesia non petenda, vbi**  
est hominum concur-  
sus. 1. p. 6.

**In ecclesia non loquendum**  
1. p. 5.

**Eiecti e monasterio quoties**  
recipiendi. 2. p. 36.

**Eleemofyna pro possibili-**  
tate eroganda. 1. p. 4. 5.

**Maximè infirmis mona-**  
sterij. 1. p. 2.

**Quænam sit Deo gratior.**  
3. p. 219. Append. 8.

**An ab inferioribus fieri**  
debeat. 1. p. 273. 3. p.  
217. & seqq.

**Qualiter facienda.** 1. p. 6.  
236. 3. p. & seqq. 3. p.  
191.

**Eleemofyna inique acqui-**  
sita Deo abominabilis.  
Append. 41.

**Eloquium diuinum homi-**  
nis interioris nutriti-  
um. Append. 44.

Epi-

# I N D E X

Episcopi auctoritate Abbatis  
vitiosi electio impedi-  
enda. 2. p. 58.  
De licentia Episcopi Mona-  
chi humandi. 2. p. 112.  
Sine Episcopi licentia mo-  
nasteria nō construenda.  
2. p. 253.  
Corā Episcopo Retrusi pro-  
fessio facienda. 2. p. 492.  
Episcopis conuiua in mo-  
nasterijs Monialiu non  
facienda. 3. p. 109.  
Episcopis ingressus ad mo-  
niales orationis causa  
ingressus conceditur.  
ibid.  
Episcopus aliquem surroga-  
re potest in locū Ab-  
batis repentina morte  
sublati pro triginta  
diebus, & cur. 2. p. 46.  
Equi & currus quibus, &  
quando conceduntur.  
2. p. 289.  
Escæ plurimæ etiam corpus  
lædunt. App. 46.  
Escæ eius (scilicet dæmo-  
nis) electæ sunt, quo-  
modo intelligendum.  
App. 69.  
Esuries phantasmata turpia  
extinguit. ibid. 54.  
Eucharistiæ vsus. 2. p. 292.

541. 543. App. 131. 1  
Diebus dominicis sumen-  
da. 2. p. 292.  
Quanta fide affectu, &  
reuerentia sit sumen-  
da. 1. p. 252. 292.  
An Eucharistiæ receptio-  
nem impediāt noctur-  
na illusio. 2. p. 543. 544.  
Eulogiæ offerendæ pro fe-  
pultura fratrum. 2. p. 212  
Eulogiæ literę aut munuscu-  
la nunquam recipien-  
da sine superioris vo-  
luntate. 2. p. 50.  
Eulogiæ à summo Pontifi-  
ce, vel à Sacerdotibus  
transmissæ qualiter su-  
scipiendæ. 2. p. 424.  
Examen conscientię. 2. p.  
512. 513. 3. p. 205. &  
seqq.  
Excessus quilibet puniendi.  
2. p. 242. 571.  
Excommunicandi modus.  
2. p. 33. 346. & seqq.  
Excommunicatio. 2. p. 33.  
217. 218.  
Excommunicationis varia  
genera. 2. p. 33. 34. 93.  
348. 362. 370.  
Quam sollicitus debeat  
esse Abbas circa excō-  
municatos. 2. p. 34. 268.

Z

Ex-

**Excommunicatorum panis**  
ab Abbate exsufflan-  
dus. 2. p. 268.

**Excommunicatorum poeni-**  
tentia. 2. p. 219. 241.  
242. 269. 347. 248. 350.

**Excommunicatus qualiter**  
se habere debeat. 2. p.  
241.

**Excommunicatus in suo er-**  
rore pertinax è mona-  
sterio eijciendus. 2. p.  
35.

**Excommunicatus qualiter**  
absoluendus. 2. p. 352.

**Exemplum malum quam-**  
sit perniciosum. App.  
504. 505. 507.

**Exemplum superioris verba**  
procedere debet. App.  
246.

**Exteri qualiter salutandi. 2.**  
p. 417.

**Exteris hilariter occurren-**  
dum. 1. p. 17.

**Qualiter cum eis se ge-**  
rere debeat Monachus.  
ibid. & 2. p. 50.

## F

**FAMA conseruanda. Ap-**  
pend. 6.

**Familiaritas vitanda. 3. p. 46.**

48. 49. Appen. 116. &  
seqq.

**Feminae probatae vite hono-**  
randa. Append. 6.

**Feminarum conuersatio pe-**  
riculosa. 1. p. 268. 278.

2. p. 270. 292. 3. p. 110.  
Append. 38.

**Feminarum monasteria. 2. p.**  
228.

**Feminis in monasteria tam**  
monachorū quam mo-  
nialium ingredi prohi-  
betur. 1. p. 41. 2. p. 494  
3. p. 108.

**Cum feminis quomodo con-**  
uersandum. App. 6.

**Feminas tangere periculo-**  
sum. App. 38.

**Femoralia quando & qui-**  
bus permittantur. 2. p.  
234. 567.

**Feriae monachorum quanta**  
sint. 2. p. 211. 286.

**Ferramenta spiritalia artis**  
diuinæ quæ. 2. p. 321.

**Ferula pro correctione mo-**  
nachorum errantium.  
2. p. 90.

**Feruoris commendatio. 2. p.**  
92.

**Filij nobilium, vel pauperum**  
qualiter suscipiantur.  
2. p. 54.

Fra-

# I N D E X .

**Fratrem mortuum omnis**  
**fraternitas prosequatur**  
 1. p. 82.  
**Fraternitas fratrem manus in-**  
**licere non licet . 2. par.**  
 130.  
**Fructus digni poenitentiae .**  
 1. p. 207.  
**Fugitivi qualiter reducendi .**  
 2. p. 277.  
**Quoties recipiendi 2. p.**  
 364 16.  
**Sapè honorantur . 2. par.**  
 254.  
**Error quid sit . 1. p. 262. 274.**  
**Furtum in monacho est sa-**  
**crilegium . 1. p. 42.**

## G

**Gaudia in Domino quæ**  
**sint . 1. p. 219.**  
**Cum gaudio semper operā-**  
**dum . 2. p. 291.**  
**Gratuagi monachorum ge-**  
**nus & quale . 2. par. 12.**  
 340. 323.  
**Gloria & gaudia Paradisi .**  
 3. p. 237.  
**Gloria Sanctorum qualis sit .**  
 3. p. 234. 250.  
**Ad gloriam Dei omnia fa-**  
**cere quid sit . 1. p. 220.**  
**Vanæ gloriæ malum . 2. par.**

506. 3. p. 212. App. 25.  
 & seqq.  
**Quis sit inanis gloriæ cupi-**  
**pidus . 1. p. 256.**  
**Non gloriandum de bonis**  
**actibus . 1. p. 4.**  
**Gloriatio in Domino quid**  
**sit . 1. p. 264.**  
**Quænam sit gloriatio cul-**  
**pabilis . 1. p. 264.**  
**Vera gloriatio moniallum .**  
 3. p. 213.  
**Gratia debet cum ætate cre-**  
**scere . App. 28.**  
**Cum gravitate ad opus Dei**  
**currendum . 2. p. 33. 3. p.**  
 39.

**Greges pascebant monachi**  
 2. p. 125. 205. 206. 261.  
**Gulæ peccata & incommo-**  
**da . 2. p. 556. 557. 3. p.**  
 167. & seqq.

## H

**Hæreticus debet esse mo-**  
**destus . 3. p. 7.**  
**Habitus ordinatus quis sit .**  
 1. p. 255.  
**Hæresis unde dicta . 2. par.**  
 251.  
**Hæreticorū sermones mor-**  
**tiferi . Appen. 60.**  
**Hebdomadarij coquina quæ**

Z 2 fol.



INDEX DE X

debeant.

excom-

ibide

munica-

P. 364.

nt seruire

671

habere

saeculo re-

P. 477.

ferendus.

P. 58.

um quæ-

est. 1. p.

ongruis of-

merantibus

una 2. par.

2. par.

æposito &

subleuandus

ercenda. 1. p.

55.

ter suscipien-

15. 17. 18. 31.

par. 49. 55.

240. 426. 574.

ullus sociare

si iussus. 2. p.

Abbatis co-

quina. specialis eff.

debet. 2. par. 50.

Humilis non est; sed perti-

ni max. qui refugit prala-

turas. 2. par. 506. &

segg.

Humilitatis bonum. 1. p. 819.

2. p. 162. 338. 577. 578.

Appen. 42. 90.

Quid sit humilitas, & in-

quo consistat. 1. par. 9.

14. 222.

Quenam sit humilitas ficta.

App. 105. 126.

Que vera. ibid. 42. 125.

Qualiter obtineri possit.

1. p. 222.

Humilitatis diuersa exerci-

tia. 1. p. 9. 14. 15. 222. 3.

Humilitatis gradus. 2. p. 20.

& segg. 333. & segg. 3.

Humilitatis necessitas. 3. p.

147. Appen. 90. 91.

Humilitatis probatio. Ap-

pen. 105.

Cū quali humilitate suscipi

debet obsequium. 1. p.

214.

**I**ACTANTIA omnibus vitijs  
 grauissimum. 2. p. 286. 3. p.  
 55. 212.  
 Ianitores monasterij quales  
 esse debeant. 2. par. 61.  
 461.  
 Disciplina a Ianitoribus ob-  
 seruanda. 1. p. 164.  
 Ieiunandum a vitijs. 2. par.  
 574.  
 Quando ieiunandum. 1. par.  
 4. 31. 2. p. 42. 185. 213.  
 245. 412. 554. 3. p. 138.  
 Ieiunij bona. Append. 43.  
 Ieiunij mensura a quo pen-  
 dere debeat. 1. p. 233.  
 Ieiunij utilitas. 1. p. 194.  
 Ieiunio debet sociari deu-  
 otio. 1. p. 234.  
 A ieiunio dispensatur circa  
 laborantes. 2. p. 185.  
 Et tota æstate Abbas di-  
 spensare potest propter  
 calores & laborem a-  
 grorum. 2. p. 42.  
 Ieiunium biduanum ac tri-  
 duanum ab probetur.  
 2. p. 572.  
 Ieiunium frangitur propter  
 hospites. 2. p. 49. 213.  
 380. 421. 574. 575.  
 Ieiunium hiemale non per-

petuum. 2. p. 113. 212.  
 213.  
 Ieiunium in itinere seruan-  
 dum. 2. par. 412. 413.  
 Ieiunium quadragesimale.  
 2. par. 47. 245. 404. &  
 seqq.  
 Ieiunium non violandum.  
 quarta & sexta ferijs,  
 nisi ob grauem morbum.  
 1. p. 50.  
 Ieiunium non seruatur a Pa-  
 scha ad Pentecosten.  
 2. p. 42. 212. 381.  
 Nec feria quinta, nec Do-  
 minica, nec Sabbato.  
 1. p. 4.  
 Ignorantia a peccato non  
 excusat. 1. p. 244. 271.  
 Illusiones nocturnæ. 2. par.  
 537. 538. 3. p. 206.  
 Illusiones dæmonum variæ.  
 2. p. 593. 216. 428. 543.  
 Immortificatio quantū ma-  
 lum. Append. 7. 72. 84.  
 85. 101.  
 Immunditiæ & impudicitie  
 differentia. 1. p. 274.  
 Erga impatientiam qualiter  
 esse debeamus. 1. par.  
 211. 225.  
 Nemini improperandum.  
 1. p. 57. 2. p. 130.  
 Impudicorum poenitentia.  
 2. p.

3. part. 243. 288.  
 De Incarnatione meditatio.  
 3. p. 220. & seqq.  
 Incorrigibiles eijciendi. 2. p.  
 33. 269. 270. 284.  
 Indignationis propriū quid  
 sit. 1. p. 274.  
 Quomodo in furorem  
 degeneret. ibid.  
 Infantes qualiter fieri possi-  
 mus. 1. p. 262.  
 Infantibus custodia ab om-  
 nibus adhibenda. 2. p.  
 62.  
 Infantium in monasterijs e-  
 ducatio. 2. p. 259. 380.  
 3. p. 89.  
 Inferni consideratio. 2. par.  
 530.  
 Infirmorum cura. 1. p. 4. 31.  
 69. 70. 2. p. 39. 91. 108.  
 193. 222. 240. 260. 564.  
 3. p. 141. 142.  
 Infirmi parentum curæ non  
 committendi. 1. p. 42.  
 Infirmi probandi an fingāt.  
 2. p. 418.  
 Infirmi sumant necessaria  
 sine scrupulo. 3. p. 32.  
 Disciplina ab Infirmis ob-  
 seruanda. 1. p. 69. 70.  
 2. p. 259. 260. 3. p. 89.  
 Quo affectu Infirmis mini-  
 strandum. 1. p. 213.

Infirmities aliorum porta-  
 re quid sit. 1. p. 269.  
 Infirmus vel in carcere po-  
 situm visitare quid sit.  
 2. p. 515.  
 Inflatus quis sit. 1. p. 264.  
 Ingenuitas vera in quo cō-  
 sistat. App. 72.  
 Iniuria non facienda. 2. p. 16.  
 319. 515. 3. p. 83.  
 Ob Iniuriam illatam quan-  
 tocius satisfaciendum.  
 3. p. 13.  
 Pro inimicis orandum. 1. p.  
 18. 320. 516. 3. p. 83.  
 Inimicorū dilectio. 1. p. 19.  
 Innocentes non opprimen-  
 di. 2. p. 242.  
 Innocentis oppressio quo-  
 modo puniatur. 1. par.  
 89.  
 Inobedientia infidelitatis so-  
 cia. App. 72. 73. 76.  
 Inobedientium poena. 1. p.  
 90.  
 Inquinamentum corporis,  
 & spiritus quid sit. 1.  
 p. 215.  
 Instrumenta bonorum ope-  
 rum. 2. p. 15. 318. 515.  
 3. p. 82.  
 Inuidia semper ardet in de-  
 tractionem religionis.  
 App. 7.

Con-

Contra intemperantiam. .

App.3. 105.

Ioannis supra pectus Domi-  
ni in cena recumben-  
tis meditatio. 3.p.226.

Loci vitandi.2.p.85.132.187.  
531.

Ira quid sit. 1.p.262.

Contra iram. 1.par.85.153.

218.2.p.16.90.91.102.

103.122.145.319.515.

523.3.p.46.83. App.4.

27.36.54.56.

Quid sit dare locum iræ 1

1.p.261.

Iracundi ac furiosi poeniten-

tia. 1.p.89.

Iracundus tempus non re-

servandum. 2.p.17.519.

515. 3.p.83.

Irritatio quid sit. 1.p.162.

Itinerantes qualiter opus

Dei complere debeât.

2.p.48.409.

Qua hora debeant refi-

cere. 2.p.412.415.

An possint extra mona-

sterium manducare.

2.p.48.413.

Sumptus necessarios ab Ab-

bate accipiant. 2.par.

413.

Iudex iniustus iuste cõdem-

natur.1.p.91.

Iudicis peccatorum officiũ.  
ibid.

Iudicis negligẽtis correptio.  
ibid.

In die iudicij quatuor ordi-  
nes hominum futuri.  
2.p.527.

In quibus iudicare liceat nec  
ne.1.p.228.

Iudicia Dei quomodo ti-  
menda. 1.p.254.

Iuniores ad consilium con-  
vocandi.2.p.15.138.&  
3.p.82.

Qualiter erga seniores ge-  
rere se debeant. 2.p.  
75.183.

In ministerijs non sunt  
occupandi. 2.p.223.

Non loquatur vsque ad  
interrogationem. 1.p.  
36.

Iurare omnino non licet. 1.  
p.16.89.102.131.319.  
515. 3.par.19.21.83.  
180.

Iustitiæ descriptio.App.103.

Eius perfectio in quo nõ  
sistat.2.p.474.

Debet cum ætate cresce-  
re.Append.28.

Iustum & sanctum esse quid  
sit.n.p.266.

Iuuenis scandalosus e mo-  
na-

nafterio eiiciendus, nec  
habitu monastico do-  
nandus. 1.p.5.

Cum iuvene non loquendū,  
neque conuerſandū.  
1.p.4. 2.p.243.

L

**L**ABIA ſancta Deus exau-  
dit. App. 19.

Labor manuum. 1.p.47.92.  
2.p.46.83.64.111.134.  
175.205.206.286.398.  
408.547.548.

Laborantes diſpenſari poſ-  
ſunt a ieiunio. 1. par.  
235.2.p.185.

Ad laborem manuum præ-  
cedere debet Præpoſi-  
tus. 1.p.73.

Labori adiungi debet medi-  
tatio. 2.p.104.206.

In labore ſeruanda diſcipli-  
na. 2.p.236.237.

Lac cum aqua mixtum qui-  
bus conceditur. 2.p.289

Lacrimis diu noctuque inſi-  
ſtendum. 1.p.4.

Laſciuus, petulans, &c. quo-  
modo caſtigandi. 2.p.  
242.243.

Latronis Chriſto in Ægyptū  
proſciſcenti occurren-

tis pia meditatio. 2. p.  
222.

Lauare quomodo debeant  
monachi. 1.p.74. 2.p.  
82.

Lecti monachorum debent eſ-  
ſe ſimplices. 3.p.33.

Lectio ſpiritualis frequen-  
tanda. 1.p.16.2.p.16.129  
319.515. 3.p.83.

Lectio & oratio ſibi ſucce-  
dant. 3.p.169. Append.  
3.9.

Lectio menſæ. 2. par.40.90.  
108.184.210.371.372.  
3.p.7.

Lectio regulæ nō debet fieri  
ad menſam coram ſæ-  
cularibus. 2.p.372.

Lectiōi qualiter vacandum  
3.p.94.545.

Quotidie ad tertiam uſque  
legendum. 1.p.133.

Lector menſæ qualiter in-  
gredi & legere debeat.  
2.p.40.371.

Lineis monachi non utan-  
tur. 2.p.136.214.

Lingua cui rei aſueſcenda.  
1.p.8.9.14.

Linguae peccata. Append.4.  
19.20.105.

Littere diſcendæ. 2. par. 50.  
102.3.p.24.

Li-

# I N D E X.

**Lites vitandæ, aut cito finiendæ.** 2.p.16. 90. 136. 214. 319. 515. 3. par. 12.26.

**Locandæ sunt villæ sæcularibus, non a monachis excolendæ.** 2.p.434.

**Disciplina obseruanda in loquendo.** 1.p. 260.251. 2.p.23.342.3.p.193.& seqq.

**Luxuria poena est superbiz.** App.104.

**Contra illam fugiendo pugnatur.** App.111.

**Illam sopire grande & pene supra naturam.** Append.10.

## M

**MAGISTRO cogitationes aperienda.** 1.p.22.

**Coram maioribus standum donec aliter præcipiatur.** 1.p.18.2. p.58.

**Maledicus quis sit.** 1.p.218.

**Mali descriptio.** 1.p.178.

**Mandatorum obseruatio ad mortem vsque extenditur.** 1.p. 148.

**Manus alterius non tangenda.** 2. par. 168. 175. 240.

**Margaritas ante porcos mittere quid sit.** 1.p.266.

**Mariæ pars melior.** 3.p.216. 217.223.225. 226.

**Mariæ vnguentū effundentis & pedes Christi lacrimis rigantis meditatio.** 3.p.223.

**Marthæ Christum in domo susipientis meditatio.** 3.p.225.

**Martyrum acta sæpè legenda.** 2.p.129.

**Media nocte orationi inuigilandum.** 1.p.21.

**Meditari negligentes vsque ad horam refectionis diei sequentis non edebant.** 2.p.79.

**Meditatio iugis.** 1.p. 67. 68.

**Meditatio psalmorum seruauit ab immunda vita.** 1.p.13.

**Meditatio quotidiana per duas horas.** 2.p.184.

**Meditationes variæ de vita & passione Christi.** 3.p. 220.& seqq.

**Membra ad quid a Deo formata.** App.20.

**Quomodo mundanda.** Ib. 19.

**Memoria Dei continua.** 1.p. 184.& seqq. 213. 221. A a 2.p,

2.p.16.319.515. 3.par.  
83.  
**Mendaces**, fures, & percus-  
sores qualiter emendā-  
di. 2.p. 243.  
**Mensa lectio**. 2. p. 40. 90.  
108. 184. 210.  
**De vna mensa ad aliam trā-**  
**sire nefas**. 2.p. 80.  
**Ad mensam qui tardè occur-**  
**runt qualiter puniendi**.  
2.p. 43. 245.  
**Mensam præcedat & sequa-**  
**tur oratio**. 2.p. 235.  
**Disciplina ad mensam ser-**  
**uanda**. 1.p. 38. 41. 47.  
68. 90. 70.  
**Mensura ciborum & potus**.  
2 p. 41. 113. 212. 236.  
296. 258.  
**Mentiri nunquam licitum**.  
2. p. 16. 102. 319. 515.  
3.p.83.  
**Meum ac tuum quicquam**  
**dicere nefas**. 2.p. 174.  
235. 288.  
**Mica ex mensis collectæ ad**  
**septimum vsque diem**  
**seruata, cur**. 2. p. 373.  
374.  
**Militia spiritualis perpetua**  
**est**. Append. 31. 66.  
104.  
**In quo consistit, & qui-**

**bus armis in ea vtea-**  
**dum**. 2. p. 32. & seqq.  
**In militia spirituali Regis,**  
**cui militatur, conditio**  
**consideranda**. ibid.  
**Militiæ spiritualis & secu-**  
**laris comparatio**. ibid.  
**Minima non spernenda**.  
App. 37. 45.  
**Ministeria cum bona volū-**  
**tate facienda**. 2. p. 91.  
**Ministeria viliora non re-**  
**spuenda**. 2.p. 205. 206.  
261. 262.  
**In ministerijs secundum vi-**  
**ces inseruiendum**. 2.  
par. 81.  
**Miracula non sunt infalli-**  
**bilia sanctitatis argu-**  
**menta**. 2. p. 505. 597.  
**Miraculorum gratia non**  
**exoptanda**. 2.p. 595.  
**Missæ pro defunctis facien-**  
**da**. 2. p. 112.  
**Ad Missam quomodo assi-**  
**stendum**. 1. p. 18.  
**An Missam quotidie cele-**  
**brare quilibet sacerdos**  
**debeat**. 2. p. 241.  
**Mobilia Monachi**. 1. p. 76.  
133.  
**Modestia ubique relucere**  
**debet**. 1. par. 10. 15.  
18. 2. p. 23. 190. 336.  
3.par.

3. par. 26. Appen. 6:  
 Molendinum, & aliæ artes  
 necessarię in Monaste-  
 rijs exercendæ. 2. par.  
 62.  
 Monachi etymologia, & si-  
 gnificatio. 2. p. 468.  
 Monachorum genera. 2. p.  
 11. 12. 309. 310. 468.  
 Eorum conuersatio qua-  
 lis esse debeat. 2. par.  
 200.  
 Eorum professio. 2. p. 53.  
 App. 67.  
 Artes discere debent pro  
 cuiusque capacitate. .  
 1. p. 275.  
 Labori manuum incum-  
 bere debent. 2. p. 126.  
 Literas ignorare non de-  
 bent. 2. p. 126.  
 A consilio vel voluntate  
 Abbatis nunquã disce-  
 dant. 1. p. 28.  
 Monachi non mortificati  
 sunt sæcularibus peio-  
 res. App. 69.  
 Monachis vinum non con-  
 gruit. 2. p. 42. 144.  
 Monachi greges custodiebāt  
 2. p. 126.  
 Monachus bibere coactus  
 quot scyphos bibere  
 possit. 1. p. 13.

Monachus peregrinus qua-  
 liter suscipiendus. 2. p.  
 55.  
 Non est congregationi  
 sociandus sine proprij  
 Abbatis literis cõmen-  
 datitijs. 2. p. 55.  
 Si sit vitiosus est dimittē-  
 dus. 1. p. 41. 2. par. 55. &  
 123.  
 Monachi extra monasterium  
 sine iussione Abbatis  
 non manducent. 2. par.  
 48. 70.  
 Quibus & quando Mona-  
 chis extra monasteriũ  
 egredi liceat. 2. p. 223.  
 Lecta singulariter habe-  
 ant. 2. p. 137.  
 Monacho vendenti de pre-  
 tio non disceptandum.  
 1. p. 21.  
 Monasteria pro arbitrio non  
 construenda. 2. p. 251.  
 Monasterij res sunt sanctifi-  
 catæ. 1. p. 32.  
 Qualiter tractandæ. 1. p.  
 238. 2. p. 32. 290.  
 Omnium sunt & nullius  
 2. p. 188. 169.  
 Vendendæ sunt vilius  
 quam a sæcularibus. 2.  
 p. 22. 433.  
 In monasterijs nulli sunt ba-  
 pti.



- ptizandi. 2. par. 128.
- In monasterijs quales personæ suscipiendæ. 2. p. 256. 273.
- In monasterio quemquam defendere nefas. 2. par. 62.
- Extra monasterium solus nō mittendus. 2. p. 70.
- Monasterium modio comparatum. App. 92.
- Monialis ancillam habere non debet. 3. p. 12.
- Monialis auaritia. 3. p. 190.
- Non inuisat domum paternam. 3. p. 182.
- Sola cum solo non loquitur. 3. p. 168. 169.
- Monialis ornamenta. App. 22. 23.
- Morbi superioribus aperiendi. 1. p. 14.
- Mors non timenda. 3. p. 233. 234.
- Mortis iugis memoria. 1. p. 8. 14. 19. 2. par. 17. 320. 516. 3. p. 83. App. 52. 53.
- Mortificatio tria præcipue imperat. 2. p. 163.
- Mortificationi iugiter insistendum. 1. p. 6. 2. p. 16. 319. 515. 3. p. 83.
- Mortificationis facilitas. 2. p. 162. 443. 444.
- Mulieribus ingressus in monasteria virorum interdicitur. 1. p. 41. 2. p. 90. 103. 121. 122.
- Mulieris adulteræ a Christo absolutæ meditatio. 3. p. 223.
- Mulieris pedes Christi lacrimis rigantis consideratio. 3. p. 224.
- Mulierum conuersatio quā periculosa. 2. p. 122. 270. 3. p. 110. 116. App. 38.
- Cum muliere extranea non colloquendum absque testibus. 2. p. 181.
- Contra mulieres, quæ colorem vel odorem metiuntur. 3. par. 163. & seqq.
- Contra mulierum immoderatum ornatum. 3. par. 164. & seqq.
- Mundo militantibus diabolus non obstat. Appen. 69.
- Mundus corde quis sit. 1. p. 257.
- A muneribus abstinendum. 2. p. 548. 3. p. 7. 10. 26. 195.
- Munuscula sine superioris licentia non acceptanda. 2. p. 50. 191. 192.

Mur-

# I N D E X.

**Murmurantium poena.** 1.p.  
37.47.89. 2.p.257. 3.p.  
47.

**Murmur in monachis detestabile.** 2. p. 207. 257.  
592.

**Murmur in monasterijs familiare.** 2.p. 124.262.

**Nil cum murmure faciendū**  
2.p.69.189.257.

**Mutuo datum non repetendum.** 1.p.21.

**Mutuo petenti non denegandum.** 1.p.9.

**Nil mutuandum sine consensu patris.** 2.p.82.

## N

**NITOR & cultus vestium**  
**a monacho penitus exulare debet.** 2.p.240.

**Nobilitas vera quæ.** Appen.  
27.

**In nobilitate non gloriandū**  
App.25.

**Nobilium filij qualiter suscipiendi.** 2.p. 54. 447.

**Quo nomine appellare se debeant monachi.** 2.p.  
57.

**Novitij quomodo probandi instruendi & exercendi.** 1.p.68.192. 2.p.53.

66.123. 179.202.247.  
318.342.442.444.445-  
491.496.& seq.

**Qualiter debent dispo-  
nere de bonis suis.** 2.p.  
54. 89. 101. 107. 256.  
273.274. 435.450.

**Non tangant corpus suū nudum.** 2.p.260.261.

**Nuditās & facultatum contemptus prima monachorum perfectio.** 2.p.  
155.

**Nuptiarum ærumnæ & pericula.** 3.p.162.& seqq.

## O

**Obediendum invicem sicut serui Dominis.** 1.p.  
223.

**Obediendum superiori quasi Deo.** 2.par. 18.19 153.  
290.326.569. Ap.128.

**Obediens maior est.** 1.p.17.

**Obediens omnibus in rebus obedit.** 1.p.204.223.&  
seqq. 231. 251.

**Obediens murmurando infidelitate ægrotat.** 1.p.  
226.

**Non gratiam meretur, sed poenam murmurantis incurrit.** 2.p. 19.

Obe-

**Obedientes sunt vari** mar-  
tyres. 2. p. 325.

**Obedienti nil difficile.** 2. par.  
162. 258. 283. 317. 325.

App. 74. 91.

**Obedientia primus humili-**  
tatis gradus. 2. p. 18.

**Quenam sit Deo acce-**  
ptabilis. 2. p. 19.

**Obedientiæ bonum.** Appen.  
73. & seqq. 90. 91.

**Obedientiæ condiciones .**  
1. p. 100. 2. p. 19. 322.

**Obedientiæ perfectio quo-**  
usque extendatur. 1. p.  
225. 2. p. 62. 154. 204  
223. & seqq. 231. 239.  
251. 257. 279. 288. 289  
App. 91.

**Obedientiæ promptitudo .**  
2. par. 18. 19. 153. 291.  
322. 326. 407. 569. 579.  
3. p. 99. & seqq.

**Obedientiæ securitas.** 2. par.  
162. 258. 283. 317. 325.  
App. 128.

**In obrectationibus æque**  
detestanda linguæ &  
auriû prurigo. App. 96.

**Oculi Domini bonos & ma-**  
los vbique speculan-  
tur. 2. p. 21. 333. 538.

**Oculi in neminem figendi .**  
3. par. 18. 9. 25.

**Oculorum custodia.** 3. p. 104.

**Oculus impudicus impudi-**  
ci cordis nuncius. 3. p.  
104.

**Contra odium.** Append. 25.  
35.

**Officiales monasterij expen-**  
dere non possunt, nisi  
in vsum fratrum. 1. par.  
172.

**Fideliter dispensare de-**  
bent res monasterij . 2.  
p. 390.

**Debent esse prompti ad**  
ministranda vnicuique  
necessaria . 2. p. 36. &  
seqq. 81. 82. 91. 109. 358.  
365. 431.

**Contra officiales negligen-**  
tes. 1. p. 241. 251.

**Ab officialibus qualiter res**  
tractandæ. 2. p. 36. 290.  
291. 3. p. 118.

**Officina artis spiritualis sunt**  
claustra monasterij. 2. p.  
15. 318. 515.

**Officiorû clauces ex alrati su-**  
mendæ. 2. p. 104.

**Officiorum distributio .** 2. p.  
220.

**Officij diuini dispositio.** 2. p.  
24. & seqq. 69. 110. 157.  
387. 3. p. 197. 198.

**Officio diuino Deus & An-**  
geli

# I N D E X.

geli semper peculiari  
 presentia adfunt. 2. p.  
 538. 2. p. 31. & 407.  
**Ad Officium diuinum qua-**  
**liter currendum.** 3. p.  
 89.  
**Ad Officium tarde occur-**  
**rentes qualiter punien-**  
**di.** 1. p. 43. 2. par. 245.  
 291. 421.  
**Officium pro necessitate**  
**deoratum.** 2. p. 386.  
**Officium horis competen-**  
**tibus persolvere non**  
**tur in via constituti.** 2.  
 p. 263.  
**Quid sit onera inuicem por-**  
**tare.** 1. p. 270.  
**Operi Dei nil proponen-**  
**dum.** 2. p. 43. 3. p. 89.  
**Ab opere Dei nulli discede-**  
**re licet sine Patris be-**  
**nedictione.** 2. p. 76.  
**In operibus bonis non ni-**  
**mis confidendum.** 1.  
 p. 19. 20.  
**Opus grauius non vitandū.**  
 1. p. 230.  
**Qualiter orandum.** 2. par.  
 534. App. 43.  
**Orandum priusquam ali-**  
**quod opus inchoetur.**  
 1. p. 17.  
**Orandum duas horas ante-**

**quam eatur cubitum.**  
 3. p. 21.  
**Non orandum cum pigri-**  
**tia.** 1. p. 18.  
**Oratio brevis in Conuentu**  
**esse debet.** 2. par. 32.  
 534.  
**Oratio noctu persoluenda**  
**priusquam Ecclesia a-**  
**deatur.** 1. p. 5. 19.  
**Oratio cum opere externo**  
**iungenda.** 2. p. 184. 185.  
 206. 568.  
**Oratio nunquam habet re-**  
**quiem.** 2. p. 537.  
**Oratio iugis esse debet.** 1. p.  
 18. 21. 2. p. 336. 337.  
 338. 535. Append. 3.  
 181.  
**In oratione hospites susci-**  
**piendi.** 2. p. 49.  
**Sine oratione domo egre-**  
**diens qualiter punien-**  
**dus.** 3. p. 95.  
**Orationi vacaturus quomo-**  
**do se gerere debeat.**  
 App. 28.  
**Orationi nihil proponen-**  
**dum.** 1. p. 38. 41. 47.  
**Orationis bonæ conditio-**  
**nes.** 1. p. 18. 21. 22. 2. p.  
 31. 32. 533. 3. p. 48. Ap-  
 pend. 43. 44.  
**In oratione quid à Deo po-**  
 ten-

# I N D E X.

tendum. 1. par. 22.  
 Orationis distractiones. 2.  
 p. 537.  
 Quibus modis orationis ef-  
 fectus impeditur. Ap-  
 pen. 106.  
 Orationis hora seruanda. 1.  
 par. 4.  
 Orationis reuerentia. 2. par.  
 31. 397. 533.  
 In Oratorio præter orandi  
 & psallendi cultum,  
 nil agendum. 2. p. 189.  
 Orare & pulsare quomodo  
 debeamus. App. 72.  
 Ordines quatuor hominum  
 in die iudicij, & qui. 2.  
 p. 471.  
 Ordo non perturbandus in  
 ministerijs. 2. p. 81.  
 Ordo professionis vbique  
 seruandus. 2. p. 57. 248.  
 Oris custodia. 2. par. 19. 23.  
 328. 342. 3. par. 194.  
 195.  
 Osculantur manus Abbati.  
 2. par. 367. vt & ge-  
 nua. 362.  
 Osculum inter Monachos  
 solitum. 2. p. 153. 272.  
 362.  
 Ostiarius monasterij qualis  
 esse debeat. 2. p. 61. 461.  
 Otio mens vagatur. 1. p. 213.

Otiositas fugienda. 1. p. 47.  
 213. 315. 268. 2. p. 46.  
 84. 205. 3. p. 197. Ap-  
 pen. 44.  
 Otiosus sermo quid sit. 1.  
 p. 213.  
 Qualiter puniatur. 1. p. 34.

## P

**P**ACIFICI & Inuidi com-  
 paratio. App. 36.  
 Pacificus quis sit. 1. p. 262.  
 Panis excommunicatorum  
 ab Abbate exsufflatus.  
 2. p. 268.  
 Panis in fune demissus in  
 refectorio, & eius si-  
 gnificatio. 2. p. 367.  
 Panis mensura Monachis  
 concessa. 2. par. 41. 3.  
 p. 201.  
 Panis substantius, quid sit.  
 1. p. 268.  
 Paradisi delitiæ, & gloria.  
 2. p. 320. 338. 530. 3. p.  
 237. 238.  
 An & quando parentes in-  
 uisendi. 2. p. 186.  
 Cum parentibus qualiter se  
 gerere debeant monia-  
 les. 3. p. 109.  
 Passiones occultæ animæ. 1.  
 p. 217.

In

# I N D E X.

In die Passionis monachi  
non manducabant. 2.  
p. 406.  
Pastores ouium qualiter se  
gerere debeant. 2. par.  
262.  
Pater noster explicatur. 2. p.  
303. & seqq.  
Patientiæ actus. 2. p. 22. 239.  
581.  
Patientiæ elogia. App. 37.  
Patre monasterij inconsulto  
nil aggrediendū. 1. p. 6.  
Pauperes spiritu qui sint. 1.  
p. 248.  
Pauperes quomodo dimitt-  
tendi. 1. p. 236.  
Paupertas religiosa. 1. p. 21.  
22. 76. 132. 136. 3. p. 87.  
142. 144.  
Non refugit viliora. 1. p.  
235.  
Seruanda etiam circa al-  
tare. 2. p. 105.  
Paupertate caritas gaudet.  
Append. 55.  
Pauperum cura semper ha-  
benda. 2. p. 286.  
Pax inter monachos seruand-  
a. 1. p. 12.  
Pax danda non solum ore,  
sed etiam corde. 2. par.  
16. 319. 515. 524. 3. par.  
83.  
Peccantem tegere nefas.

2. par. 84. 216.  
Peccans in vno omnium sit  
reus. App. 16. 19. 48.  
Qualiter corripiendus.  
1. p. 50. 260. 269.  
Peccata cogitationis & vo-  
luntatis. App. 21.  
Peccata aliorum excusantes  
aut defendentes sunt  
maxime culpabiles. 1.  
p. 134. 136. 210. 3. par.  
148. 199.  
Peccata non remittuntur sine  
poenitentia. 3. p. 224. &  
seqq.  
Peccata minima vitanda.  
App. 73. 87. 88. & pu-  
nienda. 1. p. 92. 206.  
Peccata præterita caute me-  
moranda. 1. p. 8.  
In peccato maxime contem-  
ptus consideratur. Ap-  
pend. 16.  
Peccato alterius consenti-  
ens peccati reus effici-  
tur. 1. p. 244.  
Contra cogitationes impor-  
tunas de peccatis præ-  
teritis. 1. p. 13.  
Peccatorum confessio. 1. p.  
208. 3. p. 131. 132.  
Peccatorum habenda com-  
passio. 2. p. 5.  
Peccatorum lamentabilis con-  
ditio. 2. p. 520. & seqq.  
66 An

# I N D E X.

An diabolus sit causa omnium peccatorum. 1. p. 276.

Peccati definitio. 1. p. 178.

Peccatum palam commissum palam & arguendum. 2. p. 216.

Pecunia monasterij in quot partes diuidenda. 2. p. 220.

Pecuniæ cupidus animam suam venalem habet. App. 41.

Pedes hospitum tam ab Abbate, quam a congregatione lauandi. 2. par. 49.

Pedum lotio quando facienda. 2. p. 39. 282. 289.

Percussores qualiter puniendi. 2. p. 243.

Perdentis aliquid poenitentia. 1. par. 82. 86. 2. par. 45.

Peregrinantibus carniū vsus conceditur. 2. p. 235.

Peregrini hospites qualiter suscipiendi. 1. p. 31. 2. p. 55. 240.

Peregrino nil præter pacem exhibendum. 2. p. 220.

Perfectio monastica. 2. par. 163. 474.

Media ad perfectionem. 2. p. 16. 17. 18. 515. & seqq.

Perperam agere quid sit. 1. p. 1255.

Perseuerantia sola coronatur. 2. p. 274. 275. 600. Appen. 92.

Piger quomodo vigilans effici possit. 1. p. 223.

Placens hominibus quomodo apparebit, & qualiter hoc vitium vitari possit. 1. p. 221.

Poenitentia qualis esse debeat. 1. p. 5. 207.

Poenitentia pro quibuscumque minimis culpis iniungenda. 2. p. 164. 165.

Poenitentia tarda. 2. p. 25.

Sine poenitentia peccata non remittuntur. 3. p. 224. 225.

In poenitentia mensura doloris magis quam temporis pensatur. 2. par. 275.

Poenitentiae fructus qui. 1. p. 207.

In poenitentijs publicis & canonicis dispensatio. 2. p. 276.

Poenitens ex corde quomodo suscipiendus. 1. p. 210.

Poe-

# I N D E X.

**Pœnitentis humiliatio.** 2.p.  
350. & seqq.  
**Pollutio nocturna** etiam in-  
voluntaria cito expian-  
da. 2.p. 215. & seqq.  
**Portaria qualis esse debeat.**  
3.p. 127.  
**Potus mensura.** 2.p. 41. 113.  
212. 236. 258. 276.  
**Præcepta altiora monacho-**  
**rum.** 2.p. 470.  
**Præcepta Dei consilijs præ-**  
**ponenda.** Append. 13.  
**Præcepta Dei quam pauci**  
**observant.** 2.p. 504.  
**Præcepta sublimiora Reli-**  
**giosis quam sæculari-**  
**bus imposita.** 2.p. 470.  
**Præceptum Dei de amando**  
**Deo vnum est & om-**  
**nia.** 1.p. 177.  
**Præceptum non soluendum**  
**propter amicitiam.** 1.p.  
13.  
**Prædicant Religiosi tacen-**  
**do.** 2.p. 504.  
**Præpositus a quo eligendus.**  
2.p. 60. & quomodo.  
2.p. 230.  
**Præpositi conditiones.** 1.p.  
86. & seqq. 2.par. 265.  
288.  
**Singulis diebus duas cate-**  
**cheses facere debet.** 1.p.  
86.

**Sine eius licentia nil agen-**  
**dum.** 1.p. 86.  
**Si quid perierit ante tres**  
**dies patri nunciare**  
**debet.** 1.p. 86.  
**Illo absente Maior ius ha-**  
**bet Præpositi.** 1.p. 94.  
**Præpositus negligens Abba-**  
**ti accusandus.** 1.p. 82.  
**Præpositus timendus vt Do-**  
**minus.** 1.p. 47.  
**Præsentia Dei iracundiam**  
**cohibet.** 1.p. 229.  
**In oratione sensus cohi-**  
**bet, & ab euagatione**  
**reuocat.** 1.p. 239. 240.  
**Præsumptio de Dei miseri-**  
**cordia.** App. 52.  
**Preces horariæ non persol-**  
**uendæ negligenter.** 1.p.  
13.  
**Priorissa qualis esse debeat.**  
125. 126. Vide. Abbatif-  
sa.  
**Probatio nouitiorum qualis**  
**esse debeat.** 1.p. 68. 192  
2.par. 53. 66. 123. 179.  
202. 247. 318. 342. 442.  
444. 445. 491. 496. &  
seqq. 3.p. 85.  
**Professionis forma.** 2.p. 53.  
248. 278. 279. 280. 440.  
492.  
**Proficiendum semper in vi-**  
**ta**



# I N D E X.

ta spirituali . App. 83.  
**An propositum hominis sa-**  
**tanus impedire possit .**  
 i. p. 279.

**Propositum monachi . 2. p.**  
 287.

**Proprietas fugienda. i. p. 36.**  
 49. 78. 80. 132. 133. 136.  
 211. 2. par. 37. 54. 60. 69.  
 82. 89. 101. 102. 125.  
 181. 188. 192. 204. 264.  
 288. 431. 476. 477. 478.  
 550. 3. p. 287.

**Proprijs communia antepo-**  
**nenda. i. p. 11.**

**Prouiores monasterij quales**  
**eligi oporteat. 2. p. 186.**

**Proximi dilectio. i. par. 182.**  
 214. & seqq. 259. 260.  
 3. p. 216. App. 25. 33. 35.

**De proximo non iudican-**  
**dum. i. p. 19.**

**Erga proximum qualiter nos**  
**gerere debeamus . 3. p.**  
 215. & seqq. App. 96.

**Pfallendi disciplina. 2. p. 31.**  
 38. 3. p. 91.

**Pfallendi modus. 2. p. 76. &**  
**seqq. 208. 209. 389. 396.**  
 538. & seqq.

**Pfallere sapienter quid sit.**  
 i. p. 240.

**Psalmi memoriter discendi.**  
 2. p. 126.

**Psalmi non combinandi. 2.**  
 p. 388.

**Psalms imponere nemini**  
**licet sine patris iussio-**  
**ne. i. p. 29. 65.**

**Psalterium memoriter di-**  
**scendum. 2. p. 126.**

**Pudicos Deus custodit. 3.**  
 p. 235.

**Puellarum educatio. 3. p. 192.**

**Puer David in Regem eligi-**  
**tur, & euz. App. 50.**

**Pueri qualiter corripiendi.**  
 2. p. 36.

**Pueri ludentes, & otiosi**  
**qualiter emendandi. i.**  
 par. 91.

**Cum pueris ab omnibus di-**  
**sciplina tenenda. 2.**  
 par. 57.

**Cum puero non loquen-**  
**dum. i. p. 2. 3. 13.**

**Pulchritudo quæ diligenda,**  
**& quæ contemnenda.**  
 App. 39.

**Puritas quanta requiritur ab**  
**eo, qui quotidie sacris**  
**mysterijs participat. 2.**  
 p. 542.

**Puniendi excessus. 2. p. 242.**  
 571.

**Purgatio vitiorum est secu-**  
**da Monachorum per-**  
**fectio. 2. p. 155.**

Qva

Q

**Q**UADRAGESIMA quomodo obseruanda. 2. p. 147.

48. 554. 3. p. 201.

In Quadragesima à vino, & oleo Monachi abstinebant. 2. p. 213. 245.

Vna sola fiebat refectio lucernaria. 2. p. 405.

Sedes non lauabantur. 2. p. 405.

Feria quinta non ieiunabatur. 2. p. 381.

Quadragesimæ significatio. 3. p. 199. & seqq.

Quadragesimæ oratio quando facienda. 2. p. 402.

Quadragesimale ieiunium. 2. p. 47. 403. 405. 554.

R

**R**ACA quid sit. 1. p. 255.

Reclusi siue retrusi. 2. p. 469. 492. 493.

Reclusi superbix periculo subiaceant. 2. p. 204.

Refectio quomodo, & qua hora sumenda. 2. p. 41.

42. 80. 81.

Ad refectionem nemini licet sibi quisquam peculiare procurare.

2. part. 80. 211.

Refectionem precedere debet oratio. 1. p. 4.

Refectionis tempore portæ monasterij claudendæ. 2. p. 210.

Refectionis tempore cum timore Dei lectio audienda. 2. p. 80.

Refectionis tempore regula legenda. 2. p. 372.

In refectorio omnes simul comedant. 1. p. 42.

Quibus horis reficiendum. 2. p. 552.

Regulæ monasticæ non proponunt omnimodâ perfectionem. 2. p. 64. 85. 198.

Regulæ patrum frequenter legenda. 2. p. 86.

Regligio ad quid instituta. App. 6. 67. 72.

Religio carcer. 2. p. 490.

Religio in quo consistat. 3. p. 44. 48.

In religione non debet esse personarum acceptio. 2. p. 138.

In religione multi cum praua intentione ingrediuntur. 2. p. 528.

A religione discedere summa dementia. Appen.

72.

72. & seqq. 91.  
 In religione nil vile aut ab-  
 iectum respuendum .  
 2. p. 205. 261. & seqq.  
 Quomodo probandi qui in  
 religionem veniunt . I.  
 p. 29. 30. 70. 192. 2. p.  
 53. 122. 123. 179. 202.  
 247. 285.  
 Religiosa professio sine lau-  
 dabili conuersatione  
 nihil prodest. Append.  
 133.  
 Ad religiosam perfectionem  
 media. 2. p. 16. 18. 514.  
 516.  
 Religiosi possunt habere bo-  
 na in communi. 2. par.  
 551. & seqq.  
 Non debent terrena sicut  
 gentes inquirere. 2. p.  
 286. 287. 357. 431. 527.  
 Duas tunicas habere non  
 possunt. 2. p. 127. 566.  
 Quomodo se gerere de-  
 bent erga suos paren-  
 tes. 1. p. 212. 213. 2. par.  
 103. 205.  
 Statum suum frequenter  
 cogitent. 2. p. 94.  
 Non se implicant nego-  
 tijs secularibus . 2. par.  
 85.  
 Non debent quærere sæ-

cularia sub prætextu  
 eleemosynæ faciendæ.  
 App. 8.  
 In nomine religiosi non glo-  
 riandum. 2. par. 55. 56.  
 123.  
 Religiosi status bona. 2. par.  
 94. 495. 496. Append.  
 94. 95.  
 Religiosis malis iudicium  
 timendum. 2. p. 94. 124.  
 Religiosis subueniri debet  
 secundum vniuscuiusq;  
 exigentiam. 2. p. 38. 561  
 & seqq.  
 Peccatum in Religioso hor-  
 rendum. App. 17.  
 Sæculares facile in religio-  
 sos mordaces. App. 17.  
 Religiosorum caritas mutua  
 2. p. 63. 121. 122. 576.  
 577.  
 Religiosum non facit vestis  
 mutatio. 2. p. 94. 124.  
 Religiosus solus non loqui-  
 tur cum extraneis. 2. p.  
 103.  
 Res inuentæ quomodo tra-  
 ctandæ. 2. p. 82. 187.  
 Reuerentia erga superiores  
 quanta esse debeat. 2. p.  
 121.  
 Ridere cum pueris aut æta-  
 te infirma iestas. 1. p. 90  
 Ari-

Arisu cauendum. 1.p.5.16.  
144. 195. 196. 219. 2 p.  
85. 132. 343. 344. 531.  
Rudis ad monasterium ve-  
niens quomodo instru-  
endus. 1.p.8.  
Contra rusticos sese non  
vindicanum. 3.p.86.

S

**S**ACERDOS ad mensam post  
Abbatem benedicere  
potest. 2.p.59.324.  
Sacerdos quo honore habē-  
dus. 2.p.432.  
Ex dignitate magis humi-  
litati studere debet. 2.p.  
59.  
Contumax e monasterio  
expellendus. 2.p.59.  
Scandalosus qualiter emen-  
dandus. 1.p.91.  
Sæculari monachus non de-  
bet commisceri. 1.p.2.  
Salutem humanam quanti  
desideret Deus. 2. par.  
306.  
Sacra scriptura memoriter  
discenda. 1.p.83. 2. par.  
395.  
Sacra scriptura effectus. 2.  
p.546. 3.p.209.  
Cum sæcularibus conuersari

perniciosum. 3.p.46.48  
Salutare parentes quomodo  
debeant moniales. 3.p.  
109.  
Sanctum esse quid sit. 1. par.  
257. Append. 17. & seq.  
48.  
Sarabaitæ monachorum ge-  
nus pessimum. 2.p. 11.  
310. 323.  
Scandalosus e monasterio in  
veste qua venit eijcien-  
dus. 1.p.49.50.  
Secreto nullus cum alio ma-  
neat. 2. p. 106.  
Secreta peccata secreto cor-  
rigenda. 2.p. 183.  
Senes qualiter in religione  
suscipiendi, & in via  
monastica dirigendi.  
2.p.260.  
Senes & infirmæ qualiter gu-  
bernandæ. 3.p.88.  
Senior qualem se erga fra-  
tres gerere debeat. 2.p.  
289.  
Seniore presente nulli quic-  
quam præsumendum  
nisi de eius licentia.  
1.p.37.  
Seniores non semper feruē-  
tiores. 3.p. 125. App.  
28. 50. 75.  
Senioribus cogitationes syn-  
ce-

cere aperiendæ. 1. par.

19.

Seniorum consilio in minoribus negotijs Abbas tractatur. 2. p. 15.

Sensus quinque virgines dicuntur. Appen. 140.

Qualiter correptioni subiacent, vel virginitatem custodiant. ibid.

Sensus sunt portæ mortis & vitæ. Appen. 139. 140.

Ex proprio sensu nil dicendum absque testimonio scripturarum. 1. p. 202.

Sensuum usus prauus. App. 140.

Silendum aliquando de rebus bonis. 2. p. 19. 50. 328. 331.

Silentij obseruantia. 1. par. 73. 80. 2. p. 19. 135. 154. 168. 176. 382. 584.

Silentium debet esse discretum. 1. p. 253.

Silentium in itinere seruandum. 1. p. 9. 14.

Simpliciores malitiosè peruertens quomodo puniendus. 1. p. 89.

Singularitatis bona. Appen. 116. 117.

Sobrietatis bona. 1. p. 194. 3. p. 46.

Sobrietas in refectione seruanda. 1. p. 15. 20. 2. p. 144. 556. 557. 560.

Sobrietatis conditiones. 3. p. 167. & seqq.

Societas cum magnatibus non ineunda. 1. p. 3.

Societatis pericula. Appen. 116. & seqq.

Sollicitudo nimia temporarium vitiosa. 1. par. 120. 249. 255. 268. 3. p. 190. 191.

Omnis animi sollicitudo secularis est, si non pertineat ad religionem. &c. 1. p. 220.

Solitaria vita cur a sanctis instituta. 2. p. 488.

Vitæ solitariæ bona. 2. p. 497. & seqq. App. 116. 117.

Quot solitarij simul habitare debeant. 2. p. 495.

Solitariorum duo sunt genera. 2. p. 468. & qui eorum auctores. ibid.

Solitariorum conuersatio a quo normam sumere debeat. 2. p. 504.

Qualis debeat esse solitarius. 2. p. 499. & seqq. 502.

Solitudinis necessitas. 1. p. 184. Eius

# I N D E X.

Eius utilitas ad obseruationem mandatorum diuinorum. 2.p. 517.  
 Solitudo ad perfectionem. via. 2.p. 489.  
 Contra somnia impudica. 1.p. 206. 127.  
 Somnijs non credendum. 2.p. 594.  
 Somniorum causæ variae. 2.p. 594.  
 Stultus in hoc sæculo qualiter quis fieri possit. 1.p. 280.  
 Superbia quid sit. 1.p. 264. & App. 90.  
 Superbia sancta quæ. App. 90.  
 Superbiæ malum. 2.p. 124. Appen. 42. 47. 90. 103. 104. 129.  
 Superbiæ poena est luxuria. App. 104.  
 Superbus quomodo intelligitur & curatur. 1.par. 222. 264.  
 Superior. Vide Abbas.  
 Superior acceptionem personarum non habeat. 1.p. 124. 125. 143. 2.p. 13. 3.p. 82.  
 Ametur vt timeatur. 2.p. 121. 141.  
 Auctoritatem suam ser-

uare tenetur circa subditos. 2.p. 192.  
 Cum qua reuerentia moneri debeat. 2.p. 28.  
 Curam habere debet magnam de salute inferiorum. 1.p. 127. & seqq.  
 Faciat quod iubet. 1. par. 124. 125. 128.  
 Fratres vt deposita consideret. 1.p. 126. 127.  
 Iudicabitur de subditorum erratis. 1. p. 126. 128.  
 Omnia cum consilio faciat. 2.p. 15. & 3.p. 82.  
 Non imponat onera extraordinaria. App. 120.  
 Seruos non æstimet inferiores suos. 1.p. 125.  
 Non sit tyrannus. 2.p. 35. 141. 193.  
 Non sit zelotypus aut suspiciosus. 2.p. 59.  
 Omnia necessaria det. 1.p. 124. 125. 143. 2.p. 38. 340. 341.  
 Quomodo imperare debeat. 2.p. 75. 141. 289.  
 Sit prudens & medicus. 2.p. 35. 141.  
 Regulam in omnibus cōseruet. 2. p. 59.  
 Contra superiorem recursus. 2.p. 167. 280.

C c      Su.

# I N D E X.

Superiori bona fama est necessaria. 3.p.52.  
 Superioris gaudium. 1.par. 127.3.p.14.  
 Superiorum subordinatio : 2.p.266.  
 Seueritatis necessitas. App. 132.133.136.137.

## T

**T**ACENDVM interdum a bonis eloquijs. 2.p.19.  
 Tacere & audire discipulo conuenit. 2.p.220.  
 Taciturnitas qualis esse debeat. 2.p.326.  
 Taciturnitatis necessitas. 1.p. 253.288.  
 Talentum abscondere quid sit. 174.  
 Tangere alium non licet. 1.p. 78.2.p.244.  
 Temporalium administratio monachis fugienda. 3.p. 218.  
 Temporis distributio. 1.par. 27.41. 2.p. 46.69.  
 Tentationes vitandæ. 3. p. 46.  
 Contra tentationes carnis. 3.p.206.  
 Contra tentationes fortiter pugnandum. 1.p.22.

Contra tentationes remedia. 2.p.355.  
 Tentationum causa est conuersatio cum secularibus. 3.p.189.  
 Tentationum diuersa genera. 2.p. 591. 592.  
 Tentationum utilitas. 2.par. 591. 592.  
 Quomodo intelligendum illud: Orate vt non intretis in tétationē. 1.p.270.  
 Diabolus non tentat seculares. App. 69.85.  
 Tepidi monachi non sunt religiosi. App. 71.72.79 83.98. 99.  
 Terra tributis subiecta non ferenda. 1.p. 3.  
 Vsq; ad Tertiam non manducandum. 2.p.133.  
 Testamentum sancti Cæsarii. 3.p.52. & seqq.  
 Testamentum vetus non legendum carnaliter. 3.p. 169.  
 Testari monachis non licet. 1.p.136.137.  
 Theoriæ a praxi differentia. 1.p. 188.  
 Thesaurus bonus aut malus quis sit. 1.p.253.  
 Cur tondeantur monachi, 2.p.468, & seqq.  
 Pri-

# I N D E X.

Primæ tonsuræ monachorū  
cæremoniæ. 2.p. 446.

Tribus monachorum quid  
sit. 1.p. 65.

Tristitia secundum Deum &  
tristitia sæculi. 1. par.  
219.

Tumens quis sit. 1.p. 264.

Tunicam dare an omnibus  
liceat. 1.p. 237.

Duas Tunicas habere quid  
sit. 2.p. 127. 566.

Turpiloquium monachis vi-  
tandum. 2.p. 132.

Turris extruenda, quæ, quo-  
modo, & quibus sum-  
ptibus. Append. 32.

## V

**V**ANA gloria. 2.p. 156. 240.  
506. 595. 596.

Vanitas in monialibus. 3.p.  
212.

Vnitate labor monachi pe-  
rit. 2.p. 256.

Velle, & non tantum habere  
damnabile est. 2. par.  
155.

Venatio monachis prohibi-  
ta. 2.p. 138.

Vendendæ res monasterij vi-  
lius quam a sæculari-  
bus. 2.p. 52. 433. 550.

Venîa ab iniicem petenda.  
1.p. 112. 226. 2.p. 90. 91.  
102. 350. 351.

Venia a fratribus publicè  
poenitentibus petenda.  
2.p. 350. 351.

Verbum otiosum quid sit.  
1.p. 215. illicitum. 2.p.  
70.

Ex vestibus vnusquisque co-  
gnoscitur. 1.p. 201.

Vestimenta non debeat esse  
nimis vilia. 2.p. 137. 192  
214. 556. 565.

Nec pretiosa. 1.p. 6. 200,  
256. 2.p. 51.

Super sufficientiam non  
requirenda. 2. par. 127.  
234.

Debent esse in communi.  
1.p. 136.

Vnius formæ. 1.p. 200.

Via ad Deum vnica quæ nã  
sit. Append. 126. 129.

Via lata & arcta quomodo  
intelligenda. 1. par. 254.

Latam & spatiosam om-  
nes quærunt. 2.p. 528.  
529.

Vicarij & adiutores diaboli  
qui sint. Append. 146.  
147.

Vigiliæ qualiter faciendæ  
2.p. 398.

C c 2 Ab



**A**b eis nulli nisi ob infirmitatem, aut gravem necessitatem abesse licet. 2. p. 126.  
**Vini** mensura Monachis concessa. 2. p. 42.  
**Vini** necessitas. 3. p. 285.  
**Vino** panis intinctus. 2. par. 515. 516.  
**Vino** captus nullum peccatum vincere valet. 2. par. 250.  
**Vinum** est fomentum libidinis. App. 27.  
**Non** est Monachorum. 2. p. 42. 144. 286. 559.  
**Parce** & medicinaliter sumendum. 3. p. 171.  
**Sabbato**, & **Dominica** concessum. 2. p. 70.  
**Virgines** fatuæ, vel prudentes, quænam sine. App. 139. & seqq.  
**Quomodo** corrumpuntur. ibid.  
**Virgines** sunt melior pars Ecclesiæ. 3. p. 159. 160. 164.  
**Eas** præsertim modestia decet. 3. p. 161. Appen. 24. 106.  
**Nil** superflui habere debent. App. 114.  
**Vitare** debent virorum con-

versationem. App. 110.  
 116. 123. 151. 152. 166. 167.  
**Quantum** à quolibet peccato sibi cauere debeant. Appen. 17. 100. 106. 140. 145.  
**Quomodo** se ornare debeant. App. 22. 23. 114.  
**Sermones** earum debent esse pudici. App. 26.  
**Infidelis** est, quæ Christum pro homine dimittit. 3. p. 158. 203. 205.  
**Virginibus** desidiis vitur diabolus ad illaqueandos simplices. App. 98.  
**Virginum** & nuprarum studia varia. 3. p. 61.  
**Virginitas** secunda. 3. p. 160. 164.  
**Virginitas** sola non sufficit. App. 12. 16. 22. 100. 140.  
**Melior** est coniugalis humilitas, quam superba virginitas. App. 100. 141.  
**Virginitatis** custodia difficilis. Appen. 10. 11.  
**Eius** privilegia & excellentiæ. 3. par. 158. 160. 162. 203. 212. 226. 227. App. 9. 10. 22.  
**Virgo** quomodo cogitat quæ Domini sunt. App. 17.  
 Quo-

# I N D E X .

- Quomodo possit esse sancta corpore & spiritu .**  
App.20.
- Viri ad monachatum cum vxore & filijs venientes qualiter absq; periculo viuere valeant . 2.**  
p. 258.
- Virtus animæ in quo consistat.** App.32.& seqq.
- Virtutis descriptio .** 1.p. 178.
- Vita actius & contemplatiua quid sit . 2.** p. 280. 480.
- Earum differentia . 2.** par. 482.483.
- Per actiuam transeundum ad contemplatiuam , & quomodo . 2.** p.482. 483.
- Vita contemplatiua nihil felicius . 2.** par. 484. & seqq.
- Vita contemplatiua quæ & quanta sit in hac vita .** 2.p.485,
- In vita spiritali semper crescendum . 2.** p.83.
- Vitæ communis commoda .** 1.p.186.187.2.p.495.
- Vitæ solitarię bona . 2.** p.497. & seqq.
- Eius pericula . 1.** p.188.
- Vitia monachorum . 2.** p.266. & seqq.
- Contra vitia quotidie pugnandum . 2.** p.94.
- Vitijs ab initio resistendum .** App.76.81.
- Voluntas propria non sequenda . 1.** par.230.304. 2.p.15.21.257.266.319: 515. App.75.
- Nil Deo tam gratum quam si voluntas propria frāgatur . 2.** p. 258.
- Voluntatem suam faciens aliam mercedem non habet . 1.** p.224.

## Z

- Zelus bonus & malus** 2.p.63.
- Zelus Dei in quo consistat .** 1.p.229.
- Zelotypus est Christus . 2.** p. 272.
- Zelotypus Abbas esse non debet . 2.** p.59.

E X P L I C I T .











Österreichische Nationalbibliothek



+Z17031700





